

Breuiarium Romanum

EX DECRETO

SACROSANCTI CONCILII TRIDENTINI

RESTITUTUM

S. Pii V. Pontificis Maximi

IUSSU EDITUM

ALIORUMQUE PONTIFICUM

CURA RECOGNITUM

Pii Papae X

AUCTORITATE REFORMATUM

Editio juxta typicam amplificata

PARS VERA



ROMÆ, TORNACI, PARISIIS

Typis Societatis S. Joannis Evangelistæ

DESCLÉE & Socii

S. Sedis Apostolicæ et S. Rituum Congreg. Typographi



Ludovicus Delmotte

DEI ET APOSTOLICÆ SEDIS GRATIA

EPISCOPUS TORNACENSIS

Omnibus has visuris salutem in Domino



UM juxta tenorem authenticorum S. R. C. decretorum et ad normam Canonis 1390, nulli typographo fas sit librorum liturgicorum in totum vel ex parte editionem suscipere vel evulgare, nisi prius eam Ordinarius loci declaratione munierit, qua de perfecta ejus concordantia cum archetypis Romanis exemplaribus constet; hinc est quod Nos dilectis Filiis DESCLÉE & SOCIIS in hac nostra civitate Tornacensi, novam editionem liturgicam parantibus, censorem peritum deputavimus, qui collatione facta diligentissime testaretur illam cum authentico suo Originali rite omnino convenire.

Oblatum vero opus absolutum cui titulus : BREVIARIUM ROMANUM in-18° [Pars Verna] juxta editionem typicam; postquam, ex prædicti censoris testimonio in scriptis obtento, fuimus legitime informati illud cum originalibus a S. R. C. approbatis necnon cum recentioribus decretis ad amussim concordare, excusum approbavimus evulgandique licentiam dedimus, prout per præsentis approbamus ac licentiam damus.

In quorum fidem hasce litteras subsignavimus, sigilloque nostro ac Secretarii nostri chirographo muniri fecimus, Tornaci, die 6^a mensis Junii anno MCMXLII.

L. † S.

✠ Ludovicus, Epus Tornac.

De mandato Illmi ac Rmi DD. Episcopi :

A. CRAME, *Can. a Secret.*

SUMMA BULLARUM

SUMMORUM PONTIFICUM

PRO EDITIONE HUIUS BREVIARII



IUS V Bulla, quæ incipit : « Quod a nobis », data Romæ septimo Idus Julii anno 1568, significat causam edendi hujus Breviarii, nempe ad tollendam orandi varietatem. Enarrat ea, quæ in hac re præstiterè Paulus et Pius nomine Quarti, et quam ipse adhiberi operam curavit, ex Decreto Concilii Tridentini. Tollit et abolet omnino Breviarium, a Cardinale S. Crucis compositum, quod erat brevissimum. Item alia Breviaria Romana, et alia, quæ ex institutione, vel consuetudine legitima non superant ducentos annos. Permittit tamen ut antiquiora ducentis annis possint mutari in hoc Breviarium, iis omissis, si Episcopus, et universum Capitulum consentiant. Revocat omnes permissiones, consuetudines, statuta, privilegia, licentias, et indulta precandi, et psallendi more et ritu prædictorum Breviariorum suppressorum. Præcipit observari hoc Breviarium in toto orbe, cum exceptione 200 annorum, de quo supra. Statuit in eo nihil mutandum, addendum, et detrahendum. Obligat quosque, qui tenentur Horas Canonicas recitare, ut hoc utantur Breviario, alias non satisfaciant muneri suo. Jubet omnibus Prælatiis, ut hoc introducant tam in choro, quam extra chorum. Tollit peccati obligationem, quæ erat, recitandi in choro Officium parvum B. M. V. et Defunctorum, Psalmos Pœnitentiales et Graduales, juxta Rubricas Breviarii. Hortatur, ut recitentur eadem, propositis indulgentiis dierum centum recitantibus Officium parvum B. M. V. et Defunctorum : quinquaginta recitantibus Psalmos Pœnitentiales et Graduales, quando Rubricæ ea præscribant. Non tamen tollit laudabilem consuetudinem, ubi est, recitandi Officium parvum B. M. V. in choro, imo eandem confirmat, et tandem tempus decernit obligationis ad usum Breviarii post ejusdem publicationem.



IUS X in Bulla « Divino afflatu » edita Kalendis Novembribus anno 1911, exorsus a laudibus Psalmorum, qui ad excitanda virtutum omnium studia mirifice valeant, veterem illustrat Ecclesiæ consuetudinem integrum Psalterium in divino Officio per singulas hebdomadas usurpandi : quam consuetudinem S. Pius V, Clemens VIII, Urbanus VIII cum Breviarium Romanum recognoscerent, confirmarunt. Hanc ipsam ut revocaret, quæ sensim, ob auctum Officiorum de Sanctis numerum, defecerat, negotium se dedisse ait delectis aliquot

viris, qui alia quadam ratione Psalterium per hebdomadam disponerent, cauto quidem ne de Sanctorum cultu quidquam decederet, neve Clericis divini Officii onus molestius, quin etiam temperatius evaderet. Itaque dispositionem Psalterii ab iis factam cum suis Rubricis et Regulis, ratam habet, ejusque editionem authenticam e Typographia Vaticana evulgari jubet : simul abolito Psalterii usitato ordine, et ejus usu inde a Kalendis Januariis anni 1913 interdicto, omnibus, quicumque Horas Canonicas juxta Breviarium Romanum debent quotidie persolvere, præcipit, ut ex eo ipso die Psalterium novum adhibeant edictique, secus si fecerint, officio non satisfacturos.



DE ANNO ET EJUS PARTIBUS

ANNUS menses habet duodecim, hebdomadas duas et quinquaginta, et diem unum: dies vero trecentos sexaginta quinque, et fere sex horas; tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt; hinc annus ille intercalaris, Bissextus vel Bissextilis dicitur.

De anni correctione ejusque necessitate, ac Kalendario gregoriano

QUOD dictum est, annum continere trecentos et sexaginta quinque dies, et fere sex horas, intelligendum est sex horas non esse integras, cum ad earum complementum aliqua minuta deficient.

Ex quorum minutorum neglectu progressum est, ac si annus ultra dies 365 contineret integras sex horas: et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem; qui causam dederunt ut Æquinoctium vernum sedem suam mutaverit.

Cui malo occurrens Gregorius XIII, non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582 præcedendo recesserat, quod a Conci-

lio ad xij Kalendas Aprilis fuerat constitutum, et xiv Lunam Paschalem suo in loco reposuit; sed viam quoque tradidit et rationem, qua caveretur ut in posterum et Æquinoctium vernum et xiv Luna Paschalis a propriis sedibus numquam removerentur.

Ut enim Æquinoctium vernum ad xij Kalendas Aprilis restitueretur, statuit ut dicti decem dies in mense Octobris ipsius anni 1582 eximerentur; ut post quartam diem Octobris sancto Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xij Kalendas Aprilis Æquinoctium vernum recederet, statuit idem Gregorius, Bissextum quarto quoque anno (ut mos est) continuari debere, præterquam in centesimis annis: qui quamvis Bissextiles antea semper fuerint, qualem etiam esse voluit annum 1600 anno correctionis proximum, post eum tamen qui deinceps consequentur centesimi, non omnes Bissextiles essent, sed in quadringentis quibusque annis primi quique tres centesimi sine Bissexto transigerentur; quartus vero quisque centesimus esset Bissextilis, ita ut annus 1700, 1800, 1900 Bissextiles non sint, anno vero 2000 more

consuetudo dies Bissextus intercalatur, Februario dies 29 contingente; idemque ordo intermittendi intercalandique Bissextum diem in quadringentis quibusque annis perpetuo conservaretur.

Quatuor Tempora

Quatuor Tempora celebrantur quarta et sexta FERIA ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

De nuptiarum celebratione

Matrimonium quolibet anni tempore contrahi potest. — 2 Solemnis tantum Nuptiarum benedictio vetatur a Dominica I Adventus usque ad diem Nativitatis Domini inclusive, et a FERIA IV Cinerum usque ad Dominicam Paschatis inclusive. — 3 Ordinarii tamen locorum possunt, salvis legibus liturgicis, etiam prædictis temporibus, eam permittere ex justa causa, monitis sponsis ut a nimia pompa abstineant.



Tabula Paschalis antiqua reformata

AUR. NUM.	CYCLUS EPACTARUM	LITT. DOM.	SEPTUAG.	DIES CINERUM	PASCHA	ASCENSIO	PENTECOST.	CORP. CHRISTI	DOM. P. PENT.	DOM. I ADV.
16 5	xxiiij xxij xxj	d	Jan. 18	Febr. 4	Mar. 22	Apr. 30	Maii 10	Maii 21	28	29 N.
13	xx	e	19	5	23	1 Maii	11	22	28	30
2	xix	f	20	6	24	2	12	23	28	1 D.
		g	21	7	25	3	13	24	28	2
10	xviiij xvij xvj	A	22	8	26	4	14	25	28	3
18	xv	b	23	9	27	5	15	26	27	27 N.
7	xiv	c	24	10	28	6	16	27	27	28
		d	25	11	29	7	17	28	27	29
		e	26	12	30	8	18	29	27	30
15	xiiij xij xj	f	27	13	31	9	19	30	27	1 D.
4	x ix	g	28	14	1 Ap.	10	20	31	27	2
		A	29	15	2	11	21	1 Jun.	27	3
12		b	30	16	3	12	22	2	26	27 N.
		c	31	17	4	13	23	3	26	28
1	viiij vij vj	d	1 Fe.	18	5	14	24	4	26	29
9	v iv	e	2	19	6	15	25	5	26	30
		f	3	20	7	16	26	6	26	1 D.
17		g	4	21	8	17	27	7	26	2
		A	5	22	9	18	28	8	26	3
6	iiij ij j	b	6	23	10	19	29	9	25	27 N.
14	*	c	7	24	11	20	30	10	25	28
3	xxix	d	8	25	12	21	31	11	25	29
		e	9	26	13	22	1 Jun.	12	25	30
		f	10	27	14	23	2	13	25	1 D.
11	xxviiij xxvij xxvj	g	11	28	15	24	3	14	25	2
19	xxv xxiv	A	12	1 Mar.	16	25	4	15	25	3
8		b	13	2	17	26	5	16	24	27 N.
		c	14	3	18	27	6	17	24	28
		d	15	4	19	28	7	18	24	29
		e	16	5	20	29	8	19	24	30
		f	17	6	21	30	9	20	24	1 D.
		g	18	7	22	31	10	21	24	2
		A	19	8	23	1 Jun.	11	22	24	3
		b	20	9	24	2	12	23	23	27 N.
		c	21	10	25	3	13	24	23	28

Tabula Paschalis nova reformata

LITT. DOMIN.	CYCLUS EPACTARUM	SEPTUAGE- SIMA	DIES CINERUM
D	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	18 Januarii 25 Januarii 1 Februarii 8 Februarii 15 Februarii	4 Februarii 11 Februarii 18 Februarii 25 Februarii 4 Martii
E	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	19 Januarii 26 Januarii 2 Februarii 9 Februarii 16 Februarii	5 Februarii 12 Februarii 19 Februarii 26 Februarii 5 Martii
F	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	20 Januarii 27 Januarii 3 Februarii 10 Februarii 17 Februarii	6 Februarii 13 Februarii 20 Februarii 27 Februarii 6 Martii
G	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	21 Januarii 28 Januarii 4 Februarii 11 Februarii 18 Februarii	7 Februarii 14 Februarii 21 Februarii 28 Februarii 7 Martii
A	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	22 Januarii 29 Januarii 5 Februarii 12 Februarii 19 Februarii	8 Februarii 15 Februarii 22 Februarii 1 Martii 8 Martii
B	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	23 Januarii 30 Januarii 6 Februarii 13 Februarii 20 Februarii	9 Februarii 16 Februarii 23 Februarii 2 Martii 9 Martii
C	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	24 Januarii 31 Januarii 7 Februarii 14 Februarii 21 Februarii	10 Februarii 17 Februarii 24 Februarii 3 Martii 10 Martii

Tabula Paschalis nova reformatata

PASCHA	ASCENSIO	PENTEC.	CORPUS CHRISTI	DOM. P. PENT.	DOM. I. ADVENTUS
22 Martii	30 Aprilis	10 Maii	21 Maii	28	29 Novembris
29 Martii	7 Maii	17 Maii	28 Maii	27	29 Novembris
5 Aprilis	14 Maii	24 Maii	4 Junii	26	29 Novembris
12 Aprilis	21 Maii	31 Maii	11 Junii	25	29 Novembris
19 Aprilis	28 Maii	7 Junii	18 Junii	24	29 Novembris
23 Martii	1 Maii	11 Maii	22 Maii	28	30 Novembris
30 Martii	8 Maii	18 Maii	29 Maii	27	30 Novembris
6 Aprilis	15 Maii	25 Maii	5 Junii	26	30 Novembris
13 Aprilis	22 Maii	1 Junii	12 Junii	25	30 Novembris
20 Aprilis	29 Maii	8 Junii	19 Junii	24	30 Novembris
24 Martii	2 Maii	12 Maii	23 Maii	28	1 Decembris
31 Martii	9 Maii	19 Maii	30 Maii	27	1 Decembris
7 Aprilis	16 Maii	26 Maii	6 Junii	26	1 Decembris
14 Aprilis	23 Maii	2 Junii	13 Junii	25	1 Decembris
21 Aprilis	30 Maii	9 Junii	20 Junii	24	1 Decembris
25 Martii	3 Maii	13 Maii	24 Maii	28	2 Decembris
1 Aprilis	10 Maii	20 Maii	31 Maii	27	2 Decembris
8 Aprilis	17 Maii	27 Maii	7 Junii	26	2 Decembris
15 Aprilis	24 Maii	3 Junii	14 Junii	25	2 Decembris
22 Aprilis	31 Maii	10 Junii	21 Junii	24	2 Decembris
26 Martii	4 Maii	14 Maii	25 Maii	28	3 Decembris
2 Aprilis	11 Maii	21 Maii	1 Junii	27	3 Decembris
9 Aprilis	18 Maii	28 Maii	8 Junii	26	3 Decembris
16 Aprilis	25 Maii	4 Junii	15 Junii	25	3 Decembris
23 Aprilis	1 Junii	11 Junii	22 Junii	24	3 Decembris
27 Martii	5 Maii	15 Maii	26 Maii	27	27 Novembris
3 Aprilis	12 Maii	22 Maii	2 Junii	26	27 Novembris
10 Aprilis	19 Maii	29 Maii	9 Junii	25	27 Novembris
17 Aprilis	26 Maii	5 Junii	16 Junii	24	27 Novembris
24 Aprilis	2 Junii	12 Junii	23 Junii	23	27 Novembris
28 Martii	6 Maii	16 Maii	27 Maii	27	28 Novembris
4 Aprilis	13 Maii	23 Maii	3 Junii	26	28 Novembris
11 Aprilis	20 Maii	30 Maii	10 Junii	25	28 Novembris
18 Aprilis	27 Maii	6 Junii	17 Junii	24	28 Novembris
25 Aprilis	3 Junii	13 Junii	24 Junii	23	28 Novembris

Tabella temporaria Festorum mobilium

ANNO DOMINI	LITTERÆ DOMIN.	AUREUS NUMERUS	EPACTÆ	SEPTUAGE- SIMA	DIES CINERUM	PASCHA
1942	d	5	xiiij	1 Februarii	18 Februarii	5 Aprilis
1943	c	6	xxiv	21 Februarii	10 Martii	25 Aprilis
1944	b A	7	v	6 Februarii	23 Februarii	9 Aprilis
1945	g	8	xvj	28 Januarii	14 Februarii	1 Aprilis
1946	f	9	xxvij	17 Februarii	6 Martii	21 Aprilis
1947	e	10	viiij	2 Februarii	19 Februarii	6 Aprilis
1948	d c	11	xix	25 Januarii	11 Februarii	28 Martii
1949	b	12	*	13 Februarii	2 Martii	17 Aprilis
1950	A	13	xj	5 Februarii	22 Februarii	9 Aprilis
1951	g	14	xxij	21 Januarii	7 Februarii	25 Martii
1952	f e	15	iiij	10 Februarii	27 Februarii	13 Aprilis
1953	d	16	xiv	1 Februarii	18 Februarii	5 Aprilis
1954	c	17	25	14 Februarii	3 Martii	18 Aprilis
1955	b	18	vj	6 Februarii	23 Februarii	10 Aprilis
1956	A g	19	xvij	29 Januarii	15 Februarii	1 Aprilis
1957	f	1	xxix	17 Februarii	6 Martii	21 Aprilis
1958	e	2	x	2 Februarii	19 Februarii	6 Aprilis
1959	d	3	xxj	25 Januarii	11 Februarii	29 Martii
1960	c b	4	ij	14 Februarii	2 Martii	17 Aprilis
1961	A	5	xiiij	29 Januarii	15 Februarii	2 Aprilis
1962	g	6	xxiv	18 Februarii	7 Martii	22 Aprilis
1963	f	7	v	10 Februarii	27 Februarii	14 Aprilis
1964	e d	8	xvj	26 Januarii	12 Februarii	29 Martii
1965	c	9	xxvij	14 Februarii	3 Martii	18 Aprilis
1966	b	10	viiij	6 Februarii	23 Februarii	10 Aprilis
1967	A	11	xix	22 Januarii	8 Februarii	26 Martii
1968	g f	12	*	11 Februarii	28 Februarii	14 Aprilis
1969	e	13	xj	2 Februarii	19 Februarii	6 Aprilis
1970	d	14	xxij	25 Januarii	11 Februarii	29 Martii
1971	c	15	iiij	7 Februarii	24 Februarii	11 Aprilis
1972	b A	16	xiv	30 Januarii	16 Februarii	2 Aprilis
1973	g	17	25	18 Februarii	7 Martii	22 Aprilis
1974	f	18	vj	10 Februarii	27 Februarii	14 Aprilis

Tabella temporaria Festorum mobilium

ANNO DOMINI	ASCENSIO	PENTE- COSTES	CORPUS CHRISTI	INDICTIO	DOMINICÆ P. PENTEC.	DOMINICA I. ADVENTUS	LITT. MART.
1942	14 Maji	24 Maji	4 Junii	10	26	29 Novembris	n
1943	3 Junii	13 Junii	24 Junii	11	23	28 Novembris	E
1944	18 Maji	28 Maji	8 Junii	12	26	3 Decembris	e
1945	10 Maji	20 Maji	31 Maji	13	27	2 Decembris	r
1946	30 Maji	9 Junii	20 Junii	14	24	1 Decembris	H
1947	15 Maji	25 Maji	5 Junii	15	26	30 Novembris	h
1948	6 Maji	16 Maji	27 Maji	1	27	28 Novembris	u
1949	26 Maji	5 Junii	16 Junii	2	24	27 Novembris	P
1950	18 Maji	28 Maji	8 Junii	3	26	3 Decembris	I
1951	3 Maji	13 Maji	24 Maji	4	28	2 Decembris	C
1952	22 Maji	1 Junii	12 Junii	5	25	30 Novembris	c
1953	14 Maji	24 Maji	4 Junii	6	26	29 Novembris	P
1954	27 Maji	6 Junii	17 Junii	7	24	28 Novembris	F
1955	19 Maji	29 Maji	9 Junii	8	25	27 Novembris	f
1956	10 Maji	20 Maji	31 Maji	9	27	2 Decembris	s
1957	30 Maji	9 Junii	20 Junii	10	24	1 Decembris	N
1958	15 Maji	25 Maji	5 Junii	11	26	30 Novembris	k
1959	7 Maji	17 Maji	28 Maji	12	27	29 Novembris	B
1960	26 Maji	5 Junii	16 Junii	13	24	27 Novembris	b
1961	11 Maji	21 Maji	1 Junii	14	27	3 Decembris	n
1962	31 Maji	10 Junii	21 Junii	15	24	2 Decembris	E
1963	23 Maji	2 Junii	13 Junii	1	25	1 Decembris	e
1964	7 Maji	17 Maji	28 Maji	2	27	29 Novembris	r
1965	27 Maji	6 Junii	17 Junii	3	24	28 Novembris	H
1966	19 Maji	29 Maji	9 Junii	4	25	27 Novembris	h
1967	4 Maji	14 Maji	25 Maji	5	28	3 Decembris	u
1968	23 Maji	2 Junii	13 Junii	6	25	1 Decembris	P
1969	15 Maji	25 Maji	5 Junii	7	26	30 Novembris	I
1970	7 Maji	17 Maji	28 Maji	8	27	29 Novembris	C
1971	20 Maji	30 Maji	10 Junii	9	25	28 Novembris	c
1972	11 Maji	21 Maji	1 Junii	10	27	3 Decembris	p
1973	31 Maji	10 Junii	21 Junii	11	24	2 Decembris	F
1974	23 Maji	2 Junii	13 Junii	12	25	1 Decembris	f

Kalendarium

JANUARIUS

C.E. L.D.	D.M.			
	A	Kal.	1	CIRCUMCISIO DOMINI et Octava Nativitatis, duplex II classis. Dom. inter Circumcisionem et Epiphaniam — SSMI NOMINIS JESU, dupl. II class.
29	b	iv	2	Octava S. Stephani Protomart., simplex.
28	c	iiij	3	Octava S. Joannis Ap. et Ev., simplex.
27	d	Prid.	4	Octava Ss. Innocentium Mm., simplex.
26	e	Non.	5	Vigilia Epiphaniæ, semidupl. Com. S. Telesphori Papæ et Mart.
25	25	f	viiij	6 EPIPHANIA DOMINI, dupl. I cl. cum Octava privilegiata II Ordinis. Dom. infra Octavam Epiphaniæ — Sanctæ Familiae, Jesu, Mariæ, Joseph, dupl. maj. Com. Dominicæ et Octavæ.
24	g	vij	7	De II die infra Oct. Epiphaniæ, semidupl.
23	A	vj	8	De III die infra Octavam, semidupl.
22	b	v	9	De IV die infra Octavam, semidupl.
21	c	iv	10	De V die infra Octavam, semidupl.
20	d	iiij	11	De VI die infra Octavam, semidupl. Com. S. Hygini Papæ et Mart.
19	e	Prid.	12	De VII die infra Octavam, semidupl.
18	f	Idib.	13	Octava Epiphaniæ, dupl. maj.
17	g	xix	14	S. Hilarii Ep., Conf. et Eccl. Doct., dupl. Com S. Felicis Presb. et Mart.
16	A	xviiij	15	S. Pauli primi Eremitæ, Conf., dupl. Com. S. Mauri Abb.
15	b	xvij	16	S. Marcelli I Papæ et Mart., semidupl.
14	c	xvj	17	S. Antonii Abb., dupl.
13	d	xv	18	Cathedra S. Petri Romæ, dupl. maj. Com. S. Pauli Ap. ac S. Priscæ Virg. et Mart.
12	e	xiv	19	Ss. Marii, Marthæ, Audifacis et Abachum Mm., simplex. Com. S. Canuti Regis, Mart.
11	f	xiiij	20	Ss. Fabiani Papæ et Sebastiani Mm., dupl.
10	g	xij	21	S. Agnetis Virg. et Mart., dupl.
9	A	xj	22	Ss. Vincentii et Anastasii Mm., semid.
8	b	x	23	S. Raymundi de Peñafort Conf., semid. Com. S. Emerentianæ Virg. et Mart.
7	c	ix	24	S. Timothei Ep. et Mart., dupl.
6	d	viiij	25	Conversio S. Pauli Ap., dupl. maj. Com. S. Petri Apostoli.

C.E. L.D.

D.M.

5	e	vij	26	S. Polycarpi Ep. et Mart., dupl.
4	f	vj	27	S. Joannis Chrysostomi Ep., Conf. et Eccl. Doct., duplex.
3	g	v	28	S. Petri Nolaschi Conf., dupl. Com. S. Agnetis Virg. et Mart. secundo.
2	A	iv	29	S. Francisci Salesii Ep., Conf. et Eccl. Doct. dupl.
1	b	iiij	30	S. Martinæ Virg. et Mart., semidupl.
*	c	Prid.	31	S. Joannis Bosco Conf., dupl.

FEBRUARIUS

29	d	Kal.	1	S. Ignatii Ep. et Mart., dupl.
28	e	iv	2	PURIFICATIO B. M. V. dupl. II class.
27	f	iiij	3	S. Blasii Ep. et Mart., simplex.
25 26	g	Prid.	4	S. Andreæ Corsini Ep. et Conf., dupl.
25 24	A	Non.	5	S. Agathæ Virg. et Mart., dupl.
23	b	viiij	6	S. Titi Ep. et Conf., dupl. Com. S. Dorotheæ Virg. et Mart.
22	c	vij	7	S. Romualdi Abb., dupl.
21	d	vj	8	S. Joannis de Matha Conf., dupl.
20	e	v	9	S. Cyrilli Ep. Alexandrini, Conf. et Eccl. Doct., dupl. Com. S. Apolloniæ Virg. et Mart.
19	f	iv	10	S. Scholasticæ Virg., dupl.
18	g	iiij	11	Apparitio B. M. V. Immaculatæ, dupl. maj.
17	A	Prid.	12	Ss. Septem Fundatorum Ordinis Servorum B. M. V. Confessorum, dupl.
16	b	Idib.	13	
15	c	xvj	14	S. Valentini Presb. et Mart., simplex.
14	d	xv	15	Ss. Faustini et Jovitæ Mm., simplex.
13	e	xiv	16	
12	f	xiiij	17	
11	g	xij	18	S. Simeonis Ep. et Mart., simplex.
10	A	xj	19	
9	b	x	20	
8	c	ix	21	
7	d	viiij	22	Cathedra S. Petri Antiochiæ, dupl. maj. Com. S. Pauli Ap.
6	e	vij	23	S. Petri Damiani Ep., Conf. et Eccl. Doct., dupl. Com. Vigiliæ.
5	f	vj	24	S. MATTHIÆ APOSTOLI, dupl. II class.
4	g	v	25	
3	A	iv	26	
2	b	iiij	27	S. Gabrielis a Virgine Perdolente, Conf., dupl.
1	c	Prid.	28	

In anno bissextili Februarius est dierum 29, et Festum S. Matthiæ celebratur die 25, ac Festum S. Gabrielis a Virg.

Perdolente die 28 Februarii, et bis dicitur Sexto Kalendas, id est die 24 et die 25 et littera Dominicalis, quæ assumpta fuit in mense Januario, mutatur in præcedentem; ut, si in Januario littera Dominicalis fuerit A, mutetur in præcedentem, quæ est g etc.; et littera f bis servit, 24 et 25.

MARTIUS

C.E. L.D.

D.M.

	*	d	Kal.	1	
29	e	vj		2	
28	f	v		3	
27	g	iv		4	S. Casimiri Conf., semidupl., Com. S. Lucii I Papae et Mart.
26	A	iiij		5	
25	25	b	Prid.	6	Ss. Perpetuæ et Felicitatis Mm., dupl.
24	24	c	Non.	7	S. Thomæ de Aquino Conf. et Eccl. Doct., dupl.
23	23	d	viiij	8	s. Joannis de Deo Conf., dupl.
22	22	e	vij	9	S. Franciscæ Romanæ Vid., dupl.
21	21	f	vj	10	Ss. Quadraginta Mm., semidupl.
20	20	g	v	11	
19	19	A	iv	12	S. Gregorii I Papæ, Conf. et Eccl. Doct., dupl.
18	18	b	iiij	13	
17	17	c	Prid.	14	
16	16	d	Idib.	15	
15	15	e	xviij	16	
14	14	f	xvj	17	S. Patricii Ep. et Conf., dupl.
13	13	g	xv	18	S. Cyrilli Ep. Hierosolymitani, Conf. et Eccl. Doct., dupl.
12	12	A	xiv	19	S. JOSEPH, SPONSI B. M. V. Conf., dupl. 1 cl.
11	11	b	xiiij	20	
10	10	c	xij	21	S. Benedicti Abb., dupl. maj.
9	9	d	xj	22	
8	8	e	x	23	
7	7	f	ix	24	S. Gabrielis Archang., dupl. maj.
6	6	g	viiij	25	ANNUNTIATIO B. Mariæ V., dupl. 1 cl.
5	5	A	vij	26	
4	4	b	vj	27	S. Joannis Damasceni Conf. et Eccl. Doct., dupl.
3	3	c	v	28	S. Joannis a Capistrano Conf., semid.
2	2	d	iv	29	
1	1	e	iiij	30	
*	*	f	Prid.	31	

Feria VI post Domin. Passionis — Septem
Dolorum B. M. V., dupl. maj. Com. Fer.

APRILIS

C.E. L.D.	D.M.	
29	g	Kal. 1
28	A	iv 2 S. Francisci de Paula Conf., dupl.
27	b	iiij 3
25 26	c	Prid. 4 S. Isidori Ep., Conf. et Eccl. Doct., dupl.
25 24	d	Non. 5 S. Vincentii Ferrerii Conf., dupl.
23	e	viiij 6
22	f	vij 7
21	g	vj 8
20	A	v 9
19	b	iv 10
18	c	iiij 11 S. Leonis I Papæ, Conf. et Eccl. Doct., dupl.
17	d	Prid. 12
16	e	Idib. 13 S. Hermenegildi Regis, Mart., semid.
15	f	xviiij 14 S. Justini Mart., dupl. Com. Ss. Tiburtii, Valeriani et Maximi Mm.
14	g	xviij 15
13	A	xvj 16
12	b	xv 17 S. Aniceti Papæ et Mart., simplex
11	c	xiv 18
10	d	xiiij 19
9	e	xij 20
8	f	xj 21 S. Anselmi Ep., Conf. et Eccl. Doct. dupl.
7	g	x 22 Ss. Soteris et Caji Pp. et Mm., semid.
6	A	ix 23 S. Georgii Mart., semid.
5	b	viiij 24 S. Fidelis a Sigmaringa Mart., dupl.
4	c	vij 25 S. MARCI EVANG., dupl. II class.
3	d	vj 26 Ss. Cleti et Marcellini Pp. et Mm., semid.
2	e	v 27 S. Petri Canisii Conf. et Eccl. Doct., dupl.
1	f	iv 28 S. Pauli a Cruce Conf., dupl. Com. S. Vitalis Mart.
*	g	iiij 29 S. Petri Mart., dupl.
29	A	Prid. 30 S. Catharinæ Senensis Virg., dupl.

Feria IV infra Hebdom. II post Oct. Paschæ
 — SOLEMNITAS S. JOSEPH, Sponsi
 B. M. V., Conf. et Eccl. Univers. Patroni,
 duplex I cl. cum Octava communi.
 Feria IV infra Hebdom. III post Oct. Paschæ
 — Octava S. Joseph, duplex majus.

MAIUS

28	b	Kal.	1	Ss. PHILIPPI ET JACOBI APP., dupl. II class.
27	c	vj	2	S. Athanasii Ep., Conf. et Eccl. Doct. dupl.

C.E. L.D.		D.M.	
26	d v	3	INVENTIO S. CRUCIS, dupl. II class. Com. Ss. Alexandri I. Papæ, Eventii et Theoduli Mm. ac Juvenalis Ep. et Conf.
25 25	e iv	4	S. Monicæ Viduæ, dupl.
24	f iij	5	S. Pii V Papæ et Conf., dupl.
23	g Prid.	6	S. Joannis ante Portam Latinam, dupl. maj.
22	A Non.	7	S. Stanislai Ep. et Mart., dupl.
21	b viij	8	Apparitio S. Michaelis Archang., dupl. maj.
20	c vij	9	S. Gregorii Nazianzeni Ep., Conf. et Eccl. Doct., dupl.
19	d vj	10	S. Antonini Episc. et Conf., duplex. Com. Ss. Gordiani et Epimachi Mm.
18	e v	11	
17	f iv	12	Ss. Nerei, Achillei et Domitillæ Virg. atque Pancratii Mm., semidupl.
16	g iij	13	S. Roberti Bellarmino Ep., C. et E. Doct., dpl.
15	A Prid.	14	S. Bonifatii Mart., simplex.
14	b Idib.	15	S. Joannis Baptistæ de la Salle Conf., dupl.
13	c xvij	16	S. Ubaldi Ep. et Conf., semidupl.
12	d xvj	17	S. Paschalis Baylon Conf., dupl.
11	e xv	18	S. Venantii Mart., dupl.
10	f xiv	19	S. Petri Cælestini Papæ et Conf., dupl. Com. S. Pudentianæ Virg.
9	g xiiij	20	S. Bernardini Senensis Conf., semidupl.
8	A xij	21	
7	b xj	22	
6	c x	23	
5	d ix	24	
4	e viij	25	S. Gregorii VII Papæ et Conf., dupl. Com. S. Urbani I Papæ et Mart.
3	f vij	26	S. Philippi Nerii Conf., dupl. Com. S. Eleutherii Papæ et Mart.
2	g vj	27	S. Bedæ Venerabilis Conf. et Eccl. Doct., dupl. Com. S. Joannis I Papæ et Mart.
1	A v	28	S. Augustini Ep. et Conf. dupl.
*	b iv	29	S. Mariæ Magdalenæ de Pazzis Virg., semidupl.
29	c iij	30	S. Felicis Papæ et Mart., simplex.
28	d Prid.	31	S. Angelæ Mericiæ Virg., dupl. Com. S. Petronillæ Virg.

JUNIUS

27	e Kal.	1	
25 26	f iv	2	Ss. Marcellini, Petri atque Erasmi Mm. simplex.
25 24	g iij	3	
23	A Prid.	4	S. Francisci Caracciolo Conf., dupl.

C.E. L.D.

D.M.

22	b	Non.	5	S. Bonifatii Ep. et Mart., dupl.
21	c	viiij	6	S. Norberti Ep. et Conf., dupl.
20	d	vij	7	
19	e	vj	8	
18	f	v	9	Ss. Primi et Feliciani Mm., simplex.
17	g	iv	10	S. Margaritæ Reginæ, Vid., semid.
16	A	iiij	11	S. Barnabæ Apost., dupl. maj.
15	b	Prid.	12	S. Joannis a S. Facundo Conf., dupl. Com. Ss. Basilidis, Cyrini, Naboris et Nazarii Mm.
14	c	Idib.	13	S. Antonii de Padua, Conf., dupl.
13	d	xviiij	14	S. Basilii Ep., Conf. et Eccl. Doct., dupl.
12	e	xvij	15	Ss. Viti, Modesti atque Crescentiæ Mm., simplex.
11	f	xvj	16	
10	g	xv	17	
9	A	xiv	18	S. Ephraem Syri Diaconi, Conf. et Eccl. Doct., dupl. Com. Ss. Marci et Marcelliani Mm.
8	b	xiiij	19	S. Julianæ de Falconeriis Virg., dupl. Com. Ss. Gervasii et Protasii Mm.
7	c	xij	20	S. Silverii Papæ et Mart., simplex.
6	d	xj	21	S. Aloysii Gonzagæ Conf., dupl.
5	e	x	22	S. Paulini Ep. et Conf., dupl.
4	f	ix	23	Vigilia
3	g	viiij	24	NATIVITAS S. JOANNIS BAPTISTÆ, dupl. I class. cum Octava communi
2	A	vij	25	S. Gulielmi Abb., dupl. Com. Oct.
1	b	vj	26	Ss. Joannis et Pauli Mm., dupl. Com. Oct.
*	c	v	27	De IV die infra Oct. S. Joannis, semid.
29	d	iv	28	S. Irenæi Ep. et Mart., dupl. Com. Oct. et Vig.
28	e	iiij	29	SS. PFTRI ET PAULI APP., dupl. I cl. cum Octava communi.
27	f	Prid.	30	Commemoratio S. Pauli Ap. dupl. maj. Com. S. Petri Ap. et Oct. S. Joannis.

JULIUS

26	g	Kal.	1	PRETIOSISSIMI SANGUINIS D. N. J. C., dupl. I class. Com. diei Oct. S. Joannis.
25	25	A	vj	2 VISITATIO B. M. V., dupl. II class. Com. Ss. Processi et Martiniani Mm.
24	b	v	3	S. Leonis II Papæ et Conf., semidupl. Com. Oct. Ss. App.
23	c	iv	4	De VI die infra Oct. Ss. Petri et Pauli, semid.
22	d	iiij	5	S. Antonii Mariæ Zaccaria Conf. dupl. Com. Oct. Ss. App.
21	e	Prid.	6	Octava Ss. Petri et Pauli App., dupl. maj.

C.E. L.D.	D.M.	
20	f	Non. 7 Ss. Cyrilli et Methodii Epp. et Cc., dupl.
19	g	vij 8 S. Elisabeth Reginae, Viduae, semidupl.
18	A	vij 9
17	b	vj 10 Ss. Septem Fratrum Mm. ac Ss. Rufinae et Secunda Vv. et Mm., semid.
16	c	v 11 S. Pii I Papae et Mart., simplex.
15	d	iv 12 S. Joannis Gualberti Abbatis, dupl. Com. Ss. Naboris et Felicis Mm.
14	e	iiij 13 S. Anacleti Papae et Mart., semidupl.
13	f	Prid. 14 S. Bonaventurae Ep., Conf. et Eccl. Doct. dupl.
12	g	Idib. 15 S. Henrici Imperatoris, Conf., semid.
11	A	xvij 16 Commemoratio B. M. V. de Monte Carmelo , dupl. majus.
10	b	xvj 17 S. Alexii Conf., semidupl.
9	c	xv 18 S. Camilli de Lellis Conf., dupl. Commem. Ss. Symphorosae et septem Filiorum ejus Martyrum.
8	d	xiv 19 S. Vincentii a Paulo Conf., dupl.
7	e	xiiij 20 S. Hieronymi Aemiliani Conf., dupl. Com. S. Margaritae Virg. et Mart.
6	f	xij 21 S. Praxedis Virg., simplex.
5	g	xj 22 S. Mariae Magdalenae Pœnit, dupl.
4	A	x 23 S. Apollinaris Ep. et Mart., dupl. Com. S. Liborii Ep. et Conf.
3	b	ix 24 Vigilia. Com. S. Christinae Virg. et Mart.
2	c	viiij 25 S. JACOBI AP., dupl. II class. Com S. Christophori Mart.
1	d	vij 26 S. ANNÆ MATRIS B. M. V., dupl. II class.
*	e	vj 27 S. Pantaleonis Mart., simplex.
29	f	v 28 Ss. Nazarii et Celsi Mm., Victoris I Papae et Mart. ac Innocentii Papae et Conf., semid.
28	g	iv 29 S. Marthae Virg., semidupl. Com. Ss. Felicis II Papae, Simplicii, Faustini et Beatricis, Mm.
27	A	iiij 30 Ss. Abdon et Sennen Mm., simplex.
25 26	b	Prid. 31 S. Ignatii Conf. , dupl. maj.

AUGUSTUS

25 24	c	Kal. 1 S. Petri ad Vincula , dupl. maj. Com. S. Pauli Ap. ac Ss. Machabaeorum Mm.
23	d	iv 2 S. Alfonsi Mariae de Ligorio Ep., Conf. et Eccl. Doct., dupl. Com. S. Stephani I Papae et Mart.
22	e	iiij 3 Inventio S. Stephani Protomart., semidupl.
21	f	Prid. 4 S. Dominici Conf. , dupl. maj.
20	g	Non. 5 Dedicatio S. Mariae ad Nives , dupl. maj.

C.E.	L.D.	D.M.	
19	A viij	6	TRANSFIGURATIO D. N. J. C. dupl. II class. Com. Ss. Xysti II Papæ, Felicissimi et Agapiti Mm.
18	b vij	7	S. Cajetani Conf., dupl. Com. S. Donati Ep. et Mart.
17	c vj	8	Ss. Cyriaci, Largi et Smaragdi Mm., semid.
16	d v	9	S. Joannis Mariæ Vianney, Conf., dupl. Com. Vigiliæ et S. Romani Mart.
15	e iv	10	S. LAURENTII Mart., dupl. II class. cum Octava simplici.
14	f iij	11	Ss. Tiburtii et Susannæ Virg., Mm., simplex.
13	g Prid.	12	S. Claræ Virg., dupl.
12	A Idib.	13	Ss. Hippolyti et Cassiani Mm., simplex.
11	b xix	14	Vigilia. Com. S. Eusebii Conf.
10	c xvij	15	ASSUMPTIO B. M. V., dupl. I class. cum Octava communi.
9	d xvij	16	S. JOACHIM, PATRIS B. M. V., Conf., dupl. II class.
8	e xvj	17	S. Hyacinthi Conf., dupl. Com. Oct. Assumptionis ac diei Oct. S. Laurentii.
7	f xv	18	De IV die infra Oct. Assumptionis, semid. Com. S. Agapiti Mart.
6	g xiv	19	S. Joannis Eudes Conf., dupl. Com. Oct.
5	A xiiij	20	S. Bernardi Abb., Conf. et Eccl. Doct., dupl. Com. Octavæ Assumptionis.
4	b xij	21	S. Joannæ Franciscæ Fremiot de Chantal Vid., dupl. Com. Octavæ Assumptionis.
3	c xj	22	Octava Assumptionis B. M. V., dupl. maj. Com. Ss. Timothei et Soc. Mm.
2	d x	23	S. Philippi Benitii Conf., dupl. Com. Vigiliæ.
1	e ix	24	S. BARTHOLOMÆI APOSTOLI, dupl. II class.
*	f viij	25	S. Ludovici Regis, Conf., semidupl.
29	g vij	26	S. Zephyrini Papæ et Mart., simplex.
28	A vj	27	S. Josephi Calasanctii Conf., dupl.
27	b v	28	S. Augustini Ep., Conf. et Eccl. Doct., dupl. Com. S. Hermetis Mart.
26	c iv	29	Decollatio S. Joannis Baptistæ, dupl. maj. Com. S. Sabinæ Mart.
25	25 d iij	30	S. Rosæ Limanæ Virg., dupl. Commem. Ss. Felicis et Adaucti Mm.
24	e Prid.	31	S. Raymundi Nonnati Conf., dupl.

SEPTEMBER

23	f Kal.	1	S. Ægidii Abb., simplex. Com. Ss. Duodecim Fratrum Mm.
22	g iv	2	S. Stephani Regis, Conf., semid.

C.E. L.D.	D.M.	
21	A	iiij 3
20	b	Prid. 4
19	c	Non. 5 S. Laurentii Justiniani Ep. et Conf., semid.
18	d	viiij 6
17	e	vij 7
16	f	vj 8 NATIVITAS B. M. V., dupl. II class. cum Octava simplici. Com. S. Hadriani Mart.
15	g	v 9 S. Gorgonii Mart., simplex.
14	A	iv 10 S. Nicolai de Tolentino Conf., dupl.
13	b	iiij 11 Ss. Proti et Hyacinthi Mm., simplex.
12	c	Prid. 12 Ssmi Nominis Mariæ, dupl. maj.
11	d	Idib. 13
10	e	xviiij 14 Exaltatio S. Crucis, dupl. maj.
9	f	xvij 15 SEPTEM DOLORUM B. M. V., dupl. II class. Com. S. Nicomedis Mart.
8	g	xvj 16 Ss. Cornelii Papæ et Cypriani Ep. Mm., semidupl. Com. Ss. Euphemie, Lucie et Geminiani Mm.
7	A	xv 17 Impressio Sacror. Stigmatum S. Francisci Conf., dupl.
6	b	xiv 18 S. Josephi a Cupertino Conf., dupl.
5	c	xiiij 19 Ss. Januarii Ep. et Socior. Mm., dupl.
4	d	xij 20 Ss. Eustachii et Soc. Mm., dupl. Com. Vigiliæ.
3	e	xj 21 S. MATTHÆI APOSTOLI ET EVANGELISTÆ, dupl. II class.
2	f	x 22 S. Thomæ de Villanova Ep. et Conf., dupl. Com Ss. Mauritii et Soc. Mm.
1	g	ix 23 S. Lini Papæ et Mart., semid. Com. S. Theclæ Virg. et Mart.
*	A	viiij 24 B. M. V. de Mercede, dupl. maj.
29	b	vij 25
28	c	vj 26 Ss. Cypriani et Justinæ Virg. Mm., simplex.
27	d	v 27 Ss. Cosmæ et Damiani Mm., semidupl.
25 26	e	iv 28 S. Wenceslai Ducis, Mart., semidupl.
25 24	f	iiij 29 DEDICATIO S. MICHAELIS ARCHANGELI, dupl. I class.
23	g	Prid. 30 S. Hieronymi Presb., Conf. et Eccl. Doct., dupl.

OCTOBER

22	A	Kal. 1 S. Remigii Ep. et Conf., simplex.
21	b	vj 2 Ss. Angelorum Custodum, dupl. maj.
20	c	v 3 S. Teresiæ a Jesu Infante Virg., dupl.
19	d	iv 4 S. Francisci Conf., dupl. maj.
18	e	iiij 5 Ss. Placidi et Socior. Mm., simplex.
17	f	Prid. 6 S. Brunonis Conf., dupl.

C.E. L.D.

D.M.

16	g	Non.	7	SSMI ROSARII B. M. V., dupl. II class. Com. S. Marci I. Papæ et Conf., ac Ss. Sergii et Socior. Mm.
15	A	viiij	8	S. Birgittæ Viduæ, dupl.
14	b	vij	9	S. Joannis Leonardi Conf., dupl. Com. Ss. Dionysii Ep., Rustici et Eleutherii Mm.
13	c	vj	10	S. Francisci Borgiæ Conf., semidupl.
12	d	v	11	MATERNITATIS B. MARIE VIRG. dupl. II class.
11	e	iv	12	
10	f	iiij	13	S. Eduardi Regis, Conf., semidupl.
9	g	Prid.	14	S. Callisti I Papæ et Mart., dupl.
8	A	Idib.	15	S. Teresiæ Virg., dupl.
7	b	xvij	16	S. Hedwigis Viduæ, semidupl.
6	c	xvj	17	S. Margaritæ Mariæ Alacoque, Virg., dupl.
5	d	xv	18	S. LUCÆ EVANGELISTÆ, dupl. II class.
4	e	xiv	19	S. Petri de Alcantara Conf., dupl.
3	f	xiiij	20	S. Joannis Cantii Conf., dupl.
2	g	xij	21	S. Hilarionis Abb., simplex. Com. Ss. Ursulæ et Sociarum Vv. et Mm.
1	A	xj	22	
*	b	x	23	
29	c	ix	24	S. Raphaëlis Archangeli, duplex majus.
28	d	viiij	25	Ss. Chrysanthi et Dariæ Mm., simplex.
27	e	vij	26	S. Evaristi Papæ et Mart., simplex.
26	f	vj	27	Vigilia.
25	g	v	28	Ss. SIMONIS ET JUDÆ APP., dupl. II class.
24	A	iv	29	
23	b	iiij	30	
22	c	Prid.	31	Vigilia.

Dominica ultima Octobris — FESTUM D. N. JESU CHRISTI REGIS, duplex I classis.

NOVEMBER

21	d	Kal.	1	OMNIUM SANCTORUM, dupl. I class. cum Octava communi.
20	e	iv	2	Commem. Omnium Fidelium Defunctorum, dupl.
19	f	iiij	3	De III die infra Oct. Omnium Ss., semid.
18	g	Prid.	4	S. Caroli Ep. et Conf., dupl. Com. Octavæ ac Ss. Vitalis et Agricolæ Mm.
17	A	Non.	5	De V die infra Oct. Omnium Ss., semid.
16	b	viiij	6	De VI die infra Oct. Omnium Ss., semid.
15	c	vij	7	De VII die infra Oct. Omnium Ss., semid.
14	d	vj	8	Octava Omnium Sanctorum, dupl. maj. Com. Ss. Quatuor Coronatorum Mm.

C.E. L.D.		D.M.	
13	e v	9	DEDICATIO ARCHIBASILICÆ SSMI SALVATORIS, dupl. II class. Com. S. Theodori Mart.
12	f iv	10	S. Andreae Avellini Conf., dupl. Commem. Ss. Tryphonis, Respicii et Nymphae Virg. Martyrum.
11	g iiij	11	S. Martini Ep. et Conf., dupl. Commemoratio S. Mennæ Mart.
10	A Prid.	12	S. Martini I Papæ et Mart., semidupl.
9	b Idib.	13	S. Didaci Conf., semidupl.
8	c xviiij	14	S. Josaphat Ep. et Mart., dupl.
7	d xvij	15	S. Alberti Magni Ep., C. et Eccl. Doct., dupl.
6	e xvj	16	S. Gertrudis Virg., dupl.
5	f xv	17	S. Gregorii Thaumaturgi Ep. et Conf., semid.
4	g xiv	18	Dedicatio Basilicarum Ss. Petri et Pauli App., dupl. maj.
3	A xiiij	19	S. Elisabeth Viduæ, dupl. Com. S. Pontiani Papæ et Mart.
2	b xij	20	S. Felicis de Valois Conf., dupl.
1	c xj	21	Præsentatio B. M. V., dupl. maj.
*	d x	22	S. Cæciliæ Virg. et Mart., dupl.
29	e ix	23	S. Clementis I Papæ et Mart., dupl. Com. S. Felicitatis Mart.
28	f viij	24	S. Joannis a Cruce Conf., et Eccl. Doct., dupl. Com. S. Chrysogoni Mart.
27	g vij	25	S. Catharinæ Virg. et Mart., dupl.
25 26	A vj	26	S. Silvestri Abb, dupl. Com. S. Petri Alexandrini Ep. et Mart.
25 24	b v	27	
23	c iv	28	
22	d iiij	29	Vigilia, et Com. S. Saturnini Mart.
21	e Prid.	30	S. ANDRÆ APOSTOLI, dupl. II class.

DECEMBER

20	f Kal.	1	
19	g iv	2	S. Bibianæ Virg. et Mart., semidupl.
18	A iiij	3	S. Francisci Xaverii Conf., dupl. maj.
17	b Prid.	4	S. Petri Chrysologi Ep., Conf. et Eccl. Doct., dupl. Com. S. Barbaræ Virg. et Mart.
16	c Non.	5	Com. S. Sabbæ Abb.
15	d viij	6	S. Nicolai Ep. et Conf., dupl.
14	e vij	7	S. Ambrosii Ep., Conf. et Eccl. Doct., dupl.
13	f vj	8	CONCEPTIO IMMACULATA B. MARIAE VIRG., dupl. I cl. cum Octava communi.
12	g v	9	De II die infra Oct. Concept. Immac., semid.
11	A iv	10	De III die infra Oct. Concept. Immac., semid. Com. S. Melchiadis Papæ et Mart.

C.E. L.D.		D.M.	
10	b iij	11	S. Damasi I Papae et Conf., semid. Com. Octavae.
9	c Prid.	12	De V die Infra Oct. Concept. immac., semid.
8	d Idib.	13	S. Luciae Virg. et Mart., dupl. Com. Oct.
7	e xix	14	De VII die infra Oct. Concept. immac., semid.
6	f xviii	15	Octava Conceptionis immaculatae B. M. V., dupl. maj.
5	g xvij	16	S. Eusebii Ep. et Mart., semidupl.
4	A xvj	17	
3	b xv	18	
2	c xiv	19	
1	d xiiij	20	Vigilia.
*	e xij	21	S. THOMÆ APOSTOLI, dupl. II class.
29	f xj	22	
28	g x	23	
27	A ix	24	Vigilia.
26	b viij	25	NATIVITAS D. N. J. C., dupl. I class. cum Octava privilegiata III Ordinis.
25	25 c vij	26	S. STEPHANI PROTOMARTYRIS, dupl. II cl. cum Oct. simplici. Com. Oct. Nativitatis.
24	d vj	27	S. JOANNIS AP. ET EV., dupl. II cl. cum Oct. simplici. Com. Oct. Nativitatis.
23	e v	28	Ss. INNOCENTIIUM MARTYRUM, dupl. II cl. cum Oct. simplici. Com. Oct. Nativitatis.
22	f iv	29	S. Thomæ Cantuariens. Ep. et Mart., dupl. Com. Oct. Nativitatis.
21	g iij	30	De Octava Nativitatis, semid.
19 20	A Prid.	31	S. Silvestri I Papæ et Conf., dupl. Com. Oct. Nativitatis.

Hæc Epacta 19 nigra nunquam est in usu, nisi quando eodem anno concurrit cum Aureo numero xix.

DUÆ TABELLÆ

EX RUBRICIS GENERALIBUS BREVIARII JUXTA CONSTITUTIONEM
« DIVINO AFFLATU » REFORMATIS EXCERPTÆ

in quarum prima statim videri poterit de quo celebrandum erit Officium, si plura eodem die Festa vel Officia sive perpetuo sive accidentaliter occurrant; in altera vero, quomodo Officium præcedens concurrat in Vesperis cum Officio sequentis diei.

In alterutra Tabella hoc ordine reperietur quod quæritur :

Primum inveniatur numerus positus in quadrangulo illo, in quo Officia, de quibus est controversia, sibi invicem occurrunt; deinde legatur regula juxta dictum numerum descripta, et ex ea clare videbitur quid sit agendum.

Exempli gratia : Quadrangulum, in quo sibi invicem occurrunt, in prima Tabella, **Duplex I classis et Dominica I classis**, erit quod invenitur ultimo loco in eadem linea in qua inscribitur Duplex I classis, in quo signatus est numerus 6; quia, si ad ipsum quadrangulum tam Duplex I classis quam Dominica I classis ex eorum locis recto tramite pergerent, in eo

sibi invicem occurrerent. Regula autem juxta dictum numerum 6 apposita sic habet :

6 Officium de secundo, Translatio de primo. Id est Officium fiat de Dominica I classis et Duplex I classis transferatur juxta Rubricas; quia, cum in his regulis dicitur de primo, seu præcedenti, intelligitur de Festo vel Officio in superiori parte Tabellæ apposito, ut Duplex prædictum; cum de secundo, vel sequenti, de Officio in inferiori parte sub numeris apposito, ut Dominica prædicta.

In aliquibus autem quadrangulis positus est 0, quia nullus occursum aut concursus esse potest inter Officia simul ad diem quadrangulum occurrentia.

Scire tamen oportet quæ sint Dominicæ et Feriæ majores, quæ Vigiliæ privilegiatæ, et quæ Duplicitas I et II classis et majora, tam Primaria quam Secundaria; sicut et quæ Officia, ad effectum tit. II, n. 1 superiorum Rubricarum, cum Feriatione vel cum Octava celebrentur.

DOMINICÆ MAJORES

DIVIDUNTUR IN DUAS CLASSES :

Dominicæ I classis

quæ in occurrentia, etiam accidentali, Festis quibuslibet præferuntur :

Prima Adventus
Prima Quadragesimæ
Secunda Quadragesimæ
Tertia Quadragesimæ
Quarta Quadragesimæ

Passionis
Palmarum
Paschatis
In Albis
Pentecostes

Dominicæ II classis

quæ in occurrentia accidentali Festis quibuslibet præferuntur, præterquam Duplicibus I classis:

Secunda Adventus

Tertia Adventus

Quarta Adventus

Septuagesimæ

Sexagesimæ

Quinquagesimæ

FERIÆ MAJORES

DIVIDUNTUR IN DUAS CLASSES :

Feriæ privilegiatæ

quæ in occurrentia Festis quibuslibet præferuntur :

Feria Quarta Cinerum

Feriæ omnes Majoris Hebdomadæ

Feriæ non privilegiatæ

quæ in occurrentia Festis tantum Simplicibus præferuntur :

Adventus

Quadragesimæ post diem Cinerum

Passionis ante Dñicam Palmarum

Quatuor Temporum Septembris

Secunda Rogationum

VIGILIÆ PRIVILEGIATÆ

DIVIDUNTUR IN DUAS CLASSES

Vigiliæ I classis

quæ in occurrentia Festis quibuslibet præferuntur:

Vigilia Nativitatis Domini

Vigilia Pentecostes

Vigilia II classis

quæ in occurrentia præfertur Festis quibuslibet, præterquam Duplicibus I vel II classis et Festis Domini :

Vigilia Epiphaniæ

DUPLICIA I CLASSIS PRIMARIA

Nativitas Domini

Epiphania Domini

Pascha Resurrectionis cum tribus antecedentibus et duobus sequentibus diebus

Ascensio Domini

Pentecostes cum duobus sequentibus diebus

Festum Ssmæ Trinitatis

» Ssmi Corporis Christi

» sacratissimi Cordis Jesu

» D. N. J. Christi Regis

Conceptio immaculata B. Mariæ Virg.

Annuntiatio B. Mariæ Virg.

Assumptio B. Mariæ Virg.

Dedicatio S. Michaëlis Archangeli

Nativitas S. Joannis Baptistæ

Festum S. Joseph, Sponsi B. Mariæ Virg., Conf.

Solemnitas S. Joseph, Sponsi B. Mariæ Virg., Conf. et Ecclesiæ universalis Patroni

Festum Ss. Petri et Pauli Apostolorum	Titulus propriæ Ecclesiæ
Festum Omnium Sanctorum	Titulus Ecclesiæ Cathedralis
Dedicatio Ecclesiæ propriæ, ejusque Anniversarium	Patroni principales Oppidi, vel Civitatis, Diœcesis, Provinciæ et Nationis
Dedicatio Ecclesiæ Cathedralis, ejusque Anniversarium	Titularis et Sanctus Fundator Ordinis seu Congregationis

DUPLEX I CLASSIS SECUNDARIUM

Pretiosissimi Sanguinis D. N. J. C.

DUPLICIA II CLASSIS PRIMARIA

Circumcisio Domini	Festum S. Bartholomæi Ap.
Transfiguratio Domini	» S. Matthæi Ap. et Ev.
Dedicatio Archibasilicæ Ssmi Salvatoris	» Ss. Simonis et Judæ App.
Purificatio B. Mariæ Virg.	» S. Marci Ev.
Visitatio B. Mariæ Virg.	» S. Lucæ Ev.
Nativitas B. Mariæ Virg.	» S. Stephani Protomartyris
Festum S. Andreæ Ap.	» Ss. Innocentium Mm.
» S. Thomæ Ap.	» S. Annæ, Matris B. Mariæ Virg.
» S. Joannis Ap. et Ev.	» S. Laurentii Mart.
» S. Matthiæ Ap.	» S. Joachim, Patris B. Mariæ Virg., Conf.
» Ss. Philippi et Jacobi App.	
» S. Jacobi Ap.	

DUPLICIA II CLASSIS SECUNDARIA

Festum Ssmi Nominis Jesu	Festum Ssmi Rosarii B. M. V.
» Inventionis S. Crucis	» Maternitatis B. M. V.
» septem Dolorum B. M. V. mense Septembri	

DUPLICIA MAJORA PRIMARIA

Dies Octava cujuslibet Duplicis I classis Primarii	Decollatio S. Joannis Baptistæ
Festum Sanctæ Familiæ Jesu, Mariæ, Joseph	Festum S. Petri Ap. ad Vincula
Dedicatio Basilicarum Ss. Petri et Pauli App.	» S. Barnabæ Ap.
Dedicatio S. Mariæ ad Nives	» S. Benedicti Abb.
Præsentatio B. Mariæ Virginis	» S. Dominici Conf.
Festum S. Gabrielis Archangeli	» S. Francisci Assisiensis Conf.
» S. Raphaëlis Archangeli	» S. Ignatii Conf.
» Ss. Angelorum Custodum	» S. Francisci Xaverii Conf.
	» Patronorum minus principalium

DUPLICIA MAJORA SECUNDARIA

Dies Octava cujuslibet Dupli- cis I classis Secundarii	Festum B. Mariæ Virg. de Mer- cede
Exaltatio S. Crucis	Apparitio S. Michaëlis Archan- geli
Apparitio B. Mariæ Virg. imma- culatæ	Cathedra S. Petri Ap. Romæ
Festum septem Dolorum B. Ma- riæ Virg., tempore Passionis	Cathedra S. Petri Ap. Antiochiæ
Commemoratio B. Mariæ Virg. de Monte Carmelo	Conversio S. Pauli Ap.
Festum Ssmi Nominis Mariæ	Commemoratio S. Pauli Ap.
	Festum S. Joannis Ap. ante Portam Latinam

ALIA FESTA PRIMARIA

Dies Natalitia, vel quasi-Natalitia, cujuscumque Sancti.

ALIA FESTA SECUNDARIA

Impressio sacrorum Stigmatum sancti Francisci Conf.	riæ Virg. sub aliquo peculiari titulo, sive Sanctorum, præter eorumdem Natalem diem, uti
Inventio S. Stephani Protomar- tyris	Inventionis, Translationis, Pa- trocinii et hisce similia
Festa sive Domini, sive B. Ma-	

FESTA FERIATA

Dominicæ omnes	Solemnitas S. Joseph, Sponsi
Nativitas Domini	B. Mariæ Virg., Conf. et Ec- clesiæ universalis Patroni
Circumcisio	Festum S. Andreæ Ap.
Epiphania	» S. Thomæ Ap.
Feria II et III Paschatis	» S. Joannis Ap. et Ev.
Ascensio Domini	» S. Matthiæ Ap.
Feria II et III Pentecostes	» Ss. Philippi et Jacobi App.
Festum Sanctissimi Corporis Christi	» Ss. Petri et Pauli App.
Inventio S. Crucis	» S. Jacobi Ap.
Conceptio immaculata B. M. V.	» S. Bartholomæi Ap.
Purificatio B. Mariæ Virg.	» S. Matthæi Ap. et Ev.
Annuntiatio B. Mariæ Virg.	» Ss. Simonis et Judæ App.
Assumptio B. Mariæ Virg.	» S. Stephani Protomar- tyris
Nativitas B. Mariæ Virg.	» Ss. Innocentium Mm.
Dedicatio S. Michaëlis Archan- geli	» S. Annæ, Matris B. Ma- riæ Virg.
Nativitas S. Joannis Baptistæ	
Festum S. Joseph, Sponsi B. Ma- riæ Virg., Conf.	

Festum S. Laurentii Mart.	Festum Patronorum principa-
» S. Joachim, Patris	lium Oppidi vel Civi-
B. Mariæ Virg., Conf.	tatis, Diœcesis, Pro-
» Omnium Sanctorum	vinciae et Nationis

Festum Feriatis æquiparatum :

Festum Sacratissimi Cordis Jesu

FESTA QUÆ CUM OCTAVA CELEBRANTUR

alia gaudent Octava privilegiata, Commemoratio quandoque omit-
de qua semper fit aut Officium, ti potest, juxta Rubricas ; alia
aut saltem Commemoratio ; alia Octava simplici de qua fit tan-
Octava communi, de qua etiam tum in die Octava.

OCTAVÆ PRIVILEGIATÆ

de quibus semper fit aut Officium aut Commemoratio
dividuntur in tres ordines

Octavæ I Ordinis

quæ in occurrentia Festis quibuslibet præferuntur :

Octava Paschatis | Octava Pentecostes

Octavæ II Ordinis

quæ in diebus infra Octavam Festis quibuslibet præferuntur
præterquam Duplicibus I classis, in die autem Octava etiam
Duplicibus I classis quæ non sint Ecclesiæ universalis :

Octava Epiphaniæ Domini | Octava Ssmi Corporis Christi

Octavæ III Ordinis

quæ in occurrentia iisdem tantum Festis præferuntur atque
Octavæ communes :

Octava Nativitatis Domini | Octava Sacratissimi Cordis
Octava Ascensionis Domini | Jesu

OCTAVÆ COMMUNES

quæ infra Octavam præferuntur tantum Officiis Simplicibus, et
in die Octava omnibus Duplicibus quæ non sint I aut II classis :

Octava Conceptionis immacu-	Octava Solemnit. S. Joseph
latæ B. Mariæ Virg.	Octava Ss. Petri et Pauli App.
Octava Assumptionis ejusdem	Octava Omnium Sanctorum
Octava Nativitatis S. Joannis	Octava Dedicationis et Tituli
Baptistæ	propriæ Ecclesiæ

Octava Dedicat[i]onis et Tituli
Ecclesiæ Cathedralis
Octava Patroni principalis
Oppidi vel Civitatis, Diœcesis,
Provinciae et Nationis

Octava Tituli et Sancti Funda-
toris Ordinis seu Congregationis
Octavæ aliorum Festorum Du-
plicium I classis, quæ alicubi
cum Octava celebrentur

OCTAVÆ SIMPLICES

quæ in die Octava Festis Simplicibus præferuntur et Officio
Sanctæ Mariæ in Sabbato :

Octava Nativitatis B. Mariæ
Virg.

Octava S. Joannis Ap. et Ev.

Octava S. Stephani Proto-
martyris

Octava Ss. Innocentium Mm.

Octava S. Laurentii Mart.

Octavæ aliorum Festorum Du-
plicium II classis, quæ alicubi
cum Octava celebrentur.



SI OCCURRAT EODEM DIE

[illegible]

QUANDO CONCURRIT

Dominica	4	0	4	4	4	4	4	4	4	3	0
Duplex I classis	2	2	2	4	4	4	4	4	4	5	4
Duplex II classis.	2	2	2	4	4	4	4	4	4	5	4
Dies Octava privilegiata	4	4	4	4	4	4	4	4	4	3	4
Dies Octava Communis	4	4	4	4	4	4	4	4	4	3	1
Duplex majus	4	4	4	4	4	4	4	4	5	3	3
Duplex minus	4	4	4	4	4	4	4	4	3	3	3
Semiduplex	4	4	4	4	4	5	3	3	3	1	3
Dies infra Octavam privilegiatam	4	0	0	0	3	3	3	3	3	3	3
Dies infra Octavam communem	4	0	0	0	3	3	3	3	3	1	3
1. Totum de sequenti, nihil de præcedenti.											cum Dominica vel Vigilia Epiphaniæ
2. Totum de præcedenti, nihil de sequenti.											» Duplici I classis
3. Totum de sequenti, Commemoratio de præcedenti.											» Duplici II classis
4. Totum de præcedenti, Commemoratio de sequenti.											» Die Octava Duplici majori
5. Totum de nobiliori, Commemoratio de alio; in paritate, a Capitulo de sequenti, Commemoratio de præcedenti.											» Duplici majori
											» Duplici minori
											» Semiduplici
											» Die infra Octavam privilegiatam
											» Die infra Octavam communem
											» S. Maria in Sabato
											» Die Octava vel Festo Simplici

NOTANDA IN PRÆCEDENTES TABELLAS

1 Quando in regulis alterutrius Tabellæ invenitur **Officium de Nobiliori**, vel **Totum de Nobiliori**, intelligi debet de illo ex duobus occurrentibus aut concurrentibus Festis vel Officiis, quod, ad normam tituli II præcedentium Rubricarum **De Festorum præstantia**, alteri præferri debeat.

2 Dominicæ quævis assignationem perpetuam excludunt cuiusvis Festi, excepta Dominica inter Circumcisionem et Epiphaniam, in qua fit Officium Ssmi Nominis Jesu; Dominica infra Octavam Epiphaniae, in qua Festum agitur Sanctæ Familiæ Jesu, Mariæ, Joseph; Dominica I post Pentecosten, in qua celebratur Festum Ssmæ Trinitatis et Dominica ultima Octobris, in qua recolitur Festum D. N. Jesu Christi Regis.

3 Vigiliæ communes, si in aliquam Dominicam inciderint, anticipantur Sabbato, juxta Rubricas, etiam sicubi a Duplici I classis occurrenti sua die perpetuo impeditæ fuerint; Vigiliæ vero privilegiatæ ipsa die Dominica celebrantur, ut propriis locis habetur.

4 De Octavis quæ non sunt in Breviario Romano, nihil fit a die 17 ad 24 Decembris, a Feria IV Cinerum ad Dominicam in Albis, et a Vigilia Pentecostes ad Festum Ssmæ Trinitatis, semper inclusive.

5 De quolibet Duplici majori vel minori aut Semiduplici, quod

a Festo Duplici I classis primario Domini Ecclesiæ universalis impediatur, nihil fit; de Festo hujusmodi, a ceteris Duplicibus I classis impedito, nisi hoc fuerit Domini Festum in Dominica quavis aut in Vigilia Epiphaniae occurrens, fit tantum Commemoratio ad Laudes.

6 Item de die Octava Simplici vel Festo item Simplici ab occurrenti Duplici II classis impeditis, fit tantum ad Laudes, et insuper, de Festo, etiam ad Matutinum, si legi possit IX Lectio historica vel stricte propria.

7 Festa tamen alicujus Nationis, Diœcesis, Ordinis, Instituti vel particularis Ecclesiæ propria, quæ in tota Natione, Diœcesi, Ordine vel Instituto aut in sua particulari Ecclesia perpetuantur, si celebrentur sub ritu Duplici majori vel minori aut Semiduplici, reponuntur in proxima sequenti die, quæ libera sit a quolibet Officio Duplici, a Festo Semiduplici, a Vigiliis privilegiatis et ab Octavis II ordinis.

8 Si duo Officia ejusdem Personæ eodem die occurrant, fit de nobiliori juxta Rubricas, et omittitur, nisi agatur de mysteriis Domini diversis, Commemoratio alterius. Idem servatur in concurrentia, et in paritate nobilitatis Vesperæ non dimidianantur, nisi pariter agatur de diversis Domini mysteriis, sed integræ dicuntur de præcedenti sine Commemoratione sequentis. Si

tamen aliquod Festum Duplex majus aut minus vel Semiduplex vel Simplex occurrat infra aliquam Octavam communem ejusdem Personæ, vel in ipsa die Octava, etiam Simplici, Officium fit de Festo sub ritu et cum privilegiis ipsi Octavæ convenientibus, nisi illud sub altiori ritu sit celebrandum; et additur vel omittitur Commemoratio Octavæ, ut supra.

9 Feria VI post Octavam Ascensionis in occurrentia et concurrentia, et Vigilia Pentecostes in concurrentia tantum, iisdem gaudent privilegiis ac dies infra Octavam communem; sed hæc illis præfertur.

10 Festa Domini, et dies Octavæ item Domini quæ in universali Ecclesia sint privilegiatæ, in occurrentia accidentali et in concurrentia, Dominicæ minori præferuntur.

11 De VII die infra aliquam Octavam nihil fit in II Vesperis, si die sequenti persolvendum sit Officium de die Octava; dicuntur autem integræ Vesperæ vel fit Commemoratio juxta Rubricas, si die sequenti nihil faciendum sit de die Octava, vel etiam si concurrens dies VII infra Octavam, juxta ordinem in titulo VII, num. 5, **De Commemorationibus** præscriptum, præferri debeat diei Octavæ, in Officio nobiliori commemorandæ.

12 Item nihil fit ad II Vesperas de Dominicis post Octavam Epiphaniæ vel Pentecostes, quæ Sabbato anticipari debuerint juxta Rubricas, quamvis Dominica sequens commemoranda tantum sit; eis tamen integra manent privilegia Dominicæ tam

in occursu, quam in concursu ad I Vesperas.

13 In Nativitate Domini et tribus sequentibus diebus, in Circumcisione, in Officio Ssmi Nominis Jesu, et in Epiphania ejusque die Octava, nulla fit Commemoratio de Dominica occurrenti, nec etiam, præterquam in II Vesperis sanctorum Innocentium et Epiphaniæ, et utrisque Vesperis diei Octavæ ejusdem, de Dominica concurrenti. Officium tamen Ssmi Nominis Jesu tam in occursu quam in concursu admittit Commemorationem de Vigilia Epiphaniæ. Circumcisio autem Domini præfertur in occurrentia cuilibet Festo, etiam Duplici I classis, et in concurrentia non admittit Commemorationem Officii præcedentis, quod non fuerit Duplex II classis. Dies vero Octava Corporis Christi cedit in occurrentia Festis Duplicibus I classis primariis Ecclesiæ universalis.

14 Infra Octavam Nativitatis Domini, præterquam in Officio Circumcisionis, Vesperæ usque ad Capitulum dicuntur semper de Octava, sub ritu Officii in concurrentia nobilioris. A Capitulo autem ipsæ Vesperæ juxta normam consuetam fiunt de Officio ex concurrentibus nobiliori, exceptis II Vesperis S. Stephani Protomartyris, cum Commemoratione alterius, si hæc agenda sit juxta Rubricas; sed in paritate nobilitatis fiunt semper de Officio præcedenti, cum Commemoratione sequentis.

15 De Feriis Adventus et Quadragesimæ, quando a nobiliori Officio impeditæ fuerint, semper fit Commemoratio ad

Laudes et in Vesperis; de Feriis vero Quatuor Temporum et II Rogationum, fit ad Laudes tantum. Itemque ad Laudes tantum fit Commemoratio de Vigiliis communibus, quando agenda est, juxta superiorem tabellam.

Et tam de Feria quam de Vigilia commemoratis, dummodo in eis idem atque in Officio currenti non habeatur Evangelium, dicitur IX Lectio de Homilia, præterquam de Feriis Adventus extra Quatuor Tempora.





Ordinarium divini Officii

JUXTA RITUM ROMANUM PERSOLVENDI

Clericis in sacris constitutis, qui integrum divinum Officium, quamvis in partes distributum, coram Ssmo Sacramento, sive publicæ adorationi exposito sive in tabernaculo adservato, devote recitaverint, conceditur : Indulgentia plenaria, si præterea sacramentalem confessionem instituerint, ad eucharisticum Convivium accesserint et ad mentem Summi Pontificis oraverint. *Pius Pp. XI, 23 Octobris 1930.*

Iis vero, qui divinum Officium coram Ssmo Sacramento, ut supra, ex parte tantum recitaverint, conceditur : Indulgentia quingentorum dierum pro unaquaque hora canonica. *Pius Pp. XI, 18 Maji 1933.*

Iisdem autem clericis, qui divinum Officium in alias preces commutatum rite obtinuerint, si preces ejusmodi coram Ssmo Sacramento, uti supra, devote recitaverint, conceditur : Indulgentia plenaria, additis sacramentali confessione, sacra Communione et oratione ad mentem Summi Pontificis *Pius Pp. XI, 7 Novembris 1932.*

Ante divinum Officium

Antequam inchoetur Officium laudabiliter dicitur, sub singulari semper numero, sequens Oratio; pro qua Summus Pontifex Pius Pp. XI sub die 17 Novembris 1933 Indulgentiam trium annorum concessit.

Oratio



Peri, Dómine, os meum ad benedicéndum nomen sanctum tuum : munda quoque cor meum ab ómnibus vanis, perversis et aliénis cogitatiónibus; in-

telléctum illúmina, afféctum inflámma, ut digne, atténte ac devóte hoc Officium recitáre váleam, et exaudíri mérear ante conspéctum divínæ Majestátis tuæ. Per Christum, Dóminum nostrum.

℟. Amen.

Dómine, in unióne illius divínæ intentiónis, qua ipse in terris laudes Deo persolvísti, has tibi Horas (vel hanc tibi Horam) persólvo.

Ante singulas Horas

Ante Matutinum, sicut et ante Laudes a Matutino extra Chorum separatas, et ante omnes Horas, præterquam ad Completorium, dicitur secreto :

Pater noster, qui es in cælis, sanctificetur nomen tuum. Advéniat regnum tuum. Fiat volúntas tua, sicut in cælo et in terra. Panem nostrum quotidiánum da nobis hodie. Et dimítte nobis debita nostra, sicut et nos dimíttimus debitóribus nostris. Et ne nos indúcas in tentatióem : sed líbera nos a malo. Amen.

AVE, María, grátia plena; Dóminus tecum : benedícta tu in muliéribus, et benedíctus fructus ventris tui Jesus. Sancta María, Mater Dei, ora pro nobis peccatóribus, nunc et in hora mortis nostræ. Amen.

In principio autem Matutini ac Primæ additur

secreto Symbolum Apostolorum :

Credo in Deum, Patrem omnipoténtem, Creatórem cæli et terræ. Et in Jesum Christum Filium ejus únicum, Dóminum nostrum : qui concéptus est de Spíritu Sancto, natus ex María Vírgine, passus sub Póntio Piláto, crucifíxus, mórtuus, et sepúltus : descendit ad ínferos; tértia die resurrexit a mórtuis; ascendit ad cælos; sedet ad dexteram Dei Patris omnipoténtis : inde ventúrus est judicáre vivos et mórtuos. Credo in Spíritum Sanctum, sanctam Ecclésiám cathólicam, Sanctórum communionem, remissionem peccatórum, carnis resurrectionem, vitam ætérmam. Amen.

Officium ad Matutinum et ad reliquas Horas, nisi aliter suo loco indicetur, per totum annum persolvitur juxta formam, quæ in Rubricis hujus Ordinarii exhibetur.



Ad Matutinum

Pater noster, Ave María
et Credo.

Deinde, clara voce, dicitur
Versus :

Domine, lábia mea apé-
ries. *℟.* Et os meum
annuntiábit laudem tuam.

℣. Deus, in adjutórium
meum inténde. *℟.* Dó-
mine, ad adjuvándum me
festína.

Glória Patri, et Fílio, et
Spirítui Sancto. Sicut erat
in princípío, et nunc, et
semper, et in sácula sæ-
culórum. Amen. Allelúja.

¶ Sic dicitur Allelúja ad
omnes Horas, præter quam
a Vesperis Sabbati ante Do-
minicam I Quadragesimæ
usque ad Completorium Fe-
riæ IV Majoris Hebdomadæ
inclusive; tunc enim dici-
tur :

Laus tibi, Dómine, Rex
ætérnæ glóriæ.

Postea dicitur conveniens
Invitatorium, quod ante Psalmum
bis integrum recitatur,
et ad singulos ejusdem Psalmi
versus vel integrum vel dimi-
diatum ab Asterisco * alter-
nis vicibus, ut infra, repeti-
tur.

Psalmus 94



Veníte, exsultémus
Dómino, jubilémus
Deo, salutári no-
stro : præoccupémus fá-

ciem ejus in confessióne,
et in psalmis jubilémus ei.

*Repetitur integrum Invita-
torium.*

Quóniam Deus magnus
Dóminus, et Rex magnus
super omnes deos : quó-
niam non repéllet Dómi-
nus plebem suam : quia
in manu ejus sunt omnes
fines terræ, et altitúdines
móntium ipse cónspicit.

*Repetitur altera pars Invi-
tatorii.*

¶ In sequenti Psalmi versu,
ad verba veníte, adorémus,
et procidámus ante Deum,
genuflectitur.

Quóniam ipsíus est mare,
et ipse fecit illud, et ári-
dam fundavérunt manus
ejus : veníte, adorémus, et
procidámus ante Deum :
plorémus coram Dómino,
qui fecit nos, quia ipse est
Dóminus Deus noster; nos
autem pópulus ejus, et
oves páscuæ ejus.

*Repetitur integrum Invita-
torium.*

Hódie, si vocem ejus au-
diéritis, nolíte obduráre
corda vestra, sicut in exa-
cerbatióne secúndum diem
tentatiónis in desérto :
ubi tentavérunt me patres
vestri, probavérunt et vi-
dérunt ópera mea.

*Repetitur altera pars Invi-
tatorii.*

Quadráginta annis próxi-
mus fui generatióni huic,
et dixi : Semper hi errant
corde; ipsi vero non co-
gnovérunt vias meas :
quibus jurávi in ira mea :
Si introibunt in réquiem
meam.

*Repetitur integrum Invita-
torium.*

Glória Patri, et Fílio, et
Spirítui Sancto. Sicut erat
in princípío, et nunc, et
semper, et in sácula sæ-
culórum. Amen.

*Repetitur altera pars Invi-
tatorii.*

*Denique repetitur integrum
Invitatorium.*

*Expleto Psalmo, dicitur
Hymnus Invitorio respon-
dens.*

Tempore Quadragesimæ

*A Dominica I usque ad Sab-
batum ante Dominicam Pas-
sionis inclusive, tam in domi-
nicali quam in feriali Officio,
dicitur quotidie sequens*

Invitat. Non sit vobis
vanum mane súrgere ante
lucem : * Quia promísit
Dóminus corónam vigi-
lántibus. Ps. 94 Veníte. 3

Hymnus

EX more docti mýstico
Servémus hoc jejú-
nium,
Deno diérum círculo
Ducto quater notíssimo.
Lex et prophétæ prímítus
Hoc prætulérunt, póstmó-
dum

Christus sacrávit, ómnium
Rex atque factor témpo-
rum.

*Utámur ergo párcius
Verbis, cibis et pótibus,
Somno, jocis, et árcíus
Perstémus in custódia.*

*Vitémus autem nóxia,
Quæ súbruunt mentes va-
gas :*

*Nullúmque demus cállidi
Hostis locum tyránnidi.*

*Flectámus iram vándicem,
Plorémus ante Júdicem,
Clamémus ore súpplíci,
Dicámus omnes cérnui :*

*Nostris malis offéndimus
Tuam, Deus, cleméntiam :
Effúnde nobis désuper,
Remíssor, indulgéntiam.*

*Meménto quod sumus tui,
Licet cadúci, plásmatis :
Ne des honórem nóminis
Tui, precámur, álteri.*

*Laxa malum, quod féci-
mus,
Auge bonum, quod pósci-
mus :*

*Placére quo tandem tibi
Possímus hic, et pérpetim.*

*¶ Sequens Conclusio num-
quam mutatur.*

*Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.*

Amen.

Tempore Passionis

*A Dominica Passionis usque
ad Feriam IV Majoris Heb-
domadæ inclusive, tam in*

dominicali quam in feriali Officio, dicitur quotidie sequens

Invitat. Hódie, si vocem Dómini audiéritis, * Nolíte obduráre corda vestra. **Ps. 94** Veníte. 3

In quarto Psalmi versu non dicitur : Hódie, si vocem ejus audiéritis, nolíte obduráre corda vestra; **sed, post repetitum a Choro Invitatorium, statim snbjungitur :** Sicut in exacerbatióne.

In fine autem hujus Psalmi non dicitur Glória Patri toto Passionis Tempore, quando fit Officium Dominicæ aut Feriæ; sed repetitur Invitatorium, ut alias, in fine. Quod etiam servatur in Responsoriiis ad Matutinum et in Responsoriiis brevibus ad Horas minores.

Hymnus

PAnge, lingua, gloriósi Láuream certáminis, Et super Crucis trophæo Dic triúmphum nóbilem : Quáliter Redémptor orbis Immolátus vicerit.

De paréntis protoplásti Fraude Factor cóndolens, Quando pomi noxiális In necem morsu ruit : Ipse lignum tunc notávit, Damna ligni ut sólveret.

Hoc opus nostræ salútis Ordo depopóscerat; Multifórmis proditóris Ars ut artem fálleret, Et medélam ferret inde, Hostis unde læserat.

Quando venit ergo sacri Plenitúdo témporis, Missus est ab arce Patris Natus, orbis Cónditor; Atque ventre virgináli Carne amíctus pródiit.

Vagit infans inter arcta Cónditus præsepia : Membra pannis involúta Virgo Mater álligat : Et Dei manus pedésque Stricta cingit fáschia.

Sempitérna sit beátæ Trinitáti glória, Æqua Patri, Filióque; Par decus Paráclito : Uníus Triníque nomen Laudet univérsitas. Amen.

Tempore Paschali

A Dominica in Albis usque ad Vigiliam Ascensionis inclusive tam in dominicali quam in feriali Officio, dicitur quotidie sequens

Invitat. Surréxit Dóminus vere, * Allelúja. **P. 94** Veníte. 3

Hymnus

REX sempitérne cælitum,

Rerum Créator ómnium, Æquális ante sácula Semper Parénti Fílius :

Nascénte qui mundo faber Imáginem vultus tui Tradens Adámo, nóbilem Limo jugásti spíritum.

Cum livor et fraus dáemonis Fœdásset humánum genus :

Tu, carne amíctus, pérdi-
tam

Formam refórmas ártifex.

Qui, natus olim e Vírgine,
Nunc e sepúlcro násceris,
Tecúmque nos a mórtuis
Jubes sepúltos súrgere.

Qui, pastor ætérmus, gre-
gem

Aqua lavas baptísmatis :
Hæc est lavácrum mén-
tium :

Hæc est sepúlcrum crími-
num.

Nobis diu qui débitæ
Redémptor affíxus cruci,
Nostræ dedísti pródigus
Prétium salútis sángu-
nem.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

¶ Sic terminantur omnes
Hymni ejusdem metri usque
ad Vigiliam Ascensionis in-
clusive, etiam in Officiis San-
ctorum, nisi Conclusio magis
propria sit in eis adhibenda.

In Festis

In Officio cujuslibet Festi
vel Octavæ, ac sanctæ Mariæ
in Sabbato, Invitatorium et
Hymnus ut in Proprio vel
Communi; in Dominica au-
tem infra Octavam Ascensio-
nis et in Feria VI post Octa-

vam Ascensionis, si de eis fiat
Officium, atque in Vigilia
Pentecostes, Invitatorium et
Hymnus ut in Proprio de
Tempore. Quæ norma ad re-
liquas item Horas erit obser-
vanda pro illis Officii parti-
bus, quæ juxta Rubricas ex
Ordinario vel Psalterio non
fuerint in Festis desumendæ.

In Officio novem Lectionum

Expleto Hymno, dicuntur
Antiphonæ convenientes, quæ
in Officiis ritus duplicis ante
et post Psalmos integræ reci-
tantur; in Officiis autem ritus
semiduplicis initio Psalmi in-
choantur tantum et usque ad
Asteriscum * perducuntur,
atque in fine integræ pronun-
tiantur; servata alterutra nor-
ma etiam in omnibus Anti-
phonis, quæ ad Laudes ac
Vesperas adhibentur.

IN I NOCTURNO

Sub congruentibus Antipho-
nis dicuntur tres Psalmi, ac
deinde jungitur Versus,
prouti Officium occurrens re-
quirit.

Post Versum cujuslibet No-
cturni dicitur

Pater noster secreto us-
que ad ℣. Et ne nos indú-
cas in tentatiónem. ℟. Sed
libera nos a malo.

Absolutio

✠ Xáudi, Dómine Jesu
Christe, preces servó-
rum tuórum, et miserére
nobis : Qui cum Patre et
Spíritu Sancto vivis et
regnas in sácula sæculó-
rum. ℟. Amen.

℟. Jube, domne, benedícere.

¶ Extra Chorum, quando ab uno tantum recitatur Officium, ante singulas Lectiones Matutini atque ad Lectionem brevem Primæ et Completorii, dicitur : Jube, Dómine, benedícere; et subjungitur congruens Benedictio. Ab Episcopo autem, ultimam Matutini Lectionem cantaturo, item dicitur : Jube, Dómine, benedícere; et respondetur a Choro : Amen.

Pro i Lectione

Bened. Benedictiōne perpétua benedícat nos Pater ætérnus. ℟. Amen.

Deinde dicuntur in unoquoque Nocturno Lectiones, prouti Officium occurrens requirit, et in fine cujuslibet Lectionis additur :

℟. Tu autem, Dómine, miserére nobis. ℟. Deo grátias.

Post quamlibet vero Lectionem, quæ Hymnum Te Deum immediate non præcedat, congruens dicitur Responsorium, et in fine ultimi Responsorii cujusque Nocturni additur Versus : Glória Patri, et Fílio, et Spirítui Sancto, et Responsorium ab Asterisco *, et quidem a secundo, si duo fuerint, repetitur.

Pro ii Lectione

Bened. Unigénitus Dei Fílius nos benedícere et adjuvára dignétur. ℟. Amen.

Pro iii Lectione

Bened. Spíritus Sancti grátia illúminet sensus et corda nostra. ℟. Amen.

IN II NOCTURNO

Sub congruentibus item Antiphonis dicuntur tres Psalmi et Versus, sicut in I Nocturno.

Post Versum dicitur.

Pater noster secreto usque ad ℟. Et ne nos indúcas in tentatiōnem. ℟. Sed libera nos a malo.

Absolutio

¶ Psíus píetas et misericórdia nos ádjuvet, qui cum Patre et Spíritu Sancto vivit et regnat in sæcula sæculórum. ℟. Amen.

℟. Jube, domne, benedícere.

Pro iv Lectione

Bened. Deus Pater omnípotens sit nobis propítius et clemens. ℟. Amen.

Pro v Lectione

Bened. Christus perpétuæ det nobis gáudia vitæ. ℟. Amen.

Pro vi Lectione

Bened. Ignem sui amóris accéndat Deus in córdibus nostris. ℟. Amen.

IN III NOCTURNO

Sub congruentibus denique Antiphonis dicuntur tres

Psalmi et Versus, sicut in I et II Nocturno.

Post Versum dicitur

Pater noster **secreto usque ad V.** Et ne nos inducas in tentationem. **R.** Sed libera nos a malo.

Absolutio

A Vinculis peccatorum nostrorum absolvat nos omnipotens et misericors Dominus. **R.** Amen.

V. Jube, domne, benedicere.

Pro vii Lectione

Bened. Evangelica lectio sit nobis salus et protectio. **R.** Amen.

Pro viii Lectione

In Festis Domini et in Dominicis :

Bened. Divinum auxilium maneat semper nobiscum. **R.** Amen.

In Festis beatæ Mariæ Virginis :

Bened. Cujus festum colimus, ipsa Virgo virginum intercedat pro nobis ad Dominum. **R.** Amen.

In Festis Sanctorum :

Bened. Cujus (vel Quorum aut Quarum) festum colimus, ipse (vel ipsa aut ipsi vel ipsæ) intercedat (vel intercedant) pro nobis ad Dominum. **R.** Amen.

Pro ix Lectione

Bened. Ad societatem civium supernorum perducat nos Rex Angelorum. **R.** Amen.

Si autem legenda sit Lectio ix de Homilia cum Evangelio Dominicæ, vel Feriæ, aut Vigiliæ :

Bened. Per evangelica dicta deleantur nostra delicta. **R.** Amen.

In Officio trium Lectionum

IN NOCTURNO

In Officiis trium Lectionum, post Hymnum dicuntur Antiphonæ convenientes, quæ initio Psalmi inchoantur tantum et usque ad Asteriscum * perducuntur, ac deinde in fine integræ pronuntiantur.

Sub eisdem vero Antiphonis dicuntur novem Psalmi Feriæ currentis, quibus subjungitur Versus in III Nocturno positus, omissis Versibus pro I et II Nocturno assignatis.

Post Versum dicitur

Pater noster **secreto usque ad V.** Et ne nos inducas in tentationem. **R.** Sed libera nos a malo.

Absolutio

Feria II et V

Exaudi, Domine, ut in I Nocturno.

Feria III et VI

Ipsius pietas, ut in II Nocturno.

Feria IV et Sabbato

A vínculis, ut in III Nocturno Officii novem Lectionum.

Deinde leguntur Lectiones cum Responsoriis, prouti Officium occurrens requirit; et ante eas dicuntur sequentes

Benedictiones

In Feriis, quando legitur Homilia cum Evangelio, erit :

1 Bened. Evangélica lèctio sit nobis salus et protèctio. *℟.* Amen.

2 Bened. Divinum auxilium máneat semper nobiscum. *℟.* Amen.

3 Bened. Ad societátem civium supernórum perdúcat nos Rex Angelórum.

℟. Amen.

In Feriis, quando non legitur Homilia cum Evangelio, Feria II et V Benedictiones ut in I Nocturno, Feria III et VI ut in II Nocturno Officii novem Lectionum; Feria autem IV et Sabbato erit :

1 Bened. Ille nos benedícat, qui sine fine vivit et regnat. *℟.* Amen.

2 Bened. Divinum auxilium máneat semper nobiscum. *℟.* Amen.

3 Bened. Ad societátem civium supernórum perdúcat nos Rex Angelórum.

℟. Amen.

In Festis Sanctorum erit :

1 Bened. Ille nos benedícat, qui sine fine vivit et regnat. *℟.* Amen.

2 Bened. Cujus (vel Quorum aut Quarum) festum cólimus, ipse (vel ipsa aut ipsi vel ipsæ) intercédât (vel intercédant) pro nobis ad Dóminum.

℟. Amen.

3 Bened. Ad societátem civium supernórum perdúcat nos Rex Angelórum.

℟. Amen.

In Officio de sancta Maria in Sabbato Absolutio et Benedictiones, quæ ibidem ponuntur.

Post ultimam Lectionem, in omnibus Dominicis Temporis Paschalis, in Festis cujusvis ritus, per omnes Octavas, et in Officio sanctæ Mariæ in Sabbato, dicitur Hymnus Ambrosianus. A Dominica autem I Quadragesimæ usque ad Sabbatum sanctum inclusive, non dicitur nisi in Festis; a Paschate vero usque ad Pentecosten inclusive, dicitur etiam in feriali Officio, excepta Feria II Rogationum. Quando vero Hymnus prædictus omittitur, ejus loco dicitur IX aut III Responsorium.

Hymnus Ambrosianus

TE Deum laudámus : *
te Dóminum confitémur.

Te ætérnum Patrem *
omnis terra venerátur.

Tibi omnes Angeli, * tibi
Cæli, et univérsæ Pote-
státes :

Tibi Chérubim et Séraphim *
incessábili voce
proclámant :

Sanctus, * Sanctus, *
Sanctus * Dóminus, Deus
Sábaoth.

Pleni sunt cæli et terra *
majestátis glóriæ tuæ.

Te gloriósus * Apostoló-
rum chorus,

Te Prophetárum * laudá-
bilis númerus,

Te Mártyrum candidá-
tus * laudat exércitus.

Te per orbem terrárum *
sancta confitétur Ecclésia,

Patrem * imménsæ ma-
jestátis;

Venerándum tuum ve-
rum * et únicum Fílium;
Sanctum quoque * Pará-
clitum Spíritum.

Tu Rex glóriæ, * Christe.

Tu Patris * sempitérnus
es Fílius.

Tu, ad liberándum sus-
ceptúrus hóminem, * non
horruísti Vírginis úterum.

Tu, devícto mortis acú-
leo, * aperuísti credénti-
bus regna cælórum.

Tu ad dexteram Dei se-
des, * in glória Patris.

Judex créderis * esse
ventúrus.

¶ Sequens versus dicitur
flexis genibus.

Te ergo quæsumus, tuis
fámulis súbveni, * quos
pretiósó sáanguine redemísti.

ÆtéRNA fac cum Sanctis
tuis * in glória numerári.

Salvum fac pópulum tu-
um, Dómine, * et bédedic
hereditáti tuæ.

Et rege eos, * et extólle
illos usque in ætérnum.

Per singulos dies * bene-
dicimus te;

Et laudámus nomen tuum
in sáeculum, * et in sáecu-
lum sáeculi.

Dignáre, Dómine, die
isto * sine peccáto nos
custodíre.

Miserére nostri, Dómi-
ne, * miserére nostri.

Fiat misericórdia tua,
Dómine, super nos, *
quemádmódum sperávi-
mus in te.

In te, Dómine, sperávi : *
non confúndar in ætér-
num.

Dicto Te Deum, aut ultimo
Responsorio, statim incipiun-
tur Laudes a Versu Deus, in
adjutórium, ut infra.

In privata vero recila-
tione Matutinum a Laudibus
separari potest; quo in casu,
post Hymnum Te Deum, vel
post ultimum Responsorium,
dicitur :

℣. Dóminus vobíscum.

℟. Et cum spíritu tuo.

¶ Hic Versus Dóminus vo-
bíscum non dicitur ab eo, qui
non est saltem in ordine Dia-
conatus; sed ejus loco substi-
tuitur, etiam in aliis Horis,
quoties in antecedentibus
Precibus dictus non fuerit :

℣. Dómine, exáudi ora-
tiónem meam. ℟. Et cla-
mor meus ad te véniat.

Orémus.

Et dicitur Oratio ut ad
Laudes.

Post Orationem additur :

℣. Dóminus vobíscum.

℟. Et cum spírítu tuo.

℣. Benedicámus Dómino.

℟. Deo grátias.

℣. Fidélium ánimæ per misericórdiam Dei requiéscant in pace. ℟. Amen.

Deinde dicitur Pater noster totum secreto.

In publica vero recitatione Matutinum in Choro a Laudibus separari non potest.

Ad Laudes

Si Laudes extra Chorum separentur a Matutino, ante eas dicitur secreto Pater noster et Ave María; secus absolute incipiuntur, ut sequitur :

℣. Deus in adjutórium.

Deinde, sub congruentibus Antiphonis, dicuntur Psalmi et Canticum, prouti Officium occurrens requirit.

Repetita vero post ultimum Psalmum Antiphona, dicuntur Capitulum, Hymnus et Versus, prouti Officium occurrens exigit.

Tempore Quadragesimæ

In Officio dominicali, Capitulum ut in Proprio de Tempore.

In Officio autem feriali dicitur quotidie sequens

Capitulum Is. 58, 1

CLama, ne cesses, quia si tuba exálta vocem tuam, et annúntia pópulo meo scélera eórum, et dó-

mui Jacob peccáta eórum.

℟. Deo grátias.

¶ Sic respondetur in fine omnium Capitulum.

In Officio tamen dominicali et feriali dicitur sequens Hymnus et Versus :

Hymnus

O Sol salútis, íntimis, Jesu, refúlge méntibus, Dum, nocte pulsa, grátior Orbi dies renáscitur.

Dans tempus acceptábile, Da lacrimárum rívilis Laváre cordis víctimam, Quam læta adúrat cáritas.

Quo fonte manávit nefas, Fluent perénnes lácrimæ, Si virga pæniténtiæ Cordis rigórem cónterat.

Dies venit, dies tua, In qua reflórent ómnia : Lætémur et nos, in viam Tua redúcti délixtera.

¶ Sequens Conclusio nunquam mutatur.

Te prona mundi máchina, Clemens, adóret, Trínitas, Et nos novi per grátiam Novum canámus cánticum. Amen.

℣. Angelis suis Deus mandávit de te. ℟. Ut custódiant te in ómnibus viis tuis.

Tempore Passionis

In Officio dominicali, Capitulum ut in Proprio de Tempore.

In Officio autem feriali, usque ad Feriam IV Majoris

Hebdomadae inclusive, dicitur quotidie sequens

Capitulum Jer. 11, 19

Veníte, mittámus lignum in panem ejus, et eradámus eum de terra vivéntium, et nomen ejus non memorétur ámplius.

In Officio tamen dominicali et feriali dicitur sequens Hymnus et Versus :

Hymnus

Lustra sex qui jam perégit,

Tempus implens córporis,
Sponte libera Redémptor
Passióni déditus,
Agnus in Crucis levátur
Immolándus stípitem.

Felle potus ecce languet :
Spina, clavi, lancea
Mite corpus perforárunt :
Unda manat, et cruor :
Terra, pontus, astra, mundus,

Quo lavántur flúmine!

Cruce fidélis, inter omnes
Arbor una nóbilis :
Silva talem nulla profert
Fronde, flore, gérmine :
Dulce ferrum, dulce lignum,

Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívitas;
Et supérni membra Regis
Tende miti stípitem.

Sola digna tu fuísti
Ferre mundi víctimam;

Atque portum præparáre
Arca mundo náufrago,
Quam sacer cruor perúnxit,
Fusus Agni córpore.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérstas. Amen.

✠. Eripe me de inimícis
meis, Deus meus. ✠. Et ab
insurgéntibus in me libera
me.

Tempore Pasehali

In Officio dominicali, a Dominica in Albis usque ad Dominicam V post Pascha inclusive, Capitulum ut in Proprio de Tempore.

In Officio autem feriali, a Feria II post Dominicam in Albis usque ad Vigiliam Ascensionis inclusive, dicitur quotidie sequens

Capitulum Rom. 6, 9-10

Chrístus resúrgens ex
mórtuis jam non móritur,
mors illi ultra non
dominábitur. Quod enim
mórtuus est peccáto, mórtuus
est semel : quod autem
vivit, vivit Deo.

In Officio tamen dominicali et feriali dicitur sequens Hymnus et Versus :

Hymnus

Auróra cælum púrpurat,
Æther resúltat láudibus,
Mundus triúmphans júbilat,
Horrens avérnus ínfremit :

Rex ille dum fortissimus
De mortis inférno specu
Patrum senátum liberum
Educit ad vitæ jubar.

Cujus sepúlcrum plúrimo
Custóde signábat lapis,
Victor triúmphat, et suo
Mortem sepúlcro fúnerat.

Sat fúneri, sat lácrimis,
Sat est datum dolóribus :
Surréxit exstíntor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.
Amen.

✠. In resurrectione tua,
Christe, allelúja. ✠. Cæli
et terra læténtur, allelúja.

**Recitato Versu, dicitur cum
Antiphona convenienti se-
quens**

Canticum Zachariæ

Luc. 1, 68-69

Benedictus † Dóminus,
Deus Israël, * quia vi-
sitávit, et fecit redempti-
onem plebis suæ :

Et eréxit cornu salutis
nobis : * in domo David,
púeri sui.

Sicut locútus est per os
sanctorum, * qui a sæculo
sunt, Prophetarum ejus :

Salútem ex inimícis no-
stris, * et de manu óm-
nium, qui odérunt nos :

Ad faciéndam misericór-
diam cum pátribus no-
stris : * et memorári tes-
taménti sui sancti.

Jusjurándum, quod jurá-
vit ad Abraham, patrem
nostrum, * datúrum se
nobis :

Ut sine timóre, de manu
inimicórum nostrórum li-
beráti, * serviámus illi.

In sanctitáte, et justítia
coram ipso, * ómnibus
diébus nostris.

Et tu, puer, Prophéta
Altíssimi vocáberis : *
præibis enim ante faciém
Dómini paráre vias ejus :

Ad dandám sciéntiam sa-
lútis plebi ejus : * in re-
missiönem peccatórum eó-
rum :

Per viscera misericórdiæ
Dei nostri : * in quibus vi-
sitávit nos, óriens ex alto :

Illumináre his, qui in té-
nebris, et in umbra mortis
sedent : * ad dirigéndo-
s pedes nostros in viám pa-
cis.

Glória Patri, et Fílio, * et
Spirítui Sancto.

Sicut erat in princípío, et
nunc, et semper, * et in
sæcula sæculórum. Amen.

¶ **Hic Versus** Glória Patri
dicitur in fine omnium Canti-
corum, nisi aliter adnotetur.

**Expleto Cantico ac repetita
Antiphona, si Preces non fue-**

rint recitandæ, statim dicitur
Versus Dóminus vobíscum
cum Oratione et reliquis om-
nibus usque ad finem Horæ,
ut infra.

In Feriis vero Quadrage-
simæ, et Passionis usque ad
Feriam IV Majoris Hebdoma-
dæ inclusive, si fiat Offi-
cium de Feria currenti, et
quamvis in eo peragenda sit
Commemoratio Duplicis aut
Semiduplicis ad instar Sim-
plicis redacti, post repetitam
ad Benedictus Antiphonam
di-cuntur flexis genibus se-
quentes Preces, quæ aliis
temporibus omittuntur :

Kýrie, eléison. Christe,
eléison. Kýrie, eléison.

Pater noster, quod dici-
tur a solo Hebdomadario
totum clara voce, usque
ad V. Et ne nos indúcas in
tentatióem. R. Sed libera
nos a malo.

V. Ego dixi : Dómine,
miserére mei. R. Sana áni-
mam meam, quia peccávi
tibi. V. Convértere, Dó-
mine, úsquequo? R. Et
deprecábilis esto super
servos tuos. V. Fiat mise-
ricórdia tua, Dómine, su-
per nos. R. Quemádmó-
dum sperávimus in te.
V. Sacerdótes tui induán-
tur justítiam. R. Et sancti
tui exsúltent.

V. Orémus pro beatíssi-
mo Papa nostro N. R. Dó-
minus consérvet eum, et
vivíficet eum, et beátum
fáciat eum in terra, et non

tradat eum in ánimam ini-
micórum ejus.

V. Orémus et pro Antí-
stite nostro N. R. Stet et
pascat in fortitúde tua,
Dómine, in sublimitáte
nóminis tui.

¶ Romæ præcedens Versus
cum suo Responsorio omit-
titur; alibi vero, ad litteram
N., ab omnibus nomen diœ-
cesani Episcopi exprimatur.
Vacante Apostolica vel Epi-
scopali Sede, alteruter vel
uterque respectivus Versus
cum suo Responsorio præ-
teritur.

V. Dómine, salvum fac
regem. R. Et exáudi nos
in die, qua invocáverimus
te. V. Salvum fac pópu-
lum tuum, Dómine, et bé-
nedic hereditáti tuæ. R. Et
rege eos, et extólle illos
usque in ætérnum. V. Me-
méto Congregatiónis
tuæ. R. Quam possedísti
ab initio. V. Fiat pax in
virtúte tua. R. Et abun-
dántia in túrribus tuis.
V. Orémus pro benefactó-
ribus nostris. R. Retri-
búere dignáre, Dómine,
ómnibus, nobis bona fa-
ciéntibus propter nomen
tuum, vitam ætérnam.
Amen. V. Orémus pro
fidélibus defúntis. R. Ré-
quiem ætérnam dona eis,
Dómine, et lux perpétua
lúceat eis. V. Requiéscant
in pace. R. Amen. V. Pro
frátribus nostris absénti-
bus. R. Salvos fac servos

tuos, Deus meus, sperantes in te. *V.* Pro afflictis et captivis. *R.* Libera eos, Deus Israël, ex omnibus tribulationibus suis. *V.* Mitte eis, Domine, auxilium de sancto. *R.* Et de Sion tuere eos. *V.* Domine, Deus virtutum, converte nos. *R.* Et ostende faciem tuam, et salvi erimus. *V.* Exsurge, Christe, adjuva nos. *R.* Et libera nos propter nomen tuum. *V.* Domine, exaudi orationem meam. *R.* Et clamor meus ad te veniat.

Absolutis Precibus, vel, si Preces locum non habeant, repetita Antiphona post Benedictus, statim dicitur :

V. Dominus vobiscum.

R. Et cum spiritu tuo.

Orémus.

Et dicitur Oratio conveniens. Postea fiunt Commemorationes, si occurrant.

Deinde, extra Tempus Paschale, in Officio semiduplici aut simplici tam de Tempore quam de Sanctis, præterquam a Dominica Passionis usque ad Feriam IV Majoris Hebdomadæ inclusive, ac præter omnes dies, in quibus habita sit Commemoratio Duplicis, fit sequens

**Suffragium
de omnibus Sanctis**

Ant. Beata Dei Genitrix Virgo Maria, Sanctique omnes intercedant pro nobis ad Dominum.

V. Mirificavit Dominus Sanctos suos. *R.* Et exaudivit eos clamantes ad se.

Orémus.

Oratio

A Cunctis nos, quaesumus, Domine, mentis et corporis defende periculis : et, intercedente beata et gloriosa semper Virgine Dei Genitrice Maria, cum beato Joseph, beatis Apostolis tuis Petro et Paulo, atque beato N. et omnibus Sanctis, salutem nobis tribue benignus et pacem; ut, destructis adversitatibus et erroribus universis, Ecclesia tua secura tibi serviat libertate. Per eundem Dominum nostrum.

R. Amen.

¶ In hac Oratione, ad litteram N., exprimitur nomen Titularis propriae Ecclesiae, dummodo Titulus non sit Persona divina vel Mysterium Domini, aut de ipso ratione Vigiliae vel Festi factum non fuerit Officium vel Commemoratio, aut illius nomen non sit in eadem Suffragii Oratione expressum; ac nomina sanctorum Angelorum et sancti Joannis Baptistae, si Titulares fuerint, præponuntur nomini sancti Joseph. In hisce autem omnibus casibus omittuntur verba atque beato N.

Tempore autem Paschali, a Feria II post Dominicam in Albis usque ad Vigiliam Ascensionis inclusive, in Officio Semiduplici aut Simplici tam de Tempore quam de

Sanctis, nisi habita sit Commemoratio Duplicis, vel factum fuerit Officium aut Commemoratio cujusvis Octavæ, loco Suffragii, fit sequens

Commemoratio de Cruce

Ant. Crucifixus surrexit a mórtuis, et redémit nos, allelúja, allelúja.

℣. Dícite in natióibus, allelúja. ℟. Quia Dóminus regnávít a ligno, allelúja.

Orémus. **Oratio**

DEus, qui pro nobis Fílium tuum Crucis patíbulum subíre voluísti, ut inimíci a nobis expélleres potestátem : concéde nobis, fámulis tuis; ut resurrectionis grátiam consequámur. Per eúmdem Dóminum. ℟. Amen.

Post ultimam Orationem additur :

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

℣. Fidélium ánimæ per misericórdiam Dei requiescant in pace. ℟. Amen.

Deinde, in publica Officii recitatione, si discedendum sit a Choro, itemque in recitatione privata, si tunc terminetur Officium; alioquin, in fine ultimæ Horæ dicitur Pater noster, totum secreto; eoque recitato, subjungitur :

℣. Dóminus det nobis suam pacem. ℟. Et vitam ætérnam. Amen.

Et immediate dicitur, cum suis Versu et Oratione, una ex finalibus beatæ Mariæ Virginis Antiphonis, quæ inferius post Completorium pro diversitate Temporis assignantur.

Postea concluditur :

℣. Divínium auxílium máneat semper nobíscum.

℟. Amen.

Ad Primam

Pater, Ave **et** Credo.

℣. Deus, in adjutórium.

Hymnus

JAM lucis orto sídere,
Deum precémur súp-
plices,
Ut in diúrnis áctibus
Nos servet a nocéntibus.

Linguam refrénans tém-
peret,
Ne litis horror insonet :
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit
Mundi per abstinéntiam
Ipsi canámus glóriam.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

¶ Conclusio communis, in Hymno præcedenti, et in aliis idem metrum habentibus, semper omittitur, quando specialis in omnibus Horis adhibenda præscribitur; et, si plures Conclusiones propriæ occurrant, sumitur Conclusio Officii currentis, aut secus Officii ipsa die et primo quidem loco inter cetera propriam Conclusionem habentia commemorandi, aut demum de occurrenti Octava communi vel de Tempore.

Expleto Hymno, conveniens dicitur Antiphona usque ad Asteriscum *, prouti occurrens Officium requirit.

Tempore Quadragesimæ

In Officio dominicali, Antiphona ut in Proprio de Tempore.

In Officio autem feriali, dicitur quotidie sequens

Ant. Vivo ego, * dicit Dóminus : nolo mortem peccatóris, sed ut magis convertátur, et vivat.

Tempore Passionis

In Officio dominicali, Antiphona ut in Proprio de Tempore.

In Officio feriali : In omnibus Feriis infra hebdomadam Passionis dicitur sequens

Ant. Libera me, Dómine, * et pone me juxta te : et cujúsvis manus pugnet contra me.

In Feria vero II, III et IV Majoris Hebdomadæ Anti-

phona prima ex Laudibus Feriæ currentis ut in Proprio de Tempore.

Tempore Paschali

In Officio Dominicali et feriali, a Dominica in Albis usque ad Vigiliam Ascensionis, in Officio autem de Sanctis usque ad Feriam VI post Octavam Ascensionis inclusive, Antiphona Allelúja, etiam ad Tertiam, Sextam, Nonam et Completorium, ut in Psalterio pro singulis Feriis apponitur.

Post enuntiatam Antiphonam dicuntur tres Psalmi Officio diei congruentes.

¶ Quando autem adhibetur posterius Laudum schema, duo Psalmi, in priorí Laudum dominicalium schemate omissi, resumuntur ad Primam Dominicæ ante alios Psalmos; et unus Psalmus, in priori pariter Laudum ferialium schemate omissus, item ad Primam Feriæ currentis post alios Psalmos resumitur.

Repetita post ultimum Psalmum integre Antiphona, conveniens dicitur Capitulum; nimirum :

In omnibus Dominicis, in Vigilia privilegiata Pentecostes, in Officio cujuslibet Festi vel Octavæ, ac sanctæ Mariæ in Sabbato, necnon in Feriis Temporis Paschalis :

Capitulum 1 Tim. 1, 17

REgi sæculórum immortalí et invisíbili, soli Deo honor et glória in sæcula sæculórum. Amen.

In omnibus autem Feriis extra Tempus Paschale :

Capitulum Zach. 8, 19

PAcem et veritatem diligite, ait Dominus omnipotens.

Dicto Capitulo, subjungitur Responsorium breve, ut sequitur. Versus tamen Qui sedes ad dexteram Patris semper omittitur, quando specialis Versus adhibendus præscribitur, Officii nempe currentis, aut secus Officii ad Laudes et primo quidem loco inter cetera specialem Versum habentia commemorati, aut demum de occurrenti Octava communi vel de Tempore proprius.

℟. br. Christe, Fili Dei vivi, * Miserere nobis. Et repetitur : Christe, Fili Dei vivi, miserere nobis. V. Qui sedes ad dexteram Patris. ℞. Miserere nobis. V. Glória Patri, et Filio, et Spiritui Sancto. ℞. Christe, Fili Dei vivi, miserere nobis. V. Exsúrge, Christe, ádjuva nos. ℞. Et libera nos propter nomen tuum.

¶ Ita dicuntur semper Responsorialia brevia, etiam ad Tertiam, Sextam, Nonam et Completorium.

Tempore Passionis, in Officio dominicali et feriali, omittitur in Responsorio brevi Glória Patri, et hujus loco repetitur Responsorium, ut sequitur :

℟. br. Christe, Fili Dei vivi, * Miserere nobis.

Christe. V. *Qui sedes ad dexteram Patris.* Miserere nobis. Christe, Fili Dei vivi. Miserere nobis.

V. Exsúrge, Christe, ádjuva nos. ℞. Et libera nos propter nomen tuum.

Tempore Paschali dicitur sequens

℟. br. Christe, Fili Dei vivi, miserere nobis, * Allelúja, allelúja. Christe. V. *Qui surrexísti a mortuis.* Allelúja, allelúja. Glória Patri. Christe.

V. Exsúrge, Christe, ádjuva nos, allelúja. ℞. Et libera nos propter nomen tuum, allelúja.

Et sic dicitur Responsorium breve a Dominica in Albis usque ad Sabbatum infra Octavam Pentecostes inclusive, etiam in Festis; excepto Versu Qui surrexísti a mortuis, si alter Versus in Proprio de Tempore vel de Sanctis assignetur.

Expleto Responsorio brevi, si Preces non fuerint recitandæ, statim dicitur Versus Dominus vobíscum cum subsequenti Oratione et reliquis omnibus usque ad finem Horæ ut infra.

In quolibet Officio semiduplici, in Officio sanctæ Mariæ in Sabbato, in Festis simplicibus, atque in Feriis Temporis Paschalis post Responsorium breve dicuntur sequentes Preces dominicales; quæ tamen omittuntur in Vigilia Pentecostes et omnibus insuper diebus, in quibus ad

Laudes habita sit Commemoratio Duplicis, vel factum fuerit Officium aut Commemoratio cujusvis Octavæ vel Feriæ VI post Octavam Ascensionis :

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **℟.** Sed libera nos a malo.

Credo in Deum **secreto usque ad V.** Carnis resurrectionem. **℟.** Vitam æternam. Amen.

V. Et ego ad te, Dómine, clamávi. **℟.** Et mane orátio mea præveniet te.

V. Repleátur os meum laude. **℟.** Ut cantem glóriam tuam, tota die magnitúdinem tuam. **V.** Dómine, avérte fáciem tuam a peccátis meis. **℟.** Et omnes iniquitátes meas dele. **V.** Cor mundum crea in me, Deus. **℟.** Et spíritum rectum innova in viscéribus meis. **V.** Ne projicias me a fácie tua. **℟.** Et spíritum sanctum tuum ne áuferas a me. **V.** Redde mihi lætítiam salutáris tui. **℟.** Et spíritu principalí confirma me. **V.** Adjutórium nostrum in nómine Dómini. **℟.** Qui fecit cælum et terram.

Deinde Hebdomadarius facit Confessionem cum Absolutione, eamque Chorus repetit, ut infra post feriales Preces.

In Feriis vero Quadragesimæ, et Passionis usque ad Feriam IV Majoris Hebdomadæ inclusive, si ad Laudes recitatæ fuerint Preces, post Responsorium breve dicuntur flexis genibus sequentes **Preces feriales :**

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **℟.** Sed libera nos a malo.

Credo in Deum **secreto usque ad V.** Carnis resurrectionem. **℟.** Vitam æternam. Amen.

V. Et ego ad te, Dómine, clamávi. **℟.** Et mane orátio mea præveniet te.

V. Repleátur os meum laude. **℟.** Ut cantem glóriam tuam, tota die magnitúdinem tuam. **V.** Dómine, avérte fáciem tuam a peccátis meis. **℟.** Et omnes iniquitátes meas dele. **V.** Cor mundum crea in me, Deus. **℟.** Et spíritum rectum innova in viscéribus meis. **V.** Ne projicias me a fácie tua. **℟.** Et spíritum sanctum tuum ne áuferas a me. **V.** Redde mihi lætítiam salutáris tui. **℟.** Et spíritu principalí confirma me. **V.** Eripe me, Dómine, ab hómine malo. **℟.** A viro iníquo eripe me. **V.** Eripe me de inimícis meis, Deus meus. **℟.** Et ab insurgéntibus in

me libera me. *℣*. Eripe me de operantibus iniquitatem. *℟*. Et de viris sanguinum salva me. *℣*. Sic psalmum dicam nómini tuo in sáculum sáculi. *℟*. Ut reddam vota mea de die in diem. *℣*. Exáudi nos, Deus, salutáris noster. *℟*. Spes ómnium finium terræ, et in mari longe. *℣*. Deus, in adiutorium meum inténde. *℟*. Dómine, ad adjuvándum me festína. *℣*. Sanctus Deus, Sanctus fortis, Sanctus immortalis. *℟*. Miserére nobis. *℣*. Benedic, ánima mea, Dómino. *℟*. Et ómnia, quæ intra me sunt, nómini sancto ejus. *℣*. Benedic, ánima mea, Dómino. *℟*. Et noli oblivisci omnes retributiones ejus. *℣*. Qui propitiátur ómnibus iniquitatibus tuis. *℟*. Qui sanat omnes infirmitates tuas. *℣*. Qui rédimittit de intéritu vitam tuam. *℟*. Qui coronat te in misericórdia et miserationibus. *℣*. Qui replet in bonis desidérium tuum. *℟*. Renovábitur ut áquilæ juvéntus tua. *℣*. Adjutorium nostrum in nómine Dómini. *℟*. Qui fecit cælum et terram.

Deinde Hebdomadarius facit Confessionem :

Confíteor Deo omnipoténti, beátæ Mariæ semper Vírgini, beáto Mi-

chaéli Archángelo, beáto Joánni Baptístæ, sanctis Apóstolis Petro et Paulo, ómnibus Sanctis, et vobis, fratres, quia peccávi nimis cogitatíone, verbo et ópere : mea culpa, mea culpa, mea máxima culpa. Ideo precor beátam Mariám semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum, Deum nostrum.

Chorus respondet :

Misereátur tui omnipotens Deus, et, dimíssis peccátis tuis, perdúcat te ad vitam ætérnam.

℟. Amen.

Deinde repetit Confessionem, et ubi dicitur : vobis, fratres, *et* vos, fratres, *dicat :* tibi, pater, *et* te, pater.

Facta Confessione a Choro, Hebdomadarius dicit :

Misereátur vestri omnipotens Deus, et, dimíssis peccátis vestris, perdúcat vos ad vitam ætérnam. *℟*. Amen.

Indulgéntiam, absolutiónem, et remissionem peccatórum nostrórum tribuat nobis omnipotens et miséricors Dóminus.

℟. Amen.

Extra Chorū si unus vel duo tantum recitent Officium, et in Choro Monialium, semel tantum ac simul ab omnibus ita fit Confessio :

Confiteor Deo omnipotēti, beātæ Mariæ semper Virgini, beāto Michaēli Archāngelo, beāto Joānni Baptistæ, sanctis Apóstolis Petro et Paulo, et ómnibus Sanctis, quia peccávi nimis cogitātiōe, verbo et ópere : mea culpa, mea culpa, mea máxima culpa. Ideo precor beātam Mariām semper Virginem, beātum Michaēlem Archāngelum, beātum Joānnem Baptistam, sanctos Apóstolos Petrum et Paulum, et omnes Sanctos, orāre pro me ad Dóminum, Deum nostrum.

Deinde dicitur :

Misereatur nostri omnipotens Deus, et, dimíssis peccátis nostris, perdúcat nos ad vitam ætérnam. Amen.

Indulgéntiam, absolutiōnem, et remissiōnem peccatórum nostrórum tribuat nobis omnipotens et miséricors Dóminus. Amen.

Facta Absolutione, subjungitur :

℟. Dignāre, Dómine, die isto. ℟. Sine peccáto nos custodíre. ℟. Miserere nostri, Dómine. ℟. Miserere nostri. ℟. Fiat misericór-

dia tua, Dómine, super nos. ℟. Quemádmōdum sperávimus in te. ℟. Dómine, exáudi oratiōnem meam. ℟. Et clamor meus ad te véniat.

Absolutis Precibus, vel, si Preces locum non habeant, post Responsorium breve statim dicitur :

℟. Dóminus vobíscum.

℟. Et cum spíritu tuo.

Orémus.

Oratio

Domine, Deus omnipotens, qui ad principium hujus diēi nos pervenire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiōes et ópera. Per Dóminum nostrum. ℟. Amen.

℟. Dóminus vobíscum.

℟. Et cum spíritu tuo.

℟. Benedicámus Dómino.

℟. Deo grátias.

Deinde in Choro legitur Martyrologium, quod laudabiliter fit etiam extra Chorum. Postea Hebdomadarius dicit :

℟. Pretiósā in conspéctu Dómini. ℟. Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári

et salvári, qui vivit et regnat in sæcula sæculórum. *℟.* Amen.

℣. Deus, in adjutórium meum inténde. *℟.* Dómine, ad adjuvándum me festína. *Et dicitur ter; ultimo additur :* Glória Patri, et Fílio, et Spirítui Sancto. Sicut erat in principio, et nunc, et semper, et in sæcula sæculórum. Amen.

Kýrie, eléison. Christe, eléison. Kýrie, eléison.

Pater noster *secreto usque ad* *℣.* Et ne nos indúcas in tentatiónem. *℟.* Sed libera nos a malo.

℣. Réspice in servos tuos, Dómine, et in ópera tua, et dirige filios eórum. *℟.* Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. *℣.* Glória Patri. *℟.* Sicut erat.

Orémus. *Oratio*

DIrígere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et liberi esse mereámur, Salvátor mundi : Qui vivis et regnas in sæcula sæculórum. *℟.* Amen.

Deinde dicitur Lectio brevis, ad absolutionem Capituli, prouti Officium occurrens requirit.

℣. Jube, domne, benedícere. *Bened.* Dies et actus nostros in sua pace dispónat Dóminus omnípotens. *℟.* Amen.

In Officio dominicali et feriali

A Dominica I Quadragesimæ usque ad Sabbatum ante Dominicam Passionis inclusive :

Lectio brevis Is. 55, 6

QUærite Dóminum, dum inveníri potest : invocáte eum, dum prope est. Tu autem, Dómine, miserére nobis. *℟.* Deo grátias.

¶ Ita semper concluduntur Lectiones breves ad Primam, et ita in earum fine respondetur.

A Dominica Passionis usque ad Feriam IV Majoris Hebdomadæ inclusive :

Lectio brevis Is. 50, 6-7

FAciam meam non avérti ab increpántibus, et conspuéntibus in me. Dóminus Deus auxiliátor meus, et ideo non sum confúsus. Tu autem.

A Dominica Resurrectionis usque ad Vigiliam Ascensionis inclusive :

Lectio brevis Col. 3, 1-2

SI consurrexístis cum Christo, quæ sursum sunt quærite; ubi Christus

est in dextera Dei sedens :
quæ sursum sunt sápite,
non quæ super terram.
Tu autem.

In Officio autem cujuslibet
Festi vel Octavæ, atque sanctæ
Mariæ in Sabbato; itemque
in Dominica infra Octavam
Ascensionis, atque in
Feria VI post Octavam
Ascensionis, si de eis fiat
Officium, et in Vigilia Pentecostes :

Pro Lectione brevi sumitur
Capitulum, quod ad Nonam
ponitur ipsius Officii curren-
tis, et in fine dicitur : Tu
autem, Dómine, ut supra.

Post Lectionem brevem di-
citur :

℣. Adjutórium nostrum
in nómine Dómini. ℟. Qui
fecit cælum et terram.

℣. Benedícite. ℟. Deus.

Bened. Dóminus nos be-
nedícat, et ab omni malo
deféndat, et ad vitam per-
dúcat ætérnam. Et fidé-
lium ánimæ per misericór-
diam Dei requiéscent in
pace. ℟. Amen.

Deinde dicitur tantum Pater
noster secreto, nisi sequatur
alia Hora.

Ad Tertiam

Pater noster et Ave.

℣. Deus, in adjutórium.

Hymnus

Nunc, Sancte, nobis,
Spíritus,
Unum Patri cum Fílio,

Dignáre promptus ingeri
Nostro refúsus pectori.

Os, lingua, mens, sensus,
vigor,

Confessiónem pérsonent,
Flamméscat igne cáritas,
Accéndat ardor próximos.

Præsta, Pater piíssime,
Pátrique compar Unice,
Cum Spíritu Paráclito
Regnans per omne sáecu-
lum. Amen.

¶ In Festo Pentecostes et
per Octavam, loco præceden-
tis, dicitur Hymnus Veni,
Creátor Spíritus, ut in Pro-
prio de Tempore.

Expleto Hymno, conveniens
dicitur Antiphona usque ad
Asteriscum *, et tres Psalmi,
prouti Officium occurrens re-
quirit; atque Psalmis absol-
utis, integra repetitur Anti-
phona.

Tempore Quadragesimæ

In Officio dominicali, Anti-
phona et Capitulum ut in
Proprio de Tempore.

In Officio autem feriali, di-
citur quotidie sequens

Ant. Advenérunt nobis *
dies pæniténtiæ, ad redi-
ménda peccáta, ad salván-
das ánimas.

Capitulum Joel 2, 12-13

Convertímini ad me in
toto corde vestro, in
jejúnio et fletu, et planctu.
Et scíndite corda vestra,
et non vestiménta vestra,
ait Dóminus omnípotens.

In Officio tamen dominicali et feriali dicitur sequens

℟. br. Ipse liberávit me
* De láqueo venántium.
Ipse. ℣. Et a verbo áspero. De. Glória Patri. Ipse.

℣. Scápuis suis obumbrábit tibi. ℟. Et sub penis ejus sperábis.

Tempore Passionis

In Officio dominicali, Antiphona et Capitulum ut in Proprio de Tempore.

In Officio feriali : In omnibus Feriis infra hebdomadam Passionis dicitur sequens

Ant. Judicásti, Dómine, * causam ánimæ meæ, defénsor vitæ meæ, Dómine, Deus meus.

In Feria vero II, III et IV Majoris Hebdomadæ Antiphona secunda ex Laudibus Feriæ currentis ut in Proprio de Tempore.

In ipsis autem Feriis, infra utramque hebdomadam, dicitur quotidie sequens

Capitulum Jer. 17, 13

Domine, omnes qui te derelinquunt, confundéntur : recedéntes a te, in terra scribéntur : quóniam dereliquerunt venam aquárum vivéntium Dóminum.

In Dominícis verò et in omnibus Feriis, superius indicatis, dicitur sequens

℟. br. Erue a frámea,
* Deus, ánimam meam.

Erue. ℣. Et de manu canis únicam meam. Deus. Erue. ℣. De ore leónis líbera me, Dómine. ℟. Et a córnibus unicórnium humilitátem meam.

Tempore Paschali

In Officio dominicali, a Dominica in Albis usque ad Dominicam V post Pascha inclusive, Capitulum ut in Proprio de Tempore.

In Officio feriali, a Feria II post Dominicam in Albis usque ad Vigiliam Ascensionis inclusive dicitur quotidie sequens

Capitulum Rom. 6, 9-10

Christus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

In Officio tamen dominicali et feriali dicitur sequens

℟. br. Surréxit Dóminus de sepúlcro, * Allelúja, allelúja. Surréxit. ℣. Qui pro nobis pepéndit in ligno. Allelúja, allelúja. Glória Patri. Surréxit.

℣. Surréxit Dóminus vere, allelúja. ℟. Et appáruit Simóni, allelúja.

Expleto Responsorio brevi, si Preces non fuerint recitandæ, statim dicitur Versus Dóminus vobíscum cum Oratione et reliquis omnibus usque ad finem Horæ, ut infra.

Quando vero ad Laudes recitatae sunt Preces, post Responsorium breve dicuntur sequentes flexis genibus :

KYrie, eléison. Christe, eléison. Kýrie, eléison.

Pater noster **secreto usque ad** V. Et ne nos inducas in tentationem. R. Sed libera nos a malo. V. Dómine, Deus virtutum, converte nos. R. Et ostende faciem tuam, et salvi érimus. V. Exsúrge, Christe, adjuva nos. R. Et libera nos propter nomen tuum. V. Dómine, exáudi orationem meam. R. Et clamor meus ad te véniat.

Absolutis Precibus, vel, si Preces locum non habeant, post Responsorium breve statim dicitur :

V. Dóminus vobíscum.

R. Et cum spíritu tuo.

Orémus.

Et dicitur Oratio conveniens.

Post Orationem additur :

V. Dóminus vobíscum.

R. Et cum spíritu tuo.

V. Benedicámus Dómino.

R. Deo grátias.

V. Fidélium ánimæ per misericórdiam Dei requiescant in pace. R. Amen.

Deinde dicitur tantum Pater noster secreto, nisi sequatur alia Hora.

Ad Sextam

Pater noster et Ave.

V. Deus, in adjutórium.

Hymnus

Rector potens, verax Deus,

Qui témperas rerum vices,
Splendóre mane illúminas,
Et ignibus merídiem :

Exstingue flammás lítium,
Aufer calórem nóxium,
Confer salútem córporum,
Verámque pacem córdium.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Expleto Hymno, conveniens dicitur Antiphona usque ad Asteriscum *, et tres Psalmi, prouti Officium occurrens requirit; atque, Psalmis absolutis, integra repetitur Antiphona.

Tempore Quadragesimæ

In Officio dominicali, Antiphona et Capitulum ut in Proprio de Tempore.

In Officio autem feriali, dicitur quotidie sequens

Ant. Commendémus nosmetipsos * in multa patientia, in jejúniis multis, per arma justitiæ.

Capitulum Is. 55, 7

Derelinquat impius viam suam, et vir iniquus cogitationes suas, et revertátur ad Dóminum,

et miserébitur ejus, et ad Deum nostrum, quóniam multus est ad ignoscéndum.

In Officio tamen dominicali et feriali dicitur sequens

℟. br. Scápolis suis * Obumbrábit tibi. Scápolis. V. Et sub pennis ejus sperábis. Obumbrábit tibi. Glória Patri. Scápolis.

V. Scuto circúmdabit te véritas ejus. ℟. Non timébis a timóre noctúrno.

Tempore Passionis

In Officio dominicali, Antiphona et Capitulum ut in Proprio de Tempore.

In Officio feriali : In omnibus Feriis infra hebdomadam Passionis dicitur sequens

Ant. Pópule meus, * quid feci tibi, aut quid moléstus fui? Respónde mihi.

In Feria II, III et IV Majoris Hebdomadæ Antiphona tertia ex Laudibus Feriæ currentis ut in Proprio de Tempore.

In ipsis autem Feriis, infra utramque hebdomadam, dicitur quotidie sequens

Capitulum Jer. 17, 18

Confundántur qui me persequúntur, et non confúndar ego : páveant illi, et non páveam ego : induc super eos diem afflictiónis, et dúplici contritióne cóntere eos, Dómine, Deus noster.

In Dominicis vero et in omnibus Feriis, superius indicatis, dicitur sequens

℟. br. De ore leónis * Líbera me, Dómine. De. V. Et a córnibus unicórnum humilitátem meam. Líbera. De. V. Ne perdas cum ímpiis, Deus, ánimam meam. ℟. Et cum viris sánguinem vitam meam.

Tempore Paschali

In Officio dominicali, a Dominica in Albis usque ad Dominicam V post Pascha inclusive, Capitulum ut in Proprio de Tempore.

In Officio feriali : a Feria II post Dominicam in Albis usque ad Vigiliam Ascensionis inclusive dicitur quotidie sequens

Capit. 1 Cor. 15, 20-22

Christus resurréxit a mórtuis primítiae dormiéntium : quóniam quidem per hóminem mors, et per hóminem resurréctio mortuórum. Et sicut in Adam omnes moriúntur, ita et in Christo omnes vivificabúntur.

In Officio tamen dominicali et feriali dicitur sequens

℟. br. Surréxit Dóminus vere, * Allelúja, allelúja. Surréxit. V. Et appáruit Simóni. Allelúja, allelúja. Glória Patri. Surréxit.

V. Gavísi sunt discípuli, allelúja. ℟. Viso Dómino, allelúja.

Expleto Responsorio brevi, si Preces non fuerint recitandæ, statim dicitur Versus Dóminus vobíscum cum Oratione et reliquis omnibus usque ad finem Horæ, ut infra.

Quando vero ad Laudes recitatae sunt Preces, post Responsorium breve dicuntur sequentes flexis genibus :

Kyrie, eléison. Christe, eléison. Kýrie, eléison.

Pater noster secreto usque ad V. Et ne nos inducas in tentationem. R. Sed libera nos a malo. V. Dómine, Deus virtútum, converte nos. R. Et ostende faciem tuam, et salvi érimus. V. Exsúrge, Christe, ádjuva nos. R. Et libera nos propter nomen tuum. V. Dómine, exáudi orationem meam. R. Et clamor meus ad te véniat.

Absolutis Precibus, vel, si Preces locum non habeant, post Responsorium breve statim dicitur :

V. Dóminus vobíscum.

R. Et cum spíritu tuo.

Orémus.

Et dicitur Oratio conveniens.

Post Orationem additur :

V. Dóminus vobíscum.

R. Et cum spíritu tuo.

V. Benedicámus Dómino.

R. Deo grátias.

V. Fidélium ánimæ per misericórdiam Dei requiescant in pace. R. Amen.

Deinde dicitur tantum Pater noster secreto, nisi sequatur alia Hora.

Ad Nonam

Pater noster et Ave.

V. Deus, in adjutórium.

Hymnus

Rerum, Deus, tenax vigor,

Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam decídat,

Sed præmium mortis sacræ

Perénis instet glória.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum. Amen.

Expleto Hymno, conveniens dicitur Antiphona usque ad Asteriscum *, et tres Psalmi, prouti Officium occurrens requirit; atque, Psalmis absolutis, integra repetitur Antiphona.

Tempore Quadragesimæ

In Officio dominicali, Antiphona et Capitulum ut in Proprio de Tempore.

In Officio feriali : dicitur quotidie sequens

Ant. Per arma justítiæ * virtútis Dei commendémus nosmetípsos in multa patiéntia.

Capitulum Is. 58, 7

FRange esuriénti panem tuum, et egénos vagósque induc in domum tuam : cum víderis nudum, óperi eum, et carnem tuam ne despéxeris.

In Officio tamen dominicali et feriali dicitur sequens

℟. br. Scuto circúmdabit te * Véritas ejus. Scuto. ℣. Non timébis a timóre noctúrno. Véritas ejus. Glória Patri. Scuto.

℣. Angelis suis Deus mandávit de te. ℟. Ut custódiant te in ómnibus viis tuis.

Tempore Passionis

In Officio dominicali, Antiphona et Capitulum ut in Proprio de Tempore.

In Officio feriali : In omnibus Feriis infra hebdomadam Passionis dicitur sequens

Ant. Numquid rédditur * pro bono malum, quia fodérunt fóveam ánimæ meæ?

In Feria vero II, III et IV Majoris Hebdomadæ Antiphona quinta ex Laudibus Feriæ currentis ut in Proprio de Tempore.

In ipsis autem Feriis, infra utramque hebdomadam, dicitur quotidie sequens

Capitulum Jer. 18, 20

Recordáre quod steterim in conspéctu tuo, ut lóquerer pro eis bonum, et avérterem indignatióem tuam ab eis.

In Dominicis vero et in omnibus Feriis, superius indicatis, dicitur sequens

℟. br. Ne perdas cum impiis, * Deus, ánimam meam. Ne. ℣. Et cum viris sánguinem vitam meam. Deus. Ne. ℣. Eripe me, Dómine, ab hómine malo. ℟. A viro iníquo éripe me.

Tempore Paschali

In Officio dominicali, a Dominica in Albis usque ad Dominicam V post Pascha inclusive, Capitulum ut in Proprio de Tempore.

In Officio feriali : a Feria II post Dominicam in Albis usque ad Vigiliam Ascensionis inclusive dicitur quotidie sequens

Capitulum 1 Petri 3, 18

Christus semel pro peccátis nostris mórtuus est, justus pro injústis, ut nos offérret Deo, mortificátus quidem carne, vivificátus autem spíritu.

In Officio tamen dominicali et feriali dicitur sequens

℟. br. Gavísi sunt discipuli, * Allelúja, allelúja. Gavísi. ℣. Viso Dómino. Allelúja, allelúja. Glória Patri. Gavísi. ℣. Mane nobíscum, Dómine, allelúja. ℟. Quóniam advesperáscit, allelúja.

Expleto Responsorio brevi, si Preces non fuerint recitandæ, statim dicitur Versus Dóminus vobíscum cum Ora-

tione et reliquis omnibus usque ad finem Horæ, ut infra.

Quando vero ad Laudes recitatæ sunt Preces post Responsorium breve dicuntur sequentes flexis genibus :

KYrie, eléison. Christe, eléison. Kýrie, eléison.

Pater noster secreto usque ad *℣*. Et ne nos indúcas in tentatióem. *℟*. Sed libera nos a malo. *℣*. Dómine, Deus virtútum, converté nos. *℟*. Et osténde faciém tuam, et salvi érimus. *℣*. Exsúrge, Christe, ádjuva nos. *℟*. Et libera nos propter nomen tuum. *℣*. Dómine, exáudi oratióem meam. *℟*. Et clamor meus ad te véniat.

Absolutis Precibus, vel, si Preces locum non habeant, post Responsorium breve statim dicitur :

℣. Dóminus vobíscum.

℟. Et cum spíritu tuo.

Orémus.

Et dicitur Oratio conveniens.

Post Orationem additur :

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

℣. Fidélium ánimæ per misericórdiam Dei requiescant in pace. *℟*. Amen.

Deinde dicitur tantum Pater noster secreto, nisi sequatur alia Hora.

Ad Vesperas

Pater noster et Ave.

℣. Deus, in adjutórium.

Deinde, sub congruentibus Antiphonis, dicuntur quinque Psalmi, prouti Officium occurrens requirit.

Repetita vero post ultimum Psalmum Antiphona, dicuntur Capitulum, Hymnus et Versus, prouti Officium occurrens exigit.

Tempore Quadragesimæ

In Officio dominicali, Capitulum ut in Proprio de Tempore.

In Officio feriali dicitur quotidie sequens

Capitulum Joel 2, 17

INter vestibulum et altáre plorábunt sacerdotes, ministri Dómini, et dicent : Parce, Dómine, parce pópulo tuo : et ne des hereditátem tuam in oppróbrium, ut dominéntur eis nátióes.

In Officio tamen dominicali et feriali dicitur sequens Hymnus et Versus :

Hymnus

AUdi, benígne Cónditor, Nostras preces cum flétibus,

In hoc sacro jejúnio Fusas quadragenário.

Scrutátor alme córdium, Infirma tu scis vírium : Ad te revérsis éxhibe Remissióis grátiam.

Multum quidem peccávi-
mus,
Sed parce confiténtibus :
Ad nóminis laudem tui
Confer medélam lángui-
dis.

Concéde nostrum cónteri
Corpus per abstinéntiam;
Culpæ ut relínquant pábu-
lum

Jejúna corda criminum.

¶ Sequens Conclusio num-
quam mutatur :

Præsta, beáta Trínitas,
Concéde, simplex Unitas;
Ut fructuósa sint tuis
Jejuniórum múnera.

Amen.

℣. Angelis suis Deus
mandávit de te. ℞. Ut cu-
stódiant te in ómnibus
viis tuis.

Tempore Passionis

In Officio dominicali, Capi-
tulum ut in Proprio de Tem-
pore.

In Officio feriali usque ad
Feriam IV Majoris Hebdo-
madæ inclusive dicitur quo-
tidie sequens

Capitulum Jer. 11, 20

TU autem, Dómine Sá-
baoth, qui júdicas ju-
ste, et probas renes et cor-
da, vídeam ultiónem tuam
ex eis : tibi enim revelávi
causam meam, Dómine,
Deus meus.

In Officio tamen dominicali
et feriali dicitur sequens
Hymnus et Versus :

Hymnus

VExílla Regis pródeunt :
Fulget Crucis mysté-
rium,

Qua vita mortem pértulit,
Et morte vitam prótulit.

Quæ, vulneráta lánceæ
Mucróné diro, criminum
Ut nos laváret sórdibus,
Manávit unda et sáanguine.

Impléta sunt quæ cóncinit
David fidéli cármine,
Dicéndo natió nibus :
Regnávit a ligno Deus.

Arbor decóra et fúlgida,
Ornáta Regis púrpura,
Elécta digno stípíte
Tam sancta membra tán-
gere.

Beáta, cujus bráchiis
Prétium pepéndit sæculi,
Statéra facta córporis,
Tulítque prædam tártari.

¶ Sequens strophá dicitur
flexis genibus; et última
numquam mutatur.

O Crux, ave, spes única,
Hoc Passiósni témpore
Piis adáuge grátiam,
Reisque dele crimina.

Te, fons salútis, Trínitas,
Colláudet omnis spíritus :
Quibus Crucis victóriam
Largíris, adde præmium.
Amen.

℣. Eripe me, Dómine, ab
hómíne malo. ℞. A viro
iníquo éripe me.

Tempore Pasehali

In Officio dominicali a Do-
minica in Albis usque ad Do-

minicam V post Pascha inclusive, Capitulum ut in Proprio de Tempore.

In Officio feriali a Feria II post Dominicam in Albis usque ad Feriam III Rogationum inclusive dicitur quotidie sequens

Capitulum Rom. 6, 9-10

Christus resurgens ex mortuis jam non moritur, mors illi ultra non dominabitur. Quod enim mortuus est peccato, mortuus est semel : quod autem vivit, vivit Deo.

In Officio tamen dominicali et feriali dicitur sequens Hymnus et Versus :

Hymnus

Ad régias Agni dapes,
Stolis amicti candidis,
Post transitum Maris Rubri,
Christo canamus Principi :

Divina cujus caritas
Sacrum propinat sanguinem,
Almique membra corporis
Amor sacerdos immolat.

Sparsum cruorem postibus
Vastator horret Angelus :
Fugitque divisum mare;
Merguntur hostes fluctibus.

Jam Pascha nostrum Christus est,
Paschalis idem victima,
Et pura puris mentibus
Sinceritatis azyma.

O vera cæli victima,
Subiecta cui sunt tartara,
Soluta mortis vincula,
Recepta vitæ præmia.

Victor, subactis inferis,
Trophæa Christus explicat;

Cæloque aperto, subditum
Regem tenebrarum trahit.

Ut sis perenne mentibus
Paschale, Jesu, gaudium,
A morte dira criminum,
Vitæ renatos libera.

Deo Patri sit gloria,
Et Filio, qui a mortuis
Surrexit, ac Paráclito,
In sempiterna sæcula.

Amen.

V. Mane nobiscum, Domine, allelúja. **R.** Quoniam advesperascit, allelúja.

Recitato Versu, dicitur cum Antiphona convenienti sequens

Canticum beatæ Mariæ Virginis

Luc. 1, 46-55

Magnificat * † ánima
mea Dóminum :
Et exsultavit spíritus
meus * in Deo, salutári
meo.

Quia respexit humilitatem ancillæ suæ : * ecce enim, ex hoc beatam me dicent omnes generationes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * tíméntibus eum.

Fecit poténtiam in bráchio suo : * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis : * et dívites dimísit inánes.

Suscépit Israël, púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sácula.

Glória Patri.

Expleto Cantico ac repetita Antiphona, si Preces non fuerint recitandæ, statim dicitur Versus Dóminus vobiscum cum Oratione et reliquis omnibus usque ad finem Horæ, ut infra.

In Feriis vero Quadragesimæ, et Passionis usque ad Feriam IV Majoris Hebdomadæ inclusive, si fiat Officium de Feria currenti, et quamvis in eo peragenda sit Commemoratio Duplicis aut Semiduplicis ad instar Simplicis redacti, post repetitam ad Magnificat Antiphonam dicuntur flexis genibus sequentes Preces, quæ alias omittuntur :

KYrie, eléison. Christe, eléison. Kýrie, eléison.

Pater noster, quod dicitur a solo Hebdomadario totum clara voce, usque ad V. Et ne nos indúcas in tentatióem. R. Sed

libera nos a malo. V. Ego dixi : Dómine, miserére mei. R. Sana ánimam meam, quia peccávi tibi. V. Convértere, Dómine, úsquequo? R. Et deprecábilis esto super servos tuos. V. Fiat misericórdia tua, Dómine, super nos. R. Quemádmódum sperávimus in te. V. Sacerdótes tui induántur justítiám. R. Et sancti tui exsúltent. V. Orémus pro beatíssimo Papa nostro N. R. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. V. Orémus et pro Antístite nostro N. R. Stet et pascat in fortitúde tua, Dómine, in sublimitáte nóminis tui.

¶ **Romæ præcedens Versus cum suo Responsorio omittitur; alibi vero, ad litteram N., ab omnibus nomen diœcesani Episcopi exprimitur. Vacante Apostolica vel Episcopali Sede, alteruter vel uterque respectivus Versus cum suo Responsorio præteritur.**

V. Dómine, salvum fac regem. R. Et exáudi nos in die, qua invocáverimus te. V. Salvum fac pópulum tuum, Dómine, et bédedic hereditáti tuæ. R. Et rege eos, et extólle illos usque in ætérnum. V. Meménto Congregatiónis tuæ. R. Quam posse-

dísti ab iníitio. *V.* Fiat pax in virtúte tua. *R.* Et abundantia in túrribus tuis. *V.* Orémus pro benefactoribus nostris. *R.* Retribuere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. *V.* Orémus pro fidélibus defúctis. *R.* Réquiem ætérnam dona eis, Dómine, et lux perpétua lúceat eis. *V.* Requiéscant in pace. *R.* Amen. *V.* Pro frátribus nostris abséntibus. *R.* Salvos fac servos tuos, Deus meus, sperántes in te. *V.* Pro afflictis et captívis. *R.* Líbera eos, Deus Israël, ex ómnibus tribulatióibus suis. *V.* Mitte eis, Dómine, auxílium de sancto. *R.* Et de Sion tuére eos. *V.* Dómine, Deus virtútum, convérte nos. *R.* Et osténde faciém tuam, et salvi érimus. *V.* Exsúrge, Christe, adjuva nos. *R.* Et líbera nos propter nomen tuum. *V.* Dómine, exáudi oratió-nem meam. *R.* Et clamor meus ad te véniat.

Absolutis Precibus, vel, si Preces locum non habeant, repetita Antiphona post Magnificat, statim dicitur :

V. Dóminus vobíscum.

R. Et cum spírítu tuo.

Orémus.

Et dicitur Oratio conveniens.

Postea fiunt Commemorationes, si occurrant.

Deinde, extra Tempus Paschale, in Officio semiduplici aut simplici tam de Tempore quam de Sanctis, præterquam a Sabbato ante Dominicam I Passionis usque ad Feriam IV Majoris Hebdomadæ inclusive, ac præter omnes dies, in quibus habitasit Commemoratio Duplicis, etiam concurrentis, fit sequens

Suffragium de omnibus Sanctis

Ant. Beáta Dei Génitrix Virgo María, Sanctique omnes intercédant pro nobis ad Dóminum.

V. Mirificávit Dóminus Sanctos suos. *R.* Et exaudivit eos clamántes ad se.

Orémus.

Oratio

A Cunctis nos, quæsumus, Dómine, mentis et córporis defénde periculis : et, intercedénte beáta et gloriósa semper Vírgine Dei Genitríce María, cum beáto Joseph, beátis Apóstolis tuis Petro et Paulo, atque beáto *N.* et ómnibus Sanctis, salútem nobis tribue benígnus et pacem; ut, destrúctis adversitatibus et erróribus univér-sis, Ecclésia tua secúra tibi sérviat libertáte. Per eúndem Dóminum. *R.* Amen.

¶ In hac Oratione, ad litteram *N.*, exprimitur nomen

Titularis propriæ Ecclesiæ, dummodo Titulus non sit Persona divina vel Mysteriorum Domini, aut de ipso ratione Festi factum non fuerit Officium vel Commemoratio, aut illius nomen non sit in eadem Suffragii Oratione expressum; ac nomina sanctorum Angelorum et sancti Joannis Baptistæ, si Titulares fuerint, præponuntur nomini sancti Joseph. In hisce autem omnibus casibus omituntur verba atque beato N.

Tempore autem Paschali, a Feria II post Dominicam in Albis usque ad Feriam III Rogationum inclusive, in Officio semiduplici aut simplici tam de Tempore quam de Sanctis, nisi habita sit Commemoratio Duplicis, etiam concurrentis, vel factum fuerit Officium aut Commemoratio cujusvis Octavæ, loco Suffragii, fit sequens

Commemoratio de Cruce

Ant. Crucifixus surrêxit a mortuis, et redêmit nos, allelûja, allelûja.

℣. Dícite in nationibus, allelûja. ℟. Quia Dóminus regnâvit a ligno, allelûja.

Orémus.

Oratio

DEus, qui pro nobis Filium tuum Crucis patibulum subire voluisti, ut inimici a nobis expelleres potestatem : concède nobis, fâmulis tuis; ut resurrectionis grâtiâ consequâmur. Per eúmdem Dóminum. ℟. Amen.

Post ultimam Orationem additur :

℣. Dóminus vobíscum.

℟. Et cum spíritu tuo.

℣. Benedicâmus Dómino.

℟. Deo grâtiâs.

℣. Fidélium ánimæ per misericórdiam Dei requiescant in pace. ℟. Amen.

Si post Vesperas immediate sequatur Completorium, dicto Versu Fidélium ánimæ, statim incipitur Versus Jube, domne, benedicere, ut infra ad Completorium; secus autem, si tunc terminetur Officium, dicitur tantum Pater noster secreto.

Ad Completorium

Ante Completorium non dicitur Pater noster et Ave María, sicut in aliis Horis, sed absolute Lector incipit :

℣. Jube, domne, benedicere. **Bened.** Noctem quiétam, et finem perféctum concédât nobis Dóminus omnipotens. ℟. Amen.

Lectio brevis

1 Petr. 5, 8-9

FRatres : Sóbrii estóte, et vigiláte : quia adversárius vester diábolus tamquam leo rúgiens circuit, quærens quem dévorret : cui resistite fortes in fide. Tu autem, Dómine, miserere nobis. ℟. Deo grâtiâs.

✠. Adjutórium nostrum in nómine Dómini. ✠. Qui fecit cælum et terram.

Pater noster, **quod dicitur totum secreto.**

Deinde Hebdomadarius facit Confessionem :

Confiteor Deo omnipoténti, beátæ Mariæ semper Vírgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, ómnibus Sanctis, et vobis, fratres, quia peccávi nimis cogitatíone, verbo et ópere : mea culpa, mea culpa, mea máxima culpa. Ideo precor beátam Mariám semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum, Deum nostrum.

Chorus respondet :

Misereátur tui omnipotens Deus, et, dimíssis peccátis tuis, perdúcat te ad vitam ætérnam.

✠. Amen.

Deinde repetit Confessionem, et ubi dicitur : vobis, fratres, **et** vos, fratres, **dicat :** tibi, pater, **et** te, pater.

Facta Confessione a Choro Hebdomadarius dicit :

Misereátur vestri omnipotens Deus, et, dimíssis peccátis vestris,

perdúcat vos ad vitam ætérnam. ✠. Amen.

Indulgéntiam, absolutiόνem, et remissiόνem peccatórum nostrórum tríbuat nobis omnipotens et miséricors Dóminus.

✠. Amen.

Extra Chorum, si unus vel duo tantum recitent Officium, et in Choro Monialium, semel tantum ac simul ab omnibus ita fit Confessio :

Confiteor Deo omnipoténti, beátæ Mariæ semper Vírgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, et ómnibus Sanctis, quia peccávi nimis cogitatíone, verbo et ópere : mea culpa, mea culpa, mea máxima culpa. Ideo precor beátam Mariám semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, et omnes Sanctos, oráre pro me ad Dóminum, Deum nostrum.

Deinde dicitur :

Misereátur nostri omnipotens Deus, et, dimíssis peccátis nostris, perdúcat nos ad vitam ætérnam. Amen.

Indulgéntiam, absolutiόνem, et remissiόνem peccatórum nostrórum tríbuat nobis omnipotens

et miséricors Dóminus.
Amen.

Facta Absolutione, dicitur :

℣. Convérte nos, Deus,
salutáris noster. ℟. Et
avérte iram tuam a nobis.

℣. Deus, in adjutórium.

Deinde, inchoata conve-
nienti Antiphona, dicuntur
tres Psalmi, prouti Officium
occurrens requirit.

Repetita integre post ulti-
mum Psalmum Antiphona,
dicitur sequens

Hymnus

TE lucis ante términum,
Rerum Créator, pósci-
mus,

Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cóm-
prime,
Ne polluéantur córpora.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáecu-
lum. Amen.

Absoluto Hymno, dicitur
sequens Capitulum et Re-
sponsórium breve :

Capitulum Jer. 14, 9

TU autem in nobis es,
Dómine, et nomen
sanctum tuum invocátum
est super nos : ne derelín-
quas nos, Dómine, Deus
noster.

℟. br. In manus tuas,
Dómine, * Comméndo spí-
ritum meum. In manus
tuas, Dómine, comméndo
spíritum meum. ℣. Rede-
místi nos, Dómine, Deus
veritátis. Comméndo spí-
ritum meum. Glória Patri,
et Filio, et Spíritui San-
cto. In manus tuas, Dó-
mine, comméndo spíritum
meum.

℣. Custódi nos, Dómine,
ut pupíllam óculi. ℟. Sub
umbra alárum tuárum
prótege nos.

A Sabbato ante Domini-
cam Passionis usque ad Fer-
riam IV Majoris Hebdoma-
dæ inclusive, si præcedentes
Vesperæ fuerint de Dominica
vel de Feria, in Responsorio
brevi omittitur Glória Patri,
et hujus loco repetitur Re-
sponsórium, ut sequitur :

℟. br. In manus tuas,
Dómine, * Comméndo spí-
ritum meum. In manus.
℣. Redemísti nos, Dómi-
ne, Deus veritátis. Com-
méndo. In manus.

℣. Custódi nos, Dómine,
ut pupíllam óculi. ℟. Sub
umbra alárum tuárum
prótege nos.

A Sabbato ante Dominicam
in Albis usque ad Ferriam VI
infra Octavam Pentecostes
inclusive, dicitur sequens

℟. br. In manus tuas,
Dómine, comméndo spíri-
tum meum, * Allelúja, al-
lelúja. In manus. ℣. Rede-
místi nos, Dómine, Deus

veritátis. Allelúja, allelúja. Glória Patri. In manus. *V.* Custódi nos, Dómine, ut pupillam óculi, allelúja. *R.* Sub umbra alárum tuárum prótege nos, allelúja.

Postea ad Canticum dicitur sequens

Ant. Salva nos.

Canticum Simeonis

Luc. 2, 29-32

Nunc dimíttis servum tuum, Dómine, * scúndum verbum tuum in pace :

Quia vidérunt óculi mei * salutáre tuum.

Quod parásti * ante fáciem ómnium populórum,

Lumen ad revelatióem géntium, * et glóriam plebis tuæ Israël.

Glória Patri.

Ant. Salva nos, Dómine, vigilátes, custódi nos dormiéntes; ut vigilémus cum Christo, et requiescámus in pace.

Tempore Paschali in fine Antiphonæ additur Allelúja.

Deinde, si Preces non fuerint recitandæ, statim dicitur Versus Dóminus vobiscum cum subsequenti Oratione et reliquis omnibus usque ad finem Completorii, ut infra.

In quolibet Officio semiduplici, in Officio sanctæ Mariæ in Sabbato, in Festis simplicibus, atque in Feriis, intra et extra Tempus Paschale, post repetitam ad Nunc di-

mittis Antiphonam, dicuntur sequentes Preces; quæ tamen omittuntur in Feria VI post Octavam Ascensionis et omnibus insuper diebus, in quibus ad Vesperas habitabit Commemoratio Duplicis, vel factum fuerit Officium aut Commemoratio cujusvis Octavæ. Semper autem recitari debent, et flexis quidem genibus, in iis Feriis, in quibus ad Vesperas dictæ sint Preces feriales.

KYrie, eléison. Christe, eléison. KÝrie, eléison.

Pater noster *secreto usque ad V.* Et ne nos indúcas in tentatióem. *R.* Sed libera nos a malo.

Credo in Deum *secreto usque ad V.* Carnis resurrectionem. *R.* Vitam æternam. Amen.

V. Benedíctus es, Dómine, Deus patrum nostrórum. *R.* Et laudábilis et gloriósus in sácula. *V.* Benedicámus Patrem et Fílium cum Sancto Spíritu.

R. Laudémus, et superexaltémus eum in sácula.

V. Benedíctus es, Dómine, in firmaménto cæli. *R.* Et laudábilis, et gloriósus, et superexaltátus in sácula.

V. Benedícat et custódiat nos omnípotens et miséricors Dóminus. *R.* Amen.

V. Dignáre, Dómine, nocte ista. *R.* Sine peccáto nos custodíre. *V.* Miserére nostri, Dómine. *R.* Miserére nostri. *V.* Fiat misericór-

dia tua, Dómine, super nos. *℟.* Quemádmódum sperávimus in te. *℣.* Dómine, exáudi oratióem meam. *℟.* Et clamor meus ad te véniat.

Absolutis Precibus, vel, si Preces locum non habeant, repetita Antiphona post Magnificat, statim dicitur :

℣. Dóminus vobíscum.

℟. Et cum spíritu tuo.

Orémus.

Oratio

Visita, quáesumus, Dómine, habitatióem istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiant; et benedíctio tua sit super nos semper. Per Dóminum nostrum.

℟. Amen.

Post Orationem additur :

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

Benedictio Benedícat et custódiat nos omnípotens et miséricors Dóminus, Pater, et Fílius, et Spíritus Sanctus.

℟. Amen.

*Et non dicitur Versus Fidé-
lium ánimæ, sed immediate
subjungitur una ex finalibus
beatæ Mariæ Virginis Anti-
phonis, quæ infra pro diver-
sitate Temporis assignantur.*

Postea subjungitur :

℣. Divínium auxiliúm má-
neat semper nobíscum.

℟. Amen.

*Deinde dicitur secreto Pater
noster, Ave María et Credo.*

*Si post Completorium im-
mediate sequatur Matuti-
num, tunc bis dicitur Pater
noster, Ave María et Credo,
pro fine videlicet Officii diei
præcedentis, et pro initio
Officii diei sequentis.*

Post singulas Horas

In fine Laudum, vel, si post Laudes immediate subsequatur alia Hora, in fine ultimæ Horæ, sicuti et semper in fine Completorii, quamvis immediate sequatur Matutinum diei sequentis, tam in publica quam in privata divini Officii recitatione; atque in publica insuper recitatione post alias quascumque Horas, si tunc terminetur Officium et discedatur a Cho-

ro, dicitur sequens Antiphona finalis beatæ Mariæ Virginis.

I Post Laudes ac ceteras Horas, præter Completorium, dicto Versu Fidélium ánimæ et Oratione Dominica secreto recitata, subjungitur :

℣. Dóminus det nobis suam pacem. *℟.* Et vitam ætérnam. Amen.

*Atque statim dicitur Anti-
phona finalis, ut infra.*

II Post Completorium vero, recitata Benedictione Benedicat et custodiat nos, immediate subjungitur Antiphona finalis, ut infra.

Antiphonæ finales

Beatæ Mariæ Virginis

1 A Vesperis Sabbati ante Dominicam I Quadragesimæ usque ad Completorium Feriæ IV Majoris Hebdomadæ inclusive :

Antiphona

AVE, Regína cælórum,
Ave, Dómina Angelórum :

Salve, radix, salve, porta,
Ex qua mundo lux est orta :

Gaude, Virgo gloriósa,
Super omnes speciósa,
Vale, o valde decóra,
Et pro nobis Christum exóra.

℣. Dignáre me laudáre te, Virgo sacráta. ℟. Da mihi virtútem contra hostes tuos.

Orémus.

Oratio

Concède, miséricors Deus, fragilitáti nostræ præsidium : ut, qui sanctæ Dei Genitrícis memóriam ágimus; intercessiónis ejus auxílio, a nostris iniquitátibus resurgámus. Per eúmdem Chri-

stum Dóminum nostrum. ℟. Amen.

2 A Completorio Sabbati sancti usque ad Nonam Sabbati infra Octavam Pentecostes inclusive :

Antiphona

Regína cæli, lætáre, allelúja;

Quia quem meruísti portáre, allelúja,
Resurréxit, sicut dixit, allelúja :

Ora pro nobis Deum, allelúja.

℣. Gaude et lætáre, Virgo María, allelúja. ℟. Quia surréxit Dóminus vere, allelúja.

Orémus.


Oratio

Deus, qui per resurrectionem Fílii tui, Dómini nostri Jesu Christi, mundum lætificáre dignátus es : præsta, quæsumus; ut, per ejus Genitrícem Vírginem Mariám, perpétuæ capíamus gáudia vitæ. Per eúmdem Christum, Dóminum nostrum. ℟. Amen.

Absoluta vero Antiphona finali cum suis Versu et Oratione, concluditur :

℣. Divínium auxílium máneat semper nobíscum.

℟. Amen.



Post divinum Officium

Cum expletum fuerit Officium, laudabiliter dicitur sequens Oratio; pro qua Summus Pontifex Pius Papa XI sub die 1 Decembris 1933 indulgentiam trium annorum concessit. Præterea Clericis in sacris constitutis et Sacerdotibus eam devote post Officium recitantibus Summus Pontifex Leo X defectus et culpas in eo persolvendo ex humana fragilitate contractas, indulsit. Dicitur autem flexis semper genibus in privata etiam recitatione, præter quam ab iis, qui ob certam infirmitatem vel gravius impedimenti causam nequeant genuflectere.


Oratio

Sacrosanctæ et indivisus duæ Trinitati, crucifixi Dómini nostri Jesu

Christi humanitati, beatissimæ et gloriosissimæ sempérque Vírginis Mariæ fecundæ integritati, et ómnium Sanctórum universitati sit sempiterna laus, honor, virtus et glória ab omni creatúra, nobisque remissio ómnium peccatórum, per infinita sæcula sæculórum.
 ✠. Amen.

℣. Beáta víscera Mariæ Vírginis, quæ portavérunt æténi Patris Fílium.
 ✠. Et beáta úbera, quæ lactavérunt Christum Dóminum.

Et dicitur secreto Pater noster et Ave Mariá.





Psalterium **Breuiarii Romani**

PER OMNES AC SINGULOS HEBDOMADÆ DIES
 DISPOSITUM

DOMINICA

AD MATUTINUM

Pater, Ave **et** Credo.

V. Dómine, lábia mea.

V. Deus, in adjutórium.

Tempore Quadragesimæ

Invit. Non sit vobis vanum mane súrgere ante lucem : * Quia promísit Dóminus corónam vigi-
 lántibus. **Ps. 94** Veníte. **3**

Hymnus

EX more docti mýstico
 Servémus hoc jejú-
 nium,
 Deno diérum círculo
 Ducto quater notíssimo.

Lex et prophétæ prímitus
 Hoc prætulérunt, póstmo-
 dum
 Christus sacrávit, ómnium
 Rex atque factor témpo-
 rum.

Utámur ergo párcius
 Verbis, cibis et pótibus,
 Somno, jocis, et árcius
 Perstémus in custódia.

Vitémus autem nóxia,
 Quæ súbruunt mentes va-
 gas :

Nullúmque demus cállidi
 Hostis locum tyránnidi.

Flectámus iram víndicem,
 Plorémus ante Júdicem,
 Clamémus ore súpplíci,
 Dicámus omnes cérnui :

Nostris malis offéndimus
Tuam, Deus, cleméntiam :
Effúnde nobis désuper,
Remíssor, indulgéntiam.

Meménto, quod sumus tui,
Licet cadúci, plásmatis :
Ne des honórem nóminis
Tui, precámur, álteri.

Laxa malum, quod féci-
mus,
Auge bonum, quod pósci-
mus :

Placére quo tandem tibi
Possímus hic, et pérpetim.

¶ *Sequens Conclusio num-
quam mutatur.*

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera. Amen.

Tempore Passionis

Invit. Hódie, si vocem
Dómini audiéritis, * No-
líte obduráre corda vestra.

Ps. 94 Veníte. 3

*In quarto Psalmi versu non
dicitur : Hódie, si vocem ejus
audiéritis, nolíte obduráre
corda vestra; sed, post repe-
títum a Choro Invitatorium,
statim subjungitur : Sicut in
exacerbatióne.*

*In fine autem hujus Psalmi
non dicitur Glória Patri,
quando fit Officium de Do-
minica; sed repetitur Invita-
torium, ut alias, in fine.*

Hymnus

P Ange, lingua, gloriósi
Láuream certáminis,
Et super Crucis trophæo
Dic triúmphum nóbilem :

Quáliter Redémptor orbis
Immolátus vícerit.

*De paréntis protoplásti
Fraude Factor cóndolens,
Quando pomi noxiális
In necem morsu ruit :
Ipse lignum tunc notávit,
Damna ligni ut sólveret.*

*Hoc opus nostræ salútis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde láserat.*

*Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.*

*Vagit infans inter arcta
Cónditus præsépia :
Membra pannis involúta
Virgo Mater álligat :
Et Dei manus pedésque
Stricta cingit fáschia.*

*Sempitérna sit beátæ
Trinitáti glória,
Æqua Patri, Filióque,
Par decus Paráclito :
Unius Triníque nomen
Laudet univérsitas. Amen.*

Tempore Paschali

Invit. Surréxit Dóminus
vere, * Allelúja. *Ps. 94
Veníte. 3*

Hymnus

R EX sempitérne cæli-
tum,
Rerum Creátor ómnium,

Æquális ante sǎcula
Semper Parénti Filius :

Nascénte qui mundo faber
Imáginem vultus tui
Tradens Adámo, nóbilem
Limo jugásti spírítum.

Cum livor et fraus dáemo-
nis
Foedásset humánum ge-
nus :

Tu, carne amíctus, pérdi-
tam

Formam refórmās ártifex.

Qui, natus olim e Vírgine,
Nunc e sepúlcro násceris,
Tecúmque nos a mórtuis
Jubes sepúltos súrgere.

Qui, pastor ætérmus, gre-
gem

Aqua lavas baptísmatis :
Hæc est lavácrum mén-
tium :

Hæc est sepúlcrum crími-
num.

Nobis diu qui débitæ
Redémptor affíxus cruci,
Nostræ dedísti pródigus
Prétium salútis sángu-
nem.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

* Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sǎcula.

Amen.

In I Nocturno

Extra Tempus Paschale

Ant. Beátus vir. †

¶ Et non repetitur in Psalmo; quod semper fit, quando Antiphona incipit a primis Psalmi vel Cantici verbis. Et Psalmus vel Canticum tunc incipitur ab eo verbo, ante quod vel inchoata vel integra desinit Antiphona; si tamen eadem sint verba, et continetur Antiphona cum Psalmo vel Cantico, neque additur in fine ipsius Antiphonæ Allelúja.

Tempore Paschali

Ant. Allelúja, * lapis revólutus est, allelúja : ab óstio monuménti, allelúja, allelúja.

Sub una tantum Antiphona dicuntur tres Psalmi in unoquoque Nocturno, etiam in Feriis.

Antiphonæ autem cum Psalmis et Versibus, tam intra quam extra Tempus Paschale assignatæ, adhibentur semper, extra Octavam Ascensionis, quando fit Officium de Dominica seu minori seu majori.

¶ Asteriscus *, in Psalmorum versibus et in aliis Officii partibus insertus, denotat pausam cantus et recitationis in Choro; præter quam in Antiphonis, in quibus nempe significat tum præintonationem Antiphonæ, tum Antiphonam ipsam ante Psalmum seu Canticum eousque producendam esse ad omnes et singulas Horas in Officio ritus semiduplicis ac simplicis, atque ad Horas tantum minores in Officio ritus duplicis.

Psalmus 1



BEátus vir, † qui non ábiit in consílio impiórum, et in via peccatórum non stetit, * et in cáthedra pestiléntiæ non sedit :

Sed in lege Dómini voluntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non defluet : * et ómnia quæcúmque fáciat, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudício : * neque peccatóres in concílio justórum.

Quóniam novit Dóminus viam justórum : * et iter impiórum períbit.

Glória Patri, et Fílio, * et Spirítui Sancto.

Sicut erat in princípio, et nunc, et semper, * et in sæcula sæculórum. Amen.

¶ **Hic versus** Glória Patri semper dicitur in fine omnium Psalmorum et Cantorum, nisi aliter notetur.

Ant. Beátus vir, qui in lege Dómini meditátur.

Ant. Servíte Dómino.

Psalmus 2

QUare fremuérunt gentes, * et pópuli meditati sunt inánia?

Astitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridebit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam términos terræ.

Reges eos in virga feream, * et tamquam vas figuli confringes eos.

Et nunc, reges, intelligite : * erudímini, qui iudicátis terram.

Servíte Dómino in timóre : * et exsultáte eum tremóre.

Apprehéndite disciplinam, nequándo irascátur Dóminus, * et pereátis de via justa

Cum exárserit in brevi ira ejus, * beáti omnes qui confidunt in eo.

Ant. Servíte Dómino in timóre : et exsultáte ei cum tremóre.

Ant. Exsúrge.

Psalmus 3

Domine, quid multiplicáti sunt qui tribulant me? * multi insúrgunt advérsus me.

Multi dicunt animæ meæ : * Non est salus ipsi in Deo ejus.

Tu autem, Dómine, suscepátor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo míllia pópuli circumdántis me : * exsúrge, Dómine, salvum me fac, Deus meus.

Quóniam tu percussísti omnes adversántes mihi sine causa : * dentes peccatórum contrivísti.

Dómini est salus : * et super pópulum tuum benedíctio tua.

Extra Tempus Paschale

Ant. Exsúrge, Dómine, salvum me fac, Deus meus.

In Quadragesima

V. Ipse liberávit me de láqueo venántium. **R.** Et a verbo áspero.

Tempore Passionis

V. Erue a frámea, Deus, ánimam meam. **R.** Et de manu canis únicam meam.

Tempore Paschali

Ant. Allelúja, lapis revolutus est, allelúja : ab óstio monuménti, allelúja, allelúja.

V. Surréxit Dóminus de sepúlcro, allelúja. **R.** Qui pro nobis pepéndit in ligno, allelúja.

Absol. Exáudi, Dómine.

Bened. 1 Benedictióne perpétua. 2 Unigénitus Dei Fílius. 3 Spíritus Sancti grátia.

In II Nocturno

Extra Tempus Paschale

Ant. Quam admirábile.

Tempore Paschali

Ant. Allelúja, * quem quæris, múlter? allelúja : vivéntem cum mórtuis, allelúja, allelúja.

Psalmus 8



Domine, Dóminus noster, * quam admirábile est nomen tuum in univérsta terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem

propter inimicos tuos, * ut destruas inimicum et ultorem.

Quóniam vidébo cælos tuos, ópera digitorum tuorum : * lunam et stellas, quæ tu fundásti.

Quid est homo, quod memor es ejus? * aut filius hominis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera manuum tuarum.

Omnia subjecísti sub pedibus ejus, * oves et boves universas : insuper et pecora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in universa terra!

Ant. Quam admirábile est nomen tuum, Dómine, in universa terra!

Ant. Sedísti super thronum.

Psalmus 9, i

Confitebor tibi, Dómine, in toto corde meo : * narrábo ómnia mirabilia tua.

Lætabor et exsultábo in te : * psallam nómini tuo, Altíssime,

In converténdo inimicum meum retrórsus : * infir-

mabúntur, et peribunt a fácie tua.

Quóniam fecísti iudícium meum et causam meam : * sedísti super thronum, qui júdicas justítiam.

Increpásti gentes, et périit impius : * nomen eorum delésti in ætérnum, et in sæculum sæculi.

Inimíci defecerunt frámeæ in finem : * et civitates eorum destruxísti.

Périit memória eorum cum sónitu : * et Dóminus in ætérnum pérmanet.

Parávit in iudício thronum suum : * et ipse iudicábit orbem terræ in æquitáte, iudicábit pópulos in justítia.

Et factus est Dóminus refúgium páuperi : * adjutor in opportunitátibus, in tribulatióne.

Et sperent in te qui novérunt nomen tuum : * quóniam non dereliquísti quæréntes te, Dómine.

Ant. Sedísti super thronum, qui júdicas justítiam.

Ant. Exsúrge, Dómine.

Psalmus 9, ii

Psállite Dómino, qui hábitat in Sion : * annuntiáte inter gentes stúdia ejus :

Quóniam requírens sanguinem eorum recordátus est : * non est oblítus clamórem páuperum.

Miserére mei, Dómine : *
vide humilitátem meam
de inimícis meis.

Qui exáltas me de portis
mortis, * ut annúntiem
omnes laudatiónes tuas in
portis fíliæ Sion.

Exsultábo in salutári
tuo : * infixæ sunt gen-
tes in intéritu, quem fe-
cerunt.

In láqueo isto, quem abs-
condérunt, * comprehén-
sus est pes eórum.

Cognoscétur Dóminus ju-
dícia fáciens : * in opéri-
bus mánuum suárum com-
prehénsus est peccátor.

Convertántur peccatóres
in inférnum, * omnes
gentes quæ obliviscúntur
Deum.

Quóniam non in finem
oblívio erit páuperis : *
patiéntia páuperum non
períbit in finem.

Exsúrge, Dómine, non
confortétur homo : * judi-
céntur gentes in conspé-
ctu tuo.

Constítue, Dómine, legis-
latórem super eos : * ut
sciant gentes quóniam hó-
mines sunt.

Extra Tempus Paschale

Ant. Exsúrge, Dómine,
non præváleat homo.

In Quadragesima

℣. Scápolis suis obum-
brábit tibi. ℞. Et sub
pennis ejus sperábis.

Tempore Passionis

℣. De ore leónis líbera
me, Dómine. ℞. Et a cór-
nibus unicórnium humili-
tátem meam.

Tempore Pasehali

Ant. Allelúja, quem quæ-
ris, múlter? allelúja : vi-
véntem cum mórtuis, alle-
lúja, allelúja.

℣. Surréxit Dóminus ve-
re, allelúja. ℞. Et appáruit
Simóni, allelúja.

Absol. Ipsíus píetas et.

Bened. 4 Deus Pater omní-
potens. 5 Christus perpétuæ.
6 Ignem sui amóris.

In III Nocturno


Extra Tempus Paschale

Ant. Ut quid, Dómine. †

Tempore Pasehali

Ant. Allelúja, * noli
flere, María, allelúja : re-
surréxit Dóminus, alle-
lúja, allelúja.

Psalmus 9, iii

 T quid, Dómine, †
recessísti longe, *
déspicis in oppor-
tunitátibus, in tribula-
tióne?

Dum supérbit ímpius, in-
cénditur pauper : * com-
prehendúntur in consíliis
quibus cógitant.

Quóniam laudátur peccá-
tor in desidériis ánimæ

suæ : * et iníquus benedí-
citur.

Exacerbávit Dóminum
peccátor, * secúndum mul-
titúdinem iræ suæ non
quæret.

Non est Deus in conspé-
ctu ejus : * inquinátæ sunt
viæ illius in omni témpo-
re.

Auferúntur judícia tua a
fácie ejus : * ómnium ini-
micórum suórum dominá-
bitur.

Dixit enim in corde suo : *
Non movébor a genera-
tione in generatióem sine
malo.

Cujus maledictiõe os
plenum est, et amaritú-
dine, et dolo : * sub lingua
ejus labor et dolor.

Sedet in insídiis cum di-
vítibus in occúltis, * ut
interficiat innocéntem.

Oculi ejus in páuperem
respiciunt : * insidiátur in
abscóndito, quasi leo in
spelúnca sua.

Insidiátur ut rápiat páu-
perem : * rápere páupe-
rem, dum átrahit eum.

In láqueo suo humiliábit
eum : * inclinábit se, et
cadet, cum dominátus fúe-
rit páuperum.

Dixit enim in corde suo :
Oblítus est Deus, * avér-
tit fáciem suam ne vídeat
in finem.

Ant. Ut quid, Dómine,
recessísti longe?

Ant. Exsúrge. †

Psalmus 9, iv

EXsúrge, † Dómine
Deus, exaltétur ma-
nus tua : * ne obliviscáris
páuperum.

Propter quid irritávit im-
pius Deum? * dixit enim in
corde suo : Non requíret.

Vides quóniam tu labó-
rem et dolórem conside-
ras : * ut tradas eos in ma-
nus tuas.

Tibi derelíctus est pau-
per : * órphano tu eris
adjutor.

Cóntere bráchium pecca-
tóris et maligni : * quæré-
tur peccátum illius, et non
inveniétur.

Dóminus regnábit in
ætérum, et in sáeculum
sáeculi : * períbitis, gen-
tes, de terra illius.

Desidérium páuperum
exaudivit Dóminus : *
præparatióem cordis eó-
rum audivit auris tua.

Judicáre pupíllo et húmi-
lí, * ut non appónat ultra
magnificáre se homo super
terram.

Ant. Exsúrge, Dómine
Deus, exaltétur manus tua.

Ant. Justus Dóminus.

Psalmus 10

IN Dómino confído : quó-
modo dicitis ánimæ
meæ : * Trásmigra in
montem sicut passer?

Quóniam ecce peccatóres
intendérunt arcum, para-

vérunť sagíttas suas in pháretra, * ut sagittent in obscúro rectos corde.

Quóniam quæ perfecísti, destruxérunt : * justus autem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respíciunt : * pálpebræ ejus intérogant fílios hóminum.

Dóminus intérogat justum et ímpium : * qui autem díligit iniquitatem, odit ánimam suam.

Pluet super peccatóres láqueos : * ignis, et sulphur, et spíritus procelárum pars cálicis eórum.

Quóniam justus Dóminus, et justítias diléxit : * æquitatem vidit vultus ejus.

Extra Tempus Paschale

Ant. Justus Dóminus, et justítiam diléxit.

In Quadragesima

V. Scuto circúmdabit te véritas ejus. *R.* Non timébis a timóre noctúrno.

Tempore Passionis

V. Ne perdas cum ímpis, Deus, ánimam meam. *R.* Et cum viris sánguini vitam meam.

Tempore Paschali

Ant. Allelúja, noli flere, María, allelúja : resurréxit Dóminus, allelúja, allelúja.

V. Gavísi sunt discípuli, allelúja. *R.* Viso Dómino, allelúja.

Absolutio A vínculis.

Bened. 7 Evangélica léctio. 8 Divinum auxiliúm. 9 Ad societátem cívium.

AD LAUDES I

*In Dominicis
Temporis Paschalis*

(Pater noster et Ave).

V. Deus, in adjutórium.

Ant. Allelúja, * allelúja, allelúja.

Sub quæ sola Antiphona Allelúja dicuntur omnes Psalmi cum Cantico usque ad Capitulum, etiam in Feriis.

¶ Antiphona cum Psalmis assignata adhibetur semper extra Octavam Ascensionis quando fit Officium de quolibet Dominica minori ac de majori Dominica in Albis.

Psalmus 92 1



Dóminus regnávít, decórem indútus est : * indútus est Dóminus fortitúdinem, et præcínxit se.

Etenim firmávit orbem terræ, * qui non commovébitur.

Paráta sedes tua ex tunc : * a sáculo tu es.

Elevavérunt flúmina, Dómine : * elevavérunt flúmina vocem suam.

Elevavérunt flúmina fluctus suos, * a vóci bus aquárum multárum.

Mirábiles elatiónes maris : * mirábilis in altis Dóminus.

Testimónia tua credibília facta sunt nimis : * domum tuam decet sanctitúdo, Dómine, in longitúdinem diérum.

Psalmus 99 2

Jubiláte Deo, omnis terra : * servíte Dómino in lætítia.

Introíte in conspéctu ejus, * in exsultatióne.

Scitóte quóniam Dóminus ipse est Deus : * ipse fecit nos, et non ipsi nos.

Pópulus ejus, et oves páscuæ ejus : * introíte portas ejus in confessióne, átria ejus in hymnis : confitémini illi.

Laudáte nomen ejus : quóniam suávis est Dóminus, in ætérnum misericórdia ejus, * et usque in generatióem et generatióem véritas ejus.

Psalmus 62 3

Deus, Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et ínvia, et inaquósa : * sic in sancto appáruí tibi, ut vidérem virtútem tuam, et glóriam tuam.

Quóniam mélior est mise-

ricórdia tua super vitas : * lábia mea laudábunt te.

Sic benedícam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutínis meditábor in te : * quia fuísti adjútor meus.

Et in velaménto alárum tuárum exsultábo, adhæsit ánima mea post te : * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ : * tradéntur in manus gládií, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iníqua.

**Canticum
trium Puerorum** 4

Dan. 3, 37-38 et 56

Benedícite, ómnia ópera Dómini, Dómino : * laudáte et superexaltáte eum in sácula.

Benedícite, Angeli Dómini, Dómino : * benedícite, cæli, Dómino.

Benedícite, aquæ omnes, quæ super cælos sunt, Dómino : * benedícite,

omnes virtútes Dómini, Dómino.

Benedícite, sol et luna, Dómino : * benedícite, stellæ cæli, Dómino.

Benedícite, omnis imber et ros, Dómino : * benedícite, omnes spíritus Dei, Dómino.

Benedícite, ignis et æstus, Dómino : * benedícite, frigus et æstus, Dómino.

Benedícite, rores et pruina, Dómino : * benedícite, gelu et frigus, Dómino.

Benedícite, glácies et nives, Dómino : * benedícite, noctes et dies, Dómino.

Benedícite, lux et ténebræ, Dómino : * benedícite, fúlgura et nubes, Dómino.

Benedícat terra Dóminum : * laudet et superexáltet eum in sæcula.

Benedícite, montes et colles, Dómino : * benedícite, univérſa germinántia in terra, Dómino.

Benedícite, fontes, Dómino : * benedícite, mária et flúmina, Dómino.

Benedícite, cete, et ómnia, quæ movéntur in aquis, Dómino : * benedícite, omnes vólucres cæli, Dómino.

Benedícite, omnes béstiæ et pécora, Dómino : * benedícite, filii hóminum, Dómino.

Benedícat Israël Dómi-

num : * laudet et superexáltet eum in sæcula.

Benedícite, sacerdótes Dómini, Dómino : * benedícite, servi Dómini, Dómino.

Benedícite, spíritus, et ánimæ justórum, Dómino : * benedícite, sancti, et húmiles corde, Dómino.

Benedícite, Ananía, Azaría, Mísaël, Dómino : * laudáte et superexaltáte eum in sæcula.

Benedicámus Patrem et Filium cum Sancto Spíritu : * laudémus et superexaltémus eum in sæcula.

Benedíctus es, Dómine, in firmaménto cæli : * et laudábilis, et glorióſus, et superexaltátus in sæcula.

¶ *Hic non dicitur* Glória Patri, *neque* Amen.

Psalmus 148 5

Laudáte Dóminum de cælis : * laudáte eum in excélsis.

Laudáte eum, omnes Angeli ejus : * laudáte eum, omnes virtútes ejus.

Laudáte eum, sol et luna : * laudáte eum, omnes stellæ et lumen.

Laudáte eum, cæli cælórum : * et aquæ omnes, quæ super cælos sunt, laudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sáeculum sáeculi : * præcéptum pósuit, et non præteribit.

Laudáte Dóminum de terra, * dracones, et omnes abýssi.

Ignis, grando, nix, glacies, spíritus procellárum : * quæ faciunt verbum ejus :

Montes, et omnes colles : * ligna fructifera, et omnes cedri.

Béstiae, et univérsa pécora : * serpéntes, et volúcres pennátæ :

Reges terræ, et omnes pópuli : * príncipes, et omnes júdices terræ.

Júvenes, et vírgines : senes cum junióribus laudent nomen Dómini : * quia exaltátum est nomen ejus solius.

Conféssio ejus super cælum et terram : * et exaltávit cornu pópuli sui.

Hymnus ómnibus sanctis ejus : * fíliis Israël, pópulo appropinquánti sibi.

Ant. Allelúja, allelúja, allelúja.

Capitulum, Hymnus et V., Ant. ad Benedictus et Oratio ut in Proprio de Tempore.

Canticum Zachariæ

Luc. 1, 68-79

Benedíctus † Dóminus, Deus Israël, * quia visitávit, et fecit redemptiónem plebis suæ :

Et eréxit cornu salútis nobis : * in domo David, púeri sui.

Sicut locútus est per os sanctórum, * qui a sáeculo sunt, prophetárum ejus :

Salútem ex inimícis nostris, * et de manu ómnium, qui odérunt nos :

Ad faciéndam misericórdiam cum pátribus nostris : * et memorári testaménti sui sancti.

Jusjurándum, quod jurávit ad Abraham, patrem nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi.

In sanctitáte, et justítia coram ipso, * ómnibus diébus nostris.

Et tu, puer, Prophéta Altíssimi vocáberis : * præibis enim ante faciém Dómini paráre vias ejus :

Ad dandam sciéntiam salútis plebi ejus : * in remissiónem peccatórum eórum :

Per víscera misericórdiæ Dei nostri : * in quibus visitávit nos, óriens ex alto :

Illumináre his, qui in ténebris, et in umbra mortis sedent : * ad dirigéndos pedes nostros in viam pacis.

Oratio conveniens.

Reliqua ut in Ordinario. 13

Psalmi cum Cantico de Dominica superius appositi dicuntur etiam, sub Antiphonis Officio diei congruentibus, in Dominica infra Octavam Ascensionis, in feria VI post Octavam Ascensionis, in Vigilia Pentecostes, in Duplicibus I vel II classis, in Festis novem Lectionum Domini, B. Mariæ Virginis, Angelorum, S. Joannis Baptistæ, S. Joseph, Apostolorum, Evangelistarum, itemque in quolibet Festo novem Lectionum proprias Antiphonas ad Laudes habenti, quando de eis persolvitur Officium.

AD LAUDES II

A Dominica I Quadragesimæ usque ad Dominicam Palmarum inclusive.

(Pater noster et Ave.)

℣. Deus, in adiutorium.

Antiphonæ de Laudibus Dominicæ currentis, ut in Proprio de Tempore

Psalmus 50



Iserere mei, Deus, * secundum magnam misericordiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea : * et a peccato meo munda me.

Quoniam iniquitatem meam ego cognosco : * et pec-

catum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cum iudicaris.

Ecce enim, in iniquitatibus conceptus sum : * et in peccatis concepit me mater mea.

Ecce enim, veritatem dilexisti : * incerta et occulta sapientiae tuæ manifestasti mihi.

Asperges me hyssopo, et mundabor : * lavabis me, et super nivem dealabor.

Auditui meo dabis gaudium et lætitiā : * et exsultabunt ossa humiliata.

Averte faciem tuam a peccatis meis : * et omnes iniquitates meas dele.

Cor mundum crea in me, Deus : * et spiritum rectum innova in visceribus meis.

Ne projicias me a facie tua : * et spiritum sanctum tuum ne auferas a me.

Redde mihi lætitiā salutaris tui : * et spiritu principali confirma me.

Docēbo iniquos vias tuas : * et impii ad te convertentur.

Libera me de sanguinibus, Deus, Deus salutis meæ : * et exsultabit lingua mea iustitiam tuam.

Dómine, lábia mea apé-
ries : * et os meum annun-
tiábit laudem tuam.

Quóniam si voluísset sa-
crificium, dedíssem úti-
que : * holocáustis non de-
lectáberis.

Sacrificium Deo spíritus
tribulátus : * cor con-
trítum, et humiliátum,
Deus, non despíciēs.

Benígne fac, Dómine, in
bona voluntáte tua Sion : *
ut ædificéntur muri Jerú-
salem.

Tunc acceptábis sacrifi-
cium justítiæ, oblatiónes,
et holocáusta : * tunc im-
pónent super altáre tuum
vítulos.

Psalmus 117

COnfitémini Dómino quó-
niam bonus : * quó-
niam in sáeculum miseri-
córdia ejus.

Dicat nunc Israël quó-
niam bonus : * quóniam
in sáeculum misericórdia
ejus.

Dicat nunc domus Aa-
ron : * quóniam in sáecu-
lum misericórdia ejus.

Dicant nunc qui timent
Dóminum : * quóniam in
sáeculum misericórdia ejus.

De tribulatióne invocávi
Dóminum : * et exaudívit
me in latitúdine Dóminus.

Dóminus mihi adjútor : *
non timébo quid fáciat
mihi homo.

Dóminus mihi adjútor : *

et ego despíciam inimícos
meos.

Bonum est confidere in
Dómino, * quam confidere
in hómine :

Bonum est speráre in Dó-
mino, * quam speráre in
principibus.

Omnes gentes circuiérunt
me : * et in nómine Dómini
quia ultus sum in eos.

Circumdántes circumde-
dérunt me : * et in nómine
Dómini quia ultus sum in
eos.

Circumdedérunt me sicut
apes, et exarsérunt sicut
ignis in spinis : * et in nó-
mine Dómini quia ultus
sum in eos.

Impúlsus evérsus sum ut
cáderem : * et Dóminus
suscépit me.

Fortitúdo mea, et laus
mea Dóminus : * et factus
est mihi in salútem.

Vox exsultatiónis, et sa-
lútis * in tabernáculis ju-
stórum.

Déxtera Dómini fecit vir-
tútem : délixtera Dómini
exaltávit me, * délixtera
Dómini fecit virtútem.

Non móriar, sed vivam : *
et narrábo ópera Dómini.

Castígans castigávit me
Dóminus : * et morti non
trádidit me.

Aperite mihi portas justí-
tiæ, ingrèssus in eas confi-
tébor Dómino : * hæc por-
ta Dómini, justi intrábunt
in eam.

Confitébor tibi quóniam exaudísti me : * et factus es mihi in salútem.

Lápidem, quem reprobavérunt ædificántes : * hic factus est in caput ánguli.

A Dómino factum est istud : * et est mirábile in óculis nostris.

Hæc est dies, quam fecit Dóminus : * exsultémus, et lætémur in ea.

O Dómine, salvum me fac, o Dómine, bene prosperáre : * benedíctus qui venit in nómine Dómini.

Benedíximus vobis de domo Dómini : * Deus Dóminus, et illúxit nobis.

Constitúite diem solém-nem in condénsis, * usque ad cornu altáris.

Deus meus es tu, et confitébor tibi : * Deus meus es tu, et exaltábo te.

Confitébor tibi quóniam exaudísti me : * et factus es mihi in salútem.

Confitémini Dómino quóniam bonus : * quóniam in sæculum misericórdia ejus.

Psalmus 62

Deus, Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et ínvia, et inaquéosa : * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedícam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutínis meditábor in te : * quia fuísti adjútor meus.

Et in velaménto alárum tuárum exsultábo, adhæsit ánima mea post te : * me suscepit délixtera tua.

Ipsi vero in vanum quæsiérunt ánimam meam, introíbunt in inferióra terræ : * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iníqua.

Canticum trium Puerorum Dan. 3, 53-57

Benedíctus es, Dómine, Deus patrum nostrórum : * et laudábilis, et gloriósus, et superexaltátus in sæcula.

Et benedíctum nomen glóriæ tuæ sanctum : * et laudábile, et superexaltátum in ómnibus sæculis.

Benedíctus es in templo sancto glóriæ tuæ : * et

superlaudábilis, et supergloriósus in sǣcula.

Benedíctus es in throno regni tui : * et superlaudábilis, et superexaltátus in sǣcula.

Benedíctus es, qui intuéris abyíssos, et sedes super Chérubim : * et laudábilis, et superexaltátus in sǣcula.

Benedíctus es in firmaménto cæli : * et laudábilis, et gloriósus in sǣcula.

Benedícite, ómnia ópera Dómini, Dómino : * laudáte, et superexaltáte eum in sǣcula.

Glória Patri.

Psalmus 148

LAudáte Dóminum de cælis : * laudáte eum in excélsis.

Laudáte eum, omnes Angeli ejus : * laudáte eum, omnes virtútes ejus.

Laudáte eum, sol et luna : * laudáte eum, omnes stellæ, et lumen.

Laudáte eum, cæli cælórum : * et aquæ omnes, quæ super cælos sunt, laudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sǣculum sǣculi : * præcéptum pósuit, et non præteríbit.

Laudáte Dóminum de

terra, * dracones, et omnes abyíssi.

Ignis, grando, nix, glacies, spíritus procellárum : * quæ faciunt verbum ejus :

Montes, et omnes colles : * ligna fructífera, et omnes cedri.

Béstiæ, et univérsa pécora : * serpéntes, et volucres pennátæ.

Reges terræ, et omnes pópuli : * príncipes, et omnes júdices terræ.

Júvenes, et vírgines : senes cum junióribus laudent nomen Dómini : * quia exaltátum est nomen ejus solús.

Conféssio ejus super cælum, et terram : * et exaltávit cornu pópuli sui.

Hymnus ómnibus sanctis ejus : * filiis Israél, pópulo appropinquánti sibi.

Capitulum, Hymnus, Versus, Antiphona ad Benedictus et Oratio ut in Proprio de Tempore.

Reliqua ut in Ordinario. 13

AD PRIMAM

Pater, Ave et Credo.

✠. Deus, in adjutórium.

Hymnus

JAM lucis orto sídere,
Deum precémur súpplices,
Ut in diúrnis áctibus
Nos servet a nocéntibus.

Linguam refrénans tēperet,
Ne litis horror insonet :
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sáeculum. Amen.

Ant. Allelúja.

A Dominica I Quadragesimæ
usque ad Dominicam Palma-
rum inclusive : Ant. ut in
Proprio de Tempore; atque
loco sequentis Ps. 117 Confi-
témini, dicuntur sequi. Ps. 92
et 99, qui in Laudibus locum
non habuerunt.

Psalmus 92

Dominus regnávít, de-
córem indútus est : *
indútus est Dóminus for-
titúdinem, et præcínxit
se.

Etenim firmávit orbem
terræ, * qui non commo-
vébitur.

Paráta sedes tua ex
tunc : * a sáculo tu es.

Elevavérunt flúmina, Dó-
mine : * elevavérunt flú-
mina vocem suam.

Elevavérunt flúmina flu-
ctus suos, * a vóci-
bus aquárum multárum.

Mirábiles elatiónes ma-
ris : * mirábilis in altis
Dóminus.

Testimónia tua credibí-
lia facta sunt nimis : * do-
mum tuam decet sancti-
túdo, Dómine, in longitú-
dinem diérum.

Psalmus 99

Jubiláte Deo, omnis ter-
ra : * servíte Dómino
in lætítia.

Introíte in conspéctu
ejus, * in exsultatióne.

Scitóte quóniam Dómi-
nus ipse est Deus : * ipse
fecit nos, et non ipsi nos.

Pópulus ejus, et oves pá-
scuæ ejus : * introíte por-
tas ejus in confessiόne,
átria ejus in hymnis :
confitémini illi.

Laudáte nomen ejus :
quóniam suávis est Dómi-
nus, in ætérnum miseri-
córdia ejus, * et usque in
generatióne et genera-
tiónem véritas ejus.

Tempore Pasehali

Ant. Allelúja.

¶ Antiphona cum Psalmis
Tempore Paschali ad Horas
minores assignata, adhibetur
semper, extra Octavam Ascen-
sionis, quando fit Officium de
qualibet Dominica minori ac
de majori Dominica in Albis.

Psalmus 117

Confitémini Dómino
quóniam bonus : *
quóniam in sǎcu-
lum misericórdia ejus.

Dicat nunc Israël quóniam bonus : * quóniam in sǎculum misericórdia ejus.

Dicat nunc domus Aaron : * quóniam in sǎculum misericórdia ejus.

Dicant nunc qui timent Dóminum : * quóniam in sǎculum misericórdia ejus.

De tribulatióne invocávi Dóminum : * et exaudivit me in latitúdine Dóminus.

Dóminus mihi adjútor : * non timébo quid fáciat mihi homo.

Dóminus mihi adjútor : * et ego despíciam inimícos meos.

Bonum est confídere in Dómino, * quam confídere in hómine :

Bonum est speráre in Dómino, * quam speráre in princípibus.

Omnes gentes circuiérunt me : * et in nómine Dómini quia ultus sum in eos.

Circumdántes circumdédérunt me : * et in nómine Dómini quia ultus sum in eos.

Circumdedérunt me sicut apes, et exarsérunt sicut ignis in spinis : * et in nó-

mine Dómini quia ultus sum in eos.

Impúlsus evérsus sum ut cáderem : * et Dóminus suscepit me.

Fortitúdo mea, et laus mea Dóminus : * et factus est mihi in salútem.

Vox exsultatiónis, et salútis * in tabernáculis justórum.

Déxtera Dómini fecit virtútem : déxtera Dómini exaltávit me, * déxtera Dómini fecit virtútem.

Non móriar, sed vivam : * et narrábo ópera Dómini.

Castígans castigávit me Dóminus : * et morti non trádidit me.

Aperíte mihi portas justitiæ, ingrèssus in eas confitébor Dómino : * hæc porta Dómini, justi intrábunt in eam.

Confitébor tibi quóniam exaudisti me : * et factus es mihi in salútem.

Lápidem, quem reprobarérunt ædificántes : * hic factus est in caput ánguli.

A Dómino factum est istud : * et est mirábile in óculis nostris.

Hæc est dies, quam fecit Dóminus : * exsultémus, et lætémur in ea.

O Dómine, salvum me fac, o Dómine, bene speráre : * benedíctus qui venit in nómine Dómini.

Benedíximus vobis de domo Dómini : * Deus Dóminus, et illúxit nobis.

Constitúite diem solém-nem in condénsis, * usque ad cornu altáris.

Deus meus es tu, et confitébor tibi : * Deus meus es tu, et exaltábo te.

Confitébor tibi quóniam exaudísti me : * et factus es mihi in salútem.

Confitémini Dómino quóniam bonus : * quóniam in sáculum misericórdia ejus.

¶ In ultimo triduo Majoris Hebdomadæ, in Dominica infra Octavam Ascensionis, in Feria VI post Octavam Ascensionis, in Vigilia Pentecostes, in Duplicibus I vel II classis, in Festis novem Lectio-num Domini, beatæ Mariæ Virginis, Angelorum, sancti Joannis Baptistæ, sancti Joseph, Apostolorum, Evangelistarum, et per Octavas privilegiatas; si de eis fiat Officium, ad Primam, Tertiam, Sextam et Nonam dicuntur Psalmi de Dominica, sub Antiphonis Officio diei congruentibus, nisi aliter suo loco notetur; sed ad Primam, loco Psalmi 117 Confitémini, in ipsa etiam die Dominica, semper dicitur

Psalmus 53

DEUS, in nómine tuo sal-vum me fac : * et in virtúte tua júdica me.

Deus, exáudi oratió-nem meam : * áuribus pèrcipe verba oris mei.

Quóniam aliéni insurre-xérunt advérsus me, et fortes quæsiérunt ánimam meam : * et non proposué-runt Deum ante conspéctum suum.

Ecce enim, Deus ádjuvat me : * et Dóminus suscéptor est ánimæ meæ.

Avérte mala inimícis meis : * et in veritáte tua dispérde illos.

Voluntárie sacrificábo tibi, * et confitébor nómini tuo, Dómine : quóniam bonum est :

Quóniam ex omni tribulatióne eripuísti me : * et super inimícos meos depéxit óculus meus.

Psalmus 118, i

BEÁTI immaculáti in via : * qui ámbulant in lege Dómini.

Beáti, qui scrutántur testimónia ejus : * in toto corde exquírun eum.

Non enim qui operántur iniquitátem, * in viis ejus ambulavérunt.

Tu mandásti * mandáta tua custodíri nimis.

Utinam dirigántur viæ meæ, * ad custodiéndas justificatiónes tuas!

Tunc non confúndar, * cum perspéxero in ómnibus mandátis tuis.

Confitébor tibi in dire-ctiόne cordis : * in eo quod didici judícia justítiae tuæ.

Justificatiões tuas custódiam : * non me derelinquas usquequaque.

In quo corrigit adolescentior viam suam? * in custodiendo sermones tuos.

In toto corde meo exquisivi te : * ne repellas me a mandatis tuis.

In corde meo abscondi eloquia tua : * ut non peccem tibi.

Benedictus es, Dómine : * doce me justificatiões tuas.

In lábiis meis, * pronuntiavi ómnia iudicia oris tui.

In via testimoniórum tuórum delectátus sum, * sicut in ómnibus divitiis.

In mandatis tuis exercébor : * et considerábo vias tuas.

In justificatióibus tuis meditábor : * non obliviscar sermones tuos.

Psalmus 118, ii

Retríbue servo tuo, vivifica me : * et custódiam sermones tuos.

Revéla óculos meos : * et considerábo mirabilia de lege tua.

Incola ego sum in terra : * non abscondas a me mandata tua.

Concupívit ánima mea desideráre justificatiões tuas, * in omni témpore.

Increpásti supérbos : * maledícti qui declínant a mandátis tuis.

Aufer a me oppróbrium, et contéptum : * quia testimónia tua exquisívi.

Etenim sedérunt príncipes, et advérsus me loquebántur : * servus autem tuus exercebátur in justificatióibus tuis.

Nam et testimónia tua meditatio mea est : * et consílium meum justificatiões tuæ.

Adhæsit paviménto ánima mea : * vivifica me secúndum verbum tuum.

Vias meas enuntiávi, et exaudísti me : * doce me justificatiões tuas.

Viam justificatiónum tuárum ínstrue me : * et exercébor in mirabílibus tuis.

Dormitávit ánima mea præ tædio : * confirma me in verbis tuis.

Viam iniquitátis ámove a me : * et de lege tua miserére mei.

Viam veritátis elégi : * iudicia tua non sum oblítus.

Adhæsi testimoniis tuis, Dómine : * noli me confúndere.

Viam mandatórum tuórum cucúrri, * cum dilatásti cor meum.

Extra Tempus Paschale :
Antiphona ut in Proprio de Tempore.

Tempore Paschali

Ant. Allelúja, allelúja, allelúja.

Capitulum 1 Tim. 1, 17

REgi sæculórum immortalí et invisíbili, soli Deo honor et glória in sæcula sæculórum. Amen.

℟. br. Christe, Fili Dei vivi, * Miserére nobis. Christe. **℣.** *Qui sedes ad dexteram Patris.* Miserére nobis. **G**lória Patri. Christe. **℣.** Exsúrge, Christe, ádjuva nos. **℟.** Et libera nos propter nomen tuum.

In Dominicis Passionis et Palmarum omittitur Glória Patri.

Tempore Paschali

℟. br. Christe, Fili Dei vivi, miserére nobis, * Allelúja, allelúja. Christe. **℣.** *Qui surrexísti a mórtuis.* Allelúja, allelúja. **G**lória Patri. Christe. **℣.** Exsúrge, Christe, ádjuva nos, allelúja. **℟.** Et libera nos propter nomen tuum, allelúja.

Preces (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad** **℣.** Et ne nos indúcas in tentatióem. **℟.** Sed libera nos a malo.

Credo in Deum **secreto usque ad** **℣.** Carnis resurrectiόem. **℟.** Vitam ætérnam. Amen. **℣.** Et ego

ad te, Dómine, clamávi. **℟.** Et mane orátio mea præveniet te. **℣.** Repleátur os meum laude. **℟.** Ut cantem glóriam tuam, tota die magnitúdinem tuam. **℣.** Dómine, avérte faciém tuam a peccátis meis. **℟.** Et omnes iniquitátes meas dele. **℣.** Cor mundum crea in me, Deus. **℟.** Et spíritum rectum innova in viscéribus meis. **℣.** Ne projicias me a fácie tua. **℟.** Et spíritum sanctum tuum ne áuferas a me. **℣.** Redde mihi lætítiam salutáris tui. **℟.** Et spíritui principáli confirma me. **℣.** Adjutórium nostrum in nómine Dómini. **℟.** Qui fecit cælum et terram.

Confíteor. Misereátur. Indulgéntiam.

℣. Dignáre, Dómine, die isto. **℟.** Sine peccáto nos custodíre. **℣.** Miserére nostri, Dómine. **℟.** Miserére nostri. **℣.** Fiat misericórdia tua, Dómine, super nos. **℟.** Quemádmódum sperávimus in te. **℣.** Dómine, exáudi oratiόem meam. **℟.** Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos perve-

nire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum.

℟. Amen.

℣. Dóminus vobíscum.

℣. Benedicámus Dómino.

Deinde in Choro legitur Martyrologium, quod laudabiliter fit etiam extra Chorum.

Postea Hebdomadarius dicit :

℣. Pretiósá in conspéctu Dómini. ℟. Mors Sanctórum ejus.

Et absolute, sine Orémus :

Oratio

SANCTA María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sácula sæculórum. ℟. Amen.

℣. Deus, in adjutórium meum inténde. ℟. Dómine, ad adjuvándum me festína. Et dicitur ter; ultimo additur : Glória Patri. Sicut erat.

Kýrie, eléison. Christe, eléison. Kýrie, eléison.

Pater noster secreto usque ad ℣. Et ne nos indúcas in tentatióem. ℟. Sed libera nos a malo. ℣. Réspice in servos tuos, Dómine, et in ópera tua, et dirige filios eórum. ℟. Et

sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. ℣. Glória Patri. ℟. Sicut erat.

Orémus.

Oratio

DIRIGERE et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sácula sæculórum. ℟. Amen.

℣. Jube, domne.

Bened. Dies et actus nostros in sua pace dispónat Dóminus omnípotens.

℟. Amen.

Tempore Quadragesimæ

QUÆRITE Dóminum, dum inveníri potest : invocáte eum, dum prope est. Tu autem.

Tempore Passionis

FACIEM meam non avérti ab increpántibus et conspuéntibus in me. Dóminus Deus auxiliátor meus, et ideo non sum confúsus.

Tempore Paschali

SI consurrexístis cum Christo, quæ sursum sunt quærite, ubi Christus est in dextera Dei sedens : quæ sursum sunt sápite, non quæ super terram.

E Proprio de Tempore

In Paschate et per Octavam Si consurrexístis, ut supra Tempore Paschali.

*In Ascensione Domini
et per Octavam*

Viri Galilæi, quid statis aspicientes in cælum? Hic Jesus, qui assumptus est a vobis in cælum, sic veniet, quemadmodum vidistis eum euntem in cælum.

Dom. infra Oct. Ascens.,

*Feria VI post Octavam
et in Vigilia Pentecostes*

SI quis loquitur, quasi sermones Dei; si quis ministrat, tamquam ex virtute, quam administrat Deus : ut in omnibus honorificetur Deus per Jesum Christum, Dóminum nostrum.

*In Dominica Pentecostes
et per Octavam*

Judæi quoque et Prosélyti, Cretes et Arabes : audivimus eos loquentes nostris linguis magnalia Dei.

E Proprio Sanctorum

In Apparitione B. M. V.

IN me grátia omnis viæ et veritátis, in me omnis spes vitæ et virtútis. Transíte ad me, omnes qui concupiscitis me, et a generationibus meis implémini.

S. Joseph 19 Mart.

PRófugum justum deduxit Sapiéntia per vias rectas, et osténdit illi regnum Dei, et dedit illi sciéntiam sanctórum : honestávit illum in labóribus, et complévit labóres illius.

S. Gabrielis Archangeli

SCito ergo et animadverte : Ab éxitu sermonis, ut iterum ædificetur Jerúsalem, usque ad Christum ducem, hebdomades septem et hebdomades sexaginta duæ erunt.

In Annuntiatione B. M. V.

EGrediétur virga de radice Jesse, et flos de radice ejus ascéndet. Et requiescet super eum Spíritus Dómini.

Septem Dolorum B. M. V.

Generationem ejus quis enarrábit? quia abscissus est de terra vivéntium : propter scelus populi mei percússi eum.

In Solemnitate S. Joseph

Filius accrésceus Joseph, filius accrésceus, et decórus aspéctu : filiæ discurrérunt super murum.

In Inventionē S. Crucis

Humiliávit semetípsum factus obédiens usque ad mortem, mortem autem Crucis. Propter quod et Deus exaltávit illum, et donávit illi nomen, quod est super omne nomen.

In Apparit. S. Michaelis

Factum est prælium magnum in cælo : Michaël et Angeli ejus præliabántur cum draconē, et draco pugnábat et ángeli ejus; et non prævaluérunt, neque locus invéntus est eórum ámplius in cælo.

E Communi Sanctorum

Pro Ap. et Ev.,
(extra T. P.)

Ibant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

Pro Ap. et Ev.,
uno et plur. Mm. T. P.

Scimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

Pro Martyre (extra T. P.)

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

Pro plur. Mm. (extra T. P.)

Fulgébunt justí, et tamquam scintillæ in arundinéto discúrrunt. Judicábunt natiónes, et dominabúntur pópulis : et regnábit Dóminus illórum in perpétuum.

Pro Conf. Pont.

Fungi sacerdótio, et habére laudem in nómine ipsíus, et offérre illi incénsus dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctórum; honestávit illum in labóribus, et complévit labóres illius.

Pro Virgine Martyre

Domine, Deus meus, exaltásti super terram habitatióem meam, et pro morte defluénte deprecáta sum. Invocávi Dóminum, Patrem Dómini mei, ut non derelinquat me in die tribulatióis meæ, et in témpore superbórum sine adjutório.

Pro Virgine non Martyre

O Quam pulchra est casta generatio cum claritate! immortalis est enim memoria illius : quoniam apud Deum nota est, et apud homines.

Pro Martyre tantum

L Audabit usque ad mortem anima mea Dominum, quoniam eruis sustinentes te, et liberas eos de manu angustiae, Domine, Deus noster.

Pro nec Virg. nec Mart.

Multae filiae congregaverunt divitias : tu supergressa es universas. Fallax gratia, et vana est pulchritudo : mulier timens Dominum, ipsa laudabitur.

Pro Dedicatione Ecclesiae

Et abstergat Deus omnem lacrimam ab oculis eorum : et mors ultra non erit, neque luctus, neque clamor, neque dolor erit ultra, quia prima abiierunt. Et dixit qui sedebat in throno : Ecce, nova facio omnia.

In Festis B. Mariae V.

In plateis sicut cinnamomum et balsamum aromatizans odorem dedi : quasi myrrha electa dedi suavitatem odoris.

V. Adjutorium nostrum in nomine Domini. **R.** Qui fecit caelum et terram.

V. Benedicite. **R.** Deus.

Benedictio Dominus nos benedicat, et ab omni malo defendat, et ad vitam perducat aeternam. Et fidelium animae per misericordiam Dei requiescant in pace. **R.** Amen.

Deinde dicitur tantum Pater noster **secreto, nisi sequatur alia Hora.**

AD TERTIAM

Pater **et** Ave.

V. Deus, in adjutorium.

Hymnus

Nunc, Sancte, nobis, Spiritus, Unum Patri cum Filio, Dignare promptus ingeri Nostro refusus pectori.

Os, lingua, mens, sensus, vigor
Confessionem personent,
Flammescat igne caritas,
Accendat ardor proximos.

* **Præsta**, Pater piissime, Patrique compar Unice,
Cum Spiritu Paráclito
Regnans per omne saeculum. Amen.

¶ **In Festo et per Octavam Pentecostes, loco præcedentis, dicitur Hymnus** Veni Creator, ut in Proprio de Tempore.

Extra Tempus Paschale :
Ant. ut in Proprio de Tempore.

Tempore Paschali

Ant. Allelúja.

Psalmus 118, iii



Egem pone mihi,
Dómine, viam iustificationum tuarum : * et exquiram eam semper.

Da mihi intellectum, et scrutabor legem tuam : * et custodiam illam in toto corde meo.

Deduc me in sémitam mandatorum tuorum : * quia ipsam volui.

Inclina cor meum in testimonia tua : * et non in avaritiam.

Avérte oculos meos ne vídeant vanitatem : * in via tua vivifica me.

Státue servo tuo elóquium tuum, * in timóre tuo.

Amputa oppróbrium meum quod suspicatus sum : * quia iudicia tua jucúnda.

Ecce, concupívi mandata tua : * in æquitáte tua vivifica me.

Et véniat super me misericórdia tua, Dómine : * salutáre tuum secúndum elóquium tuum.

Et respondébo exprobrántibus mihi verbum : * quia sperávi in sermónibus tuis.

Et ne áuferas de ore meo verbum veritátis usquequáque : * quia in iudíciis tuis supersperávi.

Et custódiam legem tuam semper : * in sáculum et in sáculum sáculi.

Et ambulábam in latitúdine : * quia mandata tua exquisívi.

Et loquébar in testimoniis tuis in conspéctu regum : * et non confundébar.

Et meditábar in mandátis tuis, * quæ diléxi.

Et levávi manus meas ad mandata tua, quæ diléxi : * et exercébar in iustificationibus tuis.

Psalmus 118, iv

Memor esto verbi tui servo tuo, * in quo mihi spem dedísti.

Hæc me consoláta est in humilitáte mea : * quia elóquium tuum vivificábit me.

Supérbi iníque agébant usquequáque : * a lege autem tua non declinávi.

Memor fui iudiciórum tuórum a sáculo, Dómine : * et consolátus sum.

Deféctio ténuít me, * pro peccatóribus derelinquéntibus legem tuam.

Cantábiles mihi erant iustificationes tuæ, * in loco peregrinationis meæ.

Memor fui nocte nóminis tui, Dómine : * et custodívi legem tuam.

Hæc facta est mihi : *
quia justificatiões tuas
exquisívi.

Pórtio mea, Dómine, *
dixi custodíre legem tuam.

Deprecátus sum fáciem
tuam in toto corde meo : *
miserére mei secúndum
elóquium tuum.

Cogitávi vias meas : * et
convértil pedes meos in te-
stimónia tua.

Parátus sum, et non sum
turbátus : * ut custódiam
mandáta tua.

Funes peccatórum cir-
cumpléxi sunt me : * et le-
gem tuam non sum oblítus.

Média nocte surgébam ad
confiténdum tibi, * super
judícia justificatiónis tuæ.

Párticeps ego sum óm-
nium timéntium te : *
et custodiéntium mandáta
tua.

Misericórdia tua, Dómi-
ne, plena est terra : * ju-
stificatiões tuas doce me.

Psalmus 118, v

Bonitátem fecísti cum
servo tuo, Dómine, *
secúndum verbum tuum.

Bonitátem, et discipli-
nam, et sciéntiam doce
me : * quia mandátis tuis
crédidi.

Priúsqvam humiliárer
ego delíqui : * propterea
elóquium tuum custodívi.

Bonus es tu : * et in boni-
táte tua doce me justifica-
tiões tuas.

Multiplicáta est super me
iniquitas superbórum : *
ego autem in toto corde
meo scrutábor mandáta
tua.

Coagulátum est sicut lac
cor eórum : * ego vero
legem tuam meditátus
sum.

Bonum mihi quia humi-
liásti me : * ut discam ju-
stificatiões tuas.

Bonum mihi lex oris
tui, * super míllia auri et
argénti.

Manus tuæ fecérunt me,
et plasmavérunt me : * da
mihi intelléctum, et di-
scam mandáta tua.

Qui timent te vidébunt
me, et lætabúntur : * quia
in verba tua supersperávi.

Cognóvi, Dómine, quia
æquitas judícia tua : * et
in veritate tua humiliásti
me.

Fiat misericórdia tua ut
consolétur me, * secún-
dum elóquium tuum servo
tuo.

Véniant mihi miseratió-
nes tuæ, et vivam : * quia
lex tua meditatio mea est.

Confundántur supérbi,
quia injúste iniquitátem
fecérunt in me : * ego au-
tem exercébor in mandá-
tis tuis.

Convertántur mihi ti-
méntes te : * et qui nové-
runt testimónia tua.

Fiat cor meum imma-
culátum in justificatióni-

bus tuis, * ut non confundar.

*Extra Tempus Paschale :
Ant. ut in Proprio de Tempore.*

Tempore Paschali

Ant. Allelúja, allelúja, allelúja.

Reliqua ut in Proprio de Tempore et in Ordinario. 23

AD SEXTAM

Pater noster *et* Ave.

✠. Deus, in adiutorium.

Hymnus

Rector potens, verax
Deus,

Qui temperas rerum vices,
Splendore mane illuminas,
Et ignibus meridiem :

Exstingue flammam litium,
Aufer calorem noxium,
Confer salutem corporum,
Veramque pacem cordium.

* **P**raesta, Pater piissime,
Patrique compar Unice,
Cum Spiritu Paraclito
Regnans per omne saeculum. Amen.

*Extra Tempus Paschale :
Ant. ut in Proprio de Tempore.*

Tempore Paschali

Ant. Allelúja.

Psalmus 118, vi



Defecit in salutare
tuum anima mea : *
et in verbum tuum
supersperavi.

Defecerunt oculi mei in
eloquium tuum, * dicen-
tes : Quando consolaberis
me?

Quia factus sum sicut
uter in pruina : * justifica-
tiones tuas non sum obli-
tus.

Quot sunt dies servi
tui? * quando facies de
persequentibus me iudici-
um?

Narraverunt mihi iniqui
fabulationes : * sed non ut
lex tua.

Omnia mandata tua vé-
ritas : * inique persecuti
sunt me, adjuva me.

Paulo minus consumma-
verunt me in terra : * ego
autem non dereliqui man-
data tua.

Secundum misericordiam
tuam vivifica me : * et
custodiam testimonia oris
tui.

In aeternum, Domine, *
verbum tuum permanet in
caelo.

In generationem et gene-
rationem veritas tua : *
fundasti terram, et pér-
manet.

Ordinatione tua persevé-
rat dies : * quoniam óm-
nia serviunt tibi.

Nisi quod lex tua meditá-
tio mea est : * tunc forte
periissem in humilitate
mea.

In aeternum non obliví-
scar justificationes tuas : *
quia in ipsis vivificasti me.

Tuus sum ego, salvum me fac : * quóniam justificatiónes tuas exquisívi.

Me expectavérunt peccatóres ut pérderent me : * testimónia tua intelléxi.

Omnis consummatiónis vidi finem : * latum mandátum tuum nimis.

Psalmus 118, vii

QUómodo diléxi legem tuam, Dómine? * tota die meditatio mea est.

Super inimícos meos prudentem me fecísti mandáto tuo : * quia in ætérnum mihi est.

Super omnes docéntes me intelléxi : * quia testimónia tua meditatio mea est.

Super senes intelléxi : * quia mandáta tua quæsívi.

Ab omni via mala prohibui pedes meos : * ut custódiam verba tua.

A iudíciis tuis non declinávi : * quia tu legem posuísti mihi.

Quam dúlcia fáucibus meis elóquia tua, * super mel ori meo!

A mandátis tuis intellexi : * propterea odívi omnem viam iniquitátis.

Lucérna pédibus meis verbum tuum, * et lumen sémitis meis.

Jurávi, et státui * custodíre iudícia justítiæ tuæ.

Humiliátus sum usquequaque, Dómine : * viví-

fica me secúndum verbum tuum.

Voluntária oris mei benelácita fac, Dómine : * et iudícia tua doce me.

Anima mea in mánibus meis semper : * et legem tuam non sum oblítus.

Posuérunt peccatóres láqueum mihi : * et de mandátis tuis non errávi.

Hereditáte acquisívi testimónia tua in ætérnum : * quia exsultatio cordis mei sunt.

Inclinávi cor meum ad faciéndas justificatiónes tuas in ætérnum, * propter retributiómem.

Psalmus 118, viii

INíquos odio hábui : * et legem tuam diléxi.

Adjútor et suscéptor meus es tu : * et in verbum tuum supersperávi.

Declináte a me, maligni : * et scrutábor mandáta Dei mei.

Súscipe me secúndum elóquium tuum, et vivam : * et non confúndas me ab exspectatióne mea.

Adjuva me, et salvus ero : * et meditábor in justificatióibus tuis semper.

Sprevísti omnes discedéntes a iudíciis tuis : * quia injústa cogitatio eórum.

Prævaricántes reputávi omnes peccatóres terræ : * ideo diléxi testimónia tua.

Confíge timóre tuo carnes meas : * a iudíciis enim tuis tímui.

Feci iudícium et justítiam : * non tradas me calumniántibus me.

Súscipe servum tuum in bonum : * non calumnién-
tur me supérbi.

Oculi mei defecérunt in salutáre tuum : * et in elóquium justítiae tuæ.

Fac cum servo tuo secúndum misericórdiam tuam : * et justificatiónes tuas doce me.

Servus tuus sum ego : * da mihi intelléctum, ut sciam testimónia tua.

Tempus faciéndi, Dómine : * dissipavérunt legem tuam.

Ideo diléxi mandáta tua, * super aurum et topázion.

Proptérea ad ómnia mandáta tua dirigébar : * omnem viam iníquam ódio hábui.

*Extra Tempus Paschale :
Ant. ut in Proprio de Tempore.*

Tempore Paschali

Ant. Allelúja, allelúja, allelúja.

Reliqua ut in Proprio de Tempore et in Ordinario. 25

AD NONAM

Pater noster *et* Ave.

✠. Deus, in adiutórium.

Hymnus

Rerum, Deus, tenax vigor,

Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam déci-
dat,

Sed præmíum mortis sa-
cræ

Perénis instet glória.

* Præsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

*Extra Tempus Paschale :
Ant. ut in Proprio de Tempore.*

Tempore Paschali

Ant. Allelúja.

Psalmus 118, ix



Irabília testimónia
tua : * ídeo scru-
táta est ea ánima
mea.

Declarátio sermónum
tuórum illúminat : * et in-
telléctum dat pávulis.

Os meum apérui, et at-
tráxi spíritum : * quia
mandáta tua desiderábam.

Aspice in me, et miserére
mei, * secúndum iudícium
diligéntium nomen tuum.

Gressus meos dirige se-
cúndum elóquium tuum : *
et non dominétur mei om-
nis injustítia.

Rédime me a calúmniis hóminum : * ut custódiam mandáta tua.

Fáciem tuam illúmina super servum tuum : * et doce me justificatiónes tuas.

Exitus aquárum deduxérunt óculi mei : * quia non custodiérunt legem tuam.

Justus es, Dómine : * et rectum iudícium tuum.

Mandásti justítiam testimoniá tua : * et veritátem tuam nimis.

Tabéscere me fecit zelus meus : * quia oblíti sunt verba tua inimíci mei.

Ignítum elóquium tuum veheménter : * et servus tuus diléxit illud.

Adolescéntulus sum ego et contéptus : * justificatiónes tuas non sum oblítus.

Justítia tua, justítia in ætérnum : * et lex tua véritas.

Tribulátio, et angústia invenérunt me : * mandáta tua meditátio mea est.

Æquitas testimoniá tua in ætérnum : * intelléctum da mihi, et vivam.

Psalmus 118, x

CLamávi in toto corde meo, exáudi me, Dómine : * justificatiónes tuas requíram.

Clamávi ad te, salvum me fac : * ut custódiam mandáta tua.

Prævéni in maturitáte, et clamávi : * quia in verba tua supersperávi.

Prævenérunt óculi mei ad te dilúculo : * ut meditárer elóquia tua.

Vocem meam audi secúndum misericórdiam tuam, Dómine : * et secúndum iudícium tuum vivífica me.

Appropinquavérunt persequéntes me iniquitáti : * a lege autem tua longe facti sunt.

Prope es tu, Dómine : * et omnes viæ tuæ véritas.

Inítio cognóvi de testimoniis tuis : * quia in ætérnum fundásti ea.

Vide humilitátem meam, et éripe me : * quia legem tuam non sum oblítus.

Júdica iudícium meum, et rédime me : * propter elóquium tuum vivífica me.

Longe a peccatóribus salus : * quia justificatiónes tuas non exquisiérunt.

Misericórdiæ tuæ multæ, Dómine : * secúndum iudícium tuum vivífica me.

Multi qui persequúntur me, et tríbulant me : * a testimoniis tuis non declinávi.

Vidi prævaricántes, et tabescébam : * quia elóquia tua non custodiérunt.

Vide quóniam mandáta tua diléxi, Dómine : * in misericórdia tua vivífica me.

Principium verbórum tuórum, véritas : * in

ætérnum ómnia judícia justítiæ tuæ.

Psalmus 118, xi

PRíncipes persecúti sunt me gratis : * et a verbis tuis formidávit cor meum.

Lætábor ego super elóquia tua : * sicut qui invénit spólia multa.

Iniquitátem ódio hábui, et abominátus sum : * legem autem tuam diléxi.

Sépties in die laudem dixi tibi, * super judícia justítiæ tuæ.

Pax multa diligéntibus legem tuam : * et non est illis scándalum.

Exspectábam salutáre tuum, Dómine : * et mandáta tua diléxi.

Custodívit ánima mea testimónia tua : * et diléxit ea veheménter.

Servávi mandáta tua, et testimónia tua : * quia omnes viæ meæ in conspéctu tuo.

Appropínquet deprecátio mea in conspéctu tuo, Dómine : * juxta elóquium tuum da mihi intelléctum.

Intret postulátio mea in conspéctu tuo : * secúndum elóquium tuum éripe me.

Eructábunt lábia mea hymnum, * cum docúeris me justificatiónes tuas.

Pronuntiábit lingua mea elóquium tuum : * quia

ómnia mandáta tua æquitas.

Fiat manus tua ut salvet me : * quóniam mandáta tua elégi.

Concupívi salutáre tuum, Dómine : * et lex tua meditátio mea est.

Vivet ánima mea, et laudábit te : * et judícia tua adjuvábunt me.

Errávi, sicut ovis, quæ périit : * quære servum tuum, quia mandáta tua non sum oblítus.

Extra Tempus Paschale :
Ant. ut in Proprio de Tempore.

Tempore Paschali

Ant. Allelúja, allelúja, allelúja.

Reliqua ut in Proprio de Tempore et in Ordinario. 27

AD VESPERAS

Pater noster **et** Ave.

✠. Deus, in adjutórium.

Extra Tempus Paschale

Ant. Dixit Dóminus. †

Tempore Paschali

Ant. Allelúja, * allelúja, allelúja.

Sub qua sola Ant. Allelúja dicuntur omnes Psalmi usque ad Capitulum, etiam in Feriis.

¶ Antiphonæ cum Psalmis tam intra quam extra Tempus Paschale assignatæ, adhibentur semper, quando fit Officium de Dominica, tam in Dominicis minoribus, extra

Octavam Ascensionis, quam in Dominicis majoribus, non exclusa ipsa Dominica in Albis.

Psalmus 109



Exit Dóminus † Dómino meo : * Sede a dextris meis :

Donec ponam inimicos tuos, * scabellum pedum tuorum.

Virgam virtutis tuæ emittet Dóminus ex Sion : * dominare in medio inimicorum tuorum.

Tecum principium in die virtutis tuæ in splendoribus sanctorum : * ex útero ante luciferum genui te.

Juravit Dóminus, et non pænitébit eum : * Tu es sacerdos in ætérnum secundum ordinem Melchisedech.

Dóminus a dextris tuis, * confrégit in die iræ suæ reges.

Judicabit in nationibus, implebit ruinas : * conquassabit capita in terra multorum.

De torrente in via bibet : * propterea exaltabit caput.

Ant. Dixit Dóminus Dómino meo : Sede a dextris meis.

Ant. Magna ópera Dómini.

Psalmus 110

Confitebor tibi, Dómine, in toto corde meo : * in consilio justorum, et congregatióne.

Magna ópera Dómini : * exquisita in omnes voluntates ejus.

Confessio et magnificéntia opus ejus : * et justitia ejus manet in sæculum sæculi.

Memóriam fecit mirabilium suorum, miséricors et miserátor Dóminus : * escam dedit timéntibus se.

Memor erit in sæculum testaménti sui : * virtutem óperum suorum annuntiábit pópulo suo :

Ut det illis hereditátem géntium : * ópera mánuum ejus véritas, et júdiciúm.

Fidélia ómnia mandata ejus : confirmata in sæculum sæculi, * facta in veritate et æquitáte.

Redemptiónem misit pópulo suo : * mandávit in ætérnum testaméntum suum.

Sanctum, et terríbile nomen ejus : * inítiúm sapiéntiæ timor Dómini.

Intelléctus bonus ómnibus faciéntibus eum : * laudatio ejus manet in sæculum sæculi.

Ant. Magna ópera Dómini : exquisita in omnes voluntates ejus.

Ant. Qui timet Dóminum.

Psalmus 111

Beatús vir, qui timet Dóminum : * in mandatis ejus volet nimis.

Potens in terra erit semen ejus : * generatio rectórum benedicétur.

Glória, et divítiæ in domo ejus : * et justitia ejus manet in sæculum sæculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in iudicio : * quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimícos suos.

Dispérsit, dedit paupéribus : justitia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet : * desidérium peccatórum períbit.

Ant. Qui timet Dóminum, in mandátis ejus cupit nimis.

Ant. Sit nomen Dómini.

Psalmus 112

LAudáte, púeri, Dóminum : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad ocásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus, Deus noster, qui in altis hábitat, * et humília réspicit in cælo et in terra?

Súscitans a terra inopem, * et de stercore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Sit nomen Dómini benedictum in sæcula.

Ant. Deus autem noster.

Psalmus 113

IN éxitu Israël de Ægypto, * domus Jacob de pópulo bárbaro :

Facta est Judæa sanctificatio ejus, * Israël potestas ejus.

Mare vidit, et fugit : * Jordánis convérsus est retrórsum.

Montes exsultavérunt ut arietes, * et colles sicut agni óvium.

Quid est tibi, mare, quod fugísti : * et tu, Jordánis, quia convérsus es retrórsus?

Montes, exsultástis sicut arietes, * et colles, sicut agni óvium?

A fácie Dómini mota est terra, * a fácie Dei Jacob.

Qui convértit petram in stagna aquárum, * et rupem in fontes aquárum.

Non nobis, Dómine, non nobis : * sed nómini tuo da glóriam.

Super misericórdia tua, et veritáte tua : * nequándo dicant gentes : Ubi est Deus eórum?

Deus autem noster in cælo : * ómnia quæcúmque vóluit, fecit.

Simulácra géntium argéntum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non áudient : * nares habent, et non odorábunt.

Manus habent, et non palpábunt : pedes habent, et non ambulábunt : * non clamábunt in gútture suo.

Símiles illis fiant qui fáciunt ea : * et omnes qui confídunt in eis.

Domus Israël sperávit in Dómino : * adjútor eórum et protéctor eórum est.

Domus Aaron sperávit in Dómino : * adjútor eórum et protéctor eórum est.

Qui timent Dóminum, speravérunt in Dómino : * adjútor eórum et protéctor eórum est.

Dóminus memor fuit nostri : * et benedíxit nobis :

Benedíxit dómui Israël : * benedíxit dómui Aaron.

Benedíxit ómnibus, qui timent Dóminum, * pusíllis cum majóribus.

Adjíciat Dóminus super vos : * super vos, et super filios vestros.

Benedícti vos a Dómino, * qui fecit cælum, et terram.

Cælum cæli Dómino : * terram autem dedit filiis hóminum.

Non mórtui laudábunt te, Dómine : * neque omnes, qui descéndunt in inférnum.

Sed nos qui vívimus, benedicimus Dómino, * ex hoc nunc et usque in sæculum.

Extra Tempus Paschale

Ant. Deus autem noster in cælo : ómnia quæcúmque vóluit, fecit.

Tempore Paschali

Ant. Allelúja, allelúja, allelúja.

¶ **Tempore Quadragesimæ, Passionis, ac Tempore Paschali Capitulum, Hymnus, Versus et Ant. ad Magnificat, ut in Proprio de Tempore.**

Canticum B. Mariæ Virg.

Luc. 1, 46-55

Magnificat * ánima mea Dóminum :

Et exsultávit spíritus meus * in Deo, salutári meo.

Quia respéxit humilitátem ancillæ suæ : * ecce enim ex hoc beátam me dicent omnes generatiónes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo : * dispérsit supérbos mente cordis sui.

Depósuit poténtes de sede * et exaltávit húmiles.

Esuriéntes implévit bonis : * et dívites dimísit inánes.

Suscépit Israë́l, púerum suum, * recordátus misericórdiæ suæ.

Sicut locúsus est ad patres nostros, * Abraham, et sémini ejus in sácula.

Oratio conveniens.

Reliqua ut in Ordinario, 32

AD COMPLETORIUM

V. Jube, domne.

Bened. Noctem quiétam, et finem perféctum concédatur nobis Dóminus omnipotens. *R.* Amen.

Lectio br. 1 Petri 5, 8-9

FRatres : Sóbrii estóte, et vigiláte : quia adversárius vester diábolus tamquam leo rúgiens circúit, quærens quem dévo-

ret : cui resístite fortes in fide. Tu autem, Dómine, miserére nobis.

R. Deo grátias.

V. Adjutórium nostrum in nómine Dómini. *R.* Qui fecit cælum et terram.

Pater noster, *quod dicitur totum secreto.*

Confíteor. Misereátur. Indulgéntiam.

V. Convérte nos, Deus, salutáris noster. *R.* Et avérte iram tuam a nobis.

V. Deus, in adjutórium.

Extra Tempus Paschale

Ant. Miserére.

Tempore Paschali

Ant. Allelúja.

Antiphona Allelúja dicitur, tam in Dominicis quam in Feriis, a Sabbato in Albis usque ad Feriam VI infra Octavam Pentecostes inclusive.

Psalmus 4

EUM invocárem exaudivit me Deus justítiæ meæ : * in tribulatióne dilatásti mihi.

Miserére mei, * et exáudi oratióem meam.

Filii hóminum, úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccare : * quæ dicitis in cordibus vestris, in cubilibus vestris compungimini.

Sacrificáte sacrificium iustitiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dormiam, et requiescam;

Quóniam tu, Dómine, singuláriter in spe * constituísti me.

Psalmus 90

QUI hábitat in adiutorio Altíssimi, * in protectione Dei cæli commorabitur.

Dicet Dómino : Susceptor meus es tu, et refúgium meum : * Deus meus, sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi : * et sub pennis ejus sperábis.

Scuto circúmdabit te véritas ejus : * non timébis a timóre noctúrno.

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille, et decem millia a dextris tuis : * ad te autem non appropinquábit.

Verúmtamen óculis tuis considerábis : * et retributionem peccatórum videbis.

Quóniam tu es, Dómine, spes mea : * Altíssimum posuísti refúgium tuum.

Non accédet ad te malum : * et flagéllum non appropinquábit tabernáculo tuo.

Quóniam Angelis suis mandávit de te : * ut custódiant te in ómnibus viis tuis.

In mánibus portábunt te : * ne forte offéndas ad lápidem pedem tuum.

Super áspidem, et basiliscum ambulábis : * et conculcábis leónem et dracónem.

Quóniam in me sperávit, liberábo eum : * prótegam eum, quóniam cognóvit nomen meum.

Clamábit ad me, et ego exáudiam eum : * cum ipso sum in tribulatione : erípiam eum et glorificábo eum.

Longitúdine diérum replébo eum : * et ostendam illi salutáre meum.

Psalmus 133

ECce, nunc benedicite Dóminum, * omnes servi Dómini :

Qui statis in domo Dómini, * in átriis domus Dei nostri.

In nóctibus extóllite manus vestras in sancta, * et benedicite Dóminum.

Benedícat te Dóminus ex Sion, * qui fecit cælum et terram.

Extra Tempus Paschale

Ant. Miserére mihi, Dómine, et exáudi oratióem meam.

Tempore Paschali

Ant. Allelúja, allelúja, allelúja.

Hymnus

TE lucis ante términum,
Rerum Créator, póscimus,
Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cómp-
prime,
Ne polluéantur córpora.

* **P**ræsta, Pater piíssime,
Patrique compar Unice,
Cum Spíritu Paráclito
Regnans per omne sáecu-
lum. Amen.

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelínquas
nos, Dómine, Deus noster.

R. **br.** In manus tuas,
Dómine, * Comméndo spí-
ritum meum. In manus.

V. Redemísti nos, Dó-
mine, Deus veritátis. Com-
méndo. **G**lória Patri. In
manus. **V.** Custódi nos,
Dómine, ut pupíllam óculi.

R. Sub umbra alárum tuá-
rum prótege nos.

In Dominicis Passionis et
Palmarum omittitur Glória
Patri.

Tempore Paschali

R. **br.** In manus tuas,
Dómine, comméndo spíri-
tum meum, * Allelúja,
allelúja. In manus. **V.** Red-
emísti nos, Dómine, Deus
veritátis. Allelúja, alle-
lúja. **G**lória Patri. In ma-
nus. **V.** Custódi nos, Dó-
mine, ut pupíllam óculi,
allelúja. **R.** Sub umbra
alárum tuárum prótege
nos, allelúja.

Ant. Salva nos.

Canticum Simeonis

Luc. 2, 29-32

Nunc dimíttis servum
tuum, Dómine, * se-
cúndum verbum tuum in
pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum,
Lumen ad revelatióem
géntium, * et glóriam ple-
bis tuæ Israël.

Glória Patri.

Ant. Salva nos, Dómine, vigilántes, custódi nos dormiéntes; ut vigilémus cum Christo, et requiescámus in pace. (T. P. Allelúja.)

Preces (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

Credo in Deum **secreto usque ad V.** Carnis resurrectionem. **R.** Vitam æternam. Amen.

V. Benedíctus es, Dómine, Deus patrum nostrórum. **R.** Et laudábilis et gloriósus in sácula.

V. Benedicámus Patrem et Fílium cum Sancto Spíritu. **R.** Laudémus, et superexaltémus eum in sácula.

V. Benedíctus es, Dómine, in firmaménto cæli. **R.** Et laudábilis, et gloriósus, et superexaltátus in sácula.

V. Benedícat et custódiat nos omnipotens et miséricors Dóminus. **R.** Amen. **V.** Dignáre, Dómine, nocte ista.

R. Sine peccátō nos custodire. **V.** Miserére nostri, Dómine. **R.** Miserére nostri. **V.** Fiat misericórdia tua, Dómine, super nos.

R. Quemádmōdum sperávimus in te. **V.** Dómine, exáudi oratióem meam.

R. Et clamor meus ad te véniat.

V. Dóminus vobíscum.

Orémus.

Oratio

Visita, quæsumus, Dómine, habitatióem istam, et omnes insídias inimíci ab ea longe repélle : Angeli tui sancti hábítent in ea, qui nos in pace custódiat; et benedictio tua sit super nos semper. Per Dóminum nostrum.

R. Amen.

V. Dóminus vobíscum.

V. Benedicámus Dómino.

Benedictio Benedícat et custódiat nos omnipotens et miséricors Dóminus, Pater, et Fílius, et Spíritus Sanctus. **R.** Amen.

Antiphona finalis B. M. V.

V. Divínū auxílium.

Pater, Ave et Credo.

¶ **Psalmi de Dominica superioris apppositi dicuntur ad Completorium, etiam in ultimo triduo Majoris Hebdomadæ atque in Festo et per Octavam Paschatis usque ad Feriam VI inclusive, servato quidem ritu, qui in Proprio de Tempore indicatur : itemque dicuntur, adhibita simul Antiphona juxta diversitatem Temporis assignata, post utrasque Vesperas in Dominica infra Octavam Ascensionis, in FERIA VI post Octavam Ascensionis, in Duplicibus I vel II classis, in Festis novem Lectionem Domini, beatæ**

Mariæ Virginis, Angelorum, sancti Joannis Baptistæ, sancti Joseph, Apostolorum, Evangelistarum, et per Octavas privilegiatas; si tamen præcedentes I Vesperæ de eis integræ vel saltem a Capitulo sint celebratæ, ac II Vesperæ de ipsis integræ fuerint per-solutæ.

FERIA SECUNDA

AD MATUTINUM

Pater, Ave et Credo.

℣. Dómine, lábia mea.

℣. Deus, in adjutórium.

In Officio feriali

Tempore Quadragesimæ

Invit. Non sit vobis vanum mane surgere ante lucem : * Quia promísit Dóminus corónam vigi-lántibus. **Ps. 94** Veníte. 3

Hymnus

EX more docti mýstico
Servémus hoc jejú-
nium,

Deno diérum círculo

Ducto quater notíssimo.

Lex et prophétæ prími-
tus

Hoc prætulérunt, póstmo-
dum

Christus sacrávit, ómnium
Rex atque factor témpo-
rum.

Utámur ergo párcius
Verbis, cibus et pótibus,
Somno, jocus, et árctius
Perstémus in custódia.

Vitémus autem nóxia,
Quæ súbruunt mentes va-
gas :

Nullúmque demus cállidi
Hostis locum tyránnidi.

Flectámus iram víndicem,
Plorémus ante Júdicem,
Clamémus ore súpplīci,
Dicámus omnes cérnui :

Nostris malis offéndimus
Tuam, Deus, cleméntiam :
Effúnde nobis désuper,
Remíssor, indulgéntiam.

Meménto quod sumus tui,
Licet cadúci, plásmatis :
Ne des honórem nóminis
Tui, precámur, álteri.

Laxa malum, quod féci-
mus,
Auge bonum, quod pósci-
mus :

Placére quo tandem tibi
Possímus hic, et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.

Amen.

Tempore Passionis

Invit. Hódie, si vocem
Dómini audiéritis, * Nolíte

obdurare corda vestra.

Ps. 94 Venite. 3

In quarto Ps. versu non dicitur : Hódie, si vocem; sed post repetitum Invitatorium, statim subjungitur : Sicut in exacerbatióne.

In fine autem hujus Ps. non dicitur Glória Patri; sed repetitur Invitatorium.

Hymnus

PAnge, lingua, gloriósi
Láuream certáminis,
Et super Crucis trophæo
Dic triúmphum nóbilem :
Quáliter Redémptor orbis
Immolátus vícerit.

De paréntis protoplásti
Fraude Factor cóndolens,
Quando pomi noxiális
In necem morsu ruit :
Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde láserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsépia :
Membra pannis involúta
Virgo Mater álligat :
Et Dei manus pedésque
Stricta cingit fáschia.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérsitas.

Amen.

Tempore Pasehali

Invit. Surréxit Dóminus
vere, * Allelúja. **Ps. 94**
Venite. 3

Hymnus

REX sempitérne cæli-
tum,
Rerum Creátor ómnium,
Æquális ante sácula
Semper Parénti Fílius :

Nascénte qui mundo faber
Imáginem vultus tui
Tradens Adámo, nóbilem
Limo jugásti spíritum.

Cum livor et fraus dæ-
monis

Fœdásset humánum ge-
nus :

Tu, carne amíctus, pérdi-
tam

Formam refórmæ ártifex.

Qui, natus olim e Vírgine,
Nunc e sepúlcro násceris,
Tecúmque nos a mórtuis
Jubes sepúltos súrgere.

Qui, pastor ætérmus, gre-
gem

Aqua lavas baptísmatis :
Hæc est lavácrum mén-
tium :

Hæc est sepúlcrum crími-
num.

Nobis diu qui débitæ
Redemptor affixus cruci,
Nostræ dedisti pródigus
Prétium salútis sángu-
nem.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Filio, qui a mórtuis
Surréxit, ac Paráclito,
In sempitérna sácula.
Amen.

In I Nocturno

Extra Tempus Paschale

Ant. Dóminus de cælo *
prospéxit super filios hó-
minum.

Tempore Pasehali

Ant. Allelúja, * allelúja,
allelúja.

Sub una tantum Antiphona Allelúja, in hac et aliis Fériis, dicuntur tres Psalmi in unoquoque Nocturno a Feria II post Dominicam in Albis usque ad Feriam VI post Octavam Ascensionis, si Festum de Sanctis novem Lectionum celebretur; et novem continuatim recitantur Psalmi in unico Nocturno usque ad Vigiliam Ascensionis, si Officium trium Lectionum de Tempore vel de Sanctis agatur.

¶ Antiphonæ, tam intra quam extra Tempus Paschale, in hac et aliis Fériis appositæ, dicuntur semper in Officio feriali et in Festis sive

trium sive novem Lectionum, quando juxta Rubricas sumendi sint Psalmi de Feria, ut in Psalterio; Versus autem, extra Tempus Paschale in singulis Nocturnis assignati, adhibentur etiam in Festis, quæ Tempore Quadragesimæ ac Passionis celebrantur.

In Officio autem trium Lectionum, tam de Tempore quam de Sanctis, omittuntur Versus et reliqua omnia, quæ in Officio novem Lectionum solent recitari in fine I et II Nocturni, et continuantur Psalmi (cum suis Antiphonis extra Tempus Paschale) usque ad Versum III Nocturni.

Psalmus 13



Ixit insípiens in cor-
de suo : * Non est
Deus.

Corrúpti sunt, et abomi-
nábiles facti sunt in stú-
diis suis : * non est qui
fáciat bonum, non est
usque ad unum.

Dóminus de cælo pro-
spéxit super filios hómi-
num, * ut vídeat si est
intélligens, aut requírens
Deum.

Omnes declinavérunt, si-
mul inútiles facti sunt : *
non est qui fáciat bonum,
non est usque ad unum.

Sepúlcrum patens est
guttur eórum : linguis
suis dolóse agébant, * ve-
nénum áspidum sub lábiis
eórum.

Quorum os maledictióne
et amaritúdine plenum

est : * velóces pedes eórum ad effundéndum sáanguinem.

Contritio et infelicitas in viis eórum, et viam pacis non cognovérunt : * non est timor Dei ante óculos eórum.

Nonne cognóscent omnes qui operántur iniquitátem, * qui dévorant plebem meam sicut escam panis?

Dóminum non invocavérunt, * illic trepidavérunt timóre, ubi non erat timor.

Quóniam Dóminus in generatióne justa est, consílium inopis confudístis : * quóniam Dóminus spes ejus est.

Quis dabit ex Sion salutare Israël? * cum avértit Dóminus captivitátem plebis suæ, exsultábit Jacob, et lætábitur Israël.

Ant. Dóminus de cælo prospéxit super filios hóminum.

Ant. Qui operátur justítiam, * requiescet in monte sancto tuo, Dómine.

Psalmus 14

Domine, quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justítiam :

Qui lóquitur veritátem in

corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes autem Dóminum glorificat :

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit.

Qui facit hæc, * non móvêbitur in ætérnum.

Ant. Qui operátur justítiam, requiescet in monte sancto tuo, Dómine.

Ant. Inclína, Dómine, * aurem tuam mihi, et exáudi verba mea.

Psalmus 16

Exáudi, Dómine, justítiam meam : * inténde deprecatiónem meam.

Auribus pèrcipe oratió-nem meam, * non in lábiis dolósis.

De vultu tuo judícium meum pródeat : * óculi tui vídeant æquitátes.

Probásti cor meum, et visitásti nocte : * igne me examinásti, et non est invénta in me iníquitas.

Ut non loquátur os meum ópera hóminum : * propter verba labiórum tuórum ego custodívi vias duras.

Pérfice gressus meos in
sémitis tuis : * ut non mo-
veántur vestígia mea.

Ego clamávi, quóniam
exaudísti me, Deus : * in-
clína aurem tuam mihi, et
exáudi verba mea.

Mirífica misericórdias tu-
as, * qui salvos facis spe-
rantes in te.

A resisténtibus délixteræ
tuæ custódi me, * ut pu-
pillam óculi.

Sub umbra alárum tuá-
rum prótege me : * a fácie
impiórum qui me afflixé-
runt.

Inimíci mei ánimam me-
am circumdedérunt, ádi-
pem suum conclusérunt : *
os eórum locútum est su-
pérbiam.

Projiciéntes me nunc cir-
cumededérunt me : * óculos
suos statuérunt declináre
in terram.

Suscepérunt me sicut leo
parátus ad prædam : * et
sicut cátilus leónis hábi-
tans in ábditis.

Exsúrge, Dómine, præ-
veni eum, et supplánta
eum : * éripe ánimam meam
ab ímpio, frámeam tuam
ab inimícis manus tuæ.

Dómine, a paucis de
terra dívide eos in vita
eórum : * de absconditis
tuis adimplétus est venter
eórum.

Saturáti sunt filiis : * et
dimisérunt reliquias suas
párvulis suis.

Ego autem in justítia ap-
parébo conspéctui tuo : *
satiábor cum apparúerit
glória tua.

Ant. Inclína, Dómine,
aurem tuam mihi, et ex-
áudi verba mea.

In Festis novem Lectionum :
Extra Tempus Paschale

V. Mirífica, Dómine, mi-
sericórdias tuas. **R.** Qui
salvos facis sperántes in te.

In Festis novem Lectionum :
Tempore Paschali

Ant. Allelúja, allelúja,
allelúja.

V. Deus regenerávit nos
in spem vivam, allelúja.

R. Per resurrectiónem Jesu
Christi ex mórtuis, alle-
lúja.

Absol. Exáudi, Dómine.

Bened. 1 Benedictióne per-
pétua. 2 Unigénitus Dei Fí-
lius. 3 Spíritus Sancti grátia.

In II Nocturno

Extra Tempus Paschale :
Ant. Díligam te, * † Dó-
mine, virtus mea.

Tempore Paschali

Ant. Allelúja, * allelúja,
allelúja.

Psalmus 17, i



Díligam te, † Dómi-
ne, fortitúdo mea : *
Dóminus firma-
méntum meum, et refú-

gium meum, et liberátor meus.

Deus meus adjutor meus, * et sperábo in eum.

Protector meus, et cornu salutis meæ, * et suscēptor meus.

Laudans invocábo Dóminum : * et ab inimícis meis salvus ero.

Circumdedérunt me dolóres mortis : * et torrētes iniquitátis conturbavérunt me.

Dolóres inférni circumdedérunt me : * præoccupavérunt me láquei mortis.

In tribulatióne mea invocávi Dóminum, * et ad Deum meum clamávi.

Et exaudivit de templo sancto suo vocem meam : * et clamor meus in conspéctu ejus, introívit in aures ejus.

Commóta est, et contrémuit terra : * fundaménta móntium conturbáta sunt, et commóta sunt, quóniam irátus est eis.

Ascéndit fumus in ira ejus : * et ignis a fácie ejus exársit : * carbónes succēnsi sunt ab eo.

Inclinávit cælos, et descendit : * et caligo sub pédibus ejus.

Et ascéndit super Chérubim, et volávit : * volávit super pennas ventórum.

Et pósuit ténebras latibulum suum, in circúitu

ejus tabernáculum ejus : * tenebrósa aqua in núbibus aëris.

Præ fulgóre in conspéctu ejus nubes transiérunt, * grando et carbónes ignis.

Et intónuit de cælo Dóminus, et Altíssimus dedit vocem suam : * grando et carbónes ignis.

Et misit sagíttas suas, et dissipávit eos : * fúlgura multiplicávit, et conturbávit eos.

Et apparuérunt fontes aquárum, * et reveláta sunt fundaménta orbis terrárum :

Ab increpatióne tua, Dómine, * ab inspiratióne spíritus iræ tuæ.

Ant. Díligam te, Dómine, virtus mea.

Ant. Retribuet mihi Dóminus * secúndum justítiam meam.

Psalmus 17, ii

Misit de summo, et accépit me : * et assumpsit me de aquis multis.

Erípuít me de inimícis meis fortíssimis, et ab his qui odérunt me : * quóniam confortáti sunt super me.

Prævenérunt me in die afflictiónis meæ : * et factus est Dóminus protector meus.

Et edúxit me in latitúdinem : * salvum me fecit, quóniam vóluit me.

Et retribuet mihi Dóminus secúndum justítiam meam, * et secúndum puritátem mánuum meárum retribuet mihi :

Quia custodívi vias Dómini, * nec ímpie gessi a Deo meo.

Quóniam ómnia judícia ejus in conspéctu meo : * et justítias ejus non répuli a me.

Et ero immaculátus cum eo : * et observábo me ab iniquitáte mea.

Et retribuet mihi Dóminus secúndum justítiam meam : * et secúndum puritátem mánuum meárum in conspéctu oculórum ejus.

Cum sancto sanctus eris, * et cum viro innocénte innocens eris :

Et cum elécto eléctus eris : * et cum perverso pervertéris.

Quóniam tu pópulum húmílem salvum fácies : * et óculos superbórum humiliábis.

Quóniam tu illúminas lucérnam meam, Dómine : * Deus meus, illúmina ténebras meas.

Quóniam in te erípiar a tentatióne, * et in Deo meo transgrédíar murum.

Deus meus, impollúta via ejus : elóquia Dómini igne examináta : * protéctor est ómnium sperántium in se.

Quóniam quis Deus præter Dóminum? * aut quis Deus præter Deum nostrum?

Deus, qui præcínxit me virtúte : * et pósuit immaculátam viam meam.

Qui perfécit pedes meos tamquam cervórum, * et super excélsa státuens me.

Qui docet manus meas ad próelium : * et posuísti, ut arcum æreum, bráchia mea.

Ant. Retribuet mihi Dóminus secúndum justítiam meam.

Ant. Vivit Dóminus, * et benedíctus Deus salútis meæ.

Psalmus 17, iii

ET dedísti mihi protectionem salútis tuæ : * et dextera tua suscepit me :

Et disciplína tua corréxit me in finem : * et disciplína tua ipsa me docébit.

Dilatásti gressus meos subtus me : * et non sunt infirmáta vestígia mea :

Pérsequar inimícos meos, et comprehéndam illos : * et non convértar, donec deficiant.

Confríngam illos, nec poterunt stare : * cadent subtus pedes meos.

Et præcínxísti me virtúte ad bellum : * et supplantásti insurgéntes in me subtus me.

Et inimícos meos dedísti mihi dorsum, * et odiéntes me disperdidísti.

Clamavérunt, nec erat qui salvos fáceret, ad Dóminum : * nec exaudivit eos.

Et commínuam eos, ut púlverem ante fáciem veni : * ut lutum plateárum delébo eos.

Eripiés me de contradic-tiónibus pópuli : * constí-tues me in caput géntium.

Pópulus, quem non cog-nóvi, servívit mihi : * in auditu auris obedívit mihi.

Fílii aliéni mentíti sunt mihi : * fílii aliéni invete-ráti sunt, et claudicavé-runt a sémitis suis.

Vivít Dóminus, et bene-díctus Deus meus, * et exaltétur Deus salútis meæ.

Deus, qui das vindíctas mihi, et subdis pópulos sub me, * liberátor meus de inimícis meis iracún-dis.

Et ab insurgéntibus in me exaltábis me : * a viro iníquo erípíes me.

Proptérea confitébor tibi in natióibus, Dómine : * et nómini tuo psalmum dicam.

Magníficans salútes Re-gis ejus, et fáciens miseri-córdiam Christo suo Da-vid, * et sémini ejus usque in sæculum.

Ant. Vivít Dóminus, et benedíctus Deus salútis meæ.

In Festis novem Lectionum :

Extra Tempus Paschale

V. Confitébor tibi in natióibus, Dómine. **R.** Et nómini tuo psalmum dicam.

In Festis novem Lectionum :

Tempore Paschali

Ant. Allelúja, allelúja, allelúja.

V. Deus suscitávit Chri-stum a mórtuis, allelúja.

R. Ut fides nostra et spes esset in Deo, allelúja.

Absol. Ipsíus píetas et.

Bened. 4 Deus Pater omní-potens. 5 Christus perpétuæ. 6 Ignem sui amóris.

In III Nocturno

Extra Tempus Paschale

Ant. Exáudiat te * † Dóminus in die tribulatiónis. †

Tempore Paschali

Ant. Allelúja, * allelúja, allelúja.

Psalmus 19



Xáudiat te † Dómi-nus in die tribula-tiónis : * † próte-gat te nomen Dei Jacob.

Mittat tibi auxílium de sancto : * et de Sion tueá-tur te.

Memor sit omnis sacrifi-cii tui : * et holocáustum tuum pingue fiat.

Tríbuat tibi secúndum cor tuum : * et omne consílium tuum confirmet.

Lætábimur in salutári tuo : * et in nómine Dei nostri magnificábimur.

Impleat Dóminus omnes petitiónes tuas : * nunc cognóvi quóniam salvum fecit Dóminus Christum suum.

Exáudiet illum de cælo sancto suo : * in potentátibus salus dèxteræ ejus.

Hi in cúrribus, et hi in equis : * nos autem in nómine Dómini, Dei nostri, invocábimus.

Ipsi obligáti sunt, et cecidérunt : * nos autem surréximus et erécti sumus.

Dómine, salvum fac regem : * et exáudi nos in die, qua invocavérimus te.

Ant. Exáudiat te Dóminus in die tribulatiónis.

Ant. Dómine, * † in virtúte tua lætábitur rex. †

Psalmus 20

Domine, † in virtúte tua lætábitur rex : * † et super salutáre tuum exsultábit veheménter.

Desidérium cordis ejus tribuísti ei : * et voluntáte labiórurn ejus non fraudásti eum.

Quóniam prævenísti eum in benedictiónibus dulcédinis : * posuísti in cápite ejus corónam de lápide pretióso.

Vitam pétiiit a te : * et tribuísti ei longitúdinem diérurn in sáculum, et in sáculum sáculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sáculum sáculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimícis tuis : * dèxtera tua invéniat omnes, qui te odérunt.

Pones eos ut clíbanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuerunt stabilíre.

Quóniam pones eos dorsum : * in relíquiis tuis præparábis vultum eórum.

Exaltáre, Dómine, in virtúte tua : * cantábimus et psallémus virtútes tuas.

Ant. Dómine, in virtúte tua lætábitur rex.

Ant. Exaltábo te, * † Dómine, quóniam suscepísti me. †

Psalmus 29

Exaltábo te, † Dómine, quóniam suscepísti me : * † nec delectásti inimícos meos super me.

Dómine, Deus meus, clamávi ad te, * et sanásti me.

Dómine, eduxísti ab inférno ánimam meam : * salvásti me a descendéntibus in lacum.

Psállite Dómino, sancti ejus : * et confitémini memóriæ sanctitátis ejus.

Quóniam ira in indignatióne ejus : * et vita in voluntáte ejus.

Ad vésperum demorábitur fletus : * et ad matutínium lætítia.

Ego autem dixi in abundantia mea : * Non movébor in ætérnum.

Dómine, in voluntáte tua, * præstitísti decóri meo virtútem.

Avertísti fáciem tuam a me, * et factus sum conturbátus.

Ad te, Dómine, clamábo : * et ad Deum meum deprecábor.

Quæ utilitas in ságuine meo, * dum descéndo in corruptiódinem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei : * Dóminus factus est adjútor meus.

Convertísti planctum meum in gáudium mihi : * conscidísti saccum meum, et circumdedísti me lætítia :

Ut cantet tibi glória mea, et non compúngar : * Dómine, Deus meus, in ætérnum confitébor tibi.

Extra Tempus Paschale

Ant. Exaltábo te, Dómine, quóniam suscepísti me.

In Festis extra Tempus Paschale

℣. Psállite Dómino, sancti ejus. ℟. Et confitémini memóriæ sanctitátis ejus.

In feriali Officio Quadragesimæ

℣. Ipse liberávit me de láqueo venántium. ℟. Et a verbo áspero.

In feriali Officio Tempore Passionis

℣. Erue a frámea, Deus, ánimam meam. ℟. Et de manu canis únicam meam.

Tempore Paschali

Ant. Allelúja, allelúja, allelúja.

In Festis novem Lectionum

℣. Deus et Dóminus suscitávit, allelúja. ℟. Et nos suscitábit per virtútem suam, allelúja.

In Officio trium Lectionum

℣. Surréxit Dóminus de sepúlcro, allelúja. ℟. Qui pro nobis pepéndit in ligno, allelúja.

**In Officio
novem Lectionum**

Absolutio A vñculis.

Bened. 7 **Evangélica** léctio.

8 **In Festis Domini** : Divín-
num auxílium.

In Festis B. M. V. Cujus
festum cólimus, ipsa Virgo.

In Festis Sanctorum : Cujus
(vel Quorum aut Quarum)
festum cólimus. 9 **Ad socie-**
tátem. (Per evangélica dicta.)

**In Officio
trium Lectionum**

Absol. Exáudi, Dómine.

In Feriis, cum Homilia :

Bened. 1 **Evangélica.** 2 Diví-
num. 3 **Ad societátem.**

In Feriis, sine Homilia :

Bened. 1 **Benedictióne.** 2 **Uni-**
génitus. 3 **Spíritus Sancti.**

In Festis Sanctorum :

Bened. 1 Ille nos benedícat
quí sine fine vivit et regnat.

℟. Amen. 2 Cujus (vel Quo-
rum aut Quarum). 3 **Ad so-**
cietátem.

AD LAUDES I

*In Feriis Temporis Pascha-
lis, atque in Festis extra et
intra Tempus Paschale cele-
brandis.*

(**Pater noster et Ave.**)

℣. Deus, in adjutórium.

Extra Tempus Paschale

Ant. Jubiláte * Deo in
voce exsultatiónis.

Tempore Paschali

Ant. Allelúja, * allelúja,
allelúja.

Sub qua sola Antiphona
Allelúja, in hac et aliis Feriis,
dicuntur omnes Psalmi et
Canticum usque ad Capitu-
lum a Feria II post Domini-
cam in Albis, in Officiis trium
Lectionum usque ad Vigiliam
Ascensionis et in Festis no-
vem Lectionum de Sanctis
usque ad Feriam VI post Octa-
vam Ascensionis inclusive.

¶ **Antiphonæ**, tam intra
quam extra Tempus Pascha-
le, in hac et aliis Feriis appo-
sitæ, dicuntur semper in Offi-
cio feriali et in Festis sive
trium sive novem Lectionum,
quando juxta Rubricas su-
mendi sint Psalmi de Feria;
atque extra Tempus Paschale
adhibentur etiam in Festis,
quæ Tempore Quadragesimæ
ac Passionis celebrantur.

Psalmus 46



GMnes gentes, pláu-
dite mánibus : * ju-
biláte Deo in voce
exsultatiónis.

Quóniam Dóminus excél-
sus, terríbilis : * Rex ma-
gnus super omnem ter-
ram.

Subjécit pópulos nobis : *
et gentes sub pédibus no-
stris.

Elégit nobis hereditátem
suam : * spéciem Jacob,
quam diléxit.

Ascéndit Deus in júbilo : *
et Dóminus in voce tubæ.

Psállite Deo nostro, psállite : * psállite Regi nostro, psállite.

Quóniam Rex omnis terræ Deus : * psállite sapiénter.

Regnabit Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ veheménter eleváti sunt.

Ant. Jubiláte Deo in voce exsultatiónis.

Ant. Inténde * voci oratiónis meæ, Rex meus et Deus meus.

Psalmus 5

Verba mea áuribus percípe, Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitatem tu es.

Neque habitábit juxta te malignus : * neque permanébunt injústi ante óculos tuos.

Odísti omnes, qui operántur iniquitatem : * perdes omnes, qui loquúntur mendácium.

Virum sánguinem et do-

lúsum abominábitur Dóminus : * ego autem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimícos meos dírige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Inténde voci oratiónis meæ, Rex meus et Deus meus.

Ant. Deus majestátis * intónuit : afférte glóriam nómini ejus.

Psalmus 28

Afférte Dómino, filii Dei : * afférte Dómino filios arietum.

Afférte Dómino glóriam et honórem, afférte Dómino glóriam nómini ejus : * adoráte Dóminum in átrio sancto ejus.

Vox Dómini super aquas, Deus majestátis intónuit : * Dóminus super aquas multas.

Vox Dómini in virtúte : * vox Dómini in magnificéntia.

Vox Dómini confringéntis cedros : * et confrínget Dóminus cedros Líbani :

Et commínuet eas tamquam vítulum Líbani : * et diléctus quemádmódum filius unicórniū.

Vox Dómini intercidéntis flammam ignis : * vox Dómini concutiéntis désertum : et commovébit Dóminus désertum Cades.

Vox Dómini præparántis cervos, et revelábit condénsa : * et in templo ejus omnes dicent glóriam.

Dóminus dilúvium inhabitáre facit : * et sedébit Dóminus Rex in ætérnum.

Dóminus virtútem pópulo suo dabit : * Dóminus benedícet pópulo suo in pace.

Ant. Deus majestátis intónuit : afférte glóriam nómini ejus.

Ant. Laudámus nomen tuum * ínclitum, Deus noster.

Canticum David

1 Par. 29, 10-13

Benedíctus es, Dómine, Deus Israël patris nostri, * ab ætérno in ætérnum.

Tua est, Dómine, magnificéntia, et poténtia, * et glória, atque victória :

Et tibi laus : * cuncta enim quæ in cælo sunt, et in terra, tua sunt :

Tuum, Dómine, regnum, * et tu es super omnes príncipes.

Tuæ divítiae, et tua est glória : * tu domináris ómnium.

In manu tua virtus et poténtia : * in manu tua magnitúdo, et impériū ómnium.

Nunc igitur, Deus noster, confitémur tibi, * et laudámus nomen tuum ínclitum.

Ant. Laudámus nomen tuum ínclitum, Deus noster.

Ant. Laudáte * † Dóminum, omnes gentes. †

Psalmus 116

Laudáte † Dóminum, omnes gentes : * † laudáte eum, omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Extra Tempus Paschale

Ant. Laudáte Dóminum,
omnes gentes.

Tempore Paschali

Ant. Allelúja, allelúja,
allelúja.

In Officio feriali T. P.

Capitulum Rom. 6, 9-10

CHristus resúrgens ex
mórtuis jam non mó-
ritur, mors illi ultra non
dominábitur. Quod enim
mórtuus est peccáto, mór-
tuus est semel : quod au-
tem vivit, vivit Deo.

Hymnus

Auróra cælum púrpurat,
Æther resúltat láudi-
bus,
Mundus triúmphans jú-
bilat,

Horrens avérnus ínfremít :

Rex ille dum tortíssimus
De mortis inférno specu
Patrum senátum liberum
Edúcit ad vitæ jubar.

Cujus sepúlcrum plúrimo
Custóde signábat lapis,
Victor triúmphat, et suo
Mortem sepúlcro fúnerat.

Sat fúneri, sat lácrimis,
Sat est datum dolóribus :
Surréxit exstíctor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.
Amen.

℣. In resurrectione tua,
Christe, allelúja. ℟. Cæli
et terra læténtur, allelúja.

Antiphona ad Benedictus ut
in Proprio de Tempore.

Reliqua ut in Ordinario. 13

AD LAUDES II

*In Feriis II post Domini-
cam I Quadragesimæ usque
ad Feriam II Majoris Hebdo-
madæ inclusive, quando fit
Officium de Feria.*

(Pater noster et Ave.)

℣. Deus, in adjutórium.

Ant. Miserére. †

Feria II Majoris Hebdomadæ

Ant. Fáciem meam.

Psalmus 50



Miserére † mei,
Deus : * secúndum
magnam misericór-
diam tuam.

Et secúndum multitúdi-
nem miseratiónum tuá-
rum, * dele iniquitátem
meam.

Amplius lava me ab ini-
quitáte mea : * et a pec-
cáto meo munda me.

Quóniam iniquitátem
meam ego cognósco : * et
peccátum meum contra
me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim, in iniquitatibus concéptus sum : * et in peccátis concépit me mater mea.

Ecce enim, veritatem dilexisti : * incérta et occúltá sapiéntiæ tuæ manifestásti mihi.

Aspérget me hyssópo, et mundábor : * lavábis me, et super nivem dealbábor.

Audítui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitates meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et impíi ad te converténtur.

Líbera me de sanguínibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísset sacrificium, dedíssem útiq̃ue : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justitiæ, oblationes, et holocáusta : * tunc impónent super altáre tuum vítilos.

Ant. Miserére mei, Deus, secúndum magnam misericórdiam tuam.

Ant. Deduc me.

Feria II Majoris Hebdomadæ

Ant. Fáciem meam non avérti ab increpántibus, et conspuéntibus in me.

Ant. Frámea, suscitáre.

Psalmus 5

Verba mea áuribus percipe, Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitatem tu es.

Neque habitábit juxta te malignus : * neque perma-

nébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multítudine misericórdiæ tuæ.

Introibo in domum tuam, * adorábo ad templum sanctum tuum in timóre tuo.

Dómine, deduc me in justítia tua : * propter inimícos meos dírige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Deduc me in justítia tua, Dómine.

Ant. Dóminus dabit virtútem.

Feria II Majoris Hebdomadæ

Ant. Frámea, suscitáre advérsus eos, qui dispérgunt gregem meum.

Ant. Appendérunt.

Psalmus 28

Afférte Dómino, filii Dei : * afférte Dómino filios arietum.

Afférte Dómino glóriam et honórem, afférte Dómino glóriam nómini ejus : * adoráte Dóminum in átrio sancto ejus.

Vox Dómini super aquas, Deus majestátis intónuit : * Dóminus super aquas multas.

Vox Dómini in virtúte : * vox Dómini in magnificéntia.

Vox Dómini confringéntis cedros : * et confrínget Dóminus cedros Líbani :

Et commínuet eas tamquam vítulum Líbani : * et diléctus quemádmódum filius unicórnium.

Vox Dómini intercidéntis flammam ignis : * vox Dómini concutiéntis désertum : et commovébit Dóminus désertum Cades.

Vox Dómini præparántis cervos, et revelábit condénsa : * et in templo ejus omnes dicent glóriam.

Dóminus dilúvium inhabitare facit : * et sedebit Dóminus Rex in ætérnum.

Dóminus virtutem populo suo dabit : * Dóminus benedícet populo suo in pace.

Ant. Dóminus dabit virtutem et benedícet populo suo in pace.

Ant. Convérsus est furor tuus.

Feria II Majoris Hebdomadæ

Ant. Appendérunt mercédem meam triginta argénteis : quibus appretiátus sum ab eis.

Ant. Inundavérunt.

Canticum Isaiaë

Is. 12, 1-6

Confitebor tibi, Dómine, quóniam irátus es mihi : * convérsus est furor tuus, et consolátus es me.

Ecce Deus salvátor meus, * fiduciáliter agam, et non timébo :

Quia fortitúdo mea, et laus mea Dóminus, * et factus est mihi in salútem.

Hauriétis aquas in gáudio de fóntibus Salvatóris : * et dicétis in die illa : Confitémini Dómino, et invocáte nomen ejus :

Notas fácite in pópulis adinventiões ejus : * mementóte quóniam excélsus est nomen ejus.

Cantáte Dómino quóniam magnífice fecit : *

annuntiáte hoc in universa terra.

Exsúlta, et lauda, habitatio Sion : * quia magnus in médio tui Sanctus Israël.

Ant. Convérsus est furor tuus, Dómine, et consolátus es me.

Ant. Laudáte. †

Feria II Majoris Hebdomadæ

Ant. Inundavérunt aquæ super caput meum; dixi, Périi : invocábo nomen tuum, Dómine Deus.

Ant. Lábia insurgéntium.

Psalmus 116

Laudáte † Dóminum, omnes gentes : * laudáte eum, omnes pópuli : Quóniam confirmáta est super nos misericórdia ejus : * et véritas Dómini manet in ætérnum.

Ant. Laudáte Dóminum, quóniam confirmáta est super nos misericórdia ejus.

Feria II Majoris Hebdomadæ

Ant. Lábia insurgéntium, et cogitatiões eórum vide, Dómine.

Tempore Quadragesimæ

Capitulum **Is. 58, 1**

CLama, ne cesses, quasi tuba exálta vocem tuam, et annúntia populo meo scélera eórum, et dómui Jacob peccáta eórum.

Hymnus

O Sol salutis, intimis,
Jesu, refulgeméntibus,
Dum, nocte pulsa, grátior
Orbi dies renáscitur.

Dans tempus acceptáble,
Da lacrimárum rívlis
Laváre cordis víctimam,
Quam læta adúrat caritas.

Quo fonte manávit nefas,
Fluent perénnes lácrimæ,
Si virga pæniténtiæ
Cordis rigórem cónterat.

Dies venit, dies tua,
In qua reflórent ómnia :
Lætémur et nos, in viam
Tua redúcti délixera.

Te prona mundi máchina,
Clemens, adóret, Trínitas,
Et nos novi per grátiam
Novum canámus cánti-
cum. Amen.

℣. Angelis suis Deus
mandávit de te. ℟. Ut
custódiant te in ómnibus
viis tuis.

Antiphona ad Benedictus ut
in Proprio de Tempore.

Expleto Cantico ac repetita
Antiphona, dicuntur sequen-
tes

Preces feriales

Kyrie, eléison. Christe,
eléison. Kýrie, eléison.

Pater noster, quod dici-
tur a solo Hebdomadario
totum clara voce, usque
ad ℣. Et ne nos indúcas in
tentatióem. ℟. Sed libera
nos a malo. ℣. Ego dixi :

Dómine, miserére mei.
℣. Sana ánimam meam,
quia peccávi tibi. ℣. Con-
vértere, Dómine, úsque-
quo? ℟. Et deprecábilis
esto super servos tuos.
℣. Fiat misericórdia tua,
Dómine, super nos.
℣. Quemádmódum sperá-
vimus in te. ℣. Sacerdótes
tui induántur justítiam.
℣. Et sancti tui exsúltent.
℣. Orémus pro beatíssimo
Papa nostro N. ℟. Dómi-
nus consérvet eum, et vi-
víficet eum, et beátum fá-
ciat eum in terra, et non
tradat eum in ánimam
inimicórum ejus. ℣. Oré-
mus et pro Antístite no-
stro N. ℟. Stet et pascat
in fortitúdine tua, Dómi-
ne, in sublimitáte nóminis
tui. ℣. Dómine, salvum
fac regem. ℟. Et exáudi
nos in die, qua invocavé-
rimus te. ℣. Salvum fac
pópulum tuum, Dómine,
et bédedic hereditáti tuæ.
℣. Et rege eos, et extólle
illos usque in ætérnum.
℣. Meménto Congrega-
tiónis tuæ. ℟. Quam pos-
sedísti ab inítio. ℣. Fiat
pax in virtúte tua. ℟. Et
abundántia in túrribus
tuis. ℣. Orémus pro bene-
factóribus nostris. ℟. Re-
tribúere dignáre, Dómine,
ómnibus, nobis bona fa-
ciéntibus propter nomen
tuum, vitam ætérnam.
Amen. ℣. Orémus pro

fidélibus defúntis. *℟.* Ré-
 quiem ætérnam dona eis,
 Dómine, et lux perpétua
 lúceat eis. *℣.* Requiéscant
 in pace. *℟.* Amen. *℣.* Pro
 frátribus nostris absénti-
 bus. *℟.* Salvos fac servos
 tuos, Deus meus, sperán-
 tes in te. *℣.* Pro afflic-
 tis et captívis. *℟.* Líbera eos,
 Deus Israë! ex ómni-
 bus tribulatióibus suis.
℣. Mitte eis, Dómine, au-
 xílium de sancto. *℟.* Et de
 Sion tuére eos. *℣.* Dómi-
 ne, Deus virtútum, con-
 vérte nos. *℟.* Et osténde
 faciém tuam, et salvi éri-
 mus. *℣.* Exsúrge, Christe,
 ádjuva nos. *℟.* Et líbera
 nos propter nomen tuum.
℣. Dómine, exáudi oratió-
 nem meam. *℟.* Et clamor
 meus ad te véniat.

Tempore Passionis

Capitulum Jer. 11, 19

VENíte, mittámus lignum
 in panem ejus, et era-
 dámus eum de terra vi-
 véntium, et nomen ejus
 non memorétur ámplius.

Hymnus

LUstra sex qui jam per-
 égít,
 Tempus implens córporis,
 Sponte líbera Redémptor
 Passióri déditus,
 Agnus in Crucis levátur
 Immolándus stípíte.

Felle potus ecce languet :
 Spina, clavi, láncea

Mite corpus perforárunt :
 Unda manat, et cruor :
 Terra, pontus, astra, mun-
 dus,

Quo lavántur flúmine!

CruX fidélis, inter omnes
 Arbor una nóbilis :
 Silva talem nulla profert
 Fronde, flore, gérmine :
 Dulce ferrum, dulce li-
 gnum,
 Dulce pondus sústinent.

Flecte ramos, arbor alta,
 Tensa laxa víscera,
 Et rigor lentéscat ille,
 Quem dedit natívitas;
 Et supérni membra Regis
 Tende miti stípíte.

Sola digna tu fuísti
 Ferre mundi víctimam;
 Atque portum præparáre
 Arca mundo náufrago,
 Quam sacer cruor per-
 únxit,
 Fusus Agni córpore.

Sempitérna sit beátæ
 Trinitáti glória,
 Æqua Patri, Filióque;
 Par decus Paráclito :
 Unius Triníque nomen
 Laudet univérstas.

Amen.

℣. Eripe me de inimícis
 meis, Deus meus. *℟.* Et ab
 insurgéntibus in me líbera
 me.

**Antiphona ad Benedictus ut
 in Proprio de Tempore.**

Preces feriales, ut supra. 97

Oratio conveniens.

Reliqua ut in Ordinario. 13

AD PRIMAM

Pater, Ave **et** Credo.

℟. Deus, in adiutorium.

Hymnus

JAM lucis orto sidere,
Deum precemur sup-
plices,
Ut in diurnis actibus
Nos servet a nocentibus.

Linguam refrénans tém-
peret,
Ne litis horror insonet :
Visum fovendo cótegat,
Ne vanitátes háuriant.

Sint pura cordis íntima,
Absístat et vecórdia :
Carnis terat supérbiam
Potus cibique párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

In Festis extra Tempus
Paschale : Ant. Innocens
mánibus.

¶ Antiphonæ extra Tempus
Paschale, in hac et aliis Feriis
ad Primam, Tertiam, Sextam
et Nonam appositæ, dicuntur
semper in Festis novem Le-
ctionum, quæ Tempore Qua-
dragesimæ et Passionis cele-
brantur, quando juxta Ru-
bricas sumendi sint Psalmi de
Feria.

In Officio feriali

Tempore Quadragesimæ

Ant. Vivo ego.

Fer. II post Dom. Passionis :

Ant. Líbera me, Dómine.

Fer. II Majoris Hebdomadæ :

Ant. Fáciem meam.

Tempore Paschali : Ant.

Allelúja.

Antiphona Allelúja, in hac
et aliis Feriis, dicitur ad
Primam, Tertiam, Sextam et
Nonam a Feria II post Domi-
nicam in Albis, in omnibus
Officiis trium Lectionum us-
que ad Vigiliam Ascensionis,
et in Festis novem Lectio-
num de Sanctis usque ad
Feriam VI post Octavam
Ascensionis inclusive.

Psalmus 23



Omini est terra, et
plenitúdo ejus : *
orbis terrárum, et
univérsti qui hábitant in
eo.

Quia ipse super mária
fundávit eum : * et super
flúmina præparávit eum.

Quis ascéndet in montem
Dómini? * aut quis stabit
in loco sancto ejus?

Innocens mánibus et
mundo corde, * qui non
accépit in vano ánimam
suam, nec jurávit in dolo
 próximo suo.

Hic accípiet benedictió-
nem a Dómino : * et mise-
ricórdiam a Deo, salutári
suo.

Hæc est generatio quærentium eum, * quærentium faciem Dei Jacob.

Attollite portas, principes, vestras, et elevamini, portæ æternales : * et introibit Rex gloriæ.

Quis est iste Rex gloriæ? * Dominus fortis et potens : Dominus potens in prælio.

Attollite portas, principes, vestras, et elevamini, portæ æternales : * et introibit Rex gloriæ.

Quis est iste Rex gloriæ? * Dominus virtutum ipse est Rex gloriæ.

Psalmus 18, i

CÆli enarrant gloriam Dei, * et opera manuum ejus annuntiat firmitermentum.

Dies diæi eructat verbum, * et nox nocti indicat scientiam.

Non sunt loquæ, neque sermones, * quorum non audiuntur voces eorum.

In omnem terram exivit sonus eorum : * et in fines orbis terræ verba eorum.

In sole posuit tabernaculum suum : * et ipse tamquam sponsus procedens de thalamo suo :

Exsultavit ut gigas ad currendam viam, * a summo cælo egressio ejus :

Et occursus ejus usque ad summum ejus : * nec

est qui se abscondat a calore ejus.

Psalmus 18, ii

LEX Domini immaculata, convertens animas : * testimonium Domini fidele, sapientiam præstans parvulis.

Justitiæ Domini rectæ, lætificantes corda : * præceptum Domini lucidum, illuminans oculos.

Timor Domini sanctus, permanens in sæculum sæculi : * judicia Domini vera, justificata in semetipsa.

Desiderabilia super aurum et lapidem pretiosum multum : * et dulciora super mel et favum.

Etenim servus tuus custodit ea, * in custodiendis illis retributio multa.

Delicta quis intelligit? ab occultis meis munda me : * et ab aliënis parce servo tuo.

Si mei non fuerint dominati, tunc immaculatus ero : * et emundabor a delicto máximo.

Et erunt ut complacent eloquia oris mei : * et meditatio cordis mei in conspectu tuo semper.

Domine, adjutor meus, * et redemptor meus.

¶ Quando ad Laudes dictus fuerit Ps. 50 Miserere, hic jungitur sequens Ps. 46, qui in Laudibus locum non habuit.

Psalmus 46

OMnes gentes, pláudite
mánibus : * jubiláte
Deo in voce exsultatiónis.

Quóniam Dóminus excél-
sus, terríbilis : * Rex ma-
gnus super omnem terram.

Subjécit pópulos nobis : *
et gentes sub pédibus no-
stris.

Elégit nobis hereditátem
suam : * spéciem Jacob,
quam diléxit.

Ascéndit Deus in júbi-
lo : * et Dóminus in voce
tubæ.

Psállite Deo nostro, psál-
lite : * psállite Regi no-
stro, psállite.

Quóniam Rex omnis terræ
Deus : * psállite sapiénter.

Regnábit Deus super
gentes : * Deus sedet su-
per sedem sanctam suam.

Príncipes populórum con-
gregáti sunt cum Deo
Abraham : * quóniam dii
fortes terræ veheménter
eleváti sunt.

**Secus vero, tribus Psalmis
expletis, statim dicitur Ant.**

**In Festis extra Tempus
Paschale : Ant.** Innocens
mánibus et mundo corde
ascéndet in montem Dó-
mini.

In Officio feriali

Tempore Quadragesimæ

Ant. Vivo ego, dicit Dó-
minus : nolo mortem pec-
catóris, sed ut magis con-
vertátur, et vivat.

Feria II post Dom. Passionis

Ant. Líbera me, Dómine,
et pone me juxta te : et
cujúsvis manus pugnet
contra me.

Feria II Majoris Hebdomadæ

Ant. Fáciem meam non
avérti ab increpántibus, et
conspuéntibus in me.

Tempore Paschali : Ant.
Allelúja, * allelúja, allelúja.

**In Officio Festi vel Octavæ
et in Feriis Temp. Pasch. :**

Capitulum 1 Tim. 1, 17

REgi sæculórum immor-
táli et invisíbili, soli
Deo honor et glória in sæ-
cula sæculórum. Amen.

**In omnibus autem Feriis
extra Tempus Paschale :**

Capitulum Zach. 8, 19

PAcem et veritátem dili-
gite, ait Dóminus om-
nípotens.

℟. br. Christe, Fili Dei
vivi, * Miserére nobis.
Christe. **℣.** Qui sedes ad
déteram Patris. Miserére
nobis. Glória Patri. Chri-
ste. **℣.** Exsúrge, Christe,
áduva nos. **℟.** Et líbera
nos propter nomen tuum.

**In feriali Officio Tempore
Passionis omittitur Glória
Patri.**

Tempore Paschali

℟. br. Christe, Fili Dei
vivi, miserére nobis, * Al-
lelúja, allelúja. Christe.
℣. Qui surrexisti a mórtuis.

Allelúja, allelúja. Glória Patri. Christe. *℣*. Exsúrge, Christe, ádjuva nos, allelúja. *℟*. Et líbera nos propter nomen tuum, allelúja.

Preces dominicales et feriales (si dicendæ sint).

Kýrie, eléison. Christe, eléison. Kýrie, eléison.

Pater noster *secreto usque ad* *℣*. Et ne nos indúcas in tentatióem. *℟*. Sed líbera nos a malo.

Credo in Deum *secreto usque ad* *℣*. Carnis resurrectionem. *℟*. Vitam æternam. Amen. *℣*. Et ego ad te, Dómine, clamávi. *℟*. Et mane orátio mea præveniet te. *℣*. Repleátur os meum laude. *℟*. Ut cantem glóriam tuam, tota die magnitúdinem tuam. *℣*. Dómine, avérte fáciem tuam a peccátis meis. *℟*. Et omnes iniquitátes meas dele. *℣*. Cor mundum crea in me, Deus. *℟*. Et spíritum rectum innova in viscéribus meis. *℣*. Ne projicias me a fácie tua. *℟*. Et spíritum sanctum tuum ne áuferas a me. *℣*. Redde mihi lætítiam salutáris tui. *℟*. Et spíritu principáli confirma me.

In Precibus ferialibus tantum

℣. Eripe me, Dómine, ab hómine malo. *℟*. A viro

iníquo éripe me. *℣*. Eripe me de inimícis meis, Deus meus. *℟*. Et ab insurgéntibus in me líbera me. *℣*. Eripe me de operántibus iniquitátem. *℟*. Et de viris sánguinem salva me. *℣*. Sic psalmum dicam nómini tuo in sáculum sáculi. *℟*. Ut reddam vota mea de die in diem. *℣*. Exáudi nos, Deus, salutáris noster. *℟*. Spes ómnium fínium terræ, et in mari longe. *℣*. Deus, in adjutórium meum inténde. *℟*. Dómine, ad adjuvándum me festína. *℣*. Sanctus Deus, Sanctus fortis, Sanctus immortalis. *℟*. Miserére nobis. *℣*. Bénedic, ánima mea, Dómino. *℟*. Et ómnia, quæ intra me sunt, nómini sancto ejus. *℣*. Bénedic, ánima mea, Dómino. *℟*. Et noli oblivísci omnes retributiónes ejus. *℣*. Qui propitiátur ómnibus iniquitátibus tuis. *℟*. Qui sanat omnes infirmitátes tuas. *℣*. Qui rédimet de intéritu vitam tuam. *℟*. Qui coronat te in misericórdia et miseratióibus. *℣*. Qui replet in bonis desidérium tuum. *℟*. Renovábitur ut áquilæ juvéntus tua.

In utrisque Precibus

℣. Adjutórium nostrum in nómine Dómini. *℟*. Qui fecit cælum et terram.

Confíteor. Misereátur. Indulgéntiam.

℣. Dignáre, Dómine, die isto. ℞. Sine peccáto nos custodíre. ℣. Miserére nostri, Dómine. ℞. Miserére nostri. ℣. Fiat misericórdia tua, Dómine, super nos. ℞. Quemádmódum sperávimus in te. ℣. Dómine, exáudi oratióem meam. ℞. Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervénire fecísti : tua nos hódie salva virtúte ; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatióes et ópera. Per Dóminum.

℞. Amen.

℣. Dóminus vobíscum.

℣. Benedicámus Dómino.

In Choro Martyrologium.

℣. Pretiósá in conspéctu Dómini. ℞. Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos

mereámur ab eo adjuvári et salvári, qui vivit et regnat in sácula sæculórum. ℞. Amen.

℣. Deus, in adjutórium meum inténde. ℞. Dómine, ad adjuvándum me festína. **Et dicitur ter; ultimo additur :** Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad** ℣. Et ne nos indúcas in tentatióem. ℞. Sed libera nos a malo. ℣. Réspice in servos tuos, Dómine, et in ópera tua, et dirige filios eórum. ℞. Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. ℣. Glória Patri. ℞. Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et liberi esse mereámur, Salvátor mundi : Qui vivis et regnas in sácula sæculórum. ℞. Amen.

℣. Jube, domne.

Bened. Dies et actus nostros in sua pace dispónat Dóminus omnipotens.

R. Amen.

In Officio feriali

Tempore Quadragesimæ

QUærite Dóminum, dum inveniri potest : invocáte eum, dum prope est. Tu autem.

Tempore Passionis

FAciam meam non avérti ab increpántibus et conspuéntibus in me. Dóminus Deus auxiliátor meus, et ideo non sum confúsus.

Tempore Paschali

SI consurrexístis cum Christo, quæ sursum sunt quærite, ubi Christus est in dextera Dei sedens : quæ sursum sunt sápite, non quæ super terram.

E Proprio Sanctorum

Pro Octava S. Joseph

Filius accrésceus Joseph, filius accrésceus, et decórus aspéctu : filiæ discurrérunt super murum.

E Communi Sanctorum

Pro Ap. et Ev. extra T. P.

IBant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

**Pro Ap. et Ev.,
uno et plur. Mm. T. P.**

SCimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

Pro uno Mart. extra T. P.

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

Pro plur. Mm. extra T. P.

Fulgébunt justí, et tamquam scintíllæ in arundinétó discúrent. Judicábunt nátiónes, et dominábuntur pópulis : et regnabit Dóminus illórum in perpétuum.

Pro Conf. Pont.

Fungi sacerdótio, et habére laudem in nómine ipsíus, et offérre illi incénsus dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum : honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitatiómem meam, et

pro morte defluente deprecata sum. Invocaui Dominum Patrem Domini mei, ut non derelinquat me in die tribulationis meae, et in tempore superborum sine adiutorio.

Pro Virgine non Martyre

O Quam pulchra est casta generatio cum claritate! immortalis est enim memoria illius : quoniam apud Deum nota est, et apud homines.

Pro Martyre tantum

L Audabit usque ad mortem anima mea Dominum, quoniam eruis sustinentes te, et liberas eos de manu angustiae, Domine, Deus noster.

Pro nec Virg. nec Mart.

Multae filiae congregaverunt divitias : tu supergressa es universas. Fallax gratia, et vana est pulchritudo : mulier timens Dominum, ipsa laudabitur.

Pro Dedicatione Ecclesiae

Et abstergat Deus omnem lacrimam ab oculis eorum : et mors ultra non erit, neque luctus, neque clamor, neque dolor erit ultra, quia prima abiierunt. Et dixit qui sedebat in throno : Ecce nova facio omnia.

In Officiis B. Mariae V.

In plateis sicut cinnamomum et balsamum aromatizans odorem dedi : quasi myrrha electa dedi suavitatem odoris.

℟. Adjutorium nostrum in nomine Domini. ℟. Qui fecit caelum et terram.

℟. Benedicite. ℟. Deus.

Benedictio Dominus nos benedicat, et ab omni malo defendat, et ad vitam perducat aeternam. Et fidelium animae per misericordiam Dei requiescant in pace. ℟. Amen.

Deinde dicitur tantum Pater noster secreto, nisi sequatur alia Hora.

AD TERTIAM

Pater noster et Ave.

℟. Deus, in adiutorium.

Hymnus

Nunc, Sancte, nobis, Spiritus, Unum Patri cum Filio, Dignare promptus ingeri Nostro refusus pectori.

Os, lingua, mens, sensus, vigor

Confessionem personent, Flammescat igne caritas, Accendat ardor proximos.

* **Præsta**, Pater piissime, Patrique compar Unice, Cum Spiritu Paráclito Regnans per omne saeculum. Amen.

In Festis extra Tempus
Paschale : Ant. Illumi-
natio mea.

In Officio feriali

Tempore Quadragesimæ

Ant. Advenérunt nobis.

Feria II post Dom. Passionis

Ant. Judicásti, Dómine.

Feria II Majoris Hebdomadæ

Ant. Frámea, suscitáre.

Tempore Paschali : Ant.

Allelúja.

Psalmus 26, i



Ominus illuminatio
mea, et salus mea, *
quem timébo?

Dóminus protéctor vitæ
meæ, * a quo trepidábo?

Dum apprópíant super
me nocéntes, * ut edant
carnes meas :

Quí tribulant me inimíci
mei, * ipsi infirmáti sunt,
et cecidérunt.

Si consístant advérsus
me castra, * non timébit
cor meum.

Si exsúrgat advérsus
me prælium, * in hoc ego
sperábo.

Unam pétii a Dómino,
hanc requíram, * ut inhá-
bitem in domo Dómini
ómnibus diébus vitæ meæ :

Ut vídeam voluptátem
Dómini, * et vísitem tem-
plum ejus.

Quóniam abscondit me
in tabernáculo suo : * in
die malórum protéxit me

in abscondito tabernáculo
sui.

In petra exaltávit me : *
et nunc exaltávit caput
meum super inimícos
meos.

Circuíví, et immolávi in
tabernáculo ejus hóstiam
vociferatiónis : * cantábo,
et psalmum dicam Dó-
mino.

Psalmus 26, ii

EXáudi, Dómine, vocem
meam, qua clamávi
ad te : * miserére mei, et
exáudi me.

Tibi dixit cor meum, ex-
quisívit te fácies mea : *
fáciem tuam, Dómine, re-
quíram.

Ne avértas fáciem tuam
a me : * ne declínes in ira
a servo tuo.

Adjútor meus esto : * ne
derelínquas me, neque de-
spícias me, Deus, salutá-
ris meus.

Quóniam pater meus, et
mater mea dereliquerunt
me : * Dóminus autem
assúpsit me.

Legem pone mihi, Dómi-
ne, in via tua : * et dirige
me in sémitam rectam
propter inimícos meos.

Ne tradíderis me in áni-
mas tribulántium me : *
quóniam insurrexérunt in
me testes iníqui, et men-
tita est iniquitas sibi.

Credo vidére bona Dó-
mini * in terra vivéntium.

Exspécta Dóminum, viriliter age : * et confortétur cor tuum, et sústine Dóminum.

Psalmus 27

AD te, Dómine, clamábo, Deus meus, ne síleas a me : * nequándo táceas a me, et assimilábor descendentibus in lacum.

Exáudi, Dómine, vocem deprecationis meæ dum oro ad te : * dum extóllo manus meas ad templum sanctum tuum.

Ne simul trahas me cum peccatóribus : * et cum operántibus iniquitatem ne perdas me.

Qui loquúntur pacem cum próximo suo, * mala autem in córdibus eórum.

Da illis secúndum ópera eórum, * et secúndum nequíam adinventiónum ipsórum.

Secúndum ópera mánuum eórum tríbue illis : * et retributióem eórum ipsis.

Quóniam non intellexérunt ópera Dómini, et in ópera mánuum ejus * destrues illos, et non ædificábis eos.

Benedictus Dóminus : * quóniam exaudivit vocem deprecationis meæ.

Dóminus adjutor meus, et protector meus : * in ipso sperávit cor meum, et adjutus sum.

Et reflóruit caro mea : *

et ex voluntáte mea confitébor ei.

Dóminus fortitúdo plebis suæ : * et protector salvatiónum Christi sui est.

Salvum fac pópulum tuum, Dómine, et benedic hereditáti tuæ : * et rege eos, et extólle illos usque in ætérnum.

In Festis extra Tempus Paschale : Ant. Illuminatio mea, et salus mea Dóminus.

Tempore Paschali : Ant. Allelúja, allelúja, allelúja.

In Officio feriali
Quadragesimæ

Ant. Advenérunt nobis dies pæniténtiæ, ad rediménda peccáta, ad salvándas ánimas.

Capitulum Joel 2, 12-13

Convertimini ad me in toto corde vestro, in jejúnio et fletu, et planctu. Et scíndite corda vestra, et non vestiménta vestra, ait Dóminus omnípotens.

℟. br. Ipse liberávit me * De láqueo venántium. Ipse. **℣.** Et a verbo áspero. De. **Glória Patri.** Ipse. **℣.** Scápulis suis obumbrábit tibi. **℟.** Et sub pennis ejus sperábis.

Preces feriales

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo. **V.** Dómine, Deus virtútum, convérte nos. **R.** Et osténde faciém tuam, et salvi érimus. **V.** Exsúrge, Christe, ádjuva nos. **R.** Et libera nos propter nomen tuum. **V.** Dómine, exáudi oratióem meam. **R.** Et clamor meus ad te véniat.

Tempore Passionis

Feria II post Dom. Passionis

Ant. Judicásti, Dómine, causam ánimæ meæ, defénsor vitæ meæ, Dómine, Deus meus.

Feria II Majoris Hebdomadæ

Ant. Frámea, suscitáre advérsus eos, qui dispérgunt gregem meum.

Capitulum Jer. 17, 13

Domine, omnes qui te derelínquunt, confundéntur : recedéntes a te, in terra scribéntur : quóniam dereliquérunt venam aquárum vivéntium Dóminum.

R. **br.** Erue a frámea, * Deus, ánimam meam. Erue. **V.** Et de manu canis únicam meam. Deus. Erue. **V.** De ore leónis libera me, Dómine. **R.** Et a córnibus unicórnium humilitátem meam.

Preces feriales, ut supra. 107

Tempore Paschali

Capitulum Rom. 6, 9-10

Christus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

R. **br.** Surréxit Dóminus de sepúlcro, * Allelúja, allelúja. Surréxit. **V.** Qui pro nobis pepéndit in ligno. Allelúja, allelúja. **Gloria Patri.** Surréxit. **V.** Surréxit Dóminus vere, allelúja. **R.** Et appáruit Simóni, allelúja.

Reliqua ut in Ordinario. 25

AD SEXTAM

Pater noster **et Ave.**

V. Deus, in adjutórium.

Hymnus

Rector potens, verax Deus,

Qui témperas rerum vices,
Splendóre mane illúminas,
Et ignibus merídiem :

**Exstingue flammás lítium,
Aufer calórem nóxium,
Confer salútem córporum,
Verámque pacem córdium.**

* **P**ræsta, Pater piíssime,
Patrique compar Unice,
Cum Spíritu Paráclito
Regnans per omne sáeculum. Amen.

In Festis extra Tempus Paschale : Ant. In tua justítia.

In Officio feriali

Tempore Quadragesimæ

Ant. Commendémus nosmetípsos.

Feria II post Dom. Passionis

Ant. Pópule meus.

Feria II Majoris Hebdomadæ

Ant. Appendérunt.

Tempore Paschali : Ant. Allelúja.

Psalmus 30, i

N te, Dómine, sperávi, non confúndar in ætérnum : * in justítia tua líbera me.

Inclína ad me aurem tuam, * accélera ut éruas me.

Esto mihi in Deum protectórem, et in domum refúgii : * ut salvum me fácias.

Quóniam fortitúdo mea, et refúgium meum es tu : * et propter nomen tuum dedúces me, et enútries me.

Edúces me de láqueo hoc, quem abscondérunt mihi : * quóniam tu es protector meus.

In manus tuas comméndo spíritum meum : * redemísti me, Dómine, Deus veritátis.

Odísti observátes vanitátes, * supervácue.

Ego autem in Dómino sperávi : * exsultábo, et

lætábor in misericórdia tua.

Quóniam respexisti humilitátem meam, * salvásti de necessitátibus ánimam meam.

Nec conclusísti me in mánibus inimíci : * statuísti in loco spatióso pedes meos.

Psalmus 30, ii

Miserére mei, Dómine, quóniam tribulor : * conturbátus est in ira óculus meus, ánima mea, et venter meus :

Quóniam defécit in dolore vita mea : * et anni mei in gemítibus.

Infirmáta est in paupertáte virtus mea : * et ossa mea conturbáta sunt.

Super omnes inimícos meos factus sum oppróbrium et vicínis meis valde : * et timor notis meis.

Qui vidébant me, foras fugérunt a me : * obliuióni datus sum, tamquam mórtuus a corde.

Factus sum tamquam vas pérditum : * quóniam audivi vituperatióem multórum commorántium in circúitu.

In eo dum convenírent simul advérsus me, * accípere ánimam meam consiliáti sunt.

Ego autem in te sperávi, Dómine : * dixi : Deus

meus es tu : in mánibus
tuis sortes meæ.

Eripe me de manu inimi-
córur meórum, * et a per-
sequéntibus me.

Illústra faciém tuam su-
per servum tuum, salvum
me fac in misericórdia
tua : * Dómine, non con-
fúndar, quóniam invocávi
te.

Erubéscant ímpii, et de-
ducántur in inférnum : *
muta fiant lábia dolósa.

Quæ loquúntur advérsus
justum iniquitátem, * in
supérbia, et in abusióne.

Psalmus 30, iii

Quam magna multitúdo
dulcédinis tuæ, Dó-
mine, * quam abscondísti
timéntibus te.

Perfecísti eis, qui sperant
in te, * in conspéctu filió-
rum hóminum.

Abscóndes eos in abs-
cóndito faciéi tuæ, * a
conturbatióne hóminum.

Próteges eos in taberná-
culo tuo * a contradicióne
linguárum.

Benedíctus Dóminus : *
quóniam mirificávit mise-
ricórdiam suam mihi in
civitáte muníta.

Ego autem dixi in ex-
césu mentis meæ : * Pro-
jéctus sum a facié oculó-
rum tuórum.

Ideo exaudísti vocem
oratiónis meæ, * dum cla-
márem ad te.

Diligite Dóminum, om-
nes sancti ejus : * quóniam
veritátem requíret Dómi-
nus, et retríbuet abundán-
ter faciéntibus supérbiam.

Viríliter ágite, et confor-
tétur cor vestrum, * om-
nes, qui sperátis in Dó-
mino.

**In Festis extra Tempus
Paschale : Ant.** In tua ju-
stitia libera me, Dómine.

Tempore Paschali : Ant.
Allelúja, allelúja, allelúja.

In Officio feriali
Quadragesimæ

Ant. Commendémus nos-
metípsos in multa patien-
tia, in jejúniis multis, per
arma justítiæ.

Capitulum Is. 55, 7

Dere linquat ímpius viam
suam, et vir iníquus
cogitatiónes suas, et rever-
tátur ad Dóminum, et mi-
serébitur ejus, et ad Deum
nostrum, quóniam multus
est ad ignoscéndum.

℟. **br.** Scápolis suis
* Obumbrábit tibi. Scá-
polis. ℣. Et sub pennis
ejus sperábis. Obumbrábit
tibi. **Glória Patri.** Scápolis.
℣. Scuto circúmdabit te
véritas ejus. ℟. Non timé-
bis a timóre noctúrno.

Preces feriales

Kyrie, eléison. Christe,
eléison. **Kýrie**, eléison.

Pater noster **secreto us-
que ad ℣.** Et ne nos indú-

cas in tentatióem. *℟.* Sed libera nos a malo. *℣.* Dómine, Deus virtútum, converté nos. *℟.* Et osténde faciém tuam, et salvi érimus. *℣.* Exsúrge, Christe, ádjuva nos. *℟.* Et libera nos propter nomen tuum. *℣.* Dómine, exáudi oratióem meam. *℟.* Et clamor meus ad te véniat.

Tempore Passionis

Feria II post Dom. Passionis :

Ant. Pópule meus, quid feci tibi, aut quid moléstus fui? Respónde mihi.

Fer. II Majoris Hebdomadæ :

Ant. Appendérunt mercédem meam trigínta argénteis : quibus appretiátus sum ab eis.

Capitulum Jer. 17, 18

Confundántur qui me persecúntur, et non confúndar ego : páveant illi, et non páveam ego : induc super eos diem afflictiónis, et dúplici contritióne cóntere eos, Dómine, Deus noster.

℟. br. De ore leónis * Líbera me, Dómine. De. *℣.* Et a córnibus unicórnum humilitátem meam. Líbera. De. *℣.* Ne perdas cum ímpiis, Deus, ánimam meam. *℟.* Et cum viris sánguinem vitam meam.

Preces feriales, ut supra. 110

Tempore Paschali

Capit. 1 Cor. 15, 20-22

Christus resurréxit a mórtuis primitiæ dormiéntium : quóniam quidem per hóminem mors, et per hóminem resurréctio mortuórum. Et sicut in Adam omnes moriúntur, ita et in Christo omnes vivificabúntur.

℟. br. Surréxit Dóminus vere, * Allelúja, allelúja. Surréxit. *℣.* Et apparuit Simóni. Allelúja, allelúja. Glória. Surréxit. *℣.* Gavísi sunt discípuli, allelúja. *℟.* Viso Dómino, allelúja.

Reliqua ut in Ordinario, 27

AD NONAM

Pater noster *et* Ave.

℣. Deus, in adjutórium.

Hymnus

Rerum, Deus, tenax vigor,
Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam decídat,
Sed præmium mortis sacrae
Perénis instet glória.

* Præsta, Pater piíssime,
Patrique compar Unice,

Cum Spíritu Paráclito
Regnans per omne sǽculum.
Amen.

**In Festis extra Tempus
Paschale : Ant.** Exsultáte,
justi.

In Officio feriali

Tempore Quadragesimæ

Ant. Per arma justítiæ.

Feria II post Dom. Passionis

Ant. Numquid rédditur.

Feria II Majoris Hebdomadæ

Ant. Lábia insurgéntium.

Tempore Paschali : Ant.

Allelúja.

Psalmus 31



Eáti quorum remis-
sæ sunt iniquitá-
tes : * et quorum
tectæ sunt peccáta.

Beátus vir, cui non im-
putávit Dóminus peccá-
tum, * nec est in spíritu
ejus dolus.

Quóniam tácuí, invetera-
vérunt ossa mea, * dum
clamárem tota die.

Quóniam die ac nocte
graváta est super me ma-
nus tua : * convérsus sum
in ærúmna mea, dum con-
figitur spina.

Delíctum meum cógni-
tum tibi feci : * et injustí-
tiam meam non abscondi.

Dixi : Confitébor advér-
sum me injustítiam meam
Dómino : * et tu remi-
sísti impietátem peccáti
mei.

Pro hac orábit ad te om-
nis sanctus, * in témpore
opportúno.

Verúmtamen in dilúvio
aquárum multárum, * ad
eum non approximábunt.

Tu es refúgium meum a
tribulatióne, quæ circúm-
dedit me : * exsultatio
mea, érue me a circum-
dántibus me.

Intelléctum tibi dabo, et
instruam te in via hac,
qua gradiéris : * firmábo
super te óculos meos.

Nolíte fieri sicut equus et
mulus, * quibus non est
intelléctus.

In camo et freno maxíllas
eórum constrínge, * qui
non appróximant ad te.

Multa flagélla peccató-
ris, * sperántem autem in
Dómino misericórdia cir-
cúmdabit.

Lætámini in Dómino et
exsultáte, justí, * et glo-
riámini, omnes recti corde.

Psalmus 32, i

EXsultáte, justí, in Dó-
mino : * rectos decet
collaudatio.

Confitémini Dómino in cí-
thara : * in psaltério de-
cem chordárum psállite
illi.

Cantáte ei cánticum no-
vum : * bene psállite ei in
vociferatióne.

Quia rectum est verbum
Dómini, * et ómnia ópera
ejus in fide.

Díligit misericórdiam et
judícium : * misericórdia
Dómini plena est terra.

Verbo Dómini cæli firmá-
ti sunt : * et spíritu oris
ejus omnis virtus eórum.

Cóngregans sicut in utre
aquas maris : * ponens in
thesáuris abyssos.

Tímeat Dóminum omnis
terra : * ab eo autem com-
moveántur omnes inhabi-
tántes orbem.

Quóniam ipse dixit, et
facta sunt : * ipse mandá-
vit, et creáta sunt.

Dóminus díssipat consí-
lia géntium : * réprobat
autem cogitatiónes popu-
lórum, et réprobat consí-
lia princípum.

Consílium autem Dómini
in ætérnum manet : * co-
gitatiónes cordis ejus in
generatióne et generatió-
nem.

Psalmus 32, ii

BEátagens, cujusest Dó-
minus, Deus ejus : *
pópulus, quem elégit in
hereditátem sibi.

De cælo respéxit Dómi-
nus : * vidit omnes filios
hóminum.

De præparáto habitáculo
suo * respéxit super om-
nes, qui hábitant terram.

Qui finxit sigillátim cor-
da eórum : * qui intélligit
ómnia ópera eórum.

Non salvábitur rex per
multam virtútem : * et gi-

gas non salvábitur in mul-
títudine virtútis suæ.

Fallax equus ad salú-
tem : * in abundántia au-
tem virtútis suæ non sal-
vábitur.

Ecce óculi Dómini super
metuéntes eum : * et in
eis, qui sperant super mi-
sericórdia ejus :

Ut éruat a morte ánimas
eórum : * et alat eos in
fame.

Anima nostra sústinet
Dóminum : * quóniam
adjútor et protéctor noster
est.

Quia in eo lætábitur cor
nostrum : * et in nómine
sancto ejus sperávimus.

Fiat misericórdia tua,
Dómine, super nos : *
quemádmódum sperávi-
mus in te.

**In Festis extra Tempus
Paschale : Ant.** Exsultáte,
justi, et gloriámini, omnes
recti corde.

Tempore Paschali : Ant.
Allelúja, allelúja, allelúja.

In Officio feriali
Quadragesimæ

Ant. Per arma justítiæ
virtútis Dei commendé-
mus nosmetípsos in multa
patiéntia.

Capitulum **Is. 58, 7**

FRange esuriénti panem
tuum, et egénos va-
gósque induc in domum
tuam : cum víderis nu-

dum, óperi eum, et carnem tuam ne despéxeris.

R. **br.** Scuto circúmdabit te * Véritas ejus. Scuto.

V. Non timébis a timóre noctúrno. Véritas ejus.

Gloria Patri. Scuto. **V.** Angelis suis Deus mandávit de te. **R.** Ut custódiant te in ómnibus viis tuis.

Preces feriales

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo. **V.** Dómine, Deus virtútum, convérte nos. **R.** Et osténde fáciem tuam, et salvi érimus. **V.** Exsúrge, Christe, ádjuva nos. **R.** Et libera nos propter nomen tuum. **V.** Dómine, exáudi oratióem meam. **R.** Et clamor meus ad te véniat.

Tempore Passionis

Feria II post Dom. Passionis

Ant. Numquid rédditur pro bono malum, quia fodérunt fóveam ánimæ meæ?

Feria II Majoris Hebdomadæ

Ant. Lábia insurgéntium, et cogitatióes eórum vide, Dómine.

Capitulum Jer. 18, 20

Recordáre quod stéterim in conspéctu tuo, ut lóquerer pro eis bonum, et

avérterem indignatióem tuam ab eis.

R. **br.** Ne perdas cum impiis, * Deus, ánimam meam. Ne. **V.** Et cum viris sánguinem vitam meam. Deus. Ne. **V.** Eripe me, Dómine, ab hómine malo. **R.** A viro iníquo éripe me.

Preces feriales, ut supra.

Tempore Paschali

Capitulum 1 Petri 3, 18

Christus semel pro peccátis nostris mórtuus est, justus pro injústis, ut nos offérret Deo, mortificátus quidem carne, vivificátus autem spíritu.

R. **br.** Gavísi sunt discipuli, * Allelúja, allelúja. Gavísi. **V.** Viso Dómino. Allelúja, allelúja. **Gloria Patri.** Gavísi. **V.** Mane nobíscum, Dómine, allelúja. **R.** Quóniam advesperáscit, allelúja.

Reliqua ut in Ordinario. 29

AD VESPERAS

Pater noster **et Ave.**

V. Deus, in adjutórium.

Extra Tempus Paschale

Ant. Inclínávit Dóminus * aurem suam mihi.

Tempore Paschali

Ant. Allelúja, * allelúja, allelúja.

Sub qua sola Ant. Allelúja, in hac et aliis Feriis, dicuntur

omnes Psalmi usque ad Capitulum a Feria II post Dominicam in Albis, in omnibus trium Lectionum Officiis usque ad Feriam III Rogationum inclusive, et in Festis novem Lectionum de Sanctis usque ad Feriam VI post Octavam Ascensionis inclusive.

¶ Antiphonæ, tam intra quam extra Tempus Paschale, in hac et aliis Feriis appositæ, dicuntur semper in Officio feriali et in Festis sive trium sive novem Lectionum, quando juxta Rubricas sumendi sint Psalmi de Feria, ut in Psalterio.

Psalmus 114



Iléxi, quóniam exáudiet Dóminus * vocem oratiónis meæ.

Quia inclinávit aurem suam mihi : * et in diébus meis invocábo.

Circumdederunt me dolóres mortis : * et perícula inférni invenérunt me.

Tribulatiónem et dolórem invéni : * et nomen Dómini invocávi.

O Dómine, libera ánimam meam : * miséricors Dóminus, et justus, et Deus noster miserétur.

Custódiens párvulos Dóminus : * humiliátus sum, et liberávit me.

Convértere, ánima mea, in réquiem tuam : * quia Dóminus benefécit tibi.

Quia erípuit ánimam meam de morte : * óculos meos a lácrimis, pedes meos a lapsu.

Placébo Dómino * in regióne vivórum.

Ant. Inclinávit Dóminus aurem suam mihi.

Ant. Vota mea * Dómino reddam coram omni pópulo ejus.

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuiam Dómino, * pro ómnibus, quæ retríbuit mihi?

Cálicem salutáris accípiam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctórum ejus :

O Dómine, quia ego servus tuus : * ego servus tuus, et filius ancillæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem. Gl.

Ant. Vota mea Dómino reddam coram omni pópulo ejus.

Ant. Clamávi, * et Dóminus exaudivit me.

Psalmus 119

AD Dóminum cum tribulárer clamávi : * et exaudivit me.

Dómine, libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum incola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Ant. Clamávi, et Dóminus exaudivit me.

Ant. Auxílium meum * a Dómino qui fecit cælum et terram.

Psalmus 120

LEvávi óculos meos in montes, * unde véniet auxílium mihi.

Auxílium meum a Dómino, * qui fecit cælum et terram.

Non det in commotióem pedem tuum : * neque dormítet qui custódit te.

Ecce, non dormitábit neque dórmiet, * qui custódit Israël.

Dóminus custódit te, Dóminus protéctio tua, * super mánum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat intróitum tuum, et éxitum tuum : * ex hoc nunc, et usque in sæculum.

Ant. Auxílium meum a Dómino, qui fecit cælum et terram.

Ant. Lætátus sum * † in his, quæ dicta sunt mihi. †

Psalmus 121

Lætátus sum † in his, quæ dicta sunt mihi : * † In domum Dómini íbimus.

Stantes erant pedes nostri, * in átriis tuis, Jerúsalem.

Jerúsalem, quæ ædificá-tur ut civitas : * cujus participátio ejus in idípsum.

Illuc enim ascendérunt tribus, tribus Dómini : * testimónium Israël ad confiténdum nómini Dómini.

Quia illic sedérunt sedes in iudício, * sedes super domum David.

Rogáte quæ ad pacem sunt Jerúsalem : * et abundantia diligéntitus te :

Fiat pax in virtúte tua : *
et abundántia in túrribus
tuis.

Propter fratres meos, et
próximos meos, * loqué-
bar pacem de te :

Propter domum Dómini,
Dei nostri, * quæsívi bona
tibi.

Extra Tempus Paschale

Ant. Lætátus sum in his,
quæ dicta sunt mihi.

Tempore Pasehali

Ant. Allelúja, allelúja,
allelúja.

In Officio feriali
Quadragesimæ

Capitulum Joel 2, 17

INter vestibulum et al-
táre plorábunt sacer-
dótes, ministri Dómini, et
dicent : Parce, Dómine,
parce pópulo tuo : et ne
des hereditátem tuam in
oppróbrum, ut dominén-
tur eis nátiónes.

Hymnus

AUdi, benigne Cónditor,
Nostras preces cum
flétibus,

In hoc sacro jejúnio
Fusas quadragenário.

Scrutátor alme córdium,
Infirma tu scis vírium :
Ad te revérsis éxhibe
Remissiónis grátiam.

Multum quidem peccávi-
mus,

Sed parce confiténtibus :
Ad nóminis laudem tui
Confer medélam lánguidis.

Concéde nostrum cónteri
Corpus per abstinéntiam;
Culpæ ut relínquant pábu-
lum

Jejúna corda críminum.

Præsta, beáta Trínitas,
Concéde, simplex Unitas;
Ut fructuósa sint tuis
Jejuniórum múnera.

Amen.

℣. Angelis suis Deus
mandávit de te. **℟.** Ut
custódiant te in ómnibus
viis tuis.

**Antiphona ad Magnificat ut
in Proprio de Tempore.**

**Expleto Cantico ac repetita
Antiphona, dicuntur sequen-
tes**

Preces feriales

KYrie, eléison. Christe,
eléison. Kýrie, eléison.

Pater noster, **quod dici-
tur a solo Hebdomadario
totum clara voce, usque
ad ℣.** Et ne nos indúcas
in tentatióem. **℟.** Sed
líbera nos a malo. **℣.** Ego
dixi : Dómine, miserére
mei. **℟.** Sana ánimam
meam, quia peccávi tibi.
℣. Convértere, Dómine,
úsquequo? **℟.** Et depre-
cábilis esto super servos
tuos. **℣.** Fiat misericórdia
tua, Dómine, super nos.
℟. Quemádmódum sperá-
vimus in te. **℣.** Sacerdótes
tui induántur justítiam.
℟. Et sancti tui exsúltent.
℣. Orémus pro beatíssimo
Papa nostro **N. ℟.** Dómi-

nus conservet eum, et vivificet eum, et beátum faciat eum in terra, et non tradat eum in ánimam inimicórum ejus. **V.** Orémus et pro Antístite nostro **N.** **R.** Stet et pascat in fortitúdine tua, Dómine, in sublimitáte nóminis tui. **V.** Dómine, salvum fac regem. **R.** Et exáudi nos in die, qua invocáverimus te. **V.** Salvum fac pópulum tuum, Dómine, et bénedic hereditáti tuæ. **R.** Et rege eos, et extólle illos usque in ætérnum. **V.** Meménto Congregatiónis tuæ. **R.** Quam possedísti ab iníto. **V.** Fiat pax in virtúte tua. **R.** Et abundantia in túribus tuis. **V.** Orémus pro benefactoribus nostris. **R.** Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. **V.** Orémus pro fidélibus defúntis. **R.** Réquiem ætérnam dona eis, Dómine, et lux perpétua lúceat eis. **V.** Requiéscant in pace. **R.** Amen. **V.** Pro fratribus nostris abséntibus. **R.** Salvos fac servos tuos, Deus meus, sperántes in te. **V.** Pro afflíctis et captívis. **R.** Líbera eos, Deus Israél, ex ómnibus tribulatióibus suis. **V.** Mitte eis, Dómine, auxílium de sancto. **R.** Et de Sion tuére eos. **V.** Dómine,

Deus virtútum, convérte nos. **R.** Et osténde faciém tuam, et salvi érimus. **V.** Exsúrge, Christe, adjuva nos. **R.** Et líbera nos propter nomen tuum. **V.** Dómine, exáudi oratió-nem meam. **R.** Et clamor meus ad te véniat.

Tempore Passionis

Capitulum Jer. 11, 20

TU autem, Dómine Sábath, qui júdicas iuste, et probas renes et corda, vídeam ultiónem tuam ex eis : tibi enim revelávi causam meam, Dómine, Deus meus.

Hymnus

VExílla Regis pródeunt :
Fulget Crucis mystérium,
Qua vita mortem pértulit,
Et morte vitam prótulit.

Quæ, vulneráta lánceæ
Mucróné diro, críminum
Ut nos laváret sórdibus,
Manávit unda et sáanguine.

Impléta sunt quæ cóncinit
David fidéli cármine,
Dicéndo natióibus :
Regnávit a ligno Deus.

Arbor decóra et fúlgida,
Ornáta Regis púrpura,
Elécta digno stípíte
Tam sancta membra tán-gere.

Beáta, cujus bráchiis
Prétium pepéndit sáeculi,

Statéra facta córporis,
Tulítque prædam tártari.

† Sequens stropha dicitur
flexis genibus; et ultimá
numquam mutatur.

O Crux, ave, spes única,
Hoc Passiónis témpore
Piis adáuge grátiam,
Reisque dele crímina.

Te, fons salútis, Trínitas,
Colláudet omnis spíritus :
Quibus Crucis victóriam
Largíris, adde præmium.
Amen.

℣. Eripe me, Dómine, ab
hómine malo. ℞. A viro
iníquo éripe me.

Antiphona ad Magnificat ut
in Proprio de Tempore.

Preces feriales, ut supra. 117

Tempore Paschali

Capitulum Rom. 6, 9-10

CHRISTUS resúrgens ex
mórtuis jam non mó-
ritur, mors illi ultra non
dominábitur. Quod enim
mórtuus est peccáto, mór-
tuus est semel : quod au-
tem vivit, vivit Deo.

Hymnus

AD régias Agni dapes,
Stolis amícti cándidis,
Post tránsitum Maris Ru-
bri,

Christo canámus Príncipi :

Divína cujus cáritas
Sacrum propínat sánguini-
nem,
Almíque membra córporis
Amor sacérdos immolat.

Sparsum cruórem póstibus
Vastátor horret Angelus :
Fugítque divísium mare;
Mergúntur hostes flúcti-
bus.

Jam Pascha nostrum Chri-
stus est,
Paschális idem víctima,
Et pura puris méntibus
Sinceritátis ázyna.

O vera cæli víctima,
Subjécta cui sunt tártara,
Solúta mortis víncula,
Recépta vitæ præmia.

Victor, subáctis ínferis,
Trophæa Christus éxpli-
cat;

Cælóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

℣. Mane nobíscum, Dó-
mine, allelúja. ℞. Quóniam
advesperáscit, allelúja.

Antiphona ad Magnificat ut
in Proprio de Tempore.

Reliqua ut in Ordinario. 33

AD COMPLETORIUM

℣. Jube, domne.

Bened. Noctem quiétam,
et finem perféctum concé-
dat nobis Dóminus omní-
potens. ℞. Amen.

Lectio br. 1 Petri 5, 8-9

FRatres : Sóbrii estóte, et vigiláte : quia adversárius vester diábolus tamquam leo rúgiens circuit, quærens quem dévoret : cui resístite fortes in fide. Tu autem, Dómine, miserére nobis.

℟. Deo grátias.

℣. Adjutórium nostrum in nómine Dómini. ℟. Qui fecit cælum et terram.

Pater noster, **quod dicitur totum secreto.**

Confíteor. Misereátur. Indulgéntiam.

℣. Convérte nos, Deus, salutáris noster. ℟. Et avérte iram tuam a nobis.

℣. Deus, in adjutórium.

Extra Tempus Paschale

Ant. Salvum me fac.

Tempore Paschali

Ant. Allelúja.

Ant. Allelúja, in hac et aliis Feriis, dicitur a Sabbato in Albis usque ad Feriam VI post Octavam Ascensionis inclusive.

¶ Antiphonæ, tam intra quam extra Tempus Paschale, in hac et aliis Feriis appositæ, dicuntur semper ad Completorium tum de Tempore tum de Sanctis, quando juxta Rubricas sumendi sint Psalmi de Feria.

Psalmus 6

Domine, ne in furóre tuo árguas me, * neque in ira tua corripas me.

Miserére mei, Dómine, quóniam infirmus sum : * sana me, Dómine, quóniam conturbáta sunt ossa mea.

Et ánima mea turbáta est valde : * sed tu, Dómine, úsquequo?

Convértere, Dómine, et éripe ánimam meam : * salvum me fac propter misericórdiam tuam.

Quóniam non est in morte qui memor sit tui : * in inférno autem quis confitébitur tibi?

Laborávi in gémitu meo, lavábo per síngulas noctes lectum meum : * lácrimis meis stratum meum rigábo.

Turbátus est a furóre óculus meus : * inveterávi inter omnes inimícos meos.

Discédite a me, omnes, qui operámini iniquitatem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimíci mei : * convertántur et erubéscant valde velóciter.

Psalmus 7, i

Domine, Deus meus, in te sperávi : * salvum me fac ex ómnibus perse-

quéntibus me, et libera me.

Nequándo rápiat ut leo ánimam meam, * dum non est qui rédímat, neque qui salvum fáciat.

Dómine, Deus meus, si feci istud, * si est iníquitas in mánibus meis :

Si réddidi retribuéntibus mihi mala, * decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge, Dómine, in ira tua : * et exaltáre in fínibus inimicórum meórum.

Et exsúrge, Dómine, Deus meus, in præcépto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me, Dómine, secúndum justítiam meam, * et secúndum innocéntiam meam super me.

Consumétur nequítia peccatórum, et díriges iustum, * scrutans corda et renes, Deus.

Psalmus 7, ii

Iustum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis : * sagíttas suas ardéntibus effécit.

Ecce, partúriit injustítiam : * concépit dolórem, et péperit iniquitátem.

Lacum apérui, et effódit eum : * et incidit in fóveam quam fecit.

Convertétur dolor ejus in caput ejus : * et in vérticem ipsíus iníquitas ejus descéndet.

Confitébor Dómino secúndum justítiam ejus : * et psallam nómini Dómini altíssimi.

Extra Tempus Paschale :

Ant. Salvum me fac, Dómine, propter misericórdiam tuam.

Tempore Paschali

Ant. Allelúja, allelúja, allelúja.

Hymnus

TE lucis ante términum,
Rerum Créator, póscimus,

Ut pro tua cleméntia
Sis præsul et custódia.

Procul recédant sómnia,
Et nóctium phantásmata,

Hostémque nostrum cómp-
prime,
Ne polluéantur córpora.

* **P**ræsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelínquas
nos, Dómine, Deus noster.

℟. br. In manus tuas,
Dómine, * Comméndo spí-
ritum meum. In manus.

℣. Redemísti nos, Dómi-
ne, Deus veritátis. Com-
méndo. Glória Patri. In
manus. ℣. Custódi nos,
Dómine, ut pupíllam óculi.

℟. Sub umbra alárum tuá-
rum prótege nos.

In feriali Officio Tempore
Passionis omittitur Glória
Patri.

Tempore Paschali

℟. br. In manus tuas, Dó-
mine, comméndo spíritum
meum, * Allelúja, allelúja.
In manus. ℣. Redemísti
nos, Dómine, Deus veritá-
tis. Allelúja, allelúja. Gló-
ria Patri. In manus. ℣. Cu-
stódi nos, Dómine, ut
pupíllam óculi, allelúja.
℟. Sub umbra alárum tuá-
rum prótege nos, allelúja.

Ant. Salva nos.

Canticum Simeonis

Luc. 2, 29-32

Nunc dimíttis servum
tuum, Dómine, * se-
cúndum verbum tuum in
pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum,
Lumen ad revelatiónem
géntium, * et glóriam ple-
bis tuæ Israël.

Glória Patri.

Ant. Salva nos, Dómine,
vigilántes, custódi nos dor-
miéntes; ut vigilémus cum
Christo, et requiescámus
in pace. (T. P. Allelúja.)

Preces (si dicendæ sint)

KYrie, eléison. Christe,
eléison. Kýrie, eléi-
son.

Pater noster **secreto us-
que ad ℣.** Et ne nos indú-
cas in tentatióem. ℟. Sed
libera nos a malo.

Credo in Deum **secreto
usque ad ℣.** Carnis resur-
rectiόnem. ℟. Vitam ætér-
nam. Amen. ℣. Benedí-
ctus es, Dómine, Deus
patrum nostrórum. ℟. Et
laudábilis et gloriósus in
sæcula. ℣. Benedicámus
Patrem et Fílium cum
Sancto Spíritu. ℟. Laudé-
mus, et superexaltémus

eum in sæcula. *℣.* Benedictus es, Dómine, in firmaménto cæli. *℟.* Et laudábilis, et gloriósus, et superexaltátus in sæcula.

℣. Benedícat et custódiat nos omnípotens et miséricors Dóminus. *℟.* Amen.

℣. Dignáre, Dómine, nocte ista. *℟.* Sine peccáto nos custodíre. *℣.* Miserére nostri, Dómine. *℟.* Miserére nostri.

℣. Fiat misericórdia tua, Dómine, super nos. *℟.* Quemádmódum sperávimus in te.

℣. Dómine, exáudi oratiónem meam. *℟.* Et clamor meus ad te véniat.

℣. Dóminus vobíscum.

Orémus.

Oratio

Visita, quæsumus, Dómine, habitatióem istam, et omnes insídias inimíci ab ea longe repelle : Angeli tui sancti hábitent in ea, qui nos in pace custódiant; et benedictio tua sit super nos semper. Per Dóminum nostrum. *℟.* Amen.

℣. Dóminus vobíscum.

℣. Benedicámus Dómino.

Benedictio Benedícat et custódiat nos omnípotens et miséricors Dóminus, Pater, et Fílius, et Spíritus Sanctus. *℟.* Amen.

Antiphona finalis B. M. V.

℣. Divínium auxiliúm.

Pater, Ave **et** Credo.

FERIA TERTIA

AD MATUTINUM

Pater, Ave **et** Credo.

℣. Dómine, lábia mea.

℣. Deus, in adjutórium.

In Officio feriali

Tempore Quadragesimæ

Invit. Non sit vobis vanum mane súrgere ante lucem : * Quia promísit Dóminus corónam vigiliántibus. **Ps. 94** Veníte. 3

Hymnus

EX more docti mýstico
Servémus hoc jejú-
nium,

Deno diérum círculo

Ducto quater notíssimo.

Lex et prophétæ prímitus

Hoc prætulérunt, póstmódum

Christus sacrávit, ómnium
Rex atque factor témporum.

Utámur ergo párcius
Verbis, cibis et pótibus,
Somno, jocis, et árctius
Perstémus in custódia.

Vitémus autem nóxia,
Quæ súbruunt mentes va-
gas :

Nullúmque demus cállidi
Hostis locum tyránnidi.

Flectámus iram vándicem,
Plorémus ante Júdicem,
Clamémus ore súpplici,
Dicámus omnes cérnui :

Nostris malis offéndimus
Tuam, Deus, cleméntiam :
Effúnde nobis désuper,
Remíssor, indulgéntiam.

Meménto quod sumus tui,
Licet cadúci, plásmatis :
Ne des honórem nóminis
Tui, precámur, álteri.

Laxa malum, quod féci-
mus,
Auge bonum, quod pósci-
mus :

Placére quo tandem tibi
Possímus hic, et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.

Amen.

Tempore Passionis

Invit. Hódie, si vocem
Dómini audiéritis, * No-
líte obduráre corda vestra.

Ps. 94 Veníte, exsulté-
mus. 3

**In quarto Ps. versu non dici-
tur :** Hódie, si vocem; **sed,**

**post repetitum Invitatorium,
statim subjungitur :** Sicut in
exacerbatióne.

**In fine autem hujus Ps. non
dicitur Glória Patri; sed re-
petitur Invitatorium.**

Hymnus

PAnge, lingua, gloriósi
Láuream certáminis,
Et super Crucis trophæo
Dic triúmphum nóbilem :
Quáliter Redémptor orbis
Immolátus vicerit.

De paréntis protoplásti
Fraude Factor cóndolens,
Quando pomi noxiális
In necem morsu ruit :
Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde láserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsepia :
Membra pannis involúta
Virgo Mater álligat :
Et Dei manus pedésque
Stricta cingit fáscia.

Sempitérna sit beátæ
Trinitáti glória,
Æqua Patri, Filióque;
Par decus Paráclito :

Unius Trínique nomen
Laudet univérſitas.

Amen.

Tempore Pasehali

Invit. Surréxit Dóminus
vere, * Allelúja. **Ps. 94**
Veníte. 3

Hymnus

REX sempitérne cáli-
tum,
Rerum Creátor ómnium,
Æquális ante sácula
Semper Parénti Fílius :

Nascénte qui mundo faber
Imáginem vultus tui
Tradens Adámo, nóbilem
Limo jugásti spíritum.

Cum livor et fraus dámo-
nis
Foedásset humánum ge-
nus :

Tu, carne amíctus, pérdi-
tam

Formam refórmas ártifex.

Qui, natus olim e Vírgine,
Nunc e sepúlcro násceris,
Tecúmque nos a mórtuis
Jubes sepúltos súrgere.

Qui, pastor ætérmus, gre-
gem

Aqua lavas baptísmatis :
Hæc est lavácrum mén-
tium :

Hæc est sepúlcrum crimi-
num.

Nobis diu qui débitæ
Redémptor affixus cruci,
Nostræ dedísti pródigus
Prétium salútis sánguini-
nem.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

In I Nocturno

Extra Tempus Paschale

Ant. Expúgna, Dómine, *
impugnántes me.

Tempore Pasehali

Ant. Allelúja, * allelúja,
allelúja.

Psalmus 34, i



Udica, Dómine, no-
céntes me, * expú-
gna impugnántes
me.

Apprehénde arma et scu-
tum : * exsúrge in adju-
tórium mihi.

Effúnde frámeam, et con-
clúde advérsus eos, qui
persequúntur me : * dic
ánimæ meæ : Salus tua
ego sum.

Confundántur et reve-
reántur, * quæréntes áni-
mam meam.

Avertántur retrórsus, et
confundántur * cogitán-
tes mihi mala.

Fiant tamquam pulvis
ante fáciem venti : * et
Angelus Dómini coárctans
eos.

Fiat via illórum ténebræ et lúbricum : * et Angelus Dómini pérsequens eos.

Quóniam gratis absconderunt mihi intéritum láquei sui : * supervácue exprobravérunt ánimam meam.

Véniat illi láqueus, quem ignórat : et cáptio, quam abscondit, apprehéndat eum : * et in láqueum cadat in ipsum.

Anima autem mea exsultábit in Dómino : * et deletábitur super salutári suo.

Omnia ossa mea dicent : * Dómine, quis símilis tibi?

Erípiens ínopem de manu fortíórum ejus : * egénium et páuperem a diripiéntibus eum.

Ant. Expúgna, Dómine, impugnántes me.

Ant. Restítue ánimam meam * a malefáctis eórum, Dómine.

Psalmus 34, ii

Surgéntes testes íníqui, * quæ ignorábam interrogábant me.

Retribuébant mihi mala pro bonis : * sterilitátem ánimæ meæ.

Ego autem cum mihi molésti essent, * induébar cilício.

Humiliábam in jejúnio ánimam meam : * et orátio mea in sinu meo convertétur.

Quasi próximum, et qua-

si fratrem nostrum, sic complacébam : * quasi lugens et contristátus, sic humiliábar.

Et advérsus me lætáti sunt, et convenérunt : * congregáta sunt super me flagélla, et ignorávi.

Dissipáti sunt, nec compúncti, tentavérunt me, subsannavérunt me subsannatióne : * frenduérunt super me déntibus suis.

Dómine, quando respícies? * restítue ánimam meam a malignitáte eórum, a leónibus únicam meam.

Ant. Restítue ánimam meam a malefáctis eórum, Dómine.

Ant. Exsúrge, Dómine, * et inténde iudício meo.

Psalmus 34, iii

Confítébor tibi in ecclésia magna, * in pópulo gravi laudábo te.

Non supergáudeant mihi qui adversántur mihi íníque : * qui odérunt me gratis et ánnuunt óculis.

Quóniam mihi quidem pacífice loquebántur : * et in iracúndia terræ loquéntes, dolos cogitábant.

Et dilatavérunt super me os suum : * dixerunt : Euge, euge, vidérunt óculi nostri.

Vidísti, Dómine, ne síleas : * Dómine, ne discédas a me.

Exsúrge et inténde iudicio meo : * Deus meus, et Dóminus meus in causam meam.

Júdica me secúndum justítiam tuam, Dómine, Deus meus, * et non supergáudeant mihi.

Non dicant in córdibus suis : Euge, euge, ánimæ nostræ : * nec dicant : Devorávimus eum.

Erubéscant et revereántur simul, * qui gratulántur malis meis.

Induántur confusióne et reveréntia * qui magna loquúntur super me.

Exsúltent et læténtur qui volunt justítiam meam : * et dicant semper : Magnificétur Dóminus, qui volunt pacem servi ejus.

Et lingua mea meditábitur justítiam tuam, * tota die laudem tuam.

Ant. Exsúrge, Dómine, et inténde iudicio meo.

In Festis novem Lectionum :

Extra Tempus Paschale

✠. Lingua mea meditábitur justítiam tuam. ✠. Tota die laudem tuam, Dómine.

In Festis novem Lectionum

Tempore Paschali

Ant. Allelúja, allelúja, allelúja.

✠. Deus regenerávit nos in spem vivam, allelúja.

✠. Per resurrectiónem Je-

su Christi ex mórtuis, allelúja.

Absol. Exáudi, Dómine.

Bened. 1 Benedictióne perpétua. 2 Unigénitus Dei Fílius. 3 Spíritus Sancti grátia.

In II Nocturno

Extra Tempus Paschale

Ant. Noli æmulári * † in eo, qui prosperátur, et facit iniquitátem.

Tempore Paschali

Ant. Allelúja, * allelúja, allelúja.

Psalmus 36, i



Oli æmulári † in malignántibus : * neque zeláveris faciéntes iniquitátem.

Quóniam tamquam fœnum velóciter aréscent : * et quemádmódum ólera herbárum cito decident.

Spera in Dómino, et fac bonitátem : * et inhábita terram, et pascéris in divítiis ejus.

Delectáre in Dómino : * et dabit tibi petitiónes cordis tui.

Revéla Dómino viam tuam, et spera in eo : * et ipse fáciat.

Et edúcet quasi lumen justítiam tuam : et iudícium tuum tamquam merídiem : * súbditus esto Dómino, et ora eum.

Noli æmulári in eo, qui prosperátur in via sua : *

in hómine faciēte injustítias.

Désine ab ira, et derelínque furórem : * noli æmulári ut malignéris.

Quóniam qui malignántur, exterminabúntur : * sustinéntes autem Dóminum, ipsi hereditábunt terram.

Et adhuc pusíllum, et non erit peccátor : * et quæres locum ejus, et non invénies.

Mansuétí autem hereditábunt terram : * et delectabúntur in multitúdine pacis.

Observábit peccátor justum : * et stridébit super eum déntibus suis.

Dóminus autem irridébit eum : * quóniam próspicit quod véniet dies ejus.

Gládium evaginavérunt peccatóres : * intendérunt arcum suum.

Ut dejíciat páuperem et ínopem : * ut trucídent rectos corde.

Gládus eórum íntret in corda ipsórum : * et arcus eórum confringátur.

Ant. Noli æmulári in eo, qui prosperáitur, et facit iniquitátem.

Ant. Bráchia peccatórum * conteréntur : confirmat autem justos Dóminus.

Psalmus 36, ii

Melius est módicum justo, * super divítias peccatórum multas.

Quóniam bráchia peccatórum conteréntur : * confirmat autem justos Dóminus.

Novit Dóminus dies immaculatórum : * et hereditas eórum in ætérnum erit.

Non confundéntur in témpore malo, et in diébus famis saturabúntur : * quia peccatóres peribunt.

Inimíci vero Dómini mox ut honorificáti fúerint et exaltáti : * deficientes, quemádmódum fumus deficient.

Mutuábitur peccátor, et non solvet : * justus autem miserétur et tríbuet.

Quia benedicéntes ei hereditábunt terram : * maledicéntes autem ei disperibunt.

Apud Dóminum gressus hóminis dirigéntur : * et viam ejus volet.

Cum ceciderit, non collidétur : * quia Dóminus suppónit manum suam.

Júnior fui, étenim sénui : * et non vidi justum derelíctum, nec semen ejus quærens panem.

Tota die miserétur et cómmodat : * et semen illíus in benedictióne erit.

Declína a malo, et fac bonum : * et inhábita in sáeculum sáeculi.

Quia Dóminus amat júdiciu, et non derelínquet sanctos suos : * in ætérnum conservabúntur.

Injústi puniéntur : * et semen impiórum peribit.

Justi autem hereditábunt terram : * et inhabitábunt in sáculum sáculi super eam.

Ant. Bráchia peccatórum conteréntur : confirmat autem justos Dóminus.

Ant. Custódi innocéntiam, * et vide æquitátem.

Psalmus 36, iii

OS justi meditábitur sapiéntiam, * et lingua ejus loquétur iudícium.

Lex Dei ejus in corde ipsíus : * et non supplantábuntur gressus ejus.

Consíderat peccátor justum, * et quærit mortificáre eum.

Dóminus autem non derelínquet eum in mánibus ejus : * nec damnábit eum, cum iudicábitur illi.

Exspécta Dóminum, et custódi viam ejus : et exaltábit te ut hereditáte cápias terram : * cum perierint peccatóres vidébis.

Vidi ímpium superexaltátum, * et elevátum sicut cedros Líbani.

Et transívi, et ecce non erat : * et quæsívi eum, et non est invéntus locus ejus.

Custódi innocéntiam, et vide æquitátem : * quóniam sunt reliquiæ hómini pacífico.

Injústi autem disperíbunt

simul : * reliquiæ impiórum interíbunt.

Salus autem justórum a Dómino : * et protéctor eórum in témpore tribulatiónis.

Et adjuvábít eos Dóminus et liberábit eos : * et éruet eos a peccatóribus, et salvábit eos : quia speravérunt in eo.

Ant. Custódi innocéntiam, et vide æquitátem.

In Festis novem Lectionum :

Extra Tempus Paschale

V. Exspécta Dóminum, et custódi viam ejus. **R.** Exaltábit te ut hereditáte cápias terram.

In Festis novem Lectionum :

Tempore Paschali

Ant. Allelúja, allelúja, allelúja.

V. Deus suscitávit Christum a mórtuis, allelúja.

R. Ut fides nostra et spes esset in Deo, allelúja.

Absolutio Ipsíus píetas et.

Bened. 4 Deus Pater omnipotens. 5 Christus perpétuæ.

6 Ignem sui amóris.

In III Nocturno

Extra Tempus Paschale

Ant. Ne in ira tua * corripias me, Dómine.

Tempore Paschali

Ant. Allelúja, * allelúja, allelúja.

Psalmus 37, i



Domine, ne in furóre
tuo árguas me, *
neque in ira tua
corrípias me.

Quóniam sagíttæ tuæ in-
fixæ sunt mihi : * et con-
firmásti super me manum
tuam.

Non est sánitas in carne
mea a fácie iræ tuæ : * non
est pax óssibus meis a fá-
cie peccatórum meórum.

Quóniam iniquitátes meæ
supergréssæ sunt caput
meum : * et sicut onus
grave gravátæ sunt super
me.

Putruérunt et corrúptæ
sunt cicatríces meæ, * a
fácie insipiéntiæ meæ.

Miser factus sum, et
curvátus sum usque in
finem : * tota die contri-
státus ingrediébar.

Quóniam lumbi mei im-
pléti sunt illusió nibus : *
et non est sánitas in carne
mea.

Afflíctus sum, et humi-
liátus sum nimis : * ru-
giébam a gémitu cordis
mei.

Dómine, ante te omne
desidérium meum : * et
gémitus meus a te non est
abscónditus.

Cor meum conturbátum
est, derelíquit me virtus
mea : * et lumen oculórum
meórum, et ipsum non est
mecum.

Ant. Ne in ira tua corri-
pias me, Dómine.

Ant. Inténde in adjutó-
rium meum, * Dómine,
virtus salútis meæ.

Psalmus 37, ii

AMíci mei, et próximi
mei * advérsus me
appropinquavérunt, et
stetérunt.

Et qui juxta me erant, de
longe stetérunt : * et vim
faciébant qui quærébant
ánimam meam.

Et qui inquirébant mala
mihi, locúti sunt vanitá-
tes : * et dolos tota die
meditabántur.

Ego autem tamquam sur-
dus non audiébam : * et
sicut mutus non apériens
os suum.

Et factus sum sicut homo
non áudiens : * et non ha-
bens in ore suo redargu-
tiónes.

Quóniam in te, Dómi-
ne, sperávi : * tu exáu-
dies me, Dómine, Deus
meus.

Quia dixi : Nequándo su-
pergáudeant mihi inimíci
mei : * et dum commovén-
tur pedes mei, super me
magna locúti sunt.

Quóniam ego in flagélla
parátus sum : * et dolor
meus in conspéctu meo
semper.

Quóniam iniquitátem
meam annuntiábo : * et
cogitábo pro peccáto meo.

Inimíci autem mei vivunt, et confirmáti sunt super me : * et multiplicáti sunt qui odérunt me inique.

Qui retríbunt mala pro bonis, detrahébant mihi : * quóniam sequébar bonitátem.

Ne derelínquas me, Dómine, Deus meus : * ne discésseris a me.

Inténde in adjutórium meum, * Dómine, Deus salútis meæ.

Ant. Inténde in adjutórium meum, Dómine, virtus salútis meæ.

Ant. Amove, Dómine, * a me plagas tuas.

Psalmus 38

Dixi : Custódiam vias meas : * ut non delínquam in lingua mea.

Pósui ori meo custódiam, * cum consísteret peccátor advérsus me.

Obmútui, et humiliátus sum, et sílui a bonis : * et dolor meus renovátus est.

Concáluit cor meum intra me : * et in meditatióne mea exardéscet ignis.

Locútus sum in lingua mea : * Notum fac mihi, Dómine, finem meum.

Et númerum diérum meórum quis est : * ut sciam quid desit mihi.

Ecce, mensurábiles po-

suísti dies meos : * et substántia mea tamquam níhilum ante te.

Verúmtamen univérsvánitas, * omnis homo vivens.

Verúmtamen in imágine pertránsit homo : * sed et frustra conturbátur.

Thesaurízat : * et ignórat cui congregábit ea.

Et nunc quæ est expectatió mea? Nonne Dóminus? * Et substántia mea apud te est.

Ab ómnibus iniquitatibus meis érue me : * oppróbrium insipiénti dedísti me.

Obmútui, et non apérui os meum, quóniam tu fecísti : * ámove a me plagas tuas.

A fortitúdine manus tuæ ego deféci in increpationibus : * propter iniquitátem corripuísti hóminem.

Et tabéscere fecísti sicut aráneam ánimam ejus : * verúmtamen vane conturbátur omnis homo.

Exáudi oratióne meam, Dómine, et deprecationem meam : * áuribus pércipe lácrimas meas.

Ne síleas : quóniam ádvena ego sum apud te, et peregrínus, * sicut omnes patres mei.

Remítte mihi, ut refrígerer priúsqvam ábeam, * et ámplius non ero. Gl.

Extra Tempus Paschale

Ant. Amove, Dómine, a me plagas tuas.

In Festis extra Tempus Paschale

℣. Deus, ne síleas a me, remítte mihi. ℟. Quóniam íncola ego sum apud te, et peregrínus.

In feriali Officio Quadragesimæ

℣. Scápolis suis obumbrábit tibi. ℟. Et sub pen- nis ejus sperábis.

In feriali Officio Tempore Passionis

℣. De ore leónis líbera me, Dómine. ℟. Et a cór- nibus unicórnum humili- tátem meam.

Tempore Paschali

Ant. Allelúja, allelúja, allelúja.

In Festis novem Lectionum :

℣. Deus et Dóminum suscitávit, allelúja. ℟. Et nos suscitábit per virtú- tem suam, allelúja.

In Officiis trium Lectionum

℣. Surréxit Dóminus ve- re, allelúja. ℟. Et appá- ruit Simóni, allelúja.

In Officio novem Lectionum

Absolutio. A vínculis.

Bened. 7 Evangélica léctio.
8 In Festis Domini : Diví- num auxílium.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. 9 Ad societá- tem (Per evangélica dicta.)

In Officio trium Lectionum

Absolutio. Ipsíus píetas et.

In Feriis, cum Homilia :

Bened. 1 Evangélica. 2 Diví- num. 3 Ad societátem.

In Feriis, sine Homilia :

Bened. 1 Deus Pater. 2 Chri- stus perpétuæ. 3 Ignem sui amóris.

In Festis Sanctorum :

Bened. 1 Ille nos benedicat, qui sine fine vivit et regnat. ℟. Amen. 2 Cujus (vel Quo- rum aut Quarum). 3 Ad so- cietátem.

AD LAUDES I

In Feriis Temporis Pascha- lis, atque in Festis extra et intra Tempus Paschale cele- brandis.

(Pater noster et Ave.)

℣. Deus, in adjutórium.


Extra Tempus Paschale

Ant. Cantáte * † Dómino, et benedicíte nómini ejus.

Tempore Paschali

Ant. Allelúja, * allelúja, allelúja.

Psalmus 95

 Antáte † Dómino cánticum novum : * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabília ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quó-

niam venit judicáre terram.

Judicábit orbem terræ in æquitáte, * et pópulos in veritáte tua.

Ant. Cantáte Dómino, et benedicite nómini ejus.

Ant. Salutáre vultus mei * Deus meus.

Psalmus 42

Judica me, Deus, et discérne causam meam de gente non sancta, * ab hómine iníquo, et dolóso érue me.

Quia tu es, Deus, fortitúdo mea : * quare me repulisti? et quare tristis incédo, dum affligit me inimícus?

Emitte lucem tuam et veritátem tuam : * ipsa me deduxérunt, et adduxérunt in montem sanctum tuum, et in tabernácula tua.

Et introíbo ad altáre Dei : * ad Deum, qui lætíficat juventútem meam.

Confitébor tibi in cíthara, Deus, Deus meus : * quare tristis es, ánima mea? et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. Salutáre vultus mei Deus meus.

Ant. Illúmina, Dómine, * vultum tuum super nos.

Psalmus 66

Deus misereatur nostri,
et benedicat nobis : *
illuminet vultum suum
super nos, et misereatur
nostri.

Ut cognoscamus in terra
viam tuam, * in omnibus
gentibus salutare tuum.

Confiteantur tibi populi,
Deus : * confiteantur tibi
populi omnes.

Lætentur et exsultent
gentes : * quoniam iudi-
cas populos in æquitate,
et gentes in terra dirigis.

Confiteantur tibi populi,
Deus, confiteantur tibi po-
puli omnes : * terra dedit
fructum suum.

Benedicat nos Deus, Deus
noster, benedicat nos
Deus : * et metuant eum
omnes fines terræ.

Ant. Illumina, Domine,
vultum tuum super nos.

Ant. Exaltate * Regem
sæculorum in operibus ve-
stris.

Canticum Tobiae

Tob. 13, 1-10

Magnus es, Domine, in
æternum, * et in om-
nia sæcula regnum tuum :

Quoniam tu flagellas, et
salvas : deducis ad infe-
ros, et reducis : * et non
est qui effugiat manum
tuam.

Confitemini Domino, filii
Israël, * et in conspectu
gentium laudate eum :

Quoniam ideo dispersit
vos inter gentes, quæ
ignorant eum, * ut vos
enarratis mirabilia ejus.

Et faciatis scire eos, *
quia non est alius Deus
omnipotens præter eum.

Ipse castigavit nos pro-
pter iniquitates nostras : *
et ipse salvabit nos pro-
pter misericordiam suam.

Aspice ergo quæ fecit
nobiscum, et cum timore et
tremore confitemini illi : *
Regemque sæculorum ex-
altate in operibus vestris.

Ego autem in terra ca-
ptivitatis meæ confitebor
illi : * quoniam ostendit
majestatem suam in gen-
tem peccatricem.

Convertimini itaque, pec-
catōres, et facite iustitiam
coram Deo, * credentes
quod faciat vobiscum mi-
sericordiam suam :

Ego autem, et anima
mea * in eo lætabimur.

Benedicite Dominum,
omnes electi ejus : * agite
dies lætitiæ, et confite-
mini illi.

Ant. Exaltate Regem
sæculorum in operibus ve-
stris.

Ant. Laudate * † nomen
Domini, qui statis in do-
mo Domini.

Psalmus 134

Laudate † nomen Dó-
mini, * laudate, servi,
Dominum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus : * psálite nómini ejus, quóniam suáve.

Quóniam Jacob elégit sibi Dóminus, * Israël in possessionem sibi.

Quia ego cognóvi quod magnus est Dóminus, * et Deus noster præ ómnibus diis.

Omnia quaecúmque vóluit, Dóminus fecit in cælo, et in terra, * in mari, et in ómnibus abyssis.

Edúcens nubes ab extremo terræ : * fúlgora in plúviam fecit.

Qui producit ventos de thesáuris suis : * qui percússit primogénita Ægypti ab hómine usque ad pecus.

Et misit signa, et prodígia in médio tui, Ægypte : * in Pharaónem, et in omnes servos ejus.

Qui percússit gentes multas : * et occídit reges fortes :

Sehon, regem Amorrhæorum, et Og, regem Basan, * et ómnia regna Chánaan.

Et dedit terram eórum hereditátem, * hereditátem Israël, pópulo suo.

Dómine, nomen tuum in ætérnum : * Dómine, memoriále tuum in generatióem et generatióem.

Quia judicábit Dóminus pópulum suum : * et in servis suis deprecábitur.

Simulácra géntium argentum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non audient : * neque enim est spíritus in ore ipsórum.

Símiles illis fiant qui faciunt ea : * et omnes qui confidunt in eis.

Domus Israël, benedicite Dómino : * domus Aaron, benedicite Dómino.

Domus Levi, benedicite Dómino : * qui timétis Dóminum, benedicite Dómino.

Benedíctus Dóminus ex Sion, * qui hábitat in Jérusalem.

Extra Tempus Paschale

Ant. Laudáte nomen Dómini, qui statis in domo Dómini.

Tempore Paschali

Ant. Allelúja, allelúja, allelúja.

In Officio feriali T. P.

Capitulum Rom. 6, 9-10

Christus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

Hymnus

Auróra cælum púrpurat,
 Æther resúltat láudi-
 bus,
 Mundus triúmphans júbi-
 lat,
 Horrens avérnus ínfremit :

Rex ille dum fortíssimus
 De mortis inférno specu
 Patrum senátum líberum
 Edúcit ad vitæ jubar.

Cujus sepúlcrum plúrimo
 Custóde signábat lapis,
 Victor triúmphat, et suo
 Mortem sepúlcro fúnerat.

Sat fúneri, sat lácrimis,
 Sat est datum dolóribus :
 Surréxit exstíntor necis,
 Clamat corúscans Ange-
 lus.

Ut sis perénne méntibus
 Paschále, Jesu, gáudium,
 A morte dira críminum
 Vitæ renátos líbera.

Deo Patri sit glória,
 Et Fílio, qui a mórtuis
 Surréxit, ac Paráclito,
 In sempitérna sácula.
 Amen.

℟. In resurrectione tua,
 Christe, allelúja. **℞.** Cæli
 et terra læténtur, allelúja.

**Antiphona ad Benedictus ut
 in Proprio de Tempore.**

Reliqua ut in Ordinario. 13

AD LAUDES II

*In Feriis III post Domini-
 cam I Quadragesimæ usque
 ad Feriam III Majoris Hebdom-
 adæ inclusive, quando fit
 Officium de Feria.*

(Pater noster **et Ave.**)

℟. Deus, in adjutórium.

Ant. Dele iniquitátem
 meam.

Fer. III Majoris Hebdomadæ

Ant. Vide, Dómine.

Psalmus 50



Miserere mei, Deus, *
 secúndum magnam
 misericórdiam tu-
 am.

Et secúndum multítudi-
 nem miseratiónum tuá-
 rum, * dele iniquitátem
 meam.

Amplius lava me ab ini-
 quitáte mea : * et a pec-
 cato meo munda me.

Quóniam iniquitátem
 meam ego cognóscó : * et
 peccátum meum contra
 me est semper.

Tibi soli peccávi, et ma-
 lum coram te feci : * ut
 justificéris in sermónibus
 tuis, et vincas cum judi-
 cáris.

Ecce enim, in iniquitáti-
 bus concéptus sum : * et
 in peccátis concépit me
 mater mea.

Ecce enim, veritátem di-
 lexísti : * incérta et oc-
 cúlta sapiéntiæ tuæ mani-
 festásti mihi.

Aspérget me hyssópo, et mundábor : * lavábis me, et super nivem dealbábor.

Auditui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et impii ad te converténtur.

Líbera me de sanguínibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluisses sacrificium, dedissem úti que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benígne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiónes,

et holocáusta : * tunc impónent super altáre tuum vítulos.

Ant. Dele iniquitátem meam, Dómine, secúndum multitudínem miseratiónum tuárum.

Ant. Discérne causam meam.

Fer. III Majoris Hebdomadæ

Ant. Vide, Dómine, et considera, quóniam tribulor : velóriter exáudi me.

Ant. Discérne causam meam.

Psalmus 42

Judica me, Deus, et discérne causam meam de gente non sancta, * ab hómine iníquo, et dolóso érué me.

Quia tu es, Deus, fortitúdo mea : * quare me repulísti? et quare tristis incédo, dum affligit me inimícus?

Emítte lucem tuam et veritátem tuam : * ipsa me deduxérunt, et adduxérunt in montem sanctum tuum, et in tabernácula tua.

Et introíbo ad altáre Dei : * ad Deum, qui lætíficat juventútem meam.

Confitébor tibi in cíthara, Deus, Deus meus : * quare tristis es, ánima mea? et quare contúrbas me?

Spera in Deo, quóniam adhuc confitébor illi : *

salutare vultus mei, et Deus meus.

Ant. Discérne causam meam, Deus, de gente non sancta.

Ant. Deus misereatur. †

Fer. III Majoris Hebdomadae

Ant. Discérne causam meam, Dómine : ab hómine iníquo et dolóso éripe me.

Ant. Dum tribulárer.

Psalmus 66

DEUS misereatur † nostri, et benedícat nobis : * illúminet vultum suum super nos, et misereatur nostri.

Ut cognoscámus in terra viam tuam : * in ómnibus géntibus salutare tuum.

Confiteántur tibi pópuli, Deus : * confiteántur tibi pópuli omnes.

Læténtur et exsúltent gentes : * quóniam júdicas pópulos in æquitáte, et gentes in terra dírgis.

Confiteántur tibi pópuli, Deus, confiteántur tibi pópuli omnes : * terra dedit fructum suum.

Benedícat nos Deus, Deus noster, benedícat nos Deus : * et métuant eum omnes fines terræ.

Ant. Deus misereatur nostri, et benedícat nos.

Ant. Corrípies me, Dómine.

Fer. III Majoris Hebdomadae

Ant. Dum tribulárer, clamávi ad Dóminum de ventre inferi, et exaudivit me.

Ant. Dómine, vim pátiar.

Canticum Ezechiae

Is. 38, 10-20

EGO dixi : In dimídio diérum meórum * vadam ad portas inferi.

Quæsívi resíduum annórum meórum. * Dixi : Non vidébo Dóminum Deum in terra vivéntium.

Non aspiciam hóminem ultra, * et habitatórem quiétis.

Generátio mea abláta est, et convolúta est a me, * quasi tabernáculum pastórum.

Præcisa est, velut a texénte, vita mea : dum adhuc ordírer, succídít me : * de mane usque ad vésperam fínies me.

Sperábam usque ad mane, * quasi leo sic contrívit ómnia ossa mea :

De mane usque ad vésperam fínies me : * sicut pullus hirúndinis sic clamábo, meditábor ut colúmba :

Attenuáti sunt óculi mei, * suspiciéntes in excélsu :

Dómine, vim pátiar, respónde pro me. * Quid dicam, aut quid respondébit mihi, cum ipse fécerit?

Recogitábo tibi omnes annos meos * in amaritúdine ánimæ meæ.

Dómine, si sic vívitur, et in tálibus vita spíritus mei, corrípies me, et vivificábis me. * Ecce, in pace amaritúdo mea amaríssima :

Tu autem eruísti ánimam meam ut non períret : * projecísti post tergum tuum ómnia peccáta mea.

Quia non inférnus confitébitur tibi, neque mors laudábit te : * non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie : * pater filiis notam faciet veritátem tuam.

Dómine, salvum me fac, * et psalmos nostros cantábimus cunctis diébus vitæ nostræ in domo Dómini.

Ant. Corrípies me, Dómine, et vivificábis me.

Ant. Laudáte. †

Fer. III Majoris Hebdomadæ

Ant. Dómine, vim pátor, respónde pro me : quia nésco quid dicam inimícis meis.

Ant. Dixérunt impíi.

Psalmus 134

Laudáte † nomen Dómini, * laudáte, servi, Dóminum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus : * psálite nómini ejus, quóniam suáve.

Quóniam Jacob elégit sibi Dóminus, * Israël in possessionem sibi.

Quia ego cognóvi quod magnus est Dóminus : * et Deus noster præ ómnibus diis.

Omnia quæcúmque vóluit, Dóminus fecit in cælo, et in terra, * in mari, et in ómnibus abyssis.

Edúcens nubes ab extrémis terræ : * fúlgura in plúviam fecit.

Qui producít ventos de thesáuris suis : * qui percússit primogénita Ægypti ab hómine usque ad pecus.

Et misit signa, et prodígia in médio tui, Ægypte : * in Pharaónem, et in omnes servos ejus.

Qui percússit gentes multas : * et occídit reges fortes :

Sehon, regem Amorrhæórum, et Og, regem Basan, * et ómnia regna Chánaan.

Et dedit terram eórum hereditátem, * hereditátem Israël, pópulo suo.

Dómine, nomen tuum in ætérnum : * Dómine, memoriále tuum in generatióem et generatióem.

Quia judicábit Dóminus pópulum suum : * et in servis suis deprecábitur.

Simulácrá géntium argéntum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non audient : * neque enim est spíritus in ore ipsórum.

Símiles illis fiant qui faciunt ea : * et omnes qui confidunt in eis.

Domus Israël, benedícite Dómino : * domus Aaron, benedícite Dómino.

Domus Levi, benedícite Dómino : * qui timétis Dóminum, benedícite Dómino.

Benedíctus Dóminus ex Sion, * qui hábitat in Jerúsalem.

Ant. Laudáte Dóminum, quia benígnus est, et in servis suis deprecábitur.

Fer. III Majoris Hebdomadæ

Ant. Dixérunt ímpii : Opprimámus virum justum, quóniam contrárius est opéribus nostris.

Tempore Quadragesimæ

Capitulum Is. 58, 1

CLama, ne cesses, quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus

O Sol salútis, íntimis, Jesu, refúlge méntibus,

Dum, nocte pulsa, grátior Orbi dies renáscitur.

Dans tempus acceptábile Da lacrimárum rívilis Laváre cordis víctimam, Quam læta adúrat cáritas.

Quo fonte manávit nefas, Fluent perénnes lácrimæ, Si virga pæniténtiæ Cordis rigórem cónterat.

Dies venit, dies tua, In qua reflórent ómnia : Lætémur et nos, in viam Tua redúcti délixtera.

Te prona mundi máchina, Clemens, adóret, Trínitas, Et nos novi per grátiam Novum canámus cánticum. Amen.

℟. Angelis suis Deus mandávit de te. **℟.** Ut custódiánt te in ómnibus viis tuis.

Antiphona ad Benedictus ut in Proprio de Tempore.

Expleto Cantico ac repetita Antiphona, dicuntur sequentes

Preces feriales

KYrie, eléison. Christe, eléison. Kýrie, eléison.

Pater noster, **quod dicitur a solo Hebdomadario totum clara voce, usque ad ℟.** Et ne nos indúcas in tentatiónem. **℟.** Sed libera nos a malo. **℟.** Ego dixi : Dómine, miserére mei. **℟.** Sana ánimam meam, quia peccávi tibi. **℟.** Convérttere, Dómine, úsque-

quo? **R.** Et deprecábilis esto super servos tuos. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Sacerdótes tui induántur justítiam. **R.** Et sancti tui exsúltent. **V.** Orémus pro beatíssimo Papa nostro **N.** **R.** Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. **V.** Orémus et pro Antístite nostro **N.** **R.** Stet et pascat in fortitúde tua, Dómine, in sublimitáte nóminis tui. **V.** Dómine, salvum fac regem. **R.** Et exáudi nos in die, qua invocáverimus te. **V.** Salvum fac pópulum tuum, Dómine, et benedic hereditáti tuæ. **R.** Et rege eos, et extólle illos usque in ætérnum. **V.** Meménto Congregatiónis tuæ. **R.** Quam possedisti ab initio. **V.** Fiat pax in virtúte tua. **R.** Et abundantia in túrribus tuis. **V.** Orémus pro benefactoribus nostris. **R.** Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. **V.** Orémus pro fidélibus defúctis. **R.** Réquiem ætérnam dona eis, Dómine, et lux perpétua lúceat eis. **V.** Requiéscant

in pace. **R.** Amen. **V.** Pro frátribus nostris abséntibus. **R.** Salvos fac servos tuos, Deus meus, sperántes in te. **V.** Pro afflictis et captívis. **R.** Líbera eos, Deus Israël, ex ómnibus tribulatióibus suis. **V.** Mitte eis, Dómine, auxílium de sancto. **R.** Et de Sion tuére eos. **V.** Dómine, Deus virtútum, convérte nos. **R.** Et osténde fáciem tuam, et salvi érimus. **V.** Exsúrge, Christe, adjuva nos. **R.** Et líbera nos propter nomen tuum. **V.** Dómine, exáudi oratió-nem meam. **R.** Et clamor meus ad te véniat.

Reliqua ut in Ordinario. 13

Tempore Passionis

Capitulum Jer. 11, 19

VENíte, mittámus lignum in panem ejus, et eradámus eum de terra vivéntium, et nomen ejus non memorétur ámplius.

Hymnus

Lustra sex qui jam perégit,
Tempus implens córporis,
Sponte líbera Redémptor
Passiáni déditus,
Agnus in Crucis levátur
Immolándus stípitem.

Felle potus ecce languet :
Spina, clavi, lancea
Mite corpus perforárunť .
Unda manat, et cruor :

Terra, pontus, astra, mundus,

Quo lavántur flúmine!

CruX fidélis, inter omnes
Arbor una nóbilis :

Silva talem nulla profert

Fronde, flore, gérmine :

Dulce ferrum, dulce lignum,

Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívitás;
Et supérni membra Regis
Tende miti stípíte.

Sola digna tu fuísti
Ferre mundi víctimam;
Atque portum præparáre
Arca mundo náufrago,
Quam sacer cruor per-
únxít,

Fusus Agni córpore.

Sempitérna sit beátæ
Trinitáti glória,
Æqua Patri, Filióque;
Par decus Paráclito;
Unius Triníque nomen
Laudet univérstas.

Amen.

℟. Eripe me de inimícis
meis, Deus meus. **℞.** Et
ab insurgéntibus in me
libera me.

**Antiphona ad Benedictus ut
in Proprio de Tempore.**

Preces feriales, ut supra. 140

Reliqua ut in Ordinario. 13

AD PRIMAM

Pater, Ave **et** Credo.

℟. Deus, in adjutórium.

Hymnus

JAM lucis orto sídere,
Deum precémur súp-
plices,

Ut in diúrnis áctibus
Nos servet a nocéntibus.

Linguam refrénans tém-
peret,

Ne litis horror insonet :
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxe-
rit,

Mundi per abstinéntiam
Ipsi canámus glóriam.

*** Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.**

**In Festis extra Tempus
Paschale : Ant. Deus
meus.**

In Officio feriali

Tempore Quadragesimæ

Ant. Vivo ego.

Feria III post Dom. Passionis

Ant. Líbera me, Dómine.

Fer. III Majoris Hebdomadæ

Ant. Vide, Dómine.

Tempore Paschali : Ant.
Allelúja.

Psalmus 24, i

AD te, Dómine, levávi
ánimam meam : *
Deus meus, in te
confido, non erubéscam.

Neque irrídeant me ini-
míci mei : * étenim uni-
vérsi, qui sústinent te,
non confundéntur.

Confundántur omnes iní-
qua ágéntes * supervácue.

Vias tuas, Dómine, de-
mónstra mihi : * et sémi-
tas tuas édoce me.

Dírige me in veritáte tua,
et doce me : * quia tu es,
Deus, salvátor meus, et te
sustínui tota die.

Reminíscere miseratió-
num tuárum, Dómine, *
et misericordiárum tuá-
rum, quæ a sáculo sunt.

Delícta juventútis meæ, *
et ignorántias meas ne
memíneris.

Secúndum misericórdiam
tuam meménto mei tu : *
propter bonitátem tuam,
Dómine.

Psalmus 24, ii

DUlcis et rectus Dómi-
nus : * propter hoc
legem dabit delinquénti-
bus in via.

Díriget mansuétos in ju-
dício : * docébit mites vias
suas.

Univérsæ viæ Dómini,
misericórdia et véritas, *
requiréntibus testamén-

tum ejus et testimónia
ejus.

Propter nomen tuum,
Dómine, propitiáberis pec-
cáto meo : * multum est
enim.

Quis est homo qui timet
Dóminum? * legem stá-
tuit ei in via, quam elégit.

Anima ejus in bonis de-
morábitur : * et semen
ejus hereditábit terram.

Firmaméntum est Dómi-
nus timéntibus eum : * et
testaméntum ipsíus ut
manifestétur illis.

Psalmus 24, iii

OCuli mei semper ad Dó-
minum : * quóniam
ipse evéllet de láqueo pe-
des meos.

Réspice in me, et mise-
rére mei : * quia únicus et
pauper sum ego.

Tribulatiónes cordis mei
multiplicátæ sunt : * de ne-
cessitátibus meis érué me.

Vide humilitátem meam,
et labórem meum : * et
dimítte univérsa delícta
mea.

Réspice inimícos meos
quóniam multiplicáti
sunt, * et ódio iníquo odé-
runt me.

Custódi ánimam meam,
et érué me : * non erubé-
scam quóniam sperávi in
te.

Innocéntes et recti adhæ-
sérunt mihi : * quia sustí-
nui te.

Líbera, Deus, Israël, * ex ómnibus tribulatióibus suis.

¶ Quando ad Laudes dictus fuerit Ps. 50 Miserére, hic subjungitur seq. Ps. 95, qui in Laudibus locum non habuit.

Psalmus 95

CAntáte Dómino cánticum novum : * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirábilia ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dícite in géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commoveátur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Secus vero, tribus Psalmis expletis, statim dicitur Ant.

In Festis extra Tempus Paschale : Ant. Deus meus, in te confído, non erubescam.

In Officio feriali

Tempore Quadragesimæ

Ant. Vivo ego, dicit Dóminus : nolo mortem peccatóris, sed ut magis convertátur, et vivat.

Fer. III post Dom. Passionis

Ant. Líbera me, Dómine, et pone me juxta te : et cujúsvis manus pugnet contra me.

Fer. III Majoris Hebdomadæ

Ant. Vide, Dómine, et consídera, quóniam tribulor : velóciter exáudi me.

Tempore Paschali : Ant. Allelúja, allelúja, allelúja.

In Officio Festi vel Octavæ et in Feriis Temporis Paschalis :

Capitulum 1 Tim. 1, 17

REgi sæculórum immortalí et invisíbili, soli Deo honor et glória in sæcula sæculórum. Amen.

In omnibus autem Feriis extra Tempus Paschale :

Capitulum Zach. 8, 19

PAcem et veritátem dilígite, ait Dóminus omnipotens.

℟. br. Christe, Fili Dei vivi, * Miserére nobis. Christe. ℣. *Qui sedes ad dexteram Patris.* Miserére nobis. Glória Patri. Christe. ℣. Exsúrge, Christe, ádjuva nos. ℟. Et libera nos propter nomen tuum.

In feriali Officio Tempore Passionis omittitur Glória Patri.

Tempore Paschali

℟. br. Christe, Fili Dei vivi, miserére nobis, * Allelúja, allelúja. Christe. ℣. *Qui surrexísti a mórtuis.* Allelúja, allelúja. Glória Patri. Christe.

℣. Exsúrge, Christe, ádjuva nos, allelúja. ℟. Et libera nos propter nomen tuum, allelúja.

Preces dominicales et feriales (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad** ℣. Et ne nos indú-

cas in tentatióem. ℟. Sed libera nos a malo.

Credo in Deum **secreto usque ad** ℣. Carnis resurrectionem. ℟. Vitam æternam. Amen. ℣. Et ego ad te, Dómine, clamávi. ℟. Et mane oratio mea præveniet te. ℣. Repleátur os meum laude. ℟. Ut cantem glóriam tuam, tota die magnitudinem tuam. ℣. Dómine, avérte faciém tuam a peccátis meis. ℟. Et omnes iniquitátes meas dele. ℣. Cor mundum crea in me, Deus. ℟. Et spíritum rectum innova in viscéribus meis. ℣. Ne projicias me a facie tua. ℟. Et spíritum sanctum tuum ne áuferas a me. ℣. Redde mihi lætítiam salutáris tui. ℟. Et spíritu principáli confirma me.

In Precibus ferialibus tantum

℣. Eripe me, Dómine, ab hómine malo. ℟. A viro iníquo éripe me. ℣. Eripe me de inimícis meis, Deus meus. ℟. Et ab insurgéntibus in me libera me. ℣. Eripe me de operántibus iniquitátem. ℟. Et de viris sánguinem salva me. ℣. Sic psalmum dicam nómini tuo in sæculum sæculi. ℟. Ut reddam vota mea de die in diem. ℣. Exáudi nos, Deus, sa-

lutáris noster. *℟.* Spes
 ómnium finium terræ, et
 in mari longe. *℣.* Deus,
 in adjutórium meum in-
 ténde. *℟.* Dómine, ad
 adjuvándum me festína.
℣. Sanctus Deus, Sanctus
 fortis, Sanctus immortá-
 lis. *℟.* Miserére nobis.
℣. Bénedic, ánima mea,
 Dómino. *℟.* Et ómnia,
 quæ intra me sunt, nómini
 sancto ejus. *℣.* Bénedic,
 ánima mea, Dómino. *℟.* Et
 noli oblivísci omnes retri-
 butiónes ejus. *℣.* Qui pro-
 pitiátur ómnibus iniquitá-
 tibus tuis. *℟.* Qui sanat
 omnes infirmitátes tuas.
℣. Qui rédimít de intéritu
 vitam tuam. *℟.* Qui corón-
 nat te in misericórdia et
 miseratióne. *℣.* Qui re-
 plet in bonis desidérium
 tuum. *℟.* Renovábitur ut
 áquilæ juvéntus tua.

In utrisque Precibus

℣. Adjutórium nostrum
 in nómine Dómini. *℟.* Qui
 fecit cælum et terram.

Confíteor. Misereátur. In-
 dulgéntiam.

℣. Dignáre, Dómine, die
 isto. *℟.* Sine peccáto nos
 custódire. *℣.* Miserére no-
 stri, Dómine. *℟.* Miserére
 nostri. *℣.* Fiat misericór-
 dia tua, Dómine, super
 nos. *℟.* Quemádmódum
 sperávimus in te. *℣.* Dó-
 mine, exáudi oratióne

meam. *℟.* Et clamor meus
 ad te véniat.

℣. Dóminus vobíscum.

Orémus.

Oratio

Domine, Deus omnípo-
 tens, qui ad princí-
 pium hujus diéi nos per-
 veníre fecísti : tua nos
 hódie salva virtúte; ut in
 hac die ad nullum decli-
 némus peccátum, sed sem-
 per ad tuam justítiam fa-
 ciéndam nostra procédant
 elóquia, dirigántur cogi-
 tatiónes et ópera. Per Dó-
 minum. *℟.* Amen.

℣. Dóminus vobíscum.

℣. Benedicámus Dómino.

Deinde in Choro legitur
 Martyrologium. Postea Heb-
 domadarius dicit :

℣. Pretiósá in conspéctu
 Dómini. *℟.* Mors Sanctó-
 rum ejus.

Et absolute, sine Orémus :

Oratio

Sancta María, et omnes
 Sancti intercédant pro
 nobis ad Dóminum, ut nos
 mereámur ab eo adjuvári
 et salvári, qui vivit et re-
 gnat in sæcula sæculó-
 rum. *℟.* Amen.

℣. Deus, in adjutórium
 meum inténde. *℟.* Dó-
 mine, ad adjuvándum me
 festína. Et dicitur ter;
 ultimo additur : Glória Pa-
 tri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo. **V.** Réspice in servos tuos, Dómine, et in ópera tua, et dirige filios eórum. **R.** Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. **V.** Glória Patri. **R.** Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et liberi esse mereámur, Salvátor mundi : Qui vivis et regnas in sácula sæculórum. **R.** Amen.

V. Jube, domne.

Bened. Dies et actus nostros in sua pace dispónat Dóminus omnípotens.

R. Amen.

In Officio feriali

Tempore Quadragesimæ

Quærite Dóminum, dum inveníri potest : invocáte eum, dum prope est. Tu autem.

Tempore Passionis

Faciem meam non avérti ab increpántibus et conspuéntibus in me. Dóminus Deus auxiliátor meus, et ideo non sum confúsus.

Tempore Paschali

Si consurrexistis cum Christo, quæ sursum sunt quærite, ubi Christus est in dextera Dei sedens : quæ sursum sunt sápite, non quæ super terram.

E Proprio Sanctorum

Pro Octava S. Joseph

Filius accrésceus Joseph, fílius accrésceus, et decórus aspéctu : filiæ discurrérunt super murum.

E Communi Sanctorum

Pro Ap. et Ev. extra T. P.

Ibant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

Pro Ap. et Ev., uno et plur. Mm. T. P.

Scimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

Pro uno Mart. extra T. P.

Iustus cor suum trádedit ad vigilándum dilúculo ad Dóminum, qui fe-

cit illum, et in conspectu Altissimi deprecabitur.

Pro plur. Mart. extra T. P.

Fulgébunt justī, et tamquam scintillæ in arundineto discurrent. Judicabunt nationes, et dominabuntur populis : et regnabit Dominus illorum in perpetuum.

Pro Conf. Pont.

Fungi sacerdotio, et habere laudem in nomine ipsius, et offerre illi incensum dignum in odorem suavitatis.

Pro Conf. non Pont.

Iustum deduxit Dominus per vias rectas, et ostendit illi regnum Dei, et dedit illi scientiam sanctorum; honestavit illum in laboribus, et complévit labores illius.

Pro Virgine Martyre

Domine, Deus meus, exaltasti super terram habitationem meam, et pro morte defluente deprecata sum. Invocaui Dominum, Patrem Domini mei, ut non derelinquat me in die tribulationis meæ, et in tempore superborum sine adjutorio.

Pro Virgine non Martyre

O quam pulchra est casta generatio cum claritate! immortalis est enim

memoria illius : quoniam apud Deum nota est, et apud homines.

Pro Martyre tantum

Laudabit usque ad mortem anima mea Dominum, quoniam eruis sustinentes te, et liberas eos de manu angustiae, Domine, Deus noster.

Pro nec Virg. nec Mart.

Multæ filiae congregaverunt divitias : tu supergressa es universas. Fallax gratia, et vana est pulchritudo : mulier timens Dominum, ipsa laudabitur.

Pro Dedicatione Ecclesiae

Et abstergit Deus omnem lacrimam ab oculis eorum : et mors ultra non erit, neque luctus, neque clamor, neque dolor erit ultra, quia prima abiierunt. Et dixit qui sedebat in throno : Ecce, nova facio omnia.

In Officiis B. Mariæ V.

In platéis sicut cinnamomum et balsamum aromatizans odorem dedi : quasi myrrha electa dedi suavitatem odoris.

℟. Adjutorium nostrum in nomine Domini. ℟. Qui fecit cælum et terram.

℟. Benedicite. ℟. Deus.

Benedictio Dóminus nos benedícat, et ab omni malo deféndat, et ad vitam perducát ætérnam. Et fidélium ánimæ per misericórdiam Dei requiészant in pace. **℟.** Amen.

Deinde dicitur tantum Pater noster **secreto, nisi sequatur alia Hora.**

AD TERTIAM

Pater noster **et** Ave.

℟. Deus, in adiutórium.

Hymnus

Nunc, Sancte, nobis,
Spíritus,
Unum Patri cum Fílio,
Dignáre promptus ingeri
Nostro refúsus pectori.

Os, lingua, mens, sensus,
vigor,
Confessionem pèsonent,
Flammészcat igne caritas,
Accéndat ardor próximos.

*** Præsta,** Pater piíssime,
Patrique compar Unice,
Cum Spíritu Paráclito
Regnans per omne sæculum. **Amen.**

In Festis extra Tempus Paschale : Ant. Respéxit me.

In Officio feriali

Tempore Quadragesimæ

Ant. Advenérunt nobis.

Fer. III post Dom. Passionis

Ant. Judicásti, Dómine.

Fer. III Majoris Hebdomadæ

Ant. Discérne causam meam.

Tempore Paschali : Ant. Allelúja.

Psalmus 39, i



Xspéctans exspectávi Dóminum, *
et inténdit mihi.

Et exaudivit preces meas : * et edúxit me de lacu misériæ, et de luto fæcis.

Et státuit super petram pedes meos : * et diréxit gressus meos.

Et immísit in os meum cánticum novum, * carmen Deo nostro.

Vidébunt multi, et timébunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecísti tu, Dómine, Deus meus, mirabília tua : * et cogitatiónibus tuis non est qui símilis sit tibi.

Annuntiávi et locútus sum : * multiplicáti sunt super númerum.

Sacrificium et oblatiónem nolúisti : * aures autem perfecísti mihi.

Holocáustum et pro peccáto non postulásti : * tunc dixi : Ecce, vénio.

In cápite libri scriptum est de me ut fácerem voluntátem tuam : * Deus

meus, vólui, et legem tuam in médio cordis mei.

Psalmus 39, ii

ANnuntiávi justítiam tuam in ecclésia magna, * ecce, lábia mea non prohibébo : Dómine, tu scisti.

Justítiam tuam non abscondi in corde meo : * veritátem tuam et salutáre tuum dixi.

Non abscondi misericórdiam tuam et veritátem tuam * a concílio multo.

Tu autem, Dómine, ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est número : * comprehenderunt me iniquitátes meæ, et non pótui ut vidérem.

Multiplicátæ sunt super capillos cápitis mei : * et cor meum derelíquit me.

Compláceat tibi, Dómine, ut éruas me : * Dómine, ad adjuvándum me respice.

Psalmus 39, iii

Confundántur et reve-reántur simul, qui quærunt ánimam meam, * ut áuferant eam.

Convertántur retrórsum, et revereántur, * qui volunt mihi mala.

Ferant conféstim confusiónem suam, * qui dicunt mihi : Euge, euge.

Exsúltent et læténtur super te omnes quæréntes te : * et dicant semper : Magnificétur Dóminus : qui díligunt salutáre tuum.

Ego autem mendícus sum, et pauper : * Dóminus sollicitus est mei.

Adjútor meus, et protéctor meus tu es : * Deus meus, ne tardáveris.

In Festis extra Tempus Paschale : Ant. Respéxit me, et exaudivit deprecatióem meam Dóminus.

Tempore Paschali : Ant. Allelúja, allelúja, allelúja.

In Officio feriali

Quadragesimæ

Ant. Advenérunt nobis dies pæniténtiæ, ad rediménda peccáta, ad salvándas ánimas.

Capitulum Joel 2, 12-13

Convertímini ad me in toto corde vestro, in jejúnio et fletu, et planctu. Et scíndite corda vestra, et non vestiménta vestra, ait Dóminus omnipotens.

℟. br. Ipse liberávit me * De láqueo venántium.

Ipse. V. Et a verbo áspero. **De. Glória Patri. Ipse.**

V. Scápulis suis obumbrábit tibi. **℟.** Et sub pennis ejus sperábis.

Preces feriales

Kyrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **℟.** Sed libera nos a malo. **℣.** Dómine, Deus virtútum, convérte nos. **℟.** Et osténde faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratióem meam. **℟.** Et clamor meus ad te véniat.

Reliqua ut in Ordinario. 25

Tempore Passionis

Fer. III post Dom. Passionis

Ant. Judicásti, Dómine, causam ánimæ meæ, defénsor vitæ meæ, Dómine, Deus meus.

Fer. III Majoris Hebdomadæ

Ant. Discérne causam meam, Dómine : ab hómine iníquo et dolóso éripe me.

Capitulum Jer. 17, 13

Domine, omnes qui te derelínquunt, confundéntur : recedéntes a te, in terra scribéntur : quóniam dereliquerunt venam aquárum vivéntium Dóminum.

℟. br. Erue a frámea, * Deus, ánimam meam. Erue. **℣.** Et de manu canis únicam meam. Deus. Erue. **℣.** De ore leónis lí-

bera me, Dómine. **℟.** Et a córnibus unicórnium humilitátem meam.

Preces feriales, ut supra.

Tempore Paschali

Capitulum Rom. 6, 9-10

Christus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

℟. br. Surréxit Dóminus de sepúlcro, * Allelúja, allelúja. Surréxit. **℣.** Qui pro nobis pepéndit in ligno. Allelúja, allelúja. Glória Patri. Surréxit.

℣. Surréxit Dóminus vere, allelúja. **℟.** Et appáruit Simóni, allelúja.

Reliqua ut in Ordinario. 25

AD SEXTAM

Pater noster **et Ave.**

℣. Deus, in adjutórium.

Hymnus

Rector potens, verax Deus,
Qui témperas rerum vices,
Splendóre mane illúminas,
Et ignibus merídiem :

**Exstingue flammás lítium,
Aufer calórem nóxium,
Confer salútem córporum,
Verámque pacem córdium.**

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

**In Festis extra Tempus
Paschale : Ant.** Suscepísti
me, Dómine.

In Officio feriali

Tempore Quadragesimæ

Ant. Commendémus nos-
metípsos.

Fer. III post Dom. Passionis

Ant. Pópule meus.

Fer. III Majoris Hebdomadæ

Ant. Dum tribulárer.

Tempore Paschali : Ant.

Allelúja.

Psalmus 40

DEátus qui intélligit
super egénium, et
páuperem : * in die
mala liberábit eum Dó-
minus.

Dóminus consérvet eum,
et vivíficet eum, et beá-
tum fáciat eum in terra : *
et non tradat eum in áni-
mam inimicórum ejus.

Dóminus opem ferat illi
super lectum dolórise ejus : *
univérsum stratum ejus
versásti in infirmitáte
ejus.

Ego dixi : Dómine, mise-
rére mei : * sana ánimam
meam, quia peccávi tibi.

Inimíci mei dixerunt ma-
la mihi : * Quando morié-
tur, et peribit nomen ejus?

Et si ingrediebátur ut vi-
deret, vana loquebátur : *
cor ejus congregávit ini-
quitátem sibi.

Egrediebátur foras, * et
loquebátur in idípsum.

Advérsum me susurrá-
bant omnes inimíci mei : *
advérsum me cogitábant
mala mihi.

Verbum iníquum consti-
tuérunt advérsum me : *
Numquid qui dormit non
adjiciet ut resúrgat?

Etenim homo pacis meæ,
in quo sperávi : * qui edé-
bat panes meos, magnifi-
cávit super me supplantá-
tiónem.

Tu autem, Dómine, mi-
serére mei, et resúscita
me : * et retríbuiam eis.

In hoc cognóvi quóniam
voluísti me : * quóniam
non gaudébit inimícus
meus super me.

Me autem propter inno-
céntiam suscepísti : * et
confirmásti me in conspé-
ctu tuo in ætérnum.

Benedíctus Dóminus,
Deus Israël, a sæculo et
usque in sæculum : * fiat,
fiat.

Psalmus 41, i

Quemádmodum desíde-
rat cervus ad fontes
aquárum : * ita desíderat
ánima mea ad te, Deus.

Sitívit ánima mea ad
Deum fortem vivum : *
quando véniam, et appa-
rébo ante fáciem Dei?

Fuérunt mihi lácrimæ meæ panes die ac nocte : * dum dicitur mihi quotídie : Ubi est Deus tuus?

Hæc recordátus sum, et effúdi in me ánimam meam : * quóniam transibo in locum tabernáculi admirábilis, usque ad domum Dei.

In voce exsultatiónis, et confessiónis : * sonus epulántis.

Quare tristis es, ánima mea? * et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Psalmus 41, ii

AD meípsum ánima mea conturbáta est : * propterea memor ero tui de terra Jordánis, et Hermóniim a monte módico.

Abýssus abýssum invocát, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblítus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mihi qui tríbulant me inimíci mei.

Dum dicunt mihi per singulos dies : Ubi est Deus tuus? * quare tristis es, ánima mea? et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

In Festis extra Tempus Paschale : Ant. Suscepisti me, Dómine : et confirmásti me in conspéctu tuo.

Tempore Paschali : Ant. Allelúja, allelúja, allelúja.

In Officio feriali Quadragesimæ

Ant. Commendémus nosmetípsos in multa paciéntia, in jejúniis multis, per arma justítiæ.

Capitulum Is. 55, 7

DErelínquat impius viam suam, et vir iníquus cogitatiónes suas, et revertátur ad Dóminum, et miserébitur ejus, et ad Deum nostrum, quóniam multus est ad ignoscéndum.

℟. br. Scápu-
lis suis * Obumbrábit tibi. Scápu-
lis. **℣.** Et sub pennis ejus
sperábis. Obumbrábit ti-
bi. **Gloria Patri.** Scápu-
lis. **℣.** Scuto circúmdabit te
véritas ejus. **℟.** Non timé-
bis a timóre noctúrno.

Preces feriales

KYrie, eléison. Christe, eléison. KÝrie, eléison.

Pater noster **secreto usque ad V.** Et ne nos inducas in tentationem. **℟.** Sed libera nos a malo. **℣.** Dómine, Deus virtútum, converte nos. **℟.** Et ostende faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi orationem meam. **℟.** Et clamor meus ad te véniat.

Reliqua ut in Ordinario. 27

Tempore Passionis

Fer. III post Dom. Passionis

Ant. Pópule meus, quid feci tibi, aut quid moléstus fui? Respónde mihi.

Fer. III Majoris Hebdomadæ

Ant. Dum tribulárer, clamávi ad Dóminum de ventre inferi, et exaudivit me.

Capitulum Jer. 17, 18

Confundántur qui me persecuúntur, et non confúndar ego : páveant illi, et non páveam ego : induc super eos diem afflictiónis, et dúplici contritióne cóntere eos, Dómine, Deus noster.

℟. br. De ore leónis * Libera me, Dómine. De. **℣.** Et a córnibus unicórniū humilitátem meam. Libera. De. **℣.** Ne perdas

cum ímpiis, Deus, ánimam meam. **℟.** Et cum viris sánguinem vitam meam.

Preces feriales, ut supra.

Tempore Paschali

Capit. 1 Cor. 15, 20-22

Christus resurréxit a mórtuis primitiæ dormiéntium : quóniam quidem per hóminem mors, et per hóminem resurréctio mortuórum. Et sicut in Adam omnes moriúntur, ita et in Christo omnes vivificabúntur.

℟. br. Surréxit Dóminus vere, * Allelúja, allelúja. Surréxit Dóminus vere, allelúja, allelúja. **℣.** Et apparuit Simóni. Allelúja, allelúja. **Glória Patri.** Surréxit. **℣.** Gavísi sunt discípuli, allelúja. **℟.** Viso Dómino, allelúja.

Reliqua ut in Ordinario. 27

AD NONAM

Pater noster **et Ave.**

℣. Deus, in adjutórium.

Hymnus

Rerum, Deus, tenax vigor,
Immótus in te pérmanens,
Lucis diúrnæ témpora
Succéssibus detérminans :
Largíre lumen véspere,
Quo vita nusquam decídat,
Sed præmium mortis sacrae
Perénnis instet glória.

* **Præsta**, Pater piissime,
Patrique compar Unice,
Cum Spíritu Paráclito
Regnans per omne sæcu-
lum. Amen.

**In Festis extra Tempus
Paschale : Ant.** Salvasti
nos.

In Officio feriali

Tempore Quadragesimæ

Ant. Per arma justitiæ.

Fer. III post Dom. Passionis

Ant. Numquid rédditur.

Fer. III Majoris Hebdomadæ

Ant. Dixérunt impii.

Tempore Paschali : Ant.
Allelúja.

Psalmus 43, i



DEus, áuribus nostris
audívimus : * pa-
tres nostri annun-
tiavérunt nobis.

Opus, quod operátus es
in diébus eórum, * et in
diébus antíquis.

Manus tua gentes dispér-
didit, et plantásti eos : *
afflixísti pópulos, et expul-
lísti eos.

Nec enim in gládio suo
possederunt terram, * et
bráchium eórum non sal-
vávít eos :

Sed délixtera tua, et brá-
chium tuum, et illuminá-
tio vultus tui : * quóniam
complacuísti in eis.

Tu es ipse Rex meus et
Deus meus : * qui mandas
salútes Jacob.

In te inimícos nostros
ventilábimus cornu : * et
in nómine tuo spernémus
insurgéntes in nobis.

Non enim in arcu meo
sperábo : * et gládius
meus non salvábit me.

Salvásti enim nos de
affligéntibus nos : * et
odiéntes nos confudísti.

In Deo laudábimur tota
die : * et in nómine tuo
confitébimur in sæculum.

Psalmus 43, ii

Nunc autem repulísti et
confudísti nos : * et
non egrediéris, Deus, in
virtútibus nostris.

Avertísti nos retrórsum
post inimícos nostros : *
et qui odérunt nos, diri-
piébant sibi.

Dedísti nos tamquam
oves escárum : * et in
géntibus dispersísti nos.

Vendidísti pópulum tuum
sine pretio : * et non fuit
multitúdo in commutatió-
nibus eórum.

Posuísti nos oppróbrium
vicínis nostris, * subsan-
natióem et derísum his,
qui sunt in circúitu no-
stro.

Posuísti nos in similitú-
dinem géntibus : * com-
motiónem cápitis in pó-
pulis.

Tota die verecúndia mea
contra me est, * et confú-
sio faciéi meæ coopérui-
t me.

A voce exprobrántis, et obloquéntis : * a fácie inimíci, et persequéntis.

Hæc ómnia venérunt super nos, nec oblíti sumus te : * et iníque non égimus in testaménto tuo.

Et non recéssit retro cor nostrum : * et declinásti sémitas nostras a via tua :

Quóniam humiliásti nos in loco afflictiónis, * et coopéruit nos umbra mortis.

Psalmus 43, iii

SI oblíti sumus nomen Dei nostri, * et si expándimus manus nostras ad deum aliénium :

Nonne Deus requíret ista? * ipse enim novit abscóndita cordis.

Quóniam propter te mortificámur tota die : * æstimáti sumus sicut oves occisiónis.

Exsúrge, quare obdórmis, Dómine? * exsúrge, et ne repéllas in finem.

Quare fáciem tuam avértis, * oblivísceris inópiae nostræ, et tribulatiónis nostræ?

Quóniam humiliáta est in púlvere ánima nostra : * conglutinátus est in terra venter noster.

Exsúrge, Dómine, ádjuva nos : * et rédime nos propter nomen tuum.

In Festis extra Tempus Paschale : Ant. Salvásti

nos, Dómine : et in nómine tuo confitébimur in sácula.

Tempore Paschali : Ant. Allelúja, allelúja, allelúja.

In Officio feriali Quadragesimæ

Ant. Per arma justítiæ virtútis Dei commendémus nosmetípsos in multa paciéntia.

Capitulum Is. 58, 7

FRange esuriénti panem tuum, et egénos vagósque induc in domum tuam : cum víderis nudum, óperi eum, et carnem tuam ne despéxeris.

℟. br. Scuto circúmdabit te * Véritas ejus. Scuto.

℣. Non timébis a timóre noctúrno. Véritas ejus.

Glória Patri. Scuto. **℣.** Angelis suis Deus mandávit de te. **℟.** Ut custódiant te in ómnibus viis tuis.

Praeces feriales

KYrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatiónem. **℟.** Sed libera nos a malo. **℣.** Dómine, Deus virtútum, convérte nos. **℟.** Et osténde fáciem tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratió-

nem meam. *R.* Et clamor meus ad te véniat.

Reliqua ut in Ordinario. 29

Tempore Passionis

Fer. III post Dom. Passionis

Ant. Numquid rédditur pro bono malum, quia fodérunt foveam ánimæ meæ?

Fer. III Majoris Hebdomadæ

Ant. Dixérunt ímpii : Opprimámus virum justum, quóniam contrárius est opéribus nostris.

Capitulum Jer. 18, 20

Recordáre quod stéterim in conspéctu tuo, ut lóquerer pro eis bonum, et avérterem indignatióem tuam ab eis.

R. br. Ne perdas cum ímpiis, * Deus, ánimam meam. *Ne. V.* Et cum viris sánguinem vitam meam. *Deus. Ne. V.* Eripe me, Dómine, ab hómine malo. *R.* A viro iníquo éripe me.

Preces feriales, ut supra. 156

Tempore Paschali

Capitulum 1 Petri 3, 18

Christus semel pro peccátis nostris mórtuus est, justus pro injústis, ut nos offérret Deo, mortificátus quidem carne, vivificátus autem spíritu.

R. br. Gavísi sunt discipuli, * Allelúja, allelúja. *Gavísi. V.* Viso Dómino.

Allelúja, allelúja. *Glória Patri. Gavísi. V.* Mane nobiscum, Dómine, allelúja. *R.* Quóniam advesperáscit, allelúja.

Reliqua ut in Ordinario. 29

AD VESPERAS

Pater noster *et* Ave.

V. Deus, in adjutórium.

Extra Tempus Paschale

Ant. Qui hábitas in cælis, * miserére nobis.

Tempore Paschali

Ant. Allelúja, * allelúja, allelúja.

Psalmus 122



De te levávi óculos meos, * qui hábitas in cælis.

Ecce, sicut óculi servórum * in mánibus dominórum suórum.

Sicut óculi ancíllæ in mánibus dómínæ suæ : * ita óculi nostri ad Dóminum, Deum nostrum, donec misereátur nostri.

Miserére nostri, Dómine, miserére nostri : * quia multum repléti sumus despectiône :

Quia multum repléta est ánima nostra : * opprobrium abundántibus, et despéctio supérbis.

Ant. Qui hábitas in cælis, miserére nobis.

Ant. Adjutórium nostrum * in nómine Dómini.

Psalmus 123

Nisi quia Dóminus erat in nobis, dicat nunc Israël : * nisi quia Dóminus erat in nobis.

Cum exsúrgerent hómines in nos, * forte vivos deglutissent nos :

Cum irascerétur furor eórum in nos, * fórsitan aqua absorbuisset nos.

Torréntem pertransívit ánima nostra : * fórsitan pertransisset ánima nostra aquam intolerábilem.

Benedíctus Dóminus * qui non dedit nos in captiónem déntibus eórum.

Anima nostra sicut passer erépta est * de láqueo venántium :

Láqueus contrítus est, * et nos liberáti sumus.

Adjutórium nostrum in nómine Dómini, * qui fecit cælum et terram.

Ant. Adjutórium nostrum in nómine Dómini.

Ant. In circúitu pópuli sui * Dóminus, ex hoc nunc et usque in sáeculum.

Psalmus 124

QUI confidunt in Dómino, sicut mons Sion : * non commovébitur in ætérnum, qui hábitat in Jerúsalem.

Montes in circúitu ejus : * et Dóminus in circúitu

pópuli sui, ex hoc nunc et usque in sáeculum.

Quia non relínquet Dóminus virgam peccatórum super sortem justórum : * ut non exténdant justi ad iniquitátem manus suas.

Bénéfac, Dómine, bonis, * et rectis corde.

Declinántes autem in obligatiónes addúcet Dóminus cum operántibus iniquitátem : * pax super Israël.

Ant. In circúitu pópuli sui Dóminus, ex hoc nunc et usque in sáeculum.

Ant. Magnificávit Dóminus * fácere nobíscum : facti sumus lætántes.

Psalmus 125

IN converténdo Dóminus captivitátem Sion : * facti sumus sicut conso-láti :

Tunc replétum est gáudio os nostrum : * et lingua nostra exsultatióne.

Tunc dicent inter gentes : * Magnificávit Dóminus fácere cum eis.

Magnificávit Dóminus fácere nobíscum : * facti sumus lætántes.

Convérte, Dómine, captivitátem nostram, * sicut torrens in Austro.

Qui sémant in lácrimis, * in exsultatióne metent.

Eúntes ibant et flebant, * mitténtes sémina sua.

Veniéntes autem vénient cum exsultatióne, * portántes manípulos suos.

Ant. Magnificávit Dóminus fácere nobíscum : facti sumus lætántes.

Ant. Dóminus ædíficet * nobis domum, et custódiat civitátem.

Psalmus 126

Nisi Dóminus ædificáverit domum, * in vanum laboravérunt qui ædificant eam.

Nisi Dóminus custodíerit civitátem, * frustra vigílat qui custódit eam.

Vanum est vobis ante lucem súrgere : * súrgite postquam sedéritis, qui manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagíttæ in manu poténtis : * ita filii excusórum.

Beátus vir, qui implévit desidérium suum ex ipsis : * non confundétur cum loquétur inimícis suis in porta.

Extra Tempus Paschale

Ant. Dóminus ædíficet nobis domum, et custódiat civitátem.

Tempore Paschali

Ant. Allelúja, allelúja, allelúja.

In Officio feriali Quadragesimæ

Capitulum Joel 2, 17

Inter vestibulum et altáre plorábunt sacerdótes, ministri Dómini, et dicent : Parce, Dómine, parce pópulo tuo : et ne des hereditátem tuam in oppróbrium, ut dominéntur eis nátiónes.

Hymnus

Audi, benigne Cónditor, Nostras preces cum flétibus,

In hoc sacro jejúnio
Fusas quadragenário.

Scrutátor alme córdium,
Infirma tu scis vírium :
Ad te revérsis éxhibe
Remissiónis grátiam.

Multum quidem peccávimus,
Sed parce confiténtibus :
Ad nóminis laudem tui
Confer medélam lánguidis.

Concède nostrum cónteri
Corpus per abstinéntiam;
Culpæ ut relínquant pábulum

Jejúna corda críminum.

Præsta, beáta Trínitas,
Concède, simplex Unitas;
Ut fructuósa sint tuis
Jejuniórum múnera.

Amen.

V. Angelis suis Deus mandávit de te. **R.** Ut

custódiant te in ómnibus viis tuis.

Antiphona ad Magnificat ut in Proprio de Tempore.

Expleto Cantico ac repetita Antiphona, dicuntur sequentes

Preces feriales

KYrie, eléison. Christe, eléison. Kýrie, eléison.

Pater noster, *quod dicitur a solo Hebdomadario totum clara voce, usque ad* V. Et ne nos indúcas in tentatióem. R. Sed libera nos a malo. V. Ego dixi : Dómine, miserere mei. R. Sana ánimam meam, quia peccávi tibi. V. Convértere, Dómine, úsquequo? R. Et deprecábilis esto super servos tuos. V. Fiat misericórdia tua, Dómine, super nos. R. Quemádmódum sperávimus in te. V. Sacerdótes tui induántur justítiam. R. Et sancti tui exsúltent. V. Orémus pro beatíssimo Papa nostro N. R. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. V. Orémus et pro Antístite nostro N. R. Stet et pascat in fortitúdine tua, Dómine, in sublimitáte nóminis tui. V. Dómine, salvum fac regem. R. Et exáudi nos in die, qua invocáverimus

te. V. Salvum fac pópulum tuum, Dómine, et benedic hereditáti tuæ. R. Et rege eos, et extólle illos usque in ætérnum. V. Meménto Congregatiónis tuæ. R. Quam possedísti ab initio. V. Fiat pax in virtúte tua. R. Et abundantia in túrribus tuis. V. Orémus pro benefactóribus nostris. R. Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. V. Orémus pro fidélibus defúctis. R. Réquiem ætérnam dona eis, Dómine, et lux perpétua lúceat eis. V. Requiéscant in pace. R. Amen. V. Pro frátribus nostris abséntibus. R. Salvos fac servos tuos, Deus meus, sperántes in te. V. Pro afflíctis et captívis. R. Libera eos, Deus Israël, ex ómnibus tribulatióibus suis. V. Mitte eis, Dómine, auxílium de sancto. R. Et de Sion tuere eos. V. Dómine, Deus virtútum, convérte nos. R. Et osténde fáciem tuam, et salvi érimus. V. Exsúrge, Christe, ádjuva nos. R. Et libera nos propter nomen tuum. V. Dómine, exáudi oratióem meam. R. Et clamor meus ad te véniat.

Reliqua ut in Ordinario. 33

Tempore Passionis

Capitulum Jer. 11, 20

TU autem, Dómine Sábaoth, qui júdicas iuste, et probas renes et corda, vídeam ultiónem tuam ex eis : tibi enim revelávi causam meam, Dómine, Deus meus.

Hymnus

VExilla Regis pródeunt :
Fulget Crucis mystérium,

Qua vita mortem pértulit,
Et morte vitam prótulit.

Quæ, vulneráta lanceæ
Mucrónē diro, críminum
Ut nos laváret sórdibus,
Manávit unda et sáanguine.

Impléta sunt quæ cóncinit
David fidéli cármine,
Dicéndo natióibus :
Regnávit a ligno Deus.

Arbor decóra et fúlgida,
Ornáta Regis púrpura,
Elécta digno stípíte
Tam sancta membra tângere.

Beáta, cujus bráchiis
Prétium pepéndit sáeculi,
Statéra facta córporis,
Tulítque prædam tártari.

¶ **Sequens stropha dicitur flexis genibus; et ultimumquam mutatur.**

O Crux, ave, spes única,
Hoc Passiόνis témpore
Piis adáuge grátiam,
Reisque dele crímina.

Te, fons salútis, Trínitas,
Colláudet omnis spíritus :
Quibus Crucis victóriam
Largíris, adde præmium.
Amen.

✠. Eripe me, Dómine, ab hómine malo. ✠. A viro iníquo éripe me.

Antiphona ad Magnificat ut in Proprio de Tempore.

Preces feriales, ut supra. 160

Tempore Paschali

Capitulum Rom. 6, 9-10

Christus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

Hymnus

AD régias Agni dapes,
Stolis amícti cándidis,
Post tránsitum Maris Rubrí,
Christo canámus Príncipi :

Divína cujus cáritas
Sacrum propínat sáanguinem,
Almíque membra córporis
Amor sacérdos ímmolat.

Sparsum cruórem póstibus
Vastátor horret Angelus :
Fugítque divísium mare;
Mergúntur hostes flúctibus.

Jam Pascha nostrum Christus est,
Paschális idem víctima,

Et pura puris méntibus
Sinceritátis ázyna.

O vera cæli víctima,
Subjécta cui sunt tártara,
Solúta mortis víncula,
Recépta vitæ præmia.

Victor, subáctis inferis,
Trophæa Christus éxplicat;

Cælóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Filio, qui a mórtuis
Surréxit, ac Paráclito,
In sempitérna sæcula.

Amen.

V. Mane nobíscum, Dómine, allelúja. **R.** Quóniam advesperáscit, allelúja.

Antiphona ad Magnificat ut in Proprio de Tempore.

Reliqua ut in Ordinario. 33

AD COMPLETORIUM

V. Jube, domne.

Bened. Noctem quiétam,
et finem perféctum concéd
dat nobis Dóminus omní
potens. **R.** Amen.

Lectio br. 1 Petri 5, 8-9

Fratres : Sóbrii estóte,
et vigiláte : quia ad
versárius vester diábolus
tamquam leo rúgiens cír
cuit, quærens quem dévo-

ret : cui resístite fortes in
fide. Tu autem, Dómine,
miserére nobis. **R.** Deo
grátias.

V. Adjutórium nostrum
in nómine Dómini. **R.** Qui
fecit cælum et terram.

Pater noster, **quod dicitur
totum secreto.**

Confíteor. Misereátur. In
dulgéntiam.

V. Convérte nos, Deus,
salutáris noster. **R.** Et
avérte iram tuam a nobis.

V. Deus, in adjutórium.

Extra Tempus Paschale

Ant. Tu, Dómine.

Tempore Paschali

Ant. Allelúja.

Psalmus 11



Alvum me fac, Dómine, quóniam defécit sanctus : * quóniam diminútæ sunt veritátes a filiis hóminum.

Vana locúti sunt unusquisque ad próximum suum : * lábia dolósa, in corde et corde locúti sunt.

Dispérdat Dóminus univérsa lábia dolósa, * et linguam magníloquam.

Qui dixerunt : Linguam nostram magnificábimus, lábia nostra a nobis sunt, * quis noster Dóminus est?

Propter misériam inopum, et gémitum páuperum, * nunc exsúrgam, dicit Dóminus.

Ponam in salutári : *
fiduciáliter agam in eo.

Elóquia Dómini, elóquia
casta : * argéntum igne
examinátum, probátum
terræ purgátum séptu-
plum.

Tu, Dómine, servábis
nos : et custódies nos * a
generatióne hac in ætér-
num.

In circúitu ímpii ámbu-
lant : * secúndum altitú-
dinem tuam multiplicásti
filios hóminum.

Psalmus 12

Usqüequo, Dómine, obli-
viscéris me in finem? *
Usquequo avértis fáciem
tuam a me?

Quámdiu ponam consí-
lia in ánima mea, * do-
lórem in corde meo per
diem?

Usquequo exaltábitur
inimicus meus super me? *
réspice, et exáudi me, Dó-
mine, Deus meus.

Illúmina óculos meos ne
umquam obdórmiam in
morte : * nequándo dicat
inimicus meus : Præválui
advérsus eum.

Qui tríbulant me, exsul-
tábunt si motus fúero : *
ego autem in misericórdia
tua sperávi.

Exsultábit cor meum in
salutári tuo : cantábo Dó-
mino qui bona tríbuit
mihi : * et psallam nómini
Dómini altíssimi.

Psalmus 15

Consérva me, Dómine,
quóniam sperávi in
te. * Dixi Dómino : Deus
meus es tu, quóniam bo-
nórum meórum non eges.

Sanctis, qui sunt in terra
ejus, * mirificávit omnes
voluntátes meas in eis.

Multiplicátæ sunt infir-
mitátes eórum : * póstea
acceleravérunt.

Non congregábo conven-
tícula eórum de sanguíni-
bus, * nec memor ero nó-
minum eórum per lábia
mea.

Dóminus pars hereditátis
meæ, et cálicis mei : * tu
es, qui restítues hereditá-
tem meam mihi.

Funes cecidérunt mihi in
præcláris : * étenim herédi-
tas mea præclára est mihi.

Benedícam Dóminum,
qui tríbuit mihi intellé-
ctum : * ínsuper et usque
ad noctem increpuérunt
me renes mei.

Providébam Dóminum in
conspéctu meo semper : *
quóniam a dextris est mi-
hi, ne commóvear.

Propter hoc lætátum est
cor meum, et exsultávit
lingua mea : * ínsuper et
caro mea requiéscet in spe.

Quóniam non derelínques
ánimam meam in infér-
no : * nec dabis sanctum
tuum vidére corruptiód-
nem.

Notas mihi fecisti vias vitæ, adimplébis me lætitia cum vultu tuo : * delectationes in dextera tua usque in finem.

Extra Tempus Paschale

Ant. Tu, Dómine, servábis nos : et custódies nos in ætérnum.

Tempore Paschali

Ant. Allelúja, allelúja, allelúja.

Hymnus

TE lucis ante términum,
Rerum Creátor, póscimus,
Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cómpri-
me,
Ne polluéantur córpora.

* **P**ræsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Capitulum Jer. 14, 9

TU autem in nobis es,
Dómine, et nomen sanctum tuum invocátum est super nos : ne derelínquas nos, Dómine, Deus noster.

℟. br. In manus tuas, Dómine, * Comméndo spíritum meum. In manus. **℣.** Redemísti nos, Dómine, Deus veritátis. Com-

méndo. **G**lória Patri. In manus. **℣.** Custódi nos, Dómine, ut pupíllam óculi. **℟.** Sub umbra alárum tuárum prótege nos.

In feriali Officio Tempore Passionis omittitur Glória Patri.

Tempore Paschali

℟. br. In manus tuas, Dómine, comméndo spíritum meum, * Allelúja, allelúja. In manus. **℣.** Redemísti nos, Dómine, Deus veritátis. Allelúja, allelúja. **G**lória Patri. In manus. **℣.** Custódi nos, Dómine, ut pupíllam óculi, allelúja. **℟.** Sub umbra alárum tuárum prótege nos, allelúja.

Ant. Salva nos.

Canticum Simeonis

Luc. 2, 29-32

Nunc dimíttis servum tuum, Dómine, * secúndum verbum tuum in pace :

Quia vidérent óculi mei * salutáre tuum,

Quod parásti * ante fáciem ómnium populórum.

Lumen ad revelatiónem géntium, * et glóriam plebis tuæ Israël.

Glória Patri.

Ant. Salva nos, Dómine, vigilántes, custódinos dormiéntes : ut vigilémus cum Christo, et requiescámus in pace. (**T. P.** Allelúja.)

Preces (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos inducas in tentationem. **R.** Sed libera nos a malo.

Credo in Deum **secreto usque ad V.** Carnis resurrectionem. **R.** Vitam æternam. Amen. **V.** Benedictus es, Dómine, Deus patrum nostrorum. **R.** Et laudábilis et gloriósus in sæcula. **V.** Benedicámus Patrem et Fílium cum Sancto Spíritu. **R.** Laudémus, et superexaltémus eum in sæcula. **V.** Benedictus es, Dómine, in firmaménto cæli. **R.** Et laudábilis, et gloriósus, et superexaltátus in sæcula. **V.** Benedicat et custódiat nos omnípotens et miséricors Dóminus. **R.** Amen. **V.** Dignáre, Dómine, nocte ista. **R.** Sine peccáto nos custodíre. **V.** Miserére nostri, Dómine. **R.** Miserére nostri. **V.** Fiat mise-

ricórdia tua, Dómine, super nos. **R.** Quemádmódum sperávimus in te. **V.** Dómine, exáudi orationem meam. **R.** Et clamor meus ad te véniat.

V. Dóminus vobíscum.

Orémus.

Oratio

Visita, quæsumus, Dómine, habitationem istam, et omnes insídias inimíci ab ea longe repelle : Angeli tui sancti hábitent in ea, qui nos in pace custódiant; et benedictio túa sit super nos semper. Per Dóminum nostrum. **R.** Amen.

V. Dóminus vobíscum.

V. Benedicámus Dómino.

Benedictio Benedicat et custódiat nos omnípotens et miséricors Dóminus, Pater, et Filius, et Spíritus Sanctus. **R.** Amen.

Antiphona finalis B. M. V.

V. Divínium auxílium.

Pater, Ave **et** Credo.

FERIA QUARTA

AD MATUTINUM

Pater, Ave **et** Credo.

✠. Dómine, lábia mea.

✠. Deus, in adjutórium.

In Officio feriali
Quadragesimæ

Invit. Non sit vobis vanum mane súrgere ante lucem : * Quia promísit Dóminus corónam vigiántibus. **Ps. 94 Veníte. 3**

Hymnus

EX more docti mýstico
Servémus hoc jejúnium,
Deno diérum círculo
Ducto quater notíssimo.

Lex et prophétæ prímítus
Hoc prætulérunt, póstmodum
Christus sacrávit, ómnium
Rex atque factor téporum.

Utámur ergo párcius
Verbis, cibis et pótibus,
Somno, jocis, et árcíus
Perstémus in custódia.

Vitémus autem nóxia,
Quæ súbruunt mentes vagas :

Nullúmque demus cállidi
Hostis locum tyránnidi.

Flectámus iram vándicem,
Plorémus ante Júdicem,
Clamémus ore súpplíci,
Dicámus omnes cernui :

Nostris malis offéndimus
Tuam, Deus, cleméntiam :
Effúnde nobis désuper,
Remíssor, indulgéntiam.

Meménto quod sumus tui,
Licet cadúci, plásmatis :
Ne des honórem nóminis
Tui, precámur, álteri.

Laxa malum, quod féci-
mus,
Auge bonum, quod pósci-
mus :

Placére quo tandem tibi
Possímus hic, et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.

Amen.

Tempore Passionis

Invit. Hódie, si vocem
Dómini audiéritis, * No-
líte obduráre corda vestra.
Ps. 94 Veníte. 3

In quarto Ps. versu non dicitur : Hódie, si vocem; **sed,**
post repetitum Invitatorium,
statim subjungitur : Sicut in
exacerbatióne.

In fine autem hujus Ps. non dicitur Glória Patri; **sed repe-**
titur Invitatorium.

Hymnus

PAnge, lingua, gloriósi
Láuream certáminis,
Et super Crucis trophæo
Dic triúmphum nóbilem :

Quáliter Redemptor orbis
Immolátus vicerit.

De paréntis protoplásti
Fraude Factor cóndolens,
Quando pomi noxiális
In necem morsu ruit :
Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsepia :
Membra pannis involúta
Virgo Mater álligat :
Et Dei manus pedésque
Stricta cingit fáschia.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérsitas.

Amen.

Tempore Pasehali

Invit. Surréxit Dóminus
vere, * Allelúja. **Ps. 94**
Veníte. 3

Hymnus

REX sempitérne céli-
tum,
Rerum Creátor ómnium,

Æquális ante sácula
Semper Parénti Fílius :

Nascénte qui mundo faber
Imáginem vultus tui
Tradens Adámo, nóbilem
Limo jugásti spíritum.

Cum livor et fraus dámo-
nis
Fœdásset humánum ge-
nus :
Tu, carne amíctus, pérdi-
tam
Formam refórmas ártifex.

Qui, natus olim e Vír-
gine,
Nunc e sepúlcro násceris,
Tecúmque nos a mórtuis
Jubes sepúltos súrgere.

Qui, pastor ætérmus, gre-
gem
Aqua lavas baptísmatis :
Hæc est lavácrum mén-
tium :
Hæc est sepúlcrum crími-
num.

Nobis diu qui débitæ
Redemptor affíxus cruci,
Nostræ dedísti pródigus
Prétium salútis sángu-
nem.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Filio, qui a mórtuis
Surréxit, ac Paráclito,
In sempitérna sácula.
Amen.

In I Nocturno

Extra Tempus Paschale

Ant. Speciósus forma *
præ filiis hóminum, diffúsa
est grátia in lábiis tuis.

Tempore Pasehali

Ant. Allelúja, * allelúja,
allelúja.

Psalmus 44, i



Ructávit cor meum
verbum bonum : *
dico ego ópera mea

Regi.

Lingua mea cálamus scri-
bæ, * velóciter scribéntis.

Speciósus forma præ fi-
liis hóminum, diffúsa est
grátia in lábiis tuis : *
proptérea benedíxit te
Deus in ætérnum.

Accíngere gládio tuo su-
per femur tuum, * poten-
tíssime.

Spécie tua et pulchritú-
dine tua * inténde, pró-
spere procéde, et regna.

Propter veritátem, et
mansuetúdinem, et justí-
tiam : * et dedúcet te mi-
rabíliter délixtera tua.

Sagíttæ tuæ acútæ, pó-
puli sub te cadent, * in
corda inimicórum Regis.

Sedes tua, Deus, in sæ-
culum sæculi : * virga di-
rectiónis virga regni tui.

Dilexísti justítiam, et
odísti iniquitátem : * pro-
ptérea unxit te Deus,
Deus tuus, óleo lætítiæ
præ consórtibus tuis.

Myrrha, et gutta, et cá-
sia a vestiméntis tuis, a
dómibus ebúrneis : * ex
quibus delectavérunt te
filiæ regum in honóre tuo.

Astitit regína a dextris
tuis in vestítu deauráto : *
circúmdata varietáte.

Ant. Speciósus forma
præ filiis hóminum, diffúsa
est grátia in lábiis tuis.

Ant. Confitebúntur ti-
bi * pópuli, Deus, in ætér-
num.

Psalmus 44, ii

AUdi, filia, et vide, et
inclína aurem tuam : *
et oblivíscere pópulum
tuum, et domum patris
tui.

Et concupíscet Rex decó-
rem tuum : * quóniam ipse
est Dóminus, Deus tuus,
et adorábunt eum.

Et filiæ Tyri in munéri-
bus * vultum tuum depre-
cabúntur : omnes dívites
plebis.

Omnis glória ejus filiæ
Regis ab intus, * in fím-
briis áureis circumamícta
varietátibus.

Adducéntur Regi vírgi-
nes post eam : * próximæ
ejus afferéntur tibi.

Afferéntur in lætítia et
exsultatíone : adducéntur
in templum Regis.

Pro pátribus tuis nati
sunt tibi filii : * constitues
eos príncipes super om-
nem terram.

Mémores erunt nóminis tui : * in omni generatióne et generatióne.

Proptérea pópuli confitebúntur tibi in ætérnum : * et in sáeculum sáeculi.

Ant. Confitebúntur tibi pópuli, Deus, in ætérnum.

Ant. Adjútor in tribulatióibus * Deus noster.

Psalmus 45

Deus noster refúgium, et virtus : * adjútor in tribulatióibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobíscum : * suscéptor noster Deus Jacob.

Veníte, et vidéte ópera Dómini, quæ pósuit prodígia super terram

áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobíscum : * suscéptor noster Deus Jacob.

Ant. Adjútor in tribulatióibus Deus noster.

**In Festis novem Lectionum :
extra Tempus Paschale**

✠. Dóminus virtútum nobíscum. ✠. Suscéptor noster Deus Jacob.

**In Festis novem Lectionum :
Tempore Pasehali**

Ant. Allelúja, allelúja, allelúja.

✠. Deus regenerávit nos in spem vivam, allelúja.

✠. Per resurrectiόnem Jesu Christi ex mórtuis, allelúja.

Absolutio. Exáudi, Dómine.

Bened. 1 Benedictiόne perpétua. 2 Unigénitus Dei Fílius. 3 Spíritus Sancti grátia.

In II Nocturno

Extra Tempus Paschale

Ant. Magnus Dóminus, * † et laudábilis nimis incivitate Dei nostri.

Tempore Paschale

Alleluja, Alleluja, Alleluja

Psalmus 47



Magnus Dóminus, †
et laudábilis ni-
mis * in civitáte
Dei nostri, † in monte san-
cto ejus.

Fundátur exsultatióne
univérsæ terræ mons
Sion, * látera Aquilónis,
cívitas Regis magni.

Deus in dómibus ejus co-
gnoscétur, * cum susci-
piet eam.

Quóniam ecce reges ter-
ræ congregáti sunt : *
convenérunt in unum.

Ipsi vidéntes sic admi-
ráti sunt, conturbáti sunt,
commóti sunt : * tremor
apprehéndit eos.

Ibi dolóres ut parturién-
tis : * in spíritu veheménti
cónteres naves Tharsis.

Sicut audívimus, sic ví-
dimus in civitáte Dómini
virtútum, in civitáte Dei
nostri : * Deus fundávit
eam in ætérnum.

Suscépinus, Deus, mise-
ricórdiam tuam, * in mé-
dio templi tui.

Secúndum nomen tuum,
Deus, sic et laus tua in
fines terræ : * justitia
plena est dextera tua.

Lætétur mons Sion, et
exsúltent filíæ Judæ * pro-
pter judícia tua, Dómine.

Circúmdate Sion, et com-
plectímini eam : * narráte
in túrribus ejus.

Pónite corda vestra in

virtúte ejus : * et distri-
búite domos ejus, ut enar-
rétis in progénie áltera.

Quóniam hic est Deus,
Deus noster in ætérnum,
et in sáculum sáculi : *
ipse reget nos in sácula.

Ant. Magnus Dóminus,
et laudábilis nimis in civi-
táte Dei nostri.

Ant. Os meum loquétur *
sapiéntiam : et meditatio
cordis mei prudéntiam.

Psalmus 48, i

Audíte hæc, omnes gen-
tes : * áuribus percí-
pите omnes, qui habitátis
orbem :

Quique terrígenæ, et filii
hóminum : * simul in
unum dives et pauper.

Os meum loquétur sa-
piéntiam : * et meditatio
cordis mei prudéntiam.

Inclinábo in parábolam
aurem meam : * apériam
in psaltério propositiõem
meam.

Cur timébo in die mala? *
iníquitas calcánei mei cir-
cúmdabit me :

Qui confidunt in virtúte
sua : * et in multitudíne
divitiárum suárum glo-
riántur.

Frater non rédimit, rédi-
met homo : * non dabit
Deo placatiõem suam.

Et prétium redemptióis
animæ suæ : * et laborábit
in ætérnum, et vivet ad-
huc in finem.

Non vidébit intéritum, cum viderit sapiéntes moriéntes : * simul insípiens, et stultus peribunt.

Et relínquent aliénis divítias suas : * et sepúlcrum eórum domus illórum in ætérnum.

Tabernácula eórum in progénie et progénie : * vocavérunt nómina sua in terris suis.

Et homo, cum in honóre esset, non intelléxit : * comparátus est juméntis insipientibus, et símilis factus est illis.

Ant. Os meum loquétur sapiéntiam : et meditatio cordis mei prudéntiam.

Ant. Ne timúeris : * cum dívite non descéndet in sepúlcrum glória ejus.

Psalmus 48, ii

HÆC via illórum scándalum ipsis : * et póstea in ore suo complacébunt.

Sicut oves in inférno positi sunt : * mors depáscet eos.

Et dominabúntur eórum justí in matutíno : * et auxílium eórum veteráscet in inférno a glória eórum.

Verúmtamen Deus rédimet ánimam meam de manu ínferi, * cum accéperit me.

Ne timúeris, cum dives factus fúerit homo : * et

cum multiplicáta fúerit glória domus ejus.

Quóniam cum interierit, non sumet ómnia : * neque descéndet cum eo glória ejus.

Quia ánima ejus in vita ipsíus benedicétur : * confitébitur tibi cum benefeceris ei.

Introibit usque in progénies patrum suórum : * et usque in ætérnum non vidébit lumen.

Homo, cum in honóre esset, non intelléxit : * comparátus est juméntis insipientibus, et símilis factus est illis.

Ant. Ne timúeris : cum dívite non descéndet in sepúlcrum glória ejus.

In Festis novem Lectionum :

Extra Tempus Paschale

℣. Deus rédimet ánimam meam de manu ínferi.

℟. Cum accéperit me.

In Festis novem Lectionum :

Tempore Pasehali

Ant. Allelúja, allelúja, allelúja.

℣. Deus suscitávit Christum a mórtuis, allelúja.

℟. Ut fides nostra et spes esset in Deo, allelúja.

Absolutio. Ipsíus píetas et.

Bened. 4 Deus Pater omnipotens. 5 Christus perpétuæ. 6 Ignem sui amoris.

In III Nocturno

I

In Feriis Temporis Paschalis, atque in Festis extra et intra Tempus Paschale celebrandis, cum ad Laudes non dicitur Psalmus 50 Miserere.


Extra Tempus Paschale

Ant. Deus deórum, * †
Dóminus locútus est. †

Tempore Paschali

Ant. Allelúja, * allelúja, allelúja.

Psalmus 49, i

Eus deórum, †
Dóminus locútus
est : * † et vocávit
terram.

A solis ortu usque ad occasum : * ex Sion spécies decóris ejus.

Deus manifeste véniet : *
Deus noster et non silébit.

Ignis in conspéctu ejus
exardéscet : * et in circúitu ejus tempésta vá-
lida.

Advocábit cælum desúr-
sum : * et terram discernere pópulum suum.

Congregáte illi sanctos
ejus : * qui órdinant testa-
méntum ejus super sacri-
ficia.

Et annuntiábunt cæli ju-
stítiam ejus : * quóniam
Deus judex est.

Audi, pópulus meus, et
loquar : Israël, et testifi-
cabor tibi : * Deus, Deus
tuus ego sum.

Non in sacrificiis tuis árguam te : * holocáusta autem tua in conspéctu meo sunt semper.

Non accípiam de domo tua vítulos : * neque de grégibus tuis hircos.

Quóniam meæ sunt omnes feræ silvárum, * jú-
ménta in móntibus et bo-
ves.

Cognóvi ómnia volatília
cæli : * et pulchritúdo
agri mecum est.

Si esuriero, non dicam
tibi : * meus est enim orbis
terræ, et plenitúdo ejus.

Numquid manducábo
carnes taurórum? * aut
sánguinem hircórum po-
tábo?

Immola Deo sacrificium
laudis : * et redde Altís-
simo vota tua.

Et ínvoça me in die tri-
bulatiónis : * éruam te, et
honorificábis me.

Ant. Deus deórum, Dó-
minus locútus est.

Ant. Intelligite, * qui
obliviscímini Deum.

Psalmus 49, ii

Peccatóri autem dixit
Deus : * Quare tu
enárras justítias meas,
et assúmis testaméntum
meum per os tuum?

Tu vero odísti discipli-
nam : * et projecísti ser-
mónes meos retrórsum :

Si vidébas furem, curré-
bas cum eo : * et cum

adúlteris portiónem tuam ponébas.

Os tuum abundávit malítia : * et lingua tua concinnábat dolos.

Sedens advérsus fratrem tuum loquebáris, et advérsus filium matris tuæ ponébas scándalum : * hæc fecisti, et tácui.

Existimásti, iníque, quod ero tui símilis : * árguam te, et státuam contra fáciem tuam.

Intelligite hæc, qui obliviscímini Deum : * nequándo rápiat, et non sit qui erípiat.

Sacrificium laudis honorificábit me : * et illic iter, quo osténdam illi salutáre Dei.

Ant. Intelligite, qui obliviscímini Deum.

Ant. Acceptábis sacrificium * justítiæ super altáre tuum, Dómine.

Psalmus 50

Miserére mei, Deus, * secúndum magnam misericórdiam tuam.

Et secúndum multitudinem miseratiónum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim, in iniquitátibus concéptus sum : * et in peccátis concépit me mater mea.

Ecce enim, veritátem dilexísti : * incérta et occúlta sapiéntiæ tuæ manifestásti mihi.

Aspérges me hyssópo, et mundábor : * lavábis me, et super nivem dealbábor.

Audítui meo dabis gáudium et lætítiam : * et exsultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projícias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et impíi ad te converténtur.

Libera me de sanguinibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluisses sacrificium, dedissem úti- que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despíces.

Benígne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta : * tunc impónent super altáre tuum vítilos.

Extra Tempus Paschale

Ant. Acceptábis sacrificium justítiæ super altáre tuum, Dómine.

In Festis extra Tempus Paschale

℣. Audítui meo dabis gáudium et lætítiam. ℟. Et exsultábunt ossa humiliáta.

Tempore Paschali

Ant. Allelúja, allelúja, allelúja.

In Festis novem Lectionum

℣. Deus et Dóminum suscitávit, allelúja. ℟. Et nos suscitábit per virtútem suam, allelúja.

In Officiis trium Lectionum

℣. Gavísi sunt discípuli, allelúja. ℟. Viso Dómino, allelúja.

In Officio novem Lectionum

Absolutio. A vñculis.

Bened. 7 Evangélica léctio.

8 In Festis Domini : Divínium auxiliúm.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. 9 Ad societátem. (Per evangélica dicta.)

In Officio trium Lectionum

Absolutio. A vñculis.

In Feriis cum Homilia :

Bened. 1 Evangélica. 2 Divínium. 3 Ad societátem.

In Feriis sine Homilia :

Bened. 1 Ille nos benedícat. 2 Divínium. 3 Ad societátem.

In Festis Sanctorum :

Bened. 1 Ille nos benedícat, qui sine fine vivit et regnat. ℟. Amen. 2 Cujus (vel Quorum aut Quarum). 3 Ad societátem.

In III Nocturno

II

In Feriis IV post Domini- cam I Quadragesimæ usque ad Feriam IV Majoris Hebdomadæ inclusive, cum ad Laudes dicitur Psalmus 50 Miserére.

Ant. Deus deórum. †

Psalmus 49, i



Eus deórum, †
Dóminus locútus
est : * et vocávit
terram.

A solis ortu usque ad oc-
cásum : * ex Sion spécies
decóris ejus.

Deus maniféste véniet : *
Deus noster et non silébit.

Ignis in conspéctu ejus
exardéscet : * et in circú-
itu ejus tempéstas válda.

Advocábit cælum desúr-
sum : * et terram discér-
nere pópulum suum.

Congregáte illi sanctos
ejus : * qui órduant testa-
méntum ejus super sacri-
ficia.

Et annuntiábunt cæli ju-
stítiam ejus : * quóniam
Deus judex est.

Ant. Deus deórum, Dó-
minus locútus est.

Ant. Immola Deo.

Psalmus 49, ii

AUdi, pópulus meus, et
loquar : Israël, et testi-
ficábor tibi : * Deus, Deus
tuus ego sum.

Non in sacrificiis tuis
árguam te : * holocáusta
autem tua in conspéctu
meo sunt semper.

Non accípiam de domo
tua vítulos : * neque de
grégibus tuis hircos.

Quóniam meæ sunt om-
nes feræ silvárum, * ju-
ménta in móntibus et bo-
ves.

Cognóvi ómnia volatília
cæli : * et pulchritúdo
agri mecum est.

Si esuriero, non dicam
tibi : * meus est enim
orbis terræ, et plenitúdo
ejus.

Numquid manducábo car-
nes taurórum? * aut sán-
guinem hircórum potábo?

Immola Deo sacrificium
laudis : * et redde Altís-
simo vota tua.

Et invoca me in die tri-
bulatiónis : * éruam te, et
honorificábis me.

Ant. Immola Deo sacrifici-
um laudis.

Ant. Intelligite.

Psalmus 49, iii

PEccatóri autem dixit
Deus : * Quare tu
enárras justítias meas, et
assúmis testaméntum me-
um per os tuum?

Tu vero odísti discipli-
nam : * et projecísti ser-
mónes meos retrórsum :

Si vidébas furem, curré-
bas cum eo : * et cum
adúlteris portiómem tuam
ponébas.

Os tuum abundávit malí-
tia : * et lingua tua con-
cinnábat dolos.

Sedens advérsus fratrem
tuum loquebáris, et ad-
vérsus filium matris tuæ
ponébas scándalum : *
hæc fecísti, et tácuisti.

Existimásti, iníque, quod
ero tui símilis : * árguam

te, et státuam contra fá-
ciem tuam.

Intelligite hæc, qui obli-
viscimini Deum : * ne-
quándo rápiat, et non sit
qui erípiat.

Sacrificium laudis hono-
rificábit me : * et illic iter,
quo osténdam illi salutáre
Dei.

Ant. Intelligite, qui obli-
viscimini Deum.

In feriali Officio Quadrages.

℣. Scuto circúmdabit te
véritas ejus. ℞. Non timé-
bis a timóre noctúrno.

**In feriali Officio Tempore
Passionis :**

℣. Ne perdas cum ímpiis,
Deus, ánimam meam. ℞. Et
cum viris sánguinem vi-
tam meam.

Absolutio A v́nculis.

In Feriis cum Homilia

Bened. 1 Evangélica. **2** Di-
vínium. **3** Ad societátem.

In Feriis sine Homilia

Bened. 1 Ille nos benedícat.
2 Divínium. **3** Ad societátem.

AD LAUDES I

*In Feriis Temporis Pascha-
lis, atque in Festis extra et
intra Tempus Paschale cele-
brandis.*

(Pater noster **et** Ave.)

℣. Deus, in adjutórium.

Extra Tempus Paschale

Ant. Dóminus regná-
vit, * † exsúltet terra. †

Tempore Paschali

Ant. Allelúja, * allelúja,
allelúja.

Psalmus 96

Dominus regnávít, †
exsúltet terra : * †
læténtur ínsulæ
multæ.

Nubes, et caligo in circúi-
tu ejus : * justítia, et judí-
cium corréctio sedis ejus.

Ignis ante ipsum præcé-
det, * et inflammábit in
circúitu inimícos ejus.

Illuxérunt fúlgora ejus
orbi terræ : * vidit, et
commóta est terra.

Montes, sicut cera fluxé-
runt a fácie Dómini : * a
fácie Dómini omnis terra.

Annuntiavérunt cæli ju-
stítiam ejus : * et vidérunt
omnes pópuli glóriam ejus.

Confundántur omnes, qui
adórant sculptília : * et
qui gloriántur in simulá-
cris suis.

Adoráte eum, omnes An-
geli ejus : * audívit, et læ-
táta est Sion.

Et exsultavérunt filia
Judæ, * propter judícia
tua, Dómine :

Quóniam tu Dóminus
Altíssimus super omnem
terram : * nimis exaltátus
es super omnes deos.

Qui diligitis Dóminum,
odíte malum : * custódit
Dóminus ánimas sanctó-
rum suórum, de manu
peccatóris liberábit eos.

Lux orta est justo, * et rectis corde lætítia.

Lætámini, justi, in Dómino : * et confitémini memóriæ sanctificatiónis ejus.

Ant. Dóminus regnávit, exsúltet terra.

Ant. Te decet hymnus, * † Deus, in Sion. †

Psalmus 64

TE decet hymnus, † Deus, in Sion : * † et tibi reddétur votum in Jerúsalem.

Exáudi oratióem meam : * ad te omnis caro véniet.

Verba iniquórum prævaluerunt super nos : * et impietátibus nostris tu propitiáberis.

Beátus, quem elegísti, et assumpsísti : * inhabitábit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos, Deus, salutaris noster, * spes ómnium finium terræ, et in mari longe.

Præparans montes in virtúte tua, accíntus poténtia : * qui contúrbas profúndum maris sonum flúctuum ejus.

Turbabúntur gentes, et timébunt qui hábitant términos a signis tuis : * éxitus matutíni, et vespere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparatio ejus.

Rivos ejus inébria, multiplica genímína ejus : * in stillicídiis ejus lætábitur gérmínans.

Benedíces coronæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatióne colles accingéntur.

Indúti sunt aríetes óvium, et valles abundábunt fruménto : * clamábunt, étenim hymnum dicent.

Ant. Te decet hymnus, Deus, in Sion.

Ant. Tibi, Dómine, psallam, * et intélligam in via immaculáta.

Psalmus 100

Misericórdiam, et júdicium * cantábo tibi, Dómine :

Psallam, et intélligam in via immaculáta, * quando vénies ad me.

Perambulábam in innocentia cordis mei, * in médio domus meæ.

Non proponébam ante óculos meos rem injústam : * faciéntes prævaricatiónes odívi.

Non adhæsit mihi cor pravum : * declinántem

a me malignum non cognoscēbam.

Detrahēntem secrēto próximo suo, * hunc persequēbar.

Supérbo óculo, et insatiábili corde, * cum hoc non edēbam.

Oculi mei ad fidēles terræ ut sédeant mecum : * ámbulans in via immaculáta, hic mihi ministrábat.

Non habitábit in médio domus meæ qui facit supérbiam : * qui lóquitur iniqua, non diréxit in conspéctu oculórum meórum.

In matutíno interficiēbam omnes peccatóres terræ : * ut dispérderem de civitatē Dómini omnes operántes iniquitátem.

Ant. Tibi, Dómine, psallam, et intélligam in via immaculáta.

Ant. Dómine, magnus es tu, * et præclárus in virtúte tua.

Canticum Judith

Judith 16, 15-21

Hymnum cantémus Dómino, * hymnum novum cantémus Deo nostro.

Adonái, Dómine, magnus es tu, et præclárus in virtúte tua, * et quem superáre nemo potest.

Tibi sérviat omnis creatúra tua : * quia dixísti, et facta sunt :

Misísti spíritum tuum, et creáta sunt, * et non est qui resístat voci tuæ.

Montes a fundaméntis movebúntur cum aquis : * petrae, sicut cera, liquéscent ante fáciem tuam.

Qui autem timent te, * magni erunt apud te per ómnia.

Væ genti insurgénti super genus meum : Dóminus enim omnípotens vindicábit in eis, * in die iudícii visitábit illos.

Dabit enim ignem, et vermes in carnes eórum, * ut urántur, et sentiant usque in sempitérnum.

Ant. Dómine, magnus es tu, et præclárus in virtúte tua.

Ant. Laudábo Deum meum * in vita mea.

Psalmus 145

Lauda, ánima mea, Dóminum, laudábo Dóminum in vita mea : * psallam Deo meo quámdiu fúero.

Nolíte confídere in princípibus : * in filiis hóminum, in quibus non est salus.

Exíbit spíritus ejus, et revertétur in terram suam : * in illa die períbunt omnes cogitatíones eórum.

Beátus, cujus Deus Jacob adjútor ejus, spes ejus in Dómino, Deo ipsíus : * qui fecit cælum et terram,

mare, et ómnia, quæ in eis sunt.

Qui custódit veritátem in sæculum, facit iudícium injúriam patiéntibus: * dat escam esuriéntibus.

Dóminus solvit compe-ditos: * Dóminus illúminat cæcos.

Dóminus érigit elisos, * Dóminus díligit justos.

Dóminus custódit ádvenas, pupíllum et víduam suscipiet: * et vias peccatórum dispérdet.

Regnábít Dóminus in sæcula, Deus tuus, Sion, * in generatióem et generatióem.

Extra Tempus Paschale

Ant. Laudábo Deum meum in víta mea.

Tempore Pasehali

Ant. Allelúja, allelúja, allelúja.

In Officio feriali T. P.

Capitulum Rom. 6, 9-10

CHristus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo.

Hymnus

Auróra cælum púrpurat,
Æther resúltat láudibus,
Mundus triúmphans júbi-lat,
Horrens avérnus infremit:

Rex ille dum fortíssimus
De mortis inférno specu
Patrum senátum liberum
Edúcit ad vitæ jubar.

Cujus sepúlcrum plúrimo
Custóde signábat lapis,
Victor triúmphat, et suo
Mortem sepúlcro fúnerat.

Sat fúneri, sat lácrimis,
Sat est datum dolóribus:
Surréxit exstíntor necis,
Clamat corúscans Ange-lus.

Ut sis perénne méntibus
Paschále, Jesu, gáudium,
A morte díra críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

℣. In resurrectione tua,
Christe, allelúja. ℟. Cæli
et terra læténtur, allelúja.

Antiphona ad Benedictus ut in Proprio de Tempore.

Reliqua ut in Ordinario, 13

AD LAUDES II

In Feriis IV post Domini-cam I Quadragesimæ usque ad Feriam IV Majoris Hebdomadæ inclusive, quando fit Officium de Feria.

(Pater noster et Ave.)

℣. Deus, in adjutórium.

Ant. Amplius lava me.

Fer. IV Majoris Hebdomadæ

Ant. Líbera me.

Psalmus 50



Miserere mei, Deus, *
secundum magnam
misericordiam tu-
am.

Et secundum multitudi-
nem miserationum tuá-
rum, * dele iniquitatem
meam.

Amplius lava me ab ini-
quitate mea : * et a pec-
cáto meo munda me.

Quóniam iniquitatem
meam ego cognosco : * et
peccátum meum contra
me est semper.

Tibi soli peccávi, et ma-
lum coram te feci : * ut
justificéris in sermónibus
tuis, et vincas cum judi-
cáris.

Ecce enim, in iniquitati-
bus concéptus sum : * et
in peccátis concépit me
mater mea.

Ecce enim, veritatem di-
lexisti : * incérta et occúlta
sapientiæ tuæ manifestá-
sti mihi.

Aspérge me hyssópo, et
mundábor : * lavábis me,
et super nivem dealbábor.

Audítui meo dabis gáu-
dium et lætítiam : * et ex-
sultábunt ossa humiliáta.

Avérte faciém tuam a
peccátis meis : * et omnes
iniquitátes meas dele.

Cor mundum crea in me,
Deus : * et spíritum re-
ctum innova in viscéribus
meis.

Ne projicias me a faciē

tua : * et spíritum sanctum
tuum ne áuferas a me.

Redde mihi lætítiam sa-
lutáris tui : * et spíritu
principáli confírma me.

Docébo iníquos vias
tuas : * et impíi ad te con-
verténtur.

Líbera me de sanguíni-
bus, Deus, Deus salutis
meæ : * et exsultábit lin-
gua mea justítiam tuam.

Dómine, lábia mea apé-
ries : * et os meum annun-
tiábit laudem tuam.

Quóniam si voluísseſ sa-
crificium, dedíssem úti-
que : * holocáustis non
delectáberis.

Sacrificium Deo spíritus
contribulátus : * cor con-
tritum, et humiliátum,
Deus, non despícies.

Benigne fac, Dómine, in
bona voluntáte tua Sion : *
ut ædificéntur muri Jerú-
salem.

Tunc acceptábis sacrifi-
cium justítiæ, oblatiónes,
et holocáusta : * tunc im-
pónent super altáre tuum
vítulos.

Ant. Amplius lava me,
Dómine, ab injustítia mea.

Ant. Impietátibus no-
stris.

Fer. IV Majoris Hebdomadæ

Ant. Líbera me de san-
guínibus, Deus, Deus
meus : et exsultábit lingua
mea justítiam tuam.

Ant. Contumélias.

Psalmus 64

TE decet hymnus, Deus, in Sion : * et tibi red-detur votum in Jerúsalem.

Exáudi oratióem meam : * ad te omnis caro véniet.

Verba iniquórum prævaluerunt super nos : * et impietátibus nostris tu propitiáberis.

Beátus, quem elegisti, et assumpsisti : * inhabitábit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos, Deus, salutaris noster, * spes ómnium finium terræ, et in mari longe.

Præparans montes in virtúte tua, accíntus poténtia : * qui contúrbas profúndum maris sonum flúctuum ejus.

Turbabúntur gentes, et timébunt qui hábitant téminos a signis tuis : * éxitus matutíni, et vespere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, multiplica genímína ejus : * in

stillicídiis ejus lætábitur gérmíans.

Benedíces corónæ anni benignitátis tuæ : * et campi tui replebúntur ubertáte.

Pinguéscent speciósá déserti : * et exsultatióne colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Ant. Impietátibus nostris tu propitiáberis, Deus.

Ant. In innocéntia.

Fer. IV Majoris Hebdomadæ

Ant. Contumélias et terrores passus sum ab eis : et Dóminus mecum est tamquam bellátor fortis.

Ant. Tu autem, Dómine.

Psalmus 100

Misericórdiam, et júdícium * cantábo tibi, Dómine :

Psallam, et intéllegam in via immaculáta, * quando vénies ad me.

Perambulábam in innocéntia cordis mei, * in médio domus meæ.

Non proponébam ante óculos meos rem injústam : * faciéntes prævaricatiónes odívi.

Non adhæsit mihi cor pravum : * declinántem a me malignum non cognoscébam.

Detrahéntem secréto próximo suo, * hunc persequébar.

Supérbo óculo, et insatiábili corde, * cum hoc non edébam.

Oculi mei ad fidéles terræ ut sédeant mecum : * ámbulans in via immaculáta, hic mihi ministrábat.

Non habitábit in médio domus meæ qui facit superbiam : * qui lóquitur iniqua, non diréxit in conspéctu oculórum meórum.

In matutíno interficiébam omnes peccatóres terræ : * ut dispénderem de civitáte Dómini omnes operántes iniquitátem.

Ant. In innocéntia cordis mei perambulábo, Dómine.

Ant. Exsultávit cor meum. †

Fer. IV Majoris Hebdomadæ

Ant. Tu autem, Dómine, scis omne consílium eórum advérsus me in mortem.

Ant. Omnes inimíci mei.

Canticum Annæ

1 Reg. 2, 1-10

EXsultávit cor meum † in Dómino, * et exaltátum est cornu meum in Deo meo.

Dilatátum est os meum super inimícos meos : * quia lætáta sum in salutári tuo.

Non est sanctus, ut est Dóminus : neque enim est álius extra te, * et non est fortis sicut Deus noster.

Nolíte multiplicáre loqui sublímia, * gloriántes :

Recédant vétëra de ore vestro : quia Deus scientiárum, Dóminus est, * et ipsi præparántur cogitatiónes.

Arcus fórtium superátus est, * et infirmi accínti sunt róbre.

Repléti prius, pro páni-bus se locavérunt : * et famélici saturáti sunt.

Donec stérilis péperit plúrimos : * et quæ multos habébat filios, infirmáta est.

Dóminus mortíficat et vivíficat, * dedúcit ad ínferos et redúcit.

Dóminus páuperem facit et ditat, * humiliat et súblevat.

Súscitat de púlvere egénium, * et de stércore elevat páuperem :

Ut sédeat cum princípibus, * et sólium glóriæ téneat.

Dómini enim sunt cárdines terræ, * et pósuit super eos orbem.

Pedes sanctórum suórum servábit, et ímpii in ténebris conticéscunt : * quia non in fortitúdine sua roborábitur vir.

Dóminum formidábunt adversárii ejus : * et super ipsos in cælis tonábit :

Dóminus judicábit fines terræ, et dabit impérium regi suo, * et sublimábit cornu Christi sui.

Ant. Exsultávit cor meum in Dómino, qui humíliat et súblevat.

Ant. Lauda. †

Fer. IV Majoris Hebdomadæ

Ant. Omnes inimíci mei audiérunt malum meum : Dómine, lætáti sunt, quóniam tu fecísti.

Ant. Fac, Dómine.

Psalmus 145

Lauda, † ánima mea, Dóminum, laudábo Dóminum in vita mea : * psallam Deo meo quámdiu fúero.

Nolite confidere in princípibus : * in filiis hóminum, in quibus non est salus.

Exíbit spíritus ejus, et re-vertétur in terram suam : * in illa die períbunt omnes cogitatiónes eórum.

Beátus, cujus Deus Jacob adjútor ejus, spes ejus in Dómino, Deo ipsíus : * qui fecit cælum et terram, mare, et ómnia, quæ in eis sunt.

Qui custódit veritátem in sæculum, facit judícium injúriam patiéntibus : * dat escam esuriéntibus.

Dóminus solvit compedí-
tos : * Dóminus illúminat
cæcos.

Dóminus érigit elísos, *
Dóminus díligit justos.

Dóminus custódit ádve-
nas, pupíllum et víduam
suscípiet : * et vias pecca-
tórum dispérdet.

Regnábit Dóminus in
sæcula, Deus tuus, Sion, *
in generatióem et gene-
ratióem.

Ant. Lauda, ánima mea,
Dóminum, qui érigit elí-
sos, et díligit justos.

Fer. IV Majoris Hebdomadæ

Ant. Fac, Dómine, judí-
cium injúriam patiénti-
bus : et vias peccatórum
dispérde.

Tempore Quadragesimæ

Capitulum **Is. 58, 1**

Clama, ne cesses, quasi
tuba exálta vocem
tuam, et annúntia pópulo
meo scélera eórum, et dó-
mui Jacob peccáta eórum.

Hymnus

O Sol salútis, íntimis,
Jesu, refúlge méntibus,
Dum, nocte pulsa, grátior
Orbi dies renáscitur.

Dans tempus acceptábile,
Da lacrimárum rívilis
Laváre cordis víctimam,
Quam læta adúrat cáritas.

Quo fonte manávit nefas,
Fluent perénnes lácrimæ,
Si virga pæniténtiæ
Cordis rigórem cónterat.

Dies venit, dies tua,
In qua reflórent ómnia :
Lætémur et nos, in viam
Tua redúcti délixera.

Te prona mundi máchina,
Clemens, adóret, Trínitas,
Et nos novi per grátiam
Novum canámus cánti-
cum. Amen.

✠. Angelis suis Deus
mandávit de te. ✠. Ut
custódiant te in ómnibus
viis tuis.

*Antiphona ad Benedictus ut
in Proprio de Tempore.*

*Expleto Cantico ac repetita
Antiphona, dicuntur sequen-
tes*

Preces feriales

KYrie, eléison. Christe,
eléison. Kýrie, eléison.

Pater noster, *quod dicitur a solo Hebdomadario totum clara voce, usque ad* ✠. Et ne nos indúcas in tentatióem. ✠. Sed libera nos a malo. ✠. Ego dixi : Dómine, miserére mei. ✠. Sana ánimam meam, quia peccávi tibi. ✠. Convértere, Dómine, úsquequo? ✠. Et deprecábilis esto super servos tuos. ✠. Fiat misericórdia tua, Dómine, super nos. ✠. Quemádmódum sperávimus in te. ✠. Sacerdótes tui induántur justítiam. ✠. Et sancti tui exsúltent. ✠. Orémus pro beatíssimo Papa nostro **N.** ✠. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. ✠. Orémus

et pro Antístite nostro **N.** ✠. Stet et pascat in fortitúde tua, Dómine, in sublimitáte nóminis tui. ✠. Dómine, salvum fac regem. ✠. Et exáudi nos in die, qua invocáverimus te. ✠. Salvum fac pópulum tuum, Dómine, et benedic hereditáti tuæ. ✠. Et rege eos, et extólle illos usque in ætérnum. ✠. Meménto Congregatiónis tuæ. ✠. Quam possedísti ab inítio. ✠. Fiat pax in virtúte tua. ✠. Et abundantia in túrribus tuis. ✠. Orémus pro benefactoribus nostris. ✠. Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. ✠. Orémus pro fidélibus defúctis. ✠. Réquiem ætérnam dona eis, Dómine, et lux perpétua luceat eis. ✠. Requiéscant in pace. ✠. Amen. ✠. Pro frátribus nostris abséntibus. ✠. Salvos fac servos tuos, Deus meus, sperántes in te. ✠. Pro afflictis et captívis. ✠. Libera eos, Deus Israël, ex ómnibus tribulatióibus suis. ✠. Mitte eis, Dómine, auxílium de sancto. ✠. Et de Sion tuére eos. ✠. Dómine, Deus virtútum, convérte nos, ✠. Et osténde fáciem tuam, et salvi érimus. ✠. Exsúrge, Christe,

adjuva nos. *℟.* Et libera nos propter nomen tuum.
℣. Dómine, exáudi oratió-
 nem meam. *℟.* Et clamor
 meus ad te véniat.

Reliqua ut in Ordinario. 13

Tempore Passionis

Capitulum Jer. 11, 19

VEníte, mittámus li-
 gnum in panem ejus,
 et eradámus eum de terra
 vivéntium, et nomen ejus
 non memorétur ámplius.

Hymnus

Lustra sex qui jam per-
 égit,
 Tempus implens córporis,
 Sponte líbera Redémptor
 Passióni déditus,
 Agnus in Crucis levátur
 Immolándus stípitem.

Felle potus ecce languet :
 Spina, clavi, láncea
 Mite corpus perforárunt :
 Unda manat, et cruor :
 Terra, pontus, astra, mun-
 dus,
 Quo lavántur flúmine!

CruX fidélis, inter omnes
 Arbor una nóbilis :
 Silva talem nulla profert
 Fronde, flore, gérmine :
 Dulce ferrum, dulce li-
 gnum,
 Dulce pondus sústinent.

Flecte ramos, arbor alta,
 Tensa laxa víscera,
 Et rigor lentéscat ille,
 Quem dedit natívitas;

Et supérni membra Regis
 Tende miti stípitem.

Sola digna tu fuísti
 Ferre mundi víctimam;
 Atque portum præparáre
 Arca mundo náufrago,
 Quam sacer cruor per-
 únxit,
 Fusus Agni córpore.

Sempitérna sit beátæ
 Trinitáti glória,
 Æqua Patri, Filióque;
 Par decus Paráclito :
 Unius Triníque nomen
 Laudet univérsitas.

Amen.

℣. Eripe me de inimícis
 meis, Deus meus. *℟.* Et ab
 insurgéntibus in me líbera
 me.

*Antiphona ad Benedictus ut
 in Proprio de Tempore.*

Preces feriales, ut supra. 184
Reliqua ut in Ordinario. 13

AD PRIMAM

Pater, Ave **et** Credo.

℣. Deus, in adjutórium.

Hymnus

JAM lucis orto sídere,
 Deum precémur súp-
 plices,
 Ut in diúrnis áctibus
 Nos servet a nocéntibus.

Linguam refrénans tém-
 peret,
 Ne litis horror ínsonet :
 Visum fovéndo cóntegat,
 Ne vanitátes háuriant.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinentiam
Ipsi canámus glóriam.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

In Festis extra Tempus
Paschale : Ant. Misericór-
dia tua.

In Officio feriali

Tempore Quadragesimæ

Ant. Vivo ego.

Fer. IV post Dom. Passionis

Ant. Libera me, Dómine.


Fer. IV Majoris Hebdomadæ

Ant. Libera me.

Tempore Paschali : Ant.

Allelúja.

Psalmus 25

dica me, Dómine,
quóniam ego in in-
nocéntia mea in-
gréssus sum : * et in Dó-
mino sperans non infir-
mábor.

Proba me, Dómine, et
tenta me : * ure renes
meos et cor meum.

Quóniam misericórdia
tua ante óculos meos
est : * et complácu in ve-
ritáte tua.

Non sedi cum concílio va-
nitátis : * et cum iníqua
geréntibus non introibo.

Odívi ecclésiám mali-
gnántium : * et cum ím-
piis non sedébo.

Lavábo inter innocéntes
manus meas : * et cir-
cúmdabo altáre tuum, Dó-
mine :

Ut áudiam vocem lau-
dis, * et enárrem univér-
sa mirabília tua.

Dómine, diléxi decórem
domus tuæ, * et locum
habitatiónis glóriæ tuæ.

Ne perdas cum ímpiis,
Deus, ánimam meam, * et
cum viris sánguinem vi-
tam meam :

In quorum mánibus ini-
quitátes sunt : * dextera
eórum repléta est muné-
ribus.

Ego autem in innocéntia
mea ingréssus sum : * ré-
dime me, et miserére mei.

Pes meus stetit in diré-
cto : * in ecclésiis benedí-
cam te, Dómine.

Psalmus 51

Quid gloriáris in malí-
tia, * qui potens es in
iniquitáte?

Tota die injustítiam co-
gitávit lingua tua : * sicut
novácula acúta fecísti do-
lum.

Dilexísti malítiam super
benignitátem : * iniquitá-
tem magis quam loqui
æquitátem.

Dilexísti ómnia verba præcipitatiónis, * lingua dolósa.

Proptérea Deus déstruet te in finem, * evéllet te, et emigrábit te de tabernáculo tuo : et radícem tuam de terra vivéntium.

Vidébunt iusti, et timébunt, et super eum ridébunt, et dicent : * Ecce homo, qui non pósuit Deum adjutórem suum :

Sed sperávit in multitudine divitiárum suárum : * et præváluit in vanitáte sua.

Ego autem, sicut olíva fructífera in domo Dei, * sperávi in misericórdia Dei in ætérnum : et in sáculum sáculi.

Confitébor tibi in sáculum, quia fecísti : * et exspectábo nomen tuum, quóniam bonum est in conspéctu sanctórum tuórum.

Psalmus 52

DIxit insípiens in corde suo : * Non est Deus.

Corrúpti sunt, et abominábiles facti sunt in iniquitatibus : * non est qui fáciat bonum.

Deus de cælo prospéxit super filios hóminum : * ut vídeas si est intélligens, aut requírens Deum.

Omnes declinavérunt, simul inútiles facti sunt : * non est qui fáciat bo-

num, non est usque ad unum.

Nonne scient omnes qui operántur iniquitátem, * qui dévorant plebem meam ut cibum panis?

Deum non invocavérunt : * illic trepidavérunt timóre, ubi non erat timor.

Quóniam Deus dissipávit ossa eórum qui homínibus placent : * confúsi sunt, quóniam Deus sprevit eos.

Quis dabit ex Sion salutáre Israël? * cum convérterit Deus captivitátem plebis suæ, exsultábit Jacob, et lætábitur Israël.

¶ Quando ad Laudes dictus fuerit Ps. 50 Miserére, hic subiungitur sequens Ps. 96, qui in Laudibus locum non habuit.

Psalmus 96

Dominus regnávit, exsúltet terra : * lætén-tur ínsulæ multæ.

Nubes, et calígo in circúitu ejus : * justítia, et iudícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli iustitiam ejus : * et viderunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filia Judæ, * propter iudicia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, iusti, in Dómino : * et confitémini memóriæ sanctificatiónis ejus.

Secus vero, tribus Psalmis expletis, statim dicitur Ant.

In Festis extra Tempus Paschale : Ant. Misericórdia tua, Dómine, ante óculos meos : et compláculi in veritáte tua.

In Officio feriali

Tempore Quadragesimæ

Ant. Vivo ego, dicit Dóminus : nolo mortem peccatóris, sed ut magis convertátur, et vivat.

Fer. IV post Dom. Passionis

Ant. Líbera me, Dómine, et pone me juxta te : et cújúsvis manus pugnet contra me.

Fer. IV Majoris Hebdomadæ

Ant. Líbera me de sanguínibus, Deus, Deus meus : et exsultábit lingua mea iustitiam tuam.

Tempore Paschali : Ant. Allelúja, allelúja, allelúja.

In Officio Festi vel Octavæ et in Fieriis Temporis Paschalis :

Capitulum 1 Tim. 1, 17

REgi sæculórum immortalí et invisíbili, soli Deo honor et glória in sæcula sæculórum. Amen.

In omnibus autem Fieriis extra Tempus Paschale :

Capitulum Zach. 8, 19

PAcem et veritátem dilígite, ait Dóminus omnípotens.

℟. br. Christe, Fili Dei vivi, * Miserére nobis. Christe. ℣. Qui sedes ad dexteram Patris. Miserére nobis. Glória Patri. Christe. ℣. Exsúrge, Christe, ádjuva nos. ℟. Et líbera nos propter nomen tuum.

In feriali Officio Tempore Passionis omittitur Glória Patri.

Tempore Paschali

℟. br. Christe, Fili Dei vivi, miserére nobis, * Al-

lelúja, allelúja. Christe.
 ✠. *Qui surrexisti a mortuis.* Allelúja, allelúja. Gló-
 ria Patri. Christe.

✠. Exsúrge, Christe, ád-
 juva nos, allelúja. ✠. Et
 líbera nos propter nomen
 tuum, allelúja.

Preces dominicales et fe-
 riales (si dicendæ sint)

Kýrie, eléison. Christe,
 eléison. Kýrie, eléison.

Pater noster **secreto us-
 que ad** ✠. Et ne nos indú-
 cas in tentatióem. ✠. Sed
 líbera nos a malo.

Credo in Deum **secreto
 usque ad** ✠. Carnis resur-
 rectionem. ✠. Vitam ætér-
 nam. Amen. ✠. Et ego ad
 te, Dómine, clamávi. ✠. Et
 mane orátio mea prævé-
 niet te. ✠. Repleátur os
 meum laude. ✠. Ut can-
 tem glóriam tuam, tota
 die magnitudinem tuam.
 ✠. Dómine, avérte fáciem
 tuam a peccátis meis.
 ✠. Et omnes iniquitátes
 meas dele. ✠. Cor mun-
 dum crea in me, Deus.
 ✠. Et spíritum rectum ín-
 nova in viscéribus meis.
 ✠. Ne projicias me a fácie
 tua. ✠. Et spíritum san-
 ctum tuum ne áuferas a
 me. ✠. Redde mihi læ-
 titiam salutáris tui. ✠. Et
 spíritu principáli confirma
 me.

In Precibus ferialibus tantum

✠. Eripe me, Dómine, ab
 hómine malo. ✠. A viro
 iníquo éripe me. ✠. Eripe
 me de inimícis meis, Deus
 meus. ✠. Et ab insurgén-
 tibus in me líbera me.
 ✠. Eripe me de operánti-
 bus iniquitátem. ✠. Et de
 viris sánguinum salva me.
 ✠. Sic psalmum dicam
 nómini tuo in sáculum
 sáculi. ✠. Ut reddam
 vota mea de die in diem.
 ✠. Exáudi nos, Deus, sa-
 lutáris noster. ✠. Spes
 ómnium finium terræ, et
 in mari longe. ✠. Deus, in
 adjutórium meum inténde.
 ✠. Dómine, ad adjuván-
 dum me festína. ✠. San-
 ctus Deus, Sanctus for-
 tis, Sanctus immortalis.
 ✠. Miserére nobis. ✠. Bé-
 nedic, ánima mea, Dó-
 mino. ✠. Et ómnia, quæ
 intra me sunt, nómini san-
 ctó ejus. ✠. Bénedic, ánima
 mea, Dómino. ✠. Et noli
 oblivísci omnes retribu-
 tióes ejus. ✠. Qui propi-
 tiátur ómnibus iniquitáti-
 bus tuis. ✠. Qui sanat
 omnes infirmitátes tuas.
 ✠. Qui rédimit de intéritu
 vitam tuam. ✠. Qui corón-
 nat te in misericórdia et
 miseratióibus. ✠. Qui re-
 plet in bonis desidérium
 tuum. ✠. Renovábitur ut
 áquilæ juvéntus tua.

In utrisque Precibus

✠. Adjutórium nostrum in nómine Dómini. ✠. Qui fecit cælum et terram.

Confíteor. Misereátur. Indulgéntiam.

✠. Dignáre, Dómine, die isto. ✠. Sine peccáto nos custodíre. ✠. Miserére nostri, Dómine. ✠. Miserére nostri. ✠. Fiat misericórdia tua, Dómine, super nos. ✠. Quemádmódum sperávimus in te. ✠. Dómine, exáudi oratiómem meam. ✠. Et clamor meus ad te véniat.

✠. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervénire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum. ✠. Amen.

✠. Dóminus vobíscum.

✠. Benedicámus Dómino.

Deinde in Choro legitur Martyrologium. Postea Hebdomadarius dicit :

✠. Pretiósá in conspéctu Dómini. ✠. Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sǎcula sǎculórum. ✠. Amen.

✠. Deus, in adjutórium meum inténde. ✠. Dómine, ad adjuvándum me festína. **Et dicitur tertio ultimo additur :** Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad** ✠. Et ne nos indúcas in tentatiónem. ✠. Sed líbera nos a malo. ✠. Réspice in servos tuos, Dómine, et in ópera tua, et dirige filios eórum. ✠. Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. ✠. Glória Patri. ✠. Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætér-

num, te auxiliante, salvi et liberi esse mereamur, Salvator mundi : Qui vivis et regnas in sæcula sæculorum. *℟.* Amen.

℣. Jube, domne.

Bened. Dies et actus nostros in sua pace disponat Dominus omnipotens.

℟. Amen.

In Officio feriali

Tempore Quadragesimæ

Quærite Dominum, dum inveniri potest : invocate eum, dum prope est. Tu autem.

Tempore Passionis

Faciem meam non averti ab increpantibus et conspuentibus in me. Dominus Deus auxiliator meus, et ideo non sum confusus.

Tempore Paschali

Si consurrexistis cum Christo, quæ sursum sunt quærite, ubi Christus est in dextera Dei sedens : quæ sursum sunt sâpите, non quæ super terram.

E Proprio Sanctorum

Pro Octava S. Joseph

Filius accrescens Joseph, filius accrescens, et decorus aspectu : filiæ discurrerunt super murum.

E Communi Sanctorum

Pro Ap. et Ev. extra T. P.

Ibant Apostoli gaudentes a conspectu concilii, quoniam digni habiti sunt pro nomine Jesu contumeliam pati.

Pro Ap. et Ev., uno et plur. Mm. T. P.

Scimus quoniam diligentibus Deum omnia cooperantur in bonum, iis qui secundum propositum vocati sunt sancti.

Pro uno Mart. extra T. P.

Iustus cor suum tradidit ad vigilandum diluculo ad Dominum, qui fecit illum, et in conspectu Altissimi deprecabitur.

Pro plur. Mm. extra T. P.

Fulgébunt justi, et tamquam scintillæ in arundineto discurrent. Judicabunt nationes, et dominabuntur populis : et regnabit Dominus illorum in perpetuum.

Pro Conf. Pont.

Fungi sacerdotio, et habere laudem in nomine ipsius, et offerre illi incensum dignum in odorem suavitatis.

Pro Conf. non Pont.

Iustum deduxit Dominus per vias rectas, et ostendit illi regnum Dei,

et dedit illi sciéntiam sanctorum : honestávit illum in labóribus, et complévit labóres illius.

Pro Virgine Martyre

Domine, Deus meus, exaltásti super terram habitatióem meam, et pro morte defluénte deprecáta sum. Invocávi Dóminum, Patrem Dómini mei, ut non derelínquat me in die tribulatióis meæ, et in témpore superbórum sine adjutório.

Pro Virgine non Martyre

O Quam pulchra est casta generatio cum claritate! immortalis est enim memoria illius : quóniam apud Deum nota est, et apud hómines.

Pro Martyre tantum

Laudábit usque ad mortem ánima mea Dóminum, quóniam éruis sustinéntes te, et liberas eos de manu angústiae, Dómine, Deus noster.

Pro nec Virg. nec Mart.

Multæ filiae congregavérunt divítias : tu supergréssa es univérsas. Fallax grátia, et vana est pulchritúdo : múlter timentis Dóminum, ipsa laudábitur.

Pro Dedicatione Ecclesiæ

Et abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce, nova fácio ómnia.

In Officiis B. Mariæ V.

In platéis sicut cinnamómum et bálsamum aromatizans odórem dedi : quasi myrrha elécta dedi suavitátem odóris.

✠. Adjutórium nostrum in nómine Dómini. ✠. Qui fecit cælum et terram.

✠. Benedícite. ✠. Deus.

Benedictio Dóminus nos benedícat, et ab omni malo deféndat, et ad vitam perducát ætérnam. Et fidélium ánimæ per misericórdiam Dei requiéscent in pace. ✠. Amen.

Deinde dicitur tantum Pater noster **secreto, nisi sequatur alia Hora.**

AD TERTIAM

Pater noster **et Ave.**

✠. Deus, in adjutórium.

Hymnus

Nunc, Sancte, nobis, Spíritus, Unum Patri cum Fílio, Dignáre promptus ingeri Nostro refúsus pectori.

Os, lingua, mens, sensus,
vigor

Confessionem personent,
Flammescat igne caritas,
Accendat ardor proximos.

* **P**ræsta, Pater piissime,
Patrique compar Unice
Cum Spiritu Paráclito
Regnans per omne sæcu-
lum. Amen.

**In Festis extra Tempus
Paschale : Ant.** Deus ad-
juvat me.

In Officio feriali

Tempore Quadragesimæ

Ant. Advenérunt nobis.

Fer. IV post Dom. Passionis

Ant. Judicásti, Dómine.

Fer. IV Majoris Hebdomadæ

Ant. Contumélias.

Tempore Paschali : Ant.
Allelúja.

Psalmus 53

Deus, in nómine tuo
salvum me fac : *
et in virtúte tua
iúdice me.

Deus, exáudi orationem
meam : * áuribus pèrcipe
verba oris mei.

Quóniam aliéni insurre-
xérunt advèrsum me, et
fortes quæsiérunt ánimam
meam : * et non proposué-
runt Deum ante conspé-
ctum suum.

Ecce enim, Deus ádjuvat
me : * et Dóminus suscé-
ptor est ánimæ meæ.

**Avérte mala inimícis
meis : * et in veritáte tua
dispérde illos.**

Voluntárie sacrificábo ti-
bi, * et confitébor nómini
tuo, Dómine : quóniam
bonum est :

Quóniam ex omni tribu-
latione eripuísti me : * et
super inimícos meos de-
spéxit óculus meus.

Psalmus 54, i

Exáudi, Deus, oratió-
nem meam, et ne de-
spéxeris deprecationem
meam : * inténde mihi, et
exáudi me.

Contristátus sum in exer-
citatione mea : * et con-
turbátus sum a voce ini-
míci, et a tribulatione pec-
catóris.

Quóniam declinavérunt
in me iniquitátes : * et in
ira molésti erant mihi.

Cor meum conturbátum
est in me : * et formído
mortis cécidit super me.

Timor et tremor vené-
runt super me : * et conte-
xérunt me ténebræ.

Et dixi : Quis dabit mihi
pennas sicut colúmbæ, *
et volábo, et requiéscam?

Ecce, elongávi fúgiens : *
et mansi in solitúdine.

Exspectábam eum, qui
salvum me fecit * a pusil-
lanimitáte spíritus et tem-
pestáte.

Præcípita, Dómine, dívi-
de linguas eórum : * quó-

niam vidi iniquitatem, et contradictionem in civitate.

Die ac nocte circumdabit eam super muros ejus iniquitas : * et labor in medio ejus, et injustitia.

Et non defecit de plateis ejus * usura, et dolus.

Quoniam si inimicus meus maledixisset mihi, * sustinuisssem utique.

Et si is, qui oderat me, super me magna locutus fuisset, * abscondissem me forsitan ab eo.

Tu vero, homo unanims : * dux meus, et notus meus :

Qui simul mecum dulces capiebas cibos : * in domo Dei ambulavimus cum consensu.

Veniat mors super illos : * et descendant in infernum viventes :

Quoniam nequitiae in habitaculis eorum : * in medio eorum.

Psalmus 54, ii

EGO autem ad Deum clamavi : et Dominus salvabit me.

Vespere, et mane, et meridie narrabo et annuntiabo : * et exaudiet vocem meam.

Redimet in pace animam meam ab his, qui appropinquant mihi : * quoniam inter multos erant mecum.

Exaudiet Deus, et humiliabit illos, * qui est ante saecula.

Non enim est illis commutatio, et non timuerunt Deum : * extendit manum suam in retribuendo.

Contaminaverunt testamentum ejus, divisi sunt ab ira vultus ejus : * et appropinquavit cor illius.

Molliti sunt sermones ejus super oleum : * et ipsi sunt jacula.

Jacta super Dominum curam tuam, et ipse te enutriet : * non dabit in aeternum fluctuationem justo.

Tu vero, Deus, deduces eos, * in puteum interitus.

Viri sanguinum, et dolosi non dimidiabunt dies suos : * ego autem sperabo in te, Domine.

In Festis extra Tempus Paschale : Ant. Deus adjuvat me : et Dominus susceptor est animae meae.

Tempore Paschali : Ant. Allelúja, allelúja, allelúja.

In Officio feriali
Quadragesimae

Ant. Advenérunt nobis dies paenitentiae, ad redimenda peccata, ad salvandas animas.

Capitulum Joel 2, 12-13

Convertimini ad me in toto corde vestro, in jejúnio et fletu, et planctu.

Et scíndite corda vestra,
et non vestiménta vestra,
ait Dóminus omnípotens.

℟. br. Ipse liberávit me
* De láqueo venántium.
Ipse. V. Et a verbo áspero.
De. Glória Patri. Ipse.
V. Scápulis suis obumbrá-
bit tibi. ℟. Et sub pennis
ejus sperábis.

Preces feriales

KYrie, eléison. Christe,
eléison. KYrie, eléison.

Pater noster **secreto us-
que ad** V. Et ne nos indú-
cas in tentatiónem. ℟. Sed
libera nos a malo. V. Dó-
mine, Deus virtútum, con-
vérte nos. ℟. Et osténde
fáciem tuam, et salvi éri-
mus. V. Exsúrge, Christe,
áduva nos. ℟. Et libera
nos propter nomen tuum.
V. Dómine, exáudi oratió-
nem meam. ℟. Et clamor
meus ad te véniat.

Reliqua ut in Ordinario. 25

Tempore Passionis

Ant. Judicásti, Dómine,
causam ánimæ meæ, de-
fénsor vitæ meæ, Dómine,
Deus meus.

Fer. IV Majoris Hebdomadæ

Ant. Contumélias et ter-
róres passus sum ab eis : et
Dóminus mecum est tam-
quam bellátor fortis.

Capitulum Jer. 17, 13

Domine, omnes qui te
derelínquunt, confun-
déntur : recedéntes a te, in

terra scribéntur : quóniam
dereliquerunt venam aquá-
rum vivéntium Dóminum.

℟. br. Erue a frámea,
* Deus, ánimam meam.
Erue. V. Et de manu canis
únicam meam. Deus. Erue.
V. De ore leónis libera me,
Dómine. ℟. Et a cónibus
unicórnium humilitátem
meam.

Preces feriales, ut supra.

Tempore Paschali

Capitulum Rom. 6, 9-10

Christus resúrgens ex
mórtuis jam non mó-
ritur, mors illi ultra non
dominábitur. Quod enim
mórtuus est peccáto, mór-
tuus est semel : quod au-
tem vivit, vivit Deo.

℟. br. Surréxit Dóminus
de sepúlcro, * Allelúja,
allelúja. Surréxit. V. Qui
pro nobis pepéndit in ligno.
Allelúja, allelúja. Glória
Patri. Surréxit. V. Surré-
xit Dóminus vere, alle-
lúja. ℟. Et apparuit Si-
móni, allelúja.

Reliqua ut in Ordinario. 25

AD SEXTAM

Pater noster **et** Ave.

V. Deus, in adjutórium.

Hymnus

Rector potens, verax
Deus,
Qui tēperas rerum vices,

Splendóre mane illúminas,
Et ignibus merídiem :

Exstingue flammás lítium,
Aufer calórem nóxium,
Confer salútem córporum,
Verámque pacem cór-
dium.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

**In Festis extra Tempus
Paschale : Ant.** In Deo
sperávi.

In Officio feriali

Tempore Quadragesimæ

Ant. Commendémus nos-
metípsos.

Fer. IV post Dom. Passionis

Ant. Pópule meus.

Fer. IV Majoris Hebdomadæ

Ant. Tu autem, Dómine.

Tempore Paschali : Ant.
Allelúja.

Psalmus 55



Iserére mei, Deus,
quóniam conculcá-
vit me homo : *
tota die impúgnans tribu-
lávít me.

Conculcavérunt me ini-
míci mei tota die : * quó-
niam multi bellántes ad-
vérsus me.

Ab altitúdine diéi timé-
bo : * ego vero in te spe-
rábo.

In Deo laudábo sermónes
meos, in Deo sperávi : *
non timébo quid fáciat
mihi caro.

Tota die verba mea exse-
crabántur : * advérsus
me omnes cogitatiónes eó-
rum in malum.

Inhabitábunt et abscón-
dent : * ipsi calcáneum
meum observábunt.

Sicut sustinuérunt áni-
mam meam, pro níhilo
salvos fácies illos : * in ira
pópulos confrínges.

Deus, vitam meam an-
nuntiávi tibi : * posuísti
lácrimas meas in conspé-
ctu tuo.

Sicut et in promissióne
tua : * tunc converténtur
inimíci mei retrórsus :

In quacúmque die invo-
cávero te : * ecce, cognóvi,
quóniam Deus meus es.

In Deo laudábo verbum,
in Dómino laudábo ser-
mónem : * in Deo sperávi,
non timébo quid fáciat
mihi homo.

In me sunt, Deus, vota
tua, * quæ reddam, lau-
datiões tibi.

Quóniam eripuísti áni-
mam meam de morte, et
pedes meos de lapsu : * ut
pláceam coram Deo in lú-
mine vivéntium.

Psalmus 56

MIserére mei, Deus, mi-
serére mei : * quóniam
in te confidit ánima mea.

Et in umbra alárum tuárum sperábo, * donec transeat iniquitas.

Clamábo ad Deum altísimum : * Deum qui benefécit mihi.

Misit de cælo, et liberávit me : * dedit in opprobrium conculcantes me.

Misit Deus misericórdiam suam, et veritátem suam, * et erípuit ánimam meam de médio catulórum leónum : dormívi conturbátus.

Fílii hóminum dentes eórum arma et sagíttæ : * et lingua eórum gládus acútus.

Exaltáre super cælos, Deus, * et in omnem terram glória tua.

Láqueum paravérunt pedibus meis : * et incurvavérunt ánimam meam.

Foderunt ante faciém meam fóveam : * et incidérunt in eam.

Parátum cor meum, Deus, parátum cor meum : * cantábo, et psalmum dicam.

Exsúrge, glória mea, exsúrge, psaltérium et cíthara : * exsúrgam dilúculo.

Confitébor tibi in pópulis, Dómine : * et psalmum dicam tibi in génibus :

Quóniam magnificáta est usque ad cælos misericórdia tua, * et usque ad nubes véritas tua.

Exaltáre super cælos

Deus : * et super omnem terram glória tua.

Psalmus 57

SI vere útique justítiam loquímmini : * recta iudicáte, fílii hóminum.

Etenim in corde iniquitates operámini : * in terra injustítias manus vestræ concínnant.

Alienáti sunt peccatóres a vulva, erravérunt ab útero : * locúti sunt falsa.

Furor illis secúndum similitúdinem serpéntis : * sicut áspidis surdæ, et obturántis aures suas.

Quæ non exáudiet vocem incantántium : * et venéfici incantántis sapiénter.

Deus cónteret dentes eórum in ore ipsórum : * molas leónum confrínget Dóminus.

Ad níhilum devénient tamquam aqua decúrrens : * inténdit arcum suum donec infirméntur.

Sicut cera, quæ fluit, auferéntur : * supercécidit ignis, et non vidérunt solem.

Priúsqvam intellígerent spinæ vestræ rhamnum : * sicut vivéntes, sic in ira absórbet eos.

Lætábitur justus cum viderit vindíctam : * manus suas lavábit in ságuine peccatóris.

Et dicet homo : Si útique est fructus justo : * útique

dem per hóminem mors, et
per hóminem resurréctio
mortuórum. Et sicut in
Adam omnes moriúntur,
ita et in Christo omnes vi-
vificabúntur.

℟. br. Surréxit Dóminus
vere, * Allelúja, allelúja.
Surréxit. ℣. Et apparuit
Simóni. Allelúja, allelúja.
Glória Patri. Surréxit.

℣. Gavísi sunt discípuli,
allelúja. ℟. Viso Dómino,
allelúja.

Reliqua ut in Ordinario. 27

AD NONAM

Pater noster et Ave.

℣. Deus, in adjutórium.

Hymnus

Rerum, Deus, tenax vi-
gor,

Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam déci-
dat,

Sed præmíum mortis sacræ
Perénis instet glória.

* Præsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

In Festis extra Tempus
Paschale: Ant. Deus meus.

In Officio feriali

Tempore Quadragesimæ

Ant. Per arma justitiæ.

Fer. IV post Dom. Passionis
Ant. Numquid rédditur.

Fer. IV Majoris Hebdomadæ
Ant. Fac, Dómine.

Tempore Paschali : Ant.
Allelúja.

Psalmus 58, i



Ripe me de inimícis
meis, Deus meus : *
et ab insurgéntibus
in me libera me.

Eripe me de operánti-
bus iniquitátem : * et
de viris sánguinem salva
me.

Quia ecce cepérunt áni-
mam meam : * irruérunt
in me fortes.

Neque iníquitas mea, ne-
que peccátum meum, Dó-
mine, * sine iniquitáte
cucúrri, et diréxi.

Exsúrge in occúrsum
meum, et vide : * et tu,
Dómine, Deus virtútum,
Deus Israël,

Inténde ad visitándas
omnes gentes : * non mi-
sereáris ómnibus, qui ope-
rántur iniquitátem.

Converténtur ad véspe-
ram : et famem patiéntur
ut canes, * et circuíbunt
civitátem.

Ecce, loquéntur in ore
suo, et gládius in lábiis
eórum : * quóniam quis
audivit?

Et tu, Dómine, deridébis
eos : * ad níhilum dedúces
omnes gentes.

Fortitúdinem meam ad te custódiám, quia, Deus, suscéptor meus es : * Deus meus, misericórdia ejus prævéniét me.

Psalmus 58, ii

Deus osténdet mihi super inimícos meos, ne occídas eos : * nequándo obliviscántur pópuli mei.

Dispérge illos in virtúte tua : * et depóne eos, protéctor meus, Dómine :

Delíctum oris eórum, sermónem labiórum ipsórum : * et comprehendántur in supérbia sua.

Et de exsecratíone et mendácio annuntiabúntur in consummatíone : * in ira consummatiónis, et non erunt.

Et scient quia Deus dominábitur Jacob : * et finium terræ.

Converténtur ad vésperam : et famem patiéntur ut canes, * et circuibunt civitátem.

Ipsi dispergéntur ad manducándum : * si vero non fúerint saturáti, et murmurábunt.

Ego autem cantábo fortitúdinem tuam : * et exultábo mane misericórdiam tuam.

Quia factus es suscéptor meus, * et refúgium meum, in die tribulatiónis meæ.

Adjútor meus, tibi psallam, quia, Deus, suscéptor meus es : * Deus meus, misericórdia mea.

Psalmus 59

Deus, repulísti nos, et destruxísti nos : * irátus es, et misértus es nobis.

Commovísti terram, et conturbásti eam : * sana contritiónes ejus, quia commóta est.

Ostendísti pópulo tuo dura : * potásti nos vino compunctiónis.

Dedísti metuéntibus te significatióem : * ut fugiant a fácie arcus :

Ut liberéntur dilécti tui : * salvum fac dextera tua, et exáudi me.

Deus locútus est in sancto suo : * Lætabor, et partíbor Síchimam : et convállem tabernaculórum metíbor.

Meus est Gálaad, et meus est Manásses : * et Ephraïm fortitúdo cápitis mei.

Juda rex meus : * Moab olla spei meæ.

In Idumæam exténdam calceaméntum meum : * mihi alienígenæ súbditi sunt.

Quis dedúcet me in civitátem munitam? * quis dedúcet me usque in Idumæam?

Nonne tu, Deus, qui repulísti nos, * et non egre-

diéris, Deus, in virtútibus nostris?

Da nobis auxílium de tribulatióne : * quia vana salus hóminis.

In Deo faciémus virtutem : * et ipse ad níhilum dedúcet tribulánte nos.

In Festis extra Tempus Paschale : *Ant.* Deus meus, misericórdia tua præveniet me.

Tempore Paschali : *Ant.* Allelúja, allelúja, allelúja.

In Officio feriali
Quadragesimæ

Ant. Per arma justítiæ virtútis Dei commendémus nosmetípsos in multa paciéntia.

Capitulum Is. 58, 7

FRange esuriénti panem tuum, et egénos vagósque induc in domum tuam : cum víderis nudum, óperi eum, et carnem tuam ne despéxeris.

℟. *br.* Scuto circúmdabit te * Véritas ejus. Scuto. *℣.* Non timébis a timóre noctúrno. Véritas ejus. **Glória Patri.** Scuto.

℣. Angelis suis Deus mandávit de te. *℟.* Ut custódiant te in ómnibus viis tuis.

Preces feriales

Kyrie, eléison. Christe, eléison. Kýrie, eléison.

Pater noster **secreto usque ad** *℣.* Et ne nos indú-

cas in tentatióne. *℟.* Sed libera nos a malo. *℣.* Dómine, Deus virtútum, convérte nos. *℟.* Et osténde faciém tuam, et salvi érimus. *℣.* Exsúrge, Christe, ádjuva nos. *℟.* Et libera nos propter nomen tuum. *℣.* Dómine, exáudi oratióne meam. *℟.* Et clamor meus ad te véniat.

Reliqua ut in Ordinario. 29

Tempore Passionis

Feria IV post Dom. Passionis

Ant. Numquid rédditur pro bono malum, quia fodérunt fóveam ánimæ meæ?

Fer. IV Majoris Hebdomadæ

Ant. Fac, Dómine, júdiciū injúriam paciéntibus : et vias peccatórum dispérde.

Capitulum Jer. 18, 20

Recordáre quod stéterim in conspéctu tuo, ut lóquerer pro eis bonum, et avérterem indignatióne tuam ab eis.

℟. *br.* Ne perdas cum ím-piis, * Deus, ánimam meam. Ne. *℣.* Et cum viris sánguinem vitam meam. Deus. Ne. *℣.* Eripe me, Dómine, ab hómine malo. *℟.* A viro iníquo eripe me.

Preces feriales, ut supra.

Reliqua ut in Ordinario. 29

Tempore Paschali

Capitulum 1 Petri 3, 18

Christus semel pro peccatis nostris mortuus est, justus pro iniustis, ut nos offerret Deo, mortificatus quidem carne, vivificatus autem spiritu.

R. br. Gavisi sunt discipuli, * Allelúja, allelúja. Gavisi. **V.** Viso Dómino. Allelúja, allelúja. **G**loria Patri. Gavisi.

V. Mane nobiscum, Dómine, allelúja. **R.** Quóniam advesperáscit, allelúja.

Reliqua ut in Ordinario. 29

AD VESPERAS

Pater noster **et** Ave.

V. Deus, in adiutorium.

Extra Tempus Paschale

Ant. Beáti omnes, * † qui timent Dóminum. †

Tempore Paschali

Ant. Allelúja, * allelúja, allelúja.

Psalmus 127



Beáti omnes, † qui timent Dóminum, * † qui ámbulant in viis ejus.

Labóres mánuum tuárum quia manducábis : * beátus es, et bene tibi erit.

Uxor tua sicut vitis abúndans, * in latéribus domus tuæ.

Filii tui sicut novellæ olivárum, * in circúitu mensæ tuæ.

Ecce, sic benedicétur homo, * qui timet Dóminum.

Benedícat tibi Dóminus ex Sion : * et vídeas bona Jerúsalem ómnibus diébus vitæ tuæ.

Et vídeas filios filiórum tuórum, * pacem super Israël.

Ant. Beáti omnes, qui timent Dóminum.

Ant. Confundántur omnes, * qui odérunt Sion.

Psalmus 128

Sæpe expugnavérunt me a juventúte mea, * dicat nunc Israël :

Sæpe expugnavérunt me a juventúte mea : * ét enim non potuérunt mihi.

Supra dorsum meum fabricavérunt peccatóres : * prolongavérunt iniquitatem suam.

Dóminus justus concídit cervíces peccatórum : * confundántur et convertántur retrórsus omnes, qui odérunt Sion.

Fiant sicut fœnum tectórum : * quod priúsqvam evellátur, exáruit :

De quo non implévit manum suam qui metit, * et sinum suum qui manípulos cólligit.

Et non dixerunt qui præteribant : Benedíctio Dó-

mini super vos : * benedí-
ximus vobis in nómine
Dómini.

Ant. Confundántur om-
nes, qui odérunt Sion.

Ant. De profúndis * †
clamávi ad te, Dómine. †

Psalmus 129

DE profúndis † clamávi
ad te, Dómine : * †
Dómine, exáudi vocem
meam :

Fiant aures tuæ inten-
déntes, * in vocem depre-
caciónis meæ.

Si iniquitátes observáve-
ris, Dómine : * Dómine,
quis sustinébit?

Quia apud te propitiatio
est : * et propter legem
tuam sustínui te, Dómine.

Sustínuit ánima mea in
verbo ejus : * sperávit
ánima mea in Dómino.

A custódia matutína us-
que ad noctem : * speret
Israël in Dómino.

Quia apud Dóminum mi-
sericórdia : * et copiósa
apud eum redemptio.

Et ipse rédimet Israël, *
ex ómnibus iniquitátibus
ejus.

Ant. De profúndis cla-
mávi ad te, Dómine.

Ant. Dómine, * † non est
exaltátum cor meum. †

Psalmus 130

Domine, † non est exal-
tátum cor meum : * †
neque eláti sunt óculi mei.

Neque ambulávi in ma-
gnis : * neque in mirabíli-
bus super me.

Si non humíliter sentié-
bam : * sed exaltávi áni-
mam meam :

Sicut ablactátus est su-
per matre sua, * ita retri-
bútio in ánima mea.

Speret Israël in Dómi-
no, * ex hoc nunc et usque
in sæculum.

Ant. Dómine, non est
exaltátum cor meum.

Ant. Elégit Dóminus *
Sion in habitatióem sibi.

Psalmus 131

Memento, Dómine, Da-
vid, * et omnis man-
suetúdinis ejus :

Sicut jurávit Dómino, *
votum vovit Deo Jacob :

Si introíero in tabernácu-
lum domus meæ, * si ascén-
dero in lectum strati mei :

Si dédero somnum óculis
meis, * et pálpebris meis
dormitatióem :

Et réquiem tempóribus
meis : donec invéniam lo-
cum Dómino, * taberná-
culum Deo Jacob.

Ecce, audívimus eam in
Ephrata : * invénimus
eam in campis silvæ.

Introíbimus in taberná-
culum ejus : * adorábimus
in loco, ubi steterunt pe-
des ejus.

Surge, Dómine, in ré-
quiem tuam, * tu et arca
sanctificatióis tuæ.

Sacerdótes tui induántur
justítiam : * et sancti tui
exsúltent.

Propter David, servum
tuum, * non avértas fá-
ciem Christi tui.

Jurávit Dóminus David
veritátem, et non frustrá-
bitur eam : * De fructu
ventris tui ponam super
sedem tuam.

Si custodierint filii tui
testaméntum meum, * et
testimónia mea hæc, quæ
docébo eos :

Et filii eórum usque in
sæculum, * sedébunt su-
per sedem tuam.

Quóniam elégit Dóminus
Sion : * elégit eam in ha-
bitatióne sibi.

Hæc réquies mea in
sæculum sæculi : * hic
habitábo quóniam elégi
eam.

Víduam ejus benedicens
benedícam : * páuperes
ejus saturábo pánibus.

Sacerdótes ejus induam
salutári : * et sancti
ejus exsultatióne exsultá-
bunt.

Illuc prodúcam cornu
David, * parávi lucérnam
Christo meo.

Inimícos ejus induam
confusióne : * super ipsum
autem efflorébit sanctifi-
cátio mea.

Extra Tempus Paschale

Ant. Elégit Dóminus
Sion in habitatióne sibi.

Tempore Paschali

Ant. Allelúja, allelúja,
allelúja.

In Officio feriali
Quadragesimæ

Capitulum Joel 2, 17

INter vestibulum et altá-
re plorábunt sacerdó-
tes, minístri Dómini, et di-
cent : Parce, Dómine, par-
ce pópulo tuo : et ne des
hereditátem tuam in oppró-
brium, ut dominéntur eis
natiónes.

Hymnus

Audi, benígne Cónditor,
Nostras preces cum
flétibus,

In hoc sacro jejúnio
Fusas quadragenário.

Scrutátor alme córdium,
Infirma tu scis vírium :
Ad te revérsis éxhibe
Remissiónis grátiam.

Multum quidem peccávi-
mus,

Sed parce confiténtibus :
Ad nóminis laudem tui
Confer medélam lánguidis.

Concède nostrum cónteri
Corpus per abstinéntiam;
Culpæ ut relínquant pá-
bulum

Jejúna corda críminum.

Præsta, beáta Trínitas,
Concède, simplex Unitas;
Ut fructuósa sint tuis
Jejuniórum múnera.

Amen.

V. Angelis suis Deus mandávit de te. **R.** Ut custódiant te in ómnibus viis tuis.

Antiphona ad Magnificat ut in Proprio de Tempore.

Expleto Cantico ac repetita Antiphona, dicuntur sequentes

Praees feriales

KYrie, eléison. Christe, eléison. Kýrie, eléison.

Pater noster, quod dicitur a solo Hebdomadario totum clara voce, usque ad V.

Et ne nos indúcas in tentatióem. R. Sed libera nos a malo. **V.** Ego dixi : Dómine, miserere mei. **R.** Sana ánimam meam, quia peccávi tibi.

V. Convértere, Dómine, úsquequo? **R.** Et deprecábilis esto super servos tuos. **V.** Fiat misericórdia tua, Dómine, super nos.

R. Quemádmódum sperávimus in te. **V.** Sacerdótes tui induántur justítiam.

R. Et sancti tui exsúltent. **V.** Orémus pro beatíssimo Papa nostro **N.**

R. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. **V.** Orémus et pro Antístite nostro **N.**

R. Stet et pascat in fortitúdine tua, Dómine, in sublimitáte nóminis tui. **V.** Dómine, salvum fac regem. **R.** Et exáudi nos

in die, qua invocáverimus te. **V.** Salvum fac pópulum tuum, Dómine, et benedic hereditáti tuæ.

R. Et rege eos, et extólle illos usque in ætérnum.

V. Meménto Congregatiónis tuæ. **R.** Quam possedísti ab inítio. **V.** Fiat pax in virtúte tua. **R.** Et abundántia in túrribus tuis. **V.** Orémus pro benefactoribus nostris. **R.** Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. **V.** Orémus pro fidélibus defúctis. **R.** Réquiem ætérnam dona eis, Dómine, et lux perpétua lúceat eis. **V.** Requiéscant in pace. **R.** Amen. **V.** Pro fratribus nostris abséntibus. **R.** Salvos fac servos tuos, Deus meus, sperántes in te. **V.** Pro afflictis et captívis. **R.** Libera eos, Deus Israël, ex ómnibus tribulatióibus suis. **V.** Mitte eis, Dómine, auxílium de sancto. **R.** Et de Sion tuére eos. **V.** Dómine, Deus virtútum, convérte nos. **R.** Et osténde fáciem tuam, et salvi érimus. **V.** Exsúrge, Christe, ádjuva nos. **R.** Et libera nos propter nomen tuum. **V.** Dómine, exáudi oratió-nem meam. **R.** Et clamor meus ad te véniat.

Reliqua ut in Ordinario. 33

Tempore Passionis

Capitulum Jer. 21, 20

TU autem, Dómine Sábaoth, qui júdicas iuste, et probas renes et corda, vídeam ultiónem tuam ex eis : tibi enim revelávi causam meam, Dómine, Deus meus.

Hymnus

VExílla Regis pródeunt :
Fulget Crucis mystérium,

Qua vita mortem pértulit,
Et morte vitam prótulit.

Quæ, vulneráta lánceæ
Mucrónē diro, críminum
Ut nos laváret sórdibus,
Manávit unda et sáanguine.

Impléta sunt quæ cóncinit
David fidéli cármine,
Dicéndo natió nibus :
Regnávit a ligno Deus.

Arbor decóra et fúlgida,
Ornáta Regis púrpura,
Elécta digno stípíte
Tam sancta membra tângere.

Beáta, cujus bráchiis
Prétium pepéndit sáeculi,
Statéra facta córporis,
Tulítque prædam tártari.

¶ Sequens strophá dicitur flexis genibus; et última numquam mutatur.

O Crux, ave, spes única,
Hoc Passiόνis témpore
Piis adáuge grátiam.
Reisque dele crímina.

Te, fons salútis, Trínitas,
Colláudet omnis spíritus :
Quibus Crucis victóriam
Largíris, adde præmium.
Amen.

℟. Eripe me, Dómine, ab hómine malo. ℞. A viro iníquo éripe me.

Antiphona ad Magnificat ut in Proprio de Tempore.

Preces feriales, ut supra. 205

Tempore Pasehali

Capitulum Rom. 6, 9-10

CHristus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

Hymnus

AD régias Agni dapes,
Stolis amícti cándidis,
Post tránsitum Maris Rubri,
Christo canámus Príncipi :

Divína cujus caritas
Sacrum propínat sáanguinem,

Almíque membra córporis
Amor sacérdos ímmolat.

Sparsum cruórem póstibus
Vastátor horret Angelus :
Fugítque dívísium mare;
Mergúntur hostes flúctibus.

Jam Pascha nostrum Christus est,
Paschális ídem víctima,

Et pura puris méntibus
Sinceritátis ázyna.

O vera cæli víctima,
Subjécta cui sunt tártara,
Solúta mortis víncula,
Recépta vitæ præmia.

Victor, subáctis ínferis,
Trophæa Christus éxpli-
cat;

Cælóque apérto, súbditum
Regem tenebrarum trahit.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et **Fílio**, qui a mórtuis
Surréxit, ac **Paráclito**,
In sempitérna sácula.

Amen.

℟. Mane nobíscum, Dó-
mine, allelúja. **℣.** Quóniam
advesperáscit, allelúja.

**Antiphona ad Magnificat ut
in Proprio de Tempore.**

Reliqua ut in Ordinario. 33

AD COMPLETORIUM

℟. Jube, domne.

Bened. Noctem quiétam,
et finem perféctum concé-
dat nobis Dóminus omní-
potens. **℣.** Amen.

Lectio br. 1 Petri 5, 8-9

FRatres : Sóbrii estóte,
et vigiláte : quia ad-
versárius vester diábolus
tamquam leo rúgiens cír-
cuit, quærens quem dévo-

ret : cui resístite fortes in
fide. Tu autem, Dómine,
miserére nobis.

℟. Deo grátias.

℣. Adjutórium nostrum
in nómine Dómini. **℣.** Qui
fecit cælum et terram.

**Pater noster, quod dici-
tur totum secreto.**

Confíteor. Misereátur. In-
dulgéntiam.

℣. Convérte nos, Deus,
salutáris noster. **℣.** Et
avérte iram tuam a nobis.

℣. Deus, in adjutórium.

Extra Tempus Paschale :

Ant. Immíttet Angelus
Dómini.

Tempore Paschali

Ant. Allelúja.

Psalmus 33, i



Benedícam Dóminum
in omni témpore : *
semper laus ejus in
ore meo.

In Dómino laudábitur
ánima mea : * áudiant
mansuétí, et læténtur.

Magnificáte Dóminum
mecum : * et exaltémus
nomen ejus in idípsum.

Exquisívi Dóminum, et
exaúdívit me : * et ex óm-
nibus tribulatióibus meis
erípuit me.

Accédite ad eum, et illu-
minámini : * et fácies ve-
stræ non confundéntur.

Ipse pauper clamávit, et
Dóminus exaúdívit eum : *

et de ómnibus tribulatió-
nibus ejus salvávit eum.

Immíttet Angelus Dó-
mini in circúitu timéntium
eum : * et erípiet eos.

Gustáte, et vidéte quón-
iam suávis est Dómi-
nus : * beátus vir, qui
sperat in eo.

Timéte Dóminum, omnes
sancti ejus : * quóniam non
est inópia timéntibus eum.

Dívites eguérunt et esu-
riérunt : * inquirentes au-
tem Dóminum non mi-
nuéntur omni bono.

Psalmus 33, ii

VEníte, filii, audíte me : *
timórem Dómini do-
cébo vos.

Quis est homo qui vult
vitam : * diligit dies vi-
dére bonos?

Próhibe linguam tuam a
malo : * et lábia tua ne
loquántur dolum.

Divérte a malo, et fac
bonum : * inquire pacem,
et perséquare eam.

Oculi Dómini super ju-
stos : * et aures ejus in
preces eórum.

Vultus autem Dómini
super faciéntes mala : *
ut perdat de terra memó-
riam eórum.

Clamavérunt justí, et
Dóminus exaudivit eos : *
et ex ómnibus tribulatió-
nibus eórum liberávit eos.

Juxta est Dóminus iis,
qui tribuláto sunt cor-

de : * et húmiles spíritu
salvábít.

Multæ tribulatiónes ju-
stórum : * et de ómnibus
his liberábit eos Dóminus.

Custódit Dóminus ómnia
ossa eórum : * unum ex
his non conterétur.

Mors peccatórum péssi-
ma : * et qui odérunt ju-
stum, delínquent.

Rédimet Dóminus áni-
mas servórum suórum : *
et non delínquent omnes
qui sperant in eo.

Psalmus 60

EXáudi, Deus, depreca-
tiónem meam : * in-
téndé oratióni meæ.

A fínibus terræ ad te cla-
mávi : * dum anxiarétur
cor meum, in petra exal-
tásti me.

Deduxísti me, quia fa-
ctus es spes mea : * turris
fortitúdinis a fácie ini-
míci.

Inhabitábo in taberná-
culo tuo in sæcula : * pró-
tegar in velaménto alárum
tuárum.

Quóniam tu, Deus meus,
exaudísti oratiónem me-
am : * dedísti hereditá-
tem timéntibus nomen
tuum.

Dies super dies regis ad-
jícies : * annos ejus usque
in diem generatiónis et
generatiónis.

Pérmanet in ætérnum in
conspéctu Dei : * miseri-

córdiam et veritátem ejus
quis requíret?

Sic psalmum dicam nó-
mini tuo in sáculum sá-
culi : * ut reddam vota
mea de die in diem.

Extra Tempus Paschale

Ant. Immíttet Angelus
Dómini in circúitu timén-
tium eum : et erípiet eos.

Tempore Paschali

Ant. Allelúja, allelúja,
allelúja.

Hymnus

TE lucis ante términum,
Rerum Creátor, pósci-
mus,
Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cóm-
prime,
Ne polluántur córpora.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sáecu-
lum. Amen.

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelínquas
nos, Dómine, Deus noster.

℟. **br.** In manus tuas,
Dómine, * Comméndo spí-
ritum meum. In manus.
℣. Redemísti nos, Dómi-
ne, Deus veritátis. Com-

méndo. **Glória Patri.** In
manus. **℣.** Custódi nos,
Dómine, ut pupíllam óculi.
℟. Sub umbra alárum tuá-
rum prótege nos.

**In feriali Officio Tempore
Passionis omittitur Glória
Patri.**

Tempore Paschali

℟. **br.** In manus tuas, Dó-
mine, comméndo spíritum
meum, * Allelúja, allelúja.
In manus. **℣.** Redemísti
nos, Dómine, Deus veri-
tátis. Allelúja, allelúja.
Glória Patri. In manus.
℣. Custódi nos, Dómine, ut
pupíllam óculi, allelúja.
℟. Sub umbra alárum tuá-
rum prótege nos, allelúja.

Ant. Salva nos.

Canticum Simeonis

Luc. 2, 29-32

Nunc dimíttis servum
tuum, Dómine, * se-
cúndum verbum tuum in
pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum,
Lumen ad revelatióem
géntium, * et glóriam ple-
bis tuæ Israël.

Glória Patri.

Ant. Salva nos, Dómine,
vigilántes, custódi nos dor-
miéntes; ut vigilémus cum
Christo, et requiescámus
in pace. (**T. P.** Allelúja.)

Preces (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos inducas in tentationem. **R.** Sed libera nos a malo.

Credo in Deum **secreto usque ad V.** Carnis resurrectionem. **R.** Vitam æternam. Amen. **V.** Benedictus es, Dómine, Deus patrum nostrorum. **R.** Et laudábilis et gloriósus in sæcula. **V.** Benedicámus Patrem et Fílium cum Sancto Spíritu. **R.** Laudémus, et superexaltémus eum in sæcula. **V.** Benedictus es, Dómine, in firmaménto cæli. **R.** Et laudábilis, et gloriósus, et superexaltátus in sæcula. **V.** Benedícat et custódiat nos omnipotens et miséricors Dóminus. **R.** Amen. **V.** Dignáre, Dómine, nocte ista. **R.** Sine peccáto nos custodíre. **V.** Miserére nostri, Dómine. **R.** Miserére nostri. **V.** Fiat misericór-

dia tua, Dómine, super nos. **R.** Quemádmódum sperávimus in te. **V.** Dómine, exáudi orationem meam. **R.** Et clamor meus ad te véniat.

V. Dóminus vobíscum.

Orémus.

Oratio

Visita, quæsumus, Dómine, habitatióem istam, et omnes insídias inimíci ab ea longe repélle: Angeli tui sancti hábitent in ea, qui nos in pace custódiunt; et benedictio tua sit super nos semper. Per Dóminum. **R.** Amen.

V. Dóminus vobíscum.


V. Benedicámus Dómino.

Benedictio Benedícat et custódiat nos omnipotens et miséricors Dóminus, Pater, et Fílius, et Spíritus Sanctus. **R.** Amen.

Antiphona finalis B. M. V.

V. Divínium auxílium.

Pater noster, Ave María **et** Credo.



FERIA QUINTA

AD MATUTINUM

Pater, Ave **et** Credo.

V. Dómine, lábia mea.

V. Deus, in adjutórium.

In Officio feriali
Quadragesimæ

Invit. Non sit vobis vanum mane súrgere ante lucem : * Quia promísit Dóminus corónam vigilántibus. **Ps. 94** Veníte. 3

Hymnus

EX more docti mýstico
Servémus hoc jejúnium,
Deno diérum círculo
Ducto quater notíssimo.

Lex et prophétæ prímítus
Hoc prætulérunt, póstmódum
Christus sacrávit, ómnium
Rex atque factor téporum.

Utámur ergo párcius
Verbis, cibus et pótibus,
Somno, josis, et árcíus
Perstémus in custódia.

Vitémus autem nóxia,
Quæ súbruunt mentes vagas :
Nullúmque demus cállidi
Hostis locum tyránnidi.

Flectámus iram vándicem,
Plorémus ante Júdicem,
Clamémus ore súpplíci,
Dicámus omnes cérnui :

Nostris malis offéndimus
Tuam, Deus, cleméntiam :
Effúnde nobis désuper,
Remíssor, indulgéntiam.

Meménto quod sumus tui,
Licet cadúci, plásmatis :
Ne des honórem nóminis
Tui, precámur, álteri.

Laxa malum, quod féci-
mus,
Auge bonum, quod pósci-
mus :

Placére quo tandem tibi
Possímus hic, et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.

Amen.

Tempore Passionis

Invit. Hódie, si vocem
Dómini audiéritis, * Nolíte
obduráre corda vestra.
Ps. 94 Veníte. 3

In quarto Ps. versu non dicitur : Hódie, si vocem; **sed,**
post repetitum Invitatorium,
statim subjungitur : Sicut in
exacerbatióne.

In fine autem hujus Ps. non dicitur Glória Patri; **sed** **repe-**
titur Invitatorium.

Hymnus

PAnge, lingua, gloriósi
Láuream certáminis,
Et super Crucis trophæo
Dic triúmphum nóbilem :
Quáliter Redémptor orbis
Immolátus vicerit.

De paréntis protoplásti
Fraude Factor cóndolens,
Quando pomi noxiális
In necem morsu ruit :
Ipse lignum tunc notá-
vit,
Damna ligni ut sólveret.

Hoc opus nostræ salútis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsepia :
Membra pannis involúta
Virgo Mater álligat :
Et Dei manus pedésque
Stricta cingit fáscia.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérsitas.

Amen.

Tempore Paschali

Invit. Surréxit Dóminus
vere, * Allelúja. **Ps.** 94
Veníte. 3

Hymnus

REX sempitérne cæli-
tum,

Rerum Creátor ómnium,
Æquális ante sæcula
Semper Parénti Fílius :

Nascénte qui mundo faber
Imáginem vultus tui
Tradens Adámo, nóbilem
Limo jugásti spíritum.

Cum livor et fraus dáemo-
nis
Fœdásset humánum ge-
nus :

Tu, carne amíctus, pérdi-
tam

Formam refórmas ártifex.

Qui, natus olim e Vírgine,
Nunc e sepúlcro násceris,
Tecúmque nos a mórtuis
Jubes sepúltos súrgere.

Qui, pastor ætérmus, gre-
gem

Aqua lavas baptísmatis :
Hæc est lavácrum mén-
tium :

Hæc est sepúlcrum crími-
num.

Nobis diu qui débitæ
Redémptor affíxus cruci,
Nostræ dedísti pródigus
Prétium salútis sángu-
inem.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Filio, qui a mórtuis
Surréxit, ac Paráclito,
In sempitérna sœcula.
Amen.

In I Nocturno

Extra Tempus Paschale

Ant. In Deo salutáre meum, * et glória mea : et spes mea in Deo est.

Tempore Paschali

Ant. Allelúja, * allelúja, allelúja.

Psalmus 61



Onne Deo subjécta erit ánima mea? * ab ipso enim salutáre meum.

Nam et ipse Deus meus, et salutáris meus : * suscep̃tor meus, non movébor ámplius.

Quóusque irrúitis in hóminem? * interficitis uniṽersi vos : tamquam parieti inclináto et macéria depúlsæ?

Verúmtamen pr̃etium meum cogitavérunt repél-
lere, cucúrri in siti : * ore suo benedicébant, et corde suo maledicébant.

Verúmtamen Deo subjécta esto, ánima mea : * quóniam ab ipso patiéntia mea.

Quia ipse Deus meus, et salvátor meus : * adjutor meus, non emigrábo.

In Deo salutáre meum, et glória mea : * Deus auxili

mei, et spes mea in Deo est.

Speráte in eo, omnis congregátio pópuli, effúndite coram illo corda vestra : * Deus adjutor noster in ætérnum.

Verúmtamen vani filii hóminum, mendáces filii hóminum in statéris : * ut decípiant ipsi de vanitáte in idípsum.

Nolíte speráre in iniquitáte, et rapínas nolíte concupiscere : * divítia si áffluant, nolíte cor appónere.

Semel locútus est Deus, duo hæc audívi, quia potéstas Dei est, et tibi, Dómine, misericórdia : * quia tu reddes unicuíque juxta ópera sua.

Ant. In Deo salutáre meum, et glória mea : et spes mea in Deo est.

Ant. Vidéte ópera Dómini, * et audítam fácite vocem laudis ejus.

Psalmus 65, i

Jubiláte Deo, omnis terra, psalmum dícite nómini ejus : * date glóriam laudi ejus.

Dícite Deo : Quam terribília sunt ópera tua, Dómine! * in multitúdine virtútis tuæ mentiéntur tibi inimíci tui.

Omnis terra adóret te, et psallat tibi : * psalmum dicat nómini tuo.

Veníte, et vidéte ópera Dei : * terríbilis in consíliis super filios hóminum.

Qui convértit mare in áridam, in flúmine pertransíbunt pede : * ibi lætábimur in ipso.

Qui dominántur in virtúte sua in ætérnum, óculi ejus super gentes respiciunt : * qui exásperant non exalténtur in semetipsis.

Benedícite, gentes, Deum nostrum : * et audítam fácite vocem laudis ejus,

Qui pósuit ánimam meam ad vitam : * et non dedit in commotiómem pedes meos.

Quóniam probásti nos, Deus : * igne nos examinásti, sicut examinátur argéntum.

Induxísti nos in láqueum, posuísti tribulatiónes in dorso nostro : * imposuísti hómines super cápita nostra.

Transívimus per ignem et aquam : * et eduxísti nos in refrigérium.

Ant. Vidéte ópera Dómini, et audítam fácite vocem laudis ejus.

Ant. Audíte, omnes, * qui timétis Deum, quanta fecit ánimæ meæ.

Psalmus 65, ii

INtroíbo in domum tuam in holocáustis : * redam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocáusta medulláta offeram tibi cum incénso arietum : * offeram tibi boves cum hircis.

Veníte, audíte, et narrábo, omnes, qui timétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitátem si aspéxi in corde meo, * non exáudiet Dóminus.

Proptérea exaudivit Deus, * et atténdit voci deprecatiónis meæ.

Benedíctus Deus, * qui non amóvit oratiómem meam, et misericórdiam suam a me.

Ant. Audíte, omnes, qui timétis Deum, quanta fecit ánimæ meæ.

In Festis novem Lectionum :

Extra Tempus Paschale

℣. Non amóvit Dóminus oratiómem meam. ℟. Et misericórdiam suam a me.

In Festis novem Lectionum :

Tempore Pasehali

Ant. Allelúja, allelúja, allelúja.

℣. Deus regenerávit nos in spem vivam, allelúja. ℟. Per resurrectiόnem Jesu Christi ex mórtuis, allelúja.

Absolutio. Exáudi, Dómine.

Bened. 1 Benedictione perpetua. 2 Unigenitus Dei Filius. 3 Spiritus Sancti gratia.

In II Nocturno

Extra Tempus Paschale

Ant. Exsurgat Deus, * † et dissipentur inimici ejus. †

Tempore Paschali

Ant. Allelúja, allelúja, allelúja.

Psalmus 67, i

Exsurgat Deus, † et dissipentur inimici ejus, * † et fugiant qui oderunt eum, a facie ejus.

Sicut déficit fumus, deficiant : * sicut fluit cera a facie ignis, sic pereant peccatores a facie Dei.

Et justi epulentur, et exsultent in conspectu Dei : * et delectentur in lætitia.

Cantate Deo, psalmum dicite nómini ejus : * iter facite ei, qui ascendit super occasum : Dóminus nomen illi.

Exsultate in conspectu ejus : * turbabuntur a facie ejus, patris orphanorum, et júdicis viduárum.

Deus in loco sancto suo : * Deus qui inhabitare facit unius moris in domo :

Qui educit vinctos in fortitudine, * similiter eos, qui exasperant, qui habitant in sepúlcris.

Deus, cum egredereris in conspectu pópuli tui, * cum pertransires in deserto :

Terra mota est, etenim cæli distillaverunt a facie Dei Sinaï, * a facie Dei Israël.

Pluviam voluntariam segregabis, Deus, hereditati tuæ : * et infirmata est, tu vero perfecisti eam.

Animalia tua habitabunt in ea : * parasti in dulcedine tua páuperi, Deus.

Ant. Exsurgat Deus, et dissipentur inimici ejus.

Ant. Deus noster, * Deus salvos faciendi : et Dómini sunt éxitus mortis.

Psalmus 67, ii

Dominus dabit verbum evangelizántibus, * virtute multa.

Rex virtutum dilécti dilécti : * et speciéi domus dividere spólia.

Si dormiátis inter médios cleros, pennæ colúmbæ deargentatæ, * et posteriorióra dorsi ejus in pallóre auri.

Dum discernit cælestis reges super eam, nive dealbabuntur in Selmon : * mons Dei, mons pinguis.

Mons coagulátus, mons pinguis : * ut quid suspicámini montes coagulátos?

Mons, in quo beneplácitum est Deo habitare in

eo : * etenim Dóminus habitábit in finem.

Currus Dei decem míllibus múltiplex, míllia lætántium : * Dóminus in eis in Sina in sancto.

Ascendísti in altum, cepísti captivitátem : * accepísti dona in homínibus :

Etenim non credéntes, * inhabitáre Dóminum Deum.

Benedíctus Dóminus die quotídie : * próspere iter faciét nobis Deus salutárium nostrórum.

Deus noster, Deus salvos faciéndi : * et Dómini Dómini éxitus mortis.

Verúmtamen Deus confrínget cápita inimicórum suórum : * vérticem capílli perambulántium in delíctis suis.

Dixit Dóminus : Ex Bāsan convértam, * convértam in profúndum maris :

Ut intingátur pes tuus in ságuine : * lingua canum tuórum ex inimícis, ab ipso.

Ant. Deus noster, Deus salvos faciéndi : et Dómini sunt éxitus mortis.

Ant. In ecclésiis * benedícite Dómino Deo.

Psalmus 67, iii

VIdérunt ingressus tuos, Deus, * ingressus Dei mei : regis mei qui est in sancto.

Prævenérunt príncipes

conjúcti psalléntibus, * in médio juvenculárum tympanistriárum.

In ecclésiis benedícite Deo Dómino, * de fóntibus Israël.

Ibi Bénjamin adolescéntulus, * in mentis ex-céssu.

Príncipes Juda, duces eórum : * príncipes Zábulon, príncipes Néphthali.

Manda, Deus, virtúti tuæ : * confírma hoc, Deus, quod operátus es in nobis.

A templo tuo in Jerúsalem, * tibi ófferent reges múnera.

Increpa feras arúndinis, congregátio taurórum in vaccis populórum : * ut exclúdent eos, qui probáti sunt argénto.

Díssipa gentes, quæ bella volunt : vénient legáti ex Ægýpto : * Æthiopia præ-véniet manus ejus Deo.

Regna terræ, cantáte Deo : * psállite Dómino.

Psállite Deo, qui ascéndit super cælum cæli, * ad Oriéntem.

Ecce, dabit voci suæ vocem virtútis, date glóriam Deo super Israël, * magnificéntia ejus, et virtus ejus in núbibus.

Mirábilis Deus in sanctis suis, Deus Israël ipse dabit virtútem, et fortitúdinem plebi suæ, * benedíctus Deus.

Ant. In ecclésiis benedicite Dómino Deo.

In Festis novem Lectionum :

Extra Tempus Paschale

℣. Mirábilis Deus in sanctis suis. ℟. Deus Israël dabit virtútem plebi suæ.

In Festis novem Lectionum :

Tempore Paschali

Ant. Allelúja, * allelúja, allelúja.

℣. Deus suscitávit Christum a mórtuis, allelúja.

℟. Ut fides nostra et spes esset in Deo, allelúja.

Absolutio. Ipsíus píetas et.

Bened. 4 Deus Pater omnípotens. 5 Christus perpétuæ. 6 Ignem sui amóris.

In III Nocturno

Extra Tempus Paschale

Ant. Salvum me fac, * † Deus : quóniam intravérunt aquæ usque ad ánimam meam. †

Tempore Paschali

Ant. Quærite Dóminum, et vivet ánima vestra.

Psalmus 68, i



Alvum me fac, * † Deus : * quóniam intravérunt aquæ usque ad ánimam meam. †

Infixus sum in limo profúndi : * et non est substántia.

Veni in altitúdinem maris : * et tempésta demérsit me.

Laborávi clamans, raucæ factæ sunt fauces meæ : * defecérunt óculi mei, dum spero in Deum meum.

Multiplicáti sunt super capillos cápitis mei, * qui odérunt me gratis.

Confortáti sunt qui persecúti sunt me inimíci mei injúste : * quæ non rápui, tunc exsolvébam.

Deus, tu scis insipiéntiam meam : * et delícta mea a te non sunt abscondita.

Non erubéscant in me qui expéctant te, Dómine, * Dómine virtútum.

Non confundántur super me * qui quærun't te, Deus Israël.

Quóniam propter te sustínui oppróbrium : * opéruit confúsió faciém meam.

Extráneus factus sum frátribus meis, * et peregrínus filiis matris meæ. Quóniam zelus domus tuæ comédit me : * et oppróbria exprobrántium tibi cecidérunt super me.

Et opéruí in jejúnio ánimam meam : * et factum est in oppróbrium mihi.

Et pósui vestiméntum meum cilícium : * et factus sum illis in parábolam.

Advérsus me loquebántur, qui sedébant in porta : * et in me psallébant qui bibébant vinum.

Ego vero oratióem meam ad te, Dómine : * tempus benepláciti, Deus. Gl.

Ant. Salvum me fac, Deus : quóniam intravérunt aquæ usque ad ánimam meam.

Ant. Propter inimícos meos * éripe me, Dómine.

Psalmus 68, ii

IN multitúdine misericórdiæ tuæ exáudi me, * in veritatē salútis tuæ :

Eripe me de luto, ut non infígar : * líbera me ab iis, qui odérunt me, et de profúndis aquárum.

Non me demérgat tempésta aquæ, neque absorbéat me profúndum : * neque úrgeat super me púteus os suum.

Exáudi me, Dómine, quóniam benígna est misericórdia tua : * secúndum multitúdinem miserationum tuárum respice in me.

Et ne avértas faciē tuam a púero tuo : * quóniam tribulor, velóciter exáudi me.

Inténde ánimæ meæ, et líbera eam : * propter inimícos meos éripe me.

Tu scis impropérium meum, et confusióne meam, * et reveréntiam meam.

In conspéctu tuo sunt omnes qui tribulant me, * impropérium exspectávit cor meum, et misériam.

Et sustínui qui simul contristarétur, et non fuit : *

et qui consolarétur, et non invéni.

Et dedérunt in escam meam fel : * et in siti mea potavérunt me acéto.

Fiat mensa eórum coram ipsis in láqueum, * et in retributiónes, et in scándalum.

Obscuréntur óculi eórum ne vídeant : * et dorsum eórum semper incúrva.

Effúnde super eos iram tuam : * et furor iræ tuæ comprehéndat eos.

Fiat habitátio eórum déserta : * et in tabernáculis eórum non sit qui inhábitet.

Quóniam quem tu percussísti, persecúti sunt : * et super dolórem vúlnerum meórum addidérunt.

Appóne iniquitátem super iniquitátem eórum : * et non intrent in justítiam tuam.

Deleántur de libro vivéntium : * et cum justis non scribántur.

Ant. Propter inimícos meos éripe me, Dómine.

Ant. Quærite Dóminum, * et vivet ánima vestra.

Psalmus 68, iii

EGO sum pauper et dolens : * salus tua, Deus, suscepit me.

Laudábo nomen Dei cum cántico : * et magnificábo eum in laude :

Et placébit Deo super vitulum novellum : * cónua producéntem et úngulas.

Videant páuperes et læténtur : * quærite Deum, et vivet ánima vestra.

Quóniam exaudivit páuperes Dóminus : * et victos suos non despexit.

Laudent illum cæli et terra, * mare, et ómnia reptília in eis.

Quóniam Deus salvam faciet Sion : * et ædificábuntur civitátes Juda.

Et inhabitábunt ibi, * et hereditáte acquirént eam.

Et semen servórum ejus possidébit eam, * et qui díligunt nomen ejus, habitábunt in ea.

Extra Tempus Paschale

Ant. Quærite Dóminum, et vivet ánima vestra.

In Festis extra Tempus Paschale

V. Laudábo nomen Dei cum cántico. **R.** Et magnificábo eum in laude.

In feriali Officio Quadragesimæ

V. Ipse liberávit me de láqueo venántium. **R.** Et a verbo áspero.

In feriali Officio Tempore Passionis

V. Erue a frámea, Deus, ánimam meam. **R.** Et de manu canis únicam meam.

Tempore Pasehali

Ant. Allelúja, allelúja, allelúja.

In Festis novem Lectionum

V. Deus et Dóminum suscitávit, allelúja. **R.** Et nos suscitábit per virtútem suam, allelúja.

In Officiis trium Lectionum

V. Surréxit Dóminus de sepúlcro, allelúja. **R.** Qui pro nobis pepéndit in ligno, allelúja.

In Officio novem Lectionum

Absolutio. A vínculis.

Bened. 7 Evangélica léctio.

8 In Festis Domini : Divinum auxílium.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. **9** Ad societátem. (Per evangélica dicta.)

In Officio trium Lectionum

Absolutio. Exáudi, Dómine.

In Feriali cum Homilia :

Bened. 1 Evangélica. 2 Divinum. 3 Ad societátem.

In Feriali sine Homilia :

Bened. 1 Benedicção. 2 Unigénitus. 3 Spíritus Sancti.

In Festis Sanctorum :

Bened. 1 Ille nos benedicat, qui sine fine vivit et regnat. **R.** Amen. 2 Cujus (vel Quorum aut Quarum). 3 Ad societátem.

AD LAUDES I

In Feriis Temporis Paschalis, atque in Festis extra et intra Tempus Paschale celebrandis.

(Pater noster **et Ave.**)

✠. Deus, in adiutorium.

Extra Tempus Paschale

Ant. Jubiláte * in conspectu regis Dómini.

Tempore Paschali

Ant. Allelúja, * allelúja, allelúja.

Psalmus 97

CAntáte Dómino canticum novum : * quia mirabilia fecit.

Salvavit sibi dextera ejus : * et brachium sanctum ejus.

Notum fecit Dóminus salutáre suum : * in conspectu géntium revelávit iustítiam suam.

Recordátus est misericórdiæ suæ, * et veritátis suæ dómui Israël.

Viderunt omnes términi terræ * salutáre Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductilibus, et voce tubæ córneæ.

Jubiláte in conspectu regis Dómini : * moveátur mare, et plenitúdo ejus :

orbis terrárum, et qui habitant in eo.

Flúmina plaudent manu, simul montes exsultábunt a conspectu Dómini : * quóniam venit iudicáre terram.

Judicábit orbem terrarum in iustítia, * et populos in æquitáte.

Ant. Jubiláte in conspectu regis Dómini.

Ant. Dómine, * † refúgium factus es nobis. †

Psalmus 89

Domine, † refúgium factus es nobis : * † a generatióne in generatióne.

Priúsqvam montes fierent, aut formarétur terra et orbis : * a sáculo et usque in sáculum tu es, Deus.

Ne avértas hóminem in humilitátem : * et dixísti : Convertimini, filii hóminum.

Quóniam mille anni ante óculos tuos, * tamquam dies hestérna, quæ præteríit.

Et custódia in nocte, * quæ pro níhilo habéntur, eórum anni erunt.

Mane sicut herba tráseat, mane flóreat, et tráseat : * vespere decídat, indúret et aréscat.

Quia defécimus in ira tua, * et in furóre tuo turbáti sumus.

Posuisti iniquitates nostras in conspectu tuo : * sæculum nostrum in illuminatione vultus tui.

Quoniam omnes dies nostri defecerunt : * et in ira tua defecimus.

Anni nostri sicut aranea meditabuntur : * dies annorum nostrorum in ipsis, septuaginta anni.

Si autem in potentatibus octoginta anni : * et amplius eorum, labor et dolor.

Quoniam supervenit mansuetudo : * et corripiemur.

Quis novit potestatem irae tuae : * et præ timore tuo iram tuam dinumerare?

Dexteram tuam sic notam fac : * et eruditos corde in sapientia.

Convertere, Domine, usquequo? * et deprecabilis esto super servos tuos.

Repleti sumus mane misericordia tua : * et exultavimus, et delectati sumus omnibus diebus nostris.

Lætati sumus pro diebus, quibus nos humiliasti : * annis, quibus vidimus mala.

Réspice in servos tuos, et in ópera tua : * et dirige filios eorum.

Et sit splendor Domini, Dei nostri, super nos, et ópera manuum nostrarum dirige super nos : * et

opus manuum nostrarum dirige.

Ant. Domine, refugium factus es nobis.

Ant. Domine, * in cælo misericordia tua.

Psalmus 35

Dixit injustus ut delinquat in semetipso : * non est timor Dei ante oculos ejus.

Quoniam dolose egit in conspectu ejus : * ut inveniat iniquitas ejus ad odium.

Verba oris ejus iniquitas, et dolus : * noluit intelligere ut bene ágeret.

Iniquitatem meditatus est in cubili suo : * ástitit omni viæ non bonæ, malitiam autem non odivit.

Domine, in cælo misericordia tua : * et veritas tua usque ad nubes.

Justitia tua sicut montes Dei : * judicia tua abyssus multa.

Hómines, et juménta salvabis, Domine : * quemadmodum multiplicasti misericordiam tuam, Deus.

Filii autem hóminum, * in tégmine alarum tuarum sperabunt.

Inebriabuntur ab ubertate domus tuæ : * et torrente voluptatis tuæ potabis eos.

Quoniam apud te est fons vitæ : * et in lumine tuo videbimus lumen.

Præténde misericórdiam tuam sciéntibus te, * et justítiam tuam his, qui recto sunt corde.

Non véniat mihi pes supérbiæ : * et manus peccatóris non móveat me.

Ibi cecidérunt qui operántur iniquitátem : * expúlsi sunt, nec potuérunt stare.

Ant. Dómine, in cælo misericórdia tua.

Ant. Pópulus meus, * ait Dóminus, bonis meis adimplébitur.

Canticum Jeremiæ

Jer. 31, 10-14

Audíte verbum Dómini, gentes, * et annuntiáte in insulis, quæ procul sunt,

Et dícite : Qui dispérsit Israë́l, congregábit eum : * et custódiét eum sicut pastor gregem suum.

Redémit enim Dóminus Jacob, * et liberábit eum de manu potentióris.

Et vénient, et laudábunt in monte Sion : * et cónfluent ad bona Dómini.

Super fruménto, et vino, et óleo, * et fetu pécorum et armentórum :

Erítque ánima eórum quasi hortus irríguus, * et ultra non esúrient.

Tunc lætábitur virgo in choro, * júvenes et senes simul :

Et convértam luctum eó-

rum in gáudium, * et consolábor eos, et lætificábo a dolóre suo.

Et inebriábo ánimam sacerdotum pinguédine : * et pópulus meus bonis meis adimplébitur.

Ant. Pópulus meus, ait Dóminus, bonis meis adimplébitur.

Ant. Deo nostro * jucúnda sit laudátio.

Psalmus 146

Laudáte Dóminum quóniam bonus est psalmus : * Deo nostro sit jucúnda, decóraque laudátio.

Ædificans Jerúsalem Dóminus : * dispersiónes Israélis congregábit.

Qui sanat contrítos corde : * et álligat contritiónes eórum.

Qui númerat multitudínem stellárum : * et ómnibus eis nómina vocat.

Magnus Dóminus noster, et magna virtus ejus : * et sapiéntiæ ejus non est númerus.

Suscípiens mansuétos Dóminus : * humílians autem peccatóres usque ad terram.

Præcínite Dómino in confessióne : * psállite Deo nostro in cíthara.

Qui óperit cælum núbibus : * et parat terræ plúviam.

Qui producit in montibus
fœnum : * et herbam ser-
vituti hominum.

Qui dat iumentis escam
ipsorum : * et pullis cor-
vorum invocantibus eum.

Non in fortitudine equi
voluntatem habebit : * nec
in tibiis viri beneplacitum
erit ei.

Beneplacitum est Dômi-
no super timentes eum : *
et in eis, qui sperant super
misericordia ejus.

Extra Tempus Paschale

Ant. Deo nostro jucunda
sit laudatio.

Tempore Paschali

Ant. Allelûja, allelûja,
allelûja.

In Officio feriali T. P.

Capitulum Rom. 6, 9-10

CHristus resurgens ex
mortuis jam non mô-
ritur, mors illi ultra non
dominabitur. Quod enim
mortuus est peccato, môr-
tuus est semel : quod au-
tem vivit, vivit Deo.

Hymnus

Aurora cælum purpurat,
Æther resultat laudi-
bus,
Mundus triumphans jubi-
lat,
Horrens avêrnus infremit :

Rex ille dum fortissimus
De mortis infêrno specu
Patrum senatum liberum
Educit ad vitæ jubar.

Cujus sepulcrum plurimo
Custode signabat lapis,
Victor triumphat, et suo
Mortem sepulcro fûnerat.

Sat fûneri, sat lácrimis,
Sat est datum dolóribus :
Surréxit exstíntor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

✠. In resurrectione tua,
Christe, allelûja. ✠. Cæli
et terra læténtur, allelûja.

**Antiphona ad Benedictus ut
in Proprio de Tempore.**

Reliqua ut in Ordinario. 13

AD LAUDES II

*In Feriis V post Domini-
cam I Quadragesimæ usque
ad Feriam V in Cæna Domini
inclusive, quando fit Officium
de Feria.*

(Pater noster **et Ave.**)

✠. Deus, in adjutórium.

Ant. Tibi soli peccávi.

Feria V in Cæna Domini

Ant. Justificéris, Dómi-
ne, * in sermónibus tuis,
et vincas cum judicáris.

Psalmus 50



Iserére mei, Deus, *
secúndum magnam
misericórdiam tu-
am.

Et secúndum multitudi-
nem miseratiónum tuá-
rum, * dele iniquitátem
meam.

Amplius lava me ab ini-
quitáte mea : * et a pec-
cáto meo munda me.

Quóniam iniquitátem
meam ego cognósco : * et
peccátum meum contra
me est semper.

Tibi soli peccávi, et ma-
lum coram te feci : * ut
justificéris in sermónibus
tuis, et vincas cum judi-
cáris.

Ecce enim, in iniquitati-
bus concéptus sum : * et
in peccátis concépit me
mater mea.

Ecce enim, veritátem di-
lexisti : * incérta et oc-
cúlta sapiéntiæ tuæ mani-
festásti mihi.

Aspérges me hyssópo, et
mundábor : * lavábis me,
et super nivem dealbábor.

Audítui meo dabis gáu-
dium et lætítiam : * et
exsultábunt ossa humi-
liáta.

Avérte fáciem tuam a
peccátis meis : * et omnes
iniquitátes meas dele.

Cor mundum crea in me,
Deus : * et spíritum rectum
innova in viscéribus meis.

Ne projícias me a fácie
tua : * et spíritum san-
ctum tuum ne áuferas a
me.

Redde mihi lætítiam sa-
lutáris tui : * et spíritu
principáli confirma me.

Docébo iníquos vias
tuas : * et impii ad te
converténtur.

Líbera me de sanguíni-
bus, Deus, Deus salútis
meæ : * et exsultábit lin-
gua mea justítiam tuam.

Dómine, lábia mea apé-
ries : * et os meum annun-
tiábit laudem tuam.

Quóniam si voluisses sa-
crificium, dedíssem úti-
que : * holocáustis non
delectáberis.

Sacrificium Deo spíritus
contribulátus : * cor con-
trítum, et humiliátum,
Deus, non despícies.

Benigne fac, Dómine, in
bona voluntáte tua Sion : *
ut ædificéntur muri Jerú-
salem.

Tunc acceptábis sacrifi-
cium justítiæ, oblatiões,
et holocáusta : * tunc im-
pónent super altáre tuum
vítulos.

Ant. Tibi soli peccávi,
Dómine : miserére mei.

Ant. Convértere, Dó-
mine.

Feria V in Cœna Domini

Ant. Justificéris, Dómine,
in sermónibus tuis, et vin-
cas cum judicáris.

Ant. Dóminus * tamquam ovis ad víctimam ductus est, et non apéruit os suum.

Psalmus 89

Domine, refúgium factus es nobis : * a generatióne in generatióem.

Priúsqvam montes fierent, aut formarétur terra et orbis : * a sáculo et usque in sáculum tu es, Deus.

Ne avértas hóminem in humilitátem : * et dixísti : Convertimini, filii hóminum.

Quóniam mille anni ante óculos tuos, * tamquam dies hestérna, quæ prætériit,

Et custódia in nocte, * quæ pro níhilo habéntur, eórum anni erunt.

Mane sicut herba tráns-eat, mane flóreat, et tráns-eat : * véspere décidat, indúret et aréscat.

Quia defécimus in ira tua, * et in furóre tuo turbáti sumus.

Posuísti iniquitátes nostras in conspéctu tuo : * sáculum nostrum in illuminatione vultus tui.

Quóniam omnes dies nostri defecerunt : * et in ira tua defécimus.

Anni nostri sicut aránea meditabúntur : * dies añórum nostrórum in ipsis, septuagínta anni.

Si autem in potentátibus, octogínta anni : * et ámplius eórum, labor et dolor.

Quóniam supervénit mansuetúdo : * et corripiémur.

Quis novit potestátem iræ tuæ : * et præ timóre tuo iram tuam dinumeráre?

Déxteram tuam sic notam fac : * et eruditos corde in sapiéntia.

Convértere, Dómine, úsquequo? * et deprecábilis esto super servos tuos.

Repléti sumus mane misericórdia tua : * et exultávimus, et delectáti sumus ómnibus diébus nostris.

Lætáti sumus pro diébus, quibus nos humiliásti : * annis, quibus vídimus mala.

Réspice in servos tuos, et in ópera tua : * et dirige filios eórum.

Et sit splendor Dómini, Dei nostri, super nos, et ópera mánuum nostrárum dirige super nos : * et opus mánuum nostrárum dirige.

Ant. Convértere, Dómine, et deprecábilis esto super servos tuos.

Ant. Multiplicásti, Deus.

Feria V in Cœna Domini

Ant. Dóminus tamquam ovis ad víctimam ductus est, et non apéruit os suum.

Ant. Contrítum est * cor meum in médio mei, contremuérunt ómnia ossa mea.

Psalmus 35

Dixit injústus ut delínquat in semetípso : * non est timor Dei ante óculos ejus.

Quóniam dolóse egit in conspéctu ejus : * ut inve-niátur iníquitas ejus ad ódium.

Verba oris ejus iníquitas, et dolus : * nóluit intelli-gere ut bene ágeret.

Iniquitátem meditátus est in cubíli suo : * ástitit omni viæ non bonæ, malítiam autem non odívit.

Dómine, in cælo miseri-córdia tua : * et véritas tua usque ad nubes.

Justítia tua sicut montes Dei : * judícia tua abyssus multa.

Hómines, et juménta salvábis, Dómine : * quemádmódum multipli-cásti misericórdiam tuam, Deus.

Fílii autem hóminum, * in tégmine alárum tuárum sperábunt.

Inebriabúntur ab uber-táte domus tuæ : * et tor-rénte voluptátis tuæ potá-bis eos.

Quóniam apud te est fons vitæ : * et in lúmine tuo vidébimus lumen.

Præténde misericórdiam tuam sciéntibus te, * et

justítiam tuam his, qui recto sunt corde.

Non véniat mihi pes su-pérbiæ : * et manus pec-catóris non móveat me.

Ibi cecidérunt qui ope-rántur iniquitátem : * ex-púlsi sunt, nec potuérunt stare.

Ant. Multiplicásti, Deus, misericórdiam tuam.

Ant. Fortitúdo mea.

Feria V in Cæna Domini

Ant. Contrítum est cor meum in médio mei, contremuérunt ómnia ossa mea.

Ant. Exhortátus es * in virtúte tua, et in refectióne sancta tua, Dómine.

Canticum Moysis

Exodi 15, 1-19

CAntémus Dómino : glo-rióse enim magnificá-tus est, * equum et ascen-sórem dejécit in mare.

Fortitúdo mea, et laus mea Dóminus, * et factus est mihi in salútem :

Iste Deus meus, et glori-ficábo eum : * Deus patris mei, et exaltábo eum.

Dóminus quasi vir pu-gnátor, Omnípotens no-men ejus. * Currus Pha-raónis et exercítum ejus projécit in mare.

Elécti príncipes ejus sub-mérsi sunt in Mari Ru-bro : * abyssi operuérunt

eos, descendérunt in profúndum quasi lapis.

Déxtera tua, Dómine, magnificáta est in fortitúdine : déxtera tua, Dómine, percússit inimicum. * Et in multitudine glóriæ tuæ deposuísti adversários tuos :

Misísti iram tuam, quæ devorávit eos sicut stípulam. * Et in spíritu furoris tui congregatæ sunt aquæ :

Stetit unda fluens, * congregatæ sunt abyssi in médio mari.

Dixit inimicus : Pésequar et comprehéndam, * dívidam spólia, implébitur ánima mea :

Evaginábo gládium meum, * interficiet eos manus mea.

Flavit spíritus tuus, et opéruit eos mare : * submersi sunt quasi plumbum in aquis veheméntibus.

Quis similis tui in fórtibus, Dómine? * quis similis tui, magníficus in sanctitáte, terríbilis atque laudábilis, fáciens mirábilia?

Extendísti manum tuam, et devorávit eos terra. * Dux fuísti in misericórdia tua pópulo quem redemísti :

Et portásti eum in fortitúdine tua, * ad habitáculum sanctum tuum.

Ascendérunt pópuli, et iráti sunt : * dolóres obti-

nuérunt habitatóres Philísthiim.

Tunc conturbáti sunt príncipes Edom, robústos Moab obtínuit tremor : * obriguérunt omnes habitatóres Chánaan.

Irruat super eos formído et pavor, * in magnitúdine bráchii tui.

Fiant immóbiles quasi lapis, donec pertránseat pópulus tuus, Dómine, * donec pertránseat pópulus tuus iste, quem possedísti.

Introdúces eos, et plantábis in monte hereditátis tuæ, * firmíssimo habitáculo tuo quod operátus es, Dómine :

Sanctuárium tuum, Dómine, quod firmavérunt manus tuæ. * Dóminus regnábit in ætérnum et ultra.

Ingréssus est enim eques Phárao cum cúrribus et equítibus ejus in mare : * et redúxit super eos Dóminus aquas maris :

Fílii autem Israël ambulavérunt per siccum * in médio ejus.

Ant. Fortitúdo mea, et laus mea Dóminus : et factus est mihi in salútem.

Ant. Laudáte. †

Feria V in Cœna Domini

Ant. Exhortátus es in virtúte tua, et in refectióne sancta tua, Dómine.

Ant. Oblátus est * quia ipse vóluit, et peccáta nostra ipse portávit.

Psalmus 146

Laudáte † Dóminum quóniam bonus est psalmus : * Deo nostro sit jucúnda, decóraque laudátio.

Ædificans Jerúsalem Dóminus : * dispersiões Israélis congregábit.

Qui sanat contrítos corde : * et álligat contritiões eórum.

Qui númerat multitúdinem stellárum : * et ómnibus eis nómina vocat.

Magnus Dóminus noster, et magna virtus ejus : * et sapiéntiæ ejus non est númerus.

Suscípiens mansuétos Dóminus : * humílians autem peccatóres usque ad terram.

Præcínite Dómino in confessiõe : * psállite Deo nostro in cíthara.

Qui óperit cælum núbibus : * et parat terræ plúviam.

Qui prodúcit in móntibus fœnum : * et herbam servitúti hóminum.

Qui dat juméntis escam ipsórum : * et pullis corvórum invocántibus eum.

Non in fortitúdine equi voluntátem habébit : * nec in tibiis viri beneplácitum erit ei.

Beneplácitum est Dómino super timéntes eum : * et in eis, qui sperant super misericórdia ejus.

Ant. Laudáte Dóminum, qui sanat contrítos corde, et álligat contritiões eórum.

Feria V in Cœna Domini

Ant. Oblátus est quia ipse vóluit, et peccáta nostra ipse portávit.

Reliqua ut infra in Feria V in Cœna Domini.

Tempore Quadragesimæ
Capitulum **Is. 58, 1**

Clama, ne cesses, quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus

O Sol salútis, íntimis, Jesu, refúlge méntibus,

Dum, nocte pulsa, grátior Orbi dies renáscitur.

Dans tempus acceptábile,
Da lacrimárum rívlis
Laváre cordis víctimam,
Quam læta adúrat cáritas.

Quo fonte manávit nefas,
Fluent perénnes lácrimæ,
Si virga pæniténtiæ
Cordis rigórem cónterat.

Dies venit, dies tua,
In qua reflórent ómnia :
Lætémur et nos, in viam
Tua redúcti délixera.

Te prona mundi máchina,
Clemens, adóret, Trínitas,
Et nos novi per grátiam
Novum canámus cánti-
cum. Amen.

℣. Angelis suis Deus
mandávit de te. ℞. Ut cu-
stódiant te in ómnibus viis
tuis.

*Antiphona ad Benedictus ut
in Proprio de Tempore.*

*Expleto Cantico ac repetita
Antiphona, dicuntur sequen-
tes*

Preces feriales

KYrie, eléison. Christe,
eléison. KÝrie, eléison.

Pater noster, *quod dicitur a solo Hebdomadario totum clara voce, usque ad* ℣.

Et ne nos indúcas in
tentatiónem. ℞. Sed libera
nos a malo. ℣. Ego dixi :

Dómine, miserére mei.
℞. Sana ánimam meam,
quia peccávi tibi. ℣. Con-
vérttere, Dómine, úsque-
quo? ℞. Et deprecábilis
esto super servos tuos.

℣. Fiat misericórdia tua,
Dómine, super nos.

℞. Quemádmódum sperá-
vimus in te. ℣. Sacerdó-
tes tui induántur justí-
tiam. ℞. Et sancti tui ex-
súltent. ℣. Orémus pro
beatíssimo Papa nostro *N.*

℞. Dóminus consérvet
eum, et vivíficet eum, et
beátum fáciat eum in ter-
ra, et non tradat eum in
ánimam inimicórum ejus.

℣. Orémus et pro Antí-
stite nostro *N.* ℞. Stet et
pascat in fortitúdine tua,
Dómine, in sublimitáte
nóminis tui. ℣. Dómine,
salvum fac regem. ℞. Et
exáudi nos in die, qua in-
vocavérimus te. ℣. Sal-
vum fac pópulum tuum,
Dómine, et bédedic heredi-
táti tuæ. ℞. Et rege eos, et
extólle illos usque in ætér-
num. ℣. Meménto Con-
gregatiónis tuæ. ℞. Quam
possedísti ab iníto. ℣. Fiat
pax in virtúte tua. ℞. Et
abundántia in túrribus
tuis. ℣. Orémus pro bene-
factóribus nostris. ℞. Re-
tribúere dignáre, Dómine,
ómnibus, nobis bona fa-
ciéntibus propter nomen
tuum, vitam ætérnam.
Amen. ℣. Orémus pro
fidélibus defúctis. ℞. Ré-
quiem ætérnam dona eis,
Dómine, et lux perpétua
lúceat eis. ℣. Requiéscant
in pace. ℞. Amen. ℣. Pro
frátribus nostris absénti-
bus. ℞. Salvos fac servos
tuos, Deus meus, sperán-
tes in te. ℣. Pro afflíctis
et captívis. ℞. Libera
eos, Deus Israël, ex ómni-
bus tribulatiónibus suis.
℣. Mitte eis, Dómine, au-
xílium de sancto. ℞. Et
de Sion tuére eos. ℣. Dó-
mine, Deus virtútum, con-
vértte nos. ℞. Et osténde
fáciem tuam, et salvi éri-
mus. ℣. Exsúrge, Christe,

áduva nos. *℟.* Et libera nos propter nomen tuum. *℣.* Dómine, exáudi orationem meam. *℟.* Et clamor meus ad te véniat.

Reliqua ut in Ordinario. 13

Tempore Passionis

Capitulum Jer. 11, 19

VENíte, mittámus lignum in panem ejus, et eradámus eum de terra vivéntium, et nomen ejus non memorétur ámplius.

Hymnus

LUstra sex qui jam perégit,
Tempus implens córporis,
Sponte libera Redémptor
Passióni deditus,
Agnus in Crucis levátur
Immolándus stípitem.

Felle potus ecce languet :
Spina, clavi, láncea
Mite corpus perforárunt :
Unda manat, et cruor :
Terra, pontus, astra, mundus,
Quo lavántur flúmine!

CRUX fidélis, inter omnes
Arbor una nóbilis :
Silva talem nulla profert
Fronde, flore, gérmine :
Dulce ferrum, dulce lignum,
Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívitás;

Et supérni membra Regis
Tende miti stípitem.

Sola digna tu fuísti
Ferre mundi víctimam;
Atque portum præparáre
Arca mundo náufrago,
Quam sacer cruor perúnxit,

Fusus Agni corpore.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérsitas.

Amen.

℣. Eripe me de inimícis meis, Deus meus. *℟.* Et ab insurgéntibus in me libera me.

Antiphona ad Benedictus ut in Proprio de Tempore.

Preces feriales, ut supra. 229
Reliqua ut in Ordinario. 13

AD PRIMAM

Pater, Ave **et** Credo.

℣. Deus, in adjutórium.

Hymnus

JAM lucis orto sídere,
Deum precémur súpplices,
Ut in diúrnis áctibus
Nos servet a nocéntibus.

Linguam refrénans témperet,
Ne litis horror ínsonet :
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Filio,
Cum Spíritu Paráclito,
Nunc et per omne sæcu-
lum. Amen.

In Festis extra Tempus
Paschale : Ant. In loco
páscuæ.

In Officio feriali

Tempore Quadragesimæ

Ant. Vivo ego.

Feria V post Dom. Passionis

Ant. Libera me, Dómine.

Tempore Paschali : Ant.

Allelúja.

Psalmus 22



Ominus regit me, et
nihil mihi déerit : *
in loco páscuæ ibi
me collocávit.

Super aquam refectionis
educávit me : * ánimam
meam convértit.

Dedúxit me super sémi-
tas justítiæ, * propter no-
men suum.

Nam, et si ambulávero in
medio umbræ mortis, non
timébo mala : * quóniam
tu mecum es.

Virga tua, et báculus

tuus : * ipsa me consoláta
sunt.

Parásti in conspéctu meo
mensam, * advérsus eos,
qui tríbulant me.

Impinguásti in óleo ca-
put meum : * et calix
meus inébrians quam præ-
clárus est!

Et misericórdia tua sub-
sequétur me : * ómnibus
diébus vitæ meæ :

Et ut inhábitem in domo
Dómini, * in longitudínem
diérum.

Psalmus 71, i

D Eus, iudícium tuum
regi da : * et justí-
tiam tuam filio regis :

Judicáre pópulum tuum
in justítia, * et páuperes
tuos in iudício.

Suscípiant montes pacem
pópulo : * et colles justí-
tiam.

Judicábit páuperes pó-
puli, et salvos fáciet filios
páuperum : * et humiliá-
bit calumniatórem.

Et permanébit cum sole,
et ante lunam, * in gene-
ratione et generatióem.

Descéndet sicut plúvia in
vellus : * et sicut stillicidia
stillántia super terram.

Oriétur in diébus ejus
justítia, et abundántia pa-
cis : * donec auferátur luna.

Et dominábitur a mari
usque ad mare : * et a flú-
mine usque ad términos
orbis terrárum. Gl.

Psalmus 71, ii

Coram illo prócident
Æthíopes : * et inimíci
ejus terram lingent.

Reges Tharsis, et ínsulæ
múnera ófferent : * reges
Arabum et Saba dona ad-
dúcent.

Et adorábunt eum omnes
reges terræ : * omnes gen-
tes sérvient ei :

Quia liberábit páuperem
a poténite : * et páuperem,
cui non erat adjútor.

Parcet páuperi et ínopi : *
et ánimas páuperum sal-
vas fáciat.

Ex usúris et iniquitáte
rédimet ánimas eórum : *
et honorábile nomen eó-
rum coram illo.

Et vivet, et dábitur ei de
auro Arábiæ, et adorá-
bunt de ipso semper : *
tota die benedícant ei.

Et erit firmaméntum in
terra in summis móntium,
superextollétur super Lí-
banum fructus ejus : * et
florébunt de civitáte sicut
fœnum terræ.

Sit nomen ejus benedí-
ctum in sácula : * ante so-
lem pérmanet nomen ejus.

Et benedicéntur in ipso
omnes tribus terræ : * om-
nes gentes magnificábunt
eum.

Benedíctus Dóminus,
Deus Israël, * qui facit
mirábilia solus :

Et benedíctum nomen
majestátis ejus in ætér-

num : * et replébitur ma-
jestáte ejus omnis terra :
fiat, fiat.

¶ Quando ad Laudes dictus
fuerit Ps. 50 Miserére, hic
subjungitur sequens Ps. 97,
qui in Laudibus locum non
habuit.

Psalmus 97

Cantáte Dómino cánti-
cum novum : * quia
mirábilia fecit.

Salvávít sibi délixtera
ejus : * et bráchium san-
ctum ejus.

Notum fecit Dóminus sa-
lutáre suum : * in con-
spéctu géntium revelávit
justítiam suam.

Recordátus est miseri-
córdiæ suæ, * et veritátis
suæ dómui Israël.

Vidérunt omnes términi
terræ * salutáre Dei nostri.

Jubiláte Deo, omnis ter-
ra : * cantáte, et exsul-
táte, et psállite.

Psállite Dómino in cí-
thara, in cíthara et voce
psalmi : * in tubis du-
ctílibus, et voce tubæ cór-
neæ.

Jubiláte in conspéctu re-
gis Dómini : * moveátur
mare, et plenitúdo ejus :
orbis terrárum, et qui há-
bitant in eo.

Flúmina plaudent manu,
simul montes exsultábunt
a conspéctu Dómini : *
quóniam venit judicáre
terram.

Judicabit orbem terrarum in iustitia, * et populos in æquitate.

Secus vero, tribus Psalmis expletis, statim dicitur Ant.

In Festis extra Tempus Paschale : Ant. In loco pascuæ, ibi Dominus me collocavit.

In Officio feriali

Tempore Quadragesimæ

Ant. Vivo ego, dicit Dominus : nolo mortem peccatoris, sed ut magis convertatur, et vivat.

Feria V post Dom. Passionis

Ant. Libera me, Domine, et pone me juxta te : et cuiusvis manus pugnet contra me.

Tempore Paschali : Ant. Allelúja, allelúja, allelúja.

In Officio Festi vel Octavæ et in Feriis Temp. Paschalis :

Capitulum 1 Tim. 1, 17

Regi sæculorum immortalis et invisibilis, soli Deo honor et gloria in sæcula sæculorum. Amen.

In omnibus autem Feriis extra Tempus Paschale :

Capitulum Zach. 8, 19

Pacem et veritatem diligite, ait Dominus omnipotens.

℟. br. Christe, Fili Dei vivi, * Miserere nobis. Christe. **℣.** *Qui sedes ad dexteram Patris.* Miserere

nobis. **Glória Patri.** Christe. **℣.** Exsúrge, Christe, ádjuva nos. **℟.** Et libera nos propter nomen tuum.

In feriali Officio Tempore Passionis omittitur Glória Patri.

Tempore Paschali

℟. br. Christe, Fili Dei vivi, miserere nobis, * Allelúja, allelúja. Christe. **℣.** *Qui surrexisti a mortuis.* Allelúja, allelúja. **Glória Patri.** Christe. **℣.** Exsúrge, Christe, ádjuva nos, allelúja. **℟.** Et libera nos propter nomen tuum, allelúja.

Preces dominicales et feriales (si dicendæ sint)

Kýrie, eléison. Christe, eléison. Kýrie, eléison.

Pater noster, secreto usque ad ℣. Et ne nos inducas in tentationem. **℟.** Sed libera nos a malo.

Credo in Deum secreto usque ad ℣. Carnis resurrectionem. **℟.** Vitam æternam. Amen. **℣.** Et ego ad te, Domine, clamavi. **℟.** Et mane oratio mea præveniet te. **℣.** Repleatur os meum laude. **℟.** Ut cantem gloriam tuam, tota die magnitudinem tuam. **℣.** Domine, averte faciem tuam a peccatis meis. **℟.** Et omnes iniquitates meas dele. **℣.** Cor mundum crea in me, Deus. **℟.** Et spiritum rectum

innova in viscéribus meis. **V.** Ne projicias me a fácie tua. **R.** Et spíritum sanctum tuum ne áuferas a me. **V.** Redde mihi lætítiam salutáris tui. **R.** Et spíritu principáli confirma me.

In Precibus ferialibus tantum

V. Eripe me, Dómine, ab hómine malo. **R.** A viro iníquo éripe me. **V.** Eripe me de inimícis meis, Deus meus. **R.** Et ab insurgéntibus in me libera me. **V.** Eripe me de operántibus iniquitátem. **R.** Et de viris sánguinem salva me. **V.** Sic psalmum dicam nómini tuo in sáculum sáculi. **R.** Ut reddam vota mea de die in diem. **V.** Exáudi nos, Deus, salutáris noster. **R.** Spes ómnium finium terræ, et in mari longe. **V.** Deus, in adjutórium meum inténde. **R.** Dómine, ad adjuvándum me festína. **V.** Sanctus Deus, Sanctus fortis, Sanctus immortalis. **R.** Miserére nobis. **V.** Bénedic, ánima mea, Dómino. **R.** Et ómnia, quæ intra me sunt, nómini sancto ejus. **V.** Bénedic, ánima mea, Dómino. **R.** Et noli oblivísci omnes retributiónes ejus. **V.** Qui propitiátur ómnibus iniquitatibus tuis. **R.** Qui sanat omnes infir-

mitátes tuas. **V.** Qui rédimít de intéritu vitam tuam. **R.** Qui coronat te in misericórdia et miserationibus. **V.** Qui replet in bonis desidérium tuum. **R.** Renovábitur ut áquilæ juvéntus tua.

In utrisque Precibus

V. Adjutórium nostrum in nómine Dómini. **R.** Qui fecit cælum et terram.

Confiteor. Misereátur. Indulgéntiam.

V. Dignáre, Dómine, die isto. **R.** Sine peccáto nos custodíre. **V.** Miserére nostri, Dómine. **R.** Miserére nostri. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Dómine, exáudi oratiómem meam. **R.** Et clamor meus ad te véniat.

V. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervenire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitationes et ópera. Per Dóminum. **R.** Amen.

V. Dóminus vobíscum.

V. Benedicámus Dómino.

Deinde in Choro legitur Martyrologium. Postea Hebdomadarius dicit :

℣. Pretiosa in conspectu Domini. ℟. Mors Sanctorum ejus.

Et absolute, sine Orémus :

Oratio

Sancta Maria, et omnes Sancti intercédant pro nobis ad Dominum, ut nos mereámur ab eo adjuvâri et salvâri, qui vivit et regnat in sæcula sæculorum. ℟. Amen.

℣. Deus, in adjutórium meum inténde. ℟. Domine, ad adjuvándum me festína. Et dicitur ter; ultimo additur : Glória Patri. Sicut erat.

Kýrie, eléison. Christe, eléison. Kýrie, eléison.

Pater noster secreto usque ad ℣. Et ne nos inducas in tentationem. ℟. Sed libera nos a malo. ℣. Réspice in servos tuos, Domine, et in ópera tua, et dirige filios eórum. ℟. Et sit splendor Domini, Dei nostri, super nos, et ópera mánuum nostrárum dirige super nos, et opus mánuum nostrárum dirige. ℣. Glória Patri. ℟. Sicut erat.

Orémus.

Oratio

Dirigere et sanctificâre, régere et gubernâre dignâre, Domine Deus, Rex cæli et terræ, hódie

corda et cörpera nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sæcula sæculorum. ℟. Amen.

℣. Jube, domne.

Bened. Dies et actus nostros in sua pace dispónat Dominus omnipotens.

℟. Amen.

In Officio feriali

Tempore Quadragesimæ

Quærite Dominum, dum inveníri potest : invocáte eum, dum prope est. Tu autem.

Tempore Passionis

Faciem meam non averti ab increpántibus, et conspuéntibus in me. Dominus Deus auxiliátor meus, et ideo non sum confúsus.

Tempore Paschali

Si consurrexistis cum Christo, quæ sursum sunt quærite, tibi Christus est in dextera Dei sedens : quæ sursum sunt sápite, non quæ super terram.

E Proprio Sanctorum

Pro Octava S. Joseph

Filius accrésceus Joseph, filius accrésceus, et decórus aspéctu : filiæ discurrerunt super murum.

E Communi Sanctorum

Pro Ap. et Ev. extra T. P.

IBant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

*Pro Ap. et Ev.,
uno et plur. Mm. T. P.*

SCimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

Pro uno Mart. extra T. P.

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

Pro plur. Mart. extra T. P.

Fulgébunt iusti, et tamquam scintillæ in arundineto discúrent. Judicábunt nátiónes, et dominabúntur pópulis : et regnabit Dóminus illórum in perpétuum.

Pro Conf. Pont.

Fungi sacerdótio, et habére laudem in nómine ipsius, et offérre illi incénsus dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam san-

ctórum; honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitatióem meam, et pro morte defluénte deprecáta sum. Invocávi Dóminum, Patrem Dómini mei, ut non derelinquat me in die tribulatióis meæ, et in témpore superbórum sine adjutório.

Pro Virgine non Martyre

O quam pulchra est casta generátio cum claritáte! immortalis est enim memória illíus : quóniam apud Deum nota est, et apud hómines.

Pro Martyre tantum

Laudábit usque ad mortem ánima mea Dóminum, quóniam éruis sustinéntes te, et líberas eos de manu angústiae, Dómine, Deus noster.

Pro nec Virg. nec Mart.

Multæ filiæ congregáverunt divítias : tu supergréssa es univérsas. Fallax grátia, et vana est pulchritúdo : múlter timentis Dóminum, ipsa laudábitur.

Pro Dedicatione Ecclesiæ

Et abstérget Deus omnem lácrimam ab óculis eórum : et mors ultra

non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce, nova fá-cio ómnia.

In Officiis B. Mariæ V.

IN platéis sicut cinnamó-mum et bálsamum arom-atízans odórem dedi : quasi myrrha elécta dedi suavitátem odóris.

℣. Adjutórium nostrum in nómine Dómini. ℞. Qui fecit cælum et terram.

℣. Benedícite. ℞. Deus.

Benedictio Dóminus nos benedícat, et ab omni ma-lo deféndat, et ad vitam perdúcat ætérnam. Et fidé-lium ánimæ per misericór-diam Dei requiészant in pace. ℞. Amen.

Deinde dicitur tantum Pater noster **secreto, nisi sequatur alia Hora.**

AD TERTIAM

Pater noster **et** Ave.

℣. Deus, in adjutórium.

Hymnus

Nunc, Sancte, nobis,
Spíritus,
Unum Patri cum Fílio,
Dignáre promptus ingeri
Nostro refúsus péctori.

Os, lingua, mens, sensus,
vigor
Confessióem pérsonent,

Flamméscat igne cáritas,
Accéndat ardor próximos.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sæcu-lum. Amen.

In Festis extra Tempus Paschale : Ant. Quam bo-nus. †

In Officio feriali

Tempore Quadragesimæ

Ant. Advenérunt nobis.

Feria V post Dom. Passionis

Ant. Judicásti, Dómine.

Tempore Paschali : Ant.
Allelúja.

Psalmus 72, i

Quam bonus † Israël
Deus, * his qui re-cto sunt corde!

Mei autem pæne moti
sunt pedes : * pæne effúsi
sunt gressus mei.

Quia zelávi super iní-quos, * pacem peccatórum
videns.

Quia non est respéctus
morti eórum : * et firma-méntum in plaga eórum.

In labóre hómínium non
sunt, * et cum homínibus
non flagellabúntur :

Ideo ténuít eos supér-bia, * opérti sunt iniqui-táte et impietáte sua.

Pródiit quasi ex ádi-pe
iníquitas eórum : * trans-íerunt in afféctum cordis.

Cogitavérunt, et locúti sunt nequítiam : * iniquitátem in excélsio locúti sunt.

Posuérunt in cælum os suum : * et lingua eórum transívit in terra.

Psalmus 72, ii

IDeo convertétur pópulus meus hic : * et dies pleni inveniéntur in eis.

Et dixerunt : Quómodo scit Deus, * et si est sciéntia in excélsio?

Ecce, ipsi peccatóres, et abundátes in sǎculo, * obtinuérunt divítias.

Et dixi : Ergo sine causa justificávi cor meum, * et lavi inter innocétes manus meas :

Et fui flagellátus tota die, * et castigátio mea in matutínis.

Si dicébam : Narrábo sic : * ecce, natióem filiórum tuórum reprobávi.

Existimábam ut cognóscerem hoc, * labor est ante me :

Donec intrem in Sanctuárium Dei : * et intélligam in novíssimis eórum.

Psalmus 72, iii

Verúmtamen propter dolos posuísti eis : * deiecísti eos dum allevaréntur.

Quómodo facti sunt in desolatióem, súbito defecérunt : * periérunt propter iniquitátem suam.

Velut sómnum surgéntium, Dómine, * in civitáte tua imáginem ipsórum ad níhilum redíges.

Quia inflammátum est cor meum, et renes mei commutáti sunt : * et ego ad níhilum redáctus sum, et nescívi.

Ut juméntum factus sum apud te : * et ego semper tecum.

Tenuísti manum dexteram meam : et in voluntáte tua deduxísti me, * et cum glória suscepísti me.

Quid enim mihi est in cælo? * et a te quid vólui super terram?

Defécit caro mea, et cor meum : * Deus cordis mei, et pars mea Deus in ætérnum.

Quia ecce, qui elóngant se a te, períbunt : * perdidísti omnes, qui fornicántur abs te.

Mihi autem adhærere Deo bonum est : * pónere in Dómino Deo spem meam :

Ut annúntiem omnes prædicatiónes tuas, * in portis filiæ Sion.

In Festis extra Tempus Paschale : Ant. Quam bonus Israël Deus, his, qui recto sunt corde!

Tempore Paschali : Ant. Allelúja, allelúja, allelúja.

In Officio feriali
Quadragesimæ

Ant. Advenérunt nobis dies pæniténtiæ, ad rediménda peccáta, ad salvándas ánimas.

Capitulum Joel 2, 12-13

Convertímini ad me in toto corde vestro, in jejúnio et fletu, et planctu. Et scíndite corda vestra, et non vestiménta vestra, ait Dóminus omnípotens.

℟. br. Ipse liberávit me
* De láqueo venántium. Ipse. **℣.** Et a verbo áspero. De. **Glória Patri.** Ipse. **℣.** Scápulis suis obumbrábit tibi. **℟.** Et sub pennis ejus sperábis.

Preces feriales

Kyrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatióem. **℟.** Sed libera nos a malo. **℣.** Dómine, Deus virtútum, convertéte nos. **℟.** Et osténde faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratióem meam. **℟.** Et clamor meus ad te véniat.

Reliqua ut in Ordinario. 25

Tempore Passionis

Feria V post Dom. Passionis

Ant. Judicásti, Dómine, causam ánimæ meæ, de-

fénsor vitæ meæ, Dómine, Deus meus.

Capitulum Jer. 17, 13

Domine, omnes qui te derelinquunt, confundéntur : recedéntes a te, in terra scribéntur : quóniam dereliquérunt venam aquárum vivéntium Dóminum.

℟. br. Erue a frámea,
* Deus, ánimam meam. Erue. **℣.** Et de manu canis únicam meam. Deus. Erue. **℣.** De ore leónis libera me, Dómine. **℟.** Et a córnis unicórnum humilitátem meam.

Preces feriales, ut supra.

Tempore Paschali

Capitulum Rom. 6, 9-10

Christus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

℟. br. Surréxit Dóminus de sepúlcro, * Allelúja, allelúja. Surréxit. **℣.** Qui pro nobis pepéndit in ligno. Allelúja, allelúja. **Glória Patri.** Surréxit. **℣.** Surréxit Dóminus vere, allelúja. **℟.** Et apparuit Simóni, allelúja.

Reliqua ut in Ordinario. 25

AD SEXTAM

Pater noster **et** Ave.

℟. Deus, in adiutorium.

Hymnus

Rector potens, verax
Deus,
Qui temperas rerum vices,
Splendore mane illuminas,
Et ignibus meridiem :

Exstingue flammam litium,
Aufer calorem noxium,
Confer salutem corporum,
Veramque pacem cordium.

* Præsta, Pater piissime,
Patricum compar Unice,
Cum Spiritu Paraclyto
Regnans per omne sæculum.
Amen.

In Festis extra Tempus
Paschale : Ant. Memor
esto.

In Officio feriali

Tempore Quadragesimæ

Ant. Commendemus nosmetipsos.

Feria V post Dom. Passionis

Ant. Pópule meus.

Tempore Paschali : Ant.
Allelúja.

Psalmus 73, i

T quid, Deus, reputasti in finem : * iratus est furor tuus super oves pascuæ tuæ?

Memor esto congregationis tuæ, * quam possedisti ab initio.

Redemisti virgam hereditatis tuæ : * mons Sion, in quo habitasti in eo.

Leva manus tuas in superbias eorum in finem : * quanta malignatus est inimicus in sancto!

Et gloriati sunt qui oderunt te : * in medio solemnitatis tuæ.

Posuerunt signa sua, signa : * et non cognoverunt sicut in exitu super summum.

Quasi in silva lignorum securibus exciderunt januas ejus in idipsum : * in securi et ascia dejecerunt eam.

Incenderunt igni Sanctuarium tuum : * in terra polluerunt tabernaculum nominis tui.

Dixerunt in corde suo cognatio eorum simul : * Quiescere faciamus omnes dies festos Dei a terra.

Signa nostra non vidimus, jam non est propheta : * et nos non cognoscet amplius.

Psalmus 73, ii

Usquequo, Deus, impropérabit inimicus : * irritat adversarius nomen tuum in finem?

Ut quid avértis manum tuam, et dexteram tuam, * de medio sinu tuo in finem?

Deus autem Rex noster ante sæcula : * operá-

tus est salutem in medio terræ.

Tu confirmasti in virtute tua mare : * contribulasti capita draconum in aquis.

Tu confregisti capita draconis : * dedisti eum escam populis Æthiopum.

Tu dirupisti fontes, et torrentes : * tu siccasti fluvios Ethan.

Tuus est dies, et tua est nox : * tu fabricatus es auroram et solem.

Tu fecisti omnes terminos terræ : * æstatem et ver tu plasmasti ea.

Psalmus 73, iii

Memor esto hujus, inimicus improperavit Dómino : * et populus insipiens incitavit nomen tuum.

Ne tradas bestiis ánimas confitentes tibi, * et ánimas páuperum tuórum ne obliviscáris in finem.

Réspice in testaméntum tuum : * quia repléti sunt, qui obscuráti sunt terræ dómibus iniquitatum.

Ne avertátur húmilis factus confusus : * pauper et inops laudábunt nomen tuum.

Exsúrge, Deus, júdica causam tuam : * memor esto improperiórum tuórum, eórum quæ ab insipiente sunt tota die.

Ne obliviscáris voces inimicórum tuórum : * su-

pérbia eórum, qui te odérunt, ascéndit semper.

In Festis extra Tempus Paschale : Ant. Memor esto congregatiónis tuæ, Dómine, quam possedisti ab initio.

Tempore Paschali : Ant. Allelúja, allelúja, allelúja.

In Officio feriali Quadragesimæ

Ant. Commendémus nosmetipsos in multa patientia, in jejuniis multis, per arma justitiæ.

Capitulum Is. 55, 7

Derelinquat impius viam suam, et vir iniquus cogitationes suas, et revertatur ad Dóminum, et miserébitur ejus, et ad Deum nostrum, quóniam multus est ad ignoscéndum.

℟. br. Scápolis suis * Obumbrábit tibi. Scápolis.

℣. Et sub pennis ejus sperábis. Obumbrábit tibi.

Gloria Patri. Scápolis.

℣. Scuto circúmdabit te veritas ejus. **℟.** Non timébis a timóre noctúrno.

Preces feriales

Kyrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatiónem. **℟.** Sed libera nos a malo. **℣.** Dómine, Deus virtútum, converte nos. **℟.** Et osténde

faciem tuam, et salvi érimus. *℣.* Exsúrge, Christe, ádjuva nos. *℟.* Et libera nos propter nomen tuum. *℣.* Dómine, exáudi oratió-nem meam. *℟.* Et clamor meus ad te véniat.

Reliqua ut in Ordinario. 27

Tempore Passionis

Feria V post Dom. Passionis

Ant. Pópule meus, quid feci tibi? aut quid moléstus fui? Respónde mihi.

Capitulum Jer. 17, 18

Confundántur qui me persecuúntur, et non confúndar ego : páveant illi, et non páveam ego : induc super eos diem afflictiónis, et dúplici contritióne cóntere eos, Dómine, Deus noster.

℟. br. De ore leónis * Líbera me, Dómine. De. *℣.* Et a córnibus unicórnium humilitátem meam. Líbera. De. *℣.* Ne perdas cum ímpis, Deus, ánimam meam. *℟.* Et cum viris sánguini vitam meam.

Preces feriales, ut supra. 241

Tempore Paschali

Capit. 1 Cor. 15, 20-22

Christus resurréxit a mórtuis primítiae dormiéntium : quóniam quidem per hóminem mors, et per hóminem resurrectio mortuórum. Et sicut

in Adam omnes moriúntur, ita et in Christo omnes vivificabúntur.

℟. br. Surréxit Dóminus vere, * Allelúja, allelúja. Surréxit. *℣.* Et appáruit Simóni. Allelúja, allelúja. Glória Patri. Surréxit. *℣.* Gavísi sunt discípuli, allelúja. *℟.* Viso Dómino, allelúja.

Reliqua ut in Ordinario. 27

AD NONAM

Pater noster *et* Ave.

℣. Deus, in adjutórium.

Hymnus

Rerum, Deus, tenax vigor,
Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam decídat,
Sed præmíum mortis sacræ
Perénis instet glória.

* Præsta, Pater piússime,
Patrique compar Unice,
Cum Spíritu Paráclito
Regnans per omne sáculum.
Amen.

In Festis extra Tempus Paschale : Ant. Invocabimus.

In Officio feriali

Tempore Quadragesimæ

Ant. Per arma justítiæ.

Feria V post Dom. Passionis

Ant. Numquid rédditur.

Tempore Paschali : Ant.
Allelúja.

Psalmus 74



Onfitébimur tibi,
Deus : * confitébi-
mur, et invocábi-
mus nomen tuum.

Narrábimus mirabilia
tua : * cum accépero tem-
pus, ego justítias judicábo.

Liquefácta est terra, et
omnes qui hábitant in
ea : * ego confirmávi co-
lúmnas ejus.

Dixi iníquis : Nolíte iní-
que ágere : * et delinquén-
tibus : Nolíte exaltáre
cornu :

Nolíte extóllere in altum
cornu vestrum : * nolíte
loqui advérsus Deum ini-
quitátem.

Quia neque ab Oriénte,
neque ab Occidénte, ne-
que a désertis móntibus : *
quóniam Deus judex est.

Hunc humíliat, et hunc
exáltat : * quia calix in
manu Dómini vini meri
plenus misto.

Et inclinávit ex hoc in
hoc : verúmtamen fæx ejus
non est exinaníta : * bibent
omnes peccatóres terræ.

Ego autem annuntiábo in
sæculum : * cantábo Deo
Jacob.

Et ómnia córnua peccató-
rum confríngam : * et ex-
altabúntur córnua justí.

Psalmus 75, i

Notus in Judæa Deus : *
in Israël magnum no-
men ejus.

Et factus est in pace lo-
cus ejus : * et habitatio
ejus in Sion.

Ibi confrégit poténtias
árcuum, * scutum, glá-
dium, et bellum.

Illúminans tu mirábiliter
a móntibus ætérnis : *
turbáti sunt omnes insi-
piétes corde.

Dormiérunt somnum su-
um : * et nihil invenérunt
omnes viri divitiárum in
mánibus suis.

Ab increpatione tua,
Deus Jacob, * dormitavé-
runt qui ascendérunt
equos.

Psalmus 75, ii

TU terríbilis es, et quis
résistet tibi? * ex tunc
ira tua.

De cælo audítum fecísti
judícium : * terra trémuit
et quiévit.

Cum exsúrgeret in judí-
cium Deus, * ut salvos
fáceret omnes mansuétos
terræ.

Quóniam cogitatio hómi-
nis confitébitur tibi : * et
reliquiæ cogitationis diem
festum agent tibi.

Vovéte, et réddite Dómi-
no, Deo vestro : * omnes,
qui in circúitu ejus affér-
tis múnera.

Terríbili et ei qui aufert spíritum princípum, * terríbili apud reges terræ.

In Festis extra Tempus Paschale : *Ant.* Invocabimus nomen tuum, Dómine : narrábitus mirabilia tua.

Tempore Paschali : *Ant.* Allelúja, allelúja, allelúja.

In Officio feriali
Quadragesimæ

Ant. Per arma justitiæ virtútis Dei commendemus nosmetipsos in multa patientia.

Capitulum Is. 58, 7

FRange esuriénti panem tuum, et egénos vagósque induc in domum tuam : cum videris nudum, óperi eum, et carnem tuam ne despéxeris.

℟. br. Scuto circúmdabit te * Véritas ejus. Scuto.

℣. Non timébis a timóre noctúrno. Véritas ejus.

Gloria Patri. Scuto. *℣.* Angelis suis Deus mandávit de te. *℟.* Ut custódiant te in ómnibus viis tuis.

Preces feriales

KYrie, eléison. Christe, eléison. Kýrie, eléison.

Pater noster **secreto usque ad** *℣.* Et ne nos inducas in tentationem. *℟.* Sed libera nos a malo. *℣.* Dómine, Deus virtútum, converte nos. *℟.* Et osténde

faciem tuam, et salvi érimus. *℣.* Exsúrge, Christe, ádjuva nos. *℟.* Et libera nos propter nomen tuum. *℣.* Dómine, exáudi orationem meam. *℟.* Et clamor meus ad te véniat.

Reliqua ut in Ordinario. 29

Tempore Passionis

Feria V post Dom. Passionis

Ant. Numquid rédditur pro bono malum, quia fodérunt fóveam ánimæ meæ?

Capitulum Jer. 18, 20

Recordáre quod stéterim in conspéctu tuo, ut lóquerer pro eis bonum, et avérterem indignationem tuam ab eis.

℟. br. Ne perdas cum impiis, * Deus, ánimam meam. Ne. *℣.* Et cum viris sánguinem vitam meam. Deus. Ne. *℣.* Eripe me, Dómine, ab hómine malo. *℟.* A viro iníquo éripe me.

Preces feriales, ut supra.

Tempore Paschali

Capitulum 1 Petri 3, 18

Christus semel pro peccátis nostris mórtuus est, justus pro injústis, ut nos offérret Deo, mortificátus quidem carne, vivificátus autem spíritu.

℟. br. Gavísi sunt discipuli, * Allelúja, allelúja. Gavísi. *℣.* Viso Dómino. Allelúja, allelúja. **G**loria

Patri. Gavísi. **℟.** Mane nobiscum, Dómine, allelúja.
℞. Quóniam advesperáscit, allelúja.

Reliqua ut in Ordinario. 29

AD VESPERAS

Pater noster **et** Ave.

℟. Deus, in adjutórium.

Extra Tempus Paschale

Ant. Ecce, quam bonum * † et quam jucundum, habitáre fratres in unum! †

Tempore Pasehali

Ant. Allelúja, * allelúja, allelúja.

Psalmus 132



Ecce, quam bonum † et quam jucundum, * habitáre fratres in unum : †

Sicut unguéntum in cápite, * quod descéndit in barbam, barbam Aaron.

Quod descéndit in oram vestiménti ejus : * sicut ros Hermon, qui descéndit in montem Sion.

Quóniam illic mandávit Dóminus benedictiónem, * et vitam usque in sæculum.

Ant. Ecce, quam bonum et quam jucundum, habitáre fratres in unum!

Ant. Confitémini Dómino * † quóniam in ætérnum misericórdia ejus.

Psalmus 135, i

Confitémini Dómino † quóniam bonus : * quóniam in ætérnum misericórdia ejus.

Confitémini Deo deórum : * quóniam in ætérnum misericórdia ejus.

Confitémini Dómino dominórum : * quóniam in ætérnum misericórdia ejus.

Qui facit mirabília magna solus : * quóniam in ætérnum misericórdia ejus.

Qui fecit cælos in intellectu : * quóniam in ætérnum misericórdia ejus.

Qui firmávit terram super aquas : * quóniam in ætérnum misericórdia ejus.

Qui fecit luminária magna : * quóniam in ætérnum misericórdia ejus.

Solem in potestátem diéi : * quóniam in ætérnum misericórdia ejus.

Lunam, et stellas in potestátem noctis : * quóniam in ætérnum misericórdia ejus.

Ant. Confitémini Dómino quóniam in ætérnum misericórdia ejus.

Ant. Confitémini Dómino, * quia in humilitáte nostra memor fuit nostri.

Psalmus 135, ii

QUI percússit Ægýptum cum primogénitis eórum : * quóniam in ætérnum misericórdia ejus.

Qui edúxit Israël de médio eórum : * quóniam in ætérnum misericórdia ejus.

In manu poténti, et bráchio excélso : * quóniam in ætérnum misericórdia ejus.

Qui divísit Mare Rubrum in divisiónes : * quóniam in ætérnum misericórdia ejus.

Et edúxit Israël per médium ejus : * quóniam in ætérnum misericórdia ejus.

Et excússit Pharaónem, et virtútem ejus in Mari Rubro : * quóniam in ætérnum misericórdia ejus.

Qui tradúxit pópulum suum per desértum : * quóniam in ætérnum misericórdia ejus.

Qui percússit reges magnos : * quóniam in ætérnum misericórdia ejus.

Et occídit reges fortes : * quóniam in ætérnum misericórdia ejus.

Sehon, regem Amorrhæórum : * quóniam in ætérnum misericórdia ejus.

Et Og, regem Basan : * quóniam in ætérnum misericórdia ejus.

Et dedit terram eórum hereditátem : * quóniam in ætérnum misericórdia ejus.

Hereditátem Israël, servo suo : * quóniam in ætérnum misericórdia ejus.

Quia in humilitáte nostra memor fuit nostri : * quóniam in ætérnum misericórdia ejus.

Et redémit nos ab inimícis nostris : * quóniam in ætérnum misericórdia ejus.

Qui dat escam omni carni : * quóniam in ætérnum misericórdia ejus.

Confitémini Deo cæli : * quóniam in ætérnum misericórdia ejus.

Confitémini Dómino dominórum : * quóniam in ætérnum misericórdia ejus.

Ant. Confitémini Dómino, quia in humilitáte nostra memor fuit nostri.

Ant. Adháreat lingua mea * fáucibus meis, si non memínero tui, Jerúsalem.

Psalmus 136

Super flúmina Babylónis, illic sédimus et flévimus : * cum recordáremur Sion :

In salícibus in médio ejus, * suspéndimus órgano nostra.

Quia illic interrogavérunt nos, qui captívos duxérunt nos, * verba cantiónum :

Et qui abduxérunt nos : * Hymnum cantáte nobis de cánticis Sion.

Quómodo cantábimus cánticum Dómini : * in terra aliéna?

Si oblítus fúero tui, Jerúsalem, * obliuioni detur dextera mea.

Adháreat lingua mea fáucibus meis, * si non memínero tui :

Si non proposúero Jerúsalem, * in princípio lætitiæ meæ.

Memor esto, Dómine, filiórum Edom, * in die Jerúsalem :

Qui dicunt : Exinaníte, exinaníte : * usque ad fundaméntum in ea.

Fília Babylónis mísera : * beátus, qui retríbuet tibi retributióem tuam, quam retribuísti nobis.

Beátus, qui tenébit, * et allidet párvulos tuos ad petram.

Ant. Adháreat lingua mea fáucibus meis, si non memínero tui, Jerúsalem.

Ant. Confitébor * † nómini tuo, Dómine, super misericórdia et veritáte tua.

Psalmus 137

Confitébor † tibi, Dómine, in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invo-

cávero te, exáudi me : * multiplicábis in ánima mea virtútem.

Confiteántur tibi, Dómine, omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília réspicit : * et alta a longe cognóscit.

Si ambulávero in médio tribulatióis, vivificábis me : * et super iram inimicórum meórum extendísti manum tuam, et salvum me fecit dextera tua.

Dóminus retríbuet pro me : * Dómine, misericórdia tua in sæculum : ópera mánuum tuárum ne despicias.

Extra Tempus Paschale

Ant. Confitébor nómini tuo, Dómine, super misericórdia et veritáte tua.

Tempore Paschali

Ant. Allelúja, allelúja, allelúja.

In Officio feriali Quadragesimæ

Capitulum Joel 2, 17

Inter vestibulum et altáre plorábunt sacerdótes, ministri Dómini, et dicent : Parce, Dómine, parce pópulo tuo : et ne des hereditátem tuam in

opprobrium, ut dominentur eis nationes.

Hymnus

AUdi, benigne Cónditor,
Nostras preces cum flétibus,

In hoc sacro jejúnio
Fusas quadragenário.

Scrutátor alme córdium
Infirma tu scis vírium :
Ad te revérsis éxhibe
Remissiónis grátiam.

Multum quidem peccávimus,

Sed parce confiténtibus :
Ad nóminis laudem tui
Confer medélam lánguidis.

Concéde nostrum cónteri
Corpus per abstinentiam;
Culpæ ut relínquant pábulum

Jejúna corda críminum.

Præsta, beáta Trínitas,
Concéde, simplex Unitas;
Ut fructuósa sint tuis
Jejuniórum múnera. Amen.

V. Angelis suis Deus
mandávit de te. **R.** Ut custódiant te in ómnibus viis
tuis.

Antiphona ad Magnificat ut in Proprio de Tempore.

Expleto Cantico ac repetita Antiphona, dicuntur sequentes

Preces feriales

KYrie, eléison. Christe,
eléison. Kýrie, eléison.

Pater noster, quod dicitur a solo Hebdomadario totum clara voce, usque

ad V. Et ne nos indúcas in tentatiónem. **R.** Sed libera nos a malo. **V.** Ego dixi : Dómine, miserére mei.

R. Sana ánimam meam, quia peccávi tibi. **V.** Convertere, Dómine, úsquequo? **R.** Et deprecábilis esto super servos tuos.

V. Fiat misericórdia tua, Dómine, super nos.

R. Quemádmódum sperávimus in te. **V.** Sacerdótes tui induántur justítiam.

R. Et sancti tui exsúltent.

V. Orémus pro beatíssimo Papa nostro **N.** **R.** Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. **V.** Orémus et pro Antístite nostro **N.** **R.** Stet et pascat in fortitúdine tua, Dómine, in sublimitáte nóminis tui. **V.** Dómine, salvum fac regem. **R.** Et exáudi nos in die, qua invocáverimus te. **V.** Salvum fac pópulum tuum, Dómine, et bédedic hereditáti tuæ. **R.** Et rege eos, et extólle illos usque in ætérnum. **V.** Meménto Congregatiónis tuæ. **R.** Quam possedisti ab inítio. **V.** Fiat pax in virtúte tua. **R.** Et abundantia in túrribus tuis. **V.** Orémus pro benefactóribus nostris. **R.** Retribúere dignáre, Dómine, ómnibus, nobis bona fa-

ciéntibus propter nomen tuum, vitam ætérnam. Amen. **℟.** Orémus pro fidélibus defúntis. **℞.** Réquiem ætérnam dona eis, Dómine, et lux perpétua lúceat eis. **℟.** Requiéscant in pace. **℞.** Amen. **℟.** Pro frátribus nostris abséntibus. **℞.** Salvos fac servos tuos, Deus meus, sperántes in te. **℟.** Pro afflíctis et captívis. **℞.** Líbera eos, Deus Israël, ex ómnibus tribulatió nibus suis. **℟.** Mitte eis, Dómine, auxílium de sancto. **℞.** Et de Sion tuére eos. **℟.** Dómine, Deus virtútum, convérte nos. **℞.** Et osténde faciém tuam, et salvi érimus. **℟.** Exsúrge, Christe, ádjuva nos. **℞.** Et líbera nos propter nomen tuum. **℟.** Dómine, exáudi oratió nem meam. **℞.** Et clamor meus ad te véniat.

Reliqua ut in Ordinario. 33

Tempore Pasehali

Capitulum Rom. 6, 9-10

CHristus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

Hymnus

AD régias Agni dapes,
Stolis amícti cándidis,

Post tránsitum Maris Rubri,

Christo canámus Príncipi :

Divína cujus caritas
Sacrum propínat sánguinem,

Almíque membra córporis
Amor sacérdos ímmolat.

Sparsum cruórem póstibus
Vastátor horret Angelus :
Fugítque dívísium mare;
Mergúntur hostes flúctibus.

Jam Pascha nostrum
Christus est,

Paschális idem víctima,
Et pura puris méntibus
Sinceritátis ázyna.

O vera cæli víctima,
Subjécta cui sunt tártara,
Solúta mortis víncula,
Recépta vitæ præmia.

Victor, subáctis ínferis,
Trophæa Christus éxplicat;

Cælóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

℟. Mane nobíscum, Dómine, allelúja. **℞.** Quóniam advesperáscit, allelúja.

Antiphona ad Magnificat ut in Proprio de Tempore.

Reliqua ut in Ordinario. 33

AD COMPLETORIUM

℣. Jube, domne.

Bened. Noctem quiétam, et finem perféctum concédât nobis Dóminus omnipotens. ℟. Amen.

Lectio br. 1 Petri 5, 8-9

Fratres : Sóbrii estóte, et vigiláte : quia adversárius vester diábolus tamquam leo rúgiens circuit, quærens quem devoret : cui resistite fortes in fide. Tu autem, Dómine.

℟. Deo grátias.

℣. Adjutórium nostrum in nómine Dómini. ℟. Qui fecit cælum et terram.

Pater noster, **quod dicitur totum secreto.**

Confíteor. Misereátur. Indulgéntiam.

℣. Convérte nos, Deus, salutáris noster. ℟. Et avérte iram tuam a nobis.

℣. Deus, in adjutórium.

Extra Tempus Paschale

Ant. Adjutor meus.

Tempore Paschali

Ant. Allelúja.

Psalmus 69



Eus, in adjutórium meum inténde : * Dómine, ad advándum me festína.

Confundántur et revearéantur, * qui quærun animam meam.

Avertántur retrórsum, et erubéscant, * qui volunt mihi mala.

Avertántur statim erubescéntes, * qui dicunt mihi : Euge, euge.

Exsúltent et læténtur in te omnes qui quærun te, * et dicant semper : Magnificétur Dóminus : qui díligunt salutáre tuum.

Ego vero egénus, et pauper sum : * Deus, ádjuva me.

Adjutor meus, et liberátor meus es tu : * Dómine, ne moréris.

Psalmus 70, i

IN te, Dómine, sperávi, non confúndar in ætérnum : * in justítia tua líbera me, et éripe me.

Inclína ad me aurem tuam, * et salva me.

Esto mihi in Deum protectórem, et in locum munítum : * ut salvum me fácias.

Quóniam firmaméntum meum, * et refúgium meum es tu.

Deus meus, éripe me de manu peccatóris, * et de manu contra legem ágéntis et iníqui :

Quóniam tu es patiéntia mea, Dómine : * Dómine, spes mea a juventúte mea.

In te confirmátus sum ex útero : * de ventre matris meæ tu es protector meus.

In te cantatio mea semper : * tamquam prodigium factus sum multis : et tu adjutor fortis.

Repleatur os meum laude, ut cantem gloriam tuam : * tota die magnitudinem tuam.

Ne projicias me in tempore senectutis : * cum defecerit virtus mea, ne derelinquas me.

Quia dixerunt inimici mei mihi : * et qui custodiebant animam meam, consilium fecerunt in unum,

Dicentes : Deus dereliquit eum, persequimini, et comprehendite eum : * quia non est qui eripiat.

Deus, ne elongeris a me : * Deus meus, in auxilium meum respice.

Psalmus 70, ii

Confundantur, et deficiant detrahentes animæ meæ : * operiantur confusione, et pudore qui quaerunt mala mihi.

Ego autem semper sperabo : * et adjiciam super omnem laudem tuam.

Os meum annuntiabit justitiam tuam : * tota die salutare tuum.

Quoniam non cognovi litteraturam, introibo in potentias Domini : * Domine, memorabor justitiæ tuæ solus.

Deus, docuisti me a juventute mea : * et usque

nunc pronuntiabo mirabilia tua.

Et usque in senectam et senium : * Deus, ne derelinquas me.

Donec annuntiem brachium tuum * generationi omni, quæ ventura est :

Potentiam tuam, et justitiam tuam, Deus, usque in altissima, quæ fecisti magnalia : * Deus, quis similis tibi?

Quantas ostendisti mihi tribulationes multas et malas : et conversus vivificasti me : * et de abyssi terræ iterum reduxisti me :

Multiplicasti magnificentiam tuam : * et conversus consolatus es me.

Nam et ego confitebor tibi in vasis psalmi veritatem tuam : * Deus, psallam tibi in cithara, Sanctus Israël.

Exsultabunt labia mea cum cantavero tibi : * et anima mea, quam redemisti.

Sed et lingua mea tota die meditabitur justitiam tuam : * cum confusi et reveriti fuerint, qui quaerunt mala mihi.

Extra Tempus Paschale

Ant. Adjutor meus, et liberator meus esto, Domine.

Tempore Paschali

Ant. Allelúja, allelúja, allelúja.

Hymnus

TE lucis ante términum,
Rerum Créator, pósci-
mus,
Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cóm-
prime,
Ne polluéantur córpora.

* Præsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelínquas
nos, Dómine, Deus no-
ster.

℟. br. In manus tuas,
Dómine, * Comméndo
spíritum meum. In ma-
nus. ℣. Redemísti nos,
Dómine, Deus veritátis.
Comméndo. Glória Patri.
In manus. ℣. Custódi nos,
Dómine, ut pupíllam óculi.
℟. Sub umbra alárum tuá-
rum prótege nos.

Tempore Paschali

℟. br. In manus tuas,
Dómine, comméndo spíri-
tum meum, * Allelúja, al-
lelúja. In manus. ℣. Red-
emísti nos, Dómine, Deus
veritátis. Allelúja, alle-
lúja. Glória Patri. In ma-

nus. ℣. Custódi nos, Dó-
mine, ut pupíllam óculi,
allelúja. ℟. Sub umbra
alárum tuárum prótege
nos, allelúja.

Ant. Salva nos.

Canticum Simeonis

Luc 2, 29-32

Nunc dimíttis servum
tuum, Dómine, * se-
cúndum verbum tuum in
pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum,
Lumen ad revelatiónem
géntium, * et glóriam ple-
bis tuæ Israël.

Ant. Salva nos, Dómine,
vigilántes, custódi nos
dormiéntes; ut vigilémus
cum Christo, et requiéscamus
in pace. (T. P. Alle-
lúja.)

Preces (si dicendæ sint)

Kýrie, eléison. Christe,
eléison. Kýrie, eléison.
Pater noster secreto us-
que ad ℣. Et ne nos indú-
cas in tentatiónem. ℟. Sed
libera nos a malo.

Credo in Deum secreto
usque ad ℣. Carnis resur-
rectiόnem. ℟. Vitam ætér-
nam. Amen. ℣. Benedí-
ctus es, Dómine, Deus pa-
trum nostrórum. ℟. Et
laudábilis et glóriósus in
sæcula. ℣. Benedicámus

Patrem et Fílium cum Sancto Spíritu. *℟.* Laudémus, et superexaltémus eum in sácula. *℣.* Benedíctus es, Dómine, in firmaménto cæli. *℟.* Et laudábilis, et gloriósus, et superexaltátus in sácula. *℣.* Benedícat et custódiat nos omnípotens et miséricors Dóminus. *℟.* Amen. *℣.* Dignáre, Dómine, nocte ista. *℟.* Sine peccáto nos custodíre. *℣.* Miserére nostri, Dómine. *℟.* Miserére nostri. *℣.* Fiat miséricórdia tua, Dómine, super nos. *℟.* Quemádmódum sperávimus in te. *℣.* Dómine, exáudi oratió-nem meam. *℟.* Et clamor meus ad te véniat.

℣. Dóminus vobíscum.

Orémus.

Oratio

Visita, quásumus, Dómine, habitatió-nem istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiant; et benedíctio tua sit super nos semper. Per Dóminum.

℟. Amen.

℣. Dóminus vobíscum.

℣. Benedicámus Dómino.

Benedictio Benedícat et custódiat nos omnípotens et miséricors Dóminus, Pater, et Fílius, et Spíritus Sanctus. *℟.* Amen.

Antiphona finalis beatæ Mariæ Virginis.

℣. Divínium auxílium.

Pater noster, Ave María *et* Credo.

FERIA SEXTA

AD MATUTINUM

Pater, Ave *et* Credo.

℣. Dómine, lábia mea.

℣. Deus, in adjutórium.

In Officio feriali
Quadragesimæ

Invit. Non sit vobis vanum mane súrgere ante lucem : * Quia promísit Dó-

minus corónam vigilántibus. *Ps.* 94 Veníte. 3

Hymnus

EX more docti mýstico
Servémus hoc jejú-nium,
Deno diérum círculo
Ducto quater notissimo.
Lex et prophétæ prímítus
Hoc prætulérunt, póstmo-dum

Christus sacrávit, ómnium
Rex atque factor témpo-
rum.

Utámur ergo párcius
Verbis, cibis et pótibus,
Somno, jocis, et árcius
Perstémus in custódia.

Vitémus autem nóxia,
Quæ súbruunt mentes va-
gas :

Nullúmque demus cállidi
Hostis locum tyránnidi.

Flectámus iram víndicem,
Plorémus ante Júdicem,
Clamémus ore súpplíci,
Dicámus omnes cérnui :

Nostris malis offéndimus
Tuam, Deus, cleméntiam :
Effúnde nobis désuper,
Remíssor, indulgéntiam.

Meménto quod sumus tui,
Licet cadúci, plásmatis :
Ne des honórem nóminis
Tui, precámur, álteri.

Laxa malum, quod féci-
mus,
Auge bonum, quod pósci-
mus :

Placére quo tandem tibi
Possímus hic, et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.

Amen.

Tempore Paschali

Invit. Surréxit Dóminus
vere, * Allelúja. **Ps.** 94
Veníte. 3

Hymnus

REX sempitérne Céli-
tum,
Rerum Creátor ómnium,
Æquális ante sácula
Semper Parénti Fílius :

Nascénte qui mundo Faber
Imáginem vultus tui
Tradens Adámo, nóbilem
Limo jugásti spíritum.

Cum livor et fraus dæmo-
nis
Fœdásset humánum ge-
nus :

Tu, carne amíctus, pér-
ditam
Formam refórmas ártifex.

Qui, natus olim e Vírgine,
Nunc e sepúlcro násceris,
Tecúmque nos a mórtuis
Jubes sepultos súrgere.

Qui, Pastor ætérmus, gre-
gem
Aqua lavas baptísmatis :
Hæc est lavácrum mén-
tium :
Hæc est sepúlcrum crími-
num.

Nobis diu qui débitæ
Redémptor affíxus Cruci,
Nostræ dedísti pródigus
Prétium salútis sángu-
inem.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Fílio, qui a mórtuis

Surréxit, ac Paráclito,
In sempitérna sácula.
Amen.

In I Nocturno

Extra Tempus Paschale

Ant. Suscitávit Dóminus * testimónium in Jacob : et legem pósuit in Israël.

Tempore Pasehali

Ant. Allelúja, * allelúja, allelúja.

Psalmus 77, i



ATténdite, pópule meus, legem meam : * inclináte aurem vestram in verba oris mei.

Apériam in parábolis os meum : * loquar propositiones ab initio.

Quanta audívimus et cognóvimus ea : * et patres nostri narravérunt nobis.

Non sunt occultáta a filiis eórum, * in generatíone áltera.

Narrántes laudes Dómini, et virtútes ejus, * et mirabília ejus, quæ fecit.

Et suscitávit testimónium in Jacob : * et legem pósuit in Israël.

Quanta mandávit pátribus nostris nota fácere ea filiis suis : * ut cognóscat generatíone áltera.

Filii qui nascéntur, et exsúrgent, * et narrábunt filiis suis,

Ut ponant in Deo spem suam, et non obliviscántur óperum Dei : * et mandáta ejus exquirant.

Ne fiant sicut patres eórum : * generatíone prava et exásperans.

Generatíone, quæ non diréxit cor suum : * et non est créditus cum Deo spíritus ejus.

Ant. Suscitávit Dóminus testimónium in Jacob : et legem pósuit in Israël.

Ant. Coram pátribus eórum * fecit Deus mirabília.

Psalmus 77, ii

Filii Ephrem intendéntes et mitténtes arcum : * convérsi sunt in die belli.

Non custodiérunt testaméntum Dei : * et in lege ejus noluérunt ambuláre.

Et obliti sunt benefactórum ejus, * et mirabílium ejus quæ osténdit eis.

Coram pátribus eórum fecit mirabília in terra Ægýpti, * in campo Táneos.

Interrúpit mare, et perduxit eos : * et státuit aquas quasi in utre.

Et deduxit eos in nube diéi : * et tota nocte in illuminatíone ignis.

Interrúpit petram in erémo : * et adaquávit eos velut in abyssonibus multa.

Et edúxit aquam de petra : * et dedúxit tamquam flúmina aquas.

Ant. Coram pátribus eórum fecit Deus mirabília.

Ant. Jánuas cæli apérui * Dóminus, et pluit illis manna ad manducándum.

Psalmus 77, iii

ET apposuérunt adhuc peccáre ei : * in iram excitavérunt Excélsum in inaquóso.

Et tentavérunt Deum in córdibus suis, * ut péterent escas animábus suis.

Et male locúti sunt de Deo : * dixerunt : Numquid póterit Deus paráre mensam in desérto?

Quóniam percússit petram, et fluxérunt aquæ, * et torréntes inundavérunt.

Numquid et panem póterit dare, * aut paráre mensam pópulo suo?

Ideo audívit Dóminus, et dístulit : * et ignis accénsum est in Jacob, et ira ascéndit in Israël :

Quia non credidérunt in Deo, * nec speravérunt in salutári ejus :

Et mandávit núbibus desuper, * et jánuas cæli apérui.

Et pluit illis manna ad manducándum, * et panem cæli dedit eis.

Panem Angelórum manducávit homo, * cibária misit eis in abundántia.

Tránstulit Austrum de cælo : * et indúxit in virtúte sua Africum.

Et pluit super eos sicut púlverem carnes : * et sicut arénam maris volatília pennáta.

Et cecidérunt in médio castrórum eórum : * circa tabernácula eórum.

Et manducavérunt, et saturáti sunt nimis, et desidérium eórum áttulit eis : * non sunt fraudáti a desidério suo.

Adhuc escæ eórum erant in ore ipsórum : * et ira Dei ascéndit super eos.

Et occídit pingues eórum, * et eléctos Israël impedívit.

Ant. Jánuas cæli apérui Dóminus, et pluit illis manna ad manducándum.

In Festis novem Lectionum :

Extra Tempus Paschale

V. Deus percússit petram, et fluxérunt aquæ.

R. Et torréntes inundavérunt.

In Festis novem Lectionum :

Tempore Pasehali

Ant. Allelúja, allelúja, allelúja.

V. Deus regenerávit nos in spem vivam, allelúja.

R. Per resurrectionem Jesu Christi ex mórtuis, allelúja.

Absolutio. Exáudi, Dómine.

Bened. 1 Benedictióne perpétua. **2** Unigénitus Dei Filius. **3** Spíritus Sancti grátia.

In II Nocturno

Extra Tempus Paschale

Ant. Deus adjutor * est eorum : et Excelsus redemptor eorum est.

Tempore Paschali

Ant. Allelúja, * allelúja, allelúja.

Psalmus 77, iv

N omnibus his peccaverunt adhuc : * et non crediderunt in mirabilibus ejus.

Et defecerunt in vanitate dies eorum : * et anni eorum cum festinatione.

Cum occideret eos, quærebant eum : * et revertébantur, et dilúculo veniebant ad eum.

Et rememorati sunt quia Deus adjutor est eorum : * et Deus excelsus redemptor eorum est.

Et dilexerunt eum in ore suo, * et lingua sua mentiti sunt ei :

Cor autem eorum non erat rectum cum eo : * nec fideles habiti sunt in testamento ejus.

Ipsa autem est misericors, et propitius fiet peccatis eorum : * et non disperdet eos.

Et abundavit ut averteret iram suam : * et non accendit omnem iram suam :

Et recordatus est quia caro sunt : * spiritus vadiens, et non rediens.

Quoties exacerbaverunt eum in deserto, * in iram concitaverunt eum in iniquoso?

Et conversi sunt, et tentaverunt Deum : * et Sanctum Israël exacerbaverunt.

Ant. Deus adjutor est eorum : et Excelsus redemptor eorum est.

Ant. Redemit eos * Dominus de manu tribulantis.

Psalmus 77, v

NON sunt recordati manus ejus, * die qua redemit eos de manu tribulantis.

Sicut posuit in Ægypto signa sua, * et prodigia sua in campo Taneos.

Et convertit in sanguinem flumina eorum, * et imbres eorum, ne biberent.

Misit in eos cœnomýiam, et comedit eos : * et ranam, et disperdidit eos.

Et dedit ærugini fructus eorum, * et labores eorum locustæ.

Et occidit in grandine vineas eorum, * et moros eorum in pruina.

Et tradidit grándini iumenta eórum : * et possessionem eórum igni.

Misit in eos iram indignationis suæ : * indignationem, et iram, et tribulationem : immissiones per ángelos malos.

Viam fecit sémitæ iræ suæ, non pepércit a morte animábus eórum : * et iumenta eórum in morte conclúsit.

Et percússit omne primogénitum in terra Ægypti : * primitias omnis labóris eórum in tabernáculis Cham.

Et ábstulit sicut oves populum suum : * et perdúxit eos tamquam gregem in desérto.

Et dedúxit eos in spe, et non timuérunt : * et inimicos eórum opéruit mare.

Et indúxit eos in montem sanctificationis suæ, * montem, quem acquisívit dextera ejus.

Et ejécit a fácie eórum gentes : * et sorte divisit eis terram in funículo distributionis.

Et habitáre fecit in tabernáculis eórum * tribus Israël.

Et tentavérunt, et exacerbavérunt Deum excélsu : * et testimónia ejus non custodiérunt.

Et avertérunt se, et non servavérunt pactum : * quemádmódum patres eó-

rum, convérsi sunt in arcum pravum.

In iram concitavérunt eum in cóllibus suis : * et in sculptilibus suis ad æmulationem eum provocavérunt.

Ant. Redémit eos Dóminus de manu tribulántis.

Ant. Ædificávit * Deus sanctificium suum in terra.

Psalmus 77, vi

AUdívit Deus, et spre-
vit : * et ad níhilum redégit valde Israël.

Et répulit tabernáculum Silo, * tabernáculum suum, ubi habitávit in homínibus.

Et tradidit in captivitatem virtutem eórum : * et pulchritudinem eórum in manus inimíci.

Et conclúsit in gládio populum suum : * et hereditatem suam sprevit.

Júvenes eórum comédit ignis : * et vírgines eórum non sunt lamentatæ.

Sacerdótes eórum in gládio cecidérunt : * et víduæ eórum non plorabántur.

Et excitátus est tamquam dórmíens Dóminus, * tamquam potens crapulátus a vino.

Et percússit inimícos suos in posterióra : * oppróbrium sempitérnum dedit illis.

Et répulit tabernáculum Joseph : * et tribum Ephraim non elégit :

Sed elégit tribum Juda, * montem Sion quem diléxit.

Et ædificávit sicut uncórnum sanctificium suum in terra, * quam fundávit in sæcula.

Et elégit David, servum suum, et sústulit eum de grégibus óvium : * de post fetántes accépit eum.

Páscere Jacob, servum suum, * et Israë́l, hereditátem suam :

Et pavit eos in innocéntia cordis sui : * et in intellectíbus mánuum suárum dedúxit eos.

Ant. Ædificávit Deus sanctificium suum in terra.

In Festis novem Lectionum :

Extra Tempus Paschale

℣. Elégit Dóminus tribum Juda. ℟. Montem Sion quem diléxit.

In Festis novem Lectionum :

Tempore Paschali

Ant. Allelúja, allelúja, allelúja.

℣. Deus sucitávit Christum a mórtuis, allelúja.

℟. Ut fides nostra et spes esset in Deo, allelúja.

Absolutio. Ipsíus píetas et.

Bened. 4 Deus Pater omnípotens. **5** Christus perpétuæ. **6** Ignem sui amóris.

In III Nocturno

Extra Tempus Paschale

Ant. Adjuva nos, * Deus, salutáris noster : et pro-

pítius esto peccátis nostris.

Tempore Paschali

Ant. Allelúja, * allelúja, allelúja.

Psalmus 78



Eus, venérunt gentes in hereditátem tuam, polluérunť templum sanctum tuum : * posuérunť Jerúsalem in pomórum custódiam.

Posuérunť morticína servórum tuórum, escas volatílibus cæli : * carnes sanctórum tuórum béstiis terræ.

Effudérunt sánguinem eórum tamquam aquam in circúitu Jerúsalem : * et non erat qui sepelíret.

Facti sumus oppróbrium vicínis nostris : * subsannátio et illúsio his, qui in circúitu nostro sunt.

Usquequo, Dómine, irascéris in finem : * accendétur velut ignis zelus tuus?

Effúnde iram tuam in gentes, quæ te non novérunt : * et in regna, quæ nomen tuum non invocavérunt :

Quia comedérunt Jacob : * et locum ejus desolavérunt.

Ne memíneris iniquitátum nostrárum antiquárum, cito antícipent nos misericórdiæ tuæ : * quia páuperes facti sumus nimis.

Adjuva nos, Deus, salutaris noster : et propter gloriam nominis tui, Domine, libera nos : * et propitius esto peccatis nostris, propter nomen tuum :

Ne forte dicant in gentibus : Ubi est Deus eorum ? * et innotescat in nationibus coram oculis nostris.

Ultio sanguinis servorum tuorum, qui effusus est : * intróeat in conspectu tuo gemitus compeditorum.

Secundum magnitudinem brachii tui, * posside filios mortificatorum.

Et redde vicinis nostris septuplum in sinu eorum : * improperium ipsorum, quod exprobraverunt tibi, Domine.

Nos autem populus tuus, et oves pascuæ tuæ, * confitebimur tibi in sæculum.

In generationem et generationem * annuntiabimus laudem tuam.

Ant. Adjuva nos, Deus, salutaris noster : et propitius esto peccatis nostris.

Ant. Ego sum Dominus, * Deus tuus, Israël, qui eduxi te de terra Ægypti.

Psalmus 80

EXsultate Deo, adiutori nostro : * jubilare Deo Jacob.

Súmte psalmum, et date tympanum : * psalterium iucundum cum cithara.

Buccinate in Noeménia tuba, * in insígni die solemnitatís vestræ.

Quia præceptum in Israël est : * et iudícium Deo Jacob.

Testimónium in Joseph posuit illud, cum exíret de terra Ægypti : * linguam, quam non nóverat, audívit.

Divértit ab onéribus dorsum ejus : * manus ejus in cóphino serviérunt.

In tribulatióne invocásti me, et liberávi te : * exaudívi te in abscondito tempestátis : probávi te apud aquam contradictiόνis.

Audi, populus meus, et contestabor te : * Israël, si audieris me, non erit in te deus recens, neque adorábis deum aliénium.

Ego enim sum Dóminus, Deus tuus, qui eduxi te de terra Ægypti : * diláta os tuum, et implébo illud.

Et non audívit populus meus vocem meam : * et Israël non inténdit mihi.

Et dimísi eos secundum desidéria cordis eórum, * ibunt in adinventiόνibus suis.

Si populus meus audísset me : * Israël si in viis meis ambuláset :

Pro nihilo fòrsitan inimicos eòrum humiliàssem : * et super tribulántes eos misíssem manum meam.

Inimíci Dómini mentíti sunt ei : * et erit tempus eòrum in sácula.

Et cibávit eos ex ádipe fruménti : * et de petra, melle saturávit eos.

Ant. Ego sum Dóminus, Deus tuus, Israël, qui edúxi te de terra Ægýpti.

Ant. Ne táceas, Deus, * quóniam inimíci tui extulérunt caput.

Psalmus 82

Deus, quis símilis erit tibi? * Ne táceas, neque compescáris, Deus :

Quóniam ecce inimíci tui sonuérunt : * et qui odérunt te, extulérunt caput.

Super pópulum tuum malignavérunt consílium : * et cogitavérunt advérsus sanctos tuos.

Dixerunt : Veníte, et disperdámus eos de gente : * et non memorétur nomen Israël ultra.

Quóniam cogitavérunt unánimiter : * simul advérsus te testaméntum disposuérunt, tabernácula Idumæórum et Ismahe-lítæ :

Moab, et Agaréni, Gebal, et Ammon, et Amalec : * alienígenæ cum habitántibus Tyrum.

Etenim Assur venit cum

illis : * facti sunt in adiutorium filiis Lot.

Fac illis sicut Mádian, et Sísaræ : * sicut Jabin in torrénte Cisson.

Disperiérunt in Endor : * facti sunt ut stercus terræ.

Pone príncipes eòrum sicut Oreb, et Zeb, * et Zébee, et Sálmana :

Omnes príncipes eòrum : * qui dixerunt : Hereditáte possideámus Sanctuárium Dei.

Deus meus, pone illos ut rotam : * et sicut stípulam ante faciém venti.

Sicut ignis, qui combúrit silvam : * et sicut flamma combúrens montes :

Ita persequéris illos in tempestáte tua : * et in ira tua turbábis eos.

Imple fácies eòrum ignominia : * et quærent nomen tuum, Dómine.

Erubéscant, et conturbéntur in sáculum sáculi : * et confundántur et péreant.

Et cognóscant quia nomen tibi Dóminus : * tu solus Altíssimus in omni terra.

Extra Tempus Paschale

Ant. Ne táceas, Deus, quóniam inimíci tui extulérunt caput.

In Festis extra Tempus Paschale

✠. Cognóscant quia nomen tibi Dóminus. ✠. Tu

solus Altíssimus super omnem terram.

In feriali Officio Quadragessimæ

℣. Scápulis suis obumbrábit tibi. ℟. Et sub pen- nis ejus sperábis.

In feriali Officio Tempore Passionis

℣. De ore leónis líbera me, Dómine. ℟. Et a cór- nibus unicórnium humili- tátem meam.

Tempore Paschali

Ant. Allelúja, allelúja, allelúja.

In Festis novem Lectionum :

℣. Deus et Dóminum suscitávit, allelúja. ℟. Et nos suscitábit per virtú- tem suam, allelúja.

In Officiis trium Lectionum :

℣. Surréxit Dóminus ve- re, allelúja. ℟. Et appá- ruit Simóni, allelúja.

In Officio
novem Lectionum

Absolutio. A vínculis.

Bened. 7 Evangélica léctio.
8 *In Festis Domini :* Diví- num auxílium.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. 9 Ad societa- tem. (Per evangélica dicta.)

In Officio
trium Lectionum

Absolutio. Ipsíus pietas et.

In Feriis cum Homilia

Bened. 1 Evangélica. 2 Diví- num. 3 Ad societátem.

In Feriis sine Homilia :

Bened. 1 Deus Pater. 2 Chri- stus perpétuæ. 3 Ignem sui amóris.

In Festis Sanctorum :

Bened. 1 Ille nos benedícat, qui sine fine vivit et regnat. ℟. Amen. 2 Cujus (vel Quo- rum aut Quarum.) 3 Ad societátem.

AD LAUDES I

In Feriis Temporis Pascha- lis, atque in Festis extra et intra Tempus Paschale cele- brandis.

(Pater noster et Ave.)

℣. Deus, in adjutórium.

Extra Tempus Paschale

Ant. Exaltáte * Dómi- num, Deum nostrum, et adoráte in monte sancto ejus.

Tempore Paschali

Ant. Allelúja, allelúja, allelúja.

Psalmus 98



Dóminus regnávit, irascántur pópuli : * qui sedet super Ché- rubim, moveátur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terríbile, et sanctum est : * et honor regis iudícium díligit.

Tu parásti directiões : * iudícium et justítiam in Jacob tu fecísti.

Exaltáte Dóminum, Deum nostrum, et adoráte scabéllum pedum ejus : * quóniam sanctum est.

Móyses et Aaron in sacerdotíbus ejus : * et Sámuel inter eos, qui ínvo-cant nomen ejus :

Invocábant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes ad-inventiões eórum.

Exaltáte Dóminum, Deum nostrum, et adoráte in monte sancto ejus : * quóniam sanctus Dóminus, Deus noster.

Ant. Exaltáte Dóminum, Deum nostrum, et adoráte in monte sancto ejus.

Ant. Eripe me * de inimícis meis, Dómine, ad te confúgi.

Psalmus 142

Domine, exáudi oratió-nem meam : áuribus pécipe obsecratióem me-am in veritáte tua : * exáudi me in tua justítia.

Et non intres in iudícium cum servo tuo : * quia non justificábitur in conspéctu tuo omnis vivens.

Quia persecútus est inimícus ánimam meam : * humiliávit in terra vitam meam.

Collocávit me in obscúris sicut mórtuos sáculi : * et anxiátus est super me spíritus meus, in me turbátum est cor meum.

Memor fui diérum anti-quórum, meditátus sum in ómnibus opéribus tuis : * in factis mánuum tuárum meditábar.

Expándi manus meas ad te : * ánima mea sicut terra sine aqua tibi.

Velóciter exáudi me, Dómine : * defécit spíritus meus.

Non avértas faciém tuam a me : * et símilis ero descendéntibus in lacum.

Audítam fac mihi mane misericórdiam tuam : * quia in te sperávi.

Notam fac mihi viam, in qua ámbulem : * quia ad te levávi ánimam meam.

Eripe me de inimícis meis, Dómine, ad te confúgi : *

doce me fácere voluntátem tuam, quia Deus meus es tu.

Spiritus tuus bonus dedúcet me in terram rectam : * propter nomen tuum, Dómine, vivificábis me, in æquitáte tua.

Edúces de tribulatióne ánimam meam : * et in misericórdia tua dispérdes inimícos meos.

Et perdes omnes, qui tríbulant ánimam meam : * quóniam ego servus tuus sum.

Ant. Eripe me de inimícis meis, Dómine, ad te confúgi.

Ant. Benedixísti, * † Dómine, terram tuam : remisísti iniquitátem plebis tuæ.

Psalmus 84

Benedixísti, † Dómine, terram tuam : * avertísti captivitátem Jacob.

Remisísti iniquitátem plebis tuæ : * operuísti ómnia peccáta eórum.

Mitigásti omnem iram tuam : * avertísti ab ira indignatiónis tuæ.

Convérte nos, Deus, salutáris noster : * et avérte iram tuam a nobis.

Numquid in ætérnum irascéris nobis? * aut exténdes iram tuam a generatióne in generatióne?

Deus, tu convérsus vivificábis nos : * et plebs tua lætábitur in te.

Osténde nobis, Dómine, misericórdiam tuam : * et salutáre tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope tíméntibus eum salutáre ipsíus : * ut inhábitet glória in terra nostra.

Misericórdia, et véritas obviavérunt sibi : * justítia, et pax osculatæ sunt.

Véritas de terra orta est : * et justítia de cælo prospéxit.

Etenim Dóminus dabit benignitátem : * et terra nostra dabit fructum suum.

Justítia ante eum ambulábit : * et ponet in viam gressus suos.

Ant. Benedixísti, Dómine, terram tuam : remisísti iniquitátem plebis tuæ.

Ant. In Dómino justificábitur, * et laudábitur omne semen Israël.

Canticum Isaiaë

Is. 45, 15-26

Vere tu es Deus absconditus, * Deus Israël, Salvátor.

Confúsi sunt, et erubuerunt omnes : * simul abiéruunt in confusióne fabricatóres errórum.

Israël salvátus est in Dómino salúte æténa : * non confundémini, et non erubescétis usque in sáculum sáculi.

Quia hæc dicit Dóminus creans cælos, * ipse Deus formans terram, et fáciens eam, ipse plastes ejus :

Non in vanum creávit eam, ut habitarétur formávit eam : * Ego Dóminus, et non est álius.

Non in abscondito locútus sum, * in loco terræ tenebróso :

Non dixi sémini Jacob frustra : Quærite me : * ego Dóminus loquens justítiam, annúntians recta.

Congregámini, et veníte, et accédite simul * qui salváti estis ex géntibus :

Nesciérunt qui levant lignum sculptúræ suæ, * et rogant deum non salvántem.

Annuntiáte, et veníte, et consiliámini simul : * Quis auditum fecit hoc ab inítio, ex tunc prædixit illud?

Numquid non ego Dóminus, et non est ultra Deus absque me? * Deus justus, et salvans non est præter me.

Convertímini ad me, et salvi éritis, omnes fines terræ : * quia ego Deus, et non est álius.

In memetípso jurávi, egrediétur de ore meo ju-

stítiæ verbum, * et non revertétur :

Quia mihi curvábitor omne genu, * et jurábit omnis lingua.

Ergo in Dómino, dicet, meæ sunt justítiæ et impérium : * ad eum vénient, et confundéntur omnes qui repúgnant ei.

In Dómino justificábitur, et laudábitur * omne semen Israël.

Ant. In Dómino justificábitur, et laudábitur omne semen Israël.

Ant. Lauda, * † Jerúsalem, Dóminum. †

Psalmus 147

Lauda, † Jerúsalem, Dóminum : * † lauda Deum tuum, Sion.

Quóniam confortávit seras portárum tuárum : * benedíxit fíliis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante fáciem frígoris ejus quis sustinébit?

Emíttet verbum suum, et liquefaciet ea : * flabit spíritus ejus, et fluent aquæ.

Qui annúnciat verbum
suum Jacob : * justítias,
et judícia sua Israël.

Non fecit táliter omni na-
tióni : * et judícia sua non
manifestávit eis.

Extra Tempus Paschale

Ant. Lauda, Jerúsalem,
Dóminum.

Tempore Paschali

Ant. Allelúja, * allelúja,
allelúja.

In Officio feriali T. P.

Capitulum Rom. 6, 9-10

CHristus resúrgens ex
mórtuis jam non mó-
ritur, mors illi ultra non
dominábitur. Quod enim
mórtuus est peccáto, mór-
tuus est semel : quod au-
tem vivit, vivit Deo.

Hymnus

Auróra cælum púrpurat,
Æther resúltat láudi-
bus,

Mundus triúmphans júbi-
lat,

Horrens avérnus ínfremit :

Rex ille dum fortíssimus
De mortis inférno specu
Patrum senátum líberum
Edúcit ad vitæ jubar.

Cujus sepúlcrum plúrimo
Custóde signábat lapis,
Victor triúmphant, et suo
Mortem sepúlcro fúnerat.

Sat fúneri, sat lácrimis,
Sat est datum dolóribus :

Surréxit exstíntor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

℣. In resurrectione tua,
Christe, allelúja. ℞. Cæli
et terra læténtur, allelúja.

Antiphona ad Benedictus ut
in Proprio de Tempore.

Reliqua ut in Ordinario. 13

AD LAUDES II

*In Feriis VI post Domini-
cam I Quadragesimæ usque
ad Feriam VI in Parasceve
inclusive, quando fit Officium
de Feria.*

(Pater noster et Ave.)

℣. Deus, in adjutórium.

Ant. Cor contrítum.

Feria VI in Parasceve

Ant. Próprio * Fílio suo
non pepércit Deus, sed pro
nobis ómnibus trádidit il-
lum.

Psalmus 50



Iserére mei, Deus, *
secúndum magnam
misericórdiam tu-
am.

Et secúndum multítudi-
nem miseratiónum tuá-

rum, * dele iniquitatem meam.

Amplius lava me ab iniquitate mea : * et a peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cum iudicaris.

Ecce enim, in iniquitatibus conceptus sum : * et in peccatis concepit me mater mea.

Ecce enim, veritatem dilexisti : * incerta et occulta sapientiae tuae manifestasti mihi.

Asperges me hyssopo, et mundabor : * lavabis me, et super nivem dealbabor.

Auditui meo dabis gaudium et laetitiam : * et exsultabunt ossa humiliata.

Averte faciem tuam a peccatis meis : * et omnes iniquitates meas dele.

Cor mundum crea in me, Deus : * et spiritum rectum innova in visceribus meis.

Ne projicias me a facie tua : * et spiritum sanctum tuum ne auferas a me.

Redde mihi laetitiam salutaris tui : * et spiritu principali confirma me.

Docebo iniquos vias tuas : * et impii ad te convertentur.

Libera me de sanguinibus, Deus, Deus salutis meae : * et exsultabit lingua mea iustitiam tuam.

Domine, labia mea aperies : * et os meum annuntiabit laudem tuam.

Quoniam si voluisses sacrificium, dedissem utique : * holocaustis non delectaberis.

Sacrificium Deo spiritus contribulatus : * cor contritum, et humiliatum, Deus, non despicies.

Benigne fac, Domine, in bona voluntate tua Sion : * ut aedificentur muri Ierusalem.

Tunc acceptabis sacrificium iustitiae, oblationes, et holocausta : * tunc imponent super altare tuum vitulos.

Ant. Cor contritum, et humiliatum, Deus, non despicies.

Ant. Propter nomen tuum.

Feria VI in Parasceve

Ant. Proprio Filio suo non pepercit Deus, sed pro nobis omnibus tradidit illum.

Ant. Anxiatus est super me * spiritus meus, in me turbatum est cor meum.

Psalmus 142

Domine, exaudi orationem meam : auribus percipe obsecrationem

meam in virtúte tua : *
exáudi me in tua justítia.

Et non intres in iudícium
cum servo tuo : * quia non
justificábitur in conspéctu
tuo omnis vivens.

Quia persecútus est ini-
mícus ánimam meam : *
humiliávit in terra vitam
meam.

Collocávit me in obscúris
sicut mórtuos sáeculi : *
et anxiátus est super me
spíritus meus, in me tur-
bátum est cor meum.

Memor fui diérum anti-
quórum, meditátus sum in
ómnibus opéribus tuis : *
in factis mánuum tuárum
meditábar.

Expándi manus meas ad
te : * ánima mea sicut
terra sine aqua tibi.

Velóciter exáudi me, Dó-
mine : * defécit spíritus
meus.

Non avértas fáciem tuam
a me : * et símilis ero de-
scendéntibus in lacum.

Audítam fac mihi mane
misericórdiam tuam : *
quia in te sperávi.

Notam fac mihi viam, in
qua ámbulem : * quia ad te
levávi ánimam meam.

Eripe me de inimícis meis,
Dómine, ad te confúgi : *
doce me fácere voluntátem
tuam, quia Deus meus
es tu.

Spíritus tuus bonus de-
dúcet me in terram re-
ctam : * propter nomen

tuum, Dómine, vivificá-
bis me, in æquitáte tua.

Edúces de tribulatióne
ánimam meam : * et in
misericórdia tua dispérdes
inimícos meos.

Et perdes omnes, qui trí-
bulant ánimam meam : *
quóniam ego servus tuus
sum.

Ant. Propter nomen tu-
um, Dómine, vivificabis
me, in æquitáte tua.

Ant. Deus, tu convérsus.

Feria VI in Parasceve

Ant. Anxiátus est super
me spíritus meus, in me
turbátum est cor meum.

Ant. Ait latro ad latró-
nem : * Nos quidem digna
factis recípiamus, hic au-
tem quid fecit? Meménto
mei, Dómine, dum véneris
in regnum tuum.

Psalmus 84

Benedixísti, Dómine,
terram tuam : * aver-
tísti captivitátem Jacob.

Remisísti iniquitátem
plebis tuæ : * operuísti
ómnia peccáta eórum.

Mitigásti omnem iram
tuam : * avertísti ab ira
indignatiónis tuæ.

Convérte nos, Deus, sa-
lutáris noster : * et avérte
iram tuam a nobis.

Numquid in ætérnum
irascéris nobis? * aut ex-
téndes iram tuam a gene-
ratióne in generatióne?

Deus, tu convérsus vivificábis nos : * et plebs tua lætábitur in te.

Osténde nobis, Dómine, misericórdiam tuam : * et salutáre tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope tíméntes eum salutáre ipsíus : * ut inhábitet glória in terra nostra.

Misericórdia, et véritas obviavérunt sibi : * justítia, et pax osculátæ sunt.

Véritas de terra orta est : * et justítia de cælo prospéxit.

Etenim Dóminus dabit benignitátem : * et terra nostra dabit fructum suum.

Justítia ante eum ambulábit : * et ponet in via gressus suos.

Ant. Deus, tu convérsus vivificábis nos : et plebs tua lætábitur in te.

Ant. Cum irátus fúeris.

Feria VI in Parasceve

Ant. Ait latro ad latrónem : Nos quidem digna factis recípiamus, hic autem quid fecit? Meménto mei, Dómine, dum véneris in regnum tuum.

Ant. Cum conturbáta fúerit * ánima mea, Dómine, misericórdiæ memor eris.

Canticum Habacuc

Hab. 3, 2-19

Domine, audívi auditió-nem tuam, * et tímui.

Dómine, opus tuum, * in médio annórum vivífica illud :

In médio annórum notum fácies : * cum irátus fúeris, misericórdiæ recordáberis.

Deus ab Austro véniet, * et sanctus de monte Pharan :

Opéruit cælos glória ejus : * et laudis ejus plena est terra.

Splendor ejus ut lux erit : * córnu in mánibus ejus :

Ibi abscondita est fortitúdo ejus : * ante faciém ejus ibit mors.

Et egrediétur diábolus ante pedes ejus. * Stetit, et mensus est terram.

Aspéxit, et dissólvit gentes : * et contríti sunt montes sæculi.

Incurváti sunt colles mundi, * ab itinéribus æternitátis ejus.

Pro iniquitáte vidi tentória Æthiopiæ, * turbabúntur pelles terræ Má dian.

Numquid in flumínibus irátus es, Dómine? * aut in flumínibus furor tuus? vel in mari indignátio tua?

Qui ascēdes super equos tuos : * et quadrigæ tuæ salvatio.

Suscitans suscitabis arcum tuum : * juramenta tribubus quæ locutus es.

Fluvios scindes terræ : viderunt te, et doluerunt montes : * gurges aquarum transiit.

Dedit abyssus vocem suam : * altitudo manus suas levavit.

Sol, et luna steterunt in habitaculo suo, * in luce sagittarum tuarum, ibunt in splendore fulgurantis hastæ tuæ.

In fremitu conculcabis terram : * et in furore obstupescies gentes.

Egressus es in salutem populi tui : * in salutem cum Christo tuo.

Percussisti caput de domo impii : * denudasti fundamentum ejus usque ad collum.

Maledixisti sceptris ejus, capiti bellatorum ejus, * venientibus ut turbo ad dispergendum me.

Exsultatio eorum * sicut ejus, qui devorat pauperem in abscondito.

Viam fecisti in mari equis tuis, * in luto aquarum multarum.

Audivi, et conturbatus est venter meus : * a voce contremuerunt labia mea.

Ingrediatur putredo in

ossibus meis, * et subter me scateat.

Ut requiescam in die tribulationis : * ut ascendam ad populum accinctum nostrum.

Ficus enim non florabit : * et non erit germen in vineis.

Mentietur opus olivæ : * et arva non afferent cibum.

Abscindetur de ovili pecus : * et non erit armamentum in praesepibus.

Ego autem in Domino gaudebo : * et exultabo in Deo Jesu meo.

Deus Dominus fortitudo mea : * et ponet pedes meos quasi cervorum.

Et super excelsa mea deducet me victor * in psalmis canentem.

Ant. Cum iratus fueris, Domine, misericordiae recordaberis.

Ant. Lauda. †

Feria VI in Parasceve

Ant. Cum conturbata fuerit anima mea, Domine, misericordiae memor eris.

Ant. Memento mei, * Domine, dum veneris in regnum tuum.

Psalmus 147

Lauda, † Jerusale, Dominum : * lauda Deum tuum, Sion.

Quoniam confortavit seras portarum tuarum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóriter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébit?

Emíttet verbum suum, et liquefaciet ea : * flabit spíritus ejus, et fluent aquæ.

Qui annúntiat verbum suum Jacob : * justítias, et judícia sua Israël.

Non fecit táliter omni nátióni : * et judícia sua non manifestávit eis.

Ant. Lauda Deum tuum, Sion, qui annúntiat judícia sua Israël.

Feria VI in Parasceve

Ant. Meménto mei, Dómine, dum véneris in regnum tuum.

Reliqua ut infra in Feria VI in Parasceve.

Tempore Quadragesimæ

Capitulum Is. 58, 1

CLama, ne cesses, quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus

O Sol salútis, íntimis, Jesu, refúlge méntibus,

Dum, nocte pulsa, grátior Orbi dies renáscitur.

Dans tempus acceptábile, Da lacrimárum rívulis Laváre cordis víctimam, Quam læta adúrat cáritas.

Quo fonte manávit nefas, Fluent perénnes lácrimæ, Si virga pæniténtiæ Cordis rigórem cónterat.

Dies venit, dies tua, In qua reflórent ómnia : Lætémur et nos, in viam Tua redúcti délixtera.

Te prona mundi máchina, Clemens, adóret, Trínitas, Et nos novi per grátiam Novum canámus cánticum. Amen.

℟. Angelis suis Deus mandávit de te. **℣.** Ut custódiant te in ómnibus viis tuis.

Antiphona ad Benedictus ut in Proprio de Tempore.

Expleto Cántico ac repetita Antiphona, dicuntur sequentes

Preces feriales

Kyrie, eléison. Christe, eléison. Kýrie, eléison.

Pater noster, quod dicitur a solo Hebdomadario totum clara voce, usque ad **℟.** Et ne nos indúcas in tentatiónem. **℣.** Sed libera nos a malo. **℟.** Ego dixi : Dómine, miserére mei. **℣.** Sana ánimam meam, quia peccávi tibi. **℟.** Convertere, Dómine, úsque-

quo? *℟.* Et deprecábilis esto super servos tuos. *℣.* Fiat misericórdia tua, Dómine, super nos. *℟.* Quemádmódum sperávimus in te. *℣.* Sacerdótes tui induántur justítiam. *℟.* Et sancti tui exsúltent. *℣.* Orémus pro beatíssimo Papa nostro *N. ℟.* Dóminus conseruet eum, et vivíficet eum, et beátum fáciat eum in terra, et non tradat eum in ánimam inimicórum ejus. *℣.* Orémus et pro Antístite nostro *N. ℟.* Stet et pascat in fortitúdine tua, Dómine, in sublimitáte nóminis tui. *℣.* Dómine, salvum fac regem. *℟.* Et exáudi nos in die, qua invocavérimus te. *℣.* Salvum fac pópulum tuum, Dómine, et bédedic hereditáti tuæ. *℟.* Et rege eos, et extólle illos usque in ætérnum. *℣.* Meménto Congregatiónis tuæ. *℟.* Quam possedísti ab inítió. *℣.* Fiat pax in virtúte tua. *℟.* Et abundantia in túrribus tuis. *℣.* Orémus pro benefactóribus nostris. *℟.* Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. *℣.* Orémus pro fidélibus defúntis. *℟.* Réquiem ætérnam dona eis, Dómine, et lux perpétua lúceat eis. *℣.* Requiéscant in pace. *℟.* Amen.

℣. Pro frátribus nostris abséntibus. *℟.* Salvos fac servos tuos, Deus meus, sperántes in te. *℣.* Pro afflíctis et captívis. *℟.* Líbera eos, Deus Israël, ex ómnibus tribulatióibus suis. *℣.* Mitte eis, Dómine, auxílium de sancto. *℟.* Et de Sion tuére eos. *℣.* Dómine, Deus virtútum, convérte nos. *℟.* Et osténde fáciem tuam, et salvi érimus. *℣.* Exsúrge, Christe, ádjuva nos. *℟.* Et líbera nos propter nomen tuum. *℣.* Dómine, exáudi oratióem meam. *℟.* Et clamor meus ad te véniat.

Reliqua ut in Ordinario. 13

AD PRIMAM

Pater, Ave *et* Credo.

℣. Deus, in adjutórium.

Hymnus

JAM lucis orto sídere,
Deum precémur súp-
plices,
Ut in diúrnis áctibus
Nos servet a nocéntibus.

Linguam refrénans tém-
peret,
Ne litis horror ínsonet :
Visum fovéndo cóntegat,
Ne vanitátes háuriant.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

In Festis extra Tempus
Paschale : Ant. Ne discé-
das a me.

In Officio feriali

Tempore Quadragesimæ

Ant. Vivo ego.

Tempore Paschali : Ant.
Allelúja.

Psalmus 21, i



Eus, Deus meus, ré-
spice in me : quare
me dereliquísti? *
longe a salúte mea verba
delictórum meórum.

Deus meus, clamábo per
diem, et non exáudies : *
et nocte, et non ad insi-
piéntiam mihi.

Tu autem in sancto hábi-
tas, * laus Israël.

In te speravérunt patres
nostri : * speravérunt, et
liberásti eos.

Ad te clamavérunt, et
salvi facti sunt : * in te
speravérunt, et non sunt
confúsi.

Ego autem sum vermis,
et non homo : * oppró-
brium hóminum, et abjé-
ctio plebis.

Omnes vidéntes me, de-
risérunt me : * locúti sunt
lábiis, et movérunt caput.

Sperávit in Dómino, erí-
piat eum : * salvum fáciat
eum, quóniam vult eum.

Quóniam tu es, qui ex-
traxísti me de ventre : *
spes mea ab ubéribus ma-
tris meæ. In te projéctus
sum ex útero :

De ventre matris meæ
Deus meus es tu, * ne dis-
césseis a me.

Quóniam tribulátio pró-
xima est : * quóniam non
est qui ádjuvet.

Psalmus 21, ii

Circumdedérunt me ví-
tuli multi : * tauri pin-
gues obsedérunt me.

Aperuérunt super me os
suum, * sicut leo rápiens
et rúgiens.

Sicut aqua effúsus sum : *
et dispérsa sunt ómnia
ossa mea.

Factum est cor meum
tamquam cera liquéscens *
in médio ventris mei.

Aruit tamquam testa
virtus mea, et lingua mea
adhæsit fáucibus meis : *
et in púlverem mortis de-
duxísti me.

Quóniam circumdedé-
runt me canes multi : *
concílium malignántium
obsédit me.

Fodérunt manus meas et
pedes meos : * dinumera-
vérunt ómnia ossa mea.

Ipsi vero consideraverunt et inspexerunt me : * divisérunt sibi vestiménta mea, et super vestem meam misérunt sortem.

Tu autem, Dómine, ne elongáveris auxiliúm tuum a me : * ad defensionem meam cónspecte.

Erue a frámea, Deus, ánimam meam : * et de manu canis únicam meam :

Salva me ex ore leónis : * et a córnibus unicórnium humilitátem meam.

Narrábo nomen tuum fratribus meis : * in médio ecclésiæ laudábo te.

Psalmus 21, iii

QUI timétis Dóminum, laudáte eum : * univérsum semen Jacob, gloriificáte eum.

Tímeat eum omne semen Israël : * quóniam non sprexit, neque despéxit deprecationem páuperis :

Nec avértit fáciem suam a me : * et cum clamárem ad eum, exaudivit me.

Apud te laus mea in ecclésia magna : * vota mea reddam in conspéctu timéntium eum.

Edent páuperes, et saturabúntur : et laudábunt Dóminum qui requírunť eum : * vivent corda eórum in sáeculum sáeculi.

Reminiscéntur et converténtur ad Dóminum * univérsi fines terræ :

Et adorábunt in conspéctu ejus * univérsæ familiæ géntium.

Quóniam Dómini est regnum : * et ipse dominábitur géntium.

Manducavérunt et adoravérunt omnes pingues terræ : * in conspéctu ejus cadent omnes qui descéndunt in terram.

Et ánima mea illi vivet : * et semen meum sérviet ipsi.

Annuntiábitur Dómino generátio ventúra : * et annuntiábunt cæli justítiam ejus pópulo qui nascétur, quem fecit Dóminus.

¶ Quando ad Laudes dictus fuerit Ps. 50 Miserére, hic subjungitur sequens Ps. 98, qui in Laudibus locum non habuit.

Psalmus 98

Dominus regnávit, irascántur pópuli : * qui sedet super Chérubim, moveátur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terríbile, et sanctum est : * et honor regis judícium díligit.

Tu parásti directiónes : * judícium et justítiam in Jacob tu fecísti.

Exaltáte Dóminum, Deum nostrum, et adoráte sca-

béllum pedum ejus : *
quóniam sanctum est.

Móyses et Aaron in sacerdotibus ejus : * et Sámuel inter eos, qui invocant nomen ejus :

Invocabant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes adinventiones eórum.

Exaltáte Dóminum, Deum nostrum, et adoráte in monte sancto ejus : * quóniam sanctus Dóminus, Deus noster.

Secus vero, tribus Psalmis expletis, statim dicitur Ant.

In Festis extra Tempus Paschale : Ant. Ne discédas a me, Dómine : quóniam tribulatio próxima est : quóniam non est qui ádjuvet.

In Officio feriali

Tempore Quadragesimæ

Ant. Vivo ego, dicit Dóminus : nolo mortem peccatóris, sed ut magis convertátur, et vivat.

Tempore Paschali : Ant. Allelúja, allelúja, allelúja.

In Officio Festi vel Octavæ et in Feriis Temporis Paschalis :

Capitulum 1 Tim. 1, 17

REgi sæculórum immortalí et invisíbili, soli Deo honor et glória in sæcula sæculórum. Amen.

In omnibus autem Feriis extra Tempus Paschale :

Capitulum Zach. 8, 19

PAcem et veritátem diligite, ait Dóminus omnipotens.

℟. br. Christe, Fili Dei vivi, * Miserére nobis. Christe. ℣. *Qui sedes ad dexteram Patris.* Miserére nobis. Glória Patri. Christe. ℣. Exsúrge, Christe, ádjuva nos. ℟. Et libera nos propter nomen tuum.

Tempore Paschali

℟. br. Christe, Fili Dei vivi, miserére nobis, * Allelúja, allelúja. Christe. ℣. *Qui surrexísti a mortuis.* Allelúja, allelúja. Glória Patri. Christe.

℣. Exsúrge, Christe, ádjuva nos, allelúja. ℟. Et libera nos propter nomen tuum, allelúja.

Preces dominicales et feriales (si dicendæ sint)

KYrie, eléison. Christe, eléison. Kýrie, eléison. Pater noster **secreto usque ad** ℣. Et ne nos indú-

cas in tentatióem. **R.** Sed libera nos a malo.

Credo in Deum **secreto usque ad V.** Carnis resurrectionem. **R.** Vitam æternam. Amen. **V.** Et ego ad te, Dómine, clamávi. **R.** Et mane oratio mea præveniet te. **V.** Repleatur os meum laude. **R.** Ut cantem glóriam tuam, tota die magnitudinem tuam. **V.** Dómine, avérte faciém tuam a peccátis meis. **R.** Et omnes iniquitátes meas dele. **V.** Cor mundum crea in me, Deus. **R.** Et spíritum rectum innova in viscéribus meis. **V.** Ne projicias me a fácie tua. **R.** Et spíritum sanctum tuum ne áuferas a me. **V.** Redde mihi lætítiam salutáris tui. **R.** Et spíritu principáli confírma me.

In Precibus ferialibus tantum

V. Eripe me, Dómine, ab hómine malo. **R.** A viro iníquo éripe me. **V.** Eripe me de inimícis meis, Deus meus. **R.** Et ab insurgéntibus in me libera me. **V.** Eripe me de operántibus iniquitátem. **R.** Et de viris sánguinem salva me. **V.** Sic psalmum dicam nómini tuo in sáculum sáculi. **R.** Ut reddam vota mea de die in diem. **V.** Exáudi nos, Deus, sa-

lutáris noster. **R.** Spes ómnium finium terræ, et in mari longe. **V.** Deus, in adjutórium meum inténde. **R.** Dómine, ad adjuvándum me festína. **V.** Sanctus Deus, Sanctus fortis, Sanctus immortalis. **R.** Miserére nobis. **V.** Benedic, ánima mea, Dómino. **R.** Et ómnia, quæ intra me sunt, nómini sancto ejus. **V.** Benedic, ánima mea, Dómino. **R.** Et noli oblivisci omnes retributiónes ejus. **V.** Qui propitiátur ómnibus iniquitátibus tuis. **R.** Qui sanat omnes infirmitátes tuas. **V.** Qui rédimít de intéritu vitam tuam. **R.** Qui coronat te in misericórdia et miseratió-nibus. **V.** Qui replet in bonis desidérium tuum. **R.** Renovábitur ut áquilæ juvéntus tua.

In utrisque Precibus

V. Adjutórium nostrum in nómine Dómini. **R.** Qui fecit cælum et terram.

Confíteor. Misereátur. Indulgéntiam.

V. Dignáre, Dómine, die isto. **R.** Sine peccáto nos custodíre. **V.** Miserére nostri, Dómine. **R.** Miserére nostri. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Dómine, exáudi oratióem

meam. *℟.* Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípotens, qui ad principium hujus diéi nos pervénire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatíones et ópera. Per Dóminum.

℟. Amen.

℣. Dóminus vobíscum.

℣. Benedicámus Dómino.

Deinde in Choro legitur Martyrologium. Postea Hebdomadarius dicit :

℣. Pretiósá in conspéctu Dómini. *℟.* Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sǎcula sǎculórum. *℟.* Amen.

℣. Deus, in adjutórium meum inténde. *℟.* Dómine, ad adjuvándum me festína. **Et dicitur tertio ultimo additur :** Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad** *℣.* Et ne nos indúcas in tentatiónem. *℟.* Sed libera nos a malo. *℣.* Réspice in servos tuos, Dómine, et in ópera tua, et dirige filios eórum. *℟.* Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. *℣.* Glória Patri. *℟.* Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sǎcula sǎculórum. *℟.* Amen.

℣. Jube, domne.

Bened. Dies et actus nostros in sua pace dispónat Dóminus omnípotens.

℟. Amen.

In Officio feriali

Tempore Quadragesimæ

Quærite Dóminum, dum inveníri potest : invocáte eum, dum prope est. Tu autem.

Tempore Paschali

SI consurrexistis cum Christo, quæ sursum sunt quærite, ubi Christus est in dextera Dei sedens : quæ sursum sunt sápite, non quæ super terram.

E Proprio Sanctorum

Pro Octava S. Joseph

Filius accrésceus Joseph, filius accrésceus, et decórus aspéctu : filiæ discurrerunt super murum.

E Communi Sanctorum

Pro Ap. et Ev. extra T. P.

IBant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

**Pro Ap. et Ev.,
uno et plur. Mm. T. P.**

Scimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

Pro uno Mart. extra T. P.

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altissimi deprecábitur.

Pro plur. Mm. extra T. P.

Fulgébunt iusti, et tamquam scintillæ in arundinéto discurrent. Ju-

dicábunt natiónes, et dominabúntur pópulis : et regnábit Dóminus illórum in perpétuum.

Pro Conf. Pont.

Fungi sacerdótio, et habére laudem in nómine ipsíus, et offérre illi incénsus dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum; honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitatiónem meam, et pro morte defluénte deprecáta sum. Invocávi Dóminum, Patrem Dómini mei, ut non derelinquat me in die tribulatiónis meæ, et in témpore superbórum sine adjutório.

Pro Virgine non Martyre

O quam pulchra est casta generátio cum claritáte! immortalis est enim memória illíus : quóniam apud Deum nota est, et apud hómínes.

Pro Martyre tantum

Laudábit usque ad mortem ánima mea Dóminum, quóniam éruis susti-

néntes te, et liberas eos de manu angústiae, Dómine, Deus noster.

Pro nec Virg. nec Mart.

Multae filiae congregaverunt divitias : tu supergressa es universas. Fallax gratia, et vana est pulchritudo : mulier timens Dóminum, ipsa laudabitur.

Pro Dedicatione Ecclesiae

Et abstergat Deus omnem lacrimam ab oculis eorum : et mors ultra non erit, neque luctus, neque clamor, neque dolor erit ultra, quia prima abiierunt. Et dixit qui sedebat in throno : Ecce, nova facio omnia.

In Officiis B. Mariae V.

In platéis sicut cinnamomum et balsamum aromatizans odorem dedi : quasi myrrha electa dedi suavitatem odoris.

V. Adjutorium nostrum in nómine Dómini. **R.** Qui fecit caelum et terram.

V. Benedícite. **R.** Deus.

Benedictio Dóminus nos benedícat, et ab omni malo deféndat, et ad vitam perducát aeternam. Et fidélium animae per misericórdiam Dei requiescant in pace. **R.** Amen.

Deinde dicitur tantum Pater noster **secreto**, nisi sequatur alia Hora.

AD TERTIAM

Pater noster **et** Ave.

V. Deus, in adjutorium.

Hymnus

Nunc, Sancte, nobis, Spíritus, Unum Patri cum Fílio, Dignáre promptus ingeri Nostro refúsus pectori.

Os, lingua, mens, sensus, vigor

Confessionem personent, Flamméscat igne caritas, Accéndat ardor próximos.

* **Præsta**, Pater piíssime, Patrique compar Unice, Cum Spíritu Paráclito Regnans per omne sæculum. Amen.

In Festis extra Tempus Paschale : Ant. Excita, Dómine.

In Officio feriali

Tempore Quadragesimæ

Ant. Advenérunt nobis.

Tempore Paschali : Ant. Allelúja.

Psalmus 79, i



Sui regis Israël, inténdente : * qui dedúcis velut ovem Joseph.

Qui sedes super Chérubim, * manifestáre coram

Ephraïm, Bénjamin, et Manásse.

Excita poténtiam tuam, et veni, * ut salvos fácias nos.

Deus, convérte nos : * et osténde fáciem tuam, et salvi érimus.

Dómine, Deus virtútum, * quóusque irascéris super oratióem servi tui?

Cibábis nos pane lacrimárum : * et potum dabis nobis in lácrimis in mensúra?

Posuísti nos in contradi-
ctiόnem vicínis nostris : *
et inimíci nostri subsan-
navérunt nos.

Deus virtútum, convérte
nos : * et osténde fáciem
tuam, et salvi érimus.

Psalmus 79, ii

Vineam de Ægýpto
transtulísti : * eiecísti
gentes, et plantásti eam.

Dux itíneris fuísti in con-
spéctu ejus : * plantásti
radices ejus, et implévit
terram.

Opéruit montes umbra
ejus : * et arbústa ejus ce-
dros Dei.

Exténdit pálmites suos
usque ad mare : * et usque
ad flumen propágines ejus.

Ut quid destruxísti ma-
cériam ejus : * et vindé-
miant eam omnes, qui
prætergrediúntur viam?

Exterminávit eam aper
de silva : * et singulá-

ris ferus depástus est
eam.

Deus virtútum, convérte-
re : * réspice de cælo, et vi-
de, et vísitá véneam istam.

Et pérfice eam, quam
plantávit délixtera tua : *
et super fílium hóminis,
quem confirmásti tibi.

Incénsa igni, et suffóssa *
ab increpatiόne vultus tui
períbunt.

Fiat manus tua super vi-
rum délixteræ tuæ : * et su-
per fílium hóminis, quem
confirmásti tibi.

Et non discédimus a te,
vivificábis nos : * et no-
men tuum invocábimus.

Dómine, Deus virtútum,
convérte nos : * et osténde
fáciem tuam, et salvi éri-
mus.

Psalmus 81

Deus stetit in synagóga
deórum : * in médio
autem deos dijúdicat.

Usquequo judicátis ini-
quitátem : * et fácies pec-
catórum súmitis?

Judicáte egéno, et pupíl-
lo : * húmitem, et páu-
perem justificáte.

Erípite páuperem : * et
egénium de manu pecca-
tórís liberáte.

Nesciérunt, neque intelle-
xérunt, in ténebris ámbu-
lant : * movebúntur ómnia
fundaménta terræ.

Ego dixi : Dii estis, * et
fílii Excélsi omnes.

Vos autem sicut homines moriémmini : * et sicut unus de principibus cadétis.

Surge, Deus, júdica terram : * quóniam tu hereditábis in ómnibus géntibus.

In Festis extra Tempus Paschale : *Ant.* Excíta, Dómine, poténtiam tuam, ut salvos fácias nos.

Tempore Paschali : *Ant.* Allelúja, allelúja, allelúja.

In Officio feriali
Quadragesimæ

Ant. Advenérunt nobis dies pæniténtiæ, ad rediménda peccáta, ad salvándas ánimas.

Capitulum Joel 2, 12-13

Convertímini ad me in toto corde vestro, in jejúnio et fletu, et planctu. Et scíndite corda vestra, et non vestiménta vestra, ait Dóminus omnípotens.

℟. *br.* Ipse liberávit me * De láqueo venántium. Ipse. *℣.* Et a verbo áspero. De. **G**loria Patri. Ipse.

℣. Scápolis suis obumbrábit tibi. *℟.* Et sub pennis ejus sperábis.

Preces feriales

Kyrie, eléison. Christe, eléison. Kýrie, eléison.

Pater noster, **secreto usque ad** *℣.* Et ne nos indúcas in tentatióem. *℟.* Sed libera nos a malo. *℣.* Dómine, Deus virtútum, con-

verte nos. *℟.* Et osténde faciém tuam, et salvi érimus. *℣.* Exsúrge, Christe, ádjuva nos. *℟.* Et libera nos propter nomen tuum. *℣.* Dómine, exáudi oratió-nem meam. *℟.* Et clamor meus ad te véniat.

Reliqua ut in Ordinario. 25

Tempore Pasehali

Capitulum Rom. 6, 9-10

Christus resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

℟. *br.* Surréxit Dóminus de sepúlcro, * Allelúja, allelúja. Surréxit. *℣.* Qui pro nobis pepéndit in ligno. Allelúja, allelúja. **G**loria Patri. Surréxit. *℣.* Surréxit Dóminus vere, allelúja. *℟.* Et appáruit Simóni, allelúja.

Reliqua ut in Ordinario. 25

AD SEXTAM

Pater noster **et** Ave.

℣. Deus, in adjutórium.

Hymnus

Rector potens, verax Deus,
Qui témperas rerum vices,
Splendóre mane illúminas,
Et ignibus merídiem :

Exstingue flammam lítium,
Aufer calórem nóxium,
Confer salútem córporum,
Verámque pacem cór-
dium.

* **P**ræsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

**In Festis extra Tempus
Paschale : Ant.** Beáti, qui
hábitant.

In Officio feriali

Tempore Quadragesimæ

Ant. Commendémus nos-
metipsos.

Tempore Paschali : Ant.
Allelúja.

Psalmus 83, i



Uam dilécta taber-
nacula tua, Dómine
virtútum : * con-
cupiscit, et déficit ánima
mea in átria Dómini.

Cor meum, et caro mea *
exsultavérunt in Deum
vivum.

Etenim passer invénit
sibi domum : * et turtur
nidum sibi, ubi ponat pul-
los suos.

Altária tua, Dómine vir-
tútum : * Rex meus, et
Deus meus.

Beáti, qui hábitant in
domo tua, Dómine : * in
sæcula sæculórum laudá-
bunt te.

Beátus vir, cujus est au-
xilium abs te : * ascensió-

nes in corde suo dispósuit
in valle lacrimárum in
loco, quem pósuit.

Etenim benedictiónem
dabit legislátor, ibunt de
virtúte in virtútem : * vi-
débitur Deus deórum in
Sion.

Psalmus 83, ii

Domine, Deus virtú-
tum, exáudi oratióem
meam : * áuribus pèrcipe,
Deus Jacob.

Protéctor noster, áspice,
Deus : * et réspice in fá-
ciem Christi tui :

Quia mélior est dies una
in átriis tuis, * super míl-
lia.

Elégi abjéctus esse in
domo Dei mei : * magis
quam habitáre in taber-
náculos peccatórum.

Quia misericórdiam, et
veritátem díligit Deus : *
grátiam et glóriam dabit
Dóminus.

Non privábit bonis eos,
qui ámbulant in innocén-
tia : * Dómine virtútum,
beátus homo, qui sperat
in te.

Psalmus 86

Fundaménta ejus in
móntibus sanctis : *
díligit Dóminus portas
Sion super ómnia taber-
nacula Jacob.

Gloríosa dicta sunt de
te, * civitas Dei.

Memor ero Rahab, et
Babylónis * sciéntium me.

Ecce, alienígenæ, et Tyrus, et pópulus Æthíopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et príncipum : * horum, qui fuérunt in ea.

Sicut lætántium ómnium * habitátio est in te.

In Festis extra Tempus Paschale : *Ant.* Beáti, qui hábitant in domo tua, Dómine.

Tempore Paschali : *Ant.* Allelúja, allelúja, allelúja.

In Officio feriali
Quadragesimæ

Ant. Commendémus nosmetípsos in multa patiéntia, in jejúniis multis, per arma justítiæ.

Capitulum Is. 45, 7

Dere linquat impius viam suam, et vir iníquus cogitatiónes suas, et revertátur ad Dóminum, et miserébitur ejus, et ad Deum nostrum, quóniam multus est ad ignoscéndum.

℟. br. Scápolis suis * Obumbrábit tibi. Scápolis. **℣.** Et sub pennis ejus sperábis. Obumbrábit tibi. **Glória Patri.** Scápolis.

℣. Scuto circúmdabit te véritas ejus. **℟.** Non timébis a timóre noctúrno.

Preces feriales

KYrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatióem. **℟.** Sed libera nos a malo. **℣.** Dómine, Deus virtútum, converte nos. **℟.** Et osténde faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratióem meam. **℟.** Et clamor meus ad te véniat.

Reliqua ut in Ordinario. 27

Tempore Paschali

Capit. 1 Cor. 15, 20-22

Christus resurréxit a mórtuis primítiae dormiéntium : quóniam quidem per hóminem mors, et per hóminem resurréctio mortuórum. Et sicut in Adam omnes moriúntur, ita et in Christo omnes vivificabúntur.

℟. br. Surréxit Dóminus vere, * Allelúja, allelúja. Surréxit. **℣.** Et apparuit Simóni. Allelúja, allelúja. **Glória Patri.** Surréxit.

℣. Gavísi sunt discípuli, allelúja. **℟.** Viso Dómino, allelúja.

Reliqua ut in Ordinario. 27

AD NONAM

Pater noster **et** Ave.

✠. Deus, in adiutorium.

Hymnus

Rerum, Deus, tenax vigor,

Immotus in te permanens,
Lucis diurnae tempora
Successibus determinans :

Largire lumen vespere,
Quo vita nusquam decidat,

Sed praeium mortis sacrae

Perennis instet gloria.

* **P**raesta, Pater piissime,
Patricum compar Unice,
Cum Spiritu Paraclito
Regnans per omne saeculum.
Amen.

**In Festis extra Tempus
Paschale : Ant.** Misericordia
et veritas.

In Officio feriali

Tempore Quadragesimae

Ant. Per arma iustitiae.

Tempore Paschali : Ant.
Alleluja.

Psalmus 88, i



Misericordias Domini * in aeternum
cantabo.

In generationem et generationem * annuntiabo veritatem tuam in ore meo.

Quoniam dixisti : In aeternum misericordia aedificabitur in caelis : * preparabitur veritas tua in eis.

Dispoxui testamentum electis meis, iuravi David, servo meo : * Usque in aeternum preparabo semen tuum.

Et aedificabo in generationem et generationem * sedem tuam.

Confitebuntur caeli mirabilia tua, Domine : * etenim veritatem tuam in ecclesia sanctorum.

Quoniam quis in nubibus aequabitur Domino : * similis erit Deo in filiis Dei?

Deus, qui glorificatur in consilio sanctorum : * magnus et terribilis super omnes qui in circuitu ejus sunt.

Domine, Deus virtutum, quis similis tibi? * potens es, Domine, et veritas tua in circuitu tuo.

Tu dominaris potestati maris : * motum autem fluctuum ejus tu mitigas.

Tu humiliasti sicut vulneratum, superbum : * in brachio virtutis tuae dispersisti inimicos tuos.

Tui sunt caeli, et tua est terra, orbem terrae et plenitudinem ejus tu fundasti : * aquilonem, et mare tu creasti.

Thabor et Hermon in nomine tuo exsultabunt : * tuum brachium cum potentia.

Firmetur manus tua, et exaltetur dextera tua : *

justítia et júdicium præparátio sedis tuæ.

Misericórdia et véritas præcédent fáciem tuam : * beátus pópulus, qui scit jubilatíonem.

Dómine, in lúmine vultus tui ambulábunt, et in nómine tuo exsultábunt tota die : * et in justítia tua exaltabúntur.

Quóniam glória virtútis eórum tu es : * et in beneplácito tuo exaltábitur cornu nostrum.

Quia Dómini est assúptio nostra, * et Sancti Israël, regis nostri.

Psalmus 88, ii

Tunc locútus es in visíone sanctis tuis, et dixisti : * Pósuí adjutórium in poténite : et exaltávi eléctum de plebe mea.

Invéni David, servum meum : * óleo sancto meo unxi eum.

Manus enim mea auxiliábitur ei : * et bráchium meum confortábit eum.

Nihil proficiet inimícus in eo, * et fílius iniquitátis non appónet nocére ei.

Et concídám a fácie ipsíus inimícos ejus : * et odiéntes eum in fugam convértam.

Et véritas mea, et misericórdia mea cum ipso : * et in nómine meo exaltábitur cornu ejus.

Et ponam in mari manum ejus : * et in flumínibus dexteram ejus.

Ipse invocábit me : Pater meus es tu : * Deus meus, et suscéptor salútis meæ.

Et ego primogénitum ponam illum * excélsam præ régibus terræ.

In ætérnum servábo illi misericórdiam meam : * et testaméntum meum fidéle ipsi.

Et ponam in sæculum sæculi semen ejus : * et thronum ejus sicut dies cæli.

Si autem dereliquerint fílii ejus legem meam : * et in júdiciis meis non ambuláverint :

Si justítias meas profanáverint : * et mandáta mea non custodierint :

Visitábo in virga iniquitátes eórum : * et in verbéribus peccáta eórum.

Misericórdiam autem meam non dispérgam ab eo : * neque nocébo in veritáte mea :

Neque profanábo testaméntum meum : * et quæ procédunt de lábiis meis, non fáciám írrita.

Semel jurávi in sancto meo : Si David méntiar : * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum : et testis in cælo fidélis.

Gl.

Psalmus 88, iii

TU vero repulisti et despexisti : * distulisti Christum tuum.

Evertisti testaméntum servi tui : * profanasti in terra Sanctuárium ejus.

Destruxisti omnes sepes ejus : * posuisti firmaméntum ejus formídinem.

Diripuérunt eum omnes transeúntes viam : * factus est oppróbrium vicinis suis.

Exaltasti dexteram depressiméntum eum : * lætificasti omnes inimicos ejus.

Avertisti adiutoriúm gládi ejus : * et non es auxiliátus ei in bello.

Destruxisti eum ab emundatióne : * et sedem ejus in terram collisisti.

Minorasti dies témporis ejus : * perfudisti eum confusióne.

Usquequo, Dómine, avértis in finem : * exardéscet sicut ignis ira tua?

Memoráre quæ mea substantia : * numquid enim vane constituisti omnes filios hóminum?

Quis est homo, qui vivet, et non vidébit mortem : * éruct animam suam de manu inferi?

Ubi sunt misericórdiæ tuæ antiquæ, Dómine, * sicut jurasti David in veritate tua?

Memor esto, Dómine, opprobrii servórum tuórum * (quod contínui in sinu meo) multárum géntium.

Quod exprobravérunt inimici tui, Dómine, * quod exprobravérunt commutatióne Christi tui.

Benedictus Dóminus in ætérnum : * fiat, fiat.

In Festis extra Tempus Paschale : Ant. Misericórdia et véritas præcedent faciém tuam, Dómine.

Tempore Paschali : Ant. Allelúja, allelúja, allelúja.

In Officio feriali
Quadragesimæ

Ant. Per arma justitiæ virtútis Dei commendemus nosmetipsos in multa paciéntia.

Capitulum Is. 58, 7

FRange esuriénti panem tuum, et egénos vagósque induc in domum tuam : * cum víderis nudum, óperi eum, et carnem tuam ne despéxeris.

℟. br. Scuto circúmdabit te * Véritas ejus. Scuto.

℣. Non timébis a timóre noctúrno. Véritas ejus. Glória Patri. Scuto.

℣. Angelis suis Deus mandávit de te. ℟. Ut custódiant te in ómnibus viis tuis.

Preces feriales

KYrie, eléison. Christe,
eléison. Kýrie, eléison.

Pater noster **secreto us-**
que ad V. Et ne nos indú-
cas in tentatióem. **R.** Sed
libera nos a malo. **V.** Dó-
mine, Deus virtútum, con-
vérte nos. **R.** Et osténde
fáciem tuam, et salvi éri-
mus. **V.** Exsúrge, Christe,
áduva nos. **R.** Et libera
nos propter nomen tuum.
V. Dómine, exáudi oratió-
nem meam. **R.** Et clamor
meus ad te véniat.

Reliqua ut in Ordinario. 29

Tempore Paschali

Capitulum 1 Petri 3, 18

CHristus semel pro pec-
cátis nostris mórtuus
est, justus pro injústis, ut
nos offérret Deo, morti-
ficátus quidem carne, vivi-
ficátus autem spíritu.

R. br. Gavísi sunt discí-
puli, * Allelúja, allelúja.
Gavísi. **V.** Viso Dómino.
Allelúja, allelúja. **Glória**
Patri. Gavísi.

V. Mane nobíscum, Dó-
mine, allelúja. **R.** Quóniam
advesperáscit, allelúja.

Reliqua ut in Ordinario. 29

AD VESPERAS

Pater noster **et Ave.**

V. Deus, in adjutórium.

Extra Tempus Paschale

Ant. Dómine, * † probá-
sti me, et cognovísti me. †

Tempore Paschali

Ant. Allelúja, * allelúja,
allelúja.

Psalmus 138, i

Domine, † probásti
me, et cognovísti
me : * † tu cogno-
vísti sessiόnem meam, et
resurrectiόnem meam.

Intellexísti cogitatiόnes
meas de longe : * sémitam
meam, et funiculum me-
um investigásti.

Et omnes vías meas præ-
vidísti : * quia non est
sermo in lingua mea.

Ecce, Dómine, tu cogno-
vísti ómnia novíssima, et
antíqua : * tu formásti me,
et posuísti super me ma-
num tuam.

Mirábilis facta est scién-
tia tua ex me : * confortáta
est, et non pótero ad eam.

Quo ibo a spíritu tuo? *
et quo a fácie tua fúgiam?

Si ascéndero in cælum, tu
illic es : * si descéndero in
inférnum, ades.

Si sumpsero pennas meas
dilúculo, * et habitávero
in extrémis maris :

Etenim illuc manus tua
dedúcet me : * et tenébit
me dextera tua.

Et dixi : Fórsitan téne-
bræ conculcábunt me : *
et nox illuminátio mea in
delíciis meis.

Quia ténebræ non obscu-
rabúntur a te, et nox sicut

dies illuminábitur : * sicut ténebræ ejus, ita et lumen ejus.

Quia tu possedísti renes meos : * suscepísti me de útero matris meæ.

Ant. Dómine, probásti me, et cognovísti me.

Ant. Mirabília ópera tua, * Dómine, et ánima mea cognóscit nimis.

Psalmus 138, ii

Confitébor tibi quia terribíliter magnificátus es : * mirabília ópera tua, et ánima mea cognóscit nimis.

Non est occultátum os meum a te, quod fecísti in occulto : * et substántia mea in inferióribus terræ.

Imperféctum meum vidérunt óculi tui, et in libro tuo omnes scribéntur : * dies formabúntur, et nemo in eis.

Mihi autem nimis honorificáti sunt amíci tui, Deus : * nimis confortátus est principátus eórum.

Dinumerábo eos, et super arénam multiplicabúntur : * exsurrexi, et adhuc sum tecum.

Si occíderis, Deus, peccatóres : * viri sánguinem, declináte a me :

Quia dícitis in cogitatióne : * Accípient in vanitáte civitátes tuas.

Nonne qui odérunt te, Dómine, óderam? * et

super inimícos tuos tabescébam?

Perfécito ódio óderam illos : * et inimíci facti sunt mihi.

Proba me, Deus, et scito cor meum : * intérroga me, et cognósce sémitas meas.

Et vide, si via iniquitátis in me est : * et deduc me in via ætérna.

Ant. Mirabília ópera tua, Dómine, et ánima mea cognóscit nimis.

Ant. Ne derelinquas me, * Dómine, virtus salútis meæ.

Psalmus 139

Eripe me, Dómine, ab hómine malo : * a viro iníquo éripe me.

Qui cogitavérunt iniquitátes in corde : * tota die constituébant próelia.

Acuérunt linguas suas sicut serpéntis : * venenum áspidum sub lábiis eórum.

Custódi me, Dómine, de manu peccatóris : * et ab homínibus iníquis éripe me.

Qui cogitavérunt supplantáre gressus meos : * abscondérunt supérbi láqueum mihi :

Et funes extendérunt in láqueum : * juxta iter scándalum posuérunt mihi.

Dixi Dómino : Deus meus es tu : * exáudi, Dómine, vocem deprecationis meæ.

Dómine, Dómine, virtus salútis meæ : * obumbrásti super caput meum in die belli.

Ne tradas me, Dómine, a desidério meo peccatóri : * cogitavérunt contra me, ne derelínquas me, ne forte exalténtur.

Caput circúitus eórum : * labor labiórum ipsórum opériet eos.

Cadent super eos carbónes, in ignem dejícies eos : * in misériis non subsistent.

Vir linguósus non dirigétur in terra : * virum injústum mala cápient in in-téritu.

Cognóvi quia fáciét Dóminus judícium ínopis : * et vindictam páuperum.

Verúmtamen justí confitebúntur nómini tuo : * et habitábunt recti cum vultu tuo.

Ant. Ne derelínquas me, Dómine, virtus salútis meæ.

Ant. Dómine, * † clamávi ad te, exáudi me. †

Psalmus 140

Domine, † clamávi ad te, exáudi me : * † inténde voci meæ, cum clamávero ad te.

Dirigátur orátio mea sicut incénsus in conspéctu tuo : * elevátio mánuum meárum sacrificium vespertínus.

Pone, Dómine, custódiam ori meo : * et óstium circumstántiæ lábiis meis.

Non declínes cor meum in verba malítiæ, * ad excusándas excusatiónes in peccátis.

Cum homínibus operántibus iniquitátem : * et non comunicábo cum eléctis eórum.

Corrípiet me justus in misericórdia, et increpábit me : * óleum autem peccatóris non impínguet caput meum.

Quóniam adhuc et orátio mea in beneplácitis eórum : * absorpti sunt juncti petræ júdices eórum.

Audient verba mea quóniam potuérunt : * sicut crassitúdo terræ erúpta est super terram.

Dissipáta sunt ossa nostra secus inférnum : * quia ad te, Dómine, Dómine, óculi mei : in te sperávi, non áuferas ánimam meam.

Custódi me a láqueo, quem statuérunt mihi : * et a scándalis operántium iniquitátem.

Cadent in retiáculo ejus peccatóres : * singuláriter sum ego donec tránseam.

Ant. Dómine, clamávi ad te, exáudi me.

Ant. Educ de custódia * ánimam meam, Dómine, ad confiténdum nómini tuo.

Psalmus 141

VOce mea ad Dóminum
clamávi : * voce mea
ad Dóminum deprecátus
sum :

Effúndo in conspéctu ejus
oratióem meam, * et tri-
bulatióem meam ante
ipsum pronúntio.

In deficiéndo ex me spí-
ritum meum, * et tu co-
gnovísti sémitas meas.

In via hac, qua ambulá-
bam, * abscondérunt lá-
queum mihi.

Considerábam ad dexte-
ram, et vidébam : * et non
erat qui cognósceret me.

Périit fuga a me, * et non
est qui requírat ánimam
meam.

Clamávi ad te, Dómi-
ne, * dixi : Tu es spes
mea, pórtio mea in terra
vivéntium.

Inténde ad deprecatió-
nem meam : * quia humi-
liátus sum nimis.

Libera me a persecuénti-
bus me : * quia confortáti
sunt super me.

Educ de custódia áni-
mam meam ad confitén-
dum nómini tuo : * me
exspéctant justí, donec
retribuas mihi.

Extra Tempus Paschale

Ant. Educ de custódia
ánimam meam, Dómine,
ad confiténdum nómini
tuo.

Tempore Paschali

Ant. Allelúja, allelúja,
allelúja.

In Officio feriali
Quadragesimæ

Capitulum Joel 2, 17

INter vestibulum et al-
táre plorábunt sacer-
dótes, ministri Dómini, et
dicent : Parce, Dómine,
parce pópulo tuo : et ne
des hereditátem tuam in
oppróbrum, ut dominén-
tur eis nátióes.

Hymnus

AUdi, benígne Cónditor,
Nostras preces cum
flétibus,

In hoc sacro jejúnio
Fusas quadragenário.

Scrutátor alme córdium,
Infirma tu scis vírium :
Ad te revérsis éxhibe
Remissiónis grátiam.

Multum quidem peccávi-
mus,

Sed parce confiténtibus :
Ad nóminis laudem tui
Confer medélam lánguidis.

Concéde nostrum cónteri
Corpus per abstinentiam;
Culpæ ut relínquant pábu-
lum

Jejúna corda críminum.

Præsta, beáta Trínitas,
Concéde, simplex Unitas;
Ut fructuósa sint tuis
Jejuniórum múnera.

Amen.

℣. Angelis suis Deus mandávit de te. ℞. Ut custódiant te in ómnibus viis tuis.

Antiphona ad Magnificat ut in Proprio de Tempore.

Expleto Cantico ac repetita Antiphona, dicuntur sequentes

Preces feriales

Kýrie, eléison. Christe, eléison. Kýrie, eléison.

Pater noster, quod dicitur a solo Hebdomadario totum clara voce, usque ad ℣.

Et ne nos indúcas in tentatióem. ℞. Sed libera nos a malo. ℣. Ego dixi : Dómine, miserére mei. ℞. Sana ánimam meam, quia peccávi tibi. ℣. Convértere, Dómine, úsquequo? ℞. Et deprecábilis esto super servos tuos. ℣. Fiat misericórdia tua, Dómine, super nos. ℞. Quemádmódum sperávimus in te. ℣. Sacerdótes tui induántur justítiam. ℞. Et sancti tui exsúltent. ℣. Orémus pro beatíssimo Papa nostro **N.** ℞. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. ℣. Orémus et pro Antístite nostro **N.** ℞. Stet et pascat in fortitúde tua, Dómine, in sublimitáte nóminis tui. ℣. Dómine, salvum fac regem. ℞. Et exáudi nos

in die, qua invocáverimus te. ℣. Salvum fac pópulum tuum, Dómine, et bénedic hereditáti tuæ. ℞. Et rege eos, et extólle illos usque in ætérnum. ℣. Meménto Congregatiónis tuæ. ℞. Quam possedísti ab iníto. ℣. Fiat pax in virtúte tua. ℞. Et abundantia in túrribus tuis. ℣. Orémus pro benefactóribus nostris. ℞. Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. ℣. Orémus pro fidélibus defúctis. ℞. Réquiem ætérnam dona eis, Dómine, et lux perpétua lúceat eis. ℣. Requiéscant in pace. ℞. Amen. ℣. Pro frátribus nostris abséntibus. ℞. Salvos fac servos tuos, Deus meus, sperántes in te. ℣. Pro afflictis et captívis. ℞. Libera eos, Deus Israël, ex ómnibus tribulatióibus suis. ℣. Mitte eis, Dómine, auxílium de sancto. ℞. Et de Sion tuére eos. ℣. Dómine, Deus virtútum, convérte nos. ℞. Et osténde fáciem tuam, et salvi érimus. ℣. Exsúrge, Christe, ádjuva nos. ℞. Et libera nos propter nomen tuum. ℣. Dómine, exáudi oratióem meam. ℞. Et clamor meus ad te véniat.

Reliqua ut in Ordinario. 33

AD COMPLETORIUM

℟. Jube, domne.

Bened. Noctem quiétam, et finem perféctum concédât nobis Dóminus omnipotens. ℟. Amen.

Lectio br. 1 Petri 5, 8-9

Fratres : Sóbrii estóte, et vigiláte : quia adversárius vester diábolus tamquam leo rúgiens circuit, quærens quem dévorét : cui resístite fortes in fide. Tu autem, Dómine, miserére nobis.

℟. Deo grátias.

℟. Adjutórium nostrum in nómine Dómini. ℟. Qui fecit cælum et terram.

Pater noster, **quod dicitur totum secreto.**

Confíteor. Misereátur. Indulgéntiam.

℟. Convérte nos, Deus, salutáris noster. ℟. Et avérte iram tuam a nobis.

℟. Deus, in adjutórium.

Extra Tempus Paschale

Ant. Voce mea. †

Tempore Paschali

Ant. Allelúja.

Psalmus 76, i



Oce mea † ad Dóminum clamávi : * voce mea ad Deum, et inténdit mihi.

In die tribulatiónis meæ Deum exquisívi, mánibus

meis nocte contra eum : * et non sum decéptus.

Rénuit consolári ánima mea, * memor fui Dei, et delectátus sum, et exercitátus sum : et defécit spíritus meus.

Anticipavérunt vigílias óculi mei : * turbátus sum, et non sum locútus.

Cogitávi dies antiquos : * et annos ætérnos in mente hábui.

Et meditátus sum nocte cum corde meo, * et exercitábar, et scopébam spíritum meum.

Numquid in ætérnum projiciet Deus : * aut non appónet ut complacítior sit adhuc?

Aut in finem misericórdiam suam abscíndet, * a generatióne in generatióne?

Aut obliviscétur miseréri Deus? * aut continébit in ira sua misericórdias suas?

Et dixi : Nunc cœpi : * hæc mutátio dexteræ Excélsi.

Memor fui óperum Dómini : * quia memor ero ab inítio mirabílium tuórum.

Et meditábor in ómnibus opéribus tuis : * et in adinventiόνibus tuis exercébor.

Psalmus 76, ii

Deus, in sancto via tua : quis Deus magnus sic? ut Deus noster? * tu es Deus qui facis mirabília.

Notam fecísti in pópulis virtútem tuam : * redemísti in bráchio tuo pópulum tuum, filios Jacob et Joseph.

Vidérunt te aquæ, Deus, vidérunt te aquæ : * et timuérunt, et turbátæ sunt abyssi.

Multitúdo sónitus aquárum : * vocem dedérunt nubes.

Etenim sagittæ tuæ transeunt : * vox tonitruui tui in rota.

Illuxérunt coruscationes tuæ orbi terræ : * commóta est, et contrémuit terra.

In mari via tua, et semitæ tuæ in aquis multis : * et vestigia tua non cognoscéntur.

Deduxísti sicut oves pópulum tuum, * in manu Móysi et Aaron.

Psalmus 85

INclína, Dómine, aurem tuam, et exáudi me : * quóniam inops, et pauper sum ego.

Custódi ánimam meam, quóniam sanctus sum : * salvum fac servum tuum, Deus meus, sperántem in te.

Miserére mei, Dómine, quóniam ad te clamávi tota die : * lætífica ánimam servi tui, quóniam ad te, Dómine, ánimam meam levávi.

Quóniam tu, Dómine, suávis, et mitis : * et multæ misericórdiæ ómnibus invocántibus te.

Auribus pèrcipe, Dómine, oratióem meam : * et inténde voci deprecationis meæ.

In die tribulationis meæ clamávi ad te : * quia exaudísti me.

Non est símilis tui in diis, Dómine : * et non est secúndum ópera tua.

Omnes gentes quascúmque fecísti, vénient, et adorábunt coram te, Dómine : * et glorificábunt nomen tuum.

Quóniam magnus es tu, et fáciens mirabilia : * tu es Deus solus.

Deduc me, Dómine, in via tua, et ingrédia in veritate tua : * lætétur cor meum ut timeat nomen tuum.

Confitébor tibi, Dómine, Deus meus, in toto corde meo, * et glorificábo nomen tuum in ætérnum :

Quia misericórdia tua magna est super me : * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam : * et non proposuérunt te in conspéctu suo.

Et tu, Dómine, Deus miserátor et miséricors, *

pátiens, et multæ miseri-
córdiæ, et verax.

Réspice in me, et mise-
rère mei, * da impérium
tuum púero tuo : et salvum
fac filium ancillæ tuæ.

Fac mecum signum in
bonum, ut vídeant qui
odérunt me, et confun-
dántur : * quóniam tu,
Dómine, adjuvísti me, et
consolátus es me.

Extra Tempus Paschale

Ant. Voce mea ad Dó-
minum clamávi : neque
obliviscétur miseréri Deus.

Tempore Paschali

Ant. Allelúja, allelúja,
allelúja.

Hymnus

TE lucis ante términum,
Rerum Creátor, pósci-
mus,

Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cóm-
prime,

Ne polluántur córpora.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Capitulum Jer. 14, 9

TU autem in nobis es,
Dómine, et nomen
sanctum tuum invocátum
est super nos : ne derelín-

quas nos, Dómine, Deus
noster.

℟. br. In manus tuas,
Dómine, * Comméndo spí-
ritum meum. In manus.

℣. Redemísti nos, Dó-
mine, Deus veritátis. Com-
méndo. **Glória Patri.** In
manus. **℣.** Custódi nos,
Dómine, ut pupíllam óculi.

℟. Sub umbra alárum tuá-
rum prótege nos.

Tempore Paschali

℟. br. In manus tuas,
Dómine, comméndo spíri-
tum meum, * Allelúja, al-
lelúja. In manus. **℣.** Red-
emísti nos, Dómine, Deus
veritátis. Allelúja, allelúja.

Glória Patri. In manus.
℣. Custódi nos, Dómine,
ut pupíllam óculi, allelúja.

℟. Sub umbra alárum tuá-
rum prótege nos, allelúja.

Ant. Salva nos.

Canticum Simeonis

Luc. 2, 29-32

Nunc dimíttis servum
tuum, Dómine, * secún-
dum verbum tuum in pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum,

Lumen ad revelatiónem
géntium, * et glóriam ple-
bis tuæ Israël.

Glória Patri.

Ant. Salva nos, Dómine,
vigilántes, custódi nos dor-
miéntes; ut vigilémus cum

Christo, et requiescāmus in pace. (T. P. Allelúja.)

Preees (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

Credo in Deum **secreto usque ad V.** Carnis resurrectionem. **R.** Vitam ætérnam. Amen. **V.** Benedictus es, Dómine, Deus patrum nostrórum. **R.** Et laudábilis et gloriósus in sæcula. **V.** Benedicāmus Patrem et Fílium cum Sancto Spíritu. **R.** Laudémus, et superexaltémus eum in sæcula. **V.** Benedictus es, Dómine, in firmaménto cæli. **R.** Et laudábilis, et gloriósus, et superexaltátus in sæcula. **V.** Benedícat et custódiat nos omnípotens et miséricors Dóminus. **R.** Amen. **V.** Dignáre, Dómine, nocte ista. **R.** Sine peccáto nos custodíre. **V.** Miserére nostri, Dómine. **R.** Miserére

nostri. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Dómine, exáudi oratióem meam. **R.** Et clamor meus ad te véniat.

V. Dóminus vobíscum.

Orémus.

Oratio

Visita, quæsumus, Dómine, habitatióem istam, et omnes insídias inimíci ab ea longe repélle: Angeli tui sancti hábitent in ea, qui nos in pace custódiant; et benedictio tua sit super nos semper. Per Dóminum. **R.** Amen.

V. Dóminus vobíscum.

V. Benedicāmus Dómino.

Benedictio Benedícat et custódiat nos omnípotens et miséricors Dóminus, Pater, et Fílius et Spíritus Sanctus. **R.** Amen.

Antiphona finalis beatæ Mariæ Virginis.

V. Divínium auxílium.

Pater noster, Ave María **et** Credo.

SABBATO

AD MATUTINUM

Pater, Ave **et** Credo.

✠. Dómine, lábia mea.

✠. Deus, in adiutórium.

In Officio feriali
Quadragesimæ

Invit. Non sit vobis vanum mane surgere ante lucem : * Quia promisit Dóminus corónam vigilántibus. **Ps. 94 Veníte. 3**

Hymnus

EX more docti mýstico
Servémus hoc jejúnium,
Deno diérum círculo
Ducto quater notíssimo.

Lex et prophétæ prímítus
Hoc prætulérunt, póstmodum
Christus sacrávit, ómnium
Rex atque factor téporum.

Utámur ergo párcius
Verbis, cibis et pótibus,
Somno, jocis, et árcíus
Perstémus in custódia.

Vitémus autem nóxia,
Quæ súbruunt mentes vagas :
Nullúmque demus cállidi
Hostis locum tyránnidi.

Flectámus iram víndicem,
Plorémus ante Júdicem,

Clamémus ore súpplíci,
Dicámus omnes cérnui :

Nostris malis offéndimus
Tuam, Deus, cleméntiam :
Effúnde nobis désuper,
Remíssor, indulgéntiam.

Meménto quod sumus tui,
Licet cadúci, plásmatis :
Ne des honórem nóminis
Tui, precámur, álteri.

Laxa malum, quod féci-
mus,
Auge bonum, quod pósci-
mus :
Placére quo tandem tibi
Possímus hic, et pérpetim.

Præsta, beáta Trínitas,
Concéde, simplex Unitas,
Ut fructuósa sint tuis
Jejuniórum múnera.
Amen.

Tempore Passionis

Invit. Hódie, si vocem
Dómini audiéritis, * No-
líte obduráre corda vestra.
Ps. 94 Veníte. 3

In quarto Ps. versu non dicitur : Hódie, si vocem; **sed,** post repetitum **Invitatorium,** statim subjungitur : Sicut in exacerbatióne.

In fine autem hujus Ps. non dicitur Glória Patri; sed repetitur Invitatorium.

Hymnus

PAnge, lingua, gloriósi
Láuream certáminis,
Et super Crucis trophæo
Dic triúmphum nóbilem :
Quáliter Redémptor orbis
Immolátus vicerit.

De paréntis protoplásti
Fraude Factor cóndolens,
Quando pomi noxiális
In necem morsu ruit :
Ipse lignum tunc notá-
vit,
Damna ligni ut sólveret.

Hoc opus nostræ salútis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsepia :
Membra pannis involúta
Virgo Mater álligat :
Et Dei manus pedésque
Stricta cingit fáschia.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérsitas.

Amen.

In I Nocturno

Extra Tempus Paschale

Ant. Memor fuit in sæ-
culum * testaménti sui
Dóminus, Deus noster.

Tempore Paschali

Ant. Allelúja, * allelúja,
allelúja.

Psalmus 104, i

Confitémini Dómino,
et invocáte nomen
ejus : * annuntiáte
inter gentes ópera ejus.

Cantáte ei, et psállite
ei : * narráte ómnia mira-
bília ejus.

Laudámini in nómine
sancto ejus : * lætétur cor
quæréntium Dóminum.

Quærite Dóminum, et
confirmámini : * quærite
fáciem ejus semper.

Mementóte mirábiliū
ejus, quæ fecit : * prodigia
ejus, et judícia oris ejus.

Semen Abraham, servi
ejus : * filii Jacob, elécti
ejus.

Ipse Dóminus Deus no-
ster : * in univérſa terra
judícia ejus.

Memor fuit in sæculum
testaménti sui : * verbi,
quod mandávit in mille
generatiónes :

Quod dispósuit ad Abra-
ham : * et juraménti sui
ad Isaac :

Et státuit illud Jacob in
præceptum : * et Israëſ in
testaméntum ætérnum :

Dicens : Tibi dabo terram Chánaan, * funiculum hereditátis vestræ.

Cum essent número brevi, * paucissimi et incolæ ejus :

Et pertransiérunt de gente in gentem, * et de regno ad pópulum álterum.

Non reliquit hóminem nocére eis : * et corripuit pro eis reges.

Nolíte tángere christos meos : * et in prophétis meis nolíte malignári.

Ant. Memor fuit in sáculum testaménti sui Dóminus, Deus noster.

Ant. Auxit Dóminus * pópulum suum : et firmávit eum super inimícos ejus.

Psalmus 104, ii

ET vocávit famem super terram : * et omne firmaméntum panis contrívit.

Misit ante eos virum : * in servum venúmdatus est Joseph.

Humiliavérunt in compédibus pedes ejus, ferarum pertránsiit ánimam ejus, * donec veníret verbum ejus.

Elóquium Dómini inflamávit eum : * misit rex, et solvit eum; princeps populórum, et dimísit eum.

Constítuit eum dóminum domus suæ : * et príncipem omnis possessiónis suæ :

Ut erudíret príncipes ejus

sicut semetípsum : * et senes ejus prudéntiam docéret.

Et intrávit Israëlin Ægýptum : * et Jacob áccola fuit in terra Cham.

Et auxit pópulum suum veheménter : * et firmávit eum super inimícos ejus.

Convértit cor eórum ut odírent pópulum ejus : * et dolum fácerent in servos ejus.

Misit Móysen, servum suum : * Aaron, quem elégit ipsum.

Pósuit in eis verba signórum suórum, * et prodigiórum in terra Cham.

Ant. Auxit Dóminus pópulum suum : et firmávit eum super inimícos ejus.

Ant. Edúxit Deus * pópulum suum in exsultatióne, et eléctos suos in lætítia.

Psalmus 104, iii

Misit ténebras, et obscurávit : * et non exacerbávit sermónes suos.

Convértit aquas eórum in sánguinem : * et occidit pisces eórum.

Edidit terra eórum ranas * in penetrálibus regum ipsórum.

Dixit, et venit cœnomýia : * et cínifes in ómnibus fínibus eórum.

Pósuit plúvias eórum grándinem : * ignem comburéntem in terra ipsórum.

Et percússit véneas eórum, et ficúlneas eórum : * et contrívit lignum finium eórum.

Dixit, et venit locústa, et bruchus, * cujus non erat númerus :

Et comédit omne fœnum in terra eórum : * et comédit omnem fructum terræ eórum.

Et percússit omne primogénitum in terra eórum : * primítias omnis labóris eórum.

Et edúxit eos cum argénto et auro : * et non erat in tríbibus eórum infirmus.

Lætáta est Ægýptus in profectione eórum : * quia incúbuit timor eórum super eos.

Expándit nubem in protectionem eórum, * et ignem ut lucéret eis per noctem.

Petiérunt, et venit cotúrnix : * et pane cæli saturávit eos.

Dirúpit petram, et fluxérunt aquæ : * abiérunt in sicco flúmina;

Quóniam memor fuit verbi sancti sui, * quod hábuit ad Abraham, púerum suum.

Et edúxit pópulum suum in exsultatione, * et electos suos in lætítia.

Et dedit illis regiones gentium : * et labóres populórum possederunt :

Ut custódiant justificatiónes ejus, * et legem ejus requirant.

Ant. Edúxit Deus pópulum suum in exsultatione, et electos suos in lætítia.

In Officiis novem Lectionum :

Extra Tempus Paschale

V. Memor fuit Dóminus verbi sancti sui. **R.** Quod locútus est ad Abraham, púerum suum.

In Festis novem Lectionum

Tempore Paschali

Ant. Allelúja, allelúja, allelúja.

V. Deus regenerávit nos in spem vivam, allelúja. **R.** Per resurrectionem Jesu Christi ex mórtuis, allelúja.

Absol. Exáudi, Dómine.

Bened. 1 Benedictiónem perpétua. 2 Unigénitus Dei Fílius. 3 Spíritus Sancti grátia.

In II Nocturno

Extra Tempus Paschale

Ant. Salvávit eos Dóminus * propter nomen suum.

Tempore Paschali

Ant. Allelúja, * allelúja, allelúja.

Psalmus 105, i



Onfítémini Dómino quóniam bonus : * quóniam in sæculum misericórdia ejus.

Quis loquétur poténtias
Dómini, * audítas fáciet
omnes laudes ejus?

Beáti, qui custódiunt ju-
dícium, * et faciunt justí-
tiam in omni témpore.

Meménto nostri, Dómi-
ne, in beneplácito pópuli
tui : * vísita nos in salu-
tári tuo :

Ad vidéndum in bonitáte
electórum tuórum, ad læ-
tándum in lætítia gentis
tuæ : * ut lauderis cum
hereditáte tua.

Peccávimus cum pátri-
bus nostris : * injúste
égimus, iniquitátem féci-
mus.

Patres nostri in Ægýpto
non intellexérunt mirabí-
lia tua : * non fuérunt mé-
mores multitudínis mise-
ricórdiæ tuæ.

Et irritavérunt ascendén-
tes in mare, * Mare Ru-
brum.

Et salvávit eos propter
nomen suum : * ut notam
fáceret poténtiam suam.

Et incrépuit Mare Ru-
brum, et exsiccátum est : *
et dedúxit eos in abyssis
sicut in desérto.

Et salvávit eos de manu
odiéntium : * et redémit
eos de manu inimíci.

Et opéruit aqua tribulán-
tes eos : * unus ex eis non
remánsit.

Et credidérunt verbis
ejus : * et laudavérunt
laudem ejus.

Cito fecérunt, oblíti sunt
óperum ejus : * et non
sustinuérunt consílium
ejus.

Et concupiérunt concu-
piscéntiam in desérto : *
et tentavérunt Deum in
inaquóso.

Et dedit eis petitióem
ipsórum : * et misit satura-
tátem in ánimas eórum.

Ant. Salvávit eos Dómi-
nus propter nomen suum.

Ant. Oblíti sunt Deum, *
qui salvávit eos.

Psalmus 105, ii

ET irritavérunt Móysen
in castris : * Aaron,
sanctum Dómini.

Apérta est terra, et de-
glutívit Dathan : * et opé-
ruit super congregatióem
Abíron.

Et exársit ignis in syna-
goga eórum : * flamma
combússit peccatóres.

Et fecérunt vítulum in
Horeb : * et adoravérunt
scúlptile.

Et mutavérunt glóriam
suam * in similitúdinem
vítuli comedéntis fœnum.

Oblíti sunt Deum, qui
salvávit eos, * qui fecit
magnália in Ægýpto, mi-
rabília in terra Cham :
terribília in Mari Rubro.

Et dixit ut dispénderet
eos : * si non Móyses, elé-
ctus ejus, stetisset in con-
fractiõe in conspéctu
ejus :

Ut avérteret iram ejus ne dispéderet eos : * et pro nihilo habuérunt terram desiderábilem :

Non credidérunt verbo ejus, et murmuravérunt in tabernáculis suis : * non exaudiérunt vocem Dómini.

Et elevávit manum suam super eos : * ut prostérnet eos in desérto :

Et ut dejiceret semen eórum in natióibus : * et dispégeret eos in regióibus.

Et initiáti sunt Beélphegor : * et comedérunt sacrificia mortuórum.

Et irritavérunt eum in adinventiόνibus suis : * et multiplicáta est in eis ruína.

Et stetit Phínees, et placávit : * et cessávit quasátio.

Et reputátum est ei in justítiam, * in generatió-nem et generatió-nem usque in sempitérnum.

Ant. Oblíti sunt Deum, qui salvávit eos.

Ant. Cum tribularén-tur, * vidit Dóminus : et audívit oratió-nem eórum.

Psalmus 105, iii

ET irritavérunt eum ad Aquas contradictiόνis : * et vexátus est Móyses propter eos : quia exacerbavérunt spíritum ejus.

Et distínxit in lábiis suis : * non disperdidérunt gentes, quas dixit Dóminus illis.

Et commísti sunt inter gentes, et didicérunt ópera eórum : et serviérunt scul-ptílibus eórum : * et factum est illis in scándalum.

Et immolavérunt filios suos, * et filias suas dæ-móniis.

Et effudérunt sánguinem innocéntem : * sánguinem filiórum suórum et filiárum suárum, quas sacrificavérunt scul-ptílibus Chánaan.

Et infécta est terra in sanguínibus, et contami-náta est in opéribus eórum : * et fornicáti sunt in adinventiόνibus suis.

Et irátus est furóre Dóminus in pópulum suum : * et abominátus est hereditátem suam.

Et trádedit eos in manus géntium : * et domináti sunt eórum qui odérunt eos.

Et tribulavérunt eos inimíci eórum, et humiliáti sunt sub mánibus eórum : * sæpe liberávit eos.

Ipsi autem exacerbavérunt eum in consílio suo : * et humiliáti sunt in iniquitátibus suis.

Et vidit, cum tribularén-tur : * et audívit oratió-nem eórum.

Et memor fuit testaménti sui : * et pœnituit eum secúndum multitudínem misericórdiæ suæ.

Et dedit eos in misericórdias * in conspéctu ómnium qui céperant eos.

Salvos nos fac, Dómine, Deus noster : * et congrega nos de natió nibus :

Ut confiteámur nómini sancto tuo : * et gloriémur in laude tua.

Benedíctus Dóminus Deus Israë l, a sáculo et usque in sáculum : * et dicet omnis pópulus : Fiat, fiat.

Ant. Cum tribularéntur, vidit Dóminus : et audívit oratió nem eórum.

In Festis novem Lectionum :

Extra Tempus Paschale

℣. Salvos nos fac, Dómine, Deus noster. ℟. Ut confiteámur nómini sancto tuo.

In Festis novem Lectionum :

Tempore Paschali

Ant. Allelúja, allelúja, allelúja.

℣. Deus suscitávit Christum a mórtuis, allelúja.

℟. Ut fides nostra et spes esset in Deo, allelúja.

Absolutio. Ipsíus píetas et.

Bened. 4 Deus Pater omnípotens. 5 Christus perpétua.

6 Ignem sui amóris.

In III Nocturno

Extra Tempus Paschale

Ant. Clamavérunt ad Dóminum : * et de necessitatibus eórum liberávit eos.

Tempore Paschali

Ant. Allelúja, * allelúja, allelúja.

Psalmus 106, i



Onfitémini Dómino quóniam bonus : * quóniam in sáculum misericórdia ejus.

Dicant qui redépti sunt a Dómino, quos redémit de manu inimíci : * et de regiónibus congregávit eos :

A solis ortu, et occásu : * ab aquilóne, et mari.

Erravérunt in solitúdine in inaquóso : * viam civitátis habitáculi non invénérunt.

Esuriéntes, et sitiéntes : * ánima eórum in ipsis defécit.

Et clamavérunt ad Dóminum cum tribularéntur : * et de necessitatibus eórum erípuit eos.

Et dedúxit eos in viam rectam : * ut irent in civitátem habitatió nis.

Confiteántur Dómino misericórdiæ ejus : * et mirabilia ejus filiis hóminum.

Quia satiávit ánimam inánem : * et ánimam esuriéntem satiávit bonis.

Sedéntes in ténebris, et umbra mortis : * vinctos in mendicitáte et ferro.

Quia exacerbavérunt elóquia Dei : * et consílium Altíssimi irritavérunt.

Et humiliátum est in labóribus cor eórum : * infirmáti sunt, nec fuit qui adjuváret.

Et clamavérunt ad Dóminum cum tribularéntur : * et de necessitatibus eórum liberávit eos.

Et edúxit eos de ténebris, et umbra mortis : * et víncula eórum disrúpit.

Ant. Clamavérunt ad Dóminum : et de necessitatibus eórum liberávit eos.

Ant. Ipsi vidérunt * ópera Dei, et mirabília ejus.

Psalmus 106, ii

Confiteántur Dómino misericórdiæ ejus : * et mirabília ejus filiis hóminum.

Quia contrívit portas áreas : * et vectes férreos confrégit.

Suscépit eos de via iniquitátis eórum : * propter injustítias enim suas humiliáti sunt.

Omnem escam abomináta est ánima eórum : * et appropinquavérunt usque ad portas mortis.

Et clamavérunt ad Dóminum cum tribularéntur : * et de necessitatibus eórum liberávit eos.

Misit verbum suum, et sanávit eos : * et erípuit eos de interitió nibus eórum.

Confiteántur Dómino misericórdiæ ejus : * et mirabília ejus filiis hóminum.

Et sacrificent sacrificium laudis : * et annúntient ópera ejus in exsultatióne.

Qui descéndunt mare in návibus, * faciéntes operatió nem in aquis multis.

Ipsi vidérunt ópera Dómini, * et mirabília ejus in profúndo.

Dixit, et stetit spíritus procéllæ : * et exaltáti sunt fluctus ejus.

Ascéndunt usque ad cælos, et descéndunt usque ad abyíssos : * ánima eórum in malis tabescébat.

Turbáti sunt, et moti sunt sicut ébrius : * et omnis sapiéntia eórum devoráta est.

Et clamavérunt ad Dóminum cum tribularéntur : * et de necessitatibus eórum edúxit eos.

Et státuit procéllam ejus in auram : * et siluérunt fluctus ejus.

Et lætáti sunt quia siluérunt : * et dedúxit eos in portum voluntátis eórum.

Ant. Ipsi vidérunt ópera Dei, et mirabília ejus.

Ant. Vidébunt recti, * et lætabúntur, et intélligent misericórdias Dómini.

Psalmus 106, iiii

Confiteántur Dómino misericórdiæ ejus : * et mirabília ejus filiis hóminum.

Et exáltent eum in ecclésia plebis : * et in cáthedra seniórum laudent eum.

Pósuit flúmina in désertum : * et éxitus aquárum in sitim.

Terram fructíferam in salsúginem, * a malítia inhabitántium in ea.

Pósuit désertum in stagna aquárum : * et terram sine aqua in éxitus aquárum.

Et collocávit illic esuriéntes : * et constituérunt civitátem habitatiónis.

Et seminavérunt agros, et plantavérunt véneas : * et fecérunt fructum natiuitátis.

Et benedíxit eis, et multiplicáti sunt nimis : * et juménta eórum non minorávit.

Et pauci facti sunt : * et vexáti sunt a tribulatióne malórum, et dolóre.

Effúsa est contéptio super príncipes : * et erráre fecit eos in invio, et non in via.

Et adjúvit páuperem de inópia : * et pósuit sicut oves famílias.

Vidébunt recti, et lætabúntur : * et omnis iníquitas oppilábit os suum.

Quis sápiens et custódiét hæc? * et intélliget misericórdias Dómini?

Extra Tempus Paschale

Ant. Vidébunt recti, et lætabúntur, et intélligent misericórdias Dómini.

In Festis extra Tempus Paschale

℣. Exáltent Dóminum in ecclésia plebis. *℟.* Et in cáthedra seniórum laudent eum.

In feriali Officio Quadragesimæ

℣. Scuto circúmdabit te véritas ejus. *℟.* Non timébis a timóre noctúrno.

In feriali Officio Tempore Passionis

℣. Ne perdas cum ímpiis, Deus, ánimam meam. *℟.* Et cum viris sánguini vitam meam.

Tempore Pasehali

Ant. Allelúja, allelúja, allelúja.

In Festis novem Lectionum :

℣. Deus et Dóminum suscitávit, allelúja. *℟.* Et nos suscitábit per virtutem suam, allelúja.

In Officiis trium Lectionum :

℣. Gavísi sunt discípuli allelúja. *℟.* Viso Dómino, allelúja.

In Officio
novem Lectionum

Absolutio. A vñculis.

Bened. 7 Evangélica léctio.

8 In Festis Domini : Divinum auxílium.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. **9** Ad societátem. (Per evangélica dicta.)

In Officio
trium Lectionum

Absolutio. A vñculis.

In Feriis cum Homilia :

Bened. 1 Evangélica. **2** Divinum. **3** Ad societátem.

In Octava simplici :

Bened. 1 Ille nos benedícat. **2** Cujus (vel Quorum aut Quarum). **3** Ad societátem.

In Officio sanctæ Mariæ
in Sabbato

Absol. Précibus et méritis beátæ Mariæ semper Virgínis et ómnium Sanctórum, perdúcat nos Dóminus ad regna cælórum. Amen.

Bened. 1 Nos cum prole pia benedícat Virgo María. Amen.

2 Ipsa Virgo vírginum intercedat pro nobis ad Dóminum. Amen.

3 Per Virgínem Matrem concédant nobis Dóminus salútem et pacem. Amen.

AD LAUDES I

In Festis novem Lectionum extra et intra Tempus Paschale celebrandis, in omnibus Officiis de Octava non privilegiata, atque in Officio sanctæ Mariæ in Sabbato.

(Pater noster et Ave.)

V. Deus, in adjutórium.

Extra Tempus Paschale

Ant. Fílii Sion * exsúltent in Rege suo.

Tempore Paschali

Ant. Allelúja, * allelúja, allelúja.

Psalmus 149



Antáte Dómino cánticum novum : * laus ejus in ecclésia sanctórum.

Lætétur Israël in eo, qui fecit eum : * et fílii Sion exsúltent in rege suo.

Laudent nomen ejus in choro : * in týmpano, et psaltério psallant ei :

Quia beneplácitum est Dómino in pópulo suo : * et exaltábit mansuétos in salútem.

Exsultábunt sancti in glória : * lætabúntur in cubílibus suis.

Exaltatiónes Dei in gútture eórum : * et gládii ancípites in mánibus eórum.

Ad faciéndam vindíctam in natióibus : * increpatiónes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fáciant in eis iudícium conscríptum : * glória hæc est ómnibus sanctis ejus.

Ant. Fílii Sion exsúltent in Rege suo.

Ant. Quam magnificáta * sunt ópera tua, Dómine!

Psalmus 91

BOnum est confitéri Dómino : * et psállere nómini tuo, Altíssime.

Ad annuntiándum mane misericórdiam tuam : * et veritátem tuam per noctem.

In decachórdo, psaltério : * cum cántico, in cíthara.

Quia delectásti me, Dómine, in factúra tua : * et in opéribus mánuum tuárum exsultábo.

Quam magnificáta sunt ópera tua, Dómine! * nimis profúndæ factæ sunt cogitatíones tuæ.

Vir insípiens non cognóscet : * et stultus non intélliget hæc.

Cum exórti fúerint peccatóres sicut fœnum : * et apparúerint omnes, qui operántur iniquitátem :

Ut intéreant in sáculum sáculi : * tu autem Altíssimus in ætérnum, Dómine.

Quóniam ecce inimíci tui, Dómine, quóniam ecce

inimíci tui períbunt : * et dispergéntur omnes, qui operántur iniquitátem.

Et exaltábitur sicut unicórnis cornu meum : * et senéctus mea in misericórdia úberi.

Et despéxit óculus meus inimícos meos : * et in insurgéntibus in me malignántibus áudiet auris mea.

Justus ut palma florébit : * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi : * et bene patiéntes erunt, ut annúntient :

Quóniam rectus Dóminus Deus noster : * et non est iníquitas in eo.

Ant. Quam magnificáta sunt ópera tua, Dómine!

Ant. Lætábitur justus * in Dómino, et sperábit in eo.

Psalmus 63

EXáudi, Deus, oratió-nem meam cum deprecor : * a timóre inimíci éripe ánimam meam.

Protexísti me a convéntu malignántium : * a multítudine operántium iniquitátem.

Quia exacuérunt ut gládium linguas suas : * intendérunt arcum rem amá-

ram, ut sagittent in occultis immaculatum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitates : * defecerunt scrutantes scrutinio.

Accédet homo ad cor altum : * et exaltábitur Deus.

Sagittæ parvulorum factæ sunt plagæ eorum : * et infirmatæ sunt contra eos linguæ eorum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera Dei, * et facta ejus intellexerunt.

Lætábitur justus in Dómino, et sperábit in eo, * et laudabúntur omnes recti corde.

Ant. Lætábitur justus in Dómino, et sperábit in eo.

Ant. Osténde nobis, Dómine, * lumen miseratiónum tuárum.

Canticum Ecclesiastici

Eccli. 36, 1-16

Miserére nostri, Deus ómnium, et respice nos, * et osténde nobis lucem miseratiónum tuárum :

Et immítte timórem tuum

super gentes, * quæ non exquisiérunt te,

Ut cognóscant quia non est Deus nisi tu, * et enárrent magnália tua.

Alleva manum tuam super gentes aliénas, * ut vídeant poténtiam tuam.

Sicut enim in conspéctu eórum sanctificátus es in nobis, * sic in conspéctu nostro magnificáberis in eis,

Ut cognóscant te, sicut et nos cognóvimus, * quóniam non est Deus præter te, Dómine.

Innova signa, et immúta mirabília. * Glorifica manum, et bráchium dextrum.

Excita furórem, et effúnde iram. * Tolle adversárium, et afflige inimicum.

Festína tempus, et memento finis, * ut enárrent mirabília tua.

In ira flammæ devorétur qui salváture : * et qui pèsimant plebem tuam, invéniant perditionem.

Cóntere caput principum inimicórum, * dicéntium : Non est álius præter nos.

Cóngrega omnes tribus Jacob : ut cognóscant quia non est Deus nisi tu, * et enárrent magnália tua :

Et hereditábis eos, * sicut ab initio.

Miserére plebi tuæ, super quam invocátum est nomen tuum : * et Israël,

quem coæquásti primogénito tuo.

Miserére civitatí sanctificatiónis tuæ Jerúsalem, * civitatí requiæi tuæ.

Reple Sion inenarrábilibus verbis tuis, * et glória tua pópulum tuum.

Ant. Osténde nobis, Dómine, lucem miseratiónum tuárum.

Ant. Omnis spíritus * laudet Dóminum.

Psalmus 150

Laudáte Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secúndum multitudínem magnitúdinis ejus.

Laudáte eum in sono tubæ : * laudáte eum in psalterio, et cithara.

Laudáte eum in týmpano, et choro : * laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : * omnis spíritus laudet Dóminum.

Extra Tempus Paschale

Ant. Omnis spíritus laudet Dóminum.

Tempore Pasehali

Ant. Allelúja, allelúja, allelúja.

AD LAUDES II

In Sabbatis post Dominicam I Quadragesimæ usque ad Sabbatum sanctum inclusive, quando fit Officium de Feria.

(Pater noster et Ave.)

V. Deus, in adjutórium.

Ant. Benígne fac, Dómine.

Sabbato sancto

Ant. O mors, * ero mors tua, morsus tuus ero, inférne.

Psalmus 50



Miserére mei, Deus, * secúndum magnam misericórdiam tuam.

Et secúndum multitudínem miseratiónum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognóscó : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim, in iniquitátibus concéptus sum : * et in peccátis concépit me mater mea.

Ecce enim, veritátem dilexísti : * incérta et oc-

cúlta sapiéntiæ manifestásti mihi.

Aspérget me hyssópo, et mundábor : * lavábis me, et super nivem dealbábor.

Auditui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et impii ad te converténtur.

Líbera me de sanguínibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluisses sacrificium, dedissem úti que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiae, oblatiónes, et holocáusta : * tunc impónent super altáre tuum vítulos.

Ant. Benigne fac, Dómine, in bona voluntáte tua Sion.

Ant. Rectus Dóminus.

Sabbato sancto

Ant. O mors, ero mors tua, morsus tuus ero, inférne.

Ant. Plangent eum * quasi unigénitum, quia innocens Dóminus occisus est.

Psalmus 91

Bonum est confitéri Dómino : * et psállere nómini tuo, Altíssime.

Ad annuntiándum mane misericórdiam tuam : * et veritátem tuam per noctem.

In decachórdo, psaltério : * cum cántico, in cíthara.

Quia delectásti me, Dómine, in factúra tua : * et in opéribus mánuum tuárum exsultábo.

Quam magnificáta sunt ópera tua, Dómine! * nimis profúndæ factæ sunt cogitatiónes tuæ.

Vir insípiens non cognóscet : * et stultus non intélliget hæc.

Cum exórti fúerint peccatóres sicut fœnum : *

et apparuerint omnes, qui operantur iniquitatem :

Ut intereant in sæculum sæculi : * tu autem Altissimus in ætérnum, Dómine.

Quóniam ecce inimici tui, Dómine, quóniam ecce inimici tui peribunt : * et dispergentur omnes, qui operantur iniquitatem.

Et exaltabitur sicut unicórnis cornu meum : * et senectus mea in misericórdia úberi.

Et despexit óculus meus inimicos meos : * et in insurgéntibus in me malignántibus áudiet auris mea.

Justus ut palma florébit : * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi : * et bene patiéntes erunt, ut annúntient :

Quóniam rectus Dóminus, Deus noster : * et non est iniquitas in eo.

Ant. Rectus Dóminus, Deus noster : et non est iniquitas in eo.

Ant. A timóre inimíci.

Sabbato sancto

Ant. Plangent eum quasi unigénitum, quia ínno-cens Dóminus occísus est.

Ant. Atténdite, * univérsi pópuli, et vidéte dólórem meum.

Psalmus 63

EXáudi, Deus, oratió-nem meam cum depre-cor : * a timóre inimíci éri-pe ánimam meam.

Protexísti me a convéntu malignántium : * a multi-túdine operántium iniqui-tátem.

Quia exacuérunt ut glá-dium linguas suas : * in-tendérunt arcum rem amá-ram, ut sagittent in occúl-tis immaculátum.

Súbito sagittábunt eum, et non timébunt : * firma-vérunt sibi sermónem ne-quam.

Narravérunt ut abscon-derent láqueos : * dixé-runt : Quis vidébit eos?

Scrutáti sunt iniquitá-tes : * defecérunt scrután-tes scrutínio.

Accédet homo ad cor al-tum : * et exaltábitur Deus.

Sagittæ parvulórum fac-tæ sunt plagæ eórum : * et infirmátæ sunt contra eos linguæ eórum.

Conturbáti sunt omnes qui vidébant eos : * et tí-muit omnis homo.

Et annuntiavérunt ópera Dei, * et facta ejus intel-lexérunt.

Lætábitur justus in Dó-mino, et sperábit in eo, *

et laudabúntur omnes recti corde.

Extra Sabbatum sanctum

Ant. A timóre inimíci éripe, Dómine, ánimam meam.

Ant. In servis suis.

Canticum Moysis

Deut. 32, 1-43

AUdíte, cæli, quæ loquor : * áudiat terra verba oris mei.

Concréscat ut plúvia doctrína mea, * fluat ut ros elóquium meum,

Quasi imber super herbam, et quasi stillæ super grámina. * Quia nomen Dómini invocábo :

Date magnificéntiam Deo nostro. * Dei perfécta sunt ópera, et omnes viæ ejus judícia :

Deus fidélis, et absque ulla iniquitáte, justus et rectus. * Peccavérunt ei, et non filii ejus in sórdibus :

Generátio prava atque perversa. * Hæccine reddis Dómino, pópule stulte et insípiens?

Numquid non ipse est pater tuus, * qui possédit te, et fecit, et creávit te?

Meménto diérum antiquórum, * cógita generatiónes singulas :

Intérroga patrem tuum, et annuntiábit tibi : * majóres tuos, et dicent tibi.

Quando dividébat Altís-

simus gentes : * quando separábat filios Adam,

Constitúit téminos populórum * juxta númerum filiórum Israël.

Pars autem Dómini, pópulus ejus : * Jacob funiculus hereditátis ejus.

Invénit eum in terra déserta, * in loco horróris, et vastæ solitúdinis :

Circumdúxit eum, et dócuit : * et custodívit quasi pupíllam óculi sui.

Sicut áquila próvocans ad volándum pullos suos, * et super eos vólitans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit : * et non erat cum eo deus aliénus.

Constitúit eum super excélsam terram : * ut coméderet fructus agrórum,

Ut súgeret mel de petra, * oleúmque de saxo durissimo.

Butýrum de arménto, et lac de óvibus * cum ádipe agnórum, et ariétum filiórum Basan :

Et hircos cum medúlla trítici, * et sánguinem uvæ bíberet meracíssimum.

Incrassátus est diléctus, et recalcitrávit : * incrasátus, impinguátus, dilatátus,

Derelíquit Deum, factórem suum, * et recéssit a Deo, salutári suo.

Provocavérunt eum in diis aliénis, * et in abominatióibus ad iracúndiam concitavérunt.

Immolavérunt dæmóniis, et non Deo, * diis, quos ignorábant :

Novi recentésque venérunt, * quos non coluérunt patres eórum.

Deum qui te génuít dereliquísti, * et oblítus es Dómini, creatóris tui.

Vidit Dóminus, et ad iracúndiam concitátus est : * quia provocavérunt eum filii sui et filíæ.

Et ait : Abscóndam fáciem meam ab eis, * et considerábo novíssima eórum :

Generátio enim perversa est, * et infidéles filii.

Ipsi me provocavérunt in eo, qui non erat Deus, * et irritavérunt in vanitátibus suis :

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima :

Devorabítque terram cum gérmine suo, * et móntium fundaménta combúret.

Congregábo super eos mala, * et sagittas meas complébo in eis.

Consuméntur fame, * et devorábunt eos aves mor-su amaríssimo :

Dentes bestiárum immítam in eos, * cum furóre trahéntium super terram, atque serpéntium.

Foris vastábit eos gládus, et intus pavor, * júvenem simul ac vírginem, lacténtem cum hómine sene.

Dixi : Ubinam sunt? * cessáre fáciám ex homínibus memóriam eórum.

Sed propter iram inimicórum dístuli : * ne forte superbírent hostes eórum,

Et dícerent : * Manus nostra excélsa, et non Dóminus, * fecit hæc ómnia.

Gens absque consílio est, et sine prudéntia. * Utinam sáperent, et intelligerent, ac novíssima providérent.

Quómodo persecuátur unus mille, * et duo fugient decem míllia?

Nonne ídeo, quia Deus suus véndidit eos, * et Dóminus conclúsit illos?

Non enim est Deus noster ut dii eórum : * et inimíci nostri sunt júdices.

De vínea Sodomórum, vínea eórum, * et de subúrbánis Gomórrhæ :

Uva eórum uva fellis, * et botri amaríssimi.

Fel draconum vinum eórum, * et venenum áspidum insanábile.

Nonne hæc cõdita sunt apud me, * et signáta in thesáuris meis?

Mea est últio, et ego retribuam in témpore, * ut labátur pes eórum :

Juxta est dies perditionis, * et adesse festínant témpora.

Judicábit Dóminus pópulum suum, * et in servis suis miserébitur :

Vidébit quod infirmáta sit manus, * et clausi quoque defecérunt, residuíque consúpti sunt.

Et dicet : Ubi sunt dii eórum, * in quibus habébant fidúciam?

De quorum víctimis comedébant ádipes, * et bibébant vinum libáminum :

Surgant, et opituléntur vobis, * et in necessitáte vos prótegant.

Vidéte quod ego sim solus, * et non sit álius Deus præter me :

Ego occídám, et ego vívere fáciám : percútiam, et ego sanábo, * et non est qui de manu mea possit erúere.

Levábo ad cælum manum meam, et dicam : * Vivo ego in ætérnum.

Si acúero ut fulgur gláadium meum, * et arripúerit judícium manus mea :

Reddam ultiónem hóstibus meis, * et his qui odérunt me retribuam.

Inebriábo sagíttas meas ságuine, * et gládius meus devorábit carnes,

De cruóre occisórum, * et de captivitáte, nudáti inimicórum cápitis.

Laudáte, gentes, pópulum ejus, * quia ságuinem servórum suórum ulciscétur :

Et vindíctam retribuet in hostes eórum, * et propítius erit terræ pópuli sui.

Ant. In servis suis miserébitur Dóminus : * et propítius erit terræ pópuli sui.

Ant. Laudáte. †

Sabbato sancto

Ant. Atténdite, univérsi pópuli, et vidéte dolórem meum.

Ant. A porta ínferi * érue, Dómine, ánimam meam.

Canticum Ezechiae

Is. 38, 10-20

EGO dixi : In dimídio diérum meórum * vadam ad portas ínferi.

Quæsívi resíduum annórum meórum. * Dixi : Non vidébo Dóminum Deum in terra vivéntium.

Non aspiciam hóminem ultra, * et habitatórem quiétis.

Generátio mea abláta est, et convolúta est a me, * quasi tabernáculum pastórum.

Præcisa est velut a te-
xente, vita mea : dum ad-
huc ordírer, succídít me : *
de mane usque ad véspe-
ram fínies me.

Sperábam usque ad ma-
ne, * quasi leo sic contrívit
ómnia ossa mea :

De mane usque ad vé-
speram fínies me : * sicut
pullus hirúndinis sic cla-
mábo, meditábor ut co-
lúmba :

Attenuáti sunt óculi
mei, * suspiciéntes in ex-
célsum :

Dómine, vim pátiór, re-
spónde pro me. * Quid di-
cam, aut quid respondébit
mihi, cum ipse fécerit?

Recogitábo tibi omnes
annos meos * in amaritú-
dine ánimæ meæ.

Dómine, si sic vívitur,
et in tálibus vita spíritus
mei, corrípíes me, et vi-
vificábis me. * Ecce, in
pace amaritúdo mea ama-
ríssima :

Tu autem eruísti ánimam
meam ut non períret : *
projecísti post tergum
tuum ómnia peccáta mea.

Quia non inférnus con-
fitébitur tibi, neque mors
laudábit te : * non exspe-
ctábunt qui descéndunt in
lacum, veritátem tuam.

Vivens vivens ipse con-
fitébitur tibi, sicut et ego
hódie : * pater filiis notam
fáciét veritátem tuam.

Dómine, salvum me fac, *

et psalmos nostros cantá-
bimus cunctis diébus vitæ
nostræ in domo Dómini.

Glória Patri *omittitur*.

Ant. A porta inferi érué,
Dómine, ánimam meam.

Ant. O vos omnes, * qui
transítis per viam, attén-
dite et vidéte, si est dolor
sicut dolor meus.

Psalmus 150

Laudáte † Dóminum in
sanctis ejus : * lau-
dáte eum in firmaménto
virtútis ejus.

Laudáte eum in virtúti-
bus ejus : * laudáte eum
secúndum multitudínem
magnitúdinis ejus.

Laudáte eum in sono tu-
bæ : * laudáte eum in psal-
tério, et cíthara.

Laudáte eum in tým-
pano, et choro : * laudáte
eum in chordis, et órgano.

Laudáte eum in cýmbalis
benesonántibus : laudáte
eum in cýmbalis jubilatió-
nis : * omnis spíritus lau-
det Dóminum.

Ant. Laudáte Dóminum
secúndum multitudínem
magnitúdinis ejus.

Sabbato sancto

Ant. O vos omnes, qui
transítis per viam, attén-
dite et vidéte, si est dolor
sicut dolor meus.

*Reliqua ut infra in Sabbato
sancto.*

Tempore Quadragesimæ

Capitulum Is. 58, 1

CLama, ne cesses, quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus

O Sol salútis, íntimis,
Jesu, refúlge méntibus,
Dum, nocte pulsa, grátior
Orbi dies renáscitur.

Dans tempus acceptábile,
Da lacrimárum rívilis
Laváre cordis víctimam,
Quam læta adúrat cáritas.

Quo fonte manávit nefas,
Fluent perénnes lácrimæ,
Si virga pæniténtiæ
Cordis rigórem cónterat.

Dies venit, dies tua,
In qua reflórent ómnia :
Lætémur et nos, in viam
Tua redúcti délixtera.

Te prona mundi máchina,
Clemens, adóret, Trínitas,
Et nos novi per grátiam
Novum canámus cánticum. Amen.

✠. Angelis suis Deus mandávit de te. ✠. Ut custódiant te in ómnibus viis tuis.

Antiphona ad Benedictus ut in Proprio de Tempore.

Expleto Cantico ac repetita Antiphona, dicuntur sequentes

Preces feriales

KYrie, eléison. Christe, eléison. Kýrie, eléison.

Pater noster, quod dicitur a solo Hebdomadario totum clara voce, usque

ad ✠. Et ne nos indúcas in tentatiónem. ✠. Sed libera nos a malo. ✠. Ego dixi : Dómine, miserére mei. ✠. Sana ánimam meam, quia peccávi tibi. ✠. Convertere, Dómine, úsquequo? ✠. Et deprecábilis esto super servos tuos.

✠. Fiat misericórdia tua, Dómine, super nos.

✠. Quemádmódum sperávimus in te. ✠. Sacerdótes tui induántur justítiam.

✠. Et sancti tui exsúltent.

✠. Orémus pro beatíssimo Papa nostro N. ✠. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. ✠. Orémus et pro Antístite nostro N.

✠. Stet et pascat in fortitúdine tua, Dómine, in sublimitáte nóminis tui.

✠. Dómine, salvum fac regem. ✠. Et exáudi nos in die, qua invocáverimus te. ✠. Salvum fac pópulum tuum, Dómine, et

bénedic hereditáti tuæ.

✠. Et rege eos, et extólle illos usque in ætérnum.

✠. Meménto Congregatiónis tuæ. ✠. Quam pos-
sedísti ab initio. ✠. Fiat
pax in virtúte tua. ✠. Et
abundántia in túrribus
tuis. ✠. Orémus pro bene-
factóribus nostris. ✠. Re-
tribúere dignáre, Dómine,
ómnibus, nobis bona fa-
ciéntibus propter nomen
tuum, vitam ætérnam.
Amen. ✠. Orémus pro
fidélibus defúctis. ✠. Ré-
quiem ætérnam dona eis,
Dómine, et lux perpétua
lúceat eis. ✠. Requiéscant
in pace. ✠. Amen. ✠. Pro
frátribus nostris absénti-
bus. ✠. Salvos fac servos
tuos, Deus meus, sperán-
tes in te. ✠. Pro afflictis
et captívis. ✠. Líbera
eos, Deus Israël, ex óm-
nibus tribulatiónibus suis.
✠. Mitte eis, Dómine, au-
xílium de sancto. ✠. Et de
Sion tuére eos. ✠. Dómi-
ne, Deus virtútum, con-
vérté nos. ✠. Et osténde
fáciem tuam, et salvi éri-
mus. ✠. Exsúrge, Christe,
áduva nos. ✠. Et líbera
nos propter nomen tuum.
✠. Dómine, exáudi oratió-
nem meam. ✠. Et clamor
meus ad te véniat.

Reliqua ut in Ordinario. 13

Tempore Passionis

Capitulum Jer. 11, 19

VEníte, mittámus li-
gnum in panem ejus,
et eradámus eum de terra

vivéntium, et nomen ejus
non memorétur ámplius.

Hymnus

L Ustra sex qui jam per-
égit,
Tempus implens córporis,
Sponte líbera Redémptor
Passióni déditus,
Agnus in Crucis levátur
Immolándus stípitem.

Felle potus ecce languet :
Spina, clavi, lancea
Mite corpus perforárunt :
Unda manat, et cruor :
Terra, pontus, astra, mun-
dus,
Quo lavántur flúmine!

Crux fidélis, inter omnes
Arbor una nóbilis :
Silva talem nulla profert
Fronde, flore, gérmine :
Dulce ferrum, dulce li-
gnum,
Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívitas;
Et supérni membra Regis
Tende miti stípitem.

Sola digna tu fuísti
Ferre mundi víctimam;
Atque portum præparáre
Arca mundo náufrago,
Quam sacer cruor perún-
xit,
Fusus Agni córpore.

Sempitérna sit beátæ
Trinitáti glória,

Æqua Patri, Filióque;
Par decus Paráclito :
Unius Triníque nomen
Laudet univérſitas. Amen.

✠. Eripe me de inimícis
meis, Deus meus. ✠. Et
ab insurgéntibus in me lí-
bera me.

*Antiphona ad Benedictus ut
in Proprio de Tempore.*

*Preces feriales, ut supra. 315
Reliqua ut in Ordinario. 13*

AD PRIMAM

Pater, Ave **et** Credo.

✠. Deus, in adjutórium.

Hymnus

IAM lucis orto sídere,
Deum precémur súp-
plices,

Ut in diúrnis áctibus
Nos servet a nocéntibus.

Linguam refrénans tém-
peret,

Ne litis horror insonet :
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* **D**eo Patri sit glória,
Ejúsque soli Fílio,
Cum Spíritu Paráclito,
Nunc et per omne sáecu-
lum. Amen.

**In Festis extra Tempus
Paschale : Ant.** Exaltáre,
Dómine.

In Officio feriali

Tempore Quadragesimæ

Ant. Vivo ego.

Sabbato post Dom. Passionis

Ant. Líbera me, Dómine.

Tempore Paschali : Ant.
Allelúja.

Psalmus 93, i



Eus ulciónum Dómi-
nus : * Deus ulción-
num líbere egit.

Exaltáre, qui júdicas ter-
ram : * redde retributió-
nem supérbis.

Usquequo peccatóres, Dó-
mine, * úsquequo pecca-
tóres gloriabúntur :

Effabúntur, et loquéntur
iniquitátem : * loquéntur
omnes, qui operántur in-
justítiam?

Pópulum tuum, Dómine,
humiliavérunt : * et he-
reditátem tuam vexavé-
runt.

Víduam, et ádvenam in-
terfecérunt : * et pupíllas
occidérunt.

Et dixerunt : Non vidébit
Dóminus, * nec intélliget
Deus Jacob.

Intélligite, insipientes in
pópulo : * et stulti, ali-
quándo sápite.

Qui plantávit aurem, non
áudiet? * aut qui finxit
óculum, non consíderat?

Qui córripit gentes, non árguet : * qui docet hóminem sciéntiam?

Dóminus scit cogitatiónes hóminum, * quóniam vanæ sunt.

Psalmus 93, ii

BEátus homo, quem tu erudíseris, Dómine* : et de lege tua docúeris eum,

Ut mítiges ei a diébus malis : * donec fodiátur peccatóri fóvea.

Quia non repéllet Dóminus plebem suam : * et hereditátem suam non derelínquet.

Quoadúsque justítia convertátur in iudícium : * et qui juxta illam omnes qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitátem?

Nisi quia Dóminus adjúvit me : * paulo minus habitásset in inférno ánima mea.

Si dicébam : Motus est pes meus : * misericórdia tua, Dómine, adjuvábatur me.

Secúndum multitudínem dolórum meórum in corde meo : * consolatiónes tuæ lætificavérunt ánimam meam.

Numquid adhæret tibi sedes iniquitátis : * qui fingis labórem in præcépto?

Captábunt in ánimam

justi : * et sánguinem innocentem condemnábunt.

Et factus est mihi Dóminus in refúgium : * et Deus meus in adjutórium spei meæ.

Et reddet illis iniquitátem ipsórum : et in malítia eórum dispédet eos : * dispédet illos Dóminus, Deus noster.

Psalmus 107

PArátum cor meum, Deus, parátum cor meum : * cantábo, et psallam in glória mea.

Exsúrge, glória mea, exsúrge, psaltérium et cíthara : * exsúrgam dilúculo.

Confitébor tibi in pópulis, Dómine : * et psallam tibi in natió nibus.

Quia magna est super cælos misericórdia tua : * et usque ad nubes véritas tua :

Exaltáre super cælos, Deus, et super omnem terram glória tua : * ut liberéntur dilécti tui.

Salvum fac dextera tua, et exáudi me : * Deus locútus est in sancto suo :

Exsultábo, et dívidam Síchimam, * et convállem tabernaculórum dimétiar.

Meus est Gálaad, et meus est Manásses : * et Ephraïm suscéptio cápitis mei.

Juda rex meus : * Moab lebes spei meæ.

In Idumæam exténdam calceaméntum meum : * mihi alienígenæ amíci facti sunt.

Quis dedúcet me in civitátem munitam? * quis dedúcet me usque in Idumæam?

Nonne tu, Deus, qui repulísti nos, * et non exíbis, Deus, in virtútibus nostris?

Da nobis auxílium de tribulatióne : * quia vana salus hóminis.

In Deo faciémus virtútem : * et ipse ad níhilum dedúcet inimícos nostros.

¶ Quando ad Laudes dictus fuerit Ps. 50 Miserére, hic subjungitur sequens Ps. 149, qui in Laudibus locum non habuit.

Psalmus 149

Cantáte Dómino cánticum novum : * laus ejus in ecclésia sanctórum.

Lætétur Israël in eo, qui fecit eum : * et filii Sion exsúltent in rege suo.

Laudent nomen ejus in choro : * in týmpano, et psalterio psallant ei :

Quia beneplácitum est Dómino in pópulo suo : * et exaltábit mansuétos in salútem.

Exsultábunt sancti in glória : * lætabúntur in cubílibus suis.

Exaltatiónes Dei in gúture eórum : * et gládii ancípites in mánibus eórum.

Ad faciéndam vindíctam in natióibus : * increpatiónes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fácient in eis júdiciu conscriptum : * glória hæc est ómnibus sanctis ejus.

Secus vero, tribus Psalmis expletis, statim dicitur Ant.

In Festis extra Tempus Paschale : Ant. Exaltáre, Dómine, qui júdicas terram : redde retributiónem supérbis.

In Officio feriali

Tempore Quadragesimæ

Ant. Vivo ego, dicit Dóminus : nolo mortem peccatóris, sed ut magis convertátur, et vivat.

Sabbato post Dom. Passionis

Ant. Líbera me, Dómine, et pone me juxta te : et cujúsvis manus pugnet contra me.

Tempore Paschali : Ant. Allelúja, allelúja, allelúja.

In Officio Festi vel Octavæ, ac sanctæ Mariæ in Sabbato :

Capitulum 1 Tim. 1, 17

Regi sæculórum immortalí et invisíbili, soli Deo honor et glória in sæcula sæculórum. Amen.

In omnibus autem Feriis
extra Tempus Paschale :

Capitulum Zach. 8, 19

PAcem et veritatem dilige, ait Dominus omnipotens.

℟. br. Christe, Fili Dei vivi, * Miserere nobis. Christe. V. *Qui sedes ad dexteram Patris.* Miserere nobis. Glória Patri. Christe. V. Exsúrge, Christe, ádjuva nos. ℟. Et libera nos propter nomen tuum.

In feriali Officio Tempore Passionis omittitur Glória Patri.

Tempore Paschali

℟. br. Christe, Fili Dei vivi, miserere nobis, * Allelúja, allelúja. Christe. V. *Qui surrexísti a mortuis.* Allelúja, allelúja. Glória Patri. Christe.

V. Exsúrge, Christe, ádjuva nos, allelúja. ℟. Et libera nos propter nomen tuum, allelúja.

In Officio sanctæ Mariæ in Sabbato dicitur sequens

V. Qui natus es de Mariá Virgine.

Preces dominicales et feriales (si dicendæ sint)

KYrie, eléison. Christe, eléison. Kýrie, eléison.

Pater noster secreto usque ad V. Et ne nos inducas in tentationem. ℟. Sed libera nos a malo.

Credo in Deum secreto usque ad V. Carnis resurrectionem. ℟. Vitam æternam. Amen. V. Et ego ad te, Dómine, clamávi. ℟. Et mane oratio mea præveniet te. V. Repleátur os meum laude. ℟. Ut cantem glóriam tuam, tota die magnitudinem tuam. V. Dómine, avérte faciém tuam a peccátis meis. ℟. Et omnes iniquitates meas dele. V. Cor mundum crea in me, Deus. ℟. Et spíritum rectum innova in viscéribus meis. V. Ne projicias me a fácie tua. ℟. Et spíritum sanctum tuum ne áuferas a me. V. Redde mihi lætítiam salutáris tui. ℟. Et spíritu principáli confírma me.

In Precibus
ferialibus tantum

V. Eripe me, Dómine, ab hómine malo. ℟. A viro iníquo éripe me. V. Eripe me de inimícis meis, Deus meus. ℟. Et ab insurgéntibus in me libera me. V. Eripe me de operántibus iniquitatem. ℟. Et de viris sánguinem salva me. V. Sic psalmum dicam nómini tuo in sáculum sáculi. ℟. Ut reddam vota mea de die in diem. V. Exáudi nos, Deus, salutáris noster. ℟. Spes ómnium finium terræ, et in mari longe. V. Deus, in

adjutórium meum inténde.

℟. Dómine, ad adjuvándum me festína. ℣. Sanctus Deus, Sanctus fortis, Sanctus immortalis. ℟. Miserére nobis. ℣. Bénedic, ánima mea, Dómino. ℟. Et ómnia, quæ intra me sunt, nómini sancto ejus. ℣. Bénedic, ánima mea, Dómino. ℟. Et noli oblivísci omnes retributiónes ejus. ℣. Qui propitiátur ómnibus iniquitatibus tuis. ℟. Qui sanat omnes infirmitates tuas. ℣. Qui rédimít de intéritu vitam tuam. ℟. Qui coronat te in misericórdia et miseratió-nibus. ℣. Qui replet in bonis desidérium tuum. ℟. Renovábitur ut áquilæ juvéntus tua.

In utrisque Preeibus

℣. Adjutórium nostrum in nómine Dómini. ℟. Qui fecit cælum et terram.

Confíteor. Misereátur. Indulgéntiam.

℣. Dignáre, Dómine, die isto. ℟. Sine peccáto nos custodíre. ℣. Miserére nostri, Dómine. ℟. Miserére nostri. ℣. Fiat misericórdia tua, Dómine, super nos. ℟. Quemádmódum sperá-vimus in te. ℣. Dómine, exáudi oratió-nem meam. ℟. Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípo-tens, qui ad princípium hujus diéi nos pervenire fecísti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum.

℟. Amen.

℣. Dóminus vobíscum.

℣. Benedicámus Dómino.

Deinde in Choro legitur Martyrologium. Postea Hebdomadarius dicit :

℣. Pretiósá in conspéctu Dómini. ℟. Mors Sanctórum ejus.

Et absolute, sine Orémus :

Oratio

Sancta María, et ómnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sæcula sæculórum. ℟. Amen.

℣. Deus, in adjutórium meum inténde. ℟. Dómine, ad adjuvándum me festína. Et dicitur ter; ultimo additur : Glória Patri. Sicut erat.

Kýrie, eléison. Christe, eléison. Kýrie, eléison.

Pater noster secreto usque ad ℣. Et ne nos indúcas in tentatió-nem. ℟. Sed

libera nos a malo. *℟.* Réspice in servos tuos, Dómine, et in ópera tua, et dirige fílios eórum. *℟.* Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. *℟.* Glória Patri. *℟.* Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et cörpera nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sæcula sæculórum. *℟.* Amen.

℟. Jube, domne.

Bened. Dies et actus nostros in sua pace dispónat Dóminus omnípotens. *℟.* Amen.

In Officio feriali

Tempore Quadragesimæ

Quærite Dóminum, dum inveníri potest : invocáte eum, dum prope est. Tu autem.

Tempore Passionis

Faciem meam non avérti ab increpántibus, et conspuéntibus in me.

Dóminus Deus auxiliátor meus, et ideo non sum confúsus.

E Proprio Sanctorum

Pro Octava S. Joseph

Filius accrésceus Joseph, fílius accrésceus, et decórus aspéctu : fíliæ discurrérunt super murum.

E Communi Sanctorum

Pro Ap. et Ev. extra T. P.

Ibant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

*Pro Ap. et Ev.,
uno et plur. Mm. T. P.*

Scimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

Pro uno Mart. extra T. P.

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

Pro plur. Mart. extra T. P.

Fulgébunt justí, et tamquam scintíllæ in arundinéto discúrent. Judicábunt nátiónes, et dominabúntur pópulis : et regnabit Dóminus illórum in perpétuum.

Pro Conf. Pont.

Fungi sacerdótio, et habére laudem in nómine ipsíus, et offérre illi incénsum dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum : honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitatióem meam, et pro morte defluénte deprecáta sum. Invocávi Dóminum, Patrem Dómini mei, ut non derelínquat me in die tribulatiónis meæ, et in témpore superbórum sine adjutório.

Pro Virgine non Martyre

O quam pulchra est casta generatio cum claritáte! immortalis est enim memória illíus : quóniam apud Deum nota est, et apud hómnes.

Pro Martyre tantum

Laudábit usque ad mortem ánima mea Dóminum, quóniam éruis sustinéntes te, et líberas eos de manu angústiae, Dómine, Deus noster.

Pro nec Virg. nec Mart.

Multae filiae congregavérunt divítias : tu supergréssa es univérsas. Fallax grátia, et vana est pulchritúdo : múlter timentes Dóminum, ipsa laudábitur.

Pro Dedicatione Ecclesiae

Et abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce, nova fácio ómnia.

In Officiis B. Mariæ V.

In platéis sicut cinnamómum et bálsamum aromatízans odórem dedi : quasi myrrha elécta dedi suavitátem odóris.

V. Adjutórium nostrum in nómine Dómini. **R.** Qui fecit cælum et terram.

V. Benedícite. **R.** Deus.

Benedictio Dóminus nos benedícat, et ab omni malo deféndat, et ad vitam perducát ætérnam. Et fidélium animæ per misericórdiam Dei requiéscant in pace. **R.** Amen.

Deinde dicitur tantum Pater noster **secreto, nisi sequatur alia Hora.**

AD TERTIAM

Pater noster **et** Ave.**V.** Deus, in adiutorium.**Hymnus**

Nunc, Sancte, nobis,
 Spíritus,
 Unum Patri cum Fílio,
 Dignáre promptus ingeri
 Nostro refúsus pectori.

Os, lingua, mens, sensus,
 vigor

Confessionem personent,
 Flamméscat igne caritas,
 Accéndat ardor próximos.

*** Præsta**, Pater piíssime,
 Patrique compar Unice,
 Cum Spíritu Paráclito
 Regnans per omne sæcu-
 lum. Amen.

**In Festis extra Tempus
 Paschale : Ant.** Clamor
 meus.

In Officio feriali

Tempore Quadragesimæ**Ant.** Advenérunt nobis.**Sabbato post Dom. Passionis****Ant.** Judicásti, Dómine.

Tempore Paschali : Ant.
 Allelúja.

Psalmus 101, i

Domine, exáudi ora-
 tionem meam : *
 et clamor meus ad
 te véniat.

Non avértas faciém tuam
 a me : * in quacúmque die
 tribulor, inclína ad me au-
 rem tuam.

In quacúmque die invo-
 cávero te, * velóciter ex-
 áudi me.

Quia defecérunt sicut fu-
 mus dies mei : * et ossa mea
 sicut crémium aruérunt.

Percússus sum ut fœnum,
 et áruit cor meum : * quia
 oblítus sum comédere pa-
 nem meum.

A voce gémitus mei * ad-
 hæsit os meum carni meæ.

Símilis factus sum pelli-
 cáno solitúdinis : * factus
 sum sicut nyctícorax in
 domicílio.

Vigilávi, * et factus sum
 sicut passer solitárius in
 tecto.

Tota die exprobrábant
 mihi inimíci mei : * et qui
 laudábant me, advérsus
 me jurábant.

Quia cínerem tamquam
 panem manducábam, * et
 potum meum cum fletu
 miscébam.

A fácie iræ et indigna-
 tionis tuæ : * quia élevans
 allisísti me.

Dies mei sicut umbra de-
 clinavérunt : * et ego sicut
 fœnum árui.

Tu autem, Dómine, in
 ætérnum pérmanes : * et
 memoriále tuum in gene-
 rationem et generationem.

Psalmus 101, ii

TU exsúrgens miserébe-
 ris Sion : * quia tem-
 pus miseréndi ejus, quia
 venit tempus.

Quóniam placuérunt servis tuis lápidés ejus : * et terræ ejus miserebúntur.

Et timébunt gentes nomen tuum, Dómine, * et omnes reges terræ glóriam tuam.

Quia ædificávit Dóminus Sion * et vidébitur in glória sua.

Respéxit in oratióem humílium : * et non sprexit precem eórum.

Scribántur hæc in generatióne áltera : * et pópulus, qui creábitur, laudábit Dóminum :

Quia prospéxit de excélsso sancto suo : * Dóminus de cælo in terram aspéxit :

Ut audíret gémitus compeditórum : * ut sólveret filios interemptórum :

Ut annúntient in Sion nomen Dómini : * et laudem ejus in Jerúsalem.

In conveniéndó pópulos in unum, * et reges ut sérviánt Dómino.

Psalmus 101, iii

Respóndit ei in via virtútis suæ : * Paucitatem diérum meórum nuntiá mihi.

Ne révocés me in dimídio diérum meórum : * in generatióem et generatióem anni tui.

Inítio tu, Dómine, terram fundásti : * et ópera mánuum tuárum sunt cæli.

Ipsi períbunt, tu autem pérmanes : * et omnes sicut vestiméntum veteráscent.

Et sicut opertórium mutábis eos, et mutabúntur : * tu autem idem ipse es, et anni tui non deficiént.

Filii servórum tuórum habitábunt : * et semen eórum in sáculum dirigétur.

In Festis extra Tempus Paschale : Ant. Clamor meus, Dómine, ad te pervéniat : non avértas fáciem tuam a me.

Tempore Paschali : Ant. Allelúja, allelúja, allelúja.

In Officio feriali Quadragesimæ

Ant. Advenérunt nobis dies pæniténtiæ, ad rediménda peccáta, ad salvándas ánimas.

Capitulum Joel 2, 12-13

Convertímini ad me in toto corde vestro, in jejúnio et fletu, et planctu. Et scíndite corda vestra, et non vestiménta vestra, ait Dóminus omnípotens.

℟. br. Ipse liberávit me * De láqueo venántium. Ipse. **℣.** Et a verbo áspero. De. **Glória Patri.** Ipse.

℣. Scápulis suis obumbrábit tibi. **℟.** Et sub penis ejus sperábis.

Preces feriales

Kyrie, eléison. Christe, eléison. Kyrie, eléison.

Pater noster **secreto usque ad V.** Et ne nos inducas in tentationem. **R.** Sed libera nos a malo. **V.** Domine, Deus virtutum, converte nos. **R.** Et ostende faciem tuam, et salvi erimus. **V.** Exsurge, Christe, adjuva nos. **R.** Et libera nos propter nomen tuum. **V.** Domine, exaudi orationem meam. **R.** Et clamor meus ad te veniat.

Reliqua ut in Ordinario. 25

Tempore Passionis

Sabbato post Dom. Passionis

Ant. Judicasti, Domine, causam animæ meæ, defensor vitæ meæ, Domine, Deus meus.

Capitulum Jer. 17, 13

Domine, omnes qui te derelinquunt, confundentur : recedentes a te, in terra scribentur : quoniam dereliquerunt venam aquarum viventium Domini.

R. br. Erue a fræmea, * Deus, animam meam. Erue. **V.** Et de manu canis unicam meam. Deus. Erue. **V.** De ore leónis libera me, Domine. **R.** Et a cornibus unicórnium humilitatem meam.

Preces feriales, ut supra.

Reliqua ut in Ordinario. 25

AD SEXTAM

Pater noster **et Ave.**

V. Deus, in adjutórium.

Hymnus

Rector potens, verax Deus,
Qui témperas rerum vices,
Splendóre mane illúminas,
Et ignibus merídiem :

**Exstingue flammás lítium,
Aufer calórem nóxium,
Confer salútem córporum,
Verámque pacem córdium.**

* **Præsta,** Pater piíssime,
Patrique compar Unice,
Cum Spíritu Paráclito
Regnans per omne sáeculum. Amen.

In Festis extra Tempus Paschale : **Ant.** Domine, Deus meus.

In Officio feriali

Tempore Quadragesimæ

Ant. Commendemus nosmetipsos.

Sabbato post Dom. Passionis

Ant. Pópule meus.

Tempore Paschali : **Ant.** Allelúja.

Psalmus 103, i

Benedic, ánima mea, Dómino : * Dómine, Deus meus, magnificátus es veheménter. Confessióem, et decórem induísti : * amíctus lúmine sicut vestiménto :

Exténdens cælum sicut pellem : * qui tegis aquis superiora ejus.

Qui ponis nubem ascensum tuum : * qui ámbulas super pennas ventórum.

Qui facis ángelos tuos, spíritus : * et ministros tuos ignem uréntem.

Qui fundásti terram super stabilitátem suam : * non inclinábitur in sæculum sæculi.

Abýssus, sicut vestiméntum, amíctus ejus : * super montes stabunt aquæ.

Ab increpatióne tua fugient : * a voce tonítrui tui formidábunt.

Ascéndunt montes : et descéndunt campi * in locum, quem fundásti eis.

Términum posuísti, quem non transgrediéntur : * neque converténtur operíre terram.

Qui emíttis fontes in convállibus : * inter médium móntium pertransíbunt aquæ.

Potábunt omnes béstiae agri : * exspectábunt ónagri in siti sua.

Super ea vólucres cæli habitábunt : * de médio petrárum dabunt voces.

Psalmus 103, ii

Rigans montes de superioribus suis : * de fructu óperum tuórum satiábitur terra :

Prodúcens fœnum juméntis, * et herbam servitúti hóminum :

Ut edúcas panem de terra : * et vinum lætíficet cor hóminis :

Ut exhílalet fáciem in óleo : * et panis cor hóminis cónfirmet.

Saturabúntur ligna campi, et cedri Líbani, quas plantávit : * illic pásseres nidificábunt.

Heródii domus dux est eórum : * montes excelsi cervis : petra refúgium herináciis.

Fecit lunam in témpora : * sol cognóvit occásu suum.

Posuísti ténebras, et facta est nox : * in ipsa pertransíbunt omnes béstiae silvæ.

Cátuli leónum rugiéntes, ut rápíant, * et quærant a Deo escam sibi.

Ortus est sol, et congregáti sunt : * et in cubíllibus suis collocabúntur.

Exíbit homo ad opus suum : * et ad operatió-nem suam usque ad véspérum.

Psalmus 103, iii

Quam magnificáta sunt ópera tua, Dómine! * ómnia in sapiéntia fecísti : impléta est terra possessi-one tua.

Hoc mare magnum, et spatiósum mánibus : * illic

reptília, quorum non est númerus.

Animália pusilla cum magnis : * illic naves pertransibunt.

Draco iste, quem formásti ad illudéndum ei : * ómnia a te exspéctant ut des illis escam in tēmpore.

Dante te illis, cólligent : * aperiénte te manum tuam, ómnia implebúntur bonitáte.

Averténte autem te fáciem, turbabúntur : * áuferes spíritum eórum, et deficient, et in púlverem suum reverténtur.

Emíttes spíritum tuum, et creabúntur : * et renovábis fáciem terræ.

Sit glória Dómini in sáeculum : * lætábitur Dóminus in opéribus suis :

Qui réspicit terram, et facit eam trémere : * qui tangit montes, et fúmigant.

Cantábo Dómino in vita mea : * psallam Deo meo, quámdiu sum.

Jucúndum sit ei elóquium meum : * ego vero delectábor in Dómino.

Deficiant peccatóres a terra, et iníqui ita ut non sint : * bédedic, ánima mea, Dómino.

In Festis extra Tempus Paschale : Ant. Dómine, Deus meus, magnificátus es veheménter.

Tempore Paschali : Ant. Allelúja, allelúja, allelúja.

In Officio feriali
Quadragesimæ

Ant. Commendémus nosmetípsos in multa patiéntia, in jejúniis multis, per arma justítiæ.

Capitulum **Is. 55, 7**

Derelinquat impius viam suam, et vir iníquus cogitationes suas, et revertátur ad Dóminum, et miserébitur ejus, et ad Deum nostrum, quóniam multus est ad ignoscéndum.

℟. br. Scápolis suis * Obumbrábit tibi. Scápolis. ℣. Et sub pennis ejus sperábis. Obumbrábit tibi. Glória Patri. Scápolis.

℣. Scuto circúmdabit te véritas ejus. ℟. Non timébis a timóre noctúrno.

Preces feriales

Kyrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatióem. ℟. Sed libera nos a malo. ℣. Dómine, Deus virtútum, convérte nos. ℟. Et osténde fáciem tuam, et salvi érimus. ℣. Exsúrge, Christe, ádjuva nos. ℟. Et libera nos propter nomen tuum. ℣. Dómine, exáudi oratió-

nem meam. *℟.* Et clamor meus ad te véniat.

Reliqua ut in Ordinario. 27

Tempore Passionis

Sabbato post Dom. Passionis

Ant. Pópule meus, quid feci tibi? aut quid moléstus fui? Respónde mihi.

Capitulum Jer. 17, 18

Confundántur qui me persequúntur, et non confúndar ego : páveant illi, et non páveam ego : induc super eos diem afflictiónis, et dúplici contritióne cóntere eos, Dómine, Deus noster.

℟. br. De ore leónis * Líbera me, Dómine. De. *℣.* Et a córnibus unicórnium humilitátem meam. Líbera. De. *℣.* Ne perdas cum ímpiis, Deus, ánimam meam. *℟.* Et cum viris sánguinem vitam meam.

Preces feriales, ut supra.

Reliqua ut in Ordinario. 27

AD NONAM

Pater noster *et* Ave.

℣. Deus, in adjutórium.

Hymnus

Rerum, Deus, tenax vigor,
Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam déci-
dat,
Sed præmium mortis sa-
cræ
Perénis instet glória.

* *Præsta*, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

In Festis extra Tempus Paschale : Ant. Ne tacúeris, Deus.

In Officio feriali

Tempore Quadragesimæ

Ant. Per arma justítiæ.

Sabbato post Dom. Passionis

Ant. Numquid rédditur.

Tempore Paschali : *Ant.* Allelúja.

Psalmus 108, i

Eus, laudem meam
ne tacúeris : * quia
os peccatóris, et os
dolósi super me apértum
est.

Locúti sunt advérsus
me lingua dolósa, et ser-
mónibus ódii circumdedé-
runt me : * et expugna-
vérunt me gratis.

Pro eo ut me diligerent,
detrahébant mihi : * ego
autem orábam.

Et posuérunt advérsus
me mala pro bonis : *
et ódium pro dilectiône
mea.

Constitue super eum peccatórem : * et diábolus stet a dextris ejus.

Cum judicátur, éxeat condemnátus : * et orátio ejus fiat in peccátum.

Fiant dies ejus pauci : * et episcopátum ejus accípiat alter.

Fiant filii ejus órphani : * et uxor ejus vídua.

Nutántes transferántur filii ejus, et mendícent : * et ejiciántur de habitatió-nibus suis.

Scrutétur fænerátor om-nem substántiam ejus : * et dirípiant aliéni labóres ejus.

Non sit illi adjútor : * nec sit qui misereátur pupíllis ejus.

Fiant nati ejus in in-terítum : * in genera-tióne una deleátur nomen ejus.

Psalmus 108, ii

IN memóriam rédeat iní-quitas patrum ejus in conspéctu Dómini : * et peccátum matris ejus non deleátur.

Fiant contra Dóminum semper, et dispéreat de terra memória eórum : * pro eo quod non est recor-dátus fácere misericór-diam.

Et persecútus est hómi-nem inopem, et mendí-cum, * et compúnctum corde mortificáre.

Et diléxit maledictiónem, et véniet ei : * et nóluit benedictiónem, et elongá-bitur ab eo.

Et induit maledictiónem sicut vestiméntum, * et intrávit sicut aqua in inte-rióra ejus, et sicut óleum in óssibus ejus.

Fiat ei sicut vestimén-tum, quo operítur : * et sicut zona, qua semper præcingitur.

Hoc opus eórum, qui dé-trahunt mihi apud Dómi-num : * et qui loquúntur mala advérsus ánimam meam.

Et tu, Dómine, Dómine, fac mecum propter nomen tuum : * quia suávis est misericórdia tua.

Psalmus 108, iii

Libera me quia egénus, et pauper ego sum : * et cor meum conturbátum est intra me.

Sicut umbra cum declí-nat, ablátus sum : * et ex-cússus sum sicut locústæ.

Génua mea infirmáta sunt a jejúnio : * et caro mea immutáta est propter óleum.

Et ego factus sum oppró-brium illis : * vidérunt me, et movérunt cápita sua.

Adjuva me, Dómine, Deus meus : * salvum me fac secúndum misericór-diam tuam.

Et sciant quia manus tua
hæc : * et tu, Dómine,
fecísti eam.

Maledícet illi, et tu be-
nedices : * qui insúrgunt
in me, confundántur :
servus autem tuus lætá-
bitur.

Induántur qui détrahunt
mihi, pudóre : * et ope-
riántur sicut diplóide con-
fusióne sua.

Confitébor Dómino nimis
in ore meo : * et in médio
multórum laudábo eum.

Quia ástitit a dextris
páuperis, * ut salvam fá-
ceret a persecuéntibus
ánimam meam.

**In Festis extra Tempus
Paschale : Ant.** Ne tacúe-
ris, Deus, quia sermónibus
ódii circumdedérunt me.

Tempore Paschali : Ant.
Allelúja, allelúja, allelúja.

In Officio feriali
Quadragesimæ

Ant. Per arma justitiæ
virtútis Dei commendé-
mus nosmetípsos in multa
patiéntia.

Capitulum Is. 58, 7

FRange esuriénti panem
tuum, et egénos va-
gósque induc in domum
tuam : cum víderis nu-
dum, óperi eum, et car-
nem tuam ne despéxeris.

℟. br. Scuto circúmdabit
te * Véritas ejus. Scuto.
℣. Non timébis a timóre

noctúrno. Véritas ejus.
Glória. Scuto. **℣.** Angelis
suis Deus mandávit de te.
℟. Ut custódiat te in óm-
nibus viis tuis.

Preces feriales

KYrie, eléison. Christe,
eléison. Kýrie, eléison.

Pater noster **secreto us-
que ad ℣.** Et ne nos indú-
cas in tentatiónem. **℟.** Sed
libera nos a malo. **℣.** Dó-
mine, Deus virtútum, con-
vérte nos. **℟.** Et osténde
fáciem tuam, et salvi éri-
mus. **℣.** Exsúrge, Christe,
áduva nos. **℟.** Et libera
nos propter nomen tuum.
℣. Dómine, exáudi oratió-
nem meam. **℟.** Et clamor
meus ad te véniat.

Reliqua ut in Ordinario, 29

Tempore Passionis

Sabbato post Dom. Passionis

Ant. Numquid rédditur
pro bono malum, quia
fodérunt fóveam ánimæ
meæ.

Capitulum Jer. 18, 20

REcordáre quod stéte-
rim in conspéctu tuo,
ut lóquerer pro eis bonum,
et avérterem indignatió-
nem tuam ab eis.

℟. br. Ne perdas cum
ímpiis, * Deus, ánimam
meam. Ne. **℣.** Et cum
viris sánguinem vitam
meam. Deus. Ne. **℣.** Eripe
me, Dómine, ab hómine

malo. ✠. A viro iniquo éripe me.

Preces feriales, ut supra. 331

Reliqua ut in Ordinario. 29

AD VESPERAS

Pater noster et Ave.

✠. Deus, in adiutorium.

Extra Tempus Paschale

Ant. Benedíctus Dóminus. †

Tempore Paschali

Ant. Allelúja, * allelúja, allelúja.

¶ Antiphonæ cum Psalmis tam intra quam extra Tempus Paschale assignatæ semper in Sabbato dicuntur pro I Vesperis Dominicæ sequentis, quando agendum est Officium de ipsa Dominica, tam in Dominicis minoribus, extra Octavam Ascensionis, quam in Dominicis maioribus, non exclusa ipsa Dominica in Albis.

Psalmus 143, i

Benedíctus Dóminus, † Deus meus, qui docet manus meas ad prælium, * et dígitos meos ad bellum.

Misericórdia mea, et refúgium meum : * suscéptor meus, et liberátor meus :

Protéctor meus, et in ipso sperávi : * qui subdit pópulum meum sub me.

Dómine, quid est homo, quia innotuísti ei? * aut

fílius hóminis, quia réputas eum?

Homo vanitáti símilis factus est : * dies ejus sicut umbra prætereunt.

Dómine, inclína cælos tuos, et descénde : * tange montes, et fumigábunt.

Fúlgura coruscationem, et dissipábis eos : * emítte sagíttas tuas, et conturbábis eos.

Emítte manum tuam de alto, éripe me, et líbera me de aquis multis : * de manu filiórum alienórum.

Quorum os locútum est vanitátem : * et dextera eórum, dextera iniquitátis.

Ant. Benedíctus Dóminus, suscéptor meus, et liberátor meus.

Ant. Beátus pópulus.

Psalmus 143, ii

Deus, cánticum novum cantábo tibi : * in psaltério decachórdo psallam tibi.

Qui das salútem régibus : * qui redemísti David, servum tuum, de gládio maligno : éripe me.

Et érue me de manu filiórum alienórum, quorum os locútum est vanitátem : * et dextera eórum, dextera iniquitátis :

Quorum filii, sicut novellæ plantatiónes * in juventúte sua.

Filiæ eorum compósitæ : * circumornatæ ut similitúdo templi.

Promptuária eorum plena, * eructántia ex hoc in illud.

Oves eorum fetósæ, abundántes in egréssibus suis : * boves eorum crasæ.

Non est ruína macériæ, neque tránsito : * neque clamor in platéis eorum.

Beátum dixerunt pópulum, cui hæc sunt : * beátus pópulus, cujus Dóminus Deus ejus.

Ant. Beátus pópulus, cujus Dóminus Deus ejus.

Ant. Magnus Dóminus.

Psalmus 144, i

Exaltábo te, Deus meus, rex : * et benedicam nómini tuo in sæculum, et in sæculum sæculi.

Per singulos dies benedicam tibi : * et laudábo nomen tuum in sæculum, et in sæculum sæculi.

Magnus Dóminus, et laudábilis nimis : * et magnitúdinis ejus non est finis.

Generátio et generátio laudábit ópera tua : * et poténtiam tuam pronuntiábunt.

Magnificéntiam glóriæ sanctitátis tuæ loquéntur : * et mirabília tua narrábunt.

Et virtútem terribílium tuórum dicent : * et ma-

gnitúdinem tuam narrábunt.

Memóriam abundántiæ suavitátis tuæ eructábunt : * et justítia tua exsultábunt.

Ant. Magnus Dóminus, et laudábilis nimis : et magnitúdinis ejus non est finis.

Ant. Suávis Dóminus.

Psalmus 144, ii

Miserátor, et miséricors Dóminus : * pátiens, et multum miséricors.

Suávis Dóminus univér-sis : * et miseratiónes ejus super ómnia ópera ejus.

Confiteántur tibi, Dómine, ómnia ópera tua : * et sancti tui benedicant tibi.

Glóriam regni tui dicent : * et poténtiam tuam loquéntur :

Ut notam fáciant filiis hóminum poténtiam tuam : * et glóriam magnificéntiæ regni tui.

Regnum tuum regnum ómnium sæculórum : * et dominátio tua in omni generatióne et generatió-nem.

Ant. Suávis Dóminus univér-sis : et miseratiónes ejus super ómnia ópera ejus.

Ant. Fidélis Dóminus. †

Psalmus 144, iii

Fidélis Dóminus † in
ómnibus verbis suis : *
et sanctus in ómnibus opé-
ribus suis.

Allevat Dóminus omnes
qui córruunt : * et érigit
omnes elísos.

Oculi ómnium in te spe-
rant, Dómine : * et tu das
escam illórum in témpore
oportúno.

Aperis tu manum tuam : *
et imples omne ánimam be-
nedictióne.

Justus Dóminus in ómni-
bus viis suis : * et sanctus
in ómnibus opéribus suis.

Prope est Dóminus
ómnibus invocántibus
eum : * ómnibus invocán-
tibus eum in veritáte.

Voluntátem tíméntium
se fáciat : * et deprecatió-
nem eórum exáudiet : et
salvos fáciat eos.

Custódit Dóminus omnes
diligéntes se : * et omnes
peccatóres dispérdet.

Laudatióem Dómini lo-
quétur os meum : * et be-
nedícat omnis caro nómini
sancto ejus in sáculum, et
in sáculum sáculi.

Extra Tempus Paschale

Ant. Fidélis Dóminus in
ómnibus verbis suis : et
sanctus in ómnibus opé-
ribus suis.

Tempore Pasehali

Ant. Allelúja, allelúja,
allelúja.

Capitulum, Hymnus, Ver-
sus, et Antiphona ad Magni-
ficat ut in Proprio de Tem-
pore.

Expleto Cantico ac repetita
Antiphona, dicitur Oratio Do-
minicæ sequentis propria,
quæ per totam hebdomadam
suam in feriali Officio adhi-
betur, nisi specialis Oratio
habeatur.

Reliqua ut in Ordinario. 33

AD COMPLETORIUM

℣. Jube, domne.

Bened. Noctem quiétam,
et finem perféctum concé-
dat nobis Dóminus omní-
potens. ℟. Amen.

Lectio br. 1 Petri 5, 8-9

Fratres : Sóbrii estóte,
et vigiláte : quia ad-
versárius vester diábolus
tamquam leo rúgiens cír-
cuit, quærens quem dévo-
ret : cui resístite fortes in
fide. Tu autem.

℟. Deo grátias.

℣. Adjutórium nostrum
in nómine Dómini. ℟. Qui
fecit cælum et terram.

Pater noster, quod dici-
tur totum secreto.

Confíteor. Misereátur. In-
dulgéntiam.

℣. Convérte nos, Deus,
salutáris noster. ℟. Et
avérte iram tuam a nobis.

℣. Deus, in adjutórium.

Extra Tempus Paschale

Ant. Intret orátio mea.

Tempore Paschali

Ant. Allelúja.

Psalmus 87



Domine, Deus salútis
meæ : * in die cla-
mávi, et nocte co-
ram te.

Intret in conspéctu tuo
orátio mea : * inclína au-
rem tuam ad precem
meam :

Quia repléta est malis
ánima mea : * et vita mea
inférno appropinquávit.

Æstimátus sum cum de-
scendéntibus in lacum : *
factus sum sicut homo
sine adjutório, inter mór-
tuos liber.

Sicut vulneráti dormién-
tes in sepúlcris, quorum
non es memor ámplius : *
et ipsi de manu tua repúlsi
sunt.

Posuérunt me in lacu in-
ferióri : * in tenebrósis, et
in umbra mortis.

Super me confirmátus est
furor tuus : * et omnes flu-
ctus tuos induxísti super
me.

Longe fecísti notos meos
a me : * posuérunt me
abominatióem sibi.

Tráditus sum, et non
egrediébar : * óculi mei
languérunt præ inópia.

Clamávi ad te, Dómine,
tota die : * expándi ad te
manus meas.

Numquid mórtuis fácies

mirábília : * aut médici
suscitábunt, et confite-
búntur tibi?

Numquid narrábit áliquis
in sepúlcro misericórdiam
tuam, * et veritátem tuam
in perditiónē?

Numquid cognoscéntur
in ténebris mirábília tua, *
et justítia tua in terra obli-
viónis?

Et ego ad te, Dómine,
clamávi : * et mane orátio
mea prævéniēt te.

Ut quid, Dómine, repél-
lis oratióem meam : * avér-
tis faciēem tuam a me?

Pauper sum ego, et in la-
bóribus a juventúte mea : *
exaltátus autem, humiliá-
tus sum et conturbátus.

In me transiérunt iræ
tuæ : * et terróres tui con-
turbavérunt me.

Circumdedérunt me sicut
aqua tota die : * circum-
dedérunt me simul.

Elongásti a me amicum
et próximum : * et notos
meos a miséria.

Psalmus 102, i

Benedic, ánima mea,
Dómino : * et ómnia,
quæ intra me sunt, nómini
sancto ejus.

Bénedic, ánima mea, Dó-
mino : * et noli oblivísci
omnes retributiónes ejus.

Qui propitiátur ómnibus
iniquitátibus tuis : * qui
sanat omnes infirmitátes
tuas.

Qui rédimit de intéritu vitam tuam : * qui coronat te in misericórdia et miseratióibus.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et iudícium ómnibus injúriam patiéntibus.

Notas fecit vias suas Móysi, * filiis Israël voluntátes suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitátes nostras retribuit nobis.

Quóniam secúndum altitúdinem cæli a terra : * corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitátes nostras.

Psalmus 102, ii

QUÓmodo miserétur pater filiórum, misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorébit.

Quóniam spíritus pertransíbit in illo, et non subsístet : * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illíus in filios filiórum, * his qui servant testaméntum ejus :

Et mémores sunt mandatórum ipsíus, * ad faciéndum ea.

Dóminus in cælo parávit sedem suam : * et regnum ipsíus ómnibus dominábitur.

Benedícite Dómino, omnes Angeli ejus : * poténtes virtúte, faciéntes verbum illíus, ad audiéndam vocem sermónum ejus.

Benedícite Dómino, omnes virtútes ejus : * ministri ejus, qui fácit voluntátem ejus.

Benedícite Dómino, ómnia ópera ejus : * in omni loco dominationis ejus, benedic, ánima mea, Dómino.

Extra Tempus Paschale

Ant. Intret orátio mea in conspéctu tuo, Dómine.

Tempore Paschali

Ant. Allelúja, allelúja, allelúja.

Hymnus

TE lucis ante términum,
Rerum Créator, póscimus,

Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cóm-
prime,
Ne polluéantur córpora.

* **P**ræsta, Pater piíssime,
Patrique compar Unice,
Cum Spíritu Paráclito,
Regnans per omne sæcu-
lum. Amen.

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelínquas
nos, Dómine, Deus noster.

℟. br. In manus tuas,
Dómine, * Comméndo spí-
ritum meum. In. ℣. Rede-
místi nos, Dómine, Deus
veritátis. Comméndo. Gló-
ria Patri. In manus. ℣. Cu-
stódi nos, Dómine, ut pu-
píllam óculi. ℟. Sub umbra
alárum tuárum prótege
nos.

In feriali Officio Sabbati
ante et post Dominicam Pas-
sionis, omittitur Glória Patri.

Tempore Paschali

℟. br. In manus tuas,
Dómine, comméndo spí-
ritum meum, * Allelúja,
allelúja. In manus. ℣. Rede-
místi nos, Dómine, Deus
veritátis. Allelúja, allelúja.
Glória Patri. In manus.
℣. Custódi nos, Dómine,

ut pupíllam óculi, allelúja.
℟. Sub umbra alárum tuá-
rum prótege nos, allelúja.
Ant. Salva nos.

Canticum Simeonis

Luc. 2, 29-32

Nunc dimíttis servum
tuum, Dómine, * se-
cúndum verbum tuum in
pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum,
Lumen ad revelatióem
géntium, * et glóriam ple-
bis tuæ Israël.

Ant. Salva nos, Dómine,
vigilántes, custódi nos
dormiéntes; ut vigilémus
cum Christo, et requiescá-
mus in pace. (T. P. Alle-
lúja.)

Preces (si dicendæ sint)

Kýrie, eléison. Christe,
eléison. Kýrie, eléison.
Pater noster **secreto us-
que ad ℣.** Et ne nos indú-
cas in tentatióem. ℟. Sed
libera nos a malo.

Credo in Deum **secreto
usque ad ℣.** Carnis resur-
rectiόem. ℟. Vitam ætér-
nam. Amen. ℣. Benedí-
ctus es, Dómine, Deus
patrum nostrórum. ℟. Et
laudábilis et gloriósus in
sæcula. ℣. Benedicámus
Patrem et Fílium cum
Sancto Spíritu. ℟. Laudé-

mus, et superexaltémus eum in sǎcula. *℣.* Benedíctus es, Dómine, in firmaménto cæli. *℟.* Et laudábilis, et gloriósus, et superexaltátus in sǎcula. *℣.* Benedícat et custódiat nos omnípotens et miséricors Dóminus. *℟.* Amen. *℣.* Dignáre, Dómine, nocte ista. *℟.* Sine peccáto nos custodíre. *℣.* Miserére nostri, Dómine. *℟.* Miserére nostri. *℣.* Fiat misericórdia tua, Dómine, super nos. *℟.* Quemádmódum sperávimus in te. *℣.* Dómine, exáudi oratióem meam. *℟.* Et clamor meus ad te véniat.

℣. Dóminus vobíscum.

Orémus.

Oratio

Visita, quǎsumus, Dómine, habitatióem istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiant; et benedíctio tua sit super nos semper. Per Dóminum nostrum. *℟.* Amen.

℣. Dóminus vobíscum.

℣. Benedicámus Dómino.

Benedictio Benedícat et custódiat nos omnípotens et miséricors Dóminus, Pater, et Fílius, et Spíritus Sanctus. *℟.* Amen.

Antiphona finalis B. M. V.

℣. Divínium auxílium.

Pater, Ave María **et** Credo.





Proprium de Tempore

SABBATO I IN QUADRAGESIMA

¶ **Usque ad Sabbatum sanctum non celebrantur Octavæ.**

Hodie et deinceps usque ad Sabbatum sanctum, exceptis diebus Dominicis, Vesperæ dicuntur ante comestionem, etiam in Festis.

AD VESPERAS

Antiphonæ et Psalmi de Sabbato, ut in Psalterio. 332

Capitulum 2 Cor. 6, 1-2

¶ Ratres : Hortámur vos, ne in vácuum grátiam Dei recipiátis. Ait enim : Tém-pore accépto exaudívi te, et in die salútis ad-júvi te.

Hymnus

Audi, benígne Cón-ditor,
Nostras preces cum
flétibus,

In hoc sacro jejúnio
Fusas quadragenário.

Scrutátor alme córdium,
Infírma tu scis vírium :
Ad te revérsis éxhibe
Remissiónis grátiam.

Multum quidem peccávi-
mus,

Sed parce confiténtibus :
Ad nóminis laudem tui
Confer medélam lánguidis.

Concéde nostrum cónteri
Corpus per abstinentiam;
Culpæ ut relínquant pá-
bulum

Jejúna corda criminum.

¶ **Sequens Conclusio num-
quam mutatur.**

Præsta, beáta Trínitas,
Concéde, simplex Unitas;
Ut fructuósa sint tuis
Jejuniórum múnera.

Amen.

✠. Angelis suis Deus
mandávit de te. ✠. Ut

custódiant te in ómnibus viis tuis.

Ad Magnif. Ant. Tunc invocábis, * et Dóminus exáudiet : clamábis, et dicet : Ecce adsum.

Ad Vesperas Dominicæ

Ad Magnif. Ant. Ecce nunc tempus * acceptá-
bile, ecce nunc dies salú-
tis : in his ergo diébus
exhibeámus nosmetípsos
sicut Dei minístros in mul-
ta patiéntia, in jejúniis,
in vigíliis, et in caritaté
non ficta.

Oratio

DEus, qui Ecclésiám
tuam ánnua Quadra-
gesimáli observatióne pu-
rificas : præsta familiæ
tuæ; ut, quod a te obti-
nére abstinéndo nítitur,
hoc bonis opéribus exse-
quátur. Per Dóminum.

DOMINICA I

IN QUADRAGESIMA

I classis Semiduplex

AD MATUTINUM

Invitat. Non sit vobis et
Hymnus Ex more, **ut in Psal-**
terio. 41

Antiphonæ et Psalmi de Do-
minica 43, cum Versibus No-
cturnorum de Tempore Qua-
dragesimæ, ut in Psalterio;
quæ dicuntur etiam in reli-
quis Dominicis Quadrage-
simæ.

In I Nocturno

De Epístola secúnda
beáti Pauli Apóstoli
ad Corinthios

Lectio i Cap. 6, 1-16



Djuvántes autem
exhortámur, ne in
vácuum grátiam
Dei recipiátis. Ait enim :
Témpore accépto exaudívi
te, et in die salútis adjúvi
te. Ecce nunc tempus ac-
ceptábile, ecce nunc dies
salútis. Némini dantes ul-
lam offensiónem, ut non
vituperétur ministérium
nostrum : sed in ómnibus
exhibeámus nosmetípsos
sicut Dei minístros in
multa patiéntia, in tribu-
latiónibus, in necessitati-
bus, in angústiiis, in pla-
gis, in cárceribus, in sedi-
tiónibus, in labóribus, in
vigíliis, in jejúniis, in ca-
stitáte, in sciéntia, in lon-
ganimitáte, in suavitate,
in Spíritu Sancto, in cari-
táte non ficta, in verbo ve-
ritátis, in virtúte Dei, per
arma justítiæ a dextris, et
a sinístris, per glóriam, et
ignobilitátem, per infá-
miam, et bonam famam;
ut seductóres, et veráces,
sicut qui ignóti, et có-
gniti : quasi moriéntes, et
ecce vívimus : ut casti-
gáti, et non mortificáti :
quasi tristes, semper au-
tem gaudéntes : sicut

egéntes, multos autem locupletántes : tamquam nihil habéntes, et ómnia possidéntes.

℟. Ecce nunc tempus acceptábile, ecce nunc dies salútis : commendémus nosmetípsos in multa patiéntia, in jejúniis multis, * Per arma justítiæ virtútis Dei. ℣. In ómnibus exhibeámus nosmetípsos sicut Dei minístros in multa patiéntia, in jejúniis multis. — Per Dóminum.

Lectio ii

OS nostrum patet ad vos, o Corínthii, cor nostrum dilatátum est. Non angustíamini in nobis : angustíamini autem in viscéribus vestris : eámdem autem habéntes remuneratióem, tamquam filiis dico, dilatámini et vos. Nolíte jugum dúcere cum infidélibus. Quæ enim participatió justítiæ cum iniquitaté? Aut quæ societas luci ad ténebras? Quæ autem conventiо Christi ad Bélial? Aut quæ pars fidéli cum infidéli? Qui autem consénsus templo Dei cum idólis? Vos enim estis templum Dei vivi, sicut dicit Deus : Quóniam inhabitábo in illis, et inambulábo inter eos, et ero illórum Deus, et ipsi erunt mihi pópulus.

℟. In ómnibus exhibeámus nosmetípsos sicut Dei minístros in multa patiéntia : * Ut non vituperétur ministérium nostrum. ℣. Ecce nunc tempus acceptábile, ecce nunc dies salútis : commendémus nosmetípsos in multa patiéntia. — Ut.

Lectio iii

Cap. 7, 4-9

REplétus sum consolatióne, superabúndo gáudio in omni tribulatióne nostra. Nam et, cum venissémus in Macedóniam, nullam réquiem habuit caro nostra, sed omnem tribulatióem passisumus : foris pugná, intus timóres. Sed qui consolátur húmiles, consolátus est nos Deus in advéntu Titi. Non solum autem in advéntu ejus, sed étiam in consolatióne, qua consolátus est in vobis, réferens nobis vestrum desidérium, vestrum fletum, vestram æmulatióem pro me, ita ut magis gaudérem. Quóniam etsi contristávi vos in epístola, non me pœnitet : et si pœnitéret, videns quod epístola illa (etsi ad horam) vos contristávit; nunc gáudeo : non quia contristáti estis, sed quia contristáti estis ad pœniténtiam.

℟. In jejúnio et fletu orábunt sacerdótes, dicéntes :

* Parce, Dómine, parce pópulo tuo; et ne des hereditátem tuam in perditionem. *℟.* Inter vestibulum et altáre plorábunt sacerdótes, dicétes. — Parce. Glória Patri. Parce.

In II Noeturno

Sermo sancti Leónis Papæ

Sermo 4 de Quadrag.

Lectio iv

Rædicatúrus vobis, dilectíssimi, sacratíssimum máxímumque jejúnium, quo áptius utar exórdio, quam ut verbis Apóstoli, in quo Christus loquebátur, incípiam, dicámque quod lectum est : Ecce nunc tempus acceptábile : ecce nunc diessalútis? Quamvis enim nulla sint témpora, quæ divínis non sint plena munéribus, et semper nobis ad misericórdiam Dei per ipsíus grátiam præstétur accéssus : nunc tamen ómnium mentes majóri stúdio ad spiritáles profectus movéri, et amplióri fidúcia opórtet animári, quando ad univérsa pietátis offícia, illíus nos diéi, in quo redémpti sumus, recúrsus invítat : ut excellens super ómnia passionis Domínicæ sacraméntum, purificátis et corpóribus et ánimis celebrémus.

℟. Emendémus in mélius, quæ ignoránte peccávimus : ne súbito præoccupáti die mortis, quæramus spátium pœniténtiæ, et inveníre non possimus :

* Atténde, Dómine, et miserére, quia peccávimus tibi. *℟.* Adjuva nos, Deus, salutáris noster, et propter honórem nóminis tui, Dómine, líbera nos. — Atténde.

Lectio v

DEbebátur quidem tantis mystériis ita incessábilis devótio, et continuáta reveréntia, ut tales permanerémus in conspéctu Dei, quales nos in ipso Pascháli festo dignum est inveníri. Sed quia hæc fortitúdo paucórum est : et dum carnis fragilitáte austérior observántia relaxátur, dumque per várias actiónes vitæ hujus sollicitúdo disténditur, necesse est de mundáno púlvere étiam religiósá corda sordéscere : magna divínæ institutiónis salubritáte provisum est, ut ad reparándam méntium puritátem quadraginta nobis diérum exercitatio mederétur, in quibus aliórum témporum culpas, et pia ópera redímerent, et jejúnia casta decóquerent.

℟. Derelínquat ímpius viam suam, et vir iníquus cogitatiónes suas, et re-

vertátur ad Dóminum, et miserébitur ejus : * Quia benígnus et miséricors est, et præstábilis super malítia Dóminus, Deus noster.

V. Non vult Dóminus mortem peccatóris, sed ut convertátur et vivat. — Quia.

Lectio vi

Ingressúri igitur, dilectíssimi, dies mýsticos, et purificándis ánimis atque corpóribus sacrátius institútos, præcéptis apostólicis obedíre curémus, emundántes nos ab omni inquinaménto carnis ac spíritus : ut castigátis colluctatióibus, quæ sunt inter utrámque substántiam, ánimus, quem sub Dei gubernáculis constitútum, córporis sui decet esse rectórem, dominatiónis suæ obtíneat dignitátem : ut némini dantes ullam offensióem, vituperatióibus obloquéntium non simus obnoxii. Digna enim ab infidélibus reprehensióne carpémur, et nostro vítio linguæ impiæ in injúriam se religiósus armábunt, si jejunántium mores a puritáte perfectæ continéntiæ discrepárint. Non enim in sola abstinentia cibi stat nostri summa jejúnii : aut fructuóse córpori esca subtráhitur, nisi mens ab iniquitáte revocétur.

R. Paradísi portas aperuit nobis jejúnii tempus : suscipiámus illud orántes, et deprecántes : * Ut in die resurrectiósus cum Dómino gloriémur. *V.* In ómnibus exhibeámus nosmetipsos sicut Dei ministros in multa paciéntia. — Ut. Glória Patri. Ut.

In III Nocturno

Lectio sancti Evangélíi
secúndum Matthæum

Lectio vii Cap. 4, 1-11

IN illo témpore : Ductus est Jesus in desértum a Spíritu, ut tentarétur a diábolo. Et cum jejúnasset quadragínta diébus et quadragínta nóctibus, póstea esúriit. Et réliqua.

Homília sancti Gregórii
Papæ

Homilia 16 in Evangelia



Ubitári a quibúsdam solet, a quo spíritu sit Jesus ductus in desértum, propter hoc quod súbditur : Assúmpsit eum diábolus in sanctam civitátem : et rursum : Assúmpsit eum in montem excélsus valde. Sed vere et absque ulla quæstióne conveniénter accípitur, ut a Sancto Spíritu in desértum ductus credátur : ut illuc eum suus Spíritus dúceret, ubi hunc ad tentándum malignus spíritus

inveníret. Sed ecce, cum dicitur Deus homo vel in excelsum montem, vel in sanctam civitatem a diabolo assumptus, mens refugit credere, humanæ hoc audire aures expavescunt. Qui tamen non esse incredibilia ista cognoscimus, si in illo et alia facta pensamus.

℟. Scindite corda vestra, et non vestimenta vestra : et convertimini ad Dominum Deum vestrum : * Quia benignus et misericors est. ℣. Derelinquat impius viam suam, et vir iniquus cogitationes suas, et revertatur ad Dominum, et miserabitur ejus. — Quia.

Lectio viii

Certe iniquorum omnium caput diabolus est : et hujus capitis membra sunt omnes iniqui. An non diaboli membrum fuit Pilatus ? an non diaboli membra Judæi persequentes, et milites crucifigentes Christum fuerunt ? Quid ergo mirum, si se ab illo permisit in montem duci, qui se pertulit etiam a membris illius crucifigi ? Non est ergo indignum Redemptori nostro quod tentari voluit, qui venerat occidi. Justum quippe erat, ut sic tentationes nostras suis tentationibus vinceret, sicut mortem no-

stram venerat sua morte superare.

℟. Frange esurienti panem tuum, et egenos vagosque induc in domum tuam : * Tunc erumpet quasi mane lumen tuum, et anteibit faciem tuam justitia tua. ℣. Cum videris nudum, operi eum, et carnem tuam ne despexeris. — Tunc.

Lectio ix

SED sciendum nobis est, quia tribus modis tentatio agitur : suggestione, delectatione, et consensu. Et nos cum tentamur, plerumque in delectationem, aut etiam in consensum labimur : quia de carnis peccato propagati, in nobis ipsis etiam gerimus, unde certamina toleramus. Deus vero, qui in utero Virginis incarnatus, in mundum sine peccato venerat, nihil contradictionis in semetipso tolerabat. Tentari ergo per suggestionem potuit : sed ejus mentem peccati delectatio non momordit. Atque ideo omnis diabólica illa tentatio foris, non intus fuit.

℟. Angelis suis Deus mandavit de te, ut custodiant te in omnibus viis tuis : * In manibus portabunt te, ne umquam offendas ad lapidem pedem tuum. ℣. Super aspi-

dem et basiliscum ambulábis, et conculcábis leónem et draconem. — In. Glória Patri. In.

Et non dicitur Hymnus Te Deum in Officio de Tempore, usque ad Sabbatum sanctum inclusive.

AD LAUDES

Ant. 1 Cor mundum * crea in me, Deus, et spíritum rectum innova in viscéribus meis.

Psalmi de Domin. 2 loco. 53

2 O Dómine, * salvum me fac : o Dómine, bene prosperáre.

3 Sic benedícam * te in vita mea, Dómine : et in nómine tuo levábo manus meas.

4 In spíritu * humilitátis et in ánimo contríto suscipiámur, Dómine, a te : et sic fiat sacrificium nostrum, ut a te suscipiátur hódie, et pláceat tibi, Dómine Deus.

5 Laudáte Deum, * cæli cælórum, et aquæ omnes.

Capitulum 2 Cor. 6, 1-2

Fratres : Hortámur vos, ne in vácuum grátiam Dei recipiátis. Ait enim : Témpore accépto exaudívi te, et in die salútis adjuvi te.

Hymnus

O Sol salútis, íntimis, Jesu, refúlge méntibus,

Dum, nocte pulsa, grátior Orbi dies renáscitur.

Dans tempus acceptábile, Da lacrimárum rívilis Laváre cordis víctimam, Quam læta adúrat caritas.

Quo fonte manávit nefas, Fluent perénnes lácrimæ, Si virga pœniténtiæ Cordis rigórem cónterat.

Dies venit, dies tua, In qua reflórent ómnia : Lætémur et nos, in viam Tua redúcti délixtera.

¶ *Sequens Conclusio nunquam mutatur.*

Te prona mundi máchina, Clemens, adóret, Trínitas, Et nos novi per grátiam Novum canámus cánticum. Amen.

✠. Angelis suis Deus mandávit de te. ✠. Ut custódiant te in ómnibus viis tuis.

Ad Bened. Ant. Ductus est Jesus * in désertum a Spíritu, ut tentarétur a diabolo : et cum jejunásset quadragínta diébus et quadragínta nóctibus, póstea esúriit.

Oratio

Deus, qui Ecclesiám tuam ánnua Quadragésimáli observatióne purificas : præsta familiæ tuæ; ut, quod a te obtinére abstinéndo nítitur, hoc bonis opéribus exsequátur. Per Dóminum.

AD PRIMAM

Ant. Jesus autem * cum jejúnasset quadragínta diébus et quadragínta nóctibus, póstea esúriit.

Psalmi 92 Dóminus regnávit et **99** Jubiláte (e **Laudibus 1 loco**) **49**, deinde **118** Beáti, immaculáti et Retribue ut in **Psalterio 59** : qui dicuntur etiam in **Dominicis** sequentibus, usque ad **Dominicam Palmarum** inclusive. Ad absoluteionem vero **Capituli** in **Officio de Tempore**, ab hac **Dominica** usque ad **Sabbatum** ante **Dominicam Passionis** inclusive **Lectio brevis** **Quærite Dóminum**, de **Tempore Quadragesimæ**, ut in **Psalterio. 62**

AD TERTIAM

Ant. Tunc assúmpsit * eum diábolus in sanctam civitátem, et státuit eum supra pinnáculum templi, et dixit ei : Si Fílius Dei es, mitte te deórsum.

Capitulum 2 Cor. 6, 1-2

FRatres : Hortámur vos, ne in vácuum grátiam Dei recipiátis. Ait enim : Témpore accépto exaudívi te, et in die salútis adjúvi te.

℟. br. Ipse liberávit me * De láqueo venántium. Ipse. **℣.** Et a verbo áspero. De. **Glória Patri.** Ipse. **℣.** Scápolis suis obumbrábit tibi. **℟.** Et sub pennis ejus sperábis.

Oratio

DEus, qui Ecclesiám tuam ánnua Quadragésimáli observatióne purificas : præsta familiæ tuæ; ut, quod a te obtinére abstinéndo nítitur, hoc bonis opéribus exsequátur. Per Dóminum.

AD SEXTAM

Ant. Non in solo pane * vivit homo, sed in omni verbo, quod procédit de ore Dei.

Capitulum 2 Cor. 6, 2-3

ECce nunc tempus acceptábile, ecce nunc dies salútis : némini dantes ullam offensióem, ut non vituperétur ministérium nostrum.

℟. br. Scápolis suis * Obumbrábit tibi. Scápolis. **℣.** Et sub pennis ejus sperábis. Obumbrábit tibi. **Glória Patri.** Scápolis. **℣.** Scuto circúmdabit te véritas ejus. **℟.** Non timébis a timóre noctúrno.

AD NONAM

Ant. Dóminum Deum tuum * adorábis, et illi soli sérvies.

Capitulum 2 Cor. 6, 9-10

UT castigáti, et non mortificáti : quasi tristes, semper autem gaudéntes : sicut egéntes, multòs autem locupletántes : tam-

quam nihil habentes, et omnia possidentes.

℟. br. Scuto circúmdabit te * Véritas ejus. Scuto.

℣. Non timébis a timóre noctúrno. Véritas ejus.

Glória. Scuto. ℣. Angelis suis Deus mandávit de te.

℟. Ut custódiánt te in ómnibus viis tuis.

AD VESPERAS

Antiphonæ et Psalmi de Dominica, ut in Psalterio 72; Capitulum, Hymnus et Versus, ut in Vesperis Sabbati præcedentis. 339

℣. Angelis, ut supra.

Ad Magnif. Ant. Ecce nunc tempus * acceptabile, ecce nunc dies salutis : in his ergo diébus exhibeamus nosmetipsos sicut Dei ministros in multa patientia, in jejuniis, in vigiliis, et in caritate non ficta.

Invitatorium, Hymni, Versus, Lectio brevis ad Primam et Responsoria brevia ad reliquas Horas, in Officio tam dominicali quam feriali usque ad Nonam Sabbati ante Dominicam Passionis inclusive, dicuntur quotidie, ut supra, de Tempore Quadragesimæ in Psalterio de Ordinario : et inde sumuntur in Officio feriali etiam Capitula ad omnes Horas, et Antiphona ad singulas Horas minores.

¶ Sequentes Feriæ usque ad Sabbatum post Dominicam Passionis inclusive sunt majores non privilegiatæ.

FERIA SECUNDA

AD MATUTINUM

Antiphonæ et Psalmi de Feria, cum Versu de Tempore Quadragesimæ, ut in Psalterio : quod servatur etiam in Officio feriali usque ad Sabbatum ante Dominicam Passionis inclusive.

Lectio sancti Evangelii secundum Matthæum

Lectio i Cap. 25, 31-46

IN illo tempore : Dixit Jesus discipulis suis : Cum vénerit Fílius hóminis in majestáte sua, et omnes Angeli cum eo, tunc sedébit super sedem majestátis suæ : et congregabúntur ante eum omnes gentes. Et reliqua.

Homília sancti Augustíni Epíscopi

Liber de fide et operibus, cap. 15 tom. 4, circa medium

SI mandátis non servá-tis, ad vitam veníri potest per solam fidem, quæ sine opéribus mórtua est : illud deínde quómodo verum erit, quod eis, quos ad sinístram positúrus est, dicet : Ite in ignem ætérnum, qui parátus est diabolo et ángelis ejus : nec increpat, quia in eum non credidérunt; sed quia bona ópera non fecérunt? Nam profecto, ne sibi quisquam de fide, quæ sine opéribus

mórtua est, promíttat ætérnam vitam; proptérea omnes gentes segregatúrurum se dixit, quæ permíxtæ eísdem páscuis utebántur : ut appáreat, eos illi dictúros : Dómine, quando te vídimus illa et illa patiéntem, et non ministrávimus tibi? qui in eum credíderant, sed bona operári non curáverant, tamquam de ipsa fide mórtua ad vitam pervenirétur ætérnam.

℟. Ecce nunc tempus acceptábile, ecce nunc dies salútis : commendémus nosmetípsos in multa patiéntia, in jejúniis multis, * Per arma justítiæ virtútis Dei. ℣. In ómnibus exhibeámus nosmetípsos sicut Dei minístros in multa patiéntia, in jejúniis multis. — Per.

Lectio ii

AN forte ibunt in ignem ætérnum, qui ópera misericórdiæ non fecérunt : et non ibunt, qui aliéna rapuérunt? vel corrupéndo in se templum Dei, in seípsos immisericórdes fuérunt : quasi ópera misericórdiæ prosint áliiquid sine dilectióne, dicénte Apóstolo : Si distribuam ómnia mea paupéribus, caritátem autem non hábeam, nihil mihi prodest? Aut díligat quis-

quam próximum sicut seípsum, qui non díligit seípsum? Qui enim díligit iniquitátem, odit ánimam suam.

℟. In ómnibus exhibeámus nosmetípsos sicut Dei minístros in multa patiéntia : * Ut non vituperétur ministérium nostrum.

℣. Ecce nunc tempus acceptábile, ecce nunc dies salútis : commendémus nosmetípsos in multa patiéntia. — Ut.

Lectio iii

NEque illud dici hic póterit, in quo nonnúlli seípsos sedúcunt, ignem ætérnum dictum, non ipsam combustiόνem ætérnam. Per ignem quippe, qui ætérnus erit, transitúros arbitrántur eos, quibus propter fidem mórtuam per ignem promíttunt salútem : ut vidélicet ipse ignis ætérnus sit, combústio vero eórum, hoc est, operátio ignis, non sit in eos ætérna : cum et hoc prævidens Dóminus, senténtiam suam conclúsit ita dicens : Sic ibunt illi in combustiόνem ætérnam, justi autem in vitam ætérnam. Erit ergo ætérna combústio, sicut ignis : et eos in illam itúros Véritas dicit, quorum non fidem, sed bona ópera defuisse declarávit.

℟. In jejúnio et fletu orábunt sacerdótes, dicétes :

* Parce, Dómine, parce pópulo tuo; et ne des hereditátem tuam in perditiónem. ℣. Inter vestibulum et altáre plorábunt sacerdótes, dicétes. — Parce. Glória Patri. Parce.

¶ In hac et sequentibus Feriis usque ad Feriam IV Majoris Hebdomadæ inclusive, Psalmi ad Laudes, et FERIA IV etiam tres ultimi ad Matutinum, dicuntur de 2 loco, atque inde etiam sumuntur Antiphonæ, præterquam infra Hebdomadam majorem ad Laudes, in quibus habentur propriæ. Ad Primam autem additur quartus Psalmus, ut notatur in Psalterio.

Et quotidie in Officio feriali ad omnes Horas dicuntur Preces, usque ad Feriam IV Majoris Hebdomadæ inclusive, ut in Psalterio de Ordinario.

AD LAUDES

℣. Angelis suis Deus mandávit de te. ℟. Ut custódiánt te in ómnibus viis tuis.

Ad Bened. Ant. Veníte, benedícti * Patris mei, percípíte regnum, quod vobis parátum est ab origine mundi.

Oratio

CONvéрте nos, Deus, salutáris noster : et, ut nobis jejúnium Quadragesimále proficiat, mentes

nostras cæléstibus instrue disciplínis. Per Dóminum.

AD VESPERAS

℣. Angelis suis, *ut supra.*

Ad Magnif. Ant. Quod uni * ex mínimis meis fecístis, mihi fecístis, dicit Dóminus.

Oratio

ABSólve, quæsumus, Dómine, nostrórum vincula peccatórum : et, quidquid pro eis merémur, propitiátus avérte. Per Dóminum nostrum.

FERIA TERTIA

Léctio sancti Evangélii
secúndum Matthæum

Lectio i Cap. 21, 10-17

IN illo témpore : Cum intrásset Jesus Jerosólymam, commóta est universa civitas, dicens : Quis est hic? Et réliqua.

Homilía sancti Bedæ
Venerábilis, Presbýteri

Homilia 7 in Quadrages.
tom. 7

QUod maledicéndo ficum infructuósam per figuram fecit Dóminus, hoc idem mox apértius osténdit, ejiciéndo improbos e templo. Neque enim ali- quid peccávit arbor, quod esuriénte Dómino poma non hábuit, quorum nec-

dum tempus advénerat : sed peccavére sacerdótes qui in domo Dómini negotia sæculária gerébant, et fructum pietátis, quem debúerant, quemque in eis Dóminus esuriébat, ferre superséderant. Arefécit Dóminus árborem maledicto, ut hómines hæc vidéntes, sive audiéntes, multo magis intelligerent sese divíno condemnádos esse iudício, si absque óperum fructu, de plausu tantum sibi religiósi sermonis, velut de sónitu et teguménto blandiréntur viridántium foliórum.

℟. Emendémus in mélius, quæ ignoránter peccávimus : ne súbito præoccupáti die mortis, quærámus spátium pœniténtiæ, et inveníre non possímus : * Atténde, Dómine, et miserére, quia peccávimus tibi. ℣. Adjúva nos, Deus, salutáris noster, et propter honórem nóminis tui, Dómine, libera nos. — Atténde.

Lectio ii

Verum quia non intellexerunt, in ipsos consequénter districtiónem méritæ ultiónis exércuit : et ejécit commércia rerum humanárum de domo illa, in qua divínas tantum res agi, hóstias et oratiónes Deo offérri, verbum Dei

legi, audíri, et decantári præcéptum erat. Et quidem credéndum est, quia ea tantum vendi vel emi repéret in templo quæ ad ministérium necessária essent ejúsdem templi, juxta hoc quod álias factum légimus, cum idem templum ingrédiens, invénit in eo vendéntes et eméntes oves, et boves, et colúmbas : quia nimirum hæc ómnia non nisi ut offerréntur in domo Dómini, eos qui de longe vénerant, ab indigenis comparáre credéndum est.

℟. Derelínquat impius viam suam, et vir iníquus cogitatiónes suas, et revertátur ad Dóminum, et miserébitur ejus : * Quia benígnus et miséricors est, et præstábilis super malítia Dóminus Deus noster.

℣. Non vult Dóminus mortem peccatóris, sed ut convertátur et vivat. — Quia.

Lectio iii

Si ergo Dóminus nec ea volébat venúmdari in templo, quæ in templo volébat offérri, vidélicet propter stúdiu avaritiæ, sive fraudis, quod propriu solet esse negotiántium fácinus : quanta putas animadversióne puníret, si invenísset ibi aliquos rísui vel vanilóquio vacántes, aut álii cuilibet

vítio mancipátos? Si enim ea quæ álibi libere geri póterant, Dóminus in domo sua temporália negótia geri non pátitur : quanto magis ea quæ nusquam fieri licet, plus cæléstis iræ meréntur, si in ædibus Deo sacrátis agúntur? Verum quia Spíritus Sanctus in colúmba super Dóminum appáruit, recte per colúmbas Sancti Spíritus charísmata signántur. Qui autem sunt in templo Dei hódie, qui colúmbas vendunt, nisi qui in Ecclésia prétium de impositione manus accípiunt, per quam videlicet impositionem Spíritus Sanctus cælitus datur?

℟. Paradísi portas apéruit nobis jejúnii tempus : suscipiámus illud orántes, et deprecántes : * Ut in die resurrectionis cum Dómino gloriémur. ℣. In ómnibus exhibeámus nosmetípsos sicut Dei minístros in multa paciéntia. — Ut. Glória Patri. Ut.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Bened. Ant. Intrávit Jesus * in templum Dei, et ejiciébat omnes vendéntes et eméntes : et mensas nummulariórum, et cáthedras vendéntium colúmbas evértit.

Oratio

Respice, Dómine, familiam tuam, et præsta : ut apud te mens nostra tuo desidério fúlgeat, quæ se carnis maceratióne castígat. Per Dóminum.

℣. Angelis suis, *ut supra.*

Ad Magnif. Ant. Scriptum est enim, * quia domus mea, domus oratiónis est cunctis géntibus : vos autem fecístis illam spelúncam latrónum : et erat quotidie docens in templo.

Oratio

Ascéndant ad te, Dómine, preces nostræ : et ab Ecclésia tua cunctam repélle nequítiam. Per Dóminum nostrum.

FERIA QUARTA QUATUOR TEMPORUM

Lectio sancti Evangélii
secúndum Matthæum

Lectio i Cap. 12, 38-50

In illo témpore : Responderunt Jesu quidam de scribis et pharisæis, dicéntes : Magíster, vólumus a te signum vidére. Et réliqua.

Homília sancti Ambrósii
Epíscopi

Liber 7 in Lucæ cap. 11

Judæórum plebe damnáta, Ecclésiæ mystérium evidénter exprími-

tur, quæ in Ninivitis per pœnitentiam, et in regina Austri per stûdium percipiendæ sapiëntiæ, de totius orbis finibus congregatur, ut pacifici Salomónis verba cognóscat. Regina plane, cujus regnum est indivísium, de diversis et distántibus populis in unum corpus assurgens.

℟. Scíndite corda vestra, et non vestiménta vestra : et convertimini ad Dóminum Deum vestrum : * Quia benígnus et miséricors est. ℣. Derelinquat impius viam suam, et vir iníquus cogitationes suas, et revertátur ad Dóminum, et miserébitur ejus. — Quia.

Lectio ii

ITaque sacraméntum illud magnum est de Christo et Ecclesia. Sed tamen hoc majus est, quia illud in figura ante præcëssit, nunc autem plenum in veritate mystérium est. Illic enim Sálomon typus, hic autem Christus in suo corpore est. Ex duóbus igitur constat Ecclesia : ut aut peccáre nésciat, aut peccáre désinat. Pœniténtia enim delictum ábolet, sapiëntia cavet.

℟. Frange esuriénti panem tuum, et egénos va-

gósque induc in domum tuam : * Tunc erumpet quasi mane lumen tuum, et anteíbit fáciem tuam justítia tua. ℣. Cum videris nudum, óperi eum, et carnem tuam ne despéxeris. — Tunc.

Lectio iii

CEterum Jonæ signum, ut typus Domínicæ passiónis, ita étiam grávium, quæ Judæi commiserint, testificatio peccatórum est. Simul advérttere licet et majestátis oráculum, et pietátis indicium. Namque Ninivitarum exémplo et denuntiátur supplícium, et remédium demonstrátur. Unde étiam Judæi debent non desperáre indulgéntiam, si velint ágere pœniténtiam.

℟. Abscóndite eleemósynam in sinu páuperum, et ipsa orábit pro vobis ad Dóminum : * Quia sicut aqua exstínguit ignem, ita eleemósyna exstínguit peccátum. ℣. Date eleemósynam, et ecce ómnia munda sunt vobis. — Quia. Glória Patri. Quia.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Bened. Ant. Generátio * hæc prava et perversa signum quærit; et signum non dábitur ei,

nisi signum Jonæ Prophætæ.

Oratio

PReces nostras, quæsumus, Dómine, cleménter exáudi : et contra cuncta nobis adversántia dexteram tuæ majestátis exténde. Per Dóminum.

✠. Angelis suis, *ut supra.*

Ad Magnif. Ant. Sicut fuit Jonas * in ventre ceti tribus diébus et tribus nóctibus, ita erit Filius hóminis in corde terræ.

Oratio

Mentes nostras, quæsumus, Dómine, lumine tuæ claritátis illústra : ut vidére possimus quæ agénda sunt; et, quæ recta sunt, ágere valeámus. Per Dóminum.

FERIA QUINTA

Léctio sancti Evangélíi
secúndum Matthæum

Lectio i Cap. 15, 21-28

IN illo témpore : Egréssus Jesus secéssit in partes Tyri et Sidónis. Et réliqua.

Homilía sancti Hierónymi
Presbýteri

Liber 2 Comment. in cap. 15
Matthæi

SCribis et pharisæis calumniatóribus derelictis, transgréditur in par-

tes Tyri et Sidónis, ut Týrios Sidoniósque curáret. Múlier autem Chananæa egréditur de finibus prístinis, et clamans filiæ impetret sanitátem. Obsérva quod in quintodécimo loco filia Chananæa sanétur. Miserére mei, Dómine, Fili David. Inde novit vocáre Fílium David, quia egréssa jam fúerat de finibus suis, et errórem Tyriórum ac Sidoniórum loci ac fidei commutatióne dimiserat.

✠. Tribulárer, si nescírem misericórdias tuas, Dómine : tu dixísti, Nolo mortem peccatóris, sed ut magis convertátur et vivat : * Qui Chananæam et publicánum vocásti ad pœniténtiam. ✠. Secúndum multitúdinem dolórum meórum in corde meo, consolatiónes tuæ lætificavérunt ánimam meam. — Qui.

Lectio ii

Filia mea male a dæmónio vexátur. Ego filiam Chananæa puto ánimas esse credéntium, quæ male a dæmónio vexabántur, ignorántes Creatórem, et adorántes lápidem. Qui non respóndit ei verbum : non de supérbia pharisáica nec de scribárum supercílio : sed ne ipse senténtiæ suæ viderétur esse contrárius, per

quam jûsserat : In viam gentium ne abiéritis, et in civitâtes Samaritanorum ne intravéritis. Nolébat enim occasiônem calumniatoribus dare : perfectâmque salutem gentium passiônis et resurrectionis témpori reservábat.

℟. In ómnibus exhibéamus nosmetipsos sicut Dei ministros in multa patientia : * Ut non vituperetur ministérium nostrum.

℣. Ecce nunc tempus acceptábile, ecce nunc dies salutis : commendémus nosmetipsos in multa patientia. — Ut.

Lectio iii

ET accedéntes discipuli ejus, rogábant eum, dicéntes : Dimítte eam, quia clamat post nos. Discipuli illo adhuc témpore mystéria Dómini nesciéntes, vel misericórdia commóti, rogábant pro Chananæa muliere, quam alter Evangelísta Syrophœnissam appellat : vel importunitáte ejus carére cupiéntes, quia non ut clementem, sed ut durum medicum crébrius inclamáret. Ipse autem respóndens ait : Non sum missus, nisi ad oves quæ periérunt domus Israël. Non quo et ad gentes non missus sit, sed quo primum missus sit ad Israël : ut illis non

recipiéntibus Evangélium, justa fieret ad gentes transmigratio.

℟. In jejúnio et fletu orábunt sacerdótes, dicéntes :

* Parce, Dómine, parce pópulo tuo; et ne des hereditátem tuam in perditionem. ℣. Inter vestibulum et altáre plorábunt sacerdótes, dicéntes. — Parce. Glória Patri. Parce.

℣. Angelis suis Deus mandávit de te. ℟. Ut custódiánt te in ómnibus viis tuis.

Ad Bened. Ant. Egréssus Jesus * secéssit in partes Tyri et Sidónis : et ecce múluer Chananæa a finibus illis egréssa, clamábat dicens : Miserére mei, Fili David.

Oratio

Devotiônem pópuli tui, quæsumus, Dómine, benígnus inténde : ut, qui per abstinéntiam macerántur in corpore, per fructum boni óperis reficiántur in mente. Per Dóminum.

℣. Angelis suis, ut supra.

Ad Magnif. Ant. O múluer, * magna est fides tua : fiat tibi sicut petísti.

Oratio

DA, quæsumus, Dómine, pópulis christiánis : et, quæ profiténtur, agnóscere, et cæléste mu-

nus diligere, quod frequentant. Per Dóminum nostrum.

FERIA SEXTA QUATUOR TEMPORUM

Lectio sancti Evangélii
secúndum Joánnem

Lectio i Cap. 5, 1-15

IN illo témpore : Erat dies festus Judæórum, et ascéndit Jesus Jerosólymam. Et réliqua.

Homília sancti Augustíni
Epíscopi

Tractatus 17 in Joannem,
post initium

Videámus quid volúerit significáre in illo uno, quem étiam ipse servans unitátis mystérium, de tot languéntibus unum sanáre dignátus est. Invénit in annis ejus númerum quemdam languóris : trigínta et octo annos habébat in infirmitáte. Hic númerus quómodo magis ad languórem pertíneat, quam ad sanitátem, paulo diligentius exponéndum est. Inténtos vos volo : áderit Dóminus, ut cóngrue loquar, et sufficiénter audiátis. Quadragenárius númerus sacrátus nobis in quadam perfectióne commendátur : notum esse árbitor caritáti vestræ : testántur sæpíssime diví-

næ Scriptúráe : jejúnium hoc númeró consecrátum esse, bene nostis. Nam et Móyses quadragínta diébus jejunávit, et Elías tótidem : et ipse Dóminus noster et Salvátor Jesus Christus hunc jejúnii númerum implévit. Per Móysen significátur Lex, per Elíam significántur Prophétæ, per Dóminum significátur Evangélium. Ideo in illo monte tres apparuérunt, ubi se discipulis osténdit in claritáte vultus et vestis suæ : apparuit enim médius inter Móysen et Elíam, tamquam Evangélium testimoniúm habéret a Lege et Prophétis.

R. Emendémus in mélius, quæ ignoránter peccávimus : ne súbito præocupáti die mortis, quæramus spátium pœniténtiæ, et inveníre non possimus : *** Atténde, Dómine, et miserére, quia peccávimus tibi. V.** Adjuva nos, Deus, salutáris noster, et propter honórem nóminis tui, Dómine, libera nos. — Atténde.

Lectio ii

SIve ergo in Lege, sive in Prophétis, sive in Evangélio, quadragenárius númerus nobis in jejúnio commendátur. Jejúnium autem magnum et

generale est, abstinere ab iniquitatibus et illicitis voluptatibus sæculi, quod est perfectum jejunium : Ut abnegantes impietatem et sæculares cupiditates, temperanter et juste et pie vivamus in hoc sæculo. Huic jejunio quam mercedem addit Apostolus? Sequitur, et dicit : Expectantes illam beatam spem, et manifestationem gloriæ beati Dei et Salvatoris nostri Jesu Christi. In hoc ergo sæculo quasi quadragesimam abstinentiæ celebramus, cum bene vivimus, cum ab iniquitatibus et ab illicitis voluptatibus abstinemus; sed quia hæc abstinencia sine mercede non erit, expectamus beatam illam spem, et revelationem gloriæ magni Dei et Salvatoris nostri Jesu Christi. In illa spe, cum fuerit de spe facta res, accepturi sumus mercedem denarium. Ipsa enim merces redditur operariis in vinea laborantibus, secundum Evangelium, quod vos credo reminisci : neque enim omnia commemoranda sunt tamquam rudibus et imperitis. Denarius ergo, qui accepit nomen a numero decem, redditur, et conjunctus quadragenario fit quinquagenarius : unde cum labore celebramus

Quadragesimam ante Pascha; cum lætitia vero, tamquam accepta mercede, Quinquagesimam post Pascha.

℟. Derelinquat impius viam suam, et vir iniquus cogitationes suas, et revertatur ad Dominum, et miserabitur ejus : * Quia benignus et misericors est, et præstabilis super malitia Dominus Deus noster.

℣. Non vult Dominus mortem peccatoris, sed ut convertatur et vivat. — Quia.

Lectio iii

Mementote quod proposuerim numerum triginta octo annorum in illo languido. Volo exponere, quare numerus ille trigésimus et octāvus, languoris sit potius quam sanitatis. Ergo, ut dicebam, caritas implet Legem : ad plenitudinem Legis in omnibus operibus pertinet quadragenarius numerus. In caritate autem duo præcepta nobis commendantur : Diliges Dominum Deum tuum ex toto corde tuo, et ex tota anima tua, et ex tota mente tua : et diliges proximum tuum sicut teipsum. In his duobus præceptis tota Lex pendet, et Prophætæ. Merito et illa vidua omnes facultates suas, duo minuta misit in dona Dei :

mérito et pro illo lánguido a latrónibus sauciato stabulárius duos nummos accepit, unde sanarétur : mérito apud Samaritános bíduum fecit Jesus, ut eos caritate firmáret. Binário ergo isto número cum áli- quid boni significátur, máxime bipertíta caritas commendátur. Si ergo quadragenárius número habet perfectiónem Legis, et Lex non implétur nisi in gémino præcepto caritátis : quid miráris, quia languébat, qui ad quadragínta, duo minus habébat?

℟. Paradísi portas apéruit nobis jejúnii tempus : suscipiámus illud orántes, et deprecántes : * Ut in die resurrectionis cum Dómino gloriémur. ℣. In ómnibus exhibeámus nosmetípsos sicut Dei minístros in multa patiéntia. — Ut. Glória Patri. Ut.

℣. Angelis suis Deus mandávit de te. ℟. Ut custódiánt te in ómnibus viis tuis.

Ad Bened. Ant. Angelus Dómini * descendébat de cælo, et movebátur aqua, et sanabátur unus.

Oratio

✠ Sto, Dómine, propítius plebi tuæ : et, quam tibi facis esse devótam, benígno réfove miserátus auxílio. Per Dóminum.

℣. Angelis suis, **ut supra.**

Ad Magnif. Ant. Qui me sanum fecit, * ille mihi præcépit : Tolle grabátum tuum, et ámbula in pace.

Oratio

✠ Xáudi nos, miséricors Deus : et méntibus nostris grátia tuæ lumen osténde. Per Dóminum.

SABBATO

QUATUOR TEMPORUM

Lectio sancti Evangélíi
secúndum Matthæum

Lectio i Cap. 17, 1-9

IN illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum : et transfigurátus est ante eos. Et réliqua.

Homilía sancti Leónis
Papæ

**Homilia de Transfigurat.
Domini**

✠ Vangélica léctio, dilectíssimi, quæ per aures córporis interiorem mén- tium nostrárum pulsávit audítum, ad magni sacra- ménti nos intelligéntiam vocat : quam, aspiránte grátia Dei, facílius asse- quémur, si consideratió- nem nostram ad ea, quæ paulo supérius sunt nar- ráta, referámus. Salvátor

enim humáni géneris Jesus Christus, condens eam fidem, quæ et ímpios ad justítiam, et mórtuos ré-vocat ad vitam, ad hoc discipulos suos doctrínæ mónitis, et óperum miráculis imbuébat, ut idem Christus et Unigénitus Dei, et hóminis Fílius crederétur. Nam unum horum sine áltero non próderat ad salútem : et æquális erat perículi, Dóminum Jesum Christum aut Deum tantúmmodo sine hómine, aut sine Deo solum hóminem credidisse : cum utrúmque esset páriter confiténdum : quia sicut Deo vera humanitas, ita hómini ínerat vera divínitas.

✠. Scíndite corda vestra, et non vestiménta vestra : et convertímini ad Dóminum Deum vestrum :
* Quia benígnus et miséricors est. ✠. Derelínquat ímpius viam suam, et vir iníquus cogitatíones suas, et revertátur ad Dóminum, et miserébitur ejus.
— Quia.

Lectio ii

AD confirmándam ergo hujus fidei salubérrimam cognitióem interrogáverat discipulos suos Dóminus, inter divérsas aliórum opiniónes quid ipsi de eo créderent, quid-

ve sentírent. Ubi Petrus Apóstolus, per revelatió-nem summi Patris corpórea súperans, et humana transcéndens, vidit mentis óculis Fílium Dei vivi, et conféssus est glóriam Deitátis; quia non ad solam respéxit substántiam carnis et sánguinis : tantúmque in hac fidei sublimitáte complácuit, ut beatitúdinis felicitáte donátus, sacram inviolábilis petrá accíperet firmitátem : super quam fundáta Ecclésia, portis ínferi et mortis légibus prævaléret; nec in solvéndis aut ligándis quorumcúmque causis áliud ratum esset in cælis, quam quod Petri sedísset arbítrio.

✠. Frange esuriénti panem tuum, et egénos vagósque induc in domum tuam : * Tunc erúmpet quasi mane lumen tuum, et anteíbit fáciem tuam justítia tua. ✠. Cum videris nudum, óperi eum, et carnem tuam ne despéxeris. — Tunc.

Lectio iii

HÆC autem, dilectíssimi, laudátæ intelligéntiæ celsitúdo instruén-da erat de inferiórís substántiæ sacraménto : ne apostólica fides ad glóriam confiténdæ in Christo Deitátis evécta, infirmitátis

nostræ receptiōnem indignam impassibili Deo atque incōngruam iudicaret : et ita jam in Christo humanam crēderet glorificatam esse naturam, ut nec supplicio posset affici, nec morte dissolvi. Et ideo dicēte Dōmino, quod oportēret eum ire Jerosolymam, et multa pati a seniōribus et scribis, ac principibus sacerdotum, et occidi, et tertia die resurgere : cum beātus Petrus, qui superno illustratus lumine, de ardentissima Filii Dei confessiōne fervēbat, contumēlias illusionum et crudelissimæ mortis opprobrium religioso, ut putabat, et libero fastidio respuisset; benigna a Jesu increpatione corrēptus, et ad cupiditatem participandæ cum eo passiōnis animatus est.

℟. Abscōndite eleemōsynam in sinu pauperum, et ipsa orabit pro vobis ad Dōminum : * Quia sicut aqua exstinguit ignem, ita eleemōsyna exstinguit peccatum. ℣. Date eleemōsynam, et ecce omnia munda sunt vobis. — Quia. Glória Patri. Quia.

℣. Angelis suis Deus mandavit de te. ℟. Ut custodiant te in omnibus viis tuis.

Ad Bened. Ant. Assumpsit Jesus * discipulos

suos, et ascendit in montem, et transfiguratus est ante eos.

Oratio

Populum tuum, quæsumus, Dōmine, propitius respice : atque ab eo flagella tuæ iracundiæ clementer averte. Per Dōminum.

AD VESPERAS

Antiphonæ et Psalmi de Sabbato, ut in Psalterio. 332

Capitulum 1 Thess. 4, 1

Fratres : Rogamus vos, et obsecramus in Dōmino Jesu : ut, quemadmodum accepistis a nobis, quomodo vos oporteat ambulare, et placere Deo, sic et ambulētis, ut abundētis magis.

Hymnus

Audi, benigne Cōnditor, Nostras preces cum flētibus,

In hoc sacro jejūnio Fusas quadragenario.

Scrutator alme cōrdium, Infirma tu scis virium : Ad te revērsis exhibe Remissiōnis grātiam.

Multum quidem peccavimus,

Sed parce confitētibus : Ad nōminis laudem tui Confer medēlam languidis.

Concede nostrum cōteri Corpus per abstinēntiam;

Culpæ ut relinquant pábulum

Jejúna corda críminum.

¶ **Sequens Conclusio** numquam mutatur.

Præsta, beáta Trinitas,
Concéde, simplex Unitas;
Ut fructuósa sint tuis
Jejuniórum múnera.

Amen.

V. Angelis suis Deus
mandávit de te. **R.** Ut
custódiant te in ómnibus
viis tuis.

Ad Magnif. Ant. Visiónem quam vidístis, * némini dixéritis, donec a mórtuis resúrgat Filius hóminis.

Ad Vesperas Dominicæ

Ad Magnif. Ant. Visiónem quam vidístis, * némini dixéritis, donec a mórtuis resúrgat Filius hóminis.

Oratio

Deus, qui cónspicis omni nos virtúte destítui :
intérius exteriúsque custódi;
ut ab ómnibus adversitátibus muniámur in corpore,
et a pravis cogitátióibus mundémur in mente.
Per Dóminum.

DOMINICA II IN QUADRAGESIMA

I classis **Semiduplex**

AD MATUTINUM

In I Nocturno

De libro Génesis

Lectio i **Cap. 27, 1-29**



Senuit autem Isaac, et caligavérunt oculi ejus, et vidére non póterat : vocavítque Esau filium suum majórem, et dixit ei : Fili mi! Qui respóndit : Adsum. Cui pater : Vides, inquit, quod senúerim et ignórem diem mortis meæ. Sume arma tua, pháretram et arcum, et egrédere foras : cumque venátu áliquíd apprehénderis, fac mihi inde pulméntum sicut velle me nosti, et affer ut cómedam : et benedícat tibi ánima mea ántequam móriar. Quod cum audísset Rebécca, et ille abiísset in agrum ut jussiónem patris impléret, dixit filio suo Jacob : Audívi patrem tuum loquéntem cum Esau fratre tuo, et dicéntem ei : Affer mihi de venatióne tua, et fac cibos ut cómedam, et benedícam tibi coram Dómino ántequam móriar. Nunc ergo, fili mi, acquiesce consíliis meis : et pergens ad gregem, affer mihi duos hædos

óptimos, ut fáciam ex eis escas patri tuo, quibus libénter véscitur : quas cum intúleris, et coméderit, benedícat tibi priúsqvam moriátur.

℟. Tolle arma tua, pháretram et arcum, et affer de venatióne tua, ut cómedam : * Et benedícat tibi ánima mea. ℣. Cumque venátu áliquíd attúleris, fac mihi inde pulméntum, ut cómedam. — Et.

Lectio ii

CUI ille respóndit : No-
sti quod Esau frater
meus homo pilósus sit, et
ego lenis : si attrectáverit
me pater meus, et séné-
rit, tímeo ne putet me
sibi voluisse illúdere, et
indúcam super me maledi-
ctiódinem pro benedictiódine.

Ad quem mater : In me
sit, ait, ista maledictio,
fili mi : tantum audi vo-
cem meam, et pergens
affer quæ dixi. Abiit, et
attulit, dedítque matri.
Parávit illa cibos, sicut
velle nóverat patrem il-
lius. Et véstibus Esau
valde bonis, quas apud se
habébat domi, induit eum :
pelliculáque hædórum
circúmdedit manibus, et
colli nuda protéxit. Dedít-
que pulméntum, et panes,
quos cóxerat, trádedit.
Quibus illátis, dixit : Pa-
ter mi! At ille respóndit :

Audio. Quis es tu, fili mi?
Dixítque Jacob : Ego sum
primogénitus tuus Esau :
feci sicut præcepísti mihi :
surge, sede, et cómede de
venatióne mea, ut benedí-
cat mihi ánima tua. Rur-
súmque Isaac ad filium
suum : Quómodo, inquit,
tam cito inveníre potuísti,
fili mi? Qui respóndit :
Volúntas Dei fuit ut cito
occurreret mihi quod vo-
lébam.

℟. Ecce odor filii mei sicut
odor agri pleni, cui bene-
dixit Dóminus : créscere
te fáciat Deus meus sicut
arénam maris : * Et donet
tibi de rore cæli benedi-
ctiódinem. ℣. Deus autem
omnípotens benedícat tibi,
atque multiplicet. — Et.

Lectio iii

DIxítque Isaac : Accéde
huc, ut tangam te, fili
mi, et probem utrum tu sis
filius meus Esau, an non.
Accéssit ille ad patrem, et,
palpáto eo, dixit Isaac :
Vox quidem, vox Jacob
est : sed manus, manus
sunt Esau. Et non cognó-
vit eum, quia pilósæ ma-
nus similitúdinem majóris
exprésserant. Benedicens
ergo illi, ait : Tu es filius
meus Esau? Respóndit :
Ego sum. At ille : Affer
mihi, inquit, cibos de ve-
natióne tua, fili mi, ut be-
nedícat tibi ánima mea.

Quos cum oblátos comedisset, obtulit ei étiam vinum. Quo hausto, dixit ad eum : Accéde ad me, et da mihi ósculum, fili mi. Accessit, et osculátus est eum. Statimque ut sensit vestimentórum illíus fragrantiam, benedicens illi, ait : Ecce odor filii mei sicut odor agri pleni, cui benedíxit Dóminus. Det tibi Deus de rore cæli, et de pinguédine terræ abundantiam fruménti et vini. Et sérviant tibi pópuli, et adórent te tribus : esto dóminus fratrum tuórum, et incurvéntur ante te filii matris tuæ. Qui maledíxerit tibi, sit ille maledíctus : et qui benedíxerit tibi, benedictionibus repleátur.


℟. Det tibi Deus de rore cæli et de pinguédine terræ abundantiam : sérviant tibi tribus et pópuli : * Esto dóminus fratrum tuórum. ℣. Et incurvéntur ante te filii matris tuæ. — Esto. Glória Patri. Esto.

In II Noeturno

Ex libro sancti Augustíni
Epíscopi contra mendá-
cium

Cap. 10 tom. 4, post initium

Lectio iv

 Acob quod matre fecit auctóre, ut patrem fállere viderétur, si diligénter et

fidéliter attendátur, non est mendácium, sed mysterium. Quæ si mendácia dixerimus, omnes étiam parabolæ ac figuræ significandarum quarumcúmque rerum, quæ non ad proprietatem accipiendæ sunt, sed in eis áliud ex álio est intelligéndum, dicéntur esse mendácia : quod absit omníno. Nam qui hoc putat, trópiceis étiam tam multis locutionibus ómnibus potest hanc importáre calúmniam : ita ut hæc ipsa, quæ appellátur metáphora, hoc est, de re própria ad rem non própriam verbi alicújus usurpáta translátio, possit ista ratióne mendácium nuncupári.

℟. Dum exíret Jacob de terra sua, vidit glóriam Dei, et ait : Quam terribilis est locus iste ! * Non est hic áliud, nisi domus Dei et porta cæli. ℣. Vere Deus est in loco isto, et ego nesciébam. — Non.

Lectio v

QUÆ significantur enim, útique ipsa dicúntur : putántur autem mendácia, quóniam non ea, quæ vere significantur, dicta intelligúntur ; sed ea, quæ falsa sunt, dicta esse credúntur. Hoc ut exémpis fiat plánius, idípsum quod Jacob fecit, atténde. Hædínis

certe péllibus membra contéxit. Si causam próximam requirámus, mentítum putábimus : hoc enim fecit, ut putarétur esse qui non erat. Si autem hoc factum ad illud, propter quod significándum revéra factum est, referátur : per hædínas pelles, peccáta; per eum vero, qui eis se opéruit, ille significátus est, qui non sua, sed aliéna peccáta portávit.

℟. Si Dóminus Deus meus fúerit mecum in via ista, per quam ego ámbulo, et custodíerit me, et déderit mihi panem ad edéndum, et vestiméntum quo opériar, et revocáverit me cum salúte : * Erit mihi Dóminus in refúgium, et lapis iste in signum. ℣. Surgens ergo mane Jacob, tulit lápidem quem supposúerat cápiti suo, et eréxit in títulum, fundénsque óleum désuper, dixit. — Erit.

Lectio vi

Verax ergo significatio nullo modo mendácium recte dici potest : ut autem in facto, ita et in verbo. Nam cum ei pater dixísset : Quis es tu, fili? ille respóndit : Ego sum Esau primogénitus tuus. Hoc si referátur ad duos illos géminos, mendácium vidébitur : si autem ad

illud, propter quod significándum ista gesta dictaque conscripta sunt; ille est hic intelligéndus in corpore suo, quod est ejus Ecclésia, qui de hac re loquens, ait : Cum vidéritis Abraham et Isaac et Jacob et omnes Prophétas in regno Dei, vos autem expélli foras. Et, Vénient ab Oriénte et Occidénte, et Aquilóne et Austro, et accúmbent in regno Dei. Et, Ecce sunt novíssimi, qui erant primi : et sunt primi, qui erant novíssimi. Sic enim quodámmodo minor majóris primátum frater ábstulit, atque in se tránstulit fratris.

℟. Erit mihi Dóminus in Deum, et lapis iste quem eréxi in títulum, vocábitur domus Dei : et de univérsis quæ déderis mihi, * Décimas et hóstias pacíficas offeram tibi. ℣. Si revérsus fúero prósperè ad domum patris mei. — Décimas. Glória Patri. Décimas.

In III Nocturno

Lectio sancti Evangélii
secúndum Matthæum

Lectio vii Cap. 17, 1-9

IN illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum : et transfigurátus est ante eos. Et réliqua.

De Homilia sancti Leónis
Papæ

Homilia de Transfigurat.
Domini

Essumpsit Jesus Petrum et Jacobum, et fratrem ejus Joannem, et conscenso cum eis seorsum monte præcelso, claritatem suæ gloriæ demonstravit: quia licet intellexissent in eo majestatem Dei, ipsius tamen corporis, quo divinitas tegebatur, potentiam nesciebant. Et ideo proprie signanterque promiserat, quosdam de astantibus discipulis non prius gustare mortem, quam viderent Filium hominis venientem in regno suo, id est, in regia claritate, quam spiritaliter ad naturam suscepti hominis pertinentem, his tribus viris voluit esse conspicuam. Nam illam ipsius Deitatis ineffabilem et inaccessibilem visionem, quæ in æternam vitam mundis corde servatur, nullo modo mortali adhuc carne circumdati intuiti poterant et videre.

✠. Dixit Angelus ad Jacob: * Dimitte me, aurora est. Respondit ei: Non dimittam te, nisi benedixeris mihi. Et benedixit ei in eodem loco. ✠. Cumque surrexisset Jacob, ecce vir luctabatur cum eo usque

mane: et cum videret quod eum superare non posset, dixit ad eum. — Dimitte.

Lectio viii

Dicente Patre: Hic est Filius meus dilectus, in quo mihi bene complacui, ipsum audite; nonne evidenter auditum est: Hic est Filius meus, cui ex me et mecum esse sine tempore est? quia nec genitor genito prior, nec genitus est genitore posterior. Hic est Filius meus, quem a me non separat Deitas, non dividit potestas, non discernit æternitas. Hic est Filius meus, non adoptivus, sed proprius: non aliunde creatus, sed ex me genitus: nec de alia natura mihi factus comparabilis, sed de mea essentia mihi natus æqualis.

✠. Vidi Dominum facie ad faciem: * Et salva facta est anima mea. ✠. Et dixit mihi: Nequâquam vocaberis Jacob, sed Israël erit nomen tuum. — Et salva.

Lectio ix

HIC est Filius meus, per quem omnia facta sunt, et sine quo factum est nihil: qui omnia quæ facio, similiter facit; et quidquid operor, inseparabiliter mecum atque indifferenter operatur. Hic est Filius meus, qui eam,

quam mecum habet æqualitatem, non rapina appetiit, nec usurpatione præsumpsit : sed manens in forma gloriæ meæ, ut ad reparandum genus humanum exsequeretur commune consilium, usque ad formam servilem inclinavit incommutabilem Deitatem. Hunc ergo, in quo mihi per omnia bene compláceo, et cujus prædicatione manifestor, cujus humilitate clarificor, incunctanter audite : quia ipse est veritas et vita, ipse virtus mea atque sapientia.

R. Cum audisset Jacob, quod Esau veniret contra eum, divisit filios suos et uxores, dicens : Si percusserit Esau unam turmam, salvabitur altera. * Libera me, Domine, qui dixisti mihi : * Multiplicabo semen tuum sicut stellas cæli, et sicut arenam maris, quæ præ multitudinem numerari non potest.

V. Domine, qui dixisti mihi, Revertere in terram nativitatis tuæ : Domine, qui pascis me a juventute mea. — Libera. **Gloria Patri.** Multiplicabo.

AD LAUDES

Ant. 1 Domine, * labia mea aperies, et os meum annuntiabit laudem tuam.

Psalmi de Domin. 2 loco. 53

2 Dextera Domini * fecit virtutem : dextera Domini exaltavit me.

3 Factus est * adjutor meus Deus meus.

4 Trium puerorum * cantemus hymnum, quem cantabant in camino ignis, benedicentes Dominum.

5 Statuit ea * in æternum, et in sæculum sæculi : præceptum posuit, et non præteribit.

Capitulum 1 Thess. 4, 1

Fratres : Rogamus vos, et obsecramus in Domino Jesu : ut, quemadmodum accepistis a nobis, quomodo vos oporteat ambulare, et placere Deo, sic et ambulétis, ut abundétis magis.

Hymnus

O Sol salutis, intimis, Jesu, refulge mentibus,

Dum, nocte pulsa, gravior Orbi dies renascitur.

Dans tempus acceptabile,
Da lacrimarum rivulis
Lavare cordis victimam,
Quam læta adurat caritas.

Quo fonte manavit nefas,
Fluent perennes lacrimæ,
Si virga poenitentiae
Cordis rigorem conterat.

Dies venit, dies tua,
In qua reflorēt omnia :
Lætémur et nos, in viam
Tua reducti dextera.

¶ **Sequens Conclusio numquam mutatur.**

Te prona mundi máchina, Clemens, adóret, Trínitas, Et nos novi per grátiam Novum canámus cánticum. Amen.

✠. Angelis suis Deus mandávit de te. ✠. Ut custódiant te in ómnibus viis tuis.

Ad Bened. Ant. Assúmpsit Jesus * discipulos suos, et ascéndit in montem, et transfigurátus est ante eos.

Oratio

Deus, qui cónspicis omni nos virtúte destítui : intérius exteriúsque custódi; ut ab ómnibus adversitátibus muniámur in corpore, et a pravis cogitatióibus mundémur in mente. Per Dóminum.

AD PRIMAM

Ant. Dómine, * bonum est nos hic esse : si vis, faciámus hic tria tabernacula; tibi unum, Móysi unum, et Eliáe unum.

AD TERTIAM

Ant. Dómine, *ut supra.*

Capitulum 1 Thess. 4, 1

Fratres : Rogámus vos, et obsecrámus in Dómino Jesu : ut, quemádmódum accepístis a nobis, quómodo vos opórteat ambuláre, et placére Deo,

sic et ambulétis ut abundétis magis.

✠. **br.** Ipse liberávit me * De láqueo venántium. Ipse. ✠. Et a verbo áspero. De. **Glória Patri.** Ipse. ✠. Scápolis suis obumbrábit tibi. ✠. Et sub pennis ejus sperábis.

AD SEXTAM

Ant. Faciámus hic * tria tabernacula; tibi unum, Móysi unum, et Eliáe unum.

Capit. 1 Thess. 4, 3-4

HÆC est enim volúntas Dei, sanctificátio vestra : ut abstineátis vos a fornicatióne, ut sciat unusquisque vestrum vas suum possidére in sanctificatióne et honóre.

✠. **br.** Scápolis suis * Obumbrábit tibi. Scápolis. ✠. Et sub pennis ejus sperábis. Obumbrábit tibi. **Glória Patri.** Scápolis. ✠. Scuto circúmdabit te véritas ejus. ✠. Non timébis a timóre noctúrno.

AD NONAM

Ant. Visiónem quam vidístis, * némini dixéritis, donec a mórtuis resúrgat Fílius hóminis.

Capitulum 1 Thess. 4, 7

NON enim vocávit nos Deus in immundítiam, sed in sanctificatióne, in Christo Jesu Dómino nostro.

R. br. Scuto circúmdabit te * Véritas ejus. Scuto. **V.** Non timébis a timóre noctúrno. Véritas ejus. **Gloria Patri.** Scuto. **V.** Angelis suis Deus mandávit de te. **R.** Ut custódiant te in ómnibus viis tuis.

AD VESPERAS

Antiphonæ et Psalmi de Dominica, ut in Psalterio 72; Capitulum, Hymnus et Versus, ut in Vesperis Sabbati præcedentis. 359

V. Angelis suis, ut supra.

Ad Magnif. Ant. Visiónem quam vidístis, * némini dixéritis, donec a mórtuis resúrgat Fílius hóminis.

FERIA SECUNDA

Lectio sancti Evangelii
secúndum Joánnem

Lectio i Cap. 8, 21-29

IN illo témpore : Dixit Jesus turbis Judæórum : Ego vado, et quærétis me, et in peccáto vestro moriémيني. Et réliqua.

Homilia sancti Augustíni
Epíscopi

Tractatus 38 in Joannem
post initium

Locútus est Dóminus Judæis, dicens : Ego vado. Christo enim Dómino mors profectio fuit illo, unde vénerat, et unde non

discésserat. Ego, inquit, vado, et quærétis me, non desidério, sed ódio. Nam illum posteaquam abscéssit ab óculis hóminum, inquisiérunt et qui óderant, et qui amábant : illi persequéndo, isti habére cupiéndo. In Psalmis ait ipse Dóminus per Prophétam : Périit fuga a me, et non est qui requírat ánimam meam. Et iterum ait álio loco in Psalmo : Confundántur et reveréántur requiréntes ánimam meam.

R. Dum iret Jacob de Bersabée, et pérgeret Haran, locútus est ei Dóminus, dicens : * Terram, in qua dormis, tibi dabo, et sémini tuo. **V.** Ædificávit ex lapídibus altáre in honórem Dómini, fundens óleum désuper : et benedíxit eum Deus, dicens. — Terram.

Lectio ii

Culpávit, qui non requirerent : damnávit requiréntes. Bonum est enim quærere ánimam Christi, sed quo modo eam quæsiérunt discipuli : et malum est quærere ánimam Christi, sed quo modo eam Judæi quæsiérunt : illi enim ut habérent, isti ut pérderent. Dénique istis, quia sic quærebant more malo, corde perverso, quid secútus adjúnxit? Quærétis me; et, ne putétis, quia

bene me quærétiſ, in peccáto veſtro moriémini. Hoc eſt Chriſtum male quæreſ, in peccáto ſuo mori : hoc eſt illum odiſſe, per quem poſſit ſolum ſalvus eſſe.

℟. Appáruit Deus Jacob, et benedíxit eum, et dixit : Ego ſum Deus Bethel, ubi unxíſti lápidem, et votum vovíſti mihi : * Créſcere te fáciam, et multiplicábo te. ℣. Vere Dóminus eſt in loco iſto, et ego neſciébam. — Créſcere.

Lectio iii

CUM enim hómines, quorum ſpes in Deo eſt, non débent mala réddere nec pro malis; reddébant iſti mala pro bonis. Prænuntiávit ergo illis Dóminus, dixítque ſenténtiam præſcius, quod in ſuo peccáto moreréntur. Deínde adjúnxit : Quo ego vado, vos non potéſtiſ veníre. Hoc et diſcípuliſ ſuiſ álio loco dixit : nec tamen eiſ dixit, In peccáto veſtro moriémini. Quid autem dixit? quod et iſtiſ : Quo ego vado, vos non potéſtiſ veníre. Non ábſtulit ſpem, ſed prædíxit dilatióneſ. Quando enim hoc diſcípuliſ Dóminiſ loquebátur, tunc non póterant veníre, quo ille ibat, ſed póſtea ventúri erant : iſti autem numquam, quibuſ

præſcius dixit, In peccáto veſtro moriémini.

℟. Det tibi Deus de rore cæli et de pinguédine terræ abundántiam : ſerviant tibi tribuſ et pópuli : * Eſto dóminiſ fratrum tuórum. ℣. Et incurvén-tur ante te filii matris tuæ. — Eſto. Glória Patri. Eſto.

℣. Angelis ſuiſ Deus mandávit de te. ℟. Ut cuſtódiant te in ómnibuſ viiſ tuiſ.

Ad Bened. Ant. Ego príncípium, * qui et loquor vobiſ.

Oratio

PRæſta, quæſumúſ, om-nípotenſ Deus : ut famíliæ tuæ, quæ ſe, affligén-do carnem, ab aliméntiſ ábſtinet, ſectándo juſtítiam, a culpa jejúnet. Per Dóminiſ.

℣. Angelis ſuiſ, **ut ſupra.**

Ad Magnif. Ant. Qui me miſit, * mecum eſt, et non relíquit me ſolum : quia quæ plácita ſunt ei, fácio ſemper.

Oratio

AD eſto ſupplicatióniſ noſtriſ, omnípotenſ Deus : et, quibuſ fidúciã ſperándæ pietátis indúl-ges; conſuétæ miſericórdiæ tríbue benígnuſ efféctum. Per Dóminiſ.

FERIA TERTIA

Lectio sancti Evangelii
secundum Matthæum

Lectio i Cap. 23, 1-12

IN illo tempore : Locutus est Jesus ad turbas, et ad discipulos suos, dicens : Super cathedram Moysi sederunt scribæ et pharisæi. Omnia ergo quaecumque dixerint vobis, servate, et facite : secundum opera vero eorum nolite facere. Et reliqua.

Homilia sancti Hieronymi
Presbyteri

Liber 4 Comment. in cap. 23
Matthæi

Quid mansuetius, quid benignius Domino? Tentatur a pharisæis, confringuntur insidiæ eorum, et secundum Psalmistam : Sagittæ parvulorum factæ sunt plagæ eorum : et nihilominus propter sacerdotii et nominis dignitatem hortatur populos, ut subiciantur eis, non opera, sed doctrinam considerantes. Quod autem ait, Super cathedram Moysi sederunt scribæ et pharisæi : per cathedram, doctrinam legis ostendit. Ergo et illud quod dicitur in Psalmo : In cathedra pestilentie non sedit : et, Cathedras vendentium co-

lumbas evértit : doctrinam debemus accipere.

℟. Dum exiret Jacob de terra sua, vidit gloriam Dei, et ait : Quam terribilis est locus iste! * Non est hic aliud, nisi domus Dei, et porta cæli. ℟. Vere Deus est in loco isto, et ego nesciebam. — Non.

Lectio ii

Alligant enim onera gravia et importabilia, et imponunt in humeros hominum, digito autem suo nolunt ea movere. Hoc generaliter adversus omnes magistros, qui gravia jubent, et minora non faciunt. Notandum autem, quod et humeri, et digitus, et onera, et vincula quibus alligantur onera, spiritaliter intelligenda sunt. Omnia vero opera sua faciunt, ut videantur ab hominibus. Quicumque igitur ita facit quodlibet, ut videatur ab hominibus, scriba et pharisæus est.

℟. Si Dominus Deus meus fuerit mecum in via ista, per quam ego ambulo, et custodierit me, et dederit mihi panem ad edendum, et vestimentum quo operiar, et revocaverit me cum salute : * Erit mihi Dominus in refugium, et lapis iste in signum. ℟. Surgens ergo mane Jacob, tulit lapidem

quem supposúerat cápiti suo, et eréxit in título, fundénsque óleum désuper, dixit. — Erit mihi Dóminus in refúgium, et lapis iste in signum.

Lectio iii

Dilátant enim phylactéria sua, et magnificant fimbrias. Amant quoque primos recúbitus in cœnis, et primas cáthedras in synagógis, et salutatiónes in foro, et vocári ab homínibus Rabbi. Væ nobis míseris, ad quos pharisæórum vítia transiérunt. Dóminus cum dedísset mandáta legis per Móysen, ad extrémum íntulit : Ligábis ea in manu tua, et erunt immóta ante óculos tuos. Et est sensus : Præcépta mea sint in manu tua, ut ópere compleántur : sint ante óculos tuos, ut die ac nocte meditéris in eis. Hoc pharisæi male interpretántes, scribébant in membránis decálogum Móysi, id est, decem verba legis, complicántes ea et ligántes in fronte, et quasi coronám cápiti faciéntes : ut semper ante óculos moveréntur.

℟. Erit mihi Dóminus in Deum, et lapis iste quem eréxi in título, vocábitur domus Dei : et de univér-
* Décimas et hóstias paci-

ficas offeram tibi. ℣. Si revérsus fúero próspere ad domum patris mei. — Décimas. Glória Patri. Décimas.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Bened. Ant. Unus est * enim magíster vester, qui in cælis est, Christus Dóminus.

Oratio

Perfice, quæsumus, Dómine, benígnus in nobis observántiæ sanctæ subsidium : ut, quæ te auctóre faciéndam cognóvimus, te operánte impleámus. Per Dóminum.

℣. Angelis suis, **ut supra.**

Ad Magnif. Ant. Omnes autem * vos fratres estis; et patrem nolíte vocáre vobis super terram : unus est enim Pater vester, qui in cælis est : nec vocémini magístri, quia magíster vester unus est Christus.

Oratio

Propitiáre, Dómine, supplicatióibus nostris, et animárum nostrárum medére languóribus : ut, remissióne percépta, in tua semper benedictióe lætémur. Per Dóminum.

FERIA QUARTA

Léctio sancti Evangélii
secúndum Matthæum

Lectio i Cap. 20, 17-28

IN illo témpore : Ascéndens Jesus Jerosólymam, assúmpsit duódecim discipulos secréto, et ait illis : Ecce ascéndimus Jerosólymam, et Fílius hóminis tradétur princípibus sacerdotum, et scribis, et condemnábunt eum morte. Et réliqua.

Homília sancti Ambrósii
Epíscopi

Liber 5 de fide ad Gratianum
cap. 2, post initium

Consideráte, quæ mater filiórum Zebedæi cum filiis et pro filiis petat : mater est útique, cui pro filiórum honóre sollicitæ, immoderátior quidem, sed tamen ignoscénda mensúra votórum est. Atque mater ætáte longæva, stúdio religiósa, solátio destitúta, quæ tunc témporis, quando vel juvánda, vel alénda foret válidæ prolis auxílio, abesse sibi líberos patiebátur, et voluptáti suæ mercédem sequéntium Christum prætulérat filiórum. Qui prima voce vocáti a Dómino (ut légitimus) relíctis rétibús et patre, secúti sunt eum.

℟. Dixit Angelus ad Jacob : * Dimítte me, auróra est. Respóndit ei : Non dimíttam te, nisi benedíxeris mihi. Et benedíxit ei in eódem loco. **℣.** Cumque surrexíisset Jacob, ecce vir luctabátur cum eo usque mane : et cum vidéret, quod eum superáre non posset, dixit ad eum. — Dimítte.

Lectio ii

HÆC igitur, stúdio máternæ sedulitátis indulgéntior, obsecrábat Salvatórem, dicens : Ut sédeant hi duo filii mei, unus ad dexteram tuam, et alter ad sinístram in regno tuo. Etsi error, pietátis tamen error est. Nésciunt enim matérna víscera patíéntiam : etsi voti avára, tamen veniábilis cupíditas, quæ non pecúniæ est ávida, sed grátia. Nec inverecúnda petítio, quæ non sibi, sed líberis consulébat. Matrem consideráte, matrem cogitáte.

℟. Vidi Dóminum fácie ad fáciem : * Et salva facta est ánima mea. **℣.** Et dixit mihi : Nequáquam vocáberis Jacob, sed Israél erit nomen tuum. — Et.

Lectio iii

Considerábat Christus matris dilectiónem, quæ filiórum mercéde

grandævam solabátur senéctam : et desidériis licet fessa matérnis, carissimórum pignorum tolerábat abséntiam. Consideráte étiam féminam, hoc est, sexum fragiliórem, quem Dóminus própria nondum confirráverat passióne. Consideráte, inquam, Hevæ illíus primæ mulieris herédem, transfúsa in omnes immoderátæ cupiditátis successióne labéntem : quam Dóminus adhuc próprio ságuine non redémerat, nondum inólitam afféctibus ómnium immódicti contra fas honóris appeténtiam suo Christus cruóre dilúerat. Hereditário ígitur múlter delinquébat erróre.

℟. Cum audísset Jacob quod Esau veníret contra eum, divísit filios suos et uxóres, dicens : Si percúserit Esau unam turmam, salvábitur áltera. * Líbera me, Dómine, qui dixísti mihi : * Multiplicábo semen tuum sicut stellas cæli, et sicut arénam maris, quæ præ multitudíne numerári non potest. ℣. Dómine, qui dixísti mihi, Revértere in terram nativitátis tuæ : Dómine, qui pascis me a juventúte mea. — Líbera. Glória Patri. Multiplicábo.

℣. Angelis suis Deus mandávit de te. ℟. Ut

custódiant te in ómnibus viis tuis.

Ad Bened. Ant. Ecce ascéndimus * Jerosólymam : et Fílius hóminis tradétur ad crucifigéndum.

Oratio

Populum tuum, quæsumus, Dómine, propítius réspice : et quos ab escis carnálibus præcipis abstinére, a nóxiis quoque vítiis cessáre concéde. Per Dóminum.

℣. Angelis suis, **ut supra.**

Ad Magnif. Ant. Tradétur enim Géntibus * ad illudéndum, et flagellándum, et crucifigéndum.

Oratio

Deus, innocéntiæ restitutor et amátor, dirige ad te tuórum corda servórum : ut, spíritus tui fervóre concépto, et in fide inveniántur stábiles, et in ópere effícaces. Per Dóminum.

FERIA QUINTA

Léctio sancti Evangélíi
secúndum Lucam

Lectio i Cap. 16, 19-31

IN illo témpore : Dixit Jesus pharisæis : Homo quidam erat dives, qui induebátur púrpura et bysso : et epulabátur quotidie spléndice. Et réliqua.

Homilia
sancti Gregórii Papæ
Homilia 40 in Evangelia

Quem, fratres caríssimi, quem dives iste, qui induebátur púrpura et bysso, et epulabátur quotidie spléndide, nisi Judáicum pópulum signat : qui cultum vitæ extérius hábuit, qui accéptæ legis delíciis ad nitórem usus est, non ad utilitátem? Quem vero Lázarus ulcéribus plenus, nisi gentílem pópulum figuráliter éxprimit? Qui dum convérsus ad Deum peccáta confitéri sua non erúbuit, huic vulnus in cute fuit. In cutis quippe vúlnerē virus a viscéribus tráhitur, et foras erúmpit.

✠. Tolle arma tua, pháretram et arcum, et affer de venatióne tua, ut cómedam : * Et benedícat tibi ánima mea. ✠. Cumque venátu áliquíd attúleris, fac mihi inde pulméntum, ut cómedam. — Et.

Lectio ii

Quid est ergo peccátórum conféssio, nisi quædam vúlnerum rúptio? Quia peccáti virus salúbriter aperítur in confessióne, quod pestífere latébat in mente. Vúlnera etenim cutis in superficiem trahunt humórem putrédinis. Et confitendo

peccáta, quid áliud ágimus, nisi malum, quod in nobis latébat, aperimus? Sed Lázarus vulnerátus cupiébat saturári de micis, quæ cadébant de mensa dívitis, et nemo illi dabat : quia gentílium quemque ad cognitióem legis admíttēre supérbus ille pópulus despiciébat.

✠. Ecce odor filii mei sicut odor agri pleni, cui benedíxit Dóminus : crescere te fáciat Deus meus sicut arénam maris : * Et donet tibi de rore cæli benedictiόem. ✠. Deus autem omnípotens benedícat tibi, atque multiplicet. — Et.

Lectio iii

QUI dum doctrínam legis non ad caritátem hábuit, sed ad elatióem, quasi de accéptis ópibus túmuit : et quia ei verba defluébant de sciéntia, quasi micæ cadébant de mensa. At contra, jacéntis páuperis vúlnera língēbant canes. Nonnúmquam solent in sacro elóquio per canes prædicatóres intéllegi. Canum etenim lingua, vulnus dum língit, curat : quia et doctóres sancti, dum in confessióne peccáti nostri nos ínstruunt, quasi vulnus mentis per linguam tangunt.

℟. Det tibi Deus de rore cæli et de pinguédine terræ abundantiam : serviant tibi tribus et pópuli :
 * Esto dóminus fratrum tuórum. ℣. Et incurvén-
 tur ante te filii matris tuæ. — Esto. Glória Patri.
 Esto.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Bened. Ant. Fili, recordáre, * quia recepisti bona in vita tua, et Lázarus simíliter mala.

Oratio

PRæsta nobis, quæsumus, Dómine, auxili-
 um grátiae tuæ : ut jejú-
 niis et oratióibus conveni-
 énter inténti, liberémur
 ab hóstibus mentis et cór-
 poris. Per Dóminum.

℣. Angelis suis, *ut supra.*

Ad Magnif. Ant. Dives ille * guttam aquæ pétiit, qui micas panis Lázaro negávit.

Oratio

ADesto, Dómine, fámulis tuis, et perpétuam benignitátem largíre poscéntibus : ut iis, qui te auctóre et gubernatóre gloriántur, et congregáta restáures, et restauráta conserves. Per Dóminum.

FERIA SEXTA

Léctio sancti Evangélii
 secúndum Matthæum

Lectio i Cap. 21, 33-46

IN illo témpore : Dixit Jesus turbis Judæórum, et princípibus sacerdotum parábolam hanc : Homo erat paterfamilias, qui plantávit véneam, et sepem circúmdedit ei. Et réliqua.

Homília sancti Ambrósii
 Epíscopi

Liber 9 in cap. 20 Lucæ

PLerique várias significatiónes de véneæ appellatióne derivant : sed evidénter Isaías véneam Dómini Sábaoth, domum Israél esse memorávit. Hanc véneam quis álius, nisi Deus, cóndidit? Hic est ergo qui eam locávit colónis, et ipse péregre fuit : non quia ex loco ad locum proféctus est Dóminus, qui ubique semper præsens est : sed quia est præsentior diligéntibus, negligéntibus abest. Multis tempóribus ábfuit, ne præprópera viderétur exáctio. Nam quo indulgéntior liberálitas, eo inexcusabílior pervicácia.

℟. Dum exíret Jacob de terra sua, vidit glóriam Dei, et ait : Quam terri-

bilis est locus iste! * Non est hic aliud, nisi domus Dei, et porta cæli. *℟.* Vere Deus est in loco isto, et ego nesciebam. — Non.

Lectio ii

UNde bene secundum Matthæum habes, quia et sepem circumdedit : hoc est, divinæ custodiæ munitione vallavit, ne facile spiritalium pateret incursibus bestiarum. Et fodit in ea torcular. Quomodo intelligimus quid sit torcular, nisi forte quia Psalmi pro torcularibus inscribuntur; eo quod in his mysteria Dominicæ passionis, modo musti Sancto ferventis Spiritu, redundantius æstuaverint? Unde ebrii putabantur, quibus Spiritus Sanctus inundabat. Ergo et hic fodit torcular, in quod uvæ rationabilis fructus interior spiritali infusione deflueret.

℟. Si Dominus Deus meus fuerit mecum in via ista, per quam ego ambulo, et custodierit me, et dederit mihi panem ad edendum, et vestimentum quo operiar, et revocaverit me cum salute : * Erit mihi Dominus in refugium, et lapis iste in signum. *℟.* Surgens ergo mane Jacob, tulit lapidem quem supposuerat capiti

suo, et erexit in titulum, fundensque oleum desuper, dixit. — Erit.

Lectio iii

EDificavit turrim, verticem scilicet legis attollens : atque ita hanc vineam munitam, instructam, ornata, locavit Judæis. Et tempore fructuum servulos misit. Bene tempus fructuum posuit, non proventum. Nullus enim fructus exstitit Judæorum, nullus vineæ hujus proventus, de qua Dominus ait : Expectavi ut faceret uvas, fecit autem spinas. Itaque non lætitiæ vino, non spiritali musto, sed cruento Prophetarum sanguine torcularia redundarunt.

℟. Erit mihi Dominus in Deum, et lapis iste quem erexi in titulum, vocabitur domus Dei : et de universis quæ dederis mihi, * Décimas et hostias pacificas offeram tibi. *℟.* Si reversus fuero prospere ad domum patris mei. — Décimas. *Gloria Patri. Décimas.*

℟. Angelis suis, *ut supra.*

Ad Bened. Ant. Malos male perdet, * et vineam suam locabit aliis agricolis, qui reddant ei fructum temporibus suis.

Oratio

DA, quæsumus, omnipotens Deus : ut, sacro nos purificante jejûnio, sincêris mêntribus ad sancta ventûra fácias pervenîre. Per Dóminum.

✠. Angelis suis Deus mandávit de te. ✠. Ut custódiant te in ómnibus viis tuis.

Ad Magnif. Ant. Quæréntes eum tenére, * timuérunt turbam, quia sicut prophétam eum habébant.

Oratio

DA, quæsumus, Dómine, pópulo tuo salutem mentis et córporis : ut bonis opéribus inhæréndo, tuæ semper virtútis mereátur protectióne deféndi. Per Dóminum.

SABBATO

Lectio sancti Evangélii
secúndum Lucam

Lectio i Cap. 15, 11-32

IN illo témpore : Dixit Jesus pharisæis et scribis parábolam istam : Homo quidam hábuit duos filios : et dixit adolescén-tior ex illis patri : Pater, da mihi portiónem substantiæ, quæ me contíngit. Et réliqua.

Homília sancti Ambrósii
Epíscopi

Liber 8 Comment. in cap. 15
Lucae, post initium

Vides, quod divínium patrimonium peténtibus datur. Nec putes culpam patris, quod adolescentióri dedit. Nulla Dei regno infirma ætas : nec fides gravátur annis. Ipse certe se judicávit idóneum, qui popóscit. Atque útinam non recessisset a patre, impediméntum nescisset ætátis. Sed posteaquam domum pátriam derelínquens péregre proféctus est, cœpit egére. Mérito ergo prodégit patrimonium, qui recéssit ab Ecclésia.

✠. Pater, peccávi in cælum, et coram te : jam non sum dignus vocári filius tuus : * Fac me sicut unum ex mercenáriis tuis. ✠. Quanti mercenárii in domo patris mei abúndant pánibus, ego autem hic fame péreo! Surgam, et ibo ad patrem meum, et dicam ei. — Fac.

Lectio ii

PEregre proféctus est in regiónem longínquam. Quid longínquius, quam a se recédere; nec regiónibus, sed móribus separári : stúdiis discrétum esse, non terris; et quasi interfúso luxúriæ sæcu-

lâris æstu, divórtia habére Sanctórum? Etenim qui se a Christo séparat, exsul est pátriæ, civis est mundi. Sed nos non sumus ádvenæ atque peregríni, sed cives sumus Sanctórum, et doméstici Dei. Qui enim erámus longe, facti sumus própe in ságuine Christi. Non invideámus de longínqua regiône remeántibus : quia et nos fúimus in regiône longínqua, sicut Isaías docet. Sic enim habes : Qui sedébant in regiône umbræ mortis, lux orta est illis. Régio ergo longínqua, umbra est mortis.

✠. Vidi Dóminum fácie ad fáciem : * Et salva facta est ánima mea. ✠. Et dixit mihi : Nequáquam vocáberis Jacob, sed Israël erit nomen tuum. — Et salva.

Lectio iii

NOS autem, quibus spírítus ante fáciem Christus est Dóminus, in umbra vívimus Christi. Et ideo dicit Ecclésia : In umbra ejus concupívi, et sedi. Ille igitur vivéndo luxurióse, consúpsit ómnia ornáménta natúræ. Unde tu, qui accepísti imáginem Dei, qui habes similitúdinem ejus, noli eam irrationábili fœditáte consúmere. Opus Dei es : noli ligno dícere, Pater meus es tu, ne accípias

similitúdinem ligni, quia scriptum est : Símiles illis fiant qui fáciunt ea.

✠. Cum audísset Jacob quod Esau veníret contra eum, divísit filios suos et uxóres, dicens : Si percúserit Esau unam turmam, salvábitur áltera. * Líbera me, Dómine, qui dixísti mihi : * Multiplicábo semen tuum sicut stellas cæli, et sicut arénam maris, quæ præ multítúdine numerári non potest.

✠. Dómine, qui dixísti mihi, Revértere in terram nativitatís tuæ : Dómine, qui pascis me a juventúte mea. — Líbera. Glória Patri. Multiplicábo.

✠. Angelis suis, *ut supra.*

Ad Bened. Ant. Vadam ad patrem meum, * et dicam ei : Pater, fac me sicut unum ex mercenáriis tuis.

Oratio

DA, quæsumus, Dómine, nostris efféctum jejúniis salutárem : ut castigátio carnis assúpta ad nostrárum vegetatió-nem tránseat animárum. Per Dóminum.

AD VESPERAS

Antiphonæ et Psalmi de Sabbato, ut in Psalterio. 332

Capitulum Ephes. 5, 1-2

FRatres : Estóte imitátóres Dei, sicut filii caríssimi : et ambuláte in

dilectione, sicut et Christus dilexit nos, et tradidit semetipsum pro nobis oblationem et hostiam Dei in odorem suavitatis.

Hymnus

AUdi, benigne Conditor,
Nostras preces cum
flētibus,

In hoc sacro jejūnio
Fusas quadragenario.

Scrutator alme cordium,
Infirma tu scis virium :
Ad te reversis exhibe
Remissionis gratiam.

Multum quidem peccavimus,

Sed parce confitentibus :
Ad nominis laudem tui
Confer medelam languidis.

Concede nostrum conteri
Corpus per abstinentiam;
Culpæ ut relinquant pabulum

Jejuna corda criminum.

¶ Sequens Conclusio numquam mutatur.

Præsta, beata Trinitas,
Concede, simplex Unitas;
Ut fructuosa sint tuis
Jeiuniorum mûnera.

Amen.

✠. Angelis suis Deus
mandavit de te. ✠. Ut
custodiant te in omnibus
viis tuis.

Ad Magnif. Ant. Dixit
autem pater * ad servos
suos : Cito proferte stolam

primam, et induite illum,
et date anulum in manu
ejus, et calceamenta in
pedibus ejus.

Ad Vesperas Dominicæ

Ad Magnif. Ant. Extol-
lens vocem * quædam mul-
lier de turba, dixit : Beatus
venter qui te portavit,
et ubera quæ suxisti. At
Jesus ait illi : Quinimmo
beati, qui audiunt verbum
Dei, et custodiunt illud.

Oratio

QUæsumus, omnipotens
Deus, vota humilium
respice : atque ad defen-
sionem nostram, dexteram
tuæ majestatis extende.
Per Dominum.

DOMINICA III IN QUADRAGESIMA

I classis Semiduplex

AD MATUTINUM

In I Nocturno

De libro Génesis

Lectio i Cap. 37, 2-28



IOseph, cum sede-
cim esset annó-
rum, pascébat gre-
gem cum fratribus suis
adhuc puer : et erat cum
filiis Balæ et Zelphæ uxó-
rum patris sui, accusa-
vítque fratres suos apud
patrem crimine péssimo.

Israël autem diligébat Joseph super omnes filios suos, eo quod in senectúte genuisset eum : fecitque ei túnica[m] polymítam. Vidéntes autem fratres ejus quod a patre plus cunctis filiis amarétur, óderant eum, nec póterant ei quidquam pacífice loqui. Accidit quoque, ut visum sómni[um] reférret frátribus suis : quæ causa majóris ódii seminárium fuit. Dixítque ad eos : Audíte sómni[um] meum quod vidi : Putábam nos ligáre manípulos in agro : et quasi consúrgere manípulum meum, et stare, vestrosque manípulos circumstántes adoráre manípulum meum. Respondérunt fratres ejus : Numquid rex noster eris? aut subjiéciemur ditióni tuæ? Hæc ergo causa somniórum atque sermónum, invidiæ et ódii fómitem ministrávit. Aliud quoque vidit sómni[um], quod narrans frátribus, ait : Vidi per sómni[um], quasi solem, et lunam, et stellas úndecim adoráre me. Quod cum patri suo et frátribus retulísset, increpávit eum pater suus, et dixit : Quid sibi vult hoc sómni[um] quod vidísti? num ego, et mater tua, et fratres tui adorábimus te super terram?

℟. Vidéntes Joseph a longe, loquebántur mútuo fratres, dicéntes : Ecce somniátor venit : * Veníte, occidámus eum, et videámus si prosint illi sómnia sua. ℣. Cumque vidíssent Joseph fratres sui, quod a patre cunctis frátribus plus amarétur, óderant eum, nec póterant ei quidquam pacífice loqui, unde et dicébant. — Veníte.

Lectio ii

INvidébant ei ígitur fratres sui : pater vero rem táctus considerábat. Cumque fratres illíus in pascéndis grégibus patris morarénrur in Sichem, dixit ad eum Israël : Fratres tui pascunt oves in Síchimis : veni, mittam te ad eos. Quo respondénte, Præsto sum; ait ei : Vade, et vide, si cuncta próspera sint erga fratres tuos, et pécora : et renúntia mihi quid agátur. Missus de Valle Hebron, venit in Sichem : invenítque eum vir errántem in agro, et interrogávit quid quære-ret. At ille respóndit : Fratres meos quæro, indica mihi ubi pascant greges. Dixítque ei vir : Recessérunt de loco isto : audívi autem eos dicéntes : Eámus in Dóthain. Perréxit ergo Joseph post fratres suos, et invénit

eos in Dóthain. Qui, cum vidissent eum procul, antequam accéderet ad eos, cogitavérunt illum occidere, et mútuo loquebántur : Ecce somniátor venit : veníte, occidámus eum, et mittámus in cistérnam vétērem, dicémusque : Fera péssima devorávit eum : et tunc apparébit quid illi prosint sómnia sua.

℟. Dixit Judas frátribus suis : Ecce Ismaélitæ tránseunt; veníte, venumdétur, et manus nostræ non polluéntur : * Caro enim et frater noster est.

℣. Quid enim prodest, si occidérimus fratrem nostrum, et celavérimus sánguinem ipsíus? mélius est ut venumdétur. — Caro enim.

Lectio iii

Audiens autem hoc Ruben, nitebátur liberáre eum de mánibus eórum, et dicébat : Non interficiátis ánimam ejus, nec effundátis sánguinem : sed projícite eum in cistérnam hanc, quæ est in solitúdine, manúsque vestras serváte innóxias. Hoc autem dicébat, volens eripere eum de mánibus eórum, et réddere patri suo. Conféstim igitur ut pervénit ad fratres suos, nudavérunt eum túnica

talári et polymíta : miserúntque eum in cistérnam vétērem, quæ non habébat aquam. Et sedéntes ut coméderent panem, vidérunt Ismaélitas viatóres veníre de Gálaad, et camélos eórum portántes arómata, et resínam, et stacten in Ægýptum. Dixit ergo Judas frátribus suis : Quid nobis prodest, si occidérimus fratrem nostrum, et celavérimus sánguinem ipsíus? Mélius est ut venumdétur Ismaélitis, et manus nostræ non polluéntur : frater enim et caro nostra est. Acquievérunt fratres sermónibus illius. Et prætereúntibus Madianítis negotiátoribus, extrahéntes eum de cistérna, vendidérunt eum Ismaélitis vigínti argénteis : qui duxérunt eum in Ægýptum.

℟. Extrahéntes Joseph de lacu, vendidérunt Ismaélitis vigínti argénteis; * Reversúsque Ruben ad púteum, cum non invenísset eum, scidit vestiménta sua cum fletu, et dixit : * Puer non compáret, et ego quo ibo? ℣. At illi, intíncta túnica Joseph in ságuine hædi, miserunt qui ferret eam ad patrem, et diceret : Vide, si túnica filii tui sit, an non. — Reversúsque. Glória Patri. Puer.

In II Nocturno

Ex libro sancti Ambrósii
Epíscopi de sancto Joseph

Lectio iv

Cap. 1



Anctórum vita cé-
teris norma vivén-
di est. Ideóque di-
géstam plénius accépimus
sérim Scripturárum; ut
dum Abraham, Isaac, et
Jacob, ceterósque justos
legéndo cognóscimus, vel-
ut quemdam nobis inno-
céntiæ trámitem, virtúte
eórum reserátum, imitán-
tibus vestigiis persequá-
mur. De quibus mihi cum
frequens tractátus fúerit,
hódie sancti Joseph histó-
ria occúrrit : in quo cum
plúrima fúerint génera
virtútum, præcípue tamen
insigne effúlsit castimón-
niæ. Justum est igitur, ut
cum in Abraham didicé-
ritis ímpigram fídei devo-
tiónem, in Isaac sincéræ
mentis puritátem, in Ja-
cob singulárem ánimi la-
borúmque patiéntiam : ex
illa generalitáte virtútum
in ipsas spécies discipliná-
rum intendátis ánimum.

℟. Videns Jacob vesti-
ménta Joseph, scidit vesti-
ménta sua cum fletu, et
dixit : * Fera péssima
devorávit fílium meum
Joseph. ℣. Tulérunt au-
tem fratres ejus túnica
illius, mitténtes ad pa-
trem : quam cum cogno-

vísset pater, ait. — Fera
péssima.

Lectio v

SIT igitur nobis propó-
situs sanctus Joseph
tamquam spéculum casti-
tátis. In ejus enim móri-
bus, in ejus áctibus lucet
pudicítia, et quidam splen-
det castimóniæ comes, ni-
tor grátia. Unde étiam a
paréntibus plus quam cé-
teri filii diligebátur. Sed
ea res invidiæ fuit : quod
siléntio prætereúndum non
fuit : hinc enim argumén-
tum totíus históriæ pro-
cæssit : simul ut cognoscá-
mus, perféctum virum non
movéri ulciscéndi dolóris
invidia, nec malórum re-
péndere vicem. Unde et
David ait : Si réddidi
retribuéntibus mihi mala.

℟. Joseph dum intráret
in terram Ægýpti, lin-
guam quam non nóverat,
audivit : manus ejus in
labóribus serviérunt : * Et
lingua ejus inter prínci-
pes loquebátur sapién-
tiam. ℣. Humiliavérunt in
compédibus pedes ejus :
ferrum pertránsiit ánimam
ejus, donec veníret ver-
bum ejus. — Et.

Lectio vi

Quid autem esset, quod
præférri Joseph mere-
rétur céteris, si aut lædén-
tes læsisset, aut diligéntes
dilexisset? Hoc enim ple-
rique faciunt. Sed illud mi-

rábile, si díligas inimícum tuum : quod Salvátor docet. Jure ergo mirándus, qui hoc fecit ante Evangélum, ut læsus párceret, appetítus ignósceret, vén-ditus non reférret injú-riam, sed grátiam pro con-tumélia sólveret : quod post Evangélum omnes didícimus, et serváre non póssumus. Discámus ergo et Sanctórum invídiam, ut imitémur patiéntiam : et cognoscámus, illos non natúræ præstantiórís fuisse, sed observantiórís : nec ví-tia nescísse, sed emendás-se. Quod si invídia étiam Sanctos adússit, quanto magis cavéndum est, ne inflámmet peccatóres?

℟. Meménto mei, dum bene tibi fúerit : * Ut sug-geras Pharaóni, ut edúcat me de isto cárcere : * Quia furtim sublátus sum, et hic innocens in lacum mis-sus sum. ℣. Tres enim adhuc dies sunt, post quos recordábitur Phárao mini-sterii tui, et restítuet te in gradum prístinum : tunc meménto mei. — Ut. Gló-ria Patri. Quia.

In III Nocturno

Léctio sancti Evangélíi
secúndum Lucam

Lectio vii Cap. 11, 14-28

IN illo témpore : Erat Jesus ejiciens dæmó-nium, et illud erat mutum.

Et cum ejecísset dæmó-nium, locútus est mutus, et admirátæ sunt turbæ. Et réliqua.

Homília sancti Bedæ
Venerábilis, Presbýteri

Liber 4 cap. 48
in cap. 11 Lucæ



Æmoníacus iste apud Matthæum non solum mutus, sed et cæcus fuisse narrá-tur : curatúsque dicitur a Dómino, ita ut loquerétur, et vidéret. Tria ergo signa simul in uno hómíne per-petráta sunt : cæcus vi-det, mutus lóquitur, pos-séssus a dæmone liberá-tur. Quod et tunc quidem carnáliter factum est, sed et quotidie complétur in conversióne credéntium : ut, expúlso primum dæ-mone, fidei lumen aspí-ciant; deínde ad laudes Dei tacéntia prius ora laxéntur. Quidam autem ex eis dixérunt : In Beél-zebub príncipe dæmonió-rum ejicit dæmónia. Non hæc áliqui de turba, sed pharisæi calumniabántur et scribæ, sicut álii Evan-gelistæ testántur.

℟. Mérito hæc pátimur, quia peccávimus in fra-trem nostrum, vidéntes angústias ánimæ ejus, dum deprecaréur nos, et non audívimus : * Idcirco venit super nos tribulátio.

℣. Dixit Ruben fratribus suis : Numquid non dixi vobis, Nolite peccare in puerum; et non audistis me? — Idcirco.

Lectio viii

Turbis quippe, quæ minus eruditæ videbantur, Domini semper facta mirantibus; illi contra, vel negare hæc, vel quæ negare nequiverant, sinistra interpretatione pervertere laborabant : quasi non hæc divinitatis, sed immundi spiritus opera fuissent. Et alii tentantes, signum de cælo quærebant ab eo. Vel in morem Eliæ ignem de sublimi venire cupiebant; vel in similitudinem Samuëlis tempore æstivo mugire tonitrua, coruscare fulgura, imbres ruerere : quasi non possent et illa calumniari, et dicere, ex occultis et variis aëris passionibus accidisse. At tu, qui calumniaris ea, quæ oculis vides, manu tenes, utilitate sentis; quid feceris de iis, quæ de cælo venerint? Utique respondēbis, et magos in Ægypto multa signa fecisse de cælo.

℣. Dixit Ruben fratribus suis : Numquid non dixi vobis, Nolite peccare in puerum, et non audistis me? * En sanguis ejus exquiritur. ℣. Mérito hæc

pátimur, quia peccávimus in fratrem nostrum, vidētes angústias ánimæ ejus, dum deprecaretur nos, et non audívimus. — En.

Lectio ix

Ipse autem ut vidit cogitationes eorum, dixit eis : Omne regnum in seipsum divisum desolabitur, et domus supra domum cadet. Non ad dicta, sed ad cogitata respondit : ut vel sic compellerentur credere potētiæ ejus, qui cordis videbat occulta. Si autem omne regnum in seipsum divisum desolatur : ergo Patris et Filii et Spiritus Sancti regnum non est divisum; quod sine ulla contradiciōne, non aliquo impulsu desolandum, sed æterna est stabilitate mansurum. Si autem sathanas in seipsum divisus est : quomodo stabit regnum ipsius, quia dicitis, in Beelzebub ejicere me dæmónia? Hoc dicens, ex ipsorum confessione volēbat intēlligi, quod in eum non credēdo, in regno diaboli esse elegerent, quod utique adversum se divisum stare non posset.

℣. Lamentabatur Jacob de duobus filiis suis : Heu me, dolens sum de Joseph perduto, et tristis nimis de Bénéjamin ducto pro alimó-

niis : * Precor cæléstem Regem, ut me doléntem nímium fáciat eos cérnere. **℟.** Prostérnens se Jacob veheménter cum lácrimis pronus in terram, et adórans ait. — Precor. **Gloria Patri. Precor.**

AD LAUDES

Ant. 1 Fac benígne * in bona voluntáte tua, ut ædificéntur, Dómine, muri Jerúsalem.

Psalmi de Domin. 2 loco. 53

2 Dóminus * mihi adjútor est, non timébo quid fáciat mihi homo.

3 Adhæsit ánima mea * post te, Deus meus.

4 Vim virtútis suæ * oblítus est ignis : ut púeri tui liberaréntur illæsi.

5 Sol et luna, * laudáte Deum : quia exaltátum est nomen ejus solius.

Capitulum Ephes. 5, 1-2

FRatres : Estóte imitátóres Dei, sicut filii caríssimi : et ambuláte in dilectióne, sicut et Christus diléxit nos, et trádedit semetípsum pro nobis oblatiónem et hóstiám Deo in odórem suavitátis.

Hymnus

O Sol salútis, íntimis, Jesu, refúlge méntibus, Dum, nocte pulsa, grátior Orbi dies renáscitur.

Dans tempus acceptábile, Da lacrimárum rívulis Laváre cordis víctimam, Quam læta adúrat caritas. **Q**uo fonte manávit nefas, Fluent perénnes lácrimæ, Si virga pœniténtiæ Cordis rigórem cónterat.

Dies venit, dies tua, In qua reflórent ómnia : Lætémur et nos, in viam Tua redúcti délixtera.

¶ Sequens Conclusio nunquam mutatur.

Te prona mundi máchina, Clemens, adóret, Trínitas, Et nos novi per grátiam Novum canámus cánticum. Amen.

℟. Angelis suis Deus mandávit de te. **℟.** Ut custódiánt te in ómnibus viis tuis.

Ad Bened. Ant. Cum fortis armátus * custódit átrium suum, in pace sunt ómnia quæ póssidet.

Oratio

QUæsumus, omnípotens Deus, vota humílium réspice : atque ad defensiónem nostram, dextéram tuæ majestátis exténde. Per Dóminum.

AD PRIMAM

Ant. Et cum eiecisset Jesus * dæmónium, locútus est mutus, et admirátæ sunt turbæ.

AD TERTIAM

Ant. Si in dígito Dei * ejicio dæmónia, profecto pervénit in vos regnum Dei.

Capitulum Fratres, *ut supra.* 384

℟. *br.* Ipse liberávit me * De láqueo venántium. Ipse. ℣. Et a verbo áspero. De. Glória Patri. Ipse. ℣. Scápolis suis obumbrábit tibi. ℟. Et sub pennis ejus sperábis.

AD SEXTAM

Ant. Qui non cólligit mecum, * dispérgit : et qui non est mecum, contra me est.

Capitulum Ephes. 5, 5

HOC enim scitóte intelligéntes, quod omnis fornicátor, aut immúndus, aut avárus, quod est idólorum sérvitus, non habet hereditátem in regno Christi et Dei.

℟. *br.* Scápolis suis * Obumbrábit tibi. Scápolis. ℟. Et sub pennis ejus sperábis. Obumbrábit tibi. Glória Patri. Scápolis. ℣. Scuto circúmdabit te véritas ejus. ℟. Non timébis a timóre noctúrno.

AD NONAM

Ant. Cum immúndus spíritus * exíerit ab hómine, ámbulat per loca

inaquósa, quærens réquiem et non invenit.

Capitulum Ephes. 5, 8-9

ERatis enim aliquándo ténebræ, nunc autem lux in Dómino : ut filii lucis ambuláte : fructus enim lucis est in omni bonitáte, et justítia, et veritáte.

℟. *br.* Scuto circúmdabit te * Véritas ejus. Scuto. ℣. Non timébis a timóre noctúrno. Véritas ejus. Glória Patri. Scuto. ℣. Angelis suis Deus mandávit de te. ℟. Ut custódiant te in ómnibus viis tuis.

AD VESPERAS

Añæ et Ps. de Dominica, 72; Capit., Hymnus et ℣. ut in Vesperis Sabbati. 377

℣. Angelis suis, *ut supra.*

Ad Magnif. Ant. Extóllens vocem * quædam múlier de turba, dixit : Beátus venter qui te portávit, et úbera quæ suxísti. At Jesus ait illi : Quinímmo beáti, qui áudiunt verbum Dei, et custódiunt illud.

FERIA SECUNDA

Léctio sancti Evangélii
secúndum Lucam

Lectio i Cap. 4, 23-30

IN illo témpore : Dixit Jesus pharisæis : Uti-que dicétis mihi hanc similitúdinem : Médice, cura

te ipsum : quanta audivimus facta in Caphárnaum, fac et hic in pátria tua. Et reliqua.

Homilia sancti Ambrósii
Epíscopi

Liber 4 in cap. 4 Lucae,
post medium

NON mediócris invidia próditur, quæ cívicæ caritátis oblíta, in acérba ódia causas amoris infléctit. Simul hoc exémplo páriter et oráculo declarátur, quod frustra opem misericórdiæ cæléstis expéctes, si aliénæ frúctibus virtútis invideas. Aspernátor enim Dóminus invidórum est : et ab iis qui divína beneficia in áliis persecúntur, mirácula suæ potestátis avértit. Domínicæ quippe carnis actus, divinitátis exémplum est : et invisibília nobis ejus per ea, quæ sunt visibília, demonstrántur.

℟. Tóllite hinc vobiscum múnera, et ite ad dóminum terræ : et cum invenéritis, adoráte eum super terram : * Deus autem meus fáciat eum vobis placábilem : et remíttat et hunc fratrem vestrum vobiscum, et eum quem tenet in vínculis. ℣. Súmite de óptimis terræ frúgibus in vasis vestris, et deférte viro múnera. — Deus.

Lectio ii

NON otiose itaque Salvátor excúsat, quod nulla in pátria sua mirácula virtútis operátus sit : ne fortássis áliquis viliórem pátriæ nobis esse debére putáret afféctum. Neque enim cives póterat non amáre, qui amáret omnes : sed ipsi se caritate pátriæ, dum invident, abdicárunt. In veritáte dico vobis : multæ víduæ fuérunt in diébus Eliæ. Non quia Eliæ dies fuérunt, sed in quibus Elías operátus est : aut quia Elías dies faciébat illis, qui in ejus opéribus lucem vidébant grátiae spiritális, et convertebántur ad Dóminum. Et ideo aperiebátur cælum vidéntibus ætéRNA et divína mystéria : claudébátur, et fames erat, quando nulla erat cognoscéndæ divinitátis ubértas. Sed de hoc plénius diximus, cum de víduis scriberémus.

℟. Iste est frater vester mínimus, de quo dixerátis mihi? Deus misereátur tibi, fili mi. * Festinavítque in domum, et plorávit : quia erumpébant lácrimæ, et non póterat se continére. ℣. Attóllens autem Joseph óculos, vidit Bénjamin stantem : et comóta sunt ómnia víscera

ejus super fratre suo. — Festinavítque.

Lectio iii

ET multi leprósi erant in Judæa tempóribus E iséi prophétæ : et nemo eórum mundátus est, nisi Náaman Syrus. Evidénter hic sermo nos Dómini salutáris infórmát, et ad stúdiu[m] venerándæ divinitátis hortátur : quod nemo sanátus osténditur, et maculósi morbo córporis absolúti, nisi qui religiósó officio stúduit sanitáti. Non enim dormiéntibus divína beneficia, sed observántibus deferúntur. Díximus in libro álio, in vídua illa, ad quam Elías diréctus est, typum Ecclésiæ præmíssum. Pópulus Ecclésiám congregávit, ut sequátur pópulus ille ex alienígenis congregátus. Pópulus ille ante leprósus, pópulus ille ante maculósus, priúsq[uam] mýstico baptizarétur in flúmine : idem post sacraménta baptísmatis máculis córporis et mentis ablúti, jam non lepra, sed immaculáta virgo cœpit esse sine ruga.

℟. Dixit Joseph úndecim frátribus suis : Ego sum Joseph, quem vendidístis in Ægýptum : adhuc vivit pater noster sénior, de quo dixerátis mihi? * Ite, ad-

dúcite eum ad me, ut possit vívere. ℣. Biénnium enim est quod cœpit esse fames in terra : et adhuc restant anni quinque, quibus nec arári póterit, nec meti. — Ite. Glória Patri. Ite.

℣. Angelis suis Deus mandávit de te. ℟. Ut custódiánt te in ómnibus viis tuis.

Ad Bened. Ant. Amen dico vobis, * quia nemo prophéta accéptus est in pátria sua.

Oratio

Cordibus nostris, quæsumus, Dómine, grátiam tuam benígnus infúnde : ut, sicut ab escis carnálibus abstinémus; ita sensus quoque nostrós a nóxiis retrahámus excésibus. Per Dóminum.

℣. Angelis suis, *ut supra.*

Ad Magnif. Ant. Jesus autem, tránsiens * per médium illórum, ibat.

Oratio

Subvéniat nobis, Dómine, misericórdia tua : ut ab imminéntibus peccatórum nostrórum perículis te mereámur protegénte éripi, te liberánte salvári. Per Dóminum.

FERIA TERTIA

Lectio sancti Evangelii
secundum Matthæum

Lectio i *Cap. 18, 15-22*

IN illo tempore : Dixit
Jesus discipulis suis :
Si peccaverit in te frater
tuus, vade, et corripe eum
inter te et ipsum solum.
Et reliqua.

Homilia sancti Augustini
Episcopi

Sermo 16 de Verbis Domini
tom. 10, post. initium

QUARE illum corripis?
Quia tu doles, quod
peccaverit in te? Absit.
Si amore tui id facis, nihil
facis : si amore illius facis,
optime facis. Denique in
ipsis verbis attende, cujus
amore id facere debeas,
utrum tui, an illius. Si te
audierit, inquit, lucratus
es fratrem tuum. Ergo
propter illum fac, ut lu-
creris illum. Sic faciendo
lucraris : nisi fecisses,
perierat. Quid est ergo,
quod plerique homines
ista peccata contemnunt,
et dicunt : Quid magnum
feci? in hominem peccavi.
Noli contemnere : in ho-
minem peccasti.

℟. Nuntiaverunt Jacob
dicentes : Joseph filius
tuus vivit, et ipse domi-
natur in tota terra Ægyp-
ti : quo audito revixit

spiritus ejus, et dixit :
* Sufficit mihi, vadam et
videbo eum, antequam
moriar. ℣. Cumque audis-
set Jacob, quod filius ejus
viveret, quasi de gravi
somno evigilans, ait. —
Sufficit.

Lectio ii

VIS nosse, quia in homi-
nem peccando, peri-
sti? Si te ille, in quem
peccasti, corripuerit inter
te et ipsum solum, et
audieris illum, lucratus est
te. Quid est, Lucratus est
te; nisi quia perieras, si
non lucraretur te? Nam si
non perieras, quomodo te
lucratus est? Nemo ergo
contemnat, quando peccat
in fratrem. Ait enim quo-
dam loco Apostolus : Sic
autem peccantes in fra-
tres, et percutientes con-
scientiam eorum infir-
mam, in Christum peccatis :
ideo quia membra
Christi omnes facti sumus.
Quomodo non peccas
in Christum, qui peccas
in membrum Christi?

℟. Joseph dum intraret
in terram Ægypti, lin-
guam quam non noverat,
audivit : manus ejus in
laboribus serviérunt : * Et
lingua ejus inter principes
loquebatur sapientiam.
℣. Humiliaverunt in com-
pedibus pedes ejus : fer-
rum pertransiit animam

ejus, donec veníret verbum ejus. — Et.

Lectio iii

Nemo ergo dicat, quia non peccávi in Deum, sed peccávi in fratrem : in hóminem peccávi, leve, vel nullum peccátum est. Forte inde dicis : Leve est, quia cito curátur. Peccásti in fratrem : fac satis, et sanátus es. Cito fecísti mortíferam rem, sed remédium cito invenísti. Quis nostrum speret regnum cælórum, fratres mei, quando dicit Evangelium : Qui díxerit fratri suo, Fátue; reus erit gehénnæ ignis? Magnus terror : sed vide ibi remédium. Si obtúleris munus tuum ad altáre, et ibi recordátus fúeris, quia frater tuus habet áliquid advérsus te, relínque ibi munus tuum ante altáre. Non iráscitur Deus, quia differs impónere munus tuum : te quærit Deus magis, quam munus tuum.

℟. Meménto mei, dum bene tibi fúerit : * Ut súggeras Pharaóni, ut edúcat me de isto cárcere : * Quia furtim sublátus sum, et hic ínnocens in lacum missus sum. ℣. Tres enim adhuc dies sunt, post quod recordábitur Phárao ministérii tui, et restítuet te in gradum prístinum : tunc

meménto mei. — Ut. Glória Patri. Quia.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Bened. Ant. Si duo ex vobis * consénsierint super terram : de omni re quamcúmque petierint, fiet illis a Patre meo, dicit Dóminus.

Oratio

EXáudi nos, omnipotens et miséricors Deus : et continéntiæ salutáris propítius nobis dona concéde. Per Dóminum.

℣. Angelis suis, **ut supra.**

Ad Magnif. Ant. Ubi duo vel tres * congregáti fúerint in nómine meo, in médio eórum sum, dicit Dóminus.

Oratio

TUA nos, Dómine, protectione defénde : et ab omni semper iniquitate custódi. Per Dóminum.

FERIA QUARTA

Léctio sancti Evangelíi
secúndum Matthæum

Lectio i **Cap. 15, 1-20**

IN illo témpore : Accessérunt ad Jesum ab Jerosólymis scribæ et pharisæi, dicéntes : Quare di-

scípuli tui transgrediúntur traditiónem seniórum? Et réliqua.

Homilia sancti Hierónymi
Presbýteri

*Liber 2 Comment. in cap. 15
Matthæi*

MIra pharisæórum scribarúmque stultítia. Dei Filium árguunt, quare hóminum traditiónes et præcépta non servet : Non enim lavant manus suas, cum panem mandúcant. Manus, id est ópera, non córporis útique, sed ánimæ lavándæ sunt, ut fiat in illis verbum Dei. Ipse autem respóndens ait illis : Quare et vos transgredimini mandátum Dei propter traditiónem vestram? Falsam calúmniam vera responsiône confútat. Cum, inquit, vos propter traditiónem hóminum præcépta Dómini negligátis; quare discipulos meos arguéndos putátis, quod seniórum jussa parvipéndant, ut Dei scita custódiant?

✠. Mérito hæc pátimur, quia peccávimus in fratrem nostrum, vidéntes angústias ánimæ ejus, dum deprecarétur nos, et non audívimus : * Idcirco venit super nos tribulatio.

✠. Dixit Ruben frátribus suis : Numquid non dixi vobis, Nolite peccáre in

púerum; et non audístis me? — Idcirco.

Lectio ii

NAM Deus dixit : Honóra patrem et matrem; et, Qui maledíxerit patri, vel matri, morte moriátur. Vos autem dicitis : Quicúmque díxerit patri, vel matri : Munus quodcúmque est ex me, tibi próderit : et non honorificábit patrem suum, aut matrem suam. Honor in Scriptúris non tantum in salutatió nibus et officiis deferéndis, quantum in eleemósynis, ac múnere oblatiône sentítur. Honóra, inquit Apóstolus, víduas, quæ vere víduæ sunt. Hic honor donum intelligitur. Et in álío loco : Presbýteri dúplici honóre honorándi sunt, máxime qui labórant in verbo et doctrína Dei. Et per hoc mandátum jubémur bovi trituránti os non cláudere : et dignus sit operárius mercéde sua.

✠. Dixit Ruben frátribus suis : Numquid non dixi vobis, Nolite peccáre in púerum, et non audístis me? * En sanguis ejus exquíritur. ✠. Mérito hæc pátimur, quia peccávimus in fratrem nostrum, vidéntes angústias ánimæ ejus, dum deprecarétur nos, et non audívimus. — En.

Lectio iii

PRæcéperat Dóminus, vel imbecillitátes, vel ætátes, vel penúrias paréntum consíderans, ut filii honorárent, étiam in vitæ necessariis ministrándis, paréntes suos. Hanc providentíssimam Dei legem voléntes scribæ et pharisæi subvértere, ut impietátem sub nómine pietátis indúcerent, docuérunt péssimos filios, ut si quis ea, quæ paréntibus offerénda sunt, Deo vovére volúerit, qui verus est pater, oblátio Dómini præponátur paréntum munéribus : vel certe ipsi paréntes, quæ Deo consecráta cernébant, ne sacrilégii crimen incúrrerent, declinátes, egestáte conficiebántur. Atque ita fiebat, ut oblátio liberórum sub occasióne templi et Dei, in sacerdotum lucra céderet.

℟. Lamentabátur Jacob de duóbus filiis suis : Heu me, dolens sum de Joseph pérdito, et tristis nimis de Bénjamin ducto pro alimóniis : * Precor cæléstem Regem, ut me doléntem nímium fáciat eos cernere.

℣. Prostérnens se Jacob veheménter cum lácrimis pronus in terram, et adórans ait. — Precor. **G**loria Patri. Precor.

℣. Angelis suis Deus mandávit de te. **℟.** Ut custódiánt te in ómnibus viis tuis.

Ad Bened. Ant. Audíte et intelligíte * tradições, quas Dóminus dedit nobis.

Oratio

PRæsta nobis, quæsumus, Dómine : ut salutáribus jejúniis erudíti, a nóxiis quoque vítiis abstinéntes, propitiatió-nem tuam facílius impetrémus. Per Dóminum.

℣. Angelis suis, **ut supra.**

Ad Magnif. Ant. Non lotis mánibus * manducáre, non coínquinat hóminem.

Oratio

Concède, quæsumus, omnipotens Deus : ut, qui protectionis tuæ grátiam quærimus, liberáti a malis ómnibus, secúra tibi mente serviámus. Per Dóminum.

FERIA QUINTA

Lectio sancti Evangélíi
secúndum Lucam

Lectio i **Cap. 4, 38-44**

IN illo témpore : Surgens Jesus de synagóga, introívit in domum Simónis. Socrus autem Simónis tenebátur magnis fébribus. Et réliqua.

Homilia sancti Ambrósii
Episcopi

Liber 4 in Lucæ cap. 4
circa finem

Vide cleméntiam Dómini Salvatóris : nec indignatione commótus, nec scélere offensus, nec injúria violátus Judæam déserit : quin étiam immemor injúriæ, memor cleméntiæ, nunc docéndo, nunc liberádo, nunc sanádo, infidæ plebis corda demúlcet. Et bene sanctus Lucas virum a spíritu nequitiæ liberátum ante præmísit, et subdit féminæ sanitátem. Utrúmque enim sexum Dóminus curatúrus advenerat : sed prior sanári débuit, qui prior créatus est; nec prætermitti illa, quæ mobilitáte magis ánimi, quam pravitáte peccáverat.

✠. Vidéntes Joseph a longe, loquebántur mútuo fratres, dicéntes : Ecce somniátor venit; * Veníte, occidámus eum, et videámus, si prosint illi sómnia sua. ✠. Cumque vidissent Joseph fratres sui, quod a patre cunctis fratribus plus amarétur, óderant eum, nec póterant ei quidquam pacífice loqui, unde et dicébant. — Veníte.

Lectio ii

Sabbato medicínæ Dóminicæ ópera cæpta significat, ut inde nova

creatúra cœperit, ubi vetus creatúra ante desívit : nec sub lege esse Dei Fílium, sed supra legem in ipso princípío designáret : nec solvi legem, sed impléri. Neque enim per legem, sed verbo factus est mundus, sicut légimus : Verbo Dómini cæli firmáti sunt. Non sólvitur ergo lex, sed implétur : ut fiat renovátio hóminis jam habéntis. Unde et Apóstolus ait : Exspoliántes vos vétorem hóminem, indúite novum, qui secúndum Deum créatus est.

✠. Dixit Judas fratribus suis : Ecce Ismaélitæ tránseunt : veníte, venumdétur, et manus nostræ non polluántur : * Caro enim et frater noster est. ✠. Quid enim prodest, si occidérimus fratrem nostrum, et celavérimus sánguinem ipsíus? mélius est ut venumdétur. — Caro.

Lectio iii

ET bene sábbato cœpit, ut ipsum se osténderet Creatórem, qui ópera opéribus intéxeret, et prosequerétur opus, quod ipse jam cœperat : ut si domum faber renováre dispónat, non a fundaméntis, sed a culmínibus incipit sólvare vetustátem. Itaque ibi prius manum

ádmovet, ubi ante desierat : deinde a minoribus incipit, ut ad maiora perveniat. Liberare a dæmone et homines, sed in verbo Dei possunt : resurrectionem mortuis imperare, divinæ solius est potestatis. Fortassis etiam in typo mulieris illius socrus Simónis et Andréæ, variis criminum febribus caro nostra languébat, et diversarum cupiditatum immódicis æstuábat illécebris. Nec minorem febrem amoris esse díxerim, quam calóris. Itaque illa ánimum, hæc corpus inflámmat. Febris enim nostra, avarítia est : febris nostra, libído est : febris nostra, luxúria est : febris nostra, ambítio est : febris nostra, iracúndia est.

℟. Extrahéntes Joseph de lacu, vendidérunt Ismaélitis vigínti argénteis :
 * Reversúsque Ruben ad púteum, cum non invenísset eum, scidit vestiménta sua cum fletu, et dixit :
 * Puer non compáret, et ego quo ibo? ℣. At illi, intíncta túnica Joseph in sángine hædi, misérunt qui ferret eam ad patrem, et diceret : Vide, si túnica filii tui sit, an non. — Reversúsque. Glória Patri. Puer.

℣. Angelis suis Deus mandávit de te. ℟. Ut

custódiant te in ómnibus viis tuis.

Ad Bened. Ant. Exíbant autem dæmónia * a multis clamántia, et dicéntia, Quia tu es Christus Fílius Dei : et increpans non sinébat ea loqui, quia sciébant ipsum esse Christum.

Oratio

Magníficet te, Dómine, sanctórum tuórum Cosmæ et Damiáni beáta solémnitas : qua et illis glóriam sempitérnam, et opem nobis ineffábili providéntia contulísti. Per Dóminum.

℣. Angelis suis, *ut supra.*

Ad Magnif. Ant. Omnes, qui habébant infirmos, * ducébant illos ad Jesum, et sanabántur.

Oratio

Subjéctum tibi pópulum, quæsumus, Dómine, propitiátio cæléstis amplíficet : et tuis semper fáciat servíre mandátis. Per Dóminum.

FERIA SEXTA

Lectio sancti Evangélii
 secúndum Joánnem

Lectio i Cap. 4, 5-42

IN illo témpore : Venit Jesus in civitátem Samariæ, quæ dicitur Sichesar : juxta prædium,

quod dedit Jacob Joseph filio suo. Et reliqua.

Homilia sancti Augustini
Episcopi

Tr. 15 in Joann., post initium

JAM incipiunt mysteria. Non enim frustra fatigatur Jesus : non enim frustra fatigatur virtus Dei : non enim frustra fatigatur, per quem fatigati recreantur : non enim frustra fatigatur, quo deserente fatigamur, quo præsente firmamur. Fatigatur tamen Jesus, et fatigatur ab itinere, et sedet, et juxta puteum sedet, et hora sexta fatigatus sedet. Omnia ista innuunt aliquid, indicare volunt aliquid : intentos nos faciunt : ut pulsemus, hortantur. Ipse ergo aperiat et nobis et vobis, qui dignatus est ita hortari, ut diceret : Pulsate, et aperietur vobis.

✠. Videns Jacob vestimenta Joseph, scidit vestimenta sua cum fletu, et dixit : * Fera pessima devoravit filium meum Joseph. ✠. Tulerunt autem fratres ejus tunicam illius, mittentes ad patrem : quam cum cognovisset pater, ait. — Fera.

Lectio ii

Tibi fatigatus est ab itinere Jesus. Invenimus virtutem Jesum; et inve-

nimus infirmum Jesum : fortem, et infirmum. Fortem, quia in principio erat Verbum, et Verbum erat apud Deum, et Deus erat Verbum : hoc erat in principio apud Deum. Vis videre, quam iste Filius Dei fortis sit? Omnia per ipsum facta sunt, et sine ipso factum est nihil : et sine labore facta sunt. Quid ergo illo fortius, per quem sine labore facta sunt omnia? Infirmum vis nosse? Verbum caro factum est, et habitavit in nobis. Fortitudo Christi te creavit : infirmitas Christi te recreavit. Fortitudo Christi fecit, ut quod non erat, esset : infirmitas Christi fecit, ut quod erat, non periret. Condidit nos fortitudine sua, quæsivit nos infirmitate sua.

✠. Joseph dum intraret in terram Aegypti, linguam quam non noverat, audivit : manus ejus in laboribus serviérunt : * Et lingua ejus inter principes loquebatur sapientiam.

✠. Humiliavérunt in compedibus pedes ejus : ferum pertransiit animam ejus, donec veniret verbum ejus. — Et.

Lectio iii

Nutrit ergo ipse infirmus infirmos, tamquam gallina pullos suos :

huic enim se similem fecit. Quóties vólui, inquit ad Jerúsalem, congregáre filios tuos sub alas tamquam gallína pullos suos, et noluísti? Vidétis autem, fratres, quemádmódum gallína infirmétur cum pullis suis. Nulla enim ália avis, quod sit mater, agnóscitur. Vidémus nidificáre pásseres quóslibet ante óculos nostros : hirúndines, cicónias, colúmbas quotidie vidémus nidificáre; quos, nisi quando in nidis vidémus, paréntes esse non agnóscimus. Gallína vero sic infirmátur in pullis suis, ut étiam si ipsi pulli non sequántur, filios non vídeas, matrem tamen intélligias.

℟. Meménto mei, dum bene tibi fúerit : * Ut súg-
geras Pharaóni, ut edúcat me de isto cárcere : * Quia furtim sublátus sum, et hic ínnocens in lacum missus sum. ℣. Tres enim adhuc dies sunt, post quos recordábitur Phárao ministérii tui, et restítuet te in gradum prístinum : tunc meménto mei. — Ut. Gló-
ria Patri. Quia.

℣. Angelis suis Deus mandávit de te. ℟. Ut custódiánt te in ómnibus viis tuis.

Ad Bened. Ant. Aquam, quam ego dédero, * si quis

bíberit ex ea, non sítiet in ætérnum.

Oratio

JEjúnia nostra, quæsumus, Dómine, benigno favóre proséquere : ut, sicut ab aliméntis abstinémus in corpore; ita a vítiis jejunémus in mente. Per Dóminum.

℣. Angelis suis, ut supra.

Ad Magnif. Ant. Dómine, * ut vídeo, prophéta es tu : patres nostri in monte hoc adoravérunt.

Oratio

PRæsta, quæsumus, omnípotens Deus : ut, qui in tua protectióne confidimus, cuncta nobis adjuvántia te adjuvántem vincámus. Per Dóminum.

SABBATO

Léctio sancti Evangélii
secúndum Joánnem

Lectio i Cap. 8, 1-11

IN illo témpore : Perréxit Jesus in montem Olivéti, et dilúculo íterum venit in templum. Et réliqua.

Homília sancti Augustíni
Epíscopi

Tract. 33 in Joann.,
post initium

Jesus perréxit in montem Olivéti, in montem fructuósum, in montem unguénti, in montem

chrismatis. Ubi enim decébat docére Christum, nisi in monte Olivéti? Christi enim nomen a chrismate dictum est : chrisma autem Græce, Latíne únctio nominátur. Ideo autem nos unxit, quia luctatóres contra diabolum fecit. Et dilúculo íterum venit in templum, et omnis pópulus venit ad eum : et sedens docébat eos, et non tenebátur. Nunc jam atténdite, ubi ab inimícis tentáta sit Dómini mansuetúdo.

℟. Mérito hæc pátimur, quia peccávimus in fratrem nostrum, vidéntes angústias ánimæ ejus, dum deprecarétur nos, et non audívimus : * Idcírco venit super nos tribulátio.

℣. Dixit Ruben frátribus suis : Numquid non dixi vobis, Nolíte peccáre in púerum; et non audístis me? — Idcírco.

Lectio ii

Addúcunt autem illi scribæ et pharisæi mulierem in adultério deprehénsam, et statuérunt eam in médio, et dixerunt ei : Magíster, hæc múlíer modo deprehénsa est in adultério : in lege autem Móyses mandávit nobis hujúsmodi lapidáre : tu ergo quid dicis? Hæc autem dicébant tentántes

eum : ut possent accusáre eum. Unde accusáre? Numquid ipsum in áliquo facínore deprehénderant, aut illa múlíer ad eum áliquo modo pertinuisse dicebátur?

℟. Dixit Ruben frátribus suis : Numquid non dixi vobis, Nolíte peccáre in púerum, et non audístis me? * En sanguis ejus exquíritur. ℣. Mérito hæc pátimur, quia peccávimus in fratrem nostrum, vidéntes angústias ánimæ ejus, dum deprecarétur nos, et non audívimus. — En.

Lectio iii

Intelligámus, fratres, admirábilem mansuetúdinem in Dómino fuisse. Animadvertérunt eum nímium esse mitem, nímium esse mansuétum. De illo quippe fúerat ante prædictum : Accíngere gládio tuo circa femur tuum, potentíssime. Spécie tua et pulchritúde tua inténde, prospere procéde, et regna : propter veritátem, et mansuetúdinem, et justítiam. Ergo áttulit veritátem ut doctor, mansuetúdinem ut liberátor, justítiam ut cógnotor. Propter hæc eum esse regnatúrum in Spíritu Sancto prophéta prædíxerat. Cum loquerétur, véritas agnoscebátur : cum advérsus

inimicos non moverétur, mansuetúdo laudabátur. Cum ergo de duóbus istis, id est, de veritáte et mansuetúdone ejus, inimíci livóre et invidia torque-réntur; in tértio, id est justítia, scándalum posué-runt.

℟. Lamentabátur Jacob de duóbus filiis suis : Heu me, dolens sum de Joseph pérdito, et tristis nimis de Bénjamin ducto pro alimóniis : * Precor cæléstem Regem, ut me doléntem nímium fáciat eos cérnere.

℣. Prostérnens se Jacob veheménter cum lácrimis pronus in terram, et adórans ait. — Precor. Glória Patri. Precor.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Bened. Ant. Inclínávit se Jesus, * et scribébat in terra : Si quis sine peccáto est, mittat in eam lápidem.

Oratio

Præsta, quæsumus, omnípotens Deus : ut, qui se, affligéndo carnem, ab aliméntis ábstinent; sectándo justítiam a culpa jejúnent. Per Dóminum.

AD VESPERAS

Antiphonæ et Psalmi de Sabbato, ut in Psalterio. 332

Capitulum Gal. 4, 22-24

FRatres : Scriptum est quóniam Abraham duos filios hábuit : unum de ancilla, et unum de líbera : sed qui de ancilla, secúndum carnem, natus est : qui autem de líbera, per repromissionem : quæ sunt per allegoríam dicta.

Hymnus

Audi, benigne Córditor, Nostras preces cum flétibus

In hoc sacro jejúnio
Fusas quadragenário.

Scrutátor alme córdium,
Infirma tu scis vírium :
Ad te revérsis éxhibe
Remissionis grátiam.

Multum quidem peccávimus,

Sed parce confiténtibus :
Ad nóminis laudem tui
Confer medélam lánguidis.

Concéde nostrum cónteri
Corpus per abstinéntiam;
Culpæ ut relínquant pábulum

Jejúna corda críminum.

¶ Sequens Conclusio numquam mutatur.

Præsta, beáta Trínitas,
Concéde, simplex Unitas;
Ut fructuósa sint tuis
Jejuniórum múnera.

Amen.

℣. Angelis suis Deus, ut supra.

Ad Magnif. Ant. Nemo te condemnávit, múlter? * Nemo, Dómine. Nec ego te condemnábo : jam ámplius noli peccáre.

Ad Vesperas Dominicæ

Ad Magnif. Ant. Súbiit ergo * in montem Jesus, et ibi sedébat cum discipulis suis.

Oratio

Concède, quæsumus, omnípotens Deus : ut, qui ex mérito nostræ actiónis affligimur, tuæ grátiae consolatióne respirémus. Per Dóminum.

DOMINICA IV IN QUADRAGESIMA

I classis Semiduplex

AD MATUTINUM

In I Noeturno

De libro Exodi

Lectio i Cap. 3, 1-15



Moyses autem pascébat oves Jethro sóceri sui sacerdotis Mádian : cumque mináset gregem ad interióra desértil, venit ad montem Dei Horeb. Apparúitque ei Dóminus in flamma ignis de médio rubi : et vidébat quod rubus ardéret, et non comburerétur.

Dixit ergo Móyses : Vadam, et vidébo visiónem hanc magnam, quare non comburátur rubus. Cernens autem Dóminus quod pérgeret ad vidéndum, vocávit eum de médio rubi, et ait : Móyses, Móyses! Qui respóndit : Adsum. At ille : Ne apprópies, inquit, huc : solve calceaméntum de pédibus tuis : locus enim, in quo stas, terra sancta est. Et ait : Ego sum Deus patris tui, Deus Abraham, Deus Isaac, et Deus Jacob. Abscóndit Móyses fáciem suam : non enim audébat aspícere contra Deum.

℟. Locútus est Dóminus ad Móysen, dicens : Descénde in Ægýptum, et dic Pharaóni, * Ut dimittat pópulum meum : indurátum est cor Pharaónis : non vult dimíttre pópulum meum, nisi in manu forti. **℣.** Clamor filiórum Israél venit ad me, vidíque afflictiónem eórum : sed veni, mittam te ad Pharaónem. — Ut.

Lectio ii

CUI ait Dóminus : Vidi afflictiónem pópuli mei in Ægýpto, et clamórem ejus audívi propter durítiam eórum qui præsunt opéribus : et sciens dolórem ejus, descénde ut liberem eum de mánibus Ægy-

ptiórum, et edúcam de terra illa in terram bonam et spatiósam, in terram quæ fluit lacte et melle, ad loca Chananæi, et Hethæi, et Amorrhæi, et Pherezæi, et Hevæi, et Jebusæi. Clamor ergo filiôrum Israël venit ad me : vidique afflictiónem eórum, qua ab Ægýptiis opprimúntur. Sed veni, et mittam te ad Pharaónem, ut edúcas pópulum meum, filios Israël de Ægýpto.

℟. Stetit Móyses coram Pharaóne, et dixit : Hæc dicit Dóminus : * Dimítte pópulum meum, ut sacrificet mihi in desérto.

℣. Dóminus Deus Hebræórum misit me ad te, dicens. — Dimítte.

Lectio iii

Dixitque Móyses ad Deum : Quis sum ego, ut vadam ad Pharaónem, et edúcam filios Israël de Ægýpto? Qui dixit ei : Ego ero tecum : et hoc habébis signum, quod miserim te : Cum edúxeris pópulum meum de Ægýpto, immolábis Deo super montem istum. Ait Móyses ad Deum : Ecce ego vadam ad filios Israël, et dicam eis : Deus patrum vestrórum misit me ad vos. Si dixerint mihi : Quod est nomen ejus? quid dicam eis? Dixit

Deus ad Móysen : Ego sum qui sum. Ait : Sic dices filiis Israël : Qui est, misit me ad vos. Dixitque iterum Deus ad Móysen : Hæc dices filiis Israël : Dóminus Deus patrum vestrórum, Deus Abraham, Deus Isaac, et Deus Jacob, misit me ad vos : hoc nomen mihi est in ætérnum, et hoc memoriále meum in generatióem et generatióem.

℟. Cantémus Dómino : glorióse enim honorificátus est, equum et ascensórem projéxit in mare :

* Adjútor et protéctor factus est mihi Dóminus in salutem. ℣. Dóminus quasi vir pugnátor, Omnípotens nomen ejus. — Adjútor. Glória Patri. Adjútor.

In II Nocturno

Sermo sancti Basilii Magni

Homilia I de jejunio,
ante medium

Lectio iv



Móysen per jejúnium nóvimus in montem ascendisse : neque enim áliter ausus esset vérticem fumántem adíre, atque in calígínem ingredi, nisi jejúnio munitus. Per jejúnium mandáta dígito Dei in tábulis conscripta suscepit. Item supra montem jejúnium legis latæ conciliátor

fuit : inférius vero, gula ad idololatriam pópulum dedúxit, ac contaminávit. Sedit, inquit, pópulus manducáre et bíbere, et surrexérunt lúdere. Quadragínta diérum labórem ac perseverántiam, Dei servo contínuo jejúnante ac oránte, una tantum pópuli ebríetas cassam irrítamque réddidit. Quas enim tábulas Dei dígitó conscríptas jejúnium accépit, has ebríetas contrívit : Prophéta sanctíssimo indígnum existimánte, vinoléntum pópulum a Deo legem accípere.

℟. In mari viæ tuæ, et sémitæ tuæ in aquis multis : * Deduxísti sicut oves pópulum tuum in manu Móysi et Aaron. ℣. Transtulísti illos per Mare Rubrum, et transvexísti eos per aquam nímiā. — Deduxísti.

Lectio v

UNO témporis moménto ob gulam pópulus ille per máxima prodígia Dei cultum edóctus, in Ægyptíacā idololatriā turpíssime devolútus est. Ex quo si utrúmque simul cónferas, vidére licet, jejúnium ad Deum dúcere, delicias vero salútem pérdere. Quid Esau inquinávit, servúmque fratris réddidit? nonne esca una,

propter quam primogénita véndidit? Samuélem vero nonne per jejúnium orátio largíta est matri? Quid fortíssimum Samsónem in-expugnábilem réddidit? nonne jejúnium, cum quo in matris ventre concéptus est? Jejúnium concépit, jejúnium nutrívit, jejúnium virum effécit. Quod sane Angelus matri præcépit, monens, quæcúmque ex vite procédèrent, ne attingeret, non vinum, non síceram bíberet. Jejúnium prophétas génuít, poténtes cónfirmat atque róborat.

℟. Qui persequébantur pópulum tuum, Dómine, demersísti eos in profúndum : * Et in colúmna nubis ductor eórum fuísti.

℣. Deduxísti sicut oves pópulum tuum in manu Móysi et Aaron. — Et.

Lectio vi

Jejúnium legislatóres sapiéntes facit : ánimæ óptima custódia, córporis sócius secúrus, fórtibus viris muniméntum et arma, athlétis et certántibus exercitátio. Hoc prætérea tentatiónes propúlsat, ad pietátem armat, cum sobrietáte hábitat, temperántiæ ópifex est : in bellis fortitúdinem affert, in pace quiétem docet : nazaráeum sanctíficat, sacerdotem

pérficit : neque enim fas est sine jejúnio sacrificium attingere, non solum in mýstica nunc et vera Dei adoratióne, sed nec in illa, in qua sacrificium secúndum legem in figúra offerebátur. Jejúnium Eliám magnæ visiónis spectatórem fecit : quadragínta namque diérum jejúnio cum ánimam purgásset, in spelúnca mérui, quantum fas est hómini, Deum vidére. Móyses íterum legem accípiens, íterum jejúnia secútus est. Ninivítæ, nisi cum illis et bruta jejunássent, ruínæ minas nequáquam evasíssent. In desérto autem quorúmnam membra cecidérunt? nonne illórum, qui carnes appetivére?

℟. Móyses fámulus Dei jejunávit quadragínta diébus et quadragínta nóctibus : * Ut legem Dómini mererétur accípere.

℣. Ascéndens Móyses in montem Sínai ad Dóminum, fuit ibi quadragínta diébus et quadragínta nóctibus. — Ut. Glória Patri. Ut.

In III Noeturno

Léctio sancti Evangélíi
secúndum Joánnem

Lectio vii Cap. 6, 1-15

IN illo témpore : Abiit Jesus trans mare Galilææ, quod est Tiberíadis :

et sequebátur eum multitúdo magna, quia vidébant signa, quæ faciébat super his qui infirmabántur. Et réliqua.

Homilía sancti Augustíni
Epíscopi

Tractatus 24 in Joannem



Irácula, quæ fecit Dóminus noster Jesus Christus, sunt quidem divína ópera, et ad intelligéndum Deum de visibílibus ádmonent humanam mentem. Quia enim ille non est talis substántia, quæ vidéri óculis possit; et mirácula ejus, quibus totum mundum regit, universámque creatúram adminístrat, assiduitáte viluérunt, ita ut pene nemo dignétur aténdere ópera Dei mira et stupénda in quólibet séminis grano : secúndum ipsam suam misericórdiam servávit sibi quædam, quæ fáceret opportúno témpore præter usitátum cursum ordinémque natúræ; ut non majóra, sed insólita vidéndo stupérent, quibus quotidiana vilúerant.

℟. Spléndida facta est fácies Móysi, dum respiceret in eum Dóminus : * Vidéntes senióres claritátem vultus ejus, admirántes timuérunt valde. ℣. Cumque descendísset

de monte Sínai, portábat duas tábulas testimónii, ignórans quod cornúta esset fácies ejus ex consórtio sermónis Dei. — Vidéntes senióres claritátem vultus ejus, admirántes timuérunt valde.

Lectio viii

MAjus enim miráculum est gubernátio totíus mundi, quam saturátio quinque míllium hóminum de quinque páni-bus. Et tamen hoc nemo mirátur : illud mirántur hómines, non quia majus est, sed quia rarum est. Quis enim et nunc pascit univérsum mundum, nisi ille, qui de paucis granis ségetes creat? Fecit ergo quo modo Deus. Unde enim multiplicat de paucis granis ségetes, inde in mánibus suis multiplicávit quinque panes : potéstas enim erat in mánibus Christi. Panes autem illi quinque, quasi sémina erant, non quidem terræ mandáta, sed ab eo, qui terram fecit, multiplicáta.

✠. Ecce mitto Angelum meum, qui præcédât te, et custódiat semper : * Obsérva et audi vocem meam, et inimícus ero inimícis tuis, et affligéntes te affligam : et præcédet te Angelus meus. ✠. Israë!l, si me audíeris, non erit in te

deus recens, neque adorábis deum aliénúm : ego enim Dóminus. — Obsérva.

Lectio ix

HOC ergo admótum est sénsibus, quo erigérétur mens : et exhibítum óculis, ubi exercerétur intelléctus : ut invisíbilem Deum per visibília ópera mirarémur, et erécti ad fidem, et purgáti per fidem, étiam ipsum invisíbilem vidére cuperémus, quem de rebus visibílibus invisíbilem noscerémus. Nec tamen súfficit hæc intuéri in miráculis Christi. Interrogémus ipsa mirácula, quid nobis loquántur de Christo : habent enim, si intelligántur, linguam suam. Nam quia ipse Christus Verbum Dei est : étiam factum Verbi, verbum nobis est.

✠. Atténdite, pópule meus, legem meam : * Inclínate aurem vestram in verba oris mei. ✠. Apériam in parábolis os meum : loquar propositiónes ab initío sáeculi. — Inclínate. Glória Patri. Inclínate.

AD LAUDES

Ant. 1 Tunc acceptábis * sacrificium justítiæ, si avérteris fácies tuam a peccátis meis.

Psalmi de Domin. 2 loco. 53

2 Bonum est * speráre in Dómino, quam speráre in princípibus.

3 Me suscepit * dextera tua, Dómine.

4 Potens es, Dómine, * eripere nos de manu forti : libera nos, Deus noster.

5 Reges terræ * et omnes pópuli, laudáte Deum.

Capitulum Gal. 4, 22-24

Fratres : Scriptum est quóniam Abraham duos filios hábuit : unum de ancílla, et unum de líbera : sed qui de ancílla, secúndum carnem natus est : qui autem de líbera, per repromissiónem : quæ sunt per allegoríam dicta.

Hymnus

O Sol salútis, íntimis, Jesu, refúlge méntibus,
Dum, nocte pulsa, grátior Orbi dies renáscitur.

Dans tempus acceptábile,
Da lacrimárum rívlis
Laváre cordis víctimam,
Quam læta adúrat cáritas.

Quo fonte manávit nefas,
Fluent perénnes lácrimæ
Si virga pœniténtiæ
Cordis rigórem cónterat.

Dies venit, dies tua,
In qua reflórent ómnia :
Lætémur et nos, in viam
Tua redúcti dextera.

¶ Sequens Conclusio numquam mutatur.

Te prona mundi máchina,
Clemens, adóret, Trínitas,
Et nos novi per grátiam
Novum canámus cánticum. Amen.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Bened. Ant. Cum sublevásset óculos * Jesus, et vidísset máximam multitudínem veniéntem ad se, dixit ad Philíp-pum : Unde emémus panes, ut mandúcent hi? Hoc autem dicébat tentans eum : ipse enim sciébat quid esset factúrus.

Oratio

Concéde, quæsumus, omnípotens Deus : ut, qui ex mérito nostræ actiónis affligimur, tuæ grátiae consolatióne respirémus. Per Dóminum.

AD PRIMAM

Ant. Accépit ergo * Jesus panes, et, cum grátias egísset, distribuit discumbéntibus.

AD TERTIAM

Ant. De quinque pánibus * et duóbus píscibus satiávit Dóminus quinque míllia hóminum.

Capitulum Fratres de Laudibus ut supra.

℟. *br.* Ipse liberávit me
 * De láqueo venántium.
 Ipse. ℣. Et a verbo áspe-
 ro. De. *Glória Patri.* Ipse.
 ℣. Scápolis suis obum-
 brábit tibi. ℟. Et sub pen-
 nis ejus sperábis.

Oratio

Concède, quæsumus, om-
 nípotens Deus : ut, qui
 ex mérito nostræ actiónis
 affligimur, tuæ grátiae con-
 solatióne respirémus. Per
 Dóminum.

AD SEXTAM

Ant. Satiávit Dóminus *
 quinque mília hóminum
 de quinque pánibus et
 duóbus píscibus.

Capitulum Gal. 4, 27

Lætáre, stérilis, quæ
 non paris : erúmpe et
 clama, quæ non párturis :
 quia multi filii desértæ,
 magis quam ejus, quæ
 habet virum.

℟. *br.* Scápolis suis
 * Obumbrábit tibi. Scá-
 pulis. ℣. Et sub pennis
 ejus sperábis. Obumbrá-
 bit tibi. *Glória Patri.* Scá-
 pulis. ℣. Scuto circúmda-
 bit te véritas ejus. ℟. Non
 timébis a timóre noctúrno.

AD NONAM

Ant. Illi ergo * hómines,
 cum vidissent quod féce-
 rat Jesus signum, intra se
 dicébant : quia hic est

vere Prophéta, qui ventú-
 rus est in mundum.

Capitulum Gal. 4, 31

ITaque, fratres, non su-
 mus ancíllæ filii, sed
 liberæ : qua libertáte Chri-
 stus nos liberávit.

℟. *br.* Scuto circúmda-
 bit te * Véritas ejus. Scu-
 to. ℣. Non timébis a timó-
 re noctúrno. Véritas ejus.
Glória. Scuto. ℣. Angelis
 suis Deus mandávit de te.
 ℟. Ut custódiant te in óm-
 nibus viis tuis.

AD VESPERAS

*Antiphonæ et Psalmi de Do-
 minica, ut in Psalterio 72;
 Capitulum, Hymnus et Ver-
 sus ut in Vesperis præceden-
 tis Sabbati. 397*

℣. Angelis suis Deus
 mandávit de te. ℟. Ut
 custódiant te in ómnibus
 viis tuis.

Ad Magnif. Ant. Súbiit
 ergo * in montem Jesus, et
 ibi sedébat cum discipulis
 suis.

FERIA SECUNDA

Léctio sancti Evangélíi
 secúndum Joánnem

Lectio i Cap. 2, 13-25

IN illo témpore : Prope
 erat Pascha Judæó-
 rum, et ascéndit Jesus Je-
 rosólymam : et invénit in

templo vendentes boves, et oves, et columbas. Et reliqua.

Homilia sancti Augustini
Episcopi

Tract. 10 in Joannem,
post initium

Quid audivimus, fratres? Ecce templum illud figura adhuc erat, et ejecit inde Dominus omnes qui sua querebant, qui ad mundinas venerant. Et quae ibi vendebant illi? Quae opus habebant homines in sacrificiis illius temporis. Novit enim caritas vestra, quod sacrificia illi populo pro ejus carnalitate, et corde adhuc lapideo, talia data sunt, quibus teneretur, ne in idola deflueret: et immolabant ibi sacrificia, boves, oves et columbas. Nostis, quia legistis.

℟. Vos, qui transituri estis Jordānem, aedificate altāre Dōmino * De lapidibus, quos ferrum non tetigit: et offerre super illud holocausta et hostias pacificas Deo vestro.

℣. Cumque intraveritis terram, quam Dominus daturus est vobis, aedificate ibi altāre Dōmino. — De.

Lectio ii

NON ergo magnum peccatum, si hoc vendebant in templo, quod eme-

batur, ut offerretur in templo: et tamen ejecit inde illos. Quid si ibi ebriosos inveniret, quid faceret Dominus, si vendentes ea quae licita sunt et contra justitiam non sunt (quae enim honeste emuntur, non illicite venduntur) expulit tamen, et non est passus domum orationis fieri domum negotiationis?

℟. Audi, Israël, praecepta Dōmini, et ea in corde tuo quasi in libro scribe: * Et dabo tibi terram fluentem lac et mel.

℣. Observa igitur, et audi vocem meam: et inimicus ero inimicis tuis. — Et.

Lectio iii

SI negotiationis domus non debet fieri domus Dei, potationis debet fieri? Nos autem quando ista dicimus, strident dentibus suis adversus nos: et consolatur nos Psalmus, quem audistis: Striderunt in me dentibus suis. Novimus et nos audire unde curēmur: etsi ingeminantur flagella Christo, quia flagellatur sermo ipsius. Congregata sunt, inquit, in me flagella, et nesciebant. Flagellatus est flagellis Judaeorum: flagellatur blasphemiiis falsorum Christianorum: multiplicant flagella Dōmino Deo suo, et ne-

sciunt. Faciámus nos, quantum ipse áduvat. Ego autem, cum mihi molésti essent, induébam me cilício, et humiliábam in jejúnio ánimam meam.

℟. Sicut fui cum Móyse ita ero tecum, dicit Dóminus : * Confortáre, et esto robústus : introduces pópulum meum ad terram lacte et melle manántem.

℣. Noli timére, quóniam tecum sum : ad quaecúmque perréxeris, non dimittam te, neque derelinquam. — Confortáre. Glória Patri. Confortáre.

℣. Angelis suis Deus mandávit de te. ℟. Ut custódiánt te in ómnibus viis tuis.

Ad Bened. Ant. Auférte ista hinc, * dicit Dóminus : et nolíte fácere domum Patris mei domum negotiatiónis.

Oratio

PRæsta, quæsumus, omnípotens Deus : ut observatiónes sacras ánnua devotióne recoléntes, et córpore tibi placeámus, et mente. Per Dóminum.

℣. Angelis suis, **ut supra.**

Ad Magnif. Ant. Sólвите templum hoc, * dicit Dóminus; et post trídium reádicábo illud : hoc autem dicébat de templo córporis sui.

Oratio

DEprecatióem nostram, quæsumus, Dómine, benígnus exáudi : et, quibus supplicándi præstas afféctum, tríbue defensiónis auxílium. Per Dóminum.

FERIA TERTIA

Léctio sancti Evangélíi
secúndum Joánnem

Lectio i **Cap. 7, 14-31**

IN illo témpore : Jam die festo mediánte, ascendit Jesus in templum, et docébat. Et mirabántur Judæi. Et réliqua.

Homilía sancti Augustíni
Epíscopi

Tract. 29 in Joannem,
sub initium

ILle qui latébat, docébat, et palam loquebátur, et non tenebátur. Illud enim ut latéret, erat causa exémpli, hoc potestátis. Sed cum docéret, mirabántur Judæi. Omnes quidem, quantum árbitor, mirabántur, sed non omnes convertébantur. Et unde admirátio? Quia multi nóverant ubi natus, quem ádmodum fúerit educátus. Numquam eum víderant líttaras discéntem : audiébant autem de lege dispu-

tántem, legis testimónia proferéntem, quæ nemo posset proférre, nisi legisset, nemo légeret, nisi lítteras didicisset : et ideo mirabántur. Eórum autem admirátio magístro facta est insinuándæ áltius veritátis occasio.

℟. Quid me quæritis interficere, hóminem qui vera locútus sum vobis? * Si male locútus sum, testimónium pérhibe de malo : si autem bene, cur me cædis? ℣. Multa bona ópera operátus sum vobis : propter quod opus vultis me occídere? — Si.

Lectio ii

EX eórum quippe admiratióne et verbis, dixit Dóminus profúndum áliquid, et diligéntius inspici et díscuti dignum. Quid ergo Dóminus respóndit eis, admirántibus quómodo sciret lítteras, quas non didícerat? Mea, inquit, doctrína non est mea, sed ejus qui misit me. Hæc est profúnditas prima : vidétur enim paucis verbis quasi contrária locútus. Non enim ait : Ista doctrína non est mea : sed, Mea doctrína non est mea. Si non tua, quómodo tua? si tua, quómodo non tua? Tu enim dicis utrúmque : et mea doctrína, et non mea.

℟. Addúxi vos per désertum quadragínta annis ego Dóminus, et non sunt attríta vestiménta vestra :

* Manna de cælo plui vobis, et oblíti estis me, dicit Dóminus. ℣. Ego edúxi vos de terra Ægýpti, et de domo servitútis liberávi vos. — Manna.

Lectio iii

SI ergo intueámur diligénter quod ipse in exórdio dicit sanctus Evangelísta : In princípío erat Verbum, et Verbum erat apud Deum, et Deus erat Verbum : inde pendet hujus solútio quæstiónis. Quæ est doctrína Patris, nisi Verbum Patris? Ipse ergo Christus doctrína Patris, si Verbum Patris. Sed quia Verbum non potest esse nullíus, sed alicújus : et suam doctrínam dixit seípsum, et non suam, quia Patris est Verbum. Quid enim tam tuum quam tu? et quid tam non tuum quam tu, si alicújus est, quod es?

℟. Móyses fámulus Dei jejunávit quadragínta diébus et quadragínta nóctibus : * Ut legem Dómini mererétur accípere.

℣. Ascéndens Móyses in montem Sínai ad Dóminum, fuit ibi quadragínta diébus et quadragínta nóctibus. — Ut. Glória. Ut.

℣. Angelis suis Deus mandávit de te. ℞. Ut custódiant te in ómnibus viis tuis.

Ad Bened. Ant. Quid me quæritis * interfícere, hóminem qui vera locútus sum vobis?

Oratio

Sacræ nobis, quæsumus, Dómine, observatiónis jejúnia : et piæ conversatiónis augméntum, et tuæ propitiatiónis contínuum præstent auxílium. Per Dóminum.

℣. Angelis suis, *ut supra.*

Ad Magnif. Ant. Nemo in eum misit manum : * quia nondum vénerat hora ejus.

Oratio

Miserére, Dómine,ópulo tuo : et contínuis tribulatióibus laborántem propítius respiráre concéde. Per Dóminum.

FERIA QUARTA

Lectio sancti Evangélii
secúndum Joánnem

Lectio i Cap. 9, 1-38

IN illo témpore : Præteriens Jesus, vidit hóminem cæcum a nativitate : et interrogavérunt eum discípuli ejus : Rabbi, quis peccávit, hic, aut paréntes ejus, ut cæcus nascerétur? Et réliqua.

Homília sancti Augustíni
Epísopi

*Tract. 44 in Joannem,
circa initium*

EA quæ fecit Dóminus noster Jesus Christus, stupénda atque miránda, et ópera, et verba sunt : ópera, quia facta sunt; verba, quia signa sunt. Si ergo quid significet hoc quod factum est, cogitémus : genus humánum est iste cæcus. Hæc enim cæcitas cóntigit in primo hómine per peccátum, de quo omnes originem dúximus, non solum mortis, sed étiam iniquitátis. Si enim cæcitas est infidélitas, et illuminatió fides : quem fidélem, quando venit Christus, invénit? Quandóquidem Apóstolus natus in gente prophetárum dicit : Fúimus et nos aliquándo natúra filii iræ, sicut et céteri. Si filii iræ, filii vindictæ, filii pœnæ, filii gehénnæ : quómodo natúra, nisi quia peccánte primo hómine vítium pro natúra inolévit? Si vítium pro natúra inolévit, secúndum mentem omnis homo cæcus natus est.

℞. Spléndida facta est fácies Móysi, dum respiceret in eum Dóminus : * Vidéntes senióres claritátem vultus ejus, admirántes timuérunt valde. ℣. Cum-

que descendisset de monte Sínai, portábat duas tábulas testimonií, ignorans quod cornúta esset fácies ejus ex consórtio sermónis Dei. — Vidéntes.

Lectio ii

Venit Dóminus : quid fecit? Magnum mystérium commendávit. Expuit in terram, de salíva sua lutum fecit; quia Verbum caro factum est, et inúnxit óculos cæci. Inúnctus erat, et nondum vidébat. Misit illum ad piscinam, quæ vocátur Sílœ. Pertínuit autem ad Evangelístam commendáre nobis nomen hujus piscinæ, et ait : Quod interpretátur Missus. Jam quis sit missus, agnóscitis. Nisi enim ille fuisset missus, nemo nostrum esset ab iniquitáte dimíssus. Lavit ergo óculos in ea piscina, quæ interpretátur Missus; baptizátus est in Christo. Si ergo quando eum in seípso quodámmodo baptizávit, tunc illuminávit : quando inúnxit, fortásse catechúmenum fecit.

✠. Ecce mitto Angelum meum, qui præcedat te, et custódiat semper :
* Obsérva et audi vocem meam, et inimícus ero inimícis tuis, et affligéntes te affligam : et præcedet te Angelus meus. ✠. Israël,

si me audieris, non erit in te deus recens, neque adorábis deum aliénium : ego enim Dóminus. — Obsérva.

Lectio iii

Audistis grande mystérium. Intérroga hóminem : Christiánus es? Respóndet tibi : Non sum. Si pagánus es, aut Judæus? Si autem dixerit, Non sum : adhuc quæris ab eo, Catechúmenus, an fidélis? Si respónderit tibi, Catechúmenus : inúnctus est, nondum lotus. Sed unde inúnctus? Quære, et respóndet. Quære ab illo, in quem credat? Eo ipso quo catechúmenus est, dicit : In Christum. Ecce modo loquor et fidélibus et catechúmenis. Quid dixi de sputo et luto? Quia Verbum caro factum est; hoc catechúmeni áudiunt : sed non eis súfficit ad quod inúncti sunt : festínent ad lavácrum, si lumen inquirunt.

✠. Atténdite, pópule meus, legem meam : * Inclínate aurem vestram in verba oris mei. ✠. Apériam in parábolis os meum : loquar propositiónes ab inítio sáculi. — Inclínate. Glória Patri. Inclínate.

✠. Angelis suis, *ut supra.*
Ad Bened. Ant. Rabbi, quid peccávit * homo iste,

quod cæcus natus est? Respóndit Jesus, et dixit : Neque hic peccávit, neque paréntes ejus : sed ut manifesténtur ópera Dei in illo.

Oratio

DEus, qui et justis præmia meritórum, et peccatóribus per jejúnium véniam præbes : miserére supplicibus tuis; ut reátus nostri conféssio indulgéntiam váleat percípere delictórum. Per Dóminum.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Magnif. Ant. Ille homo * qui dicitur Jesus, lutum fecit ex sputo, et linívit óculos meos, et modo vídeo.

Oratio

PATEant aures misericórdiæ tuæ, Dómine, précibus supplicántium : et, ut peténtibus desideráta concédas, fac eos, quæ tibi sunt plácita, postuláre. Per Dóminum.

FERIA QUINTA

Léctio sancti Evangélíi
secúndum Lucam

Lectio i Cap. 7, 11-16

IN illo témpore : Ibat Jesus in civitátem, quæ vocátur Naim : et ibant

cum eo discípuli ejus, et turba copiósa. Et réliqua.

Homilía sancti Ambrósii
Epíscopi

Lib. 5 Comment. in Luc. c. 7,
post initium

ET hic locus ad utrámque redúndat grátiam; et ut cito flecti divínam misericórdiam matris víduæ lamentatióne credámus, ejus præcípue, quæ únici filii vel labóre, vel morte frangátur; cui tamen víduæ gravitátis méritum exsequiárum turba concíliet : et ut hanc víduam populórum turba septam, plus vidéri esse quam féminam, quæ resurrectionem únici et adulescéntis filii suis lácrimis merúerit impetráre : eo quod sancta Ecclésia pópulum juniórem a pompa fúneris atque a suprémis sepúlcri, suárum révocet ad vitam contemplatióne lacrimárum : quæ flere prohibétur eum, cui resurrectio debebátur.

℟. Locútus est Dóminus ad Móysen, dicens : Descénde in Ægýptum, et dic Pharaóni, * Ut dimittat pópulum meum : indurátum est cor Pharaónis : non vult dimittere pópulum meum, nisi in manu forti. ℣. Clamor filiórum Israél venit ad me, vidíque afflictiónem

eórum : sed veni, mittam te ad Pharaónem. — Ut.

Lectio ii

QUI quidem mórtuus in lóculo materiálibus quátuor ad sepúlcrum ferebátur eleméntis, sed spem resurgéndi habébat, quia ferebátur in ligno. Quod etsi nobis ante non próderat, tamen posteáquam Jesus id tétigit, proficere cœpit ad vitam : ut esset indício, salútem pópulo per crucis patíbulum refundéndam. Audíto igitur Dei verbo, steterunt acérbi illi fúneris portitóres, qui corpus humánum letháli fluxu natúræ materiális urgébant. Quid enim áliud, nisi quasi in quodam féretro, hoc est, suprémi fúneris instruménto, jacémus exánimes, cum vel ignis immódicæ cupiditátis exæstuat, vel frigidus humor exúndat, vel pigra quadam terréni cörperis habitúdine vigor hebetátur animórum, vel concréta noster spíritus labe, puræ lucis vácuus mentem alit? Hi sunt nostri fúneris portitóres.

✠. Stetit Móyses coram Pharaóne, et dixit : Hæc dicit Dóminus : * Dimítte pópulum meum, ut sacrificet mihi in desérto.

✠. Dóminus Deus Hebræórum misit me ad te, dicens. — Dimítte.

Lectio iii

SED quamvis supréma mortis spem vitæ omnis aboléverint, et tímulo próxima cörpera jáceant defunctórum : verbo tamen Dei jam mórtua resúrgunt cadávera : vox redit, rédditur filius matri, revocátur a tímulo, erípitur a sepúlcro. Quis iste est tímulus tuus, nisi mali mores? Tímulus tuus perfidia est : sepúlcrum tuum guttur est. Sepúlcrum enim patens, est guttur eórum, unde verba mórtua proferúntur. Ab hoc sepúlcro te líberat Christus : ab hoc tímulo surges, si áudias verbum Dei. Et si grave peccátum est, quod pœniténtiæ lácrimis ipse laváre non possis; fleat pro te mater Ecclésia, quæ pro síngulis tamquam pro únícis filiis vídua mater intérvenit. Compátitur enim quodam spiritali dolóre natúræ, cum suos líberos lethálibus vítiis ad mortem cernit urgéri.

✠. Cantémus Dómino : glorióse enim honorificátus est, equum et ascensórem projécit in mare :

* Adjútor et protéctor factus est mihi Dóminus in salútem. ✠. Dóminus quasi vir pugnátor, Omnípotens nomen ejus. — Adjútor. Glória Patri. Adjútor.

℣. Angelis suis Deus mandávit de te. ℟. Ut custódiant te in ómnibus viis tuis.

Ad Bened. Ant. Ibat Jesus * in civitátem, quæ vocátur Naim : et ecce defúctus efferebátur fílius únicus matris suæ.

Oratio

PRæsta, quæsumus, omnípotens Deus : ut, quos jejúnia votíva castígant, ipsa quoque devótio sancta lætíficet; ut, terrenis afféctibus mitigátis, facílius cæléstia capiámus. Per Dóminum.

℣. Angelis suis, **ut supra.**

Ad Magnif. Ant. Prophéta magnus * surréxit in nobis, et quia Deus visitávit plebem suam.

Oratio

POpuli tui, Deus, institutor et rector : peccáta, quibus impugnátur, expélle; ut semper tibi plácitus, et tuo munímine sit secúrus. Per Dóminum.

FERIA SEXTA

Lectio sancti Evangélíi
secúndum Joánnem

Lectio i Cap. 11, 1-45

IN illo témpore : Erat quidam languens Lázarus a Bethánia, de ca-

stéllo Mariæ et Marthæ soróris ejus. Et reliqua.

Homília sancti Augustíni
Epísopi

Tr. 49 in Joann., post initium

IN superiori lectione meminístis, quod Dóminus éxiit de mánibus eórum, qui lapidáre illum volúerant, et discéssit trans Jordánem, ubi Joánnes baptizábat. Ibi ergo Dómino constitúto, infirmabátur in Bethánia Lázarus : quod castéllum erat próximum Jerosólymis. María autem erat, quæ unxit Dóminum unguénto, et extérsit pedes ejus capíllis suis, cujus frater Lázarus infirmabátur. Misérunt ergo soróres ejus ad eum. Jam intelligimus, quo misérunt, ubi erat Jesus : quóniam absens erat, trans Jordánem scílicet. Misérunt ad Dóminum, nuntiántes quod ægrotáret frater eárum, ut si dignarétur, veníret, et eum ab ægritúdine liberáret. Ille dístulit sanáre, ut posset resuscitáre.

℣. In mari viæ tuæ, et sémitæ tuæ in aquis multis : * Deduxísti sicut oves pópulum tuum in manu Móysi et Aaron. ℣. Transtulísti illos per Mare Rubrum, et transvexísti eos per aquam níciam. — Deduxísti.

Lectio ii

Quid ergo nuntiavérunt soróres ejus? Dómine, ecce quem amas, infirmátur. Non dixerunt, Veni : amánti enim tantúmmodo nuntiándum fuit. Non ausæ sunt dicere, Veni, et sana; non ausæ sunt dicere, Ibi jube, et hic fiet. Cur enim non et istæ, si fides illíus centuriónis inde laudátur? Ait enim : Non sum dignus ut intres sub tectum meum; sed tantum dic verbo, et sanábitur puer meus. Nihil horum istæ, sed tantúmmodo : Dómine, ecce quem amas, infirmátur. Súfficit ut nóveris : non enim amas, et déseris.

℟. Qui persequébántur pópulum tuum, Dómine, demersisti eos in profúndum : * Et in columna nubis ductor eórum fuísti.

℣. Deduxísti sicut oves pópulum tuum in manu Móysi et Aaron. — Et.

Lectio iii

Dicit áliquis : Quómodo per Lázarus peccátor significabátur, et a Dómino sic amabátur? Audiatur eum dicéntem : Non veni vocáre justos, sed peccatóres. Si enim peccatóres Deus non amáret, de cælo ad terram non descénderet. Audiens autem Jesus, dixit eis :

Infirmitas hæc non est ad mortem, sed pro glória Dei, ut glorificétur Fílius Dei. Talis glorificátio ipsíus non ipsum auxit, sed nobis prófuit. Hoc est ergo quod ait, Non est ad mortem : quia et ipsa mors non erat ad mortem, sed pótius ad miráculum : quo facto créderent hómínes in Christum, et vitárent veram mortem. Sane vidéte quemádmódum tamquam ex oblíquo Dóminus Deum se dixit : propter quosdam qui negant Fílium Dei Deum esse.

℟. Móyses fámulus Dei jejunávit quadragínta diébus et quadragínta nóctibus : * Ut legem Dómini mererétur accípere.

℣. Ascéndens Móyses in montem Sínei ad Dóminum, fuit ibi quadragínta diébus et quadragínta nóctibus. — Ut. Glória. Ut.

℣. Angelis suis, *ut supra.*

Ad Bened. Ant. Lázarus amícus noster * dormit : eámus, et a somno excitémus eum.

Oratio

Deus, qui ineffabílibus mundum rénovas sacraméntis : præsta, quæsumus; ut Ecclésia tua et ætérnis proficiat institútis, et temporálibus non destituátur auxiliis. Per Dóminum.

✠. Angelis suis Deus mandávit de te. ✠. Ut custódiant te in ómnibus viis tuis.

Ad Magnif. Ant. Dómine, * si fuísses hic, Lázarus non esset mórtuus : ecce jam foetet quatríduá-nus in monuménto.

Oratio

DA nobis, quæsumus, omnipotens Deus : ut, qui infirmitátis nostræ cónsocii, de tua virtúte confidimus, sub tua semper pietáte gaudeámus. Per Dóminum.

SABBATO

Léctio sancti Evangélíi
secúndum Joánnem

Lectio i **Cap. 8, 12-20**

IN illo témpore : Locú-tus est Jesus turbis Ju-dæórum, dicens : Ego sum lux mundi : qui séquitur me, non ámbulat in téne-bris, sed habébit lumen vitæ. Et réliqua.

Homilía sancti Augustíni
Epíscopi

Tract. 34 in Joannem,
post initium

Quod ait Dóminus, Ego sum lux mundi : cla-rum puto esse eis, qui ha-bent óculos, unde hujus lucis partícipes fiant : qui autem non habent óculos,

nisi in sola carne, mirán-tur quod dictum est a Dó-mino Jesu Christo : Ego sum lux mundi. Et forte non desit qui dicat apud semetípsum : Numquid forte Dóminus Christus est sol iste, qui ortu et occásu péragit diem? Non enim defuérunť hærétici, qui ista sensérunt. Manichæi solem istum óculis cárneis visíblem, expó-situm et públicum non tantum homínibus, sed étiam pecóribus ad vidén-dum, Christum Dóminum esse putavérunt.

✠. Spléndida facta est fácies Móysi, dum respí-ceret in eum Dóminus :
* Vidéntes senióres clari-tátem vultus ejus, admi-rántes timuérunt valde.

✠. Cumque descendísset de monte Sínai, portábat duas tábulas testimónii, ignórans quod cornúta esset fácies ejus ex con-sórtio sermónis Dei. — Vidéntes.

Lectio ii

SED cathólicæ Ecclésiæ recta fides improbat tale comméntum, et diabólicam doctrínam esse cognóscit : nec solum agnóscit credéndo, sed in quibus potest convíncit étiam disputádo. Impro-bémus itaque hujúsmodi errórem, quem sancta ab

inítkio anathematizávit Ecclésia. Non arbitrémur Dóminum Jesum Christum hunc esse solem, quem vidémus oríri ab Oriénte, occídere in Occidente : cujus cúrsui nox succédit, cujus rádii nube obumbrántur : qui certa de loco in locum motióne cómmigrat. Non est hoc Dóminus Christus. Non est Dóminus Christus sol factus, sed per quem sol factus est. Omnia enim per ipsum facta sunt, et sine ipso factum est nihil.

℟. Ecce mitto Angelum meum, qui præcedat te, et custódiat semper : * Obsérva et audi vocem meam, et inimícus ero inimícis tuis, et affligéntes te affligam : et præcedet te Angelus meus. ℣. Israél, si me audieris, non erit in te deus recens, neque adorábis deum aliénium : ego enim Dóminus. — Obsérva.

Lectio iii

EST ergo lux, quæ fecit hanc lucem. Hanc amémus, hanc intelligere cupiámus, ipsam sitiámus, ut ad ipsam duce ipsa aliquándo veniámus : et in illa ita vivámus, ut numquam omníno moriámur. Ista enim lux est, de qua prophetía olim præmíssa ita in Psalmo cécinít : Quóniam apud te

est fons vitæ, et in lúmine tuo vidébimus lumen. Advértite quid de tali luce antíquus sanctórum hóminum Dei sermo præmiserit. Hómines, inquit, et juménta salvos fácies, Dómine : sicut multiplicáta est misericórdia tua, Deus.

℟. Atténdite, pópule meus, legem meam : * Inclináte aurem vestram in verba oris mei. ℣. Apériam in parábolis os meum : loquar propositiónes ab inítkio sæculi. — Inclínate. Glória Patri. Inclínate.

℣. Angelis suis, *ut supra.*

Ad Bened. Ant. Qui séquitur me, * non ámbulat in ténebris : sed habébit lumen vitæ, dicit Dóminus.

Oratio

Fiat, Dómine, quæsumus, per grátiam tuam fructuósus nostræ devotiónis afféctus : quia tunc nobis próderunt suscep'ta jejúnia, si tuæ sint plácita pietáti. Per Dóminum.

SABBATO

ANTE DOMIN. PASSIONIS

AD VESPERAS

Antiphonæ et Psalmi de Sabbato, ut in Psalterio. 332

Capit. Hebr. 6, 11-12

Fratres : Christus assístens Póntifex futurórum bonórum, per ámplius

et perfectius tabernaculum non manu factum, id est, non hujus creationis : neque per sanguinem hircorum, aut vitulorum, sed per proprium sanguinem introivit semel in Sancta, æterna redemptione inventa.

Hymnus

Vexilla Regis prouident :
Fulget Crucis mysterium,

Qua vita mortem pertulit,
Et morte vitam protulit.

Quæ, vulnerata lanceæ
Mucrone diro, criminum
Ut nos lavaret sordibus,
Manavit unda et sanguine.

Impléta sunt quæ concinit
David fideli carmine,
Dicendo nationibus :
Regnavit a ligno Deus.

Arbor decora et fulgida,
Ornata Regis purpura,
Electa digno stipite
Tam sancta membra tangere.

Beata, cujus brachiis
Preteritum pendit sæculi,
Statéra facta corporis,
Tulitque prædam tartari.

¶ Sequens strophæ dicitur
flexis genibus; et ultima
numquam mutatur.

O Crux, ave, spes unica,
Hoc Passionis tempore
Piis adauge gratiam,
Reisque dele crimina.

Te, fons salutis, Trinitas,
Collaudet omnis spiritus :

Quibus Crucis victoriam
Largiris, adde præmium.
Amen.

℣. Eripe me, Domine, ab
homine malo. ℟. A viro
iniquo eripe me.

Ad Magnif. Ant. Ego
sum * qui testimonium
perhibeo de meipso : et
testimonium perhibet de
me, qui misit me, Pater.

Ad Vesperas Dominicæ

Ad Magnif. Ant. Abraham pater vester * exultavit ut videret diem
meum : vidit, et gavisus
est.

Oratio

Quæsumus, omnipotens
Deus, familiam tuam
propitius respice : ut, te
largiente, regatur in corpore; et, te servante, custodiatur in mente. Per
Dominum.

**Ab his Vesperis usque ad
Dominicam I post Pentecosten inclusive omittitur Suffragium de omnibus Sanctis, etiam in Festis.**

**Hodie et deinceps usque ad
Feriam IV Majoris Hebdomadæ inclusive, Responsoria brevia ad Completorium et ad Horas, in Officio tam dominicali quam feriali, dicuntur sine Glória Patri, prout in Psalterio pro Tempore Passionis.**

DOMIN. DE PASSIONE

I classis Semiduplex

AD MATUTINUM

Invitatorium Hódie et Hymnus Pange lingua, ut in Psalterio de Ordinario 42, Antiphonæ et Psalmi de Dominica 43, cum Versibus Nocturnorum de Tempore Passionis, ut in Psalterio : quæ dicuntur etiam in sequenti Dominica.

In I Nocturno

Incipit liber Jeremiæ
Prophætæ

Lectio i Cap. 1, 1-19



Erba Jeremiæ filii Helciæ, de sacerdotibus, qui fuerunt in Anathoth, in terra Bénjamin. Quod factum est verbum Dómini ad eum in diébus Josiæ filii Amon regis Juda, in tertiodécimo anno regis ejus. Et factum est in diébus Joákim filii Josiæ regis Juda, usque ad consummationem undécimi anni Sedeciæ filii Josiæ regis Juda, usque ad transmigratióem Jerúsalem, in mense quinto. Et factum est verbum Dómini ad me, dicens : Priúsquam te formárem in útero, novi te : et ántequam exíres de vulva, sanctificávi te, et prophétam in géntibus dedi te. Et dixi, A a a, Dómine

Deus : ecce nescio loqui, quia puer ego sum.

℟. Isti sunt dies, quos observáre debétis temporibus suis : * Quarta-décima die ad vésperum Pascha Dómini est : et in quintadécima solemnitátem celebrábitis altíssimo Dómino. ℣. Locútus est Dóminus ad Móysen, dicens : Lóquere fíliis Israël, et dices ad eos. — Quarta-décima.

Lectio ii

ET dixit Dóminus ad me : Noli dicere, Puer sum : quóniam ad ómnia, quæ mittam te, ibis : et univérsa, quæcúmque mandávero tibi, loquéris. Ne tíneas a fácie eórum : quia tecum ego sum, ut éruam te, dicit Dóminus. Et misit Dóminus manum suam, et tétigit os meum : et dixit Dóminus ad me : Ecce dedi verba mea in ore tuo : ecce constitui te hódie super gentes, et super regna, ut evéllas, et déstruas, et dispérdas, et díssipes, et ædífices, et plantes. Et factum est verbum Dómini ad me, dicens : Quid tu vides, Jeremiá? Et dixi : Virgam vigilántem ego vídeo. Et dixit Dóminus ad me : Bene vidísti, quia vigilábo ego super verbo meo, ut fáciam illud. Et factum est verbum Dómini se-

cúndo ad me, dicens : Quid tu vides? Et dixi : Ollam succénsam ego vídeo, et fáciem ejus a fácie Aquilónis.

℟. Multiplicáti sunt qui tríbulant me, et dicunt : Non est salus illi in Deo ejus. * Exsúrge, Dómine, salvum me fac, Deus meus. ℣. Nequándo dicat inimícus meus, Præválui advérsus eum. — Exsúrge, Dómine.

Lectio iii

ET dixit Dóminus ad me : Ab Aquilóne pandétur malum super omnes habitatóres terræ. Quia ecce ego convocábo omnes cognatiónes regnórum Aquilónis, ait Dóminus : et vénient, et ponent unusquisque sólum suum in intróitu portárum Jerúsalem, et super omnes muros ejus in circúitu, et super univérsas urbes Juda. Et loquar judícia mea cum eis super omnem malítiam eórum, qui dereliquerunt me, et libavérunt diis aliénis, et adoravérunt opus mánuum suárum. Tu ergo accínge lumbos tuos, et surge, et lóquere ad eos ómnia quæ ego præcípio tibi. Ne formídes a fácie eórum : nec enim timére te fáciam vultum eórum. Ego quippe dedi te hódie in civitátem munitam, et

in colúmnam férream, et in murum áereum, super omnem terram, régibus Juda, princípibus ejus, et sacerdotibus, et pópulo terræ. Et bellábunt advérsus te, et non prævalébunt : quia ego tecum sum, ait Dóminus, ut líberem te.

℟. Usquequo exaltábitur inimícus meus super me? * Réspice, et exáudi me, Dómine, Deus meus. ℣. Qui tríbulant me, exsultábunt si motus fúero : ego autem in misericórdia tua sperábo. — Réspice. Usquequo.

In II Nocturno

Sermo sancti Leónis Papæ
Sermo 9 de Quadragesima

Lectio iv

IN ómnibus, dilectíssimi, solemnitátibus christiánis, non ignorámus paschále sacraméntum esse præcípuum : cui condígne et cóngrue suscipiéndó, totíus quidem nos témporis institúta refórmant : sed devotió-nem nostram præséntes vel máxime dies éxigunt, quos illi sublimíssimo divínæ misericórdiæ sacraménto scimus esse contíguos. In quibus mérito a sanctis Apóstolis per doctrinam Spíritus Sancti majóra sunt ordináta jejúnia : ut per commúne consórtium

crucis Christi, étiam nos áliquid in eo quod propter nos géssit, agerémus, sicut Apóstolus ait : Si compátimur, et conglorificábimur. Certa atque secúra est exspectátio promíssæ beatitúdinis, ubi est participátio Domínicæ passiónis.

℟. Deus meus es tu, ne discédas a me : * Quóniam tribulátio próxíma est, et non est qui ádjuvet. ℣. Tu autem, Dómine, ne elongáveris auxiliúm tuum a me : ad defensióem meam aspice. — Quóniam.

Lectio v

Nemo est, dilectíssimi, cui per conditióem témporis societas hujus glóriæ denegétur, tamquam tranquillitas pacis vácuá sit occasiõe virtútis. Apóstolus enim prædicat, dicens : Omnes qui pie volunt vívere in Christo, persecutióem patiéntur : et ideo numquam deest tribulátio persecutiónis, si numquam desit observántia pietátis. Dóminus enim in exhortatióibus suis dicit : Qui non áccipit crucem suam, et séquitur me, non est me dignus. Nec dubitáre debémus, hanc vocem non solum ad discípulos Christi, sed ad cunctos fidéles, totámque Ecclesiám perti-

nére, quæ salutáre suum in his qui áderant, universáliter audiébat.

℟. In te jactátus sum ex útero, de ventre matris meæ Deus meus es tu, ne discédas a me : * Quóniam tribulátio próxíma est, et non est qui ádjuvet. ℣. Salva me ex ore leónis, et a cónibus unicórnium humilitátem meam. — Quóniam.

Lectio vi

Sicut ergo totíus est cörperis pie vívere, ita totíus est témporis crucem ferre : quæ mérito ferri unicuíque suadétur, quia própriis modis atque mensúris ab unoquóque tolerátur. Unum nomen est persecutiónis, sed non una est causa certáminis : et plus plerúmque perículi est in insidiatóre occúlto, quam in hoste manifestó. Beátus Job, alternántibus bonis ac malis mundi hujus eruditus, pie veracitérque dicébat : Nonne tentátio est vita hóminis super terram? Quóniam non solis dolóribus cörperis atque suppliciis ánima fidélis impétitur, verum étiam, salva incolumitáte membrórum, gravi morbo urgétur, si carnis voluntáte mollitur. Sed cum caro concupiscit advérsus spíritum, spíritus autem advérsus carnem; præsi-

dio crucis Christi mens rationalis instruitur, nec cupiditatibus noxiis illēta consēnit, quōniam continētiāe clavis et Dei timōre transfigitur.

✠. In próximo est tribulatio mea, Dōmine, et non est qui adjuvet; ut fōdiant manus meas et pedes meos : libera me de ore leōnis, * Ut enārrem nomen tuum frātribus meis.

✠. Erue a frāmea, Deus, animam meam, et de manu canis unicam meam. — Ut. In.

In III Noeturno

Lectio sancti Evangēlii
secūndum Joānnem

Lectio vii Cap. 8, 46-59

IN illo tēpore : Dicēbat Jesus turbis Judæorum : Quis ex vobis arguet me de peccāto? Si veritatem dico vobis, quare non creditis mihi? Et reliqua.

Homilia sancti Gregōrii
Papæ

Homilia 18 in Evangelia



Ensāte, fratres carissimi, mansuetudinem Dei. Relaxare peccāta vēnerat, et dicēbat : Quis ex vobis arguet me de peccāto? Non dedignātur ex ratiōne ostēdere se peccātorem non esse, qui ex virtūte divinitātis pōterat pecca-

tōres justificāre. Sed terribile est valde, quod subditur : Qui ex Deo est, verba Dei audit : propterea vos non auditis, quia ex Deo non estis. Si enim ipse verba Dei audit qui ex Deo est, et audire verba ejus non potest quisquis ex illo non est : intēroget se unusquisque, si verba Dei in aure cordis percipit; et intēlliget unde sit. Caelēstem patriam desiderāre Vēritas jubet, carnis desidēria cōteri, mundi glōriam declināre, aliēna non appētere, prōpria largiri.

✠. Tota die contristātus ingrediēbar, Dōmine : quōniam anima mea complēta est illusiōnibus : * Et vim faciēbant, qui quārēbant animam meam. ✠. Amīci mei et prōximi mei advēsum me appropinquāvērunt et steterunt : et qui juxta me erant, de longe steterunt. — Et vim.

Lectio viii

PEnset ergo apud se unusquisque vestrum, si hęc vox Dei in cordis ejus aure convāluit, et quia jam ex Deo sit, agnōscit. Nam sunt nonnūlli, qui prācēpta Dei nec aure cōrporis percipere dignāntur. Et sunt nonnūlli, qui hęc quidem cōrporis aure percipiunt, sed nullo ea

mentis desiderio completuntur. Et sunt nonnulli, qui libenter verba Dei suscipiunt, ita ut etiam in fléribus compungantur, sed post lacrimarum tempus ad iniquitatem redeunt. Hi profecto verba Dei non audiunt, qui hæc exercere in opere contemnunt. Vitam ergo vestram, fratres carissimi, ante mentis oculos revocate, et alta consideratione pertimescite hoc quod ex ore Veritatis sonat : Propterea vos non auditis, quia ex Deo non estis.

℟. Ne avertas faciem tuam a puero tuo, Domine : * Quoniam tribulor, velociter exaudi me. ℣. Intende animæ meæ, et libera eam : propter inimicos meos eripe me. — Quoniam.

Lectio ix

SED hoc quod de reprobis Veritas loquitur, ipsi hoc de semetipsis reprobi iniquis suis operibus ostendunt : nam sequitur : Responderunt igitur Judæi et dixerunt ei : Nonne bene dicimus nos, quia Samaritanus es tu, et dæmonium habes? Accépta autem tanta contumelia, quid Dominus respondeat, audiamus : Ego dæmonium non habeo, sed honorifico Patrem meum, et

vos inhonorastis me. Quia enim Samaritanus interpretatur custos : et ipse veraciter custos est, de quo Psalmista ait : Nisi Dominus custodierit civitatem, in vanum vigilant qui custodiunt eam : et cui per Isaiam dicitur : Custos, quid de nocte? custos, quid de nocte? respondere noluit Dominus, Samaritanus non sum; sed, Ego dæmonium non habeo. Duo quippe ei illata fuerunt : unum negavit, aliud tacendo consensit.

℟. Quis dabit capiti meo aquam, et oculis meis fontem lacrimarum, et plorabo die ac nocte? quia frater propinquus supplantavit me, * Et omnis amicus fraudulenter incessit in me. ℣. Fiant viæ eorum tenebræ et lubricum : et Angelus Domini persequens eos. — Et. **Q**uis.

AD LAUDES

Ant. 1 Vide, Domine, * afflictionem meam, quoniam erectus est inimicus meus.

Psalmi de Domin. 2 loco. 53

2 In tribulatione * invocavi Dominum, et exaudivit me in latitudine.

3 Judicasti, Domine, * causam animæ meæ, defensor vitæ meæ, Domine, Deus meus.

4 Pópule meus, * quid feci tibi, aut quid moléstus fui? Respónde mihi.

5 Numquid rédditur * pro bono malum, quia fodérunt fóveam ánimæ meæ?

Capit. Hebr. 9, 11-12

FRatres : Christus assístens Póntifex futurórum bonórum, per ámplius et perféctius tabernáculum non manu factum, id est, non hujus creatiónis : neque per sánguinem hircórum aut vitulórum, sed per próprium sánguinem introívit semel in Sancta, æténa redemptióne inventa.

Hymnus

Lustra sex qui jam perégit,
Tempus implens córporis,
Sponte líbera Redémptor
Passióni déditus,
Agnus in Crucis levátur
Immolándus stípitem.

Felle potus ecce languet :
Spina, clavi, láncea
Mite corpus perforárunt :
Unda manat, et cruor :
Terra, pontus, astra, mundus,
Quo lavántur flúmine!

Cruce fidélis, inter omnes
Arbor una nóbilis :
Silva talem nulla profert
Fronde, flore, gérmine :
Dulce ferrum, dulce lignum,
Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívitas;
Et supérni membra Regis
Tende miti stípitem.

Sola digna tu fuísti
Ferre mundi víctimam;
Atque portum præparáre
Arca mundo náufrago,
Quam sacer cruor perúñxit,
Fusus Agni córpore.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérsitas.

Amen.

℟. Eripe me de inimícis meis, Deus meus. ℞. Et ab insurgéntibus in me líbera me.

Ad Bened. Ant. Dicébat Jesus * turbis Judæórum, et princípibus sacerdotum : Qui ex Deo est, verba Dei audit : proptérea vos non audítis, quia ex Deo non estis.

Oratio

Quæsumus, omnípotens Deus, familiam tuam propítius réspice : ut, te largiénte, regátur in córpore; et, te servánte, custodiátur in mente. Per Dóminum.

AD PRIMAM

Ant. Ego dæmónium non hábeo, * sed honorífico Patrem meum, dicit Dóminus.

Ad absolutionem Capituli
Lectio brevis Fáciem meam,
de Tempore Passionis, ut in
Psalterio de Ordinario. 62

AD TERTIAM

Ant. Ego glóriam meam * non quæro : est qui quærat, et júdicet.

Capitulum Fratres, ut
supra. 422

℟. br. Erue a frámea,
* Deus, ánimam meam.
Erue. ℣. Et de manu canis
únicam meam. Deus. Erue.
℣. De ore leónis líbera me,
Dómine. ℟. Et a cór nibus
unicór nium humilitátem
meam.

AD SEXTAM

Ant. Amen, amen, dico vobis : * si quis sermónem meum serváverit, mortem non gustábit in ætérnum.

Capitulum Hebr. 9, 13-14

SI enim sanguis hircórum, et taurórum, et cinis vítulæ aspérsus inquinátos sanctificat ad emundatió nem carnis : quanto magis sanguis Christi, qui per Spíritum Sanctum semetípsum ób tulit immaculátum Deo, emundábit consciéntiam

nostram ab opéribus mórtuis, ad serviéndum Deo vivéti?

℟. br. De ore leónis * Líbera me, Dómine. De. ℣. Et a cór nibus unicór nium humilitátem meam. Líbera. De. ℣. Ne perdas cum ímpiis, Deus, ánimam meam. ℟. Et cum viris sánguinem vitam meam.

AD NONAM

Ant. Tulérunt lápides * Judæi, ut jácerent in eum : Jesus autem abscóndit se, et exívit de templo.

Capitulum Hebr. 9, 15

ET ideo novi testaméti mediátor est : ut, morte intercedénte, in redempti ónem eárum prævari cati ónum, quæ erant sub prióri testaméto, re promissi ónem accípiant, qui vocáti sunt ætérnæ hereditátis in Christo Jesu Dómino nostro.

℟. br. Ne perdas cum ímpiis, * Deus, ánimam meam. Ne. ℣. Et cum viris sánguinem vitam meam. Deus. Ne. ℣. Eripe me, Dómine, ab hómine malo. ℟. A viro iníquo éripe me.

AD VESPERAS

Antiphonæ et Psalmi de
Dominica, ut in Psalterio 72;
Capitulum, Hymnus et Ver-
sus, ut in Vesperis præceden-
tis Sabbati. 415

℟. Eripe me, Dómine, ab hómine malo. ℞. A viro iníquo éripe me.

Ad Magnif. Ant. Abraham pater vester * exultávit ut vidéret diem meum : vidit, et gavísus est.

Oratio

QUæsumus, omnipotens Deus, famíliam tuam propítius réspice : ut, te largiénte, regátur in corpore; et, te servánte, custodiátur in mente. Per Dóminum.

Invitatorium, Hymni, Versus, Lectio brevis ad Primam, et Responsoria brevia, in Officio tam dominicali quam feriali, usque ad Feriam IV Majoris Hebdomadæ inclusive, dicuntur quotidie, ut supra, de Tempore Passionis in Psalterio de Ordinario : et inde sumuntur in Officio feriali etiam Capitula ad omnes Horas, et usque ad Sabbatum sequens inclusive, Antiphona ad singulas Horas minores.

FERIA SECUNDA

AD MATUTINUM

Antiphonæ et Psalmi de Feria, cum Versu de Tempore Passionis, ut in Psalterio; quod servatur in Officio feriali usque ad Feriam IV Majoris Hebdomadæ inclusive.

Léctio sancti Evangélii secúndum Joánnem

Lectio i Cap. 7, 32-39

IN illo témpore : Misérunt príncipes et pharisæi ministros, ut apprehénderent Jesum. Et reliqua.

Homília sancti Augustíni Epíscopi

Tract. 31 in Joannem, circa medium

QUómodo apprehénderent adhuc noléntem? Quia ergo non póterant apprehénderé noléntem, missi sunt ut audírent docéntem. Quid docéntem? Dicit ergo Jesus : Adhuc módicum tempus vobiscum sum. Quod modo vultis fácere, factúri estis; sed non modo, quia modo nolo. Quare adhuc modo nolo? Quia adhuc módicum tempus vobiscum sum, et tunc vado ad eum qui me misit. Implére débeo dispensatióem meam, et sic perveníre ad passióem meam.

℞. Deus meus, éripe me de manu peccatóris : et de manu contra legem agéntis, et iníqui : * Quóniam tu es patiéntia mea.
℟. Deus meus, ne elongéris a me : Deus meus, in auxílium meum réspice.
— Quóniam.

Lectio ii

QUærétis me, et non inveniétis, et ubi sum ego, vos non potéstis venire. Hic jam resurrectiōnem suam prædixit : noluerunt enim agnoscere præsentem, et póstea quæsiérunt, cum vidérunt in eum multitudinem jam credentem. Magna enim signa facta sunt étiam cum Dóminus resurrexit, et ascéndit in cælum. Tunc per discipulos facta sunt magna : sed ille per illos, qui et per seípsum : ipse quippe illis díxerat : Sine me nihil potéstis fácere. Quando claudus ille, qui sedébat ad portam, ad vocem Petri surréxit, et suis pédibus ambulávit, ita ut hómīnes miraréntur, sic eos allocútus est Petrus, quia non in sua potestáte ista fecit, sed in virtúte illíus, quem ipsi occidérunt. Multi compuncti dixerunt : Quid faciémus?

℟. Qui custodiébant ánimam meam, consílium fecérunt in unum, dicéntes : Deus derelíquit eum, * Persequímini et comprehéndite eum : quia non est qui líberet eum : Deus meus, ne elongéris a me : Deus meus, in adjutórium meum inténde. ℣. Omnes inimíci mei advérsus me

cogitábant mala mihi : verbum iníquum mandavérunt advérsus me, dicéntes. — Persequímini.

Lectio iii

VIdérunt enim se ingénti crimine impietátis adstrictos, quando illum occidérunt, quem venerári et adoráre debuérunt : et hoc putábant esse inexpíabile. Magnum enim fácinus erat, cujus considerátio illos fáceret desperáre : sed non debébant desperáre, pro quibus in cruce pendens Dóminus est dignátus oráre. Díxerat enim : Pater, ignósce illis, quia nésciunt quid faciunt. Vidébat quosdam suos inter multos aliénos : illis jam petébat véniam, a quibus adhuc accipiébat injúriam. Non enim attendébat quod ab ipsis moriebátur, sed quia pro ipsis moriebátur.

℟. Pacífice loquebántur mihi inimíci mei, et in ira molésti erant mihi : * Vidísti, Dómine, ne síleas, ne discédas a me. ℣. Ego autem cum mihi molésti essent, induébam me cilício, et humiliábam in jejúnio ánimam meam. — Vidísti, Dómine. Pacífice.

℣. Eripe me de inimícis meis, Deus meus. ℟. Et ab insurgéntibus in me libera me.

Ad Bened. Ant. In die magno * festivitátis stabat Jesus, et clamábat dicens : Si quis sitit, véniat ad me, et bibat.

Oratio

SAnctífica, quæsumus, Dómine, nostra jejúnia : et cunctárum nobis indulgéntiam propítius largíre culpárum. Per Dóminum.

℟. Eripe me, Dómine, ab hómine malo. ℞. A viro iníquo éripe me.

Ad Magnif. Ant. Si quis sitit, * véniat ad me, et bibat : et de ventre ejus fluent aquæ vivæ, dicit Dóminus.

Oratio

DA, quæsumus, Dómine, pópulo tuo salutem mentis et córporis : ut bonis opéribus inhæréndo, tua semper mereá-tur protectióne deféndi. Per Dóminum.

FERIA TERTIA

Lectio sancti Evangélíi
secúndum Joánnem

Lectio i Cap. 7, 1-13

IN illo témpore : Ambulábat Jesus in Galiléam : non enim volébat in Judæam ambuláre, quia quærébant eum Judæi interficere. Et reliqua.

Homília sancti Augustíni
Epíscopi

Tractatus 28 in Joannem

IN isto Evangélíi capítulo, fratres, Dóminus noster Jesus Christus secúndum hóminem se plúrimum commendávit fidei nostræ. Etenim semper hoc egit dictis et factis suis, ut Deus credátur et homo : Deus qui nos fecit, homo qui nos quæsívit : Deus cum Patre semper, homo nobíscum ex témpore. Non enim quæreret quem fécerat, nisi fieret ipse quod fécerat. Verum hoc mementóte, et de córdibus vestris nolíte dimíttere : sic esse Christum hóminem factum, ut non destíterit Deus esse. Manens Deus accépit hóminem, qui fecit hóminem.

℞. Adjútor et suscéptor meus es tu, Dómine : et in verbum tuum sperávi :
* Declináte a me, maligni : et scrutábor mandáta Dei mei. ℟. Iníquos ódio hábui : et legem tuam diléxi.
— Declináte.

Lectio ii

QUando ergo látuit ut homo, non poténtiam perdidisse putándus est, sed exéplum infirmitáti præbuisse. Ille enim quando vóluit, deténtus est : quando vóluit, occísus est.

Sed quóniam futúra erant membra ejus, id est, fídeles ejus, qui non habérent illam potestátem, quam habébat ipse Deus noster : quod latébat, quod se tamquam, ne occiderétur, occultábat, hoc indicábat factúra esse membra sua, in quibus útique membris suis ipse erat.

℟. Docébo iníquos vias tuas : et ímpii ad te converténtur : * Líbera me de sanguínibus, Deus, Deus salútis meæ. V. Dómine, lábia mea apéries : et os meum annuntiábit laudem tuam. — Líbera.

Lectio iii

NON enim Christus in cápite, et non in córpore : sed Christus totus in cápite, et in córpore. Quod ergo membra ejus, ipse : quod autem ipse, non contínuo membra ejus. Nam si non ipsi essent membra ejus, non diceret Saulo : Quid me perséqueris? Non enim Saulus ipsum, sed membra ejus, id est fídeles ejus, in terra persequébátur. Nóluit tamen dicere sanctos meos, servos meos, postrémo honorabílius, fratres meos : sed me, hoc est membra mea, quibus ego sum caput.

℟. Ne perdas cum ímpiis, Deus, ánimam meam, et

cum viris sánguinem vitam meam : * Rédime me, Dómine. V. Eripe me, Dómine, ab hómine malo, a viro iníquo líbera me. — Rédime. Ne.

V. Eripe me de inimícis meis, Deus meus. ℟. Et ab insurgéntibus in me líbera me.

Ad Bened. Ant. Tempus meum * nondum advénit, tempus autem vestrum semper est parátum.

Oratio

NOstra tibi, Dómine, quæsumus, sint accepta jejúnia : quæ nos et expiándo, grátia tua dignos effícient, et ad remédia perdúcant ætérna. Per Dóminum.

V. Eripe me, Dómine, ab hómine malo. ℟. A viro iníquo éripe me.

Ad Magnif. Ant. Vos ascéndite * ad diem festum hunc : ego autem non ascéndam, quia tempus meum nondum advénit.

Oratio

DA nobis, quæsumus, Dómine, perseverántem in tua voluntáte famulátum : ut in diébus nostris et mérito et número pópulus tibi sérvians augeátur. Per Dóminum.

FERIA QUARTA

Léctio sancti Evangélii
secúndum Joánnem

Lectio i Cap. 10, 22-38

IN illo témpore : Facta sunt encænia in Jerosólymis : et hiems erat. Et ambulábat Jesus in templo, in pórticu Salomónis. Et réliqua.

Homilía sancti Augustíni
Epíscopi

Tract. 48 in Joannem,
circa initium

ENCænia festívitās erat dedicatiónis templi. Græce enim cænon dicitur novum. Quandocúmque novum áliquid fúerit dedicátum, encænia vocántur. Jam et usus habet hoc verbum. Si quis nova túnica induátur, encæniáre dicitur. Illum enim diem, quo templum dedicátum est, Judæi solémniter celebrábant : ipse dies festus agebátur, cum ea quæ lecta sunt, locútus est Dóminus.

℟. Tota die contristátus ingrediébar, Dómine : quóniam ánima mea compléta est illusió nibus : * Et vim faciébant, qui quærébant ánima meam. ℣. Amíci mei et próximi mei advérsum me appropinquavérunt et stetérunt : et qui

juxta me erant, de longe stetérunt. — Et.

Lectio ii

Hiems erat, et ambulábat Jesus in templo, in pórticu Salomónis. Circumdederunt ergo eum Judæi, et dicébant ei : Quoúsque ánima nostram tollis? Si tu es Christus, dic nobis palam. Non veritátem desiderábant, sed calúmnia m præparábant. Hiems erat, et frígidi erant : ad illum enim divinum ignem accédere pigri erant. Si accédere est crédere : qui credit, accédit; qui negat, recédit. Non movétur ánima pédibus, sed afféctibus.

℟. Ne avértas faciém tuam a púero tuo, Dómine : * Quóniam tríbulor, velóciter exáudi me. ℣. Inténde animæ meæ, et libera eam : propter inimícos meos éripe me. — Quóniam.

Lectio iii

FRigúerant diligé ndi caritáte, et ardébant nocé ndi cupiditáte. Longe áberant, et ibi erant : non accedébant credé ndo, et premébant persecú ndo. Quærébant audíre a Dómino, Ego sum Christus : et fortásse de Christo secú ndum hóminem sapiébant. Prædicavérunt enim prophétæ Christum : sed

divinitatem Christi et in prophétis et in ipso Evangelio nec hæretici intèlligunt : quanto minus Judæi, quàmdu velamen est super cor eorum?

R. Quis dabit capiti meo aquam, et oculis meis fontem lacrimarum, et plorabo die ac nocte? quia frater propinquus supplantavit me, * Et omnis amicus fraudulenter incersit in me. **V.** Fiant viæ eorum tenebræ et lubricum : et Angelus Domini persequens eos. — Et. **Quis.**

V. Eripe me de inimicis meis, Deus meus. **R.** Et ab insurgentibus in me libera me.

Ad Bened. Ant. Oves meæ * vocem meam audiunt : et ego Dominus agnosco eas.

Oratio

Sanctificatio hoc jejúnio, Deus, tuorum corda fidelium miserator illústra : et, quibus devotiõnis præstas affectum, præbe supplicántibus pium benígnus auditum. Per Dominum.

V. Eripe me, Domine, ab homine malo. **R.** A viro iniquo eripe me.

Ad Magnif. Ant. Multa bona ópera * operátus sum vobis : propter quod opus vultis me occidere?

Oratio

Adesto supplicatiõibus nostris, omnipotens Deus : et, quibus fiduciam sperandæ pietatis indulges, consuetæ misericordiæ tribue benígnus effectum. Per Dominum.

FERIA QUINTA

Lectio sancti Evangelii
secundum Lucam

Lectio i Cap. 7, 36-50

In illo tempore : Rogabat Jesum quidam de pharisæis, ut manducaret cum illo. Et ingressus domum pharisæi discubuit. Et reliqua.

Homilia sancti Gregorii
Papæ

Homilia 33 in Evangelia

Cogitanti mihi de Mariæ Magdalænæ penitentiâ, flere magis libet, quam aliquid dicere. Cujus enim vel saxeum pectus illæ hujus peccatricis lacrimæ ad exemplum penitendi non emolliant? Consideravit namque quid fecit, et noluit moderari quid faceret. Super convivantes ingressa est, non iussa venit, inter epulas lacrimas obtulit. Discite quo dolore ardet, quæ flere et inter epulas non erubescit.

℟. Deus meus, éripe me de manu peccatóris : et de manu contra legem agéntis et iníqui : * Quóniam tu es patiéntia mea. ℣. Deus meus, ne elongéris a me : Deus meus, in auxiliúm meum réspice. — Quóniam.

Lectio ii

Hanc vero, quam Lucas peccatricem mulierem, Joánnes Mariám nóminat, illam esse Mariám crédimus, de qua Marcus septem dæmónia ejécta fuísse testátur. Et quid per septem dæmónia, nisi univérsa vítia designántur? Quia enim septem diébus omne tempus comprehenditur, recte septenário número univérsitas figurátur. Septem ergo dæmónia María hábuit, quæ univérsis vítiis plena fuit.

℟. Multiplicáti sunt qui tribulant me, et dicunt : Non est salus illi in Deo ejus : * Exsúrge, Dómine, salvum me fac, Deus meus. ℣. Nequándo dicat inimícus meus, Præválui advérsuseum. — Exsúrge.

Lectio iii

SED ecce quia turpitudinis suæ máculas aspéxit, lavánda ad fontem misericórdiæ cucúrrit, convivántes non erúbuit. Nam quia semetípsam grá-

viter erubescébat intus, nihil esse crédidit, quod verecundarétur foris. Quid ergo mirámur, fratres? Mariám veniéntem, an Dóminum suscipiéntem? Suscipiéntem dicam, an trahéntem? Sed mélius trahéntem dicam et suscipiéntem : quia nimirum ipse eam per misericórdiam traxit intus, qui per mansuetúdinem suscepit foris.

℟. Usquequo exaltábitur inimícus meus super me? * Réspice, et exáudi me, Dómine, Deus meus. ℣. Qui tribulant me, exsultábunt si motus fúero : ego autem in misericórdia tua sperábo. — Réspice. Usquequo.

℣. Eripe me de inimícis meis, Deus meus. ℟. Et ab insurgéntibus in me libera me.

Ad Bened. Ant. Magíster dicit : * Tempus meum prope est, apud te fácio Pascha cum discíplis meis.

Oratio

PRæsta, quæsumus, omnípotens Deus : ut dignitas condiçãois humanæ, per immoderántiam sauciáta, medicínalis parsimóniæ stúdio reformétur. Per Dóminum.

℣. Eripe me, Dómine, ab hómine malo. ℟. A viro iníquo éripe me.

Ad Magnif. Ant. Desiderio desideravi * hoc Pascha manducare vobiscum, antequam patiar.

Oratio

ESto, quæsumus, Dómine, propítius plebi tuæ : ut, quæ tibi non placent, respuéntes, tuórum pótius repleántur delectationibus mandatórum. Per Dóminum.

FERIA SEXTA

Lectio sancti Evangélíi
secúndum Joánnem

Lectio i Cap. 11, 47-54

IN illo témpore : Collegérunt pontífices et pharisæi concílium advérsus Jesum, et dicébant : Quid fácimus, quia hic homo multa signa facit? Et réliqua.

Homília sancti Augustíni
Epíscopi

**Tract. 49 in Joannem,
sub finem**

PONTÍFICES et pharisæi sibi consulébant : nec tamen dicébant, Credá-mus. Plus enim pérditi hómines cogitábant quómodo nocérent, ut pérderent, quam quómodo sibi consúlerent, ne perirent : et tamen timébant, et quasi consulébant. Dicébant enim : Quid fácimus, quia hic homo multa signa

facit? Si dimíttimus eum sic, omnes credent in eum : et vénient Románi, et tollent nostrum locum et gentem. Temporália pérdere timuérunt, et vitam ætérnam non cogitavérunt, ac sic utrúmque amisérunt.

℟. Deus meus es tu, ne discédas a me : * Quóniam tribulátio próxíma est, et non est qui ádjuvet. **℣.** Tu autem, Dómine, elongá-veris auxílium tuum a me : ad defensiónem meam áspice. — Quóniam.

Lectio ii

NAM et Románi post Dómini passióem et glorificatióem tulérunt eis et locum et gentem, expugnádo et transféréndo : et illud eos séquitur, quod álibi dictum est : Fílii autem regni hujus ibunt in ténebras exterióres. Hoc autem timuérunt, ne, si omnes in Christum créderent, nemo remanéret, qui advérsus Romános civitátem Dei templúmque defénderet : quóniam contra ipsum templum, et contra suas patérnas leges doctrínam Christi esse sentiébant.

℟. In te jactátus sum ex útero, de ventre matris meæ Deus meus es tu, ne discédas a me : * Quóniam tribulátio próxíma est, et non est qui ádjuvet. **℣.** Sal-

va me ex ore leónis, et a córnibus unicórnium humilitátem meam. — Quóniam tribulátio próxima est, et non est qui ádjuvet.

Lectio iii

UNus autem ex ipsis, Cáiphas, cum esset póntifex anni illíus, dixit eis : Vos nescitis quidquam, nec cogitátis, quia éxpedit vobis ut unus moriátur homo pro pópulo, et non tota gens péreat. Hoc autem a semetípso non dixit : sed cum esset póntifex anni illíus, prophetávit. Hic docémur, étiam hómines malos prophetíæ spíritu futúra prædicere : quod tamen Evangelísta divíno tribuit sacraménto, quia póntifex fuit, id est summus sacerdos.

℟. In próximo est tribulátio mea, Dómine, et non est qui ádjuvet; ut fódiant manus meas et pedes meos : libera me de ore leónis, * Ut enárrem nomen tuum frátribus meis.

℣. Erue a frámea, Deus, ánimam meam, et de manu canis únicam meam. — Ut. **In.**

℣. Eripe me de inimícis meis, Deus meus. ℟. Et ab insurgéntibus in me libera me.

Ad Bened. Ant. Appropinquábat autem * dies

festus Judæórum : et quærébant príncipes sacerdotum quómodo Jesum interficerent, sed timébant plebem.

Oratio

COrdibus nostris, quæsumus, Dómine, grátiam tuam benígnus infúnde : ut peccáta nostra castigatióne voluntária cohibéntes, temporáliter pótius macerémur, quam supplicíis deputémur ætérnis. Per Dóminum.

℣. Eripe me, Dómine, ab hómine malo. ℟. A viro iníquo éripe me.

Ad Magnif. Ant. Príncipes sacerdotum * consílium fecérunt ut Jesum occíderent : dicébant autem : Non in die festo, ne forte tumultus fieret in pópulo.

Oratio

Concede, quæsumus, omnípotens Deus : ut, qui protectionis tuæ grátiam quærimus, liberáti a malis ómnibus, secúra tibi mente serviámus. Per Dóminum.

SABBATO

Lectio sancti Evangélíi
secúndum Joánnem

Lectio i Cap. 12, 10-36

IN illo témpore : Cogitavérunt príncipes sacerdotum ut et Lázarum interficerent : quia multi

propter illum abibant ex Judæis, et credébant in Jesum. Et reliqua.

Homilia sancti Augustini
Episcopi

Tractatus 50 in Joannem,
in fine

Viso Lázaro resuscitato, quia tantum miraculum Dómini tanta erat evidéntia diffamátum, tanta manifestatióne declarátum, ut non possent vel occultáre quod factum est, vel negáre : quid invenérunt, vidéte. Cogitavérunt autem príncipes sacerdotum ut et Lázarus interficerent. O stulta cogitatio, et cæca sævitia! Dóminus Christus, qui suscitáre pótuit mórtuum, non posset occísus! Quando Lázaro inferebátis necem, numquid auferebátis Dómino potestátem? Si aliud vobis vidétur mórtuus, aliud occísus : ecce Dóminus utrúmque fecit, et Lázarus mórtuum, et seipsum suscitávit occísus.

✠. Tota die contristátus ingrediébar, Dómine : quóniam ánima mea compléta est illusióibus : * Et vim faciébant, qui quærébant ánimam meam. ✠. Amíci mei et próximi mei advérsus me appropinquavérunt et stetérunt : et qui juxta me erant, de longe stetérunt. — Et.

Lectio ii

Tract. 51

IN crástinum autem turba multa, quæ vénerat ad diem festum, cum audíssent quia venit Jesus Jerosólymam : acceperunt ramos palmárum, et processérunt óbviám ei, et clamábant : Hosánna, benedíctus qui venit in nómine Dómini, Rex Israël. Rami palmárum laudes sunt, significántes victóriam : quia erat Dóminus mortem moriéndó superatúrus, et trophæo crucis de diábolo mortis príncipe triumphatúrus. Vox autem obsecrántis est Hosánna, sicut nonnúllo dicunt, qui Hebræam linguam novérunt, magis afféctum índicans, quam rem áliquam significans, sicut sunt in lingua Latína, quas interjectiões vocant : velut cum doléntes dicimus, heu; vel cum delectámur, vah dicimus.

✠. Ne avértas faciém tuam a púero tuo, Dómine : * Quóniam tribulor, velóciter exáudi me. ✠. Inténde animæ meæ, et libera eam : propter inimícos meos éripe me. — Quóniam.

Lectio iii

HAS ei laudes turba dicebat : Hosánna, benedíctus qui venit in nó-

mine Dómini, Rex Israël. Quam crucem mentis invidentia principum Judæorum perpēti potuerat, quando Regem suum Christum tanta multitudo clamabat? Sed quid fuit Dómino Regem esse Israël? Quid magnum fuit Regi sæculorum, Regem fieri hóminum? Non enim Rex Israël Christus ad exigendum tribútum, vel exercitum ferro armándum, hostésque visibíliter debellándos : sed Rex Israël, quod mentes regat, quod in ætérnum cónsulat, quod in regnum cælórum credéntes, sperántes, amantésque perducát.

✠. Quis dabit cápiti meo aquam, et óculis meis fontem lacrimárum, et plorábo die ac nocte? quia frater propínquus supplantávit me, * Et omnis amicus fraudulénter incéssit in me. ✠. Fiant viæ eórum ténebræ et lúbricum : et Angelus Dómini pérsequens eos. — Et. Quis.

✠. Eripe me de inimícis meis, Deus meus. ✠. Et ab insurgéntibus in me libera me.

Ad Bened. Ant. Clarifica me, Pater, * apud temetípsum claritáte, quam habui priúsquam mundus fieret.

Oratio

Proficiat, quæsumus, Dómine, plebs tibi dicata, piæ devotiónis affectu : ut, sacris actionibus erudita, quanto majestati tuæ fit grátior, tanto donis potióribus augeátur. Per Dóminum.

AD VESPERAS

Antiphonæ et Psalmi de Sabbato, ut in Psalterio. 332

Capit. Philipp. 2, 5-7

Fratres : Hoc enim sentite in vobis, quod et in Christo Jesu : qui, cum in forma Dei esset, non rapinam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum factus, et hábitu invéntus ut homo.

Hymnus

Vexilla Regis pródeunt :
Fulget Crucis mystérium,

Qua víta mortem pertulit,
Et morte vitam protulit.

Quæ, vulneráta lanceæ
Mucrone diro, criminum
Ut nos laváret sórdibus,
Manávit unda et ságuine.

Impléta sunt quæ concinit
David fidéli cármine,
Dicéndo natióibus :
Regnávit a ligno Deus.

Arbor decóra et fúlgida,
Ornáta Regis púrpura,

Elécta digno stípite
Tam sancta membra tán-
gere.

Beáta, cujus bráchiis
Prétium pepéndit sǎculi,
Statéra facta córporis,
Tulítque prædam tártari.

¶ *Sequens strophá dicitur
flexis genibus; et ultima
numquam mutatur.*

O Crux, ave, spes única,
Hoc Passiónis témpore
Piis adáuge grátiam,
Reisque dele crímina.

Te, fons salútis, Trínitas,
Colláudet omnis spíritus :
Quibus Crucis victóriam
Largíris, adde præmium.
Amen.

✠. Eripe me, Dómine, ab
hómíne malo. ✠. A viro
iníquo éripe me.

Ad Magnif. Ant. Pater
juste, * mundus te non

cognóvit : ego autem novi
te, quia tu me misísti.

Ad Vesperas Dominicæ.

Ad Magnif. Ant. Scri-
ptum est enim : * Percú-
tiam pastórem, et disper-
géntur oves gregis : post-
quam autem resurréxero,
præcédam vos in Gali-
læam : ibi me vidébitis,
dicit Dóminus.

Oratio

OMnípotens sempitérne
Deus, qui humáno gé-
neri, ad imitándum hu-
militátis exémplum, Sal-
vatórem nostrum carnem
súmere, et crucem subíre
fecísti : concéde propítius;
ut et patiéntiæ ipsíus ha-
bére documénta, et resur-
rectiónis consórtia mereá-
mur. Per eúmdem Dómi-
num.



Dominica in **P**almis

I CLASSIS SEMIDUPLEX

AD MATUTINUM

In I Nocturno

De Jeremia Propheta

Lectio i **Cap. 2, 12-22**



Qbstupescite, cæli, super hoc, et, portæ ejus, desolâmini vehementer, dicit Dominus. Duo enim mala fecit populus meus : Me dereliquerunt fontem aquæ vivæ, et foderunt sibi cisternas, cisternas dissipatas, quæ continere non valent aquas. Numquid servus est Israël, aut vernaculus? Quare ergo factus est in prædam? Super eum rugierunt leones, et dederunt vocem suam, posuerunt terram ejus in solitudinem : civitates ejus exustæ sunt, et non est qui habitet in eis. Filii quoque Mempheos et Taphnes constupraverunt te usque ad verticem. Numquid non istud factum est tibi, quia dereliquisti Dominum Deum tuum eo tempore, quo ducebat te per viam?

R. In die qua invocavi te, Domine, dixisti : Noli

timere : * Judicasti causam meam, et liberasti me, Domine Deus meus.

R. In die tribulationis meæ clamavi ad te, quia exaudisti me. — Judicasti.

Lectio ii

ET nunc quid tibi vis in via Ægypti, ut bibas aquam turbidam? et quid tibi cum via Assyriorum, ut bibas aquam fluminis? Arguet te malitia tua, et aversio tua increpabit te. Scito, et vide quia malum et amarum est reliquisse te Dominum Deum tuum, et non esse timorem mei apud te, dicit Dominus Deus exercituum. A sæculo confregisti jugum meum, rupisti vincula mea, et dixisti : Non serviam. In omni enim colle sublimi, et sub omni ligno frondoso tu prosternebaris meretrix. Ego autem plantavi te vineam electam, omne semen verum : quomodo ergo conversata es mihi in pravum, vinea aliena? Si laveris te nitro, et multiplicaveris tibi herbam borith, maculata es in iniquitate tua

coram me, dicit Dóminus Deus.

℟. Fratres mei elongavérunt se a me : et noti mei * Quasi aliéni recessérunt a me. ℣. Dereliquerunt me próximi mei, et qui me novérunt. — Quasi.

Lectio iii Cap. 2, 29-32

Quid vultis mecum iudicio conténdere? Omnes dereliquístis me, dicit Dóminus. Frustra percússi filios vestros, disciplínam non recepérunt : devorávit gládus vester prophétas vestros, quasi leo vastátor generátio vestra. Vidéte verbum Dómini : Numquid solitúdo factus sum Israéli, aut terra serótina? Quare ergo dixit pópulus meus : Recéssimus, non veniémus ultra ad te? Numquid obliviscétur virgo ornamenti sui, aut sponsa fásciae pectorális suæ? pópulus vero meus oblítus est mei diébus in-númeris.

℟. Atténde, Dómine, ad me, et audi voces adversariórum meórum : * Numquid rédditur pro bono malum, quia fodérunt fóveam ánimæ meæ? ℣. Recordáre quod stéterim in conspéctu tuo, ut lóquerer pro eis bonum, et avérterem indignatióem tuam ab eis. — Numquid. At-ténde.

In II Noeturno

Sermo sancti Leónis Papæ

Sermo 11 de Passione Domini

Lectio iv



Esideráta nobis, dilectíssimi, et univérso optábilis mundo adest festívitás Dominicæ passiónis, quæ nos inter exsultatiónes spiritalium gaudiórum silére non pátitur. Quia etsi difficile est, de eádem solemnitáte sápius digne aptéque dissérere : non est tamen líberum sacerdoti in tanto divínæ misericórdiæ sacraménto fídelibus pópulis subtráhere sermónis officium : cum ipsa matéria ex eo quod est ineffábilis, fandi tríbuat facultátem; nec possit deficere quod dicátur, dum numquam potest satis esse quod dicitur. Succumbat ergo humana infirmitas glóriæ Dei, et in explicándis opéribus misericórdiæ ejus, ímparem se semper invéniat. Laborémus sensu, hæreámus ingénio, deficiámus elóquio : bonum est ut nobis parum sit, quod étiam recte de Dómini majestáte sentímus.

℟. Conclúsit vias meas inimicus, insidiátor factus est mihi sicut leo in abscondito, replévit et ine-

bríavit me amaritúdine : deduxérunt in lacum mortis vitam meam, et posuerunt lápidem contra me.

* Vide, Dómine, iniquitates illórum : et júdica causam ánimæ meæ, defénsor vitæ meæ. *℟*. Factus sum in derísum omni pópulo meo, cánticum eórum tota die. — Vide.

Lectio v

DIcēte enim prophéta : Quærite Dóminum, et confirmámini, quærite faciē ejus semper : némini præsuméndum est, quod totum quod quærit, invēnerit, ne désinat propinquáre, qui cessárit accēdere. Quid autem inter ómnia ópera Dei, in quibus humánæ admiratiónis fatigátur inténtio, ita contemplatióem mentis nostræ et obléctat et súperat, sicut pássio Salvatóris? Qui ut humánum genus vīculis mortiferae prævaricatiónis absolveret, et sæviēti diábolo poténtiam suæ majestátis occúluit, et infirmitátem nostræ humilitátis objéct. Si enim crudélis et supérbus inimicus consílium misericórdiæ Dei nosse potuísset, Judæórum ánimos mansuetúdine pótius temperáre, quam injústis ódiis studuísset accēdere : ne ómnium ca-

ptivórum amitteret servitútem, dum nihil sibi debéntis perséquitur libertátem.

℟. Salvum me fac, Deus, quóniam intravérunt aquæ usque ad ánimam meam : ne avértas faciē tuam a me : * Quóniam tribulor, exáudi me, Dómine, Deus meus. *℟*. Intēde ánimæ meæ, et líbera eam : propter inimicos meos éripe me. — Quóniam.

Lectio vi

Feféllit ergo illum malignitas sua, intulit supplicium Fílio Dei, quod cunctis fíliis hóminum in remédium verterétur. Fudit sánguinem justum, qui reconciliándo mundo, et prétium esset, et póculum. Suscépit Dóminus, quod secúndum propósitum suæ voluntátis elégit. Admisit in se ímpias manus furéntium : quæ dum próprio incumbunt scéleri, famulátæ sunt Redemptóri. Cujus étiam circa interfectóres suos tanta erat pietátis afféctio, ut de cruce supplicans Patri, non se vindicári, sed illis postuláret ignósci.

℟. Noli esse mihi, Dómine, aliénus : parce mihi in die mala : confundántur omnes qui me persecúntur, * Et non confundar ego. *℟*. Confundántur om-

nes inimíci mei, qui quæ-
runt ánimam meam. —
Et. **Noli.**

In III Nocturno

Léctio sancti Evangélíi
secúndum Matthæum

Lectio vii Cap. 21, 1-9

IN illo témpore : Cum
appropinquáset Jesus
Jerosólymis, et venísset
Béthphage ad montem Oli-
vétí : tunc misit duos disci-
pulos, dicens eis. Etréliqua.

Homília sancti Ambrósii
Epíscopi

Liber 6 in Lucam



Ulchre, relíctis Ju-
dáis, habitatúrus
in afféctibus gén-
tium, templum Dóminus
ascéndit. Hoc enim tem-
plum est verum, in quo
non in líttera, sed in spí-
ritu Dóminus adorátur.
Hoc Dei templum est,
quod fídei séries, non lápi-
dum structúra fundávit.
Deserúntur ergo qui óde-
rant : eligúntur qui ama-
túri erant. Et ídeo ad
montem venit Olivétí, ut
novéllas óleas in sublímí
virtúte plantáret, quarum
mater est illa, quæ sursum
est, Jerúsalem. In hoc
monte est ille cæléstis
agrícola : ut plantáti om-
nes in domo Dei possint
virítim dícere : Ego autem
sicut olíva fructífera in
domo Dómini.

℟. Dóminus mecum est
tamquam bellátor fortis :
proptérea persecúti sunt
me, et intelligere non po-
tuérunt : Dómine, probas
renes et corda : * Tibi
revelávi causam meam.

℣. Vidísti, Dómine, ini-
quitátes eórum advérsus
me : júdica júdícium
meum. — Tibi.

Lectio viii

ET fortásse ipse mons
Christus est. Quis
enim álius tales fructus
ferret oleárum, non cur-
vescéntium ubertáte bac-
cárum, sed spíritus pleni-
túdi-ne géntium fœcundá-
rum? Ipse est per quem
ascéndimus, et ad quem
ascéndimus. Ipse est já-
nua, ipse est via, qui ape-
rítur, et qui áperit : qui
pulsátur ab ingrediénti-
bus, et ab eméritis adorá-
tur. Ergo in castélló erat,
et ligátus erat pullus cum
ásina : non póterat solvi
nisi jussu Dómini. Solvit
eum manus apostólica.
Talis actus, talis vita, ta-
lis grátia. Esto talis et tu,
ut possis ligátos sólvere.

℟. Dixérunt ímpii apud
se, non recte cogitántes :
Circumveniámus justum,
quóniam contrárius est
opéribus nostris : promít-
tit se sciéntiam Dei habé-
re, Fílium Dei se nóminat,
et gloriátur patrem se ha-

bére Deum : * Videámus si sermónes illíus veri sunt : et si est vere Fílius Dei, líberet eum de má nibus nostris : morte turpí sima condemnémus eum.

℣. Tamquam nugáces æstimáti sumus ab illo, et ábstinet se a viis nostris tamquam ab immundítiis : et præfert novíssima ju stórum. — Videámus.

Lectio ix

Nunc considerémus qui fúerint illi, qui, erróre detécto, de paradíso ejécti, in castéllum sint rele gáti. Et vides, quemád modum quos mors expú lerat, vita revocáverit. Et ideo secúndum Matthæum, et ásinam et pullum légi mus : ut quia in duóbus homínibus utérque fúerat sexus expúlsus, in duóbus animálibus sexus utérque revocétur. Ergo illic in ásina matre quasi Hevam figurávit erróris : hic au tem in pullo generalitá tem pópuli gentílis ex préssit : et ideo pullo sedétur ásinæ. Et bene, in quo nemo sedit : quia nullus, ántequam Christus, natió num pópulos vocávit ad Ecclésiám. Dénique secún dum Marcum sic habes : Quem nemo adhuc sedit hóminum.

℣. Circumdedérunt me viri mendáces : sine causa

flagéllis cecidérunt me : * Sed tu, Dómine defén sor, víndica me. ℣. Quó niam tribulátio próxíma est, et non est qui ádju vet. — Sed. Circumdedé runt.

AD LAUDES

Ant. 1 Dóminus Deus * auxiliátor meus : et ideo non sum confúsus.

Psalmi de Dominica 2 lo co. 53

2 Circumdántes * circum dedérunt me : et in nómine Dómini vindicábor in eis.

3 Júdica causam me am : * defénde, quia po tens es, Dómine.

4 Cum Angelis * et púe ris fidéles inveniámur, triumphatóri mortis cla mántes : Hosánna in ex célsis.

5 Confundántur * qui me persecúntur, et non con fúndar ego, Dómine, Deus meus.

Capit. Philipp. 2, 5-7

FRatres : Hoc enim sen títe in vobis, quod et in Christo Jesu : qui, cum in forma Dei esset, non rapínam arbitrátus est esse se æquálem Deo : sed se metípsum exinanívit, for mam servi accípiens, in si militúdinem hóminum fa ctus, et hábitu invéntus ut homo.

Hymnus

Lustra sex qui jam per-
égit,

Tempus implens cōporis,
Sponte libera Redēptor
Passiōni dēditus,
Agnus in Crucis levātur
Immolāndus stīpīte.

Felle potus ecce languet :
Spina, clavi, lāncea
Mite corpus perforārunt :
Unda manat, et cruor :
Terra, pontus, astra, mun-
dus,

Quo lavāntur flúmine!

CruX fidēlis, inter omnes
Arbor una nóbilis :
Silva talem nulla profert
Fronde, flore, gérmine
Dulce ferrum, dulce li-
gnum,
Dulce pondus sústinent.

Flecte ramos, arbor alta,
Tensa laxa víscera,
Et rigor lentéscat ille,
Quem dedit natívitās;
Et supérni membra Regis
Tende miti stīpīte.

Sola digna tu fuísti
Ferre mundi víctimam;
Atque portum præparāre
Arca mundo náufrago,
Quam sacer cruor perúnxit,
Fusus Agni cōpore.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérstas.

Amen.

V. Eripe me de inimícis
meis, Deus meus. **R.** Et ab
insurgéntibus in me libera
me.

Ad Bened. Ant. Turba
multa, * quæ convéne-
rat ad diem festum, cla-
mábat Dómino : Bene-
dictus qui venit in nómine
Dómini : Hosánna in ex-
celsis.

Oratio

OMnípotens sempitérne
Deus, qui humáno
géneri, ad imitándum hu-
militátis exémpulum, Sal-
vatórem nostrum carnem
súmere, et crucem subíre
fecísti : concéde propítius;
ut et patiéntiæ ipsíus ha-
bére documénta, et resur-
rectiōnis consórtia mereá-
mur. Per eúmdem Dómi-
num.

AD PRIMAM

Ant. Púeri Hebræórum *
tolléntes ramos olivárum,
obviavérunt Dómino cla-
mántes et dicéntes : Ho-
sánna in excelsis.

AD TERTIAM

Ant. Púeri Hebræórum *
vestiménta prosternébant
in via, et clamábant, di-
céntes : Hosánna Filio Da-
vid : benedictus qui venit
in nómine Dómini.

Capitulum Fratres, **ut**
supra. 440

R. br. Erue a frámea,
 * Deus, ánimam meam.
 Erue. **V.** Et de manu can-
 nis únicam meam. Deus.
 Erue. **V.** De ore leónis lí-
 bera me, Dómine. **R.** Et a
 córnibus unicórnium hu-
 militátem meam.

Oratio

O Mnípotens sempitérne
 Deus, qui humano
 géneri, ad imitándum hu-
 militátis exémpulum, Sal-
 vatórem nostrum carnem
 súmer, et crucem subíre
 fecísti : concéde propítius;
 ut et patiéntiæ ipsíus ha-
 bére documénta, et resur-
 recciónis consórtia mereá-
 mur. Per eúmdem Dómi-
 num.

AD SEXTAM

Ant. Tibi revelávi * cau-
 sam meam, defénsor vitæ
 meæ, Dómine, Deus meus.

Capit. Philipp. 2, 8-9

Humiliávit semetípsum
 factus obédiens usque
 ad mortem, mortem autem
 crucis. Propter quod et
 Deus exaltávit illum, et
 donávit illi nomen, quod
 est super omne nomen.

R. br. De ore leónis * Lí-
 bera me, Dómine. De.
V. Et a córnibus unicór-
 nium humilitátem meam.
 Líbera. De. **V.** Ne perdas
 cum ímpiis, Deus, ánimam
 meam. **R.** Et cum viris
 sánguinem vitam meam.

AD NONAM

Ant. Invocabo * nomen
 tuum, Dómine : ne avér-
 tas fáciem tuam a clamóre
 meo.

Capit. Philipp. 2, 10-11

IN nómine Jesu omne
 genu flectátur cælé-
 stium, terréstrium, et in-
 fernórum : et omnis lin-
 gua confiteátur, quia Dó-
 minus Jesus Christus in
 glória est Dei Patris.

R. br. Ne perdas cum ím-
 piis, * Deus, ánimam me-
 am. Ne. **V.** Et cum viris
 sánguinem vitam meam.
 Deus. Ne. **V.** Eripe me,
 Dómine, ab hómine malo.
R. A viro iníquo éripe me.

AD VESPERAS

*Antiphonæ et Psalmi de Do-
 minica, ut in Psalterio 72;
 Capitulum, Hymnus et Ver-
 sus, ut in Vesperis præceden-
 tis Sabbati. 434*

V. Eripe me, Dómine, ab
 hómine malo. **R.** A viro
 iníquo éripe me.

Ad Magnif. Ant. Scri-
 ptum est enim : * Percú-
 tiam pastórem, et disper-
 géntur oves gregis : post-
 quam autem resurréxero,
 præcédam vos in Gali-
 láeam : ibi me vidébitis,
 dicit Dóminus.

¶ **Omnes Feriæ hujus Heb-
 domadæ sunt majores privi-
 legiatæ.**

FERIA SECUNDA
MAJORIS HEBDOMADÆ

AD MATUTINUM

Absolutio Exáudi.

Bened. Evangélica léctio.

Léctio sancti Evangélii
secúndum Joánnem

Lectio i **Cap. 12, 1-9**

ANte sex dies Paschæ venit Jesus Bethániam, ubi Lázarus fúerat mórtuus, quem suscitávit Jesus. Et reliqua.

Homilía sancti Augustíni
Epíscopi

Tract. 50 in Joannem,
post initium

NE putárent hómines phantásma esse factum, quia mórtuus resurrexit, Lázarus unus erat ex recumbéntibus : vivébat, loquebátur, epulabátur; véritas ostendebátur, infidéлитas Judæórum confundebátur. Discumbébat ergo Jesus cum Lázaro et céteris : ministrábat Martha, una ex soróribus Lázari. María vero, áltera soror Lázari, accépit libram unguénti nardi pístici pretiósi, et unxit pedes Jesu, et extérsit capíllis suis pedes ejus, et domus impléta est ex odóre unguénti. Factum audívimus : mystérium requirámus.

℟. Viri ímpii dixerunt :
Opprimámus virum ju-

stum injúste, et deglutiamus eum tamquam inférnus vivum : auferámus memóriam illíus de terra : et de spóliis ejus sortem mittámus inter nos : ipsi enim homicidæ thesaurizavérunt sibi mala. * Insipiéntes et maligni odérunt sapiéntiam : et rei facti sunt in cogitátionibus suis. **℣.** Hæc cogitavérunt, et erravérunt : et excæcávit illos malítia eórum. — Insipiéntes.

Bened. Divínium auxiliium.

Lectio ii

QUacúmque ánima fidelis vis esse, cum María unge pedes Dómini pretióso unguénto. Unguéntum illud justítia fuit, ideo libra fuit : erat autem unguéntum nardi pístici pretiósi. Quod ait, pístici, locum áliquem credere debémus, unde hoc erat unguéntum pretiósum : nec tamen hoc vacat, et sacraménto óptime cónsonat. Pistis Græce, fides Latíne dicitur. Quærébas operári justítiam. Justus ex fide vivit. Unge pedes Jesu bene vivéndo : Domínica sectáre vestígia. Capíllis terge : si habes supérflua, da paupéribus, et Dómini pedes tersísti : capílli enim supérflua córporis videntur. Habes quod agas de supérfluis tuis : tibi su-

pérflua sunt, sed Dómini pédibus necessária sunt. Forte in terra Dómini pedes indigent.

℟. Oppróbrium factus sum nimis inimícis meis : vidérunt me, et movérunt cápita sua : * Adjuva me, Dómine, Deus meus.

℣. Locúti sunt advérsus me lingua dolósa, et sermónibus ódii circumdedérunt me. — Adjuva.

Benedictio Ad societátem.

Lectio iii

DE quibus enim, nisi de membris suis in fine dictúrus est : Cum uni ex mínimis meis fecístis, mihi fecístis? Supérflua vestra impendístis : sed pédibus meis obsecúti estis. Domus autem impléta est odóre : mundus implétus est fama bona : nam odor bonus fama bona est. Qui male vivunt, et Christiáni vocántur, injúriam Christo faciunt : de quálibus dictum est, quod per eos nomen Dómini blasphemátur. Si per tales nomen Dei blasphemátur, per bonos nomen Dómini laudátur. Audi Apóstolum : Christi bonus odor sumus, inquit, in omni loco.

℟. Insurrexérunt in me viri iníqui absque misericórdia, quásiérunt me interfícere : et non pepercé-
runt in fáciem meam spúe-

re, et lánceis suis vulneravérunt me : et concússa sunt ómnia ossa mea :

* Ego autem existimábam me tamquam mórtuum super terram. ℣. Effudérunt furórem suum in me : fremuérunt contra me déntibus suis. — Ego. **Insurrexérunt.**

AD LAUDES

et per Horas, Añæ

1 Fáciem meam * non avérti ab increpántibus, et conspuéntibus in me.

Psalmi de Feria 2 loco. 93

2 Frámea, suscitáre * advérsus eos, qui dispérgunt gregem meum.

3 Appendérunt * mercédem meam trigínta argénteis : quibus appretiátus sum ab eis.

4 Inundavérunt aquæ * super caput meum : dixi, Péríi : invocábo nomen tuum, Dómine Deus.

5 Lábia insurgéntium, * et cogitatiónes eórum vide, Dómine.

Ad Bened. Ant. Clarífica me, Pater, * apud temetípsum claritáte, quam hábui priúsqvam mundus fieret.

Oratio

DA, quæsumus, omnípotens Deus : ut, qui in tot advérsis ex nostra infirmitáte defícimus : in-

tercedente unigeniti Filii
tui passione respiramus :
Qui tecum vivit.

AD VESPERAS

Ad Magnif. Ant. Non ha-
beres * in me potestatem,
nisi desuper tibi datum
fuisset.

Oratio

Adjuva nos, Deus, salu-
taris noster : et ad be-
neficia recolenda, quibus
nos instaurare dignatus
es, tribue venire gauden-
tes. Per Dominum.

FERIA TERTIA

MAJORIS HEBDOMADÆ

AD MATUTINUM

Absolutio Ipsius pietas.

Benedictio Deus Pater.

De Jeremia Propheta

Lectio i Cap. 11, 15-20

Quid est quod dilectus
meus in domo mea fe-
cit scelera multa? Num-
quid carnes sanctæ aufer-
rent a te malitias tuas, in
quibus gloriata es? Oli-
vam uberem, pulchram,
fructiferam, speciosam vo-
cavit Dominus nomen
tuum : ad vocem loquelæ,
grandis exarsit ignis in
ea, et combusta sunt fru-
teta ejus. Et Dominus
exercituum, qui plantavit
te, locutus est super te

malum : pro malis domus
Israël et domus Juda, quæ
fecerunt sibi ad irritan-
dum me, libantes Báalim.
Tu autem, Domine, de-
monstrasti mihi, et cognó-
vi : tunc ostendisti mihi
studia eorum. Et ego quasi
agnus mansuetus, qui por-
tatur ad victimam : et non
cognóvi quia cogitaverunt
super me consilia, dicen-
tes : Mittamus lignum in
panem ejus, et eradamus
eum de terra viventium,
et nomen ejus non memo-
retur amplius. Tu autem,
Domine Sábaoth, qui júdi-
cas juste, et probas renes
et corda, videam ultionem
tuam ex eis : tibi enim re-
velavi causam meam.

℟. Contumelias et terró-
res passus sum ab eis, qui
erant pacifici mei, et cu-
stodiéntes latus meum, di-
céntes : Decipiámus eum,
et prævaleámus illi : sed
tu, Domine, mecum es
tamquam bellator fortis.

* Cadant in opprobrium
sempiternum, ut videam
vindictam in eis, quia tibi
revelavi causam meam.

℣. Júdica, Domine, cau-
sam animæ meæ, defensor
vitæ meæ. — Cadant.

Bened. Christus perpetuæ.

Lectio ii Cap. 12, 1-4

Justus quidem tu es,
Domine, si disputem
tecum : verúmtamen justa

loquar ad te : Quare via impiórum prosperátur : bene est ómnibus, qui prævaricántur, et iníque agunt? Plantásti eos, et radicem misérunt : proficiunt et faciunt fructum : prope es tu ori eórum, et longe a rénibus eórum. Et tu, Dómine, nosti me, vidísti me, et probásti cor meum tecum : cóngrega eos quasi gregem ad víctimam, et sanctifica eos in die occisiónis. Usquequo lugébit terra, et herba omnis regiónis siccábitur propter malítiam habitántium in ea? Consúptum est ánimál et vólucré, quóniam dixerunt : Non vidébit novíssima nostra.

✠. Deus Israël, propter te sustínui impropérium, opérui reveréntia faciém meam, extráneus factus sum frátribus meis, et hospes filiis matris meæ : * Quóniam zelus domus tuæ comédit me. ✠. Inténde ánimæ meæ, et libera eam, propter inimícos meos éripe me. — Quóniam.

Bened. Ignem sui amóris.

Lectio iii Cap. 12, 7-11

Reliqui domum meam, dimísi hereditátem meam : dedi diléctam ánimam meam in manu inimicórum ejus. Facta est mihi heréditas mea quasi

leo in silva : dedit contra me vocem, ideo odívi eam. Numquid avis díscolor heréditas mea mihi? numquid avis tincta per totum? Veníte, congregámini, omnes béstiae terræ, properáte ad devorándum. Pastóres multi demolíti sunt víneam meam, conculcavérunt partem meam : dedérunt portiómem meam desiderábilem in désertum solitúdinis. Posuérunt eam in dissipatiómem, luxítque super me : desolatióne desoláta est omnis terra, quia nullus est qui recogitet corde.

✠. Synagóga populórum circumdedérunt me : et non réddidi retribuéntibus mihi mala. * Consumétur, Dómine, nequítia peccatórum, et díriges justum. ✠. Júdica me, Dómine, secúndum justítiam meam, et secúndum innocéntiam meam super me. — Consumétur. **Synagóga.**

AD LAUDES

et per Horas, Añæ

1 Vide, Dómine, * et cónsidera, quóniam tríbulator : velóciter exáudi me.

Psalmi de FERIA 2 loco. 136

2 Discérne causam meam, * Dómine : ab hómine iníquo et dolóso éripe me.

3 Dum tribulárer, * clamávi ad Dóminum de

ventre inferi, et exaudivit me.

4 Dómine, vim pátiór, * respónde pro me : quia nescio quid dicam inimícis meis.

5 Dixérunt impíi : * Opprimámus virum justum, quóniam contrárius est opéribus nostris.

Ad Bened. Ant. Ante diem festum * Paschæ, sciens Jesus quia venit hora ejus, cum dilexisset suos, in finem diléxit eos.

Oratio

OMnípotens sempitérne Deus : da nobis ita Domínicæ passiónis sacraménta perágere; ut indulgéntiam percípere mereámur. Per eúmdem Dóminum.

AD VESPERAS

Ad Magnif. Ant. Potestátem hábeo * ponéndi ánimam meam, et íterum suméndi eam.

Oratio

TUA nos misericórdia, Deus, et ab omni subreptióne vetustátis expúrget : et capáces sanctæ novitátis efficiat. Per Dóminum.

FERIA QUARTA

MAJORIS HEBDOMADÆ

AD MATUTINUM

Absolutio A vínculis.

Bened. Ille nos benedícat.

De Jeremía Prophéta

Lectio i Cap. 17, 13-18

EXspectátio Israél, Dómine : omnes, qui te derelínquunt, confundéntur : recedéntes a te, in terra scribéntur : quóniam dereliquerunt venam aquárum vivéntium Dóminum. Sana me, Dómine, et sanábor : salvum me fac, et salvus ero : quóniam laus mea tu es. Ecce ipsi dicunt ad me : Ubi est verbum Dómini? véniat. Et ego non sum turbátus, te pastórem sequens : et diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formídini, spes mea tu in die afflictiónis. Confundántur qui me persecúntur, et non confúndar ego : páveant illi, et non páveam ego : induc super eos diem afflictiónis, et dúplici contritióne cóntere eos.

℟. Locúti sunt advérsum me lingua dolósa, et sermónibus ódii circumdedérunt me : pro eo ut me

diligenter, detrahébant mihi : * Ego autem orábam, et exaudísti me, Dómine, Deus meus. **℟.** Et posuérunt advérsus me mala pro bonis, et ódium pro dilectióne mea. — Ego.

Bened. Divínium auxílium.

Lectio ii Cap. 18, 13-23

Quis audívit tália horribília, quæ fecit nimis virgo Israël? Numquid deficiet de petra agri nix Líbani? aut evélli possunt aquæ erumpéntes frígidae, et defluéntes? Quia oblítus est mei pópulus meus, frustra libántes, et impingéntes in viis suis, in sémitis sáeculi, ut ambulárent per eas in itinere non trito : ut fieret terra eórum in desolatióne, et in sibilum sempitérnum : omnis qui præterierit per eam obstupéscet, et movébit caput suum. Sicut ventus urens dispérgam eos coram inimíco : dorsum, et non fáciem osténdam eis in die perditiónis eórum. Et dixerunt : Veníte, et cogitémus contra Jeremíam cogitatiónes : non enim peribit lex a sacerdote, neque consílium a sapiente, nec sermo a prophéta : veníte, et percutiámus eum lingua, et non attendámus ad univérsos sermónes ejus.

℟. Dixerunt impíi apud se, non recte cogitántes : Circumveniámus justum, quóniam contrárius est opéribus nostris : promittit se sciéntiam Dei habére, Fílium Dei se nóminat, et gloriátur patrem se habére Deum : * Videámus si sermónes illíus veri sunt : et si est vere Fílius Dei, líberet eum de mánibus nostris : morte turpíssima condemnémus eum. **℟.** Tamquam nugáces æstimáti sumus ab illo, et ábstinet se a viis nostris tamquam ab immundítiis : et præfert novíssima jústorum. — Videámus.

Bened. Ad societátem.

Lectio iii

At ténde, Dómine, ad me, et audi vocem adversariórum meórum. Numquid rédditur pro bono malum, quia fodérunt fóveam ánimæ meæ? Recordáre quod stéterim in conspéctu tuo, ut lóquerer pro eis bonum, et avérterem indignatióne tuam ab eis. Proptérea da fílios eórum in famem, et deduc eos in manus gládii : fiant uxóres eórum absque líberis, et víduæ : et viri eárum interficiántur morte : júvenes eórum confodiántur gládio in prælio. Audiátur clamor de dómibus eórum : addúces enim su-

per eos latrónem repente : quia fodérunt fóveam ut cáperent me, et láqueos abscondérunt pédibus meis. Tu autem, Dómine, scis omne consílium eórum advérsus me in mortem : ne propitiéris iniquitáti eórum, et peccátum eórum a fácie tua non deleátur : fiant corruéntes in conspéctu tuo, in témpore furóris tui abútere eis.

℟. Circumdederunt me viri mendaces : sine causa flagéllis cecidérunt me :
* Sed tu, Dómine defén-
sor, vándica me. ℣. Quóniam tribulátio próxíma est, et non est qui ádjuvet.
— Sed. Circumdederunt.

AD LAUDES

et per Horas, Añæ

1 Líbera me * de sangui-
nibus, Deus, Deus meus :
et exsultábit lingua mea
justítiam tuam.

Psalmi de Feria 2 loco. 179

2 Contumélias * et terró-
res passus sum ab eis : et
Dóminus mecum est tam-
quam bellátor fortis.

3 Tu autem, Dómine, *
scis omne consílium eórum
advérsus me in mortem.

4 Omnes inimíci mei *
audiérunt malum meum :
Dómine, lætáti sunt, quóniam tu fecisti.

5 Fac, Dómine, * judí-
cium injúriam patiénti-
bus : et vias peccatórum
dispérde.

Ad Bened. Ant. Simon,
dormis? * non potuísti
una hora vigiláre mecum?

Oratio

P Ræsta, quæsumus, om-
nípotens Deus : ut,
qui nostris excéssibus in-
cessánte affligimur, per
unigéniti Fílii tui passió-
nem liberémur : Qui tecum
vivit et regnat.

AD VESPERAS

Ad Magnif. Ant. Ancílla
dixit * Petro : Vere tu ex
illis es : nam et loquéla tua
maniféstum te facit.

Oratio

R Espice, quæsumus, Dó-
mine, super hanc fa-
míliam tuam, pro qua Dó-
minus noster Jesus Chri-
stus non dubitávit máni-
bus tradi nocéntium, et
crucis subíre torméntum :
Qui tecum vivit et regnat.



Feria quinta in Coena Domini

DUPLEX I CLASSIS

AD MATUTINUM

Hodie et biduo sequenti, dictis secreto Pater noster, Ave María et Credo, et omnibus aliis prætermisissis, Matutinum absolute incipitur ab Antiphona primi Psalmi : et in fine cujuslibet Psalmi ad Matutinum et ad Laudes extinguitur una ex quindecim candelis candelabri triangularis positi ante altare.

Ad omnes autem Horas usque ad Nonam Sabbati sancti inclusive, in fine Psalmorum omittitur Glória Patri.

In I Nocturno

Ant. Zelus domus tuæ * comédit me, et oppróbria exprobrántium tibi ceciderunt super me.

Psalmus 68



Alvum me fac, Deus : * quóniam intravérunt aquæ usque ad ánimam meam.

Infixus sum in limo profúndi : * et non est substantia.

Veni in altitúdinem maris : * et tempésta demérsit me.

Laborávi clamans, raucæ factæ sunt fauces meæ : * defecérunt óculi mei, dum spero in Deum meum.

Multiplicáti sunt super capillos cápitis mei, * qui odérunt me gratis.

Confortáti sunt qui persecúti sunt me inimíci mei injúste : * quæ non rápui, tunc exsolvébam.

Deus, tu scis insipiéntiam meam : * et delícta mea a te non sunt abscondita.

Non erubéscant in me qui exspéctant te, Dómine, * Dómine virtútum.

Non confundántur super me * qui quærunt te, Deus Israël.

Quóniam propter te sustínui oppróbrium : * opéruit confúsió faciém meam.

Extráneus factus sum frátribus meis, * et peregrínus filiis matris meæ.

Quóniam zelus domus tuæ comédit me : * et oppróbria exprobrántium tibi ceciderunt super me.

Et opéruí in jejúnio ánimam meam : * et factum est in oppróbrium mihi.

Et pósui vestiméntum meum cilícium : * et factus sum illis in parábolam.

Advérsus me loquebántur, qui sedébant in porta : * et in me psallébant qui bibébant vinum.

Ego vero orationem meam ad te, Domine : * tempus beneplaciti, Deus.

In multitudine misericordiae tuae exaudi me, * in veritate salutis tuae :

Eripe me de luto, ut non infingar : * libera me ab iis, qui odérunt me, et de profundis aquarum.

Non me demergat tempestas aquae, neque absorbeat me profundum : * neque urgeat super me puteus os suum.

Exaudi me, Domine, quoniam benigna est misericordia tua : * secundum multitudinem miserationum tuarum respice in me.

Et ne avertas faciem tuam a puero tuo : * quoniam tribulor, velociter exaudi me.

Intende animae meae, et libera eam : * propter inimicos meos eripe me.

Tu scis improperium meum, et confusionem meam, * et reverentiam meam.

In conspectu tuo sunt omnes qui tribulant me, * improperium exspectavit cor meum, et miseriam.

Et sustinui qui simul contristarétur, et non fuit : * et qui consolarétur, et non invéni.

Et dederunt in escam meam fel : * et in siti mea potaverunt me aceto.

Fiat mensa eorum coram ipsis in laqueum, * et in retributiones, et in scandalum.

Obscurentur oculi eorum ne videant : * et dorsum eorum semper incurva.

Effunde super eos iram tuam : * et furor irae tuae comprehéndat eos.

Fiat habitatio eorum deserta : * et in tabernaculis eorum non sit qui inhabitet.

Quoniam quem tu percussisti, persecuti sunt : * et super dolorem vulnerum meorum addiderunt.

Appone iniquitatem super iniquitatem eorum : * et non intrent in justitiam tuam.

Deleantur de libro viventium : * et cum justis non scribantur.

Ego sum pauper et dolens : * salus tua, Deus, suscepit me.

Laudabo nomen Dei cum cántico : * et magnificabo eum in laude :

Et placébit Deo super vitulum novellum : * cornua producentem et ungulas.

Videant pauperes et læténtur : * quærite Deum, et vivet anima vestra.

Quoniam exaudivit pauperes Dominus : * et victos suos non despexit.

Laudent illum caeli et terra, * mare, et omnia reptilia in eis.

Quóniam Deus salvam faciet Sion : * et ædificabuntur civitates Juda.

Et inhabitabunt ibi, * et hereditate acquirunt eam.

Et semen servorum ejus possidebit eam, * et qui diligunt nomen ejus, habitabunt in ea.

† **Non dicitur** Glória Patri.

Ant. Zelus domus tuæ comedit me, et opprobria exprobrantium tibi ceciderunt super me.

Ant. Avertantur retrorsum * et erubescant, qui cogitant mihi mala.

Psalmus 69

DEus, in adiutorium meum intende : * Domine, ad adjuvandum me festina.

Confundantur et reve-reantur, * qui quaerunt animam meam.

Avertantur retrorsum, et erubescant, * qui volunt mihi mala.

Avertantur statim erubescētes, * qui dicunt mihi : Euge, euge.

Exsultent et lætentur in te omnes qui quaerunt te, * et dicant semper : Magnificetur Dominus : qui diligunt salutare tuum.

Ego vero egēnus, et pauper sum : * Deus, adjuva me.

Adjutor meus, et liberator meus es tu : * Domine, ne moreris. †

Ant. Avertantur retrorsum et erubescant, qui cogitant mihi mala.

Ant. Deus meus, * eripe me de manu peccatoris.

Psalmus 70

IN te, Domine, speravi, non confundar in æternum : * in iustitia tua libera me, et eripe me.

Inclina ad me aurem tuam, * et salva me.

Esto mihi in Deum protectorem, et in locum munitum : * ut salvum me facias,

Quóniam firmamentum meum, * et refugium meum es tu.

Deus meus, eripe me de manu peccatoris, * et de manu contra legem agentis et iniqui :

Quóniam tu es patientia mea, Domine : * Domine, spes mea a juventute mea.

In te confirmatus sum ex útero : * de ventre matris meæ tu es protector meus.

In te cantatio mea semper : * tamquam prodigium factus sum multis : et tu adjutor fortis.

Repleatur os meum laude, ut cantem gloriam tuam : * tota die magnitudinem tuam.

Ne projicias me in tempore senectutis : * cum defecerit virtus mea, ne derelinquas me.

Quia dixerunt inimici mei mihi : * et qui custodiébant ánimam meam, consílium fecérunt in unum,

Dicéntes : Deus derelíquit eum, persequímini, et comprehéndite eum : * quia non est qui erípiat.

Deus, ne elongéris a me : * Deus meus, in auxílium meum réspice.

Confundántur, et deficiant detrahéntes ánimæ meæ : * operiántur confusíone, et pudóre qui quærunt mala mihi.

Ego autem semper sperábo : * et adjíciam super omnem laudem tuam.

Os meum annuntiábit justítiam tuam : * tota die salutáre tuum.

Quóniam non cognóvi litteratúram, introibo in poténtias Dómini : * Dómine, memorábor justítiæ tuæ solíus.

Deus, docuísti me a juventúte mea : * et usque nunc pronuntiábo mirábilia tua.

Et usque in senéctam et sénium : * Deus, ne derelínquas me,

Donec annúntiem bráchium tuum * generatióni omni, quæ ventúra est :

Poténtiam tuam, et justítiam tuam, Deus, usque in altíssima, quæ fecísti magnália : * Deus, quis símilis tibi?

Quantas ostendísti mihi tribulatiónes multas et malas : et convérsus vivificásti me : * et de abyssis terræ íterum reduxísti me.

Multiplicásti magnificéntiam tuam : * et convérsus consolátus es me.

Nam et ego confitébor tibi in vasis psalmi veritátem tuam : * Deus, psallam tibi in cíthara, Sanctus Israël.

Exsultábunt lábia mea cum cantávero tibi : * et ánima mea, quam redemísti.

Sed et lingua mea tota die meditábitur justítiam tuam : * cum confúsi et revériti fúerint, qui quærunt mala mihi. †

Ant. Deus meus, éripe me de manu peccatóris.

V. Avertántur retrórsum et erubéscant. **R.** Qui cógitant mihi mala.

Hoc triduo post Versiculos Nocturnorum dicitur secreto Pater noster, nec pronuntiatur Et ne nos, nec dicitur Absolutio, neque dantur Benedictiones ante Lectiones.

In fine Lectionum non dicitur Tu autem, sed primæ tres Lectiones Jeremiæ terminantur ut infra.

Incipit Lamentatio
Jeremiæ Prophætæ

Lectio i **Cap. 1, 1-14**



Leph. Quómodo sedet sola cívitas plena pópulo : facta est quasi vídua dómína

géntium : princeps provinciárum facta est sub tribúto.

Beth. Plorans plorávit in nocte, et lácrimæ ejus in maxíllis ejus : non est qui consolétur eam ex ómnibus caris ejus : omnes amíci ejus spreverunt eam, et facti sunt ei inimíci.

Ghimel. Migrávit Judas propter afflictiónem, et multitúdinem servitútis : habitávit inter gentes, nec invénit réquiem : omnes persecutóres ejus apprehenderunt eam inter angústias.

Daleth. Viæ Sion lugent eo quod non sint qui véniant ad solemnitátem : omnes portæ ejus destrúctæ : sacerdótes ejus geméntes : vírgines ejus squálidæ, et ipsa opprèssa amaritúdine.

He. Facti sunt hostes ejus in cápite, inimíci ejus locupletáti sunt : quia Dóminus locútus est super eam propter multitúdinem iniquitátum ejus : párvuli ejus ducti sunt in captivitátem, ante fáciem tribulántis.

Jerúsalem, Jerúsalem, convertere ad Dóminum Deum tuum.

Sic terminantur Lectiones de Lamentationibus in hoc triduo.

✠. In monte Olivéti orávit ad Patrem : Pater, si

feri potest, tránseat a me calix iste : * Spíritus quidem promptus est, caro autem infirma. ✠. Vigílate, et oráte, ut non intrétis in tentatióem. — Spíritus.

Lectio ii

VAU. Et egréssus est a filia Sion omnis decor ejus : facti sunt príncipes ejus velut arietes non inveníentes páscua : et abiérunt absque fortitúdine ante fáciem subsequéntis.

Zain. Recordáta est Jerúsalem diérum afflictiónis suæ, et prævaricatiónis ómnium desiderábiliū suórum, quæ habúerat a diébus antíquis, cum caderet pópulus ejus in manu hostíli, et non esset auxiliátor : vidérunt eam hostes, et derisérunt sábbata ejus.

Heth. Peccátum peccávit Jerúsalem, propterea instábilis facta est : omnes, qui glorificábant eam, spreverunt illam, quia vidérunt ignomíniam ejus : ipsa autem gemens convérsa est retrórsum.

Teth. Sordes ejus in pédibus ejus, nec recordáta est finis sui : depósita est veheménter, non habens consolatórem : vide, Dómine, afflictiónem meam, quóniam eréctus est inimícus.

Jerúsalem, Jerúsalem,
convértere ad Dóminum
Deum tuum.

℟. Tristis est ánima mea
usque ad mortem : susti-
néte hic, et vigiláte me-
cum : nunc vidébitis tur-
bam, quæ circúmdabit
me : * Vos fugam capiétis,
et ego vadam immolári
pro vobis. ℣. Ecce appro-
pínquat hora, et Fílius
hóminis tradétur in manus
peccatórum. — Vos.

Lectio iii

IOD. Manum suam mi-
sit hostis ad ómnia
desiderabilia ejus : quia
vidit gentes ingræssas
sanctuárium suum, de
quibus præcéperas ne in-
trárent in ecclésiám tuam.

Caph. Omnis pópulus
ejus gemens, et quærens
panem : dedérunt pretiósas
quæque pro cibo ad refo-
cillándam ánimam. Vide,
Dómine, et considéra, quóniam
facta sum vilis.

Lamed. O vos omnes,
qui transítis per viam,
atténdite, et vidéte si est
dolor sicut dolor meus :
quóniam vindemiávit me,
ut locútus est Dóminus
in die iræ furóris sui.

Mem. De excélso misit
ignem in óssibus meis, et
erudívit me : expándit
rete pédibus meis, con-
vértit me retrórsus : pó-
suit me desolatam, tota
die mæróre conféctam.

Nun. Vigilávit jugum
iniquitátum meárum : in
manu ejus convolutæ sunt,
et impósitæ collo meo :
infirmáta est virtus mea :
dedit me Dóminus in ma-
nu, de qua non pótero
súrgere.

Jerúsalem, Jerúsalem,
convértere ad Dóminum
Deum tuum.

℟. Ecce vídimus eum non
habéntem spéciem, neque
decórem : aspéctus ejus in
eo non est : hic peccáta
nostra portávit, et pro
nobis dolet : ipse autem
vulnerátus est propter
iniquitátes nostras : * Cu-
jus livóre sanáti sumus.

℣. Vere languóres nostros
ipse tulit, et dolóres no-
stros ipse portávit. — Cu-
jus livóre. **E**cce vídimus.

In II Nocturno

Ant. Liberávit Dómi-
nus * páuperem a potén-
te, et ínopem, cui non erat
adjútor.

Psalmus 71



Eus, júdici-
um tuum
regi da : * et ju-
stítiam tuam fílio
regis :

Judicáre pópulum tuum
in justítia, * et páuperes
tuos in júdicio.

Suscípiant montes pa-
cem pópulo : * et colles
justítiam.

Judicábit páuperes pó-
puli, et salvos fáci-
et fílios

páuperum : * et humiliábit calumniatórem.

Et permanébit cum sole, et ante lunam, * in generatióne et generatióne.

Descéndet sicut plúvia in vellus : * et sicut stillicidia stillántia super terram.

Oriétur in diébus ejus justítia, et abundántia pacis : * donec auferátur luna.

Et dominábitur a mari usque ad mare : * et a flúmine usque ad términos orbis terrárum.

Coram illo prócident Æthíopes : * et inimíci ejus terram lingent.

Reges Tharsis, et insulæ múnera ófferent : * reges Arabum et Saba dona addúcent.

Et adorábunt eum omnes reges terræ : * omnes gentes sérvient ei :

Quia liberábit páuperem a poténte : * et páuperem, cui non erat adjútor.

Parcet páuperi et inopí : * et ánimas páuperum salvas fáciat.

Ex usúris et iniquitáte rédimet ánimas eórum : * et honorábile nomen eórum coram illo.

Et vivet, et dábitur ei de auro Arábiæ, et adorábunt de ipso semper : * tota die benedicént ei.

Et erit firmaméntum in terra in summis móntium, superextollétur super Lí-

banum fructus ejus : * et florébunt de civitáte sicut fœnum terræ.

Sit nomen ejus benedíctum in sácula : * ante solem pérmanet nomen ejus.

Et benedicéntur in ipso omnes tribus terræ : * omnes gentes magnificábunt eum.

Benedíctus Dóminus, Deus Israël, * qui facit mirabilia solus :

Et benedíctum nomen majestátis ejus in ætérnum : * et replébitur majestáte ejus omnis terra : fiat, fiat. †

Ant. Liberávit Dóminus páuperem a poténte, et inopem, cui non erat adjútor.

Ant. Cogitavérunt impíi, * et locúti sunt nequítiam : iniquitátem in excélsis locúti sunt.

Psalmus 72

QUam bonus Israël Deus, * his, qui recto sunt corde!

Mei autem pene moti sunt pedes : * pene effúsi sunt gressus mei.

Quia zelávi super iníquos, * pacem peccatórum videns.

Quia non est respéctus morti eórum : * et firmaméntum in plaga eórum.

In labóre hóminum non sunt, * et cum homínibus non flagellabúntur :

Ideo tenuit eos superbia, * operti sunt iniquitate et impietate sua.

Prædiit quasi ex adipē iniquitas eorum : * transierunt in affectum cordis.

Cogitaverunt, et locuti sunt nequitiam : * iniquitatem in excelsis locuti sunt.

Posuerunt in cælum os suum : * et lingua eorum transiit in terra.

Ideo convertetur populus meus hic : * et dies pleni inveniuntur in eis.

Et dixerunt : Quomodo scit Deus, * et si est scientia in excelsis?

Ecce ipsi peccatores, et abundantes in sæculo, * obtinuerunt divitias.

Et dixi : Ergo sine causa justificavi cor meum, * et lavi inter innocentes manus meas :

Et fui flagellatus tota die, * et castigatio mea in matutinis.

Si dicebam : Narrabo sic : * ecce nationem filiorum tuorum reprobavi.

Existimabam ut cognoscerem hoc, * labor est ante me :

Donec intrem in Sanctuarium Dei : * et intelligam in novissimis eorum.

Verumtamen propter dolos posuisti eis : * deiecisti eos dum allevarentur.

Quomodo facti sunt in desolationem, subito defe-

cerunt : * perierunt propter iniquitatem suam.

Velut somnium surgentium, Domine, * in civitate tua imaginem ipsorum ad nihilum rediges.

Quia inflammatum est cor meum, et renes mei commutati sunt : * et ego ad nihilum redactus sum, et nescivi.

Ut jumentum factus sum apud te : * et ego semper tecum.

Tenuisti manum dexteram meam : et in voluntate tua deduxisti me, * et cum gloria suscepisti me.

Quid enim mihi est in cælo? * et a te quid volui super terram?

Defecit caro mea, et cor meum : * Deus cordis mei, et pars mea Deus in æternum.

Quia ecce qui elongant se a te, peribunt : * perdidisti omnes, qui fornicantur abs te.

Mihi autem adhærere Deo bonum est : * pñnere in Domino Deo spem meam :

Ut annuntiem omnes prædicationes tuas, * in portis filiae Sion. †

Ant. Cogitaverunt impii, et locuti sunt nequitiam : iniquitatem in excelsis locuti sunt.

Ant. Exsúrge, Domine, * et júdica causam meam.

Psalmus 73

UT quid, Deus, repulisti in finem : * irátus est furor tuus super oves páscuæ tuæ?

Memor esto congregatiónis tuæ, * quam possedisti ab iníitio.

Redemisti virgam hereditátis tuæ : * mons Sion, in quo habitásti in eo.

Leva manus tuas in superbias eórum in finem : * quanta malignátus est inimicus in sancto!

Et gloriáti sunt qui odérunt te : * in médio solemnitátis tuæ.

Posuerunt signa sua, signa : * et non cognoverunt sicut in éxitu super summum.

Quasi in silva lignórum secúribus exciderunt jánuas ejus in idípsum : * in secúri et áscia dejecerunt eam.

Incenderunt igni Sanctuárium tuum : * in terra polluerunt tabernáculum nóminis tui.

Dixerunt in corde suo cognátio eórum simul : * Quiéscere faciámus omnes dies festos Dei a terra.

Signa nostra non vídimus, jam non est prophéta : * et nos non cognóscet ámplius.

Usquequo, Deus, impropérabit inimicus : * irritat adversárius nomen tuum in finem?

Ut quid avértis manum tuam, et dexteram tuam, * de médio sinu tuo in finem?

Deus autem Rex noster ante sácula : * operátus est salútem in médio terræ.

Tu confirmásti in virtúte tua mare : * contribulásti cápita draconum in aquis.

Tu confregisti cápita draconis : * dedisti eum escam pópulis Æthiopum.

Tu dirupísti fontes, et torréntes : * tu siccásti flúvios Ethan.

Tuus est dies, et tua est nox : * tu fabricátus es auróram et solem.

Tu fecísti omnes términos terræ : * æstátem et ver tu plasmásti ea.

Memor esto hujus, inimicus impropéravit Dómino : * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas páuperum tuórum ne obliviscáris in finem.

Réspice in testaméntum tuum : * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : * pauper et inops laudábunt nomen tuum.

Exsúrge, Deus, júdica causam tuam : * memor esto impropériórum tuórum, eórum quæ ab insipiente sunt tota die.

Ne obliviscáris voces inimicórum tuórum : * supérbia eórum, qui te odérunt, ascéndit semper. †

Ant. Exsúrge, Dómine, et júdica causam meam.

℟. Deus meus, éripe me de manu peccatóris. ℟. Et de manu contra legem agéntis et iníqui.

Pater noster **secreto.**

Ex Tractátu sancti Augustíni Epíscopi super Psalmos

In Psalm. 54 ad 1 vers.

Lectio iv



Xáudi, Deus, orationem meam, et ne despéxeris deprecationem meam : inténde mihi, et exáudi me. Satagéntis, solliciti, in tribulatione pósiti, verba sunt ista. Orat multa pátiens, de malo liberári desíderans. Súperest ut videámus in quo malo sit : et cum dicere cœperit, agnoscámus ibi nos esse : ut communicáta tribulatione, jungámus orationem. Contristátus sum, inquit, in exercitacione mea, et conturbátus sum. Ubi contristátus? ubi conturbátus? In exercitacione mea, inquit. Hómines malos, quos pátitur, commemorátus est : eamdémque passionem malórum hóminum exercitacionem suam

dixit. Ne putétis gratis esse malos in hoc mundo, et nihil boni de illis ágere Deum. Omnis malus aut ideo vivit, ut corrigátur; aut ideo vivit, ut per illum bonus exerceátur.

℟. Amícus meus ósculi me trádidit signo : Quem osculátus fúero, ipse est, tenéte eum : hoc malum fecit signum, qui per ósculum adimplévit homicidium. * Infélix prætermisit prétium sánguinis, et in fine láqueo se suspéndit. ℟. Bonum erat ei, si natus non fuisset homo ille. — Infélix.

Lectio v

UTinam ergo qui nos modo exércent, convertántur, et nobíscum exerceántur : tamen quámdiu ita sunt ut exerceant, non eos odérimus : quia in eo quod malus est quis eórum, utrum usque in finem perseveratúrus sit, ignorámus. Et plerúmque cum tibi vidéris odísse inimicum, fratrem odísti, et nescis. Diábolus, et ángeli ejus in Scriptúris sanctis manifestáti sunt nobis, quod ad ignem ætérnum sint destináti. Ipsórum tantum desperánda est corréctio, contra quos habémus occúltam luctam : ad quam luctam nos armat Apóstolus, di-

cens : Non est nobis colluctatio adversus carnem et sanguinem : id est, non adversus homines, quos videtis, sed adversus principes, et potestates, et rectores mundi, tenebrarum harum. Ne forte cum dixisset, mundi, intelligeres daemones esse rectores cœli et terræ. Mundi dixit, tenebrarum harum : mundi dixit, amatorum mundi : mundi dixit, impiorum et iniquorum : mundi dixit, de quo dicit Evangelium : Et mundus eum non cognovit.

℟. Judas mercator pessimus osculo petiit Dominum : ille ut agnus innocens non negavit Judæ osculum : * Denariorum numero Christum Judæis tradidit. ℣. Melius illi erat, si natus non fuisset. — Denariorum.

Lectio vi

Quoniam vidi iniquitatem et contradictionem in civitate. Attende gloriam crucis ipsius. Jam in fronte regum crux illa fixa est, cui inimici insultaverunt. Effectus probavit virtutem : domuit orbem non ferro, sed ligno. Lignum crucis contumeliis dignum visum est inimicis, et ante ipsum lignum stantes caput agitabant, et dicebant : Si Filius Dei

est, descendat de cruce. Extendebat ille manus suas ad populum non credentem, et contradicentem. Si enim justus est, qui ex fide vivit; iniquus est, qui non habet fidem. Quod ergo hic ait, iniquitatem : perfidiam intellige. Videbat ergo Dominus in civitate iniquitatem et contradictionem, et extendebat manus suas ad populum non credentem, et contradicentem : et tamen et ipsos expectans dicebat : Pater, ignosce illis, quia nesciunt quid faciunt.

℟. Unus ex discipulis meis tradet me hodie : Væ illi per quem tradar ego : * Melius illi erat, si natus non fuisset. ℣. Qui intingit mecum manum in paropside, hic me traditurus est in manus peccatorum. — Melius. Unus.

In III Nocturno

Ant. Dixi iniquis : * Nolite loqui adversus Deum iniquitatem.

Psalmus 74

Confitebimur tibi, Deus : * confitebimur, et invocabimus nomen tuum.

Narrabimus mirabilia tua : * cum accipero tempus, ego justitias judicabo.

Liquefacta est terra, et omnes qui habitant in ea : * ego confirmavi columnas ejus.

Dixi iniquis : Nolite inique agere : * et delinquentibus : Nolite exaltare cornu :

Nolite extollere in altum cornu vestrum : * nolite loqui adversus Deum iniquitatem.

Quia neque ab Oriente, neque ab Occidente, neque a desertis montibus : * quoniam Deus judex est.

Hunc humiliat, et hunc exaltat : * quia calix in manu Domini vini meri plenus misto.

Et inclinavit ex hoc in hoc : verumtamen fœx ejus non est exinanita : * bibent omnes peccatores terræ.

Ego autem annuntiabo in sæculum : * cantabo Deo Jacob.

Et omnia cornua peccatorum confringam : * et exaltabuntur cornua iusti. †

Ant. Dixi iniquis : Nolite loqui adversus Deum iniquitatem.

Ant. Terra tremuit * et quievit, dum exurgeret in iudicio Deus.

Psalmus 75

Notus in Judæa Deus : * in Israël magnum nomen ejus.

Et factus est in pace locus ejus : * et habitatio ejus in Sion.

Ibi confrégit poténtias arcuum, * scutum, gladium, et bellum.

Illuminans tu mirabiliter a montibus æternis : * turbati sunt omnes insipientes corde.

Dormierunt somnum suum : * et nihil invenérunt omnes viri divitiarum in manibus suis.

Ab increpatione tua, Deus Jacob, * dormitaverunt qui ascenderunt equos.

Tu terribilis es, et quis resistet tibi? * ex tunc ira tua.

De cælo auditum fecisti iudicium : * terra tremuit et quievit,

Cum exurgeret in iudicium Deus, * ut salvos faceret omnes mansuetos terræ.

Quoniam cogitatio hominis confitebitur tibi : * et reliquiae cogitationis diem festum agent tibi.

Vovete, et reddite Domino, Deo vestro : * omnes, qui in circuitu ejus affertis mûnera.

Terribili et ei qui aufert spiritum principum, * terribili apud reges terræ. †

Ant. Terra tremuit et quievit, dum exurgeret in iudicio Deus.

Ant. In die tribulatió-
nis * meæ Deum exquisívi
mánibus meis.

Psalmus 76

VOce mea ad Dóminum
clamávi : * voce mea
ad Deum, et inténdit mi-
hi.

In die tribulatiónis meæ
Deum exquisívi, mánibus
meis nocte contra eum : *
et non sum decéptus.

Rénuit consolári ánima
mea, * memor fui Dei, et
delectátus sum, et exerci-
tátus sum : et defécit spí-
ritus meus.

Anticipavérunt vigílias
óculi mei : * turbátus
sum, et non sum locútus.

Cogitávi dies antíquos : *
et annos ætérnos in mente
hábui.

Et meditátus sum nocte
cum corde meo, * et exer-
citábar, et scopébam spí-
ritum meum.

Numquid in ætérnum
projíciet Deus : * aut non
appónet ut complacítior
sit adhuc?

Aut in finem misericór-
diam suam abscíndet, * a
generatióne in generatió-
nem?

Aut obliviscétur miseréri
Deus? * aut continébit
in ira sua misericórdias
suas?

Et dixi : Nunc cœpi : *
hæc mutátio dexteræ Ex-
célsi.

Memor fui óperum Dó-
mini : * quia memor ero ab
inítio mirabílium tuórum.

Et meditábor in ómnibus
opéribus tuis : * et in
adinventiúnibus tuis exer-
cébor.

Deus, in sancto via tua :
quis Deus magnus sicut
Deus noster? * tu es Deus
qui facis mirabília.

Notam fecisti in pópulis
virtútem tuam : * redemí-
sti in bráchio tuo pópulum
tuum, filios Jacob, et Jo-
seph.

Vidérunt te aquæ, Deus,
vidérunt te aquæ : * et ti-
muérunt, et turbátæ sunt
abýssi.

Multitúdo sónitus aquá-
rum : * vocem dedérunt
nubes.

Etenim sagíttæ tuæ
tránseunt : * vox tonítrui
tui in rota.

Illuxérunt coruscationes
tuæ orbi terræ : * com-
móta est, et contrémuit
terra.

In mari via tua, et sémi-
tæ tuæ in aquis multis : *
et vestígia tua non cogno-
scéntur.

Deduxísti sicut oves pó-
pulum tuum, * in manu
Móysi et Aaron. †

Ant. In die tribulatiónis
meæ Deum exquisívi má-
nibus meis.

℣. Exsúrge, Dómine. ℟. Et
júdica causam meam.

Pater noster **secreto.**

De Epístola prima
beáti Pauli Apóstoli
ad Corínthios

Lectio vii Cap. 11, 17-34

QUOC autem præcipio : non laudans quod non in melius, sed in detériorius convenitis. Primum quidem convenientibus vobis in Ecclesiam, áudio scissúras esse inter vos, et ex parte credo. Nam opórtet et hæreses esse, ut et qui probáti sunt, manifesti fiant in vobis. Convenientibus ergo vobis in unum, jam non est Domínicam cœnam manducáre. Unusquisque enim suam cœnam præsumit ad manducándum. Et álius quidem ésurit, álius autem ébrius est. Numquid domos non habétis ad manducándum et bibéndum? aut Ecclesiam Dei contémnitis, et confúnditis eos, qui non habent? Quid dicam vobis? Laudo vos? In hoc non laudo.

✠. Eram quasi agnus innocens : ductus sum ad immolándum, et nesciebam : consílium fecerunt inimíci mei advérsus me, dicéntes : * Veníte, mitámus lignum in panem ejus, et eradámus eum de terra vivéntium. ✠. Omnes inimíci mei advérsus me cogitábant mala mihi :

verbum iníquum mandavérunt advérsus me, dicéntes. — Veníte.

Lectio viii

EGO enim accépi a Dómino quod et trádidi vobis, quóniam Dóminus Jesus, in qua nocte tradebátur, accépit panem, et grátias agens fregit, et dixit : Accípите, et manducáte : hoc est corpus meum, quod pro vobis tradétur : hoc fácite in meam commemoratióem. Simíliter et cálicem, postquam cœnávit, dicens : Hic calix novum testaméntum est in meo sáanguine : hoc fácite quotiescúmque bibétis, in meam commemoratióem. Quotiescúmque enim manducábitis panem hunc, et cálicem bibétis, mortem Dómini annuntiábitis donec véniat.

✠. Una hora non potuístis vigiláre mecum, qui exhortabámini mori pro me? * Vel Judam non vidétis, quómodo non dormit, sed festínat trádere me Judæis? ✠. Quid dormítis? súrgite, et oráte, ne intrétis in tentatióem. — Vel.

Lectio ix

ITaque quicúmque manducáverit panem hunc, vel bíberit cálicem Dómini

indigne, reus erit corporis et sanguinis Domini. Probet autem seipsum homo : et sic de pane illo edat, et de cálice bibat. Qui enim manducat et bibit indigne, iudicium sibi manducat et bibit, non dijudicans corpus Domini. Ideo inter vos multi infirmi et imbecilles, et dormiunt multi. Quod, si nosmetipsos dijudicáremus, non útique judicáremur. Dum judicámur autem, a Domino corripi-mur, ut non cum hoc mundo damnémur. Itaque, fratres mei, cum convenitis ad manducándum, invicem exspectáte. Si quis ésurit, domi mandúcet : ut non in iudicium conveniátis. Cétera autem, cum vénero, dispónam.

℟. Seniores pópuli consílium fecerunt, * Ut Jesum dolo tenérent, et occíderent : cum gládiis et fústibus exiérunt tamquam ad latrónem. ℣. Collegérunt pontífices et pharisæi concílium. — Ut. Seniores.

Si Matutinum, hodie vel biduo sequenti, extra Chorum a Laudibus, separetur, subjungitur Oratio Réspice, quæsumus, Domine, ut infra 466; et Laudes, dictis secreto Pater noster et Ave María, absolute a prima Antiphona incipiuntur.

AD LAUDES

Ant. 1 Justificéris, Domine, * in sermónibus tuis, et vincas cum judicáris.

Psalmi de Feria 2 loco. 223

2 Dóminus * tamquam ovis ad víctimam ductus est, et non apéruit os suum.

3 Contrítum est * cor meum in médio mei, contremuérunt ómnia ossa mea.

4 Exhortátus es * in virtúte tua, et in refectióne sancta tua, Domine.

5 Oblátus est * quia ipse vóluit, et peccáta nostra ipse portávit.

Capitulum et Hymnus non dicuntur hoc triduo.

℣. Homo pacis meæ, in quo sperávi. ℟. Qui edébat panes meos, ampliávit advérsus me supplantatió-nem.

Ad Bened. Ant. Tráditor autem * dedit eis signum, dicens : Quem osculátus fúero, ipse est, tenéte eum.

Canticum Zachariæ

Luc. 1, 68-79

Benedíctus Dóminus, Deus Israël, * quia visitávit, et fecit redempti-ónem plebis suæ :

Et eréxit cornu salútis nobis : * in domo David, púeri sui.

Sicut locutus est per os sanctórum, * qui a sæculo sunt, prophetárum ejus :

Salútem ex inimícis nostris, * et de manu ómnium, qui odérunt nos :

Ad faciéndam misericórdiam cum pátribus nostris : * et memorári testamenti sui sancti.

Jusjurándum, quod jurávit ad Abraham, patrem nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi.

In sanctitáte, et justítia coram ipso, * ómnibus diébus nostris.

Et tu, puer, Prophéta Altíssimi vocáberis : * præíbis enim ante faciém Dómini paráre vias ejus :

Ad dandam sciéntiam salútis plebi ejus : * in remissionem peccatórum eórum:

Per víscera misericórdiæ Dei nostri : * in quibus visitávit nos, óriens ex alto :

Illumináre his, qui in ténebris, et in umbra mortis sedent : * ad dirigendos pedes nostros in viam pacis. †

Ant. Tráditor autem dedit eis signum, dicens : Quem osculátus fúero, ipse est, tenéte eum.

Interim dum dicitur Canticum Benedictus, extinctis prius omnibus candelis in

candelabro triangulari, præter unam, quæ posita est in summitate candelabri, exstinguuntur paulatim sex candelæ positæ a principio supra altare, ita ut in ultimo versu exstinguatur ultima candela; similiter exstinguuntur lampades et luminaria per ecclesiam. Cum repetitur Antiphona Tráditor, accipitur suprema candela ex candelabro et absconditur sub altari in cornu Epistolæ.

Repetita Antiphona post Benedictus, dicitur :

Ant. Christus factus est pro nobis obédiens usque ad mortem.

Secunda nocte additur :

Mortem autem crucis.

Tertia nocte additur :

Propter quod et Deus exaltávit illum, et dedit illi nomen, quod est super omne nomen.

Et sic dicitur etiam per omnes Horas diei.

Cum incipitur Antiphona Christus factus est, omnes genuflectunt : **et ea finita, dicitur Pater noster totum sub silentio. Postea aliquantulum altius sequens**

Psalmus 50

Miserére mei Deus, * secúndum magnam misericórdiam tuam.

Et secúndum multitudinem miserationum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognóscō : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim in iniquitátibus concéptus sum : * et in peccátis concépit me mater mea.

Ecce enim veritátem dilexísti : * incérta et occúlta sapiéntiæ tuæ manifestásti mihi.

Aspérget me hyssópo, et mundábor : * lavábis me, et super nivem dealbábor.

Audítui meo dabis gáudium et lætítiam : * et exsultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutaris tui : * et spíritu principáli confirma me.

Docébo iníquos vias tuas : * et impii ad te converténtur.

Líbera me de sanguínibus, Deus, Deus salútis

meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluisses sacrificium, dedissem úti que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta : * tunc impónent super altáre tuum vítulos. †

Quo finito sine Orémus dicatur simili voce

Oratio

Respice, quæsumus, Dómine, super hanc familiam tuam, pro qua Dóminus noster Jesus Christus non dubitávit mánibus tradi nocéntium, et crucis subíre torméntum : *sed Qui tecum dicitur sub silentio.*

Sic terminantur omnes Horæ in hoc triduo, usque ad Nonam Sabbati sancti inclusive. Ad Laudes tamen, finita Oratione, fit fragor et strepitus aliquantulum : mox profertur candela accensa de sub altari, et omnes surgunt, et cum silentio discedunt.

AD HORAS

Prima, Tertia, Sexta et Nonâ, hoc triduo, dictis secreto Pater noster, Ave Mariâ et ad Primam Credo, absolute inchoantur a Psalmis, qui erunt de Dominica, ad Primam tamen ut in Festis : quibus finitis, dicitur Antiphona Christus factus est, cum reliquis ut supra ad Laudes. 465

Et ad Primam non legitur Martyrologium, nec dicuntur cetera omnia usque ad finem Horæ.

AD VESPERAS

Hodie et die sequenti, dictis secreto Pater noster et Ave Mariâ, Vesperæ inchoantur absolute a prima Antiphona sine cantu.

Ant. Cálicem * salutáris accípiam, et nomen Dómini invocábo.

Psalmus 115



Rédidi, propter quod locútus sum : * ego autem humiliátus sum nimis.

Ego dixi in excéssu meo * Omnis homo mendax.

Quid retríbuam Dómino, * pro ómnibus, quæ retríbuit mihi?

Cálicem salutáris accípiam : * et nomen Dómini invocábo.

Vota mea Dómino reddam coram omni pópulo ejus : * pretiósa in conspéctu Dómini mors sanctórum ejus :

O Dómine, quia ego servus tuus : * ego servus tuus, et fílius ancillæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem. †

Ant. Cálicem salutáris accípiam, et nomen Dómini invocábo.

Ant. Cum his, * qui odérunt pacem, eram pacíficus : dum loquébar illis, impugnábant me gratis.

Psalmus 119

AD Dóminum cum tribulárer clamávi : * et exaudivit me.

Dómine, libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum íncola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis. †

Ant. Cum his, qui odérunt pacem, eram pacíficus : dum loquébar illis, impugnábant me gratis.

Ant. Ab homínibus * iníquis líbera me, Dómine.

Psalmus 139

ERipe me, Dómine, ab hómine malo : * a viro iníquo éripe me.

Qui cogitavérunt iniquitátes in corde : * tota die constituébant prália.

Acuérunt linguas suas sicut serpéntis : * venénium áspidum sub lábiis eórum.

Custódi me, Dómine, de manu peccatóris : * et ab homínibus iníquis éripe me.

Qui cogitavérunt supplantáre gressus meos : * abscondérunt supérbi láqueum mihi :

Et funes extendérunt in láqueum : * juxta iter scándalum posuérunt mihi.

Dixi Dómino : Deus meus es tu : * exáudi, Dómine, vocem deprecationis meæ.

Dómine, Dómine, virtus salútis meæ : * obumbrásti super caput meum in die belli.

Ne tradas me, Dómine, a desidério meo peccatóri : * cogitavérunt contra me, ne derelínquas me, ne forte exalténtur.

Caput circúitus eórum : * labor labiórum ipsórum opériet eos.

Cadent super eos carbónes, in ignem dejícies eos : * in misériis non subsístent.

Vir linguósus non dirigétur in terra : * virum iníustum mala cápient in intéritu.

Cognóvi quia fáciet Dóminus judícium inopis : * et vindíctam páuperum.

Verúmtamen justi confitebúntur nómini tuo : * et habitábunt recti cum vultu tuo. †

Ant. Ab homínibus iníquis líbera me, Dómine.

Ant. Custódi me * a láqueo, quem statuérunt mihi, et a scándalis operántium iniquitátem.

Psalmus 140

Domine, clamávi ad te, exáudi me : * inténde voci meæ, cum clamávero ad te.

Dirigátur orátio mea sicut incénsum in conspéctu tuo : * elevátio mánuum meárum sacrificium vespertínium.

Pone, Dómine, custódiam ori meo : * et óstium circumstántiæ lábiis meis.

Non declínes cor meum in verba malítiæ, * ad excusándas excusatiónes in peccátis.

Cum hominibus operantibus iniquitatem : * et non communicabo cum electis eorum.

Corripiet me justus in misericordia, et increpabit me : * oleum autem peccatoris non impinguet caput meum.

Quoniam adhuc et oratio mea in beneplacitis eorum : * absorpti sunt juncti petrae iudices eorum.

Audient verba mea quoniam potuerunt : * sicut crassitudo terrae erupta est super terram.

Dissipata sunt ossa nostra secus infernum : * quia ad te, Domine, Domine, oculi mei : in te speravi, non auferas animam meam.

Custodi me a laqueo, quem statuerunt mihi : * et a scandalis operantium iniquitatem.

Cadent in retiaculo ejus peccatores : * singulariter sum ego donec transeam. †

Ant. Custodi me a laqueo, quem statuerunt mihi, et a scandalis operantium iniquitatem.

Ant. Considerabam * ad dexteram, et videbam, et non erat qui cognosceret me.

Psalmus 141

Voce mea ad Dominum clamavi : * voce mea ad Dominum deprecatus sum :

Effundo in conspectu ejus orationem meam, * et tribulationem meam ante ipsum pronuntio.

In deficiendo ex me spiritum meum, * et tu cognovisti semitas meas.

In via hac, qua ambulabam, * absconderunt laqueum mihi.

Considerabam ad dexteram, et videbam : * et non erat qui cognosceret me.

Periit fuga a me, * et non est qui requirat animam meam.

Clamavi ad te, Domine, * dixi : Tu es spes mea, portio mea in terra viventium.

Intende ad deprecationem meam : * quia humiliatus sum nimis.

Libera me a persecutibus me : * quia confortati sunt super me.

Educ de custodia animam meam ad confitendum nomini tuo : * me expectant justi, donec retribuas mihi. †

Ant. Considerabam ad dexteram, et videbam, et non erat qui cognosceret me.

Capitulum, Hymnus et ✕.
non dicuntur in hoc triduo.

Feria V in Cœna Domini

Ad Magnif. Ant. Cœnantibus autem illis, * accepit Jesus panem, et benedixit, ac fregit, deditque discipulis suis.

Feria VI in Parasceve

Ad Magnif. Ant. Cum accepisset acétum, * dixit : Consummátum est : et inclináto cápite, emísit spíritum.

Canticum B. Mariæ Virg.

Luc. 1, 46-55

Magnificat * ánima mea Dóminum :

Et exsultávit spíritus meus * in Deo, salutári meo.

Quia respéxit humilitátem ancillæ suæ : * ecce enim ex hoc beátam me dicent omnes generatiónes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo : * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis : * et dívites dimísit inánés.

Suscépit Israël, púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula. †

Repetitur Antiphona, ut supra.

Ant. Christus factus est **cum reliquis, ut supra. 465**

AD COMPLETORIUM

Non dicitur Jube, domne, **nec Lectio brevis, nec Adju-tórium, neque Oratio Domi-nica :** sed, facta Confessione et Absolutione, statim inchoantur Psalmi, qui erunt de Dominica ut in Psalterio 76, et post Psalmos immediate dicitur Nunc dimíttis, deinde Antiphona Christus factus est **cum reliquis, ut supra ad Laudes. 465**

Fe'ria sexta in Parascebe


DUPLEX II CLASSIS

AD MATUTINUM

In I Nocturno

Ant. Astitérunt reges terræ, * et principes convenérunt in unum advérsus Dóminum, et advérsus Christum ejus.

Psalmus 2

 Uare fremuérunt gentes, * et pópuli meditáti sunt inánia?

Astitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam términos terræ.

Reges eos in virga férrea, * et tamquam vas figuli confrínges eos.

Et nunc, reges, intelligite : * erudímini, qui judicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

† **Omíttitur** Glória Patri.

Ant. Astitérunt reges terræ, et principes convenérunt in unum advérsus Dóminum, et advérsus Christum ejus.

Ant. Divisérun't sibi * vestiménta mea, et super vestem meam misérunt sortem.

Psalmus 21

DEus, Deus meus, respice in me : quare me dereliquísti? * longe a salúte mea verba delictórum meórum.

Deus meus, clamábo per diem, * et non exáudies : * et nocte, et non ad insipiéntiam mihi.

Tu autem in sancto hábitas, * laus Israël.

In te speravérunt patres nostri : * speravérunt, et liberásti eos.

Ad te clamavérunt, et salvi facti sunt : * in te speravérunt, et non sunt confúsi.

Ego autem sum vermis, et non homo : * opprobrium hóminum, et abjéctio plebis.

Omnes vidéntes me, derisérunt me : * locúti sunt lábiis, et movérunt caput.

Sperávit in Dómino, erípiat eum : * salvum fáciat eum, quóniam vult eum.

Quóniam tu es, qui extraxísti me de ventre : * spes mea ab ubéribus matris meæ. In te proyéctus sum ex útero :

De ventre matris meæ Deus meus es tu, * ne discésseris a me :

Quóniam tribulátio próxima est : * quóniam non est qui ádjuvet.

Circumdedérunt me vítuli multi : * tauri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum : * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis : * et in púlverem mortis deduxísti me.

Quóniam circumdedérunt me canes multi : * concílium malignántium obsédit me.

Foderunt manus meas et pedes meos : * dinumeravérunt ómnia ossa mea.

Ipsi vero consideravérunt et inspexérunt me : * divisérunt sibi vestiménta mea, et super vestem meam misérunt sortem.

Tu autem, Dómine, ne elongáveris auxílium tuum a me : * ad defensiónem meam cónspecte.

Erue a frámea, Deus, ánimam meam : * et de manu canis únicam meam :

Salva me ex ore leónis : * et a cónibus unicórnium humilitátem meam.

Narrábo nomen tuum frátribus meis : * in médio ecclésiæ laudábo te.

Qui timétis Dóminum, laudáte eum : * univérsum semen Jacob, glorificáte eum.

Tímeat eum omne semen Israël : * quóniam non sprexit, neque despéxit deprecationem páuperis :

Nec avértit faciém suam a me : * et cum clamárem ad eum, exaudivit me.

Apud te laus mea in ecclesia magna : * vota mea reddam in conspectu timéntium eum.

Edent páuperes, et saturabúntur : et laudábunt Dóminum qui requíruunt eum : * vivent corda eórum in sáeculum sáeculi.

Reminiscéntur et converténtur ad Dóminum * univérsi fines terræ :

Et adorábunt in conspectu ejus * univérsæ famíliæ géntium.

Quóniam Dómini est regnum : * et ipse dominábitur géntium.

Manducavérunt et adoravérunt omnes pingues terræ : * in conspectu ejus cadent omnes qui descéndunt in terram.

Et ánima mea illi vivet : * et semen meum sérviet ipsi.

Annuntiábitur Dómino generátio ventúra : * et annuntiábunt cæli justítiam ejus pópulo qui nascétur, quem fecit Dóminus. †

Ant. Divisérunt sibi vestiménta mea, et super vestem meam misérunt sortem.

Ant. Insurrexérunt in me * testes iníqui, et mentísta est iníquitas sibi.

Psalmus 26

Dóminus illuminátio mea, et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes, * ut edant carnes meas :

Qui tríbulant me inimíci mei, * ipsi infirmáti sunt, et cecidérunt.

Sí consístant advérsus me castra, * non timébit cor meum.

Si exsúrgat advérsus me prælium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ :

Ut vídeam voluptátem Dómini, * et vísitem templum ejus.

Quóniam abscondit me in tabernáculo suo : * in die malórum protéxit me in abscondito tabernáculi sui.

In petra exaltávit me : * et nunc exaltávit caput meum super inimícos meos.

Circuíví, et immolávi in tabernáculo ejus hóstiam vociferatiónis : * cantábo, et psalmum dicam Dómino.

Exáudi, Dómine, vocem meam, qua clamávi ad te : * miserére mei, et exáudi me.

Tibi dixit cor meum, exquísívit te fácies mea : * faciém tuam, Dómine, requíram.

Ne avértas fáciem tuam a me : * ne declínes in ira a servo tuo.

Adjútor meus esto : * ne derelínquas me, neque despicias me, Deus, salutaris meus.

Quóniam pater meus, et mater mea dereliquerunt me : * Dóminus autem assumpsit me.

Legem pone mihi, Dómine, in via tua : * et dirige me in sémitam rectam propter inimicos meos.

Ne tradideris me in animas tribulántium me : * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Exspécta Dóminum, viríliter age : * et confortetur cor tuum, et sústine Dóminum. †

Ant. Insurrexérunt in me testes iníqui, et mentíta est iníquitas sibi.

℣. Divisérunt sibi vestimenta mea. ℞. Et super vestem meam misérunt sortem.

Pater noster **secreto.**

De Lamentatióne Jeremiæ
Prophétæ

Lectio i Cap. 2, 8-15



Eth. Cogitávit Dóminus dissipáre murum filíæ Sion : teténdit funículum suum,

et non avértit manum suam a perditiónē : luxítque antemurále, et murus páriter dissipátus est.

Teth. Defixæ sunt in terra portæ ejus : pérdidit, et contrívit vectes ejus : regem ejus et príncipes ejus in géntibus : non est lex, et prophétæ ejus non invénérunt visióne a Dómino.

Jod. Sedérunt in terra, conticuérunt senes filíæ Sion : conspersérunt cinere cápita sua, accínti sunt ciliciis, abjecérunt in terram cápita sua vírgines Jerúsalem.

Caph. Defecérunt præ lácrimis óculi mei, conturbáta sunt víscera mea : effúsum est in terra jecur meum super contritióne filíæ pópuli mei, cum deficeret párvulus et lactens in platéis óppidi.

Jerúsalem, Jerúsalem, convértere ad Dóminum Deum tuum.

℞. Omnes amíci mei dereliquerunt me, et prævaluérunt insidiántes mihi : trádidit me quem diligébam : * Et terribílibus óculis plaga crudéli percutiéntes, acéto potábant me. ℣. Inter iníquos projecérunt me, et non pepercérunt animæ meæ. — Et.

Lectio ii

L Amed. Mátribus suis dixerunt : Ubi est tríticum et vinum? cum defi-

cerent quasi vulneráti in platéis civitátis : cum exhalárent ánimas suas in sinu matrum suárum.

Mem. Cui comparábo te? vel cui assimilábo te, filia Jerúsalem? cui exæquábo te, et consolábor te, virgo filia Sion? Magna est enim velut mare contrítio tua : quis medébitur tui?

Nun. Prophétæ tui vidérunt tibi falsa et stulta, nec aperiébant iniquitátem tuam, ut te ad pœniténtiam provocárent : vidérunt autem tibi assúptiones falsas, et ejectiones.

Samech. Plausérunt super te mánibus omnes transeúntes per viam : sibilavérunt, et movérunt caput suum super filiam Jerúsalem : Hæccine est urbs, dicéntes, perfécti decóris, gáudium univérsæ terræ?

Jerúsalem, Jerúsalem, convertere ad Dóminum Deum tuum.

℟. Velum templi scissum est, * Et omnis terra tremuit : latro de cruce clamábat, dicens : Meménto mei, Dómine, dum véneris in regnum tuum. ℣. Petræ scissæ sunt, et monuménta apérta sunt, et multa córpora sanctórum, qui dormierant, surrexérunt. — Et.

Lectio iii Cap. 3, 1-9

Aleph. Ego vir videns paupertátem meam in virga indignationis ejus.

Aleph. Me minávit, et addúxit in ténebras, et non in lucem.

Aleph. Tantum in me vertit, et convértit manum suam tota die.

Beth. Vetústam fecit pellem meam, et carnem meam, contrívit ossa mea.

Beth. Ædificávit in gyro meo, et circúmdedit me felle et labóre.

Beth. In tenebrósis collocávit me, quasi mórtuos sempitérnos.

Ghimel. Circumædificávit advérsus me, ut non egrédia : aggravávit cómpedem meum.

Ghimel. Sed et, cum clamávero et rogávero, exclúsit orationem meam.

Ghimel. Conclúsit vias meas lapídibus quadris, sémitas meas subvértit.

Jerúsalem, Jerúsalem, convertere ad Dóminum Deum tuum.

℟. Vinea mea elécta, ego te plantávi : * Quómodo convérsa es in amaritúdinem, ut me crucifigeres et Barábbam dimitteres? ℣. Sepívi te, et lápidés elégi ex te, et ædificávi turrim. — Quómodo. Vinea.

In II Nocturno

Ant. Vim faciébant * qui
quærébant ánimam meam.

Psalmus 37



Domine, ne in furóre
tuo árguas me, *
neque in ira tua
corrípias me.

Quóniam sagíttæ tuæ in-
fixæ sunt mihi : * et con-
firmásti super me manum
tuam.

Non est sánitas in carne
mea a fácie iræ tuæ : * non
est pax óssibus meis a fá-
cie peccatórum meórum.

Quóniam iniquitátes meæ
supergréssæ sunt caput
meum : * et sicut onus
grave gravátæ sunt super
me.

Putruérunt et corrúptæ
sunt cicatríces meæ, * a
fácie insipiéntiæ meæ.

Miser factus sum, et
curvátus sum usque in
finem : * tota die contri-
státus ingrediébar.

Quóniam lumbi mei im-
pléti sunt illusió nibus : *
et non est sánitas in carne
mea.

Afflíctus sum, et humi-
liátus sum nimis : * rugié-
bam a gémitu cordis mei.

Dómine, ante te omne
desidérium meum : * et
gémitus meus a te non est
absconditus.

Cor meum conturbátum
est, derelíquit me virtus

mea : * et lumen oculórum
meórum, et ipsum non est
mecum.

Amíci mei, et próximi
mei * advérsus me appro-
pinquavérunt et stetérunt.

Et qui juxta me erant, de
longe stetérunt : * et vim
faciébant qui quærébant
ánimam meam.

Et qui inquirébant mala
mihi, locúti sunt vanitá-
tes : * et dolos tota die
meditabántur.

Ego autem tamquam sur-
dus non audiébam : * et
sicut mutus non apériens
os suum.

Et factus sum sicut homo
non áudiens : * et non
habens in ore suo redar-
gutiónes.

Quóniam in te, Dómine,
sperávi : * tu exáudies
me, Dómine, Deus meus.

Quia dixi : Nequándo
supergáudeant mihi ini-
míci mei : * et dum com-
movéntur pedes mei, su-
per me magna locúti
sunt.

Quóniam ego in flagélla
parátus sum : * et dolor
meus in conspéctu meo
semper.

Quóniam iniquitátem
meam annuntiábo : * et
cogitábo pro peccáto meo.

Inimíci autem mei vi-
vunt, et confirmáti sunt
super me : * et multipli-
cáti sunt qui odérunt me
iníque.

Qui retríbunt mala pro bonis, detrahébant mihi : * quóniam sequébar bonitátem.

Ne derelínquas me, Dómine, Deus meus : * ne discésseris a me.

Inténde in adjutórium meum, * Dómine, Deus salútis meæ. †

Ant. Vim faciébant qui quærébant ánimam meam.

Ant. Confundántur * et revereántur, qui quærunť ánimam meam, ut áuferant eam.

Psalmus 39

EXspéctans expectávi Dóminum, * et inténdit mihi.

Et exaúdívit preces meas : * et edúxit me de lacu misériæ, et de luto fæcis.

Et státuit super petram pedes meos : * et diréxit gressus meos.

Et immísit in os meum cánticum novum, * carmen Deo nostro.

Vidébunt multi, et timébunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecísti tu, Dómine, Deus meus, mirabília tua : * et cogitatióibus tuis non est qui símilis sit tibi.

Annuntiávi et locútus sum : * multiplicáti sunt super númerum.

Sacrificium et oblatiónem noluísti : * aures autem perfecísti mihi.

Holocáustum et pro peccáto non postulásti : * tunc dixi : Ecce vénio.

In cápite libri scriptum est de me ut fácerem voluntátem tuam : * Deus meus, vólui, et legem tuam in médio cordis mei.

Annuntiávi justítiam tuam in ecclésia magna, * ecce lábia mea non prohibébo : Dómine, tu scísti.

Justítiam tuam non abscondi in corde meo : * veritátem tuam et salutáre tuum dixi.

Non abscondi misericórdiam tuam et veritátem tuam * a concílio multo.

Tu autem, Dómine, ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est númerus : * comprehendérunt me iniquitátes meæ, et non pótui ut vidérem.

Multiplicátæ sunt super capíllos cápitis mei : * et cor meum derelíquit me.

Compláceat tibi, Dómine, ut éruas me : * Dómine, ad adjuvándum me réspice.

Confundántur et reve-
reántur simul, qui quæ-
runt ánimam meam, * ut
áuferant eam.

Convertántur retrórsum,
et revereántur * qui vo-
lunt mihi mala.

Ferant conféstim confu-
sionem suam, * qui dicunt
mihi : Euge, euge.

Exsúltent et læténtur su-
per te omnes quæréntes
te : * et dicant semper :
Magnificétur Dóminus :
qui díligunt salutáre
tuum.

Ego autem mendícus sum
et pauper : * Dóminus
sollicitus est mei.

Adjútor meus, et proté-
ctor meus tu es : * Deus
meus, ne tardáveris. †

Ant. Confundántur et re-
vereántur, qui quærent
ánimam meam, ut áufe-
rant eam.

Ant. Aliéni * insurrexé-
runt in me, et fortes quæ-
siérunt ánimam meam.

Psalmus 53

DEus, in nómine tuo sal-
vum me fac : * et in
virtúte tua júdica me.

Deus, exáudi orationem
meam : * áuribus pécipe
verba oris mei.

Quóniam aliéni insurre-
xérunt advérsus me, et
fortes quæsiérunt ánimam
meam : * et non proposué-
runt Deum ante conspé-
ctum suum.

Ecce enim Deus ádjuvat
me : * et Dóminus suscé-
ptor est ánimæ meæ.

Avérte mala inimícis
meis : * et in veritáte tua
dispérde illos.

Voluntárie sacrificábo ti-
bi, * et confitébor nómini
tuo, Dómine : quóniam
bonum est :

Quóniam ex omni tribu-
latione eripuísti me : * et
super inimícos meos de-
spéxit óculus meus. †

Ant. Aliéni insurrexé-
runt in me, et fortes quæ-
siérunt ánimam meam.

℣. Insurrexérunt in me
testes iníqui. **℟.** Et men-
tita est iníquitas sibi.

Pater noster **secreto.**

Ex Tractátu sancti Augu-
stíni Epíscopi super Psal-
mos

In Psalm. 63 ad vers. 2

Lectio iv



Rotexísti me, Deus,
a convéntu mali-
gnántium, a multi-
túdine operántium iniqui-
tátem. Jam ipsum caput
nostrum intueámur. Multi
Mártýres tália passi sunt,
sed nihil sic elúcet, quómo-
do caput Mártýrum : ibi
mélius intuémur, quod illi
expérti sunt. Protéctus est
a multitúdine malignán-
tium, protegénte se Deo,
protegénte carnem suam
ipso Fílio, et hómine, quem
gerébat : quia fílius hómi-

nis est, et Fílius Dei est. Fílius Dei, propter formam Dei : fílius hóminis, propter formam servi, habens in potestáte pónere ánimam suam, et recípere eam. Quid ei potuérunt fácere inimíci? Occidérunt corpus, ánimam non occidérunt. Inténdite. Parum ergo erat, Dóminum hortári Mártýres verbo, nisi firmáret exémplo.

℟. Tamquam ad latrónem existis cum gládiis et fústibus comprehendere me : * Quotídie apud vos eram in templo docens, et non me tenuístis : et ecce flagellátum dúcitis ad crucifigéndum. ℣. Cumque injecissent manus in Jesum, et tenuissent eum, dixit ad eos. — Quotídie.

Lectio v

Nostis qui convéntus erat malignántium Judæórum, et quæ multitúdo erat operántium iniquitátem. Quam iniquitátem? Quia voluérunt occidere Dóminum Jesum Christum. Tanta ópera bona, inquit, osténdi vobis : propter quod horum me vultis occidere? Pértulit omnes infirmos eórum, curávit omnes lánguidos eórum, prædicávit regnum cælórum, non tácuit vítia eórum, ut ipsa pótius eis displicérént, non médicus,

a quo sanabántur. His ómnibus curatióibus ejus ingrátí, tamquam multa febre phrenétici, insaniéntes in médicum, qui vénerat curáre eos, excogitavérunt consílium perdéndi eum : tamquam ibi voléntes probáre, utrum vere homo sit, qui mori possit, an áliquíd super hómines sit, et mori se non permíttat. Verbum ipsórum agnóscimus in Sapiéntia Salomónis : Morte turpíssima, inquit, condemnémus eum. Interrogémus eum : erit enim respéctus in sermónibus illíus. Si enim vere Fílius Dei est, liberet eum.

℟. Ténebræ factæ sunt, dum crucifixissent Jesum Judæi : et circa horam nonam exclamávit Jesus voce magna : Deus meus, ut quid me dereliquísti? * Et inclináto cápite, emisit spíritum. ℣. Exclámans Jesus voce magna, ait : Pater, in manus tuas comméndo spíritum meum. — Et inclináto.

Lectio vi

Exacuérunt tamquam gládium linguas suas. Non dicant Judæi : Non occidimus Christum. Et enim propterea eum dedérunt júdici Piláto, ut quasi ipsi a morte ejus videréntur immúnes. Nam cum

dixisset eis Pilátus : Vos eum occídite, respondérunt : Nobis non licet occídere quemquam. Iniquitátem facínoris sui in júdicem hóminem refúndere volébant : sed numquid Deum júdicem fallébant? Quod fecit Pilátus, in eo ipso quod fecit, aliquántum párticeps fuit : sed in comparatióne illórum multo ipse innocéntior. Institit enim quantum pótuit, ut illum ex eórum mánibus liberáret : nam proptérea flagellátum produxit ad eos. Non persequéndo Dóminum flagellávit, sed eórum furóri satisfácere volens : ut vel sic jam mitéscerent, et desínerent velle occídere, cum flagellátum vidérent. Fecit et hoc. At ubi perseveravérunt, nostis illum lavísse manus, et dixísse, quod ipse non fecísset, mundum se esse a morte illíus. Fecit tamen. Sed si reus, quia fecit vel invítus : illi innocéntes, qui coegérunt ut fáceret? Nullo modo. Sed ille dixit in eum senténtiam, et jussit eum crucifígi, et quasi ipse occídít : et vos, o Judái, occidístis. Unde occidístis? Gládio linguæ : acuístis enim linguas vestras. Et quando percussístis, nisi quando clamástis : Crucifíge, crucifíge?

✠. Animam meam dilectam trádidi in manus iniquórum, et facta est mihi heréditas mea sicut leo in silva : dedit contra me voces adversárius, dicens : Congregámini, et propeérate ad devorándum illum : posuérunť me in deserto solitúdinis, et luxit super me omnis terra :
* Quia non est invéntus qui me agnósceret, et fáceret bene. ✠. Insurrexérunt in me viri absque misericórdia, et non percérunt ánimæ meæ. — Quia. Animam.

In III Nocturno

Ant. Ab insurgéntibus in me * líbera me, Dómine, quia occupavérunt ánimam meam.

Psalmus 58



Ripe me de inimícis meis. Deus meus : * et ab insurgéntibus in me líbera me.

Eripe me de operántibus iniquitátem : * et de viris sánguinem salva me.

Quia ecce cepérunt ánimam meam : * irruérunt in me fortes.

Neque iníquitas mea, neque peccátum meum, Dómine, * sine iniquitáte cucúrri, et diréxi.

Exsúrge in occúrsum meum, et vide : * et tu, Dómine, Deus virtútum, Deus Israél,

Inténde ad visitándas omnes gentes : * non misereáris ómnibus, qui operántur iniquitátem.

Converténtur ad vésperam : et famem patiéntur ut canes, * et circuíbunt civitátem.

Ecce loquéntur in ore suo, et gládus in lábiis eórum : * quóniam quis audívit?

Et tu, Dómine, deridébis eos : * ad níhilum dedúces omnes gentes.

Fortitúdinem meam ad te custódiám, quia, Deus, suscéptor meus es : * Deus meus, misericórdia ejus prævéniét me.

Deus osténdet mihi super inimícos meos, ne occídas eos : * nequándo oblivi-scántur pópuli mei.

Dispérge illos in virtúte tua : * et depóne eos, protéctor meus, Dómine :

Delíctum oris eórum, sermónem labiórum ipsórum : * et comprehendántur in supérbia sua.

Et de exsecratióne, et mendácio annuntiabúntur in consummatióne : * in ira consummatiós, et non erunt.

Et scient quia Deus dominábitur Jacob : * et finium terræ.

Converténtur ad vésperam, et famem patiéntur ut canes : * et circuíbunt civitátem.

Ipsi dispergéntur ad manducándum : * si vero non fúerint saturáti, et murmurábunt.

Ego autem cantábo fortitúdinem tuam : * et exsultábo mane misericórdiam tuam.

Quia factus es suscéptor meus, * et refúgium meum, in die tribulatiós meæ.

Adjútor meus, tibi psallam, quia, Deus, suscéptor meus es : * Deus meus, misericórdia mea. †

Ant. Ab insurgéntibus in me líbera me, Dómine, quia occupavérunt ánimam meam.

Ant. Longe fecísti * notos meos a me : tráditus sum, et non egrediébar.

Psalmus 87

Domine, Deus salútis meæ : * in die clamávi, et nocte coram te.

Intret in conspéctu tuo orátio mea : * inclína aurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : *

et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióem sibi.

Tráditus sum, et non egrediébar : * óculi mei languérunt præ inópia.

Clamávi ad te, Dómine, tota die : * expándi ad te manus meas.

Numquid mórtuis fácies mirabília : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónē?

Numquid cognoscéntur in ténebris mirabília tua, * et justítia tua in terra obliviónis?

Et ego ad te, Dómine, clamávi : * et mane orátio mea præveniet te.

Ut quid, Dómine, repélis oratióem meam : * avértis faciē tuam a me?

Pauper sum ego, et in labóribus a juventúte mea : * exaltátus autem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum et próximum : * et notos meos a miséria. †

Ant. Longe fecísti notos meos a me : tráditus sum, et non egrediébar.

Ant. Captábunt * in ánimam justí, et ságuinem innocentem condemnábunt.

Psalmus 93

Deus ultiónum Dóminus : * Deus ultiónum libere egít.

Exaltáre, qui júdicas terram : * redde retributió-nem supérbis.

Usquequo peccatóres, Dómine, * úsquequo peccatóres gloriabúntur :

Effabúntur, et loquéntur iniquitátem : * loquéntur omnes, qui operántur injustítiam?

Pópulum tuum, Dómine, humiliavérunt : * et hereditátem tuam vexavérunt.

Víduam, et ádvenam interfecérunt : * et pupílos occidérunt.

Et dixerunt : Non vidébit Dóminus, * nec intélliget Deus Jacob.

Intelligite, insipientes in pópulo : * et stulti, ali-quándo sápite.

Qui plantávit aurem, non áudiet? * aut qui finxit óculum, non consíderat?

Qui cõrripit gentes, non árguet : * qui docet hóminem sciéntiam?

Dóminus scit cogitatiónes hóminum, * quóniam vanæ sunt.

Beátus homo, quem tu erudíeris, Dómine : * et de lege tua docúeris eum,

Ut mítiges ei a diébus malis : * donec fodiátur peccatóri fóvea.

Quia non repéllet Dóminus plebem suam : * et hereditátem suam non derelínquet.

Quoadúsque justítia convertátur in iudícium : * et qui juxta illam omnes qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitátem?

Nisi quia Dóminus adjúvit me : * paulo minus habitásset in inférno ánima mea.

Si dicébam : Motus est pes meus : * misericórdia tua, Dómine, adjuvábatur me.

Secúndum multitudínem dolórum meórum in corde meo : * consolatiónes tuæ lætificavérunt ánimam meam.

Numquid adhæret tibi sedes iniquitátis : * qui fingis labórem in præcépto?

Captábunt in ánimam ju-

sti : * et ságuinem innocentem condemnábunt.

Et factus est mihi Dóminus in refúgium : * et Deus meus in adjutórium spei meæ.

Et reddet illis iniquitátem ipsórum : et in malítia eórum dispédet eos : * dispédet illos Dóminus Deus noster. †

Ant. Captábunt in ánimam justí, et ságuinem innocentem condemnábunt.

V. Locúti sunt advérsus me lingua dolósa. **R.** Et sermónibus ódii circumdédérunt me, et expugnávérunt me gratis.

Pater noster **secreto.**

De Epístola beáti Pauli Apóstoli ad Hebræos

Lectio vii Cap. 4, 11-16



Estinémus ingredi in illam réquiem : ut ne in idípsum quis incidat incredulitátis exémplum. Vivus est enim sermo Dei, et éfficax, et penetrabílior omni gládio ancípiti : et pertíngens usque ad divisiónem ánimæ ac spíritus, compágum quoque ac medullárum, et discrétor cogitatiónum et intentiόnum cordis. Et non est ulla creatúra invisíbilis in conspéctu ejus : ómnia autem nuda et apérta sunt óculis ejus, ad

quem nobis sermo. Habentes ergo Pontificem magnum, qui penetravit cælos, Jesum Filium Dei : teneamus confessionem. Non enim habemus Pontificem, qui non possit compati infirmitatibus nostris : tentatum autem per omnia pro similitudine absque peccato.

℟. Tradiderunt me in manus impiorum, et in iniquos projecerunt me, et non pepercerunt animæ meæ : congregati sunt adversum me fortes : * Et sicut gigantes steterunt contra me. ℣. Alieni insurrexerunt adversum me, et fortes quasi erunt animam meam. — Et.

Lectio viii Cap. 5, 1-10

Adeamus ergo cum fiducia ad thronum gratiæ : ut misericordiam consequamur, et gratiam inveniamus in auxilio opportuno. Omnis namque Pontifex ex hominibus assumptus, pro hominibus constituitur in iis, quæ sunt ad Deum, ut offerat dona, et sacrificia pro peccatis : qui condolere possit iis, qui ignorant et errant : quoniam et ipse circumdatus est infirmitate : et propterea debet quemadmodum pro populo, ita etiam et pro semetipso offerre pro peccatis.

℟. Jesum tradidit impius summis principibus sacerdotum, et senioribus populi : * Petrus autem sequebatur eum a longe, ut videret finem. ℣. Adduxerunt autem eum ad Caiapham principem sacerdotum, ubi scribæ et pharisæi convenerant. — Petrus.

Lectio ix

NEC quisquam sumit sibi honorem, sed qui vocatur a Deo, tamquam Aaron. Sic et Christus non semetipsum clarificavit ut Pontifex fieret : sed qui locutus est ad eum : Filius meus es tu, ego hodie genui te. Quemadmodum et in alio loco dicit : Tu es sacerdos in æternum, secundum ordinem Melchisedech. Qui in diebus carnis suæ preces, supplicationesque ad eum, qui possit illum salvum facere a morte, cum clamore valido et lacrimis offerens, exauditus est pro sua reverentia. Et quidem cum esset Filius Dei, didicit ex iis, quæ passus est, obedientiam : et consummatus, factus est omnibus obtemperantibus sibi causa salutis æternæ, appellatus a Deo Pontifex juxta ordinem Melchisedech.

℟. Caligaverunt oculi mei a fletu meo : quia elongatus est a me, qui consolatus

bátur me : Vidéte, omnes pópuli, * Si est dolor símilis sicut dolor meus. **℣.** O vos omnes, qui transítis per viam, atténdite et vidéte. — Si. **Caligavérunt.**

AD LAUDES

Ant. 1 Próprio * Fílio suo non pepércit Deus, sed pro nobis ómnibus trádedit illum.

Psalmi de Feria 2 loco. 266

2 Anxiátus est super me * spíritus meus, in me turbátum est cor meum.

3 Ait latro ad latrónem : * Nos quidem digna factis recípiamus, hic autem quid fecit? Meménto mei, Dómine, dum véneris in regnum tuum.

4 Cum conturbáta fúerit * ánima mea, Dómine, misericórdiæ memor eris.

5 Meménto mei, * Dómine, dum véneris in regnum tuum.

℣. Collocávit me in obscúris. **℟.** Sicut mórtuos sáeculi.

Ad Bened. Ant. Posué-
runt * super caput ejus
causam ipsíus scriptam :
Jesus Nazarénus, Rex Ju-
dæórum.

Cantism Benedíctus. 464

Ant. Christus factus est
pro nobis obédiens usque
ad mortem, mortem au-
tem crucis.

Pater noster **secreto.**

Postea dicitur aliquantulum
altius Ps. Miserére 465, quo
finito sine Orémus dicitur
simili voce

Oratio

Respice, quæsumus, Dó-
mine, super hanc fa-
míliam tuam, pro qua
Dóminus noster Jesus
Christus non dubitávit
mánibus tradi nocéntium,
et crucis subíre tormén-
tum : **sed** Qui tecum **dici-
tur sub silentio.**

Ad Horas omnia ut supra in
Cœna Domini 467 indicantur.

AD VESPERAS

**Antiphonæ et Psalmi præce-
dentis diei 467, qui dicuntur
pariter sine cantu.**

Ad Magnif. Ant. Cum
accepisset acétum, * di-
xit : Consummátum est :
et inclináto cápite, emísit
spíritum.

Ant. Christus factus est **cum
reliquis, ut supra ad Laudes.**

**Completorium dicitur ut in
Cœna Domini. 470**



Sabbato sancto

DUPLEX I CLASSIS

AD MATUTINUM

In I Nocturno

Ant. In pace * in idípsum, dórmiam et requiéscam.

Psalmus 4

EUM invocárem exaudivit me Deus justítiæ meæ : * in tribulatióne dilatásti mihi.

Miserére mei, * et exáudi oratióem meam.

Fílii hóminum, úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolíte peccáre : * quæ dicitis in córdibus vestris, in cubílibus vestris compungimini.

Sacrificáte sacrificium justítiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini et ólei sui * multiplicáti sunt.

In pace in idípsum * dórmiam, et requiéscam;

Quóniam tu, Dómine, singuláriter in spe * constituísti me.

† **Non dicitur** Glória Patri.

Ant. In pace in idípsum, dórmiam et requiéscam.

Ant. Habitábit * in tabernáculo tuo, requiescet in monte sancto tuo.

Psalmus 14

Domine, quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes autem Dóminum glóricat :

Qui jurat próximo suo, et non decipit, * qui pecú-

niam suam non dedit ad usúram, et múnera super innocentem non accépit.

Qui facit hæc, * non móvebitur in ætérnum. †

Ant. Habitábit in tabernáculo tuo, requiescet in monte sancto tuo.

Ant. Caro mea * requiescet in spe.

Psalmus 15

Consérva me, Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo convénticula eórum de sanguínibus, * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restítues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedícam Dóminum, qui tríbuit mihi intelléctum : * însuper et usque ad noctem increpuérunt me renes mei.

Providébam Dóminum in conspéctu meo semper : *

quóniam a dextris est mihi, ne commóvear

Propter hoc lætátum est cor meum, et exsultávit lingua mea : * însuper et caro mea requiescet in spe.

Quóniam non derelínques ánimam meam in inférno : * nec dabis sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo : * delectatiónes in dextera tua usque in finem. †

Ant. Caro mea requiescet in spe.

℟. In pace in idípsum.

℟. Dórmiam et requiescam.

Pater noster **secreto.**

De Lamentatióne Jeremiæ
Prophétæ

Lectio i **Cap. 3, 22-30**



Eth. Misericórdiæ Dómini quia non sumus consúpti : quia non defecérunt miserationes ejus.

Heth. Novi dilúculo, multa est fides tua.

Heth. Pars mea Dóminus; dixit ánimam meam : propterea exspectábo eum.

Teth. Bonus est Dóminus sperántibus in eum, ánimæ quærénti illum.

Teth. Bonum est præstolari cum siléntio salutáre Dei.

Teth. Bonum est viro, cum portáverit jugum ab adolescéntia sua.

Jod. Sedébit solitárius, et tacébit : quia levávit super se.

Jod. Ponet in púlvere os suum, si forte sit spes.

Jod. Dabit percutiénti se maxíllam, saturábitur oppróbriis.

Jerúsalem, Jerúsalem, convértere ad Dóminum Deum tuum.

℟. Sicut ovis ad occisió-nem ductus est, et dum male tractarétur, non apéruit os suum : tráditus est ad mortem, * Ut vivificáret pópulum suum. ℣. Trádidit in mortem ánimam suam, et inter scelerátos reputátus est. — Ut.

Lectio ii Cap. 4, 1-6

ALeph. Quómodo obscurátum est aurum, mutátus est color óptimus, dispérsi sunt lápides sanctuárii in cápite ómnium plateárum?

Beth. Fílii Sion ínclyti, et amícti auro primo : quómodo reputátí sunt in vasa téstea, opus mánuum figuli?

Ghimel. Sed et lámiae nudavérunt mammam, lactavérunt cátulos suos : filia pópuli mei crudélis, quasi strúthio in desérto.

Daleth. Adháesit lingua lacténtis ad palátum ejus

in siti : párvuli petiérunt panem, et non erat qui frángeret eis.

He. Qui vescebántur voluptuóse, interiérunt in viis : qui nutriebántur in cróceis, amplexátí sunt stércora.

Vau. Et major effécta est iníquitas filiae pópuli mei peccáto Sodomórum, quæ subvérta est in moménto, et non cepérunt in ea manus.

Jerúsalem, Jerúsalem, convértere ad Dóminum Deum tuum.

℟. Jerúsalem, surge, et éxue te véstibus jucunditátis : indúere cínere et cilício, * Quia in te occísus est Salvátor Israél. ℣. Deduc quasi torréntem lácrimas per diem et noctem, et non táceat pupílla óculi tui. — Quia.

Incipit Orátio Jeremíæ
Prophétæ

Lectio iii Cap. 5, 1-11

Recordáre, Dómine, quid accíderit nobis : intuére, et réspice oppróbrium nostrum. Heréditas nostra versa est ad aliénos : domus nostræ ad extráneos. Pupílli facti sumus absque patre, matres nostræ quasi víduæ. Aquam nostram pecúnia bíbimus : ligna nostra pretio comparávimus. Cervicibus nostris minabámur,

lassis non dabátur ré-
quies. Ægýpto dédimus
manum, et Assýriis, ut
saturarémur pane. Patres
nostri peccavérunt, et non
sunt : et nos iniquitátes
eórum portávimus. Servi
domináti sunt nostri : non
fuit qui redímeret de manu
eórum. In animábus no-
stris afferebámus panem
nobis, a fácie gládii in de-
sérto. Pellis nostra, quasi
clíbanus exústa est a fácie
tempestátum famis. Mu-
lieres in Sion humiliavé-
runt, et vírgines in civitá-
tibus Juda.

Jerúsalem, Jerúsalem,
convértere ad Dóminum
Deum tuum.

℟. Plange quasi virgo,
plebs mea : ululáte, pastó-
res, in cínere et cilício :

* Quia venit dies Dómini
magna, et amára valde.

℣. Accíngite vos, sacerdó-
tes, et plángite, ministri
altáris, aspérgite vos cí-
nere. — Quia. Plange.

In II Nocturno

Ant. Elevámini, * portæ
æternáles, et introíbit Rex
glóriæ.

Psalmus 23



Omini est terra, et
plenitúdo ejus, *
orbis terrárum, et
univérsti qui hábitant in
eo.

Quia ipse super mária

fundávit eum : * et super
flúmina præparávit eum.

Quis ascéndet in montem
Dómini? * aut quis stabit
in loco sancto ejus?

Innocens mánibus et
mundo corde, * qui non
accépit in vano ánimam
suam, nec jurávit in dolo
próximo suo.

Hic accípiet benedictió-
nem a Dómino : * et mi-
sericórdiam a Deo, salu-
tári suo.

Hæc est generátio quæ-
réntium eum, * quærénti-
um fáciem Dei Jacob.

Attóllite portas, prínci-
pes, vestras, et elevámini,
portæ æternáles : * et in-
troíbit Rex glóriæ.

Quis est iste Rex gló-
riæ? * Dóminus fortis et
potens : Dóminus potens
in prælio.

Attóllite portas, prínci-
pes, vestras, et elevámini,
portæ æternáles : * et in-
troíbit Rex glóriæ.

Quis est iste Rex gló-
riæ? * Dóminus virtútum
ipse est Rex glóriæ. †

Ant. Elevámini, portæ
æternáles, et introíbit Rex
glóriæ.

Ant. Credo vidére * bona
Dómini in terra vivén-
tium.

Psalmus 26

Dominus illuminátio
mea, et salus mea, *
quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes, * ut edant carnes meas :

Qui tríbulant me inimíci mei, * ipsi infirmáti sunt, et cecidérunt.

Si consístant advérsus me castra, * non timébit cor meum.

Si exsúrgat advérsus me prælium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ :

Ut vídeam voluptátem Dómini, * et vísitem templum ejus.

Quóniam abscondit me in tabernáculo suo : * in die malórum protéxit me in abscondito tabernáculi sui.

In petra exaltávit me : * et nunc exaltávit caput meum super inimícos meos.

Circuívi, et immolávi in tabernáculo ejus hóstiam vociferatiónis : * cantábo, et psalmum dicam Dómino.

Exáudi, Dómine, vocem meam, qua clamávi ad te : * miserére mei, et exáudi me.

Tibi dixit cor meum, exquisívit te fácies mea : * fáciem tuam, Dómine, requíram.

Ne avértas fáciem tuam

a me : * ne declínes in ira a servo tuo.

Adjútor meus esto : * ne derelínquas me, neque despícias me, Deus, salutáris meus.

Quóniam pater meus, et mater mea dereliquérunt me : * Dóminus autem assúmpsit me.

Legem pone mihi, Dómine, in via tua : * et dirige me in sémitam rectam propter inimícos meos.

Ne tradíderis me in ánimas tribulántium me : * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Exspécta Dóminum, viríliter age : * et confortétur cor tuum, et sústine Dóminum. †

Ant. Credo vidére bona Dómini in terra vivéntium.

Ant. Dómine, * abstra-xísti ab ínferis ánimam meam.

Psalmus 29

Exaltábo te, Dómine, quóniam suscepísti me : * nec delectásti inimícos meos super me.

Dómine, Deus meus, clamávi ad te, * et sanásti me.

Dómine, eduxísti ab ínferno ánimam meam : * salvásti me a descendéntibus in lacum.

Psállite Dómino, sancti ejus : * et confitémini memoríæ sanctitátis ejus.

Quóniam ira in indignatione ejus : * et vita in voluntate ejus.

Ad vésperum demorábitur fletus : * et ad matutinum lætítia.

Ego autem dixi in abundantia mea : * Non movébor in ætérnum.

Dómine, in voluntate tua, * præstitísti decóri meo virtútem.

Avertísti fáciem tuam a me, * et factus sum conturbátus.

Ad te, Dómine, clamábo : * et ad Deum meum deprecábor.

Quæ utilitas in ságuine meo, * dum descéndo in corruptionem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei : * Dóminus factus est adjútor meus.

Convertísti planctum meum in gáudium mihi : * conscidísti saccum meum, et circumdedísti me lætítia :

Ut cantet tibi glória mea, et non compúngar : * Dómine, Deus meus, in ætérnum confitébor tibi. †

Ant. Dómine, abstraxísti ab ínferis ánimam meam.

℟. Tu autem, Dómine, miserére mei. ℟. Et re-

súscita me, et retríbuam eis.

Pater noster **secreto.**

Ex Tractátu sancti Augústini Epíscopi super Psalmos

In Psalm. 63 vers. 7

Lectio iv



Ccédet homo ad cor altum, et exaltábitur Deus. Illi dixerunt : Quis nos vidébit? Defecérunt scrutántes scrutatiónes, consília mala. Accéssit homo ad ipsa consília, passus est se teneri ut homo. Non enim tenerétur nisi homo, aut viderétur nisi homo, aut cæderétur nisi homo, aut crucifigerétur aut morerétur nisi homo. Accéssit ergo homo ad illas omnes passiónes, quæ in illo nihil valérent, nisi esset homo. Sed si ille non esset homo, non liberarétur homo. Accéssit homo ad cor altum, id est, cor secrétum, objiciens aspéctibus humánis hóminem, servans intus Deum : celans formam Dei, in qua æquális est Patri, et offérens formam servi, qua minor est Patre.

℟. Recéssit pastor noster, fons aquæ vivæ, ad cujus tránsitum sol obscurátus est : * Nam et ille captus est, qui captívum

tenébat primum hóminem : hódie portas mortis et seras páriter Salvátor noster disrúpit. **W.** Destrúxit quidem claustra inférni, et subvértit poténtias diaboli. — Nam et ille captus est, qui captivum tenébat primum hóminem : hódie portas mortis et seras páriter Salvátor noster disrúpit.

Lectio v

QUO perduxérunt illas scrutatiónes suas, quas perscrutántes defecérunt, ut étiam mórtuo Dómino et sepúlto, custódes pónerent ad sepúlcrum? Dixérunt enim Piláto : Sedúctor ille : hoc appellabátur nómine Dóminus Jesus Christus, ad solátium servórum suórum, quando dicúntur seductóres : ergo illi Piláto : Sedúctor ille, inquiunt, dixit adhuc vivens : Post tres dies resúrgam. Jube itaque custodíri sepúlcrum usque in diem tértium, ne forte véniant discípuli ejus, et furéntur eum, et dicant plebi, Surréxit a mórtuis : et erit novíssimus error pejor prióre. Ait illis Pilátus : Habétis custódiam, ite, custodíte sicut scitis. Illi autem abeúntes, munierunt sepúlcrum, signántes lápidem cum custódibus.

W. O vos omnes, qui transítis per viam, atténdite et vidéte * Si est dolor símilis sicut dolor meus. **W.** Atténdite, universi pópuli, et vidéte dolórem meum. — Si.

Lectio vi

POsuerunt custódes mílites ad sepúlcrum. Concússa terra Dóminus resurréxit : mirácula facta sunt tália circa sepúlcrum, ut et ipsi mílites, qui custódes advénerant, testes fierent, si vellent vera nuntiáre. Sed avaritia illa, quæ captivávit discípulum cómitem Christi, captivávit et mílitem custódem sepúlcri. Damus, inquiunt, vobis pecúniam : et dícite quia vobis dormiéntibus venérunt discípuli ejus, et abstulérunt eum. Vere defecérunt scrutántes scrutatiónes. Quid est quod dixísti, o infélix astútia? Tantúmne déseris lucem consílii pietátis, et in profúnda versútiae demérgeris, ut hoc dicas : Dícite quia vobis dormiéntibus venérunt discípuli ejus, et abstulérunt eum? Dormiéntes testes ádhibes : vere tu ipse obdormísti, qui scrutádo tália defecísti.

W. Ecce quómodo móritur justus, et nemo pérci-

pit corde : et viri justī tolluntur, et nemo considerat; a facie iniquitatis sublatus est justus : * Et erit in pace memoria ejus.

✠. Tamquam agnus coram tondente se obmutuit, et non aperuit os suum : de angustia, et de iudicio sublatus est. — Et. **Ecce.**

In III Nocturno

Ant. Deus adjuvat me, * et Dominus susceptor est animæ meæ.

Psalmus 53

Deus, in nomine tuo saluum me fac : * et in virtute tua iudica me.

Deus, exaudi orationem meam : * auribus percipe verba oris mei.

Quoniam alieni insurrexerunt adversum me, et fortes quasi erunt animam meam : * et non proposuerunt Deum ante conspectum suum.

Ecce enim Deus adjuvat me : * et Dominus susceptor est animæ meæ.

Averte mala inimicis meis : * et in veritate tua disperde illos.

Voluntarie sacrificabo tibi, * et confitebor nomini tuo, Domine : quoniam bonum est :

Quoniam ex omni tribulatione eripuisti me : * et

super inimicos meos despexit oculus meus. †

Ant. Deus adjuvat me, et Dominus susceptor est animæ meæ.

Ant. In pace * factus est locus ejus, et in Sion habitatio ejus.

Psalmus 75

Dotus in Iudæa Deus : * in Israël magnum nomen ejus.

Et factus est in pace locus ejus : * et habitatio ejus in Sion.

Ibi confrégit poténtias arcuum, * scutum, gladium, et bellum.

Illuminans tu mirabiliter a montibus æternis : * turbati sunt omnes insipientes corde.

Dormierunt somnum suum : * et nihil invenerunt omnes viri divitiarum in manibus suis.

Ab increpatione tua, Deus Jacob, * dormitaverunt qui ascenderunt equos.

Tu terribilis es, et quis resistet tibi? * ex tunc ira tua.

De cælo auditum fecisti iudicium : * terra tremuit et quievit,

Cum exurgeret in iudicium Deus, * ut salvos faceret omnes mansuetos terræ.

Quoniam cogitatio hominis confitebitur tibi : * et

reliquiæ cogitationis diem festum agent tibi.

Vovéte, et reddite Dómino Deo vestro : * omnes, qui in circúitu ejus affértis múnera.

Terríbili et ei qui aufert spíritum princípum, * terríbili apud reges terræ. †

Ant. In pace factus est locus ejus, et in Sion habitatio ejus.

Ant. Factus sum * sicut homo sine adjutório, inter mórtuos liber.

Psalmus 87

Domine, Deus salutis meæ : * in die clamávi, et nocte coram te.

Intret in conspéctu tuo oratio mea : * inclína aurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes flu-

ctus tuos induxísti super me.

Longe fecísti notos meos a me : * posuérunt me abominatióem sibi.

Tráditus sum, et non egrediébar : * óculi mei languérunt præ inópia.

Clamávi ad te, Dómine, tota die : * expándi ad te manus meas.

Numquid mórtuis fácies mirabília : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónem?

Numquid cognoscéntur in ténebris mirabília tua, * et justítia tua in terra obliviónis?

Et ego ad te, Dómine, clamávi : * et mane oratio mea prævéniét te.

Ut quid, Dómine, repélis oratióem meam : * avértis fáciem tuam a me?

Pauper sum ego, et in labóribus a juventúte mea : * exaltátus autem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum et próximum : * et notos meos a miséria. †

Ant. Factus sum sicut homo sine adiutorio, inter mortuos liber.

℣. In pace factus est locus ejus. ℟. Et in Sion habitatio ejus.

Pater noster **secreto.**

De Epistola beati Pauli
Apostoli ad Hebræos

Lectio vii Cap. 9, 11-22



Christus assistens Pontifex futurorum bonorum, per amplius et perfectius tabernaculum non manufactum, id est, non hujus creationis : neque per sanguinem hircorum, aut vitulorum, sed per proprium sanguinem introivit semel in Sancta, æterna redemptione inventa. Si enim sanguis hircorum, et taurorum, et cinis vitulæ aspersus inquinatos sanctificat ad emundationem carnis : quanto magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi?

℣. Astiterunt reges terræ, et principes conveniunt in unum, * Adversus Dominum, et adversus Christum ejus. ℣. Quare fremuerunt gentes, et populi meditati sunt inania? — Adversus.

Lectio viii

Et ideo novi testamenti mediator est : ut, morte intercedente, in redemptionem earum prævocationum, quæ erant sub priori testamento, reprobationem accipiant, qui vocati sunt æternæ hereditatis. Ubi enim testamentum est : mors necesse est intercedat testatoris. Testamentum enim in mortuis confirmatum est : alioquin nondum valet, dum vivit qui testatus est. Unde nec primum quidem sine sanguine dedicatum est.

℣. Æstimatus sum cum descendentibus in lacum :
* Factus sum sicut homo sine adiutorio, inter mortuos liber. ℣. Posuerunt me in lacu inferiori, in tenebris, et in umbra mortis. — Factus.

Lectio ix

Lecto enim omni mandato legis a Moyse universo populo : accipiens sanguinem vitulorum, et hircorum cum aqua et lana coccinea, et hyssopo : ipsum quoque librum, et omnem populum aspersit, dicens : Hic sanguis testamenti, quod mandavit ad vos Deus. Etiam tabernaculum, et omnia vasa ministerii sanguine similiter aspersit :

et omnia pene in sanguine secundum legem mundantur : et sine sanguinis effusione non fit remissio.

℟. Sepúlto Dómino, signátum est monuméntum, volvéntes lápidem ad óstium monuménti : * Ponéntes mílites, qui custodírent illum. ℣. Accedéntes príncipes sacerdotum ad Pilátum, petiérunt illum. — Ponéntes. **Se-**púlto.

AD LAUDES

Ant. 1 O mors, * ero mors tua, morsus tuus ero, inférne.

Psalmi de Sabbato 2 loco 308, Canticum vero Ego dixi 313, ut in Psalterio notatur.

2 Plangent eum * quasi unigénitum, quia innocens Dóminus occísus est.

3 Atténdite, * univérsi pópuli, et vidéte dolórem meum.

4 A porta inferi * érue, Dómine, ánimam meam.

5 O vos omnes, * qui transítis per viam, atténdite et vidéte si est dolor sicut dolor meus.

℣. Caro mea requiescet in spe. ℟. Et non dabis Sanctum tuum vidére corruptionem.

Ad Bened. Ant. Mulieres * sedéntes ad monuméntum lamentabántur, flentes Dóminum.

Canticum Zachariæ

Luc. 1, 68-79

Benedíctus Dóminus, Deus Israél, * quia visitávit, et fecit redemptionem plebis suæ :

Et eréxit cornu salutis nobis : * in domo David, púeri sui.

Sicut locútus est per os sanctórum, * qui a sáculo sunt, prophetárum ejus :

Salútem ex inimícis nostris, * et de manu ómnium, qui odérunt nos :

Ad faciéndam misericórdiam cum pátribus nostris : * et memorári testaménti sui sancti.

Jusjurándum, quod jurávit ad Abraham, patrem nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi.

In sanctitáte, et justítia coram ipso, * ómnibus diébus nostris.

Et tu, puer, Prophéta Altíssimi vocáberis : * præbíbis enim ante fáciem Dómini paráre vias ejus :

Ad dandam sciéntiam salutis plebi ejus : * in remissionem peccatórum eórum :

Per víscera misericórdiæ Dei nostri : * in quibus visitávit nos, oriens ex alto :

Illumináre his, qui in ténébris, et in umbra mortis

sedent : * ad dirigéndos pedes nostros in viam pacis. †

Ant. Mulieres sedéntes ad monuméntum lamentabántur, flentes Dóminum.

Ant. Christus factus est pro nobis obédiens usque ad mortem, mortem autem crucis : propter quod et Deus exaltávit illum, et dedit illi nomen, quod est super omne nomen.

Pater noster **secreto.**

Postea dicitur aliquantulum altius Ps. 50 Miserére 465, quo finito sine Orémus dicitur simili voce

Oratio

Respice, quæsumus, Dómine, super hanc familiam tuam, pro qua Dóminus noster Jesus Christus non dubitávit máribus tradi nocéntium, et crucis subíre tormentum : **sed** Qui tecum vivit **dicitur sub silentio.**

Et sic dicitur usque ad Nonam.

Dictis Horis, ut supra in Cœna Domini 467, celebratur Missa; et, facta Communionem, statim dicitur

PRO VESPERIS

Ant. Allelúja, allelúja, allelúja.

Psalmus 116

Laudáte Dóminum, omnes gentes : * laudáte eum, omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Glória Patri. Sicut erat.

Repetitur Ant. Allelúja, allelúja, allelúja.

Capitulum, Hymnus et Versus non dicuntur.

Ad Magnif. Ant. Véspere autem sábbati, * quæ lucéscit in prima sábbati, venit María Magdaléne, et áltera María, vidére sepúlcrum, allelúja.

Canticum B. Mariæ Virg.

Luc. 1, 46-55

MAgníficat * ánima mea Dóminum :

Et exsultávit spíritus meus * in Deo, salutári meo.

Quia rexpéxit humilitátem ancillæ suæ : * ecce enim ex hoc beátam me dicent omnes generatiónes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo : * dispérsit superbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis : * et dívites dimísit inánes.

Suscépit Israël, púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.

Glória Patri.

Ant. Véspere autem sabbati, quæ lucéscit in prima sabbati, venit María Magdaléne, et áltera María, vidére sepúlcrum, allelúja.

Deinde Sacerdos dicit :

℣. Dóminus vobíscum.

℟. Et cum spíritu tuo.

Orémus.

Oratio

Spíritum nobis, Dómine, tuæ caritátis infúnde : ut, quos sacraméntis paschálibus satiásti, tua fácias pietáte concórdes. Per Dóminum nostrum... in unitáte ejúsdem Spíritus Sancti Deus.

Deinde ℣. Dóminus vobíscum. ℟. Et cum spíritu tuo.

Postea Diaconus dicit :

Ite, missa est, allelúja, allelúja. ℟. Deo grátias, allelúja, allelúja.

Extra Chorum,

dictis Pater noster et Ave María, **Vesperæ inchoantur absolute ab Ant.** Allelúja, cum reliquis, ut supra : et loco Ite, missa est, allelúja, allelúja, **dicitur**

℣. Benedicámus Dómino, allelúja, allelúja. ℟. Deo grátias, allelúja, allelúja.

℣. Fidélium animæ per misericórdiam Dei requiescant in pace. ℟. Amen.

Deinde dicitur secreto Pater noster **et nihil aliud.**

AD COMPLETORIUM

℣. Jube, domne.

Lectio brevis Fratres : Sóbrii estóte.

℣. Adjutórium nostrum. Pater noster.

Et facta Confessione et Absolutione, dicitur :

℣. Convérte nos, Deus.

℣. Deus, in adjutórium.

Glória Patri. Sicut erat.

Et amplius non dicitur Laus tibi, Dómine, Rex æternæ glóriæ, **sed ejus loco deinceps dicitur** Allelúja.

Deinde sine Antiphona dicuntur Psalmi de Dominica.

Hymnus, Capitulum et Responsorium breve non dicuntur.

Ant. Véspere autem sabbati.

Canticum Simeonis

Luc. 2, 29-32

Nunc dimíttis servum tuum, Dómine, * secúndum verbum tuum in pace :

Quia vidérunt óculi mei * salutáre tuum,

Quod parásti * ante fá-
ciem ómnium populórum.

Lumen ad revelatióem
géntium, * et glóriam ple-
bis tuæ Israël.

Ant. Véspere autem sáb-
bati, quæ lucéscit in pri-
ma sábbati, venit María
Magdaléne, et áltera Ma-
ría, vidére sepúlcrum, al-
lelúja.

℣. Dóminus vobíscum.

℟. Et cum spíritu tuo.

Orémus.

Oratio

Visita, quæsumus, Dó-
mine, habitatióem
istam, et omnes insídias
inimíci ab ea longe repél-

le : Angeli tui sancti hábi-
tent in ea, qui nos in pace
custódiant : et benedictio
tua sit super nos semper.
Per Dóminum. ℟. Amen.

℣. Dóminus vobíscum.

℣. Benedicámus Dómino.

Benedictio Benedícat et
custódiant nos omnípotens
et miséricors Dóminus,
Pater, et Fílius, et Spíri-
tus Sanctus. ℟. Amen.

In fine Antiphona Regina
cæli, ut in **Ordinario. 39**

Deinde dicuntur secreto Pa-
ter noster, Ave María **et**
Credo.

Et non flectuntur genua toto
Tempore Paschali.





Dominica Resurrectionis

DUPLEX I CLASSIS

CUM OCTAVA PRIVILEGIATA I ORDINIS

AD MATUTINUM

Pater, Ave **et** Credo.

℟. Dómine, lábia mea.

℟. Deus, in adjutórium.

Invitat. Surréxit Dóminus vere, * Allélúja. **Ps. 94**
Veníte. 3

Hymni et Capitula non dicuntur in aliqua Horarum, nec Versiculi, nisi in Nocturno.

Ad Nocturnum

Ant. Ego sum qui sum, *
et consílium meum non
est cum ímpiis, sed in lege
Dómini volúntas mea est,
allelúja.

Psalmus 1

Béatus vir, qui non
ábiit in consílio
impiórum, et in via
peccatórum non stetit, *
et in cáthedra pestiléntiæ
non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non défluét : * et ómnia quæcúmque fáciét, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudício : * neque peccatóres in concílio justórum.

Quóniam novit Dóminus viam justórum : * et iter impiórum peribit.

Ant. Ego sum qui sum, et consílium meum non est cum ímpiis, sed in lege

Dómini volúntas mea est, allelúja.

Ant. Postulávi Patrem meum, * allelúja : dedit mihi gentes, allelúja, in hereditátem, allelúja.

Psalmus 2

QUare fremuérunt gentes, * et pópuli meditati sunt inánia?

Astitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possessióem tuam términos terræ.

Reges eos in virga férrea, * et tamquam vas figuli confrínges eos.

Et nunc, reges, intelligite : * erudímini, qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Postulávi Patrem meum, allelúja : dedit mihi gentes, allelúja, in hereditátem, allelúja.

Ant. Ego dormívi, * et somnum cepi : et exsurréxi, quóniam Dóminus suscepit me, allelúja, allelúja.

Psalmus 3

DOmíne, quid multiplicati sunt qui tribulant me? * multi insurgunt advérsus me.

Multi dicunt animæ meæ : * Non est salus ipsi in Deo ejus.

Tu autem, Dómine, susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurréxi, quia Dóminus suscepit me.

Non timébo míllia pópuli circumdántis me : * exsurge, Dómine, salvum me fac, Deus meus.

Quóniam tu percussisti omnes adversántes mihi sine causa : * dentes peccatórum contrivisti.

Dómini est salus : * et super pópulum tuum benedíctio tua.

Ant. Ego dormívi, et somnum cepi : et exsur-réxi, quóniam Dóminus suscepit me, allelúja, allelúja.

℟. Surréxit Dóminus de sepúlcro, allelúja. **℟.** Qui pro nobis pepéndit in ligno, allelúja.

Pater noster, **secreto.**

Absolutio Exáudi, Dómine.

Bened. Evangélica léctio.

Léctio sancti Evangélii
secúndum Marcum

Lectio i **Cap. 16, 1-7**

IN illo témpore : María Magdaléne, et María Jacóbi, et Salóme emérunt arómata, ut veniéntes ún-gerent Jesum. Et réliqua.

Homília sancti Gregórii
Papæ

Homilia 21 in Evangelia



Udístis, fratres car-ríssimi, quod sanctæ mulieres, quæ Dóminum fúerant secútæ, cum aromátibus ad monuméntum venérunt, et ei, quem vivéntem diléxe-rant, étiam mórtuo, stúdio humanitátis obsequúntur. Sed res gesta áliquid in

sancta Ecclésia signat ge-réndum. Sic quippe ne-cesse est ut audiámus quæ facta sunt, quátenus cogi-témus étiam quæ nobis sint ex eórum imitatióne faciéndæ. Et nos ergo in eum, qui est mórtuus, credéntes, si odóre virtú-tum reférti, cum opinióne bonórum óperum Dómi-num quærimus, ad monu-méntum profécto illius cum aromátibus venímus. Illæ autem mulieres Ange-los vident, quæ cum aro-mátibus venérunt : quia vidélicet illæ mentes su-pérnos cives aspíciunt, quæ cum virtútum odóri-bus ad Dóminum per san-cta desidéria proficiscún-tur.

℟. Angelus Dómini de-scéndit de cælo, et accé-dens revólvit lápidem, et super eum sedit, et dixit muliéribus : * Nolíte ti-mére : scio enim quia cru-cifixum quæritis : jam surréxit : veníte, et vidéte locum, ubi pósitus erat Dóminus, allelúja. **℟.** Et introëúntes in monumén-tum, vidérunt júvenem sedéntem in dextris, co-opértum stola cándida, et obstupuérunt : qui dixit illis. — Nolíte. **Glória Pa-tri et Filio, et Spiritui Sancto; et repetitur** **℟.** An-gelus Dómini, usque ad **℟.**

Bened. Divínium auxílium.

Lectio ii

NOtándum vero nobis est, quidnam sit, quod in dextris sedere Angelus cernitur. Quid namque per sinistram, nisi vita præsens : quid vero per dexteram, nisi perpétua vita designatur? Unde in Canticis canticorum scriptum est : Læva ejus sub capite meo, et dextera illius amplexabitur me. Quia ergo Redemptor noster jam præséntis vitæ corruptiōnem transierat, recte Angelus, qui nuntiāre perennem ejus vitam vénerat, in dextera sedebat. Qui stola cándida coopértus apparuit : quia festivitátis nostræ gáudia nuntiávit. Candor étenim vestis, splendórem nostræ denúnciat solemnitátis. Nostræ dicāmus, an suæ? Sed ut fateāmur vérius, et suæ dicāmus et nostræ. Illa quippe Redemptóris nostri resurréctio et nostra festívitās fuit, quia nos ad immortalitatem redúxit : et Angelórum festívitās éxstitit, quia nos revocádo ad cæléstia, eórum númerum implévit.

℟. Cum transisset sabbatum, María Magdaléne, et María Jacóbi, et Salóme emérunt arómata, * Ut veniéntes úngerent Jesum, allelúja, allelúja. ℣. Et

valde mane una sabbáturum, véniunt ad monuméntum, orto jam sole. — Ut. Glória Patri. Ut.

Benedictio Ad societátem.

Lectio iii

IN sua ergo ac nostra festivitáte Angelus in albis véstibus apparuit : quia dum nos per resurrecciónem Domínicam ad supérna redúcimur, cæléstis pátriæ damna reparántur. Sed quid adveniéntes féminas affátur, audiāmus : Nolite expavescere. Ac si apérte dicat : Páveant illi, qui non amant advéntum supernórum civium; pertiméscant, qui carnálibus desidériis pressi, ad eórum se societátem pertíngere posse despérant. Vos autem, cur pertiméscitis, quæ vestros concíves vidétis? Unde et Matthæus Angelum apparuisse describens, ait : Erat aspéctus ejus sicut fulgur, et vestiménta ejus sicut nix. In fúlgure étenim terror timóris est, in nive autem blandiméntum candóris.

Et toto Tempore Paschali dicitur Hymnus Te Deum 9, etiam in Officio feriali, præterquam Feria II Rogationum.

AD LAUDES

Ant. 1 Angelus autem Dómini * descéndit de

cælo, et accédens revolvit lapidem, et sedébat super eum, allelúja, allelúja.

Psalmi de Domin. 1 loco. 49

2 Et ecce terræmótus * factus est magnus : Angelus enim Dómini descendit de cælo, allelúja.

3 Erat autem * aspéctus ejus sicut fulgur, vestimenta autem ejus sicut nix, allelúja, allelúja.

4 Præ timóre autem ejus * extérri sunt custódes, et facti sunt velut mórtui, allelúja.

5 Respóndens autem Angelus, * dixit muliéribus : Nolíte timére : scio enim quod Jesum quæritis, allelúja.

Capitulum, Hymnus et Versus non dicuntur, sed eorum loco

Ant. Hæc dies, * quam fecit Dóminus : exsultemus, et lætémur in ea.

Ad Bened. Ant. Et valde mane * una sabbatorum véniunt ad monuméntum, orto jam sole, allelúja.

Oratio

Deus, qui hodiérna die per Unigénitum tuum æternitátis nobis áditum devícta morte reserásti : vota nostra, quæ præveniéndò aspiras, étiam adjuvándò proséquere. Per eúmdem Dóminum.

℣. Dóminus vobíscum.

℟. Et cum spíritu tuo.

℣. Benedicámus Dómino, allelúja, allelúja. ℟. Deo grátias, allelúja, allelúja.

Sic dicitur in Laudibus et in Vesperis tantum.

℣. Fidélium ánimæ.

AD PRIMAM

Pater, Ave *et* Credo.

℣. Deus in adjutórium.

Psalmi de Dominica ut in Festis : Deus in nómine tuo et Beáti immaculáti. 59

Expletis Psalmis dicitur

Ant. Hæc dies, quam fecit Dóminus : exsultemus, et lætémur in ea.

℣. Dóminus vobíscum.

Oratio Dómine, Deus omnipotens et reliqua ut in Psalterio. Et ad absolutionem Capituli, Lectio brevis Si consurrexistis, item ut in Breviario.

AD TERTIAM

SEXTAM ET NONAM

Pater *et* Ave.

℣. Deus in adjutórium.

Psalmi de Dominica.

Expletis Psalmis dicitur

Ant. Hæc dies, quam fecit Dóminus : exsultemus, et lætémur in ea.

℣. Dóminus vobíscum.

Oratio ut ad Laudes.

℣. Dóminus vobíscum.

℣. Benedicámus Dómino. ℟. Deo grátias.

℣. Fidélium ánimæ.

Deinde dicitur tantum Pater noster secreto, nisi sequatur alia Hora.

AD VESPERAS

Ant. Angelus autem Dómini * descéndit de cælo, et accédens revólvit lápidem, et sedébat super eum, allelúja, allelúja.

Psalmus 109

Exit Dóminus Dómino meo : * Sede a dextris meis :

Donec ponam inimicos tuos, * scabéllum pedum tuórum.

Virgam virtútis tuæ emittet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante lucíferum génui te.

Jurávit Dóminus, et non pœnitébit eum : * Tu es sacerdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas : * conquassábit cápita in terra multórum.

De torrén te in via bibet : * proptérea exaltábit caput.

Ant. Angelus autem Dómini descéndit de cælo, et accédens revólvit lápidem, et sedébat super eum, allelúja, allelúja.

Ant. Et ecce terræmó tus * factus est magnus : Angelus enim Dómini descéndit de cælo, allelúja.

Psalmus 110

Confitébor tibi, Dómine, in toto corde meo : * in consílio justórum, et congregatióne.

Magna ópera Dómini : * exquisíta in omnes voluntátes ejus.

Conféssio et magnificén tia opus ejus : * et justítia ejus manet in sáeculum sáeculi.

Memóriam fecit mirábíl ium suórum, miséricors et miserátor Dóminus : * escam dedit timéntibus se.

Memor erit in sáeculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et judícium.

Fidé lia ómnia mandáta ejus : confirmáta in sáeculum sáeculi, * facta in veritáte et æquitáte.

Redempti ónem misit pópulo suo : * mandávit in ætérnum testaméntum suum.

Sanctum, et terríbile nomen ejus : * inítium sapiéntiæ timor Dómini.

Intelléctus bonus óm nibus faciéntibus eum : * laudátio ejus manet in sáeculum sáeculi. Gl.

Ant. Et ecce terræmótus factus est magnus : Angelus enim Dómini descendit de cælo, allelúja.

Ant. Erat autem * aspectus ejus sicut fulgur, vestiménta autem ejus sicut nix, allelúja, allelúja.

Psalmus 111

BEátus vir, qui timet Dóminum : * in mandátis ejus volet nimis.

Potens in terra erit semen ejus : * generatio rectórum benedicétur.

Glória, et divítiae in domo ejus : * et justítia ejus manet in sáculum sáculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in iudicio : * quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despíciat inimícos suos.

Dispérsit, dedit paupéribus : justítia ejus manet in sáculum sáculi, * cornu ejus exaltábitur in glória.

Peccátor vidébit, et irascétur, déntibus suis fre-

met et tabéscet : * desidérium peccatórum períbit.

Ant. Erat autem aspectus ejus sicut fulgur, vestiménta autem ejus sicut nix, allelúja, allelúja.

Ant. Præ timóre autem ejus * extérriti sunt custódes, et facti sunt velut mórtui, allelúja.

Psalmus 112

LAudáte, púeri, Dóminum : * laudáte nomen Dómini.

Sit nomen Dómini benedíctum, * ex hoc nunc, et usque in sáculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, * et humília réspicit in cælo et in terra?

Súscitans a terra ínopem, * et de stércore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Præ timóre autem ejus extérriti sunt custódes, et facti sunt velut mórtui, allelúja.

Ant. Respóndens autem Angelus, * dixit muliéri-

bus : Nolíte timére : scio enim quod Jesum quæritis, allelúja.

Psalmus 113

IN éxitu Israëł de Ægýpto, * domus Jacob de pópulo bárbaro :

Facta est Judæa sanctificatio ejus, * Israëł potestas ejus.

Mare vidit, et fugit : * Jordánis convérsus est retrórsus.

Montes exsultavérunt ut arietes, * et colles sicut agni óvium.

Quid est tibi, mare, quod fugísti : * et tu, Jordánis, quia convérsus es retrórsus?

Montes, exsultástis sicut arietes, * et colles, sicut agni óvium.

A fácie Dómini mota est terra, * a fácie Dei Jacob.

Qui convértit petram in stagna aquárum, * et rupem in fontes aquárum.

Non nobis, Dómine, non nobis : * sed nómini tuo da glóriam.

Super misericórdia tua, et veritáte tua : * nequándo dicant gentes : Ubi est Deus eórum?

Deus autem noster in cælo : * ómnia quæcúmque vóluit, fecit.

Simulácra géntium argéntum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non áudient : * nares habent, et non odorábunt.

Manus habent, et non palpábunt : pedes habent, et non ambulábunt : * non clamábunt in gútture suo.

Símiles illis fiant qui faciunt ea : * et omnes qui confidunt in eis.

Domus Israëł sperávit in Dómino : * adjútor eórum et protéctor eórum est.

Domus Aaron sperávit in Dómino : * adjútor eórum et protéctor eórum est.

Qui timent Dóminum, speravérunt in Dómino : * adjútor eórum et protéctor eórum est.

Dóminus memor fuit nostri : * et benedíxit nobis :

Benedíxit dómui Israëł : * benedíxit dómui Aaron.

Benedíxit ómnibus, qui timent Dóminum, * pusillis cum majóribus.

Adjíciat Dóminus super vos : * super vos, et super filios vestros.

Benedícti vos a Dómino, * qui fecit cælum, et terram.

Cælum cæli Dómino : * terram autem dedit filiis hóminum.

Non mórtui laudábunt te, Dómine : * neque om-

nes, qui descéndunt in inférnum.

Sed nos qui vívimus, benedicimus Dómino, * ex hoc nunc et usque in sæculum.

Ant. Respóndens autem Angelus, dixit muliéribus : Nolíte timére : scio enim quod Jesum quæritis, allelúja.

Ant. Hæc dies, * quam fecit Dóminus : exsultémus, et lætémur in ea.

Ad Magnif. Ant. Et respiciéntes * vidérunt revólutum lápidem : erat quippe magnus valde, allelúja.

Oratio

DEus, qui hodiérna die per Unigénitum tuum, æternitátis nobis áditum devícta morte reserásti : vota nostra, quæ præveniéndó aspíras, étiam adjuvándó proséquere. Per eúmdem Dóminum.

℣. Dóminus vobíscum.

℟. Et cum spíritu tuo.

℣. Benedicámus Dómino, allelúja, allelúja. ℟. Deo grátias, allelúja, allelúja.

℣. Fidélium ánimæ.

AD COMPLETORIUM

℣. Jube, domne.

Lectio brevis Fratres : Sóbrii estóte.

℣. Adjutórium nostrum. Pater noster.

Confíteor. Misereátur. Indulgéntiam.

℣. Convérte nos, Deus.

℣. Deus, in adjutórium. Glória Patri. Allelúja.

Psalmus 4

EUM invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi oratióem meam.

Fílii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascímini, et nolíte peccáre : * quæ dicitis in córdibus vestris, in cubílibus vestris compungímini.

Sacrificáte sacrificium justitiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini, et ólei sui * multiplicátí sunt.

In pace in idípsum * dórmiám, et requiéscam;

Quóniam tu, Dómine, singuláriter in spe * constituísti me.

Psalmus 90

QUI hábitat in adjutório Altíssimi, * in protectióne Dei cæli commorábitur.

Dicet Dómino : Susceptor meus es tu, et refúgium meum : * Deus meus, sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi : * et sub pennis ejus sperábis.

Scuto circúmdabit te véritas ejus : * non timébis a timóre noctúrno,

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille, et decem míllia a dextris tuis : * ad te autem non appropinquábit.

Verúmtamen óculis tuis considerábis : * et retributió nem peccatórum vidébis.

Quóniam tu es, Dómine, spes mea : * Altíssimum posuísti refúgium tuum.

Non accédet ad te malum : * et flagéllum non appropinquábit tabernáculo tuo.

Quóniam Angelis suis mandávit de te : * ut custódiant te in ómnibus viis tuis.

In mánibus portábunt

te : * ne forte offéndas ad lápidem pedem tuum.

Super áspidem, et basiliscum ambulábis : * et conculcábis leónem et draconem.

Quóniam in me sperávit, liberábo eum : * prótegam eum, quóniam cognóvit nomen meum.

Clamábit ad me, et ego exáudiam eum : * cum ipso sum in tribulatióne : erípiam eum et glorificábo eum.

Longitúdine diérum replébo eum : * et osténdam illi salutáre meum.

Psalmus 133

ECce nunc benedícite Dóminum, * omnes servi Dómini :

Qui statis in domo Dómini, * in átriis domus Dei nostri.

In nóctibus extóllite manus vestras in sancta, * et benedícite Dóminum.

Benedícat te Dóminus ex Sion, * qui fecit cælum et terram.

Ant. Allelúja, allelúja, allelúja, allelúja.

Canticum Simeonis

Luc. 2, 29-32

Nunc dimíttis servum tuum, Dómine, * secundum verbum tuum in pace :

Quia vidérunt óculi mei * salutáre tuum.

Quod parásti * ante fá-
ciem ómnium populórum.

Lumen ad revelatióem
géntium, * et glóriam ple-
bis tuæ Israël.

Postea Ant. Hæc dies, *
quam fecit Dóminus : ex-
sultémus, et lætémur in
ea.

✠. Dóminus vobíscum.

Orémus.

Oratio

Visita, quæsumus, Dó-
mine, habitatióem
istam, et omnes insídias
inimíci ab ea longe repél-
le : Angeli tui sancti hábi-
tent in ea, qui nos in pace

custódiant; et benedíctio
tua sit super nos semper.
Per Dóminum. ✠. Amen.

✠. Dóminus vobíscum.

✠. Benedicámus Dómino.

Bened. Benedícat et cu-
stódiat nos omnípotens et
miséricors Dóminus, Pa-
ter, et Fílius, et Spíritus
Sanctus. ✠. Amen.

In fine Antiphona Regina
cæli, ut in Ordinario. 39

**Sic recitatur divinum Offi-
cium ad singulas Horas usque
ad Nonam Sabbati in Albis
inclusive, exceptis iis quæ
singulis diebus habentur pro-
pria.**

Feria II infra Octavam Paschæ

DUPLEX I CLASSIS

✠. Surréxit Dóminus de
sepúlcro, allelúja. ✠. Qui
pro nobis pepéndit in li-
gno, allelúja.

Absol. Exáudi, Dómine.

Bened. Evangélica léctio.

Léctio sancti Evangélii
secúndum Lucam

Lectio I Cap. 24, 13-35

IN illo témpore : Duo ex
discípulis Jesu ibant
ipsa die in castéllum, quod
erat in spátio stadiórum
sexaginta ab Jerúsalem,
nómine Emmaus. Et réli-
qua.

Homília sancti Gregórii
Papæ

Homilia 23 in Evangelia

Audístis, fratres carís-
simi, quia duóbus di-
scípulis ambulántibus in
via, non quidem credén-
tibus, sed tamen de se
loquéntibus, Dóminus ap-
páruit : sed eis spéciem,
quam recognóscerent, non
osténdit. Hoc ergo egit
foris Dóminus in óculis
córporis, quod apud ipsos
agebátur intus in óculis
cordis. Ipsi namque apud

semetipsos intus et amabant, et dubitabant : eis autem Dóminus foris et præsens áderat, et quis esset non ostendebat. De se ergo loquentibus præséntiam exhibuit : sed de se dubitantibus cognitiónis suæ spéciem abscondit.

✠. María Magdaléne, et áltera María ibant dilúculo ad monuméntum. * Jesum quem quæritis, non est hic, surréxit sicut locútus est, præcedet vos in Galiléam, ibi eum vidébitis, allelúja, allelúja. ✠. Et valde mane una sabbatorum véniunt ad monuméntum, orto jam sole : et introeúntes vidérunt júvenem sedéntem in dextris, qui dixit illis. — Jesum.

Bened. Divinum auxílium.

Lectio ii

Verba quidem contulit, duritiam intelléctus increpávit, sacræ Scripturæ mystéria, quæ de seípso erant, aperuit : et tamen quia adhuc in eórum córdibus peregrínus erat a fide, se ire lóngius finxit. Fingere namque, compónere dícimus : unde et compositóres luti, figulos vocámus. Nihil ergo simplex Véritas per duplicitatem fecit : sed talem se eis exhibuit in corpore,

qualis apud illos erat in mente. Probándi autem erant, si hi, qui eum etsi necdum ut Deum diligerent, saltem ut peregrínus amare potuissent.

✠. Surréxit pastor bonus, qui ánimam suam pósuit pro óvibus suis, et pro grege suo mori dignátus est : * Allelúja, allelúja, allelúja. ✠. Et enim Pascha nostrum immolátus est Christus. — Allelúja. Glória Patri. Allelúja.

Bened. Ad societátem.

Lectio iii

SED quia esse extranei a caritate non poterant hi, cum quibus Véritas gradiebatur : eum ad hospítium quasi peregrínus vocant. Cur autem dícimus, vocant, cum illic scriptum sit : Et coégérunt eum? Ex quo nimírum exémplo colligitur, quia peregríni ad hospítium non solum invitándi sunt, sed étiam trahéndi. Mensam igitur ponunt, panes cibósque offerunt : et Deum, quem in Scripturæ sacræ expositiône non cognóverant, in panis fractiône cognóscunt. Audiendo ergo præcépta Dei illumináti non sunt, faciéndum illumináti sunt : quia scriptum est : Non auditóres legis justi sunt

apud Deum, sed factóres legis justificabúntur. Quisquis ergo vult audíta intelligere, festínet ea, quæ jam audíre pótuit, ópere implére. Ecce Dóminus non est cógnitus dum loquerétur, et dignátus est cognósci dum páscitur.

Te Deum laudámus.

Ad Bened. Ant. Jesus junxit se * discíplis suis in via, et ibat cum illis : óculi autem eórum tenebántur, ne eum agnósce-
rent : et increpávit eos, dicens : O stulti et tardi corde ad credéndum in

his, quæ locúti sunt Prophétæ, allelúja.

Oratio

Deus, qui solemnitáte pascháli, mundo remédia contulisti : pópulum tuum, quæsumus, cælésti dono proséquere; ut et perféctam libertátem cónsequi mereátur, et ad vitam proficiat sempitérnam. Per Dóminum.

Ad Magnif. Ant. Qui sunt hi sermónes, * quos confértis ad invicem ambulántes, et estis tristes? allelúja.

Feria III infra Octavam Paschæ

DUPLEX I CLASSIS

V. Surréxit Dóminus vere, allelúja. **R.** Et appáruit Simóni, allelúja.

Absolutio Ipsíus píetas.

Bened. Evangélica léctio.

Léctio sancti Evangélíi
secúndum Lucam

Lectio I Cap. 24, 36-47

IN illo témpore : Stetit Jesus in médio discipulórum, et dicit eis : Pax vobis : ego sum, nolíte timére. Et reliqua.

Homília sancti Ambrósii
Epíscopi

Liber 10 Comment. in Lucam
cap. 24, ante finem

Mirum, quo modo se nátura corpórea per impenetrábile corpus infúderit invisíbili áditu, visíbili conspéctu; tangi fácilis, difficilis æstimári. Dénique conturbáti discipuli æstimábant se spíritum vidére. Et ídeo Dóminus, ut spéciem nobis

resurrectiōnis ostēderet, Palpáte, inquit, et vidéte, quia spíritus carnem et ossa non habet, sicut me vidétis habére. Non ergo per incorpóream natúram, sed per resurrectiōnis qualitatem, impérvia usu clausa penetrávit. Nam quod tángitur, corpus est; quod palpátur, corpus est.

✠. Virtúte magna reddebant Apóstoli * Testimónium resurrectiōnis Jesu Christi Dómini nostri, allelúja, allelúja. ✠. Repléti quidem Spíritu Sancto, loquebantur cum fiducia verbum Dei. — Testimónium.

Bened. Divínium auxílium.

Lectio ii

IN corpore autem resurgemus. Seminátur enim corpus animále, surgit corpus spiritále : sed illud subtilius, hoc crássius, útpote adhuc terrénæ labis qualitàte concrétum. Nam quómodo non corpus, in quo manébant insígnia vúlnerum, vestígia cicatricum, quæ Dóminus palpánda obtulit? In quo non solum fidem firmat, sed étiam devotiōnem ácuit, quod vúlnera suscepta pro nobis cælo inférre máluit, abolére nóluit; ut Deo Patri nostræ prætia libertátis ostēderet. Talem sibi Pater ad dexteram locat,

trophæum nostræ salutis ampléctens : tales illic Mártyres nobis cicatricis suæ coróna monstrávit.

✠. De ore prudéntis procedit mel, allelúja; dulcédo mellis est sub lingua ejus, allelúja : * Favus distillans lábia ejus, allelúja, allelúja. ✠. Sapiéntia requiescit in corde ejus, et prudéntia in sermóne oris illius. — Favus. Glória Patri. Favus.

Bened. Ad societátem.

Lectio iii

ET quóniam sermo huc noster evásit, consideremus qua grátia secúndum Joánnem crediderint Apóstoli, qui gavísi sunt; secúndum Lucam quasi incréduli redarguántur : ibi Spíritum Sanctum acceperint, hic sedére in civitate jubeántur, quoadúsque induántur virtúte ex alto. Et vidétur mihi ille quasi Apóstolus majóra et altióra tetigísse, hic sequéntia et humánis próxima : hic histórico usus circúitu, ille compéndio : quia et de illo dubitári non potest, qui testimónium pérhibet de iis, quibus ipse intérfuit, et verum est testimónium ejus : et ab hoc quoque, qui Evangelísta esse méruit, vel negligéntiæ, vel mendáccii suspiciōnem

æquum est propulsári. Et ideo verum putámus utrúmque, non sententiárum varietáte, nec personárum diversitaté distinctum. Nam etsi primo Lucas eos non credidisse dicat, póstea tamen credidisse demónstrat : et si prima considerémus, contrária sunt; si sequéntia, certum est conveníre.

Te Deum laudámus.

Ad Bened. Ant. Stetit Jesus * in médio discipulorum suorum, et dixit eis : Pax vobis, allelúja, allelúja.

Oratio

Deus, qui Ecclésiám tuam novo semper fœtu multiplicas : concéde fámulis tuis; ut sacraméntum vivéndo téneant, quod fide percepérunt. Per Dóminum.

Ad Magnif. Ant. Vidéte manus meas * et pedes meos, quia ego ipse sum, allelúja, allelúja.

FERIA QUARTA

INFRA

OCTAVAM PASCHÆ

Semiduplex 500

✠. Gavísi sunt discípuli, allelúja. ✠. Viso Dómino, allelúja.

Absolutio A vînculis.

Bened. Evangélica léctio.

Léctio sancti Evangélii
secúndum Joánnem

Lectio i Cap. 21, 1-14

IN illo témpore : Manifestávit se íterum Jesus discípulis ad mare Tiberiádis. Manifestávit autem sic : Erant simul Simon Petrus, et Thomas, qui dicitur Dídy mus. Et reliqua.

Homília sancti Gregórii
Papæ

Homilia 24 in Evangelia

Lectio sancti Evangélii, quæ modo in áuribus vestris lecta est, fratres mei, quæstióne ánimumpulsat, sed pulsatióne suavim discretiónis índicat. Quæri étenim potest, cur Petrus, qui piscátor ante conversiõem fuit, post conversiõem ad piscatiõem rédiit : et cum Véritas dicat : Nemo mittens manum suam ad arátrum, et aspiciens retro, aptus est regno Dei : cur repétiit quod derelíquit? Sed si virtus discretiónis inspí-citur, cítius vidétur : quia nímrum negótium, quod ante conversiõem sine peccáto éxstitit, hoc étiam post conversiõem repétere culpa non fuit.

✠. Ecce vicit leo de tribu Juda, radix David, aperíre librum, et sólvere septem signácula ejus : * Allelúja,

allelúja, allelúja. *℟.* Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem.—Allelúja.

Bened. Divinum auxilium.

Lectio ii

NAM piscatorem Petrum, Matthæum vero telonearium scimus : et post conversionem suam ad piscationem Petrus rediit, Matthæus vero ad telonei negotium non resedit : quia aliud est victum per piscationem quærere, aliud autem telonei lucris pecunias augere. Sunt enim pleraque negotia, quæ sine peccatis exhiberi aut vix, aut nullatenus possunt. Quæ ergo ad peccatum implicant, ad hæc necesse est, ut post conversionem animus non recurrat.

℟. Ego sum vitis vera, et vos palmites : * Qui manet in me, et ego in eo, hic fert fructum multum, allelúja, allelúja. *℟.* Sicut dilexit me Pater, et ego dilexi vos. — Qui. *Gloria Patri. Qui.*

Bened. Ad societatem.

Lectio iii

QUæri etiam potest, cur discipulis in mari laborantibus, post resurre-

ctionem suam Dominus in littore stetit, qui ante resurrectionem suam coram discipulis in fluctibus maris ambulavit. Cujus rei ratio festine cognoscitur, si ipsa, quæ tunc inerat, causa pensetur. Quid enim mare, nisi præsens sæculum signat, quod se casuum tumultibus, et undis vitæ corruptibilis illudit? Quid per soliditatem littoris, nisi illa perpetuitas quietis æternæ figuratur? Quia ergo discipuli adhuc fluctibus mortalis vitæ inerant, in mari laborabant : quia autem Redemptor noster jam corruptionem carnis excesserat, post resurrectionem suam in littore stabat.

Te Deum laudamus.

Ad Bened. Ant. Mittite in dexteram * navigii rete, et inveniétis, allelúja.

Oratio

DEus, qui nos resurrectionis Dominicæ annua solemnitate lætificas : concède propitius; ut per temporalia festa quæ agimus, pervenire ad gaudia æterna mereamur. Per eundem Dominum nostrum.

Ad Magnif. Ant. Dixit Jesus * discipulis suis : Afferte de piscibus, quos prendidistis nunc. Ascendit autem Simon Petrus,

et traxit rete in terram plenum magnis piscibus, allelúja.

FERIA QUINTA

INFRA

OCTAVAM PASCHÆ

Semiduplex 500

✠. Surréxit Dóminus de sepúlcro, allelúja. ✠. Qui pro nobis pepéndit in ligno, allelúja.

Absol. Exáudi, Dómine.

Bened. Evangélica léctio.

Léctio sancti Evangélii
secúndum Joánnem

Lectio i Cap. 20, 11-18

IN illo témpore : María stabat ad monuméntum foris, plorans. Dum ergo fleret, inclinávit se, et prospéxit in monuméntum : et vidit duos Angelos in albis, sedéntes. Et réliqua.

Homília sancti Gregórii
Papæ

Homilia 26 in Evangelia

María Magdaléne, quæ fúerat in civitaté peccátrix, amándo veritátem, lavit lácrimis máculas criminis : et vox Veritátis implétur, qua dicitur : Dimíssa sunt ei peccáta multa, quia diléxit multum. Quæ enim prius frígida peccándo remánserat, póstmodum amándo fórtiter ardébat. Nam

postquam venit ad monuméntum, ibíque corpus Dómicum non invénit, sublátum crédidit, atque discíplis nuntiávit : qui veniéntes vidérunt, atque ita esse, ut múlter díxerat, credidérunt. Et de eis prótinus scriptum est : Abiérunt ergo discípli ad semetípsos : ac deínde subjúngitur : María autem stabat ad monuméntum foris, plorans.

✠. Tulérunt Dóminum meum, et nésco ubi posuérunt eum. Dicunt ei Angeli : Múlter, quid ploras? surréxit sicut dixit; * Præcédet vos in Galiléam : ibi eum vidébitis, allelúja, allelúja. ✠. Cum ergo fleret, inclinávit se, et prospéxit in monuméntum : et vidit duos Angelos in albis, sedéntes, qui dicunt ei. — Præcédet.

Bened. Divínium auxílium.

Lectio ii

QUA in re pensándum est, hujus mulieris mentem quanta vis amoris accénderat, quæ a monuménto Dómini, étiam discíplis recedéntibus, non recedébat. Exquirébat quem non invénerat : flebat inquiréndo, et amoris sui igne succénsa, ejus, quem ablátum crédidit, ardébat desidério. Unde cóntigit, ut eum sola tunc

vidéret, quæ remánserat ut quæreret : quia nimírum virtus boni óperis, perseverántia est : et voce Veritátis dicitur : Qui autem perseveráverit usque in finem, hic salvus erit.

℟. Congratulámini mihi, omnes qui dilígitis Dóminum, quia quem quærebam, apparuit mihi : * Et dum flerem ad monuméntum, vidi Dóminum, allelúja, allelúja. ℣. Recedéntibus discipulis, non recedebam, et amoris ejus igne succénsa, ardébam desiderio. — Et. Glória Patri. Et.

Bened. Ad societátem.

Lectio iii

MARÍA ergo cum fleret, inclinávit se, et prospéxit in monuméntum. Certe jam monuméntum vácuum víderat, jam sublátum Dóminum nuntiáverat : quid est, quod se íterum inclínat, íterum vidére desiderat? Sed amánti semel aspexísse non súfficit : quia vis amoris intentionem multiplicat inquisitionis. Quæsívit ergo prius, et mínime invénit : perseverávit, ut quæreret, unde et cóntigit ut inveníret : actúmque est, ut desideria diláta créscerent, et crescéntia cáperent quod invenísset.

Te Deum laudámus.

Ad Bened. Ant. María stabat * ad monuméntum plorans, et vidit duos Angelos in albis, sedéntes, et sudárium quod fúerat super caput Jesu, allelúja.

Oratio

DEus, qui diversitátem géntium in confessióne tui nóminis adunásti : da, ut renátis fonte baptísmatis una sit fides méntium, et píetas actiónum. Per Dóminum.

Ad Magnif. Ant. Tulérunt Dóminum meum, * et nescio ubi posuérunt eum : si tu sustulísti eum, dicito mihi, allelúja : et ego eum tollam, allelúja.

FERIA SEXTA

INFRA

OCTAVAM PASCHÆ

Semiduplex 500

℣. Surréxit Dóminus vere, allelúja. ℣. Et apparuit Simóni, allelúja.

Absolutio Ipsíus píetas.

Bened. Evangélica léctio.

Léctio sancti Evangélii secúndum Matthæum

Lectio i Cap. 28, 16-20

IN illo témpore : Undecim discipuli abiérunt in Galiléam in montem, ubi constitúerat illis Jesus. Et reliqua.

Homilia sancti Hierónymi
Presbýteri

Liber 4 Comment. in Matth.,
in fine

Post resurrectionem Jesus in monte Galilææ conspicitur, ibique adoratur : licet quidam dubitent, et dubitatio eorum nostram augeat fidem. Tunc manifestius ostenditur Thomæ, et latus lancea vulneratum, et manus fixas demonstrat clavis. Accedens Jesus locutus est eis, dicens : Data est mihi omnis potestas in cælo et in terra. Illi potestas data est, qui paulo ante crucifixus, qui sepultus in tumulo, qui mortuus jacuerat, qui postea resurrexit. In cælo autem et in terra potestas data est : ut qui ante regnabat in cælo, per fidem credentium regnet et in terris.

✠. Surgens Jesus Dominus noster, stans in medio discipulorum suorum, dixit : * Pax vobis, allelúja; gavisi sunt discipuli viso Domino, allelúja. ✠. Una ergo sabbatorum, cum fores essent clausæ, ubi erant discipuli congregati, venit Jesus, et stetit in medio eorum, et dixit eis. — Pax.

Bened. Divinum auxilium.

Lectio ii

Euntes autem docete omnes gentes, baptizantes eos in nomine Pa-

tris, et Filii, et Spiritus Sancti. Primum docent omnes gentes, deinde doctas intingunt aqua. Non enim potest fieri, ut corpus baptismi recipiat sacramentum, nisi ante anima fidei susceperit veritatem. Baptizantur autem in nomine Patris, et Filii, et Spiritus Sancti : ut quorum una est divinitas, una sit largitio : noménque Trinitatis, unus Deus est.

✠. Expurgate vetus fermentum, ut sitis nova conspersio : etenim Pascha nostrum immolatus est Christus : * Itaque epulemur in Domino, allelúja. ✠. Mortuus est propter delicta nostra, et resurrexit propter justificationem nostram. — Itaque. Glória Patri. Itaque.

Benedictio Ad societatem.

Lectio iii

Docentes eos servare omnia, quaecumque mandavi vobis. Ordo præcipuus : jussit Apóstolis, ut primum docerent universas gentes, deinde fidei intingerent sacramento, et post fidem ac baptismum, quæ essent observanda præciperent. Ac ne putemus levia esse, quæ jussa sunt, et pauca, addidit : Omnia quaecumque mandavi vobis : ut, quicum-

que crediderint, qui in Trinitate fuerint baptizati, omnia faciant, quæ præcepta sunt. Et ecce ego vobiscum sum usque ad consummationem sæculi. Qui usque ad consummationem sæculi cum discipulis se futurum esse promittit, et illos ostendit semper esse victuros, et se numquam a credentibus recessurum.

Te Deum laudamus.

Ad Bened. Ant. Undecim discipuli * in Galilæa videntes Dominum adoraverunt, allelûja.

Oratio

OMnipotens sempiternè Deus, qui paschale sacramentum in reconciliationis humanæ foedere contulisti : da mentibus nostris ; ut, quod professione celebramus, imitemur effectu. Per Dominum.

Ad Magnif. Ant. Data est mihi * omnis potestas in cælo et in terra, allelûja.

SABBATO IN ALBIS

Semiduplex 500

℣. Gavisi sunt discipuli, allelûja. ℟. Viso Domino, allelûja.

Absolutio A vinculis.

Bened. Evangélica lectio.

Lectio sancti Evangelii
secundum Joannem

Lectio i **Cap. 20, 1-9**

IN illo tempore : Una sabbati Maria Magdalene venit mane, cum adhuc tenebræ essent, ad monumentum. Et reliqua.

Homilia sancti Gregorii
Papæ

Homilia 22 in Evangelia

Lectio sancti Evangelii, quam modo, fratres, audistis, valde in superficie histórica est aperta : sed ejus nobis sunt mysteria sub brevitate requirenda. Maria Magdalene, cum adhuc tenebræ essent, venit ad monumentum. Juxta historiam notatur hora : juxta intellectum vero mysticum, requiruntur signatur intelligentia. Maria etenim auctorem omnium, quem in carne viderat mortuum, quærebat in monumento ; et quia hunc minime invenit, furatum credidit. Adhuc ergo erant tenebræ, cum venit ad monumentum. Cucurrit citius, discipulis nuntiavit : sed illi præ ceteris cucurrerunt, qui præ ceteris amaverunt, videlicet Petrus et Joannes.

℟. Christus resurgens ex mortuis, jam non moritur, mors illi ultra non dominabitur : quod enim mor-

tuus est peccáto, mórtuus est semel : * Quod autem vivit, vivit Deo, allelúja, allelúja. *℟.* Mórtuus est semel propter delicta nostra, et resurrexit propter justificatióem nostram. — Quod.

Bened. Divínium auxílium.

Lectio ii

Currébant autem duo simul : sed Joánnes præcucúrrit citius Petro. Venit prior ad monuméntum, et ingredi non præsumpsit. Venit ergo posterior Petrus, et intrávit. Quid, fratres, quid cursus significat? Numquid hæc tam subtilis Evangelistæ descriptio a mystériis vacare credénda est? Mínime. Neque enim se Joánnes et præisse, et non intrásse diceret, si in ipsa sui trepidatióne mystérium defuisse credidisset. Quid ergo per Joánnem, nisi synagóga : quid per Petrum, nisi Ecclesia designátur?

℟. Isti sunt agni novélli, qui annuntiavérunt, allelúja : modo venérunt ad fontes, * Repléti sunt claritate, allelúja, allelúja. *℟.* In conspéctu Agni amícti sunt stolis albis, et palmæ in má nibus eórum. — Repléti. Glória Patri. Repléti.

Benedictio Ad societátem.

Lectio iii

NEC mirum esse videátur, quod per juniórem synagóga, per seniórem vero Ecclesia signári perhibétur : quia etsi ad Dei cultum prior est synagóga, quam Ecclesia géntium, ad usum tamen sæculi prior est multitúdo géntium quam synagóga, Paulo attestánte, qui ait : Quia non prius quod spiritalé est, sed quod animále. Per seniórem ergo Petrum significátur Ecclesia géntium : per juniórem vero Joánnem synagóga Judæórum. Currunt ambo simul : quia ab ortus sui témpore usque ad occasum, pari et commúni via, etsi non pari et commúni sensu, gentilitas cum synagóga cucúrrit. Venit synagóga prior ad monuméntum, sed mínime intrávit : quia legis quidem mandáta percépit, prophetías de incarnatióne ac passióne Domínica audívit, sed credere in mórtuum nóluit. *Te Deum.*

Ad Bened. Ant. Currébant duo simul, * et ille álius discipulus præcucúrrit citius Petro, et venit prior ad monuméntum, allelúja.

Oratio

Concéde, quæsumus, omnípotens Deus : ut, qui festa paschália venerádo

égimus, per hæc contíngere ad gáudia ætérna mereámur. Per Dóminum.

Post Nonam terminatur
Officium de Octava.

AD VESPERAS

Officium fit duplex.

Antiphona Allelúja cum
Psalmis de Sabbato, ut in
Psalterio. 332

Capit. 1 Joann. 5, 4

Caríssimi : Omne quod
natum est ex Deo,
vincit mundum : et hæc
est victória, quæ vincit
mundum, fides nostra.

Hymnus

Ad régias Agni dapes,
Stolis amícti cándidis,
Post tránsitum Maris Ru-
bri,

Christo canámus Príncipi :

Divína cujus caritas
Sacrum propínat sángu-
inem,
Almíque membra córporis
Amor sacérdos ímmolat.

Sparsum cruórem pósti-
bus

Vastátor horret Angelus :
Fugítque divísium mare;
Mergúntur hostes flúcti-
bus.

Jam Pascha nostrum Chri-
stus est,

Paschális idem víctima,
Et pura puris méntibus
Sinceritátis ázyma.

O vera cæli víctima,
Subjécta cui sunt tártara,

Solúta mortis víncula,
Recépta vitæ præmia.

Victor, subáctis ínferis,
Trophæa Christus éxpli-
cat;

Cælóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte dira críminum.
Vitæ renátos líbera.

* Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

℣. Mane nobíscum, Dó-
mine, allelúja. ℟. Quó-
niam advesperáscit, alle-
lúja.

Ad Magnif. Ant. Cum
esset sero * die illa una
sabbatórum, et fores es-
sent clausæ, ubi erant
discípuli congregáti in
unum, stetit Jesus in mé-
dio, et dixit eis : Pax
vobis, allelúja.

Ad Vesperas Dominicæ

Ad Magnif. Ant. Post
dies octo * jánuis clausis
ingréssus Dóminus dixit
eis : Pax vobis, allelúja,
allelúja.

Oratio

Præsta, quæsumus, om-
nípotens Deus : ut,
qui paschália festa perégi-
mus, hæc, te largiēte,
móribus et vita teneámus.
Per Dóminum.

℟. Benedicámus Dómino hodie et deinceps dicitur sine Allelúja.

Ad Completorium dicitur Antiphona Allelúja cum Psalmis de Sabbato ut in Psalterio 334, et reliqua ut ibidem de Ordinario pro Tempore Paschali.

Conclusio Hymnorum ad omnes Horas usque ad Nonam in Vigilia Ascensionis inclusive erit :

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

¶ Toto Tempore Paschali, usque ad Nonam Sabbati post Pentecosten inclusive, in omnibus Officiis Invitatorio, Antiphonis cum dicuntur integræ, Versibus et Responsoriis, ubi desit, additur Allelúja, præterquam versibus post Responsoria Matutini, et Versibus qui in Ordinario sine Allelúja ponuntur. Responsoriis tamen brevibus Horarum minorum et Completorii duplex additur Allelúja, prouti in Ordinario et propriis locis notatur.

¶ Itemque toto Tempore Paschali in Officio tam dominicali quam feriali, et in Festis Psalmos de Feria mutantibus, omnes Psalmi ad Vesperas, ad singulos Nocturnos et ad Laudes, dicuntur sub unica Antiphona de Tempore Paschali, ut in Psalterio.

DOMINICA IN ALBIS IN OCTAVA PASCHÆ

I classis Duplex majus

AD MATUTINUM


Invitatorium Surréxit Dóminus et Hymnus Rex sempitérne, ut in Psalterio. 42

Psalmi de Dominica sub Antiphonis et cum Versibus de Tempore Paschali, ut in Psalterio 43; quæ dicuntur etiam in reliquis Dominicis ante Ascensionem.

In I Nocturno

De Epístola beáti Pauli
Apóstoli ad Colossénses

Lectio i Cap. 3, 1-17

 I consurrexístis cum Christo : quæ sursum sunt quærite, ubi Christus est in dextera Dei sedens : quæ sursum sunt sápite, non quæ super terram. Mórtui enim estis, et vita vestra est abscondita cum Christo in Deo. Cum Christus apparúerit, vita vestra : tunc et vos apparébitis cum ipso in glória. Mortificáte ergo membra vestra, quæ sunt super terram : fornicatióem, immundítiam, libídinem, concupiscéntiam malam, et avarítiam, quæ est simulacrórum sérvitus : propter quæ venit ira Dei super filios incredulitátis : in quibus et vos ambulá-

stis aliquándo, cum viverétis in illis.

℟. Angelus Dómini descendit de cælo, et accedens revólvit lápidem, et super eum sedit, et dixit muliéribus : * Nolíte timére : scio enim quia crucifixum quæritis : jam surrexit : veníte, et vidéte locum, ubi pósitus erat Dóminus, allelúja. ℣. Et introeúntes in monuméntum, vidérunt júvenem sedéntem in dextris, copértum stola cándida, et obstupuérunt : qui dixit illis. — Nolíte.

Lectio ii

Nunc autem depónite et vos ómnia : iram, indignatióem, malítiam, blasphemiam, turpem sermónem de ore vestro. Nolíte mentíri invicem, exspoliántes vos véterem hóminem cum áctibus suis, et induéntes novum eum, qui renovátur in agnitióem secúndum imáginem ejus, qui creávit illum. Ubi non est gentílis et Judæus, circumcisio et præpútium, Bárbarus et Scytha, servus et liber : sed ómnia, et in ómnibus Christus. Indúite vos ergo sicut elécti Dei, sancti et dilécti, víscera misericórdiæ, benignitátem, humilitátem, modéstiam, paciéntiam : supportántes

invicem, et donántes vobismetípsis, si quis advérsus áliquem habet querélam : sicut et Dóminus donávit vobis, ita et vos.

℟. Angelus Dómini locútus est muliéribus, dicens : Quem quæritis? an Jesum quæritis? Jam surrexit : * Veníte, et vidéte, allelúja, allelúja. ℣. Jesum quæritis Nazarénium crucifixum? Surrexit, non est hic. — Veníte.

Lectio iii

Super ómnia autem hæc, caritátem habéte, quod est vínculum perfectiόνis : et pax Christi exsúltet in córdibus vestris, in qua et vocáti estis in uno corpore : et grati estóte. Verbum Christi hábitet in vobis abundánter, in omni sapiéntia, docéntes, et commonéntes vosmetípsos, psalmis, hymnis, et cánticis spirituálibus, in grátia cantántes in córdibus vestris Deo. Omne, quodcúmque fácitis in verbo aut in ópere, ómnia in nómine Dómini Jesu Christi, grátias agéntes Deo et Patri per ipsum.

℟. Cum transísset sábbatum, María Madgaléne, et María Jacóbi, et Salóme emérunt arómata, * Ut veniéntes úngerent Jesum, allelúja, allelúja. ℣. Et valde mane una sabbató-

rum véniunt ad monuméntum, orto jam sole. — Ut veniéntes úngerent Jesum, allelúja, allelúja. Gló-
ria Patri. Ut.

In II Nocturno

Sermo sancti Augustíni
Epíscopi

Sermo 1 in Octava Paschæ,
qui est 157 de Tempore

Lectio iv



Aschális solémnitas hodiérna festivitáte conclúditur, et ideo hódie Neophytórum hábitus commutátur : ita tamen, ut candor, qui de hábitu depónitur, semper in corde teneátur. In qua quidem primum nobis agéndum est, ut quia pascháles dies sunt, id est, indulgéntiæ ac remissionis, ita a nobis sanctórum diérum festívitás agátur, ut relaxatióne córporum púritas non obfuscétur : sed pótius abstinéntes ab omni luxu, ebrietáte, lascívia, demus óperam sóbriæ remissioni, ac sanctæ sinceritati : ut, quidquid modo corporáli abstinéntia non acquírimus, méntium puritate quæramus.

✠. María Magdaléne, et áltera María ibant dilúculo ad monuméntum : * Jesum quem quæritis, non est hic, surréxit sicut lo-

cútus est, præcédet vos in Galiléam, ibi eum vidébítis, allelúja, allelúja. ✠. Et valde mane una sabbatórum véniunt ad monuméntum, orto jam sole : et introeúntes vidérunt júvenem sedéntem in dextris, qui dixit illis. — Jesum.

Lectio v

AD omnes quidem pér-
tinet sermo, quos cura nostra compléctitur : verúm tamen hódie termináta sacramentórum solemnitáte, vos allóquimur, novélla gérmina sanctitátis, regeneráta ex aqua et Spíritu Sancto : germen pium, exámen novéllum, flos nostri honóris, et fructus labóris, gáudium et coróna mea, omnes qui statis in Dómino Apostólicis verbis vos álloquor : Ecce nox præcæssit, dies autem appropinquávit : abjícite ópera tenebrárum, et induíte vos arma lucis. Sicut in die honéste ambulémus : non in comessationibus et ebrietátibus, non in cubilibus et impudiciis, non in contentiône et æmulatiône : sed induímini Dóminum Jesum Christum.

✠. Surréxit pastor bonus, qui ánimam suam pósuit pro óvibus suis, et pro grege suo mori dignátus est : * Allelúja,

allelúja, allelúja. *℟.* Et enim Pascha nostrum immolatus est Christus. — Allelúja, allelúja, allelúja.

Lectio vi

Habemus, inquit, certiorum prophetarum sermonem : cui bene facitis intendentes tamquam lucernae in obscuro loco, donec dies luceat, et lucifer oriatur in cordibus vestris. Sint ergo lumbi vestri accincti, et lucernae ardentes in manibus vestris : et vos similes hominibus expectantibus dominum suum, quando revertatur a nuptiis. Ecce dies adveniunt, in quibus Dominus dicit : Pusillum, inquit, et non videbitis me : et iterum pusillum, et videbitis me. Haec est hora, de qua dixit : Vos tristes eritis, saeculum autem gaudet : id est, vita ista tentationibus plena, in qua peregrinamur ab eo. Sed iterum, inquit, videbo vos, et gaudet cor vestrum, et gaudium vestrum nemo tollet a vobis.

℟. Virtute magna reddabant Apostoli * Testimonium resurrectionis Jesu Christi Domini nostri, allelúja, allelúja. *℟.* Repleti quidem Spiritu Sancto, loquebantur cum fiducia verbum Dei. — Testimó-

nium. Glória Patri. Testimonium.

In III Nocturno

Lectio sancti Evangelii secundum Joannem

Lectio vii Cap. 20, 19-31

In illo tempore : Cum sero esset die illo, una sabbatorum, et fores essent clausae, ubi erant discipuli congregati propter metum Judaeorum : venit Jesus, et stetit in medio, et dixit eis : Pax vobis. Et reliqua.

Homilia sancti Gregorii Papae

Homilia 26 in Evangelia



Rima lectionis hujus evangelicae quaestio animum pulsat : quomodo post resurrectionem corpus Dominicum verum fuit, quod clausis januis ad discipulos ingredi potuit? Sed sciendum nobis est, quod divina operatio, si ratione comprehenditur, non est admirabilis : nec fides habet meritum, cui humana ratio praebet experimentum. Sed haec ipsa nostri Redemptoris opera, quae ex semetipsis comprehendendi nequaquam possunt, ex alia ejus operatione pensanda sunt : ut rebus mirabilibus fidem praebent facta mirabiliora. Illud enim corpus Domini in-

trávit ad discípulos jánuis clausis, quod vidélicet ad humános óculos per nativitátem suam clauso exívit útero Vírginis. Quid ergo mirum, si clausis jánuis post resurrectionem suam in ætérnum jam victúrus intrávit, qui moritúrus véniens, non apérto útero Vírginis exívit?

℟. De ore prudéntis procédit mel, allelúja : dulcédo mellis est sub lingua ejus, allelúja : * Favus distíllans lábia ejus, allelúja, allelúja. ℣. Sapiéntia requiescit in corde ejus, et prudéntia in sermóne oris illíus. — Favus.

Lectio viii

SED quia ad illud corpus, quod vidéri póterat, fides intuéntium dubitábat : osténdit eis prótinus manus et latus : palpándam carnem præbuit, quam clausis jánuis introduxit. Qua in re duo mira, et juxta humánam ratióne sibi valde contrária osténdit : dum post resurrectionem suam corpus suum incorruptibile, et tamen palpábile demonstrávit. Nam et corrúmpi necesse est quod palpátur : et palpári non potest quod non corrumpitur. Sed miro modo atque inæstimábili Redemptor noster et incorrupti-

bile post resurrectionem, et palpábile corpus exhibuit : ut monstrádo incorruptibile, invitáret ad præmium; et præbendo palpábile, firmáret ad fidem. Et incorruptibilem se ergo, et palpabilem demonstrávit : ut profecto esse post resurrectionem osténderet corpus suum et ejúsdem natúræ, et altérius glóriæ.

℟. Surgens Jesus Dóminus noster, stans in médio discipulórum suórum, dixit : * Pax vobis, allelúja : gavísi sunt discipuli viso Dómino, allelúja. ℣. Una ergo sabbatórum, cum fores essent clausæ, ubi erant discipuli congregáti, venit Jesus, et stetit in médio eórum, et dixit eis. — Pax. Glória Patri. Pax.

Lectio ix

DIXIT eis : Pax vobis. Sicut misit me Pater, et ego mitto vos : id est, sicut misit me Pater Deus Deum, et ego mitto vos homo hómines. Pater Fílium misit, qui hunc pro redemptione géneris humáni incarnári constituit. Quem vidélicet in mundum veníre ad passióne voluit : sed tamen amávit Fílium, quem ad passióne misit. Eléctos vero Apóstolos Dóminus non ad mundi gáudia, sed sicut

ipse missus est, ad passiones in mundum mittit. Quia ergo et Filius amatur a Patre, et tamen ad passionem mittitur : ita et discipuli a Domino amantur, qui tamen ad passionem mittuntur in mundum. Itaque recte dicitur : Sicut misit me Pater, et ego mitto vos : id est, ea vos caritate diligo, cum inter scandala persecutorum mitto, qua me caritate Pater diligit, quem venire ad tolerandas passiones fecit.

Te Deum laudamus.

AD LAUDES

Antiphona Allelúja cum *Psalmis de Dominica 1 loco. 49*

Capit. 1 Joann. 5, 4

Carissimi : Omne quod natum est ex Deo, vincit mundum : et hæc est victória, quæ vincit mundum, fides nostra.

Hymnus

Auróra cælum púrpurat,
Æther resúltat láudibus,
Mundus triúmphans júbi-
lat,
Horrens avérnus infremit :

Rex ille dum fortíssimus
De mortis inférno specu
Patrum senátum líberum
Edúcit ad vitæ jubar.

Cujus sepúlcrum plúrimo
Custóde signábat lapis,

Victor triúmphat, et suo
Mortem sepúlcro fúnerat.

Sat fúneri, sat lácrimis,
Sat est datum dolóribus :
Surréxit exstíntor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

* **D**eo Patri sit glória,
Et Filio, qui a mórtuis
Surréxit, ac Paráclito,
In sempitérna sáecula.

Amen.

V. In resurrectione tua,
Christe, allelúja. **R.** Cæli
et terra læténtur, allelúja.

Ad Bened. Ant. Cum
esset sero * die illa una
sabbatorum, et fores es-
sent clausæ, ubi erant
discipuli congregati in
unum, stetit Jesus in mé-
dio, et dixit eis : Pax
vobis, allelúja.

Oratio

Præsta, quæsumus, om-
nipotens Deus : ut,
qui paschalia festa perégi-
mus, hæc, te largiente,
móribus et vita teneamus.
Per Dóminum.

Ad Horas Hymni ut in Psalterio de Ordinario, Antiphona Allelúja cum Psalmis de Dominica, ut in Psalterio; Responsoria brevia et ad Primam etiam Lectio brevis Si consurrexístis de Tempore

Paschali, ut in Psalterio de Ordinario.

AD TERTIAM

Capit. 1 Joann. 5, 4

Carissimi : Omne quod natum est ex Deo, vincit mundum : et hæc est victória, quæ vincit mundum, fides nostra.

℟. br. Surréxit Dóminus de sepúlcro, * Allelúja, allelúja. Surréxit. ℣. Qui pro nobis pepéndit in ligno. Allelúja, allelúja. Glória Patri. Surréxit. ℣. Surréxit Dóminus vere, allelúja. ℟. Et apparuit Simóni, allelúja.

Oratio

Præsta, quæsumus, omnípotens Deus : ut, qui paschália festa perégit, hæc, te largiente, móribus et vita teneamus. Per Dóminum.

AD SEXTAM

Capit. 1 Joann. 5, 5-6

Quis est autem qui vincit mundum, nisi qui credit quóniam Jesus est Fílius Dei? hic est, qui venit per aquam et sanguinem, Jesus Christus : non in aqua solum, sed in aqua et sanguine.

℟. br. Surréxit Dóminus vere, * Allelúja, allelúja. Surréxit. ℣. Et apparuit Simóni. Allelúja. Glória Patri. Surréxit. ℣. Gavísi

sunt discípuli, allelúja. ℟. Viso Dómino, allelúja.

AD NONAM

Capit. 1 Joann. 5, 9-10

Si testimónium hóminum accípiamus, testimónium Dei majus est : quóniam hoc est testimónium Dei, quod majus est, quóniam testificátus est de Fílio suo. Qui credit in Fílium Dei, habet testimónium Dei in se.

℟. br. Gavísi sunt discípuli, * Allelúja, allelúja. Gavísi. ℣. Viso Dómino. Allelúja, allelúja. Glória Patri. Gavísi. ℣. Mane nobíscum, Dómine, allelúja. ℟. Quóniam advesperáscit, allelúja.

AD VESPERAS

Antiphona Allelúja cum Psalmis de Dominica, ut in Psalterio 72; Capitulum, Hymnus et Versus, ut in Vesperis præcedentis Sabbati. 521

℣. Mane nobíscum, Dómine, allelúja. ℟. Quóniam advesperáscit, allelúja.

Ad Magnif. Ant. Post dies octo * jánuis clausis ingressus Dóminus dixit eis : Pax vobis, allelúja, allelúja.

Ad Completorium Ant. Allelúja cum Psalmis de Dominica, ut in Psalterio 76, et reliqua ut ibidem de Ordinario pro Tempore Paschali.

¶ Invitatorium, Hymni, Versus, Lectio brevis ad Primam et Responsoria brevia, in Officio tam dominicali quam feriali usque ad Nonam in Vigilia Ascensionis inclusive, dicuntur quotidie, ut supra, de Tempore Paschali in Psalterio de Ordinario : et inde in Officio feriali sumuntur etiam Capitula ad omnes Horas.

FERIA SECUNDA

AD MATUTINUM

Psalmi de Feria sub Antiphona Allelúja cum Versu pro Officio trium Lectionum de Tempore Paschali, ut in Psalterio. Quod item servatur in reliquis Feriis usque ad Vigiliam Ascensionis inclusive.

Incipit liber Actuum
Apostolorum

Lectio i Cap. 1, 1-26

Primum quidem sermonem feci de ómnibus, o Theóphile, quæ cœpit Jesus fácere, et docere usque in diem, qua præciens Apóstolis per Spíritum Sanctum, quos elégit, assúptus est : quibus et præbuit seípsum vivum post passiónem suam in multis arguméntis, per dies quadragínta appárens eis, et loquens de regno Dei. Et convéscens, præcépit eis ab Jerosólymis ne discéderent, sed

expectárent promissiónem Patris, quam audístis (inquit) per os meum : quia Joánnes quidem baptizávit aqua, vos autem baptizabímini Spíritu Sancto non post multos hos dies. Igitur qui convéniant, interrogábant eum, dicéntes : Dómine, si in témpore hoc restítues regnum Israël? Dixit autem eis : Non est vestrum nosse témpora vel mómenta, quæ Pater pósuit in sua potestáte : sed accipiétis virtútem superveniéntis Spíritus Sancti in vos, et éritis mihi testes in Jerúsalem, et in omni Judæa, et Samaría, et usque ad últimum terræ.

✠. Virtúte magna reddébant Apóstoli * Testimónium resurrectionis Jesu Christi Dómini nostri, allelúja, allelúja. ✠. Repléti quidem Spíritu Sancto, loquebántur cum fidúcia verbum Dei. — Testimónium.

Lectio ii

ET cum hæc dixisset, vidéntibus illis, elevátus est : et nubes suscepit eum ab óculis eórum. Cumque intueréntur in cælum eúntem illum, ecce duo viri astitérunt juxta illos in véstibus albis, qui et dixerunt : Viri Galilæi, quid statis aspiciéntes in

cælum? Hic Jesus qui assumptus est a vobis in cælum, sic veniet, quemadmodum vidistis eum euntem in cælum. Tunc reversi sunt Jerosolymam a monte, qui vocatur Oliveti, qui est juxta Jerusalem, sabbati habens iter. Et cum introissent in cenaculum, ascenderunt ubi manebant Petrus et Joannes, Jacobus et Andreas, Philippus et Thomas, Bartholomæus et Matthæus, Jacobus Alphæi et Simon Zelotes, et Judas Jacobi. Hi omnes erant perseverantes unanimiter in oratione cum mulieribus, et Maria matre Jesu, et fratribus ejus.

℟. De ore prudentis procedit mel, allelúja : dulcedo mellis est sub lingua ejus, allelúja : * Favus distillans labia ejus, allelúja, allelúja. ℣. Sapientia requiescit in corde ejus, et prudentia in sermone oris illius. — Favus.

In omnibus Officiis ritus simplicis : Glória Patri. Favus.

Lectio iii

IN diébus illis exsurgens Petrus in medio fratrum, dixit (erat autem turba hominum simul, fere centum viginti) : Viri fratres, oportet impleri Scripturam, quam prædixit Spiritus Sanctus per os

David de Juda, qui fuit dux eorum, qui comprehenderunt Jesum : qui connumeratus erat in nobis, et sortitus est sortem ministerii hujus. Et hic quidem possedit agrum de mercede iniquitatis, et suspensus crepuit medius : et diffusa sunt omnia viscera ejus. Et notum factum est omnibus habitantibus Jerusalem, ita ut appellaretur ager ille, lingua eorum, Haceldama, hoc est, ager sanguinis. Scriptum est enim in libro Psalmorum : Fiat commoratio eorum deserta, et non sit qui inhabitet in ea : et episcopatum ejus accipiat alter. Oportet ergo ex his viris, qui nobiscum sunt congregati in omni tempore, quo intravit et exivit inter nos Dominus Jesus, incipiens a baptismo Joannis usque in diem, qua assumptus est a nobis, testem resurrectionis ejus nobiscum fieri unum ex istis. Et statuerunt duos, Joseph, qui vocabatur Barsabas, qui cognominatus est Justus : et Matthiam. Et orantes dixerunt : Tu, Domine, qui corda nostri omnium, ostende, quem elegeris ex his duobus unum accipere locum ministerii hujus, et apostolatus, de quo prævaticá-

tus est Judas, ut abiret in locum suum. Et dedérunt sortes eis, et cécidit sors super Matthíam, et annumerátus est cum úndecim Apóstolis.

In Officio feriali : Te Deum.

In Officiis novem Lectio-
num :

℟. Ecce vicit leo de tribu Juda, radix David, aperíre librum, et sólvere septem signácula ejus : * Allelúja, allelúja, allelúja. ℣. Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. — Allelúja. Glória Patri. Allelúja.

Ad Bened. Ant. Surgens Jesus * mane prima sábbati, appáruit primo Mariæ Magdalénæ, de qua ejécerat septem dæmónia, allelúja.

Oratio Dominicæ præ-
cedentis. 527

Et tam in Laudibus quam in Vesperis, usque ad Laudes Vigiliæ Ascensionis inclusive, fit Commemoratio de Cruce, justa propriam Rubricam in Ordinario.

Ad Magnif. Ant. Pax vobis, * ego sum, allelúja : nolíte timére, allelúja.

FERIA TERTIA

De Actibus Apostolorum

Lectio i **Cap. 2, 1-8**

ET, cum compleréntur dies Pentecóstes, erant omnes páriter in eódem loco : et factus est repén- te de cælo sonus, tamquam adveniéntis spíritus veheméntis, et replévit totam domum ubi erant sedén- tes. Et apparuérunt illis dispertítæ linguæ tamquam ignis, sedítque supra singulos eórum : et repléti sunt omnes Spíritu Sancto, et cœpérunt loqui váriis linguis, prout Spíritus Sanctus dabat éloqui illis. Erant autem in Jerúsalem habitántes Judæi, viri religiósi ex omni natione, quæ sub cælo est. Facta autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes. Stupébant autem omnes, et mirabántur, dicéntes : Nonne ecce omnes isti, qui loquúntur, Galilæi sunt? Et quómodo nos audívimus unusquisque linguam nostram, in qua nati sumus?

℟. Ego sum vitis vera, et vos pálmities : * Qui manet in me, et ego in eo, hic fert fructum multum,

allelúja, allelúja. *℟.* Sicut dilexit me Pater, et ego dilexi vos. — Qui manet in me, et ego in eo, hic fert fructum multum, allelúja, allelúja.

Lectio ii **Cap. 2, 14-27**

STans autem Petrus cum undecim, levávit vocem suam, et locútus est eis : Viri Judæi, et qui habitátis Jerúsalem universi, hoc vobis notum sit, et áuribus percípите verba mea. Non enim, sicut vos æstimátis, hi ébrii sunt, cum sit hora diéi tértia : sed hoc est, quod dictum est per prophetám Joél : Et erit in novíssimis diébus (dicit Dóminus), effúndam de Spíritu meo super omnem carnem : et prophetábunt filii vestri, et filiæ vestræ, et júvenes vestri visiónes vidébunt, et senióres vestri sómnia somniábunt. Et quidem super servos meos, et super ancillas meas in diébus illis effúndam de Spíritu meo, et prophetábunt : et dabo prodígia in cælo sursum, et signa in terra deórsum, sánguinem, et ignem, et vapórem fumi : sol convertétur in ténebras, et luna in sánguinem, ántequam véniat dies Dómini magnus et maniféstus. Et erit : omnis, quicúmque

invocáverit nomen Dómini, salvus erit.

℟. Surgens Jesus Dóminus noster, stans in médio discipulórum suórum, dixit : * Pax vobis, allelúja : gavísi sunt discípuli viso Dómino, allelúja. *℟.* Una ergo sabbatórum, cum fores essent clausæ, ubi erant discípuli congregáti, venit Jesus, et stetit in médio eórum, et dixit eis. — Pax.

In omnibus Officiis ritus simplicis : Glória Patri. Pax.

Lectio iii

Viri Israélitæ, audíte verba hæc : Jesum Nazarénium, virum approbátum a Deo in vobis, virtútibus, et prodígiis, et signis, quæ fecit Deus per illum in médio vestri, sicut et vos scitis : hunc definíto consílio et præsciéntia Dei tráditum, per manus iniquórum affligéntes interemístis : quem Deus suscitávit, solútis dolóribus inférni, juxta quod impossibile erat teneri illum ab eo. David enim dicit in eum : Providébam Dóminum in conspéctu meo semper : quóniam a dextris est mihi ne commóvear : Propter hoc lætátum est cor meum, et exsultávit lingua mea, insuper et caro mea requiescet in spe : Quóniam

non derelinques animam meam in inférno, nec dabis Sanctum tuum vidére corruptionem.

In Officio feriali : Te Deum.

**In Officiis novem Lectio-
num :**

✠. Expurgáte vetus fermentum, ut sitis nova conspersio : étenim Pascha nostrum immolátus est Christus; * Itaque epulémur in Dómino, allelúja.

✠. Mórtuus est propter delicta nostra, et resurrexit propter justificatió-
nem nostram. — Itaque.

Glória Patri. Itaque.

Ad Bened. Ant. Præcé-
dam vos * in Galilæam,
ibi me vidébitis, sicut dixi
vobis, allelúja, allelúja.

Ad Magnif. Ant. Mitte
manum tuam, * et cognó-
sce loca clavórum, alle-
lúja : et noli esse incréd-
ulus, sed fidélis, allelúja.

FERIA QUARTA

De Actibus Apostolorum

Lectio i **Cap. 3, 1-16**

Petrus autem et Joánnes
ascendébant in tem-
plum ad horam oratiónis
nonam. Et quidam vir,
qui erat claudus ex útero
matris suæ, bajulabátur;
quem ponébant quotidie
ad portam templi, quæ
dicitur Speciósá, ut pé-

teret eleemósynam ab in-
troeúntibus in templum.
Is, cum vidisset Petrum
et Joánnem incipiéntes in-
troíre in templum, rogá-
bat ut eleemósynam accí-
peret. Intuens autem in
eum Petrus cum Joánnē,
dixit : Réspice in nos. At
ille intendébat in eos, spe-
rans se áliquid acceptú-
rum ab eis. Petrus autem
dixit : Argéntum et au-
rum non est mihi : quod
autem hábeo, hoc tibi do :
In nómine Jesu Christi
Nazaréni surge, et ámbula.

✠. Christus resúrgens ex
mórtuis, jam non móritur,
mors illi ultra non domi-
nábitur : quod enim mórt-
uus est peccáto, mórtuus
est semel : * Quod autem
vivit, vivit Deo, allelúja,
allelúja. ✠. Mórtuus est
semel propter delicta no-
stra, et resurrexit propter
justificatióem nostram.
— Quod.

Lectio ii

ET, apprehénsa manu
ejus dextera, allevávit
eum, et prótinus conso-
lidátæ sunt bases ejus et
plantæ. Et exsiliens stetit,
et ambulábat; et intrávit
cum illis in templum ám-
bulans, et exsiliens, et
laudans Deum. Et vidit
omnis pópulus eum am-
bulántem, et laudántem
Deum. Cognoscébant au-
tem illum, quod ipse erat,

qui ad eleemósynam sedébat ad Speciósam portam templi : et impléti sunt stupóre et éxtasi in eo, quod contígerat illi. Cum tenéret autem Petrum et Joánnem, cucúrrit omnis pópulus ad eos ad pórticum, quæ appellátur Salomónis, stupéntes.

℟. Surréxit pastor bonus, qui ánimam suam pósuit pro óvibus suis, et pro grege suo mori dignátus est : * Allelúja, allelúja, allelúja. ℣. Et enim Pascha nostrum immolátus est Christus. — Allelúja.

In omnibus Officiis ritus simplicis : Glória Patri. Allelúja.

Lectio iii

Videns autem Petrus, respóndit ad pópulum : Viri Israélitæ, quid mirámini in hoc, aut nos quid intuémur, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glorificávit Fílium suum Jesum, quem vos quidem tradidístis, et negástis ante fáciem Piláti, judicánte illo dimítti. Vos autem Sanctum et Justum negástis, et petístis virum homicídam donári vobis : auctórem vero vitæ interfecístis, quem Deus suscitá-

vit a mórtuis, cujus nos testes sumus. Et in fide nóminis ejus, hunc, quem vos vidístis et nostis, confirmávit nomen ejus : et fides, quæ per eum est, dedit íntegram sanitátem istam in conspéctu ómnium vestrum.

In Officio feriali : Te Deum.

In Officiis novem Lectio-
num :

℟. Ecce vicit leo de tribu Juda, radix David, aperíre librum, et sólvare septem signácula ejus : * Allelúja, allelúja, allelúja. ℣. Dignus est Agnus, qui occísus est, accíperere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. — Allelúja. Glória Patri. Allelúja.

Ad Bened. Ant. Ego sum vitis vera, * allelúja : et vos pálmities veri, allelúja.

Ad Magnif. Ant. Quia vidísti me, * Thoma, credidísti : beáti qui non vidérunt, et credidérunt, allelúja.

FERIA QUINTA

De Actibus Apostolórum

Lectio i *Cap. 5, 1-16*

VIR autem quidam, nómine Ananías, cum Saphíra uxóre sua vén-

didit agrum, et fraudávit de prégio agri, cónsencia uxóre sua : et áfferens partem quamdam, ad pedes Apostolorum pósuit. Dixit autem Petrus : Ananía, cur tentávit sáttanas cor tuum, mentíri te Spíritui Sancto, et fraudáre de prégio agri? Nonne manens tibi manébat, et venúndatum in tua erat potestáte? Quare posuísti in corde tuo hanc rem? Non es mentítus homínibus, sed Deo. Audiens autem Ananías hæc verba, cecidit et exspirávit. Et factus est timor magnus super omnes, qui audiérunt. Surgéntes autem júvenes amovérunt eum, et efféréntes sepeliérunt.

℟. Virtúte magna reddébant Apóstoli * Testimónium resurrectiónis Jesu Christi Dómini nostri, allelúja, allelúja. ℣. Repléti quidem Spíritu Sancto, loquebántur cum fidúcia verbum Dei. — Testimónium.

Lectio ii

FActum est autem quasi horarum trium spátium, et uxor ipsíus, nésciens quod factum fúerat, introívit. Dixit autem ei Petrus : Dic mihi, múlter, si tanti agrum vendidístis? At illa dixit : Etiam tanti. Petrus autem ad eam : Quid útique convé-

nit vobis tentáre Spíritum Dómini? Ecce pedes eórum, qui sepeliérunt virum tuum, ad óstium, et éfferent te. Conféstim cecidit ante pedes ejus, et exspirávit. Intrántes autem júvenes invenérunt illam mórtuam : et extulérunt, et sepeliérunt ad virum suum. Et factus est timor magnus in universa ecclésia, et in omnes, qui audiérunt hæc.

℟. De ore prudéntis procedit mel, allelúja : dulcédo mellis est sub lingua ejus, allelúja : * Favus distillans lábia ejus, allelúja, allelúja. ℣. Sapiéntia requiescit in corde ejus, et prudéntia in sermóne oris illíus. — Favus.

In omnibus Officiis ritus simplicis : Glória Patri. Favus.

Lectio iii

PER manus autem Apostolorum fiébant signa et prodigia multa in plebe. Et erant unanimiter omnes in pórticu Salomónis. Ceterórum autem nemo audébat se conjúgere illis : sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejícerent infirmos, et pónerent in léctulis ac grabátis, ut, veniénte Petro, saltem umbra illíus

obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos a spirítibus immúndis : qui curabántur omnes.

In Officio feriali : Te Deum.

*In Officiis novem Lectio-
num :*

℟. Ecce vicit leo de tribu Juda, radix David, aperíre librum, et sólvare septem signácula ejus : * Allelúja, allelúja, allelúja. ℣. Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. — Allelúja. Glória Patri. Allelúja.

Ad Bened. Ant. Ardens est cor meum, * desídero vidére Dóminum meum : quæro, et non invénio ubi posuérunt eum, allelúja, allelúja.

Ad Magnif. Ant. Misi dígitum meum * in fixúras clavórum, et manum meam in latus ejus, et dixi : Dóminus meus, et Deus meus, allelúja.

FERIA SEXTA

De Actibus Apostolórum

Lectio i *Cap. 8, 9-24*

VIR autem quidam, nómine Simon, qui ante fúerat in civitáte magus, sedúcens gentem Samariæ, dicens se esse áliquem magnum : cui auscultábant omnes a mínimo usque ad máximum, dicétes : Hic est virtus Dei, quæ vocátur magna. Attendébant autem eum : propter quod multo témpore magís suis deméntásset eos. Cum vero credidíssent Philíppo evangelizánti de regno Dei, in nómine Jesu Christi baptizábantur viri ac mulíeres. Tunc Simon et ipse crédidit : et, cum baptizátus esset, adhærébat Philíppo. Videns étiam signa et virtútes máximas fíeri, stupens admirabátur.

℟. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ℣. Sicut diléxit me Pater, et ego diléxi vos. — Qui.

Lectio ii

CUM autem audíssent Apóstoli, qui erant Jerosólymis, quod recepíssent Samaría verbum Dei, miserunt ad eos Petrum et

Joánnem. Qui, cum venissent, oravérunt pro ipsis, ut acciperent Spíritum Sanctum : nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum Sanctum. Cum vidísset autem Simon, quia per impositionem manus Apostolorum darétur Spíritus Sanctus, óbtulit eis pecúniam, dicens : Date et mihi hanc potestátem, ut cuicúmque imposúero manus, accípiat Spíritum Sanctum.

✠. Surgens Jesus Dóminus noster, stans in médio discipulórum suórum, dixit : * Pax vobis, allelúja : gavísi sunt discipuli viso Dómino, allelúja. ✠. Una ergo sabbatórum, cum fores essent clausæ, ubi erant discipuli congregáti, venit Jesus, et stetit in médio eórum, et dixit eis. — Pax.

In omnibus Officiis ritus simplicis : Glória Patri. Pax.

Lectio iii

Petrus autem dixit ad eum : Pecúnia tua tecum sit in perditionem : quóniam donum Dei existimásti pecúnia possidéri. Non est tibi pars, neque sors in sermóne isto. Cor enim tuum non

est rectum coram Deo. Pœniténtiam itaque age ab hac nequítia tua : et roga Deum, si forte remittátur tibi hæc cogitatio cordis tui. In felle enim amaritúdinis, et obligatione iniquitátis vídeo te esse. Respóndens autem Simon, dixit : Precámini vos pro me ad Dóminum, ut nihil véniat super me horum, quæ dixístis.

In Officio feriali : Te Deum.

In Officiis novem Lectionum :

✠. Expurgáte vetus fermentum, ut sitis nova conspersio : etenim Pascha nostrum immolátus est Christus : * Itaque epulémur in Dómino, allelúja. ✠. Mórtuus est propter delicta nostra, et resurrexit propter justificationem nostram. — Itaque. Glória Patri. Itaque.

Ad Bened. Ant. Venérunt ad monuméntum * María Magdaléne, et áltera María, vidére sepulcrum, allelúja.

Ad Vesperas, nisi sequenti die persolvendum sit Officium de Festo novem Lectionum, aut de qualibet Octava, a Capitulo fit de sancta Maria, et de ea dicitur Officium in Sabbato sequenti. Quod item servatur in reliquis Sabbatis similiter non impeditis, usque ad Sabbatum infra Hebdomadam IV post Octavam Paschæ inclusive.

SABBATO

De Actibus Apostolorum

Lectio i *Cap. 10, 1-17*

VIR autem quidam erat in Cæsará, nómine Cornélius, centúrio cohórtis, quæ dicitur Itálica, religiósus ac timens Deum cum omni domo sua, fáciens eleemósynas multas plebi, et déprecans Deum semper. Is vidit in visu maniféste, quasi hora diéi nona, Angelum Dei introeúntem ad se, et dicéntem sibi : Cornéli. At ille íntuens eum, timóre corréptus, dixit : Quid est, Dómine? Dixit autem illi : Oratiónes tuæ, et eleemósynæ tuæ ascendérunt in memóriam in conspéctu Dei. Et nunc mitte viros in Joppen, et accérsi Simónem quemdam, qui cognomináitur Petrus : hic hospitátur apud Simónem quemdam coriárium, cujus est domus juxta mare : hic dicet tibi quid te opóreat fácere. Et, cum discessísset Angelus, qui loquebátur illi, vocávit duos domésticos suos, et mílitem metuéntem Dóminum ex his, qui illi parébant. Quibus cum narrásset ómnia, misit illos in Joppen.

✠. Christus resúrgens ex mórtuis, jam non móritur, mors illi ultra non dominá-

bitur : quod enim mórtuus est peccáto, mórtuus est semel : * Quod autem vivit, vivit Deo, allelúja, allelúja. ✠. Mórtuus est semel propter delícta nostra, et resurréxit propter justificatióem nostram. — Quod.

Lectio ii

POstera autem die iter illis faciéntibus, et appropinquántibus civitatí, ascéndit Petrus in superioróra ut oráret circa horam sextam. Et, cum esuríret, vóluit gustáre. Parántibus autem illis, cécidit super eum mentis excéssus : et vidit cælum apértum, et descéndens vas quoddam, velut línteum magnum, quátuor iníitiis summítti de cælo in terram, in quo erant ómnia quadrupédia, et serpéntia terræ, et volatília cæli. Et facta est vox ad eum : Surge, Petre, occíde, et mandúca. Ait autem Petrus : Absit, Dómine, quia numquam manducávi omne commúne et immúndum. Et vox íterum secúndo ad eum : Quod Deus purificávit, tu commúne ne díxeris. Hoc autem factum est per ter : et statim recéptum est vas in cælum. Et dum intra se hæsitéret Petrus, quidnam esset visio, quam vidís-

set : ecce viri, qui missi erant a Cornélio, inquirentes domum Simónis, astiterunt ad jánuam.

℟. Surréxit pastor bonus, qui ánimam suam pósuit pro óvibus suis, et pro grege suo mori dignátus est : * Allelúja, allelúja, allelúja. ℣. Et enim Pascha nostrum immolátus est Christus. — Allelúja.

In Octavis simplicibus et in Officio sanctæ Mariæ in Sabbato : Glória Patri. Allelúja.

Lectio iii Cap. 10, 34-41

APériens autem Petrus os suum, dixit : In veritate cómperi quia non est personarum accéptor Deus, sed in omni gente qui timet eum, et operátur justítiam, accéptus est illi. Verbum misit Deus filiis Israël, annúntians pacem per Jesum Christum : (hic est ómnium Dóminus). Vos scitis quod factum est verbum per univérsum Judæam : incipiens enim a Galilæa post baptismum, quod prædicávit Joánnes, Jesum a Náza-reth : quómodo unxit eum Deus Spíritu Sancto, et virtúte, qui pertránsiit benefaciéndo, et sanádo omnes opprésos a diabolo, quóniam Deus erat cum illo. Et nos testes sumus ómnium, quæ fecit in

regiónē Judæórum, et Jerúsalem, quem occidérunt suspendéntes in ligno. Hunc Deus suscitávit tertia die, et dedit eum manifestum fieri non omni pópulo, sed téstibus præordinátis a Deo : nobis, qui manducávimus et bibimus cum illo, postquam resurréxit a mórtuis.

℟. Ecce vicit leo de tribu Juda, radix David, aperíre librum, et sólvēre septem signácula ejus : * Allelúja, allelúja, allelúja. ℣. Dignus est Agnus, qui occisus est, accíperē virtútem, et divinitátem, et sapiéntiam, et fortitúdinem, et honórem, et glóriam, et benedictiónem. — Allelúja. Glória Patri. Allelúja.

AD VESPERAS

Ant. Allelúja cum Psalmis de Sabbato, ut in Psalterio. 332

Capit. 1 Petri, 2, 21-22

Caríssimi : Christus passus est pro nobis, vobis relínquens exéplum, ut sequámini vestígia ejus. Qui peccátum non fecit, nec invéntus est dolus in ore ejus.

Hymnus

AD régias Agni dapes,
Stolis amícti cándidis,
Post tránsitum Maris Rubri,
Christo canámus Príncipi :

Divína cujus caritas
Sacrum propínat sánguinem,

Almíque membra córporis
Amor sacérdos ímmolat.

Sparsum cruórem póstibus
Vastátor horret Angelus :
Fugítque dívísium mare;
Mergúntur hostes flúctibus.

Jam Pascha nostrum Christi
ustus est,
Paschális idem víctima,
Et pura puris méntibus
Sinceritátis ázyna.

O vera cæli víctima,
Subjécta cui sunt tártara,
Solúta mortis víncula,
Recépta vitæ præmia.

Victor, subáctis ínferis,
Trophæa Christus explícat;

Cælóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

* Deo Patri sit glória,
Et Filio, qui a mórtuis
Surréxit, ac Paráclito,
In sempitérna sæcula.

Amen.

℣. Mane nobiscum, Dómine, allelúja. ℟. Quóniam
advesperáscit, allelúja.

Ad Magnif. Ant. Ego
sum pastor óvium : * ego
sum via, véritas, et vita :
ego sum pastor bonus, et
cognóscó oves meas, et

cognóscunt me meæ, allelúja, allelúja.

Ad Vesperas Dominicæ

Ad Magnif. Ant. Ego
sum pastor bonus, * qui
pasco oves meas, et pro
óvibus meis pono ánimam
meam, allelúja.

Oratio

D Eus, qui in Filii tui
humilitáte jacéntem
mundum erexisti : fidélibus
tuis perpétuam concede
lætítiam; ut, quos
perpétuæ mortis eripuísti
cásibus, gáudiis fácias
pérfrui sempitérnis. Per
eúmdem Dóminum.

DOM. II POST PASCHA

Semiduplex

AD MATUTINUM

In I Nocturno

De Actibus Apostolorum

Lectio i Cap. 13, 13-33



Q U M a Papho navi-
gássent Paulus et
qui cum eo erant,
venérunt Pergen Pam-
phýliæ. Joánnes autem
discédens ab eis, revér-
sus est Jerosólymam. Illi vero
pertranseúntes Pergen, ve-
nérunt Antiochíam Pisí-
diæ, et ingrési synagó-
gam die sabbatórum, se-
dérunt. Post lectiónem
autem legis et prophetá-
rum, misérunt príncipes

synagógæ ad eos, dicentes : Viri fratres, si quis est in vobis sermo exhortationis ad plebem, dicite. Surgens autem Paulus, et manu silentium indicens, ait : Viri Israëlitæ, et qui timetis Deum, audite : Deus plebis Israëel elégit patres nostros, et plebem exaltávit, cum essent incolæ in terra Ægýpti, et in bráchio excélso edúxit eos ex ea, et per quadraginta annórum tempus mores eórum sustínuit in desérto. Et déstruens gentes septem in terra Chánaan, sorte distribuit eis terram eórum, quasi post quadringéntos et quinquaginta annos : et post hæc dedit júdices usque ad Sámuel prophétam.

✠. Virtúte magna reddébant Apóstoli * Testimónium resurrectiónis Jesu Christi Dómini nostri, allelúja, allelúja. ✠. Repléti quidem Spíritu Sancto, loquebántur cum fidúcia verbum Dei. — Testimónium.

Lectio ii

✠ Exínde postulavérunt regem : et dedit illis Deus Saul filium Cis, virum de tribu Bénjamin, annis quadraginta. Et, amóto illo, suscitávit illis David regem : cui testimónium pérhibens, dixit : Invéni David filium Jesse,

virum secúndum cor meum, qui fáciat omnes voluntátes meas. Hujus Deus ex sémine secúndum promissionem edúxit Israëel Salvatórem Jesum, prædicánte Joánnē ante fáciem advéntus ejus baptísmum pœniténtiæ omni pópulo Israëel. Cum impléret autem Joánnēs cursum suum, dicebat : Quem me arbitrámini esse, non sum ego; sed ecce venit post me, cujus non sum dignus calceaménta pedum sólvēre.

✠. De ore prudéntis procédit mel, allelúja : dulcédo mellis est sub lingua ejus, allelúja : * Favus distíllans lábia ejus, allelúja, allelúja. ✠. Sapiéntia requiéscit in corde ejus, et prudéntia in sermóne oris illius. — Favus.

Lectio iii

Viri fratres, filii géneris Abraham, et qui in vobis timent Deum, vobis verbum salútis hujus missum est. Qui enim habitábant Jerúsalem, et príncipes ejus hunc ignorántes, et voces prophetárum, quæ per omne sábbatum legúntur, judicántes implevérunt; et nullam causam mortis inveniéntes in eo, petiérunt a Piláto, ut interficerent eum. Cumque consummássent óm-

nia quæ de eo scripta erant, deponentes eum de ligno, posuerunt eum in monumento. Deus vero suscitavit eum a mortuis tertia die : qui visus est per dies multos his, qui simul ascenderant cum eo de Galilæa in Jerúsalem : qui usque nunc sunt testes ejus ad plebem. Et nos vobis annuntiāmus eam, quæ ad patres nostros repromissio facta est : quoniam hanc Deus adimplēvit filiis nostris resuscitans Jesum, sicut et in Psalmo secundo scriptum est : Filius meus es tu, ego hodie genui te.

℟. Ecce vicit leo de tribu Juda, radix David, aperire librum, et solvere septem signacula ejus : * Allelúja, allelúja, allelúja. ℣. Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. — Allelúja. Glória Patri. Allelúja.

In II Nocturno

Sermo sancti Leónis Papæ

Sermo 1 de Ascensione Domini, post initium

Lectio iv



I dies, dilectissimi, qui inter resurrectionem Domini ascensionemque fluxerunt, non otioso transiere de-

cursu, sed magna in eis confirmata sacramenta, magna sunt revelata mysteria. In iis metus diræ mortis aufertur, et non solum animæ, sed etiam carnis immortalitas declaratur. In iis per insufflationem Domini infunditur Apóstolis omnibus Spiritus Sanctus : et beato Apóstolo Petro supra ceteros, post regni claves, ovilis Domínici cura mandatur.

℟. Ego sum vitis vera, et vos palmites : * Qui manet in me, et ego in eo, hic fert fructum multum, allelúja, allelúja. ℣. Sicut dilexit me Pater, et ego dilexi vos. — Qui.

Lectio v

IN iis diebus, duobus discipulis tertius in via Dominus comes jungitur, et ad omnem nostræ ambiguitatis caliginem detergendam, paventium ac trepidantium tarditas increpatur. Flammam fidei illuminata corda concipiunt : et quæ erant tepida, reserante Scripturas Domino, efficiuntur ardentia. In fractione quoque panis, convalescentium aperiuntur obtutus : multo felicius eorum oculis patefactis, quibus naturæ suæ manifestata est glorificatio, quam illorum generis no-

stri principum, quibus prævaricationis suæ est ingesta confusio.

✠. Surgens Jesus Dominus noster, stans in medio discipulorum suorum, dixit : * Pax vobis, allelúja : gavísi sunt discipuli viso Domino, allelúja. ✠. Una ergo sabbatorum, cum fores essent clausæ, ubi erant discipuli congregati, venit Jesus, et stetit in medio eorum, et dixit eis. — Pax.

Lectio vi

INter hæc autem aliaque miracula, cum discipuli trépidis cogitationibus æstuarent, et apparuisset in medio eorum Dominus, dixissetque, Pax vobis : ne hoc remaneret in eorum opinionibus, quod volebatur in cordibus (putabant enim se spiritum videre, non carnem) redarguit cogitationes a veritate discordes : ingerit dubitantium oculis manentia in manibus suis et pedibus crucis signa; et ut diligentius pertractetur, invitat. Quia ad sananda infidelium cordium vulnera, clavorum et lanceæ erant servata vestigia : ut non dubia fide, sed constantissima scientia teneretur, eam naturam in Dei Patris consensuram throno, quæ jacuerat in sepulcro.

✠. Expurgate vetus fermentum, ut sitis nova conspersio : etenim Pascha nostrum immolatus est Christus : * Itaque epulemur in Domino, allelúja. ✠. Mortuus est propter delicta nostra, et resurrexit propter justificationem nostram. — Itaque. Glória Patri. Itaque.

In III Nocturno

Lectio sancti Evangelii
secundum Joannem

Lectio vii Cap. 10, 11-16

IN illo tempore : Dixit Jesus pharisæis : Ego sum pastor bonus. Bonus pastor animam suam dat pro ovibus suis. Et reliqua.

Homilia sancti Gregorii
Papæ

Homilia 14 in Evangelia

EUdístis, fratres carissimi, ex lectione evangelica eruditionem vestram : audístis et periculum nostrum. Ecce enim is, qui non ex accidenti dono, sed essentialiter bonus est, dicit : Ego sum pastor bonus. Atque ejusdem bonitatis formam, quam nos imitemur, adjungit, dicens : Bonus pastor animam suam ponit pro ovibus suis. Fecit quod monuit : ostendit quod jussit. Bonus pastor pro ovibus suis

ánimam suam pósuit, ut in sacraménto nostro corpus suum et sánguinem vértet, et oves quas redémerat, carnis suæ aliménto satiáret.

✠. Christus resúrgens ex mórtuis, jam non móritur, mors illi ultra non dominábitur : quod enim mórtuus est peccáto, mórtuus est semel : * Quod autem vivit, vivit Deo, allelúja, allelúja. ✠. Mórtuus est semel propter delícta nostra, et resurréxit propter justificatióem nostram. — Quod.

Lectio viii

Osténsa nobis est de contéptu mortis via, quam sequámur : appósita est forma, cui imprimámur. Primum nobis est, exterióra nostra misericórditer óvibus ejus impéndere : postrémum vero, si necesse sit, étiam mortem nostram pro eisdem óvibus ministráre. A primo autem hoc mínimo pervenítur ad postrémum majus. Sed cum incomparábiliter longe sit mélior ánima, qua vivimus, quam terréna substantia, quam extérius possidémus : qui non dat pro óvibus substantiam suam, quando pro his dáturus est ánimam suam?

✠. Surréxit pastor bonus, qui ánimam suam

pósuit pro óvibus suis, et pro grege suo mori dignátus est : * Allelúja, allelúja, allelúja. ✠. Etenim Pascha nostrum immolátus est Christus. — Allelúja. Glória Patri. Allelúja.

Lectio ix

ET sunt nonnúllo, qui dum plus terrénam substantiam quam oves diligunt, mérito nomen pastóris perdunt : de quibus prótinus súbditur : Mercenárius autem, et qui non est pastor, cujus non sunt oves própriæ, videt lupum veniéntem, et dimíttit oves, et fugit. Non pastor, sed mercenárius vocátur, qui non pro amóre íntimo oves Domínicas, sed ad temporáles mercédes pascit. Mercenárius quippe est, qui locum quidem pastóris tenet, sed lucra animárum non quærit : terrénis cómodis ínhiat, honóre prælatiónis gaudet, temporálibus lucris páscitur, impénsa sibi ab homínibus reveréntia lætátur.

Te Deum laudámus.

AD LAUDES

Antiphona Allelúja cum Psalmis de Dom. 1 loco. 49

Capit. 1 Petri 2, 21-22

Caríssimi : Christus pas-
sus est pro nobis, vo-
bis relínquens exéplum,

ut sequámini vestígia ejus.
Qui peccátum non fecit,
nec invéntus est dolus in
ore ejus.

Hymnus

AUróra cælum púrpurat,
Æther resúltat láudi-
bus,

Mundus triúmphans júbi-
lat,

Horrens avérnus ínfremít :

Rex ille dum fortíssimus
De mortis inférno specu
Patrum senátum liberum
Edúcit ad vitæ jubar.

Cujus sepúlcrum plúrimo
Custóde signábat lapis,
Victor triúmphat, et suo
Mortem sepúlcro fúnerat.

Sat fúneri, sat lácrimis,
Sat est datum dolóribus :
Surréxit exstíntor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

* **D**eo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

℣. In resurrectione tua,
Christe, allelúja. **℟.** Cæli
et terra læténtur, allelúja.

Ad Bened. Ant. Ego sum
pastor óvium : * ego sum
via, véritas, et vita : ego
sum pastor bonus, et co-
gnóscó oves meas, et co-

gnóscunt me meæ, alle-
lúja, allelúja.

Oratio

DEus, qui in Fílii tui
humilitáte jacéntem
mundum erexisti : fidéli-
bus tuis perpétuam con-
céde lætítiam; ut, quos
perpétuæ mortis eripuísti
cásibus, gáudiis fácias
pérfrui sempitérnis. Per
eúmdem Dóminum.

AD TERTIAM

Capit. ut ad Laudes.

℟. br. Surréxit Dóminus
de sepúlcro, * Allelúja,
allelúja. Surréxit. **℣.** Qui
pro nobis pepéndit in li-
gno. Allelúja, allelúja.
Glória Patri. Surréxit.
℣. Surréxit Dóminus vere,
allelúja. **℟.** Et apparuit
Simóni, allelúja.

AD SEXTAM

Capit. 1 Petri 2, 23-24

TRadébat autem judi-
cánti se injúste : qui
peccáta nostra ipse pértu-
lit in corpore suo super
lignum : ut peccátis mórtui,
justítiae vivámus :
cujus livóre sanáti sumus.

℟. br. Surréxit Dóminus
vere, * Allelúja, allelúja.
Surréxit. **℣.** Et apparuit
Simóni. Allelúja, allelúja.
Glória Patri. Surréxit.
℣. Gavísi sunt discípuli,
allelúja. **℟.** Viso Dómino,
allelúja.

AD NONAM

Capitulum 1 Petri 2, 25

ERátis enim sicut oves errántes, sed convérsi estis nunc ad pastórem et episcopum animárum vestrárum.

℟. br. Gavísi sunt discipuli, * Allelúja, allelúja. Gavísi. ℣. Viso Dómino. Allelúja, allelúja. Glória Patri. Gavísi. ℣. Mane nobíscum, Dómine, allelúja. ℟. Quóniam advesperáscit, allelúja.

Oratio

DEus, qui in Fílii tui humilitáte jacéntem mundum erexisti : fidélibus tuis perpétuam concede lætítiam; ut, quos perpétuæ mortis eripuísti cásibus, gáudiis fácias pérfrui sempitérnis. Per eúmdem Dóminum.

AD VESPERAS

Antiphona Allelúja cum Psalmis de Dominica, ut in Psalterio 72; Capitulum, Hymnus et Versus, ut in Vesperis præcedentis Sabbati. 539

℣. Mane nobíscum, Dómine, allelúja. ℟. Quóniam advesperáscit, allelúja.

Ad Magnif. Ant. Ego sum pastor bonus, * qui pasco oves meas, et pro óvibus meis pono ánimam meam, allelúja.

FERIA SECUNDA

De Actibus Apostolorum

Lectio i Cap. 15, 5-29

SURREXÉRUNT autem quidam de háresi pharisæorum, qui credidérunt, dicéntes : Quia opórtet circumcídi eos, præcípere quoque serváre legem Móysi. Convenerúntque Apóstoli et senióres vidére de verbo hoc. Cum autem magna conquisítio fieret, surgens Petrus dixit ad eos : Viri fratres, vos scitis quóniam ab antíquis diébus Deus in nobis elégit, per os meum audíre gentes verbum Evangélii, et crédere. Et qui novit corda Deus, testimónium perhibuit, dans illis Spíritum Sanctum, sicut et nobis, et nihil discrévít inter nos et illos, fide puríficans corda eórum. Nunc ergo quid tentátis Deum, impónere jugum super cervíces discipulórum, quod neque patres nostri, neque nos portáre potúimus? Sed per grátiam Dómini Jesu Christi crédimus salvári, quemádmódum et illi. Táciuit autem omnis multitúdo : et audiébant Bárnabam et Paulum, narrántes quanta Deus fecísset signa et prodígia in géntibus per eos.

℟. Virtúte magna reddébant Apóstoli * Testimó-

nium resurrectionis Jesu Christi Dómini nostri, allelúja, allelúja. *℟.* Repléti quidem Spíritu Sancto, loquebantur cum fidúcia verbum Dei. — Testimónium.

Lectio ii

ET, postquam tacuerunt, respóndit Jacóbus, dicens : Viri fratres, audíte me. Simon narrávit quemádmódum primum Deus visitávit súmerex gentibus pópulum nómini suo. Et huic concórdant verba prophetárum, sicut scriptum est : Post hæc revértar, et reédificábo tabernáculum David, quod decídit : et díruta ejus reédificábo, et érigam illud : ut requírant céteri hóminum Dóminum, et omnes gentes, super quas invocátum est nomen meum, dicit Dóminus, fáciens hæc. Notum a sæculo est Dómino opus suum. Propter quod ego júdico non inquietári eos, qui ex gentibus convertúntur ad Deum, sed scribere ad eos ut abstíneant se a contaminatiónibus simulacrórum, et fornicatiónis, et suffocatís, et sanguine. Móyses enim a temporibus antiquis habet in singulis civitatibus, qui eum prædicent in synagógis, ubi per omne sábbatum légitur.

℟. De ore prudentis procédit mel, allelúja : dulcédo mellis est sub lingua ejus, allelúja : * Favus distíllans lábia ejus, allelúja, allelúja. *℟.* Sapiéntia requiescit in corde ejus, et prudentia in sermóne oris illius. — Favus.

In omnibus Officiis ritus simplicis : Glória Patri. Favus.

Lectio iii

Tunc plácuít Apóstolis, et senióribus cum omni Ecclesiá, eligere viros ex eis, et mittere Antiochiám cum Paulo et Bárnaba, Judam, qui cognominabátur Bársabas, et Silam, viros primos in fratribus, scribéntes per manus eórum : Apóstoli et senióres fratres, his qui sunt Antiochiæ, et Síriæ, et Cilíciæ fratribus ex gentibus, salútem. Quóniam audívimus quia quidam ex nobis exeúntes, turbavérunt vos verbis, everténtes ánimas vestras, quibus non mandávimus : plácuít nobis colléctis in unum, eligere viros, et mittere ad vos cum caríssimis nostris Bárnaba et Paulo, homínibus, qui tradidérunt ánimas suas pro nómine Dómini nostri Jesu Christi. Mísimus ergo Judam et Silam, qui et ipsi vobis verbis référent éadem. Visum est enim Spíritui

Sancto, et nobis, nihil ultra impónere vobis óneris, quam hæc necessaria : ut abstineátis vos ab immolátis simulacrórum, et ságuine, et suffocáto, et fornicatióne; a quibus custodiéntes vos, bene agétis. Valéte.

In Officio feriali : Te Deum.

*In Officiis novem Lectio-
num:*

℟. Ecce vicit leo de tribu Juda, radix David, aperíre librum, et sólvare septem signácula ejus : * Allelúja, allelúja, allelúja. ℣. Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. — Allelúja. Glória Patri. Allelúja.

Ad Bened. Ant. Eúntes in mundum, * allelúja : docéte omnes gentes, allelúja.

Ad Magnif. Ant. Pastor bonus * ánimam suam ponit pro óvibus suis, allelúja.

FERIA TERTIA

De Actibus Apostolorum

Lectio i Cap. 17, 22-34

STans autem Paulus in médio Areopági, ait : Viri Athenienses, per óm-

nia quasi supersticiosiónes vos vídeo. Prætériens enim, et videns simulácra vestra, invéni et aram, in qua scriptum erat : Ignóto Deo. Quod ergo ignorántes cólitis, hoc ego annúntio vobis. Deus, qui fecit mundum, et ómnia quæ in eo sunt, hic cæli et terræ cum sit Dóminus, non in manufáctis templis hábitat, nec mánibus humanis cólitur indigens áliquo, cum ipse det ómnibus vitam, et inspiratióem, et ómnia : fecítque ex uno omne genus hóminum inhabitáre super univérsam faciém terræ, defíniens statúta témpora, et téminos habitatiónis eórum, quærere Deum si forte attréctent eum, aut invéniant, quamvis non longe sit ab unoquóque nostrum.

℟. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ℣. Sicut diléxit me Pater, et ego diléxi vos. — Qui.

Lectio ii

IN ipso enim vívimus, et movémur, et sumus : sicut et quidam vestrórum poëtárum dixerunt : Ipsíus enim et genus sumus. Genus ergo cum simus Dei, non debémus æstimáre auro, aut argénto, aut lápidi,

sculpturæ artis, et cogitationis hominis, Divinum esse simile. Et tempora quidem hujus ignorantiae despiciens Deus, nunc annuntiat hominibus ut omnes ubique poenitentiam agant, eo quod statuit diem, in quo judicaturus est orbem in æquitate, in Viro, in quo statuit, fidem præbens omnibus, suscitans eum a mortuis. Cum audissent autem resurrectionem mortuorum, quidam quidem irridébant, quidam vero dixerunt : Audiemus te de hoc iterum. Sic Paulus exiit de medio eorum.

✠. Surgens Jesus Dominus noster, stans in medio discipulorum suorum, dixit : * Pax vobis, allelúja : gavisi sunt discipuli viso Domino, allelúja. ✠. Una ergo sabbatorum, cum fores essent clausæ, ubi erant discipuli congregati, venit Jesus, et stetit in medio eorum, et dixit eis. — Pax.

In omnibus Officiis ritus simplicis : Glória Patri. Pax.

Lectio iii Cap. 18, 1-4

Quidam vero viri adhærentes ei, crediderunt : in quibus et Dionýsius areopagita, et mulier nomine Dámaris, et alii cum eis. Post hæc egressus ab Athénis, venit Corínthum : et inveniens quemdam Ju-

dæum, nómine Aquilam, Pónticum genere, qui nuper vénerat ab Itália, et Priscillam uxorem ejus (eo quod præcepisset Cláudius discédere omnes Judæos a Roma), accéssit ad eos. Et quia ejúsdem erat artis, manébat apud eos, et operabatur : (erant enim scenofactoriæ artis). Et disputábat in synagóga per omne sábbatum, interpónens nomen Dómini Jesu, suadebátque Judæis et Græcis.

In Officio feriali : Te Deum.

In Officiis novem Lctionum :

✠. Expurgáte vetus fermentum, ut sitis nova conspersio : etenim Pascha nostrum immolátus est Christus : * Itaque epulémur in Domino, allelúja. ✠. Mórtuus est propter delicta nostra, et resurrexit propter justificationem nostram. — Itaque. Glória Patri. Itaque.

Ad Bened. Ant. Eúntes in mundum, * docéte omnes gentes, baptizántes eos in nómine Patris, et Filii, et Spíritus Sancti, allelúja.

Ad Magnif. Ant. Mercenárius autem, * cujus non sunt oves próprie, videt lupum veniéntem, et dimittit oves, et fugit; et lupus rapit et dispérgit oves, allelúja.

FERIA QUARTA

De Actibus Apostolorum

Lectio i *Cap. 20, 17-38*

A Miléto Paulus mittens Ephesum, vocávit majóres natu ecclésiæ. Qui cum venissent ad eum, et simul essent, dixit eis : Vos scitis a prima die, qua ingressus sum in Asiam, quáliter vobiscum per omne tempus fúerim, sérvians Dómino cum omni humilitáte, et lácrimis, et tentatiónibus, quæ mihi accidérunt ex insídiis Judæorum : quómodo nihil subtráxerim útilium, quóminus annuntiárem vobis, et docérem vos públice et per domos, testíficans Judæis atque gentílibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego Spíritu, vado in Jerúsalem : quæ in ea ventúra sint mihi, ignórans : nisi quod Spíritus Sanctus per omnes civitátes mihi protestátur, dicens : Quóniam víncula, et tribulatiónes Jerosólymis me manent. Sed nihil horum véreor : nec fácio ánimam meam pretiosiórem quam me, dúmmodo consúm-mem cursum meum, et ministérium verbi, quod accépi a Dómino Jesu, te-

stificári Evangélium grá-tiæ Dei.

✠. Christus resúrgens ex mórtuis, jam non móritur, mors illi ultra non domínabitur : quod enim mórtuus est peccáto, mórtuus est semel : * Quod autem vivit, vivit Deo, allelúja, allelúja. ✠. Mórtuus est semel propter delícta nostra, et resurréxit propter justificatiónem nostram. — Quod.

Lectio ii

ET nunc ecce ego scio quia ámplius non vidébitis faciém meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a sángine ómnium. Non enim subterfúgi, quóminus annuntiárem omne consílium Dei vobis. At-téndite vobis, et univérso gregi, in quo vos Spíritus Sanctus pósuit episcopos régere Ecclésiám Dei, quam acquisívit sángine suo. Ego scio quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exsúrgent viri loquéntes perversa, ut ab-dúcant discípulos post se. Propter quod vigiláte, memória retinéntes, quóniam per triénnum nocte et die non cessávi, cum lácrimis

monens unumquémque vestrum.

℟. Surréxit pastor bonus, qui ánimam suam pösuit pro óvibus suis, et pro grege suo mori dignátus est : * Allelúja, allelúja, allelúja. ℣. Etenim Pascha nostrum immolátus est Christus. — Allelúja.

In omnibus Officiis ritus simplicis : Glória Patri. Allelúja.

Lectio iii

ET nunc comméndo vos Deo, et verbo grátiae ipsíus, qui potens est aedificáre, et dare hereditátem in sanctificátis ómnibus. Argéntum, et aurum, aut vestem nullíus concupívi, sicut ipsi scitis : quóniam ad ea, quæ mihi opus erant, et his, qui mecum sunt, ministravérunt manus istæ. Omnia osténdi vobis, quóniam sic laboránte, opórtet suscipere infirmos, ac meminísse verbi Dómini Jesu, quóniam ipse dixit : Beátius est magis dare, quam accíperé. Et, cum hæc dixisset, pósitis génibus suis, orávit cum ómnibus illis. Magnus autem fletus factus est ómnium : et procumbéntes super collum Pauli, osculabántur eum, doléntes máxime in verbo, quod díxerat, quóniam ámplius faciém ejus non

essent visúri. Et deducébant eum ad navem.

In Officio feriali : Te Deum.

In Officiis novem Lectionum :

℟. Ecce vicit leo de tribu Juda, radix David, aperíre librum, et sólvere septem signácula ejus : * Allelúja, allelúja, allelúja. ℣. Dignus est Agnus, qui occísus est, accíperé virtútem, et divinitátem, et sapiéntiam, et fortitúdinem, et honórem, et glóriam, et benedictiónem. — Allelúja. Glória Patri. Allelúja.

Ad Bened. Ant. Ite, nuntiáte * frátribus meis, allelúja : ut eant in Galilæam, allelúja : ibi me vidébunt, allelúja, allelúja, allelúja.

Ad Magnif. Ant. Sicut novit me Pater, * et ego cognósko Patrem, et ánimam meam pono pro óvibus meis, allelúja.

FERIA QUINTA

De Actibus Apostolorum

Lectio i Cap. 24, 10-27

Respóndit autem Paulus, (annuénte sibi præsídere dicere) : Ex multis annis te esse júdicem genti huic sciens, bono ánimo pro me satisfáciam. Potes enim cognóscere, quia non plus sunt mihi

dies quam duódecim, ex quo ascénderé adoráre in Jerúsalem : et neque in templo invenérunt me cum áliquo disputántem, aut concúrsum faciéntem turbæ, neque in synagógis, neque in civitaté : neque probáre possunt tibi, de quibus nunc me accúsant. Confíteor autem hoc tibi, quod secúndum sectam, quam dicunt háeresum, sic desérvio Patri, et Deo meo, credens ómnibus, quæ in lege et prophétis scripta sunt : spem habens in Deum, quam et hi ipsi exspéctant, resurrectionem futúram justórum et iniquórum. In hoc et ipse stúdeo sine offendiculo consciéntiam habére ad Deum et ad hómines semper.

✠. Virtúte magna reddébant Apóstoli. * Testimónium resurrectionis Jesu Christi Dómini nostri, allelúja, allelúja. ✠. Repléti quidem Spíritu Sancto, loquebántur cum fidúcia verbum Dei. — Testimónium.

Lectio ii

Post annos autem plures eleemósynas factúrus in gentem meam, veni, et oblatiónes et vota. In quibus invenérunt me purificátum in templo, non cum turba, neque cum tumultu. Quidam autem

ex Asia Judæi, quos oportebat apud te præsto esse, et accusáre si quid haberent advérsus me : aut hi ipsi dicant si quid invenérunt in me iniquitátis, cum stem in concílio, nisi de una hac solúmmodo voce, qua clamávi inter eos stans : Quóniam de resurrectione mortuórum ego júdicor hódie a vobis.

✠. De ore prudentis procedit mel, allelúja : dulcédo mellis est sub lingua ejus, allelúja : * Favus distillans lábia ejus, allelúja, allelúja. ✠. Sapiéntia requiescit in corde ejus, et prudentia in sermóne oris illius. — Favus.

In omnibus Officiis ritus simplicis : Glória Patri. Favus.

Lectio iii

Distulit autem illos Felix, certíssime sciens de via hac, dicens : Cum tribúnus Lýsias descénderit, áudiam vos. Jussítque centurióni custodíre eum, et habére réquiem, nec quemquam de suis prohibére ministráre ei. Post áliquot autem dies véniens Felix cum Drusilla uxóre sua, quæ erat Judæa, vocávit Paulum, et audívit ab eo fidem quæ est in Christum Jesum. Disputánte autem illo de justitia, et castitaté, et de júdicio futúro, tremefáctus

Felix respondit : Quod nunc áttinet, vade : tēmpore autem opportúno accērsam te : simul et sperans, quod pecúnia ei darétur a Paulo, propter quod et frequēter accērsens eum, loquebátur cum eo. Biénnio autem expléto, accépit successórem Felix Pórtium Festum. Volens autem grátiam præstáre Judæis Felix, reliquit Paulum vinctum.

In Officio feriali : Te Deum.

*In Officiis novem Lectio-
num :*

℟. Ecce vicit leo de tribu Juda, radix David, aperíre librum, et sólvere septem signácula ejus : * Allelúja, allelúja, allelúja. ℣. Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem.—Allelúja. Glória Patri. Allelúja.

Ad Bened. Ant. Tu solus peregrínus es, * et non audísti de Jesu, quómodo tradidérunt eum in damnatióem mortis? allelúja.

Ad Magnif. Ant. Alias oves hábeo, * quæ non sunt ex hoc ovíli : et illas opórtet me addúcere, et vocem meam áudient : et fiet unum ovíle, et unus pastor, allelúja.

FERIA SEXTA

De Actibus Apostolórum

Lectio i Cap. 25, 1-12

Festus ergo cum venisset in provinciam, post trídium ascéndit Jerosólymam a Cæsaréa. Adierúntque eum príncipes sacerdotum, et primi Judæórum advérsus Paulum : et rogábant eum, postulántes grátiam advérsus eum, ut jubéret perdúci eum in Jerúsalem, insídias tendéntes ut interficerent eum in via. Festus autem respondit servári Paulum in Cæsaréa : se autem matúrius profectúrum. Qui ergo in vobis (ait) poténtes sunt, descendéntes simul, si quod est in viro crimen, accúsent eum.

℟. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ℣. Sicut diléxit me Pater, et ego diléxi vos. — Qui.

Lectio ii

Emorátus autem inter eos dies non ámplius quam octo, aut decem, descéndit Cæsaréam, et áltera die sedit pro tribunáli, et jussit Paulum addúci. Qui cum perdúctus esset, circumstetérunt

eum, qui ab Jerosólýma descénderant Judæi, multas et graves causas objiciétes, quas non póterant probáre, Paulo ratióne reddénte : Quóniam neque in legem Judæórum, neque in templum, neque in Cæsarem quidquam peccávi.

℟. Surgens Jesus Dóminus noster, stans in médio discipulórum suórum, dixit : * Pax vobis, allelúja : gavísi sunt discipuli viso Dómino, allelúja. ℣. Una ergo sabbatórum, cum fores essent clausæ, ubi erant discipuli congregáti, venit Jesus, et stetit in médio eórum, et dixit eis. — Pax.

In omnibus Officiis ritus simplicis : Glória Patri. Pax.

Lectio iii

Festus autem volens grátiam præstáre Judæis, respóndens Paulo, dixit : Vis Jerosólýmam ascénderé, et ibi de his judicári apud me? Dixit autem Paulus : Ad tribúnal Cæsaris sto, ibi me opórtet judicári : Judæis non nócui, sicut tu mélius nosti. Si enim nócui, aut dignum morte áliquid feci, non recúso mori : si vero nihil est eórum, quæ hi accúsant me, nemo potest me illis donáre. Cæsarem appélo. Tunc Festus cum

concílio locútus, respóndit : Cæsarem appellásti? ad Cæsarem ibis.

In Officio feriali : Te Deum.

In Officiis novem Lectorum :

℟. Expurgáte vetus fermentum, ut sitis nova conspersio : étenim Pascha nostrum immolátus est Christus : * Itaque epulémur in Dómino, allelúja. ℣. Mórtuus est propter delicta nostra, et resurrexit propter justificatióne nostram. — Itaque. Glória Patri. Itaque.

Ad Bened. Ant. Nonne sic opórtuit * pati Christum, et ita intráre in glóriam suam? allelúja.

SABBATO

De Actibus Apostolórum

Lectio i Cap. 28, 16-31

CUM autem venissémus Romam, permíssum est Paulo manére sibi cum custodiénte se milite. Post tértium autem diem convocávit primos Judæórum. Cumque convenissent, dicébat eis : Ego, viri fratres, nihil advérsus plebem fáciens, aut morem patrénnum, vinctus ab Jerosólýmis tráditus sum in manus Romanórum, qui cum interrogatióne de me habuissent, volué-

runt me dimittere, eo quod nulla esset causa mortis in me. Contradicentibus autem Judæis, coactus sum appellare Cæsarem, non quasi gentem meam habens aliquid accusare. Propter hanc igitur causam rogavi vos videre et alloqui. Propter spem enim Israël catēna hac circumdatus sum.

℟. Christus resurgens ex mortuis, jam non moritur, mors illi ultra non dominabitur : quod enim mortuus est peccato, mortuus est semel : * Quod autem vivit, vivit Deo, allelúja, allelúja. ℣. Mortuus est semel propter delicta nostra, et resurrexit propter justificationem nostram. — Quod.

Lectio ii

AT illi dixerunt ad eum : Nos neque litteras accepimus de te a Judæa, neque adveniens aliquis fratrum nuntiavit aut locutus est quid de te malum. Rogamus autem a te audire quæ sentis : nam de secta hac notum est nobis quia ubique ei contradicitur. Cum constituissent autem illi diem, venerunt ad eum in hospitium plúrimi, quibus exponēbat testificans regnum Dei, suadēnsque eis de Jesu ex lege Móysi et

prophétis a mane usque ad vesp̄eram. Et quidam credēbant his, quæ dicebantur : quidam vero non credēbant.

℟. Surrexit pastor bonus, qui animam suam posuit pro ovibus suis, et pro grege suo mori dignatus est : * Allelúja, allelúja, allelúja. ℣. Etenim Pascha nostrum immolatus est Christus. — Allelúja.

In Octavis simplicibus et in Officio sanctæ Mariæ in Sabbato : Glória Patri. Allelúja.

Lectio iii

Cumque invicem non essent consentientes, discedēbant, dicente Paulo unum verbum : Quia bene Sp̄ritus Sanctus locutus est per Isaíam prophétam ad patres nostros, dicens : Vade ad pópulum istum, et dic ad eos : Aure audietis, et non intelligētis : et videntes vidēbitis, et non perspiciētis. Incrassatum est enim cor pópuli hujus, et auribus grávit̄er audierunt, et oculos suos compresserunt : ne forte videant oculis, et auribus audiant, et corde intēlligant, et convertántur, et sanem eos. Notum ergo sit vobis, quóniam gētibus missum est hoc salutāre Dei, et ipsi audient. Et cum hæc dixisset, exierunt ab eo Judæi, multam

habéntes inter se quæstiónem. Mansit autem biénio toto in suo condúcto : et suscipiébat omnes, qui ingrediebántur ad eum, prædicans regnum Dei, et docens quæ sunt de Dómino Jesu Christo cum omni fidúcia, sine prohibitione.

R. Ecce vicit leo de tribu Juda, radix David, aperíre librum, et sólvare septem signácula ejus : * Allelúja, allelúja, allelúja. **V.** Dignus est Agnus, qui occisus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. — Allelúja. **Gloria Patri. Allelúja.**

AD VESPERAS

Ant. Allelúja cum Psalmis de Sabbato, ut in Psalterio. 332

Capit. 1 Petri 2, 11

Caríssimi : Obsecro vos tamquam ádvenas et peregrínos abstinére vos a carnálibus desidériis, quæ militánt advérsus ánimam.

Hymnus

Ad régias Agni dapes,
Stolis amícti cándidis,
Post tránsitum Maris Rubri,

Christo canámus Príncipi :

Divína cujus caritas
Sacrum propínat sánguinem,

Almíque membra córporis
Amor sacérdos ímmolat.

Sparsum cruórem póstibus

Vastátor horret Angelus :
Fugítque dívísium mare;
Mergúntur hostes flúctibus.

Jam Pascha nostrum Christus est,

Paschális idem víctima,
Et pura puris méntibus
Sinceritátis ázyma.

O vera cæli víctima,
Subjécta cui sunt tártara,
Solúta mortis víncula,
Recépta vitæ præmia.

Victor, subáctis inferis,
Trophæa Christus éxplicat;

Cælóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte díra críminum
Vitæ renátos líbera.

* **D**eo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

V. Mane nobíscum, Dómine, allelúja. **R.** Quóniam advesperáscit, allelúja.

Ad Magnif. Ant. Módicum, * et non vidébitis me, dicit Dóminus : íterum módicum, et vidébitis me : quia vado ad Patrem, allelúja, allelúja.

Ad Vesperas Dominicæ

Ad Magnif. Ant. Amen dico vobis, * quia plorábitis et flébitis vos : mundus autem gaudébit, vos vero contristabímini, sed tristítia vestra convertétur in gáudium, allelúja.

Oratio

Deus, qui errántibus, ut in viam possint redíre justítiae, veritátis tuæ lumen osténdis : da cunctis qui christiána professióne censéntur, et illa respúere, quæ huic inimica sunt nómini; et ea quæ sunt apta, sectári. Per Dóminum.

DOM. III POST PASCHA**Semiduplex****AD MATUTINUM****In I Nocturno**

Incipit liber Apocalýpsis
beáti Joánnis Apóstoli

Lectio i Cap. 1, 1-19

Apocalýpsis Jesu Christi, quam dedit illi Deus palam fácere servis suis, quæ opórtet fieri cito : et significávit, mittens per Angelum suum servo suo Joánni, qui testimoníum perhibuit verbo Dei, et testimoníum Jesu Christi, quaecúmque vidit. Beátus, qui legit et audit verba prophetiæ hujus : et servat ea, quæ

in ea scripta sunt : tempus enim prope est. Joánnes septem ecclésiis, quæ sunt in Asia. Grátia vobis, et pax ab eo, qui est, et qui erat, et qui ventúrus est : et a septem spirítibus, qui in conspéctu throni ejus sunt : et a Jesu Christo, qui est testis fidélis, primogénitus mortuórum, et princeps regum terræ : qui diléxit nos, et lavit nos a peccátis nostris in ságuine suo, et fecit nos regnum, et sacerdótes Deo et Patri suo : ipsi glória et impérium in sácula sæculórum. Amen.

R. Dignus es, Dómine, accípere librum, et aperíre signácula ejus, allelúja : quóniam occísus es, et redemísti nos Deo * In ságuine tuo, allelúja.

V. Fecísti enim nos Deo nostro regnum et sacerdotium. — In.

Lectio ii

Ecce venit cum núbibus, et vidébit eum omnis óculus, et qui eum pupugérunt. Et plangent se super eum omnes tribus terræ. Etiam : Amen. Ego sum alpha et oméga : princípium et finis, dicit Dóminus Deus : qui est, et qui erat, et qui ventúrus est, Omnípotens. Ego Joánnes, frater vester, et párticeps in tribulatióne, et regno, et paciéntia in

Christo Jesu : fui in insula, quæ appellatur Patmos, propter verbum Dei, et testimonium Jesu. Fui in spiritu in Dominica die, et audivi post me vocem magnam tamquam tubæ, dicentis : Quod vides, scribe in libro : et mitte septem ecclesiis, quæ sunt in Asia, Epheso, et Smyrnæ, et Pergamo, et Thyatiræ, et Sardis, et Philadelphiæ, et Laodicis.

℟. Ego sicut vitis fructificavi suavitatem odoris, allelúja : * Transite ad me, omnes qui concupiscitis me, et a generationibus meis adimplèmini, allelúja, allelúja. ℣. In me omnis grátia viæ et veritatis : in me omnis spes vitæ et virtutis. — Transíte.

Lectio iii

ET conversus sum ut vidèrem vocem, quæ loquebatur mecum : et conversus vidi septem candelabra aurea : et in medio septem candelabrorum aureorum similem filio hominis, vestitum podère, et præcinctum ad mamillas zona aurea : caput autem ejus et capilli erant cándidi tamquam lana alba, et tamquam nix, et oculi ejus tamquam flamma ignis, et pedes ejus símiles aurichálco, sicut in camíno ardénti, et vox illius tamquam vox

aquarum multarum : et habebat in dextera sua stellas septem : et de ore ejus gladius utraq̃ue parte acutus exibat : et facies ejus sicut sol lucet in virtute sua. Et, cum vidissem eum, cecidi ad pedes ejus tamquam mortuus. Et posuit dexteram suam super me, dicens : Noli timere : ego sum primus et novissimus, et vivus, et fui mortuus, et ecce sum vivens in sæcula sæculorum, et habeo claves mortis et infèrni. Scribe ergo quæ vidisti, et quæ sunt, et quæ oportet fieri post hæc.

℟. Audivi vocem de cælo, tamquam vocem tonitruum magni, allelúja : Regnabit Deus noster in ætèrnum, allelúja : * Quia facta est salus, et virtus, et potestas Christi ejus, allelúja, allelúja. ℣. Et vox de throno exivit, dicens : Laudem dicite Deo nostro, omnes Sancti ejus, et qui timetis Deum, pusilli et magni. — Quia. Glória Patri. Quia.

In II Nocturno

Sermo sancti Augustini
Episcopi

Sermo 147 de Tempore

Lectio iv



Iébus his sanctis resurrectioni Dómini dedicátis, quantum donante ipso possumus,

de carnis resurrectione tractemus. Hæc enim est fides nostra : hoc donum in Dómini nostri Jesu Christi nobis carne promissum est, et in ipso præcessit exemplum. Vóluit enim nobis, quod promísit in fine, non solum prænuntiáre, sed étiam demonstráre. Illi quidem qui tunc fuérunt, cum illum vidérunt, et cum expavéscerent, et spíritum se vidére créderent, soliditátem córporis tenuérunt. Locútus est enim non solum verbis ad aures eórum, sed étiam specie ad óculos eórum : párumque erat se præbere cernéndum, nisi étiam offérret pertractándum atque palpándum.

℟. Locútus est ad me unus ex septem Angelis, dicens : Veni, osténdam tibi novam nuptam, sponsam Agni : * Et vidi Jerúsalem descendéntem de cælo, ornátam monílibus suis, allelúja, allelúja, allelúja. ℣. Et sústulit me in spíritu in montem magnum et altum. — Et vidi.

Lectio v

AIT enim : Quid turbáti estis, et cogitationes ascéndunt in cor vestrum? Putavérunt enim se spíritum vidére. Quid turbáti estis, inquit, et cogita-

tionés ascéndunt in cor vestrum? Vidéte manus meas, et pedes meos : palpáte, et vidéte : quia spíritus ossa et carnem non habet, sicut me vidétis habére. Contra istam evidéntiam disputábant hómines. Quid enim áliud fácerent hómines, qui ea, quæ sunt hóminum, sapiunt, quam sic disputáre de Deo contra Deum? Ille enim Deus est, isti hómines sunt. Sed Deus novit cogitationes hóminum, quóniam vanæ sunt.

℟. Audívi vocem in cælo Angelórum multórum dicéntium : * Timéte Dóminum, et date claritátem illi, et adoráte eum, qui fecit cælum et terram, mare et fontes aquárum, allelúja, allelúja. ℣. Vidi Angelum Dei fortem, volántem per médium cæli, voce magna clamántem et dicéntem. — Timéte.

Lectio vi

IN hómine carnáli tota régula intelligéndi est consuetúdo cernéndi. Quod solent vidére, credunt : quod non solent, non credunt. Præter consuetúdinem facit Deus mirácula, quia Deus est. Majóra quidem mirácula sunt, tot quotidie hómines nasci, qui non erant, quam paucos resurrexisse, qui erant :

et tamen ista miracula non consideratione comprehensa sunt, sed assiduitate viluerunt. Resurrexit Christus : absoluta est res. Corpus erat, caro erat : pependit in cruce, emisit animam, posita est caro in sepulcro. Exhibuit illam vivam, qui vivebat in illa. Quare miramur? quare non credimus? Deus est, qui fecit.

℟. Veniens a Libano quam pulchra facta est, allelúja : * Et odor vestimentorum ejus super omnia aromata, allelúja, allelúja. ✠. Favus distillans labia ejus, mel et lac sub lingua ejus. — Et. Glória Patri. Et.

In III Nocturno

Lectio sancti Evangelii
secundum Joannem

Lectio vii Cap. 16, 16-22

IN illo tempore : Dixit Jesus discipulis suis : Modicum, et jam non videbitis me : et iterum modicum, et videbitis me : quia vado ad Patrem. Et reliqua.

Homilia sancti Augustini
Episcopi

Tractatus 101 in Joannem,
sub finem



Modicum est hoc totum spatium, quo praesens pervolat saeculum. Unde dicit idem

ipse Evangelista in Epistola sua : Novissima hora est. Ideo namque addidit : Quia vado ad Patrem : quod ad priorem sententiam referendum est, ubi ait : Modicum, et jam non videbitis me : non ad posteriolem, ubi ait : Et iterum modicum, et videbitis me. Eundo quippe ad Patrem, facturum erat ut eum non viderent. Ac per hoc non ideo dictum est, quia fuerat moriturus, et donec resurgeret, ab eorum aspectibus recessurus : sed quod esset iturus ad Patrem, quod fecit posteaquam resurrexit, et, cum eis per quadraginta dies conversatus, ascendit in caelum.

℟. Decantabat populus Israel, allelúja, et universa multitudo Jacob canebat legitime : * Et David cum cantoribus citharam percutiebat in domo Domini, et laudes Deo canebat, allelúja, allelúja. ✠. Sanctificati sunt ergo sacerdotes et levitae : et universus Israel deducebat arcam foederis Domini in jubilo. — Et.

Lectio viii

ILlis ergo ait : Modicum, et jam non videbitis me; qui eum corporaliter tunc videbant : quia iturus erat ad Patrem, et

eum deinceps mortalem visuri non erant, qualem, cum ista loqueretur, videbant. Quod vero addidit : Et iterum modicum, et videbitis me : universae promisit Ecclesiae, sicut universae promisit : Ecce ego vobiscum sum usque ad consummationem saeculi. Non tardat Dominus promissum. Modicum, et videbimus eum : ubi jam nihil rogemus, nihil interrogemus, quia nihil desiderandum remanebit, nihil quaerendum latabit.

R. Tristitia vestra, allelúja, * Convertetur in gaudium, allelúja, allelúja. **V.** Mundus autem gaudébit, vos vero contristabimini, sed tristitia vestra. — Convertetur. **Gloria Patri.** Convertetur.

Lectio ix

HOC modicum longum nobis videtur, quoniam adhuc agitur; cum finitum fuerit, tunc sentiemus quam modicum fuerit. Non ergo sit gaudium nostrum, quale habet mundus, de quo dictum est : Mundus autem gaudébit. Nec tamen in hujus desiderii parturitione sine gaudio tristes simus : sed, sicut ait Apóstolus : Spe gaudentes : In tribulatione patientes : quia et ipsa

parturiens, cui comparati sumus, plus gaudet de mox futura prole, quam tristis est de praesenti dolore. Sed hujus sermonis iste sit finis : habent enim quaestionem molestissimam, quae sequuntur : nec brevitate coarctanda sunt, ut possint commodius, si Dominus voluerit, explicari.

Te Deum laudamus.

AD LAUDES

Ant. Allelúja cum Psalmis de Dominica 1 loco. 49

Capit. 1 Petri 2, 11

Carissimi : Obsecro vos tamquam advenas et peregrinos abstinere vos a carnalibus desideriis, quae militant adversus animam.

Hymnus

Aurora caelum purpurat,
Aether resultat laudibus,
Mundus triumphans jubilat,
Horrens avernus infremit :

Rex ille dum fortissimus
De mortis inferno specu
Patrum senatum liberum
Educit ad vitae jubar.

Cujus sepulcrum plurimo
Custode signabat lapis,
Victor triumphat, et suo
Mortem sepulcro funerat.

Sat funeri, sat lacrimis,
Sat est datum doloribus :

Surréxit exstíctor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

* Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

℣. In resurrectione tua,
Christe, allelúja. ℟. Cæli
et terra læténtur, allelúja.

Ad Bened. Ant. Módi-
cum, * et non vidébitis
me, dicit Dóminus : íte-
rum módicum, et vidébitis
me : quia vado ad Patrem,
allelúja, allelúja.

Oratio

D^Eus, qui errántibus, ut
in viam possint redíre
justítiæ, veritátis tuæ lu-
men osténdis : da cunctis
qui christiána professióne
censéntur, et illa respúere,
quæ huic inimíca sunt nó-
mini; et ea quæ sunt apta,
sectári. Per Dóminum.

AD TERTIAM

Capit. 1 Petri 2, 11

C^Aríssimi : Obsecro vos
tamquam ádvenas et
peregrínos abstinére vos a
carnálibus desidériis, quæ
mílitant advérsus áni-
mam.

℟. br. Surréxit Dóminus
de sepúlcro, * Allelúja,
allelúja. Surréxit. ℣. Qui
pro nobis pepéndit in li-
gno. Allelúja, allelúja. Gló-
ria Patri. Surréxit. ℣. Sur-
réxit Dóminus vere, alle-
lúja. ℟. Et appáruit Si-
móni, allelúja.

AD SEXTAM

Capit. 1 Petri 2, 13-14

S^Ubjécti igitur estóte
omni humanæ crea-
túræ propter Deum : sive
regi quasi præcellénti :
sive dúcibus tamquam ab
eo missis ad vindíctam
malefactorum, laudem ve-
ro bonorum.

℟. br. Surréxit Dóminus
vere, * Allelúja, allelúja.
Surréxit. ℣. Et appáruit
Simóni. Allelúja, allelúja.
Glória Patri. Surréxit.
℣. Gavísi sunt discipuli,
allelúja. ℟. Viso Dómino,
allelúja.

AD NONAM

Capit. 1 Petri 2, 18-19

S^Ervi, súbditi estóte in
omni timóre dóminis,
non tantum bonis et mo-
déstis, sed étiam dýscolis.
Hæc est enim grátia in
Christo Jesu Dómino no-
stro.

℟. br. Gavísi sunt disci-
puli, * Allelúja, allelúja.
Gavísi. ℣. Viso Dómino.
Allelúja, allelúja. Glória

Patri. Gavísi. **℟.** Mane nobiscum, Dómine, allelúja.

℞. Quóniam advesperáscit, allelúja.

AD VESPERAS

Antiphona Allelúja **cum** Psalmis de Dominica, ut in Psalterio 72; **Capitulum**, Hymnus et Versus, ut in Vesperis præcedentis Sabbati. 556

℟. Mane nobiscum, Dómine, allelúja. **℞.** Quóniam advesperáscit, allelúja.

Ad Magnif. Ant. Amen dico vobis, * quia plorábitis et flébitis vos : mundus autem gaudébit, vos vero contristabimini, sed tristítia vestra convertétur in gáudium, allelúja.

FERIA SECUNDA

De libro Apocalýpsis
beáti Joánnis Apóstoli

Lectio i **Cap. 2, 1-17**

Angelo Ephesi ecclésiæ scribe : Hæc dicit, qui tenet septem stellas in dextera sua, qui ámbulat in médio septem candelabrórum aureórum : Scio ópera tua, et labórem, et patiéntiam tuam, et quia non potes sustinére malos : et tentásti eos, qui se dicunt Apóstolos esse, et non sunt : et invenísti eos mendáces : et patiéntiam habes, et sustinuísti pro-

pter nomen meum, et non defecísti. Sed hábeo advérsus te, quod caritátem tuam primam reliquísti. Memor esto itaque unde excíderis : et age pœniténtiam, et prima ópera fac. Sin autem, vénio tibi, et movébo candelábrum tuum de loco suo, nisi pœniténtiam égeris. Sed hoc habes, quia odísti facta Nicolaitárum, quæ et ego odi. Qui habet aurem, áudiat quid Spíritus dicat ecclésiis : Vincénti dabo édere de ligno vitæ, quod est in paradíso Dei mei.

℞. Vidi portam civitátis ad Oriéntem pósitam, et Apostolórum nómina et Agni super eam scripta : * Et super muros ejus Angelórum custódiam, allelúja. **℟.** Vidi cælum novum; et terram novam, et civitátem novam descendéntem de cælo. — Et.

Lectio ii

ET Angelo Smyrnæ ecclésiæ scribe : Hæc dicit primus et novíssimus, qui fuit mórtuus et vivit : Scio tribulatióem tuam, et paupertátem tuam, sed dives es : et blasphemáris ab his, qui se dicunt Judæos esse, et non sunt, sed sunt synagóga sátanæ. Nihil horum timeas quæ passúrus es. Ecce missúrus est diábo-

lus aliquos ex vobis in cárcerem ut tentemini : et habébitis tribulationem diébus decem. Esto fidélis usque ad mortem, et dabo tibi coronam vitæ. Qui habet aurem, áudiat quid Spíritus dicat ecclésiis : Qui vícerit, non lædétur a morte secúnda.

℟. Osténdit mihi Angelus fontem aquæ vivæ, et dixit ad me, allelúja :

* Hic Deum adóra, allelúja, allelúja, allelúja.

℣. Postquam audíssem et vidíssem, cécidi ut adorárem ante pedes Angeli, qui mihi hæc ostendébat, et dixit mihi. — Hic.

In omnibus Officiis ritus simplicis : Glória Patri. Hic.

Lectio iii

ET Angelo Pérgami ecclésiæ scribe : Hæc dicit qui habet rhomphæam utrâque parte acútam : Scio ubi hábitas, ubi sedes est sátanæ : et tenes nomen meum, et non negásti fidem meam. Et in diébus illis Antipas testis meus fidélis, qui occísus est apud vos, ubi sátanas hábitat. Sed hábeo advérsus te pauca : quia habes illic tenéntes doctrinam Bálaam, qui docébat Balac mittere scándalum coram filiis Israël, édere et fornicári : ita habes et tu tenéntes doctrinam Nico-

laitárum. Simíliter pœniténtiam age : si quo minus véniam tibi cito, et pugnábo cum illis in gládio oris mei. Qui habet aurem, áudiat quid Spíritus dicat ecclésiis : Vincénti dabo manna abscónditum, et dabo illi cálculum cándidum : et in cálculo nomen novum scriptum, quod nemo scit, nisi qui áccipit.

In Officio feriali : Te Deum.

In Officiis novem Lectionum :

℟. Audívi vocem de cælo, tamquam vocem tonítrui magni, allelúja : Regnábít Deus noster in ætérnum, allelúja; * Quia facta est salus, et virtus, et potéstas Christi ejus, allelúja, allelúja. ℣. Et vox de throno exívit, dicens : Laudem dícite Deo nostro, omnes Sancti ejus, et qui timétis Deum, pusílli et magni. — Quia. Glória Patri. Quia.

Ad Bened. Ant. Et incipiens * a Móyse et ómnibus prophétis, interpretabátur illis Scriptúras, quæ de ipso erant, allelúja.

Ad Magnif. Ant. Tristítia vestra * vertétur in gáudium, allelúja : et gáudium vestrum nemo tollet a vobis, allelúja, allelúja.

FERIA TERTIA

De libro Apocalýpsis
beáti Joánnis Apóstoli

Lectio i Cap. 4, 1-11

Post hæc vidi : et ecce óstium apértum in cælo, et vox prima, quam audívi tamquam tubæ loquéntis mecum, dicens : Ascénde huc, et osténdam tibi quæ opórtet fieri post hæc. Et statim fui in spíritu : et ecce sedes pósita erat in cælo, et supra sedem sedens. Et qui sedebat, símilis erat aspéctui lápidis jáspidis, et sárdinis : et iris erat in circúitu sedis símilis visióni smaragdinae. Et in circúitu sedis sedília vigínti quattuor : et super thronos vigínti quattuor senióres sedéntes, circumamícti vestiméntis albis, et in capítibus eórum corónæ áureæ. Et de throno procedébant fúlgura, et voces, et tonítrua : et septem lámpades ardéntes ante thronum, qui sunt septem spíritus Dei.

℟. Vidi Jerúsalem descendéntem de cælo, ornátam auro mundo, et lapídis pretiósus intéxtam :
* Allelúja, allelúja. ℣. Et erat structúra muri ejus ex lápide jáspide; ipsa vero aurum mundum, símile vitro mundo. — Allelúja, allelúja.

Lectio ii

ET in conspéctu sedis tamquam mare vítreum símile crystállo : et in médio sedis, et in circúitu sedis quattuor animalia plena óculis ante et retro. Et ánimál primum símile leóni, et secúndum ánimál símile vítulo, et tértium ánimál habens fáciem quasi hóminis, et quartum ánimál símile áquilæ volánti. Et quattuor animalia, síngula eórum habébant alas senas : et in circúitu et intus plena sunt óculis : et réquiem non habébant die ac nocte, dicéntia : Sanctus, sanctus, sanctus Dóminus Deus omnípotens, qui erat, et qui est, et qui ventúrus est.

℟. In diadémate cápitis Aaron magnificéntia Dómini sculpta erat : * Dum perficerétur opus Dei, allelúja, allelúja, allelúja.

℣. In veste enim poderis quam habébat, totus erat orbis terrárum, et paréntum magnália in quattuor ordínibus lápidum sculpta erant. — Dum.

In omnibus Officiis ritus
simplicis : Glória Patri. Dum.

Lectio iii

ET, cum darent illa animalia glóriam, et honórem, et benedictiónem

sedénti super thronum, vivénti in sácula sæculórum, procidébant vigínti quátuor senióres ante sedéntem in throno, et adorábant vivéntem in sácula sæculórum, et mittébant corónas suas ante thronum dicéntes : Dignus es, Dómine, Deus noster, accípere glóriam, et honórem, et virtútem : quia tu creásti ómnia, et propter voluntátem tuam erant, et creáta sunt.

In Officio feriali : Te Deum.

In Officiis novem Lectio-
num :

℟. Véniens a Líbano quam pulchra facta est, allelúja : * Et odor vestimentórum ejus super ómnia arómata, allelúja, allelúja. ℣. Favus distíllans lábia ejus, mel et lac sub lingua ejus. — Et. Glória Patri. Et.

Ad Bened. Ant. Et coegérunt illum, * dicéntes : Mane nobíscum, Dómine, quóniam advesperáscit, allelúja.

Ad Magnif. Ant. Tristítia implévit * cor vestrum : et gáudium vestrum nemo tollet a vobis, allelúja, allelúja.

FERIA QUARTA

De libro Apocalýpsis
beáti Joánnis Apóstoli

Lectio i **Cap. 5, 1-14**

ET vidi in dextera sedéntis supra thronum, librum scriptum intus et foris, signátum sigíllis septem. Et vidi Angelum fortem, prædicántem voce magna : Quis est dignus aperíre librum, et sólvare signácula ejus? Et nemo póterat neque in cælo, neque in terra, neque subtus terram aperíre librum, neque respícere illum. Et ego flebam multum, quóniam nemo dignus invéntus est aperíre librum, nec vidére eum. Et unus de senióribus dixit mihi : Ne fléveris : ecce vicit leo de tribu Juda, radix David, aperíre librum, et sólvare septem signácula ejus. Et vidi : et ecce in médio throni et quátuor animálium, et in médio seniórum, Agnum stantem tamquam occísum, habéntem córnu septem, et óculos septem : qui sunt septem spíritus Dei, missi in omnem terram. Et venit, et accépit de dextera sedéntis in throno librum.

℟. Platææ tuæ, Jerúsalem, sternéntur auro mundo, allelúja : et cantábitur in te cánticum lætitiæ,

allelúja : * Et per omnes vicos tuos ab univérsis dicétur, allelúja, allelúja. **℟.** Luce spléndida fulgébis, et omnes fines terræ adorábunt te. — Et.

Lectio ii

ET, cum aperuísset librum, quátuor animália, et vigínti quátuor seniôres cecidérunt coram Agno, habéntes singuli cítharas, et phíalas áureas, plenas odoreméntórum, quæ sunt oratiónes sanctórum : et cantábant cánticum novum, dicéntes : Dignus es, Dómine, accíperere librum, et aperíre signácula ejus : quóniam occísus es, et redemísti nos Deo in ságuine tuo ex omni tribu, et lingua, et pópulo, et natióne, et fecísti nos Deo nostro regnum, et sacerdótes : et regnábimus super terram.

℟. Decantábat pópulus Israél, allelúja, et univérſa multitúdo Jacob canébat legítimè : * Et David cum cantóribus cítharam percutiébat in domo Dómini, et laudes Deo canébat, allelúja, allelúja. **℟.** Sanctificáti sunt ergo sacerdótes et levítæ : et univérſus Israél deducébat arcam fœderis Dómini in júbilo. — Et.

In omnibus Officiis ritus simplicis : Glória Patri. Et.

Lectio iii

ET vidi, et audívi vocem Angelórum multórum in circúitu throni, et animálium, et seniórum : et erat númerus eórum míllia míllium, dicéntium voce magna: Dignus est Agnus, qui occísus est, accíperere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. Et omnem creatúram, quæ in cælo est, et super terram, et sub terra, et quæ sunt in mari, et quæ in eo : omnes audívi dicéntes : Sedénti in throno et Agno benedíctio, et honor, et glória, et potéstas in sæcula sæculórum. Et quátuor animália dicébant : Amen. Et vigínti quátuor seniôres cecidérunt in fácies suas : et adoravérunt vivéntem in sæcula sæculórum.

In Officio feriali : Te Deum.

In Officiis novem Lectio-num :

℟. Vidi portam civitátis ad Oriéntem pósitam, et Apostolórum nómina et Agni super eam scripta : * Et super muros ejus Angelórum custódiam, allelúja. **℟.** Vidi cælum novum et terram novam, et civitátem novam descendentem de cælo. — Et. Glória Patri. Et.

Ad Bened. Ant. Mane nobiscum, * quóniam ad-vesperáscit, et inclináta est jam dies, allelúja.

Ad Magnif. Ant. Tristítia vestra, * allelúja, ver-tétur in gáudium, allelúja.

FERIA QUINTA

De libro Apocalýpsis
beáti Joánnis Apóstoli

Lectio i **Cap. 15, 1-8**

ET vidi áliud signum in cælo magnum et mirábile, Angelos septem, habéntes plagas septem novíssimas : Quóniam in illis consummáta est ira Dei. Et vidi tamquam mare vítreum mistum igne, et eos, qui vicérunt béstiam, et imáginem ejus, et númerum nóminis ejus, stantes super mare vítreum, habéntes cítharas Dei : et cantántes cánticum Móysi servi Dei, et cánticum Agni, dicéntes : Magna et mirabília sunt ópera tua, Dómine, Deus omnípotens : justæ et veræ sunt viæ tuæ, Rex sæculórum. Quis non timébit te, Dómine, et magnificábit nomen tuum? quia solus pius es : quóniam omnes gentes vénient, et adorábunt in conspéctu tuo, quóniam judícia tua manifésta sunt.

℟. Dignus es, Dómine, accípere librum, et aperíre signácula ejus, allelúja : quóniam occísus es, et red-emísti nos Deo * In sán-guine tuo, allelúja. **℣.** Fe-císti enim nos Deo nostro regnum et sacerdótium. — In.

Lectio ii

ET post hæc vidi, et ecce apértum est tem-plum tabernáculi testimónii in cælo : et exiérunt septem Angeli habéntes septem plagas de templo, vestíti lino mundo et cán-dido, et præcíncti circa péctora zonis áureis. Et unum de quátuor animálibus dedit septem Angelis septem phíalas áureas, plenas iracúndiæ Dei ví-véntis in sæcula sæcu-lórum. Et implétum est templum fumo a maje-státe Dei, et de virtúte ejus : et nemo póterat introíre in templum, donec consummaréntur septem plagæ septem Angelórum.

℟. Ego sicut vitis fructi-ficávi suavitátem odóris, allelúja : * Transíte ad me, omnes qui concupíscitis me, et a generatióibus meis adimplémini, allelúja, allelúja. **℣.** In me omnis grátia viæ et veritátis : in me omnis spes vitæ et virtútis. — Transíte.

In omnibus Officiis ritus sim-plicis : Glória Patri. Transíte.

Lectio iii Cap. 16, 1-6

ET audivi vocem magnam de templo, dicentem septem Angelis : Ite, et effundite septem phialas iræ Dei in terram. Et abiit primus, et effudit phialam suam in terram, et factum est vulnus sævum et pessimum in homines, qui habebant characterem bestię : et in eos, qui adoraverunt imaginem ejus. Et secundus Angelus effudit phialam suam in mare, et factus est sanguis tamquam mortui : et omnis anima vivens mortua est in mari. Et tertius effudit phialam suam super flumina, et super fontes aquarum, et factus est sanguis. Et audivi Angelum aquarum dicentem : Justus es, Domine, qui es, et qui eras sanctus, qui hæc judicasti : quia sanguinem sanctorum et prophetarum effuderunt, et sanguinem eis dedisti bibere : digni enim sunt.

In Officio feriali : Te Deum.

*In Officiis novem Lectio-
num :*

℟. Audivi vocem de cælo, tamquam vocem tonitruum magni, allelúja : Regnabit Deus noster in ætérnum, allelúja; * Quia facta est salus, et virtus, et potestas Christi ejus, allelúja,

allelúja. ℣. Et vox de throno exivit, dicens : Laudem dicite Deo nostro, omnes sancti ejus, et qui timétis Deum, pusilli et magni. — Quia. Glória Patri. Quia.

Ad Bened. Ant. Et intravit * cum illis : et factum est, dum recumberet cum illis, accepit panem, et benedixit, ac fregit, et porrigébat illis, allelúja, allelúja.

Ad Magnif. Ant. Amen, amen dico vobis, * iterum vidébo vos, et gaudébit cor vestrum, et gaudium vestrum nemo tollet a vobis, allelúja.

FERIA SEXTA

De libro Apocalýpsis
beati Joánnis Apóstoli

Lectio i Cap. 19, 1-16

Post hæc audivi quasi vocem turbarum multarum in cælo dicentium : Allelúja : Salus, et glória, et virtus Deo nostro est : quia vera et justa judícia sunt ejus, qui judicávit de meretrice magna, quæ corrúpit terram in prostitutione sua, et vindicávit sanguinem servorum suorum de manibus ejus. Et iterum dixerunt : Allelúja. Et fumus ejus ascéndit in sæcula sæculorum. Et ceciderunt seniores viginti

quátuor, et quátuor animalia, et adoravérunt Deum sedéntem super thronum, dicéntes : Amen : Allelúja. Et vox de throno exívit, dicens : Laudem dicite Deo nostro, omnes servi ejus, et qui timétis eum, pusílli et magni.

℟. Locútus est ad me unus ex septem Angelis, dicens : Veni, osténdam tibi novam nuptam, sponsam Agni : * Et vidi Jerúsalem descendéntem de cælo, ornátam monílibus suis, allelúja, allelúja, allelúja. ℣. Et sústulit me in spíritu in montem magnum et altum. — Et vidi.

Lectio ii

ET audívi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium : Allelúja : quóniam regnávit Dóminus Deus noster omnípotens. Gaudeámus, et exsultémus, et demus glóriam ei : quia venérunt nuptiæ Agni, et uxor ejus præparávit se. Et datum est illi ut coopériat se býssino splendénti et cándido. Býssinum enim justificatiónes sunt sanctórum. Et dixit mihi : Scribe : Beáti qui ad cœnam nuptiarum Agni vocáti sunt. Et dixit mihi : Hæc verba Dei vera

sunt. Et cécidi ante pedes ejus, ut adorárem eum. Et dicit mihi : Vide ne féceris : consérvus tuus sum, et fratrum tuórum habéntium testimónium Jesu. Deum adóra. Testimónium enim Jesu est spíritus prophetiæ.

℟. Audívi vocem in cælo Angelórum multórum dicéntium : * Timéte Dóminum, et date claritátem illi, et adoráte eum, qui fecit cælum et terram, mare et fontes aquárum, allelúja, allelúja. ℣. Vidi Angelum Dei fortem, volántem per médium cæli, voce magna clamántem et dicéntem. — Timéte.

In omnibus Officiis ritus simplicis : Glória Patri. Timéte.

Lectio iii

ET vidi cælum apértum, et ecce equus albus, et qui sedébat super eum, vocabátur Fidélis, et Verax, et cum justítia júdicat, et pugnat. Oculi autem ejus sicut flamma ignis, et in cápite ejus diadémata multa, habens nomen scriptum, quod nemo novit nisi ipse. Et vestitus erat veste aspérsa ságuine : et vocátur nomen ejus, Verbum Dei. Et exercitus qui sunt in cælo, sequebántur eum in equis albis, vestíti býssino albo et mundo. Et

de ore ejus procédit gladius ex utrâque parte acutus : ut in ipso percútiat gentes. Et ipse reget eas in virga férrea : et ipse calcat tórcular vini furóris iræ Dei omnipoténtis. Et habet in vestiménto et in fémore suo scriptum : Rex regum, et Dóminus dominántium.

In Officio feriali : Te Deum.

In Officiis novem Lectio-
num :

℟. Véniens a Líbano quam pulchra facta est, allelúja : * Et odor vestimentórum ejus super ómnia arómata, allelúja, allelúja. ℣. Favus distíllans lábia ejus, mel et lac sub lingua ejus. — Et. Glória Patri. Et.

Ad Bened. Ant. Cognovérunt * Dóminum Jesum, allelúja, in fractióne panis, allelúja.

SABBATO

De libro Apocalýpsis
beáti Joánnis Apóstoli

Lectio i **Cap. 22, 1-21**

ET osténdit mihi flúvium aquæ vitæ, spléndidum tamquam crystállum, procedéntem de sede Dei et Agni. In médio platéæ ejus, et ex utrâque parte flúminis lignum vitæ, áfferens fructus duódecim, per menses sín-

gulos reddens fructum suum, et fólía ligni ad sanitátem géntium. Et omne maledíctum non erit ámplius : sed sedes Dei et Agni in illa erunt, et servi ejus sérvient illi. Et vidébunt fáciem ejus : et nomen ejus in fróntibus eórum. Et nox ultra non erit : et non egébunt lúmine lucérnæ, neque lúmine solis, quóniam Dóminus Deus illuminábit illos, et regnábunt in sæcula sæculórum. Et dixit mihi : Hæc verba fidelíssima sunt et vera. Et Dóminus Deus spirítuum prophetárum misit Angelum suum osténdere servis suis quæ opórtet fieri cito. Et ecce vénio velóciter. Beátus, qui custódit verba prophetiæ libri hujus.

℟. Decantábat pópulus Israël, allelúja, et univérsa multitúdo Jacob canébat legítimè : * Et David cum cantóribus cítharam percutiébat in domo Dómini, et laudes Deo canébat, allelúja, allelúja. ℣. Sanctificáti sunt ergo sacerdótes et levítæ : et univérsus Israël deducébat arcam fœderis Dómini in júbilo. — Et.

Lectio ii

ET ego Joánnes, qui auctóri et vidi hæc. Et, postquam audíssem et vi-

díssem, cécidi ut adorárem ante pedes Angeli, qui mihi hæc ostendébat : et dixit mihi : Vide ne féceris : consérvus enim tuus sum, et fratrum tuórum prophetárum, et eórum, qui servant verba prophetiæ libri hujus : Deum adóra. Et dicit mihi : Ne signáveris verba prophetiæ libri hujus : tempus enim prope est. Qui nocet, nóceat adhuc : et qui in sórdibus est, sordéscat adhuc : et qui justus est, justificétur adhuc : et sanctus, sanctificétur adhuc. Ecce vénio cito, et merces mea mecum est, réddere unicuique secúndum ópera sua.

✠. Osténdit mihi Angelus fontem aquæ vivæ, et dixit ad me, allelúja :

* Hic Deum adóra, allelúja, allelúja, allelúja.

✠. Postquam audíssem et vidíssem, cécidi ut adorárem ante pedes Angeli, qui mihi hæc ostendébat, et dixit mihi. — Hic.

In Octavis simplicibus et in Officio sanctæ Mariæ in Sabato : Glória Patri. Hic.

Lectio iii

EGO sum alpha et oméga, primus et novíssimus, princípium et finis. Beáti, qui lavant stolas suas in ságuine Agni : ut

sit potéstas eórum in ligno vitæ, et per portas intrent in civitátem. Foris canes, et venéfici, et impudíci, et homicídæ, et idólis serviéntes, et omnis, qui amat et facit mendácium. Ego Jesus misi Angelum meum, testificári vobis hæc in ecclésiis. Ego sum radix et genus David, stella spléndida et matutína. Et spíritus, et sponsa dicunt : Veni. Et qui audit, dicat : Veni. Et qui sitit, véniat : et qui vult, accípiat aquam vitæ gratis. Contéstor enim omni audiénti verba prophetiæ libri hujus : Si quis appósuerit ad hæc, appónet Deus super illum plagas scriptas in libro isto : Et si quis diminúerit de verbis libri prophetiæ hujus, áuferet Deus partem ejus de libro vitæ, et de civitáte sancta, et de his, quæ scripta sunt in libro isto. Dicit qui testimónium pérhibet istórum : Etiam vénio cito : Amen. Veni, Dómine Jesu. Grátia Dómini nostri Jesu Christi cum ómnibus vobis. Amen.

✠. Vidi Jerúsalem descendéntem de cælo, ornátam auro mundo, et lapídibus pretiósus intéxtam : * Allelúja, allelúja. ✠. Et erat structúra muri ejus ex lápide jáspide; ipsa vero aurum mundum, símile vitro

mundo. — Allelúja. Glória Patri. Allelúja.

AD VESPERAS

Ant. Allelúja cum Psalmis de Sabbato, ut in Psalterio. 332

Capitulum Jac. 1, 17

Carissimi : Omne datum optimum, et omne donum perfectum desursum est, descendens a Patre luminum, apud quem non est transmutatio, nec vicissitudinis obumbratio.

Hymnus

Ad régias Agni dapes,
Stolis amicti candidis,
Post transitum Maris Rubri,
Christo canamus Principi :

Divina cujus caritas
Sacrum propinat sanguinem,

Almique membra corporis
Amor sacerdos immolat.

Sparsum cruorem postibus

Vastator horret Angelus :
Fugitque divisum mare;
Merguntur hostes fluctibus.

Jam Pascha nostrum Christus est,

Paschalis idem victima,
Et pura puris mentibus
Sinceritatis azyma.

O vera cæli victima,
Subiecta cui sunt tartara,
Soluta mortis vincula,
Recapta vitæ præmia.

Victor, subactis inferis,
Trophæa Christus explicat;

Cæloque aperto, subditum
Regem tenebrarum trahit.

Ut sis perenne mentibus
Paschale, Jesu, gaudium,
A morte dira criminum
Vitæ renatos libera.

* Deo Patri sit gloria,
Et Filio, qui a mortuis
Surrexit, ac Paráclito,
In sempiterna sæcula.

Amen.

℣. Mane nobiscum, Domine, allelúja. ℟. Quoniam advesperascit, allelúja.

Ad Magnif. Ant. Vado ad eum * qui misit me : et nemo ex vobis interrogat me : Quo vadis? allelúja, allelúja.

Ad Vesperas Dominicæ

Ad Magnif. Ant. Vado ad eum * qui misit me : sed quia hæc locutus sum vobis, tristitia implévit cor vestrum, allelúja.

Oratio

Deus, qui fidelium mentes unius efficis voluntatis : da populis tuis id amare quod præcipis, id desiderare quod promittis; ut inter mundanas varietates ibi nostra fixa sint corda, ubi vera sunt gaudia. Per Dominum.

DOM. IV POST PASCHA

Semiduplex

AD MATUTINUM

In I Nocturno

Si sequentes Lectiones I Nocturni pridie dictæ fuerint in Festo Ss. Apostolorum Philippi et Jacobi, hac nocte sumuntur Lectiones Feriæ II sequentis cum Responsoriis tamen de Dominica.

Incipit Epístola cathólica
beáti Jacóbi Apóstoli

Lectio i Cap. 1, 1-16



Acóbus, Dei et Dómini nostri Jesu Christi servus, duodecim tribubus, quæ sunt in dispersiône, salutem. Omne gáudium existimate, fratres mei, cum in tentatiónes várias incidéritis : sciéntes quod probatio fidei vestræ patientiam operátur. Patientia autem opus perféctum habet : ut sitis perfécti et integri in nullo deficientes. Si quis autem vestrum indiget sapiéntia, póstulet a Deo, qui dat ómnibus affluénter, et non impropérat : et dábitur ei. Póstulet autem in fide nihil háesitans.

℟. Si oblítus fúero tui, allelúja, obliviscátur meí dextera mea : * Adháreat lingua mea fáucibus meis. si non memínero tui, allelúja, allelúja. ℣. Super

flúmina Babylónis illic sédimus et flévimus, dum recordarémur tui, Sion. — Adháreat.

Lectio ii

QUI enim háesitat, similis est flúctui maris, qui a vento movétur et circumfértur. Non ergo aestimet homo ille quod accípiat áliquíd a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua : dives autem in humilitate sua, quóniam sicut flos fœni transíbit. Exórtus est enim sol cum ardóre, et arefécit fœnum, et flos ejus décidit, et decor vultus ejus depériit : ita et dives in itinéribus suis marcéscet.

℟. Vidérunt te aquæ, Deus, vidérunt te aquæ, et timuérunt : * Multitúdo sónitus aquárum vocem dedérunt nubes, allelúja, allelúja, allelúja. ℣. Illuxérunt coruscationes tuæ orbi terræ : vidit et commóta est terra. — Multitúdo.

Lectio iii

BEÁTUS vir, qui suffert tentatiónem : quóniam cum probátus fúerit, accípiet coronam vitæ, quam repromísit Deus diligéntibus se. Nemo, cum tentátur, dicat quóniam a Deo

tentátur : Deus enim intentátor malórum est : ipse autem néminem tentat. Unusquisque vero tentátur a concupiscéntia sua abstráctus et illéctus. Deínde concupiscéntia, cum concéperit, parit peccátum : peccátum vero, cum consummátum fúerit, génerat mortem. Nolíte itaque erráre, fratres mei dilectíssimi.

℟. Narrábo nomen tuum frátribus meis, allelúja :

* In médio Ecclésiæ laudábo te, allelúja, allelúja.

℣. Confitébor tibi in pópulis, Dómine, et psallum dicam tibi in géntibus. — In. Glória Patri. In.

In II Noeturno

Ex Tractátu sancti Cypríani Epíscopi et Mártiris de bono patiéntiæ

Num. 1-3 et 20

Lectio iv

E patiéntia locutúrus, fratres dilectíssimi, et utilitátes ejus et cómoda prædicatúrus, unde pótius incípiam, quam quod nunc quoque ad audiéntiam, vestram patiéntiam vídeo esse necessariam : ut nec hoc ipsum, quod audítis et discitis, sine patiéntia fácere possítis? Tunc enim demum sermo et rátio salutáris effícaciter díscitur,

si patiénter, quod díctur, audiátur. Nec invénio, fratres dilectíssimi, inter céteras cæléstis disciplínæ vias, quibus ad consequénda divínitus præmia spei ac fidei nostræ secta dirígitur, quid magis sit vel útilius ad vitam, vel majus ad glóriam, quam ut qui præcéptis Domínici obséquio timóris ac devotiónis innítimur, patiéntiam máxime tota observatióne tueámur. Hanc se sectári philósophi quoque profiténtur : sed tam illic patiéntia falsa est, quam et falsa sapiéntia est. Unde enim vel sápiens esse vel pátiens possit, qui nec sapiéntiam nec patiéntiam Dei novit?

℟. In ecclésiis benedicite Deo, allelúja : * Dómino de fóntibus Israël, allelúja, allelúja. ℣. Psalmum dicite nómini ejus, date glóriam laudi ejus. — Dómino.

Lectio v

NOS autem, fratres dilectíssimi, qui philósophi non verbis, sed factis sumus; nec vestítu sapiéntiam, sed veritáte præférimus : qui virtútum consciéntiam magis quam jactántiam nóvimus : qui non lóquimur magna, sed vívimus quasi servi et cultóres Dei : patiéntiam, quam magistéris cælésti-

bus discimus, obsequiis spiritalibus praebeamus. Est enim nobis cum Deo virtus ista communis : inde patientia incipit, inde claritas ejus et dignitas caput sumit. Origo et magnitudo patientiae Deo auctore procedit. Diligenda res homini, quae Deo cara est. Bonum quod amat, majestas divina commendat. Si Dominus nobis et Pater Deus est, sectemur patientiam domini pariter et patris; quia et servos oportet esse obsequentes, et filios non decet esse degeneres.

℟. In toto corde meo, allelúja, exquisivi te, allelúja : * Ne repellas me a mandatis tuis, allelúja, allelúja. ℣. Benedíctus es tu, Dómine, doce me justificationes tuas. — Ne.

Lectio vi

Patientia est, quae nos Deo et commendat et servat : ipsa est, quae iram temperat, quae linguam frenat, quae mentem gubernat, pacem custodit, disciplinam regit, libidinis impetum frangit, tumoris violentiam comprimit, incendium simultatis extinguit, coércet potentiam divitum, inopiam pauperum refovet, tuetur in virginibus beatam integritatem, in viduis labo-

riksam castitatem, in conjunctis et maritalis individuam caritatem : facit humiles in prosperis, in adversis fortes, contra injurias et contumelias mitis : docet delinquentibus cito ignoscere : si ipse delinquas, diu et multum rogare : tentationes expungat, persecutiones tolerat, passionem et martyria consummat. Ipsa est, quae fidei nostrae fundamenta firmiter munit.

℟. Hymnum cantate nobis, allelúja : * Quomodo cantabimus canticum Domini in terra aliena? allelúja, allelúja. ℣. Illic interrogaverunt nos, qui captivos duxerunt nos, verba canticum. — Quomodo. Glória Patri. Quomodo.

In III Nocturno

Lectio sancti Evangelii
secundum Joannem

Lectio vii Cap. 16, 5-14

IN illo tempore : Dixit Jesus discipulis suis : Vado ad eum qui misit me; et nemo ex vobis interrogat me : Quo vadis? Et reliqua.

Homilia sancti Augustini
Episcopi

Tractat. 94 in Joann., initio



CUM Dominus Jesus praedixisset discipulis suis persecutiones, quas passuri erant

post ejus abscéssum, subjúnxit atque ait : Hæc autem vobis ab inítkio non dixi, quia vobíscum eram : nunc autem vado ad eum, qui me misit. Ubi primum vidéndum est, utrum eis futúras non prædixerit ante passiões. Sed álii tres Evangelístæ satis eum prædixisse ista demónstrant, ántequam ventum esset ad cœnam : quæ perácta, secúndum Joánnem ista locútus est, ubi ait : Hæc autem vobis ab inítkio non dixi, quia vobíscum eram.

℟. Deus, cánticum novum cantábo tibi, allelúja : * In psaltério decem chordárum psallam tibi, allelúja, allelúja. ʒ. Deus meus es tu, et confitébor tibi : Deus meus es tu, et exaltábo te. — In psaltério.

Lectio viii

AN forte hinc ista sólvi-
tur quæstio, quia et illi eum narrant passiõni prõximum fuisse, cum hæc diceret? Non ergo ab inítkio, quando cum illis erat : quia jam discessúrus, jamque ad Patrem perrectúrus hæc dixit. Et ideo étiam secúndum illos Evangelístas verum est, quod hic dictum est : Hæc autem vobis ab inítkio non dixi. Sed quid ágimus de

fide Evangélii secúndum Matthæum, qui hæc eis a Dómino non solum cum jam Pascha esset cum discípulis cœnatúrus, imminénte passiõe, verum et ab inítkio denuntiáta esse commémorat; ubi primum nominátim duódecim exprimúntur Apóstoli, et ad ópera divína mittúntur?

℟. Bonum est confitéri Dómino, allelúja : * Et psállere, allelúja. ʒ. In decachórdo psaltério, cum cántico et cíthara. — Et psállere. Glória Patri. Et psállere.

Lectio ix

Quid sibi ergo vult, quod hic ait : Hæc autem vobis ab inítkio non dixi, quia vobíscum eram : nisi quia ea, quæ hic dicit de Spíritu Sancto, quod sit ventúrus ad eos, et testimónium perhibíturus, quando mala illa passúri sunt, hæc ab inítkio eis non dixit, quia cum ipsis erat? Consolátor ergo ille, vel advocátus, (utrúmq; enim interpretátur, quod est Græce Paráclitus) Christo abscedénte, fúerat necessárius : et ideo de illo non díxerat ab inítkio, quando cum illis erat, quia ejus præsentia consolabántur.

Te Deum laudámus.

AD LAUDES

Ant. Alleluja cum Psalmis
de Dominica 1 loco. 49

Capitulum Jac. 1, 17

Carissimi : Omne datum
óptimum, et omne do-
num perféctum desúrsum
est, descéndens a Patre
lúminum, apud quem non
est transmutátio, nec vi-
cissitúdinis obumbrátio.

Hymnus

Auróra cælum púrpurat,
Æther resúltat láudi-
bus,
Mundus triúmphans júbi-
lat,

Horrens avérnus infremit :

Rex ille dum fortíssimus
De mortis inférno specu
Patrum senátum liberum
Edúcit ad vitæ jubar.

Cujus sepúlcrum plúrimo
Custóde signábat lapis,
Victor triúmphant, et suo
Mortem sepúlcre fúnerat.

Sat fúneri, sat lácrimis,
Sat est datum dolóribus :
Surréxit exstíntor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

* **D**eo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

℟. In resurrectione tua,
Christe, allelúja. ℞. Cæli
et terra læténtur, allelúja.

Ad Bened. Ant. Vado ad
eum * qui misit me : et
nemo ex vobis intérogat
me : Quo vadis? allelúja,
allelúja.

Oratio

Deus, qui fidélium men-
tes uníus éfficis volun-
tátis : da pópulis tuis id
amáre quod præcipis, id
desideráre quod promíttis;
ut inter mundánas varie-
tates ibi nostra fixa sint
corda, ubi vera sunt gáu-
dia. Per Dóminum.

AD TERTIAM

Capitulum Carissimi, ut
supra.

℞. **br.** Surréxit Dóminus
de sepúlcro, * Allelúja,
allelúja. Surréxit. ℟. Qui
pro nobis pepéndit in
ligno. Allelúja, allelúja.
Glória Patri. Surréxit.
℟. Surréxit Dóminus vere,
allelúja. ℞. Et appáruit
Simóni, allelúja.

AD SEXTAM

Capitulum Jac. 1, 19-20

Scitis, fratres mei dile-
ctissimi. Sit autem
omnis homo velox ad au-
diéndum : tardus autem
ad loquéndum, et tardus
ad iram. Ira enim viri ju-
stítiam Dei non operátur.

R. br. Surréxit Dóminus vere, * Allelúja, allelúja. Surréxit. **V.** Et apparuit Simóni. Allelúja, allelúja. **Gloria Patri.** Surréxit. **V.** Gavísi sunt discipuli, allelúja. **R.** Viso Dómino, allelúja.

AD NONAM

Capitulum Jac. 1, 21

Propter quod abjiciéntes omnem immun-dítiam, et abundántiam malítiae, in mansuetú-dine suscípite ínsitum verbum, quod potest salváre áni-mas vestras.

R. br. Gavísi sunt discí-puli, * Allelúja, allelúja. Gavísi. **V.** Viso Dómino. Allelúja, allelúja. **Gloria Patri.** Gavísi. **V.** Mane nobíscum, Dómine, alle-lúja. **R.** Quóniam advespe-ráscit, allelúja.

AD VESPERAS

Ant. Allelúja cum Psalmis de Dominica, ut in Psalterio 72; Capitulum, Hymnus et Versus, ut in Vesperis præce-dentis Sabbati. 573

V. Mane nobíscum, Dó-mine, allelúja. **R.** Quóniam advesperáscit, allelúja.

Ad Magnif. Ant. Vado ad eum * qui misit me : sed quia hæc locútus sum vobis, tristítia implévit cor vestrum, allelúja.

FERIA SECUNDA

De Epístola beáti Jacóbi Apóstoli

Lectio i Cap. 1, 17-27

OMne datum óptimum, et omne donum per-féctum desúrsum est, de-scéndens a Patre lúmi-num, apud quem non est transmutátio, nec vicissi-túdinis obumbrátio. Vo-luntárie enim génuít nos verbo veritátis, ut simus ínítium áliquod creatúræ ejus. Scitis, fratres mei dilectíssimi. Sit autem omnis homo velox ad au-diéndum : tardus autem ad loquéndum, et tardus ad iram. Ira enim viri justítiam Dei non ope-rátur.

R. Dicant nunc, qui red-émpti sunt, allelúja, * A Dómino, allelúja, allelúja. **V.** Quos redémit de manu inimíci, et de regiónibus congregávit eos. — A Dómino.

¶ Si vero, juxta superiorem Rubricam 574, in ipsa Domi-nica IV sumendæ sint Lectio-nes hujus Feriæ II, dicitur sequens Responsorium Dom-inicæ :

R. Si oblítus fúero tui, allelúja, obliviscátur mei dextera mea : * Adhæreat lingua mea fáucibus meis, si non memínero tui, alle-lúja, allelúja. **V.** Super

flúmina Babylónis illic sédimus et flévimus, dum recordarémur tui, Sion. — Adhæreat lingua mea fáucibus meis, si non memínero tui, allelúja, allelúja.

Lectio ii

Propter quod abjiciéntes omnem immundítiam, et abundántiam malítiæ, in mansuetúdine suscípíte ínsitum verbum, quod potest salváre ánimas vestras. Estóte autem factóres verbi, et non audítóres tantum : falléntes vosmetípsos. Quia, si quis audítor est verbi, et non factor : hic comparábitur viro consideránti vultum nativitátis suæ in spéculo : considerávit enim se, et ábiit, et statim oblítus est qualis fúerit.

℟. Cantáte Dómino, allelúja : * Psalmum dícite ei, allelúja. ℣. Afférte Dómino glóriam et honórem, afférte Dómino glóriam nómini ejus. — Psalmum.

In omnibus Officiis ritus simplicis : Glória Patri. Psalmum.

¶ Si vero, juxta superiorem Rubricam 574, in ipsa Dominica IV sumendæ sint Lectiones hujus Feriæ II, dicitur sequens Responsorium Dominicæ :

℟. Vidérunt te aquæ, Deus, vidérunt te aquæ, et timuérunt : * Multitúdo

sónitus aquárum vocem dedérunt nubes, allelúja, allelúja, allelúja. ℣. Illuxérunt coruscationes tuæ orbi terræ : vidit et comóta est terra. — Multitúdo.

Lectio iii

Qui autem perspéxerit in legem perféctam libertátis, et permánserit in ea, non audítor obliuósus factus, sed factor óperis : hic beátus in facto suo erit. Si quis autem putat se religiósus esse, non refrénans linguam suam, sed sedúcens cor suum, hujus vana est religio. Religio munda et immaculáta apud Deum et Patrem, hæc est : Visitáre pupílos et víduas in tribulatione eórum, et immaculátum se custodíre ab hoc sæculo.

In Officio feriali : Te Deum.

In Officiis novem Lectionum :

℟. Narrábo nomen tuum frátribus meis, allelúja :

* In médio Ecclésiæ laudábo te, allelúja, allelúja.

℣. Confitébor tibi in pópulis, Dómine, et psalmum dicam tibi in géntibus. — In. Glória Patri. In.

¶ Præcedens Responsorium dicitur etiam, quando, juxta superiorem Rubricam 574, in ipsa Dominica IV sumendæ sint Lectiones hujus Feriæ II.

Ad Bened. Ant. Nonne cor nostrum * ardens erat in nobis de Jesu, dum loquerétur nobis in via? allelúja.

Ad Magnif. Ant. Ego veritatem dico * vobis : expedit vobis ut ego vadam : si enim non abiero, Paráclitus non véniet ad vos, allelúja.

FERIA TERTIA

De Epístola beáti Jacóbi
Apóstoli

Lectio i **Cap. 2, 1-13**

FRatres mei, nolite in personarum acceptiōne habere fidem Dómini nostri Jesu Christi glóriæ. Etenim, si introierit in convéntum vestrum vir áureum ánnulum habens in veste cándida, introierit autem et pauper in sordido hábitu, et intendátis in eum, qui indútus est veste præclára, et dixeritis ei : Tu sede hic bene : páuperi autem dicátis : Tu sta illic; aut sede sub scabéllo pedum meórum : nonne judicátis apud vosmetípsos, et facti estis júdices cogitatiónum iniquárum?

✠. In ecclésiis benedicite Deo, allelúja, * Dómino de fóntibus Israél, allelúja, allelúja. ✠. Psalmum dicite nómini ejus, date gló-

riam laudi ejus. — Dómino.

Lectio ii

AUdíte, fratres mei dilectíssimi, nonne Deus elégit páuperes in hoc mundo, dívites in fide, et herédes regni, quod repro-mísit Deus diligéntibus se? Vos autem exhonorástis páuperem. Nonne dívites per poténtiam opprimunt vos, et ipsi trahunt vos ad judícia? Nonne ipsi blasphemant bonum nomen, quod invocátum est super vos? Si tamen legem perfícitis regálem secúndum Scriptúras : Diliges próximum tuum sicut teípsum : bene fácitis : si autem persónas accípitis, peccátum operámini, redargúti a lege quasi transgressóres.

✠. In toto corde meo, allelúja, exquisívi te, allelúja : * Ne repéllas me a mandátis tuis, allelúja, allelúja. ✠. Benedictus es tu, Dómine, doce me justificatiónes tuas. — Ne.

In omnibus Officiis ritus simplicis : Glória Patri. Ne.

Lectio iii

QUicumque autem totam legem serváverit, offéndat autem in uno, factus est ómnium reus. Qui enim dixit, Non mœchaberis, dixit et, Non occídes. Quod si non mœ-

cháberis, occídes autem, factus es transgressor legis. Sic loquimini, et sic fácite sicut per legem libertátis incipientes iudicári. Iudícium enim sine misericórdia illi, qui non fecit misericórdiam : superexáltat autem misericórdia iudícium.

In Officio feriali : Te Deum.

*In Officiis novem Lectio-
num :*

℟. Hymnum cantáte nobis, allelúja : * Quómodo cantábimus cánticum Dómini in terra aliéna? allelúja, allelúja. ℣. Illic interrogavérunt nos, qui captivos duxérunt nos, verba cantiónum. — Quómodo.

Glória Patri. Quómodo.

Ad Bened. Ant. Pax vobis, * ego sum, allelúja : nolíte timére, allelúja.

Ad Magnif. Ant. Cum vénerit * Paráclitus Spíritus veritátis, ille árguet mundum de peccáto, et de justítia, et de iudício, allelúja.

FERIA QUARTA

De Epístola beáti Jacóbi
Apóstoli

Lectio i *Cap. 2, 14-26*

Quid próderit, fratres mei, si fidem quis dicat se habére, ópera autem non hábeat? Numquid pó-

terit fides salváre eum? Si autem frater et soror nudi sint, et indígeant victu quotidiano, dicat autem áliquis ex vobis illis : Ite in pace, calefacimini et saturámini : non dedéritis autem eis, quæ necessária sunt córpori, quid próderit? Sic et fides, si non hábeat ópera, mórtua est in semetipsa.

℟. Deus, cánticum novum cantábo tibi, allelúja : * In psaltério decem chordárum psallam tibi, allelúja, allelúja. ℣. Deus meus es tu, et confitébor tibi : Deus meus es tu, et exaltábo te. — In.

Lectio ii

SED dicet quis : Tu fidem habes, et ego ópera hábeo. Osténde mihi fidem tuam sine opéribus : et ego osténdam tibi ex opéribus fidem meam. Tu credis quóniam unus est Deus : Bene facis : et dæmones credunt, et contremíscunt. Vis autem scire, o homo inánis, quóniam fides sine opéribus mórtua est? Abraham, pater noster, nonne ex opéribus justificátus est, offerens Isaac filium suum super altáre? Vides quóniam fides cooperabátur opéribus illíus : et ex opéribus fides consummáta est?

℟. Bonum est confitēri Dómino, allelúja : * Et psállere, allelúja. ℣. In decachórdo psaltério, cum cántico et cíthara. — Et psállere.

In omnibus Officiis ritus simplicis : Glória Patri. Et.

Lectio iii

ET supplēta est Scriptúra, dicens : Crédidit Abraham Deo, et reputatum est illi ad justítiam, et amícus Dei appellátus est. Vidétis quóniam ex opéribus justificátur homo, et non ex fide tantum? Simíliter et Rahab méretrix, nonne ex opéribus justificáta est, suscípiens núntios, et ália via ejíciens? Sicut enim corpus sine spíritu mórtuum est, ita et fides sine opéribus mórtua est.

In Officio feriali : Te Deum.

In Officiis novem Lectio-
num :

℟. Dicant nunc, qui redēpti sunt, allelúja, * A Dómino, allelúja, allelúja.

℣. Quos redēmit de manu inimíci, et de regiónibus congregávit eos. — A Dómino. Glória Patri. A Dómino.

Ad Bened. Ant. Spíritus * carnem et ossa non habet, sicut me vidétis habére : jam créдите, allelúja.

Ad Magnif. Ant. Adhuc multa hábeo * vobis dicere, sed non potéstis portáre modo : cum autem vénerit ille Spíritus veritátis, docébit vos omnem veritátem, allelúja.

FERIA QUINTA

De Epístola beáti Jacóbi Apóstoli

Lectio i Cap. 3, 1-10

NOLÍte plures magístri fieri, fratres mei, sciéntes quóniam majus judícium súmitis. In multis enim offéndimus omnes. Si quis in verbo non offéndit, hic perféctus est vir : potest étiam freno circumducere totum corpus. Si autem equis frena in ora míttimus ad consentiéndum nobis, et omne corpus illórum circumféri-
mus.

℟. Si oblítus fúero tui, allelúja, obliviscátur mei dextera mea : * Adháreat lingua mea fáucibus meis, si non memínero tui, allelúja, allelúja. ℣. Super flúmina Babylónis illic sédimus et flévimus, dum recordarémur tui, Sion. — Adháreat.

Lectio ii

Ecce et naves, cum magnæ sint, et a ventis válidis minéntur, circum-

ferúntur a módico gubernáculo, ubi ímpetus dirigéntis volúerit. Ita et lingua módicum quidem membrum est, et magna exáltat. Ecce quantus ignis quam magnam silvam incéndit! Et lingua ignis est, univérsitas iniquitátis.

℟. Vidérunt te aquæ, Deus, vidérunt te aquæ, et timuérunt : * Multitúdo sónitus aquárum vocem dedérunt nubes, allelúja, allelúja, allelúja. ℣. Illuxérunt coruscationes tuæ orbi terræ : vidit et commóta est terra. — Multitúdo.

In omnibus Officiis ritus simplicis : Glória. Multitúdo.

Lectio iii

Lingua constitúitur in membris nostris, quæ máculat totum corpus, et inflámmat rotam nativitatís nostræ inflammáta a gehénna. Omnis enim natúra bestiárum, et volúcrum, et serpéntium, et ceterórum domántur, et dómita sunt a natúra humana : linguam autem nullus hóminum domáre potest : inquiétum malum, plena venéno mortífero. In ipsa benedícimus Deum et Patrem : et in ipsa maledícimus hómines, qui ad similitúdinem Dei facti sunt. Ex ipso

ore procédit benedíctio et maledíctio.

In Officio feriali : Te Deum.

In Officiis novem Lectionum :

℟. Narrábo nomen tuum frátribus meis, allelúja :

* In médio Ecclésiæ laudábo te, allelúja, allelúja.

℣. Confitébor tibi in pópulis, Dómine, et psallum dicam tibi in géntibus. — In. Glória Patri. In.

Ad Bened. Ant. Obtulérunt discípuli * Dómino partem piscis assi, et favum mellis, allelúja, allelúja.

Ad Magnif. Ant. Non enim loquétur * a semetipso : sed quaecúmque áudiet, loquétur : et quæ ventúra sunt, annuntiábit vobis, allelúja.

FERIA SEXTA

De Epístola beáti Jacóbi Apóstoli

Lectio i Cap. 4, 1-15

UNde bella et lites in vobis? Nonne hinc? ex concupiscéntiis vestris, quæ militant in membris vestris? Concupiscitis, et non habétis : occíditis, et zelátis, et non potéstis adipísci : litigátis, et belligerátis, et non habétis, propter quod non postu-

látis. Pétitis, et non accí-
pitis, eo quod male petá-
tis : ut in concupiscéntiis
vestris insumátis. Adúl-
teri, nescítis quia amicítia
hujus mundi, inimíca est
Dei? Quicúmque ergo vo-
lúerit amícus esse sǎculi
hujus, inimícus Dei con-
stitúitur.

℟. In ecclésiis benedícite
Deo, allelúja : * Dómino
de fóntibus Israë!l, alle-
lúja, allelúja. ℣. Psalmum
dícite nómini ejus, date
glóriam laudi ejus. — Dó-
mino.

Lectio ii

AN putátis quia inániter
Scriptúra dicat : Ad
invidiam concupiscit spí-
ritus, qui hábitat in vo-
bis? Majórem autem dat
grátiam. Propter quod di-
cit : Deus supérbis resí-
stit, humílibus autem dat
grátiam. Súbditi ergo es-
tóte Deo, resistite autem
diábolo, et fúgiet a vo-
bis. Appropinquáte Deo,
et appropinquábit vobis.
Emundáte manus, pecca-
tóres : et purificáte corda,
dúplices ánimo. Míseri
estóte, et lugéte, et plo-
ráte : risus vester in lu-
ctum convertátur, et gáu-
dium in mœrórem. Hu-
miliámini in conspéctu
Dómini, et exaltábit vos.

℟. In toto corde meo,
allelúja, exquisívi te, alle-
lúja : * Ne repéllas me a

mandátis tuis, allelúja,
allelúja. ℣. Benedictus es
tu, Dómine, doce me ju-
stificatiónes tuas. — Ne
repéllas.

In omnibus Officiis ritus
simplicis : Glória Patri. Ne.

Lectio iii

Nolíte detrahére altér-
utrum, fratres. Qui
détrahit fratri, aut qui
júdicat fratrem suum, dé-
trahit legi, et júdicat le-
gem. Si autem júdicas
legem : non es factor legis,
sed judex. Unus est legis-
látor et judex, qui potest
pérdere et liberáre. Tu
autem quis es, qui júdicas
próximum? Ecce nunc qui
dícitis : Hódie, aut crá-
stino íbimus in illam civi-
tátem, et faciémus ibi
quidem annum, et mer-
cábimur, et lucrum facié-
mus : qui ignorátis quid
erit in crástino. Quæ est
enim vita vestra? Vapor
est ad módicum parens, et
deinceps exterminábitur;
pro eo ut dicátis : Si
Dóminus volúerit, et : Si
vixerimus, faciémus hoc,
aut illud.

In Officio feriali : Te Deum.

In Officiis novem Lectio-
num :

℟. Hymnum cantáte no-
bis, allelúja : * Quómodo
cantábimus cánticum Dó-
mini in terra aliéna? alle-
lúja, allelúja. ℣. Illic in-

terrogavérunt nos, qui captívos duxérunt nos, verba cantiónum. — Quómodo cantábimus cánticum Dómini in terra aliéna? allelúja, allelúja. Glória Patri. Quómodo.

Ad Bened. Ant. Isti sunt sermónes, * quos dicébam vobis, cum essem vobiscum, allelúja, allelúja.

SABBATO

De Epístola beáti Jacóbi
Apóstoli

Lectio i **Cap. 5, 1-16**

AGite nunc, dívites, ploráte ululátes in misériis vestris, quæ advénient vobis. Divítiae vestrae putrefáctæ sunt : et vestiménta vestra a tíneis comésta sunt. Aurum et argéntum vestrum ærugínávit : et ærúgo eórum in testimónium vobis erit, et manducábit carnes vestras sicut ignis. Thesaurizástis vobis iram in novíssimis diébus. Ecce merces operariórum, qui mesuérunt regiónes vestras, quæ fraudáta est a vobis, clamat : et clamor eórum in aures Dómini Sábaoth introívit. Epuláti estis super terram, et in luxúriis enutrístis corda vestra in die occisiónis. Addixístis et occidístis justum, et non réstitit vobis.

℟. Deus, cánticum novum cantábo tibi, allelúja : * In psaltério decem chordárum psallam tibi, allelúja, allelúja. ℣. Deus meus es tu, et confitébor tibi : Deus meus es tu, et exaltábo te. — In.

Lectio ii

Patiéntes igitur estóte, fratres, usque ad advéntum Dómini. Ecce agricola exspéctat pretiósium fructum terræ, patienter ferens donec accípiat temporáneum et serótinum. Patiéntes igitur estóte et vos, et confirmáte corda vestra : quóniam advéntus Dómini appropinquávit. Nolíte ingemiscere, fratres, in altérutrum, ut non judicémini. Ecce iudex ante jánuam assístit. Exémplum accípíte, fratres, éxitus mali, labóris et patiéntiæ, prophétas : qui locúti sunt in nómine Dómini. Ecce beatificámus eos, qui sustinuérunt. Sufferéntiam Job audístis, et finem Dómini vidístis, quóniam miséricors Dóminus est et miserátor.

℟. Bonum est confitéri Dómino, allelúja : * Et psállere, allelúja. ℣. In decachórdo psaltério, cum cántico et cíthara. — Et.

In Octavis simplicibus et in Officio sanctæ Mariæ in Sabbato : Glória Patri. Et.

Lectio iii

ANte ómnia autem, fratres mei, nolíte juráre, neque per cælum, neque per terram, neque áliud quodcúmque juraméntum. Sit autem sermo vester : Est, est; Non, non : ut non sub iudicio decidátis. Tristátur áliquis vestrum? oret. Æquo ánimo est? psallat. Infirmátur quis in vobis? indúcat presbýteros Ecclesiæ, et orent super eum, ungéntes eum óleo in nómine Dómini : et orátio fidei salvábit infirmum, et alleviábit eum Dóminus : et, si in peccátis sit, remitténtur ei. Confitémini ergo alté-utrum peccáta vestra, et oráte pro invicem ut salvémini : multum enim valet deprecátio iusti assídua.

R. Cantáte Dómino, allelúja : * Psalmum dicite ei, allelúja. **V.** Afférte Dómino glóriam et honórem, afférte Dómino glóriam nómini ejus. — Psalmum. **Gloria Patri.** Psalmum.

AD VESPERAS

Ant. Allelúja cum Psalmis de Sabbato, ut in Psalterio. 332

Capitulum Jac. 1, 22-24

CAríssimi : Estóte factóres verbi, et non audítóres tantum : falléntes vosmetípsos. Quia, si quis

audítor est verbi, et non factor : hic comparábitur viro consideránti vultum nativitátis suæ in spéculo; considerávit enim se, et ábiit, et statim oblítus est qualis fúerit.

Hymnus

AD régias Agni dapes,
Stolis amícti cándidis,
Post tránsitum Maris Rubri,
Christo canámus Príncipi :

Divína cujus caritas
Sacrum propínat sánguinem,
Almíque membra córporis
Amor sacérdos immolat.
Sparsum cruórem póstibus
Vastátor horret Angelus :
Fugítque dívísus mare;
Mergúntur hostes flúctibus.

Jam Pascha nostrum Christus est,
Paschális idem víctima,
Et pura puris méntibus
Sinceritátis ázyrna.

O vera cæli víctima,
Subjécta cui sunt tártara,
Solúta mortis víncula,
Recépta vitæ præmia,
Victor, subáctis inferis,
Trophæa Christus éxplicat;
Cælóque apérto, súbditum
Regem tenebrárum trahit.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

* Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.
Amen.

℣. Mane nobíscum, Dó-
mine, allelúja. ℟. Quó-
niam advesperáscit, alle-
lúja.

Ad Magnif. Ant. Usque
modo * non petístis quid-
quam in nómine meo :
pétite, et accipiétis, alle-
lúja.

Ad Vesperas Dominicæ

Ad Magnif. Ant. Pétite,
et accipiétis, * ut gáudium
vestrum sit plenum : ipse
enim Pater amat vos, quia
vos me amástis, et credi-
dístis, allelúja.

Oratio

D Eus, a quo bona cun-
cta procedunt, largíre
supplicibus tuis : ut cogi-
témus, te inspiránte, quæ
recta sunt; et, te guber-
nánte, éadem faciámus.
Per Dóminum.

DOM. V POST PASCHA

Semiduplex

AD MATUTINUM

In I Nocturno

Incipit Epístola prima
beáti Petri Apóstoli

Lectio i Cap. 1; 1-21



Etrus Apóstolus Je-
su Christi, eléctis
ádvenis dispersi-
onis Ponti, Galátiae, Cappa-
dóciae, Asiæ et Bithýniæ
secúndum præsciéntiam
Dei Patris, in sanctifica-
tiónem Spíritus, in obe-
diéntiam, et aspersionem
sánguinis Jesu Christi :
Grátia vobis, et pax multi-
plicétur. Benedíctus Deus
et Pater Dómini nostri
Jesu Christi, qui secún-
dum misericórdiam suam
magnum regenerávit nos
in spem vivam, per resur-
rectionem Jesu Christi ex
mórtuis, in hereditátem
incompactibilem, et inconta-
minátam, et immarce-
scibilem, conservátam in
cælis in vobis, qui in vir-
tute Dei custodímini per
fidem in salutem, parátam
revelári in témpore no-
víssimo.

℟. Si oblítus fúero tui,
allelúja, obliviscátur mei
dextera mea : * Adháreat
lingua mea fáucibus meis,
si non memínero tui, alle-

lúja, allelúja. **℟.** Super flúmina Babylónis illic sédimus et flévimus, dum recordarémur tui, Sion. — Adháreat.

Lectio ii

IN quo exsultábitis, módicum nunc si opórtet contristári in váriis tentatióibus; ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi : quem cum non vidéritis, diligitis : in quem nunc quoque non vidéntes créditis : credéntes autem exsultábitis lætítia inenarrábili et gloriificáta : reportántes finem fidei vestræ, salútem animárum. De qua salúte exquisiérunt atque scrutáti sunt prophétæ, qui de futúra in vobis grátia prophetavérunt; scrutántes in quod vel quale tempus significáret in eis Spíritus Christi : prænúntians eas quæ in Christo sunt passiões et posteriôres glórias : quibus revelátum est, quia non sibimetípsis, vobis autem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu Sancto misso de cælo, in quem desíderant Angeli prospícere.

℟. Vidérunt te aquæ, Deus, vidérunt te aquæ, et timuérunt : * Multitúdo sónitus aquárum vocem dedérunt nubes, allelúja, allelúja, allelúja. **℟.** Illuxérunt coruscatiónes tuæ orbi terræ : vidit et commóta est terra. — Multitúdo.

Lectio iii

PROPTER quod succínti lumbos mentis vestræ, sóbrii perfécte speráte in eam, quæ offértur vobis, grátiam, in revelatióne Jesu Christi : quasi filii obediéntiæ, non configuráti prióribus ignorántiæ vestræ desidériis : sed secúndum eum, qui vocávit vos, Sanctum; et ipsi in omni conversatióne sancti sitis : quóniam scriptum est : Sancti éritis, quóniam ego sanctus sum. Et si Patrem invocátis eum, qui sine acceptiõe personárum júdicat secúndum uniuscujúsque opus, in timóre incolátus vestri témpore conversámini. Sciéntes quod non corruptibílibus auro vel argénto redémpti estis de vana vestra conversatióne páternæ traditiónis : sed pretióso ságuine quasi agni immaculáti Christi, et incontamináti : præcógnti quidem ante mundi constitutióne, manife-

státi autem novíssimis tempóribus propter vos, qui per ipsum fidéles estis in Deo, qui suscitávit eum a mórtuis, et dedit ei glóriam, ut fides vestra et spes esset in Deo.

℟. Narrábo nomen tuum frátribus meis, allelúja :


* In médio Ecclésiæ laudábo te, allelúja, allelúja.

℣. Confitébor tibi in pópulis, Dómine, et psalmum dicam tibi in géntibus. — In médio. Glória Patri. In médio.

In II Noeturno

Ex libro sancti Ambrósii
Episcopi
de fide resurrectionis

Lectio iv Post medium

Uóniam Dei mori non póterat Sapientia, resúrgere autem non póterat quod mórtuum non erat; assúmitur caro, quæ mori posset : ut dum móritur quod solet, quod mórtuum fúerat, hoc resúrgeret. Neque enim póterat esse, nisi per hóminem, resurréctio : quóniam sicut per hóminem mors, ita et per hóminem resurréctio mortuórum. Ergo resurrexit homo, quóniam homo mórtuus est : resuscitátus homo, sed resúscitans Deus. Tunc secúndum carnem homo, nunc per

ómnia Deus. Nunc enim secúndum carnem jam non nóvimus Christum, sed carnis grátiam tenémus, ut ipsum primitias quiescéntium, ipsum primogénitum ex mórtuis novérimus.

℟. In ecclésiis benedicite Deo, allelúja, * Dómino de fóntibus Israël, allelúja, allelúja. ℣. Psalmum dicite nómini ejus, date glóriam laudi ejus. — Dómino.

Lectio v

Primítiæ útique ejusdem sunt géneris atque natúræ, cujus et reliqui fructus : quorum pro lætióre provéntu primitiva Deo múnera deferúntur; sacrum munus pro ómnibus, et quasi reparátæ quædam liba natúræ. Primítiæ ergo quiescéntium Christus. Sed utrum suórum quiescéntium, qui quasi mortis exsórtes, dulci quodam sopóre tenéntur, an ómnium mortuórum? Sed sicut in Adam omnes moriúntur, ita et in Christo omnes vivificabúntur. Itaque sicut primítiæ mortis in Adam, ita étiam primítiæ resurrectionis in Christo omnes resúrgent. Sed nemo despéret, neque justus dóleat commúne consórtium resurgéndi, cum præci-

puum fructum virtútis exspéctet. Omnes quidem resúrgent, sed unusquisque, ut ait Apóstolus, in suo órdine. Commúnis est divínæ fructus cleméntiæ, sed distíctus ordo meritórum.

℟. In toto corde meo, allelúja, exquisívi te, allelúja : * Ne repéllas me a mandátis tuis, allelúja, allelúja. ℣. Benedíctus es tu, Dómine, doce me justificatiónes tuas. — Ne.

Lectio vi

ADvértimus, quam grave sit sacrilégium, resurrectionem non credere. Si enim non resurgémus, ergo Christus gratis mórtuus est, ergo Christus non resurrexit. Si enim nobis non resurrexit, úti-que non resurrexit, qui sibi cur resúrgeret, non habébat. Resurrexit in eo mundus, resurrexit in eo cælum, resurrexit in eo terra. Erit enim cælum novum, et terra nova. Sibi autem non erat necessária resurrectio, quem mortis víncula non tenébant. Nam etsi secúndum hóminem mórtuus, in ipsis tamen erat liber inférnis. Vis scire quam liber? Factus sum sicut homo sine adjutório, inter mórtuos liber. Et bene liber, qui se póterat suscitáre, juxta

quod scriptum est : Sól-vite hoc templum, et in trídno resuscitábo illud. Et bene liber, qui álios descénderat redemptúrus.

℟. Hymnum cantáte nobis, allelúja : * Quómodo cantábimus cánticum Dómini in terra aliéna? allelúja, allelúja. ℣. Illic interrogavérunt nos, qui captívos duxérunt nos, verba cantiónum. — Quómodo. Glória Patri. Quómodo.

In III Nocturno

Léctio sancti Evangélii
secúndum Joánnem

Lectio vii Cap. 16, 23-30

IN illo témpore : Dixit Jesus discíplis suis : Amen, amen, dico vobis : si quid petiéritis Patrem in nómine meo, dabit vobis. Et réliqua.

Homilía sancti Augustíni
Epíscopi

Tractatus 102 in Joannem



Domini verba nunc ista tractánda sunt : Amen, amen, dico vobis : si quid petiéritis Patrem in nómine meo, dabit vobis. Jam dictum est in superióribus hujus Domínici sermónis pártibus, propter eos, qui non-úlla petunt a Patre in Christi nómine, nec accípiunt : non peti in nómine

Salvatóris, quidquid pétitur contra ratióem salutis. Non enim sonum litterarum ac syllabarum, sed quod sonus ipse significat, et quod eo sono recte ac veráciter intelligitur, hoc accipiéndus est dicere, cum dicit : In nómine meo.

℟. Deus, cánticum novum cantábo tibi, allelúja : * In psaltério decem chordarum psallam tibi, allelúja, allelúja. ℣. Deus meus es tu, et confitébor tibi : Deus meus es tu, et exaltábo te. — In.

Lectio viii

Unde qui hoc sentit de Christo, quod non est de único Dei Filio sentiéndum, non petit in ejus nómine, etiámsi non táceat litteris ac syllabis Christum : quóniam in ejus nómine petit, quem cógitat cum petit. Qui vero quod est de illo sentiéndum, sentit, ipse in ejus nómine petit : et áccipit quod petit, si non contra suam salutem sempitérnam petit. Accipit autem quando debet accíperere. Quædam enim non negántur : sed ut cóngruo dentur témpore, differúntur. Ita sane intelligéndum est quod ait : Dabit vobis : ut ea beneficia significáta sciántur his verbis, quæ

ad eos, qui petunt, próprie pétinent. Exaudiúntur quippe omnes Sancti pro seípsis, non autem pro ómnibus exaudiúntur vel amícis, vel inimícis suis, vel quibúslibet áliis : quia non utcúmque dictum est, Dabit; sed, Dabit vobis.

℟. Bonum est confitéri Dómino, allelúja : * Et psállere, allelúja. ℣. In decachórdo psaltério, cum cántico et cíthara. — Et. Glória Patri. Et.

Lectio ix

Usque modo, inquit, non petístis quidquam in nómine meo. Pétite, et accipiétis, ut gáudium vestrum sit plenum. Hoc quod dicit, gáudium plenum, profecto non carnále, sed spiritále gáudium est : et quando tantum erit, ut áliquid ei jam non sit addéndum, proculdúbio tunc erit plenum. Quidquid ergo pétitur, quod pertíneat ad hoc gáudium consequéndum, hoc est in nómine Christi peténdum, si divínam intelligimus grátiam, si vere beátam póscimus vitam. Quidquid autem áliud pétitur, nihil pétitur : non quia nulla omníno res est, sed quia in tantæ rei comparatióne quidquid áliud concupíscitur, nihil est.

Te Deum laudámus.

AD LAUDES

Antiphona Allelúja cum
Psalmis de Dom. 1 loco. 49

Capitulum Jac. 1, 22-24

Caríssimi : Estóte factóres verbi, et non auditóres tantum : falléntes vosmetípsos. Quia, si quis audítor est verbi, et non factor : hic comparábitur viro consideránti vultum nativitátis suæ in spéculo : considerávit enim se, et ábiit, et statim oblítus est, qualis fúerit.

Hymnus

Auróra cælum púrpurat,
Æther resúltat láudibus,
Mundus triúmphans júbi-
lat,

Horrens avérnus ínfremít :

Rex ille dum fortíssimus
De mortis inférno specu
Patrum senátum líberum
Edúcit ad vitæ jubar.

Cujus sepúlcrum plúrimo
Custóde signábat lapis,
Victor triúmphat, et suo
Mortem sepúlcro fúnerat.

Sat fúneri, sat lácrimis,
Sat est datum dolóribus :
Surréxit exstíntor necis,
Clamat corúscans Ange-
lus.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

* Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

℣. In resurrectione tua,
Christe, allelúja. ℟. Cæli
et terra læténtur, allelúja.

Ad Bened. Ant. Usque
modo * non petístis quid-
quam in nómine meo : pé-
tite, et accipiétis, allelúja.

Oratio

Deus, a quo bona cun-
cta procedunt, largíre
supplícibus tuis : ut cogi-
témus, te inspiránte, quæ
recta sunt; et, te guber-
nánte, éadem faciámus.
Per Dóminum.

AD TERTIAM

Capitulum Caríssimi, ut
supra.

℟. br. Surréxit Dóminus
de sepúlcro, * Allelúja,
allelúja. Surréxit. ℣. Qui
pro nobis pepéndit in
ligno. Allelúja, allelúja.
Glória Patri. Surréxit.
℣. Surréxit Dóminus vere,
allelúja. ℟. Et apparuit
Simóni, allelúja.

AD SEXTAM

Capitulum Jac. 1, 25

Qui autem perspéxerit
in legem perféctam
libertátis, et permánserit
in ea, non audítor obli-
viósus factus, sed factor

óperis : hic beátus in facto suo erit.

℞. br. Surréxit Dóminus vere, * Allelúja, allelúja. Surréxit. ℣. Et apparuit Simóni. Allelúja, allelúja. Glória Patri. Surréxit. ℣. Gavísi sunt discípuli, allelúja. ℞. Viso Dómino, allelúja.

Oratio

DEus, a quo bona cuncta procédunt, largíre supplicibus tuis : ut cogitémus, te inspiránte, quæ recta sunt; et, te gubernánte, éadem faciámus. Per Dóminum.

AD NONAM

Capitulum Jac. 1, 27

Religio munda et immaculáta apud Deum et Patrem, hæc est : Visitáre pupíllos et víduas in tribulatióne eórum, et immaculátum se custodíre ab hoc sæculo.

℞. br. Gavísi sunt discípuli, * Allelúja, allelúja. Gavísi. ℣. Viso Dómino. Allelúja, allelúja. Glória Patri. Gavísi. ℣. Mane nobíscum, Dómine, allelúja. ℞. Quóniam advesperáscit, allelúja.

AD VESPERAS

Ant. Allelúja cum Psalmis de Dominica, ut in Psalterio 72; Capitulum, Hymnus et Versus, ut in Vesperis præcedentis Sabbati. 587

℣. Mane nobíscum, Dómine, allelúja. ℞. Quóniam advesperáscit, allelúja.

Ad Magnif. Ant. Pétite, et accipiétis, * ut gáudium vestrum sit plenum : ipse enim Pater amat vos, quia vos me amástis, et credidístis, allelúja.

¶ Sequens Feria II in Rogationibus est major non privilegiata.

FERIA SECUNDA IN ROGATIONIBUS

Si hodie occurrat Festum novem Lectionum, fit de eo, cum ix Lectione de sequenti Homilia, et Commemoratione de Feria ad Laudes tantum, ut infra 596. De Festo autem trium Lectionum fit tantum Commemoratio.

Léctio sancti Evangélii
secúndum Lucam

Lectio i Cap. 11, 5-13

IN illo témpore : Dixit Jesus discíplis suis : Quis vestrum habébit amicum, et ibit ad illum média nocte, et dicet illi : Amíce, cómmoda mihi tres panes. Et réliqua.

Homília sancti Ambrósii
Epíscopi

Liber 7 in Lucae cap. 11

Alius præcépti locus est, ut ómnibus moméntis, non solum diébus, sed étiam nóctibus, orátio de-

feratur. Vides enim, quod iste qui média nocte perréxit, tres panes ab amico suo póstulans, et in ipsa peténdi intentióne persístens, non defraudétur orátis. Qui sunt isti tres panes, nisi mystérii cæléstis aliméntum? Quod si díligas Dóminum Deum tuum, non solum tibi, sed étiam áliis póteris emeréri. Quis autem amícior nobis, quam qui pro nobis corpus suum trádidit?

℟. Dicant nunc, qui redépti sunt, allelúja, * A Dómino, allelúja, allelúja.

℣. Quos redémit de manu inimíci, et de regiónibus congregávit eos. — A Dómino.

Lectio ii

AB hoc média nocte panes David pétiiit, et accépit. Pétiiit enim, quando dicébat : Média nocte surgébam ad confiténdum tibi. Ideo mérui hos panes, quos appósuit nobis edéndos. Pétiiit, cum dicit : Lavábo per singulas noctes lectum meum. Neque enim tímuit, ne excitáret dormiéntem, quem scit semper vigilántem. Et ideo scriptórum mémores, nóctibus ac diébus oratióni instántes, peccátis nostris véniam postulémus.

℟. Cantáte Dómino, allelúja : * Psalmum dícite

ei, allelúja. ℣. Afférte Dómino glóriam et honórem, afférte Dómino glóriam nómini ejus. — Psalmum.

Lectio iii

NAM si ille tam sanctus, et qui regni erat necessitatibus occupátus, sépties in die laudem Dómino dicébat, matutínis et vespertínis sacrificiis semper inténtus; quid nos fácere opórtet, qui eo ámplius rogáre debémus, quo fréquentius carnis ac mentis fragilitáte delínquimus, ut de via lassis, et istíus ævi cursu ac vitæ hujus anfráctu gráviter fatigátis, panis refectionis deesse non possit, qui hóminis corda confirmet? Nec solum média nocte Dóminus, sed ómnibus prope docet vigilándum esse moméntis. Venit enim et vespertína, et secúnda, et tértia vigília : et pulsáre consuévit. Beáti itaque servi illi, quos, cum vénerit Dóminus, invenerit vigilántes.

℟. Narrábo nomen tuum frátribus meis, allelúja :

* In médio Ecclésiæ laudábo te, allelúja, allelúja.

℣. Confitébor tibi in pópulis, Dómine, et psalmum dicam tibi in géntibus. — In. Glória Patri. In.

Hac nocte non dicitur Hymnus Te Deum laudamus.

AD LAUDES

℟. In resurrectione tua, Christe, allelúja. ℞. Cæli et terra læténtur, allelúja.

Ad Bened. Ant. Pétite, et accipiétis : * quærite, et inveniétis : pulsáte, et aperiétur vobis, allelúja.

Oratio

PRæsta, quæsumus, omnípotens Deus : ut, qui in afflictione nostra de tua pietate confidimus : contra adversa ómnia, tua semper protectione muniamur. Per Dóminum.

Hæc Oratio dicitur, hodie tantum, ad Laudes et per Horas; ad Vesperas autem hujus Feriæ et ad omnes Horas in duabus Feriis sequentibus, dicitur Oratio Dominicæ præcedentis : Deus, a quo bona, ut infra.

Hoc triduo qui non inter-sunt Processioni Rogationum, privatim post Laudes dicant Litanias cum suis Precibus et Orationibus [258] sine Psalmis Pœnitentialibus.

AD VESPERAS

Ad Magnif. Ant. Ipse enim Pater amat * vos, quia vos me amástis, et credidístis, allelúja.

Oratio

DEus, a quo bona cuncta procedunt, largire supplicibus tuis : ut cogitemus, te inspirante, quæ

recta sunt; et, te gubernante, eadem faciámus. Per Dóminum.

Si Vesperæ fuerint de aliquo Festo, non fit Commemoratio Feriæ.

FERIA TERTIA

IN ROGATIONIBUS

Si Lectiones hujus Feriæ sua die dici non potuerint, et in Feria II aut IV Rogationum fieri contingat Officium, in quo Lectiones de Scriptura occurrenti sunt dicendæ, neque in eo reponendum fuerit Initium Epistolæ in Dominica præcedenti assignatum aut anticipandum sit Initium in Feria VI sequenti impeditum, Lectiones ipsæ anticipantur vel transferuntur, ita ut in Officio in Rogationibus occurrenti Lectiones de Scriptura semper valeant adhiberi. Quod item servatur de Lectionibus Sabbati ut supra impeditis, quæ similiter in casu anticipantur, servato ordine Lectionum infra hebdomadam. Responsoria tamen non anticipantur nec transferuntur, sed semper adhibentur de Feria aut de die infra Octavam currenti.

De Epístola prima
beáti Petri Apóstoli

Lectio i Cap. 4, 1-17

CHristo igitur passo in carne, et vos eadem cogitatione armámini : quia qui passus est in carne, desiit a peccátis :

ut jam non desidériis hóminum, sed voluntáti Dei, quod réliquum est in carne vivat témporis. Súfficit enim prætéritum tempus ad voluntátem géntium consummándam his, qui ambulavérunt in luxúriis, desidériis, vinoléntiis, comessatióibus, potatióibus, et ilícitis idolórum cúltibus. In quo admirántur non concurréntibus vobis in eámdem luxúriæ confusióem blasphemántes : qui reddent ratióem ei, qui parátus est judicáre vivos et mórtuos. Propter hoc enim et mórtuis evangelizátum est : ut judicéntur quidem secúndum hómines in carne, vivant autem secúndum Deum in spíritu. Omnium autem finis appropinquávit.

℟. In ecclésiis benedicite Deo, allelúja, * Dómino de fóntibus Israël, allelúja, allelúja. ✠. Psalmum dícite nómini ejus, date glóriam laudi ejus. — Dómino.

Lectio ii

✠ Stóte itaque prudéntes, et vigiláte in oratióibus. Ante ómnia autem mútuam in vobismetípsis caritátem contínuam habéntes, quia caritas óperit multitudínem peccatórum. Hospitáles invicem sine murmuratióne : unusquis-

que sicut accépit grátiam, in altérutrum illam ministrántes, sicut boni dispensatóres multifórmis grátiae Dei. Si quis lóquitur, quasi sermónes Dei : si quis ministrat, tamquam ex virtúte, quam administrat Deus : ut in ómnibus honorificétur Deus per Jesum Christum : cui est glória et impérium in sácula sæculórum. Amen.

℟. In toto corde meo, allelúja, exquisívi te, allelúja : * Ne repéllas me a mandátis tuis, allelúja, allelúja. ✠. Benedíctus es tu, Dómine, doce me justificatiónes tuas. — Ne.

In omnibus Officiis ritus simplicis : Glória Patri. Ne.

Lectio iii

✠ Aríssimi, nolíte perigrínari in fervóre, qui ad tentatióem vobis fit, quasi novi áliquid vobis contíngat : sed comunicántes Christi passióibus gaudéte, ut et in revelatióne glóriæ ejus gaudeátis exsultántes. Si exprobrámini in nómine Christi, beátí éritis : quóniam quod est honóris, glóriæ, et virtútis Dei, et qui est ejus Spíritus, super vos requiéscit. Nemo autem vestrum patiátur ut homicída, aut fur, aut malédictus, aut alienórum appe-

títor. Si autem ut christiánus, non erubéscat : glóricet autem Deum in isto nómine. Quóniam tempus est, ut incípiat iudícium a domo Dei.

In Officio feriali : Te Deum.

**In Officiis novem Lectio-
num :**

℟. Hymnum cantáte nobis, allelúja : * Quómodo cantábimus cánticum Dómini in terra aliéna? allelúja, allelúja. ℣. Illic interrogavérunt nos, qui captívos duxérunt nos, verba cantiónum. — Quómodo. Glória Patri. Quómodo.

Ad Bened. Ant. Oportébat * pati Christum, et resúrgere a mórtuis, allelúja.

Oratio

DEus, a quo bona cuncta procedunt, largíre supplicibus tuis : ut cogitémus, te inspiránte, quæ recta sunt; et, te gubernánte, éadem faciámus. Per Dóminum.

Ad Magnif. Ant. Exívi a Patre, * et veni in mundum : íterum relínquo mundum, et vado ad Patrem, allelúja.

FERIA QUARTA

IN ROGATIONIBUS

Vigilia Ascensionis

Léctio sancti Evangélíi
secúndum Joánnem

Lectio i Cap. 17, 1-11

IN illo témpore : Sublevátis Jesus óculis in cælum, dixit : Pater, venit hora, clarífica Fílium tuum. Et réliqua.

Homilía sancti Augustíni
Epíscopi

**Tractatus 104 in Joannem,
sub medium**

Poterat Dóminus noster, unigénitus et co-æternus Patri, in forma servi et ex forma servi, si hoc opus esset, oráre siléntio : sed ita se Patri exhibére vóluit precatórem, ut meminísset nostrum se esse doctórem. Proínde eam, quam fecit oratióem pro nobis, notam fecit et nobis : quóniam tanti magístri non solum ad ipsos sermocinátio, sed étiam pro ipsis ad Patrem orátio, discipulórum est ædificátio : et si illórum, qui hæc dicta áderant auditóri, profécto et nostra, qui fuerámus conscripta lectóri.

℟. Deus, cánticum novum cantábo tibi, allelúja : * In psaltério decem chordárum psallam tibi,

allelúja, allelúja. *℣.* Deus meus es tu, et confitébor tibi : Deus meus es tu, et exaltábo te. — In.

Lectio ii

QUAPRÓPTER hoc quod ait : Pater, venit hora, clarífica Fílium tuum : osténdit, omne tempus, et quid, quando fáceret vel fieri síneret, ab illo esse dispósitum, qui témpori súbditus non est : quóniam quæ futúra erant per síngula témpora, in Dei sapiéntia causas efficiéntes habent, in qua nulla sunt témpora. Non ergo credátur hæc hora fato urgénte venísse, sed Deo pótius ordinánte. Nec sidérea necessità Christi connéxuit passiónem : absit enim, ut sídera mori cógerent síderum Conditórem.

℟. Bonum est confitéri Dómino, allelúja : * Et psállere, allelúja. *℣.* In decachórdo psaltério, cum cántico et cíthara. — Et.

In Officio de Vigilia : Glória Patri. Et.

Lectio iii

CLARIFICÁTUM a Patre Fílium nonnúlli accípiunt in hoc, quod ei non pepércit, sed pro nobis ómnibus trádidit eum. Sed si passióne clarificátus dicitur, quanto magis resurrectióne? Nam in passióne magis ejus humílitas quam

cláritas commendátur, Apóstolo teste, qui dicit : Humiliávit semetípsum, factus obédiens usque ad mortem, mortem autem crucis. Deínde séquitur, et de ejus clarificatióne jam dicit : Propter quod et Deus illum exaltávit, et donávit ei nomen, quod est super omne nomen : ut in nómine Jesu omne genu flectátur, cæléstium, ter-réstrium, et infernórum. Et omnis lingua confiteátur, quia Dóminus Jesus Christus in glória est Dei Patris. Hæc est clarificatio Dómini nostri Jesu Christi, quæ ab ejus resurrectiόne sumpsit exórdium.

In Officio de Vigilia : Te Deum.

In Officiis novem Lectio-num :

℟. Dicant nunc, qui red-émpti sunt, allelúja, * A Dómino, allelúja, allelúja. *℣.* Quos redémit de manu inimíci, et de regiónibus congregávit eos. — A Dómino. Glória. A Dómino.

AD LAUDES

℣. In resurrectiόne tuá, Christe, allelúja. *℟.* Cæli et terra læténtur, allelúja.

Ad Bened. Ant. Pater, venit hora, * clarífica Fílium tuum claritáte quam hábui, priúsqvam mundus esset, apud te, allelúja.

Oratio Deus, ut supra. 598

In Ascensione Domini

DUPLEX I CLASSIS

CUM OCTAVA PRIVILEGIATA III ORDINIS

IN I VESPERIS

Ant. 1 Viri Galilæi, *
quid aspíctis in cælum?
Hic Jesus, qui assúptus
est a vobis in cælum, sic
veniet, allelúja.

**Psalmi de Dominica 72, sed
loco ultimi Ps. 116** Laudáte
Dóminum, omnes gentes. **92**

2 Cumque intueréntur *
in cælum eúntem illum,
dixerunt, allelúja.

3 Elevátis mánibus, *
benedíxit eis, et ferebátur
in cælum, allelúja.

4 Exaltáte Regem re-
gum, * et hymnum dícite
Deo, allelúja.

5 Vidéntibus illis, * ele-
vátus est, et nubes suscé-
pit eum in cælo, allelúja.

Capitulum Act. 1, 1-2

Primum quidem sermónem feci de ómnibus, o Theóphile, quæ cœpit Jesus fácere et docére usque in diem, qua præci- piens Apóstolis per Spíritum Sanctum, quos elégit, assúptus est.

Hymnus

Salútis humanæ Sator,
Jesu, volúptas cór-
dium,
Orbis redémpti Córditor,
Et casta lux amántium :

Qua victus es cleméntia,
Ut nostra ferres crimina?
Mortem subíres innocens,
A morte nos ut tólleres?

Perrúmpis inférnum chaos:
Vinctis caténas détrahis;
Victor triúmpho nóbili
Ad dexteram Patris sedes.

Te cogat indulgéntia,
Ut damna nostra sárcias,
Tuíque vultus cómpotes
Dites beáto lúmine.

¶ **Sequens Conclusio num-
quam mutatur.**

Tu, dux ad astra et sé-
mita,

Sis meta nostris córdibus,
Sis lacrimárum gáudium,
Sis dulce vitæ præmium.

Amen.

✠. Ascéndit Deus in ju-
bilatióne, allelúja. ✠. Et
Dóminus in voce tubæ,
allelúja.

Ad Magnif. Ant. Pater, * manifestávi nomen tuum homínibus quos dedísti mihi : nunc autem pro eis rogo, non pro mundo, quia ad te vénio, allelúja.

Oratio

Concède, quæsumus, omnípotens Deus : ut, qui hodiérna die Unigénitum tuum Redemptórem nostrum ad cælos ascendisse crédimus; ipsi quoque mente in cæléstibus habitémus. Per eúmdem Dóminum.

Completorium de Dominica.

Conclusio Hymnorum ad omnes Horas usque ad Nonam in Vigilia Pentecostes inclusive, erit sequens :

Jesu, tibi sit glória,
Qui victor in cælum redis,
Cum Patre, et almo Spí-
ritu,
In sempitérna sácula.

Amen.

AD MATUTINUM

Invit. Allelúja, Christum Dóminum ascendéntem in cælum, * Veníte, adorémus, allelúja. **Ps. 94** Veníte, exsultémus. 3

Hymnus

Æterne Rex altíssime,
Redemptor et fidé-
lium,
Cui mors perémpa détulit
Summæ triúmphum gló-
riæ :

Ascéndis orbes síderum,
Quo te vocábat cælitus
Colláta, non humánitus,
Rerum potéstas ómnium :

Ut trina rerum máchina,
Cæléstium, terréstrium,
Et inferórum cóndita,
Flectat genu jam súbdita.

Tremunt vidéntes Angeli
Versam vicem mortálium :
Peccat caro, mündat caro,
Regnat Deus Dei caro.

Sis ipse nostrum gáudium,
Manens olýmpo præmium,
Mundi regis qui fábricam,
Mundána vincens gáudia.

Hinc te precántes quæsu-
mus,

Ignósce culpis ómnibus,
Et corda sursum súbleva
Ad te supérna grátia.

Ut, cum repénite cœperis
Clarére nube júdicis,
Pœnas repéllas débitas,
Reddas corónas pérditas.

Jesu, tibi sit glória,
Qui victor in cælum redis,
Cum Patre, et almo Spí-
ritu,

In sempitérna sácula.

Amen.

In I Nocturno

Ant. Eleváta est * ma-
gnificéntia tua super cæ-
los, Deus, allelúja.

Psalmus 8

Domine, Dóminus no-
ster, * quam admi-
rábile est nomen
tuum in univérsta terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem propter inimícos tuos, * ut destruas inimícum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Ant. Eleváta est magnificéntia tua super cælos, Deus, allelúja.

Ant. Dóminus in templo * sancto suo, Dóminus in cælo, allelúja.

Psalmus 10

IN Dómino confído : quómo dícitis ánimæ meæ : * Trásmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt : * justus autem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respíciunt : * pálpebræ ejus intérogant filios hóminum.

Dóminus intérogat justum et ímpium : * qui autem dīligit iniquitátem, odit ánimam suam.

Pluet super peccatóres láqueos : * ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit : * æquitátem vidit vultus ejus.

Ant. Dóminus in templo sancto suo, Dóminus in cælo, allelúja.

Ant. A summo cælo * egréssio ejus, et occúrsus ejus usque ad summum ejus, allelúja.

Psalmus 18

CÆli enárrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque

sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egressio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta, convértens ánimas : * testimonium Dómini fidèle, sapiéntiam præstans parvulis.

Justitiæ Dómini rectæ, lætificántes corda : * præceptum Dómini lúcidum, illúminans óculos.

Timor Dómini sanctus, pérmanens in sáculum sáculi : * judícia Dómini vera, justificáta in semetipsa.

Desiderabilia super aurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domi-

náti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redémptor meus.

Ant. A summo cælo egressio ejus, et occúrsus ejus usque ad summum ejus, allelúja.

V. Ascéndit Deus in jubilatione, allelúja. **R.** Et Dóminus in voce tubæ, allelúja.

Incipit liber Actuum Apostolorum

Lectio i Cap. 1, 1-14



Irimum quidem sermónem feci de ómnibus, o Theóphile, quæ cœpit Jesus fácere et docére usque in diem, quæ præciþiens Apóstolis per Spíritum Sanctum, quos elégit, assúptus est : quibus et præbuit seípsum vivum post passióem suam in multis arguméntis, per dies quadragínta appárens eis, et loquens de regno Dei. Et convéscens, præcepit eis ab Jerosólymis ne discéderent, sed exspectárent promisióem Patris, quam audístis (inquit) per os meum : quia Joánnes quidem baptizávit aqua, vos autem baptizabímini Spíritu San-

cto non post multos hos dies.

℟. Post passionem suam per dies quadraginta ap-
parens eis, et loquens de
regno Dei, allelúja : * Et,
vidéntibus illis, elevátus
est, allelúja : et nubes
suscepit eum ab óculis
eórum, allelúja. ℣. Et con-
vécens, præcepit eis ab
Jerosólymis ne discéde-
rent, sed exspectárent
promissionem Patris. —
Et, vidéntibus.

Lectio ii

Igitur qui convénierant,
interrogábant eum, di-
céntes : Dómine, si in
tém-pore hoc restítues re-
gnum Israë! Dixit autem
eis : Non est vestrum
nosse témpora vel mo-
ménta, quæ Pater pósuit
in sua potestáte : sed acci-
piétis virtútem supervé-
niéntis Spíritus Sancti in
vos, et éritis mihi testes
in Jerúsalem, et in omni
Judæa, et Samaría, et
usque ad últimum terræ.
Et cum hæc dixísset, vi-
déntibus illis, elevátus
est : et nubes suscepit
eum ab óculis eórum.

℟. Omnis pulchritúdo
Dómini exaltáta est super
sídera : * Spécies ejus in
núbibus cæli, et nomen
ejus in ætérnum pérma-
net, allelúja. ℣. A summo
cælo egressio ejus, et oc-

cúrsus ejus usque ad sum-
mum ejus. — Spécies.

Lectio iii

Cumque intueréntur in
cælum eúntem illum,
ecce duo viri astitérunt
juxta illos in véstibus al-
bis, qui et dixerunt : Viri
Galilæi, quid statis aspi-
ciéntes in cælum? Hic
Jesus qui assúptus est
a vobis in cælum, sic vé-
niet, quemádm-odum vi-
dístis eum eúntem in cæ-
lum. Tunc revérsi sunt
Jerosólymam a monte, qui
vocátur Olivéti, qui est
juxta Jerúsalem, sábbati
habens iter. Et cum in-
troíssent in cœnáculum,
ascendérunt ubi manébant
Petrus et Joánnes, Jacó-
bus et Andréas, Philíppus
et Thomas, Bartholomæus
et Matthæus, Jacóbus Al-
phæi et Simon Zelótes, et
Judas Jacóbi. Hi omnes
erant perseverántes una-
nímiter in oratióne cum
mulieribus, et María matre
Jesu, et frátribus ejus.

℟. Exaltáre, Dómine, al-
lelúja, * In virtúte tua,
allelúja. ℣. Eleváta est
magnificéntia tua super
cælos, Deus. — In. Glória
Patri. In.

In II Nocturno

Ant. Exaltáre, Dómine, *
in virtúte tua : cantábi-
mus et psallémus, allelúja.

Psalmus 20



Domine, in virtute tua laetabitur rex : * et super salutare tuum exsultabit vehementer.

Desiderium cordis ejus tribuisti ei : * et voluntate labiorum ejus non fraudasti eum.

Quoniam praevenisti eum in benedictionibus dulcedinis : * posuisti in capite ejus coronam de lapide pretioso.

Vitam petiit a te : * et tribuisti ei longitudinem dierum in saeculum, et in saeculum saeculi.

Magna est gloria ejus in salutari tuo : * gloriam et magnum decorem impones super eum.

Quoniam dabis eum in benedictionem in saeculum saeculi : * laetificabis eum in gaudio cum vultu tuo.

Quoniam rex sperat in Domino : * et in misericordia Altissimi non commovebitur.

Inveniatur manus tua omnibus inimicis tuis : * dextera tua inveniat omnes, qui te oderunt.

Pones eos ut clibanum ignis in tempore vultus tui : * Dominus in ira sua conturbabit eos, et devorabit eos ignis.

Fructum eorum de terra perdes : * et semen eorum a filiis hominum.

Quoniam declinaverunt in te mala : * cogitaverunt consilia, quae non poterunt stabilire.

Quoniam pones eos dorsum : * in reliquiis tuis praeparabis vultum eorum.

Exaltare, Domine, in virtute tua : * cantabimus et psallamus virtutes tuas.

Ant. Exaltare, Domine, in virtute tua : cantabimus et psallamus, alleluja.

Ant. Exaltabo te, * † Domine, quoniam suscepisti me, alleluja.

Psalmus 29

Exaltabo te, † Domine, quoniam suscepisti me : * nec delectasti inimicos meos super me.

Domine, Deus meus, clamaui ad te, * et sanasti me.

Domine, eduxisti ab inferno animam meam : * salvasti me a descendentibus in lacum.

Psallite Domino, sancti ejus : * et confitemini memoriae sanctitatis ejus.

Quoniam ira in indignatione ejus : * et vita in voluntate ejus.

Ad vesperum demorabitur fletus : * et ad matutinum laetitia.

Ego autem dixi in abundantia mea : * Non movebor in aeternum.

Domine, in voluntate tua, * praestitisti decori meo virtutem.

Avertísti fáciem tuam a me, * et factus sum conturbátus.

Ad te, Dómine, clamábo : * et ad Deum meum deprecábor.

Quæ utilitas in ságuine meo, * dum descéndo in corruptiónem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei : * Dóminus factus est adjútor meus.

Convertísti planctum meum in gáudium mihi : * conscidísti saccum meum, et circumdedísti me lætítia :

Ut cantet tibi glória mea, et non compúngar : * Dómine, Deus meus, in ætérnum confitébor tibi.

Ant. Exaltábo te, Dómine, quóniam suscepísti me, allelúja.

Ant. Ascéndit Deus * in jubilatiónem, et Dóminus in voce tubæ, allelúja.

Psalmus 46

OMnes gentes, pláudite mánibus : * jubilate Deo in voce exsultatiónis.

Quóniam Dóminus excélsus, terríbilis : * Rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite Regi nostro, psállite.

Quóniam Rex omnis terræ Deus : * psállite sapiénter.

Regnábit Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ veheménter eleváti sunt.

Ant. Ascéndit Deus in jubilatiónem, et Dóminus in voce tubæ, allelúja.

✠. Ascéndens Christus in altum, allelúja. ✠. Captivam duxit captivitátem, allelúja.

Sermo sancti Leónis Papæ

Sermo 1 de Ascensione Domini

Lectio iv



Ost beátam et gloriósam resurrectiónem Dómini nostri Jesu Christi, qua verum Dei templum, Judáica impietáte resolutum, divína in trídúo poténtia suscitávit, quadragenárius hódie, dilectíssimi, sanctórum diérum explétus est númerus, sacratíssima ordinatione dispósitus, et ad utilitátem nostræ eruditiónis impénsus : ut, dum

a Dómino in hoc spátio mora præsentíæ corporális exténditur, fides resurrectionis documéntis necessariis munirétur. Mors enim Christi multum discipulórum corda turbáverat : et de supplicio crucis, de emissióne spíritus, de exanimáti cörperis sepultúra gravátis mœstitúdine méntibus, quidam diffidéntiæ torpor obrepserat.

✠. Tempus est, ut revértar ad eum, qui me misit, dicit Dóminus : nolíte contristári, nec turbétur cor vestrum : * Rogo pro vobis Patrem, ut ipse vos custódiat, allelúja, allelúja. ✠. Nisi ego abíero, Paráclitus non véniet : cum assúptus fúero, mittam vobis eum. — Rogo.

Lectio v

U^Nde beatíssimi Apóstoli, omnesque discipuli, qui et de éxitu crucis fúerant trépidi, et de fide resurrectionis ambígui, ita sunt veritate perspícua roboráti, ut, Dómino in cælórum eúnte sublímia, non solum nulla afficeréntur tristítia, sed étiam magno gáudio repleréntur. Et revéra magna et ineffábilis erat causa gaudéndi, cum in conspéctu sanctæ multitudinis super ómnium creaturárum cæ-

léstium dignitátem húmáni géneris natúra conscénderet, supergressúra Angélicos órdenes, et ultra Archangelórum altitúdines elevánda : nec ullis sublimitátibus modum suæ provectionis habitúra, nisi ætérni Patris recepta conséssu, illíus glóriæ sociarétur in throno, cujus natúræ copulabátur in Fílio.

✠. Non turbétur cor vestrum : ego vado ad Patrem; et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja. ✠. Ego rogábo Patrem, et álium Paráclitum dabit vobis. — Spíritum.

Lectio vi

Q^Uia igitur Christi ascensio, nostra provectio est; et quo præcèssit glória cápitis, eo spes vocátur et cörperis : dignis, dilectíssimi, exsultémus gáudiis, et pia gratiárum actióne lætémur. Hódie enim non solum paradísi possessóres firmáti sumus, sed étiam cælórum in Christo supérna penetrávimus : amplióra adépti per ineffábilem Christi grátiam, quam per diaboli amiserámus invídiam. Nam quos viruléntus inimicus primi habitáculi fe-

licitate dejecit, eos sibi concorporatos Dei Filius ad dexteram Patris collocavit : cum quo vivit et regnat in unitate Spiritus Sancti Deus, per omnia secula seculorum. Amen.

℟. Ascendens Christus in altum, captivam duxit captivitatem, * Dedit dona hominibus, allelúja, allelúja, allelúja. ℣. Ascendit Deus in jubilatione, et Dominus in voce tubae. — Dedit. Glória Patri. Dedit.

In III Nocturno

Ant. Nimis exaltatus est, * allelúja : super omnes deos, allelúja.

Psalmus 96



Dominus regnavit, exsultet terra : * læténtur insulae multae.

Nubes, et caligo in circuitu ejus : * justitia, et judicium correctio sedis ejus.

Ignis ante ipsum præcedet, * et inflammabit in circuitu inimicos ejus.

Illuxerunt fulgura ejus orbi terrae : * vidit, et commota est terra.

Montes, sicut cera fluxerunt a facie Domini : * a facie Domini omnis terra.

Annuntiaverunt caeli justitiam ejus : * et viderunt omnes populi gloriam ejus.

Confundántur omnes, qui adorant sculptilia : * et qui gloriántur in simulacris suis.

Adorate eum, omnes Angeli ejus : * audivit, et lætata est Sion.

Et exsultaverunt filiae Judæ, * propter judicia tua, Domine :

Quóniam tu Dominus Altissimus super omnem terram : * nimis exaltatus es super omnes deos.

Qui diligitis Dominum, odite malum : * custodit Dominus ánimas sanctorum suorum, de manu peccatoris liberabit eos.

Lux orta est justo, * et rectis corde lætitia.

Lætámini, justí, in Domino : * et confitémini memóriæ sanctificatiónis ejus.

Ant. Nimis exaltatus est, allelúja : super omnes deos, allelúja.

Ant. Dominus in Sion, * allelúja : magnus et excelsus, allelúja.

Psalmus 98

Dominus regnavit, irascántur populi : * qui sedet super Chérubim, moveátur terra.

Dominus in Sion magnus : * et excelsus super omnes populos.

Confiteántur nómini tuo magno : quóniam terribile, et sanctum est : * et

honor regis iudícium díligit.

Tu parásti directiónes : * iudícium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus : * quóniam sanctum est.

Móyses et Aaron in sacerdotíbus ejus : * et Sámuel inter eos, qui invocant nomen ejus :

Invocabant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes adinventiónes eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus, Deus noster.

Ant. Dóminus in Sion, allelúja : magnus et excélsus, allelúja.

Ant. Dóminus in cælo, * allelúja : parávit sedem suam, allelúja.

Psalmus 102

Benedic, ánima mea, Dómino : * et ómnia, quæ intra me sunt, nómini sancto ejus.

Bénedic, ánima mea, Dó-

mino : * et noli oblivísci omnes retributiónes ejus.

Qui propitiátur ómnibus iniquitatibus tuis : * qui sanat omnes infirmitátes tuas.

Qui rédimit de intéritu vitam tuam : * qui coronat te in misericórdia et miseratióibus.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et iudícium ómnibus injúriam patiéntibus.

Notas fecit vias suas Móysi, * filiis Israél voluntátes suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitátes nostras retribuit nobis.

Quóniam secúndum altitúdinem cæli a terra : * corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitátes nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorébit.

Quóniam spíritus pertransíbit in illo, et non subsístet : * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illíus in filios filiórum, * his qui servant testaméntum ejus :

Et mémores sunt mandatórum ipsíus, * ad faciéndum ea.

Dóminus in cælo parávit sedem suam : * et regnum ipsíus ómnibus dominábitur.

Benedícite Dómino, omnes Angeli ejus : * poténtes virtúte, faciéntes verbum illíus, ad audiéndam vocem sermónum ejus.

Benedícite Dómino, omnes virtútes ejus : * ministri ejus, qui fácitis voluntátem ejus.

Benedícite Dómino, ómnia ópera ejus : * in omni loco dominatiónis ejus, benedic, ánima mea, Dómino.

Ant. Dóminus in cælo, allelúja : parávit sedem suam, allelúja.

✠. Ascéndo ad Patrem meum, et Patrem vestrum, allelúja. ✠. Deum

meum, et Deum vestrum, allelúja.

Léctio sancti Evangélíi
secúndum Marcum

Lectio vii Cap. 16, 14-20

IN illo témpore : Recumbéntibus úndecim discipulis, appáruit illis Jesus : et exprobrávit incredulitátem eórum et durítiam cordis, quia iis, qui víderant eum resurrexisse, non credidérunt. Et réliqua.

Homília sancti Gregórii
Papæ

Homilia 29 in Evangelia



Uod resurrectionem Domínicam discipuli tarde credidérunt, non tam illórum infirmitas, quam nostra, ut ita dicam, futúra firmitas fuit. Ipsa namque resurrectio illis dubitántibus per multa arguménta monstráta est : quæ dum nos legéntes agnóscimus, quid áliud quam de illórum dubitatióne solidámur? Minus enim mihi María Magdaléne præstitit, quæ cítiús crédidit, quam Thomas, qui diu dubitávit. Ille etenim dubitándo vúlnerum cicatríces tétigit, et de nostro pectore dubitatiónis vulnus amputávit.

✠. Ego rogábo Patrem, et álium Paráclitum dabit vobis, * Ut máneat vobiscum in ætérnum, Spíritum

veritátis, allelúja. *℟.* Si enim non abíero, Paráclitus non véniet ad vos : si autem abíero, mittam eum ad vos. — Ut.

Bened. Divínium auxílium.

Lectio viii

AD insinuándam quoque veritátem Domínicæ resurrectionis, notándum nobis est, quid Lucas réferrat, dicens : Convéscens, præcépit eis ab Jerosólymis ne discéderent. Et post pauca : Vidéntibus illis, elevátus est, et nubes suscepit eum ab óculis eórum. Notáte verba, signáte mystéria. Convéscens elevátus est. Comédit, et ascéndit : ut vidélicet per efféctum comestiónis, véritas patésceret carnis. Marcus vero, priúsqum cælum Dóminus ascéndat, eum de cordis atque infidelitátis durítia increpásse discípulos mémorat. Qua in re quid considerándum est, nisi quod idcírco Dóminus tunc discípulos increpávit, cum eos corporáliter relíquit, ut verba, quæ recédens diceret, in corde audiéntium árcius imprésa remanérent?

℟. Ponis nubem ascensum tuum, Dómine : * Qui ámbulas super pennas ventórum, allelúja. *℟.* Confessióem et decórem in-

duísti, amíctus lumen sic ut vestiméntum. — Qui. *Glória Patri.* Qui.

Lectio ix

INcrepáta igitur eórum durítia, quid admonéndodícat, audiámus : Eúntes in mundum univérsum, prædicáte Evangélium omni creatúræ. Numquid, fratres mei, sanctum Evangélium vel insensátis rebus, vel brutis animálibus fúerat prædicándum, ut de eo discípulis dicátur : Prædicáte omni creatúræ? Sed omnis creatúræ nómine signátur homo. Omnis autem creatúræ áliquíd habet homo. Habet namque commúne esse cum lapídibus, vívere cum arbóribus, sentíre cum animálibus, intelligere cum Angelis. Si ergo commúne habet áliquíd cum omni creatúra homo, juxta áliquíd omnis creatúra est homo. Omni ergo creatúræ prædicátur Evangélium, cum soli hómini prædicátur.

Te Deum laudámus.

AD LAUDES

et per Horas, Añæ

1 Viri Galilæi, * quid aspícitis in cælum? Hic Jesus, qui assúptus est a vobis in cælum, sic véniet, allelúja.

Psalmi de Domin. 1 loco. 72

2 Cumque intueréntur * in cælum eúntem illum, dixerunt, allelúja.

3 Elevátis mánibus, * benedíxit eis, et ferebátur in cælum, allelúja.

4 Exaltáte Regem regum, * et hymnum dícite Deo, allelúja.

5 Vidéntibus illis, * elevátus est, et nubes suscepit eum in cælo, allelúja.

Capitulum Act. 5, 1-2

Primum quidem sermónem feci de ómnibus, o Theóphile, quæ cœpit Jesus fácere et docére usque in diem, qua præci-piens Apóstolis per Spíritum Sanctum, quos elégit, assúptus est.

Hymnus

Salútis humánæ Sator,
Jesu, volúptas córdium,
Orbis redémpti Cónditor,
Et casta lux amántium :

Qua victus es cleméntia,
Ut nostra ferres crimina?
Mortem subíres ínnocens,
A morte nos ut tólleres?

Perrúmpis inférnum chaos:
Vinctis caténas détrahis;
Victor triúmpho nóbili
Ad dexteram Patris sedes.

Te cogat indulgéntia,
Ut damna nostra sárCIAS,
Tuíque vultus cómpotes
Dites beáto lúmíne.

¶ Sequens Conclusio numquam mutatur.

Tu, dux ad astra, et sémita,
Sis metas nostris córdibus,
Sis lacrimárum gáudium,
Sis dulce vitæ præmíum.
Amen.

℟. Dóminus in cælo, allelúja. ℞. Parávit sedem suam, allelúja.

Ad Bened. Ant. Ascendo ad Patrem meum, * et Patrem vestrum : Deum meum, et Deum vestrum, allelúja.

Oratio

Concède, quæsumus, omnípotens Deus : ut, qui hodiérna die Unigénitum tuum Redemptórem nostrum ad cælos ascendisse crédimus; ipsi quoque mente in cæléstibus habitémus. Per eúmdem Dóminum.

Ad Horas Psalmi de Dominica, ad Primam tamen ut in Festis.

AD PRIMAM

Ant. Viri Galilæi, * quid aspícitis in cælum? Hic Jesus, qui assúptus est a vobis in cælum, sic véniet, allelúja.

In ℞. br. ℟. Qui scandis super sídera, qui dicitur usque ad Vigiliam Pentecostes inclusive.

AD TERTIAM

Ant. Cumque intueréntur, ut supra.

Capitulum Primum, ut
supra. 612

℟. br. Ascéndit Deus in
jubiliatíone, * Allelúja, alle-
lúja. Ascéndit. V. Et Dó-
minus in voce tubæ. Alle-
lúja, allelúja. Glória Patri.
Ascéndit. V. Ascéndens
Christus in altum, alle-
lúja. ℟. Captívam duxit
captivitátem, allelúja.

AD SEXTAM

Ant. Elevátis mánibus,
ut supra. 612

Capitulum Act. 1, 4-5

ET convéscens, præcepit
eis ab Jerosólymis ne
discéderent, sed expectá-
rent promissíonem Patris,
quam audístis (inquit) per
os meum : quia Joánnes
quidem baptizávit aqua,
vos autem baptizabimini
Spíritu Sancto non post
multos hos dies.

℟. br. Ascéndens Chri-
stus in altum, * Allelúja,
allelúja. Ascéndens. V. Ca-
ptívam duxit captivi-
tátem. Allelúja, allelúja.
Glória Patri. Ascéndens.
V. Ascéndo ad Patrem
meum, et Patrem ve-
strum, allelúja. ℟. Deum
meum, et Deum vestrum,
allelúja.

AD NONAM

Ant. Vidéntibus illis, ut
supra. 612

Capitulum Act. 1, 11

Viri Galilæi, quid statis
aspiciéntes in cælum?
Hic Jesus qui assúptus
est a vobis in cælum, sic
veniet, quemádmódum vi-
dístis eum eúntem in cæl-
lum.

℟. br. Ascéndo ad Pa-
trem meum, et Patrem
vestrum, * Allelúja, alle-
lúja. Ascéndo. V. Deum
meum, et Deum vestrum.
Allelúja, allelúja. Glória.
Ascéndo. V. Dóminus in
cælo, allelúja. ℟. Parávit
sedem suam, allelúja.

IN II VESPERIS

**Antiphonæ, Capitulum et
Hymnus de Laudibus.** 611

**Psalmi de Dominica 72, sed
loco ultimi Ps. 116** Laudáte
Dóminum, omnes gentes. 92

V. Ascéndit Deus in ju-
bilatióne, allelúja. ℟. Et
Dóminus in voce tubæ,
allelúja.

Ad Magnif. Ant. O Rex
glóriæ, * Dómine virtú-
tum, qui triumphátor hó-
die super omnes cælos
ascendísti, ne derelínquas
nos órphanos; sed mitte
promíssum Patris in nos,
Spíritum veritátis, alle-
lúja.

Completorium de Dominica,

**Infra Octavam et in die
Octava Officium fit ut in**

Festo, præter Lectiones, quæ pro singulis diebus assignantur propriæ.

Si infra Octavam aut Feria VI subsequenti celebretur Officium, quod Lectiones I Nocturni sumat de Scriptura occurrenti, hæ dicuntur cum Responsoriis de Ascensione, ut infra.


Feria VI infra Octavam Ascensionis

Semiduplex 601

In I Nocturno

Incipit Epístola secúnda
beáti Petri Apóstoli

Lectio i Cap. 1, 1-15

 Imon Petrus, servus et Apóstolus Jesu Christi, iis, qui coæqualem nobiscum sortiti sunt fidem in iustitia Dei nostri et Salvatoris Jesu Christi. Grátia vobis et pax adimpleatur in cognitióne Dei et Christi Jesu Dómini nostri, quómodo ómnia nobis divínæ virtútis suæ, quæ ad vitam et pietátem donáta sunt per cognitiónem ejus, qui vocávit nos própria glória et virtúte, per quem máxima et pretiósá bonis promíssa donávit, ut per hæc efficiámini divínæ consórtes natúræ, fugiéntes ejus, quæ in mundo

est, concupiscéntiæ corruptiõem.

℟. Post passiõem suam per dies quadragínta apárens eis, et loquens de regno Dei, allelúja : * Et, vidéntibus illis, elevátus est, allelúja : et nubes suscepit eum ab óculis eórum, allelúja. ℞. Et convéscens, præcépit eis ab Jerosólymis ne discéderent, sed exspectárent promissiõem Patris. — Et, vidéntibus.

Lectio ii

VOS autem curam omnem subinferéntes ministráte in fide vestra virtútem, in virtúte autem sciéntiam, in sciéntia autem abstinéntiam, in abstinéntia autem patiéntiam, in patiéntia autem pietátem, in pietáte autem amórem fraternitátis, in amóre autem fraternitátis caritátem. Hæc enim, si vobiscum adsint et súperent, non vácuos nec sine fructu vos constituent in Dómini nostri Jesu Christi cognitióne; cui enim non præsto sunt hæc, cæcus est et manu tentans, obliviõem accípiens purgatióis véterum suórum delictórum.

℟. Omnis pulchritúdo Dómini exaltáta est super sídera : * Spécies ejus in núbibus cæli, et nomen

ejus in ætérnum pérmanet, allelúja. *℟.* A summo cælo egressio ejus, et occúrsus ejus usque ad summum ejus. — Spécies ejus.

Lectio iii

QUaprópter, fratres, magis satágite, ut per bona ópera certam vestram vocatióem et electiόem faciátis : hæc enim faciéntes, non peccábitis aliquándo. Sic enim abundánter ministrábitur vobis intróitus in ætérnum regnum Dómini nostri et Salvatóris Jesu Christi. Propter quod incípiam vos semper commónere de his : et quidem sciéntes et confirmátos vos in præsénti veritaté. Justum autem árbitror, quámduum sum in hoc tabernáculo, suscitáre vos in commónitiόe : certus quod velox est depositiό tabernáculo mei secúndum quod et Dóminus noster Jesus Christus significávit mihi. Dabo autem óperam et frequénter habére vos post óbitum meum, ut horum memóriam faciátis.

℟. Exaltáre, Dómine, allelúja, * In virtúte tua, allelúja. *℟.* Eleváta est magnificéntia tua super cælos, Deus. — In. Glória Patri. In.

In II Nocturno

Sermo sancti Leónis Papæ
Sermo 2 de Ascensione Dom.

Lectio iv



SACRAMÉNTUM, dilectíssimi, salútis nostræ, quam prétio sánguinis sui universitátis Cónditor æstimávit, a die corporális ortus usque ad éxitum passiόnis, per dispensatiόem humilitátis implétum est. Et licet multa, étiam in forma servi, divinitátis signa radiáverint; próprie tamen illíus témporis áctiό ad demonstrándam suscep-ti hóminis pertínuit veritátem. Post passiόnem vero ruptis mortis vínculis, quæ vim suam in eum, qui peccáti erat néscius, incedéndo perdíderat; infirmitas in virtútem, mortalitas in immortalitátem, contumélia transívit in glóriam : quam Dóminus Jesus Christus in multis manifestísque documéntis, multórum declarávit aspéctibus, donec triúmphum victóriæ, quem reportárat a mórtuis, inférret et cælis.

℟. Tempus est, ut revértar ad eum, qui me misit, dicit Dóminus : nolíte contristári, nec turbétur cor vestrum : * Rogo pro vobis Patrem, ut ipse vos

custódiat, allelúja, allelúja. **℟.** Nisi ego abiero, Paráclitus non véniet : cum assumptus fúero, mittam vobis eum. — Rogo pro vobis Patrem, ut ipse vos custódiat, allelúja, allelúja.

Lectio v

Sicut ergo in solemnitáte pascháli resurrectio Dómini fuit nobis causa lætandi : ita ascensio ejus in cælos præséntium nobis est matéria gaudiórum, recoléntibus illum diem et rite venerántibus, quo natúræ nostræ humilitas in Christo super omnem cæli militiam, super omnes órdenes Angelórum, et ultra ómnium altitúdinem potestátum, ad Dei Patris est provécta conséssum. Quo órdone óperum divinórum nos fundáti, nos ædificáti sumus : ut mirabílior fieret grátia Dei, cum remóti a conspéctu hóminum, quæ mérito reveréntiam sui sentiebántur indicere, fides non deficeret, spes non fluctuáret, caritas non tepéret.

℟. Non turbétur cor vestrum : ego vado ad Patrem; et cum assumptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja. **℟.** Ego rogábo Patrem, et álium

Paráclitum dabit vobis. — Spíritum.

Lectio vi

Magnárum hic vigor est méntium, et valde fidélium lumen est animárum, incunctánter credere, quæ corpóreo non vidéntur intúitu, et ibi figere desidérium, quo néqueas inférre conspéctum. Hæc autem pietas unde in nostris córdibus nascerétur, aut quómodo quisquam justificarétur per fidem, si in iis tantum salus nostra consisteret, quæ obtútibus subjacerent? Unde et illi viro, qui de resurrectione Christi videbátur ambígere, nisi in ipsíus carne vestigia passiónis et visu explorásset et tactu : Quia vidísti me, inquit Dóminus, credidísti : beáti, qui non vidérunt, et credidérunt.

℟. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. **℟.** Ascéndit Deus in jubilatione, et Dóminus in voce tubæ. — Dedit. Glória Patri. Dedit.

In III Noeturno

Lectio sancti Evangélii
secúndum Marcum

Lectio vii Cap. 16, 14-20

IN illo témpore : Recumbéntibus úndecim discipulis, apparuit illis Jesus :

et exprobrávit incredulitatem eorum et duritiam cordis, quia iis, qui viderant eum resurrexisse, non crediderunt. Et reliqua.

De Homilia
sancti Gregórii Papæ

Eadem Homilia 29



UI crediderit et baptizátus fuerit, salvus erit : qui vero non crediderit, condemnabitur. Fortásse unusquisque apud semetípsum dicat : Ego jam credidi, salvus ero. Verum dicit, si fidem opéribus tenet. Vera etenim fides est, quæ in hoc, quod verbis dicit, moribus non contradicit. Hinc est enim quod de quibúsdam falsis fidelibus Paulus dicit : Qui confitentur se nosse Deum, factis autem negant. Hinc Joánnes ait : Qui dicit se nosse Deum, et mandata ejus non custódit, mendax est.

✠. Ego rogábo Patrem, et álium Paráclitum dabit vobis, * Ut máneat vobiscum, in ætérnum, Spíritum veritátis, allelúja. ✠. Si enim non abiero, Paráclitus non véniet ad vos : si autem abiero, mittam eum ad vos. — Ut.

Lectio viii

Q Uod cum ita sit, fidei nostræ veritatem in vitæ nostræ considera-

tióne debémus agnóscere. Tunc enim veráciter fideles sumus, si quod verbis promittimus, opéribus complémus. In die quippe baptismatis, ómnibus nos antiqui hostis opéribus atque ómnibus pompis abrenuntiáre promísimus. Itaque unusquisque vestrum ad consideratióem suam mentis óculos redúcat; et si servat post baptismum, quod ante baptismum spopóndit, certus jam, quia fidelis est, gaudeat.

✠. Ponis nubem ascensum tuum, Dómine : * Qui ámbulas super pennas ventórum, allelúja. ✠. Confessióem et decórem induísti, amíctus lumen sicut vestiméntum. — Qui. Glória Patri. Qui.

Lectio ix

S ED ecce, si, quod promísit, mínime servávit, si ad exercénda prava ópera, ad concupiscéndas mundi pompas dilápsus est : videámus, si jam scit plángere, quod errávit. Apud misericórdem namque júdicem nec ille fallax habétur, qui ad veritatem revértitur, étiam postquam mentítur : quia omnípotens Deus, dum libénter nostram pœniténtiam súscipit, ipse suo júdicio hoc, quod errávimus, abscondit. Te Deum.

Sabbato infra Octavam Ascensionis

Semiduplex 601

In I Nocturno

De Epístola secúnda
beáti Petri Apóstoli

Lectio i Cap. 3, 1-18



Anc ecce vobis, caríssimi, secúndam scribo epístolam, in quibus vestram éxcito in commonitióne sincéram mentem : ut mémores sitis eórum, quæ prædixi, verbórum a sanctis Prophétis, et Apostolorum vestrórum, præceptórum Dómini et Salvatóris. Hoc primum sciéntes, quod vénient in novíssimis diébus in deceptiône illusóres, juxta próprias concupiscéntias ambulátes, dicéntes : Ubi est promissio, aut advéntus ejus? ex quo enim patres dormiérunt, ómnia sic perseveránt ab initio creatúræ. Latet enim eos hoc voléntes, quod cæli erant prius, et terra, de aqua, et per aquam consístens Dei verbo : per quæ ille tunc mundus aqua inundátus périit. Cæli autem, qui nunc sunt, et terra eódem verbo repósi sunt, igni reserváti in diem judicii et perditionis impiórum hóminum.

✠. Post passióem suam per dies quadragínta apárens eis, et loquens de regno Dei, allelúja : * Et, vidéntibus illis, elevátus est, allelúja : et nubes suscepit eum ab óculis eórum, allelúja. ✠. Et convéscens, præcepit eis ab Jerosólymis ne discéderent, sed exspectárent promissiónem Patris. — Et, vidéntibus.

Lectio ii

U Num vero hoc non láteat vos, caríssimi, quia unus dies apud Dóminum sicut mille anni, et mille anni sicut dies unus. Non tardat Dóminus promissiónem suam, sicut quidam existimant : sed patiénter agit propter vos, nolens áliquos períre, sed omnes ad pœniténtiam revérti. Advéniet autem dies Dómini ut fur : in quo cæli magno ímpetu tránsiet, eleménta vero calóre solvéntur, terra autem, et quæ in ipsa sunt ópera, exuréntur. Cum igitur hæc ómnia dissolvénda sint, quales opórtet vos esse in sanctis conversatió nibus et pietátibus, exspectántes et properántes in advéntum diéi Dómini, per quem cæli ardéntes solvéntur, et eleménta ignis ardóre tabéscant? Novos vero cælos et novam terram se-

cúndum promissa ipsius exspectámus, in quibus justítia hábitat.

℟. Omnis pulchritúdo Dómini exaltáta est super sídera : * Spécies ejus in núbibus cæli, et nomen ejus in ætérnum pérmanet, allelúja. ℣. A summo cælo egréssio ejus, et oc-cúrsus ejus usque ad sum-mum ejus. — Spécies.

Lectio iii

Propter quod, caríssi-mi, hæc exspectántes, satágite immaculáti et in-violáti ei inveníri in pace. Et Dómini nostri longani-mitátem, salútem arbitré-mini : sicut et caríssimus frater noster Paulus se-cúndum datam sibi sapiéntiam scripsit vobis, sicut et in ómnibus epí-stolis, loquens in eis de his, in quibus sunt quæ-dam difficília intelléctu, quæ indócti et instábiles deprávant, sicut et céte-ras Scriptúras, ad suam ipsórum perditiónem. Vos igitur, fratres, præsciéntes custodíte, ne insipiéntium erróre tradúcti excidátis a própria firmitáte. Créscite vero in grátia, et in cogni-tióne Dómini nostri, et Salvatóris Jesu Christi. Ipsi glória et nunc, et in diem æternitátis. Amen.

℟. Exaltáre, Dómine, al-lelúja, * In virtúte tua,

allelúja. ℣. Eleváta est magnificéntia tua super cælos, Deus. — In. Glória Patri. In.

In II Nocturno

De Sermóne sancti Leónis Papæ

Sermo 2 de Ascensione Dom.

Lectio iv



Uod itaque Redem-ptóris nostri con-spícuum fuit, in sacraménta transívit : et ut fides excelléntior esset ac fírmior, visióni do-ctrína succéssit, cujus au-ctoritátem supérnis illu-mináta rádiis credéntium corda sequeréntur. Hanc fidem ascensióne Dómini auctam, et Spíritus Sancti múnere roborátam, non víncula, non cárceres, non exsília, non fames, non ignis, non laniátus ferá-rum, nec exquisíta perse-quéntium crudelitátibus supplícia terruérunt. Pro hac fide per univérsum mundum non solum viri, sed étiam féminæ; nec tantum impúbes púeri, sed étiam téneræ vírgines usque ad effusióne sui sánguinis decertáruunt. Hæc fides dæmónia ejécit, ægritúdines dépulit, mór-tuos suscitávit.

℟. Tempus est, ut revér-tar ad eum, qui me misit, dicit Dóminus : nolíte con-

tristári, nec turbétur cor vestrum : * Rogo pro vobis Patrem, ut ipse vos custódiat, allelúja, allelúja. ✠. Nisi ego abiero, Paráclitus non véniet : cum assúptus fúero, mittam vobis eum. — Rogo.

Lectio v

UNde et ipsi beáti Apóstoli, qui tot miráculis confirmáti, tot sermónibus erudíti, atrocitátem tamen Domínicæ passiónis expáverant, et veritátem resurrectionis ejus non sine hæsitatióne suscepérant; tantum de ascensióne Dómini profecérunt, ut quidquid illis prius intúlerat metum, verterétur in gáudium. Totam enim contemplatiónem ánimí in divinitátem ad Patris dexteram considéntis eréxerant : nec jam corpóreæ visiós tardabántur objectu, quo minus in id áciem mentis inténdèrent, quod nec a Patre descendéndo abfúerat, nec a discípulis ascendéndo discesserat. Tunc igitur, dilectíssimi, fílius hóminis, Dei Fílius excellentius sacratiúsque innótuít, cum in patrénæ majestátis glóriam se recépít : et infábili modo cœpit esse divinitáte præsentior, qui factus est humanitáte longínquior.

✠. Non turbétur cor vestrum : ego vado ad Patrem; et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja. ✠. Ego rogábo Patrem, et álium Paráclitum dabit vobis. — Spíritum.

Lectio vi

TUnc ad æquálem Patri Fílium eruditior fides gressu mentis cœpit accédere, et contrectatióne in Christo corpóreæ substantiæ, qua Patre minor est, non egére : quóniam gloriificáti córporis manénte natura, eo fides credéntium vocabátur, ubi non carnáli manu, sed spiritali intelléctu par Genitóri Unigénitus tangerétur. Hinc illud est, quod post resurrectionem suam Dóminus Mariæ Magdalénæ persónam Ecclésiæ gerénti, cum ad contactum ipsíus properáret accédere, dicit : Noli me tângere, nondum enim ascéndi ad Patrem meum : hoc est, Nolo ut ad me corpóraliter vénias, nec ut me sensu carnis agnóscas : ad sublimióra te díffero, majóra tibi præparo : cum ad Patrem ascéndero, tunc me perféctius veriúsque palpábis, apprehensúra quod non tangis, et creditúra quod non cernis.

℟. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. ℣. Ascéndit Deus in jubilatíone, et Dóminus in voce tubæ. — Dedit. Glória Patri. Dedit.

In III Nocturno

Lectio sancti Evangélíi
secúndum Marcum

Lectio vii Cap. 16, 14-20

IN illo témpore : Recumbéntibus úndecim discípulis, appáruit illis Jesus : et exprobrávit incredulitátem eórum et durítiam cordis, quia iis, qui víderant eum resurrexisse, non credidérunt. Et réliqua.

De Homilía
sancti Gregórii Papæ
Eadem Homilia 29

Signa autem eos qui creditúri sunt, hæc sequéntur : In nómine meo dæmónia ejicient, linguis loquéntur novis, serpéntes tollent : et si mortíferum quid biberint, non eis nocébit : super ægros manus impónent, et bene habébunt. Numquídnam, fratres mei, quia ista signa non fácitis, mínime créditis? Sed hæc necessária in exórdio Ecclésiæ fuérunt. Ut enim ad fidem crésceret multitúdo

credéntium, miráculis fuérat nutriénda : quia et nos, cum arbústa plantámus, tándiu eis aquam infúndimus, quoúsque ea in terra jam coaluísse videámus : et si semel radicem fixerint, irrigátio cessábit. Hinc est enim quod Paulus dicit : Linguae in signum sunt non fidélibus, sed infidélibus.

℟. Ego rogábo Patrem, et álium Paráclitum dabit vobis, * Ut máneat vobiscum in ætérnum, Spíritum veritátis, allelúja. ℣. Si enim non abíero, Paráclitus non véniet ad vos : si autem abíero, mittam eum ad vos. — Ut máneat.

Lectio viii

Habémus de his signis atque virtútibus, quæ adhuc subtlíus consideráre debeámus. Sancta quippe Ecclésia quotidie spiritaliter facit, quod tunc per Apóstolos corporaliter faciébat. Nam sacerdótes ejus cum per exorcismi grátiam manum credéntibus impónunt, et habitáre malignos spíritus in eórum mente contradícunt, quid áliud faciunt, nisi dæmónia ejiciunt? Et fidéles quique, qui jam vitæ vétæris sæculária verba derelínquunt, sancta autem mystéria insonant, Conditóris sui laudes et

poténtiam, quantum prævalent, narrant : quid aliud faciunt, nisi novis linguis loquúntur? Qui dum bonis suis exhortationibus malitiam de alienis cordibus auferunt, serpentes tollunt.

℟. Ponis nubem ascensum tuum, Dómine : * Qui ámbulas super pennas ventórum, allelúja. ⅴ. Confessionem et decórem induísti, amíctus lumen sicut vestiméntum. — Qui. Glória Patri. Qui.

Lectio ix

ET dum pestíferas suasiones áudiunt, sed tamen ad operationem pravam mínime pertrahúntur, mortíferum quidem est quod bibunt, sed non eis nocébit. Qui quóties próximos suos in bono ópere infirmári conspíciunt, dum eis tota virtúte concúrrunt, et exémplo suæ operationis illórum vitam róborant, qui in própria actióne titubant : quid aliud faciunt, nisi super ægros manus impónunt, ut bene hábeant? Quæ nímírum mirácula tanto majóra sunt, quanto spiritalia; tanto majóra sunt, quanto per hæc non corpora, sed animæ susciántur. Te Deum.

Vesperæ de sequenti Dominica, Commemoratio præcedentis diei infra Octavam.

Dominica infra Octavam Ascensionis

Semiduplex

Omnia dicuntur ut in Ascensione 600, præter sequentia.

IN I VESPERIS

Añæ, Capitulum et Hymnus de Laudibus 627; Psalmi de Dominica 72, sed loco ultimi, Ps. 116 Laudáte Dóminum. 92

ⅴ. Dóminus in cælo, allelúja. ℟. Parávit sedem suam, allelúja.

Ad Magnif. Ant. Cum vénerit Paráclitus, * quem ego mittam vobis Spíritum veritátis, qui a Patre procédit, ille testimonium perhibébit de me, allelúja.

Oratio

OMnípotens sempitérne Deus : fac nos tibi semper et devótam gérere voluntátem; et majestáti tuæ sincéro corde servíre. Per Dóminum.

Ft fit Commemoratio præcedentis diei infra Octavam :

Ant. O rex glóriæ, Dómine virtútum, qui triumphátor hódie super omnes cælos ascendísti, ne derelínquas nos órphanos; sed mitte promíssum Patris in nos, Spíritum veritátis, allelúja.

ⅴ. Ascéndit Deus in jubilatione, allelúja. ℟. Et Dóminus in voce tubæ, allelúja.

Oratio

Concède, quæsumus, omnipotens Deus : ut, qui hodierna die Unigenitum tuum Redemptorem nostrum ad cælos ascendisse credimus; ipsi quoque mente in cælestibus habitemus. Per eundem Dominum.

Completorium de Dominica.

AD MATUTINUM

Si sequentes Lectiones I Nocturni pridie dictæ fuerint in Festo S. Joannis Ap. ante Portam Latinam, hac nocte sumuntur Lectiones Feriæ II sequentis.

In I Nocturno

Incipit Epistola prima
beati Joannis Apostoli

Lectio i Cap. 1, 1-10



Quod fuit ab initio, quod audivimus, quod vidimus oculis nostris, quod perspeximus, et manus nostræ contrectaverunt de verbo vitæ : et vita manifestata est, et vidimus, et testamur, et annuntiamus vobis vitam æternam, quæ erat apud Patrem, et apparuit nobis : quod vidimus, et audivimus, annuntiamus vobis, ut et vos societatem habeatis nobiscum, et societas nostra sit cum Patre et cum Filio ejus Jesu Christo. Et

hæc scribimus vobis ut gaudeatis, et gaudium vestrum sit plenum. Et hæc est annuntiatio, quam audivimus ab eo, et annuntiamus vobis : Quoniam Deus lux est, et tenebræ in eo non sunt ullæ.

✠. Post passionem suam per dies quadraginta apparens eis, et loquens de regno Dei, allelûja : * Et, vidéntibus illis, elevátus est, allelûja : et nubes suscepit eum ab oculis eorum, allelûja. ✠. Et convéscens, præcepit eis ab Jerosólymis ne discéderent, sed exspectárent promissionem Patris. — Et, vidéntibus.

Lectio ii

SI dixerimus quoniam societatem habemus cum eo, et in tenebris ambulamus, mentimur, et veritatem non facimus. Si autem in luce ambulamus sicut et ipse est in luce, societatem habemus ad invicem, et sanguis Jesu Christi, Filii ejus, emundat nos ab omni peccato. Si dixerimus quoniam peccatum non habemus, ipsi nos seducimus, et veritas in nobis non est. Si confiteamur peccata nostra, fidelis est et justus, ut remittat nobis peccata nostra, et emundet nos ab omni iniquitate. Si dixéri-

mus quóniam non peccávimus, mendácem fácimus eum, et verbum ejus non est in nobis.

℟. Omnis pulchritúdo Dómini exaltáta est super sídera : * Spécies ejus in núbibus cæli, et nomen ejus in ætérnum pérmanet, allelúja. ℣. A summo cælo egréssio ejus, et oc-cúrsus ejus usque ad sum-mum ejus. — Spécies.

Lectio iii Cap. 2, 1-6

Filii mei, hæc scribo vobis, ut non peccétis. Sed, et si quis peccáverit, advocátum habémus apud Patrem, Jesum Christum justum : et ipse est propitiátio pro peccátis nostris : non pro nostris autem tantum, sed étiam pro totíus mundi. Et in hoc scimus quóniam cognóvimus eum, si mandáta ejus observémus. Qui dicit se nosse eum et mandáta ejus non custódit, mendax est, et in hoc véritas non est. Qui autem servat verbum ejus, vere in hoc caritas Dei perfécta est : et in hoc scimus quóniam in ipso sumus. Qui dicit se in ipso manére, debet, sicut ille ambulávit, et ipse ambuláre.

℟. Exaltáre, Dómine, allelúja, * In virtúte tua, allelúja. ℣. Eleváta est magnificéntia tua super

cælos, Deus. — In. Glória Patri. In.

In II Noeturno

Sermo sancti Augustíni
Episcopi

Sermo 2 de Ascensione Dom.,
qui est 175 de Tempore

Lectio iv

SAlvátor noster, dilectíssimi fratres, ascéndit in cælum : non ergo turbémur in terra. Ibi sit mens, et hic erit réquies. Ascendámus cum Christo ínterim corde : cum dies ejus promíssus advénerit, sequémur et córpore. Scire tamen debémus, fratres, quia cum Christo non ascéndit supérbia, non avarítia, non luxúria : nullum vítium nostrum ascéndit cum médico nostro. Et ídeo si post médicum desiderámus ascéndere, debémus vítia et peccáta depónere. Omnes enim quasi quibúsdam compédibus nos premunt, et peccatórum nos rétibus ligáre conténdunt : et ídeo cum Dei adjutório, secúndum quod ait Psalmísta : Dirumpámus víncula eórum : ut secúri possímus dícere Dómino : Dirupísti víncula mea, tibi sacrificábo hóstiam laudis.

℟. Tempus est, ut revér-tar ad eum, qui me misit, dicit Dóminus : nolíte con-

tristári, nec turbétur cor vestrum * Rogo pro vobis Patrem, ut ipse vos custódiat, allelúja, allelúja.

℣. Nisi ego abíero, Paráclitus non véniet : cum assúptus fúero, mittam vobis eum. — Rogo.

Lectio v

REsurréctio Dómini spes nostra est : ascénsio Dómini gloriificátio nostra est. Ascensiónis hódie solémnia celebrámus. Si ergo recte, si fidéliter, si devóte, si sancte, si pie ascensiónem Dómini celebrámus, ascendámus cum illo, et sursum corda habeamus. Ascendéntes autem non extollámur, nec de nostris, quasi de propriis méritis præsumámus. Sursum autem corda habére debémus ad Dóminum. Sursum enim cor non ad Dóminum, supérbia vocátur : sursum autem cor ad Dóminum, refúgium vocátur. Vidéte, fratres, magnum miraculum. Altus est Deus : érigis te, et fugit a te; humílias te, et descendit ad te. Quare hoc? Quia excélsus est, et humília réspicit, et alta de longe cognóscit. Humília de próximo réspicit, ut attóllat : alta, id est, supérba, de longe cognóscit, ut déprimat.

℟. Non turbétur cor vestrum : ego vado ad Patrem; et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja. ℣. Ego rogábo Patrem, et álium Paráclitum dabit vobis. — Spíritum.

Lectio vi

REsurrexit enim Christus, ut spem nobis daret, quia surgit homo, qui móritur; ne moriéndó desperarémus, et vitam nostram in morte finítam putarémus, secúros nos fecit. Solliciti enim erámus de ipsa ánima : et ille nobis resurgéndo, de carnis resurrectione fidúciam dedit. Crede ergo, ut mundéris. Prius te opórtet credere, ut póstea per fidem Deum mereáris aspícere. Deum enim vidére vis? Audi ipsum : Beáti mundo corde : quóniam ipsi Deum vidébunt. Prius ergo cógita de corde mundádo : quidquid ibi vides, quod displicet Deo, tolle.

℟. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. ℣. Ascéndit Deus in jubilatióne, et Dóminus in voce tubæ. — Dedit. **G**lória Patri. Dedit.

In III Nocturno

Lectio sancti Evangélíi
secúndum Joánnem

Cap. 15, 26-27; 16, 1-4

Lectio vii

IN illo témpore : Dixit
Jesus discípulis suis :
Cum vénerit Paráclitus,
quem ego mittam vobis
a Patre, Spíritum veri-
tátis, qui a Patre procédit,
ille testimónium perhibé-
bit de me. Et réliqua.

Homília sancti Augustíni
Epíscopi

Tractatus 92 in Joannem

Iominus Jesus in ser-
móne, quem locú-
tus est discípulis
suis post cœnam, próxi-
mus passióni, tamquam
itúrus, et relictúrus eos
præséntia corporáli, cum
ómnibus autem suis usque
in consummationem sæ-
culi futúrus præséntia spi-
ritáli, exhortátus est eos
ad perferéndas persecu-
tiones impiórum, quos
mundi nómine nuncupá-
vit. Ex quo tamen mundo
étiam ipsos discípulos se
elegísse dixit : ut scirent
se Dei grátia esse, quod
sunt; suis autem vítiis
fuisse, quod fuérunt.

✠. Ego rogábo Patrem,
et álium Paráclitum dabit
vobis, * Ut máneat vobís-
cum in ætérnum, Spíritum
veritátis, allelúja. ✠. Si

enim non abíero, Parácli-
tus non véniet ad vos : si
autem abíero, mittam eum
ad vos. — Ut.

Lectio viii

DEínde persecutóres et
suos et ipsórum, Ju-
dáeos evidénter expréssit :
ut omníno apparéret étiam
ipsos mundi damnábilis
appellatióne conclúsos,
quí persecúntur sanctos.
Cumque de illis diceret,
quod ignorárent eum a
quo missus est; et tamen
odíssent et Fílium et Pa-
trem, hoc est, et eum qui
missus est, et eum a quo
missus est : (de quibus
ómnibus in áliis sermó-
nibus jam disserúimus) ad
hoc pervénit, ubi ait : Ut
adimpleátur sermo, qui in
lege eórum scriptus est :
Quia ódio habuérent me
gratis.

✠. Si enim non abíero,
Paráclitus non véniet ad
vos : si autem abíero, mit-
tam eum ad vos. * Cum
autem vénerit ille, docébit
vos omnem veritátem, al-
lelúja. ✠. Non enim loqué-
tur a semetípso : sed quæ-
cúmque áudiet, loquétur :
et quæ ventúra sunt, an-
nuntiábit vobis. — Cum.
Glória Patri. Cum.

Lectio ix

DEínde tamquam con-
sequénter adjúnxit,
unde modo disputáre sus-

cépimus : Cum autem vénerit Paráclitus, quem ego mittam vobis a Patre, Spíritum veritátis, qui a Patre procedit, ille testimónium perhibébit de me : et vos testimónium perhibébitis, quia ab initio mecum estis. Quid hoc pértinet ad illud quod dixerat : Nunc autem et vidérunt, et odérunt et me et Patrem meum; sed ut impleátur sermo, qui in lege eórum scriptus est : Quia ódio habuérunt me gratis? An quia Paráclitus quando venit Spíritus veritátis, eos, qui vidérunt, et odérunt, testimónio manifestióre convícit? Immo vero étiam áliquos ex illis qui vidérunt, et adhuc óderant, ad fidem, quæ per dilectionem operátur, sui manifestatióne convértit.

Te Deum laudámus.

AD LAUDES

et per Horas, Añæ

1 Viri Galilæi, * quid aspícitis in cælum? Hic Jesus, qui assúptus est a vobis in cælum, sic véniet, allelúja.

Psalmi de Domin. 1 loco. 49

2 Cumque intueréntur * in cælum eúntem illum, dixerunt, allelúja.

3 Elevátis mánibus, * benedíxit eis, et ferebátur in cælum, allelúja.

4 Exaltáte Regem regum, * et hymnum dícite Deo, allelúja.

5 Vidéntibus illis, * elevátus est, et nubes suscepit eum in cælo, allelúja.

Capitulum 1 Petri 4, 7-8

CARÍSSIMI : Estóte prudentes, et vigiláte in oratióibus. Ante ómnia autem mútuam in vobismetípsis caritátem continuam habéntes, quia caritas óperit multitudínem peccatórum

Hymnus

SALÚTIS humánæ Sator,
Jesu, volúptas córdium,

Orbis redémpti Cónditor,
Et casta lux amántium :

Qua victus es cleméntia,
Ut nostra ferres crímina?
Mortem subíres ínnocens,
A morte nos ut tólleres?

Perrúmpis inférnum chaos:
Vinctis caténas détrahis;
Victor triúmpho nóbili
Ad dexteram Patris sedes.

Te cogat indulgéntia,
Ut damna nostra sárcias,
Tuíque vultus cómpotes
Dites beáto lúmine.

¶ Sequens Conclusio nunquam mutatur.

Tu, dux ad astra, et sémita,

Sis meta nostris córdibus,
Sis lacrimárum gáudium,
Sis dulce vitæ præmium.

Amen.

℣. Ascéndit Deus in jubilatione, allelúja. ℞. Et Dóminus in voce tubæ, allelúja.

Ad Bened. Ant. Cum vénerit Paráclitus, * quem ego mittam vobis Spíritum veritátis, qui a Patre procédit, ille testimónium perhibébit de me, allelúja.

Oratio

OMnípotens sempitérne Deus : fac nos tibi semper et devótam gérere voluntátem; et majestáti tuæ sincéro corde servíre. Per Dóminum.

Et fit Commem. Octavæ :

Ant. Ascéndo ad Patrem meum, et Patrem vestrum : Deum meum, et Deum vestrum, allelúja.

℣. Dóminus in cælo, allelúja. ℞. Parávit sedem suam, allelúja.

Oratio

Concéde, quæsumus, omnípotens Deus : ut, qui hodiérna die Unigénitum tuum Redemptórem nostrum ad cælos ascendisse crédimus; ipsi quoque mente in cælestibus habitémus. Per eúmdem Dóminum.

AD PRIMAM

Ant. Viri Galilæi, * quid aspícitis in cælum? Hic Jesus, qui assúptus est

a vobis in cælum, sic véniet, allelúja.

Psalmi ut in Festis, et ad absolutionem Capituli Lectio brevis Si quis lóquitur, ut infra ad Nonam.

AD TERTIAM

Ant. Cumque intueréntur * in cælum eúntem illum, dixerunt, allelúja.

Capitulum 1 Petri 4, 7-8

Caríssimi : Estóte prudentes, et vigiláte in orationibus. Ante ómnia autem mútuam in vobismetípsis caritátem contínuam habéntes, quia caritas óperit multitudinem peccatórum.

℞. **br.** Ascéndit Deus in jubilatione, * Allelúja, allelúja. Ascéndit. ℣. Et Dóminus in voce tubæ. Allelúja, allelúja. **Glória Patri.** Ascéndit. ℣. Ascéndens Christus in altum, allelúja. ℞. Captívam duxit captivitátem, allelúja.

AD SEXTAM

Ant. Elevátis mánibus, * benedíxit eis, et ferebátur in cælum, allelúja.

Capitulum 1 Petri 4, 9-10

Hospitáles invicem sine murmuratione : unusquisque, sicut accépit grátiam, in altérutrum illam administrátes, sicut boni

dispensatóres multifórmis grátiae Dei.

℟. br. Ascéndens Christus in altum, * Allelúja, allelúja. Ascéndens. **℣.** Captívam duxit captivitátem. Allelúja, allelúja. **Glória Patri.** Ascéndens. **℣.** Ascéndo ad Patrem meum, et Patrem vestrum, allelúja. **℟.** Deum meum, et Deum vestrum, allelúja.

AD NONAM

Ant. Vidéntibus illis, * elevátus est, et nubes suscepit eum in cælo, allelúja.

Capitulum 1 Petri 4, 11

SI quis lóquitur, quasi sermónes Dei : si quis ministrat, tamquam ex virtúte, quam administrat Deus : ut in ómnibus honorificétur Deus per Jesum Christum, Dóminum nostrum.

℟. br. Ascéndo ad Patrem meum, et Patrem vestrum, * Allelúja, allelúja. Ascéndo. **℣.** Deum meum, et Deum vestrum. Allelúja, allelúja. **Glória.** Ascéndo. **℣.** Dóminus in cælo, allelúja. **℟.** Parávit sedem suam, allelúja.

IN II VESPERIS

Antiphonæ, Cap. et Hymnus de Laudibus 627; Psalmi de Dominica 72, sed loco ultimi Ps. 116 Laudáte Dóminum, omnes gentes. **92**

℣. Dóminus in cælo, allelúja. **℟.** Parávit sedem suam, allelúja.

Ad Magnif. Ant. Hæc locútus sum * vobis, ut cum vénerit hora eórum, reminiscámini, quia ego dixi vobis, allelúja.

Oratio Omnípotens sempitérne, **ut supra. 628**

Et fit Commemoratio sequentis diei infra Octavam :

Ant. Pater, manifestávi nomen tuum homínibus quos dedísti mihi : nunc autem pro eis rogo, non pro mundo, quia ad te vénio, allelúja.

Si autem sequenti die faciendum non sit Officium de Octava, dicitur

Ant. O Rex glóriæ, Dómine virtútum, qui triumphátor hódie super omnes cælos ascendísti, ne derelínquas nos órphanos; sed mitte promíssum Patris in nos, Spíritum veritátis, allelúja.

℣. Ascéndit Deus in jubiliatíone, allelúja. **℟.** Et Dóminus in voce tubæ, allelúja.

Oratio Concéde, **ut supra. 628**

Completorium de Dominica.

Feria II infra Octavam Ascensionis

Semiduplex 601

In I Nocturno

De Epístola prima
beáti Joánnis Apóstoli

Lectio i Cap. 3, 1-18



Idéte qualem caritátem dedit nobis Pater, ut filii Dei nominémur et simus. Propter hoc mundus non novit nos : quia non novit eum. Caríssimi, nunc filii Dei sumus : et nondum appáruit quid érimus. Scimus quóniam cum apparúerit, símiles ei érimus : quóniam vidébimus eum sicuti est. Et omnis, qui habet hanc spem in eo, sanctificat se, sicut et ille sanctus est. Omnis, qui facit peccátum, et iniquitátem facit : et peccátum est iniquitas. Et scitis quia ille appáruit ut peccáta nostra tólleret : et peccátum in eo non est. Omnis, qui in eo manet, non peccat : et omnis, qui peccat, non vidit eum, nec cognóvit eum.

✠. Post passiónem suam per dies quadragínta ap-párens eis, et loquens de regno Dei, allelúja : * Et, vidéntibus illis, elevátus est, allelúja : et nubes suscepit eum ab óculis eórum, allelúja. ✠. Et con-

véscens, præcépit eis ab Jerosólymis ne discéderent, sed exspectárent promissionem Patris. — Et, vidéntibus.

Lectio ii

Filiioli, nemo vos seducat. Qui facit justitiam, justus est : sicut et ille justus est. Qui facit peccátum, ex diábolo est : quóniam ab inítkio diábolus peccat. In hoc appáruit Fílius Dei, ut dissólvat ópera diáboli. Omnis, qui natus est ex Deo, peccátum non facit : quóniam semen ipsíus in eo manet, et non potest peccáre, quóniam ex Deo natus est. In hoc manifesti sunt filii Dei, et filii diáboli. Omnis, qui non est justus, non est ex Deo, et qui non díligit fratrem suum : quóniam hæc est annuntiátio, quam audístis ab inítkio, ut diligátis altérutrum. Non sicut Cain, qui ex maligno erat, et occídít fratrem suum. Et propter quid occídít eum? Quóniam ópera ejus maligna erant; fratris autem ejus justa.

✠. Omnis pulchritúdo Dómini exaltáta est super sídera : * Spécies ejus in núbibus cæli, et nomen ejus in ætérnum pérmánet, allelúja. ✠. A summo cælo egréssio ejus, et oc-cúrsus ejus usque ad sum-mum ejus. — Spécies.

Lectio iii

Nolite mirari, fratres, si odit vos mundus. Nos scimus quoniam translatus sumus de morte ad vitam, quoniam diligimus fratres. Qui non diligit, manet in morte. Omnis, qui odit fratrem suum, homicida est; et scitis quoniam omnis homicida non habet vitam æternam in semetipso manentem. In hoc cognovimus caritatem Dei, quoniam ille animam suam pro nobis posuit: et nos debemus pro fratribus animas ponere. Qui habuerit substantiam huius mundi, et viderit fratrem suum necessitatem habere, et clauserit viscera sua ab eo: quomodo caritas Dei manet in eo? Filii mei, non diligamus verbo neque lingua, sed opere et veritate.

℟. Exaltare, Domine, allelúja, * In virtute tua, allelúja. ℣. Elevata est magnificentia tua super cælos, Deus. — In. Glória Patri. In.

In II Noeturno

Sermo sancti Joannis
Chrysostomi

Sermo de Ascens. Dñi, tom. 3

Lectio iv

Christus ascendens in cælum, nostræ naturæ primitias obtulit Patri, et oblatum

donum miratus est Pater, quod et tanta dignitas offerébat; et quod offerebatur, nulla macula fœdabatur. Nam et suis manibus suscepit oblatum, et suæ sedis fecit esse participem, et quod plus est, ad partem suæ dexterae collocavit. Cognoscamus, quis est ille qui audivit, Sede ad dexteram meam: quæ natura est, cui Deus dixit, Esto meæ particeps sedis. Illa natura est, quæ audivit: Terra es, et in terram ibis.

℟. Tempus est, ut revertar ad eum, qui me misit, dicit Dominus: nolite contristari, nec turbetur cor vestrum: * Rogo pro vobis Patrem, ut ipse vos custodiat, allelúja, allelúja. ℣. Nisi ego abiero, Paráclitus non veniet: cum assumptus fuero mittam vobis eum. — Rogo.

Lectio v

NON enim ad omnem glóriam cælos transisse suffecerat, non cum Angelis stare: sed cælos transivit, supra Chérubim ascendit, ultra Séraphim elevatur, nec ante stetit, nisi sedem Dominicam meruisset. Vide quo spatio cælum separatur a terra, immo terra quanto ab inferis abest, et ipsum cælum quanto ab altiore

cælo separátur, et de altióre cælo ad Angelos quantum spátii est, ad superiores étiam Potestátes, ad ipsam quoque Domínicam sedem. Super hæc ómnia natúra nostra eleváta est, ut homo, qui loco tam húmili tenebátur, ut descendere non posset ulterius, ad tam excélsam sedem elevarétur, ut áltius non posset ascendere.

✠. Non turbétur cor vestrum : ego vado ad Patrem; et cum assúptus fuero a vobis, mittam vobis, allelúja, * Spíritum veritátis, et gaudébit cor vestrum, allelúja. ✠. Ego rogábo Patrem, et álium Paráclitum dabit vobis. — Spíritum.

Lectio vi

ET hæc osténdens Paulus dicébat : Qui descendit, ipse est qui ascendit. Et iterum : Descendit ad inferióra terræ, et ascendit super omnes cælos. Dícite ígitur quisnam ascendit, et quæ natúra eleváta est. In hoc enim cúpio remorári sermóne, ut humáni géneris commemoratióne, divínam cleméntiam cum omni admiratióne discámus, quæ summum honórem, magnámque glóriam nostræ natúræ largíta est, quæ omnibus hodiérna die mé-

ruit excélsior reperíri. Hódie Angeli atque Archángeli natúram nostram in sede Domínica immortalí glória fulgéntem vidérunt.

✠. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. ✠. Ascéndit Deus in jubiliatióne, et Dóminus in voce tubæ. — Dedit. Glória Patri. Dedit.

In III Nocturno

Léctio sancti Evangélii
secúndum Marcum

Lectio vii Cap. 16, 14-20

IN illo témpore : Recumbéntibus úndecim discipulis, appáruit illis Jesus : et exprobrávit incredulitátem eórum et durítiam cordis, quia iis, qui víderant eum resurrexisse, non credidérunt. Et reliqua.

De Homilia

sancti Gregórii Papæ

Eadem Homilia 29



ET Dóminus quidem Jesus, postquam locútus est eis, assúptus est in cælum, et sedet a dextris Dei. In veteri testaménto cognóvimus quod Elías sit raptus in cælum. Sed áliud est cælum aéreum, áliud æthéreum. Cælum quippe aéreum terræ est próximum : unde et aves cæli

dícimus, quia eas volitáre in áëre vidémus. In cælum itaque aéreum Elías sublevátus est, ut in secrétam quamdam terræ regiónem repénite ducerétur, ubi in magna jam carnis et spíritus quiéte víveret, quousque ad finem mundi rédeat, et mortis débitum solvat. Ille étenim mortem distulit, non evásit : Redémptor autem noster, quia non distulit, superávit, eámque resurgéndo consúmpsit, et resurrectionis suæ glóriam ascendéndo declarávit.

℟. Ego rogábo Patrem, et álium Paráclitum dabit vobis, * Ut máneat vobiscum in ætérnum, Spíritum veritátis, allelúja.

℣. Si enim non abíero, Paráclitus non véniet ad vos : si autem abíero, mittam eum ad vos. — Ut máneat.

Lectio viii

NOtándum quoque est, quod Elías in curru légitur ascendísse : ut vidélicet apérte demonstrétur, quia homo purus adjutório indigébat aliéno. Per Angelos quippe facta illa et osténsa sunt adjumenta : quia nec in cælum quidem aéreum per se ascénderé póterat, quem natúræ suæ infirmitas gravábat. Redémptor au-

tem noster non curru, non Angelis sublevátus légitur : quia is qui fécerat ómnia, nimirum super omnia sua virtúte ferebátur. Illo étenim revertébatur, ubi erat : et inde redíbat, ubi remanébat : quia cum per humanitátem ascénderet in cælum, per divinitátem suam et terram páriter continébat et cælum.

℟. Ponis nubem ascensum tuum, Dómine :

* Qui ámbulas super pen-
nas ventórum, allelúja.

℣. Confessióem et decórem induísti, amíctus lumen sicut vestiméntum. — Qui. Glória Patri. Qui.

Lectio ix

Sicut autem Joseph a fratribus vénditus venditióem Redemptóris nostri figurávit : sic Henoch translátus, atque ad cælum aéreum Elías sublevátus, ascensióem Domínicam utérque designávit. Ascensióis ergo suæ Dóminus prænúntios et testes hábuit, unum ante legem, álium sub lege : ut quandóque veníret ipse, qui veráciter cælos penetráre potuísset. Unde et ipse ordo in eórum quoque utrorúmque sublevatióne per quædam increménta distínguitur. Nam Henoch translátus, Elías vero ad

cælum subvéctus esse memoráitur : ut veníret póstmodum, qui nec translátus nec subvéctus, cælum æthéreum sua virtúte penetráret.

Te Deum laudámus.

Feria III infra Octavam Ascensionis

Semiduplex 601

In I Nocturno

De Epístola prima
beáti Joánnis Apóstoli

Lectio i Cap. 4, 1-21



Aríssimi, nolíte omni spíritui crédere, sed probáte spíritus si ex Deo sint; quóniam multi pseudoprophétæ exiérunt in mundum. In hoc cognóscitur spíritus Dei : omnis spíritus qui confitétur Jesum Christum in carne venísse, ex Deo est : et omnis spíritus qui solvit Jesum, ex Deo non est, et hic est anti-chrístus, de quo audístis quóniam venit, et nunc jam in mundo est. Vos ex Deo estis, filíoli, et vicístis eum, quóniam major est qui in vobis est, quam qui in mundo. Ipsi de mundo sunt : ideo de mundo loquúntur, et mundus eos audit : nos ex Deo sumus. Qui novit Deum, audit nos; qui non est ex Deo,

non audit nos : in hoc cognóscimus spíritum veritátis, et spíritum erróris.

✠. Post passiónem suam per dies quadragínta ap-párens eis, et loquens de regno Dei, allelúja : * Et, vidéntibus illis, elevátus est, allelúja : et nubes suscepit eum ab óculis eórum, allelúja. ✠. Et convéscens, præcepit eis ab Jerosólymis ne discéderent, sed exspectárent promissionem Patris. — Et, vidéntibus.

Lectio ii

Caríssimi, diligámus nos invicem, quia caritas ex Deo est; et omnis, qui díligit, ex Deo natus est, et cognóscit Deum. Qui non díligit, non novit Deum : quóniam Deus caritas est. In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est caritas : non quasi nos dilexérimus Deum, sed quóniam ipse prior diléxit nos, et misit Fílium suum propitiatió-nem pro peccátis nostris. Caríssimi, si sic Deus diléxit nos : et nos debémus altérutrum díligere. Deum nemo vidit umquam. Si diligámus invicem, Deus in nobis manet, et caritas ejus in nobis perfécta est.

In hoc cognóscimus quóniam in eo manémus, et ipse in nobis : quóniam de Spíritu suo dedit nobis. Et nos vídimus et testificámur, quóniam Pater misit Fílium suum Salvatórem mundi.

℟. Omnis pulchritúdo Dómini exaltáta est super sídera : * Spécies ejus in núbibus cæli, et nomen ejus in ætérnum pérmannet, allelúja. ℣. A summo cælo egréssio ejus, et oc-cúrsus ejus usque ad summum ejus. — Spécies.

Lectio iii

Quisquis conféssus fuerit quóniam Jesus est Fílius Dei, Deus in eo manet, et ipse in Deo. Et nos cognóvimus, et credídimus caritáti, quam habet Deus in nobis. Deus caritas est, et qui manet in caritáte, in Deo manet, et Deus in eo. In hoc perfectá est caritas Dei nobíscum, ut fidúciám habeamus in die judícii : quia sicut ille est, et nos sumus in hoc mundo. Timor non est in caritáte : sed perfectá caritas foras mittit timórem, quóniam timor pœnam habet; qui autem timet, non est perfectus in caritáte. Nos ergo diligámus Deum, quóniam Deus prior diléxit nos. Si quis dixerit :

Quóniam díligo Deum, et fratrem suum óderit, mendax est. Qui enim non díligit fratrem suum quem videt, Deum, quem non videt, quómodo potest díligere? Et hoc mandátum habémus a Deo : ut qui díligit Deum, díligat et fratrem suum.

℟. Exaltáre, Dómine, allelúja, * In virtúte tua, allelúja. ℣. Eleváta est magnificéntia tua super cælos, Deus. — In. Glória Patri. In.

In II Nocturno

Sermo sancti Máximi
Epíscopi

Homilia 43, quæ est 2
de Pentec., ante medium

Lectio iv



Meminit sánctitas vestra, quod áquilæ illi de Psaltério, cuius innovátam juventútem légimus, comparáverim Salvatórem. Est enim similitúdo non parva. Sicut enim áquila humília déserit, alta petit, cælórum vicína conscéndit : ita et Salvátor humília inférni desérui, paradísi altióra pétiit, cælórum fastigia penetrávit. Et sicut áquila, relictis terrénis sórdibus, sublíme volans, puriórís áëris salubritáte perfrúitur; ita et Dóminus, terrenórum fæcem

désérans peccatórum, in Sanctis suis volitans, purioris vitae simplicitate lætatur.

℟. Tempus est, ut revertar ad eum, qui me misit, dicit Dominus : nolite contristari, nec turbetur cor vestrum : * Rogo pro vobis Patrem, ut ipse vos custodiat, allelúja, allelúja. ℣. Nisi ego abiero Paráclitus non veniet : cum assumptus fuero, mittam vobis eum. — Rogo.

Lectio v

PER omnia igitur aquilæ comparatio convenit Salvatori. Sed quid facimus, quod aquila prædam frequenter diripit, tollit frequenter alienum? Nec in hoc tamen dissimilis est Salvator. Prædam enim quodammodo sustulit, cum hominem, quem suscepit, inferni raptum faucibus portavit ad cælum, et alienæ dominationis, id est, diabolicæ potestatis servum, de captivitate erutum, duxit ad altiora captivum, sicut scriptum est in propheta : Ascendens in altum, captivam duxit captivitatem, dedit dona hominibus.

℟. Non turbetur cor vestrum : ego vado ad Patrem; et cum assumptus fuero a vobis, mittam vobis, allelúja, * Spiritum

veritatis, et gaudébit cor vestrum, allelúja. ℣. Ego rogabo Patrem, et alium Paráclitum dabit vobis. — Spiritum.

Lectio vi

AScendit, inquit, in altum, captivam duxit captivitatem. Quam bene triumphum Domini propheta describit! Solébat, sicut dicunt, regum triumphantium currus captivorum pompa præcedere. Ecce Dominum euntem ad cælos non præcedit, sed comitatur gloriosa captivitas; non ante vehiculum ducitur, sed ipsa évehit Salvatorem. Quodamenim mysterio, dum Filius Dei filium hominis sustulit ad cælum, ipsa captivitas portatur, et portat.

℟. Ascendens Christus in altum, captivam duxit captivitatem, * Dedit dona hominibus, allelúja, allelúja, allelúja. ℣. Ascendit Deus in jubilatione, et Dominus in voce tubæ. — Dedit. Glória Patri. Dedit.

In III Noeturno

Lectio sancti Evangelii
secundum Marcum

Lectio vii Cap. 16, 14-20

IN illo tempore : Recumbentibus undecim discipulis, apparuit illis Jesus :

et exprobrávit incredulitátem eórum et durítiam cordis, quia iis, qui viderant eum resurrexisse, non credidérunt. Et reliqua.

De Homilía
sancti Gregórii Papæ

Eadem Homilia 29



Considerándum nobis est, quid est quod Marcus ait : Sedet a dextris Dei; et Stéphanus dicit : Vídeo cælos apértos, et Fílium hóminis stantem a dextris Dei. Quid est quod hunc Marcus sedéntem, Stéphanus vero stantem se vídere testátur? Sed scitis, fratres, quia sedére iudicántis est, stare vero pugnántis, vel adjuvántis.

✠. Ego rogábo Patrem, et álium Paráclitum dabit vobis, * Ut máneat vobiscum in ætérnum, Spíritum veritátis, allelúja. ✠. Si enim non abíero, Paráclitus non véniet ad vos : si autem abíero, mittam eum ad vos. — Ut máneat.

Lectio viii

Quia ergo Redemptor noster assúptus in cælum et nunc ómnia júdicat, et ad extrémum iudex ómnium véniet, hunc post assumptiónem Marcus sedére describit, quia post

ascensiónis suæ glóriam iudex in fine vidébitur. Stéphanus vero hunc in labóre certáminis pósitus stantem vidit, quem adiutórem hábuit : quia ut iste in terra persecutórum infidelitátem vínceret, pro illo de cælo illius grátia pugnávit.

✠. Ponis nubem ascensum tuum, Dómine : * Qui ámbulas super pennas ventórum, allelúja. ✠. Confessióem et decórem induísti, amíctus lumen sicut vestiméntum. — Qui. Glória Patri. Qui.

Lectio ix

Sequitur : Illi autem proféti prædicavérunt ubique, Dómino cooperánte et sermónem confirmánte sequéntibus signis. Quid in his considerándum est, quid memóriæ commendándum : nisi quod præcéptum obediéntia, obediéntiam vero signa secúta sunt? Sed quia auctóre Deo breviter lectionem evangélicam exponéndo transcúrrimus : restat, ut áliquíd de ipsa tantæ consideratióne solemnitátis dicámus.

Te Deum laudámus.

Feria IV infra Octavam Ascensionis

Semiduplex 601

In I Nocturno

Incipit Epístola secúnda
beáti Joánnis Apóstoli

Lectio i Vers. 1-13

Senior Eléctæ dóminæ et natis ejus, quos ego dñlgo in veritáte, et non ego solus, sed et omnes qui cognovérunt veritátem, propter veritátem, quæ pérmanet in nobis et nobíscum erit in ætérnum. Sit vobíscum grátia, misericórdia, pax a Deo Patre et a Christo Jesu Fílio Patris in veritáte et caritáte. Gavísus sum valde, quóniam invéni de fíliis tuis ambulátes in veritáte sicut mandátum accépimus a Patre. Et nunc rogo te, dómina, non tamquam mandátum novum scribens tibi, sed quod habúimus ab inítio, ut diligámus altérutrum.

✠. Post passiónem suam per dies quadragínta ap-párens eis, et loquens de regno Dei, allelúja : * Et, vidéntibus illis, elevátus est, allelúja : et nubes suscepít eum ab óculis eórum, allelúja. ✠. Et convéscens, præcépit eis ab Jerosólymis ne discéderent, sed

exspectárent promissiónem Patris. — Et, vidéntibus.

Lectio ii

ET hæc est caritas, ut ambulémus secúndum mandáta ejus. Hoc est enim mandátum, ut quemádmodum audístis ab inítio, in eo ambulétis. Quóniam multi seductóres exiérunt in mundum, qui non confiténtur Jesum Christum venísse in carnem : hic est sedúctor et antichrístus. Vidéte vosmetípsos, ne perdátis quæ operáti estis, sed ut mercedem plenam accipiátis. Omnis, qui recédit, et non pérmanet in doctrína Christi, Deum non habet; qui pérmanet in doctrína, hic et Patrem et Fílium habet.

✠. Omnis pulchritúdo Dómini exaltáta est super sídera : * Spécies ejus in núbibus cæli, et nomen ejus in ætérnum pérmanet, allelúja. ✠. A summo cælo egressio ejus, et oc-cúrsus ejus usque ad summum ejus. — Spécies.

Lectio iii

SI quis venit ad vos et hanc doctrínam non affert, nolíte recíperere eum in domum, nec Ave ei dixéritis. Qui enim dicit illi Ave, comunicat opéribus ejus malignis. Plura habens vobis scríbere, nó-

lui per chartam et atramentum; spero enim me futurum apud vos et os ad os loqui, ut gaudium vestrum plenum sit. Salutant te filii sororis tuæ Eléctæ.

℟. Exaltáre, Dómine, allelúja, * In virtúte tua, allelúja. ℣. Eleváta est magnificéntia tua super cælos, Deus. — In. Glória Patri. In.

In II Nocturno

Sermo sancti Gregórii
Nysséni

Oratio de Ascensione Domini

Lectio iv



Odiérnam celebri-
tatem satis per se
magnam, prophéta
David majórem éfficit,
dum illi gaudium e Psal-
mis adjúngit. Hic enim
excélsus prophéta supra
seipsum egrédiens, tam-
quam córporis ónere nihil
premátur, infert se cælé-
stibus potestátibus, et vo-
ces eárum nobis expónit,
cum in cælum redeúntem
Dóminum ipsæ comitán-
tes, Angelis, qui versán-
tur in terris, quibúsq; in
humánam vitam ingrés-
sus commíssus est, im-
perant ad hunc modum :
Tóllite portas, príncipes,
vestras, et elevámini, por-
tæ æternáles, et introíbit
Rex glóriæ.

℟. Tempus est, ut revér-
tar ad eum, qui me misit,
dicit Dóminus : nolíte con-
tristári, nec turbétur cor
vestrum : * Rogo pro vo-
bis Patrem, ut ipse vos
custódiat, allelúja, alle-
lúja. ℣. Nisi ego abiero,
Paráclitus non véniet :
cum assúptus fúero, mit-
tam vobis eum. — Rogo.

Lectio v

ET quóniam ubicúmque
fúerit ille, qui in seípso
ómnia cóntinet, pro susci-
piéntium captu seípsum
dimetítur (neque enim so-
lum inter hómines homo
fit, verum étiam dum inter
Angelos versátur, ad illó-
rum vocem sese demíttit)
idcírco janitóres intérró-
gant : Quis est iste Rex
glóriæ? Respóndent ipsis,
demonstrántque fortem et
poténtem in prælio, qui
pugnatúrus erat contra il-
lum, qui natúram humá-
nam in servitúte captívam
detinébat, et eversúrus
eum, qui mortis habébat
impérium : ut gravíssimo
hoste superáto, genus hó-
minum in libertátem et
pacem vindicáret.

℟. Non turbétur cor ve-
strum : ego vado ad Pa-
trem; et cum assúptus
fúero a vobis, mittam vo-
bis, allelúja, * Spíritum
veritátis, et gaudébit cor
vestrum, allelúja. ℣. Ego

rogábo Patrem, et álium Paráclitum dabit vobis. — Spíritum veritátis, et gaudebit cor vestrum, allelúja.

Lectio vi

Occurrunt ei custódes, et portas jubent reclúdi, ut in ipsis rursum glóriam assequátur. Verum non agnóscunt eum, qui sórdidam vitæ nostræ stolam indútus est : cujus rubra sunt vestiménta ex humanórum malórum torculári. Itaque rursus cómites ejus vóci- bus illis interrogántur : Quis est iste Rex glóriæ? Respondétur autem non ámplius, Fortis et potens in prælio; sed, Dóminus virtútum, qui mundi principátum obtínuit, qui summátim ómnia in se collégit, qui prístinum in statum cuncta restítuit : ipse est Rex glóriæ.

✠. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. ✠. Ascéndit Deus in jubilatíone, et Dóminus in voce tubæ. — Dedit. Glória Patri. Dedit.

In III Noeturno

Léctio sancti Evangélii
secúndum Marcum

Lectio vii Cap. 16, 14-20

IN illo témpore : Recumbéntibus úndecim discí-
pulis, appáruit illis Jesus :

et exprobrávit incredulitátem eórum et duritiam cordis, quia iis, qui víderant eum resurrexisse, non credidérunt. Et réliqua.

De Homilia
sancti Gregórii Papæ

Eadem Homilia 29



OC autem nobis primum quæréndum est, quidnam sit, quod, nato Dómino, apparuerunt Angeli, et tamen non legúntur in albis véstibus apparuisse : ascédente autem Dómino, missi Angeli in albis legúntur véstibus apparuisse. Sic etenim scriptum est : Vidéntibus illis, elevátus est, et nubes suscepit eum ab óculis eórum. Cumque intueréntur in cælum eúntem illum, ecce duo viri steterunt juxta illos in véstibus albis. In albis autem véstibus gáudium et solémnitas mentis osténditur. Quid est ergo, quod, nato Dómino, non in albis véstibus; ascédente autem Dómino, in albis véstibus Angeli appárent : nisi quod tunc magna solémnitas Angelis facta est, cum cælum Deus homo penetrávit? Quia, nascénte Dómino, videbátur divínitas humiliáta; ascédente vero Dómino, est humánitas exaltáta. Albæ

étenim vestes exaltatióni magis cóngruunt, quam humiliatióni.

℟. Ego rogábo Patrem, et álium Paráclitum dabit vobis, * Ut máneat vobiscum in ætérnum, Spíritum veritátis, allelúja. V. Si enim non abíero, Paráclitus non véniet ad vos : si autem abíero, mittam eum ad vos. — Ut.

Lectio viii

IN ascensióne ergo ejus Angeli in albis véstibus vidéri debuérunt : quia qui in nativité sua apparuit Deus húmilis, in ascensióne sua osténsus est homo sublímis. Sed hoc nobis magnópere, fratres caríssimi, in hac solemnitáte pensándum est : quia delétum est hodiérna die chirógraphum damnatiónis nostræ, mutáta est senténtia corruptiόnis nostræ. Illa enim natúra, cui dictum est : Terra es, et in terram ibis; hódie in cælum ivit. Pro hac ipsa namque carnis nostræ sublevatióne, per figúram beátus Job Dóminum avem vocat. Quia enim ascensionis ejus mystérium Judæam non intelligere conspéxit, de infidelitáte ejus per figúram beátus Job senténtiam prótulit, dicens : Sémitam ignorávit avis.

℟. Ponis nubem ascensum tuum, Dómine : * Qui ámbulas super penas ventórum, allelúja. V. Confessiόnem et decórem induísti, amíctus lumen sicut vestiméntum. — Qui. Glória Patri. Qui.

Lectio ix

AVis enim recte appellátus est Dóminus, quia corpus cárneum ad æthéra librávit. Cujus avis sémitam ignorávit, quisquis eum ad cælum ascendísse non crédidit. De hac solemnitáte per Psalmístam dicitur : Eleváta est magnificéntia tua super cælos. De hac rursus ait : Ascéndit Deus in jubilatione, et Dóminus in voce tubæ. De hac íterum dicit : Ascéndens in altum, captivam duxit captivitátem, dedit dona homínibus. Ascéndens quippe in altum, captivam duxit captivitátem : quia corruptiόnem nostram virtúte suæ incorruptiόnis absórbit. Dedit vero dona homínibus, quia misso désuper Spíritu, álii sermónem sapiéntiæ, álii sermónem sciéntiæ, álii grátiam virtútum, álii grátiam curatiónum, álii génera linguárum, álii interpretatiónem tríbuit sermónum.

Te Deum laudámus.

Vesperæ de seq. die Octava.

Feria V. In Octava Ascensionis

Duplex majus 601

In I Nocturno

De Epístola beáti Pauli
Apóstoli ad Ephésios

Lectio i Cap. 4, 1-21



Quæsecro itaque vos ego vinctus in Dómino, ut digne ambulétis vocatióne, qua vocáti estis, cum omni humilitáte et mansuetúidine, cum paciéntia, supportánte invicem in caritáte, solliciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ. Unus Dóminus, una fides, unum baptísma. Unus Deus et Pater ómnium, qui est super omnes, et per ómnia, et in ómnibus nobis. Unicuique autem nostrum data est grátia secúndum mensúram donatiónis Christi. Propter quod dicit : Ascéndens in altum, captívam duxit captivitátem : dedit dona homínibus.

✠. Post passióem suam per dies quadragínta apárens eis, et loquens de regno Dei, allelúja : * Et, vidéntibus illis, elevátus est, allelúja : et nubes sus-

cépit eum ab óculis eórum, allelúja. ✠. Et convéscens, præcépit eis ab Jerosólymis ne discéderent, sed exspectárent promissióem Patris. — Et, vidéntibus.

Lectio ii

Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem Apóstolos, quosdam autem Prophétas, álios vero Evangelistas, álios autem pastôres, et doctôres ad consummationem sanctórum in opus ministérii, in ædificatióem corpóris Christi : donec occurrámus omnes in unitátem fidei, et agnitiónis Filii Dei, in virum perféctum, in mensúram ætátis plenitudinis Christi : ut jam non simus párvuli, fluctuántes, et circumferámur omni vento doctrínæ in nequítia hóminum, in astútia ad circumventiόem erróris.

✠. Omnis pulchritúdo Dómini exaltáta est super sídera : * Spécies ejus in núbibus cæli, et nomen ejus in ætérnum pérmānet, allelúja. ✠. A summo cælo egréssio ejus, et oc-

cursus ejus usque ad summum ejus. — Spécies ejus in núbibus cæli, et nomen ejus in ætérnum pérmannet, allelúja.

Lectio iii

Veritatem autem facientes in caritate, crescámus in illo per ómnia, qui est caput Christus : ex quo totum corpus compáctum et connéxum per omnem junctúram subministratiónis, secúndum operatiónem in mensúram uniuscujúsque membri, augméntum córporis facit in ædificatióem sui in caritate. Hoc igitur dico, et testíficor in Dómino, ut jam non ambulétis, sicut et gentes ámbulant in vanitate sensus sui, ténebris obscurátum habéntes intelléctum, alienáti a vita Dei per ignorántiam, quæ est in illis, propter cæcitatém cordis ipsórum, qui desperántes, semetipsos tradidérunt impudici-tiæ, in operatióem immunditiæ omnis, in avaritiam. Vos autem non ita didicístis Christum, si tamen illum audístis, et in ipso edócti estis.

℟. Exaltáre, Dómine, allelúja, * In virtúte tua, allelúja. ℣. Eleváta est magnificéntia tua super cælos, Deus. — In. Glória Patri. In.

In II Nocturno

Sermo sancti Augustíni
Epíscopi

Sermo 3 de Ascensione Dñi
qui est 176 de Tempore

Lectio iv



Mnia, caríssimi, quæ Dóminus Jesus Christus in hoc mundo sub fragilitate nostra mirácula édedit, nobis proficiunt : qui dum humanam conditionem sidéribus importávit, credéntibus cælum patére posse monstrávit : et dum victórem mortis in cælestia elevávit, victóribus quo sequántur osténdit. Ascensio ergo Dómini cathólicæ fidei confirmátio fuit : ut secúri in pósterum crederémus miráculi illíus donum, cujus jam in præsénti percepissémus effectum; et fidélis quisque cum jam tanta percéperit, per ea, quæ cognóscit præstita, discat speráre promissa, ac Dei sui præteritam præsentémque bonitatem, quasi futurórum téneat cautionem.

℟. Tempus est, ut revértar ad eum, qui me misit, dicit Dóminus : nolíte contristári, nec turbétur cor vestrum : * Rogo pro vobis Patrem, ut ipse vos custódiat, allelúja, allelúja. ℣. Nisi ego abíero, Paráclitus non véniet : cum

assumptus fuero, mittam vobis eum. — Rogo pro vobis Patrem, ut ipse vos custodiat, allelúja, allelúja.

Lectio v

Super excelsa ergo cæli terrenum corpus impónitur : ossa, intra sepulcri angústias paulo ante conclusa, Angelórum cœtibus inferúntur : in grémium immortalitátis mortális natúra transfúnditur : et ideo sacra apostólicæ lectiónis testátur história : Cum hæc dixisset, inquit, vidéntibus illis, elevátus est. Dum audis elevátum, agnósce milítiae cælestis obséquium : unde hodierna festívitás hómínis nobis et Dei sacraménta manifestávit. Sub una eadémque persóna, in eo qui elevat, divínam poténtiam; in eo autem qui elevátur, humánam cognósce substántiam.

✠. Non turbétur cor vestrum : ego vado ad Patrem; et cum assumptus fuero a vobis, mittam vobis, allelúja, * Spíritum veritátis, et gaudébit cor vestrum, allelúja. ✠. Ego rogábo Patrem, et álium Paráclitum dabit vobis. — Spíritum.

Lectio vi

IDeoque omnímódís de-testándá sunt venéna Orientális erróris, qui im-

pia novitáte præsumit asserere Fílium Dei ac filium hómínis uníus esse natúræ. In altérutra enim parte, vel qui solum hómínem fuisse díxerit, negábit Conditóris glóriam; vel qui solum Deum, negábit misericórdiam Redemptóris. Quo génere non fáciie AriánuS evangélicam póterit habére veritátem, ubi Fílium Dei nunc æquálem légimus, nunc minórem. Qui enim uníus natúræ Salvatórem nostrum mortífera persuasíone credíderit, solum hómínem, aut solum Deum cogétur dícere crucifixum. Sed non ita est. Mortem enim nec solus Deus sentíre, nec solus homo superáre potuísset.

✠. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. ✠. Ascéndit Deus in jubilatíone, et Dóminus in voce tubæ. — Dedit. Glória Patri. Dedit.

In III Noeturno

Lectio sancti Evangélíi
secúndum Marcum

Lectio vii Cap. 16, 14-20

IN illo tempore : Recumbéntibus úndecim discípulis, appáruit illis Jesus : et exprobrávit incredulitátem eórum et durítiam cordis, quia iis, qui

víderant eum resurrexisse, non credidérunt. Et reliqua.

De Homilia
sancti Gregórii Papæ

Eadem Homilia 29

E hac ascensiónis ejus glória étiam Hábacuc ait : Elevátus est sol, et luna stetit in órđine suo. Quis enim solis nómine, nisi Dóminus; et quæ lunæ nómine, nisi Ecclésia designátur? Quoúsque enim Dóminus ascéndit ad cælos, sancta ejus Ecclésia advérſa mundi omnímodo formidávit; at postquam ejus ascensióne roboráta est, apérte prædicávit quod occúlte crédidit. Elevátus est ergo sol, et luna stetit in órđine suo : quia cum Dóminus cælum pétiit, sancta ejus Ecclésia in auctoritáte prædicatiónis excrevit.

✠. Ego rogábo Patrem, et álium Paráclitum dabit vobis, * Ut máneat vobiscum in ætérnum, Spíritum veritátis, allelúja. ✠. Si enim non abíero, Paráclitus non véniet ad vos : si autem abíero, mittam eum ad vos. — Ut.

Lectio viii

Hinc ejúsdem Ecclésiæ voce per Salomónem dícitur : Ecce iste venit sáliens in móntibus, et

transíliens colles. Considerávit namque tantórum óperum cúlmina, et ait : Ecce iste venit sáliens in móntibus. Veniéndó quippe ad redemptiónem nostram, quosdam, ut ita dicam, saltus dedit. Vultis, fratres caríssimi, ipsos ejus saltus agnóscere? De cælo venit in úterum, de útero venit in præsépe, de præsépe venit in crucem, de cruce venit in sepúlcrum, de sepúlcro rédiit in cælum. Ecce, ut nos post se cúrrere fáceret, quosdam pro nobis saltus manifestáta per carnem Véritas dedit : quia exultávit ut gigas ad curréndam viam suam, ut nos ei dicerémus ex corde : Trahe nos : post te currémus in odórem unguentórum tuórum.

✠. Ponis nubem ascensum tuum, Dómine : * Qui ámbulas super pennas ventórum, allelúja. ✠. Confessióne et decórem induísti, amíctus lumen sicut vestiméntum. — Qui. Glória Patri. Qui.

Lectio ix

UNde, fratres caríssimi, opórtet, ut illuc sequámur corde, ubi eum corpore ascendísse credimus. Desidéria terréna fugiámus : nihil nos jam deléctet in ínfimis, qui Patrem

habemus in cælis. Et hoc nobis est magnopere perpendendum : quia is qui placidus ascendit, terribilis redibit; et quidquid nobis cum mansuetudine præcepit, hoc a nobis cum districtione exiget. Nemo ergo indulta poenitentiae tempora parvipendat, nemo curam sui, dum valet, agere negligat : quia Redemptor noster tanto tunc in iudicium districtior veniet, quanto nobis ante iudicium magnam patientiam prærogavit.

Te Deum laudamus.

In II Vesperis non fit Commemoratio sequentis.

Duobus sequentibus diebus Officium fit sicut infra Octavam Ascensionis, exceptis Lectionibus, quæ habentur propriæ, et Responsorio viii, Capitulis, Antiphonis cum versibus ad Benedictus et Magnificat, et Oratione, quæ dicuntur de Dominica infra Octavam Ascensionis, ut supra. 626 Et non dicuntur Preces ad Primam et Completorium.

Feria tamen VI fit de quolibet Officio novem Lectionum occurrenti vel translato, cum Commemoratione Feriæ, quæ omittitur tantum in Duplicibus I vel II classis. Ad Vesperas autem, in omnibus Officiis quæ non sint Duplicia I vel II classis, fit Commemoratio Officii sequentis : Antiphona Cum venerit, Versus Dominus in cælo, ut supra. 622

Feria VI post Octavam Ascensionis

Semiduplex

Ad Matutinum omnia ut in Festo Ascensionis 601, præter sequentia :

In I Nocturno

Incipit Epistola tertia beati Joannis Apostoli

Lectio i

Vers. 1-14



Enior Gajo carissimo, quem ego diligo in veritate. Carissime, de omnibus orationem facio prospere te ingredi et valere, sicut prospere agit anima tua. Gavisus sum valde venientibus fratribus, et testimonium perhibentibus veritati tuæ, sicut tu in veritate ambulas. Majorem horum non habeo gratiam, quam ut audiam filios meos in veritate ambulare.

✠. Post passionem suam per dies quadraginta apparens eis, et loquens de regno Dei, allelúja : * Et, videntibus illis, elevatus est, allelúja : et nubes suscepit eum ab oculis eorum, allelúja. ✠. Et convalescens, præcepit eis ab Jerosolymis ne discederent, sed expectarent promissionem Patris. — Et, videntibus.

Lectio ii

Carissime, fideliter facis quidquid operaris in fratres, et hoc in peregrinos, qui testimonium reddiderunt caritati tuæ in conspectu ecclesiæ : quos benefaciens deduces digne Deo. Pro nomine enim ejus profecti sunt, nihil accipientes a gentibus. Nos ergo debemus suscipere hujusmodi, ut cooperatores simus veritatis. Scripsissem forsitan ecclesiæ : sed is, qui amat primatum gerere in eis, Diótrophes, non recipit nos. Propter hoc, si vénero, commonébo ejus ópera, quæ facit verbis malignis gárriens in nos : et, quasi non ei ista sufficiant, neque ipse súscipit fratres, et eos, qui suscipiunt, próhibet et de ecclesia éjicit.

℟. Omnis pulchritúdo Dómini exaltáta est super sidera : * Spécies ejus in núbibus cæli, et nomen ejus in ætérnum pérmannet, allelúja. V. A summo cælo egréssio ejus, et occúrsus ejus usque ad summum ejus. — Spécies.

Lectio iii

Carissime, noli imitari malum, sed quod bonum est. Qui bene facit, ex Deo est : qui male facit, non vidit Deum. Demétrio

testimónium rédditur ab ómnibus, et ab ipsa veritate, sed et nos testimonium perhibémus : et nosti quóniam testimonium nostrum verum est. Multa hábui tibi scríbere : sed nólui per atraméntum et caláum scríbere tibi. Spero autem prótinus te vidére, et os ad os loquémur. Pax tibi. Salútant te amíci. Salúta amícos nominátim.

℟. Exaltáre, Dómine, allelúja, * In virtúte tua, allelúja. V. Eleváta est magnificéntia tua super cælos, Deus. — In. Glória Patri. In.

In II Nocturno

De Sermóne

sancti Augustíni Epíscopi

Idem Sermo 176, in fine

Lectio iv

Salvátor noster, caríssimi, si non in nostra carne diábolum triumphávit, se exércuit, non nobis vicit. Si non in nostro córpore resurrexit, conditióni nostræ resurgéndo nihil cóntulit. Hæc qui dicit, suscepæ et assúptæ carnis non intélligit ratióne, confúndit órđinem, évacuat utilitátem. Si non in nostra carne perégit medicinam, solam ergo ex hómine nascéndo elégit injú-

riam. Recédât a sēnsibus nostris tam periculōsa persuasio. De nostro est quod appēdit, de suo est quod donāvit. Meum testor esse quod cēcidit, ut meum sit quod resurrēxit. Meum testor esse quod jācuit intra tūmulum, ut meum sit quod ascēdit in cælum.

℟. Tempus est, ut revērtar ad eum, qui me misit, dicit Dóminus : nolíte contristári, nec turbétur cor vestrum : * Rogo pro vobis Patrem, ut ipse vos custódiat, allelúja, allelúja. ℣. Nisi ego abíero, Paráclitus non véniet : cum assúptus fúero, mittam vobis eum. — Rogo.

Lectio v

IN illo itaque nostri gēneris corpore nos Christi mors vivificāvit, nos resurrēctio erēxit, nos ascēnsio consecrāvit. In illo nostræ originis corpore cæléstibus regnis arrham nostræ conditionis impósuit. Elaborémus ergo, caríssimi, ut quemádmōdum Dóminus in hac die nostro cum corpore ad supérna conscēdit, ita nos post illum quómodo póssumus, spe ascendámus, et corde sequámur. Ipso afféctu páriter et proféctu ascendámus post illum : étiam per vítia ac passiones nostras. Si úti-

que unusquisque nostrum súbdere eas sibi stúdeat, ac super eas stare consuésat, ex ipsis sibi gradum cónstruit, quo possit ad superióra conscēdere. Elevábunt nos, si fúerint infra nos.

℟. Non turbétur cor vestrum : ego vado ad Patrem; et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja. ℣. Ego rogábo Patrem, et álium Paráclitum dabit vobis. — Spíritum.

Lectio vi

DE vítiis nostris scalam nobis fácimus, si vítia ipsa calcámus. Nam cum bonitátis auctóre non ascēdit malítia, nec cum Fílio Vírginis libído atque luxúria. Non, inquam, ascēdunt vítia post virtútum paréntem, peccáta post justum, nec infirmitates ac morbi possunt ire post médicum. Igitur, si intráre ipsíus médici regnum vólumus, prius vúlnera nostra curémus. Ordinémus et custodiámus in nobis statum utriúsque substántiæ; ne ánimam, nobiliórem útique hómínis portiónem, tártaro pars devólvat inférior sed secum pótius cælo sanctificátum corpus acquirat

natúra gloriósior : ipso adjuvante, qui vivit et regnat in sæcula sæculórum. Amen.

℟. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. ℣. Ascéndit Deus in jubilatíone, et Dóminus in voce tubæ. — Dedit. Glória Patri. Dedit.

In III Nocturno

Léctio sancti Evangélíi
secúndum Joánnem

Cap. 15, 26-27; 16, 1-4

Lectio vii

IN illo témpore : Dixit Jesus discíplis suis : Cum vénerit Paráclitus, quem ego mittam vobis a Patre, Spíritum veritátis, qui a Patre procédit, ille testimónium perhibébit de me. Et réliqua.

De Homilía sancti Augu-
stíni Epíscopi

Tractatus 92 in Joannem,
circa medium



Enit die Pentecóstes Spíritus Sanctus in centum vigínti hómines congregátos, in quibus et Apóstoli omnes erant : qui illo adimpléti, cum linguis ómnium gén-
tium loqueréntur, plures ex his, qui áderant, tanto miráculo stupefácti (quan-
dóquidem vidérunt, lo-
quente Petro, tam ma-

gnum atque divínium te-
stimónium perhibéri de
Christo, ut ille, qui occí-
sus ab eis inter mórtuos
deputabátur, resurrexísse
et vívere probarétur) com-
púnti corde convérsi
sunt, et tanti ságuinis,
tam ímpie atque immá-
niter fusi, indulgéntiam
percepérunt, ipso redémpti
ságuine, quem fuderunt.

℟. Ego rogábo Patrem,
et álium Paráclitum dabit
vobis, * Ut máneat vobís-
cum in ætérnum, Spíritum
veritátis, allelúja. ℣. Si
enim non abíero, Parácli-
tus non véniet ad vos : si
autem abíero, mittam eum
ad vos. — Ut.

Lectio viii

CHristi enim sanguis sic
in remissíonem pecca-
tórum ómnium fusus est,
ut ipsum étiam peccátum
posset delére, quo fusus
est. Hoc ergo íntuens Dó-
minus dicébat : Odio ha-
buérunt me gratis : cum
autem vénerit Paráclitus,
ille testimónium perhibé-
bit de me. Tamquam díce-
ret : Odio me habuérunt,
et occidérunt vidéntes;
sed tale de me Paráclitus
testimónium perhibébit,
ut eos fáciat in me crédere
non vidéntes. Et vos, in-
quit, testimónium perhi-
bébitis quia ab íntío me-
cum estis. Perhibébit Spí-

ritus Sanctus, perhibébitis et vos. Quia enim ab initio mecum estis, potéstis prædicare quod nostis : quod ut modo non faciátis, illius Spíritus plenitúdo non-dum adest vobis.

℟. Si enim non abiero, Paráclitus non véniet ad vos : si autem abiero, mittam eum ad vos. * Cum autem vénerit ille, docébit vos omnem veritátem, al-lélúja. ℟. Non enim lo-quétur a semetípso : sed quæcúmque áudiet, lo-quétur : et quæ ventúra sunt, annuntiábit vobis.— Cum. Glória Patri. Cum.

Lectio ix

Ille ergo testimónium perhibébit de me, et vos testimónium perhibébitis : dabit enim vobis fidúciám testimónium perhibéndi caritas Dei diffúsa in córdibus vestris per Spíritum Sanctum, qui dábitur vobis. Quæ útique Petro adhuc defuit, quando mulieris ancillæ interrogatióne pertérritus, non pótuit verum testimónium perhibére, sed contra suam pollicitatiónem timóre magno compúlsus est ter negáre. Timor autem iste non est in caritáte : sed perfécta caritas foras mittit timórem. Dénique ante passióem Dómini, servílis timor ejus interrogátus

est a fémina servitútis; post resurrectiódinem vero Dómini, liberális ejus amor ab ipso príncipe libertátis : et ideo ibi turbabátur, hic tranquillabátur; ibi quem diléxerat, negábat; hic quem negáverat, diligébat. Sed adhuc étiam tunc amor ipse infirmus fúerat et angústus, donec eum roboráret et dilatáret Spíritus Sanctus.

Te Deum laudámus.

Ad Laudes et reliquas Horas omnia ut in Dominica infra Octavam Ascensionis 627, omissa tamen ad Laudes et Vesperas Commemoratione Octavæ.

Sabbato in Vigilia Pentecostes

I classis Semiduplex

Ab hac die cessant omnes Octavæ particulares usque ad Festum sanctissimæ Trinitatis inclusive.

Ad Matutinum omnia ut in Festo Ascensionis 601, præter sequentia :

In I Noeturno

Incipit Epístola cathólica
beáti Judæ Apóstoli

Lectio i Vers. 1-13



Udas, Jesu Christi servus, frater autem Jacóbi, his qui sunt in Deo Patre diléctis et Christo Jesu conser-

vátis et vocátis. Misericórdia vobis et pax et caritas adimpleátur. Caríssimi, omnem sollicitudinem faciēns scribēdi vobis de commúni vestra salutē, necesse hábui scribere vobis déprecans supercertári semel tráditæ sanctis fidei. Subintroiērunt enim quidam hómines, qui olim præscripti sunt in hoc iudícium, impii, Dei nostri grátiam transferētes in luxúriam, et solum Dominatórem et Dóminum nostrum Jesum Christum negántes.

✠. Post passióem suam per dies quadragínta appárens eis, et loquens de regno Dei, allelúja : * Et, vidéntibus illis, elevátus est, allelúja : et nubes suscepit eum ab óculis eórum, allelúja. ✠. Et convéscens, præcepit eis ab Jerosólymis ne discéderent, sed exspectárent promissióem Patris. — Et, vidéntibus.

Lectio ii

Commonére autem vos volo, sciētes semel ómnia, quóniam Jesus pópulum de terra Ægýpti salvans, secúndo eos, qui non credidérunt, pérdidit : ángelos vero, qui non servavérunt suum principátum, sed dereliquérunt suum domicílium, in iudícium magni diéi, vínculis

ætérnis sub calígne reservávit. Sicut Sódoma et Gomórrha et finítimæ civitátes símili modo exfornicatæ, et abeúntes post carnem álteram, factæ sunt exémplum, ignis ætérni pœnam sustinētes; símilitér et hi carnem quidem máculant, dominiatióem autem spernunt, majestátem autem blasphemánt.

✠. Omnis pulchritúdo Dómini exaltáta est super sídera : * Spécies ejus in núbibus cæli, et nomen ejus in ætérnum pérmānet, allelúja. ✠. A summo cælo egréssio ejus, et occúrsus ejus usque ad summum ejus. — Spécies.

Lectio iii

CUM Michaél Archángelus cum diábolo disputans altercarétur de Móysi corpore, non est ausus iudícium inférre blasphemíæ, sed dixit : Imperet tibi Dóminus. Hi autem quæcúmque quidem ignórant, blasphemánt : quæcúmque autem naturaliter, tamquam multa animália, norunt, in his corrumpúntur. Væ illis, quia in via Cain abiérunt, et erróre Bálaam mercéde effúsi sunt et in contradictióe Core periérunt! Hi sunt in épulis suis máculæ, convivántes sine

timóre, semetipsos pascéntes, nubes sine aqua, quæ a ventis circumferúntur, árbores autumnáles, infructuósæ, bis mórtuæ, eradicátæ, fluctus feri maris despumántes suas confusiónes, sídera errántia : quibus procélla tenebrárum serváta est in ætérnum.

℟. Exaltáre, Dómine, allelúja, * In virtúte tua, allelúja. ℣. Eleváta est magnificéntia tua super cælos, Deus. — In. Glória Patri. In.

In II Nocturno

Ex Tractátu sancti Augustíni Epíscopi de Sýmbole ad Catechúmenos

Liber 4 cap. 1 tom. 9

Lectio iv

EUM per sacratíssimum crucis signum vos suscepit in útero sancta mater Ecclésia, quæ sicut et fratres vestros cum summa lætítia spiritaliter páriet, nova proles futúra tantæ matris, quoúsque per lavácrum sanctum regenerátos veræ luci restituat, cóngruis aliméntis eos, quos portat, pascat in útero, et ad diem partus sui lætos læta perdúcat : quóniam non tenétur hæc senténtia Hevæ, quæ in tristítia et gémitu parit fi-

lios; nec ipsos gaudéntes, sed pótius flentes. Hæc enim solvit, quod ulla ligáverat : ut prolem, quam per inobediéntiam sui, morti donávit, hæc per obediéntiam restituat vitæ. Omnia sacraménta, quæ acta sunt et agúntur in vobis per ministérium servórum Dei, exorcísmis, oratióibus, cánticis spiritalibus, insufflatiόνibus, cilício, inclinatióne cervicis, humilitáte pedum, pavor ipse omni securitáte appeténdus : hæc ómnia, ut dixi, escæ sunt, quæ vos reficiunt in útero, ut renátos ex baptísma hílares vos mater exhibeat Christo.

℟. Tempus est, ut revértar ad eum, qui me misit, dicit Dóminus : nolíte contristári, nec turbétur cor vestrum : * Rogo pro vobis Patrem, ut ipse vos custódiat, allelúja, allelúja. ℣. Nisi ego abiero, Paráclitus non véniet : cum assúptus fúero, mittam vobis eum. — Rogo.

Lectio v

Accepístis et sýmbolum, protectionem parturiéntis contra venéna serpéntis. In Apocalýpsi Joánis Apóstoli scriptum est hoc, quod staret draco in conspéctu mulieris, quæ paritúra erat, ut cum pe-

perisset, natum ejus coméderet. Dracónem diabolum esse, nullus vestrum ignórat : mulierem illam Vírginem Mariám significásse, quæ caput nostrum íntegra íntegrum péperit; quæ étiam ipsa figúram in se sanctæ Ecclésiæ demonstrávit : ut quómodo filium páriens, virgo permánsit, ita et hæc omni témpore membra ejus páriat, et virginitátem non amíttat. Ipsas senténtias sacratíssimi sýmboli adjuvánte Dómino exponéndas suscepimus, ut, quid singulæ contíneant, vestris sénsibus intimémus. Paráta sunt corda vestra, quia exclúsus est inimícus de córdibus vestris.

✠. Non turbétur cor vestrum : ego vado ad Patrem; et cum assúptus fúero a vobis, mittam vobis, allelúja, * Spíritum veritátis, et gaudébit cor vestrum, allelúja. ✠. Ego rogábo Patrem, et álium Paráclitum dabit vobis. — Spíritum.

Lectio vi

Huic vos renuntiáre professi estis : in qua professione, non homínibus, sed Deo et Angelis ejus conscribéntibus dixístis, Renúntio. Renuntiáte non solum vóciis, sed étiam

móribus : non tantum sono linguæ, sed et actu vitæ : nec tantum lábiis sonántibus, sed opéribus pronuntiántibus. Scitóte vos cum cállido, antíquo, et veternóso inimíco suscepísse certámen : non in vobis post renuntiatiónem invéniat ópera sua, non jure vos átrahat in servitútem suam. Deprehénderis enim et detégeris, Christiáne, quando áliud agis, et áliud profitéris : fidélis in nómine, áliud demónstrans in ópere, non tenens promissiónis tuæ fidem : modo ingrédiens ecclésiám oratiónes fúndere, post módicum in spectáculis cum histriónibus impudíce clamáre. Quid tibi cum pompis diaboli, quibus renuntiásti?

✠. Ascéndens Christus in altum, captívam duxit captivitátem, * Dedit dona homínibus, allelúja, allelúja, allelúja. ✠. Ascéndit Deus in jubilatíone, et Dóminus in voce tubæ. — Dedit. Glória Patri. Dedit.

In III Noeturno

Lectio sancti Evangélíi
secúndum Joánnem

Lectio vii Cap. 14, 15-21

IN illo témpore : Dixit Jesus discípulis suis : Si dilígitis me, mandáta mea serváte. Et ego ro-

gábo Patrem, et álium
Paráclitum dabit vobis.
Et réliqua.

Homília sancti Augustíni
Epíscopi

Tractatus 74 in Joannem
sub finem, et 75



Uod ait, Rogábo
Patrem, et álium
Paráclitum dabit
vobis : osténdit et seípsum
esse Paráclitum. Parácli-
tus enim Latíne dícitur
advocátus : et dictum est
de Christo : Advocátum
habémus ad Patrem, Je-
sum Christum justum. Sic
autem mundum dixit non
posse accípere Spíritum
Sanctum, sicut étiam di-
ctum est : Prudéntia car-
nis inimíca est Deo : legi
enim Dei non est subjécta
nec enim potest : velut si
dicámus : Injustítia justí-
tia esse non potest. Mun-
dum quippe ait hoc loco,
mundi significans dilectó-
res : quæ diléctio non est
a Patre. Et ídeo dilectióni
hujus mundi, de qua satá-
gimus ut minuátur et con-
sumátur in nobis, contrá-
ria est diléctio Dei, quæ
diffúnditur in córdibus no-
stris per Spíritum San-
ctum, qui datus est nobis.

✠. Ego rogábo Patrem,
et álium Paráclitum dabit
vobis, * Ut máneat vo-
biscum in ætérnum, Spí-
ritum veritátis, allelúja.

✠. Si enim non abíero,
Paráclitus non véniet ad
vos : si autem abíero, mit-
tam eum ad vos. — Ut.

Lectio viii

Mundus ergo eum ac-
cípere non potest,
quia non videt eum, neque
scit eum. Non enim habet
invisibiles óculos mun-
dána diléctio, per quos
vidéri Spíritus Sanctus
potest, qui vidéri nisi invi-
sibíliter non potest. Vos
autem, inquit, cognoscé-
tis eum : quia apud vos
manébit, et in vobis erit.
Erit in eis, ut máneat : non
manébit ut sit : prius est
enim esse alicubi, quam
manére. Sed ne putárent
quod dictum est, Apud
vos manébit; ita dictum,
quemádmódum apud hó-
minem hospes visibíliter
manére consuévit, expó-
suit quid díxerit, Apud
vos manébit, cum adjún-
xit et dixit, In vobis erit.

✠. Si enim non abíero,
Paráclitus non véniet ad
vos : si autem abíero, mit-
tam eum ad vos. * Cum
autem vénerit ille, docébit
vos omnem veritátem, al-
lelúja. ✠. Non enim lo-
quétur a semetípso : sed
quæcúmque áudiet, lo-
quétur : et quæ ventúra
sunt, annuntiábit vobis.
— Cum. Glória Patri.
Cum.

De Festo, cujus ad Laudes facienda sit Commemoratio, non dicitur hac nocte ix Lectio.


Lectio ix

ERgo invisibiliter videtur. Nec, si non sit in nobis, potest esse in nobis ejus sciéntia : sic enim a nobis videtur in nobis et nostra consciéntia. Nam faciém vidémus altérius, nostram vidére non póssumus : consciéntiam vero nostram vidémus, altérius non vidémus. Sed consciéntia numquam est nisi in nobis : Spíritus autem Sanctus potest esse étiam sine nobis. Datur quippe ut sit et in nobis : sed vidéri et sciri, quemádmódum vidéndus et sciéndus est, non potest a nobis, si non sit in nobis. Post pro-

missiónem Spíritus Sancti, ne quisquam putáret, quod ita eum Dóminus datúrus fúerit velut pro seipso, ut non et ipse cum eis esset futúrus, adjécit atque ait : Non relínquam vos órphanos, véniam ad vos. Quamvis ergo nos Fílius Dei suo Patri adoptáverit filios, et eúmdem Patrem nos volúerit habére per grátiam, qui ejus Pater est per natúram : tamen étiam ipse circa nos patérnum afféctum quodámmodo demónstrat, cum dicit : Non relínquam vos órphanos.

Te Deum laudámus.

Ad Laudes et per Horas omnia ut in Dominica infra Octavam Ascensionis 627, omissa tamen ad Laudes Commemoratione Octavæ Ascensionis.





Dominica Pentecostes

DUPLEX I CLASSIS

CUM OCTAVA PRIVILEGIATA I ORDINIS

IN I VESPERIS

Ant. 1 Cum compleréntur * dies Pentecóstes, erant omnes páriter in eódem loco, allelúja.

Psalmi de Dominica 72, sed loco ultimi Ps. 116 Laudáte Dóminum, omnes gentes. 92

2 Spíritus Dómini * replévit orbem terrárum, allelúja.

3 Repléti sunt omnes * Spíritu Sancto, et cœpérunt loqui, allelúja, allelúja.

4 Fontes, et ómnia * quæ movéntur in aquis, hymnum dícite Deo, allelúja.

5 Loquebántur * váriis linguis Apóstoli magnália Dei, allelúja, allelúja, allelúja.

Capitulum Act. 2, 1-2

CUM compleréntur dies Pentecóstes, erant omnes discipuli páriter in

eódem loco : et factus est repén-te de cælo sonus, tamquam adveniéntis spíritus veheméntis, et replévit totam domum, ubi erant sedéntes.

Prima strophæ sequentis Hymni dicitur flexis genibus.

Hymnus

Veni, Creátor Spíritus,
Mentes tuórum visita,
Imple supérna grátia,
Quæ tu creásti pectora.

Qui diceris Paráclitus,
Altíssimi donum Dei,
Fons vivus, ignis, caritas,
Et spiritalis únctio.

Tu septifórmis múnere,
Dígitus patrænæ dexteræ,
Tu rite promíssum Patris,
Sermóne ditans gúttura.

Accénde lumen sénsibus :
Infúnde amórem córdibus :
Infirma nostri córporis
Virtúte firmans pépeti.

Hostem repéllas lóngius,
Pacémque dones próti-
nus :

Ductóre sic te prævio
Vitémus omne nóxium.

Per te sciámus da Patrem,
Noscámus atque Fílium,
Teque utriúsque Spíritum
Credámus omni témpore.

Deo Patri sit glória,
Et Fílio qui a mórtuis
Surréxit, ac Paráclito,
In sæculórum sæcula.

Amen.

Sic terminantur omnes
Hymni usque ad Nonam
Sabbati sequentis inclusive.

℣. Repléti sunt omnes
Spíritu Sancto, allelúja.

℟. Et cœpérunt loqui, alle-
lúja.

Ad Magnif. Ant. Non
vos relínquam * órphanos,
allelúja : vado et vénio ad
vos, allelúja : et gaudébit
cor vestrum, allelúja.

Oratio

DEUS, qui hodiérna die
corda fidélium Sancti
Spíritus illustratióne do-
cuísti : da nobis in eódem
Spíritu recta sápere; et de
ejus semper consolatióne
gaudére. Per Dóminum...
in unitáte ejúsdem Spí-
ritus Sancti Deus.

Completorium de Dominica.

AD MATUTINUM

Invitat. Allelúja, Spíri-
tus Dómini replévit orbem

terrárum : * Veníte, ad-
orémus, allelúja. Ps. 94
Veníte, exsultémus. 3

Hymnus

JAM Christus astra
ascénderat,
Revérsus unde vénerat,
Patris fruéndum múnere,
Sanctum datúrus Spíri-
tum.

Solémnis urgébat dies,
Quo mýstico septémplici
Orbis volútus sépties,
Signat beáta témpora.

Cum lucis hora tértia
Repénite mundus íntonat,
Apóstolis orántibus
Deum veníre núntiat.

De Patris ergo lúmine
Decórus ignis almus est,
Qui fida Christi pectora
Calóre Verbi cómpleat.

Impléta gaudent víscera,
Affláta Sancto Spíritu,
Vocésque dívèrsas so-
nant,
Fantur Dei magnália.

Notíque cunctis géntibus,
Græcis, Latínis, Bárbaris,
Simúlque demirántibus,
Linguis loquúntur óm-
nium.

Judæa tunc incrédula,
Vesána torvo spíritu,
Madére musto sóbrios
Christi fidéles increpat.

Sed éditis miráculis
Occúrrit, et docet Petrus,
Falsum profári pérfidus,
Joéle teste cómproban.

Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula.
Amen.

Ad Nocturnum

Ant. Factus est * repén-
te de cælo sonus adveniéntis
spíritus veheméntis, alle-
lúja, allelúja.

Psalmus 47



Agnus Dóminus, et
laudábilis nimis *
in civitáte Dei no-
stri, in monte sancto ejus.

Fundátur exsultatióne
universæ terræ mons
Sion, * látera Aquilónis,
cívitas Regis magni.

Deus in dóminus ejus
cognoscétur, * cum susci-
piet eam.

Quóniam ecce reges ter-
ræ congregáti sunt : *
convenérunt in unum.

Ipsi vidéntes sic admi-
ráti sunt, conturbáti sunt,
commóti sunt : * tremor
apprehéndit eos.

Ibi dolóres ut parturién-
tis : * in spíritu veheménti
cónteres naves Tharsis.

Sicut audívimus, sic ví-
dimus in civitáte Dómini
virtútum, in civitáte Dei
nostri : * Deus fundávit
eam in ætérnum.

Suscépmus, Deus, mise-
ricórdiam tuam, * in mé-
dio templi tui.

Secúndum nomen tuum,

Deus, sic et laus tua in
fines terræ : * justítia ple-
na est dextera tua.

Lætétur mons Sion, et
exsúltent filiæ Judæ * pro-
pter judícia tua, Dómine.

Circúmdate Sion, et com-
plectímmini eam : * narráte
in túrribus ejus.

Pónite corda vestra in
virtúte ejus : * et distri-
búite domos ejus, ut enar-
rétis in progénie áltera.

Quóniam hic est Deus,
Deus noster in ætérnum,
et in sæculum sæculi : *
ipse reget nos in sæcula.

Ant. Factus est repén-
te de cælo sonus adveniéntis
spíritus veheméntis, alle-
lúja, allelúja.

Ant. Confírma hoc,
Deus, * quod operátus es
in nobis : a templo sancto
tuo, quod est in Jerúsa-
lem, allelúja, allelúja.

Psalmus 67

EXsúrgat Deus, et dissi-
péntur inimíci ejus, *
et fúgiant qui odérunt
eum, a fácie ejus.

Sicut déficit fumus, defi-
ciant : * sicut fluit cera a
fácie ignis, sic péreant
peccatóres a fácie Dei.

Et justí epuléntur, et
exsúltent in conspéctu
Dei : * et delecténtur in
lætítia.

Cantáte Deo, psalmum
dícite nómini ejus : * iter
fácite ei, qui ascéndit su-

per occásum : Dóminus nomen illi.

Exsultáte in conspéctu ejus : * turbabúntur a fácie ejus, patris orphanórum, et júdicis viduárum,

Deus in loco sancto suo : * Deus qui inhabitáre facit uníus moris in domo :

Qui edúcit vinctos in fortitúdine, * simíliter eos, qui exásperant, qui hábitant in sepúlcris.

Deus cum egrederéris in conspéctu pópuli tui, * cum pertransíres in déserto :

Terra mota est, étenim cæli distillavérunt a fácie Dei Sínai, * a fácie Dei Israël.

Plúviam voluntáriam segregábis, Deus, hereditáti tuæ : * et infirmáta est, tu vero perfecísti eam.

Animália tua habitábunt in ea : * parásti in dulcédine tua páuperi, Deus.

Dóminus dabit verbum evangelizántibus, * virtúte multa.

Rex virtútum dilécti dilécti : * et speciéi domus dividere spólia.

Si dormiátis inter médios cleros, pennæ colúmbæ deargentátæ, * et posterióra dorsi ejus in palóre auri.

Dum discérnit cæléstis reges super eam, nive dealbabúntur in Selmon : * mons Dei, mons pinguis.

Mons coagulátus, mons pinguis : * ut quid suspicámini montes coagulátos?

Mons, in quo beneplácitum est Deo habitáre in eo : * étenim Dóminus habitábit in finem.

Currus Dei decem míllibus múltiplex, míllia lætántium : * Dóminus in eis in Sina in sancto.

Ascendísti in altum, cepísti captivitátem : * accepísti dona in homínibus : Etenim non credéntes, * inhabitáre Dóminum Deum.

Benedíctus Dóminus die quotidie : * prósperum iter faciet nobis Deus salutárium nostrórum.

Deus noster, Deus salvos faciéndi : * et Dómini Dómini éxitus mortis.

Verúmtamen Deus confrínget cápita inimicórum suórum : * vérticem capílli perambulántium in delíctis suis.

Dixit Dóminus : Ex Bathan convértam, * convértam in profúndum maris :

Ut intingátur pes tuus in ságuine : * lingua canum tuórum ex inimícis, ab ipso.

Vidérunt ingrédessus tuos, Deus, * ingrédessus Dei mei : regis mei qui est in sancto.

Prævenérunt príncipes conjúcti psalléntibus, *

in médio juvenculárum tympanistriárum.

In ecclésiis benedicite Deo Dómino, * de fón-tibus Israël.

Ibi Bénjamin adolescén-tulus, * in mentis excéssu.

Príncipes Juda, duces eó-rum : * príncipes Zábulon, príncipes Néphthali.

Manda, Deus, virtúti tuæ : * confírma hoc, Deus, quod operátus es in nobis.

A templo tuo in Jerúsalem, * tibi ófferent reges múnera.

Increpa feras arúndinis, congregátio taurórum in vaccis populórum : * ut exclúdent eos, qui probáti sunt argénto.

Díssipa gentes, quæ bella volunt : vénient legáti ex Ægýpto : * Æthiopia præ-véniet manus ejus Deo.

Regna terræ, cantáte Deo : * psállite Dómino.

Psállite Deo, qui ascéndit super cælum cæli, * ad Oriéntem.

Ecce dabit voci suæ vo-cem virtútis, date glóriam Deo super Israël, * magnificéntia ejus, et virtus ejus in núbibus.

Mirábilis Deus in sanctis suis, Deus Israël ipse da-bit virtútem, et fortitú-dinem plebi suæ, * benedíctus Deus.

Ant. Confírma hoc, Deus, quod operátus es in no-

bis : a templo sancto tuo, quod est in Jerúsalem, allelúja, allelúja.

Ant. Emítte Spíritum tuum, * et creabúntur : et renovábis fáciem terræ, allelúja, allelúja.

Psalmus 103

Benedic, ánima mea, Dómino : * Dómine, Deus meus, magnificátus es veheménter.

Confessióem, et decórem induísti : * amíctus lúmíne sicut vestiménto :

Exténdens cælum sicut pellem : * qui tegis aquis superióra ejus.

Qui ponis nubem ascénsum tuum : * qui ámbulas super pennas ventórum.

Qui facis ángelos tuos, spíritus : * et minístros tuos ignem uréntem.

Qui fundásti terram super stabilitátem suam : * non inclinábitur in sáeculum sáeculi.

Abýssus, sicut vesti-méntum, amíctus ejus : * super montes stabunt aquæ.

Ab increpatióne tua fú-gient : * a voce tonítrui tui formidábunt.

Ascéndunt montes : et descéndunt campi * in locum, quem fundásti eis.

Términumposuísti, quem non transgrediéntur : * neque converténtur opère terram.

Qui emittis fontes in convallibus : * inter médium montium pertransibunt aquæ.

Potabunt omnes bestię agri : * expectabunt onagri in siti sua.

Super ea volucres cęli habitabunt : * de medio petrarum dabunt voces.

Rigans montes de superioribus suis : * de fructu operum tuorum satiabitur terra :

Producens fenum iumentis, * et herbam servituti hominum :

Ut educas panem de terra : * et vinum lætificet cor hominis :

Ut exhilaret faciem in oleo : * et panis cor hominis confirmet.

Saturabuntur ligna campi, et cedri Libani, quas plantavit : * illic păsseres nidificabunt.

Herodii domus dux est eorum : * montes excelsi cervis : petra refugium herinaciis.

Fecit lunam in tempora : * sol cognovit occasum suum.

Posuisti tenebras, et facta est nox : * in ipsa pertransibunt omnes bestię silvę.

Catuli leonum rugientes, ut rapiant, * et quęrant a Deo escam sibi.

Ortus est sol, et congregati sunt : * et in cu-

billibus suis collocabuntur.

Exibit homo ad opus suum : * et ad operationem suam usque ad vesperum.

Quam magnificata sunt opera tua, Domine! * omnia in sapientia fecisti : implēta est terra possessione tua.

Hoc mare magnum, et spatiosum manibus : * illic reptilia, quorum non est númerus.

Animalia pusilla cum magnis : * illic naves pertransibunt.

Draco iste, quem formasti ad illudendum ei : * omnia a te expectant ut des illis escam in tempore.

Dante te illis, colligent : * aperiēte te manum tuam, omnia implebuntur bonitate.

Avertēte autem te faciem, turbabuntur : * auferes spiritum eorum, et deficient, et in pulverem suum revertentur.

Emittes spiritum tuum, et creabuntur : * et renovabis faciem terrę.

Sit glória Domini in sæculum : * lætabitur Dominus in operibus suis :

Qui respicit terram, et facit eam tremere : * qui tangit montes, et fumigant.

Cantabo Domino in vita mea : * psallam Deo meo, quāmdiu sum.

Jucúndum sit ei elóquium meum : * ego vero delectábor in Dómino.

Deficiant peccatóres a terra, et iníqui ita ut non sint : * bédedic, ánima mea, Dómino.

Ant. Emítte Spíritum tuum, et creabúntur : et renovábis fáciem terræ, allelúja, allelúja.

℣. Spíritus Dómini replevit orbem terrárum, allelúja. **℟.** Et hoc quod cóntinet ómnia, sciéntiam habet vocis, allelúja.

Absol. Exáudi, Dómine.

Bened. Evangélica léctio.

Léctio sancti Evangélii
secúndum Joánnem

Lectio i Cap. 14, 23-31

IN illo témpore : Dixit Jesus discípulis suis : Si quis diligit me, sermónem meum servábit, et Pater meus diliget eum, et ad eum veniémus, et mansiónem apud eum faciémus. Et reliqua.

Homilía

sancti Gregórii Papæ

Homilia 30 in Evangelia

Ibet, fratres carísimi, evangélicæ verba lectionis sub brevitate transcúrrere, ut post diútius liceat in contemplatióne tantæ solemnitátis immorári. Hódie namque Spíritus Sanctus

repentíno sónitu super discípulos venit, mentésque carnálium in sui amórem permutávit, et foris apparentibus linguis igneis, intus facta sunt corda flammántia; quia dum Deum in ignis visióne suscepérunt, per amórem suáriter arsérunt. Ipse namque Spíritus Sanctus amor est : unde et Joánnes dicit : Deus caritas est. Qui ergo mente íntegra Deum désiderat, profecto jam habet quem amat. Neque enim quisquam posset Deum dilígere, si eum quem diligit, non habéret.

℟. Cum compleréntur dies Pentecóstes, erant omnes páriter in eódem loco, allelúja : et súbito factus est sonus de cælo, allelúja, * Tamquam spíritus veheméntis, et replevit totam domum, allelúja, allelúja. **℣.** Dum ergo essent in unum discípuli congregáti propter metum Judæórum, sonus repénite de cælo venit super eos. — Tamquam.

Bened. Divínium auxílium.

Lectio ii

SED ecce, si unusquisque vestrum requirátur an dilígat Deum, tota fidúcia et secúra mente respóndet, Diligo. In ipso autem lectionis exórdio audístis quid Véritas di-

cit : Si quis diligit me, sermónem meum servábit. Probátio ergo dilectiónis, exhibitio est óperis. Hinc in epístola sua idem Joánnes dicit : Qui dicit, Dilligo Deum, et mandáta ejus non custódit, mendax est. Vere etenim Deum dilligimus et mandáta ejus custodimus, si nos a nostris voluptátibus coarctámus. Nam qui adhuc per ilícita desidéria diffluit, profecto Deum non amat, quia ei in sua voluntáte contradicit.

✠. Repléti sunt omnes Spíritu Sancto : et cœperunt loqui, prout Spíritus Sanctus dabat éloqui illis : * Et convénit multitúdo dicéntium, allelúja.

✠. Loquebántur váriis linguis Apóstoli magnália Dei. — Et convénit. Glória Patri. Et convénit.

Bened. Ad societátem.

Lectio iii

✠ **E**T Pater meus diligit eum, et ad eum veniémus, et mansiónem apud eum faciémus. Pensáte, fratres caríssimi, quanta sit ista dignitas, habére in cordis hospítio advéntum Dei. Certe, si domum nostram quisquam dives aut præpotens amicus intráret, omni festinántia domus tota mundarétur, ne quid fortásse esset quod

óculos amíci intrántis offénderet. Tergat ergo sordes pravi óperis, qui Deo præparat domum mentis. Sed vidéte quid Véritas dicat : Veniémus, et mansiónem apud eum faciémus. In quorúmdam etenim corda venit, et mansiónem non facit : quia, per compunctiónem quidem, Dei respéctum percipiunt, sed tentationis tēmpore hoc ipsum quo compuncti fúerant, obliviscúntur; sicque ad perpetránda peccáta rédeunt, ac si hæc mínime planxissent.

Te Deum laudámus.

AD LAUDES

et per Horas, Añæ

1 Cum compleréntur * dies Pentecóstes, erant omnes páriter in eódem loco, allelúja.

Psalmi de Domin. 1 loco. 49

2 Spíritus Dómini * replevit orbem terrárum, allelúja.

3 Repléti sunt omnes * Spíritu Sancto, et cœperunt loqui, allelúja, allelúja.

4 Fontes, et ómnia * quæ movéntur in aquis, hymnum dícite Deo, allelúja.

5 Loquebántur * váriis linguis Apóstoli magnália Dei, allelúja, allelúja, allelúja.

Capitulum Act. 2, 1-2

CUM compleréntur dies Pentecóstes, erant omnes discipuli páriter in eódem loco : et factus est repén-te de cælo sonus, tamquam adveniéntis spí-ritus veheméntis, et re-plévit totam domum, ubi erant sedéntes.

Hymnus

BEáta nobis gáudia
Anni redúxit órbita,
Cum Spíritus Paráclitus
Illápsus est Apóstolis.

Ignis vibránte lúmine
Linguae figúram détulit,
Verbis ut essent próflui,
Et caritaté férvidi.

Linguis loquúntur óm-nium;

Turbæ pavent gentílium,
Musto madére députant
Quos Spíritus repléverat.

Patráta sunt hæc mý-
stice,

Paschæ perácto témpore,
Sacro diérum círculo,
Quo lege fit remíssio.

Te nunc, Deus piíssime,
Vultu precámur cernuo :
Illápsa nobis cælitus
Largíre dona Spíritus.

Dudum sacráta pectora
Tua replésti grátia :
Dimítte nostra crimina,
Et da quiéta témpora.

Deo Patri sit glória,
Et Fílio, qui a mórtuis

Surréxit, ac Paráclito,
In sæculórum sæcula.

Amen.

℟. Repléti sunt omnes
Spíritu Sancto, allelúja.

℣. Et cœpérunt loqui, alle-
lúja.

Ad Bened. Ant. Accí-
pite * Spíritum Sanctum :
quorum remiséritis pec-
cáta, remittúntur eis, alle-
lúja.

Oratio

DEus, qui hodiérna die
corda fidélium Sancti
Spíritus illustratióne do-
cuisti : da nobis in eódem
Spíritu recta sápere; et de
ejus semper consolatióne
gaudére. Per Dóminum...
in unitáte ejúsdem.

AD PRIMAM

Ant. Cum compleréntur *
dies Pentecóstes, erant
omnes páriter in eódem
loco, allelúja.

Psalmi ut in Festis; in
℣. br., ℟. Qui sedes ad dexte-
ram Patris, **et ad absolutio-**
nem Capituli Lectio brevis
Judæi quoque, **ut infra ad**
Nonam. 665

AD TERTIAM

Prima strophá sequentis
Hymni dicitur flexis genibus.

Hymnus

VEni, Creátor Spíritus,
Mentes tuórum vísitá,
Imple supérna grátia,
Quæ tu creásti pectora.

Qui diceris Paráclitus,
Altissimi donum Dei,
Fons vivus, ignis, caritas,
Et spiritalis unctio.

Tu septiformis munere,
Digitus paternæ dexteræ,
Tu rite promissum Patris,
Sermonem ditans guttura.

Accende lumen sensibus :
Infunde amorem cordi-
bus :

Infirma nostri corporis
Virtute firmans perpeti.

Hostem repellas longius,
Pacemque dones protinus :
Ductore sic te prævio
Vitemus omne noxium.

Per te sciamus da Patrem,
Noscamus atque Filium,
Teque utriusque Spiritum
Credamus omni tempore.

Deo Patri sit gloria,
Et Filio, qui a mortuis
Surrexit, ac Paráclito,
In sæculorum sæcula.
Amen.

Ant. Spiritus Domini *
replevit orbem terrarum,
alleluja.

Capitulum Cum comple-
rentur, *ut supra.* 664

R. br. Spiritus Domini
replevit orbem terrarum,
* Alleluja, alleluja. Spi-
ritus. **V.** Et hoc quod
continet omnia, scientiam
habet vocis. Alleluja, alle-
luja. **Gloria Patri.** Spi-
ritus. **V.** Spiritus Parácli-
tus, alleluja. **R.** Docébit
vos omnia, alleluja.

AD SEXTAM

Ant. Repleti sunt om-
nes * Spiritu Sancto, et
ceperunt loqui, alleluja,
alleluja.

Capitulum **Act. 2, 6**

FActa autem hac voce,
convénit multitúdo, et
mente confusa est, quón-
iam audiébat unusquis-
que lingua sua illos lo-
quentes.

R. br. Spiritus Parácli-
tus, * Alleluja, alleluja.
Spiritus. **V.** Docébit vos
omnia. Alleluja, alleluja.
Gloria Patri. Spiritus.
V. Repleti sunt omnes Spi-
ritu Sancto, alleluja. **R.** Et
ceperunt loqui, alleluja.

AD NONAM

Ant. Loquebantur * vá-
riis linguis Apóstoli ma-
gnalia Dei, alleluja, alle-
luja, alleluja

Capitulum **Act. 2, 11**

Iudæi quoque et Prosé-
lyti, Cretes et Arabes :
audivimus eos loquentes
nostris linguis magnalia
Dei.

R. br. Repleti sunt om-
nes Spiritu Sancto, * Al-
leluja, alleluja. Repleti.
V. Et ceperunt loqui. Al-
leluja, alleluja. **Gloria Pa-
tri.** Repleti. **V.** Loque-
bantur variis linguis Apó-
stoli, alleluja. **R.** Magná-
lia Dei, alleluja.

IN II VESPERIS

Ant. Cum compleréntur * dies Pentecóstes, erant omnes páriter in eódem loco, allelúja.

Psalmus 109



Ixit Dóminus Dómino meo : * Sede a dextris meis :

Donec ponam inimícos tuos, * scabéllum pedum tuórum.

Virgam virtútis tuæ emíttet Dóminus ex Sion : * domináre in médio inimícorum tuórum.

Tecum princípium in die virtútis tuæ in splendóribus sanctórum : * ex útero ante lucíferum genui te.

Jurávit Dóminus, et non pœnitébit eum : * Tu es sacerdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas : * conquassábit cápita in terra multórum.

De torrén te in via bibet : * proptérea exaltábit caput.

Ant. Cum compleréntur dies Pentecóstes, erant omnes páriter in eódem loco, allelúja.

Ant. Spíritus Dómini, * replévit orbem terrárum, allelúja.

Psalmus 110

Confitébor tibi, Dómine, in toto corde meo : * in consílio justórum, et congregatióne.

Magna ópera Dómini : * exquisíta in omnes voluntátes ejus.

Conféssio et magnificéntia opus ejus : * et justítia ejus manet in sáculum sáculi.

Memóriam fecit mirábili um suórum, miséricors et miserátor Dóminus : * escam dedit timéntibus se.

Memor erit in sáculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et júdici um.

Fidélia ómnia mandáta ejus : confirmáta in sáculum sáculi, * facta in veritáte et æquitáte.

Redempti ónem misit pópulo suo : * mandávit in ætérnum testaméntum suum.

Sanctum, et terríbile nomen ejus : * inítium sapiéntiæ timor Dómini.

Intelléctus bonus óm nibus faciéntibus eum : * laudátio ejus manet in sáculum sáculi.

Ant. Spíritus Dómini replévit orbem terrárum, allelúja.

Ant. Repléti sunt omnes * Spíritu Sancto, et cœpérunt loqui, allelúja, allelúja.

Psalmus 111

BEátus vir, qui timet Dóminum : * in mandátis ejus volet nimis.

Potens in terra erit semen ejus : * generatio rectorum benedicetur.

Glória, et divítiæ in domo ejus : * et justítia ejus manet in sæculum sæculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miseretur et commodat, dispónet sermónes suos in iudicio : * quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimícos suos.

Dispérsit, dedit pauperibus : justítia ejus manet in sæculum sæculi, * cornu ejus exaltábitur in glória.

Peccátor vidébit, et irascetur, déntibus suis fremeť et tabescet : * desiderium peccatórum períbit.

Ant. Repléti sunt omnes Spíritu Sancto, et cœpérunt loqui, allelúja, allelúja.

Ant. Fontes, et ómnia * quæ movéntur in aquis, hymnum dícite Deo, allelúja.

Psalmus 112

LAudáte, púeri, Dóminum : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, * et humília respicit in cælo et in terra?

Súscitans a terra inopem, * et de stercore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Fontes, et ómnia quæ movéntur in aquis, hymnum dícite Deo, allelúja.

Ant. Loquebántur * váriis linguis Apóstoli magnália Dei, allelúja, allelúja, allelúja.

Psalmus 113

IN éxitu Israél de Ægypto, * domus Jacob de pópulo bárbaro :

Facta est Judæa sanctificatio ejus, * Israël potestas ejus.

Mare vidit, et fugit : * Jordánis conversus est retrorsum.

Montes exsultaverunt ut arietes, * et colles sicut agni óvium.

Quid est tibi, mare, quod fugisti : * et tu, Jordánis, quia conversus es retrorsum?

Montes, exsultastis sicut arietes, * et colles, sicut agni óvium.

A fácie Dómini mota est terra, * a fácie Dei Jacob.

Qui convertit petram in stagna aquárum, * et rupem in fontes aquárum.

Non nobis, Dómine, non nobis : * sed nómini tuo da glóriam.

Super misericórdia tua, et veritate tua : * nequándo dicant gentes : Ubi est Deus eórum?

Deus autem noster in cælo : * ómnia quæcúmque vóluit, fecit.

Simulácra géntium argentum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non áudient : * nares habent, et non odorábunt.

Manus habent, et non palpábunt : pedes habent, et non ambulábunt : *

non clamábunt in gútture suo.

Símiles illis fiant qui faciunt ea : * et omnes qui confidunt in eis.

Domus Israël sperávit in Dómino : * adjutor eórum et protector eórum est.

Domus Aaron sperávit in Dómino : * adjutor eórum et protector eórum est.

Qui timent Dóminum, speravérunt in Dómino : * adjutor eórum et protector eórum est.

Dóminus memor fuit nostri : * et benedíxit nobis :

Benedíxit dómui Israël : * benedíxit dómui Aaron.

Benedíxit ómnibus, qui timent Dóminum, * pusillis cum majóribus.

Adjíciat Dóminus super vos : * super vos, et super filios vestros.

Benedícti vos a Dómino, * qui fecit cælum, et terram.

Cælum cæli Dómino : * terram autem dedit filiis hóminum.

Non mórtui laudábunt te, Dómine : * neque omnes, qui descéndunt in inférnum.

Sed nos qui vívimus, benedícimus Dómino, * ex hoc nunc et usque in sæculum.

Ant. Loquebántur váriis linguis Apóstoli magnália Dei, allelúja, allelúja, allelúja.

Capitulum Act. 2, 1-2

CUM compleréntur dies Pentecóstes, erant omnes discipuli páriter in eódem loco : et factus est repén-te de cælo sonus, tamquam adveniéntis spíritus veheméntis, et replévit totam domum, ubi erant sedéntes.

Hymnus

Veni, Creátor Spíritus,
Mentes tuórum vísitā,
Imple supérna grátia,
Quæ tu creásti pectora.

Qui díceris Paráclitus,
Altíssimi donum Dei,
Fons vivus, ignis, caritas,
Et spiritalis únctio.

Tu septifórmis múnere,
Dígitus patrénæ dexteræ,
Tu rite promíssum Patris,
Sermóne ditans gúttura.

Accénde lumen sénsibus :
Infúnde amórem córdi-
bus :

Infirma nostri córporis
Virtúte firmans pérpeti.

Hostem repéllas lóngius,
Pacémque dones prótinus :
Ductóre sic te prævio
Vitémus omne nóxium.

Per te sciámus da Patrem,
Noscámus atque Filium,

Teque utriúsque Spíritum
Credámus omni témpore.

Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula.

Amen.

V. Loquebántur váriis
linguis Apóstoli, allelúja.

R. Magnália Dei, allelúja.


Ad Magnif. Ant. Hódie *
compléti sunt dies Pente-
cóstes, allelúja : hódie Spí-
ritus Sanctus in igne di-
scípulis appáruit, et trí-
buit eis charísmatum do-
na : misit eos in univér-
sum mundum prædicáre,
et testificári : Qui credíde-
rit et baptizátus fúerit,
salvus erit, allelúja.

Oratio

Deus, qui hodiérna die
corda fidélium Sancti
Spíritus illustratióne do-
cuísti : da nobis in eódem
Spíritu recta sápere; et de
ejus semper consolatióne
gaudére. Per Dóminum...
in unitáte ejúsdem.

Completorium de Dominica.

**Infra Octavam omnia di-
cuntur ut in Festo, præter ea,
quæ singulis diebus assi-
gnantur propria.**



Feria ii infra Octavam Pentecostes

DUPLEX I CLASSIS

✠. Spíritus Dómini replévit orbem terrárum, allelúja. ✠. Et hoc quod cónfínet ómnia, sciéntiam habet vocis, allelúja.

Absol. Exáudi, Dómine.

Bened. Evangélica léctio.

Léctio sancti Evangélii
secúndum Joánnem

Lectio i **Cap. 3, 16-21**

IN illo témpore : Dixit Jesus Nicodémo : Sic Deus diléxit mundum, ut Fílium suum unigénitum daret : ut omnis, qui credit in eum, non péreat, sed hábeat vitam ætérrnam. Et réliqua.

Homília sancti Augustíni
Epíscopi

**Tract. 12 in Joann.,
sub finem**

QUantum in médico est, sanáre venit aegrótum. Ipse se intérimít, qui præcépta médici observáre non vult. Venit Salvátor in mundum. Quare Salvátor dictus est mundi, nisi ut salvet mundum, non ut júdicet mundum? Salvári non vis ab ipso : ex te judicáberis. Et quid dicam, Judicáberis? Vide

quid ait : Qui credit in eum, non judicátur. Qui autem non credit : quid dictúrum sperábas, nisi, Judicátur? Quod addit : Jam, inquit, judicátus est : nondum appáruit júdicium, et jam factum est júdicium.

✠. Jam non dicam vos servos, sed amícos meos; quia ómnia cognovístis, quæ operátus sum in médio vestri, allelúja : * Accípíte Spíritum Sanctum in vobis Paráclitum : ille est, quem Pater mittet vobis, allelúja. ✠. Vos amíci mei estis, si fecérítis, quæ ego præcípio vobis. — Accípíte.

Bened. Divínium auxílium.

Lectio ii

NOVIT enim Dóminus qui sunt ejus : novit qui permáneant ad corónam, qui permáneant ad flammam. Novit in área sua tríticum, novit et páleam; novit ségetem, novit et zizánia. Jam judicátus est, qui non credit. Quare judicátus? Quia non crédidit in nómine unigéniti Fílii Dei. Hoc est autem júdicium : quia lux venit in

mundum, et dilexérunt hómines magis ténebras quam lucem; erant enim mala ópera eórum. Fratres mei, quorum ópera bona invénit Dóminus? Nullórum. Omnia ópera mala invénit. Quómodo ergo quidam fecérunt veritátem, et venérunt ad lucem? Et hoc enim séquitur : Qui autem facit veritátem, venit ad lucem.

℟. Spíritus Sanctus, procédens a throno, Apostolorum pectora invisibíliter penetrávit novo sanctificatiónis signo : * Ut in ore eórum ómnium génera nasceréntur linguárum, allelúja. ℣. Advénit ignis divínus, non combúrens, sed illúminans, et tríbuit eis charísmatum dona. — Ut. Glória Patri. Ut.

Bened. Ad societátem.

Lectio iii

SED dilexérunt, inquit, ténebras magis quam lucem. Ibi pósuit vim. Multi enim dilexérunt peccáta sua, multi conféssi sunt peccáta sua : quia qui confitétur peccáta sua, et accúsat peccáta sua, jam cum Deo facit. Accúsat Deus peccáta tua : si et tu accúsas, conjúngeris Deo. Quasi duæ res sunt,

homo et peccátor. Quod audis, homo, Deus fecit : quod audis, peccátor, ipse homo fecit. Dele, quod fecisti, ut Deus salvet, quod fecit. Opórtet ut óderis in te opus tuum, et ames in te opus Dei. Cum autem cœperit tibi displicere quod fecisti, inde incipiunt bona ópera tua, quia accúsas mala ópera tua. Inítium óperum bonórum conféssio est óperum malórum.

Te Deum laudámus.

Ad Bened. Ant. Sic Deus * diléxit mundum, ut Fílium suum unigénitum daret : ut omnis, qui credit in ipsum, non pér-eat, sed hábeat vitam ætérnam, allelúja.

Oratio

DEus, qui Apóstolis tuis Sanctum dedísti Spíritum : concéde plebi tuæ piæ petitiónis efféctum; ut, quibus dedísti fidem, largiáris et pacem. Per Dóminum... in unitáte ejúsdem.

Ad Magnif. Ant. Si quis diligit me, * sermónem meum servábit : et Pater meus diliget eum, et ad eum veniémus, et mansiónem apud eum faciemus, allelúja.

Peria iiii infra Octavam Pentecostes

DUPLEX I CLASSIS

℣. Spíritus Paráclitus, allelúja. ℞. Docébit vos ómnia, allelúja.

Absolutio Ipsíus píetas.

Bened. Evangélica léctio.

Léctio sancti Evangélii
secúndum Joánnem

Lectio i Cap. 10, 1-10

IN illo témpore : Dixit Jesus pharisæis : Amen, amen dico vobis : qui non intrat per óstium in ovíle óvium, sed ascéndit aliúnde, ille fur est, et latro. Qui autem intrat per óstium, pastor est óvium. Et réliqua.

Homília sancti Augustíni
Epíscopi

Tract. 45 in Joann.,
post initium

Dominus de grege suo, et de óstio quo intrá-tur ad ovíle, similitúdi-nem propósuit in hodiérna lectione. Dicant ergo pagáni : Bene vivimus! Si per óstium non intrant, quid prodest eis unde gloriántur? Ad hoc enim debet unicuique prodesse bene vivere, ut detur illi semper vivere; nam cui non datur semper vivere, quid prodest bene vivere?

Quia nec bene vivere dicéndi sunt, qui finem bene vivéndi vel cæcitate né-sciunt, vel inflatióne conténnunt. Non est autem cuiquam spes vera et certa semper vivéndi, ni agnó-scat vitam, quod est Chri-stus, et per jánuam intret in ovíle.

℞. Apparuérunt Apóstolis dispertítæ linguæ tam-quam ignis, allelúja : * Sedítque supra singulos eórum Spíritus Sanctus, allelúja, allelúja. ℣. Et cœpérunt loqui váriis linguis, prout Spíritus Sanctus dabat éloqui illis. — Sedítque.

Bened. Divínium auxílium.

Lectio ii

QUærunt ergo plerúm-que tales hómines étiam persuadére homí-nibus, ut bene vivant, et Christiáni non sint. Per áliam partem volunt as-céndere, rápere et occíde-re; non, ut bonus pastor, conserváre atque salváre. Fuérunt ergo quidam phi-lósophi de virtútibus et vítiis subtilia multa tra-ctántes, dividéntes, de-finiéntes, ratiocinatiónes

acutissimas concludentes, libros implentes, suam sapientiam buccis crepantibus ventilantes, qui etiam dicere auderent hominibus : Nos sequimini, sectam nostram tenete, si vultis beate vivere. Sed non intrabant per ostium : perdere volebant, mactare et occidere.

℟. Loquebantur variis linguis Apostoli magnalia Dei, * Prout Spiritus Sanctus dabat eloqui illis, allelúja. ℣. Repleti sunt omnes Spiritu Sancto, et cœperunt loqui. — Prout. Glória Patri. Prout.

Bened. Ad societatem.

Lectio iii

Quid de istis dicam? Ecce ipsi pharisæi legébant, et in eo quod legébant, Christum sonábant, venturum sperábant, et præsentem non agnoscébant. Jactábant se etiam ipsi inter Videntes, hoc est, inter sapientes, et negábant Christum, et non intrabant per ostium. Ergo et ipsi, si quos forte sedúcerent, mactandos et occidendos, non liberandos sedúcerent. Et hos dimittamus. Videamus illos, si forte ipsi intrans per ostium, qui ipsius Christi nómine gloriántur. Innumerábiles enim sunt, qui se Videntes non solum

jactant, sed a Christo illuminatos vidéri volunt : sunt autem hæretici.

Te Deum laudamus.

Ad Bened. Ant. Ego sum ostium, * dicit Dóminus : per me si quis introierit, salvabitur, et pásqua invéniet, allelúja

Oratio

Adsit nobis, quæsumus, Dómine, virtus Spíritus Sancti : quæ et corda nostra cleménter expúrget, et ab ómnibus tueátur advérsis. Per Dóminum... in unitáte ejúsdem Spíritus Sancti.

Ad Magnif. Ant. Pacem * relínquo vobis, pacem meam do vobis : non quómodo mundus dat, ego do vobis, allelúja.

Feria IV Quatuor Temporum Pentecostes

Semiduplex 658

℣. Repleti sunt omnes Spiritu Sancto, allelúja. ℟. Et cœperunt loqui, allelúja.

Absolutio A vinctulis.

Bened. Evangélica léctio.

Léctio sancti Evangélii
secúndum Joánnem

Lectio i Cap. 6, 44-52

IN illo témpore : Dixit Jesus turbis Judæórum : Nemo potest veníre ad me,

nisi Pater, qui misit me, tráxerit eum. Et réliqua.

Homília sancti Augustíni
Epíscopi

Tract. 26 in Joannem,
post initium

NOli cogitare te invitum trahi : tráhitur ánimus et amóre. Nec timére debémus ne ab homínibus, qui verba perpéndunt et a rebus máxime divínis intelligéndis longe remóti sunt, in hoc Scripturárum sanctárum evangélico verbo fórsitan reprehendámur, et dicátur nobis : Quómodo voluntáte credo, si trahor? Ego dico : Parum est voluntáte : étiam voluptáte tráheris. Quid est, trahi voluptáte? Delectáre in Dómino : et dabit tibi petitiónes cordis tui. Est quædam volúptas cordis, cui panis dulcis est ille cæléstis. Porro si poétæ dicere lícuit : Trahit sua quemque volúptas : non necéssitas, sed volúptas : non obligátio, sed delectátio : quanto fórtius nos dicere debémus, trahi hóminem ad Christum, qui delectátur veritáte, delectátur beatitúdine, delectátur justítia, delectátur sempitérna vita, quod totum Christus est? An vero habent córporis sensus voluptátes suas, et ánimus deséritur a voluptátibus

suis? Si ánimus non habet voluptátes suas, unde dicitur : Fílii autem hóminum sub tégmine alárum tuárum sperábunt : inebriabúntur ab ubertáte domus tuæ, et torrénite voluptátis tuæ potábis eos. Quóniam apud te est fons vitæ : et in lúmine tuo vidébimus lumen.

℟. Disciplinam et sapiéntiam dócuit eos Dóminus, allelúja : firmávit in illis grátiam Spíritus sui, * Et intelléctu implévit corda eórum, allelúja. ℣. Repentíno namque sónitu Spíritus Sanctus super eos venit. — Et.

Bened. Divínium auxílium.

Lectio ii

DA amántem, et sentit quod dico : da desiderántem, da esuriéntem, da in ista solitúdine peregrinántem, atque sitiéntem, et fontem æternæ pátriæ suspirántem : da talem, et scit quid dicam. Si autem frígido loquor, nescit quid loquor. Tales erant isti, qui invicem murmurábant. Pater, inquit, quem tráxerit, venit ad me. Quid est autem, Pater quem tráxerit, cum ipse Christus trahat? Quare vóluit dicere, Pater quem tráxerit? Si trahéndi sumus, ab illo trahámur, cui dicit quædam, quæ díli-

git : Post odórem unguen-
tórum tuórum currémus.
Sed quid intélligi vóluit,
advertámus, fratres, et,
quantum póssumus, ca-
piámus. Trahit Pater ad
Fílium eos, qui proptérea
credunt in Fílium, quia eum
cógitant Patrem habére
Deum. Deus enim Pater
æquálem sibi génuit Fí-
lium; et qui cógitat, atque
in fide sua sentit et rúmi-
nat, æquálem esse Patri
eum, in quem credit, ipsum
trahit Pater ad Fílium.

✠. *Ite in univérsum or-
bem, et prædicáte Evan-
gélium, allelúja :* * Qui
credíderit et baptizátus
fúerit, salvus erit, allelúja,
allelúja, allelúja. ✠. In
nómine meo dæmónia eji-
cient, linguis loquéntur
novis, serpéntes tollent.
— Qui. *Glória Patri. Qui.*

Benedictio Ad societátem.

Lectio iii

ARÍUS crédidit creatú-
ram, non eum traxit
Pater; quia non consíderat
Patrem, qui Fílium non
credit æquálem. Quid di-
cis, o Ari? quid dicis,
hærélice? quid lóqueris?
Quid est Christus? Non,
inquit, Deus verus, sed
quem fecit Deus verus.
Non te traxit Pater; non
enim intellexísti Patrem,
cujus Fílium negas. Aliud
cógitas, non est ipse Fí-

lius : nec a Patre tráheris,
nec ad Fílium tráheris.
Aliud est enim Fílius,
áliud quod tu dicis. Pho-
tínus dicit : Homo solum
est Christus, non est et
Deus. Qui sic credit, non
Pater eum traxit. Quem
traxit Pater? Illum qui
dicit : Tu es Christus
Fílius Dei vivi. Ramum
virídem osténdis ovi, et
trahis illam. Nuces púero
demonstrántur, et tráhi-
tur : et quod currit, tráhi-
tur, amándo tráhitur, sine
læsióné córporis tráhitur,
cordis vínculo tráhitur. Si
ergo ista, quæ inter delí-
cias et voluptátes terrénas
revelántur amántibus, tra-
hunt, quóniam verum est,
Trahit sua quemque vo-
lúptas; non trahit reve-
látus Christus a Patre?
Quid enim fórtius desí-
derat ánima, quam veri-
tátem? Te Deum.

Ad Bened. Ant. Ego sum
panis vivus, * dicit Dómi-
nus, qui de cælo descéndi,
allelúja, allelúja.

Oratio

MEntes nostras, quæ-
sumus, Dómine, Pa-
ráclitus, qui a te procédit,
illúminet : et indúcat in
omnem, sicut tuus pro-
mísit Fílius, veritátem :
Qui tecum vivit et regnat
in unitáte ejúsdem Spíri-
tus Sancti Deus.

Ad Magnif. Ant. Ego sum panis vivus, * qui de cælo descendi : si quis manducáverit ex hoc pane, vivet in ætérnum : et panis, quem ego dabo, caro mea est pro mundi vita, allelúja.

Feria V infra Octavam Pentecostes

Semiduplex 656

✠. Spiritus Dómini replévit orbem terrarum, allelúja. ✠. Et hoc quod contémnet ómnia, sciéntiam habet vocis, allelúja.

Absolutio Exáudi.

Bened. Evangélica léctio.

Léctio sancti Evangélíi
secúndum Lucam

Lectio i Cap. 9, 1-6

IN illo témpore : Convocatís Jesus duódecim Apóstolis, dedit illis virtútem et potestátem super ómnia dæmónia, et ut languóres curárent. Et réliqua.

Homilía sancti Ambrósii
Epíscopi

Liber 6 in cap. 9 Lucæ

Qualis débeat esse qui evangelizat regnum Dei, præcéptis evangélicis designáture : ut sine virga,

sine pera, sine calceaménto, sine pane, sine pecúnia, hoc est, subsidíi sæculáris adminícula non requírens, fidéque tutus, putet sibi quo minus ea requírat, magis posse suppetere. Quæ possunt, qui volunt, ad eum deriváre tractátum, ut spiritálem tantúmmodo locus iste formáre videátur afféctum : qui velut indumentum quoddam videátur córporis exuisse, non solum potestáte rejécta contemptísque divítiis, sed étiam carnis ipsius illécebris abdicátis. Quibus primo ómnium datur pacis atque constántiæ generále mandátum, ut pacem ferant, constántiam servant, hospitális necessitúdinis jura custódiant : aliénium a prædicatóre regni cæléstis ástruens cursitare per domos, et inviolábilis hospítii jura mutáre.

✠. Advénit ignis divínus, non combúrens sed illúminans, non consúmens sed lucens : et invénit corda discipulórum receptácula munda : * Et tríbuit eis charísmatum dona, allelúja, allelúja.

✠. Invénit eos concórdes caritáte, et collustrávit eos inúndans grátia Deitátis. — Et.

Bened. Divínium auxílium.

Lectio ii

SED, ut hospítii grátia deferénda censétur; ita étiam, si non recipiántur, excutiéndum púlverem, et egrediéndum de civitaté mandátur. Quo non mediocris boni remunerátio docétur hospítii : ut non solum pacem tribuámus hospítibus, verum étiam, si qua eos terrénæ obúmbrant delicta levitátis, receptis apostólicæ prædicationis vestígiis auferántur. Nec otiose secúndum Matthæum domus, quam ingrediántur Apóstoli, eligénda decérnitur : ut mutándi hospítii, necessitudínisque violándæ causa non súppetat. Non tamen eádem cáutio receptóri mandátur hospítii : ne, dum hospes eligitur, hospitálitas ipsa minuátur.

℟. Spiritus Sanctus replévit totam domum, ubi erant Apóstoli : et apparuerunt illis dispertítæ linguæ, tamquam ignis, sedítque supra singulos eórum : * Et repléti sunt omnes Spíritu Sancto, et cœpérunt loqui váriis linguis, prout Spíritus Sanctus dabat éloqui illis, allelúja, allelúja, allelúja.

℣. Dum ergo essent in unum discipuli congregáti propter metum Judæórum, sonus repénite de

cælo venit super eos. — Et. Glória Patri. Et.

Benedictio Ad societátem.

Lectio iii

SED hæc, ut secúndum litteram de hospítii religióne venerábilis est forma præcépti; ita étiam de mystério senténtia cælestis arridet. Etenim cum domus eligitur, dignus hospes inquiritur. Videámus igitur ne forte Ecclésia præferénda designétur, et Christus. Quæ enim dignior domus apostólicæ prædicationis ingressu, quam sancta Ecclésia? Aut quis præferendus magis ómnibus vidétur esse quam Christus, qui pedes suis laváre consuévít hospítibus, et quoscúmque sua receperit domo, pollútis non patiátur habitáre vestígiis; sed maculósos licet vitæ prióris, in reliquum tamen dignétur mundáre procéssus? Hic est igitur solus, quem nemo debet desérere, nemo mutáre. Cui bene dicitur : Dómine, ad quem íbimus? verba vitæ æternæ habes, et nos crédimus. Te Deum laudámus.

Ad Bened. Ant. Convocátis Jesus * duódecim discipulis suis, dedit illis virtútem et potestátem super ómnia dæmónia, et ut languóres curárent : et

misit illos prædicare regnum Dei, et sanare infirmos, allelúja.

Oratio

DEus, qui hodierna die corda fidélium Sancti Spíritus illustratióne docuisti : da nobis in eódem Spíritu recta sápere; et de ejus semper consolatíone gaudére. Per Dóminum... in unitáte ejúsdem Spíritus.

Ad Magnif. Ant. Spíritus, * qui a Patre procedit, allelúja : ille me clarificábit, allelúja, allelúja.

Feria VI Quatuor Temporum Pentecostes

Semiduplex 656

V. Spíritus Paráclitus, allelúja. **R.** Docébit vos ómnia, allelúja.

Absolutio Ipsíus píetas.

Bened. Evangélica léctio.

Léctio sancti Evangélii
secúndum Lucam

Lectio i Cap. 5, 17-26

IN illo témpore : Factum est in una diérum, et Jesus sedébat docens. Et erant pharisæi sedéntes, et legis doctóres, qui vénerant ex omni castélló Galilææ, et Judææ, et Jerúsalem : et virtus Dómini erat ad sanándum eos. Et réliqua.

Homília sancti Ambrósii
Epíscopi

**Liber 5 in cap. 5 Lucae,
post initium**

NON otíosa hujus paralytici, nec angústa medicína est, quando Dóminus et orásse præmittitur; non útique propter suffrágium, sed propter exémplum. Imitándi enim spécimen dedit, non precándi ámbitum requisívit. Et conveniéntibus ex omni Galilæa, et Judæa, et Jerúsalem legis doctóribus, inter ceterórum remédia debílium, paralytici istíus medicína describitur. Primum ómnium, quod ante díximus, unusquisque æger peténdæ precatóres salútis debet adhibére, per quos nostræ vitæ compágo resoluta, actuúmque nostrórum clauda vestígia, verbi cæléstis remédio reforméntur.

R. Non vos me elegístis, sed ego elégi vos, et pósui vos : * Ut eátis, et fructum afferátis, et fructus vester máneat, allelúja, allelúja. **V.** Sicut misit me Pater, et ego mitto vos. — Ut.

Bened. Divínium auxílium.

Lectio ii

SInt ígitur áliqui monitóres mentis qui ánimum hóminis, quamvis

exterióris córporis debilitáte torpéntem, ad superiorá érigant. Quorum rursus adminículis et attólere et humiliáre se fácilis ante Jesum locétur, Dóminico vidéri dignus aspéctu. Humilitátem enim respícit Dóminus : quia respéxit humilitátem ancillæ suæ. Quorum fidem ut vidit, dixit : Homo, remittúntur tibi peccáta tua. Magnus Dóminus, qui aliórum mérito ignóscit áliis; et dum álios probat, áliis reláxat erráta. Cur apud te, homo, colléga non váleat, cum apud Deum servus et interveniéndi méritum, et jus hábeat impetrándi?

R. Spíritus Dómini replévit orbem terrárum :
* Et hoc quod cóntinet ómnia, sciéntiam habet vocis, allelúja, allelúja.

V. Omnium est enim ártifex, omnem habens virtútem, ómnia prospiciens.
— Et. **G**lória Patri. Et.

Benedictio Ad societátem.

Lectio iii

Disce, qui júdicas, ignóscere; discce, qui æger es, impetráre. Si grávium peccatórum diffidis véniam, ádhibe precatóres, ádhibe Ecclesiám, quæ pro te precétur, cujus contemplatióne, quod tibi Dóminus negáre posset, ignó-

scat. Et quamvis históriæ fidem non debeámus omíttere, ut vere paralýtici istius corpus credámus esse sanátum; cognósce tamen interiόris hóminis sanitátem, cui peccáta donántur. Cum Judæi ásserunt peccáta a solo Deo posse concédi, Deum úti-que eum confiténtur; suóque júdicio perfídiam suam produnt, qui opus astruunt, ut persónam negent.

Te Deum laudámus.

Ad Bened. Ant. Dixit Jesus : * Ut sciátis autem quia Fílius hóminis habet potestátem in terra dimitténdi peccáta, ait paralýtico : Tibi dico, surge : tolle lectum tuum, et vade in domum tuam, allelúja.

Oratio

DA, quæsumus, Ecclesiæ tuæ, miséricors Deus : ut Sancto Spíritu congregáta, hostíli nullátenuis incursiόne turbétur. Per Dóminum nostrum... in unitáte ejúsdem Spíritus Sancti.

Ad Magnif. Ant. Paráclitus autem * Spíritus Sanctus, quem mittet Pater in nómine meo, ille vos docébit ómnia, et súggeret vobis ómnia, quæcúmque dixeró vobis, allelúja.

Sabbato Quatuor Temporum Pentecostes*Semiduplex 656**V.* Repléti sunt omnes Spíritu Sancto, allelúja.*R.* Et cœpérunt loqui, allelúja.*Absol.* A vînculis.*Bened.* Evangélica lécio.Lécio sancti Evangélii
secúndum Lucam*Lectio i* *Cap. 4, 38-44***I**N illo témpore : Surgens Jesus de synagóga, introívit in domum Simónis. Socrus autem Simónis tenebátur magnis fébris. Et réliqua.Homília sancti Ambrósii
Epíscopi*Liber 4, in cap. 4 Lucæ
circa finem***V**ide cleméntiam Dómini Salvatóris : nec indignatione commótus, nec scélere offénsus, nec injúria violátus Judæam deserit : quin étiam ímmemor injúriæ, memor cleméntiæ, nunc docéndo, nunc liberándo, nunc sanándo, infidæ plebis corda demúlcet. Et bene sanctus Lucas virum a spíritu nequitiae liberátum ante præmísit, et subdit femínæ sanitátem. Utrúmque enim sexum Dóminus curáturus advénerat : sed

prior sanári débuit, qui prior creátus est; nec prætermítti illa, quæ mobilitáte magis ánimi, quam pravitáte peccáverat.

R. Repléti sunt omnes Spíritu Sancto : et cœpérunt loqui, prout Spíritus Sanctus dabat éloqui illis;** Et convénit multitúdo dicéntium, allelúja. V.* Loquebántur váriis linguis Apóstoli magnália Dei. — Et convénit.*Bened.* Divínium auxílium.*Lectio ii***S**abbato medicínæ Dóminicæ ópera cœpta significat, ut inde nova creatúra cœperit, ubi vetus creatúra ante desívit : nec sub lege esse Dei Fílium, sed supra legem in ipso princípio designáret : nec solvi legem, sed impléri. Neque enim per legem, sed verbo factus est mundus, sicut légimus : Verbo Dómini cæli firmáti sunt. Non sólvitur ergo lex, sed implétur : ut fiat renovátio hóminis jam labéntis. Unde et Apóstolus ait : Exspoliántes vos vétterem hóminem, indúite novum, qui secúndum Deum creátus est.*R.* Jam non dicam vos servos, sed amícos meos : quia ómnia cognovístis, quæ operátus sum in médio vestri, allelúja : ** Ac-*

cípíte Spíritum Sanctum in vobis Paráclitum : ille est, quem Pater mittet vobis, allelúja. *V.* Vos amici mei estis, si fecéritis quæ ego præcípio vobis. — Accípíte. *Glória Patri.* Accípíte.

Benedictio Ad societátem.

Lectio iii

ET bene sábbato cœpit, ut ipsum se osténderet Creatórem, qui ópera opéribus intéxeret, et prosequerétur opus, quod ipse jam cœperat : ut si domum faber renováre dispónat, non a fundaméntis, sed a culmínibus incipit sólvere vetustátem. Itaque ibi prius manum ádmovet, ubi ante desíerat : deínde a minóribus incipit, ut ad majóra pervéniat. Liberáre a dæmone et hómines, sed in verbo Dei possunt : resurrectionem mórtuis imperáre, divínæ solíus est potestátis. Fortássis étiam in typo mulieris illíus socrus Simónis et Andréæ, váriis críminum fébribus caro nostra languébat, et diversárum cupiditátum immódicis

æstuábat illécebris. Nec minórem febrem amóris esse díxerim, quam calóris. Itaque illa ánimus, hæc corpus inflámmat. Febris enim nostra, avarítia est : febris nostra, libído est : febris nostra, luxúria est : febris nostra, ambítio est : febris nostra, iracúndia est.

Te Deum laudámus.

Ad Bened. Ant. Cáritas Dei * diffúsa est in córdibus nostris, per inhabitántem Spíritum ejus in nobis, allelúja.

Oratio

Mentibus nostris, quæsumus, Dómine, Spíritum Sanctum benígnus infúnde : cujus et sapiéntia cónditi sumus, et providéntia gubernámur. Per Dóminum... in unitáte ejúsdem Spíritus Sancti Deus.

Post Nonam terminatur Officium de Octava, et, celebrata Missa, explicít Tempus Paschale.

Vesperæ de sequenti Festo sanctissimæ Trinitatis, Commemoratio Dominicæ I post Pentecosten.



Proprium Sanctorum

In omnibus Festis novem Lectionum Domini, beatæ Mariæ Virginis, Angelorum, sancti Joannis Baptistæ, sancti Joseph, Apostolorum, Evangelistarum, necnon in omnibus Duplicibus I vel II classis, integrum Officium dicitur ut in Proprio vel Communi, et Lectiones I Nocturni cum suis Responsoriis, nisi propriæ vel specialiter assignatæ habeantur, sumuntur de Communi 1 loco.

In reliquis vero Festis novem Lectionum, nisi propria suis locis assignentur, Antiphonæ et Psalmi ad omnes Horas, et ad Matutinum Versus Nocturnorum, dicuntur de occurrenti hebdomadæ die, ad Laudes quidem et FERIA IV etiam in III Nocturno, 1 loco; Lectiones I Nocturni de Scriptura occurrenti, vel resumendæ aut anticipandæ juxta Rubricas, cum suis Responsoriis de Tempore; quæ si omnino desint, Lectiones et Responsoria de Communi 1 loco, nisi aliter propriis locis notetur; reliqua omnia item de Communi, nempe præter Orationem :

Ad utrasque Vesperas et Laudes Capitulum, Hymnus, Versus et Antiphona ad Magnificat vel Benedictus.

Ad Matutinum Invitatorium, Hymnus, Lectiones II et III Nocturni cum suis Responsoriis.

Ad Primam Lectio brevis, pro qua sumitur Capitulum Nonæ.

Ad Tertiam, Sextam et Nonam Capitulum et ℣. breve.

Per Octavas autem communes, similiter Antiphonæ et Psalmi dicuntur de occurrenti hebdomadæ die, reliqua, nisi aliter suis locis notetur, ut in Festo : sed Lectiones et Responsoria I Nocturni, nisi propria habeantur, sumuntur de Scriptura occurrenti, ut supra, et iis deficientibus, Lectiones in diebus infra Octavam dicuntur de Communi, in die Octava, et pro Festis Domini Commune non habentibus

etiam infra Octavam, ut in Festo; Responsoria vero, tam infra Octavam quam in die Octava, ut in Festo. Item Lectiones II et III Nocturni, si propriæ de Octava non habeantur, in diebus infra Octavam dicuntur de Communi, in die Octava, et pro Festis Domini ut supra, ut in Festo. Et de Festo etiam infra Octavam sumuntur Lectiones III Nocturni, si alia non habeatur Homilia in Evangelium Festi.

In Festis autem et diebus Octavis simplicibus omnia pariter dicuntur de occurrenti hebdomadæ die, et de Festo vel de Communi, ut supra; sed ad Matutinum, omissis Versibus I et II, novem Psalmi sub suis Antiphonis, vel Tempore Paschali sub unica Antiphona, dicuntur continuatim in unico Nocturno, et in eo sumuntur I et II Lectio de Scriptura occurrenti cum suis Responsoriis de Tempore, addito II Responsorio Glória Patri, ut notatur; Lectio vero III de Festo, ut in Proprio vel Communi.

FESTA FEBRUARII

Die 7 Februarii

S. Romualdi

Abbatis Duplex

In II Vesp. Ant. Hic vir, despiciens mundum et terræna, triumphans, divitias cælo condidit ore, manu.

✠. Justum deduxit.

Oratio

C 4

Intercessio nos, quæsumus Dómine, beati Romualdi Abbatis commendet: ut, quod nostris méritis non valémus, ejus patrocinio assequámur. Per Dóminum.

Die 8 Februarii

S. Joannis de Matha

Confessoris

Duplex, sed ad modum
Simplicis recolendum

In I Vesp. Ant. Similábo eum viro sapiénti, qui ædificávit domum suam supra petram.

✠. Amávit eum Dóminus.

Oratio

D Eus, qui per sanctum Joánnem órđinem sanctíssimæ Trinitátis ad rediméndum de potestáte Saracenórum captivos cælitus institúere dignátus es: præsta, quæsumus; ut, ejus suffragántibus méritis, a captivitáte corporis et animæ, te adjuvánte, liberémur. Per Dóminum.

Ad Laudes, Ant. Euge, serve bone et fidélis, quia in pauca fuísti fidélis, supra multa te constituam, intra in gáudium Dómini tui.

✠. Justum dedúxit.

Die 9 Februarii

S. Cyrilli

**Ep. Alexandrini, Conf.
et Eccl. Doct.**

Duplex (m. t. v.) [84]

Ant. O Doctor óptime, Ecclesiæ sanctæ lumen, beáte Cyrille, divínæ legis amátor, deprecáre pro nobis Fílium Dei.

✠. Amávit eum Dóminus.

Oratio

DEus, qui beátum Cyrillum Confessórem tuum atque Pontíficem divínæ maternitátis beatíssimæ Vírginis Mariæ assertórem invictum effecísti : concéde, ipso intercedente; ut, qui vere eam Genitricem Dei crédimus, matérna ejúsdem protectióne salvémur. (Per eúndem Dóminum.)

Et fit Commem. præced. :

Ant. Hic vir, despiciens mundum et terréna, triúmphans, divítias cælo cóndidit ore, manu.

✠. Justum dedúxit.

Oratio

DEus, qui per sanctum Joánnem órđinem sanctíssimæ Trinitátis ad rediméndum de potestáte Saracenórum captivos cælitus institúere dignátus es : præsta, quæsumus; ut, ejus suffragántibus méritis, a captivitáte corporis et ánimæ, te adjuvante, liberémur. Per Dóminum.

Deinde Commem. S. Apolloniæ Virg. et Mart. :

Ant. Veni, Sponsa Christi, áccipe coronam, quam tibi Dóminus præparávit in ætérnum.

✠. Spécie tua et.

Oratio

DEus, qui inter cétera poténtiæ tuæ miracula étiam in sexu frágili victóriam martýrii contulísti : concéde propítius; ut, qui beátæ Apollóniæ Vírginis et Mártiris tuæ natalítia cólimus, per ejus ad te exémpa gradiámur. Per Dóminum.

**In I Nocturno Lectiones
Sapiéntiam, de Communi
Doctorum. [104]**

In II Nocturno

Lectio iv



Cyrillus Alexandrinus, cujus præcónia non unius tantum vel altérius sunt com-

probáta testimónio, sed étiam œcumenicórum Conciliórum Ephesíni et Chalcodonénsis actis celebráta, claris ortus paréntibus, ac Theóphili epíscopi Alexandrini nepos, adhuc adolés-cens præcelléntis ingénii clara specímína dedit. Lít-teris ac sciéntiis egrégie imbútus, ad Joánnem epíscopum Hierosolymítá-num se cóntulit, ut in christiána fide perficerétur. Alexandríam deínde cum rediisset, Theóphilo vita functo, ad illíus sedem evéctus est : quo in múnere ita óptimi pastóris formam ab Apóstolo defínítam constánter præ se tulit, ut sanctíssimi præ-sulis glóriam mérito sit adéptus.

℟. Invéni David servum meum, óleo sancto meo unxi eum : * Manus enim mea auxiliábitur ei. ℣. Nihil proficiet inimícus in eo, et fílius iniquitátis non nocébit ei. — Manus.

Lectio v

SAlútis animárum zelo incénsus curas omnes inténdit, ut sibi commís-sum gregem in fidei et morum integritáte serváret, atque a venenátis infidélium et hæreticórum páscuis defénderet. Hinc tum Nováti ássecclas e civitáte expélli, tum Judæos

qui furóre acti in cædem Christianórum conspirá-verant, juxta leges puníri satégit. Singuláre vero Cyrilli pro cathólicæ fidei incolumitáte enítuit stú-dium contra Nestórium Constantinopolítanum epíscopum, asseréntem Jesium Christum ex María Vírgine hóminem tantum et non Deum natum, eíque divinitátem pro méritis esse collátam; cujus emen-datiónem cum frustra tentásset, eum sancto Cælestíno Pontífici máximo denunciávit.

℟. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. ℣. Invéni David servum meum, óleo sancto meo unxi eum. — Manus.

Lectio vi

CÆlestíni delegáta auctoritáte, Concílio Ephe-síno præfuit, in quo hæ-resis Nestoriána pénitus proscrip-ta est, damnátus Nestórius et a sua Sede dejéctus, ac dogma cathólicum de una in Christo, eáque divína persóna, et divína gloriósæ Vírginis Mariæ maternitáte assér-tum; plaudénte pópulo univérso, qui incredíbili gáudio géstiens, collu-céntibus fácibus domum dedúxit epíscopos. Sed

hac de causa Cyrillus calumniis, injuriis et persecutionibus plurimis a Nestorio ejusque fautoribus impetitus fuit; quas ipse patientissime tulit, ita ut, de sola fide sollicitus, quidquid adversus eum effutiebant ac moliebantur haeretici, pro nihilo haberet. Tandem pro Ecclesia Dei maximis perfunctus laboribus, plurimisque scriptis editis tum ad ethnicos et haeticos confutandos, tum ad sacras Scripturas et catholica explananda dogmata, sancto fine quievit anno quadringentesimo quadragésimo quarto, episcopatus trigésimo secundo. Leo decimus tertius Pontifex maximus Officium et Missam praeclarissimi hujus fidei catholicae propugnatoris et Orientalis ecclesiae luminis ad Ecclesiam universam extendit.

℟. Iste est, qui ante Deum magnas virtutes operatus est, et omnis terra doctrina ejus repleta est : * Ipse intercedat pro peccatis omnium populorum. ℣. Iste est, qui contempsit vitam mundi, et pervenit ad caelestia regna. — Ipse. Gloria Patri. Ipse.

In III Nocturno Homilia in Ev. Vos estis sal terrae, de Comm. Doct. 1 loco. [107]

In Festis novem Lectionum usque ad Sabbatum post Dominicam Passionis occurrentibus dicitur ix Lectio de Homilia Feriae currentis, et de ea fit Commemoratio ad Laudes et in Vesperis, ante Commemorationem Festi simplicis forte occurrentis.

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, dicit Dominus.

Oratio

Deus, qui beatum Cyrillum Confessorem tuum atque Pontificem divinae maternitatis beatissimae Virginis Mariae assertorem invictum effecisti : concede, ipso intercedente; ut, qui vere eam Genitricem Dei credimus, materna ejusdem protectione salvemur. Per eundem Dominum.

Post Commemorationem Feriae, Commem. S. Apolloniae Virg. et Mart.

Ant. Simile est regnum caelorum homini negotiatori quaerenti bonas margaritas : inventa una pretiosa, dedit omnia sua, et comparavit eam.

℣. Diffusa est gratia.

Oratio

Deus, qui inter cetera potentiae tuae miracula etiam in sexu fragili

victóriam martýrii contu-
lísti : concéde propítius;
ut, qui beátæ Apollóniæ
Vírginis et Mártýris tuæ
natalítia cólimus, per ejus
ad te exéempla gradiámur.
Per Dóminum.

Vesperæ a Capitulo de se-
quenti, Commemoratio præ-
cedentis et Feriæ.

Die 10 Februarii

S. Scholasticæ Virg.

Duplex [129]

℣. Spécie tua et.

Ad Magnif. Ant. Veni,
Sponsa Christi, * áccipe
corónam, quam tibi Dó-
minus præparávit in ætér-
num.

Oratio

DEus, qui ánimam beá-
tæ Vírginis tuæ Scho-
lásticæ ad ostendéndam
innocéntiæ viam in co-
lúmbæ spécie cælum pe-
netráre fecísti : da nobis
ejus méritis et précibus ita
innocénter vívere; ut ad
æténa mereámur gáudia
perveníre. Per Dóminum.

Et fit Commemoratio præ-
cedentis :

Ant. O Doctor óptime,
Ecclésiæ sanctæ lumen,
beáte Cyrílle, divínæ legis
amátor, deprecáre pro no-
bis Fílium Dei.

℣. Justum dedúxit.

Oratio Deus qui beátum,
ut supra. 686

Deinde Commem. Feriæ.

In II Nocturno

Ex libro Dialogórum
sancti Gregórii Papæ

Lectio iv Lib. 2, cap. 33



Cholástica, venerá-
bilis patris Bene-
dícti soror, omni-
poténti Dómino ab ipso
infántiæ témpore dedi-
cáta, ad eum semel per
annum veníre consuève-
rat; ad quam vir Dei non
longe extra jánuam in pos-
sessióne monastérii de-
scendébat. Quadam vero
die venit ex more, atque
ad eam cum discípulis
venerábilis ejus descendit
frater; qui totum diem in
Dei láudibus sacrisque
collóquiis ducéntes, in-
cumbéntibus jam noctis
ténebris, simul accepérunt
cibum. Cumque adhuc ad
mensam sedérent, et inter
sacra collóquia tárdior se
hora protráheret, éadem
sanctimoniális fémina so-
ror ejus eum rogávit, di-
cens : Quæso te, ut ista
nocte me non déseras, ut
usque mane de cælestis
vitæ gáudiis loquámur.
Cui ille respóndit : Quid
est quod lóqueris, soror?
manére extra cellam nul-
látenus possum. Tanta
vero erat cæli serénitas,

ut nulla in aëre nubes appareret. Sanctimoniâlis autem femina, cum verba fratris negantis audivisset, insertas digitis manus super mensam posuit, et caput in manibus omnipotentem Dominum rogatura declinavit. Cumque levaret de mensa caput, tanta coruscationis et tonitruï virtus, tantaque inundatio pluviae erupit, ut neque venerabilis Benedictus, neque fratres qui cum eo aderant, extra loci limen, quo consederant, pedem movere potuerint.

✠. Propter veritatem, et mansuetudinem, et justitiam : * Et deducet te mirabiliter dextera tua. ✠. Specie tua et pulchritudine tua intende, prospere procede, et regna. — Et deducet.

Lectio v

Sanctimoniâlis quippe femina caput in manibus declinans, lacrimarum fluvium in mensam fuderat, per quas serenitatem aëris ad pluviam traxit. Nec paulo tardius post orationem inundatio illa secuta est; sed tanta fuit convenientia orationis et inundationis, ut de mensa caput jam cum tonitruo levaret; quatenus unum idemque esset momentum, et levare caput,

et pluviam depondere. Tunc vir Dei inter coruscans et tonitruos atque ingentis pluviae inundationem, videns se ad monasterium non posse remeare, coepit conqueri contristatus, dicens : Parcat tibi omnipotens Deus, soror : quid est quod fecisti? Cui illa respondit : Ecce rogavi te, et audire me noluisti; rogavi Deum meum, et audivit me : modo ergo, si potes, egrédere, et, me dimissa, ad monasterium recede. Ipse autem exire extra tectum non valens, qui remanere sponte noluit in loco, mansit invitatus. Sicque factum est, ut totam noctem pervigilem ducerent, atque per sacra spiritalis vitae colloquia, sese vicaria relatione satiarent.

✠. Dilexisti justitiam, et odisti iniquitatem : * Propterea unxit te Deus, Deus tuus, oleo lætitiæ. ✠. Propter veritatem, et mansuetudinem, et justitiam. — Propterea.

Lectio vi Ibid. cap. 34

Cumque die altero eadem venerabilis femina ad cellam propriam recessisset, vir Dei ad monasterium rediit. Cum ecce post triduum, in cella consistens, elevatis in aëra oculis vidit ejusdem

soróris suæ ánimam de corpore egréssam in colúmbæ spécie cæli secréta penetráre. Qui, tantæ ejus glóriæ congáudens, omnipoténti Deo in hymnis et láudibus grátias réddidit, ejúsque óbitum frátribus denuntiávit. Quos étiam prótinus misit, ut ejus corpus ad monastérium deférrent, atque in sepúlcro, quod sibi ipsi paráverat, pónerent. Quo facto cóntigit, ut, quorum mens una semper in Deo fúerat, eórum quoque córpora nec sepultúra separáret.

✠. Afferéntur Regi vírgines post eam, próximæ ejus * Afferéntur tibi in lætítia et exsultatióne.

✠. Spécie tua et pulchritúdine tua inténde, prospere procéde, et regna. — Afferéntur tibi. Glória Patri. Afferéntur tibi.

In III Nocturno Homilia in Ev. Símile erit regnum cælórum, de Communi Virginum I loco. [141]

IX Lectio de Homilia Feriæ.

AD LAUDES

✠. Diffúsa est grátia.

Ad Bened. Ant. Símile est regnum cælórum * hómini negotiátóri quærénti bonas margarítas : invénta una pretiósa, dedit ómnia sua, et comparávit eam.

Oratio

DEus, qui ánimam beátæ Vírginis tuæ Scholásticæ, ad ostendéndam innocentíæ viam, in colúmbæ spécie cælum penetráre fecísti : da nobis, ejus méritis et précibus, ita innocentér vívere; ut ad æténa mereámur gáudia perveníre. Per Dóminum.

Et fit Commem. Feriæ.

Vesperæ de sequenti, Commemoratio præcedentis et Feriæ.

Die 11 Februarii

In Apparitione B. Mariæ Virg. immaculatæ

Duplex majus

Omnia de Communi Festorum B. M. V. [195], præter ea quæ hic habentur propria.

IN I VESPERIS

Añæ et Capit. de Laudibus. Psalmi et Hymnus Ave maris stella, de Communi.

Si hoc Festum careat II Vesperis, tunc sumitur Hymnus proprius Omnis expétem, iisdem II Vesperis assignatus. 698

✠. Dignáre me laudáre te, Virgo sacráta. ✠. Da mihi virtútem contra hostes tuos.

Ad Magnif. Ant. Ista est * colúmba mea, perfécta mea, immaculáta mea.

Oratio

DEus, qui per immaculatam Virginis Conceptionem dignum Filio tuo habitaculum præparasti : supplices a te quæsumus; ut ejusdem Virginis Apparitionem celebrantes, salutem mentis et corporis consequamur. Per eundem Dominum.

Et fit Commem. præced. :

Ant. Veni, Sponsa Christi, accipe coronam, quam tibi Dominus præparavit in ætérnum.

℣. Diffusa est grátia.

Oratio

DEus, qui animam beatæ Virginis tuæ Scholasticæ ad ostendendam innocentiae viam in columbæ specie cælum penetrare fecisti : da nobis ejus méritis et précibus ita innocentér vivere; ut ad æterna mereámur gaudia pervenire. (Per Dominum.)

Deinde Commem. Feriæ.

AD MATUTINUM

Invitat. Immaculatam Conceptionem Virginis Mariæ celebrémus, * Christum ejus Filium adorémus Dominum. *Ps.* 94 Veníte, exsultémus. 3

Hymnus

TE dicimus præcónio,
Intácta Mater Númí-
nis,

Nostris benigna láudibus
Tuam repénde grátiam.

Sontes Adámi pósteri,
Infécta proles gígnimur;
Labis patérnæ néschia
Tu sola, Virgo, créderis.

Caput draconis ínvidi
Tu cónteris vestígio,
Et sola glóriam refers
Intaminátæ orígini.

O gentis humánæ decus,
Quæ tollis Hevæ oppró-
brium,

Tu nos tuére supplices,
Tu nos labántes érige.

Serpéntis antíqui potens
Astus retúnde et impe-
tus,

Ut cælitum perénnibus
Per te fruámur gáudiis.

Jesu, tibi sit glória,
Qui natus es de Virgine
Cum Patre, et almo Spí-
ritu,

In sempitérna sæcula.

Amen.

In I Nocturno

Ant. Ave, grátia plena; *
Dóminus tecum.

Ant. Benedícta tu inter
mulieres * et benedíctus
fructus ventris tui.

Ant. Ne tímeas, María, *
invenísti grátiam apud
Dóminum.

℣. Deus omnípotens præ-
cínxit me virtúte. *℞.* Et
pósuit immaculatam viam
meam.

De Parábolis Salomónis

Cap. 8, 12-25 et 34-36; 9, 1-5

Lectio i



GO sapiéntia hábito in consílio et eruditíis intérsu cogitátionibus. Timor Dómini odit malum : arrogántiam, et supérbiam, et viam pravam, et os bilíngue detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérnunt; per me príncipes imperant, et poténtes decérnunt justítiam. Ego diligéntes me díligo; et qui mane vígilant ad me, invénient me.

℟. Sapiéntia quæ attíngit a fine usque ad finem fórtiter, et dispónit ómnia suáriter, ædificávit sibi domum : * Ecce tabernáculum Dei cum homínibus. ℣. Vidi sanctam civitátem, Jerúsalem novam, parátam sicut sponsam ornátam viro suo. — Ecce.

Lectio ii

Mecum sunt divítiae et glória, opes supérbae et justítia. Mélior est enim fructus meus auro et lápide pretióso, et genímína mea argénto elécto. In viis justítiae ámbulo, in médio semitárum judícii, ut ditem diligéntes me et

thesáuros eórum répleam. Dóminus possédit me in initío viárum suárum, ántequam quidquam fáceret a princípío. Ab ætérno ordináta sum et ex antiqúis, ántequam terra fieret. Nondum erant abyssi, et ego jam concépta eram; necdum fontes aquárum erúperant, necdum montes gravi mole constiterant; ante colles ego parturiébar.

℟. Quasi arcus refúlgens inter nébulas, et quasi flos rosárum in diébus vernis, et quasi lília in tránsitu aquæ, * Sic fulget Virgo immaculáta. ℣. Arcum meum ponam in núbibus, et erit signum fœderis mei vobíscum. — Sic.

Lectio iii

Beátus homo qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino; qui autem in me peccáverit, lædet ánimam suam. Omnes, qui me odérunt, díligunt mortem. Sapiéntia ædificávit sibi domum, excídit colúmnas septem. Immolávit víctimas suas, miscuit vinum et propósuit mensam suam. Misit ancíllas suas ut vocárent ad arcem et ad móenia

civitátis : Si quis est párvulus, véniat ad me. Et insipiéntibus locúta est : Veníte, comédite panem meum, et bíbite vinum quod míscui vobis.

R. Surge, amíca mea, speciósá mea, et veni, colúmba mea : * Osténde mihi fáciem tuam, sonet vox tua in áuribus meis.

V. Vox túrturis audíta est in terra nostra. — Osténde. **G**lória Patri. Osténde.

In II Nocturno

Ant. Fecit mihi magna * qui potens est, et sanctum nomen ejus.

Ant. Sanctificávit * tabernáculum suum Altíssimus : Deus in médio ejus, non commovébitur.

Ant. Dóminus possédit te * in inítio viárum suárum, et in caritáte perpétua diléxit te.

V. Adjuvábít eam Deus vultu suo. **R.** Deus in médio ejus, non commovébitur.

Lectio iv

Enno quarto a dogmática definitióne de immaculáto beátæ Virgínis Concéptu, ad Gavi flúminis oram prope óppidum Lourdes diocésis Tarbiénsis in Gállia, ipsa Virgo in rupis sinu super specum Massabiélle

puéllæ cuídám, vernácula lingua Bernadétte nuncupátæ, paupérrimæ quidem sed ingénuæ ac piæ, plúries se conspiciéndam óbtulit. Immaculáta Virgo juveníli ac benígno videbátur aspéctu, nívea veste niveóque pállio contécta, ac zona cærúlea succíncta; nudos pedes áurea rosa ornábat. Primo apparitiónis die, qui fuit undécimus Februárii anno millésimo octingentésimo quinquagésimo octávo, puéllam signum crucis rite piéque faciéndum edócuit, atque ad sacri rosárii recitatió-nem, exémplo suo, corónam, quæ prius ex bráchio demíssa pendébat, manu advólvens, excitávit : quod in céteris étiam apparitió-nibus præstitit. Altero autem apparitiónis die, puélla in simplicitáte cordis sui, diabólicam fraudem timens, lustrálem aquam in Virgí-nem effúdit; sed beáta Virgo, leníter arrídens, benigniorem illi vultum osténdit. Cum vero tértio apparuísset, puéllam ad specum per quíndecim dies invitávit. Exínde eam sáepius est alloquíta, ac pro peccatóribus oráre, terram de-oscúlari, pœnitentiámque ágere est hortáta; deínde imperávit, ut sacerdotíbus ediceret, ædificándum ibi

esse sacellum, solemnisque supplicationis more illo accedendum. Mandavit insuper ut e fonte, qui sub arēna adhuc latēbat, sed mox erat erupturus, aquam biberet, eaque se abstēgeret. Dénique die festo Annuntiatiōnis, percontānti enīxe puellæ illius nomen, cujus aspēctu tōties dignāta fūerat, Virgo, admōtis pēctori mánibus elatísque in cælum oculis, respōdit : Immaculāta Concēptio ego sum.

❧. Quæ est ista, quæ progrēditur quasi auróra consurgens, * Pulchra ut luna, elēcta ut sol? ❧. Ipsa est colūmba mea, perfēcta mea, immaculāta mea. — Pulchra.

Lectio v

PErcrebescēte fama beneficiōrum, quæ in sacro specu recepisse fidèles dicebāntur, augebātur in dies hōminum concursus, quos loci religio ad specum advocābat. Itaque prodigiōrum fama puellæque candōre motus Tarbiēnsis episcopus, quarto ab enarrātis anno, post juridicam factorum inquisitionem, supernaturāles esse apparitiōnis notas sua sentēntia probāvit, cultūque Virginis immaculatæ in eōdem specu permisit. Mox ædificātum sacellum : ex illa die pene

innúmeræ fideliū turbæ, voti ac supplicationis causa, ex Gállia, Bēlgio, Itālia, Hispānia ceterisque Eurōpæ provinciis necnon ex longínquis Américæ regionibus quovis anno illuc advēniunt, noménque Immaculatæ de Lourdes ubique terrarum inclarēscit. Fontis aqua, in cunctas orbis partes delāta, ægris sanitātem restituit. Orbis vero catholicus, tantōrum memorbenefactorum, ædes sacras mirābili opere ibi extruxit. Vexilla innúmera, acceptōrum beneficiōrum véluti monumēta, illuc a civitatibus ac gentibus missa, ædem Virginis miro ornātu décorant. In hac sua véluti sede immaculāta Virgo júgiter cōlitur : intērdiu quidem précibus, religiōso cantu solemnibúsque aliis cæremóniis; noctu vero sacris illis supplicationibus, quibus infinitæ propemodum peregrināntium turbæ cæreis facibúsque accēnsis procedunt et laudes beātæ Virginis cōncinunt.

❧. Erit in novíssimis diēbus mons præparātus Virgini Mariæ in vértice mōntium, et elevābitur super cælos, et ibunt populi multi et dicent : * Venite et ascendāmus ad montem. ❧. Sicut lætāntium ómnium habitatio est

in te. — Veníte et ascen-
dámus ad montem.

Lectio vi

Peregrinatiónes hujús-
modi fidem, frigescén-
te sæculo, excitásse, áni-
mum ad christíanam le-
gem profiténdam addi-
disse, cultúmque Virgínis
immaculátæ mirum in mo-
dum auxísse, ómnibus
compértum est. In qua
mirábili fidei professióne
christíanus pópulus sacer-
dótes véluti duces habet,
qui illuc suas plebes addú-
cunt. Ipsi étiam Sacrórum
antístites sanctum locum
frequénter ádeunt, per-
egrinatiónebus præsunt,
solemnioribúsque festis
intérsunt. Nec ádeo rarum
est ipsos Románæ Ecclé-
siæ purpurátos patres hú-
mili peregrinórum more
accedéntes conspícere. Ipsi
quoque Románi Pontí-
fices, pro sua erga Imma-
culátam de Lourdes pie-
táte, sacram ædem donis
nobilíssimis cumuláru[n]t.
Pius nonus, sacris indul-
géntiis, archiconfraterni-
tátis privilégio ac minóris
Basilicæ título ipsam insi-
gnívit : ac Deíparæ imá-
ginem ibídem cultam, so-
lémni ritu per legátum
suum apostólicum in Gál-
lia, diadémate distíctam
vóluit. Leo vero décimus
tértius innúmera étiam

cóntulit benefícia, indul-
géntias ad modum jubilæi
vigésimo quinto Appari-
tiónis anno vertén-te con-
céssit, peregrinatiónes sua
auctoritáte verbóque pro-
véxit, ac solémnem ecclé-
siæ sub título Rosárii de-
dicatióne[m] suo nómine
péragi curávit. Quorum
beneficiórum amplítudi-
nem cumulávit, cum, plú-
rium episcopórum rogátu,
solémne festum sub título
Apparitióis beátæ Mariæ
Virgínis immaculátæ, pró-
prio Offício et própria
Missa celebrándum bení-
gne concéssit. Tandem
Pius décimus Póntifex
máximus pro sua erga
Deíparam pietáte, ac pluri-
mórum votis ánnuens Sa-
crórum antístitem, idem
festum ad Ecclésiám uni-
vérsam exténdit.

✠. Prævenísti eam, Dó-
mine, in benedictiόνibus
dulcédinis, posuísti in cá-
pite ejus * Corónam de lá-
pide pretiósó. ✠. Magna
est glória ejus in salutári
tuo, glóriam et magnum
decórem impónes super
eam. — Corónam. Glória
Patri. Corónam.

In III Nocturno

Ant. Manus Dómini *
confortávit te, et ideo eris
benedícta in ætérnum.

Ant. Noli metúere, * non
enim pro te, sed pro ómni-

bus hæc lex constitúta est.

Ant. Benedíxit te Dóminus * in virtúte sua, quia per te ad níhilum redégit inimícos nostros.

℣. Diffúsa est grátia in lábiis tuis. ℟. Proptérea benedíxit te Deus in ætérnum.

Léctio sancti Evangélíi
secúndum Lucam

Lectio vii Cap. 1, 26-31

IN illo témpore : Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et réliqua.

Homilía sancti Bernárdi
Abbátis

Homilia 2 super Missus est

Etáre, pater Adam, sed magis tu, o Heva mater, exsúlta, qui, sicut ómnium paréntes, ita ómnium fuístis peremptóres; et, quod infelícus est, prius peremptóres quam paréntes. Ambo, inquam, consolámini super filia, et tali filia; sed illa ámplius de qua malum ortum est prius, cujus oppróbrium in omnes pertransívit mulieres. Instat namque tempus, quo jam tollátur oppróbrium, nec hábeat vir

quid causétur advérsus féminam : qui útique, dum se imprudénter excusáre conarétur, crudéliter illam accusáre non cunctátus est, dicens : Múlier quam dedísti mihi, dedit mihi de ligno, et comédi. Proptérea curre, Heva, ad Mariám; curre, mater, ad filiam; filia pro matre respóndeat : ipsa matris oppróbrium áuferat; ipsa patri pro matre satisfáciat : quia ecce si vir cecidit per féminam, jam non erígitur nisi per féminam.

℟. Tu ergo ínvoca Dóminum, lóquere Regi pro nobis, * Et líbera nos de morte. ℣. Omnes sitiéntes, veníte ad aquas, et hauriétis salútem a Dómino. — Et.

Bened. Cujus festum cólimus, ipsa Virgo vírginum.

Lectio viii

Quid dicébas, o Adam? Múlier quam dedísti mihi, dedit mihi de ligno, et comédi. Verba malítiæ sunt hæc, quibus magis áugeas quam déleas culpam. Verúmtamen Sapientiá vicit malítiam, cum occasiònem véniæ, quam a te Deus interrogándo elícere tentávit, sed non pótuit, in thesauro indeficiéntis suæ pietátis invénit. Rédditur nempe

fémína pro fémína, prudens pro fátua, húmilis pro supérba; quæ pro ligno mortis gustum tibi pórrigat vitæ, et pro venenóso cibo illo amaritúdinis, dulcédinem páriat fructus ætérni. Muta ergo iníquæ excusatiónis verbum in vocem gratiárum actiúnis, et dic : Dómine, múlíer, quam dedísti mihi, dedit mihi de ligno vitæ, et comédi; et dulce factum est super mel ori meo, quia in ipso vivificásti me. Ecce enim ad hoc missus est Angelus ad Vírginem. O admirándam et omni honóre digníssimam Vírginem! O fémínam singuláriter venerándam, super omnes fémínas admirábillem, paréntum reparatricem, posterórum vivificatricem!

✠. Plantávit Dóminus Deus paradísus voluptátis, produxítque lignum vitæ in médio ejus : * Et flúvius egrediebátur de loco voluptátis. ✠. Emis-siões tuæ paradísus, Virgo María. — Et. Gló-ria Patri. Et.

IX Lectio de Homilia Feriæ.

AD LAUDES

et per Horas, Añæ

1 Candor est * lucis ætér-næ, et spéculum sine mácula.

2 Múlíer * amícta sole, et luna sub pédibus ejus, et in cápíte ejus coróna stel-lárum duódecim.

3 Tu glória Jerúsalem, * tu lætítia Israël, tu hono-rificéntia pópuli nostri.

4 Benedícta es tu, * Virgo María, a Dómino Deo excélso, præ ómnibus muliéríbus super terram.

5 Hódie nomen tuum * ita magnificávit Dóminus, ut non recédát laus tua de ore hómínium.

Capit. Cant. 2, 13-14

Surge, amíca mea, spe-ciósa mea, et veni, colúmba mea, in foramínibus petræ, in cavérna macériæ, osténde mihi fáciem tuam, sonet vox tua in áuribus meis.

Hymnus

Auróra soli prævia,
Felix salútis núntia,
In noctis umbra plebs tua
Te, Virgo, supplex ínvocat.

Torrens nefástis flúctibus
Cunctos trahens vorágine,
Leni resídit æquore,
Cum transit Arca fœderis.

Dum torret aréscens hu-mus,

Tu rore sola spárgeris;
Tellúre circum rórída,
Intácta sola pérmanes.

Fatále virus évomens
Attóllit anguis vérticem;

At tu draconis túrgidum
Invicta cónteris caput.

Mater benígna, réspice
Fletus precésque súpli-
cum,

Et dimicántes, tártari
Victrix, tuére ab hóstibus.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sácula.

Amen.

V. Diffúsa est grátia in
lábiis tuis. **R.** Propterea
benedíxit te Deus in ætér-
num.

Ad Bened. Ant. Præ-
clára salútis auróra, * ex
te, Virgo María, exívit sol
justítiæ, qui visitávit nos
óriens ex alto.

Oratio

Deus, qui per immacu-
látam Vírginis Con-
ceptionem dignum Filio
tuo habitáculum præpa-
rásti : súpplices a te quæ-
sumus; ut ejúsdem Vír-
ginis Apparitióem cele-
brántes, salútem mentis
et córporis consequámur.
Per eúmdem Dóminum.

Et fit Commemoratio Feriæ.

AD PRIMAM

Ant. Candor est, **ut su-
pra. 696**

AD TERTIAM

Ant. Múlier, **ut supra. 696**

Capitulum Surge, **ut su-
pra. 696**

R. br. Quæ est ista, quæ
ascéndit de desérto, * De-
liciis áffluens? Quæ. **V.** In-
níxa super diléctum suum.
Deliciis áffluens. **Glória**
Patri. Quæ. **V.** Vidérunt
eam filíæ Sion. **R.** Et bea-
tíssimam prædicavérunt.

AD SEXTAM

Ant. Tu glória Jerúsa-
lem, **ut supra. 696**

Capit. **Prov. 8, 18-19**

Mecum sunt divítiae et
glória, opes supérbæ
et justítia : mélior est
enim fructus meus auro et
lápide pretiósio.

R. br. Ego Mater * Pul-
chræ dilectiónis. Ego Ma-
ter. **V.** Et timóris et agni-
tiónis et sanctæ spei. Pul-
chræ dilectiónis. **Glória**
Patri. Ego Mater. **V.** In
me omnis grátia viæ et
veritátis. **R.** In me omnis
spes vitæ et virtútis.

AD NONAM

Ant. Hódie nomen tuum,
ut supra. 696

Capit. **Eccli. 24, 25-26**

IN me grátia omnis viæ
et veritátis, in me om-
nis spes vitæ et virtútis.
Transíte ad me, omnes
qui concupíscitis me, et
a generatióibus meis im-
plémini.

R. br. Qui me invénerit
* Invéniet vitam. Qui.

℣. Et háuriet salútem a
Dómino. Invéniet vitam.
Glória Patri. Qui me invé-
nerit. ℣. Transíte ad me,
omnes qui concupíscitis
me. ℟. Et a generatióni-
bus meis implémini.

Oratio

Deus, qui per immacu-
látam Vírginis Conce-
ptiódinem dignum Fílio tuo
habitáculum præparásti :
súpplices a te quæsumus;
ut ejúsdem Vírginis Ap-
paritiódinem celebrántes,
salútem mentis et córporis
consequámur. Per eúm-
dem Dóminum.

IN II VESPERIS

Antiphonæ et Capitulum de
Laudibus. 696

Hymnus

OMnis expértem máculæ
Mariam
Edocet summus fidei ma-
gíster;
Vírginis gaudens célebrat
fidélis
Terra triúmphum.

Ipsa se præbens húmili
puéllæ
Virgo spectándam, ré-
creat pavéntem,
Seque concéptam sine
labe, sancto
Prædicat ore.

O specus felix, decoráte
divæ
Matris aspéctu! venerán-
da rupes,

Unde vitálesscatuére pleno
Gúrgite lymphæ!

Huc catervátim pia turba
nostris,
Huc ab extérnis peregrína
terris
Affluit supplex, et opem
poténtis
Vírginis orat.

Excipit Mater lácrimas
precántum,
Donat optátam míseris sa-
lútem;
Compos hinc voti pátrias
ad oras
Turba revértit.

Súpplicum, Virgo, mise-
ráta casus,
Semper o nostros réfove
labóres,
Impetrans mæstis bona
sempitérnæ
Gáudia vitæ.

Sit decus Patri, genitæque
Proli,
Et tibi, compar utriúsque
virtus
Spíritus semper, Deus
unus, omni
Témporis ævo.

Amen.

℣. Dignáre me laudáre
te, Virgo sacráta. ℟. Da
mihi virtútem contra ho-
stes tuos.

Ad Magnif. Ant. Hódie
gloriósa cæli Regína * in
terris appáruit : hódie pó-
pulo suo verba salútis et
pígnora pacis áttulit : hó-
die Angelórum et fidé-

lium chori immaculatam
Conceptionem celebrán-
tes gáudio exsúltant.

Et fit Commemoratio se-
quentis et Feriæ.

Die 12 Februarii

Ss. septem Fundato-
rum Ordinis Servo-
rum B. M. V.

Confessorum
Duplex [111]

IN I VESPERIS

Quando I Vesperæ dicendæ
sint integræ vel saltem a Ca-
pitulo, Capitulum Caríssimi,
de Laudibus 702; Hymnus
Matris sub almæ e II Vesper-
is 704; Versus et reliqua ut
infra.

Ant. Non recédât * laus
tua, Virgo María, de ore
hóminum, qui mémores
fúerint virtútis Dómini in
ætérum, pro quibus non
pepercísti ánimæ tuæ.

V. Hi viri misericórdiæ
sunt, quorum pietátes non
defuérent. **R.** Semen eó-
rum et glória eórum non
derelinquétur.

Oratio

Domine Jesu Christe,
qui ad recoléndam
memóriam dolórum san-
ctíssimæ Genitrícis tuæ,
per septem beátos Patres
nova Servórum ejus fa-
mília Ecclésiám tuam fe-

cundásti : concéde pro-
pítius; ita nos eórum
consociári flétibus, ut per-
fruámur et gáudiis. (Qui
vivis et regnas.)

Et fit Commemoratio Feriæ.

AD MATUTINUM

Invit. Regem Confessó-
rum Dóminum, * Veníte,
adorémus. **Ps. 94** Veníte,
exsultémus. 3

Hymnus

Bella dum late fúrerent,
et urbes
Cæde fratérna gémerent
cruéntæ,
Adfuit Virgo, nova sem-
per edens
Múnera Matris.

En vocat septem fámulos,
fidéles
Ut sibi in luctu récolant
dolóres,
Quos tulit Jesus, tulit ipsa
consors
Sub cruce Nati.

Illico parent Dóminæ vo-
cánti :
Spléndidis tectis opibús-
que spretis,
Urbe secédunt procul in
Senári
Abdita montis.

Córpore hic pœnis crú-
ciant acérbis,
Sóntium labes hóminum
piántes;
Hic prece avértunt lacri-
mísque fuis
Núminis iram.

Pérdolens Mater fovet,
 atque amíctum
 Ipsa lugúbrem monet in-
 duéndum :
 Agminis sancti pia coepta
 surgunt,
 Mira patéscunt.

Palmes in bruma víridans
 honóres
 Núntiat patrum : próprios
 Mariæ
 Ore lacténti vócitant puélli
 Nómine Servos.

Sit decus Patri, genitæque
 Proli,
 Et tibi, compar utriúsque
 virtus
 Spíritus semper, Deus
 unus, omni
 Témporis ævo.
 Amen.

In I Nocturno Lectiones
 Laudémus viros, ut in **Com-**
muni Conf. Pont. 2 loco, cum
Responsoriis de Communi
Conf. non Pont. ibi nota-
tis. [100]

In II Nocturno

Lectio iv

Sæculo tértio décimo
 cum Frideríci se-
 cúndi diro schísma-
 te cruentisque factiónibus
 cultiôres Itáliæ pópuli
 scinderéntur, próvidens
 Dei misericórdia, præter
 álios sanctitáte illústres,
 septem e Florentína nobi-
 litáte viros suscitávit, qui
 in caritáte conjúcti, præ-
 clárum fratérnæ dilectiô-

nis præbérent exéplum.
 Hi, nimírum Bonfílius Mo-
 náldius, Bonajúcta Ma-
 néttus, Manéttus Antel-
 lénsis, Amidéus de Ami-
 déis, Ugúccio Ugucció-
 num, Sostenéus de Soste-
 néis et Aléxius Falconé-
 rius, cum, anno trigésimo
 tértio ejus sæculi, die sa-
 cra Vírgini cælo recéptæ,
 in quodam piórum hómi-
 num convéntu, Laudán-
 tium nuncupáto, fervén-
 tius orárent; ab eádem
 Deípara singulis appa-
 rénte sunt admóniti, ut
 sánctius perfectiúsque vi-
 tæ genus amplecteréntur.
 Re itaque prius cum Flo-
 rentíno præsule colláta,
 hi septem viri, géneris
 nobilitáte divitiisque post-
 hábitis, sub vilíssimis de-
 tritisque véstibus cilício
 indúti, octáva die Septém-
 bris in rurálem quamdam
 ædiculam secessére, ut ea
 die primórdia vitæ san-
 ctióris auspicaréntur, qua
 ipsa Dei Génitrix mortá-
 libus orta sanctíssimam
 vitam incéperat.

℟. Honéstum fecit illum
 Dóminus, et custodívit
 eum ab inimícis, et a sedu-
 ctóribus tutávit illum :
 * Et dedit illi claritátem
 ætérnam. **℣.** Justum de-
 dúxit Dóminus per vias
 rectas, et osténdit illi re-
 gnum Dei. — Et dedit
 illi.

Lectio v

HOC vitæ institutum quam sibi foret acceptum Deus miraculo ostendit. Nam cum paulo deinceps hi septem viri per Florentinam urbem ostiatis eleemosynam emendicarent, accidit, ut repente infantium voce, quos inter fuit sanctus Philippus Beniti, quintum ætatis mensem vix ingressus, beatæ Mariæ Servi acclamareretur: quo deinde nomine semper appellati sunt. Quare, vitandi populi occursus ac solitudinis amore ducti, in Senarii montis recessu omnes convenere, ibique cælesti quoddam vitæ genus aggressi sunt. Victitabant enim in speluncis, sola aqua herbisque contenti; vigiliis aliisque asperitatibus corpus atterebant, Christi passionem ac maestissimæ ejusdem Genitricis dolores assidue meditantes. Quod cum olim sacra Parascæves die impensius exsequerentur, ipsa beata Virgo illis iterato apparens, lugubrem vestem, quam induerent, ostendit; sibique acceptissimum fore significavit, ut novum in Ecclesia regularem ordinem excitarent, qui jugem recoleret ac promoveret memoriam dolorum, quos ipsa pertulit

sub cruce Domini. Hæc sanctus Petrus, inclytus ordinis Prædicatorum Martyr, ex familiarium cum sanctis illis viris consuetudine ac peculiari etiam Deiparæ visione cum didicisset; iis auctor fuit, ut ordinem regularem sub appellatione Servorum beatæ Virginis instituerent; qui postea ab Innocentio quarto Pontifice maximo approbatus fuit.

✠. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum. ✠. Induit eum Dominus lorica fidei, et ornavit eum. — Et ad portas.

Lectio vi

Porro sancti illi viri, cum plures sibi socios adjunxissent, Italiæ civitates atque oppida, præsertim Etruriæ, excurrere cœperunt, prædicantes ubique Christum crucifixum, civiles discordias compescentes et innumeros fere devios ad virtutis semitam revocantes. Neque Italiam modo, sed et Galliam, Germaniam ac Poloniam suis evangelicis laboribus excoluerunt. Denique cum bonum Christi odorem longe lateque diffudissent, portentorum quoque gloria illustres,

migrârunt ad Dóminum. Sed quos unus veræ fraternitátis ac religiónis amor in vita sociáverat, unum páriter demórtuos contéxit sepúlcrum, únaque pópuli venerátio prosecúta est. Quaprópter Clemens undécimus et Benedictus décimus tértius Pontífices máximi delátum iisdem a plúribus sæculis individuum cultum confirmárunt; ac Leo décimus tértius, approbátis ántea miráculis, post indúltam veneratiónem ad collectivam eorúmdem invocatiónem a Deo patrátis, eósdem anno quinquagésimo sacerdoti sui Sanctórum honóribus cumúlávit, eorúmque memoriam Offício ac Missa in univérſa Ecclésia quotánis recoléndam instituit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

In III Nocturno Homilia in Evangelium Ecce nos reliquimus, de Communi Abbatum I loco. [125]

IX Lectio de Homilia Feriæ.

AD LAUDES

Capitulum I Petri 4, 13

CARÍSSIMI : Communibús Christi passiónibus gaudéte, ut et in revelatióne glóriæ ejus gaudeátis exsultántes.

Hymnus

SIC patres vitam pér-agunt in umbra,
Lília ut septem nívei decóris,
Vírġini excélsæ bene grata, Petro
Visa nitére.

Jamque divína rapiénſe flamma,
Cúrsitant urbes, loca quæque obérrant,
Si queant cunctis ánimis dolóres
Fígere Matris.

Hinc valent iras domuisse cæcas,
Néscia et pacis fera corda jungunt,
Erigunt mæstos, révocant nocéntes
Dicta piórum.

At suos Virgo comitáta Servos
Evehit tandem súperas ad oras;
Gémmeis sertis décorat per ævum
Omne beátos.

Eja nunc cœtus gémitum precántis
Audiant, duros vídeant labóres :

Semper et nostris fáveant
benígnò
Lúmine votis.

Sit decus Patri, geni-
tæque Proli,
Et tibi, compar utriúsque
virtus
Spíritus semper, Deus
unus, omni
Témporis ævo.
Amen.

℣. Sit memória illórum
in benedictióne. ℞. Et
ossa eórum púllulent de
loco suo.

Ad Bened. Ant. Ecce
quam bonum * et quam
jucúndum habitáre fratres
in unum.

Oratio

Domine Jesu Christe,
qui ad recoléndam me-
móriam dolórum sanctís-
simæ Genitrícis tuæ, per
septem beátos Patres nova
Servórum ejus familia Ec-
clésiám tuam fecundásti :
concéde propítius; ita nos
eórum consociári flétibus,
ut perfruámur et gáudiis :
Qui vivis et regnas.

Et fit Commemoratio Feriæ.

AD TERTIAM

Capitulum Caríssimi, ut
supra. 702

℞. br. Amávit eum Dó-
minus, * Et ornávit eum.
Amávit. ℣. Stólam glóriæ
índuit eum. Et. Glória
Patri. Amávit. ℣. Os justi

meditábitur sapiéntiam.
℞. Et lingua ejus loquétur
judícium.

AD SEXTAM

Capitulum Eccli. 39, 6

Justus cor suum trádi-
dit ad vigilándum di-
lúcúlo ad Dóminum, qui
fecit illum, et in conspéctu
Altíssimi deprecábitur.

℞. br. Os justi * Medi-
tábitur sapiéntiam. Os.
℣. Et lingua ejus loquétur
judícium. Meditábitur sa-
piéntiam. Glória Patri. Os.
℣. Lex Dei ejus in corde
ipsíus. ℞. Et non supplan-
tabúntur gressus ejus.

AD NONAM

C

Capitulum Sap. 10, 10

Justum dedúxit Dómi-
nus per vias rectas, et
osténdit illi regnum Dei,
et dedit illi sciéntiam san-
ctórum; honestávit illum
in labóribus, et complévit
labóres illíus.

℞. br. Lex Dei ejus * In
corde ipsíus. Lex. ℣. Et
non supplantabúntur gres-
sus ejus. In. Glória Patri.
Lex. ℣. Justum dedúxit
Dóminus per vias rectas.
℞. Et osténdit illi regnum
Dei.

IN II VESPERIS

Capitulum Caríssimi, ut
supra. 702

Hymnus

MATRIS sub almæ nú-
mine,

Septéna proles náscitur :
Ipsa vocánte, ad árduum
Tendit Senári vérticem.

Quos terra fructus pró-
feret

Dum sacra proles gérmi-
nat,

Uvis repénite túrgidis
Onústa vitis, præmonet.

Virtúte claros nóbili
Mors sancta cælo cónse-
crat :

Tenent olýmpi límina
Servi fidéles Vírginis.

Cohors beáta, Núminis
Regno potíta, réspice
Quos hinc recédens fráu-
dibus,

Cinctos relínquis hóstium.

Ergo, per almæ vúlnera
Matris rogámus súplices,
Mentis tenébras dísjice,
Cordis procéllas cómpime.

¶ *Sequens Conclusio num-
quam mutatur.*

Tu nos, beáta Trínitas,
Perfúnde sancto róbre,
Possímus ut felfciter
Exémpla patrum súbse-
qui. Amen.

℣. Hi viri misericórdiæ
sunt, quorum pietátes non
defuérunt. ℞. Semen eó-
rum et glória eórum non
derelinquétur.

Ad Magnif. Ant. Nomen
eórum * pérmanet in ætér-
num, pérmanens ad filios

eórum sanctórum viró-
rum glória.

Oratio

Domine Jesu Christe,
qui ad recoléndam me-
móriam dolórum sanctís-
simæ Genitrícis tuæ, per
septem beátos Patres nova
Servórum ejus família Ec-
clésiám tuam fecundásti :
concéde propítius; ita nos
eórum consociári flétibus,
ut perfruámur et gáudiis :
Qui vivis et regnas.

Et fit Commemoratio Feriæ.

Die 14 Februarii

S. Valentini

Presbyteri et Martyris

Commemoratio

In Vesp. Ant. Iste San-
ctus pro lege Dei sui cer-
távit usque ad mortem, et
a verbis impiórum non tí-
muit; fundátus enim erat
supra firmam petram.

℣. Glória et honóre.

Oratio

Præsta, quæsumus, om-
nípotens Deus : ut,
qui beáti Valentíni Már-
tyris tui natalítia cólimus,
a cunctis malis imminén-
tibus, ejus intercessióne,
liberémur. Per Dóminum.

Ad Laudes Ant. Qui odit
ánimam suam in hoc mun-
do, in vitam ætérnam cu-
stódit eam.

℣. Justus ut palma.

Die 15 Februarii

Ss. Faustini et Jovitæ

Martyrum

Commemoratio

In Vesp. Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino.

Oratio

C 3

Deus, qui nos ánnua sanctórum Mártyrum tuórum Faustíni et Jovitæ solemnitáte lætíficas : concéde propítius; ut, quorum gaudémus méritis, accendámur exémpis. Per Dóminum.

Ad Laudes Ant. Vestri capílli cápitis omnes numeráti sunt : nolíte timére : multis passéribus melióres estis vos.

℣. Exsultábunt Sancti in glória. ℟. Lætabúntur in cubílibus suis.

Die 18 Februarii

S. Simeonis

Episcopi et Martyris

Commemoratio

In Vesp. Ant. Iste Sanctus pro lege Dei sui certávit usque ad mortem, et a verbis impiórum non tí-

muit; fundátus enim erat supra firmam petram.

℣. Glória et honóre.

Oratio

C 1

Infirmitátem nostram réspice, omnipotens Deus : et, quia pondus próprie actiónis gravat, beáti Simeónis Mártyris tui atque Pontíficis intercessio gloriósa nos prótegat. Per Dóminum.

Ad Laudes Ant. Qui odit ánimam suam in hoc mundo, in vitam ætérnam custódit eam.

℣. Justus ut palma.

Die 22 Februarii

In Cathedra S. Petri Ap. Antiochiæ

Duplex majus

Omnia ut in Communi Conf. Pont. [84], præter ea quæ hic habentur propria.

IN I VESPERIS

Capit. Eccli. 44, 16-17

Ecce sacerdos magnus, qui in diébus suis plácuit Deo, et invéntus est justus : et in témpore iracúndiæ factus est reconciliátio.

Hymnus

Quodcúmque in orbe néxibus revínxeris, Erit revíctum, Petre, in arce síderum :

Et quod resólvit hic poté-
stas trádicta,
Erit solútum cæli in alto
vértice :
In fine mundi judicábis
sæculum.

Patri perénne sit per
ævum glória;
Tibique laudes conciná-
mus ínclytas,
Ætérne Nate; sit, supérne
Spíritus,
Honor tibi, decúsque :
sancta júgiter
Laudétur omne Trínitas
per sæculum.

Amen.

V. Tu es Petrus. **R.** Et
super hanc petram ædi-
ficábo Ecclésiám meam.

Ad Magnif. Ant. Tu es
pastor óvium, * Princeps
Apostolorum, tibi trádictæ
sunt claves regni cæló-
rum.

Oratio

Deus, qui beáto Petro
Apóstolo tuo, collátis
clávibus regni cælestis, li-
gándi atque solvéndi pon-
tificium tradidísti : concé-
de; ut intercessiónis ejus
auxílio, a peccatórum no-
strórum nélixibus liberé-
mur : Qui vivis et regnas.

Et fit Commem. S. Pauli
Apostoli ante omnes alias
Commemorationes :

Ant. Sancte Paule Apó-
stole, prædicátor veritá-
tis, et Doctor géntium,

intercéde pro nobis ad
Deum, qui te elégit.

V. Tu es vas electiónis,
sancte Paule Apóstole.
R. Prædicátor veritátis in
univérso mundo.

Oratio

Deus, qui multitudínem
géntium beáti Pauli
Apóstoli prædicatióne do-
cuísti : da nobis, quæsu-
mus; ut, cujus comme-
moratióem cólimus, ejus
apud te patrocínia sentiám-
us. (Per Dóminum.)

Deinde Commem. Feriæ.

AD MATUTINUM

Invitat. Tu es pastor
óvium, Princeps Aposto-
lórum : * Tibi trádidit
Deus claves regni cæló-
rum. **Ps. 94** Veníte, exsul-
témus. 3

Hymnus Quodcúmque,
ut supra. 705

In I Nocturno

Incipit Epístola prima
beáti Petri Apóstoli

Lectio i **Cap. 1, 1-12**



Detrus Apóstolus Je-
su Christi, eléctis
ádvenis dispersi-
onis Ponti, Galátiae, Cap-
padóciæ, Asiæ et Bithý-
niæ secúndum præscién-
tiam Dei Patris, in san-
ctificatióne Spíritus, in
obediéntiam, et aspersi-
onem sánguinis Jesu Chri-

sti : Grátia vobis, et pax multiplicétur. Benedíctus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodímini per fidem in salútem, parátam revelári in témpore novíssimo.

℟. Simon Petre, ántequam de navi vocárem te, novi te, et super plebem meam príncipem te constituí, * Et claves regni cælórum trádidi tibi. ℣. Quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. — Et.

Lectio ii

IN quo exsultábitis, módicum nunc si opórtet contristári in váriis tentatiónibus : ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi : quem cum non vidéritis, dilígitis : in quem nunc quoque non vidéntes créditis : cre-

déntes autem exsultábitis lætítia inenarrábili et gloriíficáta : reportántes finem fidei vestræ, salútem animárum.

℟. Si dilígis me, Simon Petre, pasce oves meas. Dómine, tu nosti, quia amo te, * Et ánimam meam pono pro te. ℣. Si oportúerit me mori tecum, non te negábo. — Et.

Lectio iii

DE qua salúte exquisiérunt atque scrutáti sunt prophétæ, qui de futúra in vobis grátia prophetavérunt; scrutántes in quod vel quale tempus significáret in eis Spíritus Christi : prænúntians eas quæ in Christo sunt passiónes et posterióres glórias : quibus revelátum est, quia non sibimetípsis, vobis autem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu Sancto misso de cælo, in quem desíderant Angeli prospícere.

℟. Tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam : * Et tibi dabo claves regni cælórum. ℣. Quodcúmque ligáveris super terram, erit ligátum et in cælis; et quodcúmque sólveris super terram,

erit solútum et in cælis. —
Et tibi dabo claves regni
cælórum. **G**lória Patri. Et.

In II Nocturno

Sermo sancti Augustíni
Episcopi

Sermo 15 de Sanctis

Lectio iv

Institútio solemnitá-
tis hodiérnæ a se-
nióribus nostris Cá-
thedræ nomen accépit,
ideo quod primus Aposto-
lórum Petrus hódie episco-
pátus cáthedram susce-
pisse referátur. Recte ergo
ecclésiæ natálem Sedis
illius colunt, quam Apó-
stolus pro ecclesiárum sa-
lúte suscepit, dicente Dó-
mino : Tu es Petrus, et
super hanc petram ædi-
ficábo Ecclésiám meam.

℟. Tu es Pastor óvium,
Princeps Apostolorum :
tibi trádidit Deus ómnia
regna mundi : * Et ideo
tibi tráditæ sunt claves
regni cælórum. **℣.** Quod-
cúmque ligáveris super
terram, erit ligátum et in
cælis; et quodcúmque sól-
veris super terram, erit
solútum et in cælis. — Et.

Lectio v

Petrum itaque funda-
méntum Ecclésiæ Dó-
minus nominávit : et ideo
digne fundaméntum hoc
Ecclésia colit, supra quod

ecclesiástici ædificií altitú-
do consúrgit. Unde conve-
niénter Psalmus, qui le-
ctus est, dicit : Exáltent
eum in ecclésia plebis, et
in cáthedra seniórum lau-
dent eum. Benedictus
Deus, qui beátum Petrum
Apóstolum in Ecclésia
exaltári præcépit : quia
dignum est ut fundamén-
tum hoc in Ecclésia hono-
rétur, per quod ad cælum
conscénditur.

℟. Ego pro te rogávi,
Petre, ut non deficiat fides
tua : * Et tu aliquándo
convérsus confirma fra-
tres tuos. **℣.** Caro et san-
guis non revelávit tibi,
sed Pater meus, qui est
in cælis. — Et.

Lectio vi

Quod natális ergo Cá-
thedræ hódie cólitur,
sacerdotále honorátur offi-
cium. Sibi hoc ecclésiæ
ínicem præstant, quia
tanto necesse plus habet
Ecclésia dignitátis, quanto
sacerdotále officium plus
honóris. Cum solemnitá-
tem hanc ecclésiis mérito
religiósa observátio intro-
dúxerit, miror cur apud
quosdam infidéles hódie
tam perniciosus error in-
créverit, ut super túmulos
defunctorum cibos et vina
cónferant, quasi egréssæ
de corpóribus ánimæ car-
náles cibos requírant.

℟. Petre, amas me? Tu scis, Dómine, quia amo te. * Pasce oves meas.

℣. Simon Joánnis, diligis me plus his? Tu scis, Dómine, quia amo te. — Pasce. Glória Patri. Pasce.

In III Nocturno

Lectio sancti Evangélii
secúndum Matthæum

Lectio vii Cap. 16, 13-19

IN illo témpore : Venit Jesus in partes Cæsariæ Philíppi, et interrogábat discipulos suos, dicens : Quem dicunt hómines esse Fílium hóminis? Et reliqua.

Homília

sancti Leónis Papæ

Sermo 3 in annivers. assumpt.
suæ, post initium



Póstolos Dóminus, quid de se hómines opinéntur, intérogat : et támdiu sermo respondéntium commúnis est, quámdui humanæ intelligéntiæ ambigúitas explicátur. At ubi quid habeat sensus discipulórum exígitur, primus est in Dómini confessióne, qui primus est in apostólica dignitáte. Qui cum dixisset : Tu es Christus Fílius Dei vivi; respóndit ei Jesus : Beátus es, Simon Bar-Jona, quia caro et sanguis non revelávit tibi, sed Pater meus, qui in

cælis est. Id est, Ideo beátus es, quia Pater meus te dócuit; nec terrena opinio te feféllit, sed inspirátio cæléstis instrúxit : et non caro et sanguis, sed ille me tibi, cujus sum unigénitus Fílius, indicávit.

℟. Quem dicunt hómines esse Fílium hóminis? dixit Jesus discipulis suis. Respóndens Petrus dixit : Tu es Christus Fílius Dei vivi. * Et ego dico tibi, quia tu es Petrus, et super hanc petram ædificábo Ecclésiám meam. ℣. Beátus es, Simon Bar-Jona, quia caro et sanguis non revelávit tibi, sed Pater meus, qui est in cælis. — Et ego.

Lectio viii

ET ego, inquit, dico tibi : hoc est, Sicut Pater meus tibi manifestávit divinitátem meam, ita et ego tibi notam fácio excellentiam tuam. Quia tu es Petrus : id est, Cum ego sim inviolábilis petra, ego lapis anguláris, qui fácio útraque unum, ego fundaméntum præter quod nemo potest áliud pónere; tamen tu quoque petra es, quia mea virtúte solidáris, ut quæ mihi potestáte sunt própria, sint tibi mecum participatióne commúnia. Et super hanc petram ædificábo Ecclésiám

meam, et portæ inferi non prævalébunt advérsus eam : Super hanc, inquit, fortitúdinem ætérnum éxstruam templum; et Ecclésiæ meæ cælo inserénda sublimitas in hujus fidei firmitáte consúrget.

℟. Elégit te Dóminus sacerdotem sibi, ad sacrificándum ei * Hóstiam laudis. ✠. Immola Deo sacrificium laudis, et redde Altíssimo vota tua. — Hóstiam. Glória Patri. Hóstiam.

IX Lectio de Homilia Feriæ.

Si hoc Festum occurrerit in Sabbato, et annus non sit bissextilis, de Vigilia anticipata S. Matthiæ Apostoli nihil fit in Officio.

AD LAUDES

Hymnus

BEáte Pastor Petre, clemens áccipe
Voces precántum, criminúmque víncula
Verbo resólve, cui potéstas trádicta
Aperíre terris cælum, apértum cláudere.

Sit Trinitáti sempitérna glória,
Honor, potéstas atque jubilatío,
In unitáte, quæ gubérnat ómnia,
Per univérsa æternitátis sácula. Amen.

✠. Exáltent eum in ecclésiá plebis. ℟. Et in cá-

thedra seniórum laudent eum.

Ad Bened. Ant. Quodcúmque * ligáveris super terram, erit ligátum et in cælis; et quodcúmque sólveris super terram, erit solútum et in cælis : dicit Dóminus Simóni Petro.

Oratio

DEus, qui beáto Petro Apóstolo tuo, collátis clávibus regni cæléstis, ligándi atque solvéndi pontificium tradidísti : concéde; ut intercessiónis ejus auxílio, a peccatórum nostrórum néxibus liberémur : Qui vivis et regnas.

Et fit Commem. S. Pauli Apostoli :

Ant. Sancte Paule Apóstole, prædicátor veritátis et Doctor géntium, intercéde pro nobis ad Deum, qui te elégit.

✠. Tu es vas electiónis, sancte Paule Apóstole.

℟. Prædicátor veritátis in univérso mundo.

Oratio

DEus, qui multitudinem géntium beáti Pauli Apóstoli prædicatióne docuísti : da nobis, quæsumus; ut, cujus commemoratiónem cólimus, ejus apud te patrocínia sentiámus. (Per Dóminum.)

Deinde Commem. Feriæ.

IN II VESPERIS

Hymnus

Quodcúmque in orbe né-
xibus revínxeris,
Erit revínctum, Petre, in
arce síderum :
Et quod resólvit hic potés-
tas tráditá,
Erit solútum cæli in alto
vértice :
In fine mundi judicábis
sæculum.

Patri perénne sit per
ævum glória;
Tibique laudes conciná-
mus ínclytas,
Ætérne Nate; sit, supérne
Spíritus,
Honor tibi decúsque : san-
cta júgiter
Laudétur omne Trínitas
per sæculum. Amen.

V. Elégit te Dóminus
sacerdótem sibi. **R.** Ad
sacrificándum ei hóstiam
laudis.

Ad Magnif. Ant. Dum
esset summus Póntifex, *
terréna non méruit, sed
ad cæléstia regna glorió-
sus migrávit.

Et fit Commem. S. Pauli
Ap. ut supra ad Laudes, se-
quentis et Feriæ.

Die 23 Februarii

S. Petri Damiani

Ep., Conf. et Eccl. Doct.

Duplex [84]

m. t. v., nisi tamen I Vesperas
habeat, saltem a Capitulo.

Ant. O Doctor óptime,
Ecclésiæ sanctæ lumen,
beáte Petre, divínæ legis
amátor, deprecáre pro no-
bis Fílium Dei.

V. Amávit eum Dóminus.

Oratio

Concède nos, quæsumus,
omnípotens Deus : beá-
ti Petri Confessóris tui
atque Pontíficis mónita et
exémpla sectári; ut per
terréstrium rerum con-
témptum ætérna gáudia
consequámur. (Per Dómi-
num.)

Et fit Commemoratio Feriæ.

In I Nocturno Lectiones
Sapiéntiam, de Comuni
Doctorum. [104]

In II Nocturno

Lectio iv



Etrus, Ravennæ ho-
néstis paréntibus
natus, adhuc la-
ctens a matre, numerósæ
prolis pertæsa, abjicitur;
sed domésticæ mulieris
ópera semivívus excéptus
ac recreátus, genitríci ad
humanitátis sensum revo-
cátæ rédditur. Utróque or-
bátus parénte, tamquam

vile mancipium sub áspera fratris tutelá duram servitútem exércuit. Religiónis in Deum ac pietátis erga patrem, egrégium tunc spécimen dedit; invéntum síquidem forte nummum, non própriæ inédiæ sublevándæ, sed sacerdoti, qui divínium sacrificium ad illius expiatiónem offerret, erogávit. A Damiáno fratre, a quo, uti fertur, cognoménum accépit, benigne recéptus, ejus cura lítteris eruditur, in quibus brevi tantum profécit, ut magístris admiratióni esset. Cum autem liberálibus sciéntiis floréret et nómine, eas cum laude dócuit. Interim ut corpus ratióni súbderet, sub móllibus véstibus cilícium adhibuit; jejúniis, vigíliis et oratióibus sollérter insistens. Calénte juvénta dum carnis stímulis ácri-ter urgerétur, insultántium libídinum faces rigéntibus flúvii mersus aquis noctu exstinguébat; tum venerábilia quæque loca obíre, totúmque Psaltérium recitáre consuévérat. Ope assídua páuperes levábat, quibus frequénter pastis convívio, própriis ipse mánibus ministrábat.

✠. Invéni David servum meum, óleo sancto meo unxi eum : * Manus enim mea auxiliábitur ei. ✠. Ni-

hil profíciet inimícus in eo, et fílius iniquitátis non nocébit ei. — Manus.

Lectio v

Perficiéndæ magis vitæ causa, in Avellanénsi Eugubínæ diocécis cœnóbio, órđini monachórum sanctæ Crucis Fontis Avellánæ a beáto Ludúlpho, sancti Romuáldi discípulo, fundáto, nomen dedit. Non ita multo post in monastérium Pomposiánum, mox in cœnóbium sancti Vincéntii Petræ Pertúsæ ab abbáte suo missus, utrúmque ascetérium verbo sacro, præcláris institutióibus et móribus excóluit. Ad suos revocatús, post præsidis óbitum, Avellanitárum famíliæ præfícitur, quam, novis váriis in locis exstrúctis domicíliis et sanctíssimis institútis ita auxit, ut alter ejus órđinis parens ac præcípuum ornáméntum jure sit hábitus. Salutárem Petri sollicitúdinem ália quoque diversí institúti cœnóbia, canonicórum convéntus, et pópuli sunt expérti. Urbináti diocécisi non uno nómine prófuit : Theuzóni epíscopo in causa gravíssima assédit, ipsúmque in recte administrándo episcopátu consílio et ópera juvit. Divinórum contempla-

tióne, córporis maceratió-
nibus, ceterisque spectatæ
sanctimóniæ exémplic ex-
céluit. His motus Sté-
phanus nonus Póntifex
máximus eum, licet inví-
tum et reluctántem, san-
ctæ Románæ Ecclesiæ car-
dinálem creávit et Ostién-
sem episcopum. Quas
Petrus dignitátes splendi-
díssimis virtútibus et con-
sentáneis episcopáli mini-
stério opéribus gessit.

✠. Pósui adjutórium su-
per poténtem, et exaltávi
eléctum de plebe mea :

* Manus enim mea auxi-
liábitur ei. ✠. Invéni Da-
vid servum meum, óleo
sancto meo unxi eum. —
Manus.

Lectio vi

Difficillimo témpore Ro-
mánæ Ecclesiæ, sum-
misque Pontificibus do-
ctrína, legatióibus, aliis-
que sucéptis labóribus
mirífice ádfuit. Advérsus
Nicolaitárum et simoní-
cam háereses ad mortem
usque strénue decertávit.
Hujúsmo depúlsis ma-
lis, Mediolanénsem Eccle-
siæ Románæ conciliávit.
Benedícto et Cadalóo fal-
sis pontificibus fórtiter
réstitit : Henricum quar-
tum Germániæ regem ab
iníquo uxóris divórtio de-
térruit : Ravennátes ad
débita Románo Pontífici
obséquia revocatós sacris

restítuit : canónicos Veli-
térnos ad sanctiórís vitæ
leges compósuit. In pro-
víncia præsértim Urbináte
vix ulla fuit episcopális
ecclesiá, de qua Petrus
non sit bene méritus : Eu-
gubínam, quam aliquándo
créditam hábuit, multis
levávit incómmodis; álias
álibi, quando opórtuit,
perinde curávit, ac suæ
essent tutelæ commíssæ.
Cardinalátu et episcopáli
dignitáte depósitis, nihil
de prístina juvándi pró-
ximos sedulitáte remísit.
Jejúnium sextæ fériæ in
honórem sanctæ Crucis
Jesu Christi, horárias beá-
tæ Dei Genitrícis preces,
ejúsque die Sábbato cul-
tum propagávit. Inferén-
dæ quoque sibi verbera-
tiónis morem ad patrató-
rum scélerum expiatiónem
provéxit. Demum sancti-
táte, doctrína, miráculis
et præcláre actis illústris,
dum e Ravennáte lega-
tióne redíret, Favéntiæ
octávo Kaléndas Mártii
migrávit ad Christum.
Ejus corpus ibídem apud
Cisterciénses, multis mi-
ráculis clarum, frequénti
populórum veneratióne
cólitur. Ipsum Faventíni,
non semel in præsénti
discrímine propítium ex-
pérti, patrónum apud
Deum delegérunt. Leo
vero duodécimus Póntifex

máximus Offícium Misámque in ejus honórem tamquam Confessóris Pontíficis, quæ aliquibus in diocésibus atque in órdine Camaldulénsium jam celebrabántur, ex sacrórum Rítuum Congregatiónis consúlto, áddita Doctóris qualitaté, ad univérsam exténdit Ecclésiám.

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. ℣. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

In III Nocturno Homilia in Evangelium Vos estis sal terræ, de Communi Doctorum 1 loco. [107]

IX Lectio de Homilia Feriæ.

AD LAUDES

℣. Justum dedúxit.

Ad Bened. Ant. Euge serve bone * et fidélis, quia in pauca fuísti fidélis, supra multa te constituam, dicit Dóminus.

Oratio

Concéde nos, quæsumus Omnípotens Deus : beáti Petri Confessóris tui atque Pontíficis mónita et exémpla sectári; ut per terréstrium rerum contéptum ætéRNA gáudia consequámur. Per Dóminum.

Et fit Commem. Feriæ.

De Vigilia S. Matthiæ Apostoli nihil fit in Officio.

Vesperæ de sequenti, Commemoratio præcedentis et Feriæ; si vero annus sit bissextilis, in Vesperis fit tantum Commemoratio Feriæ.

DIE 24 FEBRUARII VEL 25 IN ANNO BISSEXTILI

S. Matthiæ Apostoli

DUPLEX II CLASSIS

Omnia de Communi Apostolorum [2], præter ea quæ hic habentur propria.

Oratio

Deus, qui beátum Matthíam Apostolórum tuórum collégio sociásti : tribue, quæsumus; ut ejus interventióne, tuæ circa

nos pietátis semper víscera sentiámus. Per Dóminum.

Et fit Commemoratio præcedentis, quoties annus non est bissextilis :

Ant. O Doctor óptime, Ecclésiæ sanctæ lumen, beáte Petre, divínæ legis

amátor, deprecáre pro nobis Fílium Dei.

℣. Justum dedúxit.

Oratio Concéde nos, ut supra. 714

Deinde Commem. Feriæ.

In I Noeturno

De Actibus Apostolorum

Lectio i Cap. 1, 15-26

IN diébus illis exsurgens Petrus in médio fratrum, dixit (erat autem turba hóminum simul, fere centum viginti) : Viri fratres, opórtet impléri Scriptúram, quam prædixit Spíritus Sanctus per os David de Juda, qui fuit dux eórum qui comprehendérunt Jesum : qui connumerátus erat in nobis, et sortítus est sortem ministérii hujus. Et hic quidem possédit agrum de mercéde iniquitátis, et suspénsus crépuit médius : et diffúsa sunt ómnia víscera ejus.

℣. Ecce ego mitto vos sicut oves in médio lupórum, dicit Dóminus : * Estóte ergo prudéntes sicut serpéntes, et simplices sicut colúmbæ. ℣. Dum lucem habétis, créдите in lucem, ut filii lucis sitis. — Estóte.

Lectio ii

ET notum factum est ómnibus habitántibus Jerúsalem, ita ut appella-

rétur ager ille, lingua eórum, Hacéldama, hoc est, ager sánguinis. Scriptum est enim in libro Psalmórum : Fiat commorátio eórum desérta, et non sit qui inhábitet in ea : et episcopátum ejus accípiat alter. Opórtet ergo ex his viris, qui nobíscum sunt congregáti in omni tēpore, quo intrávit et exívit inter nos Dóminus Jesus, incípiens a baptísmate Joánnis usque in diem, qua assúptus est a nobis, testem resurrectionis ejus nobíscum fieri unum ex istis.

℣. Tóllite jugum meum super vos, dicit Dóminus, et discite a me, quia mitis sum et húmilis corde : * Jugum enim meum suáve est, et onus meum leve. ℣. Et inveniétis réquiem animábus vestris. — Jugum.

Lectio iii

ET statuérunt duos, Joseph, qui vocabátur Bársabas, qui cognominátus est Justus : et Matthíam. Et orántes dixerunt : Tu, Dómine, qui corda nosti ómnium, osténde, quem elégeris ex his duóbus unum accíperere locum ministérii hujus, et apostolátus, de quo prævaricátus est Judas, ut abíret in locum suum. Et

dedérunt sortes eis, et cécidit sors super Matthíam, et annumerátus est cum úndecim Apóstolis.

R. Dum stetéritis ante reges et præsides, nolíte cogitare quómodo aut quid loquámini. * Dábitur enim vobis in illa hora quid loquámini. **V.** Non enim vos estis qui loquámini; sed Spíritus Patris vestri, qui lóquitur in vobis. — Dábitur. **Glória Patri. Dábitur.**

In II Nocturno Lectiones Fundaménta. de Comuni Apostolorum 2 loco, cum suis R.R. [25]

In III Noeturno

Léctio sancti Evangélii
secúndum Matthæum

Lectio vii Cap. 11, 25-30

IN illo témpore : Respóndens Jesus dixit : Confíteor tibi, Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. Et réliqua.

Homília sancti Augustíni
Episcopi

Sermo 10 de Verbis Domini



Veníte ad me, omnes qui laborátis. Quare enim omnes laborámus, nisi quia sumus hómines mortáles, frágyiles, infírmi, lútea vasa portántes, quæ faciunt invicem angústias? Sed, si

angustiántur vasa carnis, dilaténtur spátia caritátis. Quid ergo dicit, Veníte ad me, omnes qui laborátis, nisi ut non laborétis? Dénique promissio ejus in promptu est; quóniam laborántes vocávit, quærent forte qua mercéde vocáti sunt. Et ego vos, inquit, reficiam. Tóllite jugum meum super vos, et díscite a me, non mundum fabricáre, non cuncta visibília et invisibília créare, non in ipso mundo mirabília fácere et mórtuos suscitáre; sed, Quóniam mitis sum et húmilis corde.

R. Isti sunt qui vivéntes in carne, plantavérunt Ecclésiám ságuine suo : * Cálicem Dómini bibérunt, et amíci Dei facti sunt. **V.** In omnem terram exívit sonus eórum, et in fines orbis terræ verba eórum. — Cálicem.

Lectio viii

Magnus esse vis? a mínimo incipe. Cógitas magnam fábricam constrúere celsitúdinis? de fundaménto prius cógita humilitátis. Et quantam quisque vult et dispónit superimpónere molem ædificií, quanto erit majus ædificium, tanto áltius fõdit fundaméntum. Et fábrica quidem cum con-

struitur, in supérna consúrgit; qui autem fodit fundaméntum, ad ima deprimitur. Ergo et fábrica ante celsitudinem humiliátur, et fastigium post humiliatióem erígitur.

✠. Isti sunt viri sancti, quos elégit Dóminus in caritaté non ficta, et dedit illis glóriam sempitérnam :

* Quorum doctrína fulget Ecclésia, ut sole luna.

✠. Sancti per fidem vicérunt regna : operáti sunt justítiam. — Quorum.

Glória Patri. Quorum.

IX Lectio de Homilia Feriæ et fit ejus Commemoratio ad Laudes et in II Vesperis.

Oratio

D Eus, qui beátum Matthiam Apostolorum tuorum collégio sociásti : tribue, quæsumus; ut, ejus interventióe, tuæ circa nos pietátis semper víscera sentiámus. Per Dóminum.

Die 27 vel 28 Februarii

S. Gabrielis
a Virgine Perdolente
Confessoris Duplex [111]

IN I VESPERIS

✠. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

D Eus, qui beátum Gabriélem dulcíssimæ Matris tuæ dolóres assidue recólere docuísti, ac per illam sanctitátis et miraculorum glória sublimásti : da nobis, ejus intercessióe et exémplo, ita Genitrícis tuæ consociári flétibus; ut materna ejúsdem protectióe salvémur : Qui vivis.

Et fit Commemoratio Feriæ.

In I Nocturno Lectiones Justus si morte, de Comuni Conf. non Pont. 2 loco. [120]

In II Nocturno

Lectio iv



Abriel, Assísii in Umbria, honésto génere natus, et Francíscus ob seráphici civis memóriam vocátus, egrégiam ánimi índolem a púero osténdit. Adolésceus, cum Spoléti lítteris óperam daret, ináni sáculi spécie et pompa aliquántulum állici visus est. Sed miseréntis Dei múnere, qui eum ad perfectióem christiánæ vitæ jamdúdum invitábat, cum in morbum incidísset, sáculi vanitátem fastidíre cœpit, atque immortalia dumtáxat bona appétere. Quo autem cítius Deo vocánti obtemperáret, factum est, ut insígnem

illam beatíssimæ Vírginis Icónem, sollémni pompa extra Spoletínæ ecclésiæ septa delátam intúitus, divíni amóris flammam concíperet, simúlque Institutum Clericórum a Passióne Jesu amplécti statúeret. Itaque non exíguas difficultátes eluctátus, in recessu Morrovallénsi, lúgubrem vestem lætus induit, et Gábriel a Vírgine perdolén-te máluit appellári; ad ejúsdem gaudiórum et dolórum memóriam perpétuo recoléndam.

✠. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et dedit illi.

Lectio v

IN tirocínio, cum regulári observántia et ómnium exercitatióne virtútum quotidie magis eminéret, brevi eo pérvenit, ut absolútæ sanctimóniæ exemplar haberétur non modo a sodálibus, vel provéctis, sed étiam ultra cœnóbii septa, factus bonus odor Christi in omni loco. Dóminicæ passiónis cultor assíduus, in ea meditánda dies noctésque insumébat. In divínam Eucharístiam,

quæ ejúsdem Passiόnis memóriam prodit, incredíbili quodam stúdio ferebátur; qua cum se refíceret, seráphico ardóre flagrábat. Nihil autem insígnius quam ejus erga magnam Dei Paréntem píetas fuit. Ipsam omni obséquii génere percólere consuévít; sed præsértim conféctam afflictámque cruciátibus Jesu tam dolén-ter contem-plári, ut vim lacrimárum profúnderet. Pérdolens Virgo quasi tota ei vitæ rátio fuit, adeptæque ab eo sanctitátis magístra; ita ut inter æquáles una fúerit senténtia, ídeo excítatum Dei fámulum divínitus fuisse, ut cultus Mariæ perdoléntis magnum exémplo ejus cáperet increméntum.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fídei, et ornávit eum. — Et.

Lectio vi

INter céteras virtútes Christiánam humilitátem et obediéntiam máxime diléxit : nam inter omnes se mínimum exístimans, abjectíssima quæque ministéria domus cúpide affectábat, et antístitum suórum non mo-

do jussa, sed et optata diligentissime perficiebat. Idem, refrenatis sensibus et vite asperitate usus, illibatum retinuit florem virginitatis ac plane mundo crucifixus unice Deo vixit, intima Domini sui fructus consuetudine. Ita brevem vite cursum, tot virtutibus nobilitatum conficiens, Insulae in Aprutio, caritatis incendio verius quam vi morbi consumptus, divinæque Matris ope recreatus, placidissimo exitu ad Superos evolavit, anno millésimo octingentésimo sexagésimo secundo, ætatis suæ vigésimo quarto. Eum deinceps, a Deo miraculis illustratum, Pius Papa decimus Cælitum beatorum numero accensuit. Benedictus vero decimus quintus, Pontifex Maximus, anno millésimo nongentésimo vigésimo, post conditum Institutum a Passione ducentésimo, in sollemnitate Ascensionis Domini, beato juveni Sanctorum honores decrevit; et Pius undecimus ejus Officium et Missam ad universam Ecclesiam extendit.

✠. Iste homo perfecit omnia quæ locutus est ei Deus; et dixit ad eum : Ingredere in requiem meam :

* Quia te vidi justum

coram me ex omnibus gentibus. ✠. Iste est, qui contempsit vitam mundi, et pervenit ad cælestia regna. — Quia. Glória Patri. — Quia.

In III Nocturno

Lectio sancti Evangelii
secundum Marcum

Lectio vii Cap. 10, 13-21

IN illo tempore : Offerébant Jesu párvulos, ut tangeret illos : discípuli autem comminabántur offeréntibus. Et reliqua.

Homília sancti Bedæ
Venerábilis Presbýteri

Commentarium in Marcum,
cap. 10, 13-21



IT discipulis Jesus : Sinite párvulos venire ad me, et ne prohibuéritis eos; talium enim est regnum Dei. Significánte dixit : Talium est; non : Istórum; ut osténderet, non ætatem regnare, sed mores; et his, qui similem habérent innocentiam et simplicitatem, præmium repromitti : Apóstolo quoque in eámdem senténtiam congruente : Fratres, nolite fieri púeri sensibus; sed malítia párvuli estóte, sensu autem ut perfecti sitis. Amen, dico vobis : quisquis non recéperit regnum Dei velut párvulus, non intrábit in illud. Sicut

puer non perseverat in iracúndia, non læsus méminit, non videns pulchram mulierem delectátur, non áliud cógitat, áliud lóquitur; sic et vos, nisi talem habuéritis innocéntiam et ánimi puritátem, regnum cælórum non potéritis intráre. Aliter, regnum Dei, id est doctrínam Evangélii, sicut párvuli accípere jubémur; quia quómodo párvulus in discéndo non contradícit doctóribus, neque ratiónes et verba compónit advérsus eos résistens, sed fidéliter súscipit quod docétur et cum metu obtémperat et quiéscit; ita et nos, in obediéndo simplíciter et sine ulla retractatióne verbis Dómini, fácere debémus. Et compléxans eos, et impónens manus super illos, benedicébat eos. Compléxus benedícit párvulos, ut húmiles spíritu sua benedictiόne, grátia et dilectiόne dignos esse significet.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

ET, cum egréssus esset in viam, procúrrens quidam, genu flexo ante eum, rogábat eum : Magíster bone, quid fáciam, ut vitam ætérnam percípíam? Audíerat, credo, iste quæsítor vitæ ætérnæ a Dómino, tantum eos, qui parvulórum velint esse símiles, dignos esse intróitu regni cæléstis : atque ídeo curam gerens tractátus certiórís, poscit sibi non per parábulas, sed apérte, quibus óperum méritis vitam ætérnam cónsequi possit, expóni. Jesus autem dixit ei : Præcépta nosti. Hæc est puerilis innocéntiæ cástítas, quæ nobis imitánda propónitur, si regnum Dei vólumus intráre. At ille respóndens, ait illi : Magíster, hæc ómnia observávi a juventúte mea. Non est putándus homo iste vel voto tentántis (ut quidam putavére) Dóminum interrogásse, vel de sua esse víta mentítus, cum se legis mandáta custodísse dicébat; sed, simplíciter, ut víxerit esse conféssus. Quia si mendáccii aut simulatiónis noxa reus tenerétur, nequáquam intúitus arcána cordis ejus, eum dilígere dicerétur Jesus.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. ℣. Vigilate ergo, quia nescitis qua hora Dominus vester venturus sit. — Et. Glória Patri. Et.

IX Lectio de Homilia Feriæ.

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constitutam, intra in gaudium Domini tui.

Oratio

DEus, qui beatum Gabrielem dulcissimæ Matris tuæ dolores assidue recollere docuisti, ac per illam sanctitatis et miraculorum gloria sublimasti : da nobis, ejus intercessione et exemplo, ita Genitricis tuæ consociari flétibus; ut materna ejusdem protectione salvemur : Qui vivis.

Et fit Commemoratio Feriæ.

IN II VESPERIS

℣. Justum deduxit.

Ant. Hic vir despiciens mundum et terræna, triumphans, divitias cælo condidit ore, manu.

Deinde Commem. Feriæ.

FESTA MARTII

Die 4 Martii

S. Casimiri Confessoris

Semiduplex [111]

℣. Amavit eum Dominus.

Ant. Similabo eum viro sapienti, qui ædificavit domum suam supra petram.

Oratio

DEus, qui inter regales delicias et mundi illécebras sanctum Casimirum virtute constantiæ roborasti : quæsumus; ut ejus intercessione fideles tui terræna despiciant, et ad cælestia semper aspirant. Per Dominum.

Et fit Commemoratio Feriæ.

Deinde Commem. S. Lucii I Papæ et Martyris :

Ant. Iste Sanctus pro lege Dei sui certavit usque ad mortem, et a verbis impiorum non timuit; fundatus enim erat supra firmam petram. ℣. Glória.

Oratio

GRegem tuum, Pastor æternæ, placatus intendē, et per beatum Lucium Martyrem tuum atque Summum Pontificem, perpétua protectione custodi; quem totius Ecclesiæ præstitisti esse pastorem. Per Dominum.

In I Nocturno Lectiones Justus si morte, de Communi Conf. non Pont. 2 loco. [120]

In II Nocturno

Lectio iv

CAsimirus, patre Casimiro, matre Elisabetha Austriaca, Poloniæ régibus ortus, a pueritia sub optimis magistris pietate et bonis artibus instructus, juveniles artus aspero domabat cilio et assiduus extenuabat jejuniis. Régii sprete lecti mollitie, dura cubabat humo, et clam intempesta nocte præ foribus templorum pronus in terra divinam exorabat clementiam. In Christi contemplanda passione assiduus, Missarum sollemniis adeo erecta in Deum mente solébat adesse, ut extra se ravi videretur.

℟. Honestum fecit illum Dominus, et custodivit eum ab inimicis, et a seductoribus tutavit illum :
* Et dedit illi claritatem æternam. V. Justum deduxit Dominus per vias rectas, et ostendit illi regnum Dei. — Et.

Lectio v

CAtholicam promovere fidem summopere studuit, et Ruthenorum schisma abolere; quapropter Casimirus patrem indu-

xit, ut legem ferret, ne schismatici nova templa construerent, nec vetera collabentia restaurarent. Erga pauperes et calamitatibus oppressos beneficus et misericors, patris et defensoris egenorum nomen obtinuit. Virginitatem, quam ab incunabulis servavit illaeram, sub extremo vitæ termino fortiter asservit, dum gravi pressus infirmitate, mori potius quam castitatis jacturam ex medicorum consilio subire, constanter decrevit.

℟. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. V. Induit eum Dominus lorica fidei, et ornavit eum. — Et ad portas.

Lectio vi

Consummatus in brevi, virtutibus et meritis plenus, prænuntiato mortis die, inter sacerdotum et religiosorum choros spiritum Deo reddidit, anno ætatis vigésimo quinto. Corpus, Vilnam delatum, multis claret miraculis. Etenim præterquam quod puella defuncta vitam, cæci visum, claudi gressum et varii infirmi sanitatem ad ejus sepulcrum recuperarunt; Lithuanis exiguo número ad poten-

tíssimi hostis insperátam irruptionem trepidántibus in áère appárens, insígnem tríbuit victóriam. Quibus permótus Leo décimus eúndem Sanctórum catálogo ascrípsit.

℟. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :
* Quia te vidi justum coram me ex ómnibus géntibus. ℣. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

In III Nocturno Homilia in Ev. Sint lumbi vestri, de Communi Confessoris non Pontificis 1 loco. [116]

IX Lectio de Homilia Feriæ.

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

Deus, qui inter regáles delicias et mundi illécebras, sanctum Casimírum virtúte constántiæ roborásti : quæsumus; ut ejus intercessióne fidéles tui terréna despícient, et ad cæléstia semper aspírent. Per Dóminum.

Post Commemorationem Feriæ, Commemoratio S. Lucii I Papæ et Mart. :

Ant. Qui odit ánimam suam in hoc mundo, in vitam ætérnam custódit eam. ℣. Justus ut palma.

Oratio

Regem tuum, Pastor ætérne, placátus inténde, et per beátum Lúcium Mártirem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

IN II VESPERIS

℣. Justum dedúxit.

Ad Magnif. Ant. Hic vir despíciens mundum * et terréna, triúmphans, divítias cælo cóndidit ore, manu.

Et fit Commemoratio Feriæ.

Die 6 Martii

Ss. Perpetuæ et Felicitatis **Martyrum** [149]

Duplex

Ad Magnif. in utrisque Vesp. et ad Bened. in Laud. (de Communi) :

℣. Glória et honóre coronásti eas, Dómine. ℟. Et constituísti eas super ópera mánuum tuárum.

Ant. Istárum est enim * regnum cælórum, quæcon-

tempserunt vitam mundi, et pervenerunt ad præmia regni, et laverunt stolas suas in sanguine Agni.

Oratio

C 3

DA nobis, quæsumus, Dómine, Deus noster, sanctarum Mártyrum tuarum Perpétuæ et Felicitatis palmas incessabili devotíone venerári : ut, quas digna mente non póssumus celebráre, humilibus saltem frequentémus obsequiis. Per Dóminum.

Et fit Commemoratio Feriæ.

AD MATUTINUM

Invit. Laudémus Deum nostrum * In confessióne beatarum Perpétuæ et Felicitatis. **Ps. 94** Veníte, exsultémus. 3

In I Nocturno Lectiones
Confitebor, de **Communi**
Virg. 2 loco. [145]

In II Nocturno

Lectio iv

Erpétua et Felicitas, in persecutióne Severi imperatóris, in Africa, una cum Revocato, Saturnino et Secundulo comprehensæ sunt et in tenebricosum cárcerem detrúsæ; quibus ultra adjúctus est Sátyrus. Erant adhuc catechúmenæ, sed paulo post baptizátæ sunt. Paucis diébus interjéctis, e cárcere ad forum dedúctæ cum sóciis, post glorió-

sam confessiónem, ab Hilarióne procuratóre damnantur ad béstias. Inde hílares descéndunt ad cárcerem, ubi váriis visiónibus recreántur et ad mártýrii palmam accendúntur. Perpétuam, nec patris sénio confécti iterátæ preces et lácrimæ, nec erga filium infántem pendéntem ad úbera matérnus amor, nec supplicii atrócitás, a Christi fide dimovére umquam potuerunt.

✠. Propter veritátem, et mansuetúdinem, et justitiam : * Et dedúcet te mirábiliter dextera tua. **✠.** Spécie tua et pulchritúdine tua inténde, prospere procéde, et regna. — Et.

Lectio v

Felicitas vero, instánte spectáculi die, cum octo jam menses prægnans esset, in magno erat luctu, ne differretur; leges quippe vetábant prægnantes supplicio áffici. At précibus commártýrum acceleráto partu, eníxa est filiam. Cumque in partu labórans doléret, ait illi quidam de custódibus : Quæ sic modo doles, quid fácies objécta béstiis? Cui illa : Modo ego pátiór; illic autem álius erit in me, qui patietur pro me, quia et ego pro illo passúra sum.

℟. Dilexisti justitiam, et odisti iniquitatem : * Propterea unxit te Deus, Deus tuus, oleo lætitiæ. ℣. Propter veritatem, et mansuetudinem, et justitiam. — Propterea.

Lectio vi

IN amphitheátrum, toto inspectante pópulo, producuntur tandem generosæ mulieres, Nonis Mártii, ac primum flagellis cæduntur. Tunc a ferocissima vacca aliquámdiu jactatæ, plagis concisæ et in terram elisæ sunt. Demum cum sóciis, qui a váriis béstiis vexáti fúerant, gladiórum ictibus conficiuntur. Harum sanctarum Mártiurum festum Pius décimus Póntifex máximus ad ritum dúplicem pro univérſa Ecclésia evéxit ac diéi sextæ Mártii assignári mandávit.

℟. Fallax grátia, et vana est pulchritúdo : * Múlier timens Deum, ipsa laudábitur. ℣. Date ei de fructu mánuum suárum, et laudent eam in portis ópera ejus. — Múlier. Glória Patri. Múlier.

In III Nocturno Homilia in Ev. Símile est, de Communionem Virginum. [154]

IX Lectio de Homilia Feriæ.

AD LAUDES

℣. Glória et honóre coronásti eas, Dómine. ℟. Et

constituísti eas super ópera mánuum tuárum.

Ad Bened. Ant. Istárum est enim * regnum cælórum, quæ contempsérunt vitam mundi, et pervénérunt ad præmia regni, et lavérunt stolas suas in ságuine Agni.

Oratio Da nobis, ut supra. 724

Et fit Commemoratio Feriæ. Vesperæ a Capitulo de sequenti, Commemoratio præcedentis et Feriæ.

Die 7 Martii

S. Thomæ de Aquino

Conf. et Eccl. Doct.

Duplex [111]

℣. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Thoma, divínæ legis amátor, deprecáre pro nobis Fílium Dei.

Oratio

DEus, qui Ecclésiám tuam beáti Thomæ Confessóris tui mira eruditióné claríficas, et sancta operatióne fecúndas : da nobis, quæsumus; et quæ dócuit, intelléctu conspícere, et quæ egit, imitatióne complére. Per Dóminum.

Et fit Commem. præced. : Ant. Istárum est, ℣. Glória et Oratio Da nobis, ut supra.

Deinde Commemoratio Ferialis.

In I Nocturno Lectiones Sapientiam, de Communi Doctorum. [104]

In II Nocturno

Lectio iv

Ræclárum christiáni orbis decus et Ecclésiæ lumen, beatíssimus vir Thomas, Landúlpho cómite Aquináte et Theodóra Neapolitána, nobílibus paréntibus natus, futúráe in Deíparam devotiónis afféctum adhuc infántulus osténdit. Nam chártulam ab eo invéntam, in qua salutátio angélica scripta erat, frustra adniténte nutrice, compréssa manu válide retínuit, et a matre per vim abréptam, plorátu et gestu repétiit, ac mox rédditam deglutívit. Quintum annum agens, mónachis sancti Benedícti Casinátibus custodiéndus tráditur. Inde Neápolim studiórum causa missus, jam adoléscens fratrum Prædicatórum órđinem suscepit. Sed matre ac frátribus id indígne feréntibus, Lutétiam Parisiórum míttitur. Quem fratres in itínere per vim raptum, in arcem castri sancti Joánnis perdúcunt : ubi várie exagitátus, ut sanctum propósitum mu-

táret, mulierem étiam, quæ ad labefactándam ejus constántiam introdúcta fúerat, titiône fugávit. Mox beátus júvenis, flexis génibus ante signum crucis orans, ibíque somno corréptus, per quiétem sentíre visus est sibi ab Angelis constríngi lumbos; quo ex témpore omni póstea libídinis sensu cáruit. Soróribus, quæ, ut eum a pio consílio removérent, in castrum vénerant, persuásit, ut, contemptís curis sæculáribus, ad exercitatióem cæléstis vitæ se conférrent.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérrnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

EMissus e castro per fenéstram, Neápolim redúcitur; unde Romam, póstea Parísium a fratre Joáanne Theutónico, órđinis Prædicatórum generáli magistro, ductus, Albérto Magno doctóre, philosophiæ ac theologiæ óperam dedit. Vigínti quinque annos natus, magíster est appellátus, publicéque philosophos ac theólogos

summa cum laude est interpretátus. Numquam se lectioni aut scriptiõni dedit, nisi post orationem. In difficultatibus locorum sacrae Scripturæ, ad orationem jejûniû adhibebat. Quin etiam sodali suo fratri Regináldo dicere solébat, quidquid sciret non tam stúdio aut labore suo peperisse, quam divinitus tráditum accepisse. Neápoli cum ad imáginem Crucifixi veheméntius oráret, hanc vocem audivit : Bene scripsisti de me, Thoma; quam ergo mercédem accípies? Cui ille : Non áliam, Dómine, nisi teípsum. Collationes Patrum assidue pervolutábat; et nullum fuit scriptorum genus, in quo non esset diligentíssime versátus. Scripta ejus et multitúdine, et varietáte, et facilitáte explicándi res difficiles ádeo excéllunt, ut ubérrima atque incorrupta illíus doctrína, cum revelátis veritatibus mire conséntiens, aptíssima sit ad ómnium téporum errores pervincéndos.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et ad portas.

Lectio vi

A Summo Pontífice Urbáno quarto Romam vocátus, ejus jussu ecclesiásticum lucubravit Officium in Córporis Christi solemnitate celebrándum : oblátos vero honóres et Neapolitánum archiepiscopátum, etiam deferente Cleménte quarto, recusávit. A prædicatione divini verbi non desistébat; quod cum fáceret per octávam Paschæ in basílica sancti Petri, mulierem, quæ ejus fimbriam tetígerat, a fluxu sánguinis liberávit. Missus a beáto Gregório decimo ad concílium Lugdunénse, in monastério Fossæ Novæ in morbum incidit, ubi ægrótus Cántica canticórum explanávit. Ibídem obiit quinquagenárius, anno salutis millésimo ducentésimo septuagésimo quarto, Nonis Mártii. Miráculis etiam mórtuus cláruit; quibus probátis, a Joánnе vigésimo secúndo in Sanctórum númerum relátus est, anno millésimo tercentésimo vigésimo tértio, translátó póstea ejus corpore Tolósam, ex mandáto beáti Urbáni quinti. Cum sanctis angélicis spirítibus non minus innocéntia quam ingénio comparátus, Doctóris Angélici no-

men jure est adéptus, eídem auctoritáte sancti Pii quinti confirmátum. Leo autem décimus tértius, libentíssime excípiens postulatiónes et vota ómnium pene Sacrórum antístitum orbis cathólici, ad tot præcípue philosophicórum systématum a veritáte aberrántium luem propulsándam, ad incrementa scientiárum, et commúnem humáni géneris utilitátem, eum, ex sacrórum Rítuum Congregatiónis consúlto, per apostólicas líttas cæléstem patrónum scholárum ómnium catholicárum declarávit et instituit.

R. Iste homo perfécit ómnia quæ locútus est ei Deus, et dixit ad eum : Ingredere in réquiem meam :

*** Quia** te vidi justum coram me ex ómnibus géntibus. **R.** Iste est, qui contémpsit vitam mundi, et pervénit ad cæléstia regna. — Quia. **Glória Patri. Quia.**

In III Nocturno Homilia in Ev. Vos estis sal terræ, de Communi Doct. 1 loco. [107]

IX Lectio de Homilia Feriæ.

AD LAUDES

R. Justum dedúxit.

Ad Bened. Ant. Euge, serve bone *** et** fidélis, quia in pauca fuísti fidélis, supra multa te constí-

tuam, intra in gáudium Dómini tui.

Oratio

Deus, qui Ecclésiám tuam beáti Thomæ Confessóris tui mira eruditióné clarificas, et sancta operatióne fecúndas : da nobis, quæsumus; et quæ dócuit, intelléctu conspícere, et quæ egit, imitatióne complére. Per Dóminum.

Et fit Commemoratio Feriæ.

Vesperæ a Capitulo de sequenti, Commemoratio præcedentis et Feriæ.

Die 8 Martii

S. Joannis de Deo

Conf. Duplex [111]

R. Amávit eum Dóminus.

Ad Magnif. Ant. Similábo eum *** viro** sapiénti, qui ædificávit domum suam supra petram.

Oratio

Deus, qui beátum Joánnem, tuo amóre succénsum, inter flammás innoxium incédere fecísti, et per eum Ecclésiám tuam nova prole fecundásti : præsta, ipsíus suffragántibus méritis; ut igne caritátis tuæ vítia nostra curéntur, et remédia nobis æténa provéniant. Per Dóminum.

Et fit Commem. præced. :

Ant. O Doctor óptime, Ecclésiæ sanctæ lumen, beáte Thoma, divínæ legis amátor, deprecáre pro nobis Fílium Dei.

✠. Justum dedúxit.

Oratio Deus, qui Ecclésiám, ut supra. 728

Deinde Commemoratio Feriæ.

In II Nocturno

Lectio iv



Aoáñnes de Deo, ex cathólicis piisque paréntibus in ópido Montis Majóris Junióris, regni Lusitániæ, natus, quam sublímiter in sortem Dómini fúerit electus, insuéтус splendor super ejus domo refúlgens, sonítusque æris campáni sua sponte emíssus, ab ipso ejus nativitatís témpore non obscuré prænuntiárunt. A laxióri vivéndi ratióne, divína operánte virtúte, revocátus, magnæ sanctitátis exhibére spécimen cœpit, et ob audítam prædicationem verbi Dei sic ad melióra se excitátum sensit, ut jam ab ipso sanctiórís vitæ rudiménto consummátum áliquid perfectúmque visus sit attigisse. Bonis ómnibus in páuperes carcéribus inclúsos erogátis, admirábilis pœniténtiæ suíque ipsíus

contéptus cuncto pópulo spectáculum factus, a ple-risque, ceu demens, grávitè afflíctus, in cárcerem améntibus destinátum conjícitur. At Joáñnes cælésti caritatè magis incén-sus, gémino atque amplo valetudinário ex piórum eleemósynis in civitatè Granaténsi exstrúcto, jactóque novi órdis fundaménto, Ecclésiám nova prole fœcundávit fratrum Hospitalitátis, infirmis præcláro animárum corporúmque proféctu inser-viéntium, et longe latéque per orbem diffusórum.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

Paupéribus ægrótis, quos própriis quándoque húmeris domum deferébat, nulla re ad ánimæ corporisque salútem profícua déerat. Effúsa quoque extra nosocomíum caritatè indigéntibus muliéribus víduis, et præcípue virgínibus periclitántibus clam aliménta subministrábat, curámque indeféssam adhibébat, ut

carnis concupiscéntiam a próximis hujúsmodi vítio inquinátis extermináret. Cum autem máximum in régio Granaténsi valetudinário excitátum fuisset incéndium, Joánnes impávidus prosíliit in ignem, huc illuc discúrrens, quóusque tum infirmos húmeris exportátos, tum léctulos e fenéstris proyctos ab igne vindicávit, ac per dimídiam horam inter flammás, jam in imménsum succrescéntes, versátus, exínde divínitus incólumis, univérsgis cívibus admirántibus exívit, in schola caritátis édocens segniórem in eum fuisse ignem, qui foris ússerat, quam qui intus accénderat.

✠ Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícám fidei, et ornávit eum. — Et.

Lectio vi

Múltiplici asperitátum gènere, demissíssima obediéntia, extrémá paupertáte, orándi stúdio, rerum divinárum contemplatióne, ac in beátam Vírginem pietáte mirífice excélluit, et lacrimárum dono enítuit. Dénique gravi morbo corréptus, ómni-

bus Ecclésiæ sacraméntis rite sanctéque reféctus, víribus licet destitútus, própriis indútus véstibus, e léctulo surgens ac provolútus in génua, manu et corde Christum Dóminum e cruce pendéntem perstríngens, octávo Idus Mártii anno millésimo quingentésimo quinquagésimo óbiit in ósculo Dómini : quem étiam mórtuus ténuít, nec dimísit, et in eádem córporis constitutióne sex círciter horas, quóusque inde dimóttus fuisset, tota civitáte inspectánte, mirábiliter permánsit, odórem mire fragrántem diffúndens. Quem ante et post óbitum plúrimis miráculis clarum, Alexánder octávus Póntifex máximus in Sanctórum númerum rétulit; et Leo décimus tértius, ex Sacrórum cathólici orbis antístitum voto ac Rítuum Congregatiónis consúlto, cæléstem ómnium hospitálium et infirmórum ubíque degéntium patrónum declarávit, ipsiúsque nomen in agonizántium litaníis invocári præcépit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. ✠. Iste est,

qui contempsit vitam mundi, et pervénit ad cæléstia regna. — Quia. **G**lória Patri. Quia.

In III Noeturno

Lectio sancti Evangélii
secúndum Matthæum

Lectio vii Cap. 22, 34-46

IN illo témpore : Acces-
sérunt ad Jesum pha-
risæi : et interrogávit eum
unus ex eis legis doctor,
tentans eum : Magíster,
quod est mandátum ma-
gnum in lege? Et réliqua.

Homília sancti Joánnis
Chrysóstomi

Homilia 72 in Matthæum

SAdducæis confúsis,
pharisæi rursus ag-
grediúntur; cum-
que quiescere oportéret,
decertáre voluérunt : et
legis perítiam profiténtem
præmittunt, non discere,
sed tentáre cupiéntes; ac
ita intérogant : Quodnam
primum mandátum in lege
sit. Nam cum primum
illud sit, Díliges Dóminum
Deum tuum : putántes
causas sibi allatúrum ad
mandátum hoc corrigén-
dum, áliquíd addéndo,
quóniam Deum se faciéb-
at, hoc modo intéro-
gant. Quid igitur Chri-
stus? Ut osténdat idcirco
ad hæc eos devenísse, quia
nulla in eis esset caritas,

sed invídiæ livóre tabé-
scerent : Díliges, inquit,
Dóminum Deum tuum :
hoc primum et magnum
mandátum est. Secúndum
autem símile huic : Díliges
próximum tuum sicut te-
ípsum.

℟. Iste est, qui ante
Deum magnas virtútes
operátus est, et de omni
corde suo laudávit Dómi-
num : * Ipse intercédát
pro peccátis ómnium po-
pulórum. **℣.** Ecce homo
sine queréla, verus Dei
cultor, ábstinens se ab
omni ópere malo, et pér-
manens in innocéntia sua.
— Ipse.

Lectio viii

QUam ob rem símile est
huic? Quóniam hoc il-
lud indúcit, et ab illo rur-
sus munítur. Quicúmque
enim male agit, ódio habet
lucem, et non venit ad
lucem. Et rursus : Dixit
insípiens in corde suo,
Non est Deus. Deínde sé-
quitur : Corrupti sunt, et
abominábiles facti sunt in
stúdiis suis. Et íterum :
Radix ómnium malórum
avarítia est; quam qui-
dam appeténtes, erravé-
runt a fide. Et, Qui díligit
me, mandáta mea servá-
bit : quorum caput et
radix est : Díliges Dómi-
num Deum tuum, et próxi-
mum tuum sicut teípsum.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. ℣. Vigilate ergo, quia nescitis qua hora Dominus vester venturus sit. — Et. Glória Patri. Et.

IX Lectio de Homilia Feriæ.

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, intra in gaudium Domini tui.

Oratio

Deus, qui beatum Joannem, tuo amore succensum, inter flammam incendere fecisti, et per eum Ecclesiam tuam nova prole fecundasti : presta, ipsius suffragantibus meritis; ut igne caritatis tue vitia nostra curentur, et remedia nobis æterna provéniant. Per Dominum.

Et fit Commemoratio Feriæ.

Vesperæ a Capitulo de sequenti, Commemoratio præcedentis et Feriæ.

Die 9 Martii

S. Franciscæ Romanæ

Viduæ Duplex [149]

℣. Spécie tua et.

Ad Magnif. Ant. Simile est regnum cælorum * homini negotiatri quærenti bonas margaritas : inventa una pretiosa, dedit omnia sua, et comparavit eam.

Oratio

Deus, qui beatam Franciscam famulam tuam, inter cetera gratiæ tuæ dona, familiari Angeli consuetudine decorasti : concede, quæsumus; ut intercessionis ejus auxilio Angelorum consortium consequi mereamur. Per Dominum.

Et fit Commem. præcedentis :

Ant. Hic vir despiciens mundum et terræna, triumphans, divitias cælo condidit ore, manu.

℣. Justum deduxit.

Oratio Deus, qui beatum Joannem, **ut supra.**

Deinde Commemoratio Feriæ.

In II Nocturno

Lectio iv



Rancisca, nobilis matrona Romana, ab ineunte ætate illustria dedit virtutum

exémpla; étenim pueríles ludos et illécebras mundi réspuens, solitúdine et oratióne magnópere delectabátur. Undecim annos nata, virginitátem suam Deo consecráre et monastérium ingredi propósuit : paréntum tamen voluntáti humíliter obtemperans, Lauréntio de Pontíanis, júveni æque diviti ac nóbili, nupsit. In matrimónio arctiórís vitæ propósitum, quantum lícuit, semper retínuit; a spectáculis, convíviis aliisque hujúsmodi oblectaméntis abhórrens, lánea ac vulgári veste utens, et quidquid a domésticis curis supérerat témporis, oratióni aut proximórum utilitatí tribuens; in id vero máxima sollicitúdine incúmbens, ut matrónas Románas a pompis sáculi et ornátus vanitáte revocáret. Quaprópter domum Oblatárum, sub régula sancti Benedícti, congregatiónis Montis Olivéti, adhuc viro alligáta, in Urbe instituit. Viri exsílum, bonórum jactúram ac univérsæ domus mærorém non modo constantíssime tolerávit; sed, grátias agens cum beáto Job, illud frequénter usurpábat : Dóminus dedit, Dóminus ábstulit : sit nomen Dómini benedíctum.

℟. Propter veritátem, et mansuetúdinem, et justítiam : * Et dedúcet te mirabíliter dextera tua.
 ✠. Spécie tua et pulchritúdine tua inténde, prospere procéde, et regna. — Et dedúcet.

Lectio v

Viro defúncto, ad prædictam Oblatárum domum cónvolans, nudis pédibus, fune ad collum alligáto, humi prostráta, multis cum lácrimis eárum número adscribi supplíciter postulávit. Voti compos facta, licet esset ómnium mater, non álio tamen quam ancíllæ, vilissimæque féminæ, et imundítie vásculi título gloriabátur. Quam vilem sui existimatiónem et verbo declarávit et exémpló; sæpe enim e suburbána vínea revértens, et lignórum fascem próprio cápiti impósitum déferens, vel eisdem onústum agens per Urbem aséllum, paupéribus subveniébat, in quos étiam largas eleemósynas erogábat; ægrotantesque in xenodochíis visitans, non corporáli tantum cibo, sed salutáribus mónitis recreábat. Corpus suum vigíliis, jejúniis, cilício, férreo cingulo, crebrisque flagéllis in servitútem redígere júgiter satagébat.

Cibum illi semel in die herbæ et legúmina, aqua potum præbuit. Hos tamen cõrporis cruciátus aliquándo confessárii mandáto, a cujus ore nutúque pendébat, módice temperávit.

℟. Dilexísti justítiam, et odísti iniquitátem : * Proptérea unxit te Deus, Deus tuus, óleo lætítiæ. ℣. Propter veritátem, et mansuetúdinem, et justítiam. — Proptérea.

Lectio vi

DIvína mystéria, præsertim vero Christi Dómini passiõnem, tanto mentis ardóre tantáque lacrimárum vi contempla-bátur, ut præ dolóris magnitúdine pene cõfici viderétur. Sæpe étiam cum oráret, máxime sumpto sanctíssimæ Eucharístiæ sacraménto, spíritu in Deum eleváta ac cæléstium contemplatióne rapta, immóbilis permanébat. Quaprópter humáni géneris hostis váriis eam contuméliis ac verbéribus a propósito dimovére conabátur : quem tamen illa impertérrita semper elúsit, Angeli præsertim præsidio, cujus familiári consuetúdine gloriósum de eo triúmphum reportávit. Grátia curatiónum et prophetiæ dono eníruit, quo

et futúra prædíxit et cõrdium secréta penetrávit. Non semel aquæ, vel per rivum decurréntes vel e cælo labéntes, intáctam prorsus, dum Deo vacáret, reliquérent. Módica panis fragménta, quæ vix tribus soróribus reficiéndis fuissent satis, sic ejus précibus Dóminus multiplicávit, ut quíndecim inde exsaturátis, tantum superfúerit, ut canístrum impléverit; et aliquándo earúmdem sorórum, extra Urbem mense Januário ligna parántium, sitim recéntis uvæ racémis ex vite in árbore pendéntibus mirabiliter obténtis, abúnde expléverit. Dénique, méritis et miráculis clara, migrávit ad Dóminum, anno ætátis suæ quinquagésimo sexto. Quam Paulus quintus Póntifex máximus in Sanctórum númerum rétulit.

℟. Fallax grátia, et vana est pulchritúdo : * Múlier timens Deum, ipsa laudábitur. ℣. Date ei de fructu mánuum suárum, et laudent eam in portis ópera ejus. — Múlier. Glória Patri. Múlier.

In III Nocturno Homilia in Evangelium Símile est regnum cælórum, de Communi non Virginum. [154]

IX Lectio de Homilia Feriæ.

AD LAUDES

℣. Diffúsa est grátia.

Ad Bened. Ant. Date ei * de fructu mánuum suárum, et laudent eam in portis ópera ejus.

Oratio

DEus, qui beátam Franciscam fámulam tuam, inter cétera grátiae tuæ dona, familiári Angeli consuetúdine decorásti : concéde quæsumus; ut intercessiónis ejus auxílio Angelórum consórtium cónsequi mereámur. Per Dóminum.

Et fit Commemoratio Feriæ.

IN II VESPERIS

℣. Diffúsa est grátia.

Ad Magnif. Ant. Manum suam * apéruit inopi, et palmas suas exténdit ad páuperem, et panem otíosa non comédit.

Et fit Commemoratio sequentis et Feriæ.

Die 10 Martii

Sanctorum Quadraginta Martyrum

Semiduplex [53]

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino.

Oratio

PRæsta, quæsumus, omnípotens Deus : ut, qui gloriósos Mártýres fortes in sua confessióne cognóvimus, pios apud te in nostra intercessióne sentiámus. (Per Dóminum.)

Et fit Commemoratio Feriæ.

In I Nocturno Lectiones
Fratres : Debitóres, de **Comuni plurimorum Martyrum extra Tempus Paschale.** [57]

In II Nocturno

Lectio iv



Ilcínio imperatóre et Agricoláo præside, ad Sebásten Arméniae urbem, quadraginta militum fides in Jesum Christum et fortitúdo in cruciátibus perferéndis enítuit. Qui sæpius in horribilem cárcerem detrúsi, vinculisque constricti, cum ora ipsórum lapídibus contúsa fuissent, hiemis tempore frigidíssimo, nudi sub apérto áère supra stagnum rigens pernoctáre jussi sunt, ut frígore congeláti necaréntur. Una autem erat ómnium orátio : Quadraginta in stádium ingrési sumus, quadraginta item, Dómine, coróna donémur, ne una quidem huic número desit. Est in honóre hic número, quem tu quadraginta

diérum jejúnio decorásti, per quem divína lex ingressa est in orbem terrárum; Elías quadraginta diérum jejúnio Deum quærens, ejus visionem consecútus est. Et hæc quidem illórum erat orátio.

✠. Sancti tui, Dómine, mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra appáruit árida, et in Mari Rubro via sine impediménto. ✠. Quóniam percússit petram, et fluxérunt aquæ, et torréntes inundavérunt. — Terra.

Lectio v

Ceteris autem custódi-
bus somno déditis, solus vigilábat jánitor, qui et illos orántes et luce circumfúsos, et quosdam e cælo descendéntes Angelos tamquam a Rege missos, qui corónas triginta novem milítibus distribúerent, intuens, ita secum loquebátur : Quadraginta hi sunt; quadragésimi coróna ubi est? Quæ dum cogitáret, unus ex illo número, cui ánimus ad frigus feréndum defecerat, in próximum tepefáctum bálneum desiliens, Sanctos illos summo dolore affécit. Verum Deus illórum preces írritas esse non est passus; nam rei

evéntum admirátus jánitor, mox custódi-
bus e somno excitátis, detractisque sibi véstibus, ac se christiánum esse clara voce professus, Martíribus se adjúnxit. Cum vero præsidis satéllites janitorem quoque christiánum esse cognovissent, bacillis comminúta ómnium eórum crura fregérunt.

✠. Vérbera carníficum non timuérunt Sancti Dei, moriéntes pro Christi nómine : * Ut herédes fierent in domo Dómini. ✠. Tradidérunt córpora sua propter Deum ad supplicia. — Ut herédes.

Lectio vi

IN eo supplicio mórtui sunt omnes, præter Melithónem natu mínimum. Quem cum præsens mater ejus, fractis crúribus, adhuc vivéntem vidisset, sic cohortáta est : Fili, paulisper sústine; ecce Christus ad jánuam stat áduvans te. Cum vero reliquórum córpora plaustri impóni cérneret, ut in rogam inferréntur, ac filium suum relinqui, quod speráret ímpia turba púerum, si vixisset, ad idolórum cultum revocári posse; ipso in húmeros sublato, sancta mater vehícula Mátyrum corpóribus onústa strénue prosequébatur. In

cujus ampléxu Mélithon spíritum Deo réddidit, ejúsque corpus in eúmdem illum ceterórum Mártyrum rogum pia mater injécit; ut qui fide et virtúte conjunctíssimi fúerant, fúneris étiam societáte copuláti, una in cælum pervenírent. Combústis illis, eórum reliquiæ projéctæ in profluéntem, cum mirabíliter in unum confluxís- sent locum, salvæ et integre repértæ, honorífico sepúlcro conditæ sunt.

✠. Tamquam aurum in fornáce probávit eléctos Dóminus, et quasi holo- cáusti hóstiam accépit illos; et in témpore erit respéctus illórum, * Quóniam donum et pax est eléctis Dei. ✠. Qui confí- dunt in illum, intélligent veritátem : et fidéles in dilectióne acquiescent illi. — Quóniam. Glória Patri. Quóniam.

In III Nocturno Homilia in Ev. Descéndens Jesus, de Communi plurimorum Martyrum extra Tempus Paschale 2 loco. [71]

IX Lectio de Homilia Feriæ.

AD LAUDES

✠. Exsultábunt sancti.

Ad Bened. Ant. Vestri capílli cápitis * omnes numeráti sunt : nolíte timére : multis passéribus meliôres estis vos.

Oratio

PRæsta, quæsumus, om- nípotens Deus : ut, qui gloriósos Mártyres fortes in sua confessióne cognó- vimus, pios apud te in nostra intercessióne senti- tiámus. (Per Dóminum.)

Et fit Commemoratio Feriæ.

IN VESPERIS

✠. Exsultábunt sancti.

Ad Magnif. Ant. Gau- dent in cælis * ánimæ Sanctórum, qui Christi vesti- gia sunt secúti : et quia pro ejus amóre ságuinem suum fuderunt, ideo cum Christo exsúltant sine fine.

Et fit Commemoratio Feriæ.

Die 12 Martii S. Gregorii I

Papæ, Conf. et Eccl. Doct.
Duplex [84]

✠. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Gregóri, divínæ legis amátor, depre- cáre pro nobis Fílium Dei.

Oratio

DEus, qui ánimæ fámuli tui Gregórii ætérnæ beatitúdinis præmia con- tulísti : concéde propítius; ut, qui peccatórum nostró- rum póndere prémimur, ejus apud te précibus sub- levémur. Per Dóminum.

Et fit Commemoratio Feriæ.

In I Nocturno Lectiones
Sapiéntiam, de Communi
Doctorum. [104]

In II Noeturno

Lectio iv



Regórius Magnus, Románus, Gordiáni senatóris filius, adolésceus philosophíæ óperam dedit; et prætorio officio functus, patre mórtuo, sex monastéria in Sicília ædificávit, Romæ séptimum sancti Andréæ nómine in suis ædibus, prope basilicam sanctórum Joánnis et Pauli ad clivum Scauri, ubi Hilarióne ac Maximiáno magístris, mónachi vitam professus, póstea abbas fuit. Mox diáconus cardínalis creátus, Constantínópolim a Pelágio Pontífice ad Tibérium Constantínium imperatórem legátus míttitur : apud quem memorábile étiam illud effécit, quod Eutýchium patriárcham, qui scripserat contra veram ac tractábilem córporum resurrectionem, ita convícit, ut ejus librum imperátor in ignem injíceret. Quare Eutýchius paulo post cum in morbum incidisset, instánte morte, pellem manus suæ tenébat, multis præsentibus, dicens: Confiteor quia omnes in hac carne resurgémus.

℟. Invéni David servum meum, óleo sancto meo unxi eum : * Manus enim mea auxiliábitur ei. ℣. Nihil proficiet inimícus in eo, et filius iniquitátis non nocébit ei. — Manus.

Lectio v

Romam rédiens, Pelágio pestiléntia subláto, summo ómnium consénsu Póntifex elígitur. Quem honórem ne accíperet, quámdui pótuit, recusávit, nam aliéno vestítu in spelúnca delítuit; ubi deprehénsus indício igneæ colúmnæ, ad sanctum Petrum consecrátur. In pontificátu multa successóribus doctrínæ ac sanctitátis exémpla reliquit. Peregrínos quotidie ad mensam adhibébat; in quibus et Angelum, et Dóminum Angelórum peregríni fácie accépit. Páuperes et urbános et extérnos, quorum númerum descriptum habébat, benígne sustentábat. Cathólicam fidem multis locis labefactátam restítuit; nam Donatístas in Afríca, Ariános in Hispánia représsit, Agnoístas Alexandría ejécit. Pállium Syágrio Augustodunénsi epíscopo dare nóluit, nisi neóphytos hæréticos expélleret ex Gállia. Gothos hæresim Ariánam relínquere coégit. Missis in

Británniam doctis et sanctis viris Augustíno et áliis mónachis, ínsulam ad Jesu Christi fidem convértit, vere a Beda presbýtero Angliæ vocátus Apóstolus. Joánnis patriárchæ Constantinopolitáni audáciam fregit, qui sibi universális Ecclésiæ episcopi nomen arrogábat. Maurítium imperatórem, eos qui mílites fuissent mónachos fferi prohibéntem, a senténtia detérruit.

✠. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei. ✠. Invéni David servum meum, óleo sancto meo unxi eum. — Manus enim.

Lectio vi

Ecclésiám ornávit sanctíssimis institútis et légibus. Apud sanctum Petrum coácta sýnodo, multa constituit : in iis, Ut in Missa Kýrie eléison nóvies repeterétur : ut extra id tempus, quod continétur Septuagésima et Pascha, Allelúja dicerétur : ut adderétur in Cánone, Diésque nostros in tua pace dispónas. Litanías, Statiónes, et ecclesiásticum officium auxit. Quátuor concíliis, Nicæno, Constantinopolitáno, Ephesíno, Chalcedonénsi,

tamquam quátuor Evan-géliis honórem habéri vóluit. Episcopis Sicíliæ, qui ex antíqua ecclesiárum consuetúdine Romam singulis triénniis conveniébant, quinto quoque anno semel veníre indúlsit. Multos libros confécit; quos cum dictáret, testátus est Petrus diáconus, se Spíritum Sanctum colúmnæ spécie in ejus cápite sæpe vidísse. Admirábilia sunt quæ dixit, fecit, scripsit, decrevit, præsertim infirma semper et ægra valétudine. Qui dénique multis éditis miráculis, pontificátus anno décimo tértio, mense sexto, die décimo, quarto Idus Mártii, qui dies festus a Græcis étiam propter insígnem hujus Pontíficis sapiéntiam ac sanctitátem præcípua honóre celebrátur, ad cælestem beatitúdinem evocátus est. Cujus corpus sepúltum est in basilíca sancti Petri, prope Secretárium.

✠. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. ✠. Iste est, qui contémpsit vitam mundi, et pervénit ad cælestia regna. — Ipse. Glória Patri. Ipse.

In III Noeturno

Léctio sancti Evangélii
secúndum Matthæum

Lectio vii Cap. 16, 13-19

IN illo témpore : Venit Jesus in partes Cæsariæ Philippi, et interrogabat discipulos suos, dicens : Quem dicunt homines esse Fílium hóminis? Et reliqua.

Homília sancti Leónis
Papæ

Sermo 2 in anniversario
assumpt. suæ, ante medium

EUm, sicut evangélica lectione reserátum est, interrogasset Dóminus discipulos, quem ipsum (multis diversa opinántibus) créderent; respondissetque beátus Petrus, dicens : Tu es Christus Fílius Dei vivi; Dóminus ait : Beátus es, Simon Bar-Jona, quia caro et sanguis non revelávit tibi, sed Pater meus, qui in cælis est : et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælorum : et quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Manet ergo

dispositio veritátis, et beátus Petrus, in accépta fortitúdine petræ perseverans, suscepta Ecclésiæ gubernácula non relíquit.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio viii

IN univérsa namque Ecclésia, Tu es Christus Fílius Dei vivi, quotidie Petrus dicit; et omnis lingua, quæ confitétur Dóminum, magistério hujus vocis imbúitur. Hæc fides diábolum vincit et captivórum ejus víncula dissólvit. Hæc érutos mundo, inserit cælo, et portæ inferi advérsus eam prævalére non possunt. Tanta enim divínitus soliditáte múnita est, ut eam neque hærética umquam corrumpere právitas, nec pagána potúerit superáre perfidia. His itaque modis, dilectíssimi, rationábili obséquio celebrétur hodiérna festívitás : ut in persóna humilitátis meæ ille intelligátur, ille honorétur, in quo et ómnium pastórum sollicitúdo, cum commendatarum sibi óvium custódia perseverat, et cujus étiam dignitas in indigno heréde non déficit.

✠. In médio Ecclésiæ aperuit os ejus, * Et implévit eum Dóminus spíritu sapiéntiæ et intelléctus.

✠. Jucunditatem et exultationem thesaurizavit super eum. — Et. Glória. Et.

IX Lectio de Homilia Feriæ.

AD LAUDES

Oratio

Deus, qui animæ famuli tui Gregórii æternæ beatitudinis præmia contulisti: concède propítius; ut, qui peccatorum nostrorum póndere premimur, ejus apud te précibus sublevémur. Per Dóminum.

Et fit Commemoratio Feriæ.

IN II VESPERIS

✠. Justum dedúxit.

Ant. O Doctor. 737

Et fit Commemoratio Feriæ.

Die 17 Martii

S. Patricii

Episcopi et Confessoris

Duplex [84]

✠. Amávit eum Dóminus.

Ad Magnif. Ant. Sacerdos et Póntifex, * et virtutum ópifex, pastor bone in pópulo, ora pro nobis Dóminum.

Oratio

Deus, qui ad prædicándam géntibus glóriam tuam beátum Patrícium Confessórem atque Pontí-

ficem mittere dignátus es: ejus méritis et intercessióne concède; ut, quæ nobis agénda præcipis, te miseránte, adimplére possimus. Per Dóminum.

Et fit Commemoratio Feriæ.

In II Noeturno

Lectio iv



Patrícus, Hibérniæ dictus Apóstolus, Calphúrnio patre, matre Conchessa sancti Martíni Turonénsis episcopi, ut pérhibent, consanguinea, majóri in Británnia natus, puer in barbarorum sæpius incidit captivitatem. Eo in statu pascéndis grégibus præpósitus, jam tum futúrae sanctitátis spécimen præbuit: fidei namque divínique timóris et amoris spíritu replétus, antelucáno témpore per nives, gelu ac plúvias ad preces Deo fundéndas, ímpiger consurgébat; sólitus cén-ties intérdiu, centiésque noctu Deum oráre. A servitúte tértio exémp-tus et inter cléricos relátus, in divínis lectiónibus longo se témpore exércuit. Gál-liis, Itália insulisque Tyr-rhéni maris labóre summo peragrátis, divíno tandem mónitu ad Hibernórum salútem advocátur; et, facta a beáto Cælestíno Papa Evangélli nuntiándi pote-

státe, consecratúsque epíscopus, in Hibérniam perrexit.

℟. Invéni David servum meum, óleo sancto meo unxi eum : * Manus enim mea auxiliábitur ei. ℣. Nihil proficiet inimícus in eo, et fílius iniquitátis non nocébit ei. — Manus.

Lectio v

EO in múnere mirum quot vir apostólicus mala, quot ærúmnae et labóres, quot pertúlerit adversários. Verum Dei afflánte benignitáte, terra illa, idolórum ántea cultrix, eum mox prædicánte Patrício fructum dedit, ut Sanctórum ínsula deínde fúerit appelláta. Frequentíssimi ab eo pópuli sacro sunt regeneráti lavácro : epíscopi, clericíque plúrimi ordináti : vírgines ac víduæ ad continéntiæ leges institútæ. Armachánam sedem, Románi Pontíficis auctoritáte, totíus ínsulæ príncipem metrópolim constitúit, Sanctórumque reliquiis ab Urbe relátis decorávit. Supérnis visiónibus, prophetiæ dono, ingentibúsque signis et prodígiis a Deo exornátus ádeo refúlsit, ut longe latéque célébrior Patricii se fama diffúderit.

℟. Pósui adjutórium super poténtem, et exaltávi

eléctum de plebe mea : * Manus enim mea auxiliábitur ei. ℣. Invéni David servum meum, óleo sancto meo unxi eum. — Manus.

Lectio vi

PRæter quotidíanam eclesiárum sollicitúdinem, invíctum ab oratióne spíritum numquam relaxábat. Ajunt enim, íntegrum quotidie Psaltérium, una cum Cánticis et Hymnis ducentísque oratióibus, consuevisse recitáre, tercénties per dies singulos flexis génibus Deum adoráre, ac in quálibet Hora dñei canónica cénties se crucis signo muníre. Noctem tria in spátia distribuens, primum in centum Psalmis percurréndis, et bis cénties genuflecténdo; álterum in réliquis quinquagínta Psalmis, álgidis aquis immérsus, ac corde, óculis manibúsque ad cælum eréctus, absolvéndis insumébat; tertium vero super nudum lápidem stratus ténuí dabat quiéti. Humilitátis exímíus cultor, apostólicomore a mánuum suárum labóre non abstínuit. Assíduis tandem curis pro Ecclésia consúptus, verbo et ópere clarus, in extrémá senectúte divínis mystériis reféctus, obdormívit in Dómino, sepul-

túsque est apud Dunum in Ultónia, a christiána salúte sáculo quinto.

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédât pro peccátis ómnium populórum. ℣. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

In III Nocturno Homilia in Ev. Homo péregre, de Comuni Conf. Pont. 1 loco. [96]

IX Lectio de Homilia Feriæ.

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constituam, dicit Dóminus.

Oratio

Deus, qui ad prædicándam géntibus glóriam tuam beátum Patricium Confessórem atque Pontíficem mittere dignátus es : ejus méritis et intercessióne concéde; ut, quæ nobis agénda præcipis, te miseránte, adimplére possimus. Per Dóminum.

Et fit Commemoratio Feriæ.

Vesperæ a Capitulo de sequenti, Commemoratio præcedentis et Feriæ.

Die 18 Martii

S. Cyrilli

Ep. Hierosolymitani,
Conf. et Eccl. Doct.

Duplex [84]

℣. Amávit eum Dóminus.

Ad Magnif. Ant. O Doctor óptime, * Ecclesiæ sanctæ lumen, beáte Cyrille, divínæ legis amátor, deprecáre pro nobis Fílium Dei.

Oratio

DA nobis, quæsumus, omnipotens Deus, beáto Cyrillo Pontífice intercedente : te solum verum Deum, et quem misísti Jesum Christum ita cognóscere; ut inter oves, quæ vocem ejus áudiunt, perpétuo connumerári mereámur. Per eúndem Dóminum.

Et fit Commemoratio præcedentis :

Ant. Amávit eum Dóminus, et ornávit eum : stolam glóriæ induit eum, et ad portas paradísi coronávit eum.

℣. Justum dedúxit.

Oratio Deus, qui, ut supra.

Deinde Commemoratio Feriæ.

In I Nocturno Lectiones Sapiéntiam, de Comuni Doctorum. [104]

In II Nocturno

Lectio iv

CYRILLUS Hierosolymitanus, a teneris annis divinarum Scripturarum studio summopere deditus, adeo in earum scientia profecit, ut orthodoxae fidei strenuus assertor evaserit. Monasticis institutis imbutus, perpetuae continentiae omnique severiori vivendi rationi se addictum voluit. Postquam a sancto Maximo Hierosolymae episcopo presbyter ordinatus fuit, munus verbi divini fidelibus praedicandi et catechumenos edocendi summa cum laude implevit, atque illas vere mirandas conscripsit catecheses, quibus totam ecclesiasticam doctrinam dilucide et copiose complexus, singula religionis dogmata contra fidei hostes solide propugnavit. Ita vero in his enucleate et distincte disservit, ut non solum jam exortas haereses, sed futuras etiam quasi praesagiens everterit; quemadmodum praestitit asserendo corporis et sanguinis Christi realem praesentiam in mirabili Eucharistiae sacramento. Vita autem functo sancto Maximo, a provinciae episcopis in illius locum suffectus est.

✠. Inveni David servum meum, oleo sancto meo unxi eum : * Manus enim mea auxiliabitur ei. ✠. Nihil proficiet inimicus in eo, et filius iniquitatis non nocabit ei. — Manus.

Lectio v

IN episcopatu injurias multas et calamitates, non secus ac beatus Athanasius, cui coaevus erat, ab Arianorum factionibus fidei causa perpessus fuit. Hi enim aegre ferentes Cyrillum vehementer haeresibus obsistere, ipsum calumniis aggrediuntur, et in conciliabulo depositum e sua Sede deturbant. Quorum furori ut se subtraheret, Tarsum Ciliciae aufugit, et quoad vixit Constantius, exsilio rigorem pertulit. Post illius mortem, Juliano Apostata ad imperium evecto, Hierosolymam redire potuit, ubi ardenti zelo gregi suo ab erroribus et a vitiis revocando operam navavit. Sed iterum, Valente imperatore, exulare coactus est, donec, reddita Ecclesiae pace per Theodosium Magnum, et Arianorum crudelitatem audaciamque repressa, ab eodem imperatore tamquam fortissimus Christi athleta honoribus susceptus, suae Sedi restitutus fuit. Quam

strénue et sancte sublimis officii sui múnia impléverit, luculénter appáret ex florénti tunc témporis Hierosolymítanæ ecclésiæ statu, quem sanctus Basilius loca sancta veneráturus, ibi aliquámdiu comorátus, describit.

℟. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei. ℣. Invéni David servum meum, óleo sancto meo unxi eum. — Manus.

Lectio vi

Venerándi hujus præsulis sanctitátem cælestibus signis a Deo fuisse illustrátam, memóriæ tráditum accévimus. Inter hæc recensétur præclára crucis, solis rádiis fulgentióri, apparitio, quæ episcopátus ejus inítia decorávit. Hujúsmodi prodígii éthnici et christiáni testes oculáres fuérunt cum ipso Cyrillo, qui, grátiis primum in ecclésia Deo rédditis, illud per epístolam Constántio imperatóri narrávit. Nec minus admiratióné dignum, quod Judæis, templum a Tito evérsus restauráre ex impio imperatóris Juliáni jussu conántibus, evenit. Veheménti enim terræmótu obórto, et ingéntibus flammárum globis e

terra erumpéntibus, ómnia ópera ignis consúmpsit, ita ut Judæi et Juliánus detérriti ab incépto destíterint; prout scilicet indubitánter futúrum Cyrillus prædíxerat. Qui demum paulo ante óbitum concílio œcuménico Constantinopolitáno intérfuit, in quo Macedónii háeresis, et íterum Ariána condemnáta est. Ac Jerúsalem inde revérsus, fere septuagenárius, trigésimo quinto sui episcopátus anno, sancto fine quiévit. Ejus Officium ac Missam Leo décimus tértius Póntifex máximus ab univérsa Ecclésia celebrári mandávit.

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. ℣. Iste est, qui contémpsit vitam mundi, et pervénit ad cælestia regna. — Ipse. Glória Patri. Ipse.

In III Nocturno

Léctio sancti Evangélii
secúndum Matthæum

Lectio vii Cap. 10, 23-28

IN illo témpore : Dixit Jesus discípulis suis : Cum persequéntur vos in civitáte ista, fúgite in áliam. Et réliqua.

Homilia sancti Athanasii
EpiscopiApologia de fuga sua,
ante medium

N lege præceptum erat ut constituerentur civitates refugiorum, ut qui quomodoque ad necem quaererentur, servari possent. In consummatione porro sæculorum cum advenisset illud ipsum Verbum Patris, quod Móysi antea locutum fuerat, rursus hoc præceptum dedit, Cum vos, inquit, persecuti fuerint in civitate ista, fugite in aliam. Pauloque post subjicit : Cum videritis illam abominationem desolationis, quæ dicta est per Daniëlem prophetam, consistentem in loco sancto (qui legit, intelligat), tunc qui in Judæa sunt, fugiant ad montes; et qui in tecto est, ne descendat tollere aliquid de domo sua; et qui in agro est, non revertatur tollere tunicam suam.

℟. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ℣. Induit eum Dominus lorica fidei, et ornavit eum. — Et.

Lectio viii

HÆC cum scirent Sancti, ejusmodi tenuerunt suæ conversationis

institutum. Quæ enim nunc præcepit Dominus, eadem quoque ante suum in carne adventum locutus est in Sanctis; et hoc institutum homines ad perfectionem ducit. Nam quod Deus jusserit, id omnino faciendum est. Ideoque et ipsum Verbum propter nos homo factum, non indignum putavit, cum quaereretur, quemadmodum et nos, abscondere se; et cum persecutionem pateretur, fugere, et insidias declinare : cum autem a se definitum tempus ipse adduxisset, in quo corporaliter pro omnibus pati volebat, ultro seipsum tradidit insidiantibus.

℟. In medio Ecclesiæ aperuit os ejus, * Et implevit eum Dominus spiritu sapientiæ et intellectus.

℣. Jucunditatem et exultationem thesaurizavit super eum. — Et. Glória Patri. Et.

IX Lectio de Homilia Feriæ.

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constitutam, dicit Dominus.

Oratio

DA nobis, quæsumus, omnipotens Deus, beato Cyrillo Pontifice inter-

cedente : te solum verum Deum, et quem misisti Jesum Christum ita cognoscere; ut inter oves, quæ vocem ejus audiunt, perpetuo connumerari mereamur.

mur. Per eundem Dominum.

Et fit Commemoratio Feriæ.

Vesperæ de sequenti, Commemoratio tantum Feriæ in Quadragesima.

DIE 19 MARTII

S. Joseph Sponsi B. Mariæ Virg. *Conf.*

DUPLEX I CLASSIS

IN I VESPERIS

Ant. 1 Jacob autem * genuit Joseph, virum Mariæ, de qua natus est Jesus, qui vocatur Christus. (T. P. Allelúja.)

Psalmi ut in Vesperis de Comm. Apostolorum Tempore Paschali. [4]

2 Missus est * Angelus Gábríel a Deo ad Virginem desponsatam viro, cui nomen erat Joseph, de domo David : et nomen Virginis Mariæ. (T. P. Allelúja.)

3 Cum esset desponsata * Mater Jesu Mariæ Joseph, antequam convenirent, inventa est in útero habens de Spíritu Sancto. (T. P. Allelúja.)

Joseph vir ejus, * cum esset justus, et nollet eam traducere, voluit occulte

dimittere eam. (T. P. Allelúja.)

5 Angelus Domini * apparuit Joseph, dicens : Joseph, fili David, noli timere accipere Mariam conjugem tuam; quod enim in ea natum est, de Spíritu Sancto est : pariet autem filium, et vocabis nomen ejus Jesum. (T. P. Allelúja.)

Capit. Prov. 28, 20; 27, 18

VIR fidélis multum laudabitur. Et, qui custos est Domini sui, glorificabitur.

Hymnus

TE, Joseph, celebrent ágmina cælitum,
Te cuncti résonent cristiádum chori,
Qui clarus méritis, junctus es ínclytæ
Casto fédere Virgini.

Almo cum túmidam gér-
mine cónjugem
Admírans, dúbio tángeris
ánxius,
Afflátu súperi Fláminis
Angelus
Concéptum Púerum docet.

Tu natum Dóminum strin-
gis, ad éxteras
Ægýpti prófugum tu sé-
queris plagas;
Amíssum Sólymis quæris,
et invenis,
Miscens gáudia flétibus.

Post mortem réliquos sors
pia cónsecrat,
Palmámque eméritos gló-
ria súscipit :
Tu vivens, Súperis par,
frúeris Deo,
Mira sorte beátior.

Nobis, summa Trias, parce
precántibus,
Da Joseph méritis sídera
scándere;
Ut tandem líceat nos tibi
pérpetim
Gratum prómere cánti-
cum. Amen.

✠. Constituit eum dómi-
num domus suæ. (T. P.
Allelúja.) ✠. Et príncipem
omnis possесси́onis suæ.
(T. P. Allelúja.)

Ad Magnif. Ant. Exsúr-
gens Joseph a somno, *
fecit sicut præcépit ei An-
gelus Dómini, et accépit
cónjugem suam. (T. P.
Allelúja.)

Oratio

Sanctíssimæ Genitrícis
tuæ Sponsi, quæsu-
mus, Dómine, méritis ad-
juvémur : ut, quod possi-
bilitas nostra non óbtinet,
ejus nobis intercessióne do-
nétur : Qui vivis et regnas.

Et, in Quadragesima, fit
Commemoratio Feriæ.

Completorium de Dominica.

AD MATUTINUM

Invit. Christum Dei Fí-
lium, qui putári dignátus
est fílius Joseph, * Veníte,
adorémus. (T. P. Allelúja.)
Ps. 94 Veníte, exsulté-
mus 3

Hymnus

Cælitum, Joseph, decus
atque nostræ
Certa spes vitæ, columén-
que mundi,
Quas tibi læti cánimus,
benígnus
Súscipe laudes.

Te Sator rerum státuit
pudicæ
Vírginis sponsum, volúit-
que Verbi
Te patrem dici, dedit et
ministrum
Esse salútis.

Tu Redemptórem stábulo
jacéntem,
Quem chorus Vatum cécí-
nit futúrum,
Aspícis gaudens, humilís-
que natum
Numen adóras.

Rex Deus regum, Domi-
nator orbis,
Cujus ad nutum tremit
inferorum
Turba, cui pronus famu-
latur æther,
Se tibi subdit.

Laus sit excelsæ Trîadi
perennis,
Quæ tibi præbens súperos
honores,
Det tuis nobis méritis
beatæ
Gáudia vitæ. Amen.

In I Nocturno

Ant. Ascéndit Joseph * a
Galilæa de civitatē Náza-
reth in Judæam, in civitatē
David, quæ vocatur
Béthlehem, ut profiteretur
cum Mariá. (T. P. Alle-
lúja.)

† Sub qua sola Antiphona
dicuntur Tempore Paschali
Psalmi hujus Nocturni.

Psalmus 1



Béatus vir, qui non
abiit in consilio im-
piórum, et in via
peccatórum non stetit, *
et in cáthedra pestilentiae
non sedit :

Sed in lege Dómini vo-
lúntas ejus, * et in lege
ejus meditabitur die ac
nocte.

Et erit tamquam lignum,
quod plantatum est secus
decursus aquarum, * quod
fructum suum dabit in
tempore suo :

Et fólium ejus non dé-
fluet : * et ómnia quæ-
cúmque faciet, prospera-
buntur.

Non sic ímpii, non sic : *
sed tamquam pulvis, quem
projicit ventus a facie
terræ.

Ideo non resurgent ímpii
in iudicio : * neque pecca-
tóres in concílio justórum.

Quóniam novit Dóminus
viam justórum : * et iter
impiórum peribit.

Ant. Ascéndit Joseph a
Galilæa de civitatē Náza-
reth in Judæam, in civitatē
David, quæ vocatur
Béthlehem, ut profiteretur
cum Mariá.

Ant. Venérunt pastóres *
festinantes; et invenérunt
Mariám, et Joseph, et In-
fántem pósitum in præ-
sépio.

Psalmus 2

Quare fremuerunt gen-
tes, * et pópuli medi-
tati sunt inánia?

Astitérunt reges terræ,
et príncipes convenérunt
in unum * advérsus Dó-
minum, et advérsus Chri-
stum ejus.

Dirumpámus víncula eo-
rum : * et projiciámus a
nobis jugum ipsórum.

Qui hábitat in cælis, irri-
debit eos : * et Dóminus
subsannabit eos.

Tunc loquétur ad eos in
ira sua, * et in furóre suo
conturbabit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc, reges, intelligite : * erudímini, qui judicátis terram.

Servíte Dómino in timóre : * et exultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Venérunt pastóres festinántes; et invenérunt Mariám, et Joseph, et Infántem pósitum in præsepío.

Ant. Ecce Angelus Dómini * appáruit in somnis Joseph, dicens : Surge, et áccipe Púerum et Matrem ejus, et fuge in Ægýptum.

Psalmus 3

Domine, quid multiplicáti sunt qui tríbulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu autem, Dómine, susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi et soporátus sum : * et exsurrexi, quia Dóminus suscepit me.

Non timébo míllia pópuli circumdántis me : * exsúrge, Dómine, salvum me fac, Deus meus.

Quóniam tu percussísti omnes adversántes mihi sine causa : * dentes peccatórum contrivísti.

Dómini est salus : * et super pópulum tuum benedíctio tua.

Extra Tempus Paschale

Ant. Ecce Angelus Dómini appáruit in somnis Joseph, dicens : Surge, et áccipe Púerum et Matrem ejus, et fuge in Ægýptum.

Tempore Paschali

Ant. Ascéndit Joseph a Galilæa de civitaté Náza-reth in Judæam, in civitátem David, quæ vocátur Béthlehem, ut profiterétur cum Mariá, allelúja.

℟. Constituit eum dóminum domus suæ. (T. P. Allelúja.) ℟. Et príncipem omnis possessionis suæ. (T. P. Allelúja.)

De libro Génesis

Lectio i Cap. 30, 1-5

Ioseph igitur ductus est in Ægyptum, emitque eum Pútiphar eunúchus pharaónis, princeps exercitus, vir Ægyptius, de manu Ismaelitárum, a quibus perductus erat. Fuitque Dóminus cum eo, et erat vir in cunctis prospere agens : habitavitque in domo dómni sui, qui óptime nóverat Dóminum esse cum eo, et ómnia quæ géreret, ab eo dirigi in manu illius. Invenitque Joseph grátiam coram dómno suo, et ministrabat ei : a quo præpositus ómnibus gubernabat creditam sibi domum et univérsa quæ ei tradita fuerant; benedixitque Dóminus dómui Ægyptii propter Joseph.

✠. Fuit Dóminus cum Joseph, et dedit ei grátiam in conspectu principis carceris : * Qui tradidit in manu illius univérso victos. (T. P. Allelúja.) ✠. Quidquid fiebat, sub ipso erat : Dóminus enim erat cum illo, et ómnia ópera ejus dirigebat. — Qui.

Lectio ii Cap. 41, 37-44

Placuit pharaóni consilium Joseph, et cunctis ministris ejus; locutusque est ad eos : Num

invenire poterimus talem virum, qui Spíritu Dei plenus sit? Dixit ergo ad Joseph : Quia ostendit tibi Deus ómnia quæ locutus es, numquid sapientiórem et consimilem tui invenire poteró? Tu eris super domum meam, et ad tui oris impérium cunctus pópulus obédiet; uno tantum regni sólio te præcedam.

✠. Esuriénste terra Ægypti, clamavit pópulus ad regem, aliménta petens. Quibus ille respondit : * Ite ad Joseph, et quidquid vobis dixerit, fácite. (T. P. Allelúja.) ✠. Crescébat quotidie fames in omni terra, aperuitque Joseph univérsa hórrea, et vendébat Ægyptiis. — Ite.

Lectio iii

Dixitque rursus phárao ad Joseph : Ecce constitui te super univérsum terram Ægypti. Tulitque ánnulum de manu sua, et dedit eum in manu ejus; vestivitque eum stola býssina, et collo torquem áuream circumpósuit. Fecitque eum ascendere super currum suum secúndum, clamánte præcone ut omnes coram eo genu flécterent et præpositum esse scirent univérse terræ Ægypti. Dixit quoque rex ad Joseph : Ego sum phárao : absque tuo im-

pério non movébit quisquam manum aut pedem in omni terra Ægýpti.

R. Fecit me Dóminus quasi patrem regis, et dóminum univérsæ domus ejus : nolíte pavére; * Pro salúte enim vestra misit me Deus ante vos in Ægýptum. (T. P. Allelúja.)

V. Veníte ad me, et ego dabo vobis ómnia bona Ægýpti, et comedétis medúllam terræ. — Pro. Glória Patri. Pro.

In II Nocturno

Ant. Consúrgens Joseph, * accépit Púerum et Matrem ejus nocte, et secéssit in Ægýptum; et erat ibi usque ad óbitum Heródis. (T. P. Allelúja.)

¶ Sub qua sola Antiphona dicuntur Tempore Paschali Psalmi hujus Nocturni.

Psalmus 4

EUM invocárem exaudivit me Deus justítiae meæ : * in tribulatióne dilatásti mihi.

Miserére mei, * et exáudi oratióem meam.

Fílii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascímmini, et nolíte peccáre : * quæ dicitis in córdibus vestris, in cubílibus vestris compungímmini.

Sacrificáte sacrificium justítiae, et speráte in Dómino, * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dormiam, et requiéscam;

Quóniam tu, Dómine, singuláriter in spe * constituísti me.

Ant. Consúrgens Joseph, accépit Púerum et Matrem ejus nocte, et secéssit in Ægýptum; et erat ibi usque ad óbitum Heródis.

Ant. Defúnto Heróde, * Angelus Dómini appáruit in somnis Joseph in Ægýpto, dicens : Surge, et áccipe Púerum et Matrem ejus, et vade in terram Israël; defúnti sunt enim qui quærébant ánimam Púeri.

Psalmus 5

Verba mea áuribus percípe, Dómine, * intéllige clamórem meum.

Inténde voci oratiónis meæ : * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multítudine misericórdiæ tuæ.

Introíbo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimícos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen

tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Defúnto Heróde, Angelus Dómini appáruit in somnis Joseph in Ægýpto, dicens : Surge, et áccipe Púerum et Matrem ejus, et vade in terram Israël; defúnti sunt enim qui quærébant ánimam Púeri.

Ant. Accépit Joseph * Púerum et Matrem ejus, et venit in terram Israël.

Psalmus 8

Domine, Dóminus noster, * quam admirábile est nomen tuum in univérsa terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subiecisti sub pēdibus ejus, * oves et boves univērsas : insuper et pēcora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univērsa terra!

Extra Tempus Paschale

Ant. Accépit Joseph Púerum et Matrem ejus, et venit in terram Israël.

Tempore Paschali

Ant. Consúrgens Joseph, accépit Púerum et Matrem ejus nocte, et secéssit in Ægýptum; et erat ibi usque ad óbitum Heródis, allelúja.

℟. Magna est glória ejus in salutári tuo. (T. P. Allelúja.) ℞. Glóriam et magnum decórem impónes super eum. (T. P. Allelúja.)

Sermo sancti Bernárdi
Abbátis

Homilia 2 super Missus est,
prope finem

Lectio iv



Uis et qualis homo fúerit beátus Joseph, cónjice ex appellatióne, qua, licet dispensatória, méruit honorári ádeo, ut pater Dei et dictus et créditus sit;

cónjice et ex próprio vocábulo, quod augméntum non dúbitas interpretári. Simul et meménto magni illíus quondam Patriárchæ vénditi in Ægýpto; et scito ipsíus istum non solum vocábulum fuisse sortítum, sed et castimóniam adéptum, innocéntiam assecútum et grátiam.

℞. Ascéndit Joseph a Galiléa de civitatē Názareth in Judæam, in civitatē David, quæ vocátur Béthlehem : * Eo quod esset de domo et família David. (T. P. Allelúja.) ℞. Ut profiterétur cum María desponsáta sibi uxóre. — Eo.

Lectio v

Siquidem ille Joseph, fraterna ex invidia vénditus et ductus in Ægýptum, Christi venditióne præfigurávit : iste Joseph, Herodiánam invídiam fúgiens, Christum in Ægýptum portávit. Ille dómīno suo fidem servans, dómīnæ nóluit commiscéri : iste Dóminam suam Dómini sui matrem, vírginem agnóscens, et ipse cóntinens, fidéliter custodívit. Illi data est intelligéntia in mystériis somniórum; isti datum est cónscium fieri atque partícipem cæléstium sacramentórum.

℟. Surge, et accipe Puerum et Matrem ejus, et fuge in Ægyptum; * Et esto ibi usque dum dicam tibi. (T. P. Allelúja.) ℣. Ut adimplerétur quod dictum est a Dómino per prophétam dicentem : Ex Ægypto vocávi Fílium meum. — Et.

Lectio vi

Ille fruménta servávit non sibi, sed omni pópulo : iste Panem vivum e cælo servándum accépit tam sibi quam toti mundo. Non est dúbium quin bonus et fidélis homo fúerit iste Joseph, cui Mater desponsáta est Salvatóris. Fidélis, inquam, servus, et prudens, quem constituit Dóminus suæ Matris solátium, suæ carnis nutrítium, solum déni- que in terris magni consílii coadjutórem fidelíssimum.

℟. Cum indúcerent puerum Jesum paréntes ejus, ut fácerent secúndum consuetúdinem legis pro eo, * Accépit eum Símeon in ulnas suas, et benedíxit Deum. (T. P. Allelúja.)

℣. Et erat Pater ejus et Mater mirántes super his, quæ dicebántur de illo. — Accépit. Glória Patri. Accépit.

In III Nocturno

Ant. Audiens Joseph * quod Archeláus regnáret

in Judæa pro Heróde patre suo, tímuit illo ire. (T. P. Allelúja.)

† Sub qua sola Antiphona dicuntur Tempore Paschali Psalmi hujus Nocturni.

Psalmus 14



Domine, quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tíméntes autem Dóminum glorificat :

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit.

Qui facit hæc, * non móvêbitur in ætérnum.

Ant. Audiens Joseph, quod Archeláus regnáret in Judæa pro Heróde patre suo, tímuit illo ire.

Ant. Admónitus in somnis, * Joseph secéssit in partes Galilææ, et véniens habitávit in civitáte, quæ vocátur Náza-reth; ut ad-

implerétur quod dictum est per prophétas : Quóniam Nazaræus vocábitur.

Psalmus 20

Domine, in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuísti ei : * et voluntáte labiórum ejus non fraudásti eum.

Quóniam prævenísti eum in benedictiónibus dulcédinis : * posuísti in cápite ejus corónam de lápide pretiósio.

Vitam pétiiit a te : * et tribuísti ei longitudínem diérum in sæculum, et in sæculum sæculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sæculum sæculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimícis tuis : * dextera tua invéniat omnes, qui te odérunt.

Pones eos ut clíbanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra

perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuerunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantábitus et psallémus virtútes tuas.

Ant. Admónitus in somnis, Joseph secéssit in partes Galilææ, et véniens habitávit in civitatē, quæ vocátur Názareth; ut adimplerétur quod dictum est per prophétas : Quóniam Nazaræus vocábitur.

Ant. Erat pater Jesu * et Mater mirántes super his, quæ dicebántur de illo; et benedíxit illis Símeon.

Psalmus 23

Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et

misericórdiam a Deo, salutári suo.

Hæc est generátio quærentium eum, * quærentium faciém Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Extra Tempus Paschale

Ant. Erat pater Jesu et Mater mirántes super his, quæ dicebántur de illo; et benedíxit illis Símeon.

Tempore Paschali

Ant. Audiens Joseph quod Archeláus regnáret in Judæa pro Heróde patre suo, tímuit illo ire, allelúja.

℣. Justus germinábit sicut lílium. (T. P. Allelúja.)

℟. Et florébit in ætérnum ante Dóminum. (T. P. Allelúja.)

Léctio sancti Evangélii secúndum Matthæum

Lectio vii Cap. 1, 18-21

CUM esset desponsáta Mater Jesu María Joseph, ántequam conveni-

rent, invénta est in útero habens de Spíritu Sancto. Et réliqua.

Homílla sancti Hierónymi Presbýteri

Lib. 1 Comment. in c. 1 Matth.



Uare non de simplici vírgine, sed de desponsáta concípitur? Primum, ut per generatióem Joseph, orígo Mariæ monstrarétur : secúndo, ne lapidarétur a Judæis ut adúltera : tertio, ut in Ægýptum fugiens habéret solátium. Martyr Ignátius étiam quartam áddidit causam, cur a desponsáta concéptus sit : Ut partus, in-quiens, ejus celarétur diabolo, dum eum putat non de vírgine, sed de uxóre generátum.

℣. Dicit Mater Jesu ad illum : Fili, quid fecísti nobis sic? * Ecce pater tuus et ego doléntes quærebámus te. (T. P. Allelúja.) ℣. Et ait ad illos : Quid est quod me quærebátis? nesciebátis quia in his quæ Patris mei sunt, opórtet me esse? — Ecce.

Lectio viii

ANtequam convenirent, invénta est in útero habens de Spíritu Sancto. Non ab álío invénta est, nisi a Joseph, qui pene licéntia maritáli futúrae

uxóris ómnia nóverat. Quod autem dicitur, Antequam convenirent; non sequitur ut póstea convenerint : sed Scriptúra quod factum non sit, osténdit.

℟. Descéndit Jesus cum eis, et venit Náza-reth : * Et erat súbditus illis. (T. P. Allelúja.) ℣. Proficiébat sapiéntia, et ætáte, et grátia apud Deum et hómines. — Et. Glória Patri. Et.

In Quadragesima ix Lectio de Homilia Feriæ, alias

Lectio ix

Joseph autem vir ejus, cum esset justus, et nollet eam tradúcere, vóluit occúlte dimíttere eam. Si quis fornicáriæ conjúngitur, unum corpus efficitur, et in lege præcéptum est, non solum reos, sed et cóncios críminum obnóxios esse peccáti : quómodo Joseph, cum crimen celáret uxóris, justus scribitur? Sed hoc testimónium Maríæ est, quod Joseph sciens illíus castitátem, et admirans quod evénerat, celat siléntio, cujus mystérium nesciébat.

Te Deum laudámus.

AD LAUDES

et per Horas, Añæ

1 Ibant paréntes Jesu * per omnes annos in Jerú-

salem, in die solémni Pa-schæ. (T. P. Allelúja.)

Psalmi de Dominica 1 loco. 49

2 Cum redírent, * remánsit puer Jesus in Jerúsalem, et non cognovérunt paréntes ejus. (T. P. Allelúja.)

3 Non inveniéntes * Jesum, regréssi sunt in Jerúsalem requiréntes eum; et post trídium invenérunt illum in templo sedéntem in médio doctórum, audíéntem et interrogántem eos. (T. P. Allelúja.)

4 Dixit Mater ejus * ad illum : Fili, quid fecísti nobis sic? Ecce pater tuus et ego doléntes quærebá-mus te. (T. P. Allelúja.)

5 Descéndit Jesus * cum eis, et venit Náza-reth, et erat súbditus illis. (T. P. Allelúja.)

Capitulum

Prov. 28, 26 et 27, 18

VIR fidélis multum laudábitur. Et, qui custos est Dómini sui, glorificábitur.

Hymnus

ISte, quem læti cólimus, fídeles,
Cujus excélsos cánimus triúmphos,
Hac die Joseph méruiť perénnis
Gáudia vitæ.

O nimis felix, nimis o
beátus,
Cujus extrémam vígiles
ad horam
Christus et Virgo simul
astitérunt
Ore seréno.

Hinc stygis victor, láqueo
solútus
Carnis, ad sedes plácido
sopóre
Migrat ætérnas, rutilisque
cingit
Témpora sertis.

Ergo regnántem flagité-
mus omnes,
Adsit ut nobis, veniámque
nostris
Obtinens culpis, tríbuat
supérnæ
Múnera pacis.

Sint tibi plausus, tibi sint
honóres,
Trine, qui regnas, Deus,
et corónas
Aureas servo tríbuis fidéli
Omne per ævum.

Amen.

✠. Os justi meditábitur
sapiéntiam. (T. P. Alle-
lúja.) ✠. Et lingua ejus
loquétur júdiciúm. (T. P.
Allelúja.)

Ad Bened. Ant. Ipse Je-
sus * erat incípiens quasi
annórum trigínta, ut puta-
bátur, filius Joseph. (T. P.
Allelúja.)

Oratio

SAnctíssimæ Genitrícis
tuæ Sponsi, quæsu-
mus, Dómine, méritis ad-

juvémur : ut, quod possi-
bilitas nostra non óbtinet,
ejus nobis intercessióne
donétur : Qui vivis.

Et, in Quadragesima, fit
Commemoratio Feriæ.

Ad Horas Psalmi de Domi-
nica; sed ad Primam loco
Psalmi 117 Confitémini, dici-
tur Psalmus 53 Deus, in nó-
mine tuo 59. Quod observa-
tur in omnibus Festis, in
quibus sequens ponitur Ru-
brica : Ad Horas Psalmi de
Dominica, ad Primam tamen
ut in Festis.

AD PRIMAM

Ant. Ibant paréntes Jesu,
ut supra. 758

AD TERTIAM

Ant. Cum redírent, ut
supra. 758

Capit. Vir fidélis, ut
supra. 758

✠. br. Constituit eum
* Dóminum domus suæ.
Constituit. ✠. Et princi-
pem omnis possessiónis
suæ. Dóminum. Glória
Patri. Constituit. ✠. Ma-
gna est glória ejus in salu-
tári tuo. ✠. Glóriam et
magnum decórem impo-
nes super eum.

Tempore Paschali

✠. br. Constituit eum dó-
minum domus suæ, * Al-
lelúja, allelúja. Constituit.
✠. Et principem omnis
possessiónis suæ. Alle-
lúja, allelúja. Glória Patri.

Constituit eum dñm domus suæ. *℣.* Magna est glória ejus in salutári tuo, allelúja. *℟.* Glóriam et magnum decórem impónes super eum, allelúja.

Oratio

Sanctíssimæ Genitrícis tuæ Sponsi, quæsumus, Dómine, méritis adjuvémur : ut, quod possibilitas nostra non óbtinet, ejus nobis intercessióne donétur : Qui vivis.

AD SEXTAM

Ant. Non inveniéntes * Jesum, regréssi sunt in Jerúsalem requiréntes eum; et post trídium invenérunt illum in templo sedéntem in médio doctórum, audiéntem et interrogántem eos. (*T. P.* Allelúja.)

Capit. Eccli. 45, 1 et 4

Diléctus Deo et homínibus, cujus memória in benedictióne est. In fide et lenitáte ipsíus sanctum fecit illum, et elégit eum ex omni carne.

℟. br. Magna est glória ejus * In salutári tuo. Magna est. *℣.* Glóriam et magnum decórem impónes super eum. In. *Glória Patri.* Magna. *℣.* Justus germinábit sicut lílium. *℟.* Et florébit in ætérnum ante Dóminum.

Tempore Paschali

℟. br. Magna est glória ejus in salutári tuo, * Allelúja, allelúja. Magna. *℣.* Glóriam et magnum decórem impónes super eum. Allelúja, allelúja. *Glória Patri.* Magna. *℣.* Justus germinábit sicut lílium, allelúja. *℟.* Et florébit in ætérnum ante Dóminum, allelúja.

AD NONAM

Ant. Descéndit Jesus * cum eis, et venit Náza-reth, et erat súbditus illis. (*T. P.* Allelúja.)

Capitulum Sap. 10, 10

Prófugum justum dedúxit Sapiéntia per vias rectas, et osténdit illi regnum Dei, et dedit illi sciéntiam sanctórum : honestávit illum in labóribus, et complévit labóres illíus.

℟. br. Justus germinábit * Sicut lílium. Justus. *℣.* Et florébit in ætérnum ante Dóminum. Sicut. *Glória.* Justus. *℣.* Plantátus in domo Dómini. *℟.* In átriis domus Dei nostri.

Tempore Paschali

℟. br. Justus germinábit sicut lílium, * Allelúja, allelúja. Justus. *℣.* Et florébit in ætérnum ante Dóminum. Allelúja, allelúja. *Glória Patri.* Justus. *℣.* Plantátus in domo Dó-

mini, allelúja. *℟.* In átriis
domus Dei nostri, allelúja.

IN II VESPERIS

*Antiphonæ et Capitulum de
Laudibus 758; Psalmi ut in
I Vesperis de Comm. Apo-
stolorum Tempore Pascha-
li. [4]*

Hymnus

TE, Joseph, célebrent
ágmina cælitum,
Te cuncti résonent chri-
stiádum chori,
Qui clarus méritis, junctus
es inclytæ
Casto fœdere Vírgini.

Almo cum túmidam gér-
mine cónjugem
Admírans, dúbio tángeris
ánxius,
Afflátu súperi Fláminis
Angelus
Concéptum Púerum docet.

Tu natum Dóminum strin-
gis, ad éxteras
Ægýpti prófugum tu sé-
queris plagas;
Amíssum Sólymis quæris,
et ínvenis,
Miscens gáudia flétibus.

Post mortem réliquos sors
pia cónsecrat,
Palmámque eméritos gló-
ria súscipit :
Tu vivens, Súperis par,
frúeris Deo,
Mira sorte beátior.

Nobis, summa Trias, parce
precántibus,
Da Joseph méritis sídera
scándere;

Ut tandem líceat nos tibi
pérpetim

Gratum prómere cánti-
cum. Amén.

℟. Glória et divítiae in
domo ejus. (T. P. Alle-
lúja.) *℟.* Et justítia ejus
manet in sáeculum sáeculi.
(T. P. Allelúja.)

Ad Magnif. Ant. Ecce
fidélis servus * et prudens,
quem constituit Dóminus
super famíliam suam.
(T. P. Allelúja.)

*Et, in Quadragesima, fit
Commemoratio Feriæ.*

Completorium de Dominica.

Die 21 Martii

S. Benedicti Abbatis

Duplex majus [111]

℟. Amávit eum Dóminus.

Ad Magnif. Ant. Simi-
lábo eum * viro sapiénti,
qui ædificávit domum
suam supra petram.

Oratio

C 4

Intercéssio nos, quæsu-
mus, Dómine, beáti Be-
nedícti Abbátis commén-
det : ut, quod nostris
méritis non valémus, ejus
patrocínio assequámur.
Per Dóminum.

Et fit Commemoratio Feriæ.

*In I Nocturno Lectiones
Laudémus viros, de Com-
muni Conf. Pont. 2 loco [100],
cum Responsoriis de Comm.
Conf. non Pont. ibi notatis.*

In II Nocturno

Lectio iv



Benedictus, Núrsiæ nóbili génere ortus, Romæ liberálibus disciplínis eruditus, ut totum se Jesu Christo daret, ad eum locum, qui Sublácus dicitur, in altíssimam spelúncam penetrávit; in qua sic per triénnum delítuit, ut unus id sciret Románus mónachus, quo ad vitæ necessitátem mínistro utebátur. Dum igitur ei quodam die ardéntes ad libídinem faces a diabolo subjiceréntur, se in vépribus támdiu volutávit, dum, laceráto corpore, voluptátis sensus dolore opprimerétur. Sed jam erumpén-te ex illis látebris fama ejus sanctitátis, quídam mónachi se illi ínstituéndos tradidérunt: quorum vivéndi licéntia cum ejus objurgatiónes ferre non posset, venénium in potióne ei dare constítuunt. Verum, póculum ei præbéntibus, crucis signo vas confrégit, ac relicto monastério in solitúdinem se recépít.

✠. Honéstum fecit illum Dóminus, et custodívit eum ab inimícis, et a seductóribus tutávit illum:

* Et dedit illi claritátem ætérnam. ✠. Justum dedúxit Dóminus per vias

rectas, et osténdit illi regnum Dei. — Et.

Lectio v

SED cum multi ad eum quotidie discípuli convenírent, duódecim monastéria ædificávit, éaque sanctíssimis légibus comunívit. Póstea Cassínium migrávit, ubi simulácrum Apóllinis, qui adhuc ibi colebátur, commínuit, aram evértit et lucos succéndit; ibique sancti Martíni sacéllum et sancti Joánnis ædiculam exstrúxit, oppidános autem et incolás christiánis præcéptis ímbuit. Quare augebátur in dies magis divína grátia Benedictus, ut étiam prophético spírítu ventúra prædiceret. Quod ubi accépít Tótila Gothórum rex, exploratúrus, an res ita esset, spathárium suum régio ornátu et comitátu præmíttit, qui se regem simuláret. Quem ut ille vidit, Depóne, inquit, fili, depóne quod geris; nam tuum non est. Tótilæ vero prædíxit advéntum ejus in Urbem, maris transmissiónem, et post novem annos mortem.

✠. Amávit eum Dóminus, et ornávit eum: stolam glóriæ índuit eum,

* Et ad portas paradísi coronávit eum. ✠. Índuit eum Dóminus lorícam

fidei, et ornávit eum. —
Et ad portas.

Lectio vi

QUI áliquot ménsibus ántequam e vita migráret, præmónuit discipulos, quo die esset moritúrus; ac sepúlcrum, in quo suum corpus condi vellet, sex diébus ántequam eo inferrétur, aperíri jussit : sextóque die deférri vóluit in ecclésiám; ubi, sumpta Eucharístia, sublátis in cælum óculis orans, inter manus discipulórum efflávit ánimam : quam duo mónachi eúntem in cælum vidérunt, pállio ornátam pretiosíssimo, circum eam fulgéntibus lampádibus, et claríssima et gravíssima spécie virum, stantem supra caput ipsíus, dicéntem audiérunt : Hæc est via, qua diléctus Dómini Benédíctus in cælum ascéndit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

In III Nocturno Homilia in Ev. Ecce nos reliquimus, de Comm. Abbatum 1 loco. [125]

IX Lectio de Homilia Feriæ.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitutam, intra in gáudium Dómini tui.

Oratio

C 4

INtercessio nos, quæsumus, Dómine, beáti Benédícti Abbátis comméndet : ut, quod nostris méritis non valémus, ejus patrocinio assequámur. Per Dóminum.

Et fit Commemoratio Feriæ.

IN II VESPERIS

✠. Justum dedúxit.

Ad Magnif. Ant. Hic vir despíciens mundum * et terréna, triúmphans, divítias cælo cóndidit ore, manu.

Et fit Commemoratio Feriæ.

Die 24 Martii

S. Gabrielis Archangeli

Duplex majus

IN I VESPERIS

Ant. 1 Ingréssó Zacharía * templum Dómini, appáruit ei Gábriel Angelus, stans a dextris altáris incénsi.

Psalmi de Dominica 72, sed loco ultimi Ps. 137, ut infra, vel, sicubi de hoc Festo integræ II Vesperæ sint dicendæ, Ps. 116 Laudáte Dóminum omnes gentes. 92

2 Ait autem Angelus : * Ne tíneas, Zacharía, quóniam exaudíta est deprecátio tua.

3 Ego sum Gábriel * Angelus, qui asto ante Deum, et missus sum loqui ad te.

4 Gábriel Angelus * locútus est Mariæ, dicens : Ecce concípies in útero, et páries fílium, et vocábis nomen ejus Jesum.

5 Dixit autem María * ad Angelum : Quómodo fiet istud, quóniam virum non cognósko? Et respóndens Gábriel Angelus, dixit ei : Spíritus Sanctus supervéniet in te, et virtus Altíssimi obumbrábit tibi.

Psalmus 137

Confitébor tibi, Dómine, in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invocávero te, exáudi me : *

multiplicábis in ánima mea virtútem.

Confiteántur tibi, Dómine, omnes reges terræ : * quia audierunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília respicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit délixtera tua.

Dóminus retríbuet pro me : * Dómine, misericórdia tua in sáeculum : ópera mánuum tuárum ne despicias.

Ant. Dixit autem María ad Angelum : Quómodo fiet istud, quóniam virum non cognósko? Et respóndens Gábriel Angelus, dixit ei : Spíritus Sanctus supervéniet in te, et virtus Altíssimi obumbrábit tibi.

Capitulum Dan. 9, 21-22

Ecce vir Gábriel, quem víderam in visióne a princípio, cito volans, tétigit me in témpore sacrificii vespertíni. Et dócuit me, et locútus est mihi, dixítque : Dániel, nunc egréssus sum ut docérem te, et intelligeres.

Hymnus

CHriste, sanctórum de-
cus Angelórum,
Gentis humanæ Sator et
Redemptor,
Cælitum nobis tríbuas
beátas
Scándere sedes.

Angelus fortis Gábriel, ut
hostes
Pellat antiquos, et amíca
cælo,
Quæ triumphátor státuit
per orbem,
Templa revisat.

Virgo dux pacis, Geni-
trixque ducis,
Et sacer nobis chorus An-
gelórum
Semper assístat, simul et
micántis
Régia cæli.

Præstet hoc nobis Déitas
beáta
Patris, ac Nati, paritérque
Sancti
Spíritus, cujus résonat per
omnem
Glória mundum.

Amen.

℣. Stetit Angelus juxta
aram templi. **℟.** Habens
thuríbulum áureum in
manu sua.

Ad Magnif. Ant. An-
gelus Gábriel * apparuit
Daniéli, et dixit illi : Ab
exórdio precum tuárum
egressus est sermo : ego
autem veni ut indicárem
tibi; tu ergo animadvérte

sermónem, et intéllege vi-
siónem.

Oratio

DEus, qui inter céteros
Angelos, ad annun-
tiándum incarnatiónis tuæ
mystérium, Gabriélem Ar-
chángelum elegisti : con-
céde propítius; ut qui fe-
stum ejus celebrámus in
terris, ipsius patrocínium
sentiamus in cælis : Qui
vivis.

*Et fit Cpmmemoratio Fe-
riæ.*

Completorium de Dominica.

AD MATUTINUM

Invit. Regem Archange-
lórum Dóminum, * Ve-
níte, adorémus. **Ps. 94**
Veníte, exsultémus. **3**

Hymnus Christe, san-
ctórum, *ut supra.*

In I Nocturno

Ant. Dixit Angelus Gá-
briel * ad Daniélem : In-
téllege, fili hóminis, quón-
iam in témpore finis im-
plébitur visio.

Psalmus 8



Domine, Dóminus
noster, * quam ad-
mirábile est nomen
tuum in univérſa terra!

Quóniam eleváta est ma-
gnificéntia tua, * super
cælos.

Ex ore infántium et lac-
téntium perfecisti lau-

dem propter inimicos tuos, * ut destruas inimicum et ultorem.

Quóniam vidébo cælos tuos, ópera digitorum tuorum : * lunam et stellas quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Ant. Dixit Angelus Gábriel ad Daniélem : Intéllige, fili hóminis, quóniam in témpore finis implébitur visio.

Ant. Ecce vir Gábriel, * quem víderam in visióne, cito volans tétigit me in témpore sacrificii vespertíni, et dócuit me.

Psalmus 10

IN Dómino confido : quómodo dicitis ánimæ meæ : * Trásmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt : * justus autem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respiciunt : * pálpebræ ejus intérogant fílios hóminum.

Dóminus intérogat justum et ímpium : * qui autem díligit iniquitátem, odit ánimam suam.

Pluet super peccatóres láqueos : * ignis, et sulphur, et spíritus procelárum pars cálicis eórum.

Quóniam justus Dóminus, et justítias diléxit : * æquitátem vidit vultus ejus.

Ant. Ecce vir Gábriel, quem víderam in visióne, cito volans tétigit me in témpore sacrificii vespertíni, et dócuit me.

Ant. Cumque Gábriel * loquerétur ad me, collápsus sum pronus in terram, et tétigit me, et státuit me in gradu meo.

Psalmus 14

Domine, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malígnus : * tíméntes autem Dóminum glórficat :

Qui jurat próximo suo, et non decípit, * qui pecúniam suam non dedit ad usúram, et múnera super innocentem non accépit.

Qui facit hęc, * non movébitur in ætérnum.

Ant. Cumque Gábriel loquerétur ad me, collápsus sum pronus in terram, et tétigit me, et státuit me in gradu meo.

℟. Stetit Angelus juxta aram templi. ℞. Habens thuríbulum áureum in manu sua.

De Daniéle Prophéta

Lectio i **Cap. 9, 20-27**



GO Dániel, cum adhuc lóquerer, et orárem, et confitérer peccáta mea, et peccáta pópuli mei Israël, et prostérnerem preces meas in conspéctu Dei mei, pro monte sancto Dei mei : adhuc me loquente in oratione, ecce vir Gábriel,

quem víderam in visione a principio, cito volans tétigit me in témpore sacrificii vespertíni. Et dócuit me, et locútus est mihi, dixítque : Dániel, nunc egréssus sum ut docérem te et intelligeres. Ab exórdio precum tuárum egréssus est sermo : ego autem veni ut indicárem tibi, quia vir desideriórum es : tu ergo animadvérte sermónem, et intéllege visionem.

℞. Cum oráret Dániel, et confiterétur peccáta sua, et peccáta pópuli sui, * Ecce Archángelus Gábriel cito volans tétigit eum in témpore sacrificii vespertíni. ℟. Cumque prostérneret preces suas in conspéctu Dei sui. — Ecce.

Lectio ii

Septuagínta hebdóma-des abbreviátæ sunt super pópulum tuum et super urbem sanctam tuam ut consumméture prævaricatio, et finem accípiat peccátum, et deleátur iniquitas, et adducátur justítia sempitérna, et impleátur visio, et prophetía, et ungátur Sanctus sanctorum. Scito ergo, et animadvérte : Ab éxitu sermónis, ut iterum ædificétur Jerúsalem, usque ad Christum ducem, hebdóma-des septem, et hebdó-

mades sexaginta duæ erunt : et rursum ædificabitur platæa, et muri in angustia tēporum.

℟. Locutus est Gábriel Daniéli, et dixit : Ab exórdio precum tuárum egréssus est sermo. * Ego autem veni ut indicárem tibi, quia vir desideriórum es.

℣. Tu autem animadvérte sermónem, et intéllege visiónem. — Ego.

Lectio iii

ET post hebdómades sexaginta duas occidétur Christus : et non erit ejus pópulus, qui eum negáturus est. Et civitátem, et sanctuárium dissipábit pópulus cum duce ventúro : et finis ejus vástitas, et post finem belli statúta desolátio. Confirmábit autem pactum multis hebdómada una : et in dimídio hebdómadis deficiet hóstia et sacrificium : et erit in templo abominátio desolatiónis : et usque ad consummationem et finem perseverábit desolátio.

℟. Ecce vir Gábriel, quem víderam, cito volans tétigít me in tēpore sacrificii vespertíni, et dócuit me, et dixit : * Dániel, nunc egréssus sum ut docérem te, et intelígères. ℣. Gábriel, fac me intellígere istam visió-

nem : et venit, et stetit juxta ubi ego stabam, et ait ad me. — Dániel. Glória Patri. Dániel.

In II Nocturno

Ant. Gábriel Angelus * appáruit Zachariæ, dicens : Uxor tua Elísabeth páriet tibi fílium, et vocábis nomen ejus Joánnem.

Psalmus 18



Æli enarrant glóriam Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti indicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda : * præ-

céptum Dómini lúcidum,
illúminans óculos.

Timor Dómini sanctus,
pérmanens in sáeculum sáe-
culi : * iudicia Dómini vera,
justificáta in semetípsa.

Desiderabilia super au-
rum et lápidem pretiósus
multum : * et dulcióra
super mel et favum.

Etenim servus tuus cu-
stódit ea, * in custodién-
dis illis retribútio multa.

Delicta quis intélligit?
ab occúltis meis munda
me : * et ab aliénis parce
servo tuo.

Si mei non fúerint domi-
nāti, tunc immaculátus
ero : * et emundábor a
delicto máximo.

Et erunt ut compláceant
elóquia oris mei : * et
meditátio cordis mei in
conspéctu tuo semper.

Dómine, adjútor meus, *
et redémptor meus.

Ant. Gábriel Angelus ap-
páruit Zachariæ, dicens :
Uxor tua Elísabeth páriet
tibi fílium, et vocábis no-
men ejus Joánnem.

Ant. Et dixit Zachariás *
ad Angelum : Unde hoc
sciam? ego enim sum se-
nex, et uxor mea procéssit
in diébus suis.

Psalmus 23

Domini est terra, et ple-
nitúdo ejus : * orbis
terrárum, et univérsti qui
hábitant in eo.

Quia ipse super mária
fundávit eum : * et super
flúmina præparávit eum.

Quis ascéndet in montem
Dómini : * aut quis stabit
in loco sancto ejus?

Innocens mánibus et
mundo corde, * qui non
accépit in vano ánimam
suam, nec jurávit in dolo
próximo suo.

Hic accípiet benedicti-
onem a Dómino : * et mise-
ricórdiam a Deo, salutári
suo.

Hæc est generátio quæ-
réntium eum, * quærénti-
um fáciem Dei Jacob.

Attóllite portas, prínci-
pes, vestras, et elevámini,
portæ æternáles : * et
introíbit Rex glóriæ.

Quis est iste Rex glóriæ? *
Dóminus fortis et potens :
Dóminus potens in prælio.

Attóllite portas, prínci-
pes, vestras, et elevámini,
portæ æternáles : * et
introíbit Rex glóriæ.

Quis est iste Rex gló-
riæ? * Dóminus virtútum
ipse est Rex glóriæ.

Ant. Et dixit Zachariás
ad Angelum : Unde hoc
sciam? ego enim sum se-
nex, et uxor mea procéssit
in diébus suis.

Ant. Respóndens autem
Angelus, * dixit ei : Ego
sum Gábriel, qui asto ante
Deum : et missus sum
loqui ad te, et hæc tibi
evangelizáre.

Psalmus 33

Benedicam Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia timéntibus eum.

Dívites eguérunt et esuriérunt : * inquiréntes autem Dóminum non minuéntur omni bono.

Veníte, filii, audíte me : * timórem Dómini docébo vos.

Quis est homo qui vult vitam : * díligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquiré pacem, et perséquere eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delínquent.

Rédimet Dóminus ánimas servórum suórum : * et non delínquent omnes qui sperant in eo.

Ant. Respóndens autem Angelus, dixit ei : Ego sum Gábriel, qui asto ante Deum : et missus sum loqui ad te, et hæc tibi evangelizáre.

V. Ascéndit fumus arómatum in conspéctu Dómini. **R.** De manu Angeli.

Sermo sancti Bedæ
Venerabilis Presbyteri

Expositio in Luc. 1, 11-20

Lectio iv



Apparuit Zachariæ Angelus, stans a dextris altaris incensi. Bene Angelus et in templo, et juxta altare, et a dextris apparet; quia videlicet et veri sacerdotis adventum, et mysterium sacrificii universalis, et cælestis doni gaudium prædicat. Nam, sicut per sinistram præsentia, sic per dexteram sæpe bona prænuntiántur æterna. Juxta quod in sapientiæ laude canitur: Longitúdo diérum in dextera ejus; in sinistra illius divitiæ et glória. Treméntem Zachariám confortat Angelus, quia, sicut humánæ fragilitátis est spiritalis creatúræ visione turbári, ita et angélicæ benignitátis est pavéntes de aspéctu suo mortáles mox blandiéndó solári. At contra dæmónicæ est ferocitátis, quos sui præsentia térritos sénsarit, amplióri semper horróre concútere, quæ nulla mélius ratióne quam fide superátur intrépida.

Factum est, cum sacerdotio fungeretur Zachariás in ordine vicis suæ ante Deum, * Apparuit ei Angelus Gábiel, stans a

dextris altaris incensi. Cumque ingressus in templum Dómini, incensum póneret secúndum consuetúdinem sacerdotii sui. — Apparuit.

Lectio v

Angelus, deprecationem dicens exaudítam, partum continuo promittit uxóris. Non quod ille qui pro pópulo oblatúrus intráverat, relictis públicis votis, pro accipiéndis fíliis oráre potúerit, præsertim quia nemo orat quod se acceptúrum despérat. Adeo autem ille, jam suæ ætátis et infecúndæ cónjugis memor, nasci sibi fílios desperábat, ut nec Angelo hoc promitténti créderet. Sed quod dicit: Exaudíta est deprecátio tua, pro pópuli redemptione significat; Et uxor tua páriet tibi fílium, ejúsdem redemptionis órđinem pandit, quod videlicet natus Zachariæ fílius Redemptóri illius pópuli præconándo sit iter factúrus. Quia enim Zachariám, pro plebe supplicántem, dixerat exaudítum, docet quo órđine plebs éadem salvári et pérfici débeat, ad prædicationem videlicet Joánnis pœniténdó et credéndó in Christum.

Descéndit Gábiel Angelus ad Zachariám, di-

cens : * Ne timeas, quóniam exaudíta est deprecátio tua, et uxor tua Elisabeth páriet tibi fílium, et vocábis nomen ejus Joánnem. ✠. Et Zacharías turbátus est videns, et timor irruit super eum : ait autem ad illum Angelus. — Ne.

Lectio vi

ZAcharías, ob altitúdinem promissórum háesitans, signum quo credere váleat, inquirít, cui sola Angeli vísis vel allocútio pro signo sufficere debúerat. Unde méritam diffidéntiæ tacéndo pœnam luit, cui tacitúrinitas éadem et signum fídei quod quæsívit, et infidelitátis esset pœna quam méruit. Vult intélligi quod si homotália promitteret, impúne signum flagitáre liceret; at, cum Angelus promittat, jam dubitári non déceat. Datque signum quod rogátur, ut qui discredéndo locútus est, jam tacéndo credere discat. Ubi notándum quod Angelus se et ante Deum adstáre, et ad evangelizándum Zachariæ missum esse testátur; quia et cum ad nos véniunt Angeli, sic extérius implent ministérium, ut tamen numquam desint intérius per contemplatióem. Et mit-

túntur igitur et assístunt, quia, et si circumscriptus est angélicus spíritus, summus tamen spíritus ipse qui Deus est, circumscriptus non est. Angeli itaque et missi ante ipsum sunt, quia, quolibet missi véniunt, intra ipsum currunt. — Festum sancti Gabriélis Archángeli Benedictus Papa décimus quintus ad univérsam Ecclésiam exténdit.

✠. Ego sum Gábriel, qui asto ante Deum : et missus sum loqui ad te, et hæc evangelizáre. * Ecce eris tacens et non póteris loqui usque in diem quo hæc fiant. ✠. Pro eo quod non credidísti verbis meis, quæ implebúntur témpore suo. — Ecce. Glória Patri. Ecce.

In III Nocturno

Ant. Missus est * Gábriel Angelus ad Mariám Vírginem desponsátam Joseph.

Psalmus 95



Antáte Dómino cánticum novum : * cantáte Dómino, omnis terra.

Cantáte Dómino, et benedicíte nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabília ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dícite in géntibus quia Dóminus regnávít.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Missus est Gábriel Angelus ad Mariám Vir-

ginem desponsátam Joseph.

Ant. Gábriel Angelus * Mariæ dixit : Ecce Elísabeth cognáta tua, et ipsa concépit filium in senectúte sua.

Psalmus 96

Dominus regnávít, exsúltet terra : * læténtur insulæ multæ.

Nubes, et caligo in circúitu ejus : * justítia, et júdicium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiæ Judæ, * propter júdicia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit

Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Ant. Gábriel Angelus Mariæ dixit : Ecce Elísabeth cognáta tua, et ipsa concépit filium in senectúte sua.

Ant. Súscipe verbum, * Virgo María, quod tibi a Dómino per Angelum Gabriélem transmissum est.

Psalmus 102

Benedic, ánima mea, Dómino : * et ómnia, quæ intra me sunt, nómini sancto ejus.

Bénedic ánima mea, Dómino : * et noli oblivísci omnes retributiónes ejus.

Qui propitiátur ómnibus iniquitatibus tuis : * qui sanat omnes infirmitates tuas.

Qui rédimít de intéritu vitam tuam : * qui coronat te in misericórdia et misericoratióibus.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et judícium ómnibus injúriam patiéntibus.

Notas fecit vias suas Móysi, * fíliis Israél voluntates suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitates nostras retribuit nobis.

Quóniam secúndum altitúdinem cæli a terra : * corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorébit.

Quóniam spíritus pertransíbit in illo, et non subsístet : * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illíus in fílios filiórum, * his qui servant testaméntum ejus :

Et mēiores sunt mandatorum ipsius, * ad faciendum ea.

Dóminus in cælo parávit sedem suam : * et regnum ipsius ómnibus dominábitur.

Benedícite Dómino, omnes Angeli ejus : * potētes virtúte, faciētes verbum illius, ad audiendam vocem sermónum ejus.

Benedícite Dómino, omnes virtútes ejus : * ministri ejus, qui faciis voluntatem ejus.

Benedícite Dómino, ómnia ópera ejus : * in omni loco dominationis ejus, benedic, ánima mea, Dómino.

Ant. Súscipe verbum, Virgo María, quod tibi a Dómino per Angelum Gabriēlem transmissum est.

V. In conspéctu Angelórum psallam tibi, Deus meus. **R.** Adorábo ad templum sanctum tuum, et confitébor nómini tuo.

Léctio sancti Evangélii
secúndum Lucam

Lectio vii Cap. 1, 26-38

IN illo témpore : Missus est Angelus Gábriel a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph, de domo David, et nomen Virginis María. Et reliqua.

Homília sancti Bernárdi
Abbátis

Homilia 1 super Missus est,
n. 2



ON árbitror hunc Angelum de minóribus esse, qui, quálibet ex causa, crebra sóleant ad terras fungi legatióne. Quod ex ejus nómine palam intéllegi datur, quod interpretátum Fortitúdo Dei dicitur; et quia non ab álio áliquo forte excellentióre se (ut ássolet) spírítu, sed ab ipso Deo mitti perhibétur. Propter hoc ergo pósito est, A Deo. Vel ideo dictum est, A Deo, ne cui, vel beatórum spírítuum suum Deus, ántequam Vírgini, revelásse putétur consílium, excépto dumtaxat Archángelo Gabriéle; qui útique tantæ inter suos inveníri potúerit excellentiæ, ut tali et nómine dignus haberétur et núntio.

R. Missus est Gábriel Angelus ad Mariám Virginem desponsatam Joseph, núntians ei verbum : et expavéscit Virgo de lúmine. * Ne tímeas, María, invenísti enim grátiam apud Dóminum : ecce concípies, et páries, et vocábitur Altíssimi Fílius.

V. Quæ cum audisset, turbáta est in sermóne

ejus, et cogitabat qualis esset ista salutatio; et ait Angelus ei. — Ne timeas, María, invenisti enim gratiam apud Dóminum : ecce concípies, et páries, et vocábitur Altíssimi Fílius.

Lectio viii

NEC discórdat nomen a núnctio. Dei quippe virtutem Christum quem mélius nuntiáre decébat, quam hunc, quem símile nomen honórat? Nam quid est áliud fortitúdo, quam virtus? Non autem dédecens aut incóngruum videátur, Dóminum et núnctium commúni censéri vocábulo; cum símilis in utróque appellatiónis, non sit tamen utriúsque símilis causa. Aliter quippe Christus fortitúdo vel virtus Dei dicitur, áliter Angelus; Angelus enim tantum nuncupatíve, Christus autem étiam substantíve.

℟. Gaude, María Virgo, cunctas hæreses sola interemísti : * Quæ Gabriellis Archángeli dictis credidísti, dum virgo Deum et hóminem genuísti, et post partum virgo invioláta permansísti. **℣.** Benedicta tu in muliéribus, et benedictus fructus ventris tui. — Quæ. **Glória Patri.** Quæ.

In Quadragesima ix Lectio de Homilia Feriæ occurren-

tis; alias, sicubi ix Lectio ali-cujus Officii commemorati non fuerit dicenda, erit sequens

Lectio ix

CHristus Dei virtus et dicitur et est, qui forti armáto, qui suum átrium in pace custodíre solébat, fórtior supervéniens, ipsum suo bráchio debellávit; et sic ei vasa captivitátis poténter erípuit. Angelus vero fortitúdo Dei appellátus est, vel quod hujúsmodi merúerit prærogatívam officii, quo ejúsdem nuntiáret advéntum virtútis : vel quia Vírginem nátura pávidam, simplicem, verecúdam, de miráculi novitáte ne expavésceret, confortáre debéret; quod et fecit, Ne timeas, ínquiens, María, invenisti gratiam apud Deum. Conveniénter itaque Gábriel ad hoc opus elígitur; imo, quia tale illi negótium injúngitur, recte tali nómine designátur.

Te Deum laudámus.

AD LAUDES

et per Horas, Añæ

1 Ingréssó Zacharía * templum Dómini, appáruit ei Gábriel Angelus, stans a dextris altáris incénsi.

Psalmi de Domin. 1 loco. 49

2 Ait autem Angelus : * Ne timeas, Zacharía, quó-

niam exaudita est deprecatio tua.

3 Ego sum Gábríel * Angelus, qui asto ante Deum, et missus sum loqui ad te.

4 Gábríel Angelus * locutus est Mariæ, dicens : Ecce concípies in útero, et páries filium, et vocábis nomen ejus Jesum.

5 Dixit autem María * ad Angelum : Quómodo fiet istud, quóniam virum non cognósko? Et respóndens Gábríel Angelus, dixit ei : Spíritus Sanctus supervéniet in te, et virtus Altíssimi obumbrábit tibi.

Capitulum Dan. 9, 21-22

Ecce vir Gábríel, quem víderam in visióne a princípio, cito volans, téti- git me in témpore sacrificii vespertíni. Et dócuit me, et locutus est mihi, dixítque : Dániel, nunc egréssus sum ut docérem te, et intelligeres.

Hymnus

Placáre, Christe, sérvulis,
Quibus Patris cleméntiam
Tuæ ad tribúnal grátiae
Patróna Virgo póstulat.

Nobis adésto, Archángele,
Robur Dei qui dénotas :
Vires adáuge lánguidis,
Confer levámen trístibus.

Et vos, beáta per novem
Distíncta gyros ágmina,

Antíqua cum præséntibus;

Futúra damna péllite.

Auférte gentem pérfidam
Credéntium de fínibus,
Ut unus omnes únicum
Ovíle nos pastor regat.

¶ Sequens Conclusio numquam mutatur.

Deo Patri sit glória,
Qui, quos redémit Fílius,
Et Sanctus unxit Spíritus,
Per Angelos custódiat.

Amen.

℣. Stetit Angelus juxta aram templi. ℟. Habens thuríbulum áureum in manu sua.

Ad Bened. Ant. Gábríel Angelus * descéndit ad Zachariám, et ait illi : Uxor tua páriet tibi fílium, et vocábis nomen ejus Joánnem, et multi in nativité ejus gaudébunt : ipse enim præbít ante fáciem Dómini paráre vias ejus.

Oratio

Deus, qui inter céteros Angelos, ad annuntiándum incarnatiónis tuæ mystérium, Gabriélem Archángelem elegísti : concéde propítius; ut qui festum ejus celebrámus in terris, ipsíus patrocínium sentiámus in cælis : Qui vivis.

Et fit Commemoratio Feriæ.

Ad Horas Psalmi de Dominica, ad Primam tamen ut in Festis.

AD PRIMAM

Ant. Ingresso Zacharía * templum Dómini, apparuit ei Gábriel Angelus, stans a dextris altáris incénsi.

AD TERTIAM

Ant. Ait autem Angelus : * Ne tíneas, Zacharía, quóniam exaudíta est deprecátio tua.

Capitulum Dan. 9, 21-22

Ecce vir Gábriel, quem videram in visióne a principio, cito volans, tégit me in témpore sacrificii vespertíni. Et dócuit me, et locútus est mihi, dixítque : Dániel, nunc egressus sum ut docérem te, et intelligeres.

℟. br. Stetit Angelus * Juxta aram templi. Stetit. **℣.** Habens thuríbulum áureum in manu sua. Juxta. **Gloria Patri.** Stetit. **℣.** Ascéndit fumus arómatum in conspéctu Dómini. **℟.** De manu Angeli.

Oratio

Deus, qui inter céteros Angelos, ad annuntiándum incarnatiónis tuæ mystérium, Gabriélem Archángelum elegísti : concéde propítius; ut qui festum ejus celebrámus in terris, ipsíus patrocínium

sentiámus in cælis : Qui vivis.

AD SEXTAM

Ant. Ego sum Gábriel * Angelus, qui asto ante Deum, et missus sum loqui ad te.

Capitulum Dan. 9, 23 et 24

EGO autem veni ut indicárem tibi, quia vir desideriórum es. Septuagínta hebdómades abbreviátæ sunt, ut finem accípiat peccátum, et impleátur visio et prophetía, et ungátur Sanctus sanctórum.

℟. br. Ascéndit fumus arómatum * In conspéctu Dómini. Ascéndit. **℣.** De manu Angeli. In conspéctu. **Gloria Patri.** Ascéndit. **℣.** In conspéctu Angelórum psallam tibi, Deus meus. **℟.** Adorábo ad templum sanctum tuum, et confitébor nómini tuo.

AD NONAM

P

Ant. Dixit autem María * ad Angelum : Quómodo fiet istud, quóniam virum non cognósko? Et respóndens Gábriel Angelus, dixit ei : Spíritus Sanctus supervéniet in te, et virtus Altíssimi obumbrábit tibi.

Capitulum Dan. 9, 25

Scito ergo et animadverte : Ab éxitu sermónis ut íterum ædificétur

Jerúsalem, usque ad Christum ducem, hebdomades septem, et hebdomades sexaginta duæ erunt.

R. **br.** In conspectu Angelorum * Psallam tibi, Deus meus. In conspectu.

V. Adorábo ad templum sanctum tuum, et confitebor nómini tuo. Psallam.

Gloria Patri. In conspectu. **V.** Adoráte Deum.

R. Omnes Angeli ejus.

Vesperæ de sequenti, Commemoratio tantum Feriæ.

¶ **Sicubi de hoc Festo integræ II Vesperæ sint dicendæ**

IN II VESPERIS

Antiphonæ, Capitulum et Hymnus ut in I Vesperis 763; Psalmi de Dominica, sed loco ultimi Psalmus 137 Confitebor tibi, Dómine, ut ibidem.

V. In conspectu Angelorum psallam tibi, Deus

meus. **R.** Adorábo ad templum sanctum tuum, et confitebor nómini tuo.

Ad Magnif. Ant. Archangelus Gábríel * ait ad Mariam : Non erit impossibile apud Deum omne verbum. Dixit autem María : Ecce ancilla Dómini, fiat mihi secundum verbum tuum. Et discéssit ab ea Angelus.

Oratio

DEus, qui inter ceteros Angelos, ad annuntiandum incarnationis tuæ mystérium, Gabriélem Archangelum elegisti : concede propítius; ut qui festum ejus celebrámus in terris, ipsíus patrocínium sentiámus in cælis : Qui vivis.

Completorium de Dominica.

DIE 25 MARTII

In Annuntiatióne B. Mariæ Virg.

DUPLEX I CLASSIS

Omnia de Communi Festorum B. Mariæ Virg. [195], præter ea quæ hic habentur propria.

IN I VESPERIS

Añæ et Capitulum de Laudibus 784; Hymnus Ave, maris stella, de Communi. [197]

V. Ave, María, grátia plena. (T. P. Allelúja.)

R. Dóminus tecum. (T. P. Allelúja.)

Ad Magnif. Ant. Spíritus Sanctus * in te descéndet, María, et virtus Altíssimi obumbrábit tibi. (T. P. Allelúja.)

Oratio

DEus, qui de beátæ Maríæ Vírginis útero Verbum tuum, Angelo nuntiánte, carnem suscipere voluísti : præsta supplicibus tuis; ut, qui vere eam Genitricem Dei crédimus, ejus apud te intercessionibus adjuvémur. Per eúndem Dóminum.

Et, in Quadragesima, fit Commemoratio Feriæ.

AD MATUTINUM

Invit. Ave, Maríá, grátia plena : * Dóminus tecum. (T. P. Allelúja.) Ps. 94 Veníte, exsultémus. 3

In I Nocturno

De Isaíá Prophéta

Lectio i Cap. 7, 10-15

ST adjécit Dóminus loqui ad Achaz, dicens : Pete tibi signum a Dómino Deo tuo in profúndum inférni, sive in excélsum supra. Et dixit Achaz : Non petam, et non tentábo Dóminum. Et dixit : Audíte ergo, domus David : Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concípíet et páriet fílium, et vocábitur nomen ejus Emmánuel.

Butýrum et mel cómedet, ut sciat reprobáre malum et eligere bonum.

✠. Missus est Gábriel Angelus ad Maríam Vírginem desponsátam Joseph, núntians ei verbum; et expavéscit Virgo de lúmine : ne tíneas, Maríá, invenísti grátiam apud Dóminum; * Ecce concípíes et páries, et vocábitur Altíssimi Fílius. (T. P. Allelúja.) ✠. Dabit ei Dóminus Deum sedem David, patris ejus, et regnábít in domo Jacob in ætérnum. — Ecce.

Lectio ii Cap. 11, 1-5

ET egrediétur virga de radíce Jesse, et flos de radíce ejus ascéndet. Et requiescet super eum Spíritus Dómini : spíritus sapiéntiæ et intelléctus, spíritus consílii et fortitúdinis, spíritus sciéntiæ et pietátis; et replébit eum spíritus timóris Dómini : non secúndum visiónem oculórum judicábit, neque secúndum audítum áurium árguet : sed judicábit in justítia páuperes, et árguet in æquitáte pro mansuétis terræ : et percútiet terram virga oris sui, et spíritu labiórum suórum interficiet ímpium. Et erit justítia cingulum lumbórum ejus : et fides cinctórium renum ejus.

℟. Ave, María, grátia plena; Dóminus tecum :
 * Spíritus Sanctus supervéniet in te, et virtus Altíssimi obumbrábit tibi : quod enim ex te nascétur Sanctum, vocábitur Fílius Dei. (T. P. Allelúja.)

℣. Quómodo fiet istud, quóniam virum non cognósko? Et respóndens Angelus, dixit ei. — Spíritus.

Lectio iii Cap. 35, 1-7

Lætábitur déserta et ínvía, et exsultábit solitúdo, et florébit quasi lílium. Gérminans germínábit, et exsultábit lætabúnda et laudans : glória Líbani data est ei : decor Carméli et Saron, ipsi vidébunt glóriam Dómini, et decórem Dei nostri. Confortáte manus dissolutas, et génua debília roboráte. Dícite pusillánimis : Confortámini, et nolíte timére : ecce Deus vester ultiónem addúcet retributiónis : Deus ipse véniet, et salvábit vos. Tunc aperiéntur óculi cécórum, et aures surdórum patébunt. Tunc sáliet sicut cervus claudus, et apérta erit lingua mutórum : quia scissæ sunt in déserto aquæ, et torréntes in solitúdine. Et quæ erat árida, erit in stagnum, et sitiens in fontes aquárum.

℟. Súscipe verbum, Virgo María, quod tibi a Dómino per Angelum transmissum est : concípies et páries Deum páriter et hóminem, * Ut benedícta dicáris inter omnes mulieres. (T. P. Allelúja.)

℣. Páries quidem fílium, et virginitátis non patiéris detriméntum : efficiéris grávida, et eris mater semper intácta. — Ut. Glória Patri. Ut.

In II Nocturno

Sermo sancti Leónis Papæ

Sermo 2 de Nativ. Domini

Lectio iv



Eus omnípotens et clemens, cujus nátúra bónitas, cujus volúntas poténtia, cujus opus misericórdia est, statim ut nos diabólica malignitas venéno suæ mortificávit invidiæ, prædestináta renovándis mortálibus suæ pietátis remédia, inter ipsa mundi primórdia præsignávit; denúntians serpénti futúrum semen mulieris, quod nóxii cápitis elatióne sua virtúte contéreret, Christum scilicet in carne ventúrum; Deum hominémque signans, qui natus ex Virgine, violatórem humanæ propáginis incorrupta nativité damnáret.

℟. Ecce virgo concipiet et páriet filium, dicit Dóminus : * Et vocábitur nomen ejus Admirábilis, Deus, Fortis. (T. P. Allelúja.) ℣. Super sólum David, et super regnum ejus sedébit in ætérnum. — Et.

Lectio v

NAM quia gloriabátur diábolus hóminem sua fraude decéptum divínis caruisse munéribus, et immortalitátis dote nudátum, duram mortis subiisse senténtiam, seque in malis suis quoddam de prævaricatóris consórtio invenisse solátium; Deum quoque, justæ severitátis exigénte ratióne, erga hóminem, quem in tanto honóre condíderat, antíquam mutásse senténtiam : opus fuit, dilectíssimi, secréti dispensatióne consílii ut incommutábilis Deus, cujus volúntas non potest sua benignitáte privári, primam pietátis suæ dispositiónem sacraménto occultióre compléret; et homo diabólicæ iniquitátis versútia actus in culpam, contra Dei propósitum non períret.

℟. Egrediétur virga de radíce Jesse, et flos de radíce ejus ascéndet : * Et erit justítia cingulum lumbórum ejus, et fides cin-

ctórium renum ejus. (T. P. Allelúja.) ℣. Et requiescet super eum Spíritus Dómini : spíritus sapiéntiæ et intelléctus, spíritus consílii et fortitúdinis. — Et.

Lectio vi

ADveniéntibus ergo temporibus, dilectíssimi, quæ redemptióri hóminum fúerant præstitúta, ingréditur hæc ínfima Jesus Christus, Dóminus noster, de cælésti sede descéndens, et a patérna glória non recédens, novo órdine, nova nativité generátus : novo órdine, quia, invisíbilis in suis, visíbilis factus est in nostris; incomprehensíbilis, vóluit comprehénderi; ante témpora manens, esse cœpit ex témpore; universitátis Dóminus servílem formam, obumbráta majestátis suæ dignité, suscepit; impassíbilis Deus, non dedignátus est homo esse passíbilis; et immortalis, mortis légibus subjacére.

℟. Sancta et immaculáta virgíntas, quibus te láudibus éfferam, nésco : * Quia quem cæli cápere non póterant, tuo grémio contulisti. (T. P. Allelúja.) ℣. Benedícta tu in muliéribus, et benedíctus fructus ventris tui. — Quia. Glória Patri. Quia.

In III Nocturno

Antiphona IX Angelus Dómini * nuntiávit Maríæ, et concépit de Spíritu Sancto. (T. P. Allelúja.)

¶ Sub qua sola Antiphona dicuntur tres Psalmi hujus Nocturni, si hoc Festum Tempore Paschali celebretur.

Lectio sancti Evangélii
secúndum Lucam

Lectio vii Cap. 1, 26-38

IN illo témpore : Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et réliqua.

Homília sancti Ambrósii
Epíscopi

Liber 2 in Lucam

Atent quidem divína mystéria, nec fácele, juxta prophéticum dictum, quisquam hóminum potest scire consílium Dei. Sed tamen ex céteris factis, atque præcéptis Dómini Salvatóris póssumus intelligere, et hoc propensióris fuisse consílii, quod ea potíssimum elécta est, ut Dóminum páreret, quæ erat desponsáta viro. Cur autem non ántequam desponsarétur, impléta est? Fortásse ne dicerétur quod concéperat ex adultério.

✠. Congratulámini mihi, omnes qui dilígitis Dóminum : quia cum essem párvula, plácuí Altíssimo, * Et de meis viscéribus génui Deum et hóminem. (T. P. Allelúja.) ✠. Beátam me dicent omnes generatiónes, quia ancíllam húmílem respéxit Deus. — Et.

Bened. Cujus festum cólimus, ipsa Virgo vírginum.

Lectio viii

ET ingrèssus ad eam Angelus. Disce vírginem móribus, disce vírginem verecúndia, disce oráculo, disce mystério. Trepidáre vírginum est, et ad omnes viri ingrèssus pavére, omnes viri affátus veréri. Discant mulieres propósitum pudóris imitári. Sola in penetrálibus, quam nemo virórum víderit, solus Angelus repérrit : sola sine cómite, sola sine teste, ne quo degénere depravarétur affátu, ab Angelo salutátur.

✠. Gaude, María Virgo, cunctas hæreses sola interemísti, quæ Gabriélis Archángeli dictis credidísti : * Dum Virgo Deum et hóminem genuísti, et post partum, Virgo, invioláta permansísti. (T. P. Allelúja.) ✠. Beáta es quæ credidísti : quia perfécta sunt ea, quæ dicta sunt

tibi a Dómino. — Dum Virgo Deum et hóminem genuísti, et post partum, Virgo, invioláta perman-sísti. (T. P. Allelúia.) Gló-ria Patri. Dum.

In Quadragesima ix Lectio
de Homilia Feriæ, alias

Lectio ix

TAnti namque mandáti mystérium non hómi-nis fuit, sed Angeli ore proméndum. Hódie pri-mum audítur : Spíritus Sanctus supervéniet in te. Et audítur, et créditur. Dénique, Ecce, inquit, an-cílla Dómini : contíngat mihi secúndum verbum tuum. Vide humilitátem, vide devotiónem. Ancíl-lam se dicit Dómini, quæ mater elígitur, nec repen-tíno exaltáta promísso est. Te Deum laudámus.

AD LAUDES

et per Horas, Añæ

1 Missus est * Gábríel Angelus ad Mariám Vír-ginem desponsátam Jo-seph. (T. P. Allelúja.)

2 Ave, María, * grátia plena; Dóminus tecum : benedícta tu in muliéri-bus. (T. P. Allelúja.)

3 Ne tíneas, María, * invenísti grátiam apud Dóminum : ecce concípies et páries fílium. (T. P. Allelúja.)

4 Dabit ei Dóminus * sedem David, patris ejus, et regnábít in ætérnum. (T. P. Allelúja.)

5 Ecce ancílla Dómini : * fiat mihi secúndum ver-bum tuum. (T. P. Alle-lúja.)

Capitulum Is. 7, 14-15

ECce virgo concípíet et páriet fílium, et vocá-bitur nomen ejus Emmá-nuel. Butýrum et mel có-medet, ut sciat reprobáre malum, et elígere bonum.

Hymnus

O Gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine :
Intrent ut astra flébiles,
Cæli reclúdis cárdines.

Tu Regis alti jánuā
Et aula lucis fúlgida :
Vitā datam per Vírgi-nem,
Gentes redémtæ, pláu-dite.

Jesu, tibi sit glória,
Qui natus es de Vírgine,
Cum Patre, et almo Spí-ritu,
In sempitérna sácula.

Amen.

V. Ave, María, grátia plena. (T. P. Allelúja.)
R. Dóminus tecum. (T. P. Allelúja.)

Ad Bened. Ant. Quómodo fiet istud, * Angele Dei, quóniam virum non cognósco? Audi, María Virgo : Spíritus Sanctus supervéniet in te, et virtus Altíssimi obumbrábit tibi. (T. P. Allelúja.)

Oratio

Deus, qui de beátæ Maríæ Vírginis útero Verbum tuum, Angelo nuntiánte, carnem suscipere voluísti : præsta supplicibus tuis; ut, qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum.

Et, in Quadragesima, fit Commemoratio Feriæ.

AD PRIMAM

Ant. Missus est, **ut supra. 784**

AD TERTIAM

Ant. Ave, María, **ut supra. 784**

Capit. Ecce virgo, **ut supra. 784**

℟. br. Spécie tua * Et pulchritúde tua. Spécie. **℣.** Inténde, prospere procéde, et regna. Et. Glória Patri. Spécie. **℣.** Adjuvábít eam Deus vultu suo. **℟.** Deus in médio ejus, non commovébitur.

Tempore Paschali

℟. br. Spécie tua et pulchritúde tua, * Allelúja,

allelúja. Spécie. **℣.** Inténde, prospere procéde, et regna. Allelúja, allelúja. Glória Patri. Spécie. **℣.** Adjuvábít eam Deus vultu suo, allelúja. **℟.** Deus in médio ejus, non commovébitur, allelúja.

Oratio Deus, qui de beátæ, **ut supra.**

AD SEXTAM

Ant. Ne tímeas, María, **ut supra. 784**

Capitulum Luc. 1, 32-33

Dabit illi Dóminus Deus sedem David, patris ejus, et regnábít in domo Jacob in ætérnum, et regni ejus non erit finis.

℟. br. Adjuvábít eam * Deus vultu suo. Adjuvábít. **℣.** Deus in médio ejus, non commovébitur. Deus vultu suo. Glória Patri. Adjuvábít. **℣.** Elégít eam Deus, et prælégit eam. **℟.** In tabernáculo suo habitáre facit eam.

Tempore Paschali

℟. br. Adjuvábít eam Deus vultu suo, * Allelúja, allelúja. Adjuvábít. **℣.** Deus in médio ejus, non commovébitur. Allelúja, allelúja. Glória Patri. Adjuvábít. **℣.** Elégít eam Deus, et prælégit eam, allelúja. **℟.** In tabernáculo suo habitáre facit eam, allelúja.

AD NONAM

Ant. Ecce ancilla Dómini : * fiat mihi secúndum verbum tuum. (T. P. Allelúja.)

Capitulum Is. 11, 1-2

EGrediétur virga de radíce Jesse, et flos de radíce ejus ascéndet. Et requiescet super eum Spíritus Dómini.

R. br. Elégit eam Deus, * Et praelégit eam. Elégit. **V.** In tabernáculo suo habitáre facit eam. Et praelégit eam. **Gloria Patri.** Elégit. **V.** Diffúsa est grátia in lábiis tuis. **R.** Proptérea benedíxit te Deus in ætérnum.

Tempore Paschali

R. br. Elégit eam Deus, et praelégit eam, * Allelúja, allelúja. Elégit. **V.** In tabernáculo suo habitáre facit eam. Allelúja, allelúja. **Gloria Patri.** Elégit. **V.** Diffúsa est grátia in lábiis tuis, allelúja. **R.** Proptérea benedíxit te Deus in ætérnum, allelúja.

IN II VESPERIS

Añæ et Capitulum de Laudibus 784; Hymnus Ave, maris stella, de Communi. [197]

V. Ave, María, grátia plena. (T. P. Allelúja.) **R.** Dóminus tecum. (T. P. Allelúja.)

Ad Magnif. Ant. Gábriel Angelus * locútus est Ma-

riæ dicens : Ave, grátia plena; Dóminus tecum : benedícta tu in muliéribus. (T. P. Allelúja.)

Oratio

DEus, qui de beátæ Mariæ Vírginis útero Verbum tuum, Angelo nuntiánte, carnem suscípere voluísti : præsta supplícibus tuis : ut, qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum nostrum.

Et, in Quadragesima, fit Commemoratio Feriæ.

Die 27 Martii

S. Joannis Damasceni

Conf. et Eccl. Doct.

Duplex (m. t. v.) [111]

V. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Joánnes, divínæ legis amátor, deprecáre pro nobis Fílium Dei. (T. P. Allelúja.)

Oratio

OMnípotens sempitérne Deus, qui ad cultum sacrárum imáginum asseréndum, beátum Joánnem cælésti doctrína et admirábili spíritus fortitúidine imbuísti : concéde nobis ejus intercessióne et exem-

plo; ut, quorum cólimus imágines, virtútes imitémur et patrocínia sentiámus. Per Dóminum.

Et, in Quadragesima, fit Commemoratio Feriæ.

In I Nocturno Lectiones Sapiéntiam, de Communi Doctorum. [104]

In II Nocturno

Lectio iv



Oáñnes, a pátrio loco Damascénus dictus, nóbili génere natus, humánis divinisque lítteris a Cosma mónacho Constantinópoli fuit excúltus; cumque ea tempestáte imperátor Leo Isáuricus nefáριο bello sacrárum imáginum cultum insectarétur, Joáñnes, hortátu Gregórii tértii Románi Pontificis, et sermóne et scriptis sanctitátem illíus cultus sédulo propugnávit. Quo facto tantam Leónis advérsus se invídiam concitávit, ut hic confictis lítteris ipsum tamquam proditórem accusárit apud Damásci calípham, qui Joáñne consiliáριο et adminístro utebátur. Crédulus fraudi princeps Joáñni nequídquam calúmniam ejuránti præcídí dexteram jussit. Verum innocéntiæ vindex ádfuit cliénti suo sanctíssima Virgo, cujus opem préci-bus eníxe imploráverat,

ejúsque beneficio trunca manus restitúta ita bráchio coáluit, ac si divísá numquam fuísset. Quo máxime miráculo permó-tus Joáñnes, quod pridem ánimo concéperat, éxsequi státuit. Itaque ægre a calípha impetráto secéssu, suas omnes facultátes in egénos distríbuit, et servos libertáte donávit; tum sacra Palæstínæ loca peregrínus lustrávit, ac demum una cum Cosma institutóre suo in lauram sancti Sabbæ prope Hierosólymam concéssit, ibíque présbyter initiátus est.

R. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérnam. *V.* Justum dedúxit Dóminus per vias rectas, et osténdit illi regnum Dei. — Et.

Lectio v

IN religiósæ vitæ palæstra præclarióra virtútum exémpa mónachis præbuit, demissiónis potíssimum et obediéntiæ. Abjectíssima quæque cœnóbii múnia véluti sibi própria deposcébat, ac sédulo obíbat. Contéxtas a se spórtulas venditáre Damásci jussus, in ea nímírum civitáte ubi olim summis honóribus perfún-

ctus fúerat, irrisiones ac ludibria vulgi ávide captábat. Obediéntiam ádeo cóluit, ut non modo ad quémlibet præsidum nutum præsto esset; sed ne causam quidem eórum quæ præcipiebántur, quamvis árdua essent et insólita, quærendam sibi umquam putárit. Inter has virtútum exercitatiónes, catholicum dogma de sanctárum imáginum cultu impénse tuéri numquam déstitit. Quare ut ante Leónis Isáurici, ita póstmodum Constantíni Coprónymi advérsus se ódia vexationésque provocávit; eo vel magis quod libere arrogántiam imperatórum retúnderet, qui fidei negótia pertractáre, deque his senténtiam arbitrátu suo ferre audébant.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

Mirum sane est quam multa tum ad fidem tutándam, tum ad pietátem fovéndam, et solúta et adstricta númeris oratióne, Joánnes elucubráverit; dignus sane qui ab

áltera Nicæna sýnodo amplíssimis láudibus celebraréturet, et ob áureum oratiónis flumen Chrysórhoas appellaréturet. Neque solum contra Iconómachos orthodóxam fidem deféndit; sed omnes ferme hæréticos, præsertim Acéphalos, Monothelitas, Theopaschítas strénue impugnávit. Ecclésiæ jura potestatémque egrégie vindicávit. Primátum Príncipis Apostolórum disertíssimis verbis asséruiť; ipsúmque ecclesiárum cólumen, infráctam petram, orbis terrárum magístrum et moderatórem sápius nóminat. Univérsa autem ejus scripta non modo eruditíone et doctrína præstant, sed étiam quemdam ingénuae pietátis sensum præferunt, præcípuè cum Genitrícis Dei laudes prædicat, quam singulári cultu et amóre prosequébáturet. Illud vero máxime in laudem Joánnis cedit, quod primus univérsam theologíam recto órdine comprehénderit et sancti Thomæ viam complanáverit ad sacram doctrínam tam præclára méthodo tractándam. Tandem vir sanctíssimus méritis plenus devexáque jam ætáte, in pace Christi quiévit anno círciter septingentésimo

quinquagésimo quarto. Ejus Officium et Missam Leo décimus tértius Pón-tifex máximus, áddito Doctóris título, univérsæ Ecclésiæ concéssit.

✠. Iste homo perfécit ómnia quæ locútus est ei Deus, et dixit ad eum : In-grédere in réquiem meam :
* Quia te vidi justum co-ram me ex ómnibus gén-tibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

In III Nocturno

Léctio sancti Evangélii
secúndum Lucam

Lectio vii Cap. 6, 6-11

IN illo témpore : Factum est et in álio sábbato, ut intráret Jesus in syna-gógam, et docéret : et erat ibi homo, et manus ejus dextera erat árida. Et réliqua.

Homília sancti Petri
Chrysólogi

Sermo 32

IN hoc hómine óm-nium hóminum imá-go figurátur, in hoc géritur cura cunctórum, in hoc univérsórum sánitas diu exspectáta reparátur. Arúerat enim manus hó-minis magis stupóre fidei quam siccitáte nervórum,

et plus culpa consciéntiæ quam debilitáte carnáli. Antíqua ista nimis erat, et quæ in ipso mundi prin-cípio contígérat ægritúdo; nec arte hóminis aut bene-ficio póterat hæc curári, quæ Dei fúerat indigna-tióne contrácta. Tetígérat vétita, inconcéssa præ-súmpserat, cum se ad árborem sciéndi bonum malúmque porréxerat : auctóre indigébat, non qui malágma impóneret, sed qui posset illátam relaxáre senténtiam, et ignoscéndo resólvère quod religáverat indignádo.

✠. Iste est, qui ante Deum magnas virtútes operátus est, et de omni corde suo laudávit Dómi-num : * Ipse intercédát pro peccátis ómnium po-pulórum. ✠. Ecce homo sine queréla, verus Dei cultor, ábstinens se ab omni ópere malo, et pér-manens in innocéntia sua. — Ipse.

Lectio viii

IN hoc hómine nostræ tantum géritur umbra sanitátis; perfécta autem salus nobis reservátur in Christo : quia tunc arí-ditas nostræ manus mise-ránda dissólvitur, cum cruóre perfúnditur Domí-nicæ passiónis, cum in illo vitáli ligno crucis extén-

ditur, cum carpit fructuósam de dolóre virtútem, cum totam árborem salútis ampléctitur, cum clavis Dómini corpus affigitur, quo numquam ad árborem concupiscéntiæ et áridæ rédeat voluptátis. Et ait hómini habénti manum áridam : Surge in médium, proféssor debilitátis própriæ, supérnæ pietátis exáctor, testis divínæ virtútis, Judáicæ incredulitátis assértor : surge in médium; ut quos non compúngit virtus tanta signórum, quos non ópera tantæ salútis inclínant, vel debilitátis tantæ miserátio constríngat et mítiget.

℟. In médio Ecclésiæ apérui os ejus, * Et implévit eum Dóminus spíritu sapiéntiæ et intelléctus. ℣. Jucunditátem et exultatiónem thesaurizávit super eum. — Et. Glória Patri. Et.

IX Lectio de Homilia Feriæ.
Sicubi vero extra Quadragesimam celebretur :

Lectio ix

Dixit hómini : Exténde manum tuam; et exténdit, et restitúta est manus illius. Exténde manum tuam : jussióne sóluitur, quæ fúerat jussióne convíncta. Exténde manum tuam : agnóvit pœna

júdicem, opus Deum, indulgéntia pródidit conditórem. Oráte, fratres, ut sola synagóga tali debilitáte fuscétur, nec sit in Ecclésia cujus manum arefáciat cupiditas, cóntrahat avarítia, rapína debílitet, tenácitas ægrótam constríngat; sed si accíderit id ipsum, áudiat Dóminum et cito eam in ópere pietátis exténdat, reláxet et in misericórdia, in elemósynis pórrigat. Sanári nescit, qui nescit páuperi fœnerári.

Te Deum laudámus.

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

OMnípotens sempitérne Deus, qui, ad cultum sacrárum imáginum asseréndum, beátum Joánnem cælésti doctrína et admirábili spíritus fortitúdine imbuísti : concéde nobis ejus intercessióne et exémplo; ut, quorum cólimus imáginés, virtútes imitémur et patrocínia sentiámus. Per Dóminum.

Et, in Quadragesima, fit Commemoratió Feriæ.

IN II VESPERIS

℣. Justum dedúxit.

Ad Magnif. Ant. O Doctor óptime, * Ecclésiæ sanctæ lumen, beáte Joánes, divínæ legis amátor, deprecáre pro nobis Fílium Dei. (T. P. Allelúja.)

Et fit Commemoratio sequentis et, in Quadragesima, Feriæ.

Die 28 Martii

S. Joannis
a Capistrano

Conf. Semiduplex
(m. t. v.) [111]

Ant. Similábo eum viro sapiénti, qui ædificávit domum suam supra petram. (T. P. Allelúja.)

℣. Amávit eum Dóminus.

Oratio

DEus, qui per beátum Joánnem fídeles tuos in virtúte sanctíssimi nóminis Jesu de crucis inimícis triumpháre fecísti : præsta, quæsumus; ut, spirituálium hóstium, ejus intercessióne, superátis insidiis, corónam justitiæ a te accípere mereámur. Per eúndem Dóminum.

Et, in Quadragesima, fit Commemoratio Feriæ.

In II Nocturno

Lectio iv



Oánes, Capistráni in Pelígnis ortus et Perúsium studiórurum causa missus, in christiánis et liberálibus disciplínis ádeo profécit, ut ob egrégiam juris sciéntiam áliquot civitatibus a Neápolis rege Ladisláo præfécus fúerit. Dum autem eárum rempúblicam sanctíssime gerens perturbátis rebus tranquillitátem revocáre studet, cápitur ipse et in víncula conjícitur; quibus mirábiliter eréptus, Francísci Assisiénsis régulam inter fratres Minóres profitétur. Ad divinárum litterárum stúdiu progéssus, præceptórem nactus est sanctum Bernardínu Senénsen, cujus et virtútis exémpa, in cultu potíssimu sanctíssimi nóminis Jesu ac Deíparæ propagádo, egrégie est imitátus. Aquilánum episcopátu recusávit, et severióre disciplína atque scriptis, quæ plúrima édedit ad mores reformándos, máxime enítuit.

℣. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem

æternam. **℣.** Justum deduxit Dominus per vias rectas, et ostendit illi regnum Dei. — Et dedit illi claritatem æternam.

Lectio v

PRædicationi verbi Dei sedulo incumbens, Italiam fere universam lustravit; quo in munere et virtute sermonis et miraculorum frequentia innumeras prope animas in viam salutis reduxit. Eum Martinus quintus ad extinguendam Fraticellorum sectam inquisitorem instituit. A Nicolao quinto contra Judæos et Saracenos generalis inquisitor in Italia constitutus, plurimos ad Christi fidem convertit. In Oriente multa optime constituit, et in concilio Florentino, ubi veluti sol quidam fulsit, Armenos Ecclesie catholice restituit. Idem Pontifex, postulante Friderico tertio imperatore, illum apostolicæ Sedis nuntium in Germaniam legavit, ut hæreticos ad catholicam fidem et principum animos ad concordiam revocaret. In Germania aliisque provinciis Dei gloriam sexennali ministerio mirifice auxit, Hussitis, Adamitis, Thaboritis, Hebræisque innumeris doctrinæ veritate ac miraculorum luce

ad Ecclesiæ sinum traductis.

℟. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum. **℣.** Induit eum Dominus lorica fidei, et ornavit eum. — Et.

Lectio vi

CUM Callistus tertius, ipso potissimum deprecante, cruce signatos mittere decrevisset, Joannes per Pannoniam aliasque provincias volitavit, qua verbo, qua litteris principum animos ita ad bellum accendit, ut brevi millia Christianorum septuaginta conscripta sint. Ejus consilio et virtute potissimum Taurunensis victoria relata est, centum ac viginti Turcarum millibus partim cæsis, partim fugatis. Cujus victoriae cum Romam nuntius venisset octavo Idus Augusti, idem Callistus ejus diei memorie solennia Transfigurationis Christi Domini perpetuo consecravit. Lethali morbo ægrorum et Villacum delatum viri principes plures visitarunt; quos ipse ad tuendam religionem hortatus, animam Deo sancte reddidit anno salutis millesimo quadringentesimo quinquagesimo sexto. Ejus

glóriam post mortem Deus multis miráculis confirmávit : quibus rite probátis, Alexánder octávus anno millésimo sexcentésimo nonagésimo Joánnem in Sanctórum númerum rétulit; ejúsque Offícium ac Missam Leo décimus tertius, áltero ab ejus canonizatióne sáeculo, ad univérsum exténdit Ecclésiám.

R. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

*** Quia te vidi justum coram me ex ómnibus gén-
tibus. V.** Iste est, qui contémpsit vitam mundi, et pervénit ad cæléstia regna. — Quia te vidi.
Glória Patri. Quia te vidi.

In III Nocturno

Léctio sancti Evangélii
secúndum Lucam

Lectio vii Cap. 9, 1-6

IN illo témpore : Convo-
cátis Jesus duódecim
Apóstolis, dedit illis virtú-
tem et potestátem super
ómnia dæmónia, et ut
languóres curárent. Et ré-
liqua.

Homília sancti Bonaven-
túræ Epíscopi

Expositio in cap. 9 Lucæ



APóstoli ideo nomi-
nāti sunt, ut eórum
commendarétur au-
ctóritas. Apóstolus enim

missus interpretátur :
missi autem fuérunt ad
prædicándum, secúndum
illud : Non misit me Chri-
stus baptizáre, sed evan-
gelizáre. Fuérunt ad præ-
dicándum missi, non rem
parvam, sed magnam, scí-
licet regnum Dei, per quod
potest intélligi doctrína
veritátis, juxta illud : Au-
ferétur a vobis regnum
Dei, et dábitur genti fa-
ciénti fructus ejus. Potest
étiam dici grátia Spíritus
Sancti, secúndum illud :
Non est regnum Dei esca
et potus, sed justítia, et
pax, et gáudium in Spí-
ritu Sancto; et infra : Ecce
regnum Dei intra vos est.
Potest étiam dici glória
ætérna, juxta illud : Amen
dico vobis, nisi quis re-
nátus fuérit ex aqua et
Spíritu Sancto, non potest
introíre in regnum Dei.

R. Iste est, qui ante
Deum magnas virtútes
operátus est, et de omni
corde suo laudávit Dómi-
num : *** Ipse intercéd-
at pro peccátis ómnium po-
pulórum. V.** Ecce homo
sine queréla, verus Dei
cultor, ábstinens se ab
omni ópere malo, et pér-
manens in innocéntia sua.
— Ipse.

Lectio viii

OMnibus his modis Apó-
stoli sunt missi prædi-
cáre regnum Dei, scílicet

veram doctrinam, divinam grátiam, et ætérnam glóriam. Et quia propter auctoritátem prædicatiónis concésserat potestátem curatiónis, ideo subdit : Et sanáre infirmos; scilicet misit ad confirmatiónem veritátis prædicatæ secúndum illud : Illi autem profécti, prædicavérunt ubique, Dómino cooperánte et sermónem confirmando sequéntibus signis. Unde signum missiόnis spirituális ad prædicándum est sanatio audiéntium a morbis vitiórum.

R. Sint lumbi vestri præcincti, et lucernæ ardéntes in mánibus vestris : * Et vos símiles homínibus exspectántibus dóminum suum, quando revertátur a núptiis. **V.** Vigiláte ergo, quia nescítis quâ hora Dóminus vester ventúrus sit. — Et vos. **Gloria Patri.** Et vos.

IX Lectio de Homilia Ferie.
Sicubi vero extra Quadragesimam celebretur :

Lectio ix

Tria autem sunt signa evidéntia, quibus probátur utrum prædicátor a Dómino sit missus ad Evangélium prædicándum. Primum est auctoritas mitténtis, cuiusmodi est Pontíficis, et máxime Pontíficis summi, qui est

loco Petri, immo Jesu Christi; unde qui ab eo mittitur, a Christo mittitur. Secúndum est zelus animárum in persóna quæ mittitur, quando scilicet principáliter quærit Dei honórem et animárum salutem. Tértium est fructificatio et convérsio auditórum. Per primum sunt núntii Patris, per secúndum Filii, per tertium Spíritus Sancti. De primo : Pro pátribus tuis nati sunt tibi filii. De secúndo : Non enim nosmetipsos prædicámus, sed Jesum Christum Dóminum nostrum. De tertio : Pósui vos ut eátis, et fructum afferátis, et fructus vester máneat. Et qui sic mittitur, potest dicere illud : Spíritus Dómini super me, eo quod únixerit me.

Te Deum laudámus.

AD LAUDES

V. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constituam, intra in gáudium Dómini tui.

Oratio

Deus, qui per beátum Joánnem fideles tuos in virtúte sanctíssimi nóminis Jesu de crucis ini-

mícis triumpháre fecísti :
præsta, quæsumus; ut
spirituálíum hóstíum, ejus
intercessióne, superátis in-
sídíis, coronám justítiæ
a te accípere mereámur.
Per eúmdem Dóminum
nostrum.

Et, in Quadragesima, fit
Commemoratio Feriæ.

IN II VESPERIS

✠. Justum dedúxit.

Ad Magnif. Ant. Hic vir
despiciens mundum * et
terréna, triúmphans, diví-
tias cælo cóndidit ore,
manu.

Et, in Quadragesima, fit
Commemoratio Feriæ.

FERIA SEXTA POST DOMINICAM PASSIONIS

Septem Dolorum B. Mariæ Virg.

DUPLEX MAJUS

Si hoc Festum utrisque Ve-
speris careat, Hymnus Vesper-
arum Stabat Mater, omisso
verbo Amen, jungitur ad
Matutinum cum Hymno Sancta
Mater; si autem habeat
tantum II Vesperas, ad Ma-
tutinum dicitur Hymnus Sta-
bat Mater, ad Laudes Sancta
Mater, in II Vesperis
Virgo virginum.

IN I VESPERIS

Ant. Vadam ad mon-
tem * myrrhæ, et ad col-
lem thuris.

Psalmus 115



Rédidi, propter quod
locútus sum : * ego
autem humiliátus
sum nimis.

Ego dixi in excéssu
meo : * Omnis homo
mendax.

Quid retribuam Dómi-
no : * pro ómnibus, quæ
retribuit mihi?

Cálicem salutáris acci-
píam : * et nomen Dómini
invocábo.

Vota mea Dómino red-
dam coram omni pópulo
ejus : * pretiósá in conspé-
ctu Dómini mors sanctó-
rum ejus :

O Dómine, quia ego ser-
vus tuus : * ego servus
tuus, et fílius ancíllæ
tuæ.

Dirupísti víncula mea : *
tibi sacrificábo hóstíam
laudis, et nomen Dómini
invocábo.

Vota mea Dómino red-
dam in conspéctu omnis
pópuli ejus : * in átriis
domus Dómini, in médio
tui, Jerúsalem. Gl.

Ant. Vadam ad montem myrrhæ, et ad collem thuris.

Ant. Diléctus meus * candidus, et rubicundus: comæ capitis ejus sicut púrpura regis vincta canálibus.

Psalmus 119

AD Dóminum cum tribulárer clamávi : * et exaudivit me.

Dómine, libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum íncola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Ant. Diléctus meus candidus, et rubicundus: comæ capitis ejus sicut púrpura regis vincta canálibus.

Ant. Quo ábiit * diléctus tuus, o pulchérissima mulierum? quo diléctus tuus declinávit?

Psalmus 139

ERipe me, Dómine, ab hómine malo : * a viro iníquo éripe me.

Qui cogitavérunt iniquitátes in corde : * tota die constituébant prælia.

Acuérunt linguas suas sicut serpéntis : * venenum áspidum sub lábiis eórum.

Custódi me, Dómine, de manu peccatóris : * et ab homínibus iníquis éripe me.

Qui cogitavérunt supplantáre gressus meos : * abscondérunt supérbi láqueum mihi :

Et funes extendérunt in láqueum : * juxta iter scándalum posuérunt mihi.

Dixi Dómino : Deus meus es tu : * exáudi, Dómine, vocem deprecationis meæ.

Dómine, Dómine, virtus salútis meæ : * obumbrásti super caput meum in die belli.

Ne tradas me, Dómine, a desiderio meo peccatóri : * cogitavérunt contra me ne derelínquas me, ne forte exalténtur.

Caput circúitus eórum : * labor labiórum ipsórum opériet eos.

Cadent super eos carbónes, in ignem deícies eos : * in misériis non subsistent.

Vir linguósus non dirigétur in terra : * virum inístum mala cápient in intéritu.

Cognóvi quia fáciat Dóminus judícium ínopis : * et vindíctam páuperum.

Verúmtamen iusti confitebúntur nómini tuo : * et habitábunt recti cum vultu tuo.

Ant. Quo ábiit diléctus tuus, o pulchérissima mulierum? quo diléctus tuus declinávit?

Ant. Fascículus myrrhæ * diléctus meus mihi, inter úbera mea commorábitur.

Psalmus 140

Domine, clamávi ad te, exáudi me : * inténde voci meæ, cum clamávero ad te.

Dirigátur orátio mea sicut incénsum in conspéctu tuo : * elevátio mánuum meárum sacrificium verspertínium.

Pone, Dómine, custódiam ori meo : * et óstium circumstántiæ lábiis meis.

Non declínes cor meum in verba malítiæ, * ad excusándas excusatiónes in peccátis.

Cum homínibus operántibus iniquitátem : * et non communicábo cum eléctis eórum.

Corrípiet me iustus in misericórdia, et increpábit me : * óleum autem peccatóris non impínguet caput meum.

Quóniam adhuc et orátio mea in beneplácitis eórum : * absórpti sunt iuncti petraché iúdice eórum.

Audient verba mea quóniam potuerunt : * sicut crassitúdo terræ erúpta est super terram.

Dissipáta sunt ossa nostra secus inférnum : * quia ad te, Dómine, Dómine, óculi mei : in te sperávi, non áuferas ánimam meam.

Custódi me a láqueo, quem statuérunt mihi : * et a scándalis operántium iniquitátem.

Cadent in retiáculo ejus peccatóres : * singuláriter sum ego donec tránseam.

Ant. Fascículus myrrhæ diléctus meus mihi, inter úbera mea commorábitur.

Ant. Fulcíte me flóribus, * stipáte me malis, quia amóre lángueo.

Psalmus 141

Voce mea ad Dóminum clamávi : * voce mea ad Dóminum deprecátus sum :

Effúndo in conspéctu ejus oratiómem meam, * et tribulatiómem meam ante ipsum pronúntio.

In deficiéndo ex me spíritum meum, * et tu cognovísti sémitas meas.

In via hac, qua ambulábam, * abscondérunt láqueum mihi.

Considerábam ad dexteram, et vidébam : * et non erat qui cognósceret me.

Périit fuga a me, * et non est qui requírat ánimam meam.

Clamávi ad te, Dómine, * dixi : Tu es spes mea, pórtio mea in terra vivéntium.

Inténde ad deprecatió-nem meam : * quia humiliátus sum nimis.

Líbera me a persecuéntibus me : * quia confortáti sunt super me.

Educ de custódia ánimam meam ad confiténdum nómini tuo : * me expéctant iusti, donec retribuas mihi.

Ant. Fulcíte me flóribus, stipáte me malis, quia amóre lángueo.

Capitulum Is. 53, 1-2

Quis crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti.

Hymnus

Stabat Mater dolorósa
Juxta crucem lacrimósa,
Dum pendébat Filius.

Cujus ánimam geméntem,
Contristátam et doléntem,
Pertransívit gládius.

O quam tristis et afflícta
Fuit illa benedícta
Mater Unigéniti!

Quæ mærébat et dolébat
Pia Mater dum vidébat
Nati pœnas ínclýti.

Quis est homo, qui non
fleret,
Matrem Christi si vidéret
In tanto supplício?

Quis non posset contri-
stári
Christi Matrem contem-
plári
Doléntem cum Fílio?

Pro peccátis suæ gentis
Vidit Jesum in torméntis,
Et flagéllis súbditum.

Vidit suum dulcem natum
Moriéndo desolátum,
Dum emísit spíritum.

Eja, Mater, fons amóris,
Me sentíre vim doloris
Fac ut tecum lúgeam.

Fac ut árdeat cor meum
In amándo Christum
Deum,
Ut sibi compláceam.

Amen.

V. Ora pro nobis, Virgo
dolorosíssima. **R.** Ut digni
efficiámur promissionibus
Christi.

Ad Magnif. Ant. Tuam
ipsíus ánimam * (ait ad
Maríam Símeon) pertrans-
íbit gládius.

In II Vesperis

Ad Magnif. Ant. Cum
vidísset Jesus * Matrem
stantem juxta crucem, et
discípulum quem diligé-

bat, dicit Matri suæ :
Múlier, ecce fílius tuus.
Deínde dicit discípulo :
Ecce mater tua.

Oratio

DEus, in cujus passióne,
secúndum Simeónis
prophetíam, dulcíssimam
ánimam gloriósæ Vírginis
et Matris Mariæ dolóris
gládus pertransívit : con-
céde propítius; ut, qui
transfixiónem ejus et pas-
siónem venerádo recóli-
mus, gloriósis méritis et
précibus ómnium Sanctó-
rum cruci fidéliter astán-
tium intercedéntibus, pas-
siónis tuæ efféctum felí-
cem consequámur : Qui
vivis et regnas.

Et fit Commem. Feriæ. 432

Completorium de Dominica.

*Conclusio Hymnorum, etiam
ad Horas, erit sequens :*

Jesu, tibi sit glória,
Qui passus es pro sérvulis,
Cum Patre, et almo Spí-
ritu,

In sempitérna sæcula.

Amen.

AD MATUTINUM

Invit. Dolóres gloriósæ
recoléntes Vírginis, Dómi-
num pro nobis passum,
* Veníte, adorémus. *Ps. 94*
Veníte, exsultémus. 3

Hymnus

Sancta Mater, istud agas,
Crucifixi fige plagas
Cordi meo válide.

Tui nati vulneráti,
Tam dignáti pro me pati,
Pœnas mecum dívide.

Fac me tecum pie flere,
Crucifixo condolére,
Donec ego víxero.

Juxta crucem tecum stare,
Et me tibi sociáre
In planctu desídero.

Amen.

In I Noeturno

Ant. Astitérunt reges
terræ, * et príncipes con-
venérunt in unum advér-
sus Dóminum, et advérsus
Christum ejus.

Psalmus 2



Uare fremuérunt
gentes, * et pópuli
meditáti sunt iná-
nia?

Astitérunt reges terræ,
et príncipes convenérunt
in unum * advérsus Dó-
minum, et advérsus Chri-
stum ejus.

Dirumpámus víncula eó-
rum : * et projiciámus
a nobis jugum ipsórum.

Qui hábitat in cælis, irri-
débit eos : * et Dóminus
subsannábit eos.

Tunc loquétur ad eos in
ira sua, * et in furóre suo
conturbábit eos.

Ego autem constitútus
sum Rex ab eo super
Sion montem sanctum
ejus, * prædicans præcép-
tum ejus.

Dóminus dixit ad me : *
Filius meus es tu, ego
hódie génui te.

Póstula a me, et dabo
tibi gentes hereditátem
tuam, * et possessionem
tuam términos terræ.

Reges eos in virga fér-
rea, * et tamquam vas
figuli confringes eos.

Et nunc, reges, intelli-
gite : * erudímini, qui
judicátis terram.

Servíte Dómino in ti-
móre : * et exsultáte ei
cum tremóre.

Apprehéndite disciplí-
nam, nequándo irascátur
Dóminus, * et pereátis de
via justa.

Cum exárserit in brevi
ira ejus, * beáti omnes
qui confidunt in eo.

Ant. Astitérunt reges
terræ, et príncipes conve-
nérunt in unum advérsus
Dóminum, et advérsus
Christum ejus.

Ant. Voce mea * ad Dó-
minum clamávi, et exau-
dívít me de monte sancto
suo.

Psalmus 3

Domine, quid multipli-
cáti sunt qui tribulant
me? * multi insúrgunt
advérsus me.

Multi dicunt animæ
meæ : * Non est salus ipsi
in Deo ejus.

Tu autem, Dómine, sus-
céptor meus es, * glória

mea, et exáltans caput
meum.

Voce mea ad Dóminum
clamávi : * et exaudívít
me de monte sancto suo.

Ego dormívi, et soporá-
tus sum : * et exsurrexi,
quia Dóminus suscepit
me.

Non timébo míllia pópuli
circumdántis me : * ex-
súrge, Dómine, salvum
me fac, Deus meus.

Quóniam tu percussísti
omnes adversátes mihi
sine causa : * dentes pec-
cátórum contrivísti.

Dómini est salus : * et
super pópulum tuum be-
nedíctio tua.

Ant. Voce mea ad Dó-
minum clamávi, et exau-
dívít me de monte sancto
suo.

Ant. Factum est cor
meum * tamquam cera
liquéscens in médio ven-
tris mei.

Psalmus 12

Usquequo, Dómine, obli-
viscérís me in finem? *
Usquequo avértis faciém
tuam a me?

Quámdui ponam consília
in ánima mea, * dolórem
in corde meo per diem?

Usquequo exaltábitur ini-
mícus meus super me? *
réspice, et exáudi me, Dó-
mine, Deus meus.

Illúmina óculos meos ne
umquam obdórmiam in

morte : * nequándo dicat inimicus meus : Præválui advérsus eum.

Qui tríbulant me, exsultábunt si motus fúero : * ego autem in misericórdia tua sperávi.

Exsultábit cor meum in salutári tuo : cantábo Dómino qui bona tríbuit mihi : * et psallam nómini Dómini altíssimi.

Ant. Factum est cor meum tamquam cera liquéscens in médio ventris mei.

V. Pósuit me desolátam.

R. Tota die mærore confectam.

De Isaíá Prophéta

Lectio i **Cap. 53, 1-12**



Uis crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti. Non est spécies ei neque decor, et vídimus eum, et non erat aspéctus, et desiderávimus eum; despéctum, et novíssimum virórum, virum dolórum, et sciéntem infirmitátem : et quasi absconditus vultus ejus et despéctus, unde nec reputávimus eum. Vere languóres nostros ipse tulit, et dolóres nostros ipse portávit : et nos putávimus eum

quasi leprósum, et percúsum a Deo et humiliátum. Ipse autem vulnerátus est propter iniquitátes nostras, attritus est propter scélera nostra : disciplína pacis nostræ super eum, et livóre ejus sanáti sumus.

R. Diléctus meus cándidus et rubicúndus, et totus desiderábilis : * Omnis enim figúra ejus amórem spirat, et ad redamándum próvocat caput inclinátum, manus expánsæ, pectus apértum. **V.** Piis, o Virgo, spectas eum óculis, contémpfans in eo non tam vúlnerum livórem, quam mundi salútem. — Omnis enim.

Lectio ii

OMnes nos quasi oves errávimus, unusquisque in viam suam declinávit, et pósuit Dóminus in eo iniquitátem ómnium nostrum. Oblátus est quia ipse vóluit, et non apéruiť os suum : sicut ovis ad occisiónem ducétur et, quasi agnus coram ton-dénte se, obmutéscet et non apériet os suum. De angústia et de judicio sublátus est. Generatióem ejus quis enarrábit? quia abscessus est de terra vivéntium : propter scelus pópuli mei percússi eum. Et dabit ímpios pro sepul-

túra, et dívitem pro morte sua; eo quod iniquitatem non fécerit, neque dolus fúerit in ore ejus.

℟. Manus ejus tornátiles, clavórum cúspide terebrátæ, * Humánæ salútis prégio quasi hyacínthis refértæ. ℣. Córnuā in mánibus ejus : ibi abscondita est fortitúdo ejus : sunt enim manus ejus. — Humánæ.

Lectio iii

ET Dóminus vóluit cóntere eum in infirmitate. Si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánimā ejus, vidébit et saturábitur. In sciéntia sua justificábit ipse justus servus meus multos, et iniquitates eórum ipse portábit. Ideo dispértiam ei plúrimos, et fórtium dívidet spólia, pro eo quod trádidit in mortem ánimam suam, et cum scelerátis reputátus est : et ipse peccáta multórum tulit, et pro transgressóribus rogávit.

℟. Diligébat Jesus Joánnem, quóniam speciális prærogatíva castitátis amplíori dilectióne fécerat dignum : * Quia virgo eléctus ab ipso, virgo in ævum permánsit. ℣. In cruce dénique moritúrus

huic Matrem suam vírginem vírgini commendávit. — Quia. Glória Patri. Quia.

In II Nocturno

Ant. Inimíci mei * dixerunt mala mihi : Quando moriétur, et períbit nomen ejus?

Psalmus 40



Eátus qui intélligit super egénū, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitate ejus.

Ego dixi : Dómine, miserere mei : * sana ánimam meam, quia peccávi tibi.

Inimíci mei dixerunt mala mihi : * Quando moriétur et períbit nomen ejus?

Et si ingrediebátur ut vidéret, vana loquebátur : * cor ejus congregávit iniquitatem sibi.

Egrediebátur foras, * et loquebátur in idípsum.

Advérsum me susurrábant omnes inimíci mei : * advérsum me cogitábant mala mihi.

Verbum iníquum constituérunt advérsum me : *

Numquid qui dormit non adjiciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatióem.

Tu autem, Dómine, miserere mei, et resúscita me : * et retríbuam eis.

In hoc cognóvi quóniam voluísti me : * quóniam non gaudébit inimicus meus super me.

Me autem propter innocentiam suscepísti : * et confirmásti me in conspéctu tuo in ætérnum.

Benedíctus Dóminus, Deus Israël, a sáculo et usque in sáculum : * fiat, fiat.

Ant. Inimíci mei dixerunt mala mihi : Quando moriétur, et peribit nomen ejus?

Ant. Deus, vitam meam * annuntiávi tibi : posuísti lácrimas meas in conspéctu tuo.

Psalmus 55

Miserere mei, Deus, quóniam conculcávit me homo : * tota die impúgnans tribulávit me.

Conculcavérunt me inimíci mei tota die : * quóniam multi bellántes advérsus me.

Ab altitúdine diéi timébo : * ego vero in te sperábo.

In Deo laudábo sermónes meos, in Deo sperávi : * non timébo quid fáciat mihi caro.

Tota die verba mea exsecrabántur : * advérsus me omnes cogitatióes eórum in malum.

Inhabitábunt et abscóndent : * ipsi calcáneum meum observábunt.

Sicut sustinuérunt animam meam, pro níhilo salvos fácies illos : * in ira pópulos confringes.

Deus, vitam meam annuntiávi tibi : * posuísti lácrimas meas in conspéctu tuo,

Sicut et in promissióne tua : * tunc converténtur inimíci mei retrórsus :

In quacúmque die invocávero te : * ecce cognóvi quóniam Deus meus es.

In Deo laudábo verbum, in Dómino laudábo sermónem : * in Deo sperávi, non timébo quid fáciat mihi homo.

In me sunt, Deus, vota tua, * quæ reddam, laudatiónes tibi.

Quóniam eripuísti animam meam de morte, et pedes meos de lapsu : * ut pláceam coram Deo in lúmine vivéntium.

Ant. Deus, vitam meam annuntiávi tibi : posuísti lácrimas meas in conspéctu tuo.

Ant. Fílii hóminum, * dentes eórum arma et sagíttæ : et lingua eórum gládius acútus.

Psalmus 56

Miserére mei, Deus, miserére mei : * quóniam in te confidit ánima mea.

Et in umbra alárum tuárum sperábo, * donec transeat iniquitas.

Clamábo ad Deum altíssimum : * Deum qui benefecit mihi.

Misit de cælo, et liberávit me : * dedit in oppróbrium conculcántes me.

Misit Deus misericórdiam suam, et veritátem suam, * et erípuit ánimam meam de médio catulórum leónum : dormívi conturbátus.

Fílii hóminum dentes eórum arma et sagíttæ : * et lingua eórum gládius acútus.

Exaltáre super cælos, Deus, * et in omnem terram glória tua.

Láqueum paravérunt pédibus meis : * et incurvavérunt ánimam meam.

Foderunt ante fáciem meam fóveam : * et incidérunt in eam.

Parátum cor meum, Deus, parátum cor meum : * cantábo, et psalmum dicam.

Exsúrge, glória mea, exsúrge, psaltérium et cí-

thara : * exsúrgam dilúculo.

Confitébor tibi in pópulis, Dómine : * et psalmum dicam tibi in géntibus :

Quóniam magnificáta est usque ad cælos misericórdia tua, * et usque ad nubes véritas tua.

Exaltáre super cælos, Deus : * et super omnem terram glória tua.

Ant. Fílii hóminum, dentes eórum arma et sagíttæ : et lingua eórum gládius acútus.

℟. Fácies mea intúmuit a fletu. **℟.** Et pálpebræ meæ caligavérunt.

Sermo sancti Bernárdi
Abbátis

Sermo de 12 stellis

Lectio iv



MArtýrium Vírginis tam in Simeónis prophetía, quam in ipsa Domínicæ passiónis história commendátur. Pósitus est hic (ait sanctus senex de púero Jesu) in signum cui contradicétur; et tuam ipsíus ánimam (ad Mariám autem dicebat) pertransíbit gládius. Vere tuam, o beáta Mater, ánimam pertransívit. Alióquin non nisi eam pertransiens, carnem Fílii tui penetráret. Et quidem posteaquam emísit spíri-

tum tuus ille Jesus, ipsius plane non attigit animam crudélis lancea, quæ ipsius aperuit latus, sed tuam utique animam pertransiuit. Ipsiús nimírum anima jam ibi non erat, sed tua plane inde nequibat avélli.

℟. Ténebræ factæ sunt, dum crucifixissent Jesum Judæi, et circa horam nonam exclamavit Jesus voce magna : Deus meus, ut quid dereliquisti me? * Et inclinato capite, emisit spiritum. ℣. Quis tibi nunc sensus, dum cernis talia, Virgo? — Et.

Lectio v

TUam ergo pertransiuit animam vis doloris, ut plusquam Mártirem non immérito prædicemus, in qua nimírum corpóreæ sensum passiónis excēserit compassiónis affectus. An non tibi plusquam gladius fuit sermo ille, revéra pertransiens animam, et pertingens usque ad divisionem animæ et spiritus : Múlier, ecce filius tuus? O commutationem! Joánnes tibi pro Jesu tráditur, servus pro Dómino, discípulus pro Magistro, filius Zebedæi pro Filio Dei, homo purus pro Deo vero. Quómodo non tuam affectuosissimam animam per-

transíret hæc audítio, quando et nostra, licet sáxea, licet férrea pectora, sola recordátio scindit?

℟. Pássio Dómini * Ipsam ejus Matrem, carnáli orbitáte gráviter percússam, vehementíssime contristávit. ℣. Ferrum lanceæ militáris, latus quidem Salvatóris, animam vero transiuit Vírginis Matris. — Ipsam.

Lectio vi

NON mirémini, fratres, quod María Martyr in anima fuisse dicatur. Mirétur qui non memínerit se audivísse Paulum inter máxima géntium crimina memorántem, quod sine affectióne fuissent. Longe id fuit a Mariæ viscéribus, longe sit a sérvulis ejus. Sed forte quis dicat : Numquid non eum præscíerat moritúrum? Et indubitánter. Numquid non sperábat continuo resurrectúrum? Et fidéliter. Super hæc dóluit crucifixum? Et veheménter. Alióquinquisnam tu, frater, aut unde tibi hæc sapiéntia, ut miréris plus Mariam compatiéntem quam Mariæ Fílium patiéntem? Ille étiam mori corpore pótuit; ista cómmori corde non pótuit? Fecit illud caritas, qua majórem nemo hábuit; fecit et hoc caritas,

cui post illam similis altera non fuit.

R. Quis mihi det te fratrem meum sugentem ubera matris meae, et inhærendo lateri tuo, ut sanguis tuus sanguinem meum tangat et tergat : * Ut fons aquae tuæ de scaturigine recti cordis, per venas boni operis, in finem æternæ felicitatis exsiliat? **R.** Filii tui de longe venient, et filiae tuæ de latere surgent. — Ut. **Gloria Patri.** Ut.

In III Nocturno

Ant. Intendérunt arcum * rem amaram, ut sagittent in occúltis immaculatum.

Psalmus 63



Xáudi, Deus, orationem meam cum deprecor : * a timóre inimíci éripe ánimam meam.

Protexísti me a convéntu malignántium : * a multitudíne operántium iniquitátem.

Quia exacuérunt ut gládium linguas suas : * intendérunt arcum rem amaram, ut sagittent in occúltis immaculatum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitates : * defecerunt scrutántes scrutínio.

Accédet homo ad cor altum : * et exaltábitur Deus.

Sagittæ parvulorum factæ sunt plagæ eorum : * et infirmatæ sunt contra eos linguæ eorum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera Dei, * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ant. Intendérunt arcum rem amaram, ut sagittent in occúltis immaculatum.

Ant. Factus sum * sicut homo sine adjutório, inter mórtuos liber.

Psalmus 87

Domine, Deus salutis meae : * in die clamávi, et nocte coram te.

Intret in conspéctu tuo orátio mea : * inclína aurem tuam ad precem meam.

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulnerāti dormiētes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióem sibi.

Tráditus sum, et non egrediébar : * óculi mei languérunt præ inópia.

Clamávi ad te, Dómine, tota die : * expándi ad te manus meas.

Numquid mórtuis fácies mirábilia : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónē?

Numquid cognoscéntur in ténebris mirábilia tua, * et justítia tua in terra obliuiónis?

Et ego ad te, Dómine, clamávi : * et mane orátio mea præveniet te.

Ut quid, Dómine, repéllis oratióem meam : * avértis fáciem tuam a me?

Pauper sum ego, et in labóribus a juventúte mea : * exaltátus autem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum et próximum : * et notos meos a miséria.

Ant. Factus sum sicut homo sine adjutório, inter mórtuos liber.

Ant. Replévit me amaritúdine, * inebriávit me absynthio.

Psalmus 108

DEus, laudem meam ne tacúeris : * quia os peccatóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me : * et expugnavérunt me gratis.

Pro eo ut me diligerent, detrahébant mihi : * ego autem orábam.

Et posuérunt advérsus me mala pro bonis : * et ódium pro dilectiónē mea.

Constitue super eum peccatórem : * et diábolus stet a dextris ejus.

Cum judicátur, éxeat condemnátus : * et orátio ejus fiat in peccátum.

Fiant dies ejus pauci : * et episcopátum ejus accípiat alter.

Fiant filii ejus órphani : * et uxor ejus vídua.

Nutantes transferantur filii ejus, et mendicent : * et ejiciantur de habitatiónibus suis.

Scrutetur fœnerátor omnem substantiam ejus : * et diripiant aliéni labóres ejus.

Non sit illi adjutor : * nec sit qui misereatur pupillis ejus.

Fiant nati ejus in intéritum : * in generatióne una deleatur nomen ejus.

In memóriam rédeat iniquitas patrum ejus in conspéctu Dómini : * et peccátum matris ejus non deleatur.

Fiant contra Dóminum semper, et dispéreat de terra memória eórum : * pro eo quod non est recordátus fácere misericórdiam.

Et persecútus est hóminem inopem, et mendicum, * et compúctum corde mortificáre.

Et diléxit maledictiónem, et véniet ei : * et nóluit benedictiónem, et elongábitur ab eo.

Et induit maledictiónem sicut vestiméntum, * et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operitur : * et sicut zona, qua semper præcingitur.

Hoc opus eórum, qui dé-

trahunt mihi apud Dóminum : * et qui loquúntur mala advérsus ánimam meam.

Et tu, Dómine, Dómine, fac mecum propter nomen tuum : * quia suávis est misericórdia tua.

Líbera me quia egénus, et pauper ego sum : * et cor meum conturbátum est intra me.

Sicut umbra cum declínat, ablátus sum : * et excússus sum sicut locústæ.

Génua mea infirmáta sunt a jejúnio : * et caro mea immutáta est propter óleum.

Et ego factus sum opprobrium illis : * vidérunt me, et movérunt cápita sua.

Adjuva me, Dómine, Deus meus : * salvum me fac secúndum misericórdiam tuam.

Et sciant quia manus tua hæc : * et tu, Dómine, fecisti eam.

Maledicent illi, et tu benedíces : * qui insúrgunt in me, confundántur : servus autem tuus lætábitur.

Induántur qui détrahunt mihi, pudóre : * et operiántur sicut diplóide confusióne sua.

Confitébor Dómino nimis in ore meo : * et in médio multórum laudábo eum.

Quia ástitit a dextris páuperis, * ut salvam fá-

ceret a persequéntibus
ánimam meam.

Ant. Replévit me amari-
túidine, inebriávit me ab-
sýnthio.

V. Deus, vitam meam
annuntiávi tibi. **R.** Po-
suísti lácrimas meas in
conspéctu tuo.

Léctio sancti Evangélii
secúndum Joánnem

Lectio vii Cap. 19, 25-27

IN illo témpore : Stabant
juxta crucem Jesu Ma-
ter ejus, et soror matris
ejus María Cléophæ, et
María Magdaléne. Et ré-
liqua.

Homília sancti Augustíni
Epíscopi

Tractatus 119 in Joannem



MÆC nímírum est illa
hora, de qua Jesus,
aquam conversú-
rus in vinum, díxerat Ma-
tri : Quid mihi et tibi
est, múlíer? nondum venit
hora mea. Hanc ítaque
horam prædíxerat, quæ
tunc nondum vénerat, in
qua debéret agnóscere
moritúrus, de qua fúerat
mortáliter natus. Tunc
ergo divína factúrus, non
divinitátis, sed infirmitá-
tis matrem velut incógni-
tam repellébat; nunc au-
tem humana jam pátiens,
ex qua fúerat factus homo,
afféctu commendábat hu-
máno. Morális ígitur insi-

nuátur locus. Facit quod
faciéndum ádmonet, et
exémpló suo suos miní-
stros instrúxit præcéptor
bonus, ut a filiis piis im-
pendátur cura parénti-
bus : tamquam lignum il-
lud, ubi fixa erant membra
moriéntis, étiam cáthedra
fúerit magístri docéntis.

R. Dóleo super te, fili
mi Jesu, decórus nimis, et
amábilis super amórem
mulíerum! * Sicut enim
mater únicum díligit fí-
lium, ita ego te diligébam.

V. Defécit in dolóre vita
mea, et anni mei in gemí-
tibus. — Sicut.

Bened. Cujus festum cóli-
mus, ipsa Virgo vírginum.

Lectio viii

EX hac sana doctrína
didícerat Paulus Apó-
stolus quod docébat quan-
do dicébat : Si quis autem
suis, et máxime domé-
sticis non próvidet, fidem
negávit, et est infidéli
detérior. Quid autem tam
cuique domésticum quam
paréntes fíliis, aut parén-
tibus fílii? Hujus ítaque
salubérrimi præcépti ipse
Magíster Sanctórum de
seípso constituébat exém-
plum; quando non ut fá-
mulæ Deus, quam créa-
verat et regébat, sed ut
matri homo, de qua créa-
tus fúerat et quam relin-
québat, álterum pro se

quodámmodo fílium providébat.

℟. Eja, Mater fons amoris, fac nos sentire vim doloris, ut tecum lugeamus,

* Et Domínicæ passionis fructum sentiámus. ℣. Ut sicut Fílius tuus Jesus pro nobis mórtuus est, et resurrexit; ita et nos commórtui cum eódem resurgámus. — Et. Glória Patri. Et.

IX Lectio de Homilia Feriæ. 431

AD LAUDES

et per Horas, Añæ

1 Vadam ad montem * myrrhæ, et ad collem thuris.

Psalmi de Domin. 1 loco. 49

2 Diléctus meus * cándidus, et rubicúndus : comæ cápitis ejus sicut púrpura regis vincta canálibus.

3 Quo ábiit * diléctus tuus, o pulchérissima mulierum? quo diléctus tuus declinávit?

4 Fascículus myrrhæ * diléctus meus mihi, inter úbera mea commorábitur.

5 Fulcíte me flóribus, * stipáte me malis, quia amore lángueo.

Capitulum Is. 53, 1-2

Q uis crédidit audítui nostro? et bráchium Dómini cui revelátum est?

Et ascéndet sicut virgúltum coram eo, et sicut radix de terra sitiénti.

Hymnus

Virgo vírginum præclára,

Mihi jam non sis amára,
Fac me tecum plángere.

Fac ut portem Christi mortem,
Passiónis fac consórtem
Et plagas recólere;

Fac me plagis vulnerári,
Fac me cruce inebriári
Et cruóre Fílii.

Flammis ne urar succén-

sus,
Per te, Virgo, sim defénsus

In die judicii.

Christe, cum sit hinc exíre,
Da per Matrem me veníre
Ad palmam victóriæ.

Quando corpus moriétur,
Fac ut ánimæ donétur
Paradísi glória.

Amen.

℣. Ora pro nobis, Virgo dolorosíssima. ℟. Ut digni efficiámur promissionibus Christi.

Ad Bened. Ant. Cum vidisset Jesus * Matrem stantem juxta crucem, et discipulum quem diligébat, dicit Matri suæ : Múlier, ecce fílius tuus. Deínde dicit discipulo : Ecce mater tua.

Oratio

DEus, in cujus passiōe, secūndum Simeōnis prophetiā, dulcissimam animam gloriōsæ Virginitis et Matris Mariæ doloris gladius pertransiuit : concede propitius; ut, qui transfixiōnem ejus et passiōnem venerādo recōlimus, gloriōsis mēritis et precibus omnium Sanctōrum cruci fidēliter astāntium intercedētibz, passiōis tuæ effectum felicitatem consequāmur : Qui vivis et regnas.

Et fit Commemoratio Feriæ. 432

Ad Horas Psalmi de Dominica, ad Primam tamen ut in Festis.

AD PRIMAM

Ant. Vadam ad montem, ut supra. 810

In ℞. br. V. Qui passus es propter nostram salutem.

AD TERTIAM

Ant. Dilēctus meus, ut supra. 810

Capit. Quis credidit, ut supra. 810

℞. br. Pōsuit me * Desolātam. Pōsuit me. V. Tota die mērore confēctam. Desolātam. Glōria Patri. Pōsuit me. V. Fācies mea intūmuit a fletu. ℞. Et pālpebræ meæ caligavērunt.

AD SEXTAM

Ant. Quo abiit, ut supra. 810

Capitulum Is. 53, 5

IPse vulnerātus est propter iniquitates nostras, attritus est propter scelera nostra : disciplina pacis nostræ super eum, et livore ejus sanāti sumus.

℞. br. Fācies mea * Intūmuit a fletu. Fācies mea. V. Et pālpebræ meæ caligavērunt. Intūmuit. Glōria Patri. Fācies mea. V. Deus, vitam meam annuntiāvi tibi. ℞. Posuisti lācrimas meas in conspēctu tuo.

AD NONAM

Ant. Fulcite me floribus, ut supra. 810

Capitulum Is. 53, 8

Generatiōnem ejus quis enarrābit? quia abscissus est de terra vivēntium : propter scelus populi mei percūssi eum.

℞. br. Deus, vitam meam * Annuntiāvi tibi. Deus. V. Posuisti lācrimas meas in conspēctu tuo. Annuntiāvi tibi. Glōria Patri. Deus. V. Ora pro nobis, Virgo dolorosissima. ℞. Ut digni efficiāmur promissionibus Christi.

IN II VESPERIS

Omnia dicuntur ut in I Vesperis 795, præter sequentia :

℣. Ora pro nobis, Virgo dolorosíssima. ℟. Ut digni efficiámur promissionibus Christi.

Ad Magnif. Ant. Cum vidisset Jesus * Matrem stantem juxta crucem, et discipulum quem diligebat, dicit Matri suæ : Múlier, ecce filius tuus. Deínde dicit discipulo : Ecce mater tua.

Oratio

DEus, in cujus passióne, secúndum Simeónis prophetíam, dulcíssimam ánimam gloriósæ Vírginis et Matris Mariæ dolóris gládius pertransívit : concede propítius; ut, qui transfixiónem ejus et passiónem venerádo recólimus, gloriósis méritis et précibus ómnium Sanctórum cruci fidéliter astántium intercedéntibus, passiónis tuæ efféctum felícem consequámur : Qui vivis et regnas.

Et fit Commemoratio Feriæ.

Completorium de Dominica.

FESTA APRILIS

Die 2 Aprilis

S. Francisci de Paula

Conf. Duplex [111]

℣. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram. (T. P. Allelúja.)

Oratio

DEus, humílium celsitúdo, qui beátum Francíscum Confessórem Sanctórum tuórum glória sublimásti : tríbue, quæsumus; ut ejus méritis et imitatióne, promissa humílibus præmia felíciter consequámur. Per Dóminum.

Et, in Quadragesima, fit Commemoratio Feriæ.

In II Nocturno

Lectio iv



Ranciscus Paulæ, quod est Calábriæ óppidum, loco húmili natus est; quem parentes, cum diu prole caruissent, voto facto, beáti Francisci précibus suscepérunt. Is adolescens divíno ardóre succensus, in erémum secéssit, ubi annis sex, victu ásperam sed meditatióibus cælestibus

suāvem vitam duxit. Sed cum virtutum ejus fama longius manāret, multique ad eum pietātis stūdio concurrerent, fraternæ caritātis causa e solitudine egressus, ecclēsiā prope Paulam ædificāvit, ibique prima sui ordinis fundamēta jecit.

✠. Honēstum fecit illum Dóminus, et custodivit eum ab inimicis, et a seductóribus tutāvit illum :

* Et dedit illi claritatem ætērnā. (T. P. Allelúja.)

✠. Justum deduxit Dóminus per vias rectas, et ostēdit illi regnum Dei. — Et dedit.

Lectio v

ERat in eo mirífica loquēdi grátia : perpētuum virginitatem servāvit : humilitatem sic cōluit, ut se ómnium mínimum diceret, suosque alúmnos Mínimos appellāri volúerit. Rudi amictu, nudis pēdibus incēdens, humi cubābat. Cibi abstinentia fuit admirābili : semel in die post solis occāsum reficiebātur, et ad panem et aquæ potum, vix áliquid ejúsmodi obsónii adhibēbat, quo vesci in Quadragésima licet : quam consuetudinem, ut fratres sui toto anni tēmpore retinērent, quarto eos voto adstrinxit.

✠. Amāvit eum Dóminus, et ornāvit eum : stolam glóriæ induit eum, * Et ad portas paradísi coronāvit eum. (T. P. Allelúja.) ✠. Induit eum Dóminus lorícam fidei, et ornāvit eum. — Et.

Lectio vi

MUltis miráculis servi sui sanctitatem Deus testári vóluit, quorum illud in primis célebre, quod a nautis rejéctus, Sicíliæ fretum strato super flúctibus pállio cum sócio transmísit. Multa étiam futura prophético spírítu prædixit. A Ludovíco undécimo Francórum rege expetitus, magnóque in honóre est hábitus. Dénique annum primum et nonagésimum agens, Turónis migrāvit ad Dóminum, anno salutis milésimo quingentésimo séptimo : cujus corpus dies undecim insepúltum, ita incorrúptum permānsit, ut suāvem étiam odórem efflāret. Eum Leo Papa décimus in Sanctórum número rétulit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus gētibus. (T. P. Allelúja.)

✠. Iste est, qui contempsit

vitam mundi, et pervénit ad cæléstia regna. — Quia te vidi justum coram me ex ómnibus géntibus. (T. P. Allelúja.) Glória Patri. Quia.

Pro hoc Festo simplificato
Lectio ix

FRANCISCUS PAULÆ in Calábria natus est. Adoléscent, divíno ardóre succénsus, in erémum secéssit, ubi annis sex, victu ásperam sed meditatió-nibus cæléstibus suáven vitam duxit. Cum autem virtútum ejus fama longe manáret, multíque ad eum pietátis stúdio concúr-rent, caritátis causa e soli-túdine egressus, ecclésiám prope Paulam ædificávit, ibíque prima sui órdis fundaménta jecit. Perpétuam virginitátem servávit : humilitátem sic có-luit, ut se ómnium mí-nimum diceret, suósque alúmnos Mínimos appellári volúerit. Rudi amíctu, nudis pédibus incédens, humi cubábat. Caritáti ita addíctus fuit, ut sui órdis tésseram esse jússerit. Multis miráculis servi sui sanctitátem Deus compro-bávit, quorum illud in primis célebre, quod a nautis rejéctus, Sicíliæ fretum, strato super flúctibus pál-lo, cum sócio transmísit.

Multa étiam prophético spíritu prædixit. Turónis migrávit ad Dóminum, anno salutis millésimo quingentésimo séptimo, ætátis anno nonagésimo primo.

Te Deum laudámus.

In III Nocturno Homilia in Ev. Nolíte timére, de Comm. Conf. non Pont. 2 loco. [123]

In Quadragesima ix Lectio de Homilia Feriæ.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui. (T. P. Allelúja.)

Oratio

DEUS, humílium celsitúdo, qui beátum Franciscum Confessórem Sanctórum tuórum glória sublimásti : tribue, quæsumus; ut, ejus méritis et imitatione, promíssa humílibus præmia feliciter consequámur. Per Dóminum.

Et, in Quadragesima, fit Commemoratio Feriæ.

IN II VESPERIS

✠. Justum dedúxit.

Ad Magnif. Ant. Hic vir despiciens mundum * et

terrēna, triúmphans, divítias cælo cóndidit ore, manu. (T. P. Allelúja.)

Et, in Quadragesima, fit Commemoratio Feriæ.

Die 4 Aprilis

S. Isidori

Ep., Conf. et Eccl. Doct.

Duplex [84]

℣. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Isidóre, divínæ legis amátor, deprecáre pro nobis Fílium Dei. (T. P. Allelúja.)

Oratio

C 3

DEus, qui pópulo tuo ætérnæ salútis beátum Isidórum mínistrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Et, in Quadragesima, fit Commemoratio Feriæ.

In I Nocturno, si sumendæ sint de Comuni, Lectiones Sapiéntiam. [104]

In II Nocturno

Lectio iv



Sidórus, natióne HispánuS, Doctor egrégíus, ex nova Carthágine Severiáno patre provinciæ duce, natus,

a sanctis episcopis Leándro Hispalénsi et Fulgéntio Carthaginénsi frátribus suis pie et liberáliter educátus, Latínis, Græcis et Hebráicis lítteris, divínisque et humánis légibus instrúctus, omni scientiárum atque christianárum virtútum génere præstantíssimus evásit. Adhuc adolésceus háeresim Ariánam, quæ gentem Gothórum, Hispániæ latíssime dominántem, jamprídem inváserat, tanta constántia palam oppugnávit, ut parum abfúerit quin ab hæréticis necarétur. Leándro vita functo, ad Hispalénsem cáthedram invítus quidem, sed urgénte in primis Reccarédo rege, magnóque étiam cleri populíque consénsu assúmitur, ejúsque electiónem sanctus Gregórius Magnus, nedum auctoritáte apostólica confirmásse, sed et eléctum transmísso de more pállio decorásse, quin étiam suum et apostólicæ Sedis in univérSa Hispánia vicárium constituísse perhibétur.

℣. Invéni David servum meum, óleo sancto meo unxi eum : * Manus enim mea auxiliábitur ei. (T. P. Allelúja.) ℣. Nihil proficiet inimícus in eo, et fílius iniquitátis non nocébit ei. — Manus.

Lectio v

IN episcopátu quantum fúerit constans, húmilis, pátiens, miséricors, in christiána et ecclesiástica disciplína instauránda solícitus, eáque verbo et scriptis stabiliénda indefessus, atque omni demum virtútum ornaménto insignítus, nullíus lingua enarráre sufficeret. Monástici quoque institúti per Hispániam promótor et amplificátor exímius plura constrúxit monastéria, collégia ítidem ædificávit, ubi stúdiis sacris et lectiónibus vacans, plúrimos discípulos, qui ad eum confluébant, erudívit, quos inter sancti Ildefónsus Toletánus et Bráulio Cæsaraugustánus epíscopi emicuérunt. Coácto Híspali concilio, Acephalórum háeresim, Hispániæ jam minitántem, acri et eloquénti disputatióne fregit atque contrívit. Tantam apud omnes sanctitátis et doctrínæ famam adéptus est, ut elápsó vix ab ejus óbitu sextodécimo anno, universa Toletána sýnodo duórum supra quinquagínta episcopórum plaudénte, ipsóque étiam sancto Ildefónso suffragánte, Doctor egrégius, cathólicæ Ecclésiæ novíssimum decus, in sæculórum fine doctíssimus, et cum reve-

réntia nominándus appellári merúerit; eúmque sanctus Bráulio non modo Gregório Magno comparáverit, sed et erudiéndæ Hispániæ loco Jacóbi Apóstoli cælitus datum esse censúerit.

✠. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei. (T. P. Allelúja.) ✠. Invéni David servum meum, óleo sancto meo unxi eum. — Manus.

Lectio vi

SCripsit Isidórus libros etymologiárum et de ecclesiásticos officiis, aliósque quamplúrimos christiánæ et ecclesiasticæ disciplínæ ádeo útiles, ut sanctus Leo Papa quartus ad epíscopos Británniæ scríbere non dubitáverit, sicut Hierónymi et Augustíni, ita Isidóri dicta retinéndæ esse, ubi contígerit inusitátum negótium, quod per cánones mínime definíri possit. Plures étiam ex ejúsdem scriptis senténtiæ inter canónicas Ecclésiæ leges relátæ conspiciúntur. Præfuit concilio Toletáno quarto, ómnium Hispániæ celebrímo. Dénique cum ab Hispánia Ariánam háeresim eliminásset, morte sua et regni vastatióne a Saracenórum armis públice

prænuntiáta, postquam quadraginta circiter annos suam rexisset ecclesiam, Híspali migrávit in cælum anno sexcentésimo trigésimo sexto. Ejus corpus inter Leándrum fratrem et Florentínam sorórem, ut ipse mandáverat, primo cónditum, Ferdinándus primus Castéllæ et Legiónis rex, ab Eneto Saracéno Híspali dominante magno prétio redemptum, Legiónem tráns tulit; et in ejus honórem templum ædificátum est, ubi miráculis clarus magna pópuli devotióne cólitur.

R. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédât pro peccátis ómnium populórum. (T. P. Allelúja.)

V. Iste est, qui contempsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplificato

Lectio ix

Isidórus, natióne Híspá nus, ex nova Carthágine Severiáno patre, provínciæ duce, natus, a sanctis episcopis Leándro Híspalénsi et Fulgéntio Carthaginiénsi frátribus suis pie et liberáliter educátus, omni scientiárum

et christianárum virtútum génere præstantíssimus evásit. Leándro vita functo, ad Híspalénsem cáthedram assúptus, Sedis apostólicæ in tota Híspánia vicárius constitútus est. In episcopátu se ómnium bonórum óperum præbuit exémp lar, et instaurándæ ecclesiásticæ disciplínæ sollicitus máxime fuit. Coácto Híspali concilio, Acephalórum hæresim, Híspániæ jam minitántem, acri et eloquénti disputatióne fregit atque contrívit. Tantam apud omnes sanctitátis et doctrínæ famam adéptus est, ut, elápsa vix ab ejus óbitu anno sextodécimo, Doctor egrégus merúerit appellári. Libros scripsit perútiles et eruditióne ple nos. Præfuit concílio Toletáno quarto, ómnium Híspániæ celebérri mo. Dénique, postquam quadraginta circiter annos suam rexisset ecclesiam, Híspali migrávit in cælum, anno sexcentésimo trigésimo sexto. Te Deum.

In III Nocturno

Léctio sancti Evangélii
secúndum Matthæum

Lectio vii Cap. 5, 13-19

IN illo témpore : Dixit Jesus discipulis suis : Vos estis sal terræ. Quod

si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Et réliqua.

Homília sancti Isidóri
Epíscopi

Liber 2 Officiorum
ad S. Fulgentium, cap. 5



UI in erudiéndis atque instituéndis ad virtútem pópulis præerit, necesse est ut in ómnibus sanctus sit, et in nullo reprehénsibilis habeátur. Qui enim álium de peccátis árguit, ipse a peccáto debet esse aliénus. Nam qua fronte subjéctos argúere póterit, cum illi statim possit corréctus ingérere : Ante doce te quæ recta sunt? Prímitus quippe semetípsum corrígere debet, qui álios ad bene vivéndum admonére studet; ita ut in ómnibus semetípsum formam vivéndi præbeat, cunctósque ad bonum opus, et doctrína et ópere próvocet. Cui étiam sciéntia Scripturárum necessária est : quia, si epíscopi tantum sancta sit vita, sibi soli prodest, sic vivens; porro si et doctrína et sermóne fúerit eruditus, potest céteros quoque instrúere, et docére suos, et adversários repércutere, qui, nisi refutati

fúerint atque convícti, fá-cile possunt simpliciú corda pervértere.

✠. Amávit eum Dóminus, et ornávit eum : stolam glóriæ induit eum,
* Et ad portas paradísi coronávit eum. (T. P. Al-lelúja.) ✠. Induit eum Dóminus lorícam fídei, et ornávit eum. — Et.

Lectio viii

HUjus sermo debet esse purus, simplex, apértus, plenus gravitátis et honestátis, plenus suavitátis et grátiae, tractans de mystério legis, de doctrína fídei, de virtúte continéntiæ, de disciplína justítiæ; unumquémque ádmonens diversa exhortatióne, juxta professi-onem morúmque qualítatem; scilicet ut prænúscat, quid, cui, quando, vel quómodo próferat. Cujus præ céteris speciále officium est Scriptúras légere, percúrrere cánones, exempla Sanctórum imitári, vigíliis, jejúniis, oratióibus incúmbere, cum frátribus pacem habére, nec quemquam de membris suis discérpere; nullum damnáre, nisi comprobátum, nullum excommunicáre, nisi discússum. Quique ita humilitáte páriter et auctori-táte præesse debet, ut neque per nímiam humili-

tátem suam subditórum vítia convaléscere fáciat, neque per immoderántiam severitátis potestátem exerceat; sed tanto cáutius erga commissos sibi agat, quanto dúrius a Christo indagári formídat.

✠. In médio Ecclésiæ apérui os ejus, * Et implévit eum Dóminus spíritu sapiéntiæ et intellectu. (T. P. Allelúja.) ✠. Jucunditátem et exsultatió-
nem thesaurizávit super eum. — Et. Glória Patri. Et.

In Quadragesima ix Lectio
de Homilia Feriæ, alias

Lectio ix

TEnébit quoque illam supereminéntem donis ómnibus caritátem, sine qua omnis virtus nihil est. Custos enim castitátis, caritas; locus autem hujus custódis, humílitas. Habébit étiam inter hæc ómnia castitátis eminéntiam; ita ut mens Christo dédita, ab omni inquinaménto carnis sit munda et líbera. Inter hæc oportébit eum sollicita dispensatióne curam páuperum gérere, esuriéntes páscere, vestíre nudos, suscípere peregrínos, captívos redímere, víduas ac pupílos tuéri, pervigilem in cunctis exhibére curam, providéntiam habére distributióne discrét-

ta. In quo étiam hospitálitás ita erit præcípua, ut omnes cum benignitáte et caritáte suscípíat. Si enim omnes fidéles illud Evangelium audíre desíderant: Hospes fui, et suscepístis me; quanto magis epíscopus, cujus diversórium cunctórum debet esse receptáculum!

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitúam, dicit Dóminus. (T. P. Allelúja.)

Oratio

C 3

DEus, qui pópulo tuo ætérnæ salútis beátum Isidórum minístrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Et in Quadragesima Commemoratio Feriæ.

Vesperæ a Capitulo de sequenti, Commem. præcedentis et, in Quadragesima, Feriæ.

Die 5 Aprilis

S. Vincentii Ferrerii

*Conf. Duplex [111]**℟.* Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram. (T. P. Allelúja.)

Oratio

DEus, qui Ecclésiám tuam beáti Vincéntii Confessóris tui méritis et prædicatióne illustráre dignátus es : concéde nobis fámulis tuis; ut et ipsíus instruámur exémpis, et ab ómnibus ejus patrocinio liberémur advérsis. Per Dóminum.

Et fit Commem. præced. :

Ant. O Doctor óptime, Ecclésiæ sanctæ lumen, beáte Isidóre, divínæ legis amátor, deprecáre pro nobis Fílium Dei. (T. P. Allelúja.)

℟. Justum dedúxit.*Oratio*

C 3

DEus, qui pópulo tuo æternæ salútis beátum Isidórum místrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Deinde, in Quadragesima, Commemoratio Feriæ.

In II Noeturno

Lectio iv

Incéntius, honésta stirpe Valéntiæ in Hispánia natus, ab ineúnte ætáte cor gessit seníle. Qui dum caliginósi hujus sæculi lábilem cursum pro ingénii sui móduo consideráret, religiónis hábitum in órdine Prædicatórum décimo octávo ætátis suæ anno suscepit; et emíssa solémni professiône, sacris lítteris sédulo incúmbens, theologiæ láuream summa cum laude consecútus est. Mox obténta a superióribus licéntia, verbum Dei prædicáre, Judæórum perfídiam argúere, Saracenórum erróres confutáre tanta virtúte et efficácia cœpit, ut ingéntem ipsórum infidélium multitúdinem ad Christi fidem perdúxerit, et multa Christianórum míllia a peccátis ad pæniténtiam, a vítiis ad virtútem revocárit. Eléctus enim a Deo, ut mónita salútis in omnes gentes, tribus et linguas diffúnderet, et extrémi tremendíque judicii diem appropinquáre osténderet, ómnium auditórum ánimos, terróre concússos atque a terrénis afféctibus avúl-sos, ad Dei amórem excítábat.

℟. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. (T. P. Allelúja.)

℣. Justum dedúxit Dóminus per vias rectas, et osténdit illi regnum Dei. — Et.

Lectio v

IN hoc autem apostólico múnere hic vitæ ejus tenor perpétuus fuit : quotidie Missam summo mane cum cantu celebrávit; quotidie ad pópulum conciónem hábuit; inviolábile semper jejúnium, nisi urgens adéset necéssitas, servávit; sancta et recta consília nulli denegávit; carnes numquam comédit, nec vestem líneam induit. Populórum júrgia sedávit, dissidéntia regna pace compósuit; et, cum vestis inconsútilis Ecclésiæ diro schismate scinderétur, ut unirétur et uníta servarétur plúrimum laborávit. Virtútibus ómnibus cláruit, suosque detractóres et persecutóres, in simplicitáte et humilitáte ámbulans, cum mansuetúdine recépit et amplexus est.

℟. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. (T. P. Allelúja.) ℣. Induit eum

Dóminus lorícá fidei, et ornávit eum. — Et.

Lectio vi

PER ipsum divína virtus, in confirmatióem vitæ et prædicatióis ejus, multa signa et mirácula fecit. Nam frequentíssime super ægros manus impósuit, et sanitátem adépti sunt; spíritus immúndos e corpóribus éxpulit; surdis audítum, mutis loquélam, cæcis visum restituit; leprósos mundávit; mórtuos suscitávit. Sénio tandem et morbo confectus infatigábilis Evangelíi præco, plúrimis Európpæ provinciis cum ingénti animárum fructu peragrátis, Venétiæ in Británnia minóri prædicatióis et vitæ cursum feliciter consummávit anno salutis millésimo quadringentésimo décimo nono. Quem Callístus tértius Sanctórum número adscripsit.

℟. Iste homo perfécit ómnia quæ locútus est ei Deus, et dixit ad eum : Ingredere in réquiem meam :

* Quia te vidi justum coram me ex ómnibus géntibus. (T. P. Allelúja.)

℣. Iste est, qui contempsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicato

Lectio ix

VIncéntius, honésta stirpe Valentíæ in Hispánia natus, décimo octávo ætátis anno religiónis hábitum in órđine Prædicatórum induit; in quo, sacris litteris sédulo incúmbens, theologiæ láuream summa cum laude obtínuit. Mox verbum Dei tanta virtúte et effi cácia prædicáre cœpit, ut ingéntem infidélium multitúdinem ad Christi fidem perdúxerit, et multa Christianórum millia a peccáttis ad pœniténtiam revocáverit. Quotídie Missam cum cantu celebrávit, quotídie ad pópulum conciónem hábuit, carnes nunquam comédit, populórum júrgia sedávit; et, cum vestis inconsútilis Ecclésiæ diro schísmate discinderétur, ut unirétur et uníta servarétur plúrimum laborávit. Sénio tandem et morbo conféctus, ac miráculis appríme clarus, Venétíæ in Británnia minóri sanctíssime óbiit. Quem Callístus Papa tertius inter Sanctos rétulit. Te Deum laudámus.

In III Nocturno Homilia in Ev. Sint lumbi, de Comm. Conf. non Pont. 1 loco. [116]

In Quadragesima ix Lectio de Homilia Feriæ.

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui. (T. P. Allelúja.)

Oratio

DEus, qui Ecclésiám tuam beáti Vincéntii Confessóris tui méritis et prædicatióne illustráre dignátus es : concéde nobis fámulis tuis; ut et ipsíus instruámur exémpis, et ab ómnibus, ejus patrocinio, liberémur advérsis. Per Dóminum.

Et, in Quadragesima, fit Commemoratio Feriæ.

IN II VESPERIS

℣. Justum dedúxit.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu. (T. P. Allelúja.)

Et, in Quadragesima, fit Commemoratio Feriæ.

Die 11 Aprilis

S. Leonis I Papæ

Conf. et Eccl. Doct.

Duplex (m. t. v.) [84]

℣. Amáviteum Dóminus.

Ad Magnif. Ant. O Doctor óptime, * Ecclésiæ

sanctæ lumen, beâte Leo, divínæ legis amátor, deprecáre pro nobis Fílium Dei. (T. P. Allelúja.)

Oratio

G Regem tuum, Pastor ætérne, placátus inténde : et per beátum Leónem Summum Pontíficem, perpétua protectióne custódi; quem totíus Ecclésiæ præstitisti esse pastórem. Per Dóminum.

Et, in Quadragesima, fit Commemoratio Feriæ.

In I Nocturno

Incipit Epístola prima
beáti Petri Apóstoli

Lectio i Cap. 1, 1-21

Petrus Apóstolus Jesu Christi, eléctis ádvenis dispersiónis Ponti, Galátiae, Capadóciae, Asiae et Bithýniæ secúndum præsciéntiam Dei Patris, in sanctificatióne Spíritus, in obediéntiam, et aspersionem ságuinis Jesu Christi : Grátia vobis, et pax multiplicétur. Benedíctus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incon-

taminátam, et immarcescibilem, conservátam in cælis in vobis, qui in virtúte Dei custodímmini per fidem in salútem, parátam revelári in témpore novíssimo.

R. Euge, serve bone et fidélis, quia in pauca fuísti fidélis, supra multa te constituam : * Intra in gáudium Dómini tui. (T. P. Allelúja.) **V.** Dómine, quinque talénta tradidísti mihi, ecce ália quinque superlucrátus sum. — Intra.

Lectio ii

IN quo exsultábitis, módicum nunc si opórtet contristári in váriis tentatió nibus : ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi : quem cum non vidéritis, dilígitis : in quem nunc quoque non vidéntes créditis : credéntes autem exsultábitis lætítia inenarrábili et glorificáta : reportántes finem fidei vestræ, salútem animárum. De qua salúte exquisiérunt atque scrutáti sunt prophétæ, qui de futúra in vobis grátia prophetavérunt; scrutántes in quod vel quale tempus significáret in eis Spíritus Christi : prænúntians eas quæ in Christo

sunt passiões et posteriõres glórias : quibus revelátum est, quia non sibi-metípsis, vobis autem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu Sancto misso de cælo, in quem desiderant Angeli prospicere.

℟. Ecce sacerdos magnus, qui in diébus suis placuit Deo : * Ideo iurejurando fecit illum Dóminus crẽscere in plebem suam. (T. P. Allelúja.)

℣. Benedictiõnem ómnium géntium dedit illi, et testaméntum suum confirmávit super caput ejus. — Ideo.

Lectio iii

Propter quod succincti lumbos mentis vestræ, sóbrii perfécte speráte in eam, quæ offértur vobis, grátiam, in revelatiõnem Jesu Christi : quasi filii obediëntiæ, non configuráti prióribus ignorántiæ vestræ desidériis : sed secúndum eum, qui vocávit vos, Sanctum; et ipsi in omni conversatiõne sancti sitis : quóniam scriptum est : Sancti éritis, quóniam ego sanctus sum. Et si Patrem invocátis eum, qui sine acceptiõne personárum júdicat secúndum uniuscujúsque opus, in timóre incolátus vestri témpore conservámini.

Sciéntes quod non corruptibilibus auro vel argénto redempti estis de vana vestra conversatiõne patérnæ traditiõnis : sed pretióso sángine quasi agni immaculáti Christi, et incontamináti : præcogniti quidem ante mundi constitutiõnem, manifestáti autem novíssimis tempóribus propter vos, qui per ipsum fidèles estis in Deo, qui suscitávit eum a mórtuis, et dedit ei glóriam, ut fides vestra et spes esset in Deo.

℟. Jurávit Dóminus, et non pœnitébit eum : * Tu es sacerdos in ætérnum secúndum órđinem Melchisedech. (T. P. Allelúja.)

℣. Dixit Dóminus Dómino meo, Sede a dextris meis. — Tu. Glória Patri. Tu.

In II Nocturno

Lectio iv

IEO primus, Etrúscus, eo témpore præfuit Ecclésiæ, cum rex Hunnórum Attila, cognométo Flagellum Dei, in Itáliam invádens, Aquiléjam triénnii obsidiõne captam diripuit et incéndit. Unde cum Romam ardénti furóre raperétur, jamque cópias, ubi Míncius in Padum influit, trajicere paráret, occúrrit ei Leo, malórum Itáliæ impendéntium mi-

sericórdia permótus; cujus divína eloquéntia persuásus est Attilæ, ut regrederétur. Qui interrogátus a suis, quid esset quod præter consuetúdinem tam humíliter Románi Pontíficis imperáta fáceret; respóndit, se astántem quemdam álium, illo loquente, sacerdotáli hábitu véritum esse, sibi stricto gládio minitántem mortem, nisi Leóni obtemperáret. Quare in Pannóniam revérsus est.

✠. Invéni David servum meum, óleo sancto meo unxi eum : * Manus enim mea auxiliábitur ei. (T. P. Allelúja.) ✠. Nihil proficiet inimícus in eo, et filius iniquitátis non nocébit ei. — Manus.

Lectio v

LEO autem Romæ singulári ómnium lætítia excéptus, paulo post invadénti Urbem Genserico, eádem eloquéntiæ vi et sanctitátis opinióne persuásit, ut ab incéndio, ignomíniis ac cædibus abstinéret. Sed cum Ecclésiám a multis hærésibus oppugnári, maximéque a Nestoriánis et Eutychiánis exagitári vidéret; ad eam purgándam et in fide cathólica confirmándam, concílium Chalcedonénse indíxit; ubi sexcéntis trigínta coáctis epíscopis,

Eutyches et Dióscorus, et íterum Nestórius condemnáti sunt; ejusdémque concílii decreta sua auctoritáte confirmávit.

✠. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei. (T. P. Allelúja.) ✠. Invéni David servum meum, óleo sancto meo unxi eum. — Manus.

Lectio vi

HIS actis, sanctus Pón-tifex se ad reficiéndas et ædificándas ecclésiás convértit. Cujus suásu Demétria, pia fémina, sancti Stéphani ecclésiám constrúxit in suo fundo via Latína tértio ab Urbe milliário : ipse via Appia sub nómine sancti Cornélii álteram cónclavit. Multas prætérea et sacras ædes, et sacra eárum vasa restítuit. In tribus basilicis, Petri, Pauli et Constantiniána, cámaras extrúxit; ædificávit monastérium vicínium basilicæ sancti Petri; sepúlcris Apostolorum custódes adhibuit, quos cubiculários appellávit. Státuit ut in actióne mystérii dicerétur : Sanctum sacrificium, immaculátam hóstiam. Sanxit ne mónacha benedíctum cápitis velámen recíperet, nisi quadragínta

annórum virginitátem probáset. His et áliis præcláre gestis, cum multa sancte et luculénter scripsisset, quarto Idus Novémbris obdormívit in Dómino. Sedit in pontificátu annos vigínti unum, mensem unum, dies trédecim.

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. (T. P. Allelúja.) ℣. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplificato

Lectio ix

LEO primus, Etrúscus, Leo témpore præfuit Ecclésiæ, cum rex Hunnórum Attila, cognométo Flagéllum Dei, in Itáliam invádens, post captam et incénsam Aquiléjam, Romam petitúrus cópias paráverat. Cui occúrrens Leo, divína persuásit eloquéntia, ut regrederétur. Tum Romæ singulári ómnium lætítia excéptus, paulo post, invadénti Urbem Genserico eádem eloquéntiæ vi persuásit, ut ab incendiis, ignomíniis et cædibus abstinéret.

Cum autem Ecclésiám a multis hærésibus maxíméque a Nestoriánis et Eutychiánis exagitári vidéret, concílium Chalcedonénse indíxit; ubi sexcéntis trigínta coáctis epíscopis, Eutyches et Dióscorus, et iterum Nestórius condemnáti sunt; cujus concílii decreta auctoritáte sua firmávit. Multas sacras ædes extrúxit, ac monastérium vicínium basilicæ sancti Petri ædificávit. His et áliis præcláre gestis, cum multa sancte et luculénter scripsisset, quarto Idus Novémbris obdormívit in Dómino, anno pontificátus sui vigésimo secúndo. Te Deum laudámus.

In III Nocturno


Léctio sancti Evangélii
secúndum Matthæum

Lectio vii Cap. 16, 13-19

IN illo témpore : Venit Jesus in partes Cæsaréæ Philíppi, et interrogábat discipulos suos, dicens : Quem dicunt hómines esse Fílium hóminis? Et réliqua.

Homília sancti Leónis
Papæ

Sermo 2 in anniv. assumpt.
suæ, ante medium

UM, sicut evangélica lectione reserátum est, interrogáset Dóminus discipu-

los, quem ipsum (multis diversa opinantibus) crederent; respondissetque beatus Petrus, dicens : Tu es Christus, Filius Dei vivi; Dominus ait : Beatus es, Simon Bar-Jona, quia caro et sanguis non revelavit tibi, sed Pater meus, qui in caelis est : et ego dico tibi, quia tu es Petrus, et super hanc petram aedificabo Ecclesiam meam, et portae inferi non prevalerunt adversus eam. Et tibi dabo claves regni caelorum : et quodcumque ligaveris super terram, erit ligatum et in caelis; et quodcumque solveris super terram, erit solutum et in caelis. Manet ergo dispositio veritatis, et beatus Petrus in accepta fortitudine petrae perseverans, suscepta Ecclesiae gubernacula non reliquit.

✠. Amavit eum Dominus, et ornavit eum : stolam glorie induit eum, * Et ad portas paradisi coronavit eum. (T. P. Allelúja.) ✠. Induit eum Dominus loriceam fidei, et ornavit eum. — Et.

Lectio viii

IN universa namque Ecclesia, Tu es Christus, Filius Dei vivi, quotidie Petrus dicit; et omnis lingua, quae confitetur Dó-

minum, magisterio hujus vocis imbuitur. Hæc fides diabolum vincit et captivorum ejus vincula dissolvit. Hæc erutos mundo inserit caelo, et portae inferi adversus eam prevalere non possunt. Tanta enim divinitus soliditate munita est, ut eam neque hæretica umquam corrumpere pravitas, nec pagana potuerit superare perfidia. His itaque modis, dilectissimi, rationabili obsequio celebretur hodierna festivitas; ut in persona humilitatis meae ille intelligatur, ille honoretur, in quo et omnium pastorum sollicitudo cum commendatarum sibi ovium custodia perseverat, et cujus etiam dignitas in indigno herede non deficit.

✠. In medio Ecclesiae aperuit os ejus, * Et implevit eum Dominus spiritu sapientiae et intellectus. (T. P. Allelúja.) ✠. Jucunditatem et exultationem thesaurizavit super eum. — Et. Glória Patri. Et.

In Quadragesima ix Lectio de Homilia Feriæ, alias

Lectio ix

CUM ergo cohortationes nostras auribus vestrae sanctitatis adhibemus, ipsum vobis, cujus vice fungimur, loqui credite : quia et illius vos affectu moné-

mus, et non aliud vobis, quam quod docuit, prædicamus; obsecrantes, ut succinti lumbos mentis vestræ, castam et sobriam vitam in Dei timore ducatis. Coróna mea, sicut Apóstolus ait, et gáudium vos estis, si fides vestra, quæ ab initio Evangélii in univérso mundo prædicata est, in dilectione et sanctitate permanserit. Nam licet omnem Ecclesiam, quæ in toto est orbe terrarum, cunctis oporteat florere virtutibus; vos tamen præcipue inter ceteros populos decet meritis pietatis excellere, quos ipsa apostolicæ petrae arce fundatos, et Dóminus noster Jesus Christus cum omnibus redemit, et beatus Apóstolus Petrus præ omnibus erudit.

Te Deum laudamus.

AD LAUDES

V. Justum deduxit Dóminus.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, dicit Dóminus. (T. P. Allelúja.)

Oratio

G Regem tuum, Pastor æternæ, placatus intendente : et per beatum

Leónem Summum Pontificem, perpétua protectione custodi; quem totius Ecclesiæ præstitisti esse pastorem. Per Dóminum.

Et, in Quadragesima, fit Commemoratio Feriæ.

IN II VESPERIS

V. Justum deduxit.

Ad Magnif. Ant. O Doctor óptime, * Ecclesiæ sanctæ lumen, beate Leo, divinae legis amátor, deprecare pro nobis Fílium Dei. (T. P. Allelúja.)

Et, in Quadragesima, fit Commemoratio Feriæ.

Die 13 Aprilis

S. Hermenegildi **Mart.**

Semiduplex [33] vel [74]

IN I VESPERIS

Extra Tempus Paschale

Capitulum Jac. 1, 12

B Eatus vir, qui suffert tentationem : quoniam cum probatus fuerit, accipiet coronam vitæ, quam repromisit Deus diligentibus se.

Tempore Paschali

Capitulum Sap. 5, 1

S Tabunt justi in magna constantia adversus eos qui se angustiaverunt, et qui abstulerunt labores eorum.

Hymnus

Regáli sólio fortis Ibériæ,
Hermenegilde, jubar, glória Mártýrum,
Christi quos amor almis
Cæli cœtibus inserit.

Ut perstas pátiens, pollicitum Deo
Servans obséquium! quo
pótius tibi
Nil propónis, et arces
Cautus nóxia, quæ placent.

Ut motus cóhibes, pábula
qui parant
Surgéntis vítii, non dúbios agens
Per vestigia gressus,
Quo veri via dírigit!

Sit rerum Dómino jugis
honor Patri,
Et Natum célebrent ora
precántium,
Divinúmque suprémis
Flamen láudibus éfferant.
Amen.

¶ Hymnus præcedens dicitur etiam in II Vesperis, quando integræ sint recitandæ.

Extra Tempus Paschale

℣. Glória et honóre.

Ad Magnif. Ant. Iste Sanctus * pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

Tempore Paschali

℣. Sancti et justi.

Ad Magnif. Ant. Lux perpétua * lucébit Sanctis tuis, Dómine, et ætérnitas témporum, allelúja.

Oratio

Deus, qui beátum Hermenegildum Mártýrem tuum cælésti regno terrénium postpónere docuísti: da, quæsumus, nobis; ejus exémplo cadúca despícere, atque ætérna sectári. Per Dóminum.

Et, in Quadragesima, fit Commemoratio Feriæ.

AD MATUTINUM

Extra Tempus Paschale

Invitat. Regem Mártýrum Dóminum, * Veníte, adorémus.

Tempore Paschali

Invitat. Exsúltent in Dómino Sancti, * Allelúja.

Ps. 94 Veníte, exsultemus. 3

Hymnus Regáli sólio, ut supra.

In I Nocturno Tempore Quadragesimæ, et si Tempore Paschali dicendæ non sint de Scriptura occurrenti, **Lectiones** Fratres: Debitóres, de Communi plurimorum Mártýrum extra Tempus Paschale, cum Responsoriis de Communi unius Mártýris pro temporis qualitate ibi notatis. [57]

In II Noeturno

Ex libro Dialogórum sancti Gregórii Papæ

Liber 3, cap. 31

Lectio iv



Ermenegíldus rex, Leovigíldi regis Visigothórum fílius, ab Ariána háresi ad fidem cathólicam viro reverendíssimo Leándro Hispalénsi epíscopo, dudum mihi in amicítiis familiáriter juncto, prædicánte, convérsus est. Quem pater AriánuS, ut ad eámdem háresim redíret, et præmiis suadére et minis terrére conátus est. Cumque ille constantíssime respondéret, numquam se veram fidem posse relínquere, quam semel agnovíisset; irátus pater eum privávit regno, rebúsque exspoliávit ómnibus. Cumque nec sic virtútem mentis illíus emollíre valuísset, in arcta illum custódia conclúdens, collum manúsque illíus ferro ligávit. Cœpit itaque Hermenegíldus rex júvenis terrénium regnum despícere, et forti desidério cæléste quærens, in cilíciis vinculátus jacens, omnipoténti Deo ad confortándum se preces effúndere; tantóque sublímius glóriam transeúntis mundi despícere, quanto

et religátus agnóverat nihil fuisse, quod potúerit auférri.

In Quadragesima

℟. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. ℣. Descendítque cum illo in fóveam, et in vínclis non derelíquit eum. — Et.

Tempore Paschali

℟. Lux perpétua lucébit Sanctis tuis, Dómine, * Et ætérnitas témporum, allelúja, allelúja. ℣. Lætítia sempitérna erit super cápita eórum : gáudium et exsultatíonem obtinébunt. — Et.

Lectio v

Superveniénte autem Paschális festivitátis die, intempéstæ noctis siléntio, ad eum pérfidus pater Ariánum epíscopum misit, ut ex ejus manu sacrílegæ consecratíonis communiómem percíperet, atque per hoc ad patris grátiam redíre mererétur. Sed vir Deo déditus, Ariáno epíscopo veniénti exprobrávit, ut débuit, ejusque a se perfídiam dignis increpatíonibus repulit : quia, etsi extérius jacébat ligátus, apud se tamen in magno mentis cúlmine

stabat secúrus. Ad se itaque revérso epíscopo, Ariánus pater infrémuit, statimque suos apparitores misit, qui constantissimum Confessórem Dei illic, ubi jacébat, occiderent; quod et factum est. Nam mox ut ingressi sunt, secúrim cérebro ejus infigéntes, vitam córporis abstulérunt; hocque in eo valuérunt perimere, quod ipsum quoque, qui peremptus est, in se constíterat despexísse. Sed pro ostendénda vera ejus glória, supérna quoque non defuére miracula. Nam cœpit in noctúrno siléntio psalmódia cantus ad corpus ejúsdem Regis et Mártiris audíri : atque ídeo veráciter Regis, quia et Mártiris.

In Quadragesima

℟. Desidérium ánimæ ejus tribuísti ei, Dómine,

* Et voluntáte labiórurn ejus non fraudásti eum.

℣. Quóniam prævenísti eum in benedictiónibus dulcédinis, posuísti in cápite ejus corónam de lápide pretiósó. — Et.

Tempore Paschali

℟. In servis suis, allelúja, * Consolábitur Deus, allelúja. ℣. Judicábit Dóminus pópulum suum, et in servis suis. — Consolábitur.

Lectio vi

Q Uidam étiam ferunt, quod illic noctúrno témpore accénsæ lámpades apparébant; unde et factum est, quátenus corpus illíus, ut vidélicet Mártiris, jure a cunctis fidélibus venerári debuisset. Pater vero pérfidus et parricída, commótus pœniténtia, hoc fecísse se dóluit, nec tamen usque ad obtinéndam salútem pœnituit. Nam quia vera esset cathólica fides agnóvit, sed gentis suæ timóre pertérritus, ad hanc perveníre non méruit. Qui, obórta ægritúdine, ad extrémá perductus est, et Leándro epíscopo, quem prius veheménter afflíxerat, Reccarédum regem filium suum, quem in sua háresi relinquébat, commendáre curávit, ut in ipso quoque tália fáceret, quália et in fratre suis exhortatióibus fecísset. Qua commendatióne expléta, defúctus est. Post ejus mortem Reccarédus rex non patrem pérfidum, sed fratrem Mártirem sequens, ab Ariánæ héréseos pravitate convérsus est, totámque Visigothórum gentem ita ad veram perdúxit fidem, ut nullum in suo regno militáre pémitteret, qui regni Dei

hostis exsistere per hæreticam pravitatem non timéret. Nec mirum quod veræ fidei prædicátor factus est, qui frater est Mártiris; cujus hunc quoque mérita ádjuvant, ut ad omnipoténtis Dei grémium tam multos redúcat.

In Quadragesima

℟. Stola jucunditátis induit eum Dóminus : * Et corónam pulchritúdinis pósuit super caput ejus.

℣. Cibávit illum Dóminus pane vitæ et intelléctus : et aqua sapiéntiæ salutaris potávit illum. — Et. Glória Patri. Et.

Tempore Paschali

℟. Filiæ Jerúsalem, veníte et vidéte Mártires cum corónis, quibus coronávit eos Dóminus * In die solemnitátis et lætitiæ, allelúja. ℣. Quóniam confortávit seras portárum tuárum, benedíxit filios tuos in te. — In. Glória Patri. In.

Pro hoc Festo simplificato

Ex libro Dialogórum sancti Gregórii Papæ

Liber 3, cap. 31

Lectio ix

Hermenegildus rex, Leovigildi regis Visigothórum filius, ab Ariána

hæresi ad fidem cathólicam viro reverendíssimo Leándro Hispalénsi episcopo, dudum mihi in amicitíis familiáriter juncto, prædicánte, convérsus est. Quem pater Ariánus, ut ad eámdem hæresim redíret, et præmiis suadére, et minis terrére conátus est. Cumque ille constántissime respondéret, numquam se veram fidem posse relínquere, quam semel agnovísset : irátus pater eum privávit regno, rebúsque exspoliávit omnibus; et in arcta illum custódia conclúdens, collum manúsque illius ferro ligávit. Cœpit itaque Hermenegildus rex júvenis terrénium regnum despícere, et forti desidério cæléste quærens, in cilíciis vinculátus jacens, omnipoténti Deo ad confortándum se preces effúndere. Superveniénte autem Paschális festivitátis die, intempéstæ noctis siléntio ad eum pérfidus pater Ariánus episcopum misit, ut ex ejus manu sacrílegæ consecratiónis communió-nem percíperet, atque per hoc ad patris grátiam redíre mererétur. Sed vir Deo déditus, Ariáno episcopo veniénti exprobrávit, ut débuit, ejúsque a se perfídiam dignis increpatiúnibus répulit. Ad se

itaque revérso epíscopo,
Ariánus pater infrémuit,
statimque suos apparitó-
res misit, qui constantís-
simum Confessórem Dei
illic, ubi jacébat, occi-
dérunt.

Te Deum laudámus.

In III Nocturno, etiam
Tempore Paschali, Homilia in
Ev. Si quis venit de Com-
muni unius Martyris extra
Tempus Paschale 1 loco, cum
Responsoriis pro temporis
qualitate ibi notatis. [44]

In Quadragesima ix Lectio
de Homilia Feriæ.

AD LAUDES

Extra Tempus Paschale

Capitulum Jac. 1, 12

BEátus vir, qui suffert
tentatióem : quón-
iam cum probátus fúerit,
accípíet corónam vitæ,
quam repromísit Deus di-
ligéntibus se.

Tempore Paschali

Capitulum Sap. 5, 1

STabunt justi in magna
constántia advérsus
eos qui se angustiavérunt,
et qui abstulérunt labóres
eórum.

Hymnus

Nullis te génitor blan-
dítiis trahit,
Non vitæ cáperis dívitis
ótió,

Gemmarúmve nitóre,
Regnandíve cupídine.

Diris non ácies te gládi-
minis,

Nec terret périmens car-
níficis furor :

Nam mansúra cadúcis
Præfers gáudia cælitum.

Nunc nos e Súperum pró-
tege sédibus

Clemens, atque preces,
dum cánimus tua

Quæsítam nece palmam,
Pronis áuribus éxcipe.

Sit rerum Dómino jugis
honor Patri,

Et Natum célebrent ora
precántium,

Divinúmque suprémis
Flamen láudibus éfferant.

Amen.

Extra Tempus Paschale

℣. Justus ut palma floré-
bit. ℞. Sicut cedrus Lí-
bani multiplicábitur.

Ad Bened. Ant. Qui
odit * ánimam suam in
hoc mundo, in vitam ætér-
nam custódit eam.

Tempore Paschali

℣. Pretiósá in conspéctu
Dómini, allelúja. ℞. Mors
Sanctorum ejus, allelúja.

Ad Bened. Ant. Fíliæ Je-
rúsalem, * veníte et vidéte
Mártýres cum corónis,
quibus coronávit eos Dó-
minus in die solemnitátis
et lætítiæ, allelúja, alle-
lúja.

Oratio

DEus, qui beátum Hermenegildum Mátyrem tuum cælésti regno terrénium postpónere docuisti : da, quæsumus, nobis; ejus exémplo cadúca despícere, atque ætéRNA sectári. Per Dóminum.

Et, in Quadragesima, fit Commemoratio Feriæ.

Vesperæ de sequenti, Commemoratio præcedentis, in Quadragesima Feriæ, ac Ss. Tiburtii, Valeriani et Maximi Martyrum.

Die 14 Aprilis

S. Justini Martyris

Duplex [33] vel [74]

℣. Sancti et justi.

Ad Magnif. Ant. Lux perpétua * lucébit Sanctis tuis, Dómine, et ætéRNitas témporum, allelúja.

Oratio

DEus, qui per stultítiam crucis eminentem Jesu Christi sciéntiam beátum Justinum Mátyrem mirabíliter docuisti : ejus nobis intercessióne concéde; ut, errórum circumventióne depúlso, fidei firmitátem consequámur. Per eúmdem Dóminum.

Et fit Commemoratio præcedentis :

Extra Tempus Paschale

Ant. Qui vult veníre post me, ábneget semetípsum, et tollat crucem suam, et sequáthur me.

℣. Justus ut palma.

Tempore Paschali

Ant. Sancti et justi, in Dómino gaudéte, allelúja : vos elégit Deus in hereditátem sibi, allelúja.

℣. PretiósA in conspéctu.

Oratio Deus, qui beátum, ut supra.

Deinde, post Commemorationem Feriæ in Quadragesima, Commemoratio Ss. Tiburtii, Valeriani et Maximi Martyrum :

Extra Tempus Paschale

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino.

Tempore Paschali

Ant. Filiæ Jerúsalem, veníte et vidéte Mátyres cum corónis, quibus coronávit eos Dóminus in die solemnitátis et lætítiae, allelúja, allelúja.

℣. Lux perpétua lucébit Sanctis tuis, Dómine, allelúja. ℞. Et ætéRNitas témporum, allelúja.

Oratio

PRæsta, quæsumus, omnipotens Deus : ut, qui sanctórum Mártyrum tuórum Tibúrtii, Valeriáni et Máximi solémnia cólimus; eórum étiam virtútes imitémur. Per Dóminum.

In I Nocturno Tempore Quadragesimæ, et si Tempore Paschali dicendæ non sint de Scriptura occurrenti, Lectiones Fratres : Debitóres, de **Communi plurimorum Martyrum extra Tempus Paschale, cum Responsoriis de Communi unius Martyris pro temporis qualitate ibi notatis.** [57]

In II Nocturno

Lectio iv



Ustínus, Prisci filius, ex Græco genere Fláviæ Neápolis in Sýria Palæstína natus, adolescéntiam in litterárum ómnium stúdiis transégit. Vir factus ádeo philosophiæ amóre corréptus est, ut ad veritátem assequéndam, quotquot áderant philosophórum sectis nomen déderit, eórumque præcépta scrutátus sit. Cum in his fallácem tantum sapiéntiam errorémque reperísset, supérna illustratióne per senem quemdam ignótum aspectúque venerábilem edúctus, veræ christiánæ fidei philosophíam amplé-

xus est. Hinc sacrae Scriptúræ libros diu noctúque præ mánibus habens, ita ex eórum meditatióne divínus ignis in ánima ejus exársit, ut ea qua pollébat eruditiónis vi, eminentem Jesu Christi sciéntiam adeptus, plúrima conscripserit volúmina ad christiánam fidem exponéndam magisque propagándam.

In Quadragesima

℟. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **℣.** Descendítque cum illo in fóveam, et in vínculis non derelíquit eum. — Et.

Tempore Paschali

℟. Lux perpétua lucébit Sanctis tuis, Dómine, * Et ætérnitas téporum, allelúja, allelúja. **℣.** Lætitia sempitérna erit super cápita eórum : gáudium et exsultatióne obtinebunt. — Et.

Lectio v

INter præclaríssima Justíni ópera binæ éminent fidei christiánæ apologiæ, quas cum coram senátu, imperatóribus Antoníno Pio ejúsque filiis nec non Marco Antoníno Vero et Lúcio Aurélio Cómmodo Christi ásseclas sævíssime

divexántibus, porrexísset, eamdémque fidem disputádo strénue propugnásset, obtínuit ut a Christianórum cæde público princípum edicto temperátum fúerit. Verum Justíno haud párcitum est. Nam Crescéntis Cýnici, cujus vitam et mores nefários redargúerat, insídiis accusátus, a satellítibus comprehénsus est. Addúctus autem ad Romæ præsidem nómine Rústicum, cum hic ab eo quæsiuísset quænam essent Christianórum præcépta, hanc bonam confessiónem coram multis téstibus conféssus est : Rectum dogma, quod nos christiáni hómínes cum pietáte servámus, hoc est : ut Deum unum existimémus factórem atque creatórem ómnium quæ vidéntur, quæque corpóreis óculis non cernúntur; et Dóminum Jesum Christum Dei Fílium confiteámur, olim a prophétis prænuntiátum, qui et humáni géneris iudex ventúrus est.

In Quadragesima

℟. Desidérium animæ ejus tribuísti ei, Dómine.

* Et voluntáte labiórurn ejus non fraudásti eum.

℣. Quóniam prævenísti eum in benedictiónibus dulcédinis, posuísti in cá-

pite ejus corónam de lápide pretiósó. — Et.

Tempore Paschali

℟. In servis suis, allelúja. * Consolábitur Deus, allelúja. ℣. Judicábit Dóminus pópulum suum, et in servis suis. — Consolábitur.

Lectio vi

Q Uóniam Justínus in prima sua apología palam exposúerat quómodo Christiáni convenírent ad sacra celebránda, et quænam fúerint sacri hujus convéntus mystéria, ad repelléndas ethnicórum calúmnias; exquisívit ab eo præses, in quonam loco conveníret ipse et céteri hujus Urbis Christifidéles. Justínus autem réticens convéntuum loca, ne sancta et fratres próderet cánibus, domicílium tantum suum indicávit, ubi manére et discípulos excólere solébat penes célebrem títulum Pastóris in ædibus Pudéntis. Demum præses optiónem ei dedit vel ut diis sacrificáret, vel per totum corpus flagéllis cædi perférret. Cum invíctus fidei vindex asséreret se in votis semper habuisse cruciátus pérpeti propter Dóminum Jesum Christum, a quo magnam in cælis mercédem cónsequi exspectábat, præses in

eum capitalem sententiam pronuntiavit. Itaque mirabilis philosophus Deum collaudans, post verbera, fuso pro Christo sanguine, glorioso martyrio coronatus est. Quidam vero fideles clam illius sustulerunt corpus, et in loco idoneo condiderunt. Leo decimus tertius Pontifex maximus ejusdem Officium et Missam ab universa Ecclesia celebrari praecepit.

In Quadragesima

✠. Stola jucunditatis induit eum Dominus : * Et coronam pulchritudinis posuit super caput ejus.

✠. Cibavit illum Dominus pane vitae et intellectus : et aqua sapientiae salutaris potavit illum. — Et. Gloria Patri. Et.

Tempore Paschali

✠. Filiae Jerusalem, venite et videte Martyres cum coronis, quibus coronavit eos Dominus * In die solemnitatis et laetitiae, allelúja. ✠. Quoniam confortavit seras portarum tuarum, benedixit filios tuos in te. — In. Gloria Patri. In.

Pro hoc Festo simplicitate

Lectio ix

JUSTINUS, Prisci filius, ex Graeco genere Flaviae Neapolis in Syria Pa-

laestina natus, adeo philosophiae amore correptus est, ut ad veritatem assequendam, quotquot aderant, philosophorum sectis nomen dederit. In quibus tamen cum fallacem tantum sapientiam reperisset, superna illustratione edoctus, christianae fidei philosophiam amplexus est. Hinc sacrae Scripturae libros diu noctumque versans, ibique eminentem Jesu Christi scientiam adeptus, plura conscripsit ad christianam fidem exponendam magisque propagandam; quae inter binae praestant pro fide christiana apologiae. Quas cum imperatoribus Antonino Pio ejusque filiis porrexisset, et fidem disputando strenue propugnasset, obtinuit ut a Christianorum caede publico principum edicto temperaretur. Ipse tamen Crescentis Cynici, cujus et impios mores redarguerat, insidiis accusatus, a satellitibus captus est; et ad Rusticum praefectum adductus, cum in confessione fidei strenue permaneret, capitis damnatus, glorioso martyrio coronatus occubuit.

Te Deum laudamus.

In III Nocturno

Lectio sancti Evangélii
secúndum Lucam

Lectio vii Cap. 12, 2-8

IN illo témpore : Dixit Jesus discipulis suis : Nihil opértum est, quod non revelétur : neque absconditum, quod non sciátur. Et réliqua.

Homilia sancti Joánnis
ChrysóstomiHomilia in cap. 10 Matth.
v. 26 et sequ.

Ihil est opértum quod non revelábitur, nec occultum quod non sciétur. Quod autem dicit, hujúsmodi est : Súfficit quidem vobis ad consolatióem, si ego Magíster et Dóminus consors sim conviciórum. Si vero adhuc dolétis hæc audiéntes, illud quoque ánimo reputáte, vos non multum póstea ab hac suspicióne liberátum iri. Cur enim id ægre fertis? quia præstigiatóres et deceptóres vos vocant? At páululum exspectáte, et servatóres benefactorésque orbis vos prædicábunt omnes. At enim tempus illa ómnia, quæ subobscura erant, revelábit, et illórum calúmniám déteget, virtutémque vestram conspiciuam reddet. Cum enim ex rebus ipsis com-

probabímini salvatóres esse et benéfici, et omni virtúte conspícuí, illórum dictis hómines non atténdent, sed rei veritáti; ac illi quidem sycophántæ, mendáces, malédici, vos vero ipso sole splendidióres deprehendémini. Multum quippe témporis spátium vos notos reddet, prædicábit, et tuba clariórem emíttet vocem, vestræque virtútis testes univérsos hómines exhibébit. Ne itaque ea, quæ nunc dicúntur, vos deji- ciant, sed spes futurórum bonórum érigat. Non pos- sunt enim ea, quæ ad vos spectant, occultári.

In Quadragesima

R. Coróna áurea super caput ejus, * Expréssa signo sanctitátis, glória honóris, et opus fortitúdinis. **V.** Quóniam prævenísti eum in benedictiónibus dulcédinis, posuísti in cápite ejus corónam de lápide pretióso. — Expréssa.

Tempore Paschali

R. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. **V.** Sicut diléxit me Pater, et ego diléxi vos. — Qui.

Feria III et VI infra hebdo-
madam I et II post Octavam

Paschæ, quoties in I Nocturno Lectiones fuerint de Scriptura occurrenti cum suis Responsoriis de Tempore, loco præcedentis Responsorii dicitur sequens

℟. Tristitia vestra, allelúja, * Convertétur in gáudium, allelúja, allelúja.

℣. Mundus autem gaudébit, vos vero contristabimini, sed tristitia vestra. — Convertétur.

Lectio viii

DEínde, postquam illos omni angóre, timóre et sollicitúdine liberávit, et probris ómnibus superiores réddidit, demum illos opportúne de libertáte prædicándi allóquitur; nam dicit : Quod dico vobis in ténebris, dicite in lúmine; et quod in aure audítis, prædicáte super tecta. Quamquam non erant ténebræ, cum hæc diceret neque ad aurem loquebátur : sed hæc hyperbólice dicta sunt. Quia enim solos alloquebátur, et in parvo Palæstínæ ángulo, ideo dicit, In ténebris et In aure; hunc loquéndi modum cómparans cum loquéndi fidúcia, qua illos póstea instructúrus erat. Ne in una, duábus tribúsque civitatibus, sed per totum orbem prædicáte, terram maréque peragrántes, habitátam, non habitátam;

ac tyránnis, pópulis, philosophis, rhetóribus cum magna fidúcia ómnia dicite. Ideo dixit super tecta et in lúmine; sine ullo subterfúgio, et cum omni libertáte.

In Quadragesima

℟. Hic est vere Martyr, qui pro Christi nómine sánguinem suum fudit : * Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ℣. Justum dedúxit Dóminus per vias rectas, et osténdit illi regnum Dei. — Qui. Glória Patri. Qui.

Tempore Paschali

℟. Cándidi facti sunt Nazaræi ejus, allelúja : splendórem Deo dedérunt, allelúja : * Et sicut lac coaguláti sunt, allelúja, allelúja. ℣. Candidiôres nive, nitidiôres lacte, rubicundiôres ébore antiquo, sapphíro pulchriôres. — Et. Glória Patri. Et.

In Quadragesima ix Lectio de Homilia Feriæ; extra Quadragesimam :

Pro Ss. Tiburtio, Valeriano et Maximo Mm.

Lectio ix

Valeriánus Románus, nóbili génere ortus, Alexándro Sevéro imperatóre, hortátu beátæ Cæciliæ Vírginis, quam sibi

pari nobilitate uxorem despónderat, una cum Tibúrtio fratre a sancto Urbáno Papa baptizátur. Quos ubi præfécus Urbis Almáchiús cristiános esse cognóvit, et, património paupéribus distribúto, Christianórum córpora sepelíre; accersítos gráviter reprehéndit : atque ubi Christum Deum constánter confiténtes, deos autem dæmoniórum inánia simulácula prædicántes videt, virgis cædi jubet. Sed cum verbéribus cogi non possent, ut Jovis simulácrum veneraréntur, immo fortes in fidei veritate permanérent, ad quartum ab Urbe lápidem secúri feriúntur. Quorum virtútem admirátus Máximus præfécus cubiculárius, qui eos ad supplícium perdúxerat, cristiánum se esse professus est, cum multis prætèrea præfécus ministris : qui paulo post plumbátis contúsi, omnes ex diáboli ministris, Christi Dómini Mártyres evaserunt.

Te Deum laudámus.

Si autem ix Lectio alicujus Officii commemorati non sit dicenda, erit sequens

Lectio ix

DEínde, postquam illórum eréxit ánimos, rursum perícula prædicít,

illórum mentem érigens, omnibúsq; sublimiós reddens. Quid enim ait? Nolíte timére eos qui occídunt corpus, ánimam autem non possunt occídere. Viden, quómo illos ómnibus superiós reddat, non curas modo, non maledícta, perícula, insídias, sed étiam mortem ómnium terribilíssimam contémnere docens? Neque simpliciter mortem, sed étiam violéntam? Neque dixit, Occidémini; sed cum magnificéntia congruente totum declarávit : Nolíte timére, dicens, ab iis qui occídunt corpus, ánimam autem non possunt occídere, sed pótius timéte eum qui potest et ánimam et corpus pérdere in gehénnam; in contrárium vertens sermónem, uti semper facit. Quid enim sibi vult? Timétis mortem, ideóque ad prædicándum segnióres estis? Sed hac de causa pótius prædicáte, quia mortem timétis; illud enim vere vos a morte erípiet. Nam etiámsi vos interemptúri sunt, meliorem tamen partem non superábunt, etiámsi id totis víribus conéntur. Ideo non dixit : Animam autem non occídunt : sed Non possunt occídere. Nam etiámsi velint, non superábunt. Ita-

que si supplicium times, illud longe grávius time. Viden, quómo-
do non promittat se illos a morte liberatúrum esse, sed mori permittit, majóra largitúrus quam si id non permitteret? Longe enim majus est suadére ut mors spernátur, quam a morte erúere.

Te Deum laudámus.

AD LAUDES

Extra Tempus Paschale

℟. Justus ut palma.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Tempore Paschali

℟. Pretiósá in conspéctu.

Ad Bened. Ant. Fíliæ Jerúsalem, * veníte et vidéte Mártýres cum corónis, quibus coronávit eos Dóminus in die solemnitátis et lætítiæ, allelúja, allelúja.

Oratio

Deus, qui per stultítiam crucis eminentem Jesu Christi sciéntiam beátum Justinum Mártýrem mirabiliter docuísti : ejus nobis intercessióne concéde ; ut, errórum circumventióne depúlso, fidei firmitátem consequámur. Per eúmdem Dóminum.

Post Commemorationem Feriæ in Quadragesima, fit Commemoratio Ss. Mm. :

Extra Tempus Paschale

Ant. Vestri capílli cápitis omnes numeráti sunt : nolíte timére : multis passéribus melióres estis vos.

℟. Exsultábunt Sancti.

Tempore Paschali

Ant. Lux perpétua lucébit Sanctis tuis, Dómine, et ætérnitas témporum, allelúja.

℟. Sancti et justi.

Oratio

Præsta, quæsumus, omnípotens Deus : ut, qui sanctórum Mártýrum tuórum Tibúrtii, Valeriáni et Máximi solémnia cólimus ; eórum étiam virtútes imitémur. Per Dóminum.

IN II VESPERIS

Extra Tempus Paschale

℟. Justus ut palma.

Ad Magnif. Ant. Qui vult veníre post me, * ábneget semetípsum, et tollat crucem suam, et sequátur me.

Tempore Paschali

℟. Pretiósá in conspéctu.

Ad Magnif. Ant. Sancti et justi, * in Dómino gaudeáte, allelúja : vos elégit Deus in hereditátem sibi, allelúja.

Et, in Quadragesima, fit Commemoratio Feriæ.

Die 17 Aprilis

S. Aniceti

Papæ et Martyris

Simplex [74]

Extra Tempus Paschale

Ant. Iste Sanctus pro lege Dei sui certavit usque ad mortem, et a verbis impiorum non timuit; fundatus enim erat supra firmam petram.

℣. Glória et honóre.

Tempore Paschali

℣. Sancti et iusti.

Ad Magnif. Ant. Lux perpétua * lucébit Sanctis tuis, Dómine, et æternitas témporum, allelúja.

Oratio

G Regem tuum, Pastor æterne, placatus inténde : et per beátum Anicétum Mártirem tuum atque Summum Pontíficem, perpétua protectióne custódi; quem totius Ecclésiæ præstitisti esse pastórem. Per Dóminum.

Lectio iii

A Nicétus Syrus, imperatóre Marco Aurélio Antoníno, præfuit Ecclésiæ. Decrévit ne clérici comam nutrissent. Quinques mense Decémbri ordinávit presbýteros decem et septem, diaconos quatuor, episcopos per diversa loca novem. Vixit

in pontificátu annos octo, menses octo, dies viginti quatuor. Propter Christi fidem martýrio coronátus, sepúltus est via Appia in cœmetério, quod póstea Callísti appellátum est, décimo quinto Kaléndas Majas.

Te Deum laudámus.

Ad Laudes

Extra Tempus Paschale

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma.

Tempore Paschali

℣. Pretiósá in conspéctu.

Ad Bened. Ant. Filiæ Jerúsalem, veníte et vidéte Mártýres cum corónis, quibus coronávit eos Dóminus in die solemnitátis et lætítiæ, allelúja, allelúja.

Die 21 Aprilis

S. Anselmi

Ep., Conf. et Eccl. Doct.

Duplex [84]

℣. Amáviteum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Anselme, divínæ legis amátor, deprecáre pro nobis Fílium Dei. (T. P. Allelúja.)

Oratio

C 3

DEus, qui pópulo tuo æternæ salutis beátum Ansélmum místrum tribuísti : præsta, quæsumus; ut quem Doctórem vitæ habúimus in terris, intercessórem habére mereámur in cælis. Per Dóminum.

In I Nocturno, si sumendæ sint de Comuni, Lectiones Sapiéntiam. [104]

In II Nocturno

Lectio iv



ANsélmus, Augústæ Prætóriæ in finibus Itáliæ, Gundúlpho et Ermembérge nobilibus et cathólicis paréntibus natus, a téneris annis assíduo litterárum stúdio atque perfectióris vitæ desidério, non obscurum futúræ sanctitátis et doctrínæ spécimen dedit. Et licet juveníli ardóre aliquándo ad sáculi illécebras traherétur, brevi tamen in pristinam viam revocátus, pátria et bonis ómnibus derelictis, ad monastérium Beccénse órdinis sancti Benedicti se cóntulit; ubi, emíssa regulári professióne, sub Herluíno abbáte observantissimo et Lanfráncó viro doctíssimo, tanto ánimifervóre et jugi stúdio in litteris et virtútibus assequéndis profécit, ut mi-

rum in modum tamquam sanctitátis et doctrínæ exémpplar ab ómnibus haberétur.

✠. Inveni David servum meum, óleo sancto meo unxi eum : * Manus enim mea auxiliábitur ei, allelúja. ✠. Nihil proficiet inimícus in eo, et filius iniquitátis non nocébit ei. — Manus.

Lectio v

ABstinéntiæ et continéntiæ tantæ fuit, ut assíduitate jejúnii omnis pene cibórum sensus in eo viderétur exstíctus. Diúrno enim témpore in exercítiis monásticis docéndo, et respondéndo váriis de religióne quæsis eménso; quod réliquum erat noctis, somno subtrahébat, ut divínis meditatióibus, quas perénni lacrimárum imbre fovébat, mentem recreáret. Eléctus in priórem monastérii invidos fratres ita caritáte, humilitáte et prudéntia lenívit, ut quos æmulos accéperat, sibi et Deo amícos, máximo cum reguláris observántiæ emoluménto, rédderet. Mórtuo abbáte, et in ejus locum, licet invítus, sufféctus, tanta doctrínæ et sanctitátis fama ubique refúlsit, ut non modo régibus et episcopis veneratióni esset, sed sancto Gregórió séptimo étiam

accéptus, qui tunc magnis persecutió nibus agitátus, litéras amóris plenas ad eum dedit, quibus se et Ecclésiám cathólicam ejus oratió nibus commendábat.

℟. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei, allelúja. ℣. Inveni David servum meum, óleo sancto meo unxi eum. — Manus.

Lectio vi

DEfúnc to Lanfránc o archiepíscopo Cantuariénsi, ejus olim præceptóre, Ansélmus, urgénte Willélmo Angliæ rege et instántibus clero ac pópulo, ipso tamen repugnánte, ad ejúsdem ecclésiæ régimen vocátus, statim (ut corrúptos pópuli mores reformáret) verbo et exémplo prius, dein scriptis, et conciliis celebrátis, prístinam pietátem et ecclesiásticam disciplínam redúxit. Sed cum mox idem Willélmus rex vi et minis Ecclésiæ jura usurpáre tentásset, ipse sacerdotáli constántia réstitit; bonorúmque direptionem et exsílum passus, Romam ad Urbánum secúndum se cóntulit : a quo honorífice excéptus et summis láudibus ornátus est, cum in Barénsi con-

cílio Spíritum Sanctum étiam a Fílio procedéntem contra Græcórum errórem innúmeris Scripturárum et sanctórum Patrum testimoniis propugnásset. E vivis Willélmo subláto, ab Henríco rege, ejus fratre, in Angliam revocátus, obdormívit in Dómino; famam non solum miraculórum et sanctitátis (præcipue ob insígnem devotió nem erga Dómini nostri passió nem et beátam Vírginem ejus Matrem) assecútus, sed étiam doctrínæ, quam ad defensió nem cristiánæ religió nis, animárum proféctum, et ómnium theologórum, qui sacras litéras scholástica méthodo tradidérunt, normam cælitus hausísse ex ejus libris ómnibus appáret.

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum, allelúja. ℣. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplificato

Lectio ix

Ansélmus, Augústæ Prætoríæ in finibus Italiæ, nobilibus et cathólicis pa-

réntibus natus, adoléscent, pátria et bonis ómnibus derelíctis, in monastério Beccénsi órdis sancti Benedícti emíssa regulári professióne, in lítteris et virtútibus assequéndis mirum in modum profécit. Régibus, epíscopis veneratióni fuit, et sancto Gregório séptimo étiam accéptus, qui tunc, persecutióne agítatus, lítteras amoris plenas ad eum dedit, se et Ecclesiám ejus oratióne comméndans. Defúcto Lanfránc archiepíscopo Cantuariénsi, ejus olim præceptóre, ad ejúsdem ecclesiæ régimen vocátus, verbo et exémplo, scriptis et concíliis celebrátis, pristínam pietátem et ecclesiásticam disciplínam redúxit. Sed cum mox Willélmus rex vi et minis jura Ecclesiæ usurpáre tentásset, ipseque invícte restitísset, bonórum direptiόnem et exsílíum passus, Romam ad Urbánum secúndum se cóntulit. A quo honorífice excéptus et summis láudibus ornátus, in Barénsi concílio Spíritum Sanctum étiam a Fílio procedéntem, contra Græcórum errórem, innúmeris Scripturárum et sanctórum Patrum testimoniis propugnávit. Post mortem Willélmi, ab Henríco rege ejus fratre in

Angliam revocatús, obdormívit in Dómino.

Te Deum laudámus.

In III Nocturno Homilia in Ev. Vos estis sal terræ, de Comm. Doctor. 2 loco. [108]

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, dicit Dóminus, allelúja.

Oratio

C 3

DEus, qui pópulo tuo æternæ salutis beátum Ansélmum místrum tribuísti : præsta, quæsumus; ut quem Doctórem vitæ habúimus in terris, intercessórem habére mereámur in cælis. Per Dóminum.

IN II VESPERIS

℣. Justum dedúxit.

Ad Magnif. Ant. O Doctor óptime, * Ecclesiæ sanctæ lumen, beáte Ansélme, divínæ legis amátor, deprecáre pro nobis Fílium Dei. (T.P. Allelúja.)

Et fit Commem. sequentis.

Die 22 Aprilis

Ss. Soteris et Caji**Pontificum et Martyrum****Semiduplex [74]**

Ant. Lux perpétua lucébit Sanctis tuis, Dómine, et ætérnitas témporum, allelúja. **V.** Sancti et justi.

Oratio

GRegem tuum, Pastor ætérne, placátus inténde : et per beátos Sotérem et Cajum Mártýres tuos atque Summos Pontífices, perpétua protectióne custódi; quos totíus Ecclésiæ præstitísti esse pastóres. Per Dóminum.

In II Noeturno**Lectio iv**

Soter, Fundis in Campánia natus, sancívit, ne sacræ vírgines vasa sacra et pallas attingerent, neve thuris ministério in ecclésiá uteréntur. Idem stáuit ut Christi corpus in Cœna Dómini sumerétur ab ómnibus, iis excéptis, qui propter grave peccátum id fácere prohiberéntur. Sedit in pontificátu annos tres, menses úndecim, dies decem et octo. Martýrio coronátur sub Marco Aurélio imperatóre, et in cœmetério, quod póstea Callísti dictum est, sepelítur; more majórum

mense Decémbri créatis presbýteris decem et octo, diáconis novem, epíscopis per díversa loca úndecim.

R. Lux perpétua lucébit Sanctis tuis, Dómine, * Et ætérnitas témporum, allelúja, allelúja. **V.** Lætítia sempitérna erit super cápita eórum : gáudium et exsultatiónem obtinébunt. — Et.

Lectio v

CAjus Dálmata, ex géneré Diocletiáni imperatóris, constituit ut his órdinum et honórum grádibus in Ecclésiá ad episcopátum ascenderétur : Ostiárii, Lectóris, Exorcistæ, Acólythi, Subdiáconi, Diáconi, Presbýteri. Hic Diocletiáni crudelitátem in Christiános fúgiens, aliquámdiu in spelúnca delítuit; verum octo post annis una cum Gabíno fratre martýrii corónam consecútus est, cum sedísset annos duódecim, menses quátuor, dies quinque; créatis mense Decémbri presbýteris vigin-tiquínque, diáconis octo, epíscopis quinque. Sepúl-tus est in cœmetério Cal-listi, décimo Kaléndas Maji. Ejus memóriam Urbánus octávus in Urbe renovávit, dirútam ecclésiám restítuit; título, stattióne et ipsíus reliquiis decorávit.

℟. In servis suis, allelúja, * Consolábitur Deus, allelúja. ℣. Judicábit Dóminus pópulum suum, et in servis suis. — Consolábitur.

Lectio vi

Sermo sancti Ambrósii
Epíscopi **Sermo 22**

Dignum et cóngruum est, fratres, ut post lætítiam Paschæ, quam in Ecclesiá celebrávimus, gáudia nostra cum sanctis Martýribus conferámus; et iis annuntiémus Domínicæ resurrectionis glóriam, qui consórtes sunt Domínicæ passiónis. Qui enim sócii sunt contuméliæ, debent et partícipes esse lætítiæ. Ita enim dicit beátus Apóstolus : Sicut sócii passiónum estis, et resurrectionis éritis; si tolerábimus, inquit, et conregnábimus. Qui ergo toleravérunt mala propter Christum, debent et glóriam habére cum Christo.

℟. Fíliæ Jerúsalem, veníte et vidéte Mártýres cum corónis, quibus coronávit eos Dóminus * In die solemnitátis et lætítiæ, allelúja. ℣. Quóniam confortávit seras portárum tuárum, benedíxit filios tuos in te. — In. Glória Patri. In.

Pro hoc Festo simplificato

Lectio ix

SOter, Fundis in Campánia natus, sancívit ne sacrae vírgines vasa sacra et pallas attingerent, neve thuris ministério in ecclesiá uteréntur. Idem stáuit ut Christi corpus in Cœna Dómini sumerétur ab ómnibus, iis excéptis, qui propter grave peccátum id fácere prohiberéntur. Martýrio coronátus sub Marco Aurélio imperatóre, sepúltus est in cœmetério, quod póstea Callísti dictum est. Caji Dálmata, ex genere Diocletiáni imperatóris, constituit ut his órdinum et honórum grádibus in Ecclesiá ad episcopátum ascenderétur : Ostiárii nempe, Lectóris, Exorcístæ, Acólythi, Subdiáconi, Diáconi, Presbýteri. Hic Diocletiáni crudelitátem in Christiános fúgiens, aliquámdiu in spelúnca delítuit; verum octo post annis una cum Gabíno fratre martýrii coronam consecútus, in cœmetério Callísti páriter sepúltus est.

Te Deum laudámus.

In III Nocturno Homilia in Ev. Venit Jesus, de Comm. unius vel plurium Summorum Pontificum. [33¹]

AD LAUDES

✠. Pretiōsa in conspēctu.

Ad Bened. Ant. Fīliæ Jerúsalem, * veníte et vidéte Mártýres cum corónis, quibus coronávit eos Dóminus in die solemnitátis et lætitiæ, allelúja, allelúja.

Oratio

Gregem tuum, Pastor ætérne, placátus inténde : et per beátos Sotérem et Cajum Mártýres tuos atque Summos Pontífices, perpétua protectióne custódi; quos totíus Ecclésiæ præstitisti esse pastóres. Per Dóminum.

Vesperæ a Capit. de seq., Commem. præcedentis.

Die 23 Aprilis

S. Georgii

Mart. Semiduplex [74]

✠. Sancti et justi.

Ad Magnif. Ant. Lux perpétua * lucébit Sanctis tuis, Dómine, et ætérnitas témporum, allelúja.

Oratio

Deus, qui nos beáti Geórgii Mártýris tui méritis et intercessióne lætíficas : concéde propítius; ut qui tua per eum beneficia póscimus, dono tuæ grátiae consequámur. Per Dóminum.

Et fit Commemoratio præcedentis

Ant. Sancti et justi, in Dómino gaudéte, allelúja : vos elégit Deus in hereditátem sibi, allelúja.

✠. Pretiōsa in conspēctu.

Oratio Gregem tuum, ut supra.

In III Nocturno Lectiones Quibus ego, de Communi Martyrum Tempore Paschali 2 loco. [82]

¶ *Pro hoc Festo simplificato non dicitur ix Lectio.*

In III Nocturno Homilia in Ev. Ego sum vitis vera, de eodem Communi 1 loco. [77]

AD LAUDES

✠. Pretiōsa in conspēctu.

Ad Bened. Ant. Fīliæ Jerúsalem, * veníte et vidéte Mártýres cum corónis, quibus coronávit eos Dóminus in die solemnitátis et lætitiæ, allelúja, allelúja.

Vesperæ de sequenti, Commemoratio præcedentis.

Die 24 Aprilis

S. Fidelis a Sigmaringa

Martyris Duplex [74]

✠. Sancti et justi.

Ad Magnif. Ant. Lux perpétua * lucébit Sanctis tuis, Dómine, et ætérnitas témporum, allelúja.

Oratio

DEus, qui beátum Fidélem, seráphico spíritus ardóre succénsum, in veræ fidei propagatióne martýrii palma et gloriósis miráculis decoráre dignátus es : ejus, quæsumus, méritis et intercessióne, ita nos per grátiam tuam in fide et caritaté confirma; ut in servítio tuo fidéles usque ad mortem inveníri mereámur. Per Dóminum.

Et fit Commemoratio præcedentis :

Ant. Sancti et justi et
 ✠. Pretiósá, ut supra. 848

Oratio Deus, qui nos, ut supra. 848

In II Nocturno

Lectio iv

Fidélis, in óppido Suéviæ Sigmaringa ex honesta Reyórum família natus, ab ineúnte ætáte singuláribus natúræ et grátiae donis ornátus præfúlsit. Egrégiam quippe sortítus índolem, morúmque óptima imbútus disciplína, dum Fribúrgi philosophiæ et juris utriúsque láuream eméruit, in schola étiam Christi ad perfectiónis ápicem sédulo virtútum exercítio conténdere cœpit. Nobílium exínde viró-

rum várias Európæ províncias lustrántium comes ascítus, eos ad christiánam pietátem sectándam, tam verbis quam opéribus, excitáre non déstitit. Quinímmo in eódem itinere crebris austeritatibus desidéria carnis mortificáre, ac ita seípsum régere stúduit, ut in tanta rerum vicissitúdine nullo umquam visus fúerit iræ motu perturbári. Juris prætérea et justitiæ strénuus propugnátor, post réditum in Germániam célebre sibi nomen acquisívit in advocáti múnere; in quo tamen cum fori perícula esset expértus, tutiorem æternæ salútis viam ingredi deliberávit, et supérna vocatióne illustrátus, paulo post órđini Seráphico inter fratres Minóres Capuccínos adscríbi pétiit.

✠. Lux perpétua lucébit Sanctis tuis, Dómine, * Et æternitas témporum, allelúja, allelúja. ✠. Lætítia sempitérna erit super cápita eórum : gáudium et exsultatiónem obtinébunt. — Et.

Lectio v

PIÆ petitiónis compos rédditus, mundi suique contéptor insígnis, in ipso statim tirocínio, magisque cum solémnis professiόνis vota in gáu-

dio spíritus Dómino nuncupáset, in regulári observántia ómnibus admiratióni fuit et exémplo. Oratióni máxime et sacris lítteris vacans, in verbi quoque ministério singulári grátia excéllens, nedum Cathólicos ad meliorem frugem, verum étiam heterodóxos ad veritátis cognitiónem attráxit. Plúribus in locis cœnóbii præfèctus constitútus, prudentia, justítia, mansuetúdine, discretiône et humilitátis laude, munus sibi demandátum exéruit. Arctíssimæ paupertátis zelátor egrégious, quidquid vel minus necessárium viderétur, a cœnóbio pénitus eliminávit. Inter austéra jejúnia, vigílias et flagélla salutári seípsum prósequens ódio, in álios amórem, quasi mater in filios, osténdit. Cum pestífera febris Austríacas militáres cópias dire afflígeret, ipse in extrémis infirmórum indigéntiis ad assídua caritátis officia toto spíritu incúbuit. In componéndis étiam animórum dissídiis, aliisque próximi necessitatibus sublevándis consílio et ópere ádeo præcláre se gessit, ut pater pátriæ merúerit appellári.

✠. In servis suis, allelúja, * Consolábitur Deus,

allelúja. ✠. Judicábit Dóminus pópulum suum, et in servis suis. — Consolábitur.

Lectio vi

DEíparæ Vírginis et rosárii cultor exímious, illíus præcípuè aliorúmque Sanctórum patrocínio a Deo postulávit, ut in cathólicæ fidei obséquium vitam sibi et ságuinem fúndere licéret. Cumque ardens hoc desidérium in quotidíana Sacri devóta celebratióne magis accenderétur, mira Dei providéntia factum est, ut fortis Christi athléta præses eligerétur illárum missiónum, quas Congregatió de Propagánda Fide pro Rhætia tunc témporis institúerat. Quod árduum munus prompto hilaríque ánimo suscípiens, tanto fervóre exsecútus est, ut plúribus hæréticis ad orthodóxam fidem convérsis, spes non móдика effúlsit totíus illíus gentis Ecclésiæ et Christo reconciliándæ. Prophetiæ dono præditus, futúras Rhætiæ calamitátes, suíque necem ab hæréticis inferéndam sápius prædíxit. Postquam vero insidiárum probe cóncius impendénti agóni se præparáset, die vigésima quarta Aprílis anno millésimo sexcentésimo vigésimo secúndo,

ad ecclésiám loci, Sevísium nuncupáti, se cóntulit; ubi ab hæréticis, qui pridie conversiónem simulántes, eum dolóse ad prædicándum invitáverant, concióné tumultuárie interrúpta, per vérbera ac vúlnera eidem crudéliter inflicta gloriósam mortem magno et álacri corde perpéssus, primitias Mártýrum memorátæ Congregatiónis próprio ságuine consecrávit; plúribus signis et miráculis exínde clarus, præsértim Cúriæ et Feldkírchii, ubi summa pópuli veneratióne illius reliquiæ asservántur.

✠. Fíliæ Jerúsalem, veníte et vidéte Mártýres cum corónis, quibus coronávit eos Dóminus * In die solemnitátis et lætitiæ, allelúja. ✠. Quóniam confortávit seras portárum tuárum, benedíxit filios tuos in te. — In. Glória Patri. In.

Pro hoc Festo simplicato

Lectio ix

Fidélis, in óppido Suévix Sigmarínga ex honésta Reyórum familia natus, célebre sibi nomen acquisívit in advocáti múnere; quo tamen, cum fori perícula esset expértus, déstitit, et, supérna vocatióne illustrátus, inter

fratres Minóres Capuccínos adscribi pétiit. Voti compos factus, regulári observántia ómnibus admiratióni fuit et exémplo. Deíparæ Víriginis et rosárii cultor exímíus, a Deo postulávit, ut pro cathólica fide martyr occúmberet, quod et consecútus est. Eléctus enim præses missiόνum, quas Congregátio de Propagánda Fide pro Rhætia tunc témporis institúerat, cum nulli labóri parcens plures hæréticos ad Christi fidem convertísset, malórum invidiam súbiit. Itaque die vigésima quarta Aprílis anno millésimo sexcentésimo vigésimo secúndo, ad ecclésiám loci, Sevísium nuncupáti, verbéribus ac vúlneribus cæsus ab hæréticis, qui conversiónem simulántes dolóse eum invitáverant, primitias Mártýrum memorátæ Congregatiónis próprio ságuine consecrávit.

Te Deum laudámus.

In III Nocturno Homilia in Ev. Ego sum vitis vera, de Communi Martyrum Tempore Paschali 1 loco. [77]

AD LAUDES

✠. Pretiósá in conspéctu.

Ad Bened. Ant. Fíliæ Jerúsalem, * veníte et vi-

déte Mártyres cum corónis, quibus coronávit eos Dóminus in die solemnitátis et lætitiæ, allelúja, allelúja.

Oratio

DEus, qui beátum Fidélem, seráphico spíritus ardóre succénsum, in veræ fidei propagatióne martýrii palma et glorió-

sis miráculis decoráre dignátus es : ejus, quæsumus, méritis et intercessióne, ita nos per grátiam tuam in fide et caritaté confírma; ut in servítio tuo fidéles usque ad mortem inveníri mereámur. Per Dóminum.

Vesperæ de sequenti, Commemoratio præcedentis.

DIE 25 APRILIS

Sancti Marci Evangelistæ

DUPLEX II CLASSIS

Omnia de Communi Evangelistarum Tempore Paschali [28] et [4], præter ea, quæ hic habentur propria.

Oratio

DEus, qui beátum Marcum Evangelistam tuum evangélicæ prædicationis grátia sublimásti : tribue, quæsumus; ejus nos semper et eruditiónē proficere, et oratióne deféndi. Per Dóminum.

Et fit Commemoratio præcedentis

Ant. Sancti et justi, in Dómino gaudéte, allelúja : vos elégit Deus in hereditatē sibi, allelúja.

❧. Pretiósā in conspéctu.

Oratio Deus, qui beátum Fidélem, ut supra,

In I Nocturno Lectiones Et factum est, de Communi Evangelistarum. [28]

In II Nocturno

Ex libro sancti Hierónymi Presbýteri de Scriptóribus ecclesiásticis

Lectio iv

Cap. 8



Arcus, discipulus et intérpres Petri, juxta quod Petrum referéntem audierat, rogátus Romæ a fratribus, breve scripsit Evangélium. Quod cum Petrus audísset, et probávit, et Ecclésiæ legéndum sua auctoritatē dedit. Assúpto itaque Evangélio quod ipse confecerat, perréxit in Ægyptum, et primus Alexan-

drīæ Christum annūntians, constituit ecclēsiā tantā doctrīnā et vitæ continētia, ut omnes sectatōres Christi ad exemplū sui cōgeret.

℟. Lux perpētua lucēbit Sanctis tuis, Dómine, * Et ætérnitas témporum, allelúja, allelúja. ℣. Lætítia sempitérna erit super cápita eórum : gáudium et exsultatiónem obtinébunt. — Et.

Lectio v

DEnique Philo, disertissimus Judæórum, videns Alexandriæ primam ecclēsiā adhuc judaizāntem, quasi in laudem gentis suæ, librum super eórum conversatiōne scripsit. Et quómodo Lucas narrat Jerosólymæ credentes ómnia habuisse comúnia : sic et ille, quod Alexandriæ sub Marco fieri doctóre cernēbat, memoriæ trádidit. Mórtuus est autem octávo Nerónis anno, et sepúltus Alexandriæ, succedēte sibi Aniáno.

℟. Virtúte magna reddēbant Apóstoli * Testimónium resurrectiōnis Jesu Christi Dómini nostri, allelúja, allelúja. ℣. Replēti quidem Spíritu Sancto, loquebántur cum fidúcia verbum Dei. — Testimónium.

De Expositiōne sancti Gregórii Papæ super Ezechiélem Prophétam

Lectio vi Hom. 3 Lib. 1

Sancta quátuor animália, quæ prophetiæ spírítu futúra prævidéntur, subtíli narratiōne describúntur, cum dicitur : Quátuor fácies uni, et quátuor pennæ uni. Quid per fáciem, nisi notítia; et quid per pennas, nisi volátus exprimitur? Per fáciem quippe unusquísque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplatió-nem. Per fidem namque ab omnipoténti Deo cognóscimur, sicut ipse de suis óvibus dicit : Ego sum pastor bonus, et cognósko oves meas, et cognóscunt me meæ. Qui rursus ait : Ego scio quos elégerim. Per contemplatió-nem vero, qua super nosmetípsos tóllimur, quasi in áera levámur.

℟. Isti sunt agni novélli, qui annuntiavérunt, allelúja : modo venérunt ad fontes, * Replēti sunt claritáte, allelúja, allelúja. ℣. In conspéctu Agni amícti sunt stolis albis, et palmæ in mánibus eórum. — Replēti. Glória Patri. Replēti.

In III Nocturno Homilia in
Ev. Designávit Dóminus, de
Communi Evangelistar. [31]

Oratio

DEus, qui beátum Mar-
cum Evangelístam tu-
um evangélicæ prædica-
tiónis grátia sublimásti :
tribue, quæsumus; ejus
nos semper et eruditíone
proficere, et oratíone de-
fèndi. Per Dóminum.

Hodie qui non intersunt
Processioni Litaniarum, di-
cant illas privatim post Lau-
des cum suis Precibus et
Orationibus [258] sine Psal-
mis Pœnitentialibus, etiam si
hoc Festum transferatur in
aliam diem.

Si Litaniae majores occur-
rant in die Paschæ, transfe-
rantur in Feriam III se-
quentem.

In Vesperis Commemoratio
sequentis.

Die 26 Aprilis
Ss. Cleti et Marcellini
Pontificum et Martyrum
Semiduplex [74]

Ant. Lux perpétua lucé-
bit Sanctis tuis, Dómine,
et ætérnitas témporum,
allelúja.

✠. Sancti et justi.

Oratio

Regem tuum, Pastor
ætérne, placátus in-
tènde : et per beátos Cle-
tum et Marcellinum Már-
tyres tuos atque Summos

Pontífices, perpétua pro-
tectióne custódi; quos to-
tíus Ecclésiæ præstitísti
esse pastóres. Per Dómi-
num.

In II Nocturno

Lectio iv



Cletus Románus, pa-
tre Æmiliáno, de
regióne quinta, e
vico Patrício, imperatóri-
bus Vespasiáno et Tito
Ecclésiám gubernávit. Is
ex præcépto Principis
Apostolórum in Urbe vi-
gínti quinque presbýteros
ordinávit. Primus in lítte-
ris verbis illis usus est :
Salútem et apostólicam
benedictiónem. Qui, Ec-
clésia óptime constitúta,
cum ei præfúisset annos
duódecim, menses septem,
dies duos, Domitiáno im-
peratóre, secúnda post
Nerónem persecutióne,
martýrio coronátus est, et
in Vaticáno juxta corpus
beáti Petri sepúltus.

✠. Lux perpétua lucébit
Sanctis tuis, Dómine, * Et
ætérnitas témporum, al-
lelúja, allelúja. ✠. Læti-
tia sempitérna erit super
cápita eórum : gáudium
et exsultatióem obtiné-
bunt. — Et.

Lectio v

Marcellínus Románus,
ab anno ducentésimo
nonagésimo sexto ad an-

num trecentésimum quartum in immáni imperatōris Diocletiāni persecutiōne Ecclesiæ præfuit. Multas pértulit angústias ob improbam eórum severitatem, qui eum redarguébant de nímia indulgéntia erga lapsos in idolatriam, quæque causa fuit, ut per calúmniā infamátus fúerit, quasi thus idólis adhibuísset. Verum hic beátus Póntifex in confessiōne fidei, una cum tribus áliis Christiānis, Cláudio, Cyríno et Antoníno, cápite plexus est. Quorum projécta cōrpora, cum trigínta sex dies jussu imperatōris sepultúra caruísset, beátus Marcéllus a sancto Petro in somnis admónitus, cum presbýteris et diáconis, hymnis et lumínibus adhibitis, honorífice sepeliéndā curávit in cœmetério Priscillæ via Salária. Rexit Ecclesiā annos septem, menses úndecim, dies vigínti tres; quo témpore fecit ordinatiōnes duas mense Decémbri, quibus creávit presbýteros quatuor, episcopos per diversa loca quinque.

℟. In servis suis, allelúja, * Consolábitur Deus, allelúja. ℣. Judicábit Dóminus pópulum suum, et in servis suis. — Consolábitur.

Sermo sancti Ambrósii Episcopi

Lectio vi

Sermo 22

Dignum et cōgruum est, fratres, ut post lætítiam Paschæ, quam in Ecclesiā celebrávimus, gáudia nostra cum sanctis Martýribus conferámus; et iis annuntiémus Domínicæ resurrectiōnis glóriam, qui consórtes sunt Domínicæ passiōnis. Qui enim sócii sunt contuméliæ, debent et partícipes esse lætítiæ. Ita enim dicit beátus Apóstolus: Sicut sócii passiōnum estis, et resurrectiōnis éritis; si tolerávimus, inquit, et conregnávimus. Qui ergo toleravérunt mala propter Christum, debent et glóriam habére cum Christo.

℟. Fíliæ Jerúsalem, veníte et vidéte Mártýres cum corónis, quibus coronávit eos Dóminus * In die solemnitátis et lætítiæ, allelúja. ℣. Quóniam confortávit seras portárum tuárum, benedíxit fílios tuos in te. — In. Glória Patri. In.

Pro hoc Festo simplicato

Lectio ix

Cletus Románu, imperatōribus Vespasiáno et Tito, Ecclesiā guber-

návit. Ex præcepto Principis Apostolorum in Urbe viginti quinque presbyteros ordinávit. Primus in litteris verbis illis usus est : Salútem et apostolicam benedictionem. Ecclesiá óptime constitúta, Domitiáno imperatóre, secúnda post Nerónem persecutióne, martýrio coronátus est et in Vaticáno juxta corpus beáti Petri sepúltus. Marcellínus Románus, in immáni imperatóris Diocletiáni persecutióne Ecclesiæ præfuit. Multas pértulit angústias ob improbam eórum severitátem, qui eum redarguébant de nímia indulgéntia erga lapsos in idolatriám, quæque causa fuit, ut per calúmniám infamátus fúerit, quasi thus idólis adhibuísset. Verum hic beátus Póntifex in confessióne fidei, una cum tribus aliis Christiánis, Cláudio, Cyríno et Antónino, cápite plexus est.

Te Deum laudámus.

In III Nocturno Homilia in Ev. Venit Jesus, de Communi unius vel plurium Summorum Pontificum. [33¹]

AD LAUDES

℣. Pretiósá in conspéctu.

Ad Bened. Ant. Fíliæ Jerúsalem, * veníte et vidéte Mártyres cum coronis, quibus coronávit eos Dómi-

nus in die solemnitátis et lætitiæ, allelúja, allelúja.

Oratio

Regem tuum, Pastor ætérne, placátus inténde, et per beátos Cle-tum et Marcellínus Mártyres tuos atque Summos Pontífices, perpétua protecti-óne custódi; quos totius Ecclesiæ præstitísti esse pastóres. Per Dóminum.

Vesperæ de sequenti, Commemoratio præcedentis.

¶ In omnibus novem Lectionum Officiis in Feriam II Rogationum incidentibus, dicitur ix Lectio de Homilia Feriæ, et de ea fit Commemoratio ad Laudes tantum, ante Commemorationem Festi simplicis forte occurrentis. Idem servatur in Officiis in Vigilia Ascensionis occurrentibus, nisi fuerint Duplicia I classis, in quibus nulla fit Commemoratio de Vigilia.

Die 27 Aprilis

S. Petri Canisii

Confessoris et Ecclesiæ
Doctoris

Duplex (m. t. v.) [111]

℣. Amávit eum Dóminus.

Ad Magnif. Ant. O Doctor óptime, Ecclesiæ sanctæ lumen, beáte Petre, divínæ legis amátor, deprecáre pro nobis Fílium Dei, allelúja.

Oratio

Deus, qui ad tuendam catholicam fidem beatum Petrum, Confessorem tuum, virtute et doctrina roborasti : concede propitius; ut ejus exemplis et monitis errantes ad salutem resipiscant, et fideles in veritatis confessione perseverent. Per Dominum.

Et fit Commemoratio praecedentis.

Ant. Sancti et justi in Domino gaudete, allelúja : vos elegit Deus in hereditatem sibi, allelúja.

✠. Pretiosa in conspectu.

Oratio Gregem tuum, ut supra. 856

In I Nocturno, si dicendae sint de Communi, Lectiones Sapientiam. [104]

In II Nocturno

Lectio iv

Etrus Canisius, Noviomagi in Gélria eo ipso anno natus est, quo Luthérus in Germania aperta rebellione ab Ecclesia descivit, et Ignatius de Loyola, in Hispania, terrestri militia abdicata, ad proelianda proelia Domini se convertit; Deo nimirum portendente, quos ille posthac adversarios, quem sacrae militiae ducem esset habiturus. Coloniae

Agrippinae, quo studiorum causa concesserat, perpetuo castitatis voto se Deo obstrinxit, et paulo post Societati Jesu nomen dedit. Sacerdotio auctus, catholicam fidem contra novatorum insidias legationibus, sermonibus, scriptis libris statim defendendam suscepit. Ob praecelaram sapientiam et exploratum rerum usum a Cardinali Augustano et a pontificiis Legatis magnopere expetitus, semel atque iterum Concilio Tridentino interfuit; cujus etiam decreta ex auctoritate Pii quarti Pontificis maximi rite per Germaniam promulganda et in morem inducenda curavit. A Paulo quarto ad conventum Petricoviensem ire jussus, aliisque a Gregorio decimo tertio legationibus obeundis adhibitus, alacri semper et numquam fracto difficultatibus animo, gravissima religionis negotia tractavit, ac vel inter praesentia vitae discrimina ad felicem exitum perduxit.

✠. Honestum fecit illum Dominus, et custodivit eum ab inimicis, et a seductoribus tutavit illum :

* Et dedit illi claritatem aeternam, allelúja. ✠. Justum deduxit Dominus per vias rectas, et ostendit

illi regnum Dei. — Et dedit illi claritatem æternam, allelúja.

Lectio v

Supérno caritátis igne, quem in Basílica Vaticána e penetrálibus Cordis Jesu olim copióse háuserat, inflammátus, et divínæ glóriæ amplificándæ únice inténtus, dici vix potest, quot, per annos ámplius quadragínta, labóres suscepit, æumnásque pertúlerit, ut complúres Germániæ civitatés ac províncias vel ab hæreseos contagióne deféndere, vel, hæresi inféctas, cathólicæ Fidei restitúeret. In Ratisbonénsi et in Augustáno convéntu impérii próceres ad jura Ecclésiæ tuénda et mores populórum emendándos excitávit : in Vormatiénsi insolescéntes impietátis magístros ad siléntium adégit. A sancto Ignátio Germániæ Superiórís provínciæ præféctus, domos et collégia multis locis cóndidit. Collégium Germánicum, Romæ constitútum, omni ope provéhere atque amplificáre stúduit; in academiis sacrárum humanarúmque disciplínarum stúdia, miserándum in modum collápsa, instaurávit; contra Centuriatóres Magdeburgénses duo volúmina egrégie con-

scripsit : et summam doctrínæ christiánæ, theologórum judício et públicotrium sæculórum usu ubique probatíssimam, alíaque complúra ad populórum institutiónem valde accommodáta in vulgus édedit. Quamóbrem, hæreticórum málleus et alter Germániæ apóstolus appellátus, plane dignus hábitus est, qui ad tutándam in Germánia religiónem divínitus eléctus putarétur.

✠. Amávit eum Dóminus, et ornávit eum; stolam glóriæ induit eum, * Et ad portas paradísi coronávit eum, allelúja.

✠. Induit eum Dóminus lorícam fidei, et ornávit eum. — Et.

Lectio vi

Inter hæc, precatióne crebra et assídua rerum supernárum commentatióne, lácrimis sæpe perfúsus et ánimo intérdum a sénsibus abdúcto, Deo se conjúngere sólitus erat. A viris princípibus vel sanctitate claríssimis et a quátuor Summis Pontíficibus magno in honóre hábitus, ádeo de se demísse sentiébat, ut se ómnium mínimum et diceret et habéret. Vindobonénssem episcopátum semel, íterum ac tértio recusávit.

Moderatōribus suis obsequentiſſimus, parātus erat ad ipſōrum nutum ōmnia relinquare aut āggredi, etiā cum valetūdinis et vitæ periculo. Voluntāria ſui ipſius coërcitiōne caſtitatem perpétuo ſepſit. Demum Friburgi Helvetiōrum, ubi plūrimum pro Dei glōria et ſalūte animārum ūltimis vitæ ſuæ annis deſudāverat, migrāvit ad Deum die vicēſima prima decēbris, anno millēſimo quingentēſimo nonagēſimo ſéptimo, ætātis ſuæ ſéptimo ſupra ſeptuagēſimum. Hunc vero ſtrēnum catholicæ veritātis propugnātorem Pius Papa nonus cælitum beatōrum honōribus adāuxit; novis autem fulgētem ſignis Pius undécimus, Pōntifex máximus, anno jubilæi, ſanctōrum número accēnsuit, ſimulque Doctōrem univerſalis Ecclēſiæ declarāvit.

✠. Iſte homo perfécit ōmnia quæ locūtus eſt ei Deus, et dixit ad eum : Ingrédere in réquiem meam :

* Quia te vidi iuſtum coram me ex ōmnibus gētibus, allelúja. ✠. Iſte eſt qui contēmpsit vitam mundi, et pervénit ad cæléſtia regna. — Quia.

Glória Patri. Quia.

Pro hoc Feſto ſimplificato

Lectio ix

Petrus Caniſius, Noviómagi in Gélria natus, ſtatim ac Societāti Jeſu nomen dēderat, catholicam fidem contra novatōrum inſidias, legatiōnibus, ſermónibus, ſcriptis libris defendēdam ſuſcepit. Divinæ glōriæ amplificāndæ ūnice intētus, dici vix poteſt, quot per annos āmplius quadraginta labōres ærumnāsque pertūlerit. Semel atque iterum Concílio Tridentino intērfuit, Germāniæ regiōnes bene multas peragrāvit, omne hōminum genus ſalubérrimis inſtitútis pūblice et privátim excóluit, complurēsque urbes atque provinciās vel ab hærēſeos contagiōne defēndit vel hærēſi inféctas catholicæ fidei reſtituit. A ſancto Ignátio Germāniæ Superiōris provinciæ præfécus, domos et collégia multis locis cōndidit. Contra Centuriatōres Magdeburgēſes duo egrégia volumina conſcrípsit, et ſummam doctrinæ chriſtiānæ, theologōrum iudicio et longo populōrum uſu probatiſſimam aliāque complúra in vulgus édedit; dignus proinde qui hæreticōrum málleus et alter Germāniæ apóstolus

vocarétur. Dénique Fri-
búrgi Helvetiòrum, sépti-
mum supra septuagési-
mum annum agens, die
vicésima prima decémbris
anno millésimo quingenté-
simo nonagésimo séptimo
quiévit in Dómino. Eum
Pius Papa undécimus San-
ctórum fastis adjúnxit et
simul Universális Ecclesiæ
Doctórem declarávit.

Te Deum laudámus.

In III Noeturno

Lectio sancti Evangelii
secúndum Matthæum

Lectio vii Cap. 5, 13-19

IN illo témpore : Dixit
Jesus discipulis suis :
Vos estis sal terræ. Quod
si sal evanúerit, in quo
saliétur? Et réliqua.

Homilía sancti Petri
Canísii Presbýteri

Notæ in Evangelia, in festo
S. Martini Ep., post initium

AMábo et colam mis-
sos a Christo Apó-
stolos horúmque
successóres in Evangelii
sémine spargéndo sédulos
et indeféssos propagánde
verbi cooperatóres, qui
jure testári possunt : Sic
nos existimet homo ut mi-
nistros Christi et dispen-
satóres mysteriórum Dei.
Vóluit enim Christus ut
vigilantíssimus ac fidelís-
simus paterfámias per

tales ministros ac legá-
tos lucérnam evangélicam
igne cælitus demísso ac-
céndi, et accénsam non
módio supponi, sed su-
per candelábrum constí-
tui, quæ suum splendórem
longe latéque diffúnderet
omnésque tum Judæórum
tum Géntium vigéntes té-
nebras et erróres profligáret.

✠. Iste est, qui ante
Deum magnas virtútes
operátus est, et de omni
corde suo laudávit Dómi-
num : * Ipse intercédát
pro peccátis ómnium po-
pulórum, allelúja. ✠. Ecce
homo sine queréla, verus
Dei cultor, ábstinens se
ab omni ópere malo, et
pérmanens in innocéntia
sua. — Ipse.

Lectio viii

ETenim evangélico Do-
ctóri sat non est, verbo
lucére pópulo, et vocem in
desérto clamántem præ-
stáre, multisque in pietáte
juvándis lingua óperam
dare, ne alióquin, si verbi
ministérium prætermíttat,
canis mutus non valens
latráre a prophéta dicátur.
Sed et ardére illum opór-
tet, ut, ópere atque cari-
táte instrúctus, munus
suum ornet evangélicum,
Paulúmque ducem sequá-
tur. Is quippe non contén-
tus Ephesiórum episcopo

demandâre : Præcipe hoc et doce : labôra sicut bonus miles Christi Jesu : constanter etiam apud amicos et inimicos evangelizavit, ac episcopis apud Ephesum colléctis bona dixit consciéntia : Vos scitis, quomodo nihil subtráxerim utilium, quominus annuntiárem vobis, et docérem vos públice et per domos, testificans Judæis atque Gentilibus in Deum pœniténtiam et fidem in Dóminum nostrum Jesum Christum.

R. In médio Ecclésiæ apéruit os ejus * Et implévit eum Dóminus spíritu sapiéntiæ et intelléctus, allelúja. **V.** Jucunditatem et exsultationem thesaurizávit super eum. — Et. **Glória Patri.** Et.

Feria II Rogationum, ix Lectio de Homilia Feriæ et fit ejus Commemoratio in Laudibus; alias

Lectio ix

TAlem enim pastórem decet esse in Ecclésia, qui, more Pauli, omnibus omnia fiat, ut in illo repériat æger curationem, mœstus lætítiam, despérans fidúciam, impéritus doctrinam, dúbius consílium, pœnitens véniam atque solátium, et quidquid tandem ad salútem est cuique necessárium. Quocirca pulchre Christus,

cum primários mundi Ecclesiæque doctóres constitúere vellet, non sat habuit Discípulis dicere : Vos estis lux mundi : sed etiam illud subjécit : Non potest civitas abscondi supra montem pósita, neque accéndunt lucérnam et ponunt eam sub módio, sed super candelábrum, ut lúceat omnibus qui in domo sunt. Errant enim opinántes ecclesiástæ, quod múnere suo doctrinæ splendóre magis quam vitæ integritáte et caritátis ardóre possint satisfácere. Te Deum laudámus.

AD LAUDES

V. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitutam, intra in gáudium Dómini tui, allelúja.

Oratio

DEus, qui ad tuéndam cathólicam fidem beátum Petrum, Confessórem tuum, virtúte et doctrína roborásti : concéde propítius; ut ejus exémples et mónitis errántes ad salútem resipíscant, et fidéles in veritátis confessióne perseverént. Per Dóminum.

Vesperæ a Capitulo de sequenti, Commemoratio præcedentis.

Die 28 Aprilis
S. Pauli a Cruce

Confessoris [111]

Duplex (m. t. v.)

Oratio

Domine Jesu Christe, qui, ad mystérium crucis prædicándum, sanctum Paulum singulári caritaté donásti, et per eum novam in Ecclesiá familiam floréscere voluísti : ipsius nobis intercessióne concéde; ut passiónem tuam júgiter recoléntes in terris, ejúsdem fructum cónsequi mereámur in cælis : Qui vivis.

Et fit Commem. præced. :

Ant. O Doctor óptime, Ecclesiæ sanctæ lumen, beáte Petre, divínæ legis amátor, deprecáre pro nobis Fílium Dei, allelúja.

✠. Justum dedúxit.

Oratio

Deus, qui ad tuéndam cathólicam fidem beátum Petrum, Confessórem tuum, virtúte et doctrína roborásti : concéde propítius; ut ejus exémpulis et mónitis errántes ad salutem resipíscant, et fidéles in veritátis confessióne perseverént. Per Dóminum.

Deinde Com. S. Vitalis Mart. :

Ant. Lux perpétua lucébit Sanctis tuis, Dómine,

et ætérnitas témporum, allelúja.

✠. Sancti et justi.

Oratio

C 3

Præsta, quæsumus, omnipotens Deus : ut, qui beáti Vitális Mártiris tui natalítia cólimus, intercessióne ejus in tui nóminis amóre roborémur. Per Dóminum.

In II Noeturno

Lectio iv



Aulus a Cruce, Uvádæ in Ligúria natus, sed e Castellátio prope Alexandríam Statiellórum nóbili génere oriúndus, qua futúrus esset sanctitáte clarus, inótnit miro splendóre, qui noctu implévit paríentis matris cubículum, et insígni augústæ cæli Regínæ beneficio, quæ púerum in flumen delápsus a certo naufrágio illæsum erípuit. A primo ratiónis usu Jesu Christi crucifixi amóre flagrans, ejus contemplatióni prolíxius vacáre cœpit, et carnem innocentíssimam vigíliis, flagéllis, jejúniis, potu in sexta féria ex acéto cum felle mixto, ac dura quavis castigatióne contérere. Martýrii desiderio incénsus, exercítui se adjúnxit, qui Venétiis, ad bellum Turcis inferéndum comparabátur; có-

gnita vero inter orándum Dei voluntáte, arma ultro réddidit, præstantióri militiæ óperam datúrus, quæ Ecclesiæ præsidio esse æternámque hóminum salutem procuráre totis víribus niterétur. Revérsus in pátriam, honestíssimis núptiis sibique deláta pátrui hereditáte recusátis, arctiorem iníre crucis sémitam ac rudi túnica a suo epíscopo índui vóluit. Tum ejus jussu, ob eminentem vitæ sanctimóniam et rerum divinárum sciéntiam, nondum cléricus, Domínicum agrum, máximo cum animárum fructu, divíni verbi prædicatióne excóluit.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem æternam, allelúja. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

Romam proféctus, theológicis disciplínis rite imbútus, a summo Pontífice Benedícto décimo tertio ex obediéntia sacerdotio auctus est. Facta sibi ab eódem potestáte aggregándi sócios, in solitúdinem recéssit Argentárii montis, quo eum beáta Virgo jamprídem invitá-

verat, veste illi simul osténsa atri colóris, passiónis Fílii sui insígnibus decoráta, ibíque fundaménta jecit novæ congregatiónis. Quæ brevi, plúrimis ab eo tolerátis labóribus, præcláris aucta viris, cum Dei benedictiône valde succrévit; a Sede apostólica non semel confirmáta, una cum régulis quas orándo ipse a Deo accéperat, et quarto áddito voto, pergrátam Domínicæ passiónis memóriam promovéendi. Sacras vírgines quoque instítuit, quæ excéssum caritátis divíni Sponsi sédulo meditaréntur. Hæc inter, animárum inexháusta aviditáte ab Evangélii prædicatióne numquam deficiens, hómines pene innúmeros, étiam perditíssimos aut in hæresim lapsos, in salutis trámitem addúxit. Præsertim Christi enarránda passióne, mirífica ejus oratiónis vis erat, qua una cum astántibus in fletum effúsus, quælibet obduráta corda ad pœniténtiam scindébat.

✠. Amávit eum Dóminus, et ornávit eum : stollam glóriæ índuit eum,
* Et ad portas paradísi coronávit eum, allelúja.
✠. Índuit eum Dóminus lorícam fidei, et ornávit eum. — Et.

Lectio vi

Tanta in ejus pectore aiebatur divina caritatis flamma, ut indusium quod erat cordi proprius, saepe veluti igne adustum, et binæ costulae elatae apparuerint. Sacrum praesertim faciens non poterat a lacrimis temperare: frequenti quoque extasi cum mira interdum corporis elevatione frui, vultuque superna luce radiante conspiciebatur. Quandoque, dum concionaretur, caelestis vox verba ei suggerentis audita fuit, aut sermo ejus ad plura millia passuum intonuit. Prophetiae et linguarum dono, cordium scrutatione, potestate in daemones, in morbos, in elementa enituit. Cumque ipsis summis Pontificibus carus ac venerandus esset, servum inutilem, peccatorem nequissimum, a daemoniis quoque conculcandum se judicabat. Tandem, asperimi vitae generis ad longam usque senectutem tenacissimus, anno millesimo septingentesimo septuagesimo quinto, cum praeclara monita, veluti sui spiritus transmissa hereditate, alumnis tradidisset, Ecclesiae sacramentis ac caelesti visione recreatus, Romae, qua praedixerat die, migravit in cae-

lum. Eum Pius nonus Pontifex maximus in Beatorum, novisque deinde fulgentem signis, in Sanctorum numerum retulit.

✠. Iste homo perfecit omnia quae locutus est ei Deus, et dixit ad eum: Ingredere in requiem meam:

* Quia te vidi justum coram me ex omnibus gentibus, alleluja. ✠. Iste est, qui contempsit vitam mundi, et pervenit ad caelestia regna. — Quia. Gloria Patri. Quia.

Pro hoc Festo simplificato

Lectio ix

Paulus a Cruce, Uvadae in Liguria natus, a primo rationis usu, Jesu Christi crucifixi amore flagravat. Martirii desiderio incensus, exercitui se adjunxit, qui Venetiis ad bellum Turcis inferendum comparabatur. Cognita vero Dei voluntate, honestissimis nuptiis sibique delata patrii hereditate recusatis, rudi tunica a suo episcopo indutus, nondum clericus, Dominicum agrum divini verbi praedicatione excoluit. Romae a summo Pontifice Benedicto decimo tertio ex obedientia sacerdotio auctus, in solitudinem recessit Argentario montis, quo eum beata Virgo jampridem

invitáverat, veste illi simul osténsa atri colóris passiónis Fílii sui insígnibus decoráta, ibíque fundaménta jecit novæ congregatiónis, cujus sodáles voto adstringeréntur Domínicæ passiónis memóriam promovéndi. Sacras vírgines quoque instituit, quæ Dómini passiónem sédulo meditaréntur. Prædicatióne, virtútibus et divínis charismátibus clarus, Romæ obdormívit in Dómino, anno millésimo septingentésimo septuagésimo quinto. Eum Pius nonus Póntifex máximus in Beatórum, dein in Sanctórum númerum rétulit.

Te Deum laudámus.

In III Nocturno Homilia in Ev. Designávit Dóminus, de Communi Evang., cum Responsoriis de Communi Conf. non Pont. ibi notatis. [31]

Feria II Rogationum ix Lectio de Homilia Feriæ, alias

Pro S. Vitale Martyre

Lectio ix

Vitális miles, sanctórum Gervásii et Protásii pater, una cum Paulíno júdice Ravénnam ingrédessus, cum vidísset Ursicínium médicum, ob christiánæ fidei confessiónem ductum ad supplicium, páululum in torméntis titubáre, exclamávit : Ursicíne médice, qui álios

curáre sólitus es, cave ne te mortis æternæ jáculo conficias. Qua voce confirmátus Ursicínus, martýrium fórtiter subívit. Quare Paulínus incénsus Vitálem comprehénderi jubet, et equúleo tortum atque in profúndam fóveam demérsus, lapídbus óbrui. Quo facto quidam Apóllinis sacerdos, qui Paulínus in Vitálem incitárat, opprèssus a dæmone, clamáre cœpit : Tu me nímium, Vitális, Christi Martyr, incéndis; et illo æstu jactátus, se præcipitávit in flumen.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui, allelúja.

Oratio

Domine Jesu Christe, qui ad mystérium crucis prædicándum, sanctum Paulum singulári caritáte donásti, et per eum novam in Ecclesiá familiam floréscere voluísti : ipsíus nobis intercessióne concéde; ut passiónem tuam júgiter recoléntes in terris, ejúsdem fructum cónsequi mereámur in cælis : Qui vivis.

Post Com. Feriæ in II Rogationum, Com. S. Vitalis Martyris :

Ant. Fíliæ Jerúsalem, veníte et vidéte Mártýres cum corónis, quibus coronávit eos Dóminus in die solemnitátis et lætitiæ, allelúja, allelúja.

✠. Pretiósá in conspéctu.

Oratio

C 3

PRæsta, quæsumus, omnípotens Deus : ut, qui beáti Vitális Mártýris tui natalítia cólimus, intercessióne ejus in tui nóminis amóre roborémur. Per Dóminum.

Vesperæ a Capitulo de sequenti, Commem. præcedentis.

Die 29 Aprilis

S. Petri

Martyris Duplex [74]

✠. Sancti et justi.

Ad Magnif. Ant. Lux perpétua * lucébit Sanctis tuis, Dómine, et ætéritas témporum, allelúja.

Oratio

PRæsta, quæsumus, omnípotens Deus : ut beáti Petri Mártýris tui fidem cóngrua devotióne sectémur; qui, pro ejúsdem fidei dilatatióne, mártýrii palmam méruit obtinére. Per Dóminum.

Et fit Commem. præced. :

Ant. Hic vir, despiciens mundum et terréna, triúmphans, divítias cælo cóndidit ore, manu, allelúja.

✠. Justum dedúxit.

Oratio

Domine Jesu Christe, qui ad mystérium crucis prædicándum, sanctum Paulum singulári caritaté donásti, et per eum novam in Ecclésia famíliam floréscere voluísti : ipsíus nobis intercessióne concéde; ut passiónem tuam júgiter recoléntes in terris, ejúsdem fructum cónsequi mereámur in cælis : Qui vivis.

In II Nocturno

Lectio iv



PEtrus, Verónæ paréntibus Manichæórum háresi inféctis natus, ab ipsa pene infántia contra háereses pugnávit. Puer annórum septem, cum scholas frequentáret, aliquándo a pátruo hærético interrogátus quid tandem in iis didicísset, cristiánæ fidei sýmbolum se didicísse respóndit; neque ullis umquam patris patrúive blandítiis aut minis a fidei constántia dimovéri pótuit. Adoléscens Bonóniam studiórum causa venit; ubi, a Spíritu Sancto ad sublimiórís vitæ

formam vocátus, órdis Prædicatórum institútum suscepit.

℟. Lux perpétua lucébit Sanctis tuis, Dómine, * Et ætéritas téporum, allelúja, allelúja. ℣. Lætítia sempitérna erit super cá-pita eórum : gáudium et exsultatiónem obtinébunt. — Et.

Lectio v

Magno virtútum splendóre in religióne elúxit : corpus et ánimus ab omni impuritáte ita custodívit, ut nullíus mortíferi peccáti labe se inquinátum umquam sénserit. Carnem jejúniis et vigíliis macerábat; mentem divínis contemplatiónibus exercébat. In salúte animárum procuránda assídue versabátur; peculiáris grátiae dono hæ-réticos ácritèr confutábat. Tantam in concionándo vim hábuit, ut innumerábilis hóminum multitúdo ad eum audiéndum conflúeret, multique ad pœniténtiam converteréntur.

℟. In servis suis, allelúja, * Consolábitur Deus, allelúja. ℣. Judicábit Dóminus pópulum suum, et in servis suis. — Conso-lábitur.

Lectio vi

Tanto fidei ardóre incénsus erat, ut pro ea mortem subíre optáret, eámque a Deo grátiam

eníxe precarétur. Itaque hæ-rétici necem, quam is paulo ante concionádo prædixerat, illi intulérunt. Nam cum sanctæ Inquisitiónis munus géreret, illum Como Mediolánum redeúntem impius sicárius semel atque íterum in cá-pite gládio vulnerávit; jamque pene mórtuus, sýmbolum fidei, quam infans viríli fortitúdine conféssus fúerat, in ipso suprémo spírítu pronuntiávit; iterúmque látera mucróne transverberátus, ad martýrii palmam migrávit in cælum, anno salútis millésimo ducentésimo quinquagésimo secúndo. Quem multis illústrem miráculis Innocéntius quartus anno sequénti sanctórum Mártyrum número adscripsit.

℟. Fíliæ Jerúsalem, veníte et vidéte Mártyres cum corónis, quibus coronávit eos Dóminus * In die solemnitátis et lætítiae, allelúja. ℣. Quóniam confortávit seras portárum tuárum, benedíxit filios tuos in te. — In. Glória Patri. In.

Pro hoc Festo simplificato

Lectio ix

Petrus, Verónæ paréntibus Manichæórum hæ-resi inféctis natus, ab ipsa

pene infántia contra háereses pugnávit, nullis umquam patris patruíve blandítiis a fidei constántia dimótus. Adoléscens Bonóniam studiórum causa venit, ibíque órdis Prædicatórum institútum suscepit; in quo et magno virtútum splendóre, præcípue córporis animæque puritáte nullo umquam letháli peccáto foedáta, et miro pœniténtiæ et contemplatiónis stúdio excélluit. In salútem animárum procurándam máximo cum fructu incúbuit, tanto fidei ardóre incensus, ut pro ea mortem subeúndi grátiam a Deo precarétur; quam et obtínuit. Nam cum sanctæ Inquisitiónis munus gerens Como Mediolánum redíret, ab ímpio sicário in cápite gládio est vulnerátus; jamque pene mórtuus, sýmbolum fidei, quam ab infántia virili fortitúidine defénderat, in ipso suprémó spírítu pronúntians, ad palmam mártýrii evolávit, anno salutis millésimo ducentésimo quinquagésimo secúndo. Quem Innocéntius quartus, anno sequénti, sanctórum Mártýrum número adscrípsit.

Te Deum laudámus.

In III Nocturno Homilia in
Ev. Ego sum vitis vera, de

Comm. Martyrum Tempore
Paschali 1 loco. [77]

Feria II Rogationum et in
Vigilia Ascensionis ix Lectio
de Homilia Feriæ et fit ejus
Commemoratio ad Laudes.

AD LAUDES

✠. Pretiósá in conspéctu.

Ad Bened. Ant. Fíliæ Jerúsalem, * veníte et vidéte Mártýres cum corónis, quibus coronávit eos Dóminus in die solemnitátis et lætítiæ, allelúja, allelúja.

Oratio

PRæsta, quæsumus, omnípotens Deus : ut beáti Petri Mártýris tui fidem cóngrua devotióne sectémur; qui, pro ejúsdem fidei dilatatióne, mártýrii palmam mérui obtinére. Per Dóminum.

Vesperæ a Capitulo de sequenti, Commem. præcedentis.

Die 30 Aprilis

S. Catharinæ Senensis
Virginis Duplex [129]

✠. Spécie tua et.

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum, allelúja.

Oratio

DA, quæsumus, omnipotens Deus : ut, qui beatæ Catharinæ Virginis tuæ natalitia cõlimus : et annua solemnitâte lætémur, et tantæ virtutis proficiámus exémplo. Per Dóminum.

Et fit Commemoratio præcedentis :

Ant. Sancti et justí, in Dómino gaudéte, allelúja : vos elégit Deus in hereditatém sibi, allelúja.

℟. Pretiõsa in conspéctu.

Oratio Præsta quæsumus, **ut supra. 868**

In II Nocturno

Lectio iv

CAtharina virgo Senensis, piis orta paréntibus, beáti Domínici hábitum quem Soróres de Pœniténtia gestant, impetrávit. Summa ejus fuit abstinéntia et admirábilis vitæ austéritas. Invénta est aliquándo a die Cínerum usque ad Ascensiónem Dómini jejúnium perduxísse, sola Eucharístiæ communióne conténta. Luctabátur quam frequentíssime cum dæmónibus, multísque illórum moléstis vexabátur; æstuábat fébribus, nec aliórum morbórum

cruciátu carébat. Magnum et sanctum erat Catharinæ nomen, et úndique ad eam ægróti et malignis vexáti spiritibus deducebántur. Languóribus et fébribus in Christi nómine imperábat, et dæmones cogébat ab obséssis abíre corpóribus.

℟. Propter veritátem, et mansuetúdinem, et justítiam : * Et dedúcet te mirabíliter dextera tua, allelúja. ℟. Spécie tua et pulchritúdine tua inténde, prospere procéde, et re-gna. — Et.

Lectio v

CUM Pisis immorarétur, die Domínico, refécta cibo cælésti et in éxtasim rapta, vidit Dóminum crucifíxum magno cum lúmine adveniéntem, et ex ejus vúlnerum cicatrícibus quinque rádios ad quinque loca sui córporis descendentes; ideóque, mystérium advértens, Dóminum precáta ne cicatríces apparérent, contínuo rádii colórem sanguíneum mutavérunt in spléndidum, et in formam puræ lucis pervenérunt ad manus, pedes et cor ejus; ac tantus erat dolor quem sensibíliter patiebátur, ut nisi Deus minúisset, brevi se créderet moritúram. Hanc itaque grátiam amantíssi-

mus Dóminus nova grátia cumulávit, ut sentíret dolórem illápsa vi vúlnerum, et cruénta signa non apparérent. Quod ita contígisse cum Dei fámula confessário suo Raymúndo retulísset, ut óculis étiam repræsentarétur, rádios in imaginibus beátæ Catharínæ ad dicta quinque loca pertingéntes, pia fidélium cura pictis colóribus exprésit.

R. Dilexísti justítiam, et odísti iniquitátem : * Proptérea unxit te Deus, Deus tuus, óleo lætítiæ, allelúja. **V.** Propter veritátem, et mansuetúdinem, et justítiam. — Proptérea.

Lectio vi

Doctrína ejus infúsa, non acquisíta fuit; sacrárum litterárum professoribus difficíllimas de divinitáte quæstiões proponéntibus respóndit. Nemo ad eam accéssit, qui non mélior abserit : multa exstínxit ódia, et mortáles sedávit inimicítias. Pro pace Florentinórum, qui cum Ecclesiá dissidébant et interdícto ecclesiástico suppósiti erant, Aveniónem ad Gregórium undécimum Pontíficem máximum profécta est. Cui étiam votum ejus de peténda Urbe, soli Deo

notum, sese divínitus cognovísse monstrávit : de liberavítque Póntifex, ea étiam suadénte, ad Sedem suam Románam personáliter accédere; quod et fecit. Eídem Gregório et Urbáno sexto ejus succésóri acceptíssima fuit, ádeo ut legatiónibus eórum fungerétur. Dénique post innúmera virtútum insígnia, dono prophetiæ et plúribus clara miráculis, anno ætátis suæ tértio circiter et trigésimo, migrávit ad Sponsum. Quam Pius secúndus Póntifex máximus sanctárum Virginum número adscrípsit.

R. Afferéntur regi vírgines post eam, próximæ ejus * Afferéntur tibi in lætítia et exsultatióne, allelúja. **V.** Spécie tua et pulchritúdine tua inténde, prospere procéde, et regna. — Afferéntur tibi. **Gloría Patri.** Afferéntur tibi.

Pro hoc Festo simplificato

Lectio ix

Catharina virgo Senensis, piis orta paréntibus, beáti Domínici hábitum quem Soróres de Pœniténtia gestant, imetrávit. Summa ejus fuit abstinéntia et admirábilis vitæ austéritas. Cum Pisis morarétur, die Domí-

nico, refecta cibo cælesti et in éxtasim rapta, vidit Dóminum crucifixum magno cum lúmine adveniéntem, et ex ejus vúlnerum cicatricibus quinque rádios ad quinque loca sui córporis descendéntes. Mystérium advértens, Dóminum precáta, ne cicatríces apparérent, continuo rádii, colóre sanguíneo mutáto in spléndidum, in formam puræ lucis pervénérunt ad manus, pedes et cor ejus. Tantus vero erat dolor quem sensibíliter patiebátur, licet vúlnerum cruénta signa non apparérent, ut nisi Deus minuísset, brevi se créderet moritúram. Doctrína ejus infúsa, non acquisíta fuit. Aveniόνem ad Gregórium Papam undécimum profecta, illi votum ejus de peténda Urbe, soli Deo notum, sese divínitus cognovísse monstrávit, et auctor fuit ut Póntifex ad Sedem Románam personáliter accéderet. Anno ætátis suæ tértio circiter et trigésimo migrávit ad Sponsum. Quam Pius se-

cúndus sanctárum Vírginum número adscrípsit.
Te Deum laudámus.

In III Nocturno Homilia in Ev. Símile erit regnum cælórum, **de Comuni Virginum** 1 loco. [141]

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

✠. Diffúsa est grátia.

Ad Bened. Ant. Símile est regnum cælórum * hómini negotiátóri quærénti bonas margarítas : invénta una pretiósa, dedit ómnia sua, et comparávit eam, allelúja.

Oratio

DA, quæsumus, omnipotens Deus : ut, qui beatæ Catharinæ Vírginis tuæ natalítia cólimus; et ánnua solemnitáte lætémur, et tantæ virtútis proficiámus exémplo. Per Dóminum.

Vesperæ de Ss. Apostolis Philippo et Jacobo ut infra.
901 **Commemoratio præcedentis.**

FERIA IV INFRA HEBDOM. II POST OCT. PASCHÆ

In Solemnitate S. Joseph
Sponsi B. M. V.

Conf. et Ecclesiæ universalis Patroni

DUPLEX I CLASSIS CUM OCTAVA COMMUNI

IN I VESPERIS

Ant. 1 Jacob autem * genuit Joseph, virum Mariæ, de qua natus est Jesus, qui vocatur Christus, allelûja.

Psalmi ut in I Vesperis
de Communi Apostolorum
Tempore Paschali. [4]

2 Missus est * Angelus Gábriel a Deo in civitatem Galilææ, cui nomen Náza-reth, ad Vírginem desponsatam viro, cui nomen erat Joseph, allelûja.

3 Ascéndit autem * Joseph a Galilæa de civitate Náza-reth in Judæam, in civitatem David, quæ vocatur Béthlehem, allelûja.

4 Et venérunt festinantes, * et invenérunt Mariam, et Joseph, et Infántem positum in præsepio, allelûja.

5 Et ipse Jesus * erat incipiens quasi annorum triginta, ut putabatur, fílius Joseph, allelûja.

Capitulum Gen. 49, 26

Benedictiones patris tui confortatæ sunt benedictionibus patrum ejus, donec veniret Desiderium cõllium æternorum : fiant in capite Joseph, et in vertice Nazaræi inter fratres suos.

Hymnus

TE, Joseph, celebrent
ægmina cælitum,
Te cuncti résonent christi-
fadum chori,
Qui clarus méritis, junctus
es inclytæ
Casto fœdere Virgini.

Almo cum túmidam gér-
mine cónjugem
Admírans, dubio tangeris
ánxius,
Afflátu súperi Fláminis
Angelus
Concéptum Púerum docet.

Tu natum Dóminum strin-
gis, ad éxteras
Ægýpti prófugum tu sé-
queris plagas;
Amíssum Sólymis quæris,
et invenis,
Miscens gáudia flétibus.

Post mortem réliquos sors
pia cónsecrat,
Palmámque eméritos gló-
ria súscipit :
Tu vivens, Súperis par,
frúeris Deo,
Mira sorte beátior.

Nobis, summa Trias, parce
precántibus,
Da Joseph méritis sídera
scándere;
Ut tandem líceat nos tibi
pérpetim
Gratum prómere cánti-
cum. Amen.

V. Constituit eum dómi-
num domus suæ, allelúja.

R. Et príncipem omnis
possessiónis suæ, allelúja.

Ad Magnif. Ant. Cum
esset desponsáta * Mater
Jesu María Joseph, ánte-
quam convenírent, in-
vénta est in útero habens
de Spíritu Sancto, allelúja.

Oratio

Deus, qui ineffábili pro-
vidéntia beátum Jo-
seph sanctíssimæ Geni-
trícis tuæ sponsum elígere
dignátus es : præsta, quæ-
sumus; ut, quem prote-
ctórem venerámur in ter-
ris, intercessórem habére
mereámur in cælis : Qui
vivis et regnas.

Completorium de Dominica.

AD MATUTINUM

Invitat. Laudémus Deum
nostrum * In veneratióne

beáti Joseph, protectóris
nostri, allelúja. **Ps. 94** Ve-
níte, exsultémus. 3

Hymnus Te, Joseph, cé-
lebrent, **ut supra. 872**

In I Nocturno

Ant. Angelus Dómini *
appáruit in somnis Joseph,
dicens : Surge, et áccipe
Púerum et Matrem ejus,
et fuge in Ægýptum; et
esto ibi usque dum dicam
tibi, allelúja.

**Psalmi trium Nocturnorum
de Communi Confessoris
Pontificis. [87]**

V. Confitébor nómini
tuo, allelúja. **R.** Quóniam
adjútor et protectór factus
es mihi, allelúja.

De libro Génesis

Lectio i **Cap. 39, 1-6**



Agitur Joseph ductus
est in Ægýptum,
emítque eum Pú-
tiphar eunúchus pharaó-
nis, princeps exercitus,
vir Ægýptius, de manu
Ismaelitárum, a quibus
perductus erat. Fuitque
Dóminus cum eo, et erat
vir in cunctis prospere
agens : habitavitque in
domo dómini sui, qui
óptime nóverat Dóminum
esse cum eo, et ómnia quæ
géret, ab eo dírigi in
manu illius. Invenítque
Joseph grátiam coram dó-
mino suo, et ministrábat
ei : a quo præpósitus óm-

nibus gubernábat créditam sibi domum et universa quæ ei tradita fuerant; benedixitque Dóminus dómui Ægýptii propter Joseph, et multiplicávit tam in ædibus quam in agris cunctam ejus substantiam; nec quidquam aliud nóverat, nisi panem quo vescebátur. Erat autem Joseph pulchra fácie et decórus aspéctu.

✠. Clamávit pópulus ad regem, aliménta petens;
* Quibus ille respóndit: Ite ad Joseph, allelúja. ✠. Salus nostra in manu tua est: respice nos tantum, et læti serviémus regi. — Quibus.

Lectio ii Cap. 41, 37-40

PLácuit pharaóni consilium, et cunctis ministris ejus; locútusque est ad eos: Num inveníre poterimus talem virum, qui Spíritu Dei plenus sit? Dixit ergo ad Joseph: Quia osténdit tibi Deus ómnia quæ locútus es, numquid sapientiorem et consimilem tui inveníre pótero? Tu eris super domum meam, et ad tui oris impérium cunctus pópulus obédiet; uno tantum regni sólio te præcedam. Dixitque rursus phárao ad Joseph: Ecce constitui te super universam terram Ægýpti. Tulitque ánnulum de manu sua, et dedit

eum in manu ejus; vestitque eum stola býssina, et collo torquem áuream circumpósuit. Fecitque eum ascéndere super currum suum secúndum, clamánte præcone ut omnes coram eo genuflécterent et præpósitum esse scirent univérsæ terræ Ægýpti.

✠. Fecit me Deus quasi patrem regis, et dóminum univérsæ domus ejus:
* Exaltávit me, ut salvos fáceret multos pópulos, allelúja. ✠. Veníte ad me, et ego dabo vobis ómnia bona Ægýpti, ut comedátis medúllam terræ. — Exaltávit.

Lectio iii

DIxit quoque rex ad Joseph: Ego sum phárao: absque tuo império non movébit quisquam manum aut pedem in omni terra Ægýpti. Vertitque nomen ejus, et vocávit eum lingua Ægyptiaca Salvatórem mundi. Deditque illi uxórem Aseth, filiam Putipháre sacerdotis Heliopóleos. Egréssus est itaque Joseph ad terram Ægýpti (triginta autem annórum erat quando stetit in conspéctu regis pharaónis), et circúvit omnes regiones Ægýpti. Venitque fertilitas septem annórum: et in manípulos redáctæ

ségetes congregatæ sunt in hórrea Ægýpti. Omnis étiam frugum abundántia in singulis úrbibus cóndita est. Tántaque fuit abundántia tritici, ut arénæ maris coæquarétur, et cópia mensúram excéderet.

✠. Jam lætus móriar, quia vidi faciém tuam, et supérstitem te relínquo. Non sum fraudátus aspéctu tuo : * Insuper osténdit mihi Dóminus semen tuum, allelúja. ✠. Qui pascit me ab adolescéntia mea, benedícat púeris istis, et invocétur super eos nomen meum. — Insuper. Glória Patri. Insuper.

In II Nocturno

Ant. Angelus Dómini * apparuit in somnis Joseph, dicens : Surge, et accipe Púerum et Matrem ejus, et vade in terram Israëli; defúnti sunt enim qui quærébant ánimam Púeri, allelúja.

✠. Réspice de cælo, et vide, et vísita víneam istam, allelúja. ✠. Et pérfice eam, allelúja.

Sermo sancti Bernardíni Senénsis

Sermo de S. Joseph

Lectio iv



Mnium singulárium gratiárum alicui rationábili creatúræ communicátarum ge-

nerális régula est, quod, quandocúmque divína grátia éligit áliquem ad áliquam grátiam singulárem, seu ad áliquem sublímem statum, ómnia charísmata donet, quæ illi persónæ sic eléctæ et ejus officio necessária sunt, atque illam copióse decórant. Quod máxime verificátum est in sancto Joseph, putatívo patre Dómini nostri Jesu Christi, et vero sponso Regínæ mundi et Dóminæ Angelórum; qui ab ætérno Patre eléctus est fidélis nutritius atque custos principálium thesaurórum suórum, scilicet Filii ejus et Sponsæ suæ : quod officium fidelíssime prosecútus est. Cui proptérea Dóminus ait : Serve bone et fidélis, intra in gáudium Dómini tui.

✠. Dedísti mihi protectionem salútis tuæ et dextera tua suscepit me : * Protéctor meus et cornu salútis meæ et susceptor meus, allelúja. ✠. Ego protéctor tuus sum et merces tua magna nimis. — Protéctor.

Lectio v

SI cómpares eum ad totam Ecclésiám Christi, nonne iste est homo eléctus et speciális, per quem et sub quo Christus est ordináte et honéste intro-

dúctus in mundum? Si ergo Vírgini Matri tota Ecclésia sancta débitrix est, quia per eam Christum suscipere digna facta est; sic profecto post eam huic debet grátiam et reveréntiam singulárem. Ipse enim est clavis véteris Testaménti, in qua patriarchális et prophétális dígnitas promíssum conséquitur fructum. Porro hic est solus, qui corporáliter possédit, quod eis divína dignátio repromísit. Mérito igitur figurátur per illum patriárcham Joseph, qui pópulis fruménta servávit. Sed et hic illum præcéllit, quia non solum Ægýptiis panem corporális vitæ, sed ómnibus eléctis Panem de cælo, qui cælestem vitam tribuit, cum multa sollértia enutrivit.

✠. Státuet filios suos sub tégmine illíus et sub ramis ejus morábitur; protegétur sub tégmine illíus a fervóre : * Et in glória ejus requiescet, allelúja.

✠. Speráte in eo, omnis congregátio pópuli, effúndite coram illo corda vestra. — Et.

Lectio vi

Profecto dubitándum non est, quod Christus familiaritatem, reveréntiam atque sublimís-

simam dignitatem, quam illi exhibuit, dum ágeret in humánis, tamquam fílius patri suo, in cælis útique non negávit, quin pótius complévit et consummávit. Unde non imérito in verbo propósito a Dómino subinfértur : Intra in gáudium Dómini tui. Unde, licet gáudium æternæ beatitúdinis in cor hóminis intret, máluit tamen Dóminus ei dicere, Intra in gáudium; ut mýstice innuátur, quod gáudium illud non solum in eo sit intra, sed úndique illum circúmdans et absorbens, et ipsum velut abyssus infinita submergens. Meménto igitur nostri, beáte Joseph, et tuæ oratiónis suffrágio apud tuum putatívum Fílium intercède; sed et beatíssimam Vírginem sponsam tuam nobis propítiam rede, quæ Mater est ejus, qui cum Patre et Spíritu Sancto vivit et regnat per infinita sæcula sæculórum. Amen.

✠. Si consistant advérsus me castra, non timebit cor meum : * Si exsúrgat advérsus me prælium, in hoc ego sperábo, allelúja. ✠. In te cantátio mea semper, quóniam tu adjútor fortis. — Si exsúrgat. Glória Patri. Si exsúrgat.

In III Nocturno

Ant. Consúrgens Joseph, * accépit Púerum et Matrem ejus, et venit in terram Israël; et habitávit in civitatē, quæ vocátur Náza-reth, allelúja.

✠. Invocávi Dóminum, Patrem Dómini mei, allelúja. ✠. Ut non derelínquat me in die tribulatió-nis, allelúja.

Lectio sancti Evangélii
secúndum Lucam

Lectio vii Cap. 3, 21-23

IN illo témpore : Factum est autem cum baptizárétur omnis pópulus, et Jesu baptizáto et oránte, apértum est cælum. Et réliqua.

Homilía sancti Augustíni
Epíscopi

Liber 2 de Consensu Evang.



Aniféstum est illud quod ait, Ut putabátur filius Joseph, propter illos dixísse, qui eum ex Joseph, sicut álii hómines nascúntur, natum arbitrántur. Quos autem movet, quod álios progenitóres Matthæus enúmerat, descéndens a David usque ad Joseph, álios autem Lucas, ascéndens a Joseph usque ad David; fá-cile est, ut advértant duos patres habére potuisse Joseph :

unum a quo génitus, álte-rum a quo fúerit adoptá-tus. Antíqua est enim consuetúdo adoptándi étiam in illo pópulo Dei, ut sibi filios fácerent, quos non ipsi genuís-sent. Unde intellígitur Lucas patrem Joseph, non a quo génitus, sed a quo fúerat adoptá-tus, suscepísse in Evan-gélio suo, cujus progenitóres sursum versus com-mémorat, donec exíret ad David.

✠. Joseph, fili David, noli timére accípere Ma-riám cónjugem tuam; quod enim in ea natum est, de Spíritu Sancto est; páriet autem filium, * Et vocábis nomen ejus Jesum, allelúja. ✠. Ipse enim salvum fáci-et pópulum suum a peccátis eórum. — Et.

Lectio viii

CUM enim necesse sit, utróque Evangelísta vera narránte, et Matthæo scilicet et Luca, ut unus eórum ejus patris origi-nem tenéret qui genúerat, alter ejus qui adoptáverat Joseph; quem probabílius intellígimus adoptántis originem tenuísse quam eum, qui nóluit Joseph génitum dícere ab illo cu-jus eum filium esse nar-rábat? Matthæus autem dicens, Abraham genuit Isaac, Isaac genuit Jacob,

atque ita in hoc verbo, quod est, Génuit, perseverans, donec in último diceret, Jacob autem génuit Joseph; satis expressit ad eum patrem se perduxísse originem generántium, a quo Joseph non adoptátus, sed génitus erat.

℟. Surge, et áccipe Púerum et Matrem ejus, et fuge in Ægýptum; * Et esto ibi usque dum dicam tibi, allelúja. ℣. Ut adimplerétur quod dictum est a Dómino per prophétam dicéntem : Ex Ægýpto vocávi Fílium meum. — Et. Glória Patri. Et.

Lectio ix

QUamquam si étiam Lucas génitum diceret Joseph ab Heli, nec sic nos hoc verbum perturbáre debéret, ut áliud crederémus quam ab uno Evangelísta gignéntem, ab áltero adoptántem patrem fuisse commemorátum. Neque enim absúrde quisque dicitur non carne sed caritáte genuísse, quem fílium sibi adoptáverit. At vero étiam nos, quibus dedit Deus potestátem fílios ejus fieri, de natúra atque substántia sua non nos génuit, sicut únicum Fílium, sed útique dilectióne adoptávit.

Te Deum laudámus.

AD LAUDES

et per Horas, Añæ

1 Jacob autem * génuit Joseph, virum Mariæ, de qua natus est Jesus, qui vocátur Christus, allelúja.

Psalmi de Domin. 1 loco. 49

2 Missus est * Angelus Gábriel a Deo in civitátem Galilææ, cui nomen Náza-reth, ad Vírginem desponsátam viro, cui nomen erat Joseph, allelúja.

3 Ascéndit autem * Joseph a Galilæa de civitáte Náza-reth in Judæam, in civitátem David, quæ vocátur Béthlehem, allelúja.

4 Et venérunt festinántes, * et invenérunt Mariám, et Joseph, et Infántem pósitum in præsépio, allelúja.

5 Et ipse Jesus * erat incípiens quasi annórum trigínta, ut putabátur fílius Joseph, allelúja.

Capitulum Gen. 49, 26

Benedictiónes patris tui confortátæ sunt benedictiónibus patrum ejus, donec veníret Desidérium cóllium æternórum : fiant in cápite Joseph, et in vér-tice Nazaræi inter fratres suos.

Hymnus

CÆlitum, Joseph, decus, atque nōstræ
Certa spes vitæ, columén-
que mundi,

Quas tibi læti cānimus,
benignus
Súscipe laudes.

Te Sator rerum státuit
pudicæ
Vírginis sponsum, voluit-
que Verbi
Te patrem dici, dedit et
ministrum
Esse salutis.

Tu Redemptórem stábulo
jacéntem,
Quem chorus Vatum céci-
nit futúrum,
Aspicias gaudens, humilís-
que natum
Numen adóras.

Rex Deus regum, Domi-
nátor orbis,
Cujus ad nutum tremit
inferórum
Turba, cui pronus famu-
látur æther,
Se tibi subdit.

Laus sit excelsæ Tríadi
perénis,
Quæ tibi præbens súperos
honóres,
Det tuis nobis méritis
beátæ
Gáudia vitæ. Amen.

✠. Dedísti mihi prote-
ctiónem salutis tuæ, alle-
lúja. ✠. Et dextera tua
suscepit me, allelúja.

Ad Bened. Ant. Joseph,
fili David, * noli timére
accípere Mariám cónjugem
tuam; quod enim in ea
natum est, de Spíritu San-
cto est, allelúja.

Oratio

Deus, qui ineffábili pro-
vidéntia beátum Jo-
seph sanctíssimæ Geni-
trícis tuæ sponsum elígere
dignátus es : præsta, quæ-
sumus; ut, quem protectó-
rem venerámur in terris,
intercessórem habére me-
reámur in cælis : Qui vivis.

**Ad Horas Psalmi de Domi-
nica, ad Primam tamen ut in
Festis.**

AD PRIMAM

Ant. Jacob autem, **ut
supra. 878**

AD TERTIAM

Ant. Missus est, **ut su-
pra. 878**

Capit. Benedictiónes, **ut
supra. 878**

✠. **br.** Constituit eum dó-
minum domus suæ, * Alle-
lúja, allelúja. Constituit.
✠. Et príncipem omnis
possessiόνis suæ. Allelúja,
allelúja. **Gloria Patri.** Con-
stituit. ✠. Confitébor nó-
mini tuo, allelúja. ✠. Quó-
niam adjútor et protéctor
factus es mihi, allelúja.

AD SEXTAM

Ant. Ascéndit autem, **ut
supra. 878**

Capitulum Gen. 49, 25

Deus patris tui erit ad-
jútor tuus, et Omní-
potens benedícet tibi be-
nedictiónibus cæli dé-
super.

℟. br. Confitébor nómini tuo, * Allelúja, allelúja. Confitébor. **℣.** Quóniam adjutor et protector factus es mihi. Allelúja, allelúja. **Glória Patri.** Confitébor. **℣.** Justus germinábit sicut lílium, allelúja. **℟.** Et florébit in ætérnum ante Dóminum, allelúja.

Oratio

Deus, qui ineffábili providéntia beátum Joseph sanctíssimæ Genitrícis tuæ sponsum elígere dignátus es : præsta, quæsumus; ut, quem protectórem venerámur in terris, intercessórem habére mereámur in cælis : Qui vivis et regnas.

AD NONAM

Ant. Et ipse Jesus * erat incípiens quasi annórum trigínta, ut putabátur, filius Joseph, allelúja.

Capitulum Gen. 49, 22

Filius accrésceus Joseph, filius accrésceus, et decórus aspéctu : filiæ discurrérunt super murum.

℟. br. Justus germinábit sicut lílium, * Allelúja, allelúja. Justus. **℣.** Et florébit in ætérnum ante Dóminum. Allelúja, allelúja. **Glória.** Justus. **℣.** Plantátus in domo Dómini, allelúja. **℟.** In átriis domus Dei nostri, allelúja.

IN II VESPERIS

Antiphonæ de Laudibus 878; **Psalmi ut in I Vesperis de Communi Apostolorum Tempore Paschali.** [4]

Capitulum Gen. 49, 26

Benedictiónes patris tui confortátæ sunt benedictiónibus patrum ejus, donec veníret Desidérium cóllium æternórum : fiant in cápite Joseph, et in vértice Nazaræi inter fratres suos.

Hymnus

TE, Joseph, célebrent ágmina cælitum,
Te cuncti résonent christiádum chori,
Qui clarus méritis, junctus es inclytæ
Casto fœdere Vírgini.

Almo cum túmidam gérmine cónjugem
Admírans, dúbio tängeris ánxius,
Afflátu súperi Fláminis Angelus
Concéptum Púerum docet.

Tu natum Dóminum stríngis, ad éxteras
Ægýpti prófugum tu séqueris plagas;
Amíssum Sólymis quæris, et ínvenis,
Miscens gáudia flétibus.

Post mortem réliquos sors pia cónsecrat,
Palmámque eméritos glória súscipit :

Tu vivens, Súperis par,
frúeris Deo,
Mira sorte beátior.

Nobis, summa Trias, parce
precántibus,
Da Joseph méritis sídera
scándere;
Ut tandem líceat nos tibi
pérpetim
Gratum prómere cánti-
cum. Amen.

V. Sub umbra illíus, quem
desideráveram, sedi, alle-
lúja. **R.** Et fructus ejus dul-
cis gútturi meo, allelúja.

Ad Magnif. Ant. Fili, quid
fecísti * nobis sic? Ecce
pater tuus et ego doléntes
quærebámus te, allelúja.

Completorium de Dominica.

Infra Octavam et in die
Octava Antiphonæ et Psalmi
ad omnes Horas et Versus
Nocturnorum de occurrenti
hebdomadæ die, ut in Psalte-
rio; reliqua ut in Festo præ-
ter Lectiones, quæ in I No-
cturno dicuntur de Scriptura
occurrenti cum suis Respon-
soriis de Tempore, in II et
III pro singulis diebus assi-
gnantur propriæ.

Pro Commemoratione

Octavæ S. Joseph

In I Vesp. Ant. Cum
esset desponsáta Mater
Jesu María Joseph, ánte-
quam convenírent, in-
vénta est in útero habens
de Spíritu Sancto, allelúja.

V. Constitúit eum dómi-
num domus suæ, allelúja.

R. Et principem omnis
possessiónis suæ, allelúja.

Ad Laudes Ant. Joseph,
fili David, noli timére ac-
cípere Mariám cónjugem
tuam; quod enim in ea
natum est, de Spíritu San-
cto est, allelúja.

V. Dedísti mihi prote-
ctiómem salútis tuæ, alle-
lúja. **R.** Et délixtera tua
suscepit me, allelúja.

Oratio Deus, qui ineffá-
bili, **ut supra.** 880

In II Vesp. Ant. Fili,
quid fecísti nobis sic? Ecce
pater tuus et ego doléntes
quærebámus te, allelúja.

V. Sub umbra illíus,
ut supra.

FERIA V

DE II DIE INFRA OCTAV.

S. Joseph

Semiduplex 873

In II Nocturno

**De Sermóne sancti Ber-
nardíni Senénsis**

Sermo de S. Joseph

Lectio iv



UM inter Mariám et
Joseph fúerit verís-
simum matrimó-
nium per divínam inspira-
tiónem contráctum, et in
matrimónio fiat únio ani-
mórum in tantum quod

una dicuntur persona sponsus et sponsa, ut possit dici unitas quasi summa; quomodo cogitare potest mens discreta quod Spiritus Sanctus tanta unione uniret menti tantæ Virginis aliquam animam, nisi ei virtutum operatione simillimam? Unde credo, istum virum sanctum Joseph fuisse mundissimum in virginitate, profundissimum in humilitate, ardentissimum in Dei amore et caritate, altissimum in contemplatione. Et quia noverat Virgo istum sibi a Spiritu Sancto datum in sponsum, et in suæ virginitatis fidum custodem, et ad participandum secum in caritatis amore et obsequiosa sollicitudine erga divinissimam Prolem Dei; ideo credo, quod totius cordis affectu hunc, sanctum Joseph, sincerissime diligebat.

R. Dedisti mihi protectionem salutis tuæ et dextera tua suscepit me :

*** Protector meus et cornu salutis meæ et susceptor meus, allelúja. V.** Ego protector tuus sum et merces tua magna nimis. — Protector.

Lectio v

H Abuit Joseph erga Christum ardentissimam caritatem. Quis déneget, obsecro, quod ipsi tenenti

Christum in brachiis aut confabulanti cum ipso, Christus, sive infans sive adúltus, ingéreret et imprimeret ineffabiles sensus atque jucunditates de semetipso, et hoc cooperante extérius grátia Christi cum filiáli aspéctu, affátu atque compléxu? O quanta dulcia óscula ab ipso recepit! o quanta dulcedine audiebat balbutientem Párvulum se patrem vocáre, et quanta suavitate sentiebat se dulciter amplexári! Consídera étiam, cum quanta compassióne in itinéribus, quæ fecerunt, párvulum Jesum ex labóre lassum, cum grandíusculus esset, in suo grémio requiescere faciebat : quia omni amore transformativo ferebátur in eum, ut in dulcíssimum Fílium sibi in cónjuge sua Virgine per Spíritum Sanctum datum.

R. Státuet filios suos sub tégmine illíus et sub ramis ejus morábitur; protegétur sub tégmine illíus a fervóre : *** Et in glória ejus requiescet, allelúja.**

V. Speráte in eo, omnis congregátio pópuli, effúndite coram illo corda vestra. — Et.

Lectio vi

I Deo prudentíssima Mater, quæ expérta fúerat ejus affectum, ad Fílium

suum Jesum in templo re-
invéntum ait : Fili, quid
fecisti nobis sic? Ecce pa-
ter tuus et ego doléntes
quærebámus te. Ad hujus
verbi intelléctum notán-
dum est, quod duo sapó-
rum génera cóntinet in se
Christus, dulcórís et do-
lóris; et quia sanctíssimus
Joseph horum duórum gú-
stuum mirabíliter párti-
ceps fuit, ideo beáta Virgo
vocat eum singuláriter pa-
trem Christi. Hic solum
légitur Vírginem Joseph
appellásse patrem Jesu :
quia sensus dolóris, quem
hábuít de Jesu pérdito,
verum in eo monstrávit
patris afféctum. Si enim
secúndum humánas leges
divínitus approbátas po-
test extráneus áliquem
adoptáre in filium, multo
magis Dei Filius datus
ipsi Joseph in sua sanctís-
sima Sponsa sub virginá-
lis matrimónii admirábili
sacraménto, debet ejus fi-
lius appellári; et étiam
credi quod in eo fúerit
gustus paternális amóris
atque dolóris respéctu di-
lécti Jesu.

✠. Si consistent advér-
sum me castra, non timé-
bit cor meum : * Si exsúr-
gat advérsum me præ-
lium, in hoc ego sperábo,
allelúja. ✠. In te cantátio
mea semper, quóniam tu
adjútor fortis. — Si ex-

súrgat. Glória Patri. Si
exsúrgat.

In III Nocturno

Léctio sancti Evangélii
secúndum Lucam

Lectio vii Cap. 3, 21-23

IN illo témpore : Factum
est autem, cum bapti-
zarétur omnis pópulus, et
Jesu baptizáto et oránte,
apértum est cælum. Et
réliqua.

De Homilía sancti
Augustíni Epíscopi

Liber 2 de Consensu Evang.



Eque proptérea non
erat appellándus
Joseph pater Chri-
sti, quia non eum concum-
béndo genúerat; quandó-
quidem pater esset étiam
ejus, quem non ex sua cón-
juge procreátum aliúnde
adoptásset. Putabátur qui-
dem Christus étiam áliter
filius Joseph, tamquam ex
ejus omníno carne progé-
nitus; sed ab eis hoc puta-
bátur, quos Mariæ latébat
virginitas : nam Lucas
ait : Et ipse Jesus erat
incípiens quasi annórum
trigínta, ut putabátur, fi-
lius Joseph. Qui tamen
Lucas non ejus paréntem
solam Mariám, sed ambos
paréntes ejus appelláre
mínime dubitávit, ubi ait :
Puer autem crescébat et
confortabátur plenus sa-
piéntia, et grátia Dei erat

in illo; et ibant paréntes ejus per omnes annos in Jerúsalem, in die solémni Paschæ.

℟. Joseph, fili David, noli timére accipere Mariám cónjugem tuam; quod enim in ea natum est, de Spíritu Sancto est: páriet autem fílium, * Et vocábis nomen ejus Jesum, allelúja. * Ipse enim salvum faciet pópulum suum a peccátis eórum. — Et.

Lectio viii

SED, ne quisnam hic paréntes consanguíneos pótius Mariæ cum ipsa Matre ejus intelligéndos putet, quid ad illud respondébit quod ipse item Lucas supérius dixit, Et erant Pater ejus et Mater mirántes super his, quæ dicebántur de illo? Cum igitur ipse narret, non ex concúbitu Joseph, sed ex Mariá Vírgine natum Christum; unde eum patrem ejus appellat, nisi quia et virum Mariæ recte intelligimus sine commixtione carnis, ipsa copulatione conjúgii; et ob hoc étiam Christi patrem multo conjúctius, qui ex ejus cónjuge natus sit, quam si esset aliúnde adoptátus? Ac per hoc, si demonstráre áliquis posset Mariám ex David nullam consanguinitátis originem dúcere,

sat erat secúndum istam ratióem, accipere Christum Fílium David; qua ratióne étiam Joseph pater ejus appellátus est.

℟. Surge, et áccipe Púerum et Matrem ejus, et fuge in Ægýptum; * Et esto ibi usque dum dicam tibi, allelúja. * Ut adimplerétur quod dictum est a Dómino per prophétam dicéntem: Ex Ægýpto vocávi Fílium meum. — Et. Glória Patri. Et.

Lectio ix

LUCAS autem non ab initio Evangélíi sui, sed a baptismo Christi generatiónes enárrat, nec descendédo, sed ascendédo, tamquam sacerdotem in expiándis peccátis magis assignans; ubi eum vox de cælo declarávit, ubi testimónium Joánnes ipsi perhibuit dicens: Ecce qui tollit peccáta mundi. Ascendédo autem transit Abraham et pervenit ad Deum, cui mundáti et expiáti reconciliámur. Mérito et adoptiónis originem ipse suscepit, quia per adoptiónem efficimur fílii Dei, credédo in Fílium Dei. Satis autem demonstrávit, non se ideo dixisse, Joseph fílium Heli, quod de illo génitus, sed quod ab illo fúerat adoptátus; cum et ipsum

Adam filium Dei dixit, cum sit factus a Deo, sed per grátiam, quam póstea peccádo amisit, tamquam fílius in paradíso constitútus sit.

Te Deum laudámus.

FERIA VI

DE III DIE INFRA OCTAV.

S. Joseph

Semiduplex 873

In II Nocturno

Sermo sancti Joánnis
Chrysóstomi

Homilia 4 in Matth.

Lectio iv



Unc morem plerúm-
que tenébat anti-
quitas, ut sponsæ
in sponsórum dómibus ha-
beréntur : sic habitábat
étiam María cum Sponso.
Et cujus tandem rei grá-
tia, non ántequam despon-
derétur, Virgo concépit?
Ut vidélicet mystérium ín-
terim quasi obumbrátum
latéret, et ut Virgo om-
nem prorsus occasiónem
malignæ suspiciónis effú-
geret. Quando enim ille,
qui præcípuo zelo posset
ardére, cérnitur non solum
non abjícere Sponsam, nec
eam ignomínia notáre, sed
étiam recíperé in consór-
tium et inservíre post con-
ceptiónem, profécto ma-
nifestum est, quod nisi

apérte nosset ex opera-
tíone Sancti Spíritus il-
lum exstitísse concéptum,
numquam vel apud se
illam retinuísset, vel ei
in ómnibus, quorum ín-
dígnit, ministrásset.

✠. Dedísti mihi prote-
ctíonem salútis tuæ et
délixtera tua suscepit me :

* Protéctor meus et cornu
salútis meæ et suscepitor
meus, allelúja. ✠. Ego
protéctor tuus sum et mer-
ces tua magna nimis. —
Protéctor.

Lectio v

J Oseph autem, cum es-
set justus et nollet eam
tradúcere, vóluit occúlte
dimíttere eam. Postquam
dixit, quod esset ex Spí-
ritu Sancto et absque ulla
mixtíone séxuum, sermó-
nem suum étiam aliúnde
confirmat. Ne enim áliquis
diceret : Et unde hoc po-
test esse manifestum?
quis vidit? quis audívit
aliquándo tale áliquíd con-
tigísse? neque putáres di-
scípulum, quasi gratificá-
tum magístro, ista confín-
gere; introdúcit Joseph
ex his, quæ passus est,
fidem dictis per cuncta
faciéntem, ut plane hinc
dicere Evangelísta videá-
tur : Si non credis mihi et
testimónium tibi meum
forte suspéctum est, crede
ígitur vel maríto.

✠. Státuet filios suos sub tégmine illíus et sub ramis ejus morábitur; protegétur sub tégmine illíus a fervóre : * Et in glória ejus requiéscet, allelúja.

✠. Speráte in eo, omnis congregátio pópuli, effúndite coram illo corda vestra. — Et.

Lectio vi

Joseph enim vir ejus, inquit, cum esset justus. Justum hic, in omni virtúte dicit esse perféctum. Cum ígitur esset justus, hoc est, frugi bonúsque vir, vóluit occúlte dimíttre eam. Proptérea vero Evangelísta dixit quid justo illi accíderit ante notítiam, ut nequáquam de his, quæ post notítiam rei sunt facta, dubitáres. Et certe, si María talis fuísset qualem illam suspício fingébat, non modo publicári merúerat, verum étiam ex legis auctoritáte puníri : sed Joseph non tantum eam damnáre nóluit, sed nec publicáre quidem. Vidísti nempe virum sublímiter philosophántem et tyránnicæ illíus passíonis immúnem. Quamquam hic quæ tandem dicerétur esse suspício, ubi ipse úteri tumor videbátur factum argúere? Sed tamen ita erat ille vir ab hujúsmodi

passióne mundus ac liber, ut ne in mínimis quidem Vírgini vellet inférre mæstítiam; et adhuc sub lege vivens, supra legem philosophátur : síquidem adventánte jam grátia, multo sublimiórís disciplínæ documénta fulgére oportébat.

✠. Si consístant advérsus me castra, non timébit cor meum : * Si exsúrgat advérsus me prælium, in hoc ego sperábo, allelúja. ✠. In te cantátio mea semper, quóniam tu adjútor fortis. — Si exsúrgat. Glória Patri. Si exsúrgat.

In III Nocturno

Léctio sancti Evangélíi secúndum Lucam

Lectio vii Cap. 3, 21-23

IN illo témpore : Factum est autem cum baptizáretur omnis pópulus, et Jesu baptizáto et oránte, apértum est cælum. Et réliqua.

Homília sancti Augustíni Epíscoli

Liber 23 contra Faust. cap. 7-8

SIC de cælo dictum est super aquam Jordánis : Hic est Fílius meus diléctus, in quo mihi bene complácuí; quemádmódum dictum est et in monte. Neque enim

quia et ibi de cælo vox ipsa sônuit, Fílius Dei ante non fuit; quandóquidem ex útero Vírginis ille accépit formam servi, qui cum in forma Dei esset, non rapinam arbitrátus est esse æquális Deo. Dénique idem Apóstolus Paulus álio loco apertíssime dicit : Cum autem venit plenitúdo témporis, misit Deus Fílium suum factum ex muliere, factum sub lege, ut eos, qui sub lege erant, redímeret, ut filiórum adoptionem reciperémus. Ipse ergo est Fílius Dei, qui et Dóminus David secúndum divinitátem, et idem ipse fílius David ex sémine David secúndum carnem.

℟. Joseph, fili David, noli timére accípere Mariám cónjugem tuam; quod enim in ea natum est, de Spíritu Sancto est : páriet autem fílium, * Et vocábis nomen ejus Jesum, allelúja. ✠. Ipse enim salvum faciet pópulum suum a peccátis eórum. — Et.

Lectio viii

QUOD si nobis credere non prodéset, non hoc tam attén-te idem Apóstolus Timótheo commendáret dicens : Memor esto Christum Jesum resurre-

xísse a mórtuis, ex sémine David, secúndum Evangélium meum. Quid ergo jam móveat sancti Evangélii sectatórem, quod sine concúbitu Joseph Christus natus ex Vírgine, fílius tamen David appellátur, cum generatiónum sériem non usque ad Mariám sed usque ad Joseph Matthæus Evangelísta perdúcat? Primo quia maríti ejus fúerat propter virilem sexum pó-tius honoránda persóna; neque enim quia concúbitu non permíxtus, ídeo non marítus, cum ipse Matthæus narret ab Angelo Mariám cónjugem ipsíus appellátam, qui narrat quod de Spíritu Sancto concéperat.

℟. Surge, et áccipe Púerum et Matrem ejus, et fuge in Ægýptum; * Et esto ibi usque dum dicam tibi, allelúja. ✠. Ut adimplerétur quod dictum est a Dómino per prophétam dicéntem : Ex Ægýpto vocávi Fílium meum. — Et. Glória Patri. Et.

Lectio ix

CUM vero unus idémque narrátor utrúmque dicat, utrúmque comméndet, et virum Mariæ Joseph et Christi Vírginem Matrem, et Christum ex sémine David et Joseph

in série progeneratórum Christi ex David; quid restat, nisi et Mariám non fuisse extráneam a cognatióne David, et eam Joseph cónjugem non frustra appellátam propter órduem sexus et animórum confœderatiónem; et Joseph pótius propter dignitátem virilem ab órduem generatiónum illárum non fuisse separándum, ne hoc ipso viderétur ab illa fémina separátus, cui eum conjungébat mentis afféctus? Te Deum laudámus.

SABBATO

DE IV DIE INFRA OCTAV.

S. Joseph

Semiduplex 873

In II Nocturno

De Sermóne sancti Joánnis
Chrysóstomi

Homilia 4 in Matth.

Lectio iv



Ioseph, fili David, noli timére accipere Mariám cónjugem tuam. Quid autem est accipere? Domi profecto retinére; jam enim illam mente dimíserat : sed dimíssam, inquit, retíneas, quam Deus tibi cópulat, non paréntes; cópulat vero, non in fœdus solémne conjúgii, sed in consórtium commúnis habitáculi,

et cópulat per meæ vocis officium. Sicut enim illam póstea comméndat Christus ipse discípulo, ita étiam nunc Angelus Sponso; solátium tantúmmodo ejus habitúram absque fœdere nuptiárum. Deínde, honéstius multóque dignius causa partus expósite, suspiciónem quoque prorsus restínxit. Non modo, inquit, ilícito non est violáta compléxu, verum étiam supra natúram morémque fœcúnda est. Noli igitur de tam felici partu Sponsæ attráhere mærórem, immo vero in majórem prorúmpe lætítiam; quod enim in ea natum est, de Spíritu Sancto est.

R. Dedísti mihi protectiόnem salutis tuæ et dextera tua suscepit me :
* Protéctor meus et cornu salutis meæ et susceptor meus, allelúja. *V.* Ego protéctor tuus sum et merces tua magna nimis. — Protéctor.

Lectio v

Pariet autem Fílium, et vocábis nomen ejus Jesum; non enim quia ex Spíritu Sancto est, idcirco te a ministério tantæ existimes dispensatiónis extráneum. Nam etsi nihil hábeas in hac generatióne commúne (Virgo quippe permánsit intácta), tamen

quod est proprium patris quodque nihil offúscat Vír-
ginis dignitátem, hoc tibi
fácile concédo, ut scilicet
nato nomen impónas; tu
enim illum primum vocá-
bis. Quamquam enim non
sit fílius tuus iste, qui
náscitur, tu tamen curam
erga illum et sollicitúdi-
nem osténdes paréntis; et
proptérea te illi ab ipsa
statim nóminis imposi-
tíone conjúngo. Deínde,
ne quis illum ex hoc pa-
trem esse suspicaré-
tur, Páriet, inquit, Fílium. Non
dixit, Páriet tibi, sed pó-
suit illud indefínitum et
suspénsum; non enim illi,
sed univérso prorsus orbi
péperit Christum.

✠. Státuet fílios suos sub
tégmíne illíus et sub ramis
ejus morábitur; protegé-
tur sub tégmíne illíus a
fervóre : * Et in glória ejus
requiescet, allelúja. ✠. Spe-
ráte in eo, omnis congregá-
tio pópuli, effúndite coram
illo corda vestra. — Et.

Lectio vi

Proptérea et nomen ejus
de cælo Angelum de-
tulísse Evangelísta me-
morávit, ut hinc quoque
osténderet illum mirábi-
lem esse partum, quo ejus
nomen ad Joseph et per
Angelum et a Deo missum
docéret. Nam et ipsum
vocábulum non inániter
pósitum est, quod certe

mille cóninet thesáuros
bonórum. Propter quod
illud étiam Angelus inter-
pretátur bonis mæréntem
spebus animándo; et hoc
quoque illum modo ad
credéndum quod lóquitur,
invítat. Fácile namque
sollicitámur ad próspera,
et prómptius fidem accom-
modámus secúndis. Ipse
enim, inquit, salvum fá-
ciet pópulum suum a pec-
cátis eórum. Hinc quoque
benefícii nóvitas indicá-
tur. Non enim a bello
visíbili neque a gládio
barbarórum, sed, quod his
longe majus est, a peccáto
suo pópulum suum nún-
tiat liberándum : quod
præstáre nulli fuit hómí-
num aliquándo possíbile.

✠. Si consistant advér-
sum me castra, non timé-
bit cor meum : * Si exsúr-
gat advérsum me præ-
lium, in hoc ego sperábo,
allelúja. ✠. In te cantátio
mea semper, quóniam tu
adjútor fortis. — Si exsúr-
gat. Glória. Si exsúrgat.

In III Noeturno

Lectio sancti Evangelíi
secúndum Lucam

Lectio vii Cap. 3, 21-23

IN illo témpore : Factum
est autem cum bapti-
zarétur omnis pópulus, et
Jesu baptizáto et oránte,
apértum est cælum. Et
réliqua.

Homília sancti Ambrósii
Epíscopi*Comment. in Luc. lib. 3*

Eminem movére debet, quod ita scriptum est : Qui putabátur fílius Joseph. Bene enim putabátur, quia nátura non erat; sed ideo putabátur, quia eum María, quæ Joseph viro suo erat desponsáta, genuérat. Sic enim habes : Nonne hic est fílius Joseph fabri? Díximus supra qua ratióne per Vírginem, díximus étiam qua ratióne per desponsátam, et quare census témpore nasci volúerit Dóminus salutáris; non aliénium étiam vidétur, ut qua ratióne fabrum patrem habúerit, declarémus. Hoc enim typo eum patrem sibi esse démonstrat, qui fabricátor ómnium cóndidit mundum. Nam etsi humána non sunt comparánda divínis, typus tamen ínteger est, quod Pater Christi igne operátur et spíritu, et tamquam bonus ánimæ faber vítia nostra circúmdolat; cito secúrim ádmovens arbóribus infecúndis, secáre doctus exígua, culmínibus serváre sublímia, rígida méntium spíritus igne mollíre, et in vários usus omne humánium genus diversa mi-

nisteriórum qualitáte formáre.

℟. Joseph, fili David, noli timére accípere Mariám cónjugem tuam; quod enim in ea natum est, de Spíritu Sancto est : páriet autem fílium, * Et vocábis nomen ejus Jesum, allelúja. ℣. Ipse enim salvum faciet pópulum suum a peccátis eórum. — Et.

Lectio viii

CUR autem Joseph magis quam Mariæ generatio describátur, cum María de Spíritu Sancto generávit Christum, et Joseph a generatióne Dómini videátur aliénus, dubitare possémus, nisi consuetúdo nos instrúeret Scripturárum, quæ semper viri originem quærit. Viri enim persóna quæritur, qui étiam in senátu et réliquis cúriis civitátum géneris assérvat dignitátem. Quam defórme autem, si relicta viri origine, orígo féminæ quærerétur, ut viderétur patrem non habuisse ille totíus mundi pópulis prædicándus! Vides ubíque familiam per virórum generatiónes esse decúrsam. Noli mirári quod Joseph orígo descripta est. Etenim secúndum carnem natus, usum débuit sequi carnis, et qui in sáculum venit, sáculi dé-

buit more describi; máxime cum in Joseph origine étiam orígo sit Mariæ.

℟. Surge, et áccipe Puerum et Matrem ejus, et fuge in Ægýptum; * Et esto ibi usque dum dicam tibi, allelúja. ℣. Ut adimplerétur quod dictum est a Dómino per prophétam dicéntem : Ex Ægýpto vocávi Fílium meum. — Et. Glória Patri. Et.

Lectio ix

CUR autem sanctus Matthæus ab Abraham generatióem enumeráre cœperit Christi, sanctus vero Lucas a Christo usque ad Deum perdúxerit, explanándum vidétur. Lucas ad Deum putávit oríginem ejus esse referéndam, quod verus Christi generátor Deus sit, vel secúndum veram generatióem Pater, vel secúndum lavácri regeneratióem mýstici múnieris auctor. Et ideo non a primo generatióem ejus cœpit describere; sed posteaquam baptismum ejus explicuit, Auctórem ómnium Deum per baptismum cúpiens demonstráre. Christum quoque a Deo órdine manásse successiónis assérui, universa contéxens, ut et secúndum natúram et secúndum grátiam et secúndum carnem Dei Fílium

demonstráret. Quod autem evidéntius divínæ generatióis indícium, quam quod de generatióne dictúrus, ipsum Patrem præmísit loquéntem : Hic est Fílius meus diléctus, in quo complácu? Te Deum.

Vesperæ de sequenti Dominica III post Pascha 556, Commemoratio præcedentis diei infra Octavam. 881

Completorium de Sabbato. 334

Sequenti item die Officium dicitur de eadem Dominica III 557 cum Commemoratione Octavæ 881, et in II Vesperis pro Commemoratione sequentis diei infra Octavam sumitur Ant. Cum esset desponsata, et ℣. Constituit, e I Vesperis Festi. 873.

Si tamen sequenti die faciendum non sit Officium de Octava, dicitur Ant. Fili, quid, et ℣. Sub umbra, e II Vesperis Festi. 881

FERIA II

DE VI DIE INFRA OCTAV.

S. Joseph

Semiduplex 873

In II Nocturno

Sermo sancti Bernárdi
Abbátis

Homilia 2 super Missus est

Lectio iv



Esponsata est María Joseph, vel pótius (sicut ponit Evangelista) viro, cui nomen

erat Joseph. Virum nóminat, non quia marítus, sed quod homo virtútis erat; vel pótius quia juxta álium Evangelístam non vir simpliciter, sed vir ejus dictus est, mérito appellátur quod necessá-rio putátur. Débuit ergo vir ejus appellári, quia necesse fuit et putári; sic-ut et pater Salvatóris non quidem esse, sed dici mé-ruit, ut putarétur esse, dicénte hoc ipso Evange-lísta : Et ipse Jesus erat incípiens quasi annórum trigínta, ut putabátur, filius Joseph.

✠. Dedísti mihi prote-ctiónem salútis tuæ et délixtera tua suscepit me :

* Protéctor meus et cornu salútis meæ et suscep-tor meus, allelúja. ✠. Ego protéctor tuus sum et merces tua magna nimis. — Protéctor.

Lectio v

NON est dúbium quin bonus et fidélis homo fúerit iste Joseph, cui Ma-ter desponsáta est Sal-vatóris. Fidélis, inquam, servus et prudens, quem constituit Dóminus suæ Matris solátium, suæ car-nis nutrícium, solum dé-nique in terris magni con-sílii coadjutórem fidelíssi-mum. Huc accédit, quod dicitur fuisse de domo David. Vere enim de domo

David, vere de régia stirpe descendit vir iste Joseph, nóbilis génere, mente no-bílior. Plane fílius David, non degénerans a patre suo David; prorsus, in-quam, fílius David, non tantum carne, sed fide, sed sanctitáte, sed devo-tióné, quem tamquam álium David Dóminus invénit secúndum cor suum; cui tuto commít-teret sacratíssimum atque secretíssimum sui cordis arcánum; cui, tamquam álieri David, incérta et occúlta sapiéntiæ suæ ma-nifestávit, et dedit illi non ignárum esse mystérii, quod nemo príncipum hu-jus sæculi agnóvit.

✠. Státuet fílios suos sub tégmíne illíus et sub ramis ejus morábitur; pro-tegétur sub tégmíne illíus a fervóre : * Et in glória ejus requiéscet, allelúja.

✠. Speráte in eo, omnis congregátio pópuli, effún-dite coram illo corda ve-stra. — Et.

Lectio vi

CUI dénique datum est quod multi reges et prophétæ, cum vellent vi-dére, non vidérunt, audíre et non audierunt; non so-lum vidére et audíre, sed étiam portáre, dedúcere, amplécti, deosculári, et nutrírre et custodírre. Non tantum autem Joseph, sed

et María descendísse cre-
denda est de domo David;
alióquin non esset despon-
sáta viro de domo David,
si non esset et ipsa de
domo David. Ambo igitur
erant de domo David; sed
in áltera compléta est vé-
ritas, quam jurávit Dó-
minus David, áltero tamen
cónscio et teste adimplétæ
promissiónis.

℟. Si consístant advér-
sum me castra, non timé-
bit cor meum : * Si exsúr-
gat advérsus me præ-
lium, in hoc ego sperábo,
allelúja. ℣. In te cantatio
mea semper, quóniam tu
adjútor fortis. — Si ex-
súrgat. Glória Patri. Si
exsúrgat.

In III Nocturno

Léctio sancti Evangélii
secúndum Lucam

Lectio vii Cap. 3, 21-23

IN illo témpore : Factum
est autem cum bap-
tizáretur omnis pópulus, et
Jesu baptizáto et oránte,
apértum est cælum. Et
réliqua.

Homília sancti Ambrósii
Epíscopi

Comment. in Luc. lib. 3 cap. 3

Quod per Salomónem
Matthæus genera-
tiónem deriván-
dam putávit, Lucas vero
per Nathan, álteram regá-
lem, álteram sacerdotálem

Christi famíliam vidétur
osténdere. Quod non ita
accípere debémus, quod
álterum áltero vérius; sed
alter álteri pari fide et
veritáte concórdet. Fuit
enim vere et secúndum
carnem regális et sacer-
dotális famíliæ, Rex ex
régibus, Sacerdos ex sa-
cerdótibus; licet oráculum
non de carnálibus, sed de
cæléstibus exprimátur :
quóniam et Rex in Dei
virtúte lætátur, cui judí-
cium a Patre Rege de-
fértur, et Sacerdos est in
ætérnum, secúndum quod
scriptum est : Tu es Sa-
cerdos in ætérnum secún-
dum órđinem Melchí-
sedech.

℟. Joseph, fili David,
noli timére accípere Ma-
ríam cónjugem tuam; quod
enim in ea natum est, de
Spíritu Sancto est : páriet
autem fílium, * Et vocábis
nomen ejus Jesum, alle-
lúja. ℣. Ipse enim salvum
faciet pópulum suum a
peccátis eórum. — Et.

Lectio viii

BEne igitur utérque té-
nuit fidem, ut Mat-
thæus per reges ductam
órđinem comprobáret, et
Lucas per sacerdotes a
Deo transmissam in Chri-
stum sériem géneris dedu-
céndó, sanctiorem ipsam
órđinem declaráret. Si-
mul in hoc quoque vítuli

figúra signáture, quod ubique sacerdotále mystérium putat esse servándum. Nec miréris, si ab Abraham plures secúndum Lucam successiónes usque ad Christum sunt, pauciores secúndum Matthæum, cum per alias personas generatióem fateáris esse decúrsum. Potest enim fieri, ut alii longævam transégerint vitam, altérius vero generatiónis viri immatúra ætáte decésserint; cum videámus complures senes cum suis nepótibus vívere, alios vero viros statim filiis obíre susceptis.

℟. Surge, et áccipe Púerum et Matrem ejus, et fuge in Ægýptum; * Et esto ibi usque dum dicam tibi, allelúja. ℣. Ut adimplerétur quod dictum est a Dómino per prophétam dicéntem : Ex Ægýpto vocávi Filium meum. — Et. Glória Patri. Et.

Lectio ix

Illud quoque advértimus, quod sanctus Matthæus Jacob, qui fuit pater Joseph, filium Matthæ esse memoráverit; Lucas vero Joseph, cui desponsáta erat María, filium Heli, Heli autem filium Melchi esse descripserit. Quómodo unius duo patres, id est, Heli et

Jacob? Duórum filius dictus est, quia altérius secúndum generatióem, altérius secúndum legem factus est filius. In quo præscripto legis futúram perpetuitátem defunctorum séminis nobis esse promíssam non intelléxit pópulus Judæórum, sed secúndum litéram accípiens, grátiam corrúpit oráculi. Alius enim erat frater, qui defunctorum fratrum semen suscitáret, non frater secúndum carnis germanitátem, sed secúndum grátiae puritátem. Et ideo fortásse Frater non redémit, redémit homo; quia non germánus frater ille, sed mediátor Dei et hóminum, homo Christus Jesus, resurrectionis grátiam propagávit. Te Deum.

FERIA III

DE VII DIE INFRA OCTAV.

S. Joseph

Semiduplex 873

In II Nocturno

De Sermóne sancti Bernardi Abbátis

Homilia 2 super Missus est

Lectio iv



Criptum est : Joseph autem vir ejus, cum esset justus et nollet eam tradú-

cere, vóluit occúlte dimíttere eam. Bene, cum esset justus, nóluit eam tradúcere : quia, sicut nequáquam justus esset, si cónitam ream consensisset; sic nihilóminus justus non esset, si probátam innóxiam condemnásset. Cum ergo justus esset et nollet eam tradúcere, vóluit occúlte dimíttere eam. Quare vóluit dimíttere? Accipe, et in hoc, non meam, sed Patrum senténtiam. Propter hoc Joseph vóluit dimíttere eam, propter quod et Petrus Dóminum a se repellébat, dicens : Exi a me, Dómine, quia homo peccátor sum; propter quod et centúrio a domo sua eum prohibébat, cum diceret : Dómine, non sum dignus, ut intres sub tectum meum.

✠. Dedísti mihi protectiónem salútis tuæ et délixtera tua suscepit me :
* Protéctor meus et cornu salútis meæ et suscéptor meus, allelúja. ✠. Ego protéctor tuus sum et merces tua magna nimis. — Protéctor.

Lectio v

ITA ergo et Joseph, indignum et peccatórem se reputans, dicébat intra se, a tali et tanta non debére sibi ultra familiáre præstári contubérnium, cujus

supra se mirábilem expavescébat dignitátem. Vidébat et horrébat divínæ præsentíæ certíssimum gestántem insígne; et quia mystérium penetráre non póterat, volébat dimíttere eam. Expávit Petrus poténtiæ magnitúdinem : expávit centúrio præsentíæ majestátem : exhórruit nimírum et Joseph, sicut homo, hujus tanti miráculi novitátem. Miráris quod Joseph prægnántis se consórtio Vírginis judicábat indignum, cum áudias et sanctam Elísabeth ejus non posse ferre præsentiam, nisi cum tremóre quidem et reveréntia? Ait namque : Unde hoc mihi, ut véniat Mater Dómini mei ad me?

✠. Státuet filios suos sub tégmine illíus et sub ramis ejus morábitur; protegétur sub tégmine illíus a fervóre : * Et in glória ejus requiéscet, allelúja.

✠. Speráte in eo, omnis congregátio pópuli, effúndite coram illo corda vestra. — Et.

Lectio vi

IDeo itaque Joseph vóluit dimíttere eam. Sed quare occúlte, et non palam? Ne vidélicet divórtii causa inquirerétur, exigerétur rátió. Quid enim vir justus responderet pópulo

duræ cervicis, pópulo non credénti et contradicénti? Si diceret quod sentiébat, quod de illíus puritáte comprobáverat, nonne mox incréduli et crudéles Judæi subsannárent illum, lapidárent illam? Quómodo namque Veritáti créderent tacénti in útero, quam póstea contempsérunt clamántem in templo? quid fácerent necdum apparénti, cui póstmodum ímpias manus iniecérunt étiam miráculis coruscánti? Mérito ergo Vir justus, ne aut mentíri aut diffamáre cogerétur innóxiam, vóluit occúlte dimíttre eam.

✠. Si consístant advérsus me castra, non timébit cor meum : * Si exsúrgat advérsus me prælium, in hoc ego sperábo, allelúja. ✠. In te cantátio mea semper, quóniam tu adjútor fortis. — Si exsúrgat. Glória Patri. Si exsúrgat.

In III Nocturno

Léctio sancti Evangélíi
secúndum Lucam

Lectio vii Cap. 3, 21-23

IN illo témpore : Factum est autem cum baptizárétur omnis pópulus, et Jesu baptizáto et oránte, apértum est cælum. Et réliqua.

Homília sancti Joánnis Damascéni

Oratio 3 de B. M. V. Nativ.



Atthæus opus suum ínchoans, Liber generatiónis, inquit, Jesu Christi filii David, filii Abraham : verum hic non subsístit; étenim ipsíus sermo étiam usque ad Vírginis Sponsum progréssus est. Lucas autem post Salvatóris in baptísimo declaratióem, oratióem suam non nihil derivans, ad hunc modum scribit : Ipse Jesus erat incípiens quasi annórum trigínta, ut putabátur, filius Joseph, qui fuit Heli, qui fuit Mathat; et sic deinceps in altum ascendéndo usque ad Seth, qui fuit Adæ, qui fuit Dei. Proinde cum Joséphi genus ad hunc modum recenseátur, certe Virgo quoque ipsa ac Dei Génitrix María ejúsdem cum eo tribus esse simul demonstrátur. Siquidem Móysis lege non licébat ulli tribui cum áltera tribu permiscéri, ne géneris heréditas ab una tribu ad áliam laberétur.

✠. Joseph, fili David, noli timére accípere Mariám cónjugem tuam; quod enim in ea natum est, de Spíritu Sancto est : páriet autem filium, * Et vocábis

nomen ejus Jesum, allelúja. *℟*. Ipse enim salvum faciet pópulum suum a peccátis eórum. — Et.

Lectio viii

NON abs re Christi ex Spíritu Sancto nativitas apud vulgus silebátur, ac Joseph loco patris assumebátur; atque inde, ut vero consentáneum est, tamquam Púeri pater recensebátur. Nam, nisi hoc exstitisset, patre carére Puer existimátus fuisset, quod a patérno látere genus ipsíus mínime recenserétur. Quam ob rem ab exímiis Evangelístis necessáριο tunc factum est, ut Joséphi genus recensérent. Nam si, hoc prætermisso, a matérno látere géneris ipsíus sériem tenuissent, præterquam quod istud indecórnum fuisset, a divinárum quoque Scripturárum consuetúdine abhorruisset. Cómmodè igitur Joséphi genus a Davíde, ob eam quam attúlimus causam, ducéntes, simul quoque Vírginem Mariám ex Davíde ortam esse confirment, per Sponsum scílicet uxóris genus una inferéntes.

℟. Surge, et áccipe Púerum et Matrem ejus, et fuge in Ægýptum; * Et esto ibi usque dum dicam tibi, allelúja. *℟*. Ut adim-

plerétur quod dictum est a Dómino per prophétam dicéntem : Ex Ægýpto vocávi Fílium meum. — Et. *G*lória Patri. Et.

Lectio ix

QUOD quidem justítia præditus Joseph esset, ac vitam legi consentáneam dúceret, némini obscúrum est. Ex legis porro præscripto vivens, profecto non aliúnde quam ex sua tribu ortam uxórem despondébat. Quocírca, si Joseph ex tribu Juda atque ex Davídis sorte ac família erat, an non consentáneum est Mariám quoque ab iisdem proficisci? Ex quo factum est, ut Sponsi genus recenserétur. Nam, cum de Apóstoli senténtia caput mulieris vir sit; quid tandem afférri potest, quin, cum cápitis genus recensétur, corpus quoque una cum cápíte recenséri consequátur? Maniféste igitur osténsus esse árbítror, Joséphi genus apud Evangelístas non frustra recenséri, ex quo necessáριο Virgo quoque a Davíde oriúnda esse per consecutiónem intelligitur, et qui præcellénti miraculo ex ipsa génitus est Christus, ante sácula Dei Fílius.

Te Deum laudámus.

Vesperæ de seq. die Octava.

FERIA IV


In Octava S. Joseph

Duplex majus 872

In II Nocturno

Sermo sancti Augustini
EpiscopiLib. 1 de Nupt. et Concup.
c. 11

Lectio iv



ON falláciter ab Angelo dictum est ad Joseph : Noli timére accípere Mariám cónjugem tuam. Conjux vocátur ex prima fide desponsatiónis, quam concúbitu nec cognóverat nec fúerat cognitúrus; nec perierat nec mendax mánserat cónjugis appellátio, ubi nec fúerat nec futúra erat ulla carnis commíxtio. Erat quippe illa Virgo; ideo et sánctius et mirabílius jucúnda suo viro, quia étiam fœcúnda sine viro, prole dispar, fide compar. Propter quod fidéle conjúgium paréntes Christi vocári ambo meruérunt, et non solum illa mater, verum étiam ille pater ejus, sicut conjux matris ejus, utrúmque mente, non carne. Sive autem ille pater solamente, sive illa mater et carne, paréntes tamen ambo humilitátis ejus, non subli-

mitátis; infirmitátis, non divinitátis.

℟. Dedísti mihi protectiódinem salútis tuæ et délixtera tua suscepit me :
* Protéctor meus et cornu salútis meæ et suscepitor meus, allelúja. ℣. Ego protéctor tuus sum et merces tua magna nimis.
— Protéctor.

Lectio v

NEque enim mentítur Evangelíum, ubi légitur : Et erat pater ejus et Mater mirántes super his, quæ dicebántur de illo. Et álio loco : Ibant paréntes ejus per omnes annos in Jerúsalem. Item paulo post : Et dixit Mater ejus ad illum : Fili, quid fecísti nobis sic? Ecce pater tuus et ego doléntes quærebámus te. At ille, ut osténderet habére se præter illos Patrem, qui eum genuit præter matrem, respóndit eis : Quid est, quod me quærebátis? Nesciebátis quia in his, quæ Patris mei sunt, opórtet me esse? Et rursum, ne hoc dicto paréntes illos negásse putarétur, Evangelísta secútus adjúnxit : Et ipsi non intellexérunt verbum, quod locútus est ad illos; et descéndit cum eis, et venit Názareth, et erat súbditus illis. Quibus súbditus nisi paréntibus?

Quis autem súbditus, nisi Jesus Christus, qui cum in forma Dei esset, non rapinam arbitrátus est, esse se æquálem Deo?

℟. Státuet filios suos sub tégmine illius et sub ramis ejus morábitur; protegétur sub tégmine illius a fervóre : * Et in glória ejus requiescet, allelúja.

℣. Speráte in eo, omnis congregátio pópuli, effúndite coram illo corda vestra. — Et.

Lectio vi

CUR ergo illis súbditus, qui longe infra formam Dei erant, nisi quia semetipsum exinanívit formam servi accípiens, cujus formæ paréntes erant? Sed profecto nec ipsius formæ servi paréntes ambo essent, nisi inter se étiam sine carnis commixtióne cónjuges essent. Unde et séries generatiónum, cum paréntes Christi connexiône successiόνis commemorántur, usque ad Joseph pótius, sicut factum est, fúerat perducénda; ne in illo conjúgio virili séxui, útique potióri, fieret injúria, cum veritáti nihil períret, quia ex sémine David, ex quo ventúrus prædictus est Christus, et Joseph erat et María. Omne itaque nuptiárum bonum implétum est in

illis paréntibus Christi : proles, fides, sacraméntum. Prolem cognóscimus ipsum Dóminum Jesum; fidem, quia nullum adulterium; sacraméntum, quia nullum divórtium.

℟. Si consístant advérsus me castra, non timébit cor meum : * Si exsúrgat advérsus me prælium, in hoc ego sperábo, allelúja. ℣. In te cantátio mea semper, quóniam tu adjútor fortis. — Si exsúrgat. Glória Patri. Si exsúrgat.

In III Nocturno

Léctio sancti Evangélii
secúndum Lucam

Lectio vii Cap. 3, 21-23

IN illo témpore : Factum est autem cum baptizárétur omnis pópulus, et Jesu baptizáto et oránte, apértum est cælum. Et reliqua.

Homília sancti Augustíni
Epíscopi

Sermo 36 de temp. Bapt.
Christi

MAtális hódie alter est quodam modo Salvatóris. Nam eisdem eum signis, eisdem miraculis cognóscimus génitum, sed nunc majóri mystério baptizátum. Ait enim Deus : Hic est Fílius meus diléctus, in quo mihi complácu. Præclárior pla-

ne est secúnda, quam prima natívitás. Illa enim sine teste siléntio Christum genuit; ista cum divinitátis professióne Dóminum baptizávit. Ab illa se Joseph, qui pater putabátur, excúsat; in hac se Pater, qui non credebátur, insínuat. Ibi labórat suspiciónibus Mater, quia professióni déerat pater; hic honorátur Génitrix, quia Divínitas Fílium protestátur.

℟. Joseph, fili David, noli timére accíperere Mariám cónjugem tuam; quod enim in ea natum est, de Spíritu Sancto est : páriet autem fílium, * Et vocábis nomen ejus Jesum, allelúja. ℣. Ipse enim salvum fáciét pópulum suum a peccátis eórum. — Et.

Lectio viii

Honorátior, inquam, secúnda, quam prima natívitás. Siquidem Pater hic Deus majestátis inscribitur; illic Joseph ártifex aestimátur. Et licet in utrámque Dóminus per Spíritum Sanctum et natus sit et baptizátus, tamen honorátior est qui de cælis clamat, quam qui in terris labórat. Joseph ergo faber in terris pater putabátur esse Dómini Salvatóris, nec ab hoc ópere Deus, qui vere est Pater Dómini

nostri Jesu Christi, excluditur; nam est et ipse faber.

℟. Surge, et áccipe Puerum et Matrem ejus, et fuge in Ægýptum; * Et esto ibi usque dum dicam tibi, allelúja. ℣. Ut adimplerétur quod dictum est a Dómino per prophétam dicéntem : Ex Ægýpto vocávi Fílium meum. — Et. Glória Patri. Et.

Lectio ix

Ipse enim est ártifex, qui hujus mundi máchinam non solum mirábili, sed étiam ineffábili poténtia fabricávit; tamquam sapiens architétus cælum sublimitáte suspéndit, terram mole fundávit, mária cálculis alligávit. Ipse est ártifex, qui ad mensúram quamdam supérbie depónit fastigia, humilitátis extrémá sublímat. Ipse est ártifex, qui in nostris móribus præcídít supérflua ópera, útilia quæque consérvat. Ipse est ártifex, cujus secúrim ad radicem nostram pósitam Joánnes Baptísta comminátur, ut omnis arbor, quæ normam justæ discretiónis excésserit, excísa radícitus tradátur incéndio; quæ autem mensúram veritátis habúerit, cælésti fábrica deputétur. Te Deum laudámus.

FESTA MAJI

DIE 1 MAJI

Ss. Philippi et Jacobi Apostolorum

DUPLEX II CLASSIS

Omnia de Communi Apostolorum Tempore Paschali [4], præter ea quæ hic habentur propria.

IN I VESPERIS

Ant. 1 Dómine, * osténde nobis Patrem, et súfficit nobis, allelúja.

2 Philíppe, * qui videt me, videt et Patrem meum, allelúja.

3 Tanto témpore * vobíscum sum, et non cognovístis me? Philíppe, qui videt me, videt et Patrem meum, allelúja.

4 Si cognovissétis me, * et Patrem meum útique cognovissétis, et ámodo cognoscétis eum, et vidístis eum, allelúja, allelúja, allelúja.

5 Si dilígitis me, * mandáta mea serváte, allelúja, allelúja, allelúja.

Capitulum Sap. 5, 1

Stabunt justi in magna constántia advérsus eos, qui se angustiavérunt, et qui abstulérunt labóres eórum.

Hymnus

TRistes erant Apóstoli
De Christi acérbo fúnere,

Quem morte crudelíssima
Servi necárant ípii.

Sermóne verax Angelus
Mulieribus prædixerat :
Mox ore Christus gáudium

Gregi feret fidélium.

Ad ánxios Apóstolos
Currunt statim dum nún-
tíæ,

Illæ micántis óbvia
Christi tenent vestígia.

Galilææ ad alta móntium
Se cónferunt Apóstoli,
Jesúque, voti cómpotes,
Almo beántur lúmíne.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

¶ **Post Ascensionem vero Conclusio erit :**

Jesu, tibi sit glória,
Qui victor in cælum redis,
Cum Patre, et almo Spí-
ritu,
In sempitérna sácula.
Amen.

¶ **Conclusiones præcedentes numquam mutantur.**

℣. Sancti et justí, in Dó-
mino gaudéte, allelúja.

℟. Vos elégit Deus in
hereditátem sibi, allelúja.

Ad Magnif. Ant. Non
turbétur * cor vestrum,
neque formídet : créditis
in Deum, et in me crédite :
in domo Patris mei man-
siónes multæ sunt, alle-
lúja, allelúja.

Oratio

DEus, qui nos ánnua
Apostolórum tuórum
Philíppi et Jacóbi solem-
nitáte lætíficas : præsta,
quæsumus; ut, quorum
gaudémus méritis, in-
struámur exémplis. Per
Dóminum.

**Et fit Commemoratio præ-
cedentis :**

Ant. Veni, Sponsa Chri-
sti, áccipe corónam, quam
tibi Dóminus præparávit
in ætérnum, allelúja.

℣. Diffúsa est grátia.

Oratio

DA, quæsumus, omni-
potens Deus : ut, qui
beátæ Catharínæ Vírginis

tuæ natalítia cólimus; et
ánnua solemnitáte læté-
mur, et tantæ virtútis
proficiámus exémplo. Per
Dóminum.

AD MATUTINUM

In I Nocturno

**Si tunc temporis non legitur
de Epistola B. Jacobi, po-
nitur initium ejus Epistolæ,
ut infra; si autem ea tunc
legitur, ponatur de ea, quod
illo die contigerit. Respon-
soria tamen semper dicuntur
de Communi, ut infra.**

Incipit Epístola cathólica
beáti Jacóbi Apóstoli

Lectio i Cap. 1, 1-16



Acóbus, Dei et Dó-
mini nostri Jesu
Christi servus, duó-
decim tribubus, quæ sunt
in dispersióne, salútem.
Omne gáudium existi-
máte, fratres mei, cum in
tentatiónes várias incidé-
ritis : sciéntes quod pro-
bátio fidei vestræ patién-
tiam operátur. Patiéntia
autem opus perféctum ha-
bet : ut sitis perfécti et
íntegri in nullo deficientes.
Si quis autem vestrum
índiget sapiéntia, póstulet
a Deo, qui dat ómnibus
affluénter, et non impró-
perat : et dábitur ei. Pó-
stulet autem in fide nihil
hásitans.

℟. Beátus vir, qui méruit
Dóminum, allelúja : * In

mandátis ejus cupit nimis, allelúja, allelúja, allelúja. **V.** Glória et divítiae in domo ejus, et justítia ejus manet in sáeculum sáeculi. — In.

Lectio ii

QUI enim háesitat, símilis est flúctui maris, qui a vento movétur et circumfértur. Non ergo aestimet homo ille quod accípiat áliquíd a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua : dives autem in humilitáte sua, quóniam sicut flos fœni transíbit. Exórtus est enim sol cum ardóre, et arefécit fœnum, et flos ejus décidit, et decor vultus ejus depériit : ita et dives in itinéribus suis marcéscet.

R. Tristítia vestra, allelúja, * Convertétur in gáudium, allelúja, allelúja. **V.** Mundus autem gaudébit, vos vero contristabímmini, sed tristítia vestra. — Convertétur.

Lectio iii

BEátus vir, qui suffert tentatióne : quóniam cum probátus fúerit, accípiet corónam vitæ, quam repromísit Deus diligéntibus se. Nemo, cum tentátur, dicat quóniam a Deo tentátur : Deus

enim intentátor malórum est : ipse autem néminem tentat. Unusquisque vero tentátur a concupiscéntia sua abstráctus et illéctus. Deínde concupiscéntia, cum concéperit, parit peccátum : peccátum vero, cum consummátum fúerit, génerat mortem. Nolíte itaque erráre, fratres mei dilectíssimi.

R. Pretiósá in conspéctu Dómini, allelúja, * Mors Sanctórum ejus, allelúja.

V. Custódit Dóminus ómnia ossa eórum, unum ex his non conterétur. — Mors. Glória Patri. Mors.

In II Noeturno

Lectio iv



PHilíppus Bethsáidæ natus, unus ex duódecim Apóstolis, qui primum a Christo Dómino vocáti sunt : a quo cum accepísset Nathánael, venísse Messíam in lege promíssum, ad Dóminum dedúctus est. Quam vero Christus eum familiáriter adhiberet, illud fácele declárat, quod gentíles Salvatórem vídere cupiéntes, ad Philíppum accessérunt ; et Dóminus, cum in solitúdine hóminum multitúdinem páscere vellet, sic Philíppum affátus est : Unde emémus panes, ut mandúcent hi? Is, accépto

Spíritu Sancto, cum ei Scýthia ad prædicandum Evangélium obtigisset, omnem fere illam gentem ad christiánam fidem convertit. Postrémo, cum Hierápolim Phrýgiæ venisset, pro Christi nómine cruci affixus lapidibúsque óbrutus est, Kaléndis Maji. Ejus corpus ibídem a Christiánis sepúltum, póstea Romam delátum, in basilica duódecim Apostolórum una cum corpore beáti Jacóbi Apóstoli cón-ditum est.

✠. Lux perpétua lucébit Sanctis tuis, Dómine, * Et ætérnitas téporum, alle-lúja, allelúja. ✠. Lætítia sempitérna erit super cápita eórum : gáudium et exsultatiónem obtiné-bunt. — Et.

Lectio v

Jacóbus frater Dómini, cognométo Justus, ab ineúnte ætáte vinum et síceram non bibit, carne abstínuit, numquam ton-sus est, nec unguénto nec bálneo usus. Huic uni licébat ingredi in Sancta sanctorum. Idem líneis véstibus utebátur : cui étiam assidúitas orándi ita callum génibus obdú-xerat, ut durítie caméli pellem imitarétur. Eum post Christi ascensiónem Apóstoli Jerosolymórum

episcopum creavérunt; ad quem étiam Princeps Apo-stolórum misit qui nun-tiáret se e cárcere ab An-gelo edúctum fuisse. Cum autem in concílio Jerosó-lymis controversia esset orta de lege et circumci-sióne; Jacóbus, Petri sen-téntiam secútus, ad fra-tres hábuit conciónem, in qua vocatióem géntium probávit, fratribúsque ab-séntibus scribéndum esse dixit, ne géntibus jugum Mosáicæ legis impónerent. De quo et lóquitur Apó-stolus ad Gálatas : Alium autem Apostolórum vidi néminem, nisi Jacóbum fratrem Dómini.

✠. Virtúte magna reddé-bant Apóstoli * Testimó-nium resurrectionis Jesu Christi Dómini nostri, al-lelúja, allelúja. ✠. Repléti quidem Spíritu Sancto, loquebántur cum fidúcia verbum Dei. — Testi-mónium.

Lectio vi

Tanta autem erat Jacóbi vitæ sáncritas, ut fim-briam vestiménti ejus cer-tátim hómines cúperent attingere. Nam is nona-gínta sex annos natus, cum trigínta annis illi Ecclésiæ sanctíssime præ-fuisset, Christum Dei Fí-lium constantíssime præ-dicans, lapídibus primum

appétitur; mox in altissimum Templi locum ad ductus, inde præcipitatus est. Qui, confractis cruribus, jacens semivivus, manus tendebat ad cælum, Deumque pro illorum salute deprecabatur his verbis : Ignosce eis, Domine, quia nesciunt quid faciunt. Qua in oratione, graviter ejus capite fulionis fuste percusso, animam Deo reddidit, septimo Nerónis anno, et juxta Templum ubi præcipitatus fuerat, sepultus est. Unam scripsit epistolam, quæ de septem catholicis est.

R. Isti sunt agni novelli, qui annuntiaverunt, allelúja : modo venerunt ad fontes, * Repleti sunt claritate, allelúja, allelúja. **V.** In conspectu Agni amicti sunt stolis albis, et palmæ in manibus eorum. — Repleti. **Gloria Patri.** Repleti.

In III Nocturno

Lectio sancti Evangelii
secundum Joannem

Lectio vii Cap. 14, 1-13

IN illo tempore : Dixit Jesus discipulis suis : Non turbetur cor vestrum. Creditis in Deum, et in me credite. In domo Patris mei mansiones multæ sunt. Et reliqua.

Homilia sancti Augustini
Episcopi

Tractatus 67 in Joannem



Rigenda est nobis, fratres, ad Deum major intentio, ut verba sancti Evangelii, quæ modo in nostris auribus sonuerunt, etiam mente capere utcumque possimus. Ait enim Dominus Jesus : Non turbetur cor vestrum. Creditis in Deum, et in me credite. Ne mortem tamquam homines timerent, et ideo turbarentur, consolatur eos, etiam se Deum esse contestans. Creditis, inquit, in Deum, et in me credite. Consequens est enim, ut si in Deum creditis, et in me credere debeatis : quod non esset consequens, si Christus non esset Deus.

R. Ego sum vitis vera, et vos palmites : * Qui manet in me, et ego in eo, hic fert fructum multum, allelúja, allelúja. **V.** Sicut dilexit me Pater, et ego dilexi vos. — Qui.

Lectio viii

CREDITIS in Deum, et in Deum credite, cui natura est, non rapina, esse æqualem Deo; semetipsum enim exinanivit, non tamen formam Dei amittens, sed formam servi accipiens. Mortem metui-

tis huic formæ servi : non turbétur cor vestrum; suscitábit illam forma Dei. Sed quid est, quod séquitur : In domo Patris mei mansiónes multæ sunt; nisi quia et sibi metuébant? Unde audíre debuérunt : Non turbétur cor vestrum. Quis enim eórum non metuéret, cum Petro dictum esset, fidentióri atque promptióri : Non cantábit gallus, donec ter me neges?

℟. Cándidi facti sunt Nazaræi ejus, allelúja; splendórem Deo dedérunt, allelúja : * Et sicut lac coaguláti sunt, allelúja, allelúja.

℣. Candidióres nive, niti-dióres lacte, rubicundióres ébore antíquo, sapphíro pulchrióres. — Et. Glória Patri. Et.

Feria II Rogationum et in Vigilia Ascensionis ix Lectio de Homilia Feriæ, alias

Lectio ix

TAmquam ergo essent ab illo peritúri, mérito turbabántur; sed cum áudiunt, In domo Patris mei mansiónes multæ sunt : si quo minus, dixíssem vobis : Quia vado paráre vobis locum; a perturbatióne recreántur, certi ac fidéntes, étiam post perícula tentatiónum, se apud Deum cum Christo esse mansúros. Quia etsi álius

est álio fórtior, álius álio sapiéntior, álius álio jústior, álius álio sánctior, in domo Patris mei mansiónes multæ sunt. Nullus eórum alienábitur ab illa domo, ubi mansiónem pro suo quisque acceptúrus est mérito. Te Deum.

AD LAUDES

et ad Horas, Añæ

1 Dómine, * osténde nobis Patrem, et súfficit nobis, allelúja.

2 Philíppe, * qui videt me, videt et Patrem meum, allelúja.

3 Tanto témpore * vobiscum sum, et non cognovístis me? Philíppe, qui videt me, videt et Patrem meum, allelúja.

4 Si cognovissétis me, * et Patrem meum útique cognovissétis, et ámodo cognoscétis eum, et vidístis eum, allelúja, allelúja, allelúja.

5 Si dilígitis me, * mandáta mea serváte, allelúja, allelúja, allelúja.

Capitulum Sap. 5, 1

Stabunt justi in magna constántia advérsus eos, qui se angustiavérunt, et qui abstulérunt labóres eórum.

Hymnus

PAschále mundo gáudium
Sol núntiat formósior,

Cum luce fulgéntem nova
Jesum vident Apóstoli.

In carne Christi vúlnera
Micáre tamquam sídera
Mirántur, et quidquid vi-
dent

Testes fidéles prædicant.

Rex Christe clementís-
sime,

Tu corda nostra pósside,
Ut lingua grates débitas
Tuo repéndat nómini.

Ut sis perénne méntibus
Paschále, Jesu, gáudium,
A morte dira críminum
Vitæ renátos libera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

¶ Post Ascensionem vero
Conclusio erit :

Jesu, tibi sit glória,
Qui victor in cælum redis,
Cum Patre, et almo Spíritu,
In sempitérna sácula.

Amen.

¶ Conclusiones præcedentes
numquam mutantur.

℣. Pretiósá in conspéctu
Dómini, allelúja. ℟. Mors
Sanctorum ejus, allelúja.

Ad Bened. Ant. Ego sum
via, * véritas et vita :
nemo venit ad Patrem,
nisi per me, allelúja.

Oratio

D Eus, qui nos ánnua
Apostolorum tuorum
Philippi et Jacóbi solem-

nitáte lætíficas : præsta,
quæsumus; ut, quorum
gaudémus méritis, in-
struámur exémpis. Per
Dóminum.

Feria II Rogationum et in
Vigilia Ascensionis fit Com-
memoratio Feriæ.

AD PRIMAM

Ant. Dómine, ut supra.
906

AD TERTIAM

Ant. Philíppe, ut su-
pra. 906

Capitulum Stabunt, ut
supra. 906

℟. br. Sancti et justí, in
Dómino gaudéte, * Alle-
lúja, allelúja. Sancti.
℣. Vos elégit Deus in
hereditátem sibi. Allelúja,
allelúja. Glória Patri. San-
cti. ℣. Lux perpétua lucé-
bit Sanctis tuis, Dómine,
allelúja. ℟. Et ætérnitas
témporum, allelúja.

AD SEXTAM

Ant. Tanto témpore, ut
supra. 906

Capitulum Sap. 5, 5

E Cce quómodo compu-
táti sunt inter filios
Dei, et inter Sanctos sors
illórum est.

℟. br. Lux perpétua lu-
cébit Sanctis tuis, Dó-
mine, * Allelúja, allelúja.
Lux. ℣. Et ætérnitas tém-
porum. Allelúja, allelúja.
Glória Patri. Lux. ℣. Læ-

títia sempitérna super
cápita eórum, allelúja.
✠. Gáudium et exsultatió-
nem obtinébunt, allelúja.

Oratio

DEus, qui nos ánnua
Apostolórum tuórum
Philíppi et Jacóbi solem-
nitáte lætíficas : præsta,
quæsumus; ut, quorum
gaudémus méritis, in-
struámur exémplic. Per
Dóminum.

AD NONAM

Ant. Si dilígitis me, *
mandáta mea serváte, al-
lelúja, allelúja, allelúja.

Capitulum Rom. 8, 28

SCimus quóniam dili-
géntibus Deum ómnia
cooperántur in bonum, iis
qui secúndum propósitum
vocáti sunt sancti.

✠. **br.** Lætítia sempi-
térna super cápita eórum,
* Allelúja, allelúja. Lætí-
tia. ✠. Gáudium et exsul-
tatiónem obtinébunt. Al-
lelúja, allelúja. Glória Pa-
tri. Lætítia. ✠. Pretiósá
in conspéctu Dómini, alle-
lúja. ✠. Mors Sanctórum
ejus, allelúja.

IN II VESPERIS

Antiphonæ de Laudibus;
Psalmi, Capitulum et Hym-
nus ut in II Vesperis de Com-
muni Tempore Paschali. [21]

✠. Pretiósá, **ut supra.**

Ad Magnif. Ant. Si man-
sérítis in me, * et verba

mea in vobis mánserint,
quodcúmque petiérítis, fiet
vobis, allelúja, allelúja,
allelúja.

Et fit Commemoratio se-
quentis.

Die 2 Maji

S. Athanasii

Ep., Conf. et Eccl. Doct.

Duplex [84]

Ant. O Doctor óptime,
Ecclesiæ sanctæ lumen,
beáte Athanási, divínæ le-
gis amátor, deprecáre pro
nobis Fílium Dei, allelúja.

✠. Amávit eum Dóminus.

Oratio

C 2

EXáudi, quæsumus, Dó-
mine, preces nostras,
quas in beáti Athanásii
Confessóris tui atque Pon-
tíficis solemnitate deféri-
mus : et, qui tibi digne
mérui famulári, ejus in-
tercedéntibus méritis, ab
ómnibus nos absólve pec-
cátis. Per Dóminum.

**In I Nocturno, si sumendæ
sint de Communi, Lectiones
Sapiéntiam. [104]**

In II Nocturno

Lectio iv



Thanásius Alexan-
drínus, cathólicæ
religiónis propu-
gnátor acérrimus, ab Ale-
xándro epíscopo Alexan-
dríno diáconus factus est,

in cujus locum succéssit. Quem étiam ántea secútus fúerat ad Nicáenum Concílium; ubi cum Aríi impietátem repressísset, tantum ódium Arianórum suscépit, ut ex eo témpore ei insídias molíri numquam destíterint. Nam coácto ad Tyrum concílio magna ex parte Arianórum episcopórum, subornárunť muliérculam quæ accusáret Athanásium, quod hospítio accéptus sibi stuprum per vim intulísset. Introdúctus ígitur est Athanásius, et una cum eo Timótheus præsbyter; qui símulans se esse Athanásium, Ego ne, inquit, múlíer, apud te sum diversátus? ego te violávi? Cui illa petulánter : Tu mihi vim attulísti; idque jurejurándo affirmans, júdicum fidem obtestabátur, ut tantum flagítium vindicárent. Quacógnita fraude, rejécta est mulieris impudéntia.

✠. Invéni David servum meum, óleo sancto meo unxi eum : * Manus enim mea auxiliábitur ei, allelúja. ✠. Nihil profíciet inimícus in eo, et fílius iniquitátis non nocébit ei. — Manus.

Lectio v

Arsénium quoque episcopum ab Athanásio interféctum Ariáni pervul-

gárunť; quem dum ocúlté détinent, manum mórtui déferunt in júdicium, ab Athanásio ad usum mágicæ artis Arsénio amputátam criminántes. At Arsénius noctu aufúgiens, cum se in conspéctu totíus concílii statuísset, Athanásii inimicórum impudentíssimum scelus apéruiť. Quod illi nihilóminus mágicis ártibus Athanásii tribuéntes, vitæ ejus insidiári non desistébant. Quam ob rem in exsílíum actus, in Gállia apud Tréviro exsulávit. Grávibus deinceps ac diutúrnis sub Constántio imperatóre, Arianórum fauťóre, tempestátibus jactátus et incredíbiles calamitátes perpéssus, magnam orbis terræ partem peragrávit; ac sæpe e sua ecclésia ejéctus, sæpe étiam in eámdem et Júlii, Románi Pontíficis, auctoritáte, et Constántis imperatóris, Constántii fratris, patrocínio, decretis quoque concílii Sardicénsis ac Jerosolymitáni, restitútus est, Ariánis intérea illi semper inféstis; quorum pertinácem iram, et summum vitæ discrímen fúgiens, in sicca cistérna quinque annis se ábdidit, ejus rei tantum cóncscio quodam Athanásii amíco, qui eum clam sustentábat.

℟. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei, allelúja. ℣. Inveni David servum meum, óleo sancto meo unxi eum. — Manus.

Lectio vi

CONSTÁNTIO mórtuo, cum Juliánus Apóstata, qui ei in império succéssit, éxsules episcopos ad suas ecclésiass redíre permisisset, Athanásius Alexandríam revérsus, summo honóre excéptus est. Sed non multo post, iisdem Ariánis impelléntibus, a Juliáno exagitátus, rursus discédere cógitur. Cumque ab ejus satellítibus ad necem conquirerétur, qua fugiébat navícula contráram flúminis partem, iis qui se insequébántur, ex indústria occúrrit; et quæréntibus quantum inde abéssset Athanásius, respóndit eum non longe abéssse : itaque illos contrárium tenéntes cursum effúgit, atque Alexandríam rédiens, ibídem usque ad Juliáni óbitum occúltus permánsit. Qui paulo post, Alexandríæ ália exórta tempestáte, quátuor menses in patérno sepúlcro delítuit. Ac dénique ex tot tantisque perículis divínitus eré-

ptus, Alexandríæ mórtuus est in suo léctulo, sub Valénte : cujus vita et mors magnis nobilitáta est miráculis. Multa pie et ad illustrándam cathólicam fidem præcláre scripsit, sexque et quadragínta annos in summa témporum varietáte Alexandrínam ecclésiám sanctíssimè gubernávit.

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum, allelúja. ℣. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplicitate

Lectio ix

ATHANÁSIUS, episcopus Alexandrinus, cathólicæ religiónis propugnátor acérrimus, cum, adhuc diáconus, in Concílio Nicæno Arii impietátem repressísset, tantum ódium Arianórum suscepit, ut ex eo témpore ei insídias molíri numquam destíterint. In exsílum actus, in Gálalia apud Tréviros exsulávit. Incredíbles dein calamitátes perpéssus, magnam orbis partem peragravit; ac sæpe e sua

ecclésia ejéctus, sæpe étiam in eámdem, Júlii, Románi Pontíficis, auctoritaté atque decretis concilii Sardicénsis ac Jerosolymitáni, restitútus est, Ariánis intérea illi semper inféstis. Dénique ex tot tantisque periculis divínus eréptus, Alexandriæ mórtuus est sub Valénte. Ejus vita et mors magnis nobilitáta est miráculis. Multa pie et ad illustrándam cathólicam fidem præcláre scripsit, sexque et quadragínta annos in summa témporum varietáte Alexandrínam ecclésiám sanctíssimè gubernávit.

Te Deum laudámus.

In III Nocturno

Léctio sancti Evangélíi
secúndum Matthæum

Lectio vii Cap. 10, 23-28

IN illo témpore : Dixit Jesus discipulis suis : Cum persequéntur vos in civitaté ista, fúgite in áliam. Et réliqua.

Homilía sancti Athanásii
Epíscopi

Apologia de fuga sua,
ante médium

IN lege præcéptum erat ut constitueréntur civitatés refugiórum, ut, qui quomocúmque ad necem quæ-

reréntur, servári possent. In consummatíone porro sæculórum cum advenísset illud ipsum Verbum Patris, quod Móysi ántea locútum fúerat, rursus hoc præcéptum dedit, Cum vos, inquires, persecúti fúerint in civitaté ista, fúgite in áliam. Paulóque post súbjicit : Cum vidéritis illam abominatióem desolatiónis, quæ dicta est per Daniélem prophétam, consistentem in loco sancto (qui legit, intélligat), tunc qui in Judæa sunt, fúgiant ad montes; et qui in tecto est, ne descéndat tóllere áliquíd de domo sua; et qui in agro est, non revertátur tóllere tunicam suam.

℟. Amávit eum Dóminus, et ornávit eum : stolam glóriæ induit eum,* Et ad portas paradísi coronávit eum, allelúja. ℣. Induit eum Dóminus lorícam fidei, et ornávit eum. — Et.

Lectio viii

HÆC cum scirent Sancti, ejúsmodi tenuérunt suæ conversatiónis institútum. Quæ enim nunc præcépit Dóminus, éadem quoque ante suum in carne advéntum locútus est in Sanctis; et hoc institútum hómines ad perfectiόnem ducit. Nam quod Deus jússerit, id

omnino faciendum est. Ideoque et ipsum Verbum propter nos homo factum, non indignum putavit, cum quaereretur, quemadmodum et nos, abscondere se; et cum persecutiōnem pateretur, fugere, et insidias declinare: cum autem a se definitum tempus ipse adduxisset, in quo corporaliter pro omnibus pati volebat, ultro seipsum tradidit insidiantibus.

℟. In medio Ecclesiæ aperuit os ejus, * Et implevit eum Dominus spiritu sapientiæ et intellectus, allelúja. ℣. Jucunditatem et exsultationem thesaurizavit super eum. — Et. Glória Patri. Et.

Feria II Rogationum et in Vigilia Ascensionis ix Lectio de Homilia Feriæ et fit ejus Com. ad Laudes, alias

Lectio ix

AT vero sancti homines cum hanc quoque formam a Salvatore didicissent, (ab ipso enim et antea et semper omnes docebantur) adversus persecutores ut legitime certarent, fugiebant, et ab illis quæsi se abscondebant. Cum enim præstituti sibi a divina providentia temporis finem ignorarent, nolébant insidiantibus se temere tradere: sed contra, cum

scirent quod scriptum est, in manibus Dei esse hominum sortes, et Dominum mortificare et vivificare; potius in finem usque perseverabant, circumeuntes, ut ait Apostolus, in molitis et pellis caprinis, egentes, angustati, in solitudinibus errantes, et in speluncis et cavernis terræ latentes, quoad vel definitum mortis tempus veniret, vel qui tempus ipsum definierat, Deus cum eis loqueretur, et insidiantes cohiberet, aut certe persecutoribus eos traderet, utcumque illi placuisset.

Te Deum laudamus.

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, dicit Dominus, allelúja.

Oratio

C 2

EXaudi, quæsumus, Domine, preces nostras, quas in beati Athanasii Confessoris tui atque Pontificis solemnitate deferimus: et, qui tibi digne meruit famulari, ejus intercedentibus meritis, ab omnibus nos absolve peccatis. Per Dominum.

Vesperæ de sequenti, Commemoratio præcedentis.

DIE 3 MAJI

In Inventionē S. Crucis

DUPLEX II CLASSIS

IN I VESPERIS

Ant. 1 O magnum pietātis opus : * mors mórtua tunc est, in ligno quando mórtua Vita fuit, allelúja.

Psalmi de Dominica 72, sed loco ultimi Ps. 116 Laudáte Dóminum, omnes gentes. 92

2 Salva nos, * Christe Salvátor, per virtútem Crucis : qui salvásti Petrum in mari, miserére nobis, allelúja.

3 Ecce Crucem Dómini, * fúgite, partes advérsæ, vicit leo de tribu Juda, radix David, allelúja.

4 Nos autem gloriári * opórtet in Cruce Dómini nostri Jesu Christi, allelúja.

5 Per signum Crucis * de inimícis nostris libera nos, Deus noster, allelúja.

Capitulum Philipp. 2, 5-7

Fratres : Hoc enim sentíte in vobis, quod et in Christo Jesu : qui, cum in forma Dei esset, non rapínam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum

factus, et hábitu invéntus ut homo.

Hymnus

VExílla Regis pródeunt :
Fulget Crucis mystérium,

Qua vita mortem pértulit,
Et morte vitam prótulit.

Quæ, vulneráta lanceæ
Mucrónē diro, críminum
Ut nos laváret sórdibus,
Manávit unda et sánguine.

Impléta sunt quæ cóncinit
David fidéli cármine,
Dicéndo natió nibus :
Regnávit a ligno Deus.

Arbor decóra et fúlgida,
Ornáta Regis púrpura,
Elécta digno stípíte
Tam sancta membra tángere.

Beáta, cujus bráchiis
Prétium pepéndit sáculi,
Statéra facta córporis,
Tulítque prædam tártari.

¶ Sequens strophá dicitur flexis genibus; et última numquam mutatur.

O Crux, ave, spes única,
Paschále quæ fers gáudium,
Piis adáuge grátiam,
Reisque dele crímina.

Te, fons salutis, Trinitas,
Collaudet omnis spiritus :
Quibus Crucis victoriam
Largiris, adde primum.
Amen.

℣. Hoc signum Crucis
erit in cælo, allelûja.
℟. Cum Dominus ad judi-
candum venerit, allelûja.

Ad Magnificat, Ant. O
Crux, * splendidior cun-
ctis astris, mundo céle-
bris, hominibus multum
amabilis, sanctior univér-
sis, quæ sola fuisti digna
portare talentum mundi,
dulce lignum, dulces cla-
vos, dulcia ferens pón-
dera; salva præsentem ca-
tervam in tuis hodie laudi-
bus congregatam, alle-
lûja, allelûja.

In II Vesperis

Ad Magnif. Ant. Crucem
sanctam súbiit, * qui in-
fernum confrégit : accín-
ctus est poténtia, surréxit
die tertia, allelûja.

Oratio

DEus, qui in præclára
salutiferæ Crucis In-
ventioné, passionis tuæ
miracula suscitasti : con-
céde; ut vitális ligni pré-
tio, æternæ vitæ suffrágia
consequámur : Qui vivis.

**Et fit Commemoratio tan-
tum præcedentis.**

Ant. O Doctor óptime,
Ecclesiæ sanctæ lumen,
beáte Athanási, divínæ

legis amátor, deprecáre
pro nobis Fílium Dei, alle-
lûja.

℣. Justum dedúxit.

Oratio

C 2

EXáudi, quæsumus, Dó-
mine, preces nostras,
quas in beáti Athanásii
Confessóris tui atque Pon-
tificis solemnitáte deféri-
mus : et, qui tibi digne
mérui famulári, ejus in-
tercedéntibus méritis, ab
ómnibus nos absólve pec-
cátis. Per Dóminum.

Completorium de Dominica.

AD MATUTINUM

Invitat. Christum Regem
crucifixum, * Veníte, ado-
rémus, allelûja. **Ps. 94**
Veníte, exsultémus. 3

Hymnus

PAnge, lingua, gloriósi
Láuream certáminis,
Et super Crucis trophæo
Dic triúmphum nóbilem :
Quáliter Redémptor orbis
Immolátus vícerit.

De paréntis protoplásti
Fraude Factor cóndolens,
Quando pomi noxiális
In necem morsu ruit :
Ipse lignum tunc notávit,
Damna ligni ut sólveret.

Hoc opus nostræ salutis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsepia :
Membra pannis involúta
Virgo Mater álligat :
Et Dei manus pedésque
Stricta cingit fáscia.

Sempitérna sit beátæ
Trinitáti glória,
Æqua Patri, Filióque;
Par decus Paráclito :
Unius Triníque nomen
Laudet univérsitas.

Amen.

In I Noeturno

Ant. Invéntæ Crucis * fe-
sta recólimus, cujus præ-
cónium univérsum per
orbem micánti lúmine ful-
get, allelúja.

Psalmus 1



Eátus vir, qui non
ábiit in consílio im-
piórum, et in via
peccatórum non stetit, *
et in cáthedra pestiléntiæ
non sedit :

Sed in lege Dómini vo-
lúntas ejus, * et in lege
ejus meditábitur die ac
nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in
témpore suo :

Et fólium ejus non dé-
fluet : * et ómnia quæ-
cúmque fáciat, prospera-
búntur.

Non sic impii, non sic : *
sed tamquam pulvis,
quem prójicit ventus a
fácie terræ.

Ideo non resúrgent impii
in judício : * neque pecca-
tóres in concílio justórum.

Quóniam novit Dóminus
viam justórum : * et iter
impiórum períbit.

Psalmus 2

Quare fremuérunt gen-
tes, * et pópuli medi-
táti sunt inánia?

Astitérunt reges terræ,
et príncipes convenérunt
in unum * advérsus Dó-
minum, et advérsus Chri-
stum ejus.

Dirumpámus víncula eó-
rum : * et projiciámus a
nobis jugum ipsórum.

Qui hábitat in cælis, irri-
débit eos : * et Dóminus
subsannábit eos.

Tunc loquétur ad eos in
ira sua, * et in furóre suo
conturbábit eos.

Ego autem constitútu-
sum Rex ab eo super
Sion montem sanctum
ejus, * prædicans præ-
céptum ejus.

Dóminus dixit ad me : *
Fílius meus es tu, ego hó-
die génui te.

Póstula a me, et dabo
tibi gentes hereditátem

tuam, * et possessionem
tuam terminos terræ.

Reges eos in virga fēr-
rea, * et tamquam vas
figuli confringes eos.

Et nunc, reges, intelli-
gite : * erudimini, qui
judicatis terram.

Servite Dómino in ti-
móre : * et exsultate ei
cum tremóre.

Apprehēdite discipli-
nam, nequādo irascatur
Dóminus, * et pereatis de
via justa.

Cum exárserit in brevi
ira ejus, * beāti omnes
qui confidunt in eo.

Psalmus 3

Domine, quid multipli-
cati sunt qui tribulant
me? * multi insurgunt
adversum me.

Multi dicunt animæ
meæ : * Non est salus ipsi
in Deo ejus.

Tu autem, Dómine, sus-
céptor meus es, * glória
mea, et exáltans caput
meum.

Voce mea ad Dóminum
clamávi : * et exaudivit
me de monte sancto suo.

Ego dormívi, et soporá-
tus sum : * et exsurrexi,
quia Dóminus suscepit
me.

Non timébo millia pópuli
circumdántis me : * ex-
súrge, Dómine, salvum
me fac, Deus meus.

Quóniam tu percussisti

omnes adversantes mihi
sine causa : * dentes pec-
catorum contrivisti.

Dómini est salus : * et
super pópulum tuum be-
nedictio tua.

Ant. Inventæ Crucis fe-
sta recólimus, cujus præ-
cónium univérsum per
orbem micánti lúmine ful-
get, allelúja.

V. Hoc signum Crucis
erit in cælo, allelúja.

R. Cum Dóminus ad judi-
candum vénerit, allelúja.

De Epístola beāti Pauli
Apóstoli ad Gálatas

Lectio i Cap. 3, 10-14



Uicúmque ex opéri-
bus legis sunt,
sub maledicto sunt.

Scriptum est enim : Ma-
ledictus omnis, qui non
permánserit in ómnibus,
quæ scripta sunt in libro
legis ut fáciat ea. Quó-
niam autem in lege nemo
justificátur apud Deum,
maniféstum est : quia ju-
stus ex fide vivit. Lex
autem non est ex fide,
sed, Qui fécerit ea, vivet
in illis. Christus nos redé-
mit de maledicto legis,
factus pro nobis maledí-
ctum : quia scriptum est :
Maledictus omnis qui pen-
det in ligno : ut in gén-
tibus benedictio Abrahæ
fieret in Christo Jesu, ut
pollicitationem Spíritus
accipiámus per fidem.

✠. Gloriósum diem sacra venerátur Ecclésia, dum triumphále reserátur lignum : * In quo Redemptor noster, mortis vínculo rumpens, cállidum áspidem superávit, allelúja, allelúja, allelúja. ✠. In ligno pendens nostræ salutis sémitam Verbum Patris invénit. — In.

De Epístola ad Philip-
penses

Lectio ii Cap. 2, 5-11

HOC enim sentíte in vobis, quod et in Christo Jesu : qui, cum in forma Dei esset, non rapínam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen : ut in nómine Jesu omne genu flectátur cælestium, terréstrium, et infernórum : et omnis lingua confiteátur, quia Dóminus Jesus Christus in glória est Dei Patris.

✠. Crux fidélis, inter omnes arbor una nóbilis : nulla silva talem profert, fronde, flore, gérmine :

* Dulce lignum, dulces clavos, dulce pondus sustínuit, allelúja. ✠. Super ómnia ligna cedrórum tu sola excélsior. — Dulce.

De Epístola ad Colossenses

Lectio iii Cap. 6, 9-15

IN Christo inhábitat omnis plenitúdo divinitátis corporáliter : et estis in illo repléti, qui est caput omnis principátus et potestátis; in quo et circumcísí estis circumcisióne non manu facta in exspoliatióne córporis carnis, sed in circumcisióne Christi; consepúlti ei in baptísimo, in quo et resurrexistis per fidem operatiónis Dei, qui suscitávit illum a mórtuis. Et vos, cum mórtui essétis in delictis et præpútio carnis vestræ, convvivificávit cum illo, donans vobis ómnia delicta : delens quod advérsus nos erat chirógraphum decreti, quod erat contrárium nobis, et ipsum tulit de médio, affígens illud cruci : et exspólians principátus, et potestátes tradúxit confidénter, palam triúmphans illos in semetípso.

✠. Hæc est arbor digníssima, in paradísi médio situáta, * In qua salutis auctor própria morte mortem ómnium superávit, allelúja, allelúja. ✠. Crux

præcellénti decóre fúlgida, quam Hélena Constantíni mater concupiscénti ánimo requisívit. — In qua salutis auctor própria morte mortem ómnium superávit, allelúja, allelúja. Gló-
ria Patri. In.

In II Nocturno

Ant. Felix ille triúmp-
phus * fit salus ægris,
vitæ lignum, mortis remé-
dium, allelúja.

Psalmus 4



UM invocárem ex-
audivit me Deus
justítiæ meæ : * in
tribulatióne dilatásti mihi.

Miserére mei, * et exáudi
oratióem meam.

Fílii hóminum, úsquequo
gravi corde? * ut quid
diligitis vanitátem, et
quæritis mendácium?

Et scitóte quóniam miri-
ficávit Dóminus sanctum
suum : * Dóminus exáu-
diet me cum clamávero
ad eum.

Irascímini, et nolíte pec-
cáre : * quæ dicitis in cór-
dibus vestris, in cubilibus
vestris compungímini.

Sacrificáte sacrificium ju-
stítiæ, et speráte in Dó-
mino. * Multi dicunt :
Quis osténdit nobis bona?

Signátum est super nos
lumen vultus tui, Dómi-
ne : * dedísti lætítiam in
corde meo.

A fructu fruménti, vini,
et ólei sui * multiplicáti
sunt.

In pace in idípsum *
dórmiam, et requiéscam;

Quóniam tu, Dómine,
singuláriter in spe * con-
stituísti me.

Psalmus 5

Verba mea áuribus pér-
cipe, Dómine, * intél-
lige clamórem meum.

Inténde voci oratiónis
meæ, * Rex meus et Deus
meus.

Quóniam ad te orábo : *
Dómine, mane exáudies
vocem meam.

Mane astábo tibi et vidé-
bo : * quóniam non Deus
volens iniquitátem tu es.

Neque habitábit juxta te
málgnus : * neque perma-
nébunt injústi ante óculos
tuos.

Odísti omnes, qui ope-
rántur iniquitátem : *
perdes omnes, qui loquún-
tur mendácium.

Virum sánguinum et do-
lósus abominábitur Dó-
minus : * ego autem in
multitúdine misericórdiæ
tuæ.

Introibo in domum tu-
am : * adorábo ad tem-
plum sanctum tuum in
timóre tuo.

Dómine, deduc me in ju-
stítia tua : * propter inimí-
cos meos dírige in conspé-
ctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitudínem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Psalmus 8

Domine, Dóminus noster, * quam admirábile est nomen tuum in univérsa terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cælos tuos, ópera digitorum tuórum : * lunam et stellas, quæ tu fundásti.

Quid est homo, quod memor es ejus? * aut filius

hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Ant. Felix ille triúmphus fit salus ægris, vitæ lignum, mortis remédium, allelúja.

V. Adorámus te, Christe, et benedicimus tibi, allelúja. **R.** Quia per Crucem tuam redemísti mundum, allelúja.

Lectio iv



Ost insígnem victóriam, quam Constantínus imperátor, divínitus accépto sígno Domínicæ Crucis, ex Maxéntio reportávit, Hélena Constantíni mater, in somnis admónita, conquiréndæ Crucis stúdio Jerosólymam venit; ubi marmóream Véneris státuam, in Crucis loco a Géntibus collocátam ad tolléndam Christi Dómini

passiónis memóriam, post centum círciter octogínta annos, everténdam curávit. Quod item fecit ad præsépe Salvatóris et in loco resurrectionis, inde Adónidis hinc Jovis sublato simulacro.

℟. Nos autem gloriári opórtet in Cruce Dómini nostri Jesu Christi, in quo est salus, vita, et resurrectio nostra : * Per quem salváti et liberáti sumus, allelúja. ℣. Tuam Crucem adorámus, Dómine, et recólimus tuam gloriósam passióem. — Per.

Lectio v

ITaque loco Crucis purgáto, alte defóssæ tres cruces érutæ sunt, repertúsque seórsum ab illis Crucis Domínicæ titulus : qui cum ex tribus cui affixus fuisset, non appareret, eam dubitatióem sústulit miráculum. Nam Macárius Jerosolymórum epíscopus, factis Deo precibus, singulas cruces cuidam féminæ, gravi morbo laboránti, admóvit; cui cum réliquæ nihil profuissent, adhibita tértia Crux statim eam sanávit.

℟. Dum sacrum pignus cælitus revelátur, Christi fides roborátur : * Adsunt prodígia divína in virga Móysi primitus figuráta, allelúja, allelúja. ℣. Ad

Crucis contáctum resurgunt mórtui, et Dei magnália reserántur. — Adsunt.

Lectio vi

HElena, salutári Cruce invénta, magnificéntissimam ibi exstrúxit ecclésiám, in qua partem Crucis reliquit thecis argénteis inclúsam, partem Constantíno filio détulit; quæ Romæ repósita fuit in ecclésiá sanctæ Crucis in Jerúsalem, ædificáta in ædibus Sessoríanis. Clavos étiam áttulit filio, quibus sanctíssimum Jesu Christi corpus fixum fúerat. Quo ex témpore Constantínus legem sancívit, ne crux ad supplicium cuiquam adhiberétur. Ita, res quæ ántea homínibus probro ac ludíbrio fúerat, veneratióni et glóriæ esse cœpit.

℟. Hoc signum Crucis erit in cælo, cum Dóminus ad judicándum vénerit : * Tunc manifestá erunt abscondita cordis nostri, allelúja, allelúja. ℣. Cum séderit Fílius hóminis in sede majestátis suæ, et cœperit judicáre sáeculum per ignem. — Tunc. Glória Patri. Tunc.

In III Nocturno

Ant. Adorámus te, Christe, * et benedícimus tibi, quia per Crucem tuam

redemísti mundum, alle-
lúja.

Psalmus 95

Antáte Dómino cán-
ticum novum : *
cantáte Dómino,
omnis terra.

Cantáte Dómino, et be-
nedícite nómini ejus : *
annuntiáte de die in diem
salutáre ejus.

Annuntiáte inter Gentes
glóriam ejus, * in ómnibus
pópulis mirabilia ejus.

Quóniam magnus Dómi-
nus, et laudábilis nimis : *
terribilis est super omnes
deos.

Quóniam omnes dii Gén-
tium dæmónia : * Dómi-
nus autem cælos fecit.

Conféssio, et pulchritúdo
in conspéctu ejus : * san-
ctimónia et magnificéntia
in sanctificatióne ejus.

Afférte Dómino, pátriæ
Géntium, afférte Dómino
glóriam et honórem : *
afférte Dómino glóriam
nómini ejus.

Tóllite hóstias, et in-
troíte in átria ejus : *
adoráte Dóminum in átrio
sancto ejus.

Commovéatur a fácie
ejus univérſa terra : *
dícite in géntibus quia
Dóminus regnávít.

Etenim corréxit orbem
terræ qui non commové-
bitur : * judicábit pópulos
in æquitáte.

Læténtur cæli, et exsúl-

tet terra : commovéatur
mare, et plenitúdo ejus : *
gaudébunt campi, et óm-
nia quæ in eis sunt.

Tunc exsultábunt ómnia
ligna silvárum a fácie Dó-
mini, quia venit : * quóniam
venit judicáre terram.

Judicábit orbem terræ in
æquitáte, * et pópulos in
veritáte sua.

Psalmus 96

Dominus regnávít, ex-
súltet terra : * lætén-
tur insulæ multæ.

Nubes, et caligo in cir-
cúitu ejus : * justítia, et
judícium corréctio sedis
ejus.

Ignis ante ipsum præcé-
det, * et inflammábit in
circúitu inimícos ejus.

Illuxérunt fúlgura ejus
orbi terræ : * vidit, et
commóta est terra.

Montes, sicut cera fluxé-
runt a fácie Dómini : * a
fácie Dómini omnis terra.

Annuntiavérunt cæli ju-
stítiam ejus : * et vidérunt
omnes pópuli glóriam ejus.

Confundántur omnes, qui
adórant sculptília : * et
qui gloriántur in simulá-
cris suis.

Adoráte eum, omnes An-
geli ejus : * audívit, et
lætáta est Sion.

Et exsultavérunt filię
Judæ, * propter judícia
tua, Dómine :

Quóniam tu Dóminus Al-
tíssimus super omnem ter-

ram : * nimis exaltátus es super omnes deos.

Qui diligitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Psalmus 97

CAntáte Dómino cánticum novum : * quia mirabília fecit.

Salvávít sibi délixtera ejus : * et bráchium sanctum ejus.

Notum fecit Dóminus salutáre suum : * in conspéctu géntium revelávit justítiam suam.

Recordátus est misericórdiæ suæ, * et veritátis suæ dómui Israél.

Vidérunt omnes términi terræ * salutáre Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductilibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt

a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Adorámus te, Christe, et benedícimus tibi, quia per Crucem tuam redemísti mundum, allelúja.

V. Omnis terra adóret te, et psallat tibi, allelúja.

R. Psalmum dicat nómini tuo, Dómine, allelúja.

Léctio sancti Evangélíi
secúndum Joánnem

Lectio vii Cap. 3, 1-15

IN illo témpore : Erat homo ex pharisæis, Nicodémus nómine, princeps Judæórum. Hic venit ad Jesum nocte, et dixit ei : Rabbi, scimus quia a Deo venísti magíster. Et réliqua.

Homília sancti Augustíni
Epíscopi

**Tractat. 11 in Joann.,
post initium**



Nicodémus ex his erat, qui crediderant in nómine Jesu, vidéntes signa et prodígia quæ faciébat. Supérus enim hoc dixit : Cum autem esset Jerosólymis in Pascha in die festo, multi credidérunt in nómine ejus. Quare credidérunt in nómine ejus? Séquitur, et dicit : Vidéntes

signa ejus, quæ faciēbat. Et de Nicodēmo quid dicit? Erat princeps Judæorum, nómīne Nicodémus. Hic venit ad eum nocte, et ait illi : Rabbi, scimus quia a Deo venisti magister. Et iste ergo crediderat in nómīne ejus. Et ipse unde crediderat? Séquitur : Nemo enim potest hæc signa fácere, quæ tu facis, nisi fúerit Deus cum eo.

℟. Dulce lignum, dulces clavos, dulce pondus sustinuit : * Quæ sola digna fuit portáre prætium hujus sæculi, allelúja. ℣. Hoc signum Crucis erit in cælo, cum Dóminus ad judicandum vénerit. — Quæ sola.

Si ix Lectio alicujus Officii commemorati dicenda non sit tunc ex viii Lectione fiunt duæ, quarum prior desinit ad signum ¶.

Bened. Divinum auxilium.

Lectio viii

SI ergo Nicodémus de illis multis erat, qui crediderant in nómīne ejus, jam in isto Nicodēmo attendamus quare Jesus non se credēbat eis. Respóndit Jesus et dixit ei : Amen, amen dico tibi, nisi quis renátus fúerit dénuo, non potest vidére regnum Dei. Ipsi ergo se credit Jesus, qui nati fúerint dénuo. Ecce illi crediderant in eum, et Jesus

non se credēbat eis. Tales sunt omnes catechúmeni : ipsi jam credunt in nómīne Christi, sed Jesus non se credit eis. ¶ Inténdat et intélligat caritas vestra. Si dixerimus catechúmeno : Credis in Christum? respóndet, Credo, et signat se Cruce Christi : portat in fronte, et non erubescit de Cruce Dómini sui. Ecce credit in nómīne ejus. Interrogémus eum : Mandúcas carnem Filii hóminis, et bibis ságuinem Filii hóminis? nescit quid dicimus, quia Jesus non se credidit ei.

℟. Sicut Móyses exaltávit serpéntem in desérto, ita exaltári opórtet Fílium hóminis : * Ut omnis qui credit in ipsum, non pér-eat, sed hábeat vitam ætérnam, allelúja. ℣. Non misit Deus Fílium suum in mundum ut júdicet mundum, sed ut salvétur mundus per ipsum. — Ut. Glória Patri. Ut.

Feria II Rogationum et in Vigilia Ascensionis ix Lectio de Homilia Feriæ, alias

Pro Ss. Alexandro I Papa, Eventio et Theodulo Mm., ac Juvenale Ep. et Conf.

Lectio ix

Alexánder RománuS, Hadriáno imperátore regens Ecclésiám, magnam partem Románæ no-

bilitátis ad Christum convertit. Is constituit, ut tantúmmodo panis et vinum in mystério offerretur : vinum autem aqua misceri jussit, propter sanguinem et aquam, quæ ex Jesu Christi latere profluxerunt : et in Cánone Missæ áddidit, Qui pridie quam pateretur. Idem decrevit ut aqua benedicta, sale admixto, perpétuo in ecclésia asservaretur, et in cubiculis adhiberetur ad fugandos dæmones. Sedit annos decem, menses quinque et dies viginti, vitæ sanctitate et salutáribus institútis illústris. Martýrio coronátus est una cum Evéntio et Theodúlo presbýteris, sepultusque est via Nomentána, tertio ab Urbe lápide, eódem in loco ubi secúri percússus fuerat; créatis diverso tempore mense Decémbri presbýteris sex, diáconis duóbus et episcopis per diversa loca quinque. Eórum córpora, póstea in Urbem transláta, in ecclésia sanctæ Sabínæ cóndita sunt. In eúmdem diem incidit beáta mors sancti Juvenális, Narniénsis episcopi; qui, cum plúrimos in ea urbe sanctitate et doctrína Christo peperisset, clarus miraculis in pace quiévit, ibique honorífice sepúltus est. Te Deum.

AD LAUDES

et per Horas, Añæ

1 O magnum pietátis opus : * mors mórtua tunc est, in ligno quando mórtua Vita fuit, allelúja.

Psalmi de Domin. 1 loco. 49

2 Salva nos, * Christe Salvátor, per virtútem Crucis : qui salvásti Petrum in mari, miserere nobis, allelúja.

3 Ecce Crucem Dómini, * fúgite, partes advérsæ, vicit leo de tribu Juda, radix David, allelúja.

4 Nos autem gloriári * opórtet in Cruce Dómini nostri Jesu Christi, allelúja.

5 Per signum Crucis * de inimícis nostris libera nos, Deus noster, allelúja.

Capitulum Philipp. 2, 5-7

FRatres : Hoc enim sentite in vobis, quod et in Christo Jesu : qui, cum in forma Dei esset, non rapinam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum factus, et hábitu invéntus ut homo.

Hymnus

Lustra sex qui jam perégit,
Tempus implens córporis,

Sponte libera Redemptor
Passióni deditus,
Agnus in Crucis levatur
Immolandus stipite.

Felle potus ecce languet :
Spina, clavi, lancea
Mite corpus perforarunt :
Unda manat, et cruor :
Terra, pontus, astra, mun-
dus,

Quo lavantur flumine!

Crux fidelis, inter omnes
Arbor una nobilis :
Silva talem nulla profert
Fronde, flore, germine :
Dulce ferrum, dulce li-
gnum,
Dulce pondus sustinent.

Flecte ramos, arbor alta,
Tensa laxa viscera,
Et rigor lentescat ille,
Quem dedit nativitas;
Et superni membra Regis
Tende miti stipite.

Sola digna tu fuisti
Ferre mundi victimam;
Atque portum præparare
Arca mundo naufrago,
Quam sacer cruor per-
unxit,
Fusus Agni corpore.

Sempiterna sit beatae
Trinitati gloria,
Æqua Patri, Filioque;
Par decus Paráclito :
Unius Trinique nomen
Laudet universitas.

Amen.

✠. Adoramus te, Chri-
ste, et benedicimus tibi,
allelúja. ✠. Quia per Cru-

cem tuam redemisti mun-
dum, allelúja.

Ad Bened. Ant. Super
omnia * ligna cedrorum
tu sola excelsior, in qua
Vita mundi pepéndit, in
qua Christus triumphávit,
et mors mortem superávit
in ætérnum, allelúja.

Oratio

Deus, qui in præclara
salutíferæ Crucis In-
ventiône, passiónis tuæ
mirácula suscitásti : con-
céde; ut vitális ligni pré-
tio, ætérnæ vitæ suffrágia
consequámur : Qui vivis.

Et, post Commemorationem
Feriæ in Feria II Rogatio-
num et in Vigilia Ascensionis,
fit Commem. Ss. Alexandri I
Papæ, Eventii et Theoduli
Martyrum, ac Juvenalis Ep.
et Conf. ad Laudes tantum :

Ant. Filiae Jerúsalem, ve-
nite et videte Mártynes
cum coronis, quibus coro-
navit eos Dóminus in die
solemnitátis et lætitiæ,
allelúja, allelúja.

✠. Pretiosa in conspectu.

Oratio

Præsta, quæsumus, om-
nipotens Deus : ut,
qui sanctorum tuorum
Alexándri, Evéntii, Theo-
dúli atque Juvenális nata-
lícia cólimus; a cunctis
malis imminéntibus, eó-
rum intercessiónibus libe-
rémur. Per Dóminum.

Ad Horas Psalmi de Dominica, ad Primam tamen ut in Festis.

AD PRIMAM

Ant. O magnum pietatis opus : * mors mortua tunc est, in ligno quando mortua Vita fuit, allelúja.

AD TERTIAM

Ant. Salva nos, * Christe Salvátor, per virtutem Crucis : qui salvasti Petrum in mari, miserere nobis, allelúja.

Capitulum Philipp. 2, 5-7

Fratres : Hoc enim sentite in vobis, quod et in Christo Jesu : qui, cum in forma Dei esset, non rapinam arbitratus est esse se æqualem Deo : sed semetipsum exinavit, formam servi accipiens, in similitudinem hominum factus, et habitu inventus ut homo.

℟. br. Hoc signum Crucis erit in cælo, * Allelúja, allelúja. **Hoc. ℣.** Cum Dominus ad judicandum venerit. Allelúja, allelúja. **Glória Patri. Hoc. ℣.** Adoramus te, Christe, et benedicimus tibi, allelúja. **℟.** Quia per Crucem tuam redemisti mundum, allelúja.

Oratio

Deus, qui in præclara salutiferæ Crucis Inventionē, passionis tuæ

miracula suscitasti : concede; ut vitæ ligni pretio, æternæ vitæ suffragia consequamur : Qui vivis.

AD SEXTAM

Ant. Ecce Crucem Domini, * fugite partes adversæ, vicit leo de tribu Juda, radix David, allelúja.

Capitulum Galat. 6, 14

Mihi autem absit gloriari, nisi in Cruce Domini nostri Jesu Christi; per quem mihi mundus crucifixus est, et ego mundo.

℟. br. Adoramus te, Christe, et benedicimus tibi, * Allelúja, allelúja. Adoramus. **℣.** Quia per Crucem tuam redemisti mundum. Allelúja, allelúja. **Glória Patri.** Adoramus. **℣.** Omnis terra adoret te, et psallat tibi, allelúja. **℟.** Psalmum dicat nomini tuo, Domine, allelúja.

AD NONAM

Ant. Per signum Crucis * de inimicis nostris libera nos, Deus noster, allelúja.

Capitulum Philipp. 2, 8-9

Humiliavit semetipsum factus obediens usque ad mortem, mortem autem Crucis. Propter quod et Deus exaltavit illum, et donavit illi nomen,

quod est super omne nomen.

R. br. Omnis terra adoret te, et psallat tibi
* Allelúja, allelúja. Omnis. **V.** Psalmum dicat nómini tuo, Dómine. Allelúja, allelúja. **Gloria.** Omnis. **V.** Hoc signum Crucis erit in cælo, allelúja.
R. Cum Dóminus ad judicándum vénerit, allelúja.

IN II VESPERIS

Omnia ut in I Vesperis 913, præter Ant. ad Magnificat :

V. Hoc signum Crucis erit in cælo, allelúja.

R. Cum Dóminus ad judicándum vénerit, allelúja.

Ad Magnif. Ant. Crucem sanctam súbiit, * qui inférnum confrégit : accinctus est poténtia, surréxit die tértia, allelúja.

Et fit Commem. sequentis. Completorium de Dominica.

Die 4 Maji

S. Monicae Viduæ

Duplex [149]

Ant. Símile est regnum cælórum * hómini negotiatóri quærénti bonas margarítas : invénta una pretiósá, dedit ómnia sua, et comparávit eam, allelúja.

V. Spécie tua et.

Oratio

Deus, mæréntium consolátor et in te sperántium salus, qui beátæ Mónicae pias lácrimas in conversióne filii sui Augustíni misericórditer suscepísti : da nobis utriusque intervéntu; peccáta nostra deploráre, et grátiae tuæ indulgéntiam inveníre. Per Dóminum.

In II Nocturno

Lectio iv



Monica, sancti Augustíni dupliciter mater, quia eum et mundo et cælo péperit, marito mórtuo, quem senectúte conféctum Jesu Christo conciliávit, castam et opéribus misericórdiæ exércitam viduitátem agébat; in assíduis vero ad Deum oratióibus pro filio, qui in Manichæórum sectam incíderat, lácrimas effundébat. Quem étiam Mediólánum secúta est; ubi ipsum frequénter hortabátur, ut ad episcopum Ambrósium se conférret. Quod cum ille fecisset, ejus et públicis conciónibus et privátis collóquiis cathólicæ fidei veritátem edóctus, ab eodem baptizátus est.

R. Propter veritátem, et mansuetúdinem, et justítiam : * Et dedúcet te

mirabiliter dextera tua, allelúja. **℟.** Spécie tua et pulchritúdine tua inténde, prospere procéde, et regna. — Et dedúcet te mirabiliter dextera tua, allelúja.

Lectio v

MOX in Africam red-eúntes, cum ad Ostia Tiberína constitissent, incidit in febrem. Quo in morbo cum eam quodam die ánima defecísset, ut se collégit, Ubi, inquit, eram? Et astántes íntuens, Pónite hic matrem vestram : tantum vos rogo, ut ad altáre Dómini memínérítis mei. Nono autem die beáta múlíer ánimam Deo réddidit. Ejus corpus ibi in ecclésia sanctæ Aureæ sepúltum est : quod póstea, Martíno quinto summo Pontífice, Romam translátum, in ecclésia sancti Augustíni honorífice cónditum est.

℟. Dilexísti justítiam, et odísti iniquitátem : * Proptérea unxit te Deus, Deus tuus óleo lætítiæ, allelúja. **℟.** Propter veritátem, et mansuetúdinem, et justítiam. — Proptérea.

Lectio vi

Liber 9 Conf. cap. 12

Subdit vero Augustínus de matris morte dísserens : Neque enim decére arbitrabámur funus illud

quéstibus lacrimósis gemitibúsque celebráre, quia illa nec mísere, nec omnino moriebátur : hoc et documéntis morum ejus, et fide non ficta rationibúsque certis tenebámus. Atque inde paulátim reducébam in prístinum sensum ancíllam tuam, conversationémque ejus píam in te et sanctam, in nos blandam atque morígeram, qua súbito destitútus sum; et libuit flere de illa et pro illa. Et si quis peccátum invénerit, flevisse me matrem meam exígua parte horæ, matrem óculis meis mórtuam, quæ me multos annos fléverat, ut óculis suis víverem, non irrídeat; sed pótius, si est grandi caritáte, pro peccátis meis fleat ipse ad te Patrem ómnium fratrum Christi tui.

℟. Fallax grátia, et vana est pulchritúdo : * Múlíer timens Deum, ipsa laudábitur, allelúja. **℟.** Date ei de fructu mánuum suárum, et laudent eam in portis ópera ejus. — Múlíer. Glória Patri. Múlíer.

Pro hoc Festo simplicitato

Lectio ix

Monica, sancti Augustíni piíssima mater, uxórum et viduárum ex-

emplar, filium Manichæum Mediolanum secuta, postquam assiduus orationibus, lacrimis et jejuniis, ope Ambrósii episcopi, eum Christo lucrificet, cum ipso in Africam rediens, ad Ostia Tiberina in febrem incidit, et nono die placidissime obiit. De cujus morte mærens filius disserens subdit : Neque enim decere arbitramur funus illud quæstibus lacrimosis gemitibusque celebrare, quia illa nec misere, nec omnino moriebatur : hoc et documentis morum ejus, et fide non ficta rationibusque certis tenebamus. Atque inde paulatim reducëbam in pristinum sensum ancillam tuam, conversationemque ejus piam in te et sanctam, in nos blandam atque morigeram, qua subito destitutus sum; et libuit flere de illa et pro illa. Et si quis peccatum invenerit flevisse me matrem oculis meis mortuam, quæ me multos annos fleverat, ut oculis suis viverem, non irideat; sed potius, si est grandi caritate, pro peccatis meis fleat ipse ad te Patrem omnium fratrum Christi tui. Ejus corpus, in ecclesia sanctæ Aureæ prius sepultum, postea, Martino quinto summo Pontifice,

Romam translatum, in ecclesia sancti Augustini honorifice conditum est.

Te Deum laudamus.

In III Nocturno

Lectio sancti Evangelii
secundum Lucam

Lectio vii Cap. 7, 11-16

IN illo tempore : Ibat Jesus in civitatem, quæ vocatur Naim; et ibant cum eo discipuli ejus et turba copiosa. Et reliqua.

Homilia sancti Augustini
Episcopi

Sermo 44 de verbis Domini
circa initium



E juvene illo resuscitato gavisæ est mater vidua; de hominibus in spiritu quotidie suscitatis gaudet mater Ecclesia. Ille quidem mortuus erat corpore; illi autem mente. Illius mors visibilis visibiliter plangebatur; illorum mors invisibilis nec quærebatur, nec videbatur. Quæsiuit ille, qui nôverat mortuos. Ille solus nôverat mortuos, qui pôterat facere vivos. Nisi enim ad mortuos suscitandos venisset, Apóstolus non diceret : Surge, qui dormis, et exsurgere a mortuis, et illuminabit te Christus.

✠. Os suum aperuit sapientiae, et lex clementiae

in lingua ejus : considerávit sémitas domus suæ,
 * Et panem otíosa non comédit, allelúja. *℟.* Gustávit et vidit quia bona est negotiátio ejus : non exstinguétur in nocte lucérna ejus. — Et.

Lectio viii

TRes autem mórtuos invenímus a Dómino resuscitátos visibíliter, mília invisibíliter. Quot autem mórtuos visibíliter suscitáverit, quis novit? Non enim ómnia, quæ fecit, scripta sunt. Joánes hoc dixit : Multa ália fecit Jesus, quæ si scripta essent, árbitor totum mundum non posse libros cápere. Multi ergo sunt álii sine dúbio suscitáti, sed non tres frustra commemoráti. Dóminus enim noster Jesus Christus ea quæ faciébat corporáliter, étiam spiritaliter volébat intélligi. Neque enim tantum mirácula propter mirácula faciébat; sed ut illa, quæ faciébat, mira essent vidéntibus, vera essent intelligéntibus.

℟. Regnum mundi et omnem ornátum sáculi contémpsi, propter amórem Dómini mei Jesu Christi : * Quem vidi, quem amávi, in quem crédidi, quem diléxi, allelúja. *℟.* Eructávit cor meum

verbum bonum : dico ego ópera mea Regi. — Quem. Glória Patri. Quem.

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes, alias

Lectio ix

Quemádmódum qui videt líttas in códice óptime scripto, et non novit légere, laudat quidem antiquárii manum, admirans ápicum pulchritúdinem; sed quid sibi velint, quid indicent illi ápices, nescit, et est óculis laudátor, mente non cógnitor. Alius autem et laudat artificium, et capit intelléctum : ille útique, qui non solum vidére quod commúne est ómnibus, potest, sed étiam légere; quod qui non dídicit, non potest. Ita qui vidérunt Christi mirácula, et non intellexérunt, quid sibi vellent, et quid intelligéntibus quodámmodo innúerent, miráti sunt tantum quia facta sunt; álii vero et facta miráti, et intellecta assecúti. Tales nos in schola Christi esse debémus.

Te Deum laudámus.

AD LAUDES

℟. Diffúsa est grátia.

Ad Bened. Ant. Date ei * de fructu mánuum

suárum, et laudent eam in portis ópera ejus, allelúja.

Oratio

DEus, mæréntium consolátor et in te sperántium salus, qui beátæ Mónica pias lácrimas in conversióne filii sui Augustíni misericórditer suscepisti : da nobis utriúsque intervéntu; peccáta nostra deplozáre, et grátiae tuæ indulgéntiam inveníre. Per Dóminum.

Vesperæ a Capitulo de sequenti, Commemoratio præcedentis.

Die 5 Maji

S. Pii V Papæ et Conf.

Duplex (m. t. v.) [84]

✠. Amávit eum Dóminus.

Ad Magnif. Ant. Sacerdos et Póntifex, * et virtútum ópifex, pastor bone in pópulo, ora pro nobis Dóminum, allelúja.

Oratio

DEus, qui ad conteréndos Ecclésiæ tuæ hostes, et ad divinum cultum reparándum, beátum Pium Pontíficem máximum elígere dignátus es : fac nos ipsíus deféndi præsídiis, et ita tuis inhærére obséquii; ut, ómnium hostium superátis insídiis, perpétua pace lætémur. Per Dóminum.

Et fit Commemoratio præcedentis :

Ant. Manum suam apéruit inopi, et palmas suas exténdit ad páuperem, et panem otíosa non comédit, allelúja.

✠. Diffúsa est grátia.

Oratio Deus, mæréntium, ut supra.

In II Noeturno

Lectio iv



Ius in óppido Insúbria, quod Boschum vocant, natus, sed e Bonónia oriúndus ex nóbili Ghisleriórum familia, cum quatuórdecim esset annórum órđinem Prædicatórum ingræssus est. Erat in eo admirábilis patiéntia, profúnda humilitas, summa vitæ austéritas, contínuum oratiónis stúdiu, et reguláris observántiæ ac divíni honóris ardentíssimus zelus. Philosophiæ vero ac theologiæ incúmbens, ádeo in iis excélluit, ut illas docéndi munus magna cum laude per multos annos exercúerit. Sacras conciónes plúribus in locis cum ingénti auditórum fructu hábuit. Inquisitóris officiu inviolábili ánimi fortitúđine diu sustínuit; multásque civitátes, non sine vitæ discrímíne, ab hæresi tunc grassánte imúnes servávit.

✠. Invéni David servum meum, óleo sancto meo unxi eum : * Manus enim mea auxiliábitur ei, allelúja. ✠. Nihil proficiet inimicus in eo, et filius iniquitátis non nocébit ei. — Manus.

Lectio v

A Paulo quarto, cui ob exímias virtútes carissimus erat, ad Nepesinum et Sutrinum episcopátum promotus, et post biénium inter Románæ Ecclesiæ presbýteros cardinales adscriptus fuit. Tum ad ecclesiam Montis Regális in Subalpínis a Pio quarto translátus, cum plures in eam abúsus irrepsísse cognovísset, totam diocésim lustrávit; rebúsque compósitis Romam revérsus, gravíssimis expediéndis negótiis applicátus, quod justum erat apostólica libertáte et constantia decernébat. Mórto autem Pio, præter ómnium exspectatióem eléctus Póntifex, nihil in vitæ ratióne, excépto exteriori hábitu, immutávit. Fuit in eo religiónis propagándæ perpétuum stúdiu, in ecclesiástica disciplina restituénda indefessus labor, in exstirpándis erróribus assídua vigilántia, in sublevándis egéntium necessitatibus indeficiens beneficéntia, in

Sedis apostólicæ júribus vindicándis robur invictum.

✠. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei, allelúja. ✠. Invéni David servum meum, óleo sancto meo unxi eum. — Manus.

Lectio vi

SElimum Turcárum tyránnu multis elátu victóriis, ingénti comparáta classe, ad Echinadas insulas non tam armis quam fuis ad Deum precibus devicit. Quam victóriam ea ipsa hora, qua obténta fuit, Deo revelánte, cognóvit suisque familiáribus indicávit. Dum vero novam in ipsos Turcas expeditiõem molirétur, in gravem morbum incidit; et, acerbíssimis dolóribus patientíssime tolerátis, ad extréma devéniens, cum sacraménta de more suscepisset, ánimam Deo placidíssime réddidit, anno millésimo quingentésimo septuagésimo secúndo, ætátis suæ sexagésimo octávo, cum sedisset annos sex, menses tres, dies viginti quátuor. Corpus ejus in basilica sanctæ Mariæ ad Præsepe summa fidélium veneratióne cólitur, multis a Deo ejus

intercessióne patrátis miráculis. Quibus rite probátis, a Cleménte undécimo, Pontífice máximo, Sanctórum número adscríptus est.

R. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum, allelúja. **V.** Iste est, qui contémpsit vitam mundi, et pervénit ad caeléstia regna. — Ipse. **Glória Patri. Ipse.**

Pro hoc Festo simplicitate
Lectio ix

Pius, Boschi in Insúbria natus, cum quatuórdecim esset annórum, órđinem Prædicatórum ingressus est. Sacerdótio auctus, sacras conciónes plúribus in locis cum ingénti animárum fructu hábuit. Inquisitóris officium diu fórtiter ac laudabíliter sustínuit, et a Paulo quarto ad Nepesínium et Sutrínum episcopátum promótus, post biénnum inter patres cardináles adscríptus est. A Pio quarto translátus ad ecclésiám Montis Regális in Subalpínis, diocésim vísitans, abúsus représsit; et Romam revérsus, in gravíssimis negótiis expe-

diéndis fuit occupátus. Mórtuo autem Pio, præter ómnium exspectatiónem eléctus Póntifex, nihil in vitæ ratióne, excépto exterióri hábitu, immutávit. Selímum Turcárum tyránnum, ingénti comparáta classe, ad Echínadas insulas non tam armis quam fusis précibus devícit. Dum vero novam in ipsos Turcas expeditiÓNem paráret, piíssime óbiit in Dómino, anno millésimo quingentésimo septuagésimo secúndo, ætátis suæ sexagésimo octávó. Corpus ejus in basilíca sanctæ Mariæ majóris summa fidélium veneratióne cólitur. Eum Clemens Papa undécimus catálogo Sanctórum adscrípsit.

Te Deum laudámus.

In III Noct. Homilia in Ev. Venit Jesus, de Comm. unius vel plurium Summorum Pontificum. [33']

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

V. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, dicit Dóminus, allelúja.

Oratio

Deus, qui ad conteréndos Ecclésiæ tuæ hostes, et ad divinum cultum reparándum, beátum Pium Pontíficem Máximum eligere dignátus es : fac nos ipsíus deféndi præsidíis, et ita tuis inhærére obséquíis; ut, ómnium hóstium superátis insídiis, perpétua pace lætémur. Per Dóminum.

Vesperæ de sequenti, Commemoratio præcedentis.

Die 6 Maji

S. Joannis Ap. et Ev.
ante portam Latinam

Duplex majus

Omnia de Communi App.
Tempore Paschali [4], præter
ea, quæ hic habentur propria.

℣. Sancti et justi, in Dómino gaudéte, allelúja.

℟. Vos elégit Deus in hereditátem sibi, allelúja.

Ad Magnif. Ant. In fer-
véntis * ólei dólum mis-
sus beátus Joánnes Apó-
stolus, divína se prote-
génte grátia, illæsus exí-
vit, allelúja.

Oratio

Deus, qui cónspicis quia
nos úndique mala no-
stra pertúrbant : præsta,
quæsumus; ut beáti Joán-
nis Apóstoli tui et Evan-

gelistæ intercæssio glo-
riósa nos prótegat. Per
Dóminum.

**Et fit Commemoratio præ-
cedentis :**

Ant. Dum esset summus
Póntifex, terréna non mé-
tuit, sed ad cæléstia regna
gloriósus migrávit, alle-
lúja.

℣. Justum dedúxit.

Oratio Deus, qui ad con-
teréndos, **ut supra.**

In I Nocturno

legitur initium Epistolæ pri-
mæ beati Joannis, ut infra,
nisi eo tempore legatur de
libro Apocalypsis vel de ali-
qua ejus Epistola; tunc enim
ponuntur Lectiones eo die
occurrentes. Responsoria ta-
men dicuntur semper de
Communi, ut infra.

Incipit Epístola prima
beáti Joánnis Apóstoli

Lectio i **Cap. 1, 1-10**



Uod fuit ab inítio,
quod audívimus,
quod vídimus ócu-
lis nostris, quod perspé-
ximus, et manus nostræ
contrectavérunt de verbo
vitæ : et vita manifestáta
est, et vídimus, et testá-
mur, et annuntiámus vo-
bis vitam ætérmam, quæ
erat apud Patrem, et ap-
páruit nobis : quod vídi-
mus, et audívimus, an-
nuntiámus vobis, ut et
vos societátem habeátis

nobiscum, et societas nostra sit cum Patre et cum Filio ejus Jesu Christo. Et hæc scribimus vobis ut gaudeátis, et gáudium vestrum sit plenum. Et hæc est annuntiatio, quam audivimus ab eo, et annuntiamus vobis : Quóniam Deus lux est, et ténebræ in eo non sunt ullæ.

℟. Beátus vir, qui méruit Dóminum, allelúja : * In mandátis ejus cupit nimis, allelúja, allelúja, allelúja. ℣. Glória et divítiae in domo ejus, et justitia ejus manet in sáeculum sáeculi. — In mandátis.

Lectio ii

Si dixérimus quóniam societátem habémus cum eo, et in ténebris ambulámus, mentímur, et veritátem non fácimus. Si autem in luce ambulámus sicut et ipse est in luce, societátem habémus ad invicem, et sanguis Jesu Christi, Fílii ejus, emúndat nos ab omni peccáto. Si dixérimus quóniam peccátum non habémus, ipsi nos sedúcimur, et véritas in nobis non est. Si confiteámur peccáta nostra, fidélis est et justus, ut remíttat nobis peccáta nostra, et emúndet nos ab omni iniquitáte. Si dixérimus quóniam non peccávimus, mendácem faci-

mus eum, et verbum ejus non est in nobis.

℟. Tristítia vestra, allelúja, * Convertétur in gáudium, allelúja, allelúja. ℣. Mundus autem gaudébit, vos vero contristabimini, sed tristítia vestra. — Convertétur.

Lectio iii Cap. 2, 1-6

Fílioli mei, hæc scribo vobis, ut non peccétis. Sed, et si quis peccáverit, advocátum habémus apud Patrem, Jesum Christum justum : et ipse est propitiatio pro peccátis nostris : non pro nostris autem tantum, sed étiam pro totíus mundi. Et in hoc scimus quóniam cognóvimus eum, si mandáta ejus observémus. Qui dicit se nosse eum, et mandáta ejus non custódit, mendax est, et in hoc véritas non est. Qui autem servat verbum ejus, vere in hoc caritas Dei perfécta est : et in hoc scimus quóniam in ipso sumus. Qui dicit se in ipso manére, debet, sicut ille ambulávit, et ipse ambuláre.

℟. Pretiósá in conspéctu Dómini, allelúja, * Mors Sanctórum ejus, allelúja.

℣. Custódit Dóminus ómnia ossa eórum, unum ex his non conterétur. — Mors. Glória Patri. Mors.

In II Noeturno

Ex libro sancti Hierónymi
Presbýteri contra Jovi-
niánum **Liber I, n. 26**

Lectio iv

IOánnes Apóstolus, unus ex discipulis Dómini, qui mínimus natu tráditur fuisse inter Apóstolos, et quem fides Christi vírginem repéرات, virgo permánsit; et ídeo plus amátur a Dómino, et recúmbit super pectus Jesu; et, quod Petrus, qui uxórem habuérat, interrogáre non audet, illum rogat ut intéroget; et post resurrectionem, nuntiánte María Magdaléne quod Dóminus resurrexisset, utérque cucúrrit ad sepúlcrum, sed ille prævénit; cumque essent in navi, et piscaréntur in lacu Genésareth, Jesus stabat in líttore, nec sciébant Apóstoli quem vidérent; solus virgo vírginem agnóscit, et dicit Petro : Dóminus est.

℟. Lux perpétua lucébit Sanctis tuis, Dómine, * Et ætéritas témporum, allelúja, allelúja. **℣.** Lætitia sempitérna erit super cápita eórum : gáudium et exsultatióem obtinébunt. — Et.

Lectio v

Fuit autem Joánnes et Apóstolus, et Evangelísta, et Prophéta : Apó-

stolus, quia scripsit ad ecclésiás ut magíster; Evangelísta, quia librum Evangélíi cóndidit, quod, excépto Matthæo, álíi ex duódecim Apóstoli non fecérunt; Prophéta, vidit enim in Patmos ínsula, in qua fúerat a Domitiáno príncipe ob Dómini martýrium relegátus, Apocalýpsim, infinita futurórum mystéria continéntem. Refert autem Tertulliánus quod Romæ missus in fervéntis ólei dólíum, púrior et vegétior exíverit, quam intráverit.

℟. Virtúte magna reddébant Apóstoli * Testimónium resurrectionis Jesu Christi Dómini nostri, allelúja, allelúja. **℣.** Repléti quidem Spíritu Sancto, loquebántur cum fidúcia verbum Dei. — Testimónium.

Lectio vi

SED et ipsum ejus Evangelium multum distat a céteris. Matthæus quasi de hómine incipit scríbere : Liber generatiónis Jesu Christi, filii David, filii Abraham; Lucas a sacerdotio Zachariæ; Marcus a prophetía Malachíæ et Isaíæ. Primus habet faciém hóminis, propter genealogíam; secúndus faciém vítuli, propter sacerdotium; tértius faciém leónis, propter vocem cla-

mántis in desérto, Paráte viam Dómini, rectas fácite sémitas ejus. Joánnēs vero noster quasi áquila ad supérna volat, et ad ipsum Patrem pérvenit, dicens : In princípío erat Verbum, et Verbum erat apud Deum, et Deus erat Verbum.

✠. Isti sunt agni novélli, qui annuntiavérunt, allelúja : modo venérunt ad fontes, * Repléti sunt claritáte, allelúja, allelúja. ✠. In conspéctu Agni amícti sunt stolis albis, et palmæ in mánibus eórum. — Repléti. Glória Patri. Repléti.

Pro hoc Festo simplificato

Ex libro sancti Hierónymi
Presbýteri contra Joviniánū **Liber 1, n. 26**

Lectio ix

JOánnēs Apóstolus, unus ex discipulis Dómini, qui mínimus natu tráditur fuisse inter Apóstolos, et quem fides Christi vírginem repérerat, virgo permánsit; et ideo plus amátur a Dómino, et recúmbit super pectus Jesu; et, quod Petrus, qui uxórem habúerat, interrogáre non audet, illum rogat ut intérriget; et post resurrectionem, nuntiánte María Magdaléne quod Dóminus

resurrexisset, utérque cucúrrit ad sepúlcrum, sed ille prævenit; cumque essent in navi, et piscarentur in lacu Genésareth, Jesus stabat in líttore, nec sciébant Apóstoli quem vidérent; solus virgo vírginem agnóscit, et dicit Petro : Dóminus est. Fuit autem Joánnēs et Apóstolus, et Evangelísta, et Prophéta. Refert autem Tertulliánus quod Romæ missus in fervéntis ólei dólum, púrior et vegétior exíverit, quam intráverit. Te Deum laudámus.

In III Nocturno

Lectio sancti Evangélii
secúndum Matthæum

Lectio vii Cap. 20, 20-23

IN illo témpore : Accessit ad Jesum mater filiórū Zebedæi cum filiis suis, adórans et petens aliquid ab eo. Et réliqua.

Homília sancti Hierónymi
Presbýteri

**Liber 3 Comm. in Matth.
cap. 20**



Mnde opinióem regni habet mater filiórū Zebedæi, ut cum Dóminus díxerit : Fílius hóminis tradétur princípibus sacerdotum et scribis, et condemnábunt eum morte, et tradent Géntibus ad illudéndum

et flagellandum et crucifigendum; et ignomíniam passiónis timéntibus discípulis nuntiáret, illa glóriam póstulet triumphántis? Hac, ut reor, ex causa, quia post ómnia díxerat Dóminus, Et tértia die resúrget; putávit eum múlter post resurrectiõem illico regnatúrum, et hoc quod in secúndo adventu promíttitur, in primo esse compléndum; et, aviditáte femínea, præsentia cupit, immemor futurórum.

℟. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ℣. Sicut diléxit me Pater, et ego diléxi vos. — Qui.

Si dicenda sit ix Lectio aliqujus Officii commemorati, ex viii et ix Lectione fit una.

Lectio viii

Mater póstulat, et Dóminus discípulis loquitur, intélligens preces ejus ex filiórum descendere voluntáte. Potéstis bibere cálicem, quem ego bibitúrus sum? Cálicem in Scriptúris divínis passiónem intellígimus, juxta illud : Pater, si possíbile est, tránseat a me calix iste; et in Psalmo : Quid retríbuiam Dómino pro ómnibus quæ retríbuit

mihi? Cálicem salutáris accípiam, et nomen Dómini invocábo. Statímque infert quis iste sit calix : Pretiósá in conspéctu Dómini mors sanctórum ejus.

℟. Cándidi facti sunt Nazaræi ejus, allelúja : splendórem Deo dedérunt, allelúja : * Et sicut lac coaguláti sunt, allelúja, allelúja. ℣. Candidióres nive, nitidióres lacte, rubicundióres ébore antíquo, sapphíro pulchrióres. — Et. Glória Patri. Et.

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes, alias

Lectio ix

Quæritur quómodo cálicem martýrii filii Zebedæi, Jacóbus videlicet et Joánnes, bíberint; cum Scriptúra narret Jacóbum tantum Apóstolum ab Heróde cápite truncátum, Joánnes autem própria morte vitam finierit. Sed, si legámus ecclesiásticas histórias, in quibus fertur quod et ipse propter martýrium sit missus in fervéntis ólei dólum, et inde ad suscipiéndam coronam Christi athléta procésserit, statímque relegátus in Patmos ínsulam sit; vidébimus martýrio ánimum non defuisse, et bíbisse Joánnem cálicem

confessi6nis, quem et tres
p6eri in cam6no ignis bib6-
runt, licet persec6tor non
f6derit s6nguinem.

Te Deum laud6mus.

AD LAUDES

V. Preti6sa in consp6ctu
D6mini, allel6ja. **R.** Mors
Sanctor6rum ejus, allel6ja.

Ad Bened. Ant. Filiae
Jer6salem, * ven6te et vi-
d6te M6rtyres cum cor6-
nis, quibus coron6vit eos
D6minus in die solemni-
t6tis et l6titi6e, allel6ja,
allel6ja.

Oratio

Deus, qui c6nspicis quia
nos 6ndique mala no-
stra perturbant : pr6sta,
qu6sumus; ut be6ti Jo6n-
nis Ap6stoli tui et Evan-
gelist6e interc6ssio glo-
ri6sa nos pr6tegat. Per
D6minum.

IN II VESPERIS

V. Preti6sa in consp6ctu.

Ad Magnif. Ant. In fer-
v6ntis * 6lei d6lium mis-
sus be6tus Jo6nnes Ap6-
stolus, div6na se prote-
g6nte gr6tia, ill6sus ex6-
vit, allel6ja.

Et fit Commem. sequentis.

Die 7 Maji

S. Stanislai

Episcopi et Martyris

Duplex [74]

Ant. Lux perp6tua luc6-
bit Sanctis tuis, D6mine,
et 6ternitas t6porum,
allel6ja.

V. Sancti et justi.

Oratio

Deus, pro cujus hon6re
glori6sus P6ntifex Sta-
nisl6us gl6diis impi6rum
occ6buit : pr6sta, qu6-
sumus; ut omnes, qui ejus
impl6rant aux6lium, peti-
ti6nis su6e salut6rem con-
sequ6ntur eff6ctum. Per
D6minum.

In II Nocturno

Lectio iv



Tanisl6us Pol6nus,
apud Crac6viam
n6bili g6nere natus
et piis par6ntibus, qui
6ntea per annos trig6nta
st6riles, illum a Deo pr6-
cibus impetr6runt, ab
ine6nte 6t6te fut6r6e san-
ctit6tis sp6cimen dedit.
Adol6scens bonis 6rtibus
6peram nav6vit, mult6m-
que in sacra c6nonum et
theologi6e doctri6na prof6-
cit. Par6ntibus m6rtuis,
amplum patrimon6ium pau-
p6ribus distr6buit, vit6e
mon6stic6e desid6rio. Sed
Dei provid6ntia can6nicus

Cracoviensis et concionator factus a Lamperto episcopo, in ejus postea locum, quamvis invitus, sufficitur. Quo in munere, omnium pastoralium virtutum laude, et praecipue misericordia in pauperes enituit.

℟. Lux perpetua lucebit Sanctis tuis, Domine, * Et aeternitas temporum, allelúja, allelúja. ℣. Laetitia sempiterna erit super capita eorum : gaudium et exultationem obtinebunt. — Et.

Lectio v

ERat tum Poloniae rex Boleslaus, quem graviter offendit, quod illius notam libidinem publice arguebat. Quare in sollemni regni conventu Stanislaus per calumniam in iudicium coram se vocari curat, tamquam pagum occuparet, quem ecclesiae suae nomine coemerat. Quod cum neque tabulis probare posset, et testes veritatem dicere timerent, spondet episcopus, se Petrum pagi venditorem, qui triennio ante obierat, intra dies tres in iudicium adducturum. Conditione cum risu accepta, vir Dei toto triduo jejuniis et orationi incumbit; ipso sponsionis die, post oblatum Missae sacrificium, Petrum e sepulcro surgere

jubet; qui statim redivivus, episcopum ad regium tribunal euntem sequitur, ibique, rege et ceteris stupore attontis, de agro a se vendito et pretio rite sibi ab episcopo persoluto testimonium dicit, atque iterum in Domino obdormivit.

℟. In servis suis, allelúja, * Consolabitur Deus, allelúja. ℣. Judicabit Dominus populum suum, et in servis suis. — Consolabitur.

Lectio vi

AT Boleslaus, frustra saepe admonitum, Stanislaus tandem a fidelium communiore movet. Ille, iracundia furens, milites in ecclesiam immittit, ut sanctum episcopum confodiant; qui, ter conati, occulta vi, tertio divinitus sunt depulsi. Postrimo impius rex sacerdotem Dei, Hostiam immaculatam ad altare offerentem, sua manu obtruncat. Corpus, membratim concisum et per agros projectum, aquilae a feris mirabiliter defendunt. Mox canonici Cracovienses sparsa membra, nocturni de caelo splendoris indicio colligunt, et suis locis apte disponunt; quae subito ita inter se copulata sunt, ut nulla vulnere vestigia exstarent. Multis praeterea

miráculis Servi sui sanctitátem Deus declarávit post ejus mortem : quibus permótus Innocéntius quartus, summus Póntifex, illum in Sanctórum númerum rétulit. Clemens vero octávus, Póntifex máximus, sancti Stanislái festo die in Románum Breviárium reláto, gloriósi Mártiris memóriam dúplici Offício ubíque celebrári jussit.

R. Fíliæ Jerúsalem, veníte et vidéte Mártires cum corónis, quibus coronávit eos Dóminus * In die solemnitátis et lætitiæ, allelúja. **V.** Quóniam confortávit seras portárum tuárum, benedíxit filios tuos in te. — In. **Glória Patri.** In.

Pro hoc Festo simplicato

Lectio ix

STANISLÁUS, apud Cracóviam nóbili génere natus, quem pii paréntes, per trigínta annos stériles, a Deo précibus impetrárunť, ab ineúnte ætáte futúre sanctitátis spécimen dedit. Adoléscens in sacra cánonom ac theologiæ doctrína multum profécit. Paréntibus mórtuis, amplum patrimónium pauperibus distribuit, vitæ monásticæ desidério. Sed, Deo áliter disponénte, ca-

nónicus Cracoviénsis et concionátor factus a Lampérto epíscopo, in ejus póstea locum, quamvis invítus, sufféctus est. Quo in múnere ómnium pastóralium virtútum laude, et præcípuè misericórdia in páuperes enítuit. Bolesláum Polóniæ regem, sápius ob mores corrúptos frustra admónitum, a fidélium communióne remóvit. Qui idcirco iracúndia furens, mílites in ecclésiám immíttit, ut sanctum epíscopum confódiant; sed cum divínitus fuissent depúlsi, ímpius rex sacerdotem Dei, Hóstiam immaculatam ad altáre offeréntem, sua manu obtrúncat. Multis miráculis Servi sui sanctitátem Deus declarávit post ejus mortem, quibus permótus Innocéntius quartus illum in Sanctórum númerum rétulit.

Te Deum laudámus.

In III Nocturno Homilia in Ev. Ego sum vitis vera, de **Communi Martyrum Tempore Paschali** 1 loco. [77]

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

V. Pretiósá in conspéctu.

Ad Bened. Ant. Fíliæ Jerúsalem, * veníte et vi-

déte Mártyres cum corónis, quibus coronávit eos Dóminus in die solemnitátis et lætitiæ, allelúja, allelúja.

Oratio

Deus, pro cujus honóre gloriósus Póntifex Stanisláus gládiis impiórum occúbuit : præsta, quæsumus; ut omnes, qui ejus implórant auxiliúm, petitiónis suæ salutárem consequántur efféctum. Per Dóminum.

Vesperæ de sequenti, Commemoratio præcedentis.

Die 8 Maji

In Apparitione
S. Michaëlis Archangeli

Duplex majus

IN I VESPERIS

Ant. 1 Stetit Angelus * juxta aram templi, habens thuríbulum áureum in manu sua, allelúja.

Psalmi ut in I Vesperis de Communi App. T. P. [4], vel, si II Vesperæ de hoc Festo non sint dicendæ, loco ultimi Ps. 116 Laudáte Dóminum, omnes gentes, **Ps. 137** Confitébor tibi, Dómine, **ut infra.**

2 Dum præliarétur * Michaël Archángelus cum dracóne, audíta est vox dicéntium : Salus Deo nostro, allelúja.

3 Archángele Michaël, * constitui te príncipem super omnes ánimas suscipiéndas, allelúja.

4 Angeli Dómini, * Dóminum benedicite in ætérnum, allelúja.

5 Angeli, Archángeli, * Throni et Dominatiónes, Principátus et Potestátes, Virtútes cælórum, laudáte Dóminum de cælis, allelúja.

In II Vesperis

Psalmus 137

Confitébor tibi, Dómine, in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtútem.

Confiteántur tibi, Dómine, omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília respicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit délixtera tua.

Dóminus retríbuet pro me : * Dómine, misericórdia tua in sáculum : ópera mánuum tuárum ne despicias.

Ant. Angeli, Archángeli, Throni et Dominatiónes, Principátus et Potestátes, Virtútes cælórum, laudáte Dóminum de cælis, allelúja.

Capitulum Apoc. 1, 1-2

Significávit Deus quæ ópórtet fieri cito, loquens per Angelum suum servo suo Joánni, qui testimoníum perhibuit verbo Dei, et testimoníum Jesu Christi, quæcúmque vidit.

Hymnus

TE, splendor et virtus Patris,

Te vita, Jesu, córdium,
Ab ore qui pendent tuo,
Laudámus inter Angelos.

Tibi mille densa míllium
Ducum coróna militat;
Sed éxplicat victor crucem

Míchaël salútis sígnifer.

Dracónis hic dirum caput
In ima pellit tártara,
Ducémque cum rebéllibus
Cælésti ab arce fúlminat.

Contra ducem supérbiæ
Sequámur hunc nos príncipem,

Ut detur ex Agni throno
Nobis coróna glóriæ.

† Sequens Conclusio nunquam mutatur.

Deo Patri sit glória,
Qui, quos redémit Fílius,
Et Sanctus unxit Spíritus,

Per Angelos custódiat.

Amen.

✠. Stetit Angelus juxta aram templi, allelúja.

✠. Habens thuríbulum áureum in manu sua, allelúja.

Ad Magnif. Ant. Dum sacrum mystérium * cerneret Joánnes, Archángelus Míchaël tuba cécinit : Ignósce, Dómine, Deus noster, qui áperis librum, et solvis signácula ejus, allelúja.

In II Vesperis

✠. In conspéctu Angelórum psallam tibi, Deus meus, allelúja. ✠. Adorábo ad templum sanctum tuum, et confitébor nómini tuo, allelúja.

Ad Magnif. Ant. Princeps gloriosíssime, * Míchaël Archángele, esto memor nostri : hic et ubique semper precáre pro nobis Fílium Dei, allelúja, allelúja.

Oratio

DEus, qui, miro ordine, Angelorum ministéria hominúmque dispensas : concède propítius; ut, a quibus tibi ministrántibus in cælo semper assístitur, ab his in terra vita nostra muniátur. Per Dóminum.

Et fit Commem. præced. :

Ant. Sancti et justi, in Dómino gaudéte, allelúja : vos elégit Deus in hereditátem sibi, allelúja.

℟. Pretiósá in conspectu.

Oratio

DEus, pro cuius honóre gloriósus Póntifex Stanisláus gládiis impiórum occúbuit : præsta, quæsumus; ut omnes, qui ejus implórant auxílium, petitiónis suæ salutárem consequántur efféctum. Per Dóminum.

Completorium de Dominica.

AD MATUTINUM

Invitat. Regem Archangelórum Dóminum, * Veníte, adorémus, allelúja.

Ps. 94 Veníte, exsultémus. 3

Hymnus Te, splendor, ut supra. 943

In I Nocturno

Ant. Concússum est mare, * et contrémuit terra, ubi Archángelus Michaël descendébat de cælo, allelúja.

Psalmus 8

Domine, Dóminus noster, * quam admirábile est nomen tuum in univérsa terra!

Quóniam eleváta est magnificentia tua, * super cælos.

Ex ore infántium et lacténtium perfecísti laudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Psalmus 10

IN Dómino confído : quómo dico dicitis animæ meæ : * Tránsmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt : * justus autem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respíciunt : * pálpebræ ejus intérogant filios hóminum.

Dóminus intérogat justum et ímpium : * qui autem díligit iniquitátem, odit ánimam suam.

Pluet super peccatóres láqueos : * ignis, et sulphur, et spíritus procelárum pars cálicis eórum.

Quóniam justus Dóminus, et justítias diléxit : * æquitátem vidit vultus ejus.

Psalmus 14

Domine, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est

in conspéctu ejus malignus : * timéntes autem Dóminum gloriícat :

Qui jurat próximo suo, et non decípit, * qui pecúniam suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

Ant. Concússum est mare, et contrémuit terra, ubi Archángelus Míchaël descendébat de cælo, allelúja.

V. Stetit Angelus juxta aram templi, allelúja.

R. Habens thuríbulum áureum in manu sua, allelúja.

De Daniéle Prophéta

Lectio i Cap. 7, 9-11

Aspiciébam donec throni pósiti sunt, et antíquus díerum sedit. Vestiméntum ejus cándidum quasi nix, et capílli cápitis ejus quasi lana munda, thronus ejus flammæ ignis, rotæ ejus ignis accénsus. Flúvius ígneus rapidúsque egrediebátur a fácie ejus; millia míllium ministrábant ei, et decies míllies centéna millia assistébant ei. Judícium sedit, et libri apérti sunt. Aspiciébam propter vocem sermónum grándium, quos cornu illud loquebátur; et vidi quóniam interfécta esset

béstia, et periisset corpus ejus, et tráditum esset ad comburéndum igni.

℟. Factum est siléntium in cælo, dum committeret bellum draco cum Michaële Archángelo : * Audíta est vox mília míllium dicéntium : Salus, honor et virtus omnipoténti Deo, allelúja. ℣. Mília míllium ministrábant ei, et décies centéna mília assistébant ei. — Audíta.

Lectio ii Cap. 10, 4-14

DIE autem vigésima et quarta mensis primi, eram juxta flúvium magnum, qui est Tigris. Et levávi óculos meos, et vidi : et ecce vir unus vestítus lineis, et renes ejus accíncti auro obrízo; et corpus ejus quasi chrysólithus, et fácies ejus velut spécies fúlguris, et óculi ejus ut lampas ardens, et bráchia ejus, et quæ deórsum sunt usque ad pedes, quasi spécies æris candéntis; et vox sermónum ejus ut vox multitudínis. Vidi autem ego Dániel solus visiónem; porro viri qui erant mecum non vidérunt; sed terror nímius irrui super eos, et fugérunt in absconditum. Ego autem, relictus solus, vidi visiónem grandem hanc, et non remánsit in me fortitúdo,

sed et spécies mea immutáta est in me, et emárcui nec hábui quidquam vírium.

℟. Stetit Angelus juxta aram templi, habens thuribulum áureum in manu sua, et data sunt ei incénsa multa : * Et ascendit fumus arómatum de manu Angeli in conspéctu Dómini, allelúja. ℣. In conspéctu Angelórum psallam tibi : adorábo ad templum sanctum tuum, et confitébor nómini tuo, Dómine. — Et ascéndit.

Lectio iii

ET audívi vocem sermónem ejus : et áudiens jacébam consternátus super fáciem meam, et vultus meus hærébat terræ. Et ecce manus tétigit me, et eréxit me super génua mea et super artículos mánuum meárum. Et dixit ad me : Dániel, vir desideriórum, intéllige verba quæ ego loquor ad te, et sta in gradu tuo; nunc enim sum missus ad te. Cumque dixisset mihi sermónem istum, steti tremens. Et ait ad me : Noli metúere, Dániel; quia, ex die primo quo posuísti cor tuum ad intelligéndum, ut te afflígeres in conspéctu Dei tui, exaudíta sunt verba tua, et ego veni propter sermónes tuos.

Princeps autem regni Persarum réstitit mihi viginti et uno diébus; et ecce Michaël, unus de principibus primis, venit in adiutorium meum, et ego remansi ibi juxta regem Persarum. Veni autem ut docerem te quæ ventúra sunt pópulo tuo in novíssimis diébus, quóniam adhuc visio in dies.

R. In conspéctu Angelórum psallam tibi, et adorábo ad templum sanctum tuum : * Et confitébor nómini tuo, Dómine, allelúja. **V.** Super misericórdia tua et veritáte tua : quóniam magnificásti super nos nomen sanctum tuum. — Et. **Gloria Patri.** Et.

In II Nocturno

Ant. Michaël Archángele, * veni in adiutorium pópulo Dei, allelúja.

Psalmus 18

Gæli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse

tamquam sponsus procédens de thálamó suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi : * júdicia Dómini vera, justificáta in semetípse.

Desiderabilia super aurum et lápidem pretiósium multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redémptor meus. **Gloria.**

Psalmus 23

Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo, salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Psalmus 33

Benedícam Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes autem Dóminum non minuéntur omni bono.

Veníte, filii, audíte me : * timórem Dómini docébo vos.

Quis est homo qui vult vitam : * dñligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatió- nibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvá- bit.

Multæ tribulatiónes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssi- ma : * et qui odérunt ju- stum, delínquent.

Rédimet Dóminus áni- mas servórum suórum : * et non delínquent omnes qui sperant in eo.

Ant. Michaël Archángele, veni in adjutórium pópulo Dei, allelúja.

V. Ascéndit fumus aró- matum in conspéctu Dó- mini, allelúja. **R.** De manu Angeli, allelúja.

Lectio iv

R Eátum Michaélem Archángelum sæ- pius homínibus ap- paruisse, et sacrórum li- brórum auctoritáte, et vé- teri Sanctórum traditióne

comprobátur. Quam ob rem multis in locis facti memória celebrátur. Eum, ut olim synagóga Judæó- rum, sic nunc custódem et patrónum Dei venerá- tur Ecclésia. Gelásio au- tem primo, Pontífice má- ximo, in Apúlia in vértice Gargáni montis, ad cujus radices incolunt Sipontíni, Archángeli Michaëlis fuit illústris apparitio.

R. Hic est Michaël Arch- ángelus, princeps militiæ Angelórum, * Cujus honor præstat beneficia populó- rum, et orátio perdúcit ad regna cælórum, allelúja.

V. Archángelus Michaël præpósitus paradísi, quem honoríficant Angelórum cives. — Cujus.

Lectio v

F Actum est enim, ut ex grégibus armentórum Gargáni cujúsdam taurus longe discéderet; quem diu conquisítum, in áditu spelúncæ hæréntem inve- nérunt. Cum vero quidam ex illis, ut taurum confi- geret, sagíttam emisisset, retórta sagíttá in ipsum récidit sagittárium. Quæ res cum præséntes ac deín- cept céteros tanto timóre affecísset, ut ad eam spe- lúncam própius accédere nemo audéret, Sipontíni episcopum cónsulunt; qui, indícto trium díerum je-

júnio et oratióne, rem a Deo respóndit quæri oportere.

✠. Venit Michaël Arch-ángelus cum multitudíne Angelórum, cui trádedit Deus ánimas Sanctórum, * Ut perdúcat eas in paradísium exsultatiónis, allelúja. ✠. Emitte, Dómine, Spíritum Sanctum tuum de cælis, spíritum sapiéntiæ et intelléctus. — Ut.

Lectio vi

Post trídium Michaël Archángelus episcopum monet in sua tutelá esse eum locum, eóque indicio demonstrásse, velle ibi cultum Deo in sui et Angelórum memóriam adhibéri. Quare episcopus una cum civibus ad eam spelúncam ire pergit. Quam cum in templi cuiusdam similitúdinem conformátam vidissent, locum illum divínis officiis celebráre cœpérunt : qui multis póstea miráculis illustrátus est. Nec ita multo post Bonifátius Papa, Romæ in summo circo sancti Michaélis ecclésiám dedicávit tértio Kaléndas Octóbris : quo die étiam ómnium Angelórum memóriam Ecclésia célebrat. Hodiérnus autem dies Archángeli Michaélis apparitióne consecrátus est.

✠. In témpore illo consúrget Michaël, qui stat pro filiis vestris : * Et véniet tempus, quale non fuit, ex quo gentes esse cœpérunt, usque ad illud, allelúja. ✠. In témpore illo salvábitur pópulus tuus omnis, qui invéntus fúerit scriptus in libro vitæ. — Et. Glória Patri. Et.

Pro hoc Festo simplicato

Lectio ix


BEátum Michaélem Arch-ángelum sápius homínibus apparuisse, et sacrórum librórum auctoritáte, et véteri Sanctórum traditióne comprobátur. Quam ob rem multis in locis facti memória celebrátur. Eum, ut olim synagóga Judæórum, sic nunc custódem et patrónum Dei venerátur Ecclésia. Gelásio autem primo, Pontífice máximo, in Apúlia in vértice Gargáni montis, ad cujus radices incolunt Sipontíni, Arch-ángeli Michaélis fuit illústris apparitio. Nec ita multo post Bonifátius Papa, Romæ in summo circo sancti Michaélis ecclésiám dedicávit tértio Kaléndas Octóbris : quo die étiam ómnium Angelórum memóriam Ecclésia célebrat. Hodiérnus autem dies

Archángeli Michaëlis apparitióne consecrátus est.
Te Deum laudámus.

In III Nocturno

Ant. Angelus * Archángelus Míchaël, Dei nún-tius pro animábus justis, allelúja, allelúja.

Psalmus 95

 Antáte Dómino canticum novum : * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commoveátur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Psalmus 96

Dominus regnávit, exsúltet terra : * læténtur insulæ multæ.

Nubes, et caligo in circúitu ejus : * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgora ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adorant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiae Judæ, * propter judícia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Psalmus 102

Benedic, ánima mea, Dómino : * et ómnia, quæ intra me sunt, nómini sancto ejus.

Bénedic, ánima mea, Dómino : * et noli oblivísci omnes retributiónes ejus.

Qui propitiátur ómnibus iniquitatibus tuis : * qui sanat omnes infirmitátes tuas.

Qui rédimit de intéritu vitam tuam : * qui coronat te in misericórdias et miseratióibus.

Qui replet in bonis desiderium tuum : * renová-

bitur ut áquilæ juvéntus tua :

Fáciens misericórdias Dóminus : * et judícium ómnibus injúriam patiéntibus.

Notas fecit vias suas Móysi, * filiis Israël voluntátes suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitátes nostras retribuit nobis.

Quóniam secúndum altitúdinem cæli a terra : * corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitátes nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorebit.

Quóniam spíritus pertransíbit in illo, et non subsístet : * et non cognóscet ámplius locum suum.

Misericórdia autem Dómini ab ætérno, * et usque

in ætérnum super timén-
tes eum.

Et justítia illius in filios
filiórum, * his qui servant
testaméntum ejus :

Et mémores sunt manda-
tórum ipsíus, * ad facién-
dum ea.

Dóminus in cælo parávit
sedem suam : * et regnum
ipsíus ómnibus dominá-
bitur.

Benedícite Dómino, om-
nes Angeli ejus : * potén-
tes virtúte, faciéntes ver-
bum illius, ad audiéndam
vocem sermónum ejus.

Benedícite Dómino, om-
nes virtútes ejus : * miní-
stri ejus, qui fácitis volun-
tátem ejus.

Benedícite Dómino, óm-
nia ópera ejus : * in omni
loco dominatiónis ejus, bé-
nedic, ánima mea, Dó-
mino.

Ant. Angelus Archánge-
lus Michaël, Dei núntius
pro animábus justis, alle-
lúja, allelúja.

V. In conspéctu Angeló-
rum psallam tibi, Deus
meus, allelúja. **R.** Ado-
rábo ad templum sanctum
tuum, et confitébor nó-
mini tuo, allelúja.

Léctio sancti Evangélíi
secúndum Matthæum

Lectio vii Cap. 18, 1-10

IN illo témpore : Acces-
sérunt discípuli ad Je-
sum, dicéntes : Quis, pu-

tas, major est in regno
cælórum? Et réliqua.

Homilía sancti Hilárii
Epíscopi

Comment. in Matth. can. 18



Monnisi revérsos in
natúram puerórum
introíre regnum cæ-
lórum Dóminus docet : id
est, per simplicitátem pue-
rílem vítia córporum no-
strórum animæque revo-
cánda. Púeros autem, cre-
déntes omnes per audién-
tiæ fidem nuncupávit. Hi
enim patrem sequúntur,
matrem amant, próximo
velle malum nésciunt, cu-
ram opum négligunt; non
insoléscunt, non odérunt,
non mentiúntur, dictis
credunt, et quod áudiunt,
verum habent. Revertén-
dum igitur est ad simpli-
citátem infántium; quia,
in ea collocáti, spéciem
humilitátis Domínicæ cir-
cumferémus.

R. In conspéctu géntium
nolite timére; vos enim in
córdibus vestris adoráte
et timéte Dóminum; * An-
gelus enim ejus vobíscum
est, allelúja. **V.** Stetit
Angelus juxta aram tem-
pli, habens thuríbulum
áureum in manu sua. —
Angelus.

Bened. Quorum festum.

**Si dicenda sit ix Lectio ali-
cujus Officii commemorati,
ex viii et ix Lectione fit una.**

Lectio viii

VÆ huic mundo ab scándalis. Humílitas passiónis scándalum mundo est. In hoc enim máxime ignorántia detinétur humana, quod sub deformitáte crucis, æternæ glóriæ Dóminum nóluit accípere. Et quid mundo tam periculósum, quam non recepisse Christum? Ideo vero necesse esse ait veníre scándala; quia, ad sacraméntum reddendæ nobis æternitátis, omnis in eo passiónis humílitas esset explénda.

✠. Michaël Archángelus venit in adjutórium pópulo Dei, * Stetit in auxiliium pro animábus justis, allelúja. ✠. Stetit Angelus juxta aram templi, habens thuríbulum áureum in manu sua. — Stetit in. Glória Patri. Stetit in.

Feria II Rogationum et in Vigilia Ascensionis ix Lectio de Homilia Feriæ, alias

Lectio ix

VIdéte ne contemnátis unum de pusillis istis, qui credunt in me. Aptísimum vínculum mútui amoris impósuit, ad eos præcípuè qui vere in Dómino credidissent. Pusillórum enim Angeli quotidie Deum vident : quia Fílius hóminis venit salváre quæ pérdita sunt. Ergo et Fí-

lius hóminis salvat, et Deum Angeli vident, et Angeli pusillórum præsunt fidélium oratióibus. Præesse Angelos absolúta auctóritas est. Salvatórum igitur per Christum oratióes Angeli quotidie Deo offerunt. Ergo periculóse ille contémnitur, cuius desidéria ac postulatióes ad ætérnum et invisibilem Deum, ambitióso Angelórum famulátu ac ministério, pervehúntur.

Te Deum laudámus.

AD LAUDES

et per Horas, Añæ

1 Stetit Angelus * juxta aram templi, habens thuríbulum áureum in manu sua, allelúja.

Psalmi de Domin, 1 loco. 49

2 Dum præliarétur * Michaël Archángelus cum dracóne, audíta est vox dicéntium : Salus Deo nostro, allelúja.

3 Archángele Michaël, * constitui te príncipem super omnes ánimas suscipiéndas, allelúja.

4 Angeli Dómini, * Dóminum benedicite in ætérnum, allelúja.

5 Angeli, Archángeli, * Throni et Dominatióes, Principátus et Potestátes, Virtútes cælórum, laudáte Dóminum de cælis, allelúja.

Capitulum Apoc. 1, 1-2

Significávit Deus quæ
Opórtet fieri cito, lo-
quens per Angelum suum
servo suo Joánni, qui testi-
mónium perhibuit verbo
Dei, et testimónium Jesu
Christi, quæcúmque vidit.

Hymnus

Christe, sanctórum de-
cus Angelórum,
Gentis humanæ Sator et
Redemptor,
Cælitum nobis tribuas
beátas
Scándere sedes.

Angelus pacis Míchaël in
ædes
Cælitus nostras véniat,
serénæ
Auctor ut pacis lacrimósa
in orcum
Bella reléget.

Angelus fortis Gábríel, ut
hostes
Pellat antiquos, et amíca
cælo,
Quæ triumphátor státuit
per orbem,
Templa revísat.

Angelus nostræ médicus
salútis,
Adsit e cælo Ráphaël, ut
omnes
Sanet ægrótos, dubiósque
vitæ
Dírigat actus.

Virgo dux pacis Genitríx-
que lucis,
Et sacer nobis chorus An-
gelórum

Semper assístat, simul et
micántis
Régia cæli.

Præstet hoc nobis Déitas
beáta
Patris, ac Nati, paritérque
Sancti
Spiritus, cujus résonat per
omnem
Glória mundum.

Amen.

V. Stetit Angelus juxta
aram templi, allelúja.
R. Habens thuríbulum áu-
reum in manu sua, alle-
lúja.

Ad Bened. Ant. Factum
est * siléntium in cælo,
dum draco committeret
bellum; et Míchaël pugná-
vit cum eo, et fecit victó-
riam, allelúja.

Oratio

Deus, qui, miro órđine,
Angelórum ministéria
hominúmque dispénsas :
concéde propítius; ut, a
quibus tibi ministrántibus
in cælo semper assístitur,
ab his in terra vita nostra
muniátur. Per Dóminum.

**Feria II Rogationum et in
Vigilia Ascensionis fit Com-
memoratio Feriæ.**

**Ad Horas Psalmi de Domi-
nica, ad Primam tamen ut in
Festis.**

AD PRIMAM

Ant. Stetit Angelus, **ut
supra. 954**

AD TERTIAM

Ant. Dum præliarétur * Michaël Archángelus cum draconé, audíta est vox dicéntium : Salus Deo nostro, allelúja.

Capitulum Apoc. 1, 1-2

Significávit Deus quæ opórtet fieri cito, loquens per Angelum suum servo suo Joánni, qui testimoníum perhibuit verbo Dei, et testimoníum Jesu Christi, quæcúmque vidit.

℟. br. Stetit Angelus juxta aram templi, * Allelúja, allelúja. Stetit. **℣.** Habens thuríbulum áureum in manu sua. Allelúja, allelúja. **Gloria Patri.** Stetit. **℣.** Ascéndit fumus arómatum in conspéctu Dómini, allelúja. **℟.** De manu Angeli, allelúja.

Oratio

Deus, qui, miro órđine, Angelórum ministéria hominúmque dispénsas : concéde propítius; ut, a quibus tibi ministrántibus in cælo semper assístitur, ab his in terra vita nostra muniátur. Per Dóminum.

AD SEXTAM

Ant. Archángele Michaël, * constítui te príncipem super omnes ánimas suscipiéndas, allelúja.

Capitulum Apoc. 5, 11-12

Audívi vocem Angelórum multórum in circúitu throni, et animálium et seniórum; et erat númerus eórum míllia míllium, voce magna dicéntium : Salus Deo nostro.

℟. br. Ascéndit fumus arómatum in conspéctu Dómini, * Allelúja, allelúja. Ascéndit. **℣.** De manu Angeli. Allelúja, allelúja. **Gloria Patri.** Ascéndit. **℣.** In conspéctu Angelórum psallam tibi, Deus meus, allelúja. **℟.** Adorábo ad templum sanctum tuum, et confitébor nómini tuo, allelúja.

AD NONAM

Ant. Angeli, Archángeli, * Throni et Dominationés, Principátus et Potestátes, Virtútes cælórum, laudáte Dóminum de cælis, allelúja.

Capitulum Apoc. 12, 7-8

Factum est prælium magnum in cælo : Michaël et Angeli ejus præliabántur cum draconé, et draco pugnábat et ángeli ejus; et non prævaluérunt, neque locus invéntus est eórum ámplius in cælo.

℟. br. In conspéctu Angelórum psallam tibi, Deus meus, * Allelúja, allelúja.

In. **℣.** Adorábo ad templum sanctum tuum, et confitébor nómini tuo. Allelúja, allelúja. **Glória Patri.** In. **℣.** Adoráte Deum, allelúja. **℟.** Omnes Angeli ejus, allelúja.

IN II VESPERIS

Omnia ut in I Vesperis 942, sed loco ultimi Psalmi dicitur Ps. 137 Confitébor. 942

℣. In conspéctu Angelórum psallam tibi, Deus meus, allelúja. **℟.** Adorábo ad templum sanctum tuum, et confitébor nómini tuo, allelúja.

Ad Magnif. Ant. Princeps gloriosissime, * Michaël Archángele, esto memor nostri : hic et ubique semper precáre pro nobis Fílium Dei, allelúja, allelúja.

Et fit Commem. sequentis. Completorium de Dominica.

Die 9 Maji

S. Gregorii Nazianzeni

Ep., Conf. et Eccl. Doct.

Duplex [84]

Ant. O Doctor óptime, Ecclésiæ sanctæ lumen, beáte Gregóri, divínæ legis amátor, deprecáre pro nobis Fílium Dei, allelúja.

℣. Amávit eum Dóminus.

Oratio

C 3

DEus, qui pópulo tuo æternæ salútis beátum Gregórium místrum tribuísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

In I Nocturno, si sumendæ sint de Communi, Lectiones Sapientiam. [104]

In II Nocturno

Lectio iv



Regórius, nóbilis Cáppadox, ex singulári divinárum Litterárum sciéntia Theólogi cognómen consecútus, Naziánzi in Cappadócia natus, Athénis in omni disciplinárum génere una cum sancto Basilio eruditus, ad stúdia sacrárum Litterárum se convertit; in quibus se in cœnóbio per áliquot annos exercuérunt, illárum senténtiam non ex próprio ingénio, sed ex majórum ratióne et auctoritáte interpretántes. Qui cum doctrína et vitæ sanctitáte florérent, vocáti ad munus prædicándæ evangélicæ veritátis, plúrimos Jesu Christo filios peperérunt.

℟. Invéni David servum meum, óleo sancto meo unxi eum : * Manus enim mea auxiliábitur ei, alle-

lúja. ✠. Nihil proficiet inímicus in eo, et fílius iniquitátis non nocébit ei. — Manus enim mea auxiliábitur ei, allelúja.

Lectio v

Gregórius igitur, ali-quándo domum revér-sus, primum Sasimórum epíscopus creátus est, deínde Nazianzénam ecclésiám administrávit. Tum Constantinópolis ad eam regéndam ecclésiám accersítus, cum civitátem há-resum purgátam erróribus ad cathólicam fidem redu-xísset, quod ei summum ómnium amórem conciliáre debébat, multórum parávit invidiam. Itaque, cum inter epíscopos magna proptérea esset facta seditio, sponte cedens episcopátu, illud prophétæ dictum usurpávit : Si propter me commóta est ista tempéstas, dejícite me in mare, ut vos jactári desinátis. Quare Naziánzum revérsus, cum illi ecclésiæ Eulálium præficiéndum curáset, totum se ad contemplatióem et scriptiónem divinárum rerum cóntulit.

✠. Pósuí adjutórium super poténtem, et exaltávi eléctum de plebe mea :

* Manus enim mea auxiliábitur ei, allelúja. ✠. Inveni David servum meum, óleo sancto meo unxi eum. — Manus.

Lectio vi

Scripsit autem multa, et solúta oratióne et vérsibus, mirábili pietáte et eloquéntia; quibus doctórum hóminum sanctorúmque judicio id assecútus est, ut nihil in illis, nisi ex veræ pietátis et cathólicæ religiónis régula, reperiátur, nemo quidquam jure vocáre possit in dúbium. Consubstantialitátis Fílius fuit acérrimus propugnátor. Ut autem vitæ laude nemo ei præpósitus est; sic et oratiónis gravitáte omnes fáci-le superávit. In iis scribéndi ac legéndi stúdiis ruri vitam mónachi exércens, imperatóre Theodósio, ad cæléstem vitam sénio conféctus migrávit.

✠. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum, allelúja. ✠. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplificato

Lectio ix

Gregórius Nazianzénus, nóbilis Cáppadox, ob singulárem divinárum Litterárum sciéntiam, Theó-

logi cognómen consecútus, Athénis in omni disciplinárum génere una cum sancto Basílio eruditus, ad stúdia sacrárum Litterárum se convértit. Primum Sasimórum episcopus creátus est, deinde Nazianzénam ecclésiám administrávit. Tum Constantinópolis ad eam regéndam ecclésiám accersítus, cum civitátem erróribus háeresum purgátam ad cathólicam fidem reduxisset, quod ei ómnium amórem conciliáre debébat, multórum parávit invidiam. Itaque, cum inter episcopos magna propterea esset facta seditio, sponte cedens episcopátu, illud prophétæ dictum usurpávit : Si propter me commóta est ista tempestas, dejícite me in mare, ut vos jactári desinátis. Naziánzum revérsus, cum illi ecclésiæ Eulálium præficiéndum curásset, se totum ad oratióem et stúdiúm rerum divinárum cóntulit. Egrégie multa scripsit solúta oratióne ac vérsibus, et consubstantialitátis Filii fuit acérrimus propugnátor. Imperatóre Theodósio, ad cæléstem vitam sénio confectus migrávit.

Te Deum laudámus.

In III Nocturno Homilia in Ev. Vos estis sal terræ, de Communi Doctorum I loco. [107]

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

℟. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitúam, dicit Dóminus, allelúja.

Oratio

C 3

D Eus, qui pópulo tuo æternæ salutis beátum Gregóriúm mínistрум tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Vesperæ a Capitulo de sequenti, Commemor. præcedentis ac Ss. Gordiani et Epimachi Mm.

Die 10 Maji

S. Antonini

Episcopi et Confessoris
Duplex (m. t. v.) [84]

℟. Amáviteum Dóminus.

Ad Magnif. Ant. Sacerdos et Póntifex, * et virtútum ópifex, pastor bone in pópulo, ora pro nobis Dóminum, allelúja.

Oratio

Sancti Antoníni, Dómine, Confessóris tui atque Pontíficis méritis adjuvémur : ut, sicut te in illo miráblem prædicámus, ita in nos misericórdem fuisse gloriémur. Per Dóminum.

Et fit Commemoratio præcedentis :

Ant. O Doctor óptime, Ecclesiæ sanctæ lumen, beáte Gregóri, divínæ legis amátor, deprecáre pro nobis Fílium Dei, allelúja.

℣. Justum dedúxit.

Oratio

C 3

Deus, qui pópulo tuo æternæ salutis beátum Gregórium místrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Deinde Commem. Ss. Gordiani et Epimachi Mm. :

Ant. Lux perpétua lucébit Sanctis tuis, Dómine, et æternitas téporum, allelúja.

℣. Sancti et justi.

Oratio

DA, quæsumus, omnipotens Deus : ut, qui beatórum Mártýrum tuórum Gordiáni et Epimachi solémnia cólimus, eórum

apud te intercessiónibus adjuvémur. Per Dóminum.

In II Nocturno

Lectio iv



Antonínus, Floréntiæ honéstis paréntibus natus, ab ipsa jam puerítia egrégium futúræ sanctitátis spécimen exhibuit. Annum agens sextum decimum, religiónem Prædicatórum amplexus, cœpit exínde máximis clarére virtútibus. Otio perpétuum bellum indíxit. Post noctúrnum brevem somnum primus matutínis précibus áderat, quibus persolútis, réliquum tempus noctis oratiónibus, aut certe lectioni et scriptióni librórum tribuébat; et, si quando importúnior fessis membris somnus obréperet, ad parietem páululum declináto cápite ac tantisper discússó somno, mox sacras vigílias avidius repetébat.

℣. Invéni David servum meum, óleo sancto meo unxi eum : * Manus enim mea auxiliábitur ei, allelúja. ℣. Nihil proficiet inimícus in eo, et fílius iniquitátis non nocébit ei. — Manus.

Lectio v

Disciplinæ reguláris sui ipsíus severíssimus exáctor, carnes, nisi in

gravi ægritudine, nunquam edit. Humi aut in nudo tabulato cubabat. Cilicio semper usus, et interdum zona ferrea ad vivam cutem incinctus, virginitatem integerrime semper coluit. In explicandis consiliis tantæ dexteritatis fuit, ut communi elógio Antonínus consiliorum diceretur. Adeo autem in eo humilitas enituit, ut, étiam cœnóbiis ac provinciis præfectus, abjectissima monasterii officia demississime obíret. Ab Eugénio quarto Florentínus archiepiscopus renuntiátus, ægerrime tandem, nec nisi apostolicis minis perterrefactus, ut episcopátum acciperet, acquiévít.

✠. Pósuí adjutórium super poténtem, et exaltávi eléctum de plebe mea :
* Manus enim mea auxiliábitur ei, allelúja. ✠. Inveni David servum meum, óleo sancto meo unxi eum. — Manus.

Lectio vi

IN eo múnere vix dici potest quantum prudentia, pietáte, caritáte, mansuetúdine et sacerdotali zelo excellúerit. Illud mirándum, tantum ingénio valuisse, ut omnes ferme sciéntias per se, nullo adhíbito præceptóre, absolutíssime didícerit.

Tandem post multos labóres, multis étiam éditis insígnis doctrínæ libris, sacra Eucharístia et Unctióne percépta, compléxus Crucifíxi imáginem, mortem lætus aspéxit sexto Nonas Maji, anno millésimo quadringentésimo quinquagésimo nono. Miráculis vivens et post mortem conspícuus, Sanctorum número adscriptus est ab Hadriáno sexto, anno Dómini millésimo quingentésimo vigésimo tertio.

✠. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum, allelúja. ✠. Iste est, qui contémpsít vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplificato

Lectio ix

ANtonínus, Floréntiæ honestis paréntibus natus, ab ipsa puerítia egrégium futúráe sanctitátis spécimen exhibuit. Annum agens sextum decimum, religiónem Prædicatórum ampléxus, cœpít exinde máximis virtútibus clarére. Singulári fuit abstinentia, et virginitá-

tem integerrime semper coluit. In explicandis consiliis tantæ fuit dexteritatis, ut Antoninus consiliorum diceretur. Ab Eugenio quarto Florentinus archiepiscopus renunciatus, ægerrime tamen, nec nisi apostolicis minis perterrefactus, ut episcopatum acciperet, acquievit. In eo munere prudentia, pietate, caritate, mansuetudine et sacerdotali zelo excelluit. Omnes fere scientias, nullo adhibito præceptore, absolutissime didicit, et multos insignis doctrinæ libros scripsit. Obiit in Domino sexto Nonas Maji, anno millésimo quadringentésimo quinquagésimo nono, et ab Hadriano sexto in album Sanctorum fuit relatus.

Te Deum laudamus.

In III Nocturno Homilia in Ev. Homo peregre, de Comm. Conf. Pont. 1 loco. [96]

Feria II Rogationum et in Vigilia Ascensionis ix Lectio de Hom. Feriæ.

Pro Ss. Gordiano et Epimacho Martyribus :

Lectio ix

Gordianus judex, cum ad eum Januarius presbyter, ut condemnaretur, sub Juliâno Apostata, ductus esset, ab eodem in christiana fide

instructus cum uxore et quinquaginta tribus aliis ex eadem familia Romæ baptizatur. Quare præfectus, relegato Januario, Gordianum a Clementiano vicario includi jubet in carcerem; qui postea eundem Gordianum vinctum catenis ad se accersitum, cum a fidei proposito deterrere non posset, plumbatis diu cæsum, capite plecti imperat. Cujus corpus, ante Apollinis templum canibus objectum, noctu a Christianis via Latina sepelitur, in eadem crypta in quam reliquiae beati Epimachi Martyris translatae fuerant ab Alexandria : ubi is diu propter Christi confessionem constrictus in carcere, postremo combustus, martyrio coronatus est.

Te Deum laudamus.

AD LAUDES

℟. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, dicit Dominus, allelûja.

Oratio

Sancti Antonini, Domine, Confessoris tui atque Pontificis meritis adjuvemur : ut, sicut te in illo mirabilem prædicamus, ita in nos misericôr-

dem fuisse gloriémur. Per Dóminum.

Post Commemorationem Feriæ in II Rogationum et in Vigilia Ascensionis, fit Commemoratio Ss. Gordiani et Epimachi Mm. :

Ant. Filiæ Jerúsalem, veníte et vidéte Mártyres cum corónis, quibus coronávit eos Dóminus in die sollemnítatis et lætitiæ, allelúja, allelúja.

✠. Pretiósá in conspectu.

Oratio

DA, quæsumus, omnipotens Deus : ut, qui beatórum Mártyrum tuórum Gordiáni et Epímachi solémnia cólimus, eórum apud te intercessiónibus adjuvémur. Per Dóminum.

IN II VESPERIS

✠. Justum dedúxit.

Ad Magnif. Ant. Amávit eum Dóminus, * et ornávit eum : stolam glóriæ induit eum, et ad portas paradísi coronávit eum, allelúja.

Die 12 Maji

Ss. Nerei, Achillei et Domitillæ Virg. atque Paneratii Mm.

Semiduplex [74]

✠. Sancti et justi.

Ad Magnif. Ant. Lux perpétua * lucébit Sanctis

tuis, Dómine, et ætérnitas témporum, allelúja.

Oratio

Semper nos, Dómine, Mártyrum tuórum Nérei, Achillei, Domitillæ atque Pancrátii fóveat, quæsumus, beáta solémnitas : et tuo dignos reddat obséquio. Per Dóminum.

In II Nocturno

Lectio iv



MEreus et Achilleus fratres, eunúchi Fláviæ Domitillæ, a beáto Petro una cum ipsa ejúsque matre Plautilla baptizáti, cum Domitillæ persuasissent ut virginitátem suam Deo consecráret, ab ejus sponso Aureliáno tamquam christiáni accusáti, ob præcláram fidei confessiónem in Póntiam ínsulam relegántur. Ubi ad quæstiónem íterum vocáti et verbéribus cæsi, mox Taracínam perdúcti, a Minúcio Rufo equúleo et flammis cruciáti, cum constánter negárent se, a sancto Petro Apóstolo baptizátos, ullis torméntis cogi posse, ut idólis immolárent, secúri percússi sunt. Quorum córpora ab Auspicio, eórum discipulo et Domitillæ educatóre, Romam deláta, via Ardeatína sepúlta sunt.

℟. Lux perpétua lucébit Sanctis tuis, Dómine, * Et ætérnitas témporum, allelúja, allelúja. ℣. Lætítia sempitérna erit super cápita eórum : gáudium et exsultatíonem obtiné-bunt. — Et.

Lectio v

FLávia Domitílla, virgo Romána, Titi et Domitiáni imperatórum neptis, cum sacrum virginitátis velámen a beáto Cleménte Papa accepisset, ab Aureliáno sponso, Titi Aurélii cónsulis filio, deláta quod christiána esset, a Domitiáno imperatóre in ínsulam Póntiam est deportáta, ubi in cárcere longum martýrium duxit. Demum Tarracinam dedúcta, íterum Christum conféssa, cum semper constantior appareret, sub Trajáno imperatóre, júdicis jussu incénso ejus cubículo, una cum Theodóra et Euphrósyna virgínibus et collactáneis suis, gloriósi martýrii cursum confécit, Nonis Maji : quarum córpora, íntegra invénta, a Cæsário diácono sepúlta sunt. Hac vero die dúorum fratrum ac Domitíllæ córpora, ex diaconía sancti Hadriáni simul transláta, in ipsórum Mártýrum basilícam, títuli Fasciolæ, restitúta sunt.

℟. In servis suis, allelúja, * Consolábitur Deus, allelúja. ℣. Judicábit Dóminus pópulum suum, et in servis suis. — Consolábitur.

Lectio vi

PAncrátius, in Phrýgia nóbili génere natus, puer quatuórdecim annórum Romam venit Diocletiano et Maximiano imperatóribus. Ubi a Pontífice Romano baptizátus, et in fide christiána eruditus, ob eámdem paulo post comprehénsus; cum diis sacrificáre constánter renúisset, viríli fortitúdine datis cervícibus, illústrem martýrii corónam consecútus est. Cujus corpus Octavílla matróna noctu sústulit, et unguéntis delibútum via Aurélia sepe-lívit.

℟. Fíliæ Jerúsalem, veníte et vidéte Mártýres cum corónis, quibus coronávit eos Dóminus * In die solemnitátis et lætítiae, allelúja. ℣. Quóniam confortávit seras portárum tuárum, benedíxit filios tuos in te. — In. Glória Patri. In.

Pro hoc Festo simplificato

Lectio ix

NEreus et Achílleus fratres, eunúchi Fláviæ Domitíllæ, a beáto Petro

una cum ipsa ejúsque matre Plautilla baptizáti, cum Domitillæ persuasissent ut virginitátem suam Deo consecráret, ab ejus sponso Aureliáno, quod christiáni essent accusáti, in Póntiam ínsulam relegántur. Mox verbéribus cæsi, ut idólis immolárent, et Tarracínam perdúcti, equúlei et flammárum cruciátibus superátis, secúri percússi sunt; quorum córpora ab Auspicio eórum discípulo Romam deláta, via Ardeatina sunt sepúlta. Flávia Domitilla vero, quæ sacrum virginitátis velámen a beáto Clemente Papa accéperat, et ipsa in ínsulam Póntiam deportáta, et post diutúrna víncula Tarracínam dedúcta, júdicis jussu incénso ejus cubículo, una cum virgínibus Theodóra et Euphrósyna, collactáneis suis, gloriósam mortem oppétiit Nonis Maji, Trajáno imperatóre : quarum córpora Cæsárius diáconus sepelívit. Pancrátius, nóbili génere in Phrygia natus, puer quatuórdecim annórum Romæ baptizátus, Diocletiáno et Maximiáno imperatóribus, comprehénditur, et, cum diis sacrificáre constánter renuísset, datis cervícibus, illústrem martýrii corónam consecútus

est; cujus corpus ab Octavilla matróna clam via Aurélia sepúltum est.
Te Deum laudámus.

In III Noeturno

Léctio sancti Evangélii
secúndum Joánnem

Lectio vii Cap. 4, 46-53

IN illo témpore : Erat quidam régulus, cujus fílius infirmabátur Caphárnaum. Et réliqua.

Homilía sancti Gregórii
Papæ

**Homilia 28 habita in Basilica
horum Ss. Martyrum, in
die natali eorum**



Uid est quod régulus Dóminum rogat ut ad ejus fílium véniat, et tamen ire corporáliter recúsat; ad servum vero centuriónis non invitátur, et tamen se corporáliter ire pollicétur? Réguli filio per corporálem præsentiam non dignátur adesse, centuriónis servo non dedignátur occurrere. Quid est hoc, nisi quod supérbia nostra retúnditur, qui in homínibus non natúram, qua ad imáginem Dei facti sunt, sed honóres et divítias venerámur? Redémptor vero noster, ut osténderet quia quæ alta sunt hóminum, despiciénda sunt, et quæ despécta sunt hóminum,

despicienda non sunt; ad filium réguli ire nóluit, ad servum centuriónis ire parátus fuit.

℟. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ℣. Sicut diléxit me Pater, et ego diléxi vos. — Qui.

Feria III et VI infra hebdomadam I et II post Octavam Paschæ, quoties in I Nocturno Lectiones fuerint de Scriptura occurrenti cum suis Responsoriis de Tempore, loco præcedentis Responsorii dicitur sequens

℟. Tristítia vestra, allelúja, * Convertétur in gáudium, allelúja, allelúja. ℣. Mundus autem gaudébit, vos vero contristabimini, sed tristítia vestra. — Convertétur.

Si dicenda sit ix Lectio aliqujus Officii commemorati, ex viii et ix Lectione fit una.

Lectio viii

INcrepáta est ergo supérbia nostra, quæ nescit pensáre hómines propter hómines. Sola, ut díximus, quæ circúmant homínibus pensat, natúram non áspicit, honórem Dei in homínibus non agnóscit. Ecce ire non vult Fílius Dei ad filium réguli; et tamen veníre parátus est ad salútem servi! Certe, si nos cujúspiam

servus rogáret ut ad eum ire deberémus, prótinus nobis nostra supérbia in cogitatíone tácita responderet dicens : Non eas, quia temetípsum degéneras, honor tuus despícitur, locus viléscit. Ecce de cælo venit, qui servo in terra occurrere non déspicit; et tamen humiliári in terra contémnimus, qui de terra sumus!

℟. Cándidi facti sunt Nazaræi ejus, allelúja; splendórem Deo dedérunt, allelúja : * Et sicut lac coaguláti sunt, allelúja, allelúja. ℣. Candidiôres nive, nitidiôres lacte, rubicundiôres ébore antiquo, sapphíro pulchriôres. — Et. Glória Patri. Et.

Feria II Rogationum et in Vigilia Ascensionis ix Lectio de Homilia Feriæ et fit ejus Com. ad Laudes, alias

Lectio ix

Nolíte ergo intra vosmetípsos pensáre quod habétis, sed quid estis. Ecce mundus, qui dilígitur, fugit. Sancti isti ad quorum tumbam consístimus, floréntem mundum mentis despéctu calcavérunt. Erat tunc vita longa, salus continúa, opuléntia in rebus, fecúnditas in propágine, tranquillitas in diutúrna pace; et tamen, cum in seípso floréret, jam in eórum córdibus mundus

arúerat. Ecce jam mundus in seipso áruit, et adhuc in córdibus nostris floret. Ubique mors, ubique luctus, ubique desolátio, úndique percútimur, úndique amaritudínibus replémur; et tamen cæca mente carnális concupiscéntiæ ipsas ejus amaritúdes amámus, fugiéntem séquimur, labénti inhærémus. Te Deum.

AD LAUDES

✠. Pretiósá in conspéctu.

Ad Bened. Ant. Fíliæ Jerúsalem, * veníte et vidéte Mártýres cum corónis, quibus coronávit eos Dóminus in die solemnitátis et lætítiæ, allelúja, allelúja.

Oratio

Semper nos, Dómine, Mártýrum tuórum Nérei, Achílleí, Domitíllæ atque Pancrátii fóveat, quæsumus, beáta solémnitas: et tuo dignos reddat obséquio. Per Dóminum.

Vesperæ de sequenti, Commemoratio præcedentis.

Die 13 Maji

S. Roberti Bellarmino

Episcopi, Confessoris
et Ecclesiæ Doctoris [84]

Duplex (m. t. v.)

IN I VESPERIS

✠. Amávit eum Dóminus, et ornávit eum, allelúja.

✠. Stolum glóriæ induit eum, allelúja.

Ad Magnif. Ant. O Doctor óptime, * Ecclesiæ sanctæ lumen, beáte Robérte, divínæ legis amátor, deprecáre pro nobis Fílium Dei, allelúja.

Oratio

Deus, qui ad errórum insídias repelléndas et Apostólicæ Sedis jura propugnánda, beátum Robértum Pontíficem tuum atque Doctórem mira eruditióné et virtúte decorásti; ejus méritis et intercessióné concéde, ut nos in veritátis amóre crescámus et errántium corda ad Ecclesiæ tuæ rédeant unitátem. Per Dóminum.

Et fit Commem. præced. :

Ant. Sancti et justí, * in Dómino gaudéte, allelúja: vos elégit Deus in hereditátem sibi, allelúja.

✠. Pretiósá in conspéctu.

Oratio Semper nos, ut supra.

In II Nocturno

Lectio iv



Obértus, Politiánus e Patrícia Bellarminórum gente, matrem pientíssimam hábuit Cýnthiam Cervíni, Marcélli Papæ secúndi sorórem. Exímia pietáte et castíssimis móribus quámprimum enítuit, id unum

exóptans, ut Deo soli placéret et ánimas Christo lucrifáceret. Pátrium Societátis Jesu collégium summa cum ingénii et modéstiae laude frequentávit; ac, duodeviginti annos natus, Romæ eámdem Societátem ingræssus, religiosárum virtútum ómnibus exémplo fuit. Eménso in Románo Collégio philosophiæ currículo, missus est primum Floréntiam, tum Montem Regálem, dein Patávium ad sacram theologiám addiscéndam, ac póstea Lovánium, ubi concionatóris múnere, nondum sacerdos, mirífice functus est. Lovánii prætérea sacerdotio auctus, ita theologiám dócuit, ut plúrimos hæreticos ad Ecclesiæ unitátem redúxerit, ac theólogus per Európam claríssimus haberétur, eúmque Sanctus Cárolus Mediolanénsis Episcopus aliíque vehementer sibi expéterent.

✠. Invéni David servum meum, óleo sancto meo unxi eum : * Manus enim mea auxiliábitur ei, allelúja. ✠. Nihil proficiet inimícus in eo, et filius iniquitátis non nocébit ei. — Manus.

Lectio v

Romam ex desiderio Gregórii Papæ décimí tértii revocatús, theológi-

cam controversiárum disciplinam trádidit in Collégio Románo : ibíque vitæ spirituális magíster constitútus, angélicum júvenem Aloísium per sanctitátis sémitas moderátus est. Ipse Collégium Románum ac deínde Neapolitánam Societátis Jesu Provinciám ad Sancti Ignátii mentem gubernávit. In Urbem íterum accersítus, a Cleménte octávó ad summa Ecclesiæ negótia, máximo cum christiánæ rei emoluménto, est adhibitus; tum invítus et frustra relúctans, in Cardinálium númerum cooptátus, quia, ut palam asséruiť ipse Póntifex, tunc non habébat parem Ecclesia Dei quod ad doctrínam. Ab eódem Pontífice consecrátus Episcopus, Capuánam Archidiocésim triénnum sanctíssime administrávit : quo múnere depósito, Romæ ad mortem usque degit, integérrimus ac fidelíssimus Summi Pontíficis consiliárius. Multa præcláre scripsit, illud méritum adéptus in primis quod, Sanctum Thomam ducem et magístrum secútus, de suórum necessitáte témporum próvide cónsciús, invícto doctrinæ róbre et amplíssima testimoniórum cópia e Sacris

Litteris et e Sanctorum Patrum ditissimo fonte apte depròp̃ta, novos erròres debellávit, traditiónis cathólicæ et Románi Pontificátus júrium strénuus præprím̃is adsértor. Complúribus étiam ad pietátem fovéndam libéllis exstat insígnis ac præsertim áureo catechísimo quem, licet áliis gravíssimis negótiis disténtus, tum Cápuæ tum Romæ púeros ac rudes docére non prætermittébat. Robértum æquévus Cardínalis a Deo missum judicávit, qui cathólicos erudíret, pios cóleret, hæréticos profligáret; Sanctus Franciscus Salésius doctrínæ fontem hábuit; Summus Póntifex Benedíctus décimus quartus hæreticórum málleum dixit, ac Benedíctus décimus quintus cathólicam religiónem propagántibus et tuéntibus exémp̃lar indicávit.

℟. Pósui adjutórium super poténtem, et exaltávi eléctum de plebe mea :
 * Manus enim mea auxiliábitur ei, allelúja. ℣. Inveni David servum meum, óleo sancto meo unxi eum.
 — Manus.

Lectio vi

VItæ religiósæ studiosíssimus, eam, inter purpurátos patres adléctus, in exémp̃lum servá-

vit. Opes ultra necessárias nóluit; módico famulátu, ténuí cultu habitúque conténtus : suórum non stúduit opuléntiæ, ac vix addúci pótuit ut inópiam idéntidem leváret. De se humíllime sensit, et mira fuit ánimi simplicitáte. Deíparam diléxit únice : plures horas quotidie oratióni tribuébat. Parcíssime víctitans, ter in hebdómada jejunábat : in se constánter austérus, caritáte in próximum flagrávit, vocátus sæpenúmero Pater páuperum. E baptísmate innocéntiam ne vel levi quidem culpa maculáret strénue conténdit. Prope octogenárius, ad Sancti Andréæ in colle Quirináli, extrémum in morbum incídit, quem sólito virtútum fúlgore illustrávit. Moribúndo Gregórius Papa décimus quintus et plures Cardínales adstitérunt, tantum Ecclésiæ cólumen éripi complorántes. Die sacrórum stigmatum Sancti Francisci, quorum memóriæ ubíque celebrándæ auctor fúerat, obdormívit in Dómino, anno millésimo sexcentésimo vigésimo primo. Mórtuo tota cívitas parentávit, sanctum uno ore conclámans. Eum vero Pius undécimus Póntifex Máximus Beatórum pri-

mum ac deinde Sanctorum numero adscripsit et paulo post, ex Sacrorum Rituum Congregationis consulto, universalis Ecclesiae Doctorem declaravit. Ejus corpus Romae in templo Sancti Ignatii, apud sepulcrum Sancti Aloisii, ut ipse optarat, pia veneratione colitur.

✠. Iste est, qui ante Deum magnas virtutes operatus est, et omnis terra doctrina ejus repleta est : * Ipse intercédât pro peccatis omnium populorum, allelúja. ✠. Iste est, qui contempsit vitam mundi, et pervenit ad caelestia regna. — Ipse. Glória Patri. Ipse.

Lectio pro festo commemorato ad Matutinum legenda, juxta Rubricas:

Lectio ix

ROBERTUS, Politianus, e Patricia Bellarminorum gente, matrem pienssimam habuit Cynthiam Cervini, Marcelli Papae secundi sororem. Eximia pietate et castissimis moribus ornatus, duodeviginti annorum adolescens Societatem Jesu Romae ingressus est, in eaque, ad mortem usque religiosarum virtutum omnibus exemplo fuit. Post philosophiae curriculum

Floréntiam primum missus, tum Montem Regalem, Patavium et Lovanium, magistri et concionatoris munere, nondum sacerdos, mirifice functus est. Lovanii praeterea sacerdotio auctus, theologiam ita docuit, ut theologus per Europam clarissimus jam tum haberetur. Romam revocatus, theologicam controversiarum disciplinam in Collégio Romano tradidit, ubi etiam vitae spiritalis magister constitutus, angelicum juvenem Aloisium per sanctitatis semitas moderatus est. A Clemente Papa octavo frustra reluctans, in Patrum Cardinalium numerum cooptatus, et paulo post consecratus Episcopus Capuanam Archidiecésim triennium sanctissime rexit; quo munere deposito, integerrimus ac fidelissimus Summi Pontificis consiliarius in Urbe degit, usque dum, prope octogenarius, die decima septima septembris, anno millésimo sexcentésimo vigésimo primo pie in Domino quievit. Praeter controversiarum volumina multa alia praclare scripsit, inter quae aureus catechesis libellus exstat insignis. Fortissimum hunc catholicae veritatis propugnatorem Pius

undécimus Póntifex Máxi-
mus in Sanctórum núme-
rum rétulit atque univer-
sális Ecclésiæ Doctórem
declarávit.

Te Deum laudámus.

In III Nocturno

Léctio sancti Evangélii
secúndum Matthæum

Lectio vii Cap. 5, 13-19

IN illo témpore : Dixit
Jesus discipulis suis :
Vos estis sal terræ. Quod
si sal evanúerit, in quo
saliétur? Et réliqua.

Homília sancti Robérti
Bellarmíni Epíscopi

(Concio IX : De probitate Do-
ctorum Ecclesiæ; initio.)



Uemádmódum in
Deo, quem unum
in Trinitáte et Tri-
num in unitáte venerá-
mur, tria quædam singu-
láríter éminent, poténtia,
sapiéntia, bónitas; ita quo-
que, auditóres, singuláres
amícos et fílios suos, pa-
tres ac doctóres nostros,
Deus, ut sibi quam simíl-
imos et géntibus ómnibus
suspiciéndos atque admi-
rábiles rédderet, poten-
tíssimos, sapientíssimos,
óptimos, sanctíssimosque
esse vóluit. Primum ea
poténtia eos armávit, qua
multa præter sólitum cur-
sum ordinémque natúræ
in eleméntis, in arbóribus,

in brutis animántibus, in
ipsis homínibus plane ad-
mirabília et singulária fá-
cerent. Deínde sapiéntia
ita mentes eórum instrú-
xit, ut non solum præsen-
tia et præteríta cérnerent,
sed étiam futúra multo
ante prævidérent atque
prædicérent. Postrémo di-
latávit corda eórum sum-
ma atque ardentíssima ca-
ritáte, tum ut ipsi magno
ánimo opus aggredérén-
tur; tum ut ii qui conver-
téndi per eos erant, non
solum verbis et miráculis,
sed étiam exémplic et
vitæ probitáte moverén-
tur.

✠. Amávit eum Dóminus,
et ornávit eum : stolam
glóriæ induit eum. * Et ad
portas paradísi coronávit
eum, allelúja. ✠. Induit
eum Dóminus lorícam fí-
dei, et ornávit eum. — Et.

Lectio viii

PRædicatóres igitur no-
stræ legis, tam ii qui
primi ad nos fidem detulé-
runt et evangélium, quam
ii quos deínde singulis sæ-
culis Deus excitávit ad
fidem eamdémque confir-
mándam vel propagán-
dam quales fúerint, quam
pii, quam iusti, quam reli-
giósi totus mundus novit.
Aspícite primum Apósto-
los. Quid sublímíus atque
excelléntius móribus Apo-

stólicis! Aspícite deínde sanctos illos hómines, quos patres et doctóres vocámus, lúmina illa claríssima, quæ Deus in firmaménto Ecclésiæ lucére vóluit, ut iis omnes hæreticórum ténebræ dissiparentur, ut Irenæum, Cypriánum, Hilárium, Athanásium, Basilium, duos Gregórios, Ambrósium, Hierónymum, Augustinum, Chrysóstomum, Cyrillum. Vita et mores eórum nonne in iis monumentis, quæ nobis reliquerunt, quasi in spéculis quibúsdam elúcent? Nam ex abundántia cordis os lóquitur.

✠. In médio Ecclésiæ apérui os ejus, * Et implévit eum Dóminus spíritu sapiéntiæ et intelléctus, allelúja. ✠. Jucunditatem et exsultatíonem thesaurizávit super eum. — Et. Glória Patri. Et.

Feria II Rogationum et in Vigilia Ascensionis, ix Lectio de Homilia Feriæ aut Vigiliæ, et fit ejus Commemoratio in Laudibus; alias

Lectio ix

Quanta, óbsecro, appáret in libris sanctórum patrum cum summa eruditíone conjúcta humilitas? Quanta sobrietas? Nihil ibi obscénium, nihil turpe, nihil súbdolum, ni-

hil árrogans, nihil inflátum. Quam multis modis Spíritus Sanctus, qui eórum péctora inhabitábat, in páginis eórum se prodit? Quis légere potest atténte Cypriánum, qui non statim árdeat amóre martýrii? Quis in Augustíno diligénte versátus est qui non profundíssimam didicerit humilitátem? Quis Hierónymum sæpe evólvit, qui non virginitatem et jejúnium adamáre incípiat? Spirant scripta sanctórum religió-nem, castitatem, integritatem, caritatem. Isti sunt igitur Epíscopi et pastóres (ut verbis utar divi Augustíni) docti, graves, sancti, veritátis acérrimi defensores, qui cathólicam fidem in lacte suxérunt, in cibo sumpsérunt : cujus lac et cibum parvis magnisque ministravérunt. Tálibus post Apóstolos sancta Ecclésia plantatóribus, rigatóribus, ædificatóribus, pastóribus, nutritóribus crevit.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitutam, dicit Dóminus, allelúja.

Oratio

DEus, qui ad errórum insídias repelléndas et Apostólicæ Sedis jura propugnánda, beátum Robértum Pontíficem tuum atque Doctórem mira eruditióné et virtúte decorásti; ejus méritis et intercessióne concéde, ut nos in veritátis amóre crescámus et errántium corda ad Ecclesiæ tuæ rédeant unitátem. Per Dóminum.

IN II VESPERIS

℣. Justum dedúxit.

Ad Magnif. Ant. O Doctór óptime, * Ecclesiæ sanctæ lumen, beáte Robérte, divínæ legis amátor, deprecáre pro nobis Fílium Dei, allelúja.

Et fit Commem. sequentis.

Die 14 Maji

S. Bonifatii Martyris
Simplex [74]

Ant. Lux perpétua lucébit Sanctis tuis, Dómine, et ætérnitas téporum, allelúja.

℣. Sancti et justi.

Oratio

DA, quæsumus, omnipotens Deus : ut qui beáti Bonifátii Mártyris tui solémnia cólimus, ejus apud te intercessiónibus adjuvémur. Per Dóminum.

Lectio iii

Bonifátius, civis Romá-nus, quod cum Aglaë nobili matróna impudíce versátus esset, tanto illius intemperántiæ dolóre captus est, ut pœniténtiæ causa se ad conquirénda et sepeliénda Mártyrum cörpera contúlerit. Itaque, relictis peregrinatiónis sóciis, cum Tarsi multos propter christiánæ fidei professiõem váriis tormentis cruciátos vidisset; illórum víncula osculátus, eos veheménter hortabátur, ut constánter supplicia perférrent, quod brevem labórem sempitérna réquies consecutúra sit. Comprehénsus igitur, férreis úngulis excarnificátus est; cui étiam inter mánuum ungués et carnem acúti cálami sunt infixi, plumbúmque liquefactum in os ejus infúsum. Quibus in cruciátibus ea vox tantum Bonifátii audiebátur : Grátias tibi ago, Dómine Jesu Christe, Fili Dei. Mox in ollam fervéntis picis demisso cápite conjéctus est; unde cum inviolátus exísset, ira incénsus judex eum secúri pércuti jubet. Quo témpore magnus terrémótus factus est, ita ut multi infidéles ad Christi Dómini fidem converterén-tur. Eum sequénti die

quærentes sócii, cum martyrio afféctum cognovissent, quingéntis sólidis ejus corpus redemérunt, et conditum unguéntis linteisque involútum Romam portándum curárunť. Quod factum cum ab Angelo Aglaë matróna, quæ et ipsa pœnitens se piis opéribus addíxerat, cognovisset, prádiens óbviám sancto córpori, ecclésiám ejus nómine ædificávit; in qua corpus sepúltum est Nonis Júnii, cum ejus ánima pridie Idus Maji apud Tarsum Ciliciæ urbem migráset in cælum, Diocletiano et Maximiano imperatóribus.

Te Deum laudámus.

✠. Pretiósá in conspéctu.

Ad Bened. Ant. Filiæ Jerúsalem, * veníte et vidéte Mártýres cum coronis, quibus coronávit eos Dóminus in die solemnitátis et lætitiæ, allelúja, allelúja.

Vesperæ de sequenti.

Die 15 Maji

**S. Joannis Baptistæ
de la Salle**

Confessoris [111]

Duplex (m. t. v.)

✠. Amávit eum Dóminus.

Ad Magnif. Ant. Similábo eum * viro sapiénti,

qui ædificávit domum suam supra petram, allelúja.

Oratio

DEus, qui ad christiánam páuperum eruditiónem, et ad juvéntam in via veritátis firmándam, sanctum Joánnem Baptistam Confessórem excitásti, et novam per eum in Ecclésia familiam collegísti : concéde propítius; ut ejus intercessióne et exémplo, stúdio glóriæ tuæ in animárum salúte fervéntes, ejus in cælis coronæ participes fieri valeámus. Per Dóminum.

In II Nocturno

Lectio iv



Joánnes Baptista de la Salle, Rhemis claro génere ortus, puer adhuc móribus et factis in sortem Dómini se vocándum et sanctimóniæ laude honestándum porténdit. Adoléscens in Rheménsi académia líttéras ac philosophicas disciplínas dídicit : quo témpore, etsi ob ánimi virtútes et ála cre ingénium ac suáve ómnibus carus esset, ab æquálium tamen societáte abhorrébat, ut solitúdini addíctus facílius Deo vacáret. In clericálem militiam jamprídem cooptátus, sexto décimo ætá-

tis anno inter Rhemenses canónicos adscriptus est. Lutétiam Parisiorum, theologiæ in Sorbónica universitatē datūrus operam, contēdit, atque in Sulpitiānum seminārium adscitus est. At brevi parēntibus orbātus, domum rēgredi coactus, fratres educādos suscepit; quod, scientiārum interim sacrarum stūdia non intermittens, optimo cum fructu præstitit, uti exitus comprobavit.

✠. Honestum fecit illum Dóminus, et custodivit eum ab inimicis, et a seductóribus tutavit illum :
* Et dedit illi claritatem ætérnam, allelúja. ✠. Justum deduxit Dóminus per vias rectas, et ostēdit illi regnum Dei. — Et.

Lectio v

Sacerdotio demum autus, qua præstanti fide animique ardore primum ad aram fecit, eisdem toto vitæ tempore Sacris est operatus. Interea, salutis animarum studio incensus, totum in earumdem utilitatem sese impendit. Sororum a Jesu infante, puellis educandis institutarum, regimen suscepit; easque non modo prudentissime est moderatus, sed ab excidio vindicavit. Hinc porro ani-

mum advértit ad púeros de plebe religione bonisque moribus informādos. Atque in hoc quidem illum suscitāverat Deus, ut scilicet, nova in Ecclesia sua religiosorum hominum familia cōdita, puerorum, præsertim pauperum, scholis perēnni efficacique ratione consúleret. Demandatum vero a Dei providentia munus, per contradictiones plurimas magnasque ærúmnas, feliciter implévit, fundata fratrum sodalitate, quam a Scholis christiānis nuncupavit.

✠. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum, allelúja. ✠. Induit eum Dóminus lorícam fidei, et ornávit eum. — Et ad portas.

Lectio vi

Adjúctos igitur sibi homines in gravi opere et árduo, apud se primum suscepit; tum aptióri in sede constitutos disciplina sua optime imbuit iis legibus sapientibusque institutis, quæ póstea a Benedicto décimo tertio sunt confirmata. Ex demissione animi ac paupertatis amore primum canonicatu se abdicavit, omniaque sua bona in pauperes erogavit;

quin étiam sérius, quod frustra sæpius tentáverat, fundáti a se institúti régimen sponte depósuit. Nichil tamen interim de fratrū sollicitúdine remittens deque scholis ab eo, plúribus jam locis, apértis, impénsius Deo vacáre cœpit. Assidue jejúniis, flagéllis aliisque asperitatibus in se ipsum sáviens, noctes orándo ducébat. Donec, virtútibus ómnibus conspicuus, præsertim obediéntia, stúdio divínæ voluntátis impléndæ, amóre ac devotiône in apostólicam Sedem; méritis onústus, sacraméntis rite susceptis, obdormívit in Dómino annos natus duo de septuagínta. Eum Leo décimus tértius Póntifex máximus Beatórum catálogo inséruiť; novisque fulgéntem signis, anno jubilæi millésimo noningentésimo, Sanctórum honóribus decorávit.

✠. Iste homo perfécit ómnia quæ locútus est ei Deus, et dixit ad eum : Ingredere in réquiem meam :

* Quia te vidi justum coram me ex ómnibus géntibus, allelúja. ✠. Iste est, qui contempsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato

Lectio ix

Joánnes Baptista de la Salle, Rhemis claro génere ortus, adoléscent in Rheménsi académia litteras ac philosophíam didicit. Clericáli militiæ adscriptus, sextodécimo ætátis anno inter canónicos Rhemenses adscítus fuit, et póstea Parísii in Sulpitiánum seminárium recéptus. Sacerdótio auctus, Sorórum a Jesu infánte, quæ puéllis educándis incumbunt, régimen suscepit, quas prudentíssime moderátus est ac deféndit. Púeris de plebe religiône bonisque móribus informándis, post plúrimas contradicţiónes, fundávit fratrum sodalitátem, quam a Scholis christiánis nuncupávit, a Benedícto décimo tértio deínde confirmátam. Abdicáto canonicátu, suisque bonis in páuperes erogátis, et fundáti a se institúti regímene ex humilitáte dimísso, virtútibus et méritis onústus, obdormívit in Dómino, annos natus duo de septuagínta. Eum Leo Papa décimus tértius primo Beatórum catálogo inséruiť, dein in album Sanctórum rétulit. Te Deum.

In III Nocturno

Lectio sancti Evangélii
secúndum Matthæum

Lectio vii Cap. 18, 1-5

IN illo témpore : Acces-
sérunt discipuli ad Je-
sum, dicéntes : Quis, pu-
tas, major est in regno
cælórum? Et réliqua.

Homilia sancti Joánnis
Chrysóstomi

In Cap. 18 Matth. Hom. 60



Idéte ne áliquem is-
tórum contempsé-
ritis parvulórum,
quia eórum Angeli Patris
mei fáciem semper aspí-
ciunt, et quia ego propter
eos veni, et hæc Patris mei
volúntas est. Ad tuéndos
conservandósque pusillos,
diligentióres nos reddit.
Pérspicis quam ingéntia
in tutélam tenúium mcénia
eréxerit, et quantum stú-
dium curámque hábeat, ne
perdántur; tum quia su-
prémas despiciéntibus eos
pœnas státuit, tum quia
summam pollicétur mercé-
dem his qui curam eórum
suscípiunt, idque tam suo
quam Patris exémplo cor-
róborat.

✠. Iste est, qui ante Deum
magnas virtútes operátus
est, et de omni corde suo
laudávit Dóminum : * Ipse
intercédat pro peccátis óm-
nium populórum, allelúja.

✠. Ecce homo sine queréla,

verus Dei cultor, ábstinens
se ab omni ópere malo, et
pérmanens in innocéntia
sua. — Ipse.

Lectio viii

Dominum igitur étiam
nos imitémur, et nihil
pro frátribus omittámus,
étiam eórum quæ humília
vilíaque nímium vidéntur.
Sed, si administratióne
nostra étiam opus fúerit,
quamvis ténuis atque ab-
jéctus quidem, cui admi-
nistrándum sit, fúerit,
quamvis árdua nobis res
atque labóris plena esse
videátur; ómnia hæc pro
fratris salúte tolerabilióra
facilióraque, oro, videán-
tur. Tanto enim stúdio tan-
táque cura Deus dignam
esse ánimam osténdit, ut
neque Fílio suo pepércerit.

✠. Sint lumbi vestri præ-
cínciti, et lucérnæ ardéntes
in mánibus vestris : * Et
vos símiles homínibus
exspectántibus dóminum
suum, quando revertátur
a núptiis, allelúja. ✠. Vi-
giláte ergo, quia nescítis
qua hora Dóminus vester
ventúrus sit. — Et. Glória
Patri. Et.

Feria II Rogationum et in
Vigilia Ascensionis ix Lectio
de Homilia Feriæ et fit ejus
Com. ad Laudes, alias

Lectio ix

SI non est nobis satis ad
salútem quod virtuóse
ipsi vivámus, sed opórtet

aliórum salútem re ipsa desideráre; cum neque nos recte vivámus neque álios hortémur, quid respondébimus? quæ nobis spes salútis réliqua erit? Quid majus quam ánimis moderári, quam adolescentulórum fingere mores? Omni certe pictóre, omni certe statuário ceterisque hujusmodi ómnibus excellentiorem hunc duco, qui júvenum ánimos fingere non ignóret.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constituam, intra in gáudium Dómini tui, allelúja.

Oratio

DEus, qui ad christiánam páuperum eruditiónem et ad juvéntam in via veritátis firmándam, sanctum Joánnem Baptístam Confessórem excitásti, et novam per eum in Ecclésia famíliam collegisti : concéde propítius; ut, ejus intercessióne et exémplo, stúdio glóriæ tuæ in animárum salúte fervéntes, ejus in cælis corónæ partícipes fieri valeámus. Per Dóminum.

IN II VESPERIS

✠. Justum dedúxit.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu, allelúja.

Et fit Commemoratio sequentis.

Die 16 Maji

S. Ubaldi

**Episcopi et Confessoris
Semiduplex [84]**

Ant. Sacérdos et Póntifex, et virtútum ópifex, pastor bone in pópulo, ora pro nobis Dóminum, allelúja.

✠. Amáviteum Dóminus.

Oratio

AUxílium tuum nobis, Dómine, quæsumus, placátus impénde : et intercessióne beáti Ubáldi Confessóris tui atque Pontíficis, contra omnes diaboli nequítias dexteram super nos tuæ propitiatiónis exténde. Per Dóminum.

In II Nocturno

Lectio iv



Báldus Eugúbii in Umbria nóbili géneré natus, a primis annis pietáte et lítte-

ris egrégie est institútus; jamque adoléscent, ut uxórem dúceret, sæpe tentátus, numquam tamen a propósito servándæ virginitátis recéssit. Sacerdos effectus, patrimonium suum paupéribus et ecclésiis distribuit, et canonicórum regulárium ordinis sancti Augustíni institútum suscipiens, illud in pátriam tránstulit, atque in eo aliquámdiu sanctissime vixit. Cujus sanctitátis opinióne evulgáta, ab Honório secúndo summo Pontífice ecclésiæ Eugubínæ invítus præficitur, et episcopális consecrationis múnere decorátur.

✠. Invéni David servum meum, óleo sancto meo unxi eum : * Manus enim mea auxiliábitur ei, allelúja. ✠. Nihil proficiet inimicus in eo, et filius iniquitátis non nocébit ei. — Manus.

Lectio v

AD suam itaque révérens ecclésiám, cum de consuéta vivéndi ratióne nihil ádmodum immutásset, in omni tamen virtútum génere eo magis eminére cœpit, quo efficacius aliórum étiam salutem verbo et exémplo procuráret, factus forma gregis ex ánimo. Nam victu parco, vestítu moderáto, léctulo áspero et

paupérrimo, crucis mortificationem júgiter in suo corpore circumferébat, dum inexplébili oratiónis stúdio spíritum quotidie recreáret. Hinc admiráblem illam mansuetúdinem est adéptus, qua gravíssimas injúrias et contumélias non modo æquánimenter tulit, verum étiam mirífico dilectiόνis afféctu persecutóres suos omni benignitátis testimónio complectebátur.

✠. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei, allelúja. ✠. Invéni David servum meum, óleo sancto meo unxi eum. — Manus.

Lectio vi

Biénnio ántequam ex hac vita migráret, cum diútinis afflictarétur infirmitátibus, inter acerbíssimos córporis cruciátus velut aurum in fornáce purgátum, Deo grátias indesinénter agébat. Adveniéntem autem sacro Pentecóstes die, cum multis annis ecclésiám sibi commissam summa cum laude gubernásset, sanctis opéribus ac miráculis clarus quiévit in pace. Quem Cælestínus Papa tértius in Sanctórum númerum rétulit. Ejus virtus præcípue in effugándis spi-

ritibus immúndis elúcet. Corpus vero, per tot sácula incorrúptum, magna fidélium veneratióne in pátria cólitur, quam non semel a præsénti discrimine liberávit.

R. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum, allelúja. **V.** Iste est, qui contémpsit vitam mundi, et pervénit ad cæléstia regna. — Ipse. **Glória Patri.** Ipse.

**Pro hoc Festo simplicitato
Lectio ix**

UBáldus Eugúbii in Umbria nóbili génere natus, a primis annis pietáte et litteris egrégie est institútus; jamque adolescens, ut uxórem dúceret, sæpe tentátus, numquam tamen a propósito servándæ virginitátis recéssit. Sacerdos efféctus, patrimonium suum paupéribus et ecclésiis distribuit. Canonicórum regulárium órdinis sancti Augustini institútum suscipiens, illud in pátriam tránstulit. Ab Honorio secúndo summo Pontífice ecclésiæ Eugubínæ invítus præfíctur, et episcopális consecratiónis múnere decorátur. Factus

forma gregis ex ánimo, de consuéta vivéndi ratióne nihil ádmodum imutávit, et in omni virtútum génere enítuit. Diútius infirmitátibus afflictus, Deo indesinéter grátias agébat. Cum multis annis ecclésiám sibi commíssam summa cum laude gubernásset, sanctis opéribus et miráculis clarus, quiévit in pace.

Te Deum laudámus.

In III Nocturno Homilia in Ev. Homo peregere, de Comuni Conf. Pont. 1 loco. [96]

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

V. Justum dedúxit.

Ad Bened. Ant. Euge, serve bone * et fidélis, quia in pauca fuisti fidélis, supra multa te constitúam, dicit Dóminus, allelúja.

Oratio

Auxílium tuum nobis, Dómine, quæsumus, placátus impénde : et intercessióne beáti Ubáldi Confessóris tui atque Pontíficis, contra omnes diaboli nequítias dexteram super nos tuæ propitiatiónis exténde. Per Dóminum.

Vesperæ de sequenti, Commemoratio præcedentis.

Die 17 Maji

S. Paschalis Baylon

Conf. Duplex [111]

✠. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram, allelúja.

Oratio

Deus, qui beátum Paschálem Confessórem tuum mirífica erga corpóris et ságuinis tui sacra mystéria dilectióne decorásti : concéde propítius ; ut, quam ille ex hoc divíno convívio spíritus percépit pinguédinem, eámdem et nos percípere mereámur : Qui vivis.

Et fit Commemoratio præcedentis :

Ant. Amávit eum Dóminus, et ornávit eum : stolam glóriæ induit eum, et ad portas paradísi coronávit eum, allelúja.

✠. Justum dedúxit.

Oratio Auxílium, ut supra. 980

In II Nocturno

Lectio iv



Aschális Baylon, paupéribus piisque paréntibus in óppido Turris Formósæ, Seguntínæ diœcésis, in Aragónia natus, a téneris annis plura dedit futúre san-

ctitátis indícia. Sortítus ánimam bonam ac rerum cæléstium appríme studiósam, puerítiam atque adolescéntiam in gregis custódia transégit : quam ille vivéndi ratióem ideo præcípuè diligébat, quod humilitáti fovéndæ ac innocéntiæ conservándæ in primis útilem atque oportúnam judicáret. Erat in victu módicus, in oratióne assíduus, tantáque apud coævós et sócios florébat auctoritáte et grátia, ut eórum lites compónens, erróres córrigens, ignorántiam erúdiens ac desidiam éxcitans, velut ómnium parens et magíster máximo stúdio cole-rétur ac amarétur : beátus étiam tum a plerisque appellátus.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam, allelúja. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

QUI vero in sáculo, terra nempe desérta et inaquósa, ádeo feliciter adoléverat, flos convál-lum, plantátus in domo Dómini, mirum ubíque sparsit sanctitátis odó-

rem. Igitur Paschális ar-
répto vitæ severiórís insti-
túto, atque in órđine Mi-
nórúm strictiórís obser-
vántiæ Discalceatórum
cooptátus, exsultávit ut
gigas ad curréndam viam
suam; totúmque se Dó-
mino excoléndum tradens,
dies noctésque cogitábat
qua se ratióne magis ei
magisque conformáret. Ita
factum est brevi, ut eum,
tamquam seráphicæ per-
fectiúnis exémp̃lar, ipsi
quoque provectiórés imi-
tándum sibi propónerent.
Ipse autem in húmili ser-
viéntium gradu constitú-
tus, se velut ómnium per-
ipséma réputans, árdua
quæque et abjécta domus
ministéria, véluti jure quo-
dam peculiári sibi débita,
summa cum hilaritáte sus-
cipiébat, et exercébat hu-
militáte ac patiéntia pari.
Carnem spíritui quandó-
que reluctári niténtem jugi
maceratióne afflictávit, at-
que in servitútem redégit;
spíritum vero assídua sui
abnegatióne ferventiórem
in dies ad anterióra exten-
debát.

R. Amávit eum Dómi-
nus, et ornávit eum : sto-
lam glóriæ induit eum,
* Et ad portas paradísi
coronávit eum, allelúja.

W. Induit eum Dóminus
loricam fidei, et ornávit
eum. — Et.

Lectio vi

DEíparam Vírginem, cu-
jus clientélæ se ab
ineúnte ætáte dicáverat,
tamquam matrem quoti-
diánis colébat obséquijs
atque filiáli exorábat fidú-
cia. Porro erga sanctíssi-
mum Eucharistiæ sacra-
méntum difficile dictu est
quam ardénti tenerétur
devotiúnis afféctu; quem
defúnctus étiam in cadá-
vere retinére visus est,
dum, jacens in féetro,
ad sacrae Hóstiæ elevatió-
nem bis óculos reserávit et
clausit, magna ómnium,
qui áderant, admiratióne.
Ejúsdem veritátem inter
hæréticos públice palám-
que proféssus, multa et
grávia ob eam causam
perpéssus est; crebro étiam
ad necem petítus, sed sin-
gulári Dei providéntia ab
impiórúm mánibus eré-
ptus. Sæpe inter orándum
ómnibus destituebátur
sénsibus, dulcíque langué-
bat amóris delíquio : quo
tém̃pore cæléstem illam
sciéntiam hausísse crédi-
tus est, qua, homo rudis
et illitterátus, de mysté-
riis fidei difficíllimis re-
spondére, atque áliquot
étiam libros conscribere
pótuit. Dénique méritis
plenus, eádem qua præ-
dixerat hora, feliciter mi-
grávit ad Dóminum, anno
salútis millésimo quingen-

tésimo nonagésimo secundo, sexto decimo Kalendas Júnii, eodem quo natus fuerat, festo Pentecostes recurrente, annum agens secundum supra quinquagesimum. Quibus aliisque virtutibus insignem, ac miraculis tam in vita quam post mortem clarum, Paulus quintus Pontifex maximus illum Beatum appellavit; Alexander autem octavus Sanctorum catalogo adscripsit; tandem Leo decimus tertius peculiarem coetuum eucharisticorum, item societatum omnium a sanctissima Eucharistia, sive quae hactenus institutae sive quae in posterum futurae sunt, patronum caelestem declaravit et constituit.

✠. Iste homo perfecit omnia quae locutus est ei Deus, et dixit ad eum : Ingrederere in requiem meam :

* Quia te vidi justum coram me ex omnibus gentibus, allelúja. ✠. Iste est, qui contempsit vitam mundi, et pervenit ad caelestia regna. — Quia.

Glória Patri. Quia.

Pro hoc Festo simplificato

Lectio ix

Paschalis Baylon, pauperibus piisque parentibus in oppido Turris Formosae in Aragonia natus,

pueritiam atque adolescentiam in gregis custodia transégit. Postea severioris vitae institutum amplexus, et ordini fratrum Minorum adscriptus, jügitè cogitabat, quae ratione magis magisque Christo crucifixo conformaret. Deiparam Virginem, cujus clientelae se ab ineunte aetate dicaverat, tamquam matrem filiilibus et quotidianis obsequiis colebat. Erga Eucharistiam tenero et assiduo flagravat devotionis affectu, quem defunctus etiam retinere visus est, dum jacens in fetro, ad sacrae Hostiae elevationem bis oculos reseravit et clausit, magna omnium, qui aderant, admiratione. Meritis plenus migravit ad Dominum, anno millesimo quingentesimo nonagesimo secundo. Eum Leo decimus tertius peculiarem coetuum eucharisticorum, societatumque omnium a sanctissima Eucharistia patronum caelestem declaravit et constituit. Te Deum.

In III Nocturno Homilia in Ev. Sint lumbi, de Comuni Conf. non Pont. 1 loco. [116]

Feria II Rogationum et in Vigilia Ascensionis ix Lectio de Homilia Feriae et fit ejus Commemoratio ad Laudes.

AD LAUDES

℟. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui, allelúja.

Oratio

Deus, qui beátum Paschálem Confessórem tuum mirífica erga córporis et sánguinis tui sacra mystéria dilectióne decoarásti : concéde propítius; ut, quam ille ex hoc divíno convívio spíritus percépit pinguédinem, eámdem et nos percípere mereámur : Qui vivis.

Vesperæ a Capitulo de sequenti, Commem. præcedentis.

Die 18 Maji

S. Venantii Martyris

Duplex [74]

IN I VESPERIS

Si sequens Hymnus Martyr Dei dici non potuerit in I Vesperis, conjungitur ad Matutinum cum Hymno Athléta Christi, et in hujus tantum fine dicitur Conclusio Sit laus Patri.

Capitulum Sap. 5, 1

Stabunt justi in magna constántia advérsus eos, qui se angustiavérunt

et qui abstulérunt labóres eórum.

Hymnus

Martyr Dei Venántius, Lux et decus Camértium,
Tortóre victo et júdice,
Lætus triúmphum cóncinit.

Annis puer, post víncula,
Post cárceres, post vébera,
Longa fame freméntibus
Cibus datur leónibus.

Sed ejus innocéntiæ
Parcit leónum immánitas :
Pedésque lambunt Mártyris,
Iræ famisque immémores.

Verso deórsum vértice
Hauríre fumum cógitur;
Costas utrimque et víscera
Succénsa lampas ústulat.

¶ *Sequens Conclusio nunquam mutatur.*

Sit laus Patri, sit Fílio,
Tibíque, Sancte Spíritus :
Da per preces Venántii
Beáta nobis gáudia.

Amen.

¶ *Hymnus præcedens dicitur etiam in II Vesperis, quando integræ sint dicendæ.*

℟. Sancti et justi, in Dómino gaudéte, allelúja.
℟. Vos elégit Deus in hereditátem sibi, allelúja.

Ad Magnif. Ant. Lux perpétua * lucébit Sanctis

tuis, Dómine, et ætérnitas
témporum, allelúja.

Oratio

DEus, qui hunc diem
beáti Venántii Márty-
ris tui triúmpho consecrá-
sti : exáudi preces pópuli
tui, et præsta; ut, qui ejus
mérita venerámur, fidei
constántiam imitémur. Per
Dóminum.

**Et fit Commemoratio præ-
cedentis :**

Ant. Hic vir, despiciens
mundum et terréna, triúm-
phans, divítias cælo cón-
didit ore, manu, allelúja.

✠. Justum dedúxit.

Oratio Deus, qui beá-
tum, **ut supra. 984**

AD MATUTINUM

Invitat. Exsúltent in Dó-
mino Sancti, * Allelúja.

Ps. 94 Veníte, exsulté-
mus. 3

Hymnus

AThléta Christi nóbilis
Idóla damnat gén-
tium,

Deíque amóre sáucius
Vitæ perícла déspicit.

Loris revíctus áspers,
E rupe præceps vólvitur :
Spinéta vultum lánçant;
Per saxa corpus scínditur.

Dum membra raptant
Mártyris,
Languent siti satéllites;
Signo crucis Venántius
E rupe fontes élicit.

Bellátor o fortíssime,
Qui pérfidis tortóribus
E caute præbes póculum,
Nos rore grátiae irríga.

† **Sequens Conclusio num-
quam mutatur.**

Sit laus Patri, sit Fílio,
Tibíque, Sancte Spíritus :
Da per preces Venántii
Beáta nobis gáudia.

Amen.

In II Nocturno

Lectio iv



Venántius Camers,
quíndecim annos
natus, cum chri-
stiánæ religiónis accusaré-
tur apud Antíochum, qui
sub Décio imperatóre Ca-
meríno præerat, in porta
civitátis præsidi se óbtu-
lit. Quem ille pollicitatió-
nibus ac terróribus diu
tentátum, flagris cædi et
vínculis astríngi jussit;
sed is mirábiliter ab An-
gelo solútus, lampádibus
póstea adúritur, atque in-
vérso ore, fumo suppósito,
suspenditur. Ejus constán-
tiam in torméntis demi-
rátus Anastásius Corni-
culárius, et quod eum ab
Angelo íterum solútum
cándida veste supra fu-
mum ambulántem vidís-
set, in Christum crédidit;
et a beáto Porphýrio pres-
býtero cum família bap-
tizátus, paulo post martýrii
palmam cum eódem pro-
mérui.

℟. Lux perpétua lucébit Sanctis tuis, Dómine, * Et ætérnitas témporum, allelúja, allelúja. ℣. Lætítia sempitérna erit super cá-pita eórum : gáudium et exsultatíonem obtiné-bunt. — Et.

Lectio v

AT Venántius præsiði sí-stitur, et ab eo íterum frustra tentátus ut Christi fidem deséreret, in cárce-rem conjícitur; quo Atta-lus præco míttitur, qui ei dicat se quoque christiá-num fuisse, et ei nómini proptérea renuntiásse, quod cognovísset ináne esse fidei comméntum, quo Christiáni præsentí-bus se ábdicant ob vanam futurórum spem. Verum nóbilis Christi athléta, cál-lidi hostis insídias non ignórans, diabóli miní-strum a se pénitus rejécit. Quare ad præsidem íterum addúcto omnes contúsi sunt dentes maxillæque confráctæ; atque, ita cæ-sus, in sterquilínium dejí-citur. Sed inde ab Angelo quoque eréptus, rursus stetit ante júdicem; qui, Venántio adhuc loquente, e tribunáli cécidit et in ea voce, Verus est Venántii Deus, nostros deos de-strúite, exclámans exspi-rávit.

℟. In servis suis, allelúja. * Consolábitur Deus,

allelúja. ℣. Judicábit Dó-minus pópulum suum, et in servis suis. — Conso-lábitur.

Lectio vi

QUod cum præsiði nun-tiátum esset, extém-plo Venántium leónibus ób-jici jussit; qui, naturáli feritáte omíssa, ad ejus se pedes abjecérunt. Interim ille pópulum Christi fidem edocébat. Quare inde amó-tus, íterum in cárcerem tráditur. Cumque postrí-die præsiði reférret Por-phýrius, se per visum noctu pópulos, quos Ve-nántius aqua tingébat, claríssima luce fulgéntes, ipsum vero præsidem ob-scuríssima calígne opér-tum vidísse; præses, ira incénsus, eum illico cápite plecti ímperat, deínde Ve-nántium per loca véprius et cárduis cónsita trahi usque ad vésperam. Is, cum semiánimis relíctus esset, mane se íterum præsiði præsentávit; cu-jus jussu statim e rupe præcipitátur. Sed inde étiam divínitus eréptus, dénuo per loca áspera ad mille passus tráhitur; ubi, milítibus siti æstuántibus, in próxima conválle, ex lápide, in quo et génuum formam relíquit, sicut étiam nunc in ejus ecclésia vidére licet, crucis signo a Venántio facto, aquæ

manárunt. Eo miraculo plures permóti in Christum credidérunt, quos omnes præses eo loci una cum Venántio cápite feriri jussit. Fúlgura et terræmótus eo témpore ita magni fuére, ut præses aufúgeret; qui paucis tamen post diébus, divínam haud valens effúgere justítiam, turpíssimam mortem oppétiit. Christiáni ínterim Venántii et aliórum córpora honorífico loco sepeliérunt: quæ Cameríni, in ecclésia Venántio dicáta, cóndita adhuc sunt.

✠. Fíliæ Jerúsalem, veníte et vidéte Mártires cum corónis, quibus coronávit eos Dóminus * In die solemnitátis et lætitiæ, allelúja. ✠. Quóniam confortávit seras portárum tuárum, benedíxit filios tuos in te. — In. Glória Patri. In.

Pro hoc Festo simplicato

Lectio ix

VENántius Camers, quíndecim annos natus, christiánæ religiónis accusátus apud Antíochum, qui sub Décio imperatóre Cameríno præerat, in porta civitátis præsidi se óbtulit. Quem ille pollicitationibus ac terróribus diu tentátum, flagris cædi et vínculis astríngi jussit;

e quibus mirabíliter ab Angelo solútus, lampádi-bus póstea adúritur, atque invérso ore, fumo suppó-sito, suspénditur. Eídem, ad præsidem íterum addúcto, omnes contúsi sunt dentes maxillæque confráctæ, atque ita cæsus in sterquilínium dejícitur. Sed inde ab Angelo eréptus, rursus stetit ante júdicem; qui, Venántio adhuc loquente, e tribunáli cécidit et in ea voce, Verus est Venántii Deus, nostros deos destrúite, exclámans exspirávit. Demum, post nova et exquisíta torménta, una cum áliis decem gloriósi certáminis cursum cervícibus abscíssis implévit. Quorum córpora christiáni honorífico loco sepeliérunt, quæ Cameríni, in ecclésia Venántio dicáta, cóndita sunt. Te Deum.

In III Nocturno Homilia in Ev. Ego sum vitis vera, de Communi Martyrum Tempore Paschali I loco. [77]

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

Capitulum Sap. 5, 1

STabunt justi in magna constántia advérsus eos, qui se angustiavérunt

et qui abstulérunt labóres
eórum.

Hymnus

DUM, nocte pulsa, lú-
cifer

Diem propínquam nún-
tiat,

Nobis refert Venántius
Lucis beátæ múnera.

Nam criminum caliginem
Stygísque noctem depulit,
Veróque cives lúmine
Divinitátis imbuít.

Aquis sacri baptísmatis
Lustrávit ille pátriam :
Quos tinxit unda mílites,
In astra misit Mártýres.

Nunc Angelórum párti-
ceps,
Adésto votis súpplícum :
Procul repélle crímina,
Tuúmque lumen íngere.

¶ **Sequens Conclusio num-
quam mutatur.**

Sit laus Patri, sit Fílio,
Tibíque, Sancte Spíritus :
Da per preces Venántii
Beáta nobis gáudia.

Amen.

℣. Pretiósá in conspéctu
Dómini, allelúja. ℟. Mors
Sanctorum ejus, allelúja.

Ad Bened. Ant. Fíliæ
Jerúsalem, * veníte et vi-
déte Mártýres cum corón-
is, quibus coronávit eos
Dóminus in die solemni-
tátis et lætítiae, allelúja,
allelúja.

Oratio

DEus, qui hunc diem
beáti Venántii Mártý-
ris tui triúmpho consecrá-
sti : exáudi preces pópuli
tui, et præsta; ut, qui
ejus mérita venerámur,
fidei constántiam imité-
mur. Per Dóminum.

AD TERTIAM

Capitulum Sap. 5, 1

Stabunt justi in magna
constántia advérsus
eos, qui se angustiavérunt
et qui abstulérunt labóres
eórum.

℟. br. Sancti et justi, in
Dómino gaudéte, * Alle-
lúja, allelúja. Sancti.
℣. Vos elégit Deus in
hereditátem sibi. Allelúja,
allelúja. Glória Patri. San-
cti. ℣. Lux perpétua lucé-
bit Sanctis tuis, Dómine,
allelúja. ℟. Et ætérnitas
témporum, allelúja.

AD SEXTAM

Capitulum Sap. 5, 5

Ecce quómodo compu-
táti sunt inter fílios
Dei, et inter sanctos sors
illórum est.

℟. br. Lux perpétua lu-
cébit Sanctis tuis, Dómi-
ne, * Allelúja, allelúja.
Lux. ℣. Et ætérnitas tém-
porum. Allelúja, allelúja.
Glória Patri. Lux. ℣. Læ-
títia sempitérna super

cápita eórum, allelúja.
 ✠. Gáudium et exsultatiónem obtinébunt, allelúja.

AD NONAM

C

Capitulum Rom. 8, 28

SCimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

✠. br. Lætítia sempitérna super cápita eórum,
 * Allelúja, allelúja. Lætítia. ✠. Gáudium et exsultatiónem obtinébunt. Allelúja, allelúja. Glória Patri. Lætítia. ✠. Pretiósá in conspéctu Dómini, allelúja. ✠. Mors Sanctórum ejus, allelúja.

Vesperæ a Capitulo de sequenti, Commemoratio præcedentis et S. Pudentianæ Virg.

Die 19 Maji

S. Petri Cælestini

Papæ et Confessoris

Duplex [84]

✠. Amáviteum Dóminus.

Ad Magnif. Ant. Sacerdos et Póntifex, * et virtútum ópifex, pastor bone in pópulo, ora pro nobis Dóminum, allelúja.

Oratio

DEus, qui beátum Petrum Cælestínium ad summí pontificátus ápi-

cem sublimásti, quique illum humilitáti postpónere docuísti : concéde propítius; ut ejus exémplo cuncta mundi despícere, et ad promíssa humílibus præmia perveníre feliciter mereámur. Per Dóminum.

Et fit Commemoratio præcedentis :

Ant. Sancti et justí, in Dómino gaudéte, allelúja : vos elégit Deus in hereditátem sibi, allelúja.

✠. Pretiósá in conspéctu.

Oratio Deus, qui hunc, ut supra. 988

Deinde Commemoratio S. Pudentianæ Virg. :

Ant. Veni, Sponsa Christi, áccipe coronam, quam tibi Dóminus præparávit in ætérnum, allelúja

✠. Spécie tua et.

Oratio

EXáudi nos, Deus, salutaris noster : ut, sicut de beátæ Pudentiánæ Virgínis tuæ festivitáte gaudémus; ita piæ devotiónis erudiámur afféctu. Per Dóminum.

In II Nocturno

¶ **Pro hoc Festo simplificato, Lectio iv dicitur ut ix.**

Lectio iv



DEtrus, a nómine quo Póntifex est appellátus, Cælestínus dictus, honéstis

catholicisque paréntibus Æsérniæ in Samnítibus natus, adolescéntiam vix ingressus, ut ánimum a mundi illécebris custodíret, in solitúdinem secéssit. Ibi contemplatióibus mentem nútriens, corpus in servitútem rédicens, férream caténam ad nudam carnem adhibébat. Congregatióem, quæ póstea Cælestinórum dicta est, sub régula sancti Benedícti instituit. Hinc, quasi lucérna supra candelábrum pósa, cum abscondi nequíret, (Romána Ecclésia diu viduáta pastóre) in Petri Cáthedram ignórans et absens adscitus, magna novitátis admiratióne non minus quam repentinó gáudio cunctos affécit. Cum autem in pontificátus sublimitáte collocátus, váriis disténtus curis, assuétis incúmbere meditatióibus vix posse cognósceret, óneri páriter et honóri voluntárie cessit. Indeque priscam vitæ ratióem répetens, obdormívit in Dómino, ejúsque pretiósam mortem crux præfúlgens in áère ante cubículi óstium réddidit ámplius gloriósam. Miráculis multis tam vivens quam post óbitum cláruit; quibus rite examinátis, Clemens quintus anno postquam decéssit undé-

cimo, Sanctórum número adscrípsit.

✠. Invéni David servum meum, óleo sancto meo unxi eum : * Manus enim mea auxiliábitur ei, allélúja. ✠. Nihil proficiet inimícus in eo, et fílius iniquitátis non nocébit ei. — Manus.

Ex libro Morálium
sancti Gregórii Papæ

Lib. 10, cap. 16, in cap. 12 Job

Lectio v

DEridétur justí simplicitas. Hujus mundi sapiéntia est : cor machinatióibus tégere, sensum verbis veláre : quæ falsa sunt, vera osténdere; quæ vera sunt, falsa demonstráre. Hæc nimírum prudentia usu a juvénibus scitur, hæc a púeris pretió díscitur : hanc qui sciunt, céteros despiciéndo superbíunt : hanc qui nésciunt, subjécti et tímidi in áliis mirántur; quia ab eis hæc éadem duplicitátis iníquitas, nómine palliáta, dilígitur, dum mentis perversitas urbánitas vocáitur. Hæc sibi obsequéntibus præcipit honórum cúlmina quærere, adépta temporális glóriæ vanitáte gaudére, irrogáta ab áliis mala multiplicius reddere : cum vires súppetunt, nullis resisténtibus cédere; cum virtútis pos-

sibilitas deest, quidquid explere per malitiam non valent, hoc in pacifica bonitate simulare.

℟. Pósui adiutorium super potentem, et exaltavi electum de plebe mea :
* Manus enim mea auxiliabitur ei, allelúja. ℣. Inveni David servum meum, oleo sancto meo unxi eum.
— Manus.

Lectio vi

AT contra, sapientia justorum est : nil per ostensionem fingere, sensum verbis aperire, vera ut sunt diligere, falsa devitare; bona gratis exhibere, mala libentius tolerare quam facere; nullam injuriæ ultionem querere, pro veritate contumeliam lucrum putare. Sed hæc justorum simplicitas deridetur; quia ab hujus mundi sapientibus puritatis virtus fatuitas creditur. Omne enim quod innocenter agitur, ab eis proculdubio stultum putatur; et quidquid in opere veritas approbat, carnali sapientiæ fatuum sonat. Quid namque stultius videtur mundo quam mentem verbis ostendere, nil callida machinatione simulare, nullas injuriis contumelias reddere, pro maledicentibus orare, paupertatem querere, pos-

sessa relinquere, rapienti non resistere, percutienti alteram maxillam præbere?

℟. Iste est, qui ante Deum magnas virtutes operatus est, et omnis terra doctrina ejus repleta est : * Ipse intercedat pro peccatis omnium populorum, allelúja. ℣. Iste est, qui contempsit vitam mundi, et pervenit ad cælestia regna. — Ipse. Glória Patri. Ipse.

In III Nocturno

Lectio sancti Evangelii
secundum Matthæum

Lectio vii Cap. 16, 13-19

IN illo tempore : Venit Jesus in partes Cæsariæ Philippi, et interrogabat discipulos suos, dicens : Quem dicunt homines esse Filium hominis? Et reliqua.

Homilia sancti Leonis
Papæ

Sermo 2 in anivettario
assumpt. suæ, ante medium



CUM, sicut evangelica lectione reseratum est, interrogasset Dominus discipulos, quem ipsum (multis diversa opinantibus) crederent; respondissetque beatus Petrus, dicens : Tu es Christus Filius Dei vivi; Dominus ait : Beatus es, Simon Bar-Jona, quia caro

et sanguis non revelávit tibi, sed Pater meus, qui in cælis est : et ego dico tibi, quia tu es Petrus, et super hanc petram ædificábo Ecclesiám meam, et portæ inferi non prævalébunt advérsus eam. Et tibi dabo claves regni cælorum : et quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Manet ergo dispositio veritátis, et beátus Petrus, in accépta fortitúdi-
ne petræ perseverans, suscepta Ecclesiæ gubernácula non relíquit.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum, allelúja. ✠. Induit eum Dóminus lorícam fidei, et ornávit eum. — Et.

Lectio viii

IN univérſa namque Ecclesiá, Tu es Christus Filius Dei vivi, quotidie Petrus dicit; et omnis lingua, quæ confitétur Dóminum, magistério hujus vobis imbúitur. Hæc fides diabolum vincit et captivórum ejus víncula dissólvit. Hæc éru-
tos mundo, inserit cælo, et portæ inferi advérsus eam prævalére non possunt. Tanta enim divínitas soliditáte

munita est, ut eam neque hærética umquam corrumpere právitas, nec pagána potúerit superáre perfidia. His itaque modis, dilectíssimi, rationábili obséquio celebrétur hodiérna festí-
vitas : ut in persóna humilitátis meæ ille intelligátur, ille honorétur, in quo et ómnium pastórum sollicitúdo, cum commendatárum sibi óvium custódia perseverat, et cujus étiam dígnitas in indígno heréde non déficit.

✠. Sint lumbi vestri præcíncti, et lucernæ ardéntes in mánibus vestris : * Et vos símiles homínibus expectántibus dóminum suum, quando revertátur a núptiis, allelúja. ✠. Vigilate ergo, quia nescitis qua hora Dóminus vester ventúrus sit. — Et. Glória Patri. Et.

Feria II Rogationum et in Vigilia Ascensionis ix Lectio de Homilia Feriæ, alias

Pro S. Pudéntiana Virg.

Lectio ix

PUDÉNTIÁNA virgo, Pudéntis Románi filia, paréntibus orbáta, cum admirábili pietáte christiánam religió-
nem cóleret, una cum soróre Praxéde pecúni-
am ex véndito património redáctam paupéribus distribuit, seque je-
júniis et oratió-
nibus dedit.

Cujus étiam ópera, tota ejus família, in qua erant nonaginta sex hómines, a Pio Pontífice baptizáta est. Quod autem ab Antoinino imperatóre sancítum erat, ne Christiáni públice sacrificia fácerent, Pius Póntifex in ædibus Pudentiánæ cum Christiánis Sacra celebrábat. Quibus illa benigne accéptis, quæ ad vitam necessariá essent, suppeditábat. Itaque in his christiánæ pietátis officiis migrávit e vita, et in sepúlcro patris ad cœmetérium Priscillæ, via Salaria, sepúlta est décimo quarto Kaléndas Júnii.

Te Deum laudámus.

Ad Laudes post Com. Feriæ in Feria II Rogat. et in Vigilia Ascens. fit Commem. S. Pudéntianæ Virg. :

Ant. Símile est. [143]

℣. Diffúsa est.

Oratio

EXáudi nos, Deus, salutaris noster : ut, sicut de beátæ Pudentiánæ Virginis tuæ festivitáte gaudémus; ita piæ devotiónis erudiámur afféctu. Per Dóminum.

IN II VESPERIS

℣. Justum dedúxit.

Ad Magnif. Ant. Dum esset summus Póntifex, * terréna non métuit, sed ad cæléstia regna glóriósus migrávit, allelúja.

Oratio

DEus, qui beátum Petrum Cælestinum ad summi pontificátus ápícem sublimásti, quique illum humilitáti postpónere docuísti : concéde propítius; ut ejus exémplo cuncta mundi despícere, et ad promíssa humilibus præmia perveníre feliciter mereámur. Per Dóminum.

Et fit Commem. sequentis.

Die 20 Maji

S. Bernardini Senensis

Confessoris

Semiduplex [111]

Ant. Similábo eum viro sapiénti, qui ædificávit domum suam supra petram, allelúja.

℣. Amávit eum Dóminus.

Oratio

Domine Jesu, qui beáto Bernardínò Confessóri tuo exímium sancti nóminis tui amórem tribuísti : ejus, quæsumus, méritis et intercessióne, spíritum nobis tuæ dilectiónis benígnus infúnde : Qui vivis.

In II Nocturno

Lectio iv



Bernardínus Albizésca, nóbili Senénsi família ortus, ab ineúnte ætáte non obscura sanctitátis dedit indícia; nam a piis paréntibus honéste educátus, negléctis

puerilibus ludis, inter prima grammaticæ stúdia pietátis opéribus ánimus inténdit, jejúniis, oratióni, et beatíssimæ Vírginis cúltoi præcípue addíctus. Misericórdia vero in páuperes fuit insígnis. Quæ quidem ómnia procedénte témpore quo mélius posset excólere, eórum número adscríbi vóluit, qui Senis in hospitáli domo beátæ Mariæ de Scala Deo insérviunt, unde complúres sanctitáte célebres viri prodiérunt. Ibi córporis afflictatióne et ægrotántium cura, dum atrox pestiléntia grassaréetur, incredíbili caritáte sese exércuit. Inter céteras autem virtútes castitátem, egrégia forma repugnánte, sanctíssime custodívit, ádeo ut eo præsente nemo umquam, ne impudentísimus quidem, verbum minus honéstum proférre audéret.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérnam, allelúja. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

Gravi morbo tentátus, eóque ad quátuor menses patientíssime toleráto,

demum incólumis, de religiósæ vitæ institúto capesséndo deliberáre cœpit. Quo ut sibi viam muníret, ædiculam in extréma urbe condúxit; in quam cum sese abdidísset, aspérrimam omni ex parte vitam trahébat, Deum assídue orans, ut, quid sibi sequéndum esset, osténderet. Quare divínitus factum est, ut beáti Francísci órđinem præ céteris optáret, in quo humilitáte, patiéntia aliisque religiósi hóm̃inis virtútibus excélluit. Id cum cœnóbii rector animadvérteret, jamque ántea Bernardíni doctrínam et sacrárum litterárum perítiam perspéctam habéret, prædicándi onus eidem impósuit : quo humíllime suscepto, cum se minus idóneum agnósce-ret ob vocis exilitátem ac raucitátem, Dei ope imploráta, non sine miráculo ejúsmodi impediménto liberátus est.

✠. Amávit eum Dóminus, et ornávit eum : stolam glóriæ induit eum,
* Et ad portas paradísi coronávit eum, allelúja. ✠. Induit eum Dóminus lorícám fidei, et ornávit eum. — Et.

Lectio vi

Cumque ea témpora vitiis criminibúsque re-
dundárent, et cruéntis fa-

ctiōnibus in Itālia, divīna
humānaque ōmnia per-
mīxta essent, Bernardīnus
urbes atque ōppida con-
cūrsans, in nōmine Jesu,
quem semper in ore et in
pēctore gerēbat, collāpsam
pietātem morēsque verbo
et exēplo magna ex
parte restituit. Quo fa-
ctum est, ut praelāræ
civitātes eum sibi epīscopum
a summo Pontifice
postulārent; quod ille munus
invicta humilitate
constantissime rejecit. Dē-
nique vir Dei immēnsis la-
bōribus exhaustus, multis
magnisque editis mirācu-
lis, libris etiā pie doctē-
que conscriptis, cum vi-
xisset annos sex ac sexa-
gīnta, in urbe Aquila in
Vestīnis beāto fine quie-
vit. Quem novis in dies
coruscāntem signis, anno
post ōbitum sexto, Nico-
lāus quintus Pōntifex mā-
ximus in Sanctōrum nū-
merum retulit.

✠. Iste homo perfecit
ōmnia quæ locutus est ei
Deus, et dixit ad eum : In-
grēdere in requiem meam :
* Quia te vidi justum co-
ram me ex omnibus gēn-
tibus, allelūja. ✠. Iste est,
qui contempsit vitam
mundi, et pervēnit ad
cælestia regna. — Quia.
Glōria Patri. Quia.

Pro hoc Festo simplificato

Lectio ix

Bernardīnus Albizēsa,
nōbili Senēsi familiā
ortus, inter prima gram-
maticæ stūdia, neglētis
puerilibus ludis, pietātis
opēribus ānimum intēn-
dit, beātæ Vīrginis cūltui
præcipue addictus. Cari-
tate et misericōrdia in
pāuperes insīgnis, eōrum
servitio Senis in hospitāli
beātæ Mariæ de Scala se
mancipāvit. De capes-
sēdo religiōsæ vitæ insti-
tūto deliberans, Deo sic
disponēte, beāti Fran-
cisci ōrdinem præ ceteris
optāvit, in quo humili-
tate, patiētia, aliisque
religiōsi hōminis virtūti-
bus excēlluit. Prædicādi
ōnere a superiōribus sus-
cēpto, cum se minus idō-
neum agnōsceret ob vocis
exilitatem et raucitatem,
Dei ope implorāta, prodi-
giōse ab hoc impedimēto
liberātus est. Urbes atque
ōppida concūrsans, in nō-
mine Jesu, quem semper
in ore et pēctore gerēbat,
cīvium ubique discōrdias
exstīnxit, et collāpsam
pietātem morēsque verbo
et exēplo magna ex
parte restituit. Libros pie
doctēque conscripsit. Ple-
nus mēritis et mirāculis
clarus, annos natus sex
ac sexagīnta, in urbe

Aquila in Vestínis, beáto
fine quiévit.

Te Deum laudámus.

In III Nocturno Homilia in
Ev. Ecce nos relíquimus, de
Comm. Abbatum I loco. [125]

Feria II Rogationum et in
Vigilia Ascensionis ix Lectio
de Homilia Feriæ et fit ejus
Commemoratio ad Laudes.

AD LAUDES

℣. Justum dedúxit.

Ad Bened. Ant. Euge,
serve bone * et fidélis,
quia in pauca fuísti fidélis,
supra multa te constí-
tuam, intra in gáudium
Dómini tui, allelúja.

Oratio

D Omine Jesu, qui beáto
Bernardíno Confessóri
tuo exímium sancti nómi-
nis tui amórem tribuísti :
ejus, quæsumus, méritis
et intercessióne, spíritum
nobis tuæ dilectiónis bení-
gnus infúnde : Qui vivis.

IN II VESPERIS

℣. Justum dedúxit.

Ad Magnif. Ant. Hic vir
despíciens mundum * et
terréna, triúmphans, diví-
tias cælo cóndidit ore,
manu, allelúja.

Die 25 Maji

S. Gregorii VII

Papæ et Confessoris

Duplex [84]

℣. Amávit eum Dóminus.

Ad Magnif. Ant. Sacér-
dos et Póntifex, * et vir-
tútum ópifex, pastor bone
in pópulo, ora pro nobis
Dóminum, allelúja.

Oratio

D Eus, in te sperántium
fortitúdo, qui beátum
Gregórium Confessórem
tuum atque Pontíficem,
pro tuénda Ecclésiæ liber-
táte, virtúte constántiæ
roborásti : da nobis, ejus
exémplum et intercessióne,
ómnia adversántia fórtiter
superáre. Per Dóminum.

Et fit Commemoratio S. Ur-
bani I Papæ et Martyris :

Ant. Lux perpétua lucé-
bit Sanctis tuis, Dómine,
et ætérnitas témporum,
allelúja.

℣. Sancti et justi.

Oratio

G Regem tuum, Pastor
ætérne, placátus in-
ténde : et per beátum Ur-
bánum Mártirem tuum
atque Summum Pontífi-
cem, perpétua protectióne
custódi; quem totíus Ec-
clésiæ præstitísti esse pa-
stórem. Per Dóminum.

In II Noeturno

Lectio iv



Regórius Papa séptimus, ántea Hildebrándus, Suánæ in Etrúria natus, doctrína, sanctitáte, omníque virtútum génere cum primis nóbilis, mirífice univérsum Dei illustrávit Ecclésiám. Cum párvulus ad fabri ligna edolántis pedes, jam litterárum ínscius, lúderet, ex rejéctis tamen segméntis illa Davidici eleménta oráculi, Dominábitur a mari usque ad mare, casu formásse narrátur; manum púeri ductánte Númine, quo significarétur ejus fore amplíssimam in mundo auctoritátem. Romam deínde proféctus, sub protectióne sancti Petri educátus est. Júvenis, Ecclésiæ libertátem a láicis opprèssam ac depravátos ecclesiasticórum mores veheméntius dolens, in Cluniacénsi monastério, ubi sub régula sancti Benedícti austerióris vitæ observántia eo témpore máxime vigébat, mónachi hábitum índuens, tanto pietátis ardóre divínæ majestáti deservíebat, ut a sanctis ejúsdem cœnóbii pátribus prior sit eléctus. Sed, divína providéntia majóra de eo disponén-te, in salútem plu-

rimórum Cluníaco edúctus Hildebrándus, abbas primum monastérii sancti Pauli extra muros Urbis eléctus, ac póstmodum Románæ Ecclésiæ cardínalis créátus, sub summis Pontificibus Leóne nono, Victóre secúndo, Stépħano nono, Nicóláo secúndo et Alexándro secúndo, præcípuiis munéribus et legatióibus perfúctus est; sanctíssimi et puríssimi consílii vir a beáto Petro Damiáno nuncupátus. A Victóre Papa secúndo legátus a látere in Gálliam missus, Lugdúni episcopum, simoníaca labe inféctum, ad sui críminis confessiόnem miráculo adégit. Berengárium in concílio Turonénsi ad iterátam hæresis abjuratiόnem cómpulit. Cadalói quoque schisma sua virtúte compréssit.

✠. Invéni David servum meum, óleo sancto meo unxi eum : * Manus enim mea auxiliábitur ei, allelúja. ✠. Nihil profíciet inimícus in eo, et fílius iniquitátis non nocébit ei. — Manus.

Lectio v

Mortuo Alexándro secúndo, invítus et mœrens, unánimi ómnium consénsu, décimo Kaléndas Maji anno Christi milésimo septuagésimo tér-

tio, summus Póntifex eléctus, sicut sol effúlsit in domo Dei. Nam, potens ópere et sermóne, ecclesiástica disciplínæ reparándæ, fidei propagándæ, libertáti Ecclesiæ restitúendæ, exstirpándis erróribus et corruptélis tanto stúdio incúbuit, ut ex Apostolorum ætate nullus Pontificum fuisse tradátur, qui majóres pro Ecclesia Dei labóres molestiásque pertúlerit, aut qui pro ejus libertáte ácrius pugnáverit. Aliquot provincias a simoníaca labe expurgávit. Contra Henríci imperatóris ímpios conátus, fortis per ómnia athléta, impávidus permánsit, seque pro muro dómui Israël pónere non tímuit; ac eúmdem Henrícum, in profúndum malórum prolápsum, fidélium communióne regnóque privávit, atque súbditos pópulos fide ei data liberávit.

✠. Pósuí adjutórium super poténtem, et exaltávi eléctum de plebe mea :

* Manus enim mea auxiliábitur ei, allelúja. ✠. Invéni David servum meum, óleo sancto meo unxi eum. — Manus.

Lectio vi

DUM Missárum solénnia perágeret, visa est viris piis colúmba e cælo delápsa, húmero ejus dex-

tro insidens, alis exténsis caput ejus veláre; quo significátum est, Spíritus Sancti afflátu, non humanæ prudéntiæ ratióibus ipsum duci in Ecclesiæ regímine. Cum ab iníqui Henríci exércitu Romæ gravi obsidióne premerétur, excitátum ab hóstibus incéndium signo crucis exstínxit. De ejus manu tandem a Robérto Guiscárdo duce Northmánno eréptus, Cassinum se cóntulit; atque inde Salérnum ad dedicándam ecclesiám sancti Matthæi Apóstoli conténdit. Cum aliquándo in ea civitaté sermónem habuísset ad pópulum, ærúmni conféctus in morbum incidit, quo se interitúrum præscívit. Postréma moriéntis Gregórii verba fuére : Diléxi justítiam et odívi iniquitátem, proptérea mórior in exsílio. Innumérabilia sunt, quæ vel fórtiter sustínuit, vel multis coáctis in Urbe sýnodis sapiénter constituit; vir vere sanctus, críminum vindex, et acérrimus Ecclesiæ defénsor. Exáctis itaque in pontificátu annis duódecim, migrávit in cælum anno salutis millésimo octogésimo quinto, plúribus in vita et post mortem miráculis clarus; ejúsque sacrum corpus in

cathedráli basílica Salernitána est honorífice cón-
ditum.

✠. Iste est, qui ante
Deum magnas virtútes
operátus est, et omnis
terra doctrína ejus repléta
est : * Ipse intercédát pro
peccátis ómnium populó-
rum, allelúja. ✠. Iste est,
qui contémpsit vitam
mundi, et pervénit ad
cæléstia regna. — Ipse.
Glória Patri. Ipse.

Pro hoc Festo simplificato

Lectio ix

Gregórius Papa sépti-
mus, ántea Hildebrán-
dus, Suánæ in Etrúria na-
tus, doctrína, sanctitáte,
omníque virtútum génere
cum primis nóbilis, mirí-
fice univérsam Dei Ecclé-
siam illustrávit. Adolé-
scens religiósi hábitum
induit in Cluniacénsi mo-
nastério, tantóque pietátis
ardóre Deo desérviit, ut
a sanctis ejúsdem cænóbii
pátribus prior fúerit elé-
ctus. Póstea factus abbas
monastérii sancti Pauli
extra muros Urbis, ac
deínde créatus Románæ
Ecclésiæ cardinális, sub
summis Pontificibus Leó-
ne nono, Victóre secúndo,
Stéphano nono, Nicoláo
secúndo et Alexándro se-
cúndo, præcípui muné-
ribus et legatióibus per-

fúctus est. Mórtuo Ale-
xándro secúndo, unaní-
miter summus Póntifex
eléctus, ecclesiástica li-
bertátis propugnátor ac
defénsor acérrimus éxsti-
tit; quaprópter multa pas-
sus, et Róma discédere
coáctus est. Postréma ejus
moriéntis verba fuére :
Diléxi justítiam et odívi
iniquitátem, proptérea mó-
rior in exsílio. Migrávit in
cælum, anno salutis mil-
lésimo octogésimo quinto,
ejúsque corpus in cathe-
dráli basilica Salernitána
honorífice cónditum est.

Te Deum laudámus.

In III Nocturno Homilia in
Ev. Venit Jesus, de Commu-
ni unius vel plurium Sum-
morum Pontificum. [33¹]

Feria II Rogationum et in
Vigilia Ascensionis ix Lectio
de Homilia Feriæ, alias

Pro S. Urbano I Papa
et Martyre

Lectio ix

Urbánus Románus, Ale-
xándro Sevéro impe-
ratóre, doctrína et vitæ
sanctitáte multos ad Chri-
sti fidem convértit; in illis
Valeriánum, beátæ Cæci-
liæ sponsum, et Tibúr-
tium, Valeriáni fratrem,
qui póstea martýrium forti
ánimo subiérunt. Hic de
bonis Ecclésiæ attribútis
scripsit his verbis : Ipsæ
res fidélium, quæ Dómino

offerúntur, non debent in álios usus quam ecclesiásticos et christianórum fratrum, vel indigéntium, convérti; quia vota sunt fidélium, et prétia peccatórum, ac patrimónia páuperum. Sedit annos sex, menses septem, dies quátuor : ac martýrio coronátus, sepúltus est in cœmêtério Prætextáti, octávo Kaléndas Júnii. Ordinatióibus quinque hábitis mense Decémbri, creávit presbýteros novem, diáconos quinque, episcopos per divérsa loca octo.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitutam, dicit Dóminus, allelúja.

Oratio

DEus, in te sperántium fortitúdo, qui beátum Gregórium Confessórem tuum atque Pontíficem, pro tuénda Ecclésiæ libertáte, virtúte constántiæ roborásti : da nobis, ejus exémplo et intercessióne, ómnia adversántia fórtiter superáre. Per Dóminum.

Post Commemorationem Feriæ in Feria II Rogationum et in Vigilia Ascensionis,

fit Commemoratio S. Urbani I Papæ et Mart. :

Ant. Fíliæ Jerúsalem, veníte et vidéte Mártýres cum corónis, quibus coronávit eos Dóminus in die solemnitétis et lætitiæ, allelúja, allelúja.

✠. Pretiósá in conspéctu.

Oratio

GRegem tuum, Pastor ætérne, placátus inténde : et per beátum Urbánum Mártýrem tuum atque Summum Pontíficem, perpétua protectióne custódi; quem totius Ecclésiæ præstitísti esse pastórem. Per Dóminum.

Vesperæ a Capitulo de seq., Commem. præc. ac S. Eleutherii Papæ et Mart.

Die 26 Maji

S. Philippi Nerii

Conf. Duplex [111]

✠. Amáviteum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram, allelúja.

Oratio

DEus, qui beátum Philíppum Confessórem tuum Sanctórum tuórum glória sublimásti : concede propítius; ut, cujus solemnitéte lætámur, ejus virtútum proficiámus exémplo. Per Dóminum.

Et fit Commemoratio præcedentis :

Ant. Dum esset summus Póntifex, terréna non mé-
tuit, sed ad cæléstia regna
gloriósus migrávit, alle-
lúja.

℣. Justum dedúxit.

Oratio Deus, in te spe-
rántium, *ut supra.* 1000

**Deinde Commem. S. Eleu-
therii Papæ et Mart. :**

Ant. Lux perpétua lucé-
bit Sanctis tuis, Dómine,
et ætérnitas témporum,
allelúja.


℣. Sancti et justí.

Oratio

GRegem tuum, Pastor
ætérne, placátus intén-
de : et per beátum Eleu-
thérium Mártirem tuum
atque Summum Pontífi-
cem, perpétua protectióne
custódi; quem totíus Ec-
clésiæ præstitísti esse pa-
stórem. Per Dóminum.

In II Nocturno

Lectio iv

ilíppus Nérius, piis
honestisque parén-
tibus Floréntiæ na-
tus, ab ipsa ineúnte ætáte
non obscura dedit futúre
sanctitátis indícia. Adolés-
cens, ampla pátrui here-
ditáte dimíssa, Romam se
cóntulit; ubi philosophía
ac sacris lítteris erudítus,
totum se Christo dicávit.
Ea fuit abstinéntia, ut sæ-

pe jejúnus trídium per-
mánserit. Vigíliis et ora-
tiónibus inténtus, septem
Urbis Ecclésias frequénter
visitans, apud cœmeté-
rium Callísti in cæléstium
rerum contemplatióne per-
noctáre consuévit. Sacér-
dos ex obediéntia factus,
in animárum salúte pro-
curánda totus fuit; et in
confessiiónibus audiéndis
ad extrémum usque diem
persevérans, innúmeros
pene filios Christo péperit;
quos verbi Dei quotidiano
pábulo, sacramentórum
frequéntia, oratiónis assi-
duitáte, aliisque piis exer-
citatióibus enutrírí cú-
piens, Oratórii congrega-
tiónem instituit.

℣. Honéstum fecit illum
Dóminus, et custodívit
eum ab inimícis, et a sedu-
ctóribus tutávit illum :

* Et dedit illi claritátem
ætérmam, allelúja. ℣. Ju-
stum dedúxit Dóminus
per vias rectas, et osténdit
illi regnum Dei. — Et.

Lectio v

CArítate Dei vulnerátus
languébat júgiter, tan-
tóque cor ejus æstuábat
ardóre, ut, cum intra fines
suos continéri non posset,
illíus sinum, confráctis at-
que elátis duábus cóstulis,
mirabíliter Dóminus am-
pliáverit. Sacrum vero fá-
ciens aut fervéntius orans,

in aëra quandóque sublátus, mira úndique luce fulgére visus fuit. Egénos et páuperes omni caritátis officio prosequébatur : dignus, qui et Angelo in spécie páuperis eleemósy-nam erogáret; et, dum egéntibus noctu panem deférret, in fóveam lapsus, inde páriter ab Angelo incólumis eriperétur. Humilitáti addíctus, ab honóribus semper abhórruit, atque ecclesiásticas dignitátes, étiam primárias, non semel ultro delátas, constantíssime recusávit.

✠ Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum, allelúja. ✠ Induit eum Dóminus lorícam fidei, et ornávit eum. — Et.

Lectio vi

Prophetiae dono fuit illústris, et in animórum sénsibus penetrándis mirífice enítuit. Virginitátem perpétuo illibátam servávit; idque assecútus est, ut eos qui puritátem cólerent, ex odóre, qui vero secus, ex foetóre dignósceret. Abséntibus intérdum appáruit, iisque periclitántibus opem tulit. Ægrótos plúrimos et morti próximos sanitáti restituit. Mórtuum quoque ad

vitam revocávit. Caeléstium spírituum et ipsíus Deíparæ Vírginis frequénter fuit apparitióne dignátus, ac plurimórum ánimas splendóre circumfúsas in cælum conscéndere vidit. Dénique, anno salutis millésimo quingentésimo nonagésimo quinto, octávo Kaléndas Júnias, in quem diem incidérat festum Córporis Christi, Sacro máxima spíritus exsultatióne perácto, ceterisque functiónibus explétis, post médiám noctem, qua prædíxerat hora, octogenárius obdormívit in Dómino. Quem Gregórius décimus quintus, miráculis clarum, in Sanctórum númerum rétulit.

✠ Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus gén-tibus, allelúja. ✠ Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicitato

Lectio ix

Philíppus Nérius, piis honestisque paréntibus Floréntiæ natus, amplá pátrui hereditáte di-

míssa, Romam se cóntulit, ubi, philosophía ac sacris lítteris eruditus, totum se Christo dicávit. Sacérdos ex obediéntia factus, in animárum salúte procuránda totus fuit, et in confessiónibus audiéndis ad extrémum usque diem perseveráns, innúmeros pene filios Christo péperit; quos verbi Dei quotidiano pábulo, sacramentórum frequentia, oratiónis assiduitáte, aliisque piis exercitatió-nibus enutriri cúpiens, Oratórii congregatió-nem instituit. Caritáte Dei vulnerátum tanto cor ejus æstuábat ardóre, ut, cum intra fines suos continéri non posset, sinum, confráctis atque elátis duábus cóstulis, mirábiliter Dóminus ampliáverit. Prophe-tiæ dono fuit illústris, et in animórum sénsibus penetrándis mirífice eníuit. Virginitátem perpétuo illibátam servávit; idque assecútus est, ut eos, qui puritátem cólerent, ex odóre, qui vero secus, ex foetóre dignósceret. Anno salútis millésimo quingentésimo nonagésimo quinto, octogenárius obdormívit in Dómino.

Te Deum laudámus.

In III Nocturno Homilia in
Evangelium Sint lumbi ve-

stri, de Communi Confessoris
non Pontificis 1 loco. [116]

Feria II Rogationum et in
Vigilia Ascensionis ix Lectio
de Homilia Feriæ, alias

Pro S. Eleutherio
Papa et Martyre

Lectio ix

Eleuthérius, Nicópoli in Græcia natus, Anicéti Pontificis diáconus, Cómodo imperatóre, præfuit Ecclésiæ. Huic, iní-tio pontificátus, súpplices lítteræ venérunt a Lúcio Britan-nórum rege, ut se ac suos in Christianórum núme-rum recíperet. Quam ob rem Fugátium et Damiá-num, doctos et pios viros, misit in Británniam, per quos rex et réliqui fidem susciperent. Hoc Pontífice, Irenæus Polycárpi discípulus, Romam véniens, ab eo benígne accéptus est. Quo témpore summa pace et quiéte fruebátur Ecclésia Dei; ac per totum orbem terrárum, máxime Romæ fides propagabá-tur. Vixit Eleuthérius in pontificátu annos quíndecim, dies vigínti tres. Fecit ordinatiónes tres mense Decémbrí, quibus creávit presbýteros duódecim, diáconos octo, episcopos per diversa loca quíndecim : sepultúsque est in Vaticanó prope corpus sancti Petri.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constituam, intra in gáudium Dómini tui, allelúja.

Oratio

Deus, qui beátum Philippum Confessórem tuum sanctórum tuórum glória sublimásti : concéde propítius; ut cujus solemnitate lætámur, ejus virtútum proficiámus exémplo. Per Dóminum.

Post Com. Feriæ in Feria II Rogationum et in Vigilia Ascensionis, fit Com. S. Eleutherii Papæ et Mart. :

Ant. Filíæ Jerúsalem, veníte et vidéte Mártires cum corónis, quibus coronávit eos Dóminus in die solemnitatís et lætítiæ, allelúja, allelúja.

✠. Pretiósá in conspéctu.

Oratio

GRegem tuum, Pastor ætérne, placátus inténde : et per beátum Eleuthérium Mártirem tuum atque Summum Pontíficem, perpétua protectióne custódi; quem totíus Ecclésiæ præstitisti esse pastórem. Per Dóminum.

Vesperæ a Capitulo de sequenti, Commem. præced. ac S. Joannis I Papæ et Mart.

Die 27 Maji

S. Bedæ Venerabilis

Conf. et Eccl. Doct.

Duplex (m. t. v.) [111]

✠. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Beda, divínæ legis amátor, deprecáre pro nobis Fílium Dei, allelúja.

Oratio

Deus, qui Ecclésiám tuam beáti Bedæ Confessóris tui atque Doctóris eruditíone claríficas : concéde propítius fámulis tuis; ejus semper illustrári sapiéntia et méritis adjuvári. Per Dóminum.

Et fit Commemoratio præcedentis :

Ant. Hic vir, despiciens mundum et terréna, triúmphans, divítias cælo cóndidit ore, manu, allelúja.

✠. Justum dedúxit.

Oratio Deus, qui beátum, ut supra.

Deinde Commem. S. Joannis I Papæ et Mart. :

Ant. Lux perpétua lucébit Sanctis tuis, Dómine, et ætérnitas téporum, allelúja.

✠. Sancti et justi.

Oratio

GRegem tuum, Pastor ætérne, placátus inténde, et per beátum Joánnem Mártýrem tuumatque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

In I Nocturno, si sumendæ sint de Communi, Lectiones Sapiéntiam. [104]

In II Nocturno

Lectio iv



Eda présbyter, Girvi in Británniæ et Scótiæ fínibus ortus, septénis sancto Benedícto Biscópio abbáti Wiremuthénsi educándus tráditur. Mónachus deinde factus, vitam sic instituit, ut, dum se ártium et doctrinárum stúdiis totum impenderet, nihil umquam de regulári disciplína remitteret. Nullum fuit doctrínæ genus, in quo non esset diligentíssime versátus; sed præcipua illi cura divinárum Scripturárum meditatio, quarum senténtiam ut plénius assequerétur, Græci Hebraicæque sermónis notítiam est adéptus. Tricésimo ætátis anno, abbátis sui jussu sacerdos initiátus, statim, suasóre Acca Hagulstadénsi episcopo, sa-

cros explanáre libros aggréssus est; in quo sanctórum Patrum doctrínis ádeo inhæsit, ut nihil próferret nisi illórum judicio comprobátum, eorúndem étiam fere verbis usus. Otium perósus semper, ex lectione ad oratióem transibat ac vicíssim ex oratióne ad lectionem: in qua ádeo ánimo inflammábatur, ut sæpe inter legéndum et docéndum lácrimis perfunderétur. Ne autem rerum fluxárum curis distraherétur, delátum abbatís munus constantíssime detrectávit.

✠. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam, allelúja. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

SCiéntiæ ac pietátis laude Bedæ nomen sic brevi cláruit, ut sanctus Sérgius Papa de eo Romam arcesséndo cogitáverit; quo difficíllimis scilicet, quæ de rebus sacris exórtæ erant, quæstióibus definiéndis conférret óperam. Emendándis fídelium móribus, fídei vindicándæ atque asseréndæ libros plures conscrípsit,

quibus tantam sui apud omnes opinióem fecit, ut illum sanctus Bonifátius epíscopus et martyr, Ecclésiæ lumen prædicáverit; Lanfráncus, Anglórum doctórem; concílium Aquisgranénse, doctórem admirábilem díxerit. Quin ejus scripta, eo adhuc vivén-te, públice in ecclésiis legebántur. Quod cum fieret, quóniam ipsum sanctum mínime appelláre licéret, Venerábilis título efferébant; qui deínde véluti próprios secútis étiam tempóribus semper hábítus est. Ejus autem doctrínae eo vis effícior erat, quod vitæ sanctimónia religiosisque virtútibus confirmabátur. Quam ob rem discipulos, quos multos et egrégios imbuéndos hábuit, stúdio et exémplo non lítteris modo atque sciéntiis, sed étiam sanctitáte fecit insígenes.

✠. Amávit eum Dóminus, et ornávit eum : stollam glóriæ induit eum,

* Et ad portas paradísi coronávit eum, allelúja.

✠. Induit eum Dóminus lorícám fidei, et ornávit eum. — Et.

Lectio vi

ATáte demum et labóribus fractus, gravi morbo corréptus est. Quocum ámplius quinquaginta dies deténtus esset,

consuétum orándi morem Scripturásque interpretándi non intercépít; eo namque témpore Evangélium Joánnis in populárium suórum usum Anglice vertit. Cum autem in Ascensiónis prælúdio instáre sibi mortem persentíret, suprémis Ecclésiæ sacraméntis muníri vóluit; tum, sodáles amplexátus, atque humi super cilicio stratus, cum illa verba ingemináret, Glória Patri, et Fílio, et Spirítui Sancto, obdormívit in Dómino. Ejus corpus, suavíssimum, uti fertur, spirans odórem, sepúltum est in monastério Girvénsi, ac póstea Dunclínum cum sancti Cuthbérti reliquiis translátum. Eum tamquam Doctórem a Benedictínis aliisque religiósissimis famíliis ac diocécibus cultum, Leo décimus tértius Póntifex máximus, ex sacrorum Rítuum Congregatiónis consúlto, universális Ecclésiæ Doctórem declarávit, et festo ipsíus die Missam et Offícium de Doctóribus ab ómnibus recitári decrevit.

✠. Iste homo perfécit ómnia quæ locútus est ei Deus, et dixit ad eum : Ingredere in réquiem meam :

* Quia te vidi justum coram me ex ómnibus gén-

tibus, allelúja. **W.** Iste est, qui contempsit vitam mundi, et pervénit ad cæléstia regna. — Quia. **G**lória Patri. Quia.

Pro hoc Festo simplificato

Lectio ix

Beda præsbyter, Girvi in Británniæ et Scótiæ finibus ortus est. Mónachus factus, vitam sic instituit, ut, dum se ártium et doctrinárum stúdiis totum impenderet, nihil umquam de regulári disciplina remitteret. Nullum fuit doctrinæ genus, in quo non esset diligentissime versátus; sed præcipua illi cura fuit divinárum Scripturárum meditatio, ita ut, sacerdotio initiátus, sacros explanare libros aggréssus sit; in quo sanctorum Patrum doctrínis ádeo inhæsit, ut nihil proférret nisi illórum iudicio comprobátum, eorúmdem étiam fere verbis usus. Otium perósus semper, ex lectione ad orationem transibat, ac vicissim ex oratione ad lectionem. Emendándis fidélium móribus, fidei vindicándæ atque asseréndæ libros plures conscripsit, quibus tantam sui apud omnes opinionem fecit, ut ejus scripta, eo adhuc vivente, públice in ecclésiis lege-

réntur. Etáte demum et labóribus fractus, pie obdormívit in Dómino. Eum Leo décimus tértius universális Ecclésiæ Doctórem declarávit.

Te Deum laudámus.

In III Nocturno

Si ix Lectio alicujus Officii commemorati dicenda non sit, ex vii Lectione fit etiam viii, incipiendo a signo ¶, et Lectio viii legitur ut ix.

Léctio sancti Evangélii
secúndum Matthæum

Lectio vii Cap. 5, 13-19

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Bedæ Venerabilis Presbyteri

In Evang. Vos estis sal terræ

IN terra, humana natura; in sale, sapientia verbis significátur. Salis enim natura, terra efficitur infructuósa; unde quasdam urbes légimus, victórum ira, sale seminátas. Et hoc convenit apostólicæ doctrinæ, ut sale sapientiæ compéscat in terra humanæ carnis luxum sæculi aut fœditatem vitiórum germinare. Quod si sal evanúerit, in quo saliétur? Id est, si vos, per

quos condiendi sunt populi, propter metum persecutiõnum, aut terrõrem, amisèritis regna cælõrum, extra Ecclesiã positi, inimicõrum opprõbria sustinètis non dúbium. ¶ Vos estis lux mundi : id est, vos, quia vera luce illuminãti estis, lux eis qui in mundo sunt, esse debètis. Non potest civitas abscondi supra montem posita : id est, apostõlica doctrina super Christum fundãta, sive Ecclesiã super Christum ex multis gentibus fidei unitate constructa et caritatis bitumine conglutinãta; quæ sit tuta intrãntibus, et laboriõsa adeũntibus, habitatõres custõdit, et omnes inimicos secludit.

✠. Iste est, qui ante Deum magnas virtutes operãtus est, et de omni corde suo laudãvit Dõminum : * Ipse intercèdat pro peccãtis õmnium populõrum, allelúja. ✠. Ecce homo sine querela, verus Dei cultor, abstinens se ab omni opere malo, et permanens in innocentia sua. — Ipse.

Lectio viii

Nequæ accendunt lucernam, et ponunt eam sub módio, sed super candelãbrum. Sub módio ergo lucernam ponit quisquis lucem doctrinæ commodis

temporalibus obscurat et tegit; super candelãbrum vero, qui se ita ministèrio Dei subjicit, ut supèrior sit doctrina veritatis quam sèrvitus corpõris. Aliter Salvãtor accendit lucernam, qui humanæ testamnatúræ flamma suæ divinitatis implèvit; et hanc super candelãbrum, id est Ecclesiã, posuit, quod in frõntibus nostris fidem suæ incarnationis fixit. Quæ lucerna non pótuit sub módio poni, id est, sub mensúra legis inclúdi; nec in sola Judæa, sed in univèrso illúxit orbe.

✠. In médio Ecclesiæ apèruit os ejus, * Et implèvit eum Dõminus spírиту sapièntiæ et intellèctus, allelúja. ✠. Jucunditatem et exsultationem thesaurizãvit super eum. — Et. Glória Patri. Et.

Feria II Rogationum et in Vigilia Ascensionis ix Lectio de Homilia Feriæ, alias

Pro S. Joanne I Papa et Mart.

Lectio ix

Ioãnes Etrúscus, Justiniano seniõre imperatõre, rexit Ecclesiã; ad quem profectus est Constantinópolis auxili causa, quod Theodorícus rex hæreticus divexabat Italiã. Cujus etiã iter Deus miraculis illustrãvit. Nam, cum ei nóbilis vir

ad Corinthum, equum, quo ejus uxor mansueto utebatur, itineris causa commodasset, factum est, ut domino postea remissus equus ita ferox evaderet, ut frémitu et totius corporis agitacióne semper deinceps dominam expulerit; tamquam indignaretur mulierem recipere, ex quo sedisset in eo Jesu Christi Vicarius. Quam ob rem illi equum Pontifici donaverunt. Sed illud majus miraculum, quod Constantinópoli, in áditu portæ Aureæ, inspectante frequentissimo pópulo, qui una cum imperátore Pontifici honóris causa occurrerat, cæco lumen restituit. Ad cujus pedes prostrátus étiam imperátor, eum venerátus est. Rebus cum imperátore compósitis, in Itáliam rédiit, statimque epístolam scripsit ad omnes Itáliæ episcopos, jubens eos Ariánorum ecclésiās ad cathólicum ritum consecrāre, illud subjungens : Quia et nos, quando fuimus Constantinópoli tam pro religióne cathólica quam pro regis Theodoríci causa, quascúmque illis in pártibus eórum ecclésiās reperire potuimus, cathólicas eas consecravimus. Quod iniquíssimo ánimo ferens Theodorícus, dolo accer-

situm Pontíficem Ravénnam in cárcerem conjecit; ubi, squalóre inediáque afflíctus, paucis diébus cessit e vita, cum sedisset annos duos, menses novem, dies quatuórdecim, ordinátis eo témpore episcopis quíndecim. Paulo post móritur Theodorícus : quem quidam eremíta, ut scribit sanctus Gregórius, vidit inter Joánnem Pontíficem et Sýmmachum patrícium, quem idem occiderat, demérgi in ignem Liparitánum; ut videlicet illi, quibus mortem attúlerat, tamquam júdices essent ejus intéritus. Joánnis corpus Ravénna Romam portátum est, et in basilica sancti Petri sepúltum.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui, allelúja.

Oratio

DEus, qui Ecclésiā tuā beáti Bedæ Confessóris tui atque Doctóris eruditóne claríficas : concede propítius fámulis tuis; ejus semper illustrári sapiéntia et méritis adjuvári. Per Dóminum.

Post Commemorationem
Feriae in Feria II Rogationum
et in Vigilia Ascensionis,
fit Com. S. Joannis I Papae
et Mart. :

Ant. Filiæ Jerúsalem, venite et videte Mártýres cum corónis, quibus coronávit eos Dóminus in die solemnitátis et lætítiæ, allelúja, allelúja.

✠. Pretiósá in conspéctu.

Oratio

GRegem tuum, Pastor ætérne, placátus inténde, et per beátum Joánnem Mártýrem tuum atque Summum Pontíficem, perpétua protectióne custódi; quem totius Ecclésiæ præstitísti esse pastórem. Per Dóminum.

Vesperæ a Capitulo de sequenti, Commemoratio præcedentis.

Die 28 Maji

S. Augustini

**Episcopi et Confessoris
Duplex** (m. t. v.) [84]

✠. Amávit eum Dóminus.

Ad Magnif. Ant. Sacerdos et Póntifex, * et virtutum ópifex, pastor bone in pópulo, ora pro nobis Dóminum, allelúja.

Oratio

Deus, qui Anglórum gentes, prædicatióne et miráculis beáti Augu-

stíni Confessóris tui atque Pontíficis, veræ fidei luce illustráre dignátus es : concéde; ut, ipso interveniénte, errántium corda ad veritátis tuæ rédeant unitátem, et nos in tua simus voluntáte concórdes. Per Dóminum.

Et fit Commem. præced. :

Ant. O Doctor óptime, Ecclésiæ sanctæ lumen, beáte Beda, divínæ legis amátor, deprecáre pro nobis Fílium Dei, allelúja.

✠. Justum dedúxit.

Oratio

Deus, qui Ecclésiám tuam beáti Bedæ Confessóris tui atque Doctóris eruditióné clarificas : concéde propítius fámulis tuis; ejus semper illustrári sapiéntia et méritis adjuvári. Per Dóminum.

In II Nocturno

Lectio iv

Augustínus, Romæ in Lateranénsi cœnóbio mónachus, a Gregório Magno cum sóciis mónachis fere quadragínta in Angliám missus est anno quingentésimo nonagésimo séptimo, ut gentes illas ad Christum convérteret. Erat eo tēpore rex Ethelbértus, in Cántio potentíssimus, qui, audíta advéntus Augustíni causa, eum cum só-

ciis Cantuáriam, sui regni metrópolim, invitávit; ibíque manéndi et Christum prædicándi facultátem eídem liberáliter concéssit. Quare sanctus vir prope Cantuáriam oratórium extrúxit, ubi ipse aliquámdiu consédit, atque apostólicam vivéndi ratióne cum suis æmulátus est.

✠. Inveni David servum meum, óleo sancto meo unxi eum : * Manus enim mea auxiliábitur ei, allelúja. ✠. Nihil proficiet inimicus in eo, et filius iniquitátis non nocébit ei. — Manus.

Lectio v

CÆléstis doctrínæ prædicatióne plúrimis firmáta miráculis, ac vitæ exémplo sic insulános illos demúlsit, ut eórum plerósque ad christiánam fidem perdúxerit, ac demum regem ipsum, quem cum innúmero suórum comitátu, sacro fonte lustrávit, summa cum lætítia Berthæ régiae uxóris, quæ christiána erat. Olim in Natáli Dómini, cum decem míllibus et ámplius baptísmum in álveo flúminis Eboráci contulísset, quotquot ex iis morbo álquo affécti erant, cum animæ salúte, córporis quoque sanitátem recepísse memóriæ próditum est. Jussu Gregórii ordi-

nátus epíscopus, Sedem Cantuáriæ instítuit in ecclésia Salvatóris a se erécta, in qua mónachos óperis sui subsidiários collocávit; et sancti Petri monastérium, quod póstea et a suo nómine dictum est, in suburbánis constrúxit. Idem Gregórius usum pállii cum facultáte ecclesiástica hierarchiæ in Anglia instituéndæ ei concéssit : quo novam étiam operariórum manum misit, nempe Mellítum, Justum, Paulinum et Rufiniánum.

✠. Pósuí adjutórium super poténtem, et exaltávi eléctum de plebe mea :

* Manus enim mea auxiliábitur ei, allelúja. ✠. Inveni David servum meum, óleo sancto meo unxi eum. — Manus.

Lectio vi

Dispósitis ejus ecclésiæ rebus, sýnodum hábuit Augustínus cum episcopis atque doctóribus vétèrum Britónum, qui in Paschæ celebratióne aliisque rítibus ab Ecclésia Romána jamdúdum dissidébant. Sed, cum eos neque apostólicæ Sedis auctoritáte neque miráculis movére posset, ut dissídio cessárent, prophético spíritu eis excídium prænuntiávit. Dénique máximis pro Christo exantlátis laboribus, miráculis clarus,

cum Mellitum Londinensi ecclésiæ præfecisset, Justum Roffensi, suæ Lauréntium, in cælum migrávit séptimo Kaléndas Júnias, Ethelbéro regnante, ac sepúltus est in monastério sancti Petri, quod exínde Cantuariensium antístitum et áliquot regum conditórium fuit. Ejus cultum fervénti stúdio prosecútæ sunt Anglórum gentes; ac Leo décimus tértius Póntifex máximus ejus Officium et Missam ad univérsam exténdit Ecclésiám.

✠. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum, allelúja. ✠. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplicitato

Lectio ix

AUGUSTÍNUS, Romæ in Lateranénsi coenóbio mónachus, a Gregório Magno cum sóciis mónachis fere quadraginta in Angliam missus est, anno quingentésimo nonagésimo séptimo. A rege Ethelbéro Cantuáriam, ejus regni metrópolim, invi-

tátus cum sóciis, prope eam oratórium extrúxit. Cæléstis doctrínæ prædicatione plerósque insulá-nos ac regem ipsum ad christiánam fidem perdúxit, summa cum lætítia Berthæ régiae uxóris, quæ christiána erat. Jussu Gregórii ordinátus episcopus, Sedem Cantuariensem instituit, et ab eódem Pontífice usum pállii cum facultáte hierarchiæ in Anglia instituendæ obtínuit. Máximis demum pro Christo exantlátis labóribus, cum Mellitum Londinensi ecclésiæ præfecisset, Justum Roffensi, suæ Lauréntium, in cælum migrávit séptimo Kaléndas Júnias, et sepúltus est in monastério sancti Petri, quod exínde Cantuariensium antístitum et áliquot regum conditórium fuit. Te Deum.

In III Nocturno Homilia in Ev. Designávit Dóminus, de Communi Evang. Tempore Paschali, cum Responsoriis de Communi Conf. Pont. ibi notatis. [31]

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, su-

pra multa te constítuam, dicit Dóminus, allelúja.

Oratio

DEus, qui Anglórum gentes, prædicatione et miraculis beáti Augustíni Confessóris tui atque Pontíficis, veræ fidei luce illustráre dignátus es : concéde; ut, ipso interveniente, errántium corda ad veritátis tuæ rédeant unitátem, et nos in tuá simus voluntáte concórdes. Per Dóminum.

IN II VESPERIS

✠. Justum dedúxit.

Ad Magnif. Ant. Amávit eum Dóminus, * et ornávit eum : stolam glóriæ induit eum, et ad portas paradísi coronávit eum, allelúja.

Et fit Commem. sequentis.

Die 29 Maji

S. Mariæ Magdalenæ de Pazzis **Virginis**

Semiduplex [129]

Ant. Veni, Sponsa Christi, áccipe corónam, quam tibi Dóminus præparávit in ætérnum, allelúja.

✠. Spécie tua et.

Oratio

DEus, virginitátis amátor, qui beátam Mariám Magdalénam Virgi-

nem, tuo amóre succén-sam, cæléstibus donis decorásti : da, ut, quam festíva celebritáte venerá-mur, puritáte et caritáte imitémur. Per Dóminum.

In II Nocturno

Lectio iv



Mariá Magdaléna, illustrióri Pazziórum génere Floréntiæ nata, fere ab incunábulis iter perfectiónis arrípuit. Decénnis perpétuam virginitátem vovit, susceptóque hábitu in monastério sanctæ Mariæ Angelórum, órdis Carmelitárum, se ómnium virtútum exémpplar exhibuit. Adeo casta fuit, ut quidquid puritátem lædere potest, pénitus ignoráverit. Quinquénnum, Deo jubén-te, solo pane et aqua transégit, excéptis diébus Domínicis, quibus cibis quadragesimálibus vescebátur. Corpus suum cilicio, flagéllis, frígore, iné-dia, vigíliis, nuditáte atque omni pœnárum gé-nere cruciábat.

✠. Propter veritátem, et mansuetúdinem, et justítiam : * Et dedúcet te mirábiliter dextera tua, allelúja. ✠. Spécie tua et pulchritúdine tua inténde, prospere procéde, et re-gna. — Et.

Lectio v

Tanto igne divini amoris æstuabat, ut, ei ferendo impar, ingesta aqua pectus refrigerare cogeretur. Extra sensus frequenter rapta, diuturnas et admirabiles éxtases passa est, in quibus et arcana cælestia penetravit, et eximiis a Deo gratiis illustrata fuit. His autem munita longum certamen a principibus tenebrarum sustinuit, árida, desolata, ab ómnibus derelicta, variisque tentationibus vexata; Deo sic permittente, ut invictæ patientiæ ac profundissimæ humilitatis exemplar præberet.

✠. Dilexisti justitiam, et odisti iniquitatem : * Propterea unxit te Deus, Deus tuus, óleo lætitiæ, allelúja. ✠. Propter veritatem, et mansuetudinem, et justitiam. — Propterea.

Lectio vi

Caritate erga proximum singulariter enituit; nam sæpe noctes ducebat insomnes, vel obeundis sororum ministériis, vel inserviéndo infirmis occupata, quarum aliquando úlcera lambens sanavit. Infidelium et peccatorum perditionem amare deflens, se ad quælibet pro illorum salute torménta

paratam offerébat. Multis ante óbitum annis, universis cæli delíciis, quibus copiose affluébat, heróica virtute renúntians, illud frequenter in ore habébat : Pati, non mori. Tandem longa et gravíssima infirmitate exháusta, transiit ad Sponsum die vigesima quinta Maji, anno millésimo sexcentésimo séptimo, expléto anno quadragésimo primo ætatis suæ. Eam, multis in vita et post mortem miraculis claram, Clemens novus sanctarum Virginum número adscripsit : cujus corpus in præsentem diem incorruptum conservatur.

✠. Afferéntur Regi virgines post eam, proximæ ejus * Afferéntur tibi in lætitia et exultatione, allelúja. ✠. Spécie tua et pulchritudine tua inténde, prospere procéde, et regna. — Afferéntur tibi. Glória Patri. Afferéntur.

Pro hoc Festo simplificato

Lectio ix

Maria Magdaléna, Florentiæ illustri Pazziórum genere nata, fere ab incunábulis iter perfectionis arrípuit. Decénnis perpétuam virginitatem vovit, susceptoque hábitu in monastério sororum Carmelitárum, se ómnium

virtutum exemplar præbuit. Adeo casta fuit, ut, quidquid puritatem lædere posset, penitus ignoraverit. Tanto igne divini amoris æstuabat, ut, ei ferendo impar, ingesta aqua pectus refrigerare cogeretur. Caritate erga proximum excelluit; nam sæpe noctes ducebat insomnes, vel obeundis sororum ministeriis, vel inserviendo infirmis occupata, quarum aliquando ulcera lambens sanavit. Illud frequenter in ore habebat: Pati, non mori. Tandem, diutino et gravi morbo exhausta, transivit ad Sponsum, anno millesimo sexcentesimo septimo, explēto ætatis suæ anno quadragésimo primo. Eam Clemens nonus sanctarum Virginum numero adscripsit.

Te Deum laudamus.

In III Hœcturno Homilia in Ev. Símile erit regnum cælórum decem virginibus, **de Comuni Virg. 1 loco. [141]**

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

℟. Diffusa est grátia.

Ad Bened. Ant. Símile est regnum cælórum * hómini negotiátóri quærenti bonas margaritas :

inventa una pretiosa, dedit omnia sua, et comparavit eam, allelúja.

Oratio

DEus, virginitatis amator, qui beatam Mariam Magdalénam Virginem, tuo amore succensam, cælestibus donis decorasti : da; ut, quam festiva celebritate veneramur, puritate et caritate imitemur. Per Dóminum.

IN II VESPERIS

℟. Diffusa est grátia.

Ad Magnif. Ant. Veni, Sponsa Christi, * áccipe corónam, quam tibi Dóminus præparavit in ætérnum, allelúja.

Et fit Commem. sequentis.

Die 30 Maji

S. Felicis I

Papæ et Martyris

Simplex [74]

Ant. Lux perpétua lucébit Sanctis tuis, Dómine, et ætérnitas téporum, allelúja. ℟. Sancti et justi.

Oratio

GRegem tuum, Pastor ætérne, placatus inténde : et per beatum Felicem Mártyrem tuum atque Summum Pontíficem, perpétua protectione custódi; quem totius Ecclesiæ præstitisti esse pastórem. Per Dóminum.

Lectio iii

Felix Románus, patre Constántio, Aureliáno imperatóre præfuit Ecclésiæ. Constituit ut Missa supra memórias et sepúl-cra Mártyrum celebrarétur. Qui, cum mense Decém-bri habuisset ordina-tiónes duas, et creáset presbýteros novem, diá-conos quinque, episcopos per diversa loca quinque; martýrio coronátus, via Aurélia sepelítur in basí-lica quam a se ædificátam dedicárat. Vixit in ponti-ficátu annos duos, menses quátuor, dies viginti no-vem.

Te Deum laudámus.

℣. Pretiósá in conspéctu.

Ad Bened. Ant. Fíliæ Jerúsalem, * veníte et vi-déte Mártyres cum co-rónis, quibus coronávit eos Dóminus in die solem-nitátis et lætítiæ, allelúja, allelúja.

Vesperæ de sequenti, Com-memoratio S. Petronillæ Virg.

Die 31 Maji

S. Angelæ Mericiæ

Virginis

Duplex [129]

℣. Spécie tua et.

Ad Magnif. Ant. Veni, Sponsa Christi, * áccipe corónam, quam tibi Dó-

minus præparávit in ætér-num, allelúja.

Oratio

Deus, qui novum per beátam Angelam sa-crárum Vírginum collé-gium in Ecclésia tua floré-scere voluisti : da nobis, ejus intercessióne, angé-lis móribus vívere; ut, terrénis ómnibus abdicá-tis, gáudiis pérfrui mereá-mur ætérnis. Per Dómi-num.

Et fit Commemoratio S. Pe-tronillæ Virg. :

Ant. Símile est regnum cælórum hómini negotia-tóri quærénti bonas mar-garítas : invénta una pre-tiósá, dedit ómnia sua, et comparávit eam, allelúja.

℣. Diffúsa est grátia.

Oratio

C 3

EXáudi nos, Deus, sa-lutáris noster : ut, sic-ut de beátæ Petronillæ Vírginis tuæ festivitáte gaudémus, ita piæ devo-tiónis erudiámur afféctu. Per Dóminum.

In II Nocturno

Lectio iv

Angela Merícia, De-centiáni, Veronén-sis diocécisis óppido ad lacum Benácum in di-cióne Véneta, piis orta paréntibus, a prima ætáte virginitátis lílium, quod perpétuo serváre statúe-

rat, sédula sepsit. Ab omni muliebri ornátu abhórrens, egrégiam vultus formam pulchrámque cæsáriem studiósè fœdávít, ut cælésti dumtáxat animárum Sponso placéret. In ipso autem adolescéntiæ flore paréntibus orbáta, austeriórís vitæ desidério in desértum locum aufúgere tentávít; sed, ab avúnculo prohibita, novit præstáre domi, quod in solitúdine non lícuit. Cilício ac flagéllis frequénter usa, carnem nónnisi infirma valetúdine, vinum in Nativitátis et Resurrectiόνis Domínicæ tantum celebritáte; complúres vero dies, nihil omníno degustávít. Oratióni dédita, brevíssimum humi carpébat somnum. Dæmonem vero sub lucéntis ángeli forma sibi illúdere conántem agnóvit prótinus, et conjécit in fugam. Tandem patérnis bonis abdicátis, et hábitum ac régulam tértii órdis sancti Francísci ampléxa, evangélicam paupertátem virginitátis laudi conjúnxit.

✠. Propter veritátem, et mansuetúdinem, et justítiam : * Et dedúcet te mirabíliter délixtera tua, allelúja. ✠. Spécie tua et pulchritúdine tua inténde, prospere procéde, et regna. — Et.

Lectio v

NULLUM pietátis officium erga próximos omítens, paupéribus, quidquid sibi ex mendicáto victu superésset, largiebátur; libénter ministrábat ægrótis, plúraque cum magna sanctitátis fama peragrávít loca, ut vel solátio esset afflíctis, vel reis véniam impetráret, vel infénsos invicem reconciliáret ánimos, vel evitiórum cœno sceléstos revocáret. Angelórum pane, quem únice esuriébat, frequentíssime refécta, tanta caritátis vi ferebátur in Deum, ut sápius extra sensus raperétur. Sacra Palæstínæ loca, summa cum religióne, obívit; quo in itínere et visum, quem ad Cydónias appúlso oras amiserat, eódem regréssa recuperávít, et barbarórum captivitátem ac naufrágium ímmittens divínitus evásit. Romam dénique, firmam Ecclésiæ petram veneratúra et amplíssimæ jubilæi véníæ percúpida, sedénte Cleménte séptimo, accésit; quam summus Póntifex allocútus, ejúsdem sanctimóniam suspéxit et commendávít summópere; nec ab Urbe ipsam abíre ante permísit, quam álio cælitus vocátam agnóvit.

℟. Dilexisti justitiam, et odisti iniquitatem : * Propterea unxit te Deus, Deus tuus, oleo lætitiæ, allelúja. ℣. Propter veritatem, et mansuetudinem, et justitiam. — Propterea.

Lectio vi

BRixiam itaque, ubi domum ad sanctæ Afræ templum conduxit, reversa, novam ibi virginum societatem, sicut cælesti voce ac visione mandatum sibi fuerat, sub certa disciplina sanctisque vivendi regulis constituit, quam sanctæ Ursulæ invictæ virginum ducis patrocínio ac nómine insignivit : eam vero perennem futuram morti próxima prædixit. Tandem prope septuagenaria, dives méritis evolavit in cælum sexto Kalendas Februarii anni millesimi quingentesimi et quadragésimi. Cujus cadáver per ipsos triginta dies inhumatum, flexibile ac vivo simillimum perseveravit. Demum in sanctæ Afræ templo inter ceteras, quibus illud abundat, Sanctorum reliquias reposito, plurima ad ejus sepulcrum agi statim cœpere miracula; quorum fama late diffusa, non Bríxiæ modo et Decentiáni, sed álibi étiam vulgo cœpit nuncupári beáta, ejús-

que imágo aris impóni : immo sanctus ipse Cárolus Borromæus non multis post annis dignam, quæ ab apostólica Sede in sanctarum Virginum album referrétur, Bríxiæ palam asséruit. Cultum vero illi jámdiu a pópulis exhibitum, et tum locórum Ordináriis probátum, tum plúribus étiam summórum Pontíficum indúltis munitum, Clemens Papa decimus tértius solémni decreto ratum hábuit ac confirmávit. Eam tandem, novis miraculis rite probátis insignem, Pius Papa séptimus, solémni canonizatione in Vaticána basilica perácta, die vigésima quarta Maji anno millésimo octingentesimo séptimo, sanctarum Virginum catálogo adscripsit.

℟. Afferéntur Regi virgines post eam, próximæ ejus * Afferéntur tibi in lætitia et exsultatione, allelúja. ℣. Spécie tua et pulchritudine tua inténde, prospere procéde, et regna. — Afferéntur. Glória Patri. Afferéntur.

Pro hoc Festo simplificato

Lectio ix

ANgela Merícia, piis orta paréntibus, a prima ætáte magna virtútum spécimina dedit, cilício ac

flagellis frequenter usa, et orationi indesinenter dedita. Paternis bonis abdicatis, ac regulam tertii ordinis sancti Francisci amplēxa, evangēlicam paupertatem virginitatis laudi conjunxit, nullūque pietatis officium erga próximos omisit. Sacra Eucharistia frequentissime refecta, tanta caritatis vi ferebatur in Deum, ut sāpius extra sensus raperetur. Brixiæ novam virginum societatem sub certa disciplina sanctisque vivendi regulis constituit, quam sanctæ Ursulæ patrocínio ac nōmine insignivit. Tandem prope septuagenaria evolavit in cælum, anno Dōmini millesimo quingentesimo quadragésimo, sexto Kalendas Februarii. Cultum illi jamdiu exhibitum Clemens Papa decimus tertius solēni decreto ratum habuit et confirmavit. Pius vero Papa septimus sanctarum Virginum catalogo eam adscripsit.

Te Deum laudamus.

In III Nocturno Homilia in Ev. Símile erit regnum cælorum decem virginibus, de Communi Virg. 1 loco. [141]

Feria II Rogationum et in Vigilia Ascensionis ix Lectio de Homilia Feriæ et fit ejus Commemoratio ad Laudes.

AD LAUDES

℟. Diffusa est grátia.

Ad Bened. Ant. Símile est regnum cælorum * hómini negotiatóri quærenti bonas margaritas : inventa una pretiosa, dedit omnia sua, et comparavit eam, allelúja.

Oratio

Deus, qui novum per beatam Angelam sacrarum Virginum collégium in Ecclesia tua florēscere voluisti : da nobis, ejus intercessiōe, angélicis móribus vivere; ut, terrénis omnibus abdicatis, gaudiis pérfrui mereámur ætérnis. Per Dóminum.

Pro Commemor. S. Petronillæ Virg. :

Ant. Veni, Sponsa Christi, áccipe corónam, quam tibi Dóminus præparavit in ætérnum, allelúja.

℟. Spécie tua et.

Oratio

C 3

Exáudi nos, Deus, salutaris noster : ut, sicut de beatæ Petronillæ Virginis tuæ festivitáte gaudémus; ita piæ devotiōnis erudiámur afféctu. Per Dóminum.

IN II VESPERIS

℟. Diffusa est grátia.

Ad Magnif. Ant. Veni, Sponsa Christi, * áccipe

corónam, quam tibi Dóminus præparávit in ætérnum, allelúja.

Oratio

DEus, qui novum per beatam Angelam sacrarum Virginum collégium in Ecclesia tua floréscere voluísti : da nobis, ejus intercessióne, angelicis móribus vívere; ut, terrénis ómnibus abdicáti, gáudiis pérfrui mereámur ætérnis. Per Dóminum.

FESTA JUNII

Die 2 Junii

Ss. Marcellini, Petri
atque Erasmi Ep., Mm.

Commemoratio

In I Vesp. Ant. Lux perpétua lucébit Sanctis tuis, Dómine, et ætérnitas témporum, allelúja.

✠. Sancti et justi.

Oratio

DEus, qui nos ánnua beatórum Mártyrum tuórum Marcellini, Petri atque Erásmi solemnitáte lætíficas : præsta, quæsumus; ut, quorum gaudémus méritis, accendámur exémplic. Per Dóminum.

Lectio iiii

Petrus exorcísta, Diocletiano imperatóre, Romæ a Seréno júdice propter christiánæ fidei confessionem missus in cárcerem, Paulínam Artémii, qui cárceri præerat, filiam a dæmone agitátam liberávit. Quo facto et párentes puéllæ cum tota familia, et vicínos qui ad rei novitátem concúrrent, Jesu Christo conciliátos ad Marcellinum presbýterum addúxit, a quo omnes baptizáti sunt. Quod ubi rescívit Serénus, Petrum et Marcellinum ad se vocátos aspérius objúrgat, et ad verbórum acerbitátem minas ac terróres adjúngit, nisi Christo renúntient. Cui cum Marcellinus christiána libertáte respondéret, pugnis contúsum, et a Petro sejunctum, nudum inclúdit in cárcerem stratum vitri fragméntis, sine cibo ac sine lúmine. Petrum item constríngi ímpérat arctísimis vínculis. Sed cum utrúque ex torméntis fides et ánimus crésceret, constánti confessione, et abscisso cápite, illústre testimonium Jesu Christo dedérunt. Erásmus epíscopus, imperatóribus Diocletiano et Maximiano, in Campánia plumbátis et

fústibus cæsus, resína quoque, súlphure, plumbo liquéfácto, et fervénti pice, cera, oleóque perfúsus, inde tamen ínteger et inviolátus evásit. Quo miráculo multi se ad Christi fidem convertérunt. Verum is, íterum detrúsus in cárcerem, constrictus férreis gravissimisque vinctulis, inde ab Angelo mirábiliter eréptus est. Deinde Fórmis a Maximiano váriis afféctus supplíciis, tunicáque área candénti indútus, illa étiam torménta divína virtúte superávit. Dénique, plúrimis et in fide confirmátis, et ad fidem convérsis, insígnem martýrii palmam adéptus est.

Te Deum laudámus.

Ad Laudes Ant. Fíliæ Jerúsalem, veníte et vidéte Mártýres cum coronis, quibus coronávit eos Dóminus in die solemnitátis et lætítiæ, allelúja, allelúja.

✠. Pretiósa in conspéctu.

Die 4 Junii

S. Francisci Caracciolo

Confessoris

Duplex [111]

✠. Amávit eum Dóminus.

Ad Magnif. Ant. Similábo eum * viro sapiénti,

qui ædificávit domum suam supra petram, allelúja.

Oratio

DEus, qui beátum Franciscum, novi órdis institutórem, orándi stúdio et pœniténtiæ amóre decorásti : da fámulis tuis in ejus imitatione ita proficere; ut semper orántes et corpus in servitútem redigéntes, ad cæléstem glóriam pervenire mereántur. Per Dóminum.

In II Nocturno

Lectio iv



Ranciscus, dictus ántea Ascánus, ex nóbili famíliá Caracciolo in óppido sanctæ Mariæ de Villa in Aprútio ortus, a primis annis exímio enítuit pietátis cultu. Adoléscens gráviter ægrótans stáuit sese prorsus Dei proximíque mancipáre servítio. Neápolim proféctus, sacerdotio initiátus sacróque adscriptus sodalítio, contemplatióni lucrandisque animábus se totum devóvit, ac extrémó supplício damnátis hortatórem se præbuit assíduum. Cántigit autem, ut epistólium álteri destinátum ei per errórem redderétur, quo a piíssimis viris Joánnē Augustíno Adórno et Fabrício Ca-

racciolo ad novi religiōsi institūti fundatiōnem vocabātur. Rei novitate captus et divīnæ voluntātis demirātus consilia, ālacri animo sese illis adjūnxit. Cōditis autem in Camaldulēnsium erēmo, quo secesserant, novi ordinis légibus, inde Romam simul profēcti, confirmatiōnem a Xysto quinto impetrārunt, qui eōsdem clēricos regulāres Minōres appellāri vóluit, áddito ad tria consuēta áltero de non ambiēdis dignitatibus voto.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritatem ætérnam, allelúja. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

Solémni emissa professione, ob singulārem ejus in divum Franciscum Assisinātem cultum, Francisci nomen assumpsit. Adórno biénio post vita functo, ipse toti religiōni, quamquam invítus, præfícitur; quo in múnere virtutum ómnium præclára præbuit exéempla. Institūti amplificādi studio-síssimus, id assíduis oratiōnibus, lácrimis, et jugi

cóporis maceratiōne enixe a Deo postulábat. Quam ob rem tértio in Hispāniam se cōtulit, peregríni hábitu indútus, victúm-que ostiátim mendicans. In itínere aspérrima quæque perpéssus, Omnipoténtis auxiliū mirum in modum expértus, navim quam conscēderat, ab imminénti naufrágio oratiōnis præsidio servávit incólumem. Ut in regnis illis voti compos fieret, plúrimum laborávit; sed, ejus sanctitátis fama præ-lucēte, amplissimáque catholicórum regum Philíppi secúndi et Philíppi tértii munificéntia, adversariórum conátibus singulári ánimi fortitúdine superátis, plura sui ordinis domicília fundávit : quod pari événtu per Itáliam præstitit.

✠. Amávit eum Dóminus, et ornávit eum : stolam glóriæ induit eum,

* Et ad portas paradísi coronávit eum, allelúja.

✠. Induit eum Dóminus lorícam fidei, et ornávit eum. — Et.

Lectio vi

Humilitate ádeo excélluit, ut Romam véniens, in páuperum hospítio recéptus, se lepróso sociáverit, et ecclesiásticas dignitates a Paulo

quinto sibi oblátas constantissime recusáverit. Illibátam perpétuo servávit virginitátem, effrontésque mulieres, ejus castimóniæ insidiántes, Christo lucrifécit. Erga divínissimum Eucharistiæ mysterium ardénti æstuans amóre, noctes pene íntegras in ejus adoratióne insómnes ducébat : quod pium exercítium, véluti sui órdis tesseram, in eo perpétuo servándum constituit. Deíparæ Vírginis cultum impénse fovit. In próximum exímia exársit caritaté. Prophetiæ dono et córdium scrutatióne ditátus fuit. Quadragésimum quartum ætátis suæ annum agens, dum in sacra Lauretána æde in oratióne persisteret, sibi vitæ finem imminére cognóvit. Aprútium statim defléxit, et in óppido Agnóni apud álumnos sancti Philíppi Nérii letháli febre corréptus, sacraméntis Ecclesiæ devotissime susceptis, pridie Nonas Júnii anni millésimi sexcentésimi octávi, in pervigílio festi Córporis Christi, placidissime obdormívit in Dómino. Sacrum ejus corpus, Neápolim delátum, in ecclesiá sanctæ Mariæ Majóris, ubi prima sui órdis jecerat fundaménta, honorífice

cónditum fuit. Eum póstea, miráculis clarum, Clemens decimusquártus Póntifex máximus solémni ritu inter Beátos; Pius vero séptimus Póntifex máximus, novis fulgéntem signis, anno millésimo octingentésimo séptimo, Sanctórum albo adscrípsit.

℟. Iste homo perfécit ómnia quæ locútus est ei Deus, et dixit ad eum : Ingredere in réquiem meam :

* Quia te vidi justum coram me ex ómnibus géntibus, allelúja. ℣. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato Lectio ix

FRANCISCUS, dictus ántea Ascánus, ex nóbili família Caracciolo in óppido sanctæ Mariæ de Villa in Aprútio ortus est. Adoléscens gráviter ægrótans státuit sese prorsus Dei proximíque mancipáre servítio. Neápolim profectus et sacerdotio initiátus, contemplatióni lucrandisque animábus se totum devóvit, ac extrémó supplicio damnrátis hortatórem se præbuit assíduum. Joánni Augustíno Adórno et Fabrício Carác-

ciolo, mira Dei dispositiōe, adjūctus, Clericorum regularium Minorum ordinem instituit, addito ad tria consueta altero de non ambiendis dignitatibus voto; quem, post obitum Adorni, sanctissime rexit, et summo studio per Hispaniam et Italiam propagavit. Erga sanctissimae Eucharistiae sacramentum tanto aestuabat affectu, ut noctes pene integras in ejus adoratione impenderet: quod pium exercitium, veluti sui ordinis tesseram, perpetuo in eo servandum constituit. Tandem prophetiae dono et cordium scrutatione ditatus, quadagesimum quartum annum agens, in oppido Agnoli in Aprutio lethali febre correptus, in Domino obdormivit pridie Nonas Junii, anno millesimo sexcentesimo octavo. Sacrum ejus corpus, Neapolim delatum, in ecclesia sui ordinis conditum est.

Te Deum laudamus.

In III Nocturno Homilia in Ev. Sint lumbi, de Communi Conf. non Pont. 1 loco. [116]

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis,

supra multa te constitutam, intra in gaudium Domini tui, alleluya.

Oratio

DEus, qui beatum Franciscum, novi ordinis institutorem, orandi studio et poenitentiae amore decorasti: da famulis tuis in ejus imitatione ita proficere; ut, semper orantes et corpus in servitutem redigentes, ad caelestem gloriam pervenire mereantur. Per Dominum.

Vesperae a Capitulo de sequenti, Commemoratio praecedentis.

Die 5 Junii

S. Bonifatii

Episcopi et Martyris

Duplex [74]

℣. Sancti et justi.

Ad Magnif. Ant. Lux perpetua * lucebit Sanctis tuis, Domine, et aeternitas temporum, alleluya.

Oratio

DEus, qui multitudinem populorum, beati Bonifatii Martyris tui atque Pontificis zelo, ad agnitionem tui nominis vocare dignatus es: concede propitius; ut, cujus sollemnia colimus, etiam patrocinia sentiamus. Per Dominum.

Et fit Commemoratio præcedentis :

Ant. Hic vir, despiciens mundum et terræna, triumphans, divitias cælo cōdidit ore, manu, allelúja.

℟. Justum dedúxit.

Oratio Deus, qui beatum, *ut supra.* 1024

In II Nocturno

Lectio iv



Onifátius, ántea Winfríduſ appellátus, apud Anglos natus est exeúnte ſæculo ſéptimo, et ab ipsa infántia mundum averſátus, vitam monáſticam in votis hábuit. Cum ejus pater ánimuſ ſæculi illécebris permutáre frustra tentáſſet, monaſtéríuſ ingréditur, et ſub beátí Wolphárdi diſciplína ómnium virtútum ac ſcientiárum gēnere imbúitur. Annuſ agens trigéſimuſ ſacerdótio inſignítur, ac verbi divíni prædicátor aſſiduus, magno animárum lucro hoc in múnere verſátur. Attamen, regnuſ Chriſti adaugére deſiderans, contínuo flebat ingéntem multitudínem barbarórum, qui ignorántiæ ténebris immérſi dæmoni famulabántur. Qui quidem animárum zelus cum in dies inexſtinguíbili ardóre accréſceret, divíno

númine per lácrimas et oratiónes exploráto, facultátem a monaſtéríi præpoſito obtínuit ad Germánicas oras proficiſcéndi.

℟. Lux perpétua lucébit Sanctis tuis, Dómine, * Et ætérnitas téporum, allelúja, allelúja. ℟. Lætítia ſempitérna erit ſuper cápita eórum : gáudíuſ et exultatióneſ obtinébunt. — Et.

Lectio v

EX Anglia duóbus cum sóciis navem ſolvens, Doreſtádíuſ in Fríſiæ ópíduſ venit. Cum autem belluſ gravíſſimuſ inter Fríſonum regem Radbóduſ et Cároluſ Martélíuſ exarſiſſet, ſine fructu Evangélíuſ prædicávit. Quaprópter in Angliam revérſuſ, ad ſuū redívit monaſtéríuſ, cui invítuſ præfícitur. Poſt elápuſ biénniuſ, ex conſenſu epíſcopi Vintoniēſis, munuſ abdicávit, et Romam proféctuſ eſt, ut apoſtólica auctoritáte ad Gentíliuſ converſiónem delegarétur. Cum ad Urbem perveniſſet, a Gregório ſecúndo benígne excípitur, pro Winfrído Bonifátíuſ a Pontífice nominátur. In Germániam dírectuſ, Thuringiæ Saxoniæque pópuliſ Chriſtuſ annuntiávit. Cum intérea

Radbódus, Frisiæ rex ac infestissimus christiáni nóminis hostis, occubuisset, Bonifátius ad Frisones rédiit, ubi sancti Willibrórdi sócius per triénnum tanto cum fructu Evangélium prædicávit, ut, destrúctis idolórum simulácris, innúmeræ vero Deo ecclésiæ excitaréntur.

✠. In servis suis, allelúja, * Consolábitur Deus, allelúja. ✠. Judicábit Dóminus pópulum suum, et in servis suis. — Consolábitur.

Lectio vi

A Sancto Willibrórdo ad episcopále munus expetítus, illud detrectávit ut prómptius infidélium salúti instáret. In Germániam proféctus, plura Hassórum míllia a dæmonis superstitióne avocávit. A Gregório Pontífice Romam evocátus, post insígnem fidei professiõem episcopus consecrátur. Exínde ad Germános redux, Hás-siam et Thuringiam ab idololatriæ reliquiis pénitus expurgávit. Tanta propter mérita Bonifátius a Gregório tértio ad dignitátem archiepiscopálem evéhitur, et tértio Romam proféctus a summo Pontífice Sedis apostólicæ legátus constitúitur. Qua insignítus auctoritaté quá-

tuor episcopátus instituit, et várias sýnodos celebrávit, inter quas concílium Leptinénse memorábile est, apud Belgas in Cameracénsi diocési celebrátum, quo quidem témpore ad fidem in Bélgio adaugéndam egrégie cóntulit. A Zacharía Papa creátus Moguntínus archiepiscopus, ipso Pontífice jubén-te, Pipínus in regem Francórum unxit. Post mortem sancti Willibrórdi Ultrajecténsem ecclésiám gubernándam suscepit, primo per Eóbanum, deínde per seípsum, dum ab ecclésia Moguntína absolútus Ultrajecti resédit. Frisónibus ad idololatriám relápsis, Evangélium prædicáre rursus aggréditur, cumque officio pastoráli occuparétur, a bárbaris et impiis homínibus juxta Bornam flúvium cum Eóbano coëpiscopo multisque áliis cruénta cæde peremptus martýrii palma condecorátur. Corpus sancti Bonifátii Mogúntiam translátum, et, ut ipse vivens petíerat, in Fuldénsi monastério, quod exstrúxerat, recónditum fuit, ubi multis miráculis incláruit. Pius autem nonus, Póntifex máximus, ejus Offícium et Missam ad univérsam Ecclésiám exténdit.

✠. Fíliæ Jerúsalem, veníte et vidéte Mártýres cum corónis, quibus coronávit eos Dóminus * In die solemnitátis et lætítiae, allelúja. ✠. Quóniam confortávit seras portárum tuárum, benedixit filios tuos in te. — In. Glória Patri. In.

Pro hoc Festo simplificato

Lectio ix

Bonifátius, ántea Winfríduſ appellátus, apud Anglos natus est exeúnte ſæculo ſéptimo. Monastérium ingréſſus et ſacerdotio auctus, magno animárum lucro in prædicatóris múnere est verſátus. Zelo augéndæ fidei accénſus, apud Fríſones Evangélium prædicávit. In Angliam revérſus, cum per biénium monastério ſanctiſſime præfuíſſet, ſuperiórís múnere abdicáto, Romam ſe cóntulit, ubi a Gregório ſecúndo Bonifátii nomen accépit, et in Germániam miſſus, Thuringiæ Saxoniæque pópulis Chriſtum annuntiávit. Ad Fríſones revérſus, cum ſancto Willibrórdo, magno fructu Evangélium prædicávit. Mox Romam accerſítus, episcopáli dignitaté inſignítur, et in Germániam íterum proféctus, Háſſiam et Thurín-

giam ab idololatriæ reliquiis pénitus expurgávit. Sedis apoſtolicæ legátus creátus et Moguntínus archiepíſcopus, plures eréxit et, per ſe vel per diſcipulos, adminiſtrávit eccléſias. Fríſonibus demum ad idololatriam relápsis Evangélium prædicáre rursus aggréſſus, cum Eóbano coépíſcopo mltisque áliis, juxta Bornam flúvium cruénta cæde perémpťus, martýrii palmam accépit. Ejus corpus in Fuldénsi monastério cónditum est. Te Deum.

In III Nocturno

Léctio ſancti Evangélii ſecúndum Matthæum

Lectio vii Cap. 5, 1-12

IN illo témpore : Videns Jeſus turbas, ascéndit in montem, et cum ſediſſet, accerſerunt ad eum diſcipuli ejus. Et réliqua.

Homília ſancti Auguſtíni Epíſcopi

Liber 1 de Sermone Domini in monte, cap. 2



Eáti mundo corde; quóniam ipſi Deum vidébunt. Quam ergo ſtulti ſunt, qui Deum iſtis exterióribus óculis quærunt, cum corde videátur, ſicut álibi ſcriptum eſt : Et in ſimplicitate cordis quærite illum.

Hoc est enim mundum cor, quod est simplex cor. Et quemádmódum lumen hoc vidéri non potest, nisi óculis mundis : ita nec Deus vidétur, nisi mundum sit illud, quo vidéri potest. Beáti pacífici; quóniam ipsi filii Dei vocabúntur. In pace perféctio est, ubi nihil repúgnat; et ideo filii Dei pacífici, quóniam nihil in his resístit Deo, et útique filii similitúdinem patris habére debent.

✠. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ✠. Sicut diléxit me Pater, et ego diléxi vos. — Qui.

Lectio viii

PAcífici autem in semetípsis sunt, qui omnes ánimi sui motus componéntes, et subjiciéntes ratióni, id est menti et spirítui, carnalésque concupiscéntias habéntes edómitas, fiunt regnum Dei. In quo ita sunt ordináta ómnia, ut id quod est in hómine præcípuum et excéllens, hoc ímperet, céteris non reluctántibus, quæ sunt nobis bestiisque commúnia; atque idípsum quod excéllit in hómine, id est mens et rátió, subjiciátur potióri, quod est

ipsa véritas, unigénitus Filius Dei. Neque enim imperáre inferióribus potest, nisi superiori se ipse subjíciat. Et hæc est pax, quæ datur in terra homínibus bonæ voluntátis; hæc vita consummáti perfectíque sapiéntis.

✠. Cándidi facti sunt Nazaræi ejus, allelúja : splendórem Deo dedérunt, allelúja : * Et sicut lac coaguláti sunt, allelúja, allelúja. ✠. Candidióres nive, nitidióres lacte, rubicundióres ébore antíquo, sapphíro pulchrióres. — Et. Glória Patri. Et.

Lectio ix

DE hujúsmodi regno pacatíssimo et ordinatíssimo missus est foras princeps hujus sáculi, qui pervérsis inordinatísque dominátur. Hac pace intrínsecus constitúta atque firmáta, quascúmque persecutiónes ille, qui foras missus est, forínsecus concitáverit, auget glóriam, quæ secúndum Deum est; non áliquid in illo ædificio labefáctans, sed deficiéntibus máchinis suis innotéscere fáciens, quanta firmitas intus exstrúcta sit. Ideo séquitur : Beáti, qui persecutiónem patiúntur propter justítiam; quóniam ipsórum est regnum cælórum. Te Deum.

AD LAUDES

℟. Pretiōsa in conspēctu.

Ad Bened. Ant. Fīliæ Jerúsalem, * veníte et vidéte Mártýres cum coronis, quibus coronávit eos Dóminus in die solemnitátis et lætitiæ, allelúja, allelúja.

Oratio

Deus, qui multitudinem populórum, beáti Bonifátii Mártýris tui atque Pontíficis zelo, ad agnitiónem tui nóminis vocáre dignátus es : concéde propítius; ut, cujus solémnia cólimus, étiam patrocínia sentiámus. Per Dóminum.

Vesperæ a Capitulo de sequenti, Commemoratio præcedentis.

Die 6 Junii
S. Norberti

Episcopi et Confessoris
Duplex [84]

℟. Amávit eum Dóminus.

Ad Magnif. Ant. Sacérdos et Póntifex, * et virtútum ópifex, pastor bone in pópulo, ora pro nobis Dóminum, allelúja.

Oratio

Deus, qui beátum Norbertum, Confessórem tuum atque Pontíficem,

verbi tui præcónem exímium effecísti, et per eum Ecclésiám tuam nova prole fœcundásti : præsta, quæsumus; ut, ejúsdem suffragántibus méritis, quod ore simul et ópere dócuit, te adjuvánte exercére valeámus. Per Dóminum.

Et fit Commem. præcedentis :

Ant. Sancti et justí, in Dómino gaudéte, allelúja : vos elégit Deus in hereditátém sibi, allelúja.

℟. Pretiōsa in conspēctu.

Oratio Deus, qui multitudinem, *ut supra.*

In II Nocturno

Lectio iv



Norbértus, nobilíssimis paréntibus natus, adolésceus liberálibus disciplínis eruditus, in ipsa póstea imperatóris aula, spretis mundi illécebris, ecclesiásticæ militiæ adscríbi vóluit. Sacris initiátus, rejéctis mólilibus ac spléndidis véstibus, pellicea melóte indútus, prædicatióni verbi Dei se totum dedit. Abdicátis ecclesiásticis provéntibus satis amplis, et património in páuperes erogáto, semel in die sub vésperam solo cibo quadagesimáli utens, nudisque pédibus et lácera ve-

ste sub brumáli rigóre incédens, miræ austeritátis vitam est aggréssus. Potens igitur ópere et sermóne, innúmeros hæreticos ad fidem, peccatóres ad pœniténtiam, dissidéntes ad pacem et concórdiam revocávit.

℟. Invéni David servum meum, óleo sancto meo unxi eum : * Manus enim mea auxiliábitur ei, allelúja. ℣. Nihil proficiet inimícus in eo, et fílius iniquitátis non nocébit ei. — Manus.

Lectio v

CUM Laudúni esset, ab epíscopo rogátus ne a sua diocési discéderet, désertum in ea locum, qui Præmonstrátus dicebátur, sibi delégit; ibíque, trédécim sóciis aggregátis, Præmonstraténsem órđinem instituit, divínitus accépta per visum régula a sancto Augustíno. Cum vero ejus fama sanctitátis in dies magis augerétur, ac plúrimi ad eum quotidie discípli convenírent, idem ordo ab Honório secúndo aliisque summis Pontíficibus confirmátus, ac plúribus ab eo monastériis ædificátis, mirífice propagátus est.

℟. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei, allelúja. ℣. Invéni David servum meum, óleo sancto meo unxi eum. — Manus.

Lectio vi

ANTVÉRPÍAM accersítus, in ea urbe Tanchelíni nefáriam hæresim profligávit. Prophético spírítu et miráculis cláruit. Archiepíscopus tandem (licet relúctans) Magdeburgén-sis créatus, ecclesiásticam disciplínam, præsertim cœlibátum, constánter propugnávit. Rhemis in concílio Innocéntium secúndum egrégie adjúvit, et Romam cum áliis epíscopis proféctus, schisma Petri Leónis compréssit. Postrémo vir Dei, méritis et Spírítu Sancto plenus, Magdebúrgi obdormívit in Dómino, anno salutis millésimo centésimo trigésimo quarto, die sexta Júnii.

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum, allelúja. ℣. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplificato

Lectio ix

NOrbértus, nobilíssimis paréntibus natus, adoléscent liberálibus disciplínis eruditus, in ipsa póstea imperatóris aula, spretis mundi illécebris, ecclesiásticæ militíæ adscríbi vóluit. Sacris iniatiátus, prædicatióni verbi Dei se totum dedit. Innúmeros hæréticos ad fidem, peccatóres ad pœniténtiam, dissidentes ad pacem et concórdiam revocávit. Desértum locum, qui Præmonstrátus dicebátur, in Laudunénsi diocési sibi delégit; ibíque, trédecim sóciis aggregátis, Præmonstraténsem órduem instituit, qui mirífice propagátus est. Archiepíscopus Magdeburgénsis, licet relúctans, creatus, ecclesiásticam disciplínam, coelibátum præsertim, constánter propugnávit. Rhemis in concílio Innocéntium secúndum egrégie adjúvit, et Romam cum áliis epíscopis proféctus, schisma Petri Leónis compréssit. Magdebúrgi obdormívit in Dómino, anno salutis milésimo centésimo trigésimo quarto, die sexta Júnii. Te Deum laudámus.

In III Nocturno Homilia in Ev. Homo pègre, de Comuni Conf. Pont. 1 loco. [96]

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitúam, dicit Dóminus, allelúja.

Oratio

DEus, qui beátum Norbértum, Confessórem tuum atque Pontíficem, verbi tui præcónem exímium effecísti, et per eum Ecclesiám tuam nova prole fœcundásti : præsta, quæsumus; ut, ejúsdem suffragántibus méritis, quod ore simul et ópere dócuit, te adjuvánte exercére valeámus. Per Dóminum.

IN II VESPERIS

℣. Justum dedúxit.

Ad Magnif. Ant. Amávit eum Dóminus, * et ornávit eum : stolam glóriæ induit eum, et ad portas paradísi coronávit eum, allelúja.

Die 9 Junii

Ss. Primi et Feliciani

Martyrum

Commemoratio

In I Vesp. Ant. Lux perpétua lucébit Sanctis tuis,

Dómine, et ætérnitas témporum, allelúja.

✠. Sancti et justi.

Oratio

FAC nos, quæsumus, Dómine, sanctórum Mártyrum tuórum Primi et Feliciáni semper festa sectári : quorum suffrágiis protectiónis tuæ dona sentiámus. Per Dóminum.

Lectio iii

Primus et Feliciánus fratres, in persecutióne Diocletiáni et Maximiani accusáti christiánæ religiónis, in víncula conjiciúntur; quibus solúti, inde eripiúntur ab Angelo. Mox ad prætorem addúcti, cum christiánam fidem acérrime tueréntur, alter ab áltero distrácti sunt; ac primum várie tentáta est constántia Feliciáni. Sed, cum suasóres impietátis se posse quidquam verbis profícere desperárent, affixis stípití mánibus ejus et pédibus, ipsum sine cibo et potu inde trídium pendéntem reliquérunt. Postrídie ejus diéi, prætor vocátum ad se Primum sic affátur : Vides quanto sit prudéntior, quam tu, frater tuus, qui, obsecútus imperatóribus, apud ipsos est honorátus? Quem si tu quoque imitári volúeris, párticeps

eris ejus honóris et grátiae. Cui Primus : Quid factum sit fratri meo, cognóvi ex Angelo. Utinam, quemádmódum sum cum eo voluntáte conjunctíssimus, sic ab eódem ne mártýrio disjúngar. Quo dicto excánduit prætor, et ad céteros cruciátus, quibus Primum affécit, præsente jam Feliciáno, liquátum igne plumbum in os ejus jussit infúndi. Mox utrúmque perdúci imperat in theátrum, in eósque immítti duos leónes; qui, prostráti ad eórum génua, cápite et cauda ipsis blandiebántur. Ad id spectáculum cum ámplius duódecim millia hóminum conveníssent, quingénti cum suis famíliis christiánam religiónem suscepérunt. Quibus rebus permótus prætor, eos secúri pércuti jussit.

Te Deum laudámus.

Ad Laudes Ant. Fíliæ Jerúsalem, veníte et vidéte Mártyres cum corónis, quibus coronávit eos Dóminus in die solemnitátis et lætítiæ, allelúja, allelúja.

✠. Pretiósá in conspéctu.

Vesperæ de sequenti.

Die 10 Junii
S. Margaritæ
Reginæ, Viduæ
Semiduplex [149]

℟. Spécie tua et.


Ad Magnif. Ant. Símile est regnum cælórum * hómini negotiátóri quærénti bonas margarítas : invénta una pretiósa, dedit ómnia sua, et comparávit eam, allelúja.

Oratio

DEus, qui beátam Margarítam regínam exímia in páuperes caritaté mirábilem effecísti : da; ut ejus intercessióne et exémplo, tua in córdibus nostris caritas júgiter augeátur. Per Dóminum.

In II Nocturno

Lectio iv

 Argaríta, Scotórum regína, patérno Angliæ regum, matérno Cæsarum sánguine claríssima, illústrior adhuc fuit cristiána virtúte. Hæc in Hungária nata, ubi pater tunc témporis exsulábat, post exáctam summa cum pietáte puérilem ætátem, una cum genitóre, qui a sancto Eduárdo pátruo, Anglórum rege, ad patérni regni fastígium vocabátur, in Angliam venit. Mox, al-

ternánte paréntum fortúna, ex Angliæ líttore solvens, vi tempestátis expúlso, seu vérius divínæ providéntiæ consílio dedúcta est in oram marítimam Scótiæ. Ibi cum ex matris império Malchólmo tértio Scotórum regi, egrégiis ejus dótibus capto; nupsisset, sanctimóniæ ac pietátis opéribus, triginta quibus regnávit annis, toti regno mirífice prófuit.

℟. Propter veritátem, et mansuetúdinem, et justítiam : * Et dedúcet te mirábíliter délixtera tua, allelúja. ℟. Spécie tua et pulchritúdine tua inténde, próspere procéde, et regna. — Et.

Lectio v

INter regáles delicias corpus afflictatió nibus ac vigíliis mácerans, magnam noctis partem piis precatió nibus extrahébat. Præter ália jejúnia, quæ idéntidem usurpábat, íntegros quadraginta dies ante natalítia festa tanta cum severitáte jejunáre consuévít, ut ne in gravíssimis quidem dolóribus intermiserit. Divíno cultui addictíssima, templa plúrima et cœnóbia partim ex íntegro excitávit, partim resarcívit, et sacra supelléctili ac largo censu ditávit. Regem cónjugem

ad meliorem frugem et ad similia suis exercitationibus opera saluberrimo exemplo traduxit, liberosque omnes tam sancte et feliciter educavit, ut eorum plerique, quemadmodum et Agatha mater, et Christina soror, sanctissimum vitæ genus amplexi sint. Universi demum regni felicitati consulens, a vitiis omnibus, quæ furtim irrepserant, populos expurgavit, eisque mores christiana pietate dignos restituit.

✠. Dilexisti justitiam, et odisti iniquitatem : * Propterea unxit te Deus, Deus tuus, oleo lætitiæ, allelûja. ✠. Propter veritatem, et mansuetudinem, et justitiam. — Propterea.

Lectio vi

Nihil tamen æque in illa mirabile fuit ac flagrantissima caritas erga proximos, præsertim egenos, quorum numerosis grægibus non modo stipem affatim suppeditare, verum etiam trecenis quotidie materna benignitate dapes præbere, flexis genibus in morem ancillæ ministrare, regiis manibus pedes ablûere, et pressis etiam osculis ulcera fovere, solèmnè habuit. His porro aliisque piis sumptibus non régias tantum

vestes et pretiosa monilia distraxit, sed ipsum non semel exhausit ærarium. Toleratis demum ad patientiæ miraculum acerbissimis doloribus, animam semestri corporis ægrotatione purgatam Auctori suo, sexto decimo Kalendas Decembris, reddidit. Quo temporis momento facies ejus, diuturni morbi macie ac pallore foedata, insólita quadam venustate refloruit. Miris etiam post mortem prodigiis clara, et Clementis decimi auctoritate in Scotiæ patrónam accepta, ubique terrarum religiosissime colitur.

✠. Fallax gratia, et vana est pulchritudo : * Múlier timens Deum, ipsa laudabitur, allelûja. ✠. Date ei de fructu manuum suarum, et laudent eam in portis opera ejus. — Múlier. Glória Patri. Múlier.

Pro hoc Festo simplificato

Lectio ix

Margarita, ex régia Anglorum stirpe in Hungária nata, post exactam summa cum pietate pueritiam, una cum genitore, qui a sancto Eduardo patrui, Anglorum rege, ad paterni regni fastigium vocabatur, in Angliam, dein in Scotiam venit. Ibi,

cum ex matris império Scotórum regi Malchólmo tértio nupsisset, sanctimóniæ et pietátis opéribus annis trigínta toti regno prófuit. Máxima erat in ea vitæ austéritas et flagrantíssimum erga próximos caritátis stúdiu, præsertim in egénos; pro quibus aléndis non semel exháusit æráriu. Demum acérbis dolóribus et diutúrno morbo patientíssime tolerátis, ánimam Deo réddidit sexto décimo Kaléndas Decémbris. Quo témporis moménto fácies ejus, mácie ac pallóre fœdáta, insólita quadam venustáte reflóruit. Cleméntis décimi auctoritáte in Scótiæ patrónam accépta, ubique terrárum religiosíssime cólitur.

Te Deum laudámus.

In III Nocturno Homilia in Ev. Símile est regnum cælórum, **de Communi non Virg.** [154]

AD LAUDES

℣. Diffúsa est grátia.

Ad Magnif. Ant. Date ei * de fructu mánuum suárum, et laudent eam in portis ópera ejus, allelúja.

Oratio

Deus, qui beátam Margarítam regínam exímia in páuperes caritáte

mirábilem effecísti : da; ut ejus intercessióne et exémplo, tua in córdibus nostris cáritas júgiteraugeátur. Per Dóminum.

Vesperæ de sequenti, Commemoratio præcedentis.

Die 11 Junii

S. Barnabæ Apostoli

Duplex majus

Omnia de Communi Apostolorum Tempore Paschali [4], præter Orationem et Lectiōnes, ut infra.

℣. Sancti et justi.

Ad Magnif. Ant. Lux perpétua * lucébit Sanctis tuis, Dómine, et ætérnitas témporum, allelúja.

Oratio

Deus, qui nos beáti Barnabæ Apóstoli tui méritis et intercessióne lætíficas : concéde propítius; ut, qui tua per eum beneficia póscimus, dono tuæ grátia consequámur. Per Dóminum.

Et fit Commemoratio præcedentis :

Ant. Manum suam apéruit ínopi, et palmas suas exténdit ad páuperem, et panem otíosa non comédit, allelúja.

℣. Diffúsa est grátia.

Oratio Deus qui beátam, **ut supra.**

In I Nocturno
De Actibus Apostolorum

Lectio i Cap. 13, 43-52

EUM dimissa esset synagoga, secuti sunt multi Judæorum et colentium advenarum, Paulum et Barnabam; qui loquentes suadebant eis ut permanerent in grátia Dei. Sequenti vero sabbato pene universa civitas convénit audire verbum Dei. Videntes autem turbas Judæi, repléti sunt zelo et contradicebant his, quæ a Paulo dicebantur, blasphemantes. Tunc constanter Paulus et Barnabas dixerunt: Vobis oportebat primum loqui verbum Dei; sed, quoniam repellitis illud et indignos vos judicatis æternæ vitæ, ecce convertimur ad Gentes; sic enim præcepit nobis Dominus: Pôsui te in lucem gentium, ut sis in salutem usque ad extrémum terræ.

℟. Beátus vir, qui méruit Dominum, allelúja: * In mandátis ejus cupit nimis, allelúja, allelúja, allelúja. V. Glória et divitiæ in domo ejus, et justitia ejus manet in sæculum sæculi. — In.

Lectio ii

Audiéntes autem gentes gavisæ sunt et glorificabant verbum Domini,

et crediderunt quotquot erant præordinati ad vitam æternam. Dissemnabatur autem verbum Domini per universam regionem. Judæi autem concitaverunt mulieres religiosas et honestas et primos civitatis, et excitaverunt persecutióem in Paulum et Barnabam, et ejecerunt eos de finibus suis. At illi, excusso pulvere pedum in eos, venerunt Iconium. Discipuli quoque replebantur gaudio et Spiritu Sancto.

℟. Tristitia vestra, allelúja, * Convertétur in gaudium, allelúja, allelúja. V. Mundus autem gaudébit, vos vero contristabimini, sed tristitia vestra. — Convertétur.

Lectio iii Cap. 14, 1-3

Factum est autem Iconii, ut simul introírent in synagogam Judæorum et loqueréntur, ita ut crederet Judæorum et Græcorum copiosa multitúdo. Qui vero incréduli fuerunt Judæi, suscitaverunt et ad iracúndiam concitaverunt ánimas gentium adversus fratres. Multo igitur tempore demorati sunt fiducialiter agentes in Domino, testimonium perhibente verbo gratiæ suæ, dante signa et prodigia fieri per manus eorum.

℟. Pretiōsa in conspēctu Dómini, allelúja, * Mors Sanctórum ejus, allelúja.

℣. Custódit Dóminus ómnia ossa eórum, unum ex his non conterétur. — Mors. Glória Patri. Mors.

In II Nocturno

Lectio iv



Arnabas Levítes Cýprius génere, qui et Joseph, cum Paulo géntium Apóstolus ordinátus est ad prædicándum Jesu Christi Evangélium. Is, agro vëndito quem habébat, redáctam ex eo pecúniám áttulit Apóstolis. Missus autem Antiochiám prædicatiónis causa, cum ibi multos ad Christi Dómini fidem convérsos esse comperísset, incredibíliter lætátus, eos hortabátur ut in Christi fide permanérent. Qua cohortatióne multum proficiébat, quod ab ómnibus vir bonus et Spíritu Sancto plenus habebátur.

℟. Lux perpétua lucébit Sanctis tuis, Dómine, * Et ætérnitas téporum, allelúja, allelúja. ℣. Lætítia sempitérna erit super cápita eórum : gáudium et exsultatiónem obtinébunt. — Et.

Lectio v

Proféctus inde Tarsum ut quæreretur Paulum, cum eo Antiochiám venit.

In ejus urbis ecclésia annum commoráti, christiánæ fidei et vitæ illis homínibus præcépta dedérunt : ubi étiam Jesu Christi cultóres primum Christiáni sunt appelláti. Discípuli autem Pauli et Bárnabæ, suis facultátibus Christiános, qui in Judæa erant, sustentábant, eo mitténtes pecúniám per Paulum et Bárnabam. Qui perfúnti illo caritátis officio, adhíbito Joánne, cui cognómen erat Marcus, rediérunt Antiochiám.

℟. Virtúte magna reddébant Apóstoli * Testimónium resurrectionis Jesu Christi Dómini nostri, allelúja, allelúja. ℣. Repléti quidem Spíritu Sancto, loquebántur cum fidúcia verbum Dei. — Testimónium.

Lectio vi

CUM autem Antiochiæ in Ecclésia, cum céteris prophétis et doctóribus, Paulus et Bárnabas in jejúnio et oratióne Dómino deservírent, dixit Spíritus Sanctus : Segregáte mihi Saulum et Bárnabam in opus, ad quod assúmpsi eos. Tunc jejunántes et orántes, impónéntesque eis manus, dimisérunt illos. Itaque Seleuciám venérunt, inde in Cyprum; ac multas prætérea urbes regionésque,

prædicantes Evangélium summa cum audiéntium utilitatē, peragrârunt. Postremo Bárnabas digressus a Paulo, una cum Joánnē, qui cognominátus est Marcus, navigávit in Cyprum; ibique circiter séptimum Nerónis annum, tértio Idus Júnii ad apostólici múnēris laudem martýrii corónam adjúnxit. Ejus corpus, Zenóne imperatóre, repértum est in insula Cypro; ad cujus pectus erat Evangélium Matthæi, Bárnabæ manu conscriptum.

℟. Isti sunt agni novelli, qui annuntiavérunt, allelúja : modo venérunt ad fontes, * Repléti sunt claritatē, allelúja, allelúja.

℣. In conspéctu Agni amícti sunt stolis albis, et palmæ in mánibus eórum. — Repléti. Glória. Repléti.

Pro hoc Festo simplificato

Lectio ix

Barnabas Levítes, Cyprius genere, cum Paulo Apóstolo ordinátus est ad prædicándum Jesu Christi Evangélium. Is, agro vëndito quem habebat, redáctam ex eo pecúniā áttulit Apóstolis. Missus Antiochiā prædicatiónis causa, multos ibi ad Christi fidem conversos suis hortatióibus

confirmávit. Inde profectus cum eódem Paulo, multas urbes regionésque summa cum audiéntium utilitatē peragrávit. Postremo, digressus a Paulo, una cum Joánnē qui, cognominátus est Marcus, navigávit in Cyprum, ibique, séptimo Nerónis anno, ad apostólici múnēris laudem martýrii corónam adjúnxit. Te Deum.

In III Nocturno

Lectio sancti Evangélii
secúndum Matthæum

Lectio vii Cap. 10, 16-22

IN illo témpore : Dixit Jesus discipulis suis : Ecce ego mitto vos sicut oves in médio lupórum. Et réliqua.

Homília sancti Joánnis
Chrysóstomi

Hom. 34 in Matth. post init.



QUM Dóminus omnem sollicitúdinem a discipulórum córdibus ejécerit, et ostensióne signórum armáverit, atque, ab ómnibus negótiis sæculáribus alienátos et ab omni temporálium rerum cura liberátos, férreos quodámodo atque adamántinos fécerit, tum dénique eventúra illis advérsa prædicít. Multa enim ex hac prædictiône futurárum rerum

cómmoda consequébántur. Primum, ut ejus præsciéntiæ vim edíscerent. Deínde, ut nemo suspicárétur, ex Magístri infirmitáte tam grávia mala descéndere. Prætérea, ne, qui ea passúri erant, súbito ac inopináto rerum evéntu perturbanéntur. Dénique, ne, cum ista sub ipsum passiónis suæ tempus audírent, nímium commoveréntur.

✠. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ✠. Sicut diléxit me Pater, et ego diléxi vos. — Qui.

Lectio viii

IAM vero, ut intélligant novum hoc esse belligenus et insólitum præliándi morem, cum illos nudos mitteret, una indútos túnica, sine cálceis, absque virga et absque zona et pera, et ab excipiéntibus ali jubéret; non fecit hic dicéndi finem, sed inexplicábilem virtutem suam próferens, Etiam sic eúntes, inquit, mansuetúdinem tamen óvium osténdite, quamvis ad lupos itúri, nec simplíciter ad lupos, sed étiam in médio lupórum : (neque vero óvium tantum mansuetúdinem habére jubet, sed étiam colúmbæ simpli-

citátem); sic enim virtutem meam máxime osténdam, cum ab óvibus lupi superabúntur; et quamvis illæ sint in médio lupórum, et innúmeris mórsi-bus laceréntur, non modo non consúptæ fúerint, verum étiam illos in sui natúram transmútaverint.

✠. Cándidi facti sunt Nazaræi ejus, allelúja : splendórem Deo dedérunt, allelúja : * Et sicut lac coaguláti sunt, allelúja, allelúja.

✠. Candi díores nive, niti díores lacte, rubicundi díores ébore antíquo, sapphíro pulchri díores. — Et. Glória Patri. Et.

Lectio ix

MAjus certe atque admirabilius est mentem adversariórum commútare, et ánimum in dívsum transférre, quam illos occídere; præsertim cum duódecim tantum essent, et lupis plenus esset orbis univérsum. Erubescámus igitur, qui, longe dívrsa faciéntes, tamquam lupi in adversários ruímos. Nam quám diu oves fuérimus, víncimus; étiam si mille circúmstent lupi, superámus, et victóres sumus. Quod si lupi fuérimus, víncimur; tunc enim a nobis pastóris auxílium recédit, qui non lupos, sed oves pascit.

Te Deum laudámus.

AD LAUDES

℣. Pretiósá in conspéctu.

Ad Bened. Ant. Filiæ Jerúsalem, * veníte et vidéte Mártyres cum corónis, quibus coronávit eos Dóminus in die solemnitátis et lætitiæ, allelúja, allelúja.

Oratio

Deus, qui nos beáti Bárnabæ Apóstoli tui méritis et intercessióne lætíficas : concéde propítius; ut qui tua per eum benefícia póscimus, dono tuæ grátiae consequámur. Per Dóminum.

IN II VESPERIS

℣. Pretiósá in conspéctu.

Ad Magnif. Ant. Sancti et justi, * in Dómino gaudeáte, allelúja : vos elégit Deus in hereditátem sibi, allelúja.

Et fit Commemoratio sequentis ac Ss. Basilidis, Cyrini, Naboris et Nazarii Mm.

Die 12 Junii

S. Joannis a S. Facundo

Confessoris

Duplex, sed ad modum Simplicis recolendum

IN I VESPERIS

Ant. Similábo eum viro sapiénti, qui ædificávit

domum suam supra petram, allelúja.

℣. Amávit eum Dóminus.

Oratio

Deus, auctor pacis et amátor caritátis, qui beátum Joánnem Confessórem tuum mirífica dissidentes componéndi grátia decorásti : ejus méritis et intercessióne concéde; ut in tua caritáte firmáti, nullis a te tentatióibus separémur. (Per Dóminum.)

Pro Commem. Ss. Basilidis, Cyrini, Naboris et Nazarii Martyrum :

Ant. Lux perpétua lucébit Sanctis tuis, Dómine, et ætérnitas téporum, allelúja.

℣. Sancti et justi.

Oratio

Sanctorum Mártyrum tuorum Basílidis, Cyrini, Náboris atque Nazarii, quæsumus, Dómine, natalítia nobis votíva respléndeant : et, quod illis contulit excelléntia sempitérna, frúctibus nostræ devotiónis accrésceat. Per Dóminum.

AD LAUDES

Pro Commemorat. S. Joannis Conf. :

Ant. Euge, serve bone et fidélis, quia in pauca fuísti fidélis, supra multa te

constituam, intra in gaudium Dómini tui, allelúja.

℣. Justum dedúxit.

Oratio Deus, auctor, ut supra. 1040

Pro Ss. Basilide, Cyrino, Nabore et Nazario Martyribus :

Ant. Filiae Jerúsalem, veníte et vidéte Mártýres cum corónis, quibus coronávit eos Dóminus in die solemnitátis et lætitiæ, allelúja, allelúja.

℣. Pretiósá in conspéctu.

Oratio Sanctórum Mártýrum, ut supra. 1040

IN II VESPERIS

Pro Commemorat. S. Joannis Conf. :

Ant. Hic vir, despiciens mundum et terréna, triúmphans, divítias cælo cón-didit ore, manu, allelúja.

℣. Justum dedúxit.

Oratio Deus, auctor pacis, ut supra. 1040

Die 13 Junii

S. Antonii de Padua

Confessoris

Duplex, sed ad modum Simplicis recolendum

IN I VESPERIS

Ant. Similábo eum viro sapiénti, qui ædificávit domum suam supra petram, allelúja.

℣. Amávit eum Dóminus.

Oratio

Ecclésiám tuam, Deus, beáti Antónii Confessoris tui solémnitas votíva lætíficet : ut spirítuálibus semper muniátur auxiliis, et gáudiis pérfrui mereátur ætérnis. Per Dóminum.

AD LAUDES

Ant. Euge, serve bone et fidélis, quia in pauca fuísti fidélis, supra multa te constituam, intra in gaudium Dómini tui, allelúja.

℣. Justum dedúxit.

IN II VESPERIS

Ant. Hic vir, despiciens mundum et terréna, triúmphans, divítias cælo cón-didit ore, manu, allelúja.

℣. Justum dedúxit.

Die 14 Junii

S. Basilii Magni

Ep., Conf. et Eccl. Doct.

Duplex, sed ad modum Simplicis recolendum

IN I VESPERIS

Ant. O Doctor óptime, Ecclésiæ sanctæ lumen, beáte Basíli, divínæ legis amátor, deprecáre pro nobis Fílium Dei, allelúja.

℣. Amávit eum Dóminus.

Oratio

C 2

EXáudi, quæsumus, Dómine, preces nostras, quas in beáti Basilíi Confessóris tui atque Pontíficis solemnitáte deférimus : et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

AD LAUDES

Ant. Euge, serve bone et fidélis, quia in pauca fuísti fidélis, supra multa te constitúam, dicit Dóminus, allelúja.

✠. Justum dedúxit.

IN II VESPERIS

Ant. O Doctor óptime, Ecclesiæ sanctæ lumen, beáte Basíli, divínæ legis amátor, deprecáre pro nobis Fílium Dei, allelúja.

✠. Justum dedúxit.

Die 15 Junii

Ss. Viti, Modesti atque Crescentiæ **Martyrum**
Commemoratio

AD VESPERAS

Ant. Lux perpétua lucébit Sanctis tuis, Dómine, et ætérnitas témporum, allelúja.

✠. Sancti et justi.

Oratio

DA Ecclesiæ tuæ, quæsumus, Dómine, sanctis Martýribus tuis Vito, Modesto atque Crescentia intercedéntibus : supérbe non sápere, sed tibi plácita humilitáte proficere; ut, prava despiciens, quæcúmque recta sunt, libera exérceat caritáte. Per Dóminum.

AD LAUDES

Ant. Fíliæ Jerúsalem, veníte et vidéte Mártýres cum corónis, quibus coronávit eos Dóminus in die solemnitátis et lætitiæ, allelúja, allelúja.

✠. Pretiósá in conspéctu.

Die 18 Junii

S. Ephræm Syri

Diaconi,

Conf. et Eccl. Doct.

Duplex, sed ad modum Simplicis recolendum

IN I VESPERIS

Ant. O Doctor óptime, Ecclesiæ sanctæ lumen, beáte Ephræm, divínæ legis amátor, deprecáre pro nobis Fílium Dei, allelúja.

✠. Amávit eum Dóminus.

Oratio

DEus, qui Ecclesiám tuam beáti Ephræm Confessóris tui et Doctóris

mira eruditíone et præcláris vitæ méritis illustráre voluísti : te súpplíces exorámus; ut, ipso intercedénte, eam advérsus erróris et pravitatís insídias perénni tua virtúte deféndas. (Per Dóminum.)

Et fit Commem. Ss. Marci et Marcelliani Martyrum :

Ant. Lux perpétua lucébit Sanctis tuis, Dómine, et ætérnitas témporum, allelúja.

V. Sancti et justi.

Oratio

PRæsta, quæsumus, omnípotens Deus : ut qui sanctórum Mártyrum tuórum Marci et Marcelliáni natalítia cólimus; a cunctis malis imminéntibus, eórum intercessiónibus liberémur. Per Dóminum.

AD LAUDES

Pro Commem. S. Ephræm

Ant. Euge, serve bone et fidélis, quia in pauca fuísti fidélis, supra multa te constitúam, intra in gáudium Dómini tui, allelúja.

V. Justum dedúxit.

Oratio Deus, qui Ecclésiám, **ut supra. 1042**

Pro Ss. Marco et Marceliano Martyribus :

Ant. Filiæ Jerúsalem, vénite et vidéte Mártyres cum corónis, quibus coronávit eos Dóminus in die

solemnitatís et lætítiae, allelúja, allelúja.

V. Pretiósá in conspéctu.

Oratio Præsta, **ut supra.**

IN II VESPERIS

Ant. O Doctor óptime, Ecclésiæ sanctæ lumen, beáte Ephræm, divínæ legis amátor, deprecáre pro nobis Fílium Dei, allelúja.

V. Justum dedúxit.

Die 19 Junii

S. Julianæ de Falconeriis Virg.

Duplex, sed ad modum Simplicis recolendum

IN I VESPERIS

Ant. Veni, Sponsa Christi, áccipe corónam, quam tibi Dóminus præparávit in ætérum, allelúja.

V. Spécie tua et.

Oratio

DEus, qui beátam Juliánam Virgínem tuam extrémó morbo laborántem pretiósó Fílii tui corpore mirábíliter recreáre dignátus es : concéde, quæsumus; ut, ejus intercedéntibus méritis, nos quoque eódem in mortis agóne refécti ac roboráti, ad cæléstem pátriam perducámur. (Per eúndem Dóminum.)

Et fit Commem. Ss. Gervasii et Protasii Martyrum :

Ant. Lux perpétua lucébit Sanctis tuis, Dómine, et ætérnitas témporum, allelúja.

℟. Sancti et justi.

Oratio

DEus, qui nos ánnua sanctórum Mártýrum tuórum Gervásii et Protásii solemnitáte lætíficas : concéde propítius; ut, quorum gaudémus méritis, accendámur exémp-
plis. Per Dóminum.

AD LAUDES

Pro Commem. S. Julianæ Virg. :

Ant. Símile est regnum cælórum hómini negotiátóri quærénti bonas margarítas : invénta una pretiósa, dedit ómnia sua, et comparávit eam, allelúja.

℟. Diffúsa est grátia.

Oratio

DEus, qui beátam Juliánam Vírginem tuam extrémó morbo laborántem pretióso Fílii tui corpore mirábiliter recreáre dignátus es : concéde, quæsumus; ut, ejus intercedéntibus méritis, nos quoque eódem in mortis agóne refécti ac roboráti, ad cæléstem pátriam perducámur. (Per eúmdem Dóminum.)


Pro Ss. Gervasio et Protasio Martyribus :

Ant. Fíliæ Jerúsalem, veníte et vidéte Mártýres cum corónis, quibus coronávit eos Dóminus in die solemnitátis et lætítiæ, allelúja, allelúja.

℟. Pretiósa in conspéctu.

Oratio Deus, qui nos, ut supra.





Commune Sanctorum

In omnibus Festis novem Lectionum Apostolorum vel Evangelistarum, in Duplicibus I et II classis aliorum Sanctorum, in Dedicatione Ecclesiæ, in Festis beatæ Mariæ Virginis, non autem per eorum Octavas, Officium integrum, præter ea quæ suis locis propria assignantur, dicitur de respectivo Communi, ut infra.

In reliquis Sanctorum Festis, in Octavis non privilegiatis quibuslibet et in Officio sanctæ Mariæ in Sabbato, præter ea quæ pariter suis locis assignantur propria, Antiphonæ et Psalmi ad omnes Horas et Versus Nocturnorum sumuntur de occurrenti hebdomadæ die; Lectiones I Nocturni aut Lectio I et II cum suis Responsoriis dicuntur de Scriptura occurrenti, juxta Rubricas; reliqua omnia de respectivo Communi, ut infra, vel, in Octavis, ut in die Festo.

Tempore Paschali speciale habetur Commune pro Apostolis, Evangelistis et Martyribus, ut infra; in Communi autem Confessorum, Virginum et non Virginum, Dedicationis Ecclesiæ et Festorum beatæ Mariæ Virginis, necnon in Officio ejusdem in Sabbato, omnia dicuntur ut extra Tempus Paschale, sed additur unum **Allelúja** Invitatorio, Antiphonis, Versibus eorumque Responsoriis, necnon et Responsoriis post Lectiones Nocturnorum ante Versum; Psalmi dicuntur in quolibet Nocturno sub prima Antiphona, et Responsoria brevia Horarum dicuntur cum duplici Allelúja, ut infra suis locis ponitur.

Commune Apostolorum

EXTRA TEMPUS PASCHALE

IN I VESPERIS

Añæ extra tempus Paschale cum Psalmis ut infra pro Tempore Paschali notatur. [4]

Capitulum et Hymnus Exsúltet ut infra ad Laudes.

℟. In omnem terram exívit sonus eórum. ℞. Et in fines orbis terræ verba eórum.

Ad Magnif. Ant. Tradent enim vos * in concíliis, et in synagógis suis flagellábunt vos, et ante reges et præsídes ducémini propter me in testimónium illis, et géntibus.

Oratio propria.

Completorium de Dominica.

AD MATUTINUM

Omnia ut in Communi pro Tempore Paschali notatur. [7]

AD LAUDES

et per Horas, Añæ

1 Hoc est præcéptum meum, * ut diligátis invicem, sicut diléxi vos.

Psalmi de Dominica 1 loco.

2 Majórem caritátem * nemo habet, ut ánimam suam ponat quis pro amícis suis.

3 Vos amíci mei estis, * si fecéritis quæ præcípio vobis, dicit Dóminus.

4 Beáti pacífici, * beáti mundo corde : quóniam ipsi Deum vidébunt.

5 In patiéntia vestra * possidébitis ánimas vestras.

Capit. Ephes. 2, 19-20

FRatres : Jam non estis hóspites, et ádvenæ; sed estis cives Sanctórum, et doméstici Dei, superædificáti super fundaméntum Apostolórum et Prophetárum, ipso summo angulári lápide Christo Jesu.

Hymnus

Exsúltet orbis gáudiis, Cælum resúltet láudibus :

Apostolórum glóriam Tellus et astra cóncinunt.

Vos, sæculórum júdices Et vera mundi lúmina, Votis precámur córdium : Audíte voces súpplicum.

Qui templa cæli cláuditis Serásque verbo sólvitis, Nos a reátu nóxios Solvi jubéte, quæsumus.

Præcépta quorum prótinus Languor salúsque sentiunt,

Sanáte mentes lánguidas, Augéte nos virtútibus :

Ut, cum redíbit árbitet In fine Christus sæculi, Nos sempitérni gáudii Concédant esse cómpotes.

* Patri, simúlque Fílio,
Tibíque, Sancte Spíritus,
Sicut fuit, sit júgiter
Sæclum per omne glória.
Amen.

℣. Annuntiavérunt ópera
Dei. ℟. Et facta ejus
intellexérunt.

Ad Bened. Ant. Vos qui
reliquistis * ómnia, et se-
cúti estis me, céntuplum
accipiétis, et vitam ætér-
nam possidébitis.

Oratio propria.

Ad Horas Psalmi de Domi-
nica, sed ad Primam loco
Psalmi 117 Confitémini, dici-
tur Psalmus 53 Deus, in nó-
mine tuo. Quod semper ob-
servatur, quando ponitur se-
quens Rubrica : Ad Horas
Psalmi de Dominica, ad Pri-
mam tamen ut in Festis.

AD TERTIAM

Capitulum Fratres : Jam
non estis, ut supra.

℟. br. In omnem terram
* Exívit sonus eórum. In
omnem. ℣. Et in fines
orbis terræ verba eórum.
Exívit. Glória Patri. In
omnem. ℣. Constitues eos
príncipes super omnem
terram. ℟. Mémoires erunt
nóminis tui, Dómine.

AD SEXTAM

Capitulum Act. 5, 12

PER manus autem Apo-
stolorum fiébant signa
et prodigia multa in plebe.

℟. br. Constitues eos
príncipes * Super omnem

terram. Constitues. ℣. Mé-
moires erunt nóminis tui,
Dómine. Super omnem
terram. Glória Patri. Con-
stitues. ℣. Nimis honoráti
sunt amíci tui, Deus.
℟. Nimis confortátus est
principátus eórum.

AD NONAM

Capitulum Act. 5, 41

IBant Apóstoli gaudéntes
a conspéctu concílii,
quóniam digni hábiti sunt
pro nómine Jesu contumé-
liam pati.

℟. br. Nimis honoráti
sunt * Amíci tui, Deus.
Nimis. ℣. Nimis confortá-
tus est principátus eórum.
Amíci. Glória Patri. Ni-
mis honoráti. ℣. Annun-
tiavérunt ópera Dei. ℟. Et
facta ejus intellexérunt.

IN II VESPERIS

Añæ extra Tempus Paschale
cum Psalmis ut infra pro Tem-
pore Paschali notatur. [21]

Capitulum et Hymnus Ex-
súltet ut supra ad Laudes.

℣. Annuntiavérunt ópe-
ra Dei. ℟. Et facta ejus
intellexérunt.

Ad Magnif. Ant. Estóte
fortes * in bello, et pu-
gnáte cum antíquo serpén-
te : et accipiétis regnum
ætérnum.

Completorium de Domi-
nica.

Commune Apostolorum

TEMPORE PASCHALI

IN I VESPERIS

T. P. Ant. Sancti tui, *
Dómine, florébunt sicut lí-
lium, allelúja : et sicut
odor bálsami erunt ante
te, allelúja.

Extra Tempus Paschale

Ant. Hoc est præceptum
meum, * ut diligátis invi-
cem, sicut diléxi vos.

Psalmus 109 1

Ixit Dóminus Dó-
mino meo : * Sede
a dextris meis :

Donec ponam inimícos
tuos, * scabéllum pedum
tuórum.

Virgam virtútis tuæ emít-
tet Dóminus ex Sion : *
domináre in médio inimi-
córum tuórum

Tecum princípium in die
virtútis tuæ in splendóri-
bus sanctórum : * ex útero
ante lucíferum génui te.

Jurávit Dóminus, et non
pænitébit eum : * Tu es
sacérdos in ætérnum se-
cúndum órđinem Melchí-
sedech.

Dóminus a dextris tuis, *
confrégit in die iræ suæ
reges.

Judicábit in natió nibus,
implébit ruínas : * con-
quassábit cápita in terra
multórum.

De torrén te in via bi-
bet : * proptérea exaltábit
caput.

T. P. Ant. Sancti tui,
Dómine, florébunt sicut lí-
lium, allelúja : et sicut
odor bálsami erunt ante
te, allelúja.

Ant. In cæléstibus re-
gnis * Sanctórum habitá-
tio est, allelúja : et in
ætérnum réquies eórum,
allelúja.

Extra Tempus Paschale

Ant. Hoc est præceptum
meum, ut diligátis invi-
cem, sicut diléxi vos.

Ant. Majórem caritá-
tem * nemo habet, ut áni-
mam suam ponat quis pro
amícis suis.

Psalmus 110 2

Confitébor tibi, Dómine,
in toto corde meo : *
in consílio justórum, et
congregatióne.

Magna ópera Dómini : *
exquisíta in omnes volun-
tátes ejus.

Conféssio et magnificén-
tia opus ejus : * et justítia
ejus manet in sáeculum
sáeculi.

Memóriam fecit mirabi-
lium suórum, miséricors
et miserátor Dóminus : *
escam dedit timéntibus se.

Memor erit in sæculum
testaménti sui : * virtú-
tem óperum suórum an-
nuntiábit pópulo suo :

Ut det illis hereditátem
géntium : * ópera má-
num ejus véritas, et ju-
dícium.

Fidélia ómnia mandáta
ejus : confirmáta in sæ-
culum sæculi, * facta in
veritáte et æquitáte.

Redemptiónem misit póp-
ulo suo : * mandávit
in ætérnum testaméntum
suum.

Sanctum, et terríbile no-
men ejus : * inítium sa-
piéntiæ timor Dómini.

Intelléctus bonus ómni-
bus faciéntibus eum : *
laudátio ejus manet in
sæculum sæculi.

T. P. Ant. In cæléstibus
regnis Sanctórum habitá-
tio est, allelúja : et in
ætérnum réquies eórum,
allelúja.

Ant. In velaménto * cla-
mábant Sancti tui, Dó-
mine, allelúja, allelúja, al-
lelúja.

Extra Tempus Paschale

Ant. Majórem caritátem
nemo habet, ut ánimam
suam ponat quis pro amí-
cis suis.

Ant. Vos amíci mei
estis, * si fecéritis quæ
præcípío vobis, dicit Dó-
minus.

Psalmus 111 3

BEátus vir, qui timet
Dóminum : * in man-
dátis ejus volet nimis.

Potens in terra erit se-
men ejus : * generátio re-
ctórum benedicétur.

Glória, et divítiae in do-
mo ejus : * et justítia ejus
manet in sæculum sæculi.

Exórtum est in ténebris
lumen rectis : * miséricors,
et miserátor, et justus.

Jucúndus homo qui mi-
serétur et cómmodat, di-
spónet sermónes suos in
judício : * quia in ætér-
num non commovébitur.

In memória ætérna erit
justus : * ab auditióne
mala non timébit.

Parátum cor ejus speráre
in Dómino, confirmátum
est cor ejus : * non com-
movébitur donec despíciat
inimícos suos.

Dispérsit, dedit paupéri-
bus : justítia ejus manet in
sæculum sæculi, * cornu
ejus exaltábitur in glória.

Peccátor vidébit, et ira-
scétur, déntibus suis fre-
met et tabéscet : * desidé-
rium peccatórum peribit.

T. P. Ant. In velaménto
clamábant Sancti tui, Dó-
mine, allelúja, allelúja, al-
lelúja.

Ant. Spíritus et ánimæ *
justórum, hymnum dícite
Deo nostro, allelúja, alle-
lúja.

Extra Tempus Paschale

Ant. Vos amici mei estis, si feceritis quæ præcipio vobis, dicit Dominus.

Ant. Beati pacifici, * beati mundo corde : quoniam ipsi Deum videbunt.

Psalmus 112 4

Laudate, pueri, Dominum : * laudate nomen Domini.

Sit nomen Domini benedictum, * ex hoc nunc, et usque in sæculum.

A solis ortu usque ad occasum, * laudabile nomen Domini.

Excelsus super omnes gentes Dominus, * et super cælos gloria ejus.

Quis sicut Dominus, Deus noster, qui in altis habitat, * et humilia respicit in cælo et in terra?

Suscitans a terra inopem, * et de stercore erigens pauperem :

Ut collocet eum cum principibus, * cum principibus populi sui.

Qui habitare facit sterilem in domo, * matrem filiorum lætāntem.

T. P. Ant. Spiritus et animæ justorum, hymnum dicite Deo nostro, allelûja, allelûja.

Ant. Fulgebunt justi * sicut sol in conspectu Dei, allelûja.

Extra Tempus Paschale

Ant. Beati pacifici, beati mundo corde : quoniam ipsi Deum videbunt.

Ant. In patientia vestra * possidebitis animas vestras.

Psalmus 116 5

Laudate Dominum, omnes gentes : * laudate eum, omnes populi :

Quoniam confirmata est super nos misericordia ejus : * et veritas Domini manet in æternum.

T. P. Ant. Fulgebunt justi sicut sol in conspectu Dei, allelûja.

Extra Tempus Paschale

Ant. In patientia vestra possidebitis animas vestras.

Capitulum et reliqua ut supra. [2]

Capitulum Sap. 5, 1

Stabunt justi in magna constantia adversus eos, qui se angustiaverunt et qui abstulerunt labores eorum.

Hymnus

Tristes erant Apostoli De Christi acerbò funere,

Quem morte crudelissima Servi necarant impii.

Sermone verax Angelus Mulieribus prædixerat :

Mox ore Christus gáudium
Gregi feret fidélium.

Ad ánxios Apóstolos
Currunt statim dum núntiæ,

Illæ micántis óbvia
Christi tenent vestígia.

Galilææ ad alta móntium
Se cónferunt Apóstoli,
Jesúque, voti cómpotes,
Almo beántur lúmine.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

¶ Ab Ascensione autem usque ad Feriam VI ante Vigiliam Pentecostes inclusive dicitur :

Jesu, tibi sit glória,
Qui victor in cælum redis,
Cum Patre, et almo Spíritu,
In sempitérna sácula.

Amen.

¶ Conclusiones præcedentes numquam mutantur.

℣. Sancti et justi, in Dómino gaudéte, allelúja.

℟. Vos elégit Deus in hereditátem sibi, allelúja.

Ad Magnif. Ant. Lux perpétua * lucébit Sanctis tuis, Dómine, et ætérnitas témporum, allelúja.

Oratio propria.

Completorium de Dominica.

AD MATUTINUM

Invit. Regem Apostolórum Dóminum, * Veníte adorémus. (T. P. Allelúja.)

Hymnus Tristes erant, ut supra in I Vesperis.

Extra Tempus Paschale

Hymnus

Æ Térna Christi múnera,
Apostolórum glóriam,

Palmas et hymnos débítos
Lætis canámus méntibus.

Ecclesiárum Príncipes,
Belli triumpháles duces,
Cæléstis aulæ mílites
Et vera mundi lúmina.

Devóta Sanctórum fides,
Invícta spes credéntium
Perfécta Christi caritas
Mundi tyránnum cónterit.

In his Patérna glória,
In his triúmphant Fílius,
In his volúntas Spíritus,
Cælum replétur gáudio.

* Patri, simúlque Fílio,
Tibíque, Sancte Spíritus,
Sicut fuit, sit júgiter
Sæclum per omne glória.

Amen.

In I Nocturno

T. P. Ant. Stabunt iusti * in magna constántia advérsus eos, qui se angustiavérent, allelúja.

Sub una tantum Antiphona in quolibet Nocturno dicuntur Psalmi.

Extra Tempus Paschale

Ant. In omnem terram *
exívit sonus eórum, et in
fines orbis terræ verba eó-
rum.

Psalmus 18



Æli enarrant gló-
riam Dei, * et ópe-
ra mánuum ejus
annúntiat firmaméntum.

Dies diéi erúctat ver-
bum, * et nox nocti indi-
cat sciéntiam.

Non sunt loquélæ, neque
sermónes, * quorum non
audiántur voces eórum.

In omnem terram exívit
sonus eórum : * et in fines
orbis terræ verba eórum.

In sole pósuit tabernácu-
lum suum : * et ipse tam-
quam sponsus procédens
de thálamo suo :

Exsultávit ut gigas ad
curréndam viam, * a sum-
mo cælo egréssio ejus :

Et occúrsus ejus usque
ad summum ejus : * nec
est qui se abscondat a ca-
lóre ejus.

Lex Dómini immaculáta,
convértens ánimas : * te-
stimónium Dómini fidéle,
sapiéntiam præstans pár-
vulis.

Justítiæ Dómini rectæ,
lætificántes corda : * præ-
céptum Dómini lúcidum,
illúminans óculos.

Timor Dómini sanctus,
pérmanens in sáculum
sáculi : * judícia Dómini

vera, justificáta in semet-
ípsa.

Desiderabilia super au-
rum et lápidem pretiósum
multum : * et dulcióra
super mel et favum.

Etenim servus tuus cu-
stódit ea, * in custodién-
dis illis retribútio multa.

Delicta quis intélligit? ab
occúltis meis munda me : *
et ab aliénis parce servo
tuo.

Si mei non fúerint domi-
náti, tunc immaculátus
ero : * et emundábor a de-
licto máximo.

Et erunt ut compláceant
elóquia oris mei : * et me-
ditátio cordis mei in con-
spéctu tuo semper.

Dómine, adjútor meus, *
et redémptor meus.

Ant. In omnem terram
exívit sonus eórum, et in
fines orbis terræ verba eó-
rum.

Ant. Clamavérunt ju-
sti, * et Dóminus exaudí-
vit eos.

Psalmus 33

Benedícam Dóminum in
omni témpore : * sem-
per laus ejus in ore meo.

In Dómino laudábitur
ánima mea : * áudiant
mansuétí, et læténtur.

Magnificáte Dóminum
mecum : * et exaltémus
nomen ejus in idípsum.

Exquisívi Dóminum, et
exaudívit me : * et ex óm-

nibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes autem Dóminum non minuéntur omni bono.

Veníte, filii, audíte me : * timórem Dómini docébo vos.

Quis est homo qui vult vitam : * díligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delínquent.

Rédimet Dóminus ánimas servórum suórum : * et non delínquent omnes qui sperant in eo.

Ant. Clamavérunt justí, et Dóminus exaudivit eos.

Ant. Constítues eos * príncipes super omnem terram : mémores erunt nóminis tui, Dómine.

Psalmus 44

ERuctávit cor meum verbum bonum : * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * poténtissime.

Spécie tua et pulchritudine tua * inténde, prospere procéde, et regna.

Propter veritatem, et mansuetudinem, et justitiam : * et deducet te mirabiliter dextera tua.

Sagittæ tuæ acutæ, populi sub te cadent, * in corda inimicorum Regis.

Sedes tua, Deus, in sæculum sæculi : * virga directionis virga regni tui.

Dilexisti justitiam, et odisti iniquitatem : * propterea unxit te Deus, Deus tuus, oleo lætitiæ præ consórtibus tuis.

Myrrha, et gutta, et cassia a vestimentis tuis, a dómibus ebúrneis : * ex quibus delectaverunt te filiæ regum in honóre tuo.

Astitit regína a dextris tuis in vestitu deaurato : * circumdata varietate.

Audi, filia, et vide, et inclina aurem tuam : * et obliviscere populum tuum, et domum patris tui.

Et concupiscet Rex decorem tuum : * quóniam ipse est Dóminus, Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ Regis ab intus, * in fimbriis áureis circumamícta varietátibus.

Adducéntur Regi vírgi-

nes post eam : * próximæ ejus afferéntur tibi.

Afferéntur in lætítia et exsultatióne : * adducéntur in templum Regis.

Pro pátribus tuis nati sunt tibi filii : * constitues eos principes super omnem terram.

Mémores erunt nóminis tui : * in omni generatióne et generatióne.

Propterea populi confitebúntur tibi in ætérnum : * et in sæculum sæculi.

T. P. Ant. Stabunt justi in magna constántia advérsus eos, qui se angustiavérent, allelúja.

V. Sancti et justi in Dómino gaudéte, allelúja.

R. Vos elégit Deus in hereditatem sibi, allelúja.

Extra Tempus Paschale

Ant. Constitues eos principes super omnem terram : mémores erunt nóminis tui, Dómine.

V. In omnem terram exívit sonus eórum. **R.** Et in fines orbis terræ verba eórum.

Absolutio Exáudi, Dómine.
Benedictio Benedictiône.

De Epístola prima beáti Pauli Apóstoli ad Corínthios

Lectio i **Cap. 4, 1-15**



IC nos exístimet homo ut ministros Christi, et dispensatóres mysteriórum Dei.

Hic jam quæritur inter dispensatôres, ut fidêlis quis inveniâtur. Mihi autem pro minimo est, ut a vobis júdicer aut ab humano die : sed neque meísum júdico. Nihil enim mihi cóncius sum : sed non in hoc justificátus sum : qui autem júdicat me, Dóminus est. Itaque nolíte ante tempus júdicâre, quoadúsque véniat Dóminus : qui et illuminábit abscondita tenebrarum, et manifestábit consília córdium; et tunc laus erit unicuíque a Deo.

T. P. ✠. Beátus vir, qui méruit Dóminum, allelúja :
* In mandátis ejus cupit nimis, allelúja, allelúja, allelúja. ✠. Glória et divítiae in domo ejus, et justítia ejus manet in sæculum sæculi. — In.

Extra Tempus Paschale

✠. Ecce ego mitto vos sicut oves in médio lupórum, dicit Dóminus :
* Estóte ergo prudéntes sicut serpéntes, et simplices sicut colúmbæ. ✠. Dum lucem habétis, créдите in lucem, ut filii lucis sitis. — Estóte.

Benedictio Unigénitus Dei.

Lectio ii

HÆC autem, fratres, transfigurávi in me et Apóllo, propter vos, ut in

nobis discátis; ne, supra quam scriptum est, unus advérsus álterum inflétur pro álio. Quis enim te discérnit? Quid autem habes, quod non accepísti? Si autem accepísti, quid gloriáris quasi non accéperis? Jam saturáti estis, jam divites facti estis : sine nobis regnáti : et útinam regnéti, ut et nos vobiscum regnémus! Puto enim quod Deus nos Apóstolos novíssimos osténdit, tamquam morti destinátos : quia spectáculum facti sumus mundo, et Angelis, et homínibus.

T. P. ✠. Tristítia vestra, allelúja, * Convertétur in gáudium, allelúja, allelúja. ✠. Mundus autem gaudébit, vos vero contristabimini, sed tristítia vestra. — Convertétur.

Extra Tempus Paschale

✠. Tóllite jugum meum super vos, dicit Dóminus, et discite a me, quia mitis sum et húmilis corde :
* Jugum enim meum suáve est, et onus meum leve. ✠. Et inveniétis réquiem animábus vestris. — Jugum.

Benedictio Spíritus Sancti.

Lectio iii

NOS stulti propter Christum, vos autem prudéntes in Christo : nos in-

firmi, vos autem fortes : vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis cedimur, et instabiles sumus, et laboramus operantes manibus nostris : maledicimur, et benedicimus : persecutiōnem patimur, et sustinemus : blasphemamur, et obsecramus : tamquam purgamenta hujus mundi facti sumus, omnium peripsēma usque adhuc. Non ut confundam vos, hæc scribo, sed ut filios meos carissimos moneo. Nam si decem millia pædagogorum habeatis in Christo : sed non multos patres; nam in Christo Jesu per Evangelium ego vos genui.

T. P. ✠. Pretiosa in conspectu Domini, allelūja, * Mors Sanctorum ejus, allelūja. **℣.** Custodit Dominus omnia ossa eorum, unum ex his non conteretur. — Mors. **Glória.** Mors.

Extra Tempus Paschale

℣. Dum steteritis ante reges et præsides, nolite cogitare, quomodo aut quid loquamini; * Dabitur enim vobis in illa hora, quid loquamini. **℣.** Non enim vos estis, qui loquamini; sed Spiritus Patris vestri, qui loquitur in vobis. — Dabitur. **Glória Patri.** Dabitur.

In II Nocturno

T. P. Ant. Ecce * quomodo computati sunt inter filios Dei, et inter Sanctos sors illorum est, allelūja.

Extra Tempus Paschale

Ant. Principes populorum * congregati sunt cum Deo Abraham.

Psalmus 46

QMnes gentes, plaudite manibus : * jubilate Deo in voce exsultationis.

Quoniam Dominus excelsus, terribilis : * Rex magnus super omnem terram.

Subjecit populos nobis : * et gentes sub pedibus nostris.

Eligit nobis hereditatem suam : * speciem Jacob, quam dilexit.

Ascendit Deus in jubilo : * et Dominus in voce tubæ.

Psallite Deo nostro, psallite : * psallite Regi nostro, psallite.

Quoniam Rex omnis terræ Deus : * psallite sapienter.

Regnabit Deus super gentes : * Deus sedet super sedem sanctam suam.

Principes populorum congregati sunt cum Deo Abraham : * quoniam dii fortes terræ vehementer elevati sunt.

Ant. Príncipes populórum congregáti sunt cum Deo Abraham.

Ant. Dedísti hereditátem * timéntibus nomen tuum, Dómine.

Psalmus 60

EXáudi, Deus, deprecaciónem meam : * inténde oratióni meæ.

A finibus terræ ad te clamávi : * dum anxiarétur cor meum, in petra exaltásti me.

Deduxísti me, quia factus es spes mea : * turris fortitudinis a fácie inimíci.

Inhabitábo in tabernáculo tuo in sácula : * prótegar in velaménto alárum tuárum.

Quóniam tu, Deus meus, exaudísti oratióem meam : * dedísti hereditátem timéntibus nomen tuum.

Dies super dies regis adjícies : * annos ejus usque in diem generatiónis et generatiónis.

Pérmanet in ætérnum in conspéctu Dei : * misericórdiam et veritátem ejus quis requíret?

Sic psalmum dicam nómini tuo in sáculum sáculi : * ut reddam vota mea de die in diem.

Ant. Dedísti hereditátem timéntibus nomen tuum, Dómine.

Ant. Annuntiavérunt * opéra Dei, et facta ejus intellexérunt.

Psalmus 63

EXáudi, Deus, oratióem meam cum deprecor : * a timóre inimíci éripe ánimam meam.

Protexisti me a convéntu malignántium : * a multitúdine operántium iniquitátem.

Quia exacuérunt ut gládium linguas suas : * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitates : * defecerunt scrutántes scrutínio.

Accédet homo ad cor altum : * et exaltábitur Deus.

Sagittæ parvulórum factæ sunt plagæ eórum : * et infirmátæ sunt contra eos linguæ eórum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera Dei, * et facta ejus intellexérunt.

Lætábitur justus in Dómino, et sperábit in eo, *

et laudabúntur omnes recti corde.

T. P. Ant. Ecce quómodo computáti sunt inter filios Dei, et inter Sanctos sors illórum est, allelúja.

℣. Lux perpétua lucébit Sanctis tuis, Dómine, allelúja. ℟. Et ætérnitas témporum, allelúja.

Extra Tempus Paschale

Ant. Annuntiavérunt ópera Dei, et facta ejus intellexérunt.

℣. Constitues eos príncipes super omnem terram.

℟. Mémoires erunt nóminis tui, Dómine.

Absolutio Ipsíus píetas.

Benedictio Deus Pater.

Sermo sancti Gregórii
Papæ

**Homilia 30 in Evang.,
post medium**

Lectio iv

Scriptum est : Spíritus Dómini ornávit cælos. Ornáménta enim cælórum sunt virtútes prædicántium. Quæ vidélicet ornáménta Paulus enúmerat, dicens : Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, álii fides in eódem Spíritu, álii grátia sanitátum in uno Spíritu, álii operátio virtútum, álii prophetía, álii discrétio spírituum, álii génera lin-

guárum, álii interpretátio sermónum. Hæc autem ómnia operátur unus atque idem Spíritus, dívidens síngulis prout vult.

T. P. ℟. Lux perpétua lucébit Sanctis tuis, Dómine, * Et ætérnitas témporum, allelúja, allelúja.

℣. Lætítia sempitérna erit super cápita eórum : gáudium et exsultatíonem obtinébunt. — Et ætérnitas.

Extra Tempus Paschale

℟. Vidi conjúctos viros, habéntes spléndidas vestes, et Angelus Dómini locútus est ad me, dicens :

* Isti sunt viri sancti facti amíci Dei. ℣. Vidi Angelum Dei fortem, volántem per médium cælum, voce magna clamántem et dicéntem. — Isti.

Bened. Christus perpétuæ.

Lectio v

Quot ergo sunt bona prædicántium, tot sunt ornáménta cælórum. Hinc rursus scriptum est : Verbo Dómini cæli firmáti sunt. Verbum enim Dómini Fílius est Patris. Sed eósdem cælos, vidélicet sanctos Apóstolos, ut tota simul sancta Trínitas ostendátur operáta, repénite de Sancti Spíritus divinitáte adjúngitur : Et Spíritu oris ejus omnis virtus eórum. Cælórum

ergo virtus de Spíritu sumpta est : quia mundi hujus potestátibus contraire non præsúmerent, nisi eos Sancti Spíritus fortitúdo solidásset. Quales namque doctóres sanctæ Ecclesiæ ante advéntum hujus Spíritus fúerint, scimus; et post advéntum illius, cujus fortitúdinis facti sint, conspícimus.

T. P. ✠. Virtúte magna reddébant Apóstoli * Testimónium resurrectionis Jesu Christi, Dómini nostri, allelúja, allelúja.

✠. Repléti quidem Spíritu Sancto, loquebántur cum fidúcia verbum Dei. — Testimónium.

Feria II et V infra Hebdomadam I et II post Octavam Paschæ, quoties in I Nocturno Lectiones fuerint de Scriptura occurrenti cum suis Responsoriis de Tempore, loco præcedentis Responsorii de Tempore dicitur sequens

✠. Pretiósá in conspéctu Dómini, allelúja, * Mors Sanctórum ejus, allelúja.

✠. Custódit Dóminus ómnia ossa eórum, unum ex his non conterétur. — Mors.

Extra Tempus Paschale

✠. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et

exsultáte, quóniam merces vestra copiósá est in cælis.

✠. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. — Gaudéte.

Bened. Ignem sui amóris.

Lectio vi

Certe iste ipse pastor Ecclesiæ, ad cujus sacratíssimum corpus sedémus, quantæ debilitátis quantæque formídinis ante advéntum Spíritus fúerit, ancílla ostiária requisíta dicat. Una enim mulieris voce percúsus, dum mori tímuit, Vitam negávit. Et pensándum, quia eum comprehénsus Petrus negávit in terra, quem suspénsus latro conféssus est in cruce. Sed vir iste tantæ formídinis qualis post advéntum Spíritus exsístat, audiámus. Fit convéntus magistrátus atque seniórum, cæsis denuntiátur Apóstolis, ne in nómine Jesu loqui débent; Petrus magna auctoritáte respóndet : Obedíre opórtet Deo magis quam homínibus.

T. P. ✠. Isti sunt agni novélli, qui annuntiavérunt, allelúja : modo venérunt ad fontes, * Repléti sunt claritáte, allelúja, al-

lelúja. **℟.** In conspéctu Agni amícti sunt stolis albis, et palmæ in máribus eórum. — Repléti sunt claritáte, allelúja, allelúja. **Glória Patri.** Repléti.

Extra Tempus Paschale

℟. Isti sunt triumphatóres et amíci Dei, qui contemnéntes jussa princípum, meruérunt præmia ætérna : * Modo coronántur, et accípiunt palmam.

℟. Isti sunt, qui venérunt ex magna tribulatióne, et lavérunt stolas suas in ságuine Agni. — Modo. **Glória Patri.** Modo.

In III Nocturno

T. P. Ant. Lux perpétua * lucébit Sanctis tuis, Dómine, et ætérnitas témporum, allelúja.

Extra Tempus Paschale

Ant. Exaltabúntur * cónua justí.

Psalmus 74



Confitébimur tibi, Deus : * confitébimur, et invocábimus nomen tuum.

Narrábimus mirabilia tua : * cum accépero tépus, ego justítias judicábo.

Liquefacta est terra, et omnes qui hábitant in ea : * ego confirmávi colúmnas ejus.

Dixi iníquis : Nolíte iníque ágere : * et delinquén-

tibus : Nolíte exaltáre cornu :

Nolíte extóllere in altum cornu vestrum : * nolíte loqui advérsus Deum iniquitátem.

Quia neque ab Oriénte, neque ab Occidénte, neque a desértis móntibus : * quóniam Deus judex est.

Hunc humiliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinaníta : * bibent omnes peccatóres terræ.

Ego autem annuntiábo in sáeculum : * cantábo Deo Jacob.

Et ómnia cónua peccatórum confringam : * et exaltabúntur cónua justí.

Ant. Exaltabúntur cónua justí.

Ant. Lux orta est * justo, rectis corde lætítia.

Psalmus 96

Dominus regnávit, exsúltet terra : * lætén-tur insulæ multæ.

Nubes, et caligo in circúitu ejus : * justítia, et júdicium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxerunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiae Judæ, * propter judícia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Ant. Lux orta est justo, rectis corde lætítia.

Ant. Custodiébant * testimónia ejus, et præcépta ejus.

Psalmus 98

Dominus regnávit, irascántur pópuli : * qui sedet super Chérubim, moveátur terra.

Dóminus in Sion ma-

gnus : * et excélsus super omnes pópulos.

Confiteántur nómini tuo magno : quóniam terríbile, et sanctum est : * et honor regis judícium diligit.

Tu parásti directiões : * judícium et justítiam in Jacob tu fecísti.

Exaltáte Dóminum, Deum nostrum, et adoráte scabéllum pedum ejus : * quóniam sanctum est.

Móyses et Aaron in sacerdotíbus ejus : * et Sámuël inter eos, qui invocant nomen ejus :

Invocabant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes adinventiões eórum.

Exaltáte Dóminum, Deum nostrum, et adoráte in monte sancto ejus : * quóniam sanctus Dóminus, Deus noster.

T. P. Ant. Lux perpétua lucébit Sanctis tuis, Dómine, et ætérnitas téporum, allelúja.

V. Lætítia sempitérna super cápita eórum, allelúja. **R.** Gáudium et exsultatióem obtinébunt, allelúja.

Extra Tempus Paschale

Ant. Custodiébant testimónia ejus, et præcépta ejus.

✠. Nimis honoráti sunt amíci tui, Deus. ✠. Nimis confortátus est principátus eórum.

Absolutio A vinctulis.

Bened. Evangélica léctio.

Léctio sancti Evangélíi
secúndum Matthæum

Lectio vii Cap. 19, 27-29

IN illo témpore : Dixit Petrus ad Jesum : Ecce nos relíquimus ómnia, et secúti sumus te : quid ergo erit nobis? Et réliqua.

Homilía sancti Hierónymi
Presbýteri

Lib. 3 in Matth. cap. 19



Crandis fidúcia! Petrus piscátor erat, dives non fúerat, cibos manu et arte quærébat; et tamen lóquitur confidénter : Relíquimus ómnia. Et quia non súfficit tantum relínquere, jungit quod perféctum est : Et secúti sumus te. Fécimus quod jussísti : quid igitur nobis dabis præmii? Jesus autem dixit illis : Amen, dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judi-

cántes duódecim tribus Israël. Non dixit : Qui reliquistis ómnia; hoc enim et Crates fecit philósophus, et multi álíi divítias contempsérunt : sed, Qui secúti estis me; quod próprie Apostolórum est atque credéntium.

T. P. ✠. Ego sum vitis vera, et vos pálmities :
* Qui manet in me, et ego in eo, hic fert fructum multum, allelúja, allelúja.
✠. Sicut diléxit me Pater, et ego diléxi vos. — Qui.

Feria III et VI infra Hebdomadam I et II post Octavam Paschæ, quoties in I Nocturno Lectiones fuerint de Scriptura occurrenti cum suis Responsoriis de Tempore, loco præcedentis Responsorii dicitur sequens

✠. Tristítia vestra, allelúja, * Convertétur in gáudium, allelúja, allelúja.
✠. Mundus autem gaudébit, vos vero contristabimini, sed tristítia vestra. — Convertétur.

Extra Tempus Paschale

✠. Isti sunt, qui vivéntes in carne, plantavérunt Ecclesiám sángine suo :
* Cálicem Dómini bibérunt, et amíci Dei facti sunt. ✠. In omnem terram exívit sonus eórum, et in fines orbis terræ verba eórum. — Cálicem.

Bened. Cujus **vel** Quorum festum cólimus, ipse **vel** ipsi.

Lectio viii

IN regeneratióne, cum séderit Fílius hóminis in sede majestátis suæ (quando et mórtui de corruptiône resúrgent incorrupti), sedébitis et vos in sóliis judicántium, condemnántes duódecim tribus Israél; quia, vobis credéntibus, illi credere noluérunt. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum, accípiet et vitam ætérnam possidébit. Locus iste cum illa senténtia cóngruit, in qua Salvátor lóquitur : Non veni pacem mittere, sed gládium. Veni enim separáre hóminem a patre suo, et matrem a filia, et nulum a socru : et inimíci hóminis doméstici ejus. Qui ergo, propter fidem Christi et prædicatióem Evangélíi, omnes afféctus contémpserint atque divítias et sæculi voluptátes : isti céntuplum recípiunt, et vitam ætérnam possidébunt.

T. P. ✠. Cándidi facti sunt Nazaræi ejus, allelúja : splendórem Deo déderunt, allelúja : * Et sicut lac coaguláti sunt, allelúja, allelúja. **✠.** Candi-

dióres nive, nitidióres lacte, rubicundióres ébore antiquo, sapphíro pulchrióres. — Et. Glória Patri. Et.

Extra Tempus Paschale

✠. Isti sunt viri sancti, quos elégit Dóminus in caritáte non ficta, et dedit illis glóriam sempitérnam :

* Quorum doctrína fulget Ecclésia, ut sole luna.

✠. Sancti per fidem vicérunt regna : operáti sunt justítiam. — Quorum. Glória Patri. Quorum.

Bened. Ad societátem.

Lectio ix

EX occasione hujus senténtiæ quidam introducunt mille annos post resurrectionem, dicéntes, tunc nobis céntuplum ómnium rerum quas dimísimus, et vitam ætérnam esse reddéndam; non intelligéntes, quod, si in céteris digna sit repromissio, in uxóribus appareat turpitúdo, ut, qui unam pro Dómino dimísit, centum recípiat in futúro. Sensus ergo iste est : Qui carnália pro Salvátore dimísit, spirituália recípiet; quæ comparatióne et mérito sui ita erunt, quasi si parvo número centenárius número comparétur.

Te Deum laudámus.

AD LAUDES

et p̄r Horas, Añæ

1 Sancti tui, * Dómine, florébunt sicut lilium, allelúja : et sicut odor bálsami erunt ante te, allelúja.

Psalmi de Dominica 1 loco.

2 In cæléstibus regnis * Sanctórum habitatio est, allelúja : et in ætérnum réquies eórum, allelúja.

3 In velaménto * clamábant Sancti tui, Dómine, allelúja, allelúja, allelúja.

4 Spíritus et ánimæ * justórum, hymnum dicite Deo nostro, allelúja, allelúja.

5 Fulgébunt justí * sicut sol in conspéctu Dei, allelúja.

Capitulum Sap. 5, 1

Stabunt justí in magna constántia advérsus eos, qui se angustiavérunt et qui abstulérunt labóres eórum.

Hymnus

PAschále mundo gáudium

Sol núntiat formósior,
Cum luce fulgéntem nova
Jesum vident Apóstoli.

In carne Christi vúlnera
Micáre tamquam sídera
Mirántur, et quidquid vident
Testes fidéles prædicant.

Rex Christe clementísime,

Tu corda nostra pösside,
Ut lingua grates débitas
Tuo repéndat nómini.

Ut sis perénne méntibus
Paschále, Jesu, gáudium,
A morte dira criminum
Vitæ renátos libera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sácula.

Amen.

¶ Ab Ascensione autem usque ad Feriam VI ante Vigiliam Pentecostes inclusive, dicitur :

Jesu, tibi sit glória,
Qui victor in cælum redis,
Cum Patre, et almo Spíritu,
In sempitérna sácula.

Amen.

¶ Conclusiones præcedentes numquam mutantur.

℣. Pretiósá in conspéctu Dómini, allelúja. ℟. Mors Sanctórum ejus, allelúja.

Ad Bened. Ant. Fíliæ Jerúsalem, * veníte et vidéte Mártýres cum corónis, quibus coronávit eos Dóminus in die solemnitátis et lætítiæ, allelúja, allelúja.

Oratio própria.

Ad Horas Psalmi de Dominica, ad Primam tamen ut in Festis.

AD TERTIAM

Capit. Stabunt, ut supra.

℟. br. Sancti et justí, in Dómino gaudéte, * Alle-

lúja, allelúja. Sancti.
V. Vos elégit Deus in hereditátem sibi. Allelúja, allelúja. Glória Patri. Sancti. **V.** Lux perpétua lucébit Sanctis tuis, Dómine, allelúja. **R.** Et ætérnitas témporum, allelúja.

AD SEXTAM

Capitulum Sap. 5, 5

Ecce quómodo computáti sunt inter filios Dei, et inter Sanctos sors illórum est.

R. br. Lux perpétua lucébit Sanctis tuis, Dómine, * Allelúja, allelúja. Lux. **V.** Et ætérnitas témporum. Allelúja, allelúja. Glória Patri. Lux. **V.** Lætítia sempitérna super cápita eórum, allelúja. **R.** Gáudium et exsultatiónem obtinébunt, allelúja.

AD NONAM

Capitulum Rom. 8, 28

Scimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

R. br. Lætítia sempitérna super cápita eórum, * Allelúja, allelúja. Lætítia. **V.** Gáudium et exsultatiónem obtinébunt. Allelúja, allelúja. Glória Patri. Lætítia. **V.** Pretiósá in conspéctu Dómini, allelúja. **R.** Mors Sanctórum ejus, allelúja.

IN II VESPERIS

T. P. Ant. Sancti tui, * Dómine, florébunt sicut lílium, allelúja : et sicut odor bálsami erunt ante te, allelúja.

Extra Tempus Paschale

Ant. Jurávit Dóminus, * et non pænitébit eum : Tu es sacérdos in ætérnum.

Psalmus 109

Exit Dóminus Dómino meo : * Sede a dextris meis :

Donec ponam inimícos tuos, * scabéllum pedum tuórum.

Virgam virtútis tuæ emíttet Dóminus ex Sion : * domináre in médio inimicórum tuórum.

Tecum principium in die virtútis tuæ in splendóribus sanctórum : * ex útero ante lucíferum génui te.

Jurávit Dóminus, et non pænitébit eum : * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas : * conquassábit cápita in terra multórum.

De torrénite in via bibet : * proptérea exaltábit caput. Gl.

T. P. Ant. Sancti tui, Dómine, florébunt sicut lílium, allelúja : et sicut odor bálsami erunt ante te, allelúja.

Ant. In cæléstibus regnis * Sanctórum habitátio est, allelúja : et in ætérnum réquies eórum, allelúja.

Extra Tempus Paschale

Ant. Jurávit Dóminus, et non pænitébit eum : Tu es sacérdos in ætérnum.

Ant. Cóllocet eum * Dóminus cum princípibus pópuli sui.

Psalmus 112

Laudáte, púeri, Dóminum : * laudáte nomen Dómini.

Sit nomen Dómini benedíctum, * ex hoc nunc, et usque in sáeculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus, Deus noster, qui in altis hábitat, * et humília réspicit in cælo et in terra?

Súscitans a terra inopem, * et de stércore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stéri-

lem in domo, * matrem filiórum lætántem.

T. P. Ant. In cæléstibus regnis Sanctórum habitátio est, allelúja : et in ætérnum réquies eórum, allelúja.

Ant. In velaménto * clamábant Sancti tui, Dómine, allelúja, allelúja, allelúja.

Extra Tempus Paschale

Ant. Cóllocet eum Dóminus cum princípibus pópuli sui.

Ant. Dirupísti, Dómine, * víncula mea : tibi sacrificábo hóstiam laudis.

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuam Dómino, * pro ómnibus, quæ retríbuit mihi?

Cálicem salutáris accipiam : * et nomen Dómini invocábo.

Vota mea Dómino reddam coram omni pópulo ejus : * pretiósa in conspéctu Dómini mors sanctórum ejus :

O Dómine, quia ego servus tuus : * ego servus tuus, et filius ancíllæ tuæ.

Dirupísti víncula mea : * tibi sacrificábo hóstiam

laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem.

T. P. Ant. In velaménto clamábant Sancti tui, Dómine, allelúja, allelúja, allelúja.

Ant. Spíritus et ánimæ * justórum, hymnum dícite Deo nostro, allelúja, allelúja.

Extra Tempus Paschale

Ant. Dirupísti, Dómine, víncula mea : tibi sacrificábo hóstiam laudis.

Ant. Eúntes ibant * et flebant, mitténtes sémina sua.

Psalmus 125

IN converténdo Dóminus captivitátem Sion : * facti sumus sicut consoláti :

Tunc replétum est gáudio os nostrum : * et lingua nostra exsultatióne.

Tunc dicent inter gentes : * Magnificávit Dóminus fácere cum eis.

Magnificávit Dóminus fácere nobíscum : * facti sumus lætántes.

Convérte, Dómine, captivitátem nostram, * sicut torrens in Austro.

Qui séminant in lácri-mis, * in exsultatióne mentent.

Eúntes ibant et flebant, * mitténtes sémina sua.

Veniéntes autem vénient cum exsultatióne, * portántes manípulos suos.

T. P. Ant. Spíritus et ánimæ justórum, hymnum dícite Deo nostro, allelúja, allelúja.

Ant. Fulgébunt justi * sicut sol in conspéctu Dei, allelúja.

Extra Tempus Paschale

Ant. Eúntes ibant et flebant, mitténtes sémina sua.

Ant. Confortátus est * principátus eórum, et honoráti sunt amíci tui, Deus.

Psalmus 138

Domine, probásti me, et cognovísti me : * tu cognovísti sessiónem meam, et resurrectionem meam.

Intellexísti cogitatiónes meas de longe : * sémitam meam, et funiculum meum investigásti.

Et omnes vias meas prævidísti : * quia non est sermo in lingua mea.

Ecce, Dómine, tu cognovísti ómnia novíssima, et antiqua : * tu formásti me, et posuísti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spíritu tuo? * et quo a fácie tua fúgiam?

Si ascéndero in cælum,
tu illic es : * si descéndero
in inférnum, ades.

Si sumpsero pennas meas
dilúculo, * et habitávero
in extrémis maris :

Etenim illuc manus tua
dedúcet me : * et tenébit
me dextera tua.

Et dixi : Fórsitan téne-
bræ conculcábunt me : *
et nox illuminátio mea in
delíciis meis.

Quia ténebræ non obscu-
rabúntur a te, et nox sicut
dies illuminábitur : * sicut
ténebræ ejus, ita et lumen
ejus.

Quia tu possedísti renes
meos : * suscepísti me de
útero matris meæ.

Confitébor tibi quia ter-
ribiliter magnificátus es : *
mirábilia ópera tua, et
ánima mea cognóscit ni-
mis.

Non est occultátum os
meum a te, quod fecísti in
occúlto : * et substántia
mea in inferiórius terræ.

Imperféctum meum vidé-
runt óculi tui, et in libro
tuo omnes scribéntur : *
dies formabúntur, et nemo
in eis.

Mihi autem nimis hono-
rificáti sunt amíci tui,
Deus : * nimis confortátus
est principátus eórum.

Dinumerábo eos, et su-
per arénam multiplicabún-
tur : * exsurrexi, et adhuc
sum tecum.

Si occíderis, Deus, pec-
catóres : * viri sángu-
inum, declináte a me :

Quia dicitis in cogitatió-
ne : * Accípient in vani-
táte civitátes tuas.

Nonne qui odérunt te,
Dómine, óderam? * et su-
per inimícos tuos tabescé-
bam?

Perfécto ódio óderam il-
los : * et inimíci facti sunt
mihi.

Proba me, Deus, et scito
cor meum : * intéroga me,
et cognósce sémitas meas.

Et vide, si via iniquitátis
in me est : * et deduc me
in via æténa.

T. P. Ant. Fulgébunt ju-
sti sicut sol in conspéctu
Dei, allelúja.

Extra Tempus Paschale

Ant. Confortátus est prin-
cipátus eórum, et honoráti
sunt amíci tui, Deus.

**Capitulum et reliqua ut su-
pra. [2]**

Capitulum Sap. 5, 1

Stabunt justi in magna
constántia advérsus
eos, qui se angustiavérunt
et qui abstulérunt labóres
eórum.

Hymnus

Tristes erant Apóstoli
De Christi acérbo fú-
nere,
Quem morte crudelíssima
Servi necárant ípii.

Sermóne verax Angelus
Mulieribus prædixerat :
Mox ore Christus gáu-
dium

Gregi feret fidélium.

Ad ánxios Apóstolos
Currunt statim dum nún-
tiæ,

Illæ micántis óbvia
Christi tenent vestigia.

Galilææ ad alta móntium
Se cónferunt Apóstoli,
Jesúque, voti cómpotes,
Almo beántur lúmine.

Ut sis perénne méntibus
Paschále, Jesu, gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

¶ Ab Ascensione autem us-
que ad Feriam VI ante Vigi-
liam Pentecostes inclusive,
dicitur :

Jesu, tibi sit glória,
Qui victor in cælum redis,
Cum Patre, et almo Spí-
ritu,

In sempitérna sæcula.

Amen.

¶ Conclusiones præcedentes
numquam mutantur :

℣. Pretiósá in conspéctu
Dómini, allelúja. ℟. Mors
Sanctorum ejus, allelúja.

Ad Magnif. Ant. Sancti
et justi, * in Dómino gau-
déte, allelúja : vos elégit

Deus in hereditátem sibi,
allelúja.

Completorium de Domi-
nica.

II ALIÆ LECTIONES

pro Apostolis

In II Noeturno

De Expositióne sancti Au-
gustíni Epíscopi super
Psalmum octogésimum
sextum Ante medium

Lectio iv



Undaménta ejus in
móntibus sanctis :
diligít Dóminus
portas Sion. Quare sunt
fundaménta Apóstoli et
Prophétæ? Quia eórum
auctóritas portat infirmi-
tátem nostram. Quare sunt
portæ? Quia per ipsos in-
trámus ad regnum Dei.
Prædicant enim nobis : et,
cum per ipsos intrámus,
per Christum intrámus;
ipse est enim jánuá. Et
cum dicúntur duódecim
portæ Jerúsalem, et una
porta Christus et duóde-
cim portæ Christus, quia
in duódecim portis Chri-
stus; et ideo duodenárius
númerus Apostolórum.
Sacraméntum magnum
hujus duodenárii signifi-
cátio est númeri. Sedébi-
tis, inquit, super duóde-
cim sedes, judicántes duó-
decim tribus Israël.

T. P. ℟. Lux. [14]

Extra Tempus Paschale

℟. Vidi conjunctos viros, habentes spléndidas vestes, et Angelus Dómini locútus est ad me, dicens :

* Isti sunt viri sancti facti amici Dei. ℣. Vidi Angelum Dei fortem, volántem per médium cælum, voce magna clamántem et dicéntem. — Isti.

Lectio v

SI duódecim sellæ ibi sunt, non est ubi sédeat tértius décimus Paulus Apóstolus, et non erit quómodo júdicet; et ipse se judicatúrum dixit, non hómines tantum, sed et ángeles. Quos ángeles, nisi apóstatas ángeles? Nescítis, inquit, quia ángeles judicábimus? Respondéret ergo turba : Quid te jactas judicatúrum? Ubi sedébis? Duódecim sedes dixit Dóminus duódecim Apóstolis, unus cécidit Judas, in locum ipsíus sanctus Matthías ordinátus est; implétus est duodenárius númerus sédium. Primo locum ínveni, ubi sédeas, et sic te mináre judicatúrum. Duódecim ergo sedes quid sibi velint, videámus. Sacraméntum est cujúsdam universitátis; quia per totum orbem terrárum futúra erat Ecclésia, unde vocá-

tur hoc ædificíum ad Christi compágem.

T. P. ℟. Virtúte. [15]

Extra Tempus Paschale

℟. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósá est in cælis. ℣. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. — Gaudéte.

Lectio vi

ET ideo, quia úndique venítur ad judicándum, duódecim sedes sunt; sicut, quia úndique intrátur in illam civitátem, duódecim portæ sunt. Non solum ergo illi duódecim et Apóstolus Paulus, sed quotquot judicatúri sunt, propter significatió-nem universitátis ad sedes duódecim pértinent; quemádmódum quotquot intrábunt, ad duódecim portas pértinent. Partes enim mundi quátuor sunt, Oriens, Occidens, Aquilo et Merídies. Istæ quátuor partes assídue nominántur in Scriptúris. Ab istis quátuor ventis, sicut dicit Dóminus in Evangélio, a

quátuor ventis se collectúrum eléctos suos; ab ómnibus ergo istis quátuor ventis vocátur Ecclésia. Quómodo vocátur? Undique in Trinitáte vocátur. Non vocátur nisi per baptísmum in nómine Patris, et Fílii, et Spíritus Sancti. Quátuor ergo ter ducta duódecim inveniúntur.

T. P. ✠. Isti sunt. [15]

Extra Tempus Paschale

✠. Isti sunt triumphatóres et amíci Dei, qui contemnéntes iussa princípum, meruérunt præmia æténa : * Modo coronántur, et accípiunt palmam. ✠. Isti sunt, qui venérunt ex magna tribulatióne, et lavérunt stolas suas in sáanguine Agni. — Modo. **Glória Patri. Modo.**

In III Noeturno

Léctio sancti Evangélíi
secúndum Matthæum

Lectio vii Cap. 19, 27-29

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilía sancti Bedæ
Venerábilis Presbýteri

**Homilia in Natali
S. Benedicti Episc.**



Erféctus ille est, qui ábiens vendit ómnia quæ habet, et dat paupéribus, ac véniens

séquitur Christum; habébit enim thesáurum non deficiéntem in cælis. Unde bene, interrogánte Petro, dixit tálibus Jesus : Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, iudicántes duódecim tribus Israël. In hac quippe vita pro ejus nómine laborántes in ália præmium speráre dócuit, id est, in regeneratióne; cum vidélicet in vitam immortálem fuérimus resurgéndo regeneráti, qui in vitam cadúcam mortáliter erámus géniti.

T. P. ✠. Ego sum. [18]

Extra Tempus Paschale

✠. Isti sunt, qui vivéntes in carne, plantavérunt Ecclésiám sáanguine suo : * Cálicem Dómini bibérunt, et amíci Dei facti sunt. ✠. In omnem terram exívit sonus eórum, et in fines orbis terræ verba eórum. — Cálicem.

Lectio viii

ET justa prorsus retribútio, ut, qui hic pro Christo humánæ glóriam celsitúdinis neglexérunt, illic a Christo júdices glori ficáti singuláriter cum eo assídeant, qui a sequéndis

ejus vestigiis nulla ratióne póterant avélli. Nemo autem putet, duódecim tantum Apóstolos, quia pro Juda prævaricánte Matthías eléctus est, tunc esse judicatúros; sicut nec duódecim solæ sunt tribus Israël judicándæ: alióquin tribus Levi, quæ tértia décima est, injudicáta recédet.

T. P. X. Cándidi. [19]

Extra Tempus Paschale

X. Isti sunt viri sancti, quos elégit Dóminus in caritaté non ficta, et dedit illis glóriam sempitérnam:

* Quorum doctrína fulget Ecclésia, ut sole luna.

V. Sancti per fidem vicérunt regna: operáti sunt justitiam. — Quorum. Glória Patri. Quorum.

Lectio ix

ET Paulus, qui tértius décimus est Apóstolus, judicándi sorte privábitur? cum ipse dicat: Nescitis, quóniam ángeles judicábimus, quanto magis sæculária? Sciéndum namque est, omnes, qui, ad exéplum Apostolórum, sua reliquérunt ómnia et secúti sunt Christum, júdices cum eo ventúros, sicut étiam omne mortálium genus esse judicándum. Quia enim duodenário sæpe número solet in Scriptúris univérsitas designári, per duódecim sedes Apostolórum, ómnium numerósitas judicántium, et, per duódecim tribus Israël, univérsitas eórum, qui judicándi sunt, osténditur. Te Deum.

Commune Evangelistarum

TEMPORE PASCHALI

Omnia ut in Communi Apostolorum Tempore Paschali [4], præter Lectiones ut infra:

In I Nocturno

Incipit liber Ezechiélis
Prophétæ

Lectio i Cap. 1, 1-12



T factum est in trigésimo anno, in quarto, in quinta mensis, cum essem in mé-

dio captivórum juxta flúvium Chobar, apérti sunt cæli, et vidi visiões Dei. In quinta mensis, ipse est annus quintus transmigratiónis regis Jóachim, factum est verbum Dómini ad Ezechiélem, filium Buzi, sacerdotem in terra Chaldæórum, secus flumen Chobar: et facta est super eum ibi manus Dó-

mini. Et vidi, et ecce ventus túrbiniis veniébat ab Aquilóne : et nubes magna, et ignis invólvens, et splendor in circúitu ejus : et de médio ejus quasi species eléctri, id est, de médio ignis.

℟. Beátus vir, qui méruit Dóminum, allelúja : * In mandátis ejus cupit nimis, allelúja, allelúja, allelúja.

℣. Glória et divítiae in domo ejus, et justítia ejus manet in sáeculum sáeculi. — In mandátis.

Lectio ii

ET in médio ejus similitúdo quátuor animálium : et hic aspéctus eórum, similitúdo hóminis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum, quasi planta pedis vítuli, et scintíllæ quasi aspéctus æris candéntis. Et manus hóminis sub pennis eórum in quátuor pártibus : et fácies, et pennas per quátuor partes habébant, junctæque erant pennæ eórum altérius ad álterum. Non revertebántur cum incéderent : sed unumquódque ante fáciem suam gradiebátur.

℟. Tristítia vestra, allelúja, * Convertétur in gáudium, allelúja, allelúja.

℣. Mundus autem gaudé-

bit, vos vero contristabímini, sed tristítia vestra. — Convertétur.

Lectio iii

Similitúdo autem vultus eórum : fácies hóminis, et fácies leónis a dextris ipsórum quátuor : fácies autem bovis, a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper : duæ pennæ singulórum jungebántur, et duæ tegébant córpora eórum : et unumquódque eórum coram fácie sua ambulábat : ubi erat ímpetus spíritus, illuc gradiebántur, nec revertebántur cum ambulárent.

℟. Pretiósa in conspéctu Dómini, allelúja, * Mors Sanctórum ejus, allelúja.

℣. Custódit Dóminus ómnia ossa eórum, unum ex his non conterétur. — Mors. Glória Patri. Mors.

In II Nocturno

De Expositióne sancti Gregórii Papæ super Ezechiélem Prophétam

Hom. 3 Lib. I

Lectio iv

Sancta quátuor animália, quæ prophetiæ spíritui futúra prævidéntur, subtili narratióne describúntur, cum

dicitur : Quátuor fácies uni, et quátuor pennæ uni. Quid per fáciem, nisi notítia; et quid per pennas, nisi volátus exprimitur? Per fáciem quippe unusquisque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplatióem. Per fidem namque ab omnipoténti Deo cognóscimur, sicut ipse de suis óvibus dicit : Ego sum pastor bonus, et cognóscó oves meas, et cognóscunt me meæ. Qui rursus ait : Ego scio quos elégerim. Per contemplatióem vero, qua super nosmetipsos tóllimur, quasi in áëra levámur.

℟. Lux perpétua lucébit Sanctis tuis, Dómine, * Et ætérnitas témporum, allelúja, allelúja. ✠. Lætítia sempitérna erit super cápita eórum : gáudium et exsultatióem obtinébunt. — Et.

Lectio v

Quátuor ergo fácies uni sunt : quia si requíras, quid Matthæus de incarnatióne Dómini séntiat : hoc nimírum sentit, quod Marcus, Lucas et Joánnēs. Si quæras, quid Joánnēs séntiat; hoc procul dúbio, quod Lucas, Marcus et

Matthæus. Si quæras, quid Marcus; hoc quod Matthæus, Joánnēs et Lucas. Si quæras, quid Lucas; hoc quod Joánnēs, Matthæus et Marcus sentit. Quátuor ergo fácies uni sunt : quia notítia fidei, qua cognóscúntur a Deo, ipsa est in uno, quæ est simul in quátuor. Quidquid enim in uno invéneris, hoc in ómnibus simul quátuor cognóscēs.

℟. Virtúte magna reddébant Apóstoli * Testimónium resurrectiós Jesu Christi, Dómini nostri, allelúja, allelúja. ✠. Repléti quidem Spíritu Sancto, loquebántur cum fidúcia verbum Dei. — Testimónium.

Feria II et V infra Hebdomadam I et II post Octavam Paschæ, quoties in I Nocturno Lectiones fuerint de Scriptura occurrenti cum suis Responsoriis de Tempore, loco præcedentis Responsorii de Tempore dicitur sequens

℟. Pretiósá in conspéctu Dómini, allelúja, * Mors Sanctórum ejus, allelúja. ✠. Custódit Dóminus ómnia ossa eórum, unum ex his non conterétur. — Mors.

Lectio vi

ET quátuor pennæ uni : quia Dei omnipoténtis Fílium, Dóminum nostrum Jesum Christum,

simul omnes concórditer prædicant : et ad divinitatem ejus mentis óculos levántes, penna contemplationis volant. Evangelistarum ergo fácies ad humanitatem Dómini pertinet, penna ad divinitatem : quia in eum, quem corpóreum aspiciunt, quasi fácies inténdunt; sed, dum hunc esse incircumscriptum atque incorpóreum ex divinitate annúntiant, per contemplationis pennam quasi in áëra levántur. Quia itaque una est fides incarnationis ejus in ómnibus, et par contemplatio divinitatis ejus in singulis, recte nunc dicitur : Quátuor fácies uni, et quátuor pennæ uni.

℟. Isti sunt agni novélli, qui annuntiavérunt, allelúja : modo venérunt ad fontes, * Repléti sunt claritate, allelúja, allelúja.

℣. In conspéctu Agni amícti sunt stolis albis, et palmæ in mánibus eórum. — Repléti. Glória Patri. Repléti.

In III Nocturno

Léctio sancti Evangélíi
secúndum Lucam

Lectio vii Cap. 10, 1-9

IN illo témpore : Designávit Dóminus et álios septuagínta duos : et misit illos binos ante fáciem

suam, in omnem civitatem et locum, quo erat ipse ventúrus. Et réliqua.

Homilía sancti Gregórii Papæ

Homilia 17 in Evang.

EOminus et Salvátor noster, fratres caríssimi, aliquándo nos sermónibus, aliquándo vero opéribus ádmonet. Ipsa étenim facta ejus præcépta sunt : quia, dum áliquíd tácitus facit, quid ágere debeámus innotéscit. Ecce enim, binos in prædicationem discípulos mittit : quia duo sunt præcépta caritátis, Dei videlicet amor, et próximi : et minus quam inter duos caritas habéri non potest. Nemo enim próprie ad semetípsum habére caritatem dicitur : sed diléctio in álterum tendit, ut caritas esse possit

Pro Evangelistis T. P.

℟. Ego sum vitis vera, et vos pálmites : * Qui manet in me, et ego in eo, hic fert fructum multum, allelúja, allelúja. ℣. Sicut diléxit me Pater, et ego diléxi vos. — Qui.

Feria III et VI infra Hebdomadam I et II post Octavam Paschæ, quoties in I Nocturno Lectiones fuerint de Scriptura occurrenti cum suis Responsoriis de Tempore, loco præ-

cedentis Responsorii dicitur
sequens

℟. Tristitia vestra, allelúja, * Convertétur in gáudium, allelúja, allelúja.
℣. Mundus autem gaudébit, vos vero contristabimini, sed tristitia vestra. — Convertétur.

Pro Confessore Pontifice

℟. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. (T. P. Allelúja.) ℣. Induit eum Dóminus lorícam fidei, et ornávit eum. — Et.

Pro Conf. non Pontifice

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. (T. P. Allelúja.) ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

Ecce enim, binos ad prædicándum discipulos Dóminus mittit : quatenus hoc nobis tácitus innuat, quia qui caritátem erga álterum non habet, prædicatiónis officium suscipere nullátenuS debet. Bene autem dicitur,

quia misit eos ante faciém suam in omnem civitátem et locum, quo erat ipse ventúrus. Prædicatóres enim suos Dóminus séquitur : quia prædicatio prævenit, et tunc ad mentis nostræ habitáculum Dóminus venit, quando verba exhortatiónis præcúrrunt : atque per hoc véritas in mente suscipitur.

Pro Evangelistis T. P.

℟. Cándidi facti sunt Nazaræi ejus, allelúja : splendórem Deo dedérunt, allelúja : * Et sicut lac coaguláti sunt, allelúja, allelúja. ℣. Cándidióres nive, nitióres lacte, rubicundióres ébore antíquo, sapphíro pulchrióres. — Et. Glória Patri. Et.

Pro Confessore Pontifice et non Pontifice

℟. Sint lumbi vestri præcincti, et lucernæ ardéntes in mánibus vestris : * Et vos símiles homínibus exspectántibus dóminum suum, quando revertátur a núptiis. (T. P. Allelúja.) ℣. Vigiláte ergo, quia nescitis qua hora Dóminus vester ventúrus sit. — Et. Glória Patri. Et.

Pro Doctore

℟. In médio Ecclésiæ apéruit os ejus, * Et implévit eum Dóminus spíritu sapiéntiæ et intellé-

ctus. (T. P. Allelúja.)
 ✠. Jucunditatem et exultationem thesaurizavit super eum. — Et. Glória. Et.

Lectio ix

Hinc namque eisdem prædicatóribus Isaías dicit : Paráte viam Dómini, rectas fácite sémitas Dei nostri. Hinc filiis Psalmísta ait : Iter fácite ei, qui ascéndit super occásu-
 sum. Super occásu namque Dóminus ascéndit :

quia unde in passióne oc-
 cúbuit, inde majórem suam glóriam resurgéndo mani-
 festávit. Super occásu videlicet ascéndit; quia mortem quam pértulit, re-
 surgéndo calcávit. Ei ergo qui ascéndit super occá-
 sum, iter fácimus, cum nos ejus glóriam vestris méntibus prædicámus, ut eas et ipse post véniens, per amoris sui præsentiam illústret.

Te Deum laudámus.

Commune unius aut plurium Summorum Pontíficum

Omnia de Communi unius aut plurimorum Martyrum vel Confessoris Pontificis, juxta qualitatem festi, præter sequentia :

Oratio

Regem tuum, Pastor ætérne, placátus inténde : et per beátum N. (Mártýrem tuum atque) Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Pro pluribus Pontif. :

Oratio

Regem tuum, Pastor ætérne, placátus inténde : et per beátos N. et N. (Mártýres tuos at-

que) Summos Pontífices, perpétua protectióne custódi; quos totíus Ecclésiæ præstitísti esse pastóres. Per Dóminum.

Si vero agenda sit commemoratio alterius Summi Pontificis, dicitur sequens

Oratio

Deus, qui Ecclésiám tuam in apostólicæ petræ soliditáte fundátam, ab infernárum éruis terrore portárum : præsta, quæsumus, ut intercedénte beáto N. (Mártýre tuo atque) Summo Pontífice, in tua veritáte persístens, continúa securitáte muniátur. Per Dóminum.

In III Nocturno

Lectio sancti Evangélíi
secúndum Matthæum

Lectio vii Cap. 16, 13-19

IN illo témpore : Venit
Jesus in partes Cæsa-
réæ Philippi, et interro-
gábat discipulos suos, di-
cens : Quem dicunt hó-
mines esse Fílium hómi-
nis? Et réliqua.

Homília sancti Leónis
PapæSermo 2 in anniversario
assumpt. suæ, ante medium

EUM, sicut evangé-
lica lectione rese-
rátum est, interro-
gáset Dóminus discipu-
los, quem ipsum (multis
diversa opinántibus) cré-
derent; respondissétque
beátus Petrus, dicens : Tu
es Christus Fílius Dei vivi;
Dóminus ait : Beátus es,
Simon Bar-Jona, quia caro
et sánguis non revelávit
tibi, sed Pater meus, qui
in cælis est : et ego dico
tibi, quia tu es Petrus, et
super hanc petram ædifi-
cábo Ecclésiám meam, et
portæ inferi non præva-
lébunt advérsus eam. Et
tibi dabo claves regni cæ-
lórum : et quodcúmque
ligáveris super terram,
erit ligátum et in cælis :
et quodcúmque sólveris
super terram, erit solútum
et in cælis. Manet ergo

dispositio veritátis, et beá-
tus Petrus, in accépta for-
titú-dine petræ persevé-
rans, suscepta Ecclésiæ
gubernácula non relíquit.

Pro Pontifice Mart.
extra Tempus Paschale :

✠. Coróna áurea super
caput ejus, * Expréssa si-
gno sanctitátis, glória ho-
nóris, et opus fortitúdinis.

✠. Quóniam prævenísti
eum in benedictiónibus
dulcédinis, posuísti in cá-
pite ejus corónam de lápi-
de pretiósó. — Expréssa
signo sanctitátis, glória
honóris, et opus fortitú-
dinis.

Pro pluribus Pont. Mart.
extra Tempus Paschale :

✠. Propter testaméntum
Dómini et leges patérnas,
Sancti Dei perstitérunt in
amóre fraternitátis : * Quia
unus fuit semper spíritus
in eis, et una fides. ✠. Ecce
quam bonum et quam ju-
cúndum habitáre fratres
in unum! — Quia.

Pro uno vel pluribus Pont.
Mart. Tempore Paschali :

✠. Ego sum vitis vera, et
vos pálmities : * Qui manet
in me, et ego in eo, hic fert
fructum multum, allelúja,
allelúja. ✠. Sicut diléxit
me Pater, et ego diléxi
vos. — Qui.

Feria III et VI infra hebdo-
madam I et II post Octavam
Paschæ quoties in I Nocturno
Lectiones fuerint de Scriptura

occurrenti cum suis Responsoriis de Tempore, loco præcedentis Responsorii dicitur sequens

℟. Tristitia vestra, allelúja, * Convertétur in gáudium, allelúja, allelúja.

℣. Mundus autem gaudébit, vos vero contristabimini, sed tristitia vestra. — Convertétur in gáudium, allelúja, allelúja.

Pro Pontifice Confessore

℟. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ℣. Induit eum Dóminus lorícam fidei, et ornávit eum. — Et.

Pro pluribus Pont. Conf. :

℟. Beáti, qui custódiunt iudícium, * Et faciunt iustítiam in omni témpore.

℣. Deus iudícii Dóminus : beáti omnes, qui exspéctant eum. — Et.

Lectio viii

IN univérſa namque Ecclésia, Tu es Christus Fílius Dei vivi, quotidie Petrus dicit; et omnis lingua, quæ confitétur Dóminum, magistério hujus vocis imbúitur. Hæc fides diábolum vincit et captivórum ejus víncula dissólvit. Hæc éruſos mundo, ínſerit cælo, et portæ ínferi advérsus eam prævalére non possunt. Tanta enim divínitus soliditáte

múnita est, ut eam neque hærética umquam corrúmpere právitas, nec pagána potúerit superáre perfídia. His itaque modis, dilectíssimi, rationábili obséquio celebrétur hodiérna festívitás : ut in persóna humilitátis meæ ille intelligátur, ille honorétur, in quo et ómnium pastórum sollicitúdo, cum commendatarum sibi óvium custódia perseverát, et cujus étiam dignitas in indígno heréde non déficit.

Pro Pontifice Martyre extra Tempus Paschale :

℟. Hic est vere Martyr, qui pro Christi nómine sánguinem suum fudit : * Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ℣. Justum dedúxit Dóminus per vias rectas, et osténdit illi regnum Dei. — Qui. Glória Patri. Qui.

Sequens Responsorium dicitur, loco præcedentis, in Officio unius Martyris, qui non effuso sanguine occubuerit.

℟. Dómine, prævenísti eum in benedictiónibus dulcédinis : * Posuísti in cápite ejus coronam de lápide pretiósó. ℣. Vitam pétiit a te, et tribuísti ei longitudínem diérum in sáeculum sáeculi. — Posuísti. Glória Patri. Posuísti.

**Pro pluribus Pont. Mart.
extra Tempus Paschale :**

℟. Sancti mei, qui in carne pòsiti, certámen habuístis : * Mercédem labóris ego reddam vobis. ℣. Veníte, benedícti Patris mei, percípите regnum. — Mercedem. Glória. Mercédem.

**Pro uno vel pluribus
Pontif. Mart. Temp. Paschali :**

℟. Cándidi facti sunt Nazaráei ejus, allelúja; splendórem Deo dedérunt, allelúja : * Et sicut lac coaguláti sunt, allelúja, allelúja. ℣. Candidióre nive, niti-dióre lacte, rubicundióre ébore antíquo, sapphíro pulchrióre. — Et. Glória Patri. Et.

Pro Pontifice Confessore

℟. Sint lumbi vestri præcíncti, et lucérnæ ardéntes in mánibus vestris : * Et vos símiles homínibus exspectántibus dóminum suum, quando revertátur a núptiis. ℣. Vigiláte ergo, quia nescítis qua hora Dóminus vester ventúrus sit. — Et. Glória Patri. Et.

Pro Doctore :

℟. In médio Ecclésiæ apéruit os ejus. * Et implévit eum Dóminus spírítu sapiéntiæ et intellectus. ℣. Jucunditátem et exultatióem thesaurizávit super eum. — Et implévit. Glória Patri. Et implévit.

Pro pluribus Pont. Conf. :

℟. Vigiláte ergo, nescítis enim quando Dóminus domus véniat : * Ne cum vénerit repénte, invéniat vos dormiéntes. ℣. Quod autem vobis dico, ómnibus dico : Vigiláte. — Ne. Glória Patri. Ne.

Lectio ix

CUM ergo cohortatiónes nostras áuribus vestræ sanctitátis adhibémus, ipsum vobis, cujus vice fúngimur, loqui créдите : quia et illíus vos afféctu monémus, et non áliud vobis, quam quod dócuit, prædicámus; obsecrántes, ut succíncti lumbos mentis vestræ, castam et sóbriam vitam in Dei timóre ducátis. Coróna mea, sicut Apóstolus ait, et gáudium vos estis, si fides vestra, quæ ab initio Evangélii in univérso mundo prædicáta est, in dilectiône et sanctitáte permánserit. Nam licet omnem Ecclésiám, quæ in toto est orbe terrárum, cunctis opórteat florére virtútibus; vos tamen præcípue inter ceteros pópulos decet méritis pietátis excéllere, quos in ipsa apostólicæ petræ arce fundátos, et Dóminus noster Jesus Christus cum ómnibus redémit, et beátus Apóstolus Petrus præ ómnibus erudívit. Te Deum.



Commune unius **M**artyris

EXTRA TEMPUS PASCHALE

IN I VESPERIS

Ant. 1 Qui me confessus
fuerit * coram hominibus,
confitebor et ego eum co-
ram Patre meo.

**Psalmi ut in I Vesperis de
Communi Apostolorum. [4]**

2 Qui sequitur me, * non
ambulat in tenebris, sed
habebit lumen vitae, dicit
Dominus.

3 Qui mihi ministrat, *
me sequatur : et ubi ego
sum, illic sit et minister
meus.

4 Si quis mihi ministrá-
verit, * honorificabit eum
Pater meus, qui est in cæl-
lis, dicit Dominus.

5 Volo, Pater, * ut, ubi
ego sum, illic sit et miní-
ster meus.

In II Vesperis

Psalmus 115

Credidi, propter quod
locutus sum : * ego au-
tem humiliatus sum nimis.

Ego dixi in excéssu meo : *
Omnis homo mendax.

Quid retribuam Dómi-
no, * pro ómnibus, quæ
retribuit mihi

Cálicem salutáris accí-
piam : * et nomen Dómini
invocabo.

Vota mea Dómino red-
dam coram omni pópulo
ejus : * pretiósá in conspé-
ctu Dómini mors sanctó-
rum ejus :

O Dómine, quia ego ser-
vus tuus : * ego servus
tuus, et filius ancillæ tuæ.

Dirupísti víncula mea : *
tibi sacrificábo hóstiam
laudis, et nomen Dómini
invocabo.

Vota mea Dómino red-
dam in conspéctu omnis
pópuli ejus : * in átriis do-
mus Dómini, in médio tui,
Jerúsalem.

Ant. Volo, Pater, ut, ubi
ego sum, illic sit et miní-
ster meus.

Capitulum Jac. 1, 12

BEátus vir, qui suffert
tentatióem : quó-
niam, cum probátus fúe-
rit, accípiet corónam vitæ,
quam repromísit Deus di-
ligéntibus se.

Hymnus

DEus, tuórum mīlitum
Sors et coróna, præ-
mium,
Laudes canéntes Mártyris
Absólve nexu críminis.

Hic nempe mundi gáudia
Et blanda fraudum pábula
Imbúta felle députans,
Pervénit ad cæléstia.

Pœnas cucúrrit fórtiter
Et sústulit viríliter,
Fundénsque pro te sán-
guinem,
ÆtéRNA dona póssidet.

Ob hoc precátu súpplīci
Te póscimus, piíssime :
In hoc triúmpho Mártyris
Dimítte noxam sérvulis.

* **Laus** et perénis glória
Patri sit, atque Filio,
Sancto simul Paráclito,
In sempitérna sácula.

Amen.

℟. Glória et honóre coro-
násti eum, Dómine.

℟. Et constituísti eum
super ópera mánuum tuá-
rum.

Ad Magnif. Ant. Iste
Sanctus * pro lege Dei sui
certávit usque ad mortem,
et a verbis impiórum non
tímuit; fundátus enim erat
supra firmam petram.

In II Vesperis

℟. Justus ut palma floré-
bit.

℟. Sicut cedrus Líbani
multiplicábitur.

Ad Magnif. Ant. Qui vult
veníre post me, * ábneget
semetípsum, et tollat cru-
cem suam, et sequátur me.

Pro Martyre et Pontifice

1 — Oratio

INfirmitátem nostram
réspecte, omnípotens
Deus : et, quia pondus
própriæ actiόνis gravat,
beáti **N.** Mártyris tui at-
que Pontíficis intercésio
gloriósa nos prótegat. Per
Dóminum.

2 — Alia Oratio

DEus, qui nos beáti **N.**
Mártyris tui atque
Pontíficis ánnua solemni-
táte lætíficas : concéde
propítius; ut, cujus nata-
lítia cólimus, de ejúdem
étiam protectiône gaudeá-
mus. Per Dóminum.

Pro Martyre non Pontifice

3 — Oratio

PRæsta, quæsumus, omnípotens Deus : ut, qui beáti **N** Mártiris tui natalítia cólimus, intercessióne ejus in tui nóminis amóre roborémur. Per Dóminum.

4 — Alia Oratio

PRæsta, quæsumus, omnípotens Deus : ut, intercedénte beáto **N**. Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Completorium de Domínica.

AD MATUTINUM

Invitat. Regem Mártirum Dóminum, * Veníte, adorémus. **Ps. 94** Veníte, exsultémus.

Hymnus Deus, tuórum militum, *ut supra.* [34]

In I Noeturno

Ant. In lege Dómini * fuit volúntas ejus die ac nocte.

Tempore Paschali

Ant. Stabunt justí * in magna constántia advérsum eos, qui se angustiarunt, allelúja.

Sub una tantum Antiphona in quolibet Noeturno dicuntur Psalmi.

Psalmus 1

BEátus vir, qui non ábiit in consílio impiórum, et in via peccatórum non stetit, * et in cáthedra pestilentiae non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non defluet : * et ómnia quaecúmque fáciat, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in judício : * neque peccatóres in concílio justórum.

Quóniam novit Dóminus viam justórum : * et iter impiórum períbit.

Ant. In lege Dómini fuit volúntas ejus die ac nocte.

Ant. Prædicans * præceptum Dómini constitútus est in monte sancto ejus.

Psalmus 2

QUare fremuérunt gentes, * et pópuli meditati sunt inánia?

Astitérunt reges terræ, et príncipes convenérunt

in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possессиónem tuam términos terræ.

Reges eos in virga férrea, * et tamquam vas figuli confrínges eos.

Et nunc, reges, intelligíte : * erudímini, qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Prædicans præcéptum Dómini constitútus est in monte sancto ejus.

Ant. Voce mea * ad Dóminum clamávi : et exaudivit me de monte sancto suo.

Psalmus 3

Domine, quid multiplicáti sunt qui tríbulant me? * multi insúrgunt advérsus me.

Multi dicunt animæ meæ : * Non est salus ipsi in Deo ejus.

Tu autem, Dómine, susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo millia pópuli circumdántis me : * exsúrge, Dómine, salvum me fac, Deus meus.

Quóniam tu percussísti omnes adversántes mihi sine causa : * dentes peccatórum contrivísti.

Dómini est salus : * et super pópulum tuum benedíctio tua.

Ant. Voce mea ad Dóminum clamávi : et exaudivit me de monte sancto suo.

V. Glória et honóre coronásti eum, Dómine.

R. Et constituísti eum super ópera mánuum tuárum.

Tempore Paschali

Ant. Stabunt justi in magna constantia adversus eos, qui se angustiaverunt, allelúja.

✠. Sancti et justi, in Dómino gaudéte, allelúja.

✠. Vos elégit Deus in hereditatem sibi, allelúja.

Absolutio Exáudi, Dómine.

Benedictio Benedictione.

Lectiones sequentes I Nocturni dicuntur in Festo Martyris Pontificis. In Festo autem Martyris non Pontificis adhibentur Lectiones Fratres : Debitores, quæ positæ sunt in Communi plurimorum Martyrum [57] cum Responsoriis tamen pro uno Martyre non Pontifice ibi notatis.

De Actibus Apostolorum

Lectio i Cap. 20, 17-38



Miléo Paulus mittens Ephesum, vocávit majóres natu Ecclésiæ. Qui cum venissent ad eum, et simul essent, dixit eis : Vos scitis a prima die, qua ingressus sum in Asiam, quáliter vobiscum per omne tempus fúerim, sérvians Dómino cum omni humilitate, et lácrimis, et tentationibus, quæ mihi acciderunt ex insidiis Judæorum : quómodo nihil subtráxerim útilium, quóminus annuntiárem vobis, et

docérem vos públice, et per domos, testificans Judæis, atque gentilibus in Deum pænitentiam, et fidem in Dóminum nostrum Jesum Christum. Et nunc ecce alligátus ego spíritu, vado in Jerúsalem : quæ in ea ventúra sint mihi, ignórans : nisi quod Spíritus Sanctus per omnes civitátes mihi protestátur, dicens : Quóniam víncula et tribulationes Jerosólymis me manent. Sed nihil horum véreor : nec fácio ánimam meam pretiosiórem quam me, dúmmodo consúmmem cursum meum, et ministérium verbi, quod accépi a Dómino Jesu, testificári Evangélium grátiae Dei.

✠. Iste Sanctus pro lege Dei sui certávit usque ad mortem, et a verbis impiórum non tímuit : * Fundátus enim erat supra firmam petram. ✠. Iste est, qui contémpsit vitam mundi, et pervénit ad cæléstia regna. — Fundátus.

Tempore Paschali

✠. Beátus vir, qui méruit Dóminum, allelúja : * In mandátis ejus cupit nimis, allelúja, allelúja, allelúja.

✠. Glória et divítiae in domo ejus, et justítia ejus manet in sáeculum sáeculi. — In mandátis.

Bened. Unigénitus Dei.

Lectio ii

ET nunc ecce ego scio quia ámplius non vidébitis fáciem meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a ságuine ómnium. Non enim subterfúgi quóminus annuntiárem omne consílium Dei vobis. Atténdite vobis, et univérso gregi, in quo vos Spíritus Sanctus pósuit episcopos régere Ecclésiám Dei, quam acquisívit ságuine suo. Ego scio quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exsúrgent viri loquéntes perversa, ut abducant discipulos post se. Propter quod vigiláte memoria retinéntes : quóniam per triénnum nocte et die non cessávi, cum lácrimis monens unumquémque vestrum.

R. Justus germinábit sicut lílium : * Et florébit in ætérnum ante Dóminum.

V. Plantátus in domo Dómini, in átriis domus Dei nostri. — Et.

Tempore Paschali

R. Tristítia vestra, allelúja, * Convertétur in gáudium, allelúja, allelúja.

V. Mundus autem gaudébit, vos vero contristabí-

mini, sed tristítia vestra. — Convertétur.

Bened. Spíritus Sancti.

Lectio iii

ET nunc comméndo vos Deo, et verbo grátiae ipsíus, qui potens est ædificáre, et dare hereditátem in sanctificátis ómnibus. Argéntum et aurum, aut vestem nullius concupívi, sicut ipsi scitis : quóniam ad ea, quæ mihi opus erant, et his, qui mecum sunt, ministravérunt manus istæ. Omnia osténdi vobis, quóniam sic laborántes, opórtet suscípere infirmos, ac meminisse verbi Dómini Jesu, quóniam ipse dixit : Beátius est magis dare, quam accípere. Et cum hæc dixisset, pósitis génibus suis, orávit cum ómnibus illis. Magnus autem fletus factus est ómnium : et procumbéntes super collum Pauli, osculabántur eum, doléntes máxime in verbo, quod díxerat, quóniam ámplius fáciem ejus non essent visúri. Et deducébant eum ad navem.

R. Iste cognóvit justítiam, et vidit mirabília magna, et exorávit Altíssimum : * Et invéntus est in número Sanctórum.

V. Iste est, qui contémpsit vitam mundi, et pervénit ad cæléstia regna. — Et. **G**loria Patri. Et.

Tempore Paschali

℟. Pretiōsa in conspēctu
Dómini, allelúja, * Mors
Sanctorum ejus, allelúja.

℣. Custódit Dóminus óm-
nia ossa eórum, unum ex
his non conterétur. —
Mors. Glória Patri. Mors.

In II Nocturno

Ant. Fílii hóminum, *
scitóte quia Dóminus san-
ctum suum mirificávit.

Tempore Paschali

Ant. Ecce, * quómodo
computáti sunt inter filios
Dei, et inter Sanctos sors
illórum est, allelúja.

Psalmus 4

QUM invocárem ex-
audívit me Deus
justítiæ meæ : * in
tribulatióne dilatásti mihi.

Miserére mei, * et exáudi
oratióem meam.

Fílii hóminum, úsquequo
gravi corde? * ut quid dilí-
gitis vanitátem, et quæri-
tis mendácium?

Et scitóte quóniam miri-
ficávit Dóminus sanctum
suum : * Dóminus exáu-
diet me cum clamávero ad
eum.

Irascimini, et nolíte pec-
cáre : * quæ dicitis in
córdibus vestris, in cu-
bilibus vestris compungí-
mini.

Sacrificáte sacrificium ju-
stítiæ, et speráte in Dómi-

no. * Multi dicunt : Quis
osténdit nobis bona?

Signátum est super nos
lumen vultus tui, Dómi-
ne : * dedísti lætítiam in
corde meo.

A fructu fruménti, vini,
et ólei sui * multiplicáti
sunt.

In pace in idípsum * dór-
miam, et requiēscam;

Quóniam tu, Dómine,
singuláriter in spe * con-
stituísti me.

Ant. Fílii hóminum, sci-
tóte quia Dóminus san-
ctum suum mirificávit.

Ant. Scuto bonæ volun-
tátis * tuæ coronásti eum,
Dómine.

Psalmus 5

VERBA mea áuribus pér-
cipe, Dómine, * intél-
lige clamórem meum.

Inténde voci oratiónis
meæ, * Rex meus et Deus
meus.

Quóniam ad te orábo : *
Dómine, mane exáudies
vocem meam.

Mane astábo tibi et vi-
débo : * quóniam non
Deus volens iniquitátem
tu es.

Neque habitábit juxta te
málgnus : * neque perma-
nébunt injústi ante óculos
tuos.

Odísti omnes, qui ope-
rántur iniquitátem : * per-
des omnes, qui loquúntur
mendácium.

Virum sánguinum et dólsum abominábitur Dóminus : * ego autem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine, deduc me in iustítia tua : * propter inimicos meos dírige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces iusto.

Dómine, ut scuto bonæ voluntátis tuæ * coronásti nos.

Ant. Scuto bonæ voluntátis tuæ coronásti eum, Dómine.

Ant. In univérsa terra * glória et honóre coronásti eum.

Psalmus 8

Domine, Dóminus noster, * quam admirábile est nomen tuum in univérsa terra!

Quóniam eleváta est magnificentia tua, * super cælos.

Ex ore infántium et lacténtium perfecísti laudem propter inimicos tuos, * ut déstruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Ant. In univérsa terra glória et honóre coronásti eum.

℟. Posuísti, Dómine, super caput ejus. **℟.** Coronam de lápide pretióso.

Tempore Paschali

Ant. Ecce quómodo computáti sunt inter filios Dei, et inter Sanctos sors illórum est, allelúja.

℟. Lux perpétua lucébit Sanctis tuis, Dómine, allelúja. **℞.** Et ætérnitas témporum, allelúja.

Absolutio Ipsíus píetas.

Benedictio Deus Pater.

Sermo sancti Augustíni
Epíscopi

Sermo 44 de Sanctis

Lectio iv



Riumphális beáti Mártiris **N.** dies hódie nobis anniversária celebritáte recúrrit; cuius glorificatióne sicut congáudet Ecclésia, sic ejus propónit sequénda vestígia. Si enim compátimur, et congrificábitur. In cuius glorióso agóne duo nobis præcípuè consideránda sunt : induráta vidélicet tortóris sævítia, et Mártiris invícta patiéntia. Sævítia tortóris, ut eam detestémur; patiéntia Mártiris, ut eam imitémur. Audi Psalmístam advérsus malítiam increpántem : Noli æmulári in malignántibus, quóniam tamquam fœnum velóciter aréscent. Quod autem advérsus malignántes patiéntia exhibénda sit, audi Apóstolum suadéntem : Patiéntia vobis

necessária est, ut reportétis promissiões.

℞. Honéstum fecit illum Dóminus, et custodívit eum ab inimícis, et a seductóribus tutávit illum :

***** Et dedit illi claritátem ætérnam. **℟.** Descendítque cum illo in fóveam, et in vínculis non derelíquit eum. — Et.

Bened. Christus perpétuæ.

Lectio v

Coronáta itaque est beáti Mártiris patiéntia : mancipáta est ætérnis cruciátibus tortóris incorrécta malítia. Hoc atténdens in agóne suo gloriósus Christi Athléta, non exhórruit cárcerem. Ad imitatióne capítis sui tolerávit probra, sustínuit irrisiões, flagélla non tímuit, et quot ante mortem pro Christo pértulit supplicia, tot ei de se óbtulit sacrificia. Quod enim propinánte Apóstolo bíberat, alte retinébat : Quia non sunt condígnæ passióes hujus témporis ad futúram glóriam, quæ revelábitur in nobis; et Quia momentáneum hoc et leve nostræ tribulatióis, ætérnum glóriæ pondus operátur in cælis. Hujus promissiões amóre a terrénis suspénsus, et prægustáta supérnæ suavitátis dulcédine ineffabíliter afféctus,

dicébat cum Psalmísta : Quid mihi est in cælo, et a te quid vólui super terram? Defécit caro mea et cor meum : Deus cordis mei, et pars mea Deus in ætérnum.

R. Desidérium animæ ejus tribuísti ei, Dómine, * Et voluntáte labiórum ejus non fraudásti eum.

V. Quóniam prævenísti eum in benedictiónibus dulcédinis : posuísti in cápite ejus corónam de lápide pretiósó. — Et.

Bened. Ignem sui amoris.

Lectio vi

Contemplabátur enim quantum in ænigmate infirmitas humana óculum mentis in æternitáte figere potest, quanta sint supérnæ civitátis gáudia : et ea enarráre non sufficiens, admirándó clamábat : Quid mihi est in cælo? Quasi diceret : Excédit vires meas, excédit facultátem eloquéntiæ meæ, transcendit capacitátem intelligéntiæ meæ illud decus, illa glória, illa celsitúdo, qua nobis, a conturbatióne hóminum remótis, in abscondito faciúi suæ Jesus Christus Dóminus noster reformábit corpus humilitátis nostræ, configurátum córpori claritátis suæ. Hujus perféctæ libertátis contemplatióne nullum vitá-

bat pérículum, nullum horrébat supplícium : et si millies posset mori, non putábat se hanc digne posse áliqua ratióne promeréri.

R. Stola jucunditátis induit eum Dóminus : * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et. **G**lória Patri. Et.

In III Nocturno

Ant. Justus Dóminus, * et justítiam diléxit : æquitátem vidit vultus ejus.

Tempore Paschali

Ant. Lux perpétua * lucébit Sanctis tuis, Dómine, et ætérnitas téporum, allelúja.

Psalmus 10

IN Dómino confído : quómodo dicitis animæ : * Trásmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt : * justus autem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respíciunt : * pálpebræ ejus intérogant filios hóminum.

Dóminus intérogat justum et ímpium : * qui autem díligit iniquitátem, odit ánimam suam.

Pluet super peccatóres láqueos : * ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit : * æquitátem vidit vultus ejus.

Ant. Justus Dóminus, et justítiam diléxit : æquitátem vidit vultus ejus.

Ant. Habitábit * in tabernáculo tuo : requiescet in monte sancto tuo.

Psalmus 14

Domine, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes autem Dóminum glórficat :

Qui jurat próximo suo,

et non décipit, * qui pecúniam suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

Ant. Habitábit in tabernáculo tuo : requiescet in monte sancto tuo.

Ant. Posuísti, Dómine, * super caput ejus corónam de lápide pretiósó.

Psalmus 20

Domine, in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuísti ei : * et voluntáte labiórum ejus non fraudásti eum.

Quóniam prævenísti eum in benedictiónibus dulcédinis : * posuísti in cápite ejus corónam de lápide pretiósó.

Vitam pétiit a te : * et tribuísti ei longitúdinem diérum in sáculum, et in sáculum sáculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sáculum sáculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua
ómnibus inimícis tuis : *
déktera tua invéniat om-
nes, qui te odérunt.

Pones eos ut clíbanum
ignis in témpore vultus
tui : * Dóminus in ira sua
conturbábit eos, et devo-
rábit eos ignis.

Fructum eórum de terra
perdes : * et semen eórum
a filiis hóminum.

Quóniam declinavérunt
in te mala : * cogitavérunt
consília, quæ non potué-
runt stabilíre.

Quóniam pones eos dor-
sum : * in relíquiis tuis
præparábis vultum eó-
rum.

Exaltáre, Dómine, in vir-
túte tua : * cantábimus et
psallémus virtútes tuas.

Ant. Posuísti, Dómine,
super caput ejus coronam
de lápide pretiósó.

✠. Magna est glória ejus
in salutári tuo. ✠. Glóriam
et magnum decórem im-
pónes super eum.

Tempore Paschali

Ant. Lux perpétua lucé-
bit Sanctis tuis, Dómine,
et æternitas témporum,
allelúja.

✠. Lætítia sempitérna
super cápita eórum, alle-
lúja. ✠. Gáudium et exul-
tatióem obtinébunt, alle-
lúja.

Absolutio A v́nculis.

Bened. Evangélica léctio.

Léctio sancti Evangélii secúndum Lucam

Lectio vii Cap. 14, 26-33

IN illo témpore : Dixit
Jesus turbis : Si quis
venit ad me, et non odit
patrem suum, et matrem,
et uxórem, et filios, et
fratres, et soróres, adhuc
autem et ánimam suam,
non potest meus esse di-
scípulus. Et réliqua.

Homília sancti Gregórii Papæ

Homilia 37 in Evang.



SI considerémus, fra-
tres caríssimi, quæ
et quanta sunt, quæ
nobis promittúntur in cæ-
lis, viléscunt ánimo ómnia
quæ habéntur in terris.
Terréna namque substán-
tia, supérnæ felicitáti com-
paráta, pondus est, non
subsídium. Temporális vi-
ta, æternæ vitæ compa-
ráta, mors est pótius dic-
cénda quam vita. Ipse
enim quotidiánu deféctus
corruptiósni quid est áliud
quam quædam prolíxitas
mortis? Quæ autem lin-
gua dícere, vel quis intel-
léctus cápere súfficit, illa
supérnæ civitátis quanta
sint gáudia; Angelórum
choris interésse, cum bea-
tíssimis spirítibus glóriæ
Conditóris assístere, præ-
séntem Dei vultum cérne-

re, incircumscriptum lumen vidére, nullo mortis metu áffici, incorruptiónis perpétuæ múnere lætári?

✠. Coróna áurea super caput ejus, * Expressa signo sanctitátis, glória honoris, et opus fortitudinis.

✠. Quóniam prævenisti eum in benedictiónibus dulcédinis, posuisti in cápite ejus corónam de lápide pretiósó. — Expressa.

Tempore Paschali

✠. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ✠. Sicut diléxit me Pater, et ego diléxi vos. — Qui.

Bened. Cujus festum cólimus.

Lectio viii

SED ad hæc audíta inardéscit ánimus, jamque illic cupit assístere, ubi se sperat sine fine gaudére. Sed ad magna præmia perveníri non potest, nisi per magnos labóres. Unde et Paulus egrégíus prædicátor dicit : Non coronábitur, nisi qui legítimè certáverit. Deléctet ergo mentem magnitúdo præmiórum, sed non detérreat certámen labórum. Unde ad se veniéntibus Véritas dicit : Si quis venit ad me, et non odit patrem suum,

et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus.

✠. Hic est vere Martyr, qui pro Christi nómine sánguinem suum fudit : * Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ✠. Justum dedúxit Dóminus per vias rectas, et osténdit illi regnum Dei. — Qui. Glória Patri. Qui.

Sequens Responsorium dicitur, loco præcedentis, in Officio unius Martyris, qui non effuso sanguine occubuerit.

✠. Dómine, prævenisti eum in benedictiónibus dulcédinis : * Posuisti in cápite ejus corónam de lápide pretiósó. ✠. Vitam pétíit a te, et tribuísti ei longitudínem diérum in sáculum sáculi. — Posuísti. Glória Patri. Posuísti.

Tempore Paschali

✠. Cándidi facti sunt Nazaræi ejus, allelúja : splendórem Deo dedérunt, allelúja : * Et sicut lac coaguláti sunt, allelúja, allelúja. ✠. Candidióres nive, niti-dióres lacte, rubicundióres ébore antíquo, sapphíro pulchrióres. — Et. Glória Patri. Et.

Benedictio Ad societátem.

Lectio ix

SED percontári libet, quómodo paréntes et carnáliter propínquos præcípimur odísse, qui jubémur et inimícos diligere? Et certe Véritas de uxóre dicit : Quod Deus conjúnxit, homo non séparet. Et Paulus ait : Viri, diligite uxóres vestras, sicut et Christus Ecclésiam. Ecce discipulus uxórem diligéndam prædicat, cum magíster dicat : Qui uxórem non odit, non potest meus esse discipulus. Numquid áliud judex núntiat, áliud præco clamat? An simul et odísse póssumus, et diligere? Sed si vim præcèpti perpéndimus, utrúmque ágere per discretiónem valémus : ut uxórem et eos, qui nobis carnis cognatióne conjúcti sunt, et quos próximos nóvimus, diligámus; et quos adversários in via Dei pátimur, odiéndo et fugiéndo nesciámus.

Te Deum laudámus.

AD LAUDES

et per Horas, Añæ

1 Qui me conféssus fúerit * coram homínibus, confitébor et ego eum coram Patre meo.

Psalmi de Dominica 1 loco.

2 Qui séquitur me, * non ámbulat in ténebris, sed

habébit lumen vitæ, dicit Dóminus.

3 Qui mihi minístrat, * me sequátur : et ubi ego sum, illic sit et miníster meus.

4 Si quis mihi ministráverit, * honorificábit eum Pater meus, qui est in cælis, dicit Dóminus.

5 Volo, Pater, * ut, ubi ego sum, illic sit et miníster meus.

Capitulum Jac. 1, 12

BEátus vir, qui suffert tentatióem : quóniam, cum probátus fúerit, accípiet coronam vitæ, quam repromísit Deus diligentibus se.

Hymnus

INvícte Martyr, únicum Patris secútus Fílium, Victis triúmphas hóstibus, Victor fruens cæléstibus.

Tui precátus múnere Nostrum reátum díflue, Arcens mali contágium, Vitæ repéllens tædium.

Solúta sunt jam víncula Tui sacráti córporis : Nos solve vinclis sáeculi, Dono supérni Núminis.

* Deo Patri sit glória, Ejúsque soli Fílio, Cum Spíritu Paráclito, Nunc et per omne sáeculum. Amen.

✠. Justus ut palma florébit. ✠. Sicut cedrus Líbani multiplicábitur.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Pro Martyre et Pontifice

1 — Oratio

Infirmítatem nostram réspice, omnípotens Deus: et, quia pondus própriæ actiónis gravat, beáti **N.** Mártiris tui atque Pontíficis intercésio gloriósa nos prótegat. Per Dóminum.

2 — Alia Oratio

Deus, qui nos beáti **N.** Mártiris tui atque Pontíficis ánnua solemnitáte lætíficas : concéde propítius; ut, cujus natalítia cólimus, de ejúsdem étiam protectióne gaudeámus. Per Dóminum.

Pro Martyre non Pontifice

3 — Oratio

Præsta, quæsumus, omnípotens Deus : ut, qui beáti **N.** Mártiris tui natalítia cólimus, intercessióne ejus in tui nóminis amóre roborémur. Per Dóminum.

4 — Alia Oratio

Præsta, quæsumus, omnípotens Deus : ut, intercedente beáto **N.** Mártire tuo, et a cunctis adversitatibus liberémur in corpore, et a pravis cogi-

tationibus mundémur in mente. Per Dóminum.

Ad Horas Psalmi de Dominica, ad Primam tamen ut in Festis.

AD TERTIAM

Capit. ut ad Laudes.

℟. br. Glória et honóre * Coronásti eum, Dómine. Glória et. **℣.** Et constituísti eum super ópera mánuum tuárum. Coronásti. Glória Patri. Glória et. **℣.** Posuísti, Dómine, super caput ejus. **℟.** Corónam de lápide pretióso.

AD SEXTAM

Capitulum Eccli. 15, 3

Cibávit illum pane vitæ et intelléctus, et aqua sapiéntiæ salutáris potávit illum Dóminus, Deus noster.

℟. br. Posuísti, Dómine, * Super caput ejus. Posuísti. **℣.** Corónam de lápide pretióso. Super. Glória Patri. Posuísti.

℣. Magna est glória ejus in salutári tuo. **℟.** Glóriam et magnum decórem impónes super eum.

AD NONAM

Capitulum Eccli. 39, 6

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

℟. br. Magna est glória ejus * In salutári tuo. Magna est. ℣. Glóriam et magnum decórem impónes super eum. In. Glória Patri. Magna est. ℣. Justus ut palma florébit. ℟. Sicut cedrus Líbani multiplicábitur.

IN II VESPERIS

Omnia ut in I Vesperis [33], sed loco ultimi dicitur Psalmus 115 Crédidi ut ibidem pro II Vesperis notatur.

℣. Justus ut palma florébit. ℟. Sicut cedrus Líbani multiplicábitur.

Ad Magnif. Ant. Qui vult veníre post me, * ábneget semetípsum, et tollat crucem suam, et sequátur me.

Completorium de Dominica.

II ALIÆ LECTIONES

pro uno Martyre

In I Nocturno

De Expositióne sancti Ambrósii Epíscopi in Psalmum centésimum decimum octávum *Sermo 21*

Lectio iv



Ríncipes persecúti sunt me gratis : et a verbis tuis trepidávit cor meum. Bene hoc Martyr dicit, quod injúste persecutiónum torménta sustíneat; qui nihil rapúe-

rit, nullum violéntus opprèsserit, nullíus sánguinem fúderit, nullíus torum putáverit esse violándum; qui nihil légibus débeat, et gravióra latrónum sustinére cogátur supplicia; qui loquátur juste, et non audiátur; qui loquátur plena salutis, et impugnétur, ut possit dicere : Cum loquébar illis, impugnábant me gratis. Gratis igitur persecutiónem pátitur, qui impugnátur sine crimine; impugnátur ut nóxius, cum sit in tali confessióne laudábilis; impugnátur quasi venéficus, qui in nómine Dómini gloriáitur, cum píetas virtútum ómnium fundaméntum sit.

℟. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. ℣. Descendítque cum illo in fóveam, et in vínclis non derelíquit eum. — Et.

Lectio v

Vere frustra impugná-
tur, qui apud ímpios et infidos impietátis arcés-
situr, cum fídei sit magí-
ster. Verum, qui gratis
impugnátur, fortis debet
esse et constans. Quómo-
do ergo subtéxuit : Et a
verbis tuis trepidávit cor

meum? Trepidare infirmitatis est, timoris atque formidinis. Sed est etiam infirmitas ad salutem, est etiam timor sanctorum. Time Domini, omnes sancti eius : et, Beatus vir, qui timet Dominum. Quaratione beatus? Quia in mandatis eius cupit nimis.

℟. Desiderium animae ejus tribuisti ei, Domine,

* Et voluntate labiorum ejus non fraudasti eum.

℣. Quoniam praevenisti eum in benedictionibus dulcedinis : posuisti in capite ejus coronam de lapide pretioso. — Et.

Lectio vi

Pone ergo Martyrem inter pericula constitutum, cum inde immánitas bestiárum ad incutiéndum terrórem ínfremat, aliúnde stridor candéntium laminárum et flamma fornácis ardéntis exáestuét, ex parte alia pérorent tractus grávium catenárum, hinc cárnifex cruéntus assístat : Pone, inquam, circumspectántem ómnia plena suppliciis, deinde cogitántem mandata divína, illum ignem perpétuum, illud sine fine incéndium perfidórum, illam poenae recrudescéntis aerúmnam; trepidare corde, ne, dum praeséntibus cedat, perpétuis se dedat exíitiis; per-

turbári ánimo, dum futúri judícii rhomphæam illam terribilem quadam conspéctus spécie contuétur. Nonne ad hanc trepidatió-nem fidúciæ viri constántis, æquális in eúmdem concúrrit efféctum confidéntia cupiéntis æténa, et divína trepidántis?

℟. Stola jucunditátis induit eum Dominus : * Et coronam pulchritúdinis pósuit super caput ejus.

℣. Cibávit illum Dominus pane vitæ et intelléctus : et aqua sapiéntiæ salutáris potávit illum. — Et. Glória Patri. Et.

In III Nocturno

Lectio sancti Evangelii
secúndum Matthæum

Lectio vii Cap. 16, 24-27

IN illo témpore : Dixit Jesus discipulis suis : Si quis vult post me venire, abneget semetípsum, et tollat crucem suam, et sequátur me. Et reliqua.

Homília sancti Gregórii
Papæ

Homilia 32 in Evang.



Uia Dominus ac Redemptor noster novus homo venit in mundum, nova præcepta dedit mundo. Vitæ etenim nostræ véteri in vítiis enutritæ contrarietátem oppósuit novitátis suæ. Quid enim vetus, quid carnális

homo nóverat, nisi sua retinére, aliéna rápere, si posset; concupíscere, si non posset? Sed cæléstis médicus singulis quibúsque vítiis obviántia ádhibet medicaménta. Nam sicut arte medicínæ cálida frigidis, frígida cálidis curántur : ita Dóminus noster contrária oppósuit medicaménta peccátis, ut lúbricis continéntiam, tenácibus largitátem, iracúndis mansuetudinem, elátis præcíperet humilitátem.

✠. Coróna áurea super caput ejus, * Exprésa signo sanctitátis, glória honoris, et opus fortitúdinis.

✠. Quóniam prævenísti eum in benedictiónibus dulcédinis, posuísti in cápite ejus corónam de lápide pretióso. — Exprésa.

Lectio viii

Certe, cum se sequéntibus nova mandáta propóneret, dixit : Nisi quis renuntiáverit ómnibus quæ póssidet, non potest meus esse discípulus. Ac si apérte dicat : Qui per vitam véterem aliéna concupíscitis, per novæ conversatiónis stúdiu et vestra largímini. Quid vero in hac lectiône dicat, audiámus : Qui vult post me veníre, ábneget semetípsum. Ibi dícitur, ut abnegémus nostra : hic dícitur, ut abne-

gémus nos. Et fortásse laboriósu non est hómini relínquere sua; sed valde laboriósu est relínquere semetípsum. Minus quippe est abnegáre quod habet; valde autem multu est abnegáre quod est.

✠. Hic est vere Martyr, qui pro Christi nómine sánguinem suu fudit : * Qui minas júdicu non tímuit, nec terrénæ dignitátis glóriam quæsívit, sed ad cæléstia regna pervénit. ✠. Justu dedúxit Dóminus per vias rectas, et osténdit illi regnu Dei. — Qui. Glória Patri. Qui.

Vel ✠. Dómine, prævenísti eum in benedictiónibus dulcédinis : * Posuísti in cápite ejus corónam de lápide pretióso. ✠. Vitam pétiit a te, et tribuísti ei longitudínem diérum in sáculu sáculi. — Posuísti. Glória Patri. Posuísti.

Lectio ix

Ad se autem nobis veniéntibus Dóminus præcépit, ut renuntiémus nostris : quia, quicúmque ad fidei agónem venímus, luctámen contra malignos spíritus súmimus. Nihil autem maligni spíritus in hoc mundo próprium póssident : nudi ergo cum nudis luctári debémus. Nam si vestítus quisque cum nudo luctátur, cítiu ad

terram deſcitur, quia habet unde teneatur. Quid enim ſunt terréna ómnia niſi quædam córporis induménta? Qui ergo contra diábolum ad certámen próperat, veſtiménta abjiciat, ne succúmbat.

Te Deum laudámus.

III ALIA HOMILIA

Léctio ſancti Evangélíi
ſecúndum Matthæum

Lectio vii Cap. 10, 34-42

IN illo témpore : Dixit Jeſus diſcípulis ſuis : Nolíte arbitrári, quia pacem vénerim mittere in terram : non veni pacem mittere, ſed gládium. Et reliqua.

Homilía ſancti Hiláarii
Epíſcopi

Comment. in Matth., can. 10

EUÆ iſta divíſio eſt? inter prima enim legis præcépta accépimus : Honóra patrem tuum et matrem tuam; et ipſe Dóminus ait : Pacem meam do vobis, pacem meam relínquo vobis. Quid ſibi vult miſſus pótius gládus in terram, et ſeparátus a patre filius, et filia a matre, et nurus advérſus ſocrum, et hómínis doméſtici ejus inimíci? Igitur exínde pública auctóritas impietáti proferétur. Ubíque ódia, ubíque

bella, et gládus Dómini inter patrem et filium, et inter filiam matrémque deſæviens.

℟. Coróna. [50]

Lectio viii

GLádus telórum ómnium telum acutiſſimum eſt, in quo ſit juſ poſtétatis, et judícii ſevéritas, et animadvérſio peccatórum. Et hujus quidem teli nómine novi Evangélíi prædicatióem appellátam frequens in Prophétis auctóritas eſt. Dei igitur verbum nuncupátum meminérimus in gládio; qui gládus miſſus in terram eſt, id eſt, prædicatió ejus hómínium córdibus infúſa. Fitque gravis in domo una diſſénsio, et doméſtica novo hómíni erunt inimíca; quia ille per verbum Dei divíſus ab illis, manére et intérior et extérior, id eſt, et corpus et ánima, in ſpíritus novitáte gaudébit.

℟. Hic eſt, **vel** Dómine. [50]

Lectio ix

Pergit deínde eódem præceptórum et intelígéntiæ decúrſu. Nam, poſteáquam relínquenda ómnia, quæ in ſæculo caríſſima ſunt, imperáverat, adjécit : Qui non áccipit crucem ſuam, et ſéquitur me, non eſt me dignus; quia Qui Chriſti ſunt, cru-

cifixérunt corpus cum vitiis et concupiscéntia. Et indignus est Christo, qui non crucem suam, in qua compátimur, commórimur, consepelímur, conresúrgimus, accípiens, Dóminum sit secútus, in hoc sacraménto fidei spíritus novitáte victúrus.

Te Deum laudámus.

IV ALIA HOMILIA

Léctio sancti Evangélíi
secúndum Matthæum

Lectio vii Cap. 10, 26-32

IN illo témpore : Dixit Jesus discíplis suis : Nihil est opértum, quod non revelábitur; et occúltum, quod non sciétur. Et réliqua.

Homilía sancti Hiláarii
Epíscopi

Comment. in Matth., can. 10,
post medium



Dominus diem iudicii osténdit, quæ abs-trúsam voluntátis nostræ consciéntiam pro-det; et ea quæ nunc occúlta existimántur, luce cognitiónis públicæ déteget. Igitur non minas, non consília, non potestátes insectántium monet esse metuéndas; quia dies iudicii nulla hæc fuisse, atque inánia revelábit. Et quod dico vobis in ténebris, dí-cite in lúmine; et quod in

aure audítis, prædicáte super tecta. Non légimus Dóminum sólitum fuisse nóctibus sermocinári, et doctrínam in ténebris tradidisse : sed quia omnis sermo ejus carnálibus ténebræ sunt, et verbum ejus infidélibus nox est.

℟. Coróna áurea super caput ejus, * Expréssa signo sanctitátis, glória honóris, et opus fortitúdinis.

℣. Quóniam prævenísti eum in benedictiónibus dulcédinis, posuísti in cápite ejus corónam de lápide pretióso. — Expréssa.

Lectio viii

ITaque id quod a se dictum est, cum libertáte fidei et confessiόνis vult esse loquéndum. Idcirco, quæ in ténebris dicta sunt, prædicári jussit in lúmine; ut, quæ secréto áurium commissa sunt, super tecta, id est, excélso loquéntium præcónio audiántur. Constánter enim Dei ingrénda cognítio est, et profúndum doctrínæ evangélicæ secrétum in lúmine prædicatiónis apostólicæ revelándum, non timéntes eos, quibus, cum sit licéntia in córpora, tamen in ánimam jus nullum est; sed timéntes pótius Deum, cui perdéndæ in gehénna et ánimæ et córporis sit potéstas.

℟. Hic est vere Martyr, qui pro Christi nómine sánguinem suum fudit :

* Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ℞. Justum dedúxit Dóminus per vias rectas, et osténdit illi regnum Dei. — Qui minas. Glória Patri. Qui minas.

Vel ℟. Dómine, prævenísti eum in benedictiónibus dulcédinis : * Posuísti in cápite ejus corónam de lápide pretiósó. ℞. Vitam pétíit a te, et tribuísti ei longitúdinem diérum in sáculum sáculi. — Posuísti. Glória Patri. Posuísti.

Lectio ix

Nolíte timére eos, qui occídunt corpus. Nul-
lus igitur córporum no-

strórum casus est pertimescéndus, neque ullus interiméndæ carnis admitténdus est dolor; quando pro natúra suæ atque originis conditióne resoluta, in substantiam spirituális animæ refundátur. Et quia doctrínis talibus confirmátos opórtet líberam confiténdi Dei habére constántiam, étiam conditiónem, qua tenerémur, adjécit, negatúrum se eum Patri in cælis, qui se homínibus in terra negásset; eum porro, qui conféssus coram homínibus se fuisset, a se in cælis confiténdum; qualésque nos nóminis sui testes homínibus fuissémus, tali nos apud Deum Patrem testimonio ejus usúros.

Te Deum laudámus.

Commune plurimorum **M**artyrum

EXTRA TEMPUS PASCHALE

IN I VESPERIS

Ant. 1 Omnes Sancti, * quanta passi sunt torménta, ut secúri pervenírent ad palmam martýrii!

Psalmi ut in I Vesperis de Communi Apostolorum. [4]

2 Cum palma * ad regna pervenérunt Sancti, coró-

nas decóris meruérunt de manu Dei.

3 Córpóra Sanctórum * in pace sepúlta sunt : et vivent nómina eórum in ætérnum.

4 Mártyres Dómini, * Dóminum benedicite in ætérnum.

5 Mártýrum chorus,* lau-
dáte Dóminum de cælis.

Capitulum Sap. 3, 1-3

Iustórum ánimæ in ma-
nu Dei sunt, et non
tanget illos torméntum
mortis. Visi sunt óculis
insipiéntium mori; illi au-
tem sunt in pace.

Hymnus

Sanctórum méritis ín-
clyta gáudia

Pangámus, sócii, gésta-
que fórtia :

Gliscens fert ánimus pró-
mere cántibus

Victórum genus óptimum.

Hi sunt, quos fátue mun-
dus abhórruit;

Hunc fructu vácuum, fló-
ribus áridum

Contempsére tui nóminis
ásseclæ,

Jesu, Rex bone cælitum.

Hi pro te fúrias atque mi-
nas truces

Calcárunť hómínũm, sáe-
vaque vérbera :

His cessit lácerans fórtiter
úngula,

Nec carpsit penetrália.

Cædúntur gládiis more bi-
déntium :

Non murmur résonat, non
querimónia;

Sed corde impávido mens
bene cónscia

Consérvat patiéntiam.

Quæ vox, quæ póterit lin-
gua retéxere,

Quæ tu Martýribus mú-
nera præparas?

Rubri nam flúido sángu-
ine, fúlgidis

Cingunt témpora láureis.

Te, summa o Déitas, úna-
que póscimus :

Ut culpas ábigas, nóxia
súbtrahas,

Des pacem fámulis; ut tibi
glóriam,

Annórum in sériem, ca-
nant. Amen.

℟. Lætámini in Dómino
et exsultáte, justí. **℞.** Et
gloriámini, omnes recti
corde.

Ad Magnif. Ant. Istórum
est enim * regnum cæló-
rum, qui contempsérunt
vitam mundi, et pervené-
runt ad præmia regni, et
laverunt stolas suas in
sánguine Agni.

**Pro pluribus Martyribus
Pontificibus**

1 — Oratio

Beatórum Mártýrum pa-
ritérque Pontíficum
N. et **N.** nos, quæsumus,
Dómine, festa tueántur :
et eórum comméndet orá-
tio veneránda. Per Dómi-
num.

Si non fuerint Pontifices

2 — Oratio

Deus, qui nos concédis
sanctórum Mártýrum
tuórum **N.** et **N.** natalítia
cólere : da nobis in æténa

beatitúdine de eórum societáte gaudére. Per Dóminum.

3 — Alia Oratio

DEus, qui nos ánnua sanctórum Mártyrum tuórum **N. et N.** solemnitáte lætíficas : concéde propítius; ut, quorum gaudémus méritis, accendámur exémplic. Per Dóminum.

Completorium de Domínica.

AD MATUTINUM

Invit. Regem Mártyrum Dóminum, * Veníte, adorémus. **Ps. 94** Veníte, exsultémus.

Hymnus

CHristo profúsum sanguinem
Et Mártyrum victórias
Dignámque cælo láuream
Lætis sequámur vóci-
bus.

Terróre victo sæculi
Pœnisque spretis córporis,
Mortis sacræ compéndio
Vitam beátam póssident.

Tradúntur igni Mártyres
Et bestiárum déntibus;
Armáta sævit úngulis
Tortóris insáni manus.

Nudáta pendent víscera,
Sanguis sacrátus fúnditur;
Sed pérmanent immóbiles
Vitæ perénis grátia.

¶ Sequens Conclusio numquam mutatur.

Te nunc, Redémptor,
quæsumus,
Ut Mártyrum consórtio
Jungas precántes sérvulos
In sempitérna sácula.
Amen.

In I Noeturno

Ant. Secus decúrsus
aquárum * plantávit vineam
justórum, et in lege
Dómini fuit volúntas eórum.

Tempore Paschali

Ant. Stabunt justí * in
magna constántia advér-
sus eos, qui se angustia-
vérunt, allelúja.

**Sub una tantum Antiphona
in quolibet Nocturno dicun-
tur Psalmi.**

Psalmus 1



BEátus vir, qui non
ábiit in consílio im-
piórum, et in via
peccatórum non stetit, *
et in cáthedra pestiléntiæ
non sedit :

Sed in lege Dómini vo-
lúntas ejus, * et in lege
ejus meditábitur die ac
nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in
tépore suo :

Et fólium ejus non dé-
fluet : * et ómnia quæcúm-
que fáciat, prosperabún-
tur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudício : * neque peccatóres in concílio justórum.

Quóniam novit Dóminus viam justórum : * et iter impiórum períbit.

Ant. Secus decúrsus aquárum plantávit víneam justórum, et in lege Dómini fuit volúntas eórum.

Ant. Tamquam aurum * in fornáce probávit eléctos Dóminus : et quasi holocáusta accépit eos in ætérnum.

Psalmus 2

QUare fremuérunt gentes, * et pópuli meditati sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquébar ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : *

Fílius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam términos terræ.

Reges eos in virga férrea, * et tamquam vas fíguli confrínges eos.

Et nunc, reges, intelligite : * erudímini, qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Tamquam aurum in fornáce probávit eléctos Dóminus : et quasi holocáusta accépit eos in ætérnum.

Ant. Si coram homínibus * torménta passi sunt, spes electórum est immortalis in ætérnum.

Psalmus 3

DOmíne, quid multiplicáti sunt qui tríbulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu autem, Dómine, susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo míllia pópuli circumdántis me : * exsúrge, Dómine, salvum me fac, Deus meus.

Quóniam tu percussisti omnes adversántes mihi sine causa : * dentes peccatórum contrivísti.

Dómini est salus : * et super pópulum tuum benedíctio tua.

Ant. Si coram homínibus torménta passi sunt, spes electórum est immortális in ætérnum.

℣. Lætámini in Dómino et exsultáte, justi. ℟. Et gloriámini, omnes recti corde.

Tempore Paschali

Ant. Stabunt justi in magna constántia advérsus eos, qui se angustiavérunt, allelúja.

℣. Sancti et justi, in Dómino gaudéte, allelúja.

℟. Vos elégit Deus in hereditátem sibi, allelúja.

Absolutio Exáudi Dómine.

Benedictio Benedictione.

De Epístola beáti Pauli Apóstoli ad Romános

Lectio i Cap. 8, 12-19



Ratres : Debitóres sumus non carni, ut secúndum carnem vivámus. Si enim secún-

dum carnem vixéritis, moriémmini : si autem spíritu facta carnis mortificavéritis, vivétis. Quicúmque enim spíritu Dei agúntur, ii sunt filii Dei. Non enim accepístis spíritum servitútis íterum in timóre, sed accepístis spíritum adoptiónis filiórum, in quo clamámus : Abba (Pater). Ipse enim Spíritus testimoniúm reddit spíritui nostro, quod sumus filii Dei. Si autem filii, et herédes : herédes quidem Dei, coherédes autem Christi; si tamen compátimur, ut et conglorificémur. Existimo enim quod non sunt condígnæ passiones hujus témporis ad futúram glóriam, quæ revelábitur in nobis. Nam exspectátio creatúræ revelatióem filiórum Dei exspectat.

Pro pluribus Mm. extra T. P.

℟. Abstérget Deus omnem lácrimam ab óculis Sanctórum : et jam non erit ámplius neque luctus, neque clamor, sed nec ullus dolor : * Quóniam prióra transiérunt. ℣. Non esúrient, neque sítient ámplius, neque cadet super illos sol, neque ullus æstus. — Quóniam prióra.

Pro uno Mart. extra T. P.

℟. Iste Sanctus pro lege Dei sui certávit usque ad mortem, et a verbis impió-

rum non tímuit : * Fundátus enim erat supra firmam petram. ✠. Iste est, qui contémpsit vitam mundi, et pervénit ad cæléstia regna. — Fundátus.

Pro uno et plur. Mm. T. P.

✠. Beátus vir, qui méruit Dóminum, allelúja : * In mandátis ejus cupit nimis, allelúja, allelúja, allelúja. ✠. Glória et divítiae in domo ejus, et justítia ejus manet in sáeculum sáeculi. — In.

Benedictio Unigénitus Dei.

Lectio ii Cap. 8, 28-39

SCimus autem quóniam diligentibus Deum ómnia cooperántur in bonum, iis, qui secúndum propósitum vocáti sunt sancti. Nam quos præscívit, et prædestinávit confórmes fieri imáginis Fílii sui, ut sit ipse primogénitus in multis frátribus. Quos autem prædestinávit, hos et vocávit : et quos vocávit, hos et justificávit : quos autem justificávit, illos et glorificávit. Quid ergo dicémus ad hæc? Si Deus pro nobis, quis contra nos? Qui étiam próprio Fílio suo non pepércit, sed pro nobis ómnibus trádedit illum : quómodo non étiam cum illo ómnia nobis donávit? Quis accusábit advérsus eléctos Dei? Deus

qui justificat, quis est qui condémnet? Christus Jesus, qui mórtuus est, immo qui et resurréxit, qui est ad dexteram Dei, qui étiam interpéllat pro nobis.

Pro pluribus Mm. extra T. P.

✠. Viri sancti gloriósum sánguinem fuderunt pro Dómino, amavérunt Christum in vita sua, imitáti sunt eum in morte sua : * Et ideo corónas triumpháles meruérunt. ✠. Unus spíritus, et una fides erat in eis. — Et.

Pro uno Mart. extra T. P.

✠. Justus germinábit sicut lílium : * Et florébit in ætérnum ante Dóminum. ✠. Plantátus in domo Dómini, in átriis domus Dei nostri. — Et.

Pro uno et plur. Mm. T. P.

✠. Tristítia vestra, allelúja, * Convertétur in gáudium, allelúja, allelúja. ✠. Mundus autem gaudébit, vos vero contristabimini, sed tristítia vestra. — Convertétur.

Benedictio Spíritus Sancti.

Lectio iii

Quis ergo nos separábit a caritaté Christi? tribulátio, an angústia, an fames, an núditas, an perículum, an persecútio, an gládius? (sicut scriptum est : Quia propter te mor-

tificámur tota die : æstí-
máti sumus sicut oves oc-
cisiónis.) Sed in his óm-
nibus superámus propter
eum, qui diléxit nos. Cer-
tus sum enim quia neque
mors, neque vita, neque
Angeli, neque Principá-
tus, neque Virtútes, ne-
que instántia, neque fu-
túra, neque fortitúdo, ne-
que altitúdo, neque pro-
fúndum, neque creatúra
ália póterit nos separáre
a caritaté Dei, quæ est in
Christo Jesu, Dómino no-
stro.

Pro pluribus Mm. extra T. P.

℟. Tradidérunt córpora
sua propter Deum ad sup-
plícia : * Et meruérunt
habére corónas perpétuas.

℣. Isti sunt, qui venérunt
ex magna tribulatióne, et
laverunt stolas suas in
sánguine Agni. — Et.
Glória Patri. Et.

Pro uno Mart. extra T. P.

℟. Iste cognóvit justí-
tiam, et vidit mirábilia
magna, et exorávit Altís-
simum : * Et invéntus est
in número Sanctórum.

℣. Iste est, qui contém-
psit vitam mundi, et per-
vénit ad cæléstia regna.
— Et. **Glória Patri. Et.**

Pro uno et plur. Mm. T. P.

℟. Pretiósá in conspéctu
Dómini, allelúja, * Mors
Sanctórum ejus, allelúja.

℣. Custódit Dóminus óm-
nia ossa eórum, unum ex
his non conterétur. —
Mors. **Glória Patri. Mors.**

In II Nocturno

Ant. Dabo Sanctis meis *
locum nominátum in re-
gno Patris mei, dicit Dó-
minus.

Tempore Paschali

Ant. Ecce * quómodo
computáti sunt inter fílios
Dei, et inter Sanctos sors
illórum est, allelúja.

Psalmus 14



Domine, quis habitá-
bit in tabernáculo
tuo? * aut quis re-
quiescet in monte sancto
tuo?

Qui ingreditur sine má-
cula, * et operátur justí-
tiam :

Qui lóquitur veritátem in
corde suo, * qui non egit
dolum in lingua sua :

Nec fecit próximo suo
malum, * et oppróbrium
non accépit advérsus pró-
ximos suos.

Ad níhilum dedúctus est
in conspéctu ejus malí-
gnus : * timéntes autem
Dóminum gloríficat :

Qui jurat próximo suo,
et non decipit, * qui pecú-
niam suam non dedit ad
usúram, et múnera super
innocéntem non accépit.

Qui facit hæc, * non móvêbitur in ætérnum.

Ant. Dabo Sanctis meis locum nominátum in regno Patris mei, dicit Dóminus.

Ant. Sanctis, qui in terra sunt ejus, * mirificávit omnes voluntátes meas inter illos.

Psalmus 15

Consérva me, Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo convénticula eórum de sanguínibus, * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restitues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedícam Dóminum, qui tríbuit mihi intelléctum : * însuper et usque ad noctem increpuérunt me renes mei.

Providébam Dóminum in conspéctu meo semper : *

quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * însuper et caro mea requiêscet in spe.

Quóniam non derelínques ánimam meam in inférno : * nec dabis sanctum tuum vidére corruptiónem.

Notas mihi fecisti vias vitæ, adimplébis me lætítia cum vultu tuo : * delectatiónes in dextera tua usque in finem.

Ant. Sanctis, qui in terra sunt ejus, mirificávit omnes voluntátes meas inter illos.

Ant. Sancti, qui sperant in Dómino, * habébunt fortitúdinem, assúment penas ut áquilæ, volábunt et non deficient.

Psalmus 23

Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedicti-
onem a Dómino : * et mise-
ricórdiam a Deo, salutári
suo.

Hæc est generatio quæ-
rentium eum, * quæren-
tium faciẽm Dei Jacob.

Attóllite portas, prínci-
pes, vestras, et elevámini,
portæ æternáles : * et in-
troíbit Rex glóriæ.

Quis est iste Rex gló-
riæ? * Dóminus fortis et
potens : Dóminus potens
in próelio.

Attóllite portas, prínci-
pes, vestras, et elevámini,
portæ æternáles : * et in-
troíbit Rex glóriæ.

Quis est iste Rex gló-
riæ? * Dóminus virtútum
ipse est Rex glóriæ.

Ant. Sancti, qui sperant
in Dómino, habébunt for-
titúdinem, assúment pen-
nas ut áquilæ, volábunt,
et non deficiẽt.

✠. Exsúltent iusti in con-
spéctu Dei. ✠. Et dele-
cténtur in lætítia.

Tempore Paschali

Ant. Ecce quómodo com-
putáti sunt inter fílios Dei,
et inter Sanctos sors illó-
rum est, allelúja.

✠. Lux perpétua lucébit
Sanctis tuis, Dómine, alle-
lúja. ✠. Et æternitas témpo-
rum, allelúja.

Absolutio Ipsíus píetas.

Benedictio Deus Pater.

Sermo sancti Augustíni Epíscopi

Sermo 47 de Sanctis

Lectio iv



Uotiescúmque, fra-
tres caríssimi, san-
ctórum Mártýrum
solémnia celebrámus, ita,
ipsis intercedéntibus, ex-
spectémus a Dómino cón-
sequi temporália benefi-
cia, ut ipsos Mártýres imi-
tándo accípere mereámur
æterna. Ab ipsis enim
sanctórum Mártýrum in
veritáte festivitátum gáu-
dia celebrántur, qui ipsó-
rum Mártýrum exéempla
sequúntur. Solemnitátes
enim Mártýrum exhorta-
tiones sunt martyriórum;
ut imitári non pígeat,
quod celebráre deléctat.

✠. Sancti tui, Dómine,
mirábile consecúti sunt
iter, serviẽtes præcéptis
tuis, ut inveniréntur illæsi
in aquis válidis : * Terra
appáruit árida, et in Mari
Rubro via sine impedi-
ménto. ✠. Quóniam per-
cússit petram, et fluxé-
runt aquæ, et torrẽtes
inundavérunt. — Terra
appáruit.

Bened. Christus perpétuæ.

Lectio v

SED nos vólumus gau-
dère cum Sanctis; et
tribulatióne mundi nó-
lumus sustinére cum ipsis.

Qui enim sanctos Mártyres, in quantum potúerit, imitári nolúerit, ad eórum beatitúdinem non póterit perveníre. Sed et Paulus Apóstolus prædicat, dicens : Si fuérimus sócii passiónum, érimus et consolatiónum. Et Dóminus in Evangélio : Si mundus vos odit, scitóte, quia me priórem vobis ódio hábuit. Recúsat esse in córpore, qui ódium non vult sustinére cum cápite.

℟. Vérbera carníficum non timuérunt Sancti Dei, moriéntes pro Christi nómine : * Ut herédes fíerent in domo Dómini. ℣. Tradidérunt córpora sua propter Deum ad supplicia. — Ut.

Bened. Ignem sui amóris.

Lectio vi

SED dicit áliquis : Et quis est qui possit beatórum Mártyrum vestígia sequi? Huic ego respódeo, quia non solum Mártyres, sed étiam ipsum Dóminum cum ipsíus adjutório, si vólumus, póssumus imitári. Audi non me, sed ipsum Dóminum géneri humano clamántem : Dísците a me, quia mitis sum et húmilis corde. Audi et Petrum Apóstolum admonéntem : Christus passus est pro nobis, relínquens nobis

exémplum, ut sequámur vestígia ejus.

℟. Tamquam aurum in fornáce probávit eléctos Dóminus, et quasi holocáusti hóstiam accépit illos; et in témpore erit respéctus illórum : * Quóniam donum et pax est eléctis Dei. ℣. Qui confidunt in illum, intélligent veritátem : et fidéles in dilectiône acquiescent illi. — Quóniam. **Glória Patri.** Quóniam.

In III Nocturno

Ant. Justi autem * in perpétuum vivent, et apud Dóminum est merces eórum.

Tempore Paschali

Ant. Lux perpétua * lucébit Sanctis tuis, Dómine, et ætérnitas téporum, allelúja.

Psalmus 32



Xsultáte, justi, in Dómino : * rectos decet collaudátio.

Confitémini Dómino in cíthara : * in psaltério decem chordárum psállite illi.

Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et judícium : * misericórdia Dómini plena est terra.

Verbo Dómini cæli firmáti sunt : * et spíritu oris ejus omnis virtus eórum.

Cóngregans sicut in utre aquas maris : * ponens in thesáuris abyssos.

Tímeat Dóminum omnis terra : * ab eo autem commoveántur omnes inhabitántes orbem.

Quóniam ipse dixit, et facta sunt : * ipse mandávit, et creáta sunt.

Dóminus díssipat consília géntium : * réprobat autem cogitatiónes populórum, et réprobat consília príncipum.

Consílium autem Dómini in ætérnum manet : * cogitatiónes cordis ejus in generatióne et generatió-nem.

Beáta gens, cujus est Dóminus, Deus ejus : * pópulus, quem elégit in hereditátem sibi.

De cælo respéxit Dóminus : * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum : * qui intélligit ómnia ópera eórum.

Non salvátur rex per multam virtútem : * et gigas non salvábitur in multitúdine virtútis suæ.

Fallax equus ad salutem : * in abundántia au-

tem virtútis suæ non salvábitur.

Ecce, óculi Dómini super metuéntes eum : * et in eis, qui sperant super misericórdia ejus :

Ut éruat a morte ánimas eórum : * et alat eos in fame.

Anima nostra sústinet Dóminum : * quóniam adjútor et protéctor noster est.

Quia in eo lætábitur cor nostrum : * et in nómine sancto ejus sperávimus.

Fiat misericórdia tua, Dómine, super nos : * quemádmódum sperávimus in te.

Ant. Justi autem in perpétuum vivent, et apud Dóminum est merces eórum.

Ant. Tradidérunt * cörpera sua in mortem, ne servírent idólis : ideo coronáti póssident palmam.

Psalmus 33

Benedícam Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudívit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit, et Dóminus exaudivit eum : * et de ómnibus tribulatió- nibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes autem Dóminum non minuéntur omni bono.

Veníte, filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquíre pacem, et perséquare eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : *

et ex ómnibus tribulatió- nibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatiónes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssi- ma : * et qui odérunt justum, delínquent.

Rédimet Dóminus áni- mas servórum suórum : * et non delínquent omnes qui sperant in eo.

Ant. Tradidérunt córpora sua in mortem, ne serví- rent idólis : ideo coronáti póssident palmam.

Ant. Ecce, merces * Sanctórum copiósa est apud Deum : ipsi vero mórtui sunt pro Christo, et vi- vent in ætérnum.

Psalmus 45

Deus noster refúgium, et virtus : * adjútor in tribulatió- nibus, quæ inve- nérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * con- turbáti sunt montes in fortitúdine ejus.

Flúminis ímpetus lætí- ficat civitátem Dei : *

sanctificávit tabernáculum suum Altíssimus.

Deus in médio ejus, non commovébitur : * adjuvabit eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscéptor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscéptor noster Deus Jacob.

Ant. Ecce, merces Sanctórum copiósa est apud Deum : ipsi vero mórtui sunt pro Christo, et vivent in ætérnum.

℟. Justi autem in perpétuum vivent. ℟. Et apud Dóminum est merces eórum.

Tempore Paschali

Ant. Lux perpétua lucébit Sanctis tuis, Dómine, et ætérnitas témporum, allelúja.

℟. Lætítia sempitérna super cápita eórum, allelúja. ℟. Gáudium et exsultatiónem obtinébunt, allelúja.

Absolutio A vínculis.

Bened. Evangélica léctio.

Léctio sancti Evangélii
secúndum Lucam

Lectio vii Cap. 21, 9-19

IN illo témpore : Dixit Jesus discípulis suis : Cum audiéritis prœlia, et seditiónes, nolíte terréri : opórtet primum hæc fieri, sed nondum statim finis. Et réliqua.

Homília sancti Gregórii
Papæ

Homilia 35 in Evangelia



Dominus ac Redemptor noster peritóri mundi præcurréntia mala denúntiat, ut eo minus pertúrbent veniéntia, quo fúerint præscíta. Minus enim jácula fériunt, quæ prævidéntur; et nos tolerabílius mundi mala suscípimus, si contra hæc per præsciéntiæ clýpeum munímur. Ecce enim dicit : Cum audiéritis prœlia et seditiónes, nolíte terréri; opórtet enim primum hæc fieri, sed nondum statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denúntiat. Bella quip-

pe ad hostes pertainent, seditiões ad cives. Ut ergo nos indicet intérius exteriúsque turbári, áliud nos fatétur ab hóstibus, áliud a fratribus pérpeti.

℟. Propter testaméntum Dómini et leges patrénas, Sancti Dei perstitérunt in amóre fraternitátis : * Quia unus fuit semper spíritus in eis, et una fides. ℣. Ecce quam bonum et quam jucúndum habitáre fratres in unum! — Quia.

Benedictio Quorum festum cólimus.

Lectio viii

SED, his malis præveniéntibus, quia non statim finis sequátur, adjúngit : Surget gens contra gentem, et regnum advérsus regnum; et terrémótus magni erunt per loca, et pestiléntiæ, et fames, terrorésque de cælo et signa magna erunt. Ultima tribulátio multis tribulatióibus prævenitur; et per crebra mala, quæ præveniunt, indicántur mala perpétua, quæ subsequéntur. Et ideo post bella et seditiões non statim finis; quia multa debent mala præcurrere, ut malum váleant sine fine nuntiáre.

℟. Sancti mei, qui in carne pósito, certámen habuístis : * Mercédem labóris

ego reddam vobis. ℣. Veníte, benedícti Patris mei, percípíte regnum. — Mercédem. **Glória Patri.** Mercédem.

Sequens Responsorium dicitur, loco præcedentis, in Officio plurimorum Martyrum Fratrum, etiam si ii recolantur cum Sociis; dummodo tamen Fratres vel numero sint plures, vel, si pares, primo loco nominentur.

℟. Hæc est vera fraternitas, quæ numquam pótuit violári certámine : qui effúso ságuine secúti sunt Dóminum : * Contemnentes aulam régiam, pervénérunt ad regna cæléstia. ℣. Ecce quam bonum et quam jucúndum habitáre fratres in unum! — Contemnentes. **Glória Patri.** Contemnentes.

Benedictio Ad societátem.

Lectio ix

SED cum tot signa perturbationis dicta sint, opórtet, ut eórum considerationem bréviter per singula perstringámus; quia necesse est, ut ália e cælo, ália e terra, ália ab elementis, ália ab homínibus patiámur. Ait enim : Surget gens contra gentem, ecce perturbátio hóminum; erunt terrémótus magni per loca, ecce respéctus iræ désuper; erunt pestiléntiæ, ecce inæquá-

litas cōrporum; erit fames, ecce sterilitas terræ; terroresque de cælo et tempestates, ecce inæqualitas æëris. Quia ergo omnia consummāda sunt, ante consummationem omnia perturbāntur; et qui in cunctis deliquimus, in cunctis ferimur, ut impleatur quod dicitur : Et pugnabit pro eo orbis terrarum contra insensatos.

Te Deum laudamus.

AD LAUDES

et per Horas, Añæ

1 Omnes Sancti, * quanta passi sunt tormēta, ut secūri pervenirent ad palmam martýrii!

Psalmi de Dominica 1 loco.

2 Cum palma * ad regna pervenerunt Sancti, coronas decōris meruerunt de manu Dei.

3 Cōrpora Sanctōrum * in pace sepulta sunt : et vivent nōmina eōrum in ætēnum.

4 Mártyres Dómini, * Dóminum benedicite in ætēnum.

5 Mártyrum chorus, * laudáte Dóminum de cælis.

Capitulum Sap. 3, 1-3

Iustōrum animæ in manu Dei sunt, et non tanget illos tormētum

mortis. Visi sunt oculis insipientium mori; illi autem sunt in pace.

Hymnus

REX gloriōse Mártyrum,
Coróna confitēntium,
Qui respuētes térrea
Perdúcis ad cæléstia :

Aurem benígnam prótinus
Intēnde nostris vóci bus :
Trophæa sacra pángimus :
Ignósce quod deliquimus.

Tu vincis inter Mártyres
Parcísque Confessóribus :
Tu vince nostra crímina,
Largítor indulgéntiæ.

* **Deo Patri sit glória,**
Ejúsque soli Fílio,
Cum Spíritu Paráclito,
Nunc et per omne sǽculum.
Amen.

℣. Exsultábunt Sancti
in glória. **℟.** Lætábuntur
in cubilibus suis.

Ad Bened. Ant. Vestri
capílli cápitis * omnes nu-
meráti sunt : nolíte timé-
re : multis passéribus me-
liōres estis vos.

**Pro pluribus Martyribus
Pontificibus**

1 — Oratio

Beatōrum Mártyrum pa-
ritérque Pontíficum
N. et **N.** nos, quǽsumus,
Dómine, festa tueántur : et
eōrum commēdet orátio
veneránda. Per Dóminum.

Si non fuerint Pontifices

2 — Oratio

Deus, qui nos concédís sanctórum Mártyrum tuórum **N.** et **N.** natalítia cólere : da nobis in æténa beatitúdine de eórum societáte gaudére. Per Dóminum.

3 — Alia Oratio

Deus, qui nos ánnua sanctórum Mártyrum tuórum **N.** et **N.** solemnitáte lætíficas : concéde propítius; ut, quorum gaudémus méritis, accendámur exémplic. Per Dóminum.

Ad Horas Psalmi de Dominica, ad Primam tamen ut in Festis.

AD TERTIAM

Capitulum Sap. 3, 1-3

Iustórum animæ in manu Dei sunt, et non tanget illos torméntum mortis. Visi sunt óculis insipiéntium mori; illi autem sunt in pace.

℟. br. Lætámini in Dómino, * Et exsultáte, iusti. Lætámini. ℣. Et gloriámini, omnes recti corde. Et exsultáte. Glória Patri. Lætámini. ℣. Exsúltent iusti in conspéctu Dei. ℟. Et delecténtur in lætítia.

AD SEXTAM

Capitulum Sap. 10, 17

Reddedit Deus mercédem labórum sanctórum suórum, et dedúxit

illos in via mirábili : et fuit illis in velaménto diéi, et in luce stellárum nocte.

℟. br. Exsúltent iusti * In conspéctu Dei. Exsúltent. ℣. Et delecténtur in lætítia. In. Glória Patri. Exsúltent. ℣. Iusti autem in perpétuum vivent. ℟. Et apud Dóminum est merces eórum.

AD NONAM

Capitulum Sap. 3, 7-8

Fulgébunt iusti, et tamquam scintíllæ in arundinétó discúrrunt. Iudicábunt natiónes, et dominabúntur pópulis : et regnábít Dóminus illórum in perpétuum.

℟. br. Iusti autem * In perpétuum vivent. Iusti. ℣. Et apud Dóminum est merces eórum. In. Glória Patri. Iusti. ℣. Exsultábunt Sancti in glória. ℟. Lætábúntur in cubilibus suis.

IN II VESPERIS

Añæ 1 Isti sunt Sancti, * qui pro testaménto Dei sua córpora tradidérunt, et in ságuine Agni lavérunt stolas suas.

Psalmi ut in I Vesperis de Communi Apostolorum [4], sed loco ultimi Ps. 115 Crédidi, ut infra.

2 Sancti per fidem * vicérunt regna, operáti sunt justítiam, adépti sunt re-promissiões.

3 Sanctórum velut áquilæ * juvéntus renovábitur : florébunt sicut lílium in civitaté Dómini.

4 Abstérget Deus * omnem lácrimam ab óculis Sanctórum : et jam non erit ámplius neque luctus, neque clamor, sed nec ullus dolor : quóniam prióra transiérunt.

5 In cæléstibus regnis * Sanctórum habitátio est, et in ætérnum réquies eórum.

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuam Dómino, * pro ómnibus, quæ retríbuit mihi?

Cálicem salutáris accípíam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctórum ejus :

O Dómine, quia ego servus tuus : * ego servus tuus, et fílius ancillæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis

domus Dómini, in médio tui, Jerúsalem.

Ant. In cæléstibus regnis Sanctórum habitátio est, et in ætérnum réquies eórum.

Capitulum Justórum, ut supra. [68]

Hymnus

Sanctórum méritis inclyta gáudia Pangámus, sócii, géstaque fórtia :

Gliscens fert ánimus promere cántibus

Victórum genus óptimum.

Hi sunt, quos fátue mundus abhórruit;

Hunc fructu vácuum, flóribus áridum

Contempsére tui nóminis ásseclæ,

Jesu, Rex bone cælitum.

Hi pro te fúrias atque minas truces

Calcárunť hómínem, sáevaque vérbera :

His cessit lácerans fórtiter úngula,

Nec carpsit penetrália.

Cædúntur gládiis more bídentium :

Non murmur résonat, non querimónia;

Sed corde impávido mens bene cónsčia

Consérvat patiéntiam.

Quæ vox, quæ póterit lingua retéxere,

Quæ tu Martýribus múnera præparas?

Rubri nam flúido sánguine, fúlgidis
Cingunt témpora láureis.

Te, summa o Déitas, úna-
que póscimus :

Ut culpas ábigas, nóxia
súbtrahas,

Des pacem fámulis; ut
tibi glóriam,

Annórum in sériem, ca-
nant. Amen.

℟. Exsultábunt Sancti
in glória. **℟.** Lætábúntur
in cubílibus suis.

Ad Magnif. Ant. Gau-
dent in cælis * ánimæ San-
ctórum, qui Christi vestí-
gia sunt secúti : et quia
pro ejus amóre sánguinem
suum fudérunt, ídeo cum
Christo exsúltant sine fine.

**Completorium de Domi-
nica.**

II ALIÆ LECTIONES

pro plur. Martyribus

In II Nocturno

Sermo sancti Joánnis
Chrysóstomi

**Sermo 1 de Martyribus,
tom. 3**

Lectio iv



Mo est qui nésciat,
Mártyrum glórias
ad hoc divíno con-
sílio a Dei pópulis frequen-
tári, ut et illis débitus ho-
nor dicétur, et nobis virtú-
tis exéempla, favénte Chri-
sto monstréntur : ut, dum

hæc ita celebrári perspíci-
mus, cognoscámus, quan-
ta eos glória máneat in
cælis, quorum natalítia
táliter celebrántur in ter-
ris; quo possímus étiam
ipsi, tálibus provocári ex-
émplic, virtúte pari, de-
votíone consímili ac fide;
ut, Christo præstánte, di-
micáre et víncere hostem
possímus, ut, parta victó-
ria, cum iisdem Sanctis in
regnis cæléstibus trium-
phémus.

℟. Sancti tui, Dómine,
mirábile consecúti sunt
iter, serviétes præcéptis
tuis, ut inveniréntur illæsi
in aquis válidis : * Terra
appáruit árida, et in Mari
Rubro via sine impedi-
ménto. **℟.** Quóniam per-
cússit petram, et fluxé-
runt aquæ, et torréntes
inundavérunt. — Terra.

Lectio v

Quis est enim, qui, eó-
rum volens mérito cop-
ulári, nisi prius constán-
tiam eórum téneat, secté-
tur fidem, imitétur virtú-
tem passiónis; eórum gló-
riam páribus vitæ linea-
méntis aut invéniat aut
exquírat? Qui etsi martý-
rio par esse non possit,
tamen múnere tanti di-
gnitáte se quisque bonis
áctibus dignum præbeat.
Adest enim clementíssi-
mus Deus, qui desiderán-

tibus suis aut martýrium præbeat, aut, sine martýrio, cum Sanctis præmia divína retribuat.

℟. Vérbera carníficum non timuérunt Sancti Dei, moriéntes pro Christi nómine : * Ut herédes fierent in domo Dómini. ℣. Tradidérunt córpora sua propter Deum ad supplicia. — Ut.

Lectio vi

UT enim infirmátur peccátor advérsis, ita justus tentatiónibus roborátur. Sic dimicárunt advérsus peccátum Sancti; sic et laborándo fortióres, et moriéndó victóres effecti sunt. Nullus athlétes sine certámine fórtior dici, nullus sine victória póterit coronári. Nemo miles sine próelio hostem subjécit; nemo sine bello imperatórem promérui. Habes, christiáne, competéntia arma, quibus hostem expúgnes; habes fortíssima tela, quibus inimicum debélles.

℟. Tamquam aurum in fornáce probávit eléctos Dóminus, et quasi holocáusti hóstiam accépit illos; et in témpore erit respectus illórum : * Quóniam donum et pax est eléctis Dei. ℣. Qui confidunt in illum, intélligent veritátem : et fidéles in dile-

ctióne acquiescent illi. — Quóniam. Glória Patri. Quóniam.

In III Nocturno

Léctio sancti Evangélii
secúndum Lucam

Lectio vii Cap. 6, 17-23

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis. Et reliqua.

Homília sancti Ambrósii
Episcopi

Lib. 5 in Luc. cap. 6, post init.



Dvérte ómnia diligénter, quómodo et cum Apóstolis ascéndat, et descéndat ad turbas. Quómodo enim turba nisi in húmili Christum vidéret? Non séquitur ad excélsa, non ascéndit ad sublímia. Dénique ubi descéndit, invénit infirmos; in excélsis enim infirmi esse non possunt. Hinc étiam Matthæus docet in inferiórius débiles esse sanátos. Prius enim unusquisque sanándus est, ut paulátim virtútibus procedéntibus ascendere possit ad montem. Et ideo quemque in inferiórius sanat, hoc est, a libídine révocat, injúriam

cæcitatís avértit. Ad vúlnera nostra descéndit; ut usu quodam et cópia suæ natúræ, compartícipes nos fáciat esse regni cæléstis.

℟. Propter testaméntum Dómini et leges patérnas, Sancti Dei perstitérunt in amóre fraternitátis: * Quia unus fuit semper spíritus in eis, et una fides. ℣. Ecce quam bonum et quam jucúndum habitáre fratres in unum! — Quia.

Lectio viii

BEÁti páuperes, quia vestrum est regnum Dei. Quátuor tantum beatitúdines sanctus Lucas Dóminicas pósuit, octo vero sanctus Matthæus; sed in illis octo istæ quátuor sunt, et in quátuor istis illæ octo. Hic enim quátuor velut virtútes ampléxus est cardinales; ille in illis octo mýsticum númerum reserávit. Pro octáva enim multi inscribúntur Psalmi, et mandátum áccipis octo illis partem dare, fortásse benedictiónibus. Sicut enim spei nostræ octáva perféctio est, ita octáva summa virtútum est.

℟. Sancti mei, qui in carne pósiti, certámen habúistis: * Mercédem labóris ego reddam vobis. ℣. Veníte, benedícti Patris mei, percípite regnum. — Mercédem. Glória. Mercédem.

Vel ℟. Hæc est vera fraternitas, quæ numquam pótuit violári certámine: qui effúso ságuine secúti sunt Dóminum: * Contemnéntes aulam régiam, pervenérunt ad regna cæléstia. ℣. Ecce quam bonum et quam jucúndum habitáre fratres in unum! — Contemnéntes. Glória Patri. Contemnéntes.

Lectio ix

SED prius quæ sunt amplióra videámus. Beáti, inquit, páuperes, quóniam vestrum est regnum Dei. Primam benedictiónem hanc utérque Evangelísta pósuit. Ordine enim prima est, et parens quædam generatióque virtútum; quia qui contempserit sæculária, ipse merébitur sempitérna, nec potest quisquam méritum regni cæléstis adipísci, qui, mundi cupiditáte pressus, emergéndi non habet facultátem.

Te Deum laudámus.

III ALIA HOMILIA

Léctio sancti Evangélíi
secúndum Lucam

Lectio vii Cap. 12, 1-8

IN illo témpore: Dixit Iesus discípulis suis: Atténdite a ferménto pharisæórum, quod est hypócrisis. Et réliqua.

Homilia sancti Bedæ
Venerabilis Presbyteri

Lib. 4 in Lucæ cap. 12



E hoc fermento Apóstolus præcipit : Itaque epulémur, non in fermento vétéri, neque in fermento malitiæ, et nequitiæ, sed in ázymis sinceritátis et veritátis. Nam sicut módicum fermentum totam farinæ, cui injicitur, massam corrumpit, universámque mox conspersiónem suo sapóre commaculat : sic nimírum simulatio, cujus semel ánimus imbúerit, tota virtutum sinceritate et veritate fraudabit. Est ergo sensus : Atténdite, ne æmulémini simulatores, quia véniet profecto tempus, in quo et vestra virtus ómnibus et eórum revelétur hypócrisis.

✠. Propter testaméntum Dómini et leges paternas, Sancti Dei perstitérunt in amore fraternitátis : * Quia unus fuit semper spíritus in eis, et una fides. ✠. Ecce quam bonum et quam jucúndum habitáre fratres in unum! — Quia.

Lectio viii

Verum quod séquitur : Quóniam quæ in ténebris dixístis, in lúmine dicéntur; non solum in futúro, quando cuncta córdium abscondita proferén-

tur ad lucem, sed et in præsénti témpore potest congruenter áccipi. Quóniam quæ inter ténebras quondam pressurárum, carcerúmque umbras vel locúti, vel passi sunt Apóstoli, nunc, clarificáta per orbem Ecclésia, lectis eórum áctibus, públice prædicántur. Ne terreámini ab his, qui occidunt corpus. Si persecutores Sanctórum, occisis corpóribus, non habent ámplius quid contra illos agant; ergo supervácuæ furunt insánia, qui mórtua Mártyrum membra feris avibúsque discerpénda projiciunt, cum nequáquam omnipoténtiæ Dei, quin ea resuscitádo vivíficet, obsistere possint.

✠. Sancti mei, vel Hæc est vera. [72]

Lectio ix

DUO autem sunt génera persecutorum : unum palam sæviéntium, álterum fícte fraudulentérque blandiéntium. Contra utrúmque nos muníre atque institúere volens Salvátor, et supra ab hypócrisi pharisæórum atténdere, et hic a carníficum cæde præcipit non timére; quia vidélicet post mortem nec horum crudélitas, nec illórum váleat simulatio duráre. Nonne quin-

que p sseres v neunt di-
p ndio? Si minut ssima,
inquit, anim lia, et qu e
qu olibet per   ra fer ntur
volatilia, Deus obliv sci
non potest; vos, qui ad
im ginem facti estis Crea-
t ris, non deb tis terr ri
ab his, qui occ dunt cor-
pus; quia, qui irrationa-
bilia anim lia gub rnat,
rationabilia cur re non d -
sinit.
Te Deum laud mus.

Commune unius aut plurimorum Martyrum

TEMPORE PASCHALI

IN I VESPERIS

Antiphon  et Psalmi ut in
I. Vesperis de Comm. Apost.
Tempore Paschali. [4]

Capitulum Sap. 5, 1

Stabunt justi in magna
constantia adversus
eos, qui se angustiaverunt
et qui abstulerunt labores
eorum.

Pro uno Martyre

Hymnus

Deus, tuorum militum
Sors et corona, pr e-
mium,
Laudes canentes Martyris
Absolve nexu criminis.

Hic nempe mundi g udia
Et blanda fraudum p bula
Imb ta felle deputans,
Pervenit ad c lestia.

P enas cuc rrit fortiter
Et sustulit viriliter,

Fundensque pro te s n-
guinem,
 terna dona possidet.

Ob hoc prec tu supplici
Te poscimus, pi ssime :
In hoc tri mphi M rty-
ris
Dimitte noxam servulis.

* Deo Patri sit gl ria,
Et Filio, qui a mortuis
Surrexit, ac Par clito,
In sempit rna s cula.
Amen.

¶ Ab Ascensione autem us-
que ad Feriam VI ante Vigi-
liam Pentecostes inclusive,
etiam in aliis Hymnis ejus-
dem metri, nisi aliter notetur,
dicitur :

* Jesu, tibi sit gl ria,
Qui victor in c elum redis,
Cum Patre, et almo Sp -
ritu,
In sempit rna s cula.
Amen.

Pro pluribus Martyribus

Hymnus

REX glorióse Mártyrum,
Coróna confiténtium,
Qui respuéntes térra
Perdúcis ad cæléstia :

Aurem benígnam prótinus
Inténde nostris vócbus :
Trophæa sacra pángimus :
Ignósce quod delíquimus.

Tu vincis inter Mártyres
Parcísque Confessóribus :
Tu vince nostra crimina,
Largítor indulgéntiæ.

* Deo Patri sit glória,
Et Fílio, qui a mórtuis
Surréxit, ac Paráclito,
In sempitérna sæcula.

Amen.

℣. Sancti et iusti, in Dómino gaudéte, allelúja.

℟. Vos elégit Deus in hereditátem sibi, allelúja.

Ad Magnif. Ant. Lux perpétua * lucébit Sanctis tuis, Dómine, et ætérnitas témporum, allelúja.

In II Vesperis

℣. Pretiósá in conspéctu Dómini, allelúja. ℟. Mors Sanctórum ejus, allelúja.

Ad Magnif. Ant. Sancti et iusti, * in Dómino gaudéte, allelúja : vos elégit Deus in hereditátem sibi, allelúja.

Oratio ut ad Laudes.

Completorium de Domínica.

AD MATUTINUM

Invit. Exsúltent in Dómino Sancti, * Allelúja.

Ps. 94 Veníte.

Pro uno Martyre

Hymnus Deus, tuórum militum, ut supra. [74]

Pro pluribus Martyribus

Hymnus

CHristo profúsum sáanguinem
Et Mártyrum victóriás
Dignámque cælo láuream
Lætis sequámur vócbus.

Terróre victo sæculi
Pœnísque spretis córporis,
Mortis sacræ compéndio
Vitam beátam pössident.

Tradúntur igni Mártyres
Et bestiárum déntibus;
Armáta sævit úngulis
Tortóris insáni manus.

Nudáta pendent víscera,
Sanguis sacrátus fúnditur;

Sed pérmanent immóbiles
Vitæ perénnis grátia.

¶ **Sequens Conclusio nunquam mutatur.**

Te nunc, Redémptor, quæsumus,

Ut Mártyrum consórtio
Jungas precántes sérvulos
In sempitérna sæcula.

Amen.

In I Nocturno

Ant. Stabunt iusti * in magna constántia advér-

sus eos, qui se angustia-
verunt, allelúja.

Sub una tantum Antiphona
in quolibet Nocturno, dicun-
tur Psalmi cum Ant. et Versu
ut in Communi unius aut
plurimorum Martyrum extra
Tempus Paschale, pro quali-
tate Festi. [35] vel [55]

℣. Sancti et iusti, in Dó-
mino gaudéte, allelúja.

℟. Vos elégit Deus in
hereditátem sibi, allelúja.

Absolutio Exáudi Dómine.

Benedictio Benedictione.

Lectiones et Responsoria
I Nocturni de Communi
unius aut plurimorum Mar-
tyrum extra Tempus Pa-
schale, pro qualitate Festi,
[37] vel [57] cum ℣℟. pro
Tempore Paschali ibidem
notatis.

In II Nocturno

Ant. Ecce * quómodo
computáti sunt inter filios
Dei, et inter Sanctos sors
illórum est, allelúja.


℣. Lux perpétua lucébit
Sanctis tuis, Dómine, alle-
lúja. ℟. Et ætérnitas témpo-
rum, allelúja.

Absolutio Ipsíus píetas.

Benedictio Deus Pater.

Sermo sancti Ambrósii
Epíscopi

Lectio iv Sermo 22

 Ignem et cóngruum
est, fratres, ut post
lætítiam Paschæ,
quam in Ecclésia celebrá-
vimus, gáudia nostra cum

sanctis Martýribus confe-
rámus; et iis annuntiémus
Domínicæ resurrectionis
glóriam, qui consórtes sunt
Domínicæ passiónis. Qui
enim sócii sunt contumé-
liæ, debent et partícipes
esse lætítiæ. Ita enim dicit
beátus Apóstolus : Sicut
sócii passiónum estis, et
resurrectionis éritis; si to-
lerábimus, inquit, et con-
regnábimus. Qui ergo to-
leravérunt mala propter
Christum, debent et gló-
riam habére cum Christo.

℟. Lux perpétua lucébit
Sanctis tuis, Dómine, * Et
ætérnitas témporum, alle-
lúja, allelúja. ℣. Lætítia
sempitérna erit super cá-
pita eórum : gáudium et
exultatiónem obtinébunt.
— Et ætérnitas.

Bened. Christus perpétuæ.

Lectio v

ANnuntiémus, inquam,
sanctis Martýribus
Domínicæ Paschæ grá-
tiam : ut, dum sepultúre
illíus prædicámus reseráta
claustra, et horum sepúl-
cra reseréntur; dum cor-
pus illíus mórtuum dici-
mus, tepéntibus venis, súb-
ito viguisse, horum quo-
que membra jam frígida
immortalitátis calóre fo-
veántur. Eadem enim rátió
Mártýres súscitat, quæ
et Dóminum suscitávit.
Nam, sicut viam passiónis

ejus expérti sunt, ita experiéntur et vitæ. Scriptum est enim in Psalmo : Notas mihi fecisti vias vitæ. Hoc útique in resurrectione ex persóna dicitur Salvatóris; ut, qui dum post mortem ab ínferis reddit ad súperos, incípiat notam habére viam vitæ, quæ ante habebátur ignóta.

℟. In servis suis, allelúja, * Consolábitur Deus, allelúja. ℣. Judicábit Dóminus pópulum suum, et in servis suis. — Consolábitur.

Bened. Ignem sui amóris.

Lectio vi

Ignóta enim erat ante Christi advéntum via vitæ, quæ nullíus adhuc resurgéntis fúerat temeráta vestígio. At, ubi Dóminus resurrexit, nota facta, solo attríta est plurimórum; de quibus sanctus Evangelísta ait : Multórum córpora Sanctórum surrexérunt cum eo, et introiérunt in sanctam civitátem. Unde, cum Dóminus in resurrectione sua dixerit : Notas mihi fecisti vias vitæ, póssumus et nos jam dicere Dómino : Notas fecisti nobis vias vitæ. Ipse enim nobis notas fecit vias vitæ, qui nobis sémitam manifestávit ad vitam. Notas enim mihi fecit vias vitæ, cum

me dócuit fidem, misericórdiam, justítiam, castitátem; his enim pervénitur itinéribus ad salutem.

℟. Fíliæ Jerúsalem, veníte et vidéte Mártýres cum corónis, quibus coronávit eos Dóminus * In die solemnitátis et lætítiae, allelúja. ℣. Quóniam confortávit seras portárum tuárum, benedíxit filios tuos in te. — In. Glória Patri. In.

In III Nocturno

Ant. Lux perpétua * lucébit Sanctis tuis, Dómine, et ætérnitas téporum, allelúja.

℣. Lætítia sempitérna super cápita eórum, allelúja. ℟. Gáudium et exsultatióem obtinébunt, allelúja.

Absolutio A vínculis.

Bened. Evangélica léctio.

Lectiones sequentes III Nocturni dicuntur in Festo unius Martyris. In Festo autem plurimorum Martyrum Homilia in Evangelium Ego sum vitis, vos pálmities, quæ ponitur infra 2 loco. [83]

Léctio sancti Evangélíi
secúndum Joánnem

Lectio vii Cap. 15, 1-7

IN illo témpore : Dixit Jesus discípulis suis : Ego sum vitis vera, et Pa-

ter meus agrícola est. Et réliqua.

Homília sancti Augustíni
Epíscopi

Tract. 80 in Joannem

Iste locus evangélicus, fratres, ubi se dicit Dóminus vitem et discípulos suos pálmities, secúndum hoc dicit, quod est caput Ecclesiæ nosque membra ejus, mediátor Dei et hóminum, homo Christus Jesus. Unius quippe natúræ sunt vitis et pálmities. Propter quod cum esset Deus, cuius natúræ non sumus, factus est homo, ut in illo esset vitis humana natúra, cuius et nos hómines pálmities esse possémus.

℟. Ego sum vitis vera, et vos pálmities : * Qui manet in me, et ego in eo, hic fert fructum multum, allelúja, allelúja. ℣. Sicut diléxit me Pater, et ego diléxi vos. — Qui.

Feria III et VI infra hebdomadam I et II post Octavam Paschæ, quoties in I Nocturno Lectiones fuerint de Scriptura occurrenti cum suis Responsoriis de Tempore, loco præcedentis Responsorii dicitur sequens

℟. Tristítia vestra, allelúja, * Convertétur in gáudium, allelúja, allelúja. ℣. Mundus autem gaudébit, vos vero contristabí-

mini, sed tristítia vestra. — Convertétur.

Benedictio Cujus vel Quorum festum cólimus.

Lectio viii

Quid ergo est, Ego sum vitis vera? Numquid ut ádderet, vera, hoc ad eam vitem rétulit, unde ista similitúdo transláta est? Sic enim dicitur vitis per similitúdinem, non per proprietátem, quemádmódum dicitur ovis, agnus, leo, petra, lapis anguláris, et cétera hujúsmodi; quæ magis ipsa sunt vera, ex quibus ducúntur istæ similitúdines, non proprietátes. Sed cum dicit, Ego sum vitis vera, ab illa se útique discérnit, cui dicitur : Quómodo convérta es in amaritúdinem, vitis aliéna? Nam quo pacto est vitis vera, quæ exspectáta est ut fáceret uvam, fecit autem spinas?

℟. Cándidi facti sunt Nazaræi ejus, allelúja; splendórem Deo dedérunt, allelúja : * Et sicut lac coaguláti sunt, allelúja, allelúja. ℣. Cándidióres nive, niti-dióres lacte, rubicundióres ébore antíquo, sapphíro pulchrióres.—Et. Glória.Et.

Benedictio Ad societátem.

Lectio ix

EGO sum, inquit, vitis vera, et Pater meus agrícola est. Numquid

unum sunt agricola et vitis? Secundum hoc ergo vitis Christus, secundum quod ait : Pater major me est. Secundum autem id, quod ait : Ego et Pater unum sumus; et ipse agricola est; nec talis, quales sunt, qui extrinsecus operando exhibent ministerium; sed talis, ut det etiam intrinsecus incrementum. Nam, neque qui plantat est aliquid, neque qui rigat; sed, qui incrementum dat, Deus. Sed utique Deus est Christus, quia Deus erat Verbum; unde ipse et Pater unum sunt. Et, si Verbum caro factum est, quod non erat, manet quod erat.

Te Deum laudamus.

AD LAUDES

et per Horas, Añæ

1 Sancti tui, * Dómine, florébunt sicut lílium, allelúja : et sicut odor bálsami erunt ante te, allelúja.

Psalmi de Dominica 1 loco.

2 In cælestibus regnis * Sanctórum habitatio est, allelúja : et in ætérnum réquies eórum, allelúja.

3 In velaménto * clamábant Sancti tui, Dómine, allelúja, allelúja, allelúja.

4 Spíritus et ánimæ * justórum, hymnum dicite Deo nostro, allelúja, allelúja.

5 Fulgébunt iusti * sicut sol in conspéctu Dei, allelúja.

Capitulum Sap. 5, 1

STabunt iusti in magna constantia advérsus eos, qui se angustiavérunt et qui abstulérunt labóres eórum.

Pro uno Martyre

Hymnus

INvícte Martyr, únicum Patris secútus Fílium, Victis triúmphas hóstibus, Victor fruens cælestibus.

Tui precátus múnere Nostrum reátum dílué, Arcens mali contágium, Vitæ repéllens tædium.

Solúta sunt jam víncula Tui sacráti córporis : Nos solve vinclis sáeculi Dono supérni Núminis.

* Deo Patri sit glória, Et Fílio, qui a mórtuis Surréxit, ac Paráclito, In sempitérna sáecula. Amen.

¶ Ab Ascensione autem usque ad Feriam VI ante Vigiliam Pentecostes inclusive, etiam in aliis Hymnis ejusdem metri, nisi aliter notetur, dicitur :

* Jesu, tibi sit glória, Qui victor in cælum redis, Cum Patre, et almo Spíritu, In sempitérna sáecula. Amen.

Pro pluribus Martyribus

Hymnus

REX glorióse Mártyrum,
Coróna confiténtium,
Qui respuéntes térrea
Perdúcis ad cæléstia :

Aurem benígnam prótinus
Inténde nostris vócbus :
Trophæa sacra pángimus :
Ignósce quod deliquimus.

Tu vincis inter Mártyres
Parcísque Confessóribus :
Tu vince nostra crímina,
Largítor indulgéntiæ.

* Deo Patri sit glória,
Et Filio, qui a mórtuis
Surréxit, ac Paráclito,
In sempitérna sácula.

Amen.

✠. Pretiósá in conspéctu
Dómini, allelúja. ✠. Mors
Sanctorum ejus, allelúja.

Ad Bened. Ant. Filiæ Je-
rúsalem, * veníte et vidéte
Mártyres cum coronis, qui-
bus coronávit eos Dómi-
nus in die solemnitátis et
lætítiæ, allelúja, allelúja.

Pro uno Martyre Pont.

1 — Oratio

Infirmitátem nostram ré-
spice, omnipotens Deus :
et, quia pondus propriæ
actiónis gravat, beáti **N.**
Mártyris tui atque Pontífi-
cis intercésio gloriósa nos
prótegat. Per Dóminum.

2 — Item alia Oratio

Deus, qui nos beáti **N.**
Mártyris tui atque
Pontíficis ánnua solemni-

táte lætíficas : concéde
propítius; ut, cujus nata-
lítia cólimus, de ejúsdem
étiam protectióne gaudeá-
mus. Per Dóminum.

Pro uno Mart. non Pont.

3 — Oratio

Præsta, quæsumus, om-
nípotens Deus : ut, qui
beáti **N.** Mártyris tui nata-
lítia cólimus, intercessióne
ejus in tui nóminis amóre
roborémur. Per Dóminum.

4 — Item alia Oratio

Præsta, quæsumus, om-
nípotens Deus : ut, in-
tercedénte beáto **N.** Már-
tyre tuo, et a cunctis ad-
versitatibus liberémur in
córpoze, et a pravis cogi-
tationibus mundémur in
mente. Per Dóminum.

Pro pluribus Martyribus Pontificibus

5 — Oratio

Beatórum Mártyrum pa-
ritérque Pontíficum **N.**
et **N.** nos, quæsumus, Dó-
mine, festa tueántur : et
eórum comméndet orátio
veneránda. Per Dóminum.

Pro pluribus Martyribus, qui non fuerint Pontifices

6 — Oratio

Deus, qui nos concédís
sanctorum Mártyrum
tuórum **N.** et **N.** natalítia
cólere : da nobis in æténa
beatitúdine de eórum so-
cietáte gaudére. Per Dó-
minum.

7 — *Item alia Oratio*

Deus, qui nos ánnua sanctórum Mártyrum tuórum *N. et N.* solemnitáte lætíficas : concéde propítius; ut, quorum gaudémus méritis, accendámur exémplic. Per Dóminum.

Ad Horas Psalmi de Dominica, ad Primam tamen ut in Festis.

AD TERTIAM

Capitulum Sap. 5, 1

Stabunt justí in magna constántia advérsus eos, qui se angustiavérunt et qui abstulérunt labóres eórum.

℟. br. Sancti et justí, in Dómino gaudéte, * Allelúja, allelúja. Sancti. *℣.* Vos elégit Deus in hereditátem sibi. Allelúja, allelúja. Glória Patri. Sancti. *℣.* Lux perpétua lucébit Sanctis tuis, Dómine, allelúja. *℟.* Et ætérnitas témporum, allelúja.

AD SEXTAM

Capitulum Sap. 5, 5

Ecce quómodo computáti sunt inter filios Dei, et inter Sanctos sors illórum est.

℟. br. Lux perpétua lucébit Sanctis tuis, Dómine, * Allelúja, allelúja. Lux. *℣.* Et ætérnitas témporum. Allelúja, allelúja. Glória Patri. Lux. *℣.* Lætítia sempitérna super

cápita eórum, allelúja. *℟.* Gáudium et exsultatiónem obtinébunt, allelúja.

AD NONAM

Capitulum Rom. 8, 28

Scimus quóniam diligéntibus Deum ómnia cooperántur in bonum, iis qui secúndum propósitum vocáti sunt sancti.

℟. br. Lætítia sempitérna super cápita eórum, * Allelúja, allelúja. Lætítia. *℣.* Gáudium et exsultatiónem obtinébunt. Allelúja, allelúja. Glória Patri. Lætítia. *℣.* Pretiósá in conspéctu Dómini, allelúja. *℟.* Mors Sanctórum ejus, allelúja.

IN II VESPERIS

Antiphonæ de Laudibus.

Psalmi (cum Antiphonis) ut in I Vesp. de Comm. App. Tempore Paschali [4], sed loco ultimi dicitur Ps. 115 Crédidi. [69]

Capitulum et Hymnus ut in I Vesperis. [74]

℣. Pretiósá in conspéctu Dómini, allelúja. *℟.* Mors Sanctórum ejus, allelúja.

Ad Magnif. Ant. Sancti et justí, * in Dómino gaudéte, allelúja : vos elégit Deus in hereditátem sibi, allelúja.

Completorium de Dominica.

II ALIÆ LECTIONES pro Martyribus T. P.

In II Noeturno

De Epístola sancti Cypriáni Epíscopi et Mátyris ad Mátyres et Confesóres

Liber 2 Epist. 6

Lectio iv



Uibus ego vos láudibus prædicem, fortíssimi Mátyres? robur pectoris vestri, et perseverántiam fidei, quo præcónio vocis exórnem? Tolerástis usque ad consummationem glóriæ duríssimam quæstiónem; nec cessístis supplíciis, sed vobis pótius supplícia cesérunt. Finem dolóribus, quem torménta non dabant, corónæ dedérunt. Laniéna grávior ad hoc diu perseverávit, non ut stantem fidem dejíceret, sed ut hómines Dei ad Deum velócius mitteret.

℟. Lux perpétua lucébit Sanctis tuis, Dómine, * Et ætéritas témporum, allelúja, allelúja. ℣. Lætítia sempitérna erit super cápita eórum : gáudium et exsultatiónem obtinébunt. — Et.

Lectio v

Vidit admírans præsentium multitúdo cæléste certámen, certámen Dei, certámen spiritále,

prælium Christi : stetísse servos ejus voce líbera, mente incorrúpta, virtúte divína, telis quídem sæculáribus nudos, sed armis fidei ardéntis armátos. Stetérunt torti torquéntibus fortióres; et pulsántes ac laniántes úngulas, pulsáta ac laniáta membra vicérunt. Inexpugnábilem fidem superáre non pótuit sáviens diu plaga repetíta, quamvis, rupta compáge víscerum, torqueréntur in servis Dei jam non membra, sed vúlnera. Fluébat sanguis, qui incéndium persecutiónis exstíngueret, qui flammās et ignes gehénnæ glorióso cruóre sopíret.

℟. In servis suis, allelúja, * Consolábitur Deus, allelúja. ℣. Judicábit Dóminus pópulum suum, et in servis suis. — Consolábitur.

Lectio vi

O Quale illud fuit spectáculum Dómino, quam sublime, quam magnum, quam Dei óculis sacraménto ac devotióne militis ejus accéptum! sicut scriptum est in Psalmis, Spíritu Sancto loquente ad nos páriter et monente : Pretiósā est in conspéctu Dómini mors justórum ejus. Pretiósā mors hæc est, quæ emit immortalitatem pretio sui sánguini

nis, quæ accépit corónam de consummatione virtutis. Quam lætus illic Christus fuit, quam libens in talibus servis suis et pugnâvit et vicit protector fidei, dans credentibus tantum, quantum se credit capere qui sumit! Certâmini suo adfuit, proeliatores atque assertores sui nominis erexit, corroboravit, animavit. Et qui pro nobis mortem semel vicit, semper vincit in nobis.

℟. Filiae Jerúsalem, venite et videte Martyres cum coronis, quibus coronavit eos Dominus * In die solemnitatis et lætitiæ, allelúja. ℣. Quoniam confortavit seras portarum tuarum, benedixit filios tuos in te.—In. Glória Patri. In.

In III Noeturno
Lectio sancti Evangelii
secundum Joannem

Lectio vii Cap. 15, 5-11

IN illo tempore : Dixit Jesus discipulis suis : Ego sum vitis, vos palmites : qui manet in me, et ego in eo, hic fert fructum multum; quia sine me nihil potestis facere. Et reliqua.

Homilia sancti Augustini
Episcopi

Tract. 81 in Joann., sub med.



E quisquam putaret saltem parvum aliquem fructum posse a semetipso palmitem

ferre, cum dixisset, Hic fert fructum multum; non ait, Quia sine me parum potestis facere; sed, Nihil potestis facere. Sive ergo parum sive multum, sine illo fieri non potest, sine quo nihil fieri potest. Quia, etsi parum attulerit palmes, eum purgat agricola, ut plus afferat; tamen, nisi in vite manserit et vixerit de radice, quamtumlibet fructum a semetipso non potest ferre. Quamvis autem Christus vitis non esset, nisi homo esset, tamen istam gratiam palmitibus non præberet, nisi etiam Deus esset.

℟. Ego sum vitis vera, et vos palmites : * Qui manet in me, et ego in eo, hic fert fructum multum, allelúja, allelúja. ℣. Sicut dilexit me Pater, et ego dilexi vos. — Qui.

Feria III et VI infra hebdomadam I et II post Octavam Paschæ quoties in I Noeturno Lectiones fuerint de Scriptura occurrenti cum suis Responsoriis de Tempore, loco præcedentis Responsorii dicitur sequens

℟. Tristitia vestra, allelúja, * Convertetur in gaudium, allelúja, allelúja.

℣. Mundus autem gaudébit, vos vero contristabimini, sed tristitia vestra. — Convertetur in gaudium, allelúja, allelúja.

Lectio viii

Verum, quia ita sine ista grátia non potest vivi, ut et mors in potestáte sit liberi arbitrii : Si quis in me, inquit, non mánserit, mittétur foras sicut palmes, et aréscet; et colligent eum, et in ignem mittent, et ardet. Ligna itaque vitis tanto sunt contemptibilióra, si in vite non mánserint, quanto gloriosióra, si mánserint. Dénique, sicut de his étiam per Ezechiélem Prophétam Dóminus dicit, præcisa nullis agricolárum úsibus prosunt, nullis fabrilibus opéribus deputántur. Unum de duóbus páلمي congruit, aut vitis, aut ignis : si in vite non est, in igne erit. Ut ergo in igne non sit, in vite sit.

℟. Cándidi facti sunt Nazaræi ejus, allelúja; splendórem Deo dedérunt, allelúja : * Et sicut lac coaguláti sunt, allelúja, allelúja.

℟. Candidiôres nive, niti-diôres lacte, rubicundiôres ébore antíquo, sapphíro pulchriôres. — Et. Glória Patri. Et.

Lectio ix

Si manséritis in me, inquit, et verba mea in vobis mánserint, quodcúmque voluéritis petétis, et fiet vobis. Manéndo quippe in Christo, quid velle possunt, nisi quod cónvenit Christo? Quid velle possunt manéndo in Salvatóre, nisi quod non est aliénium a salúte? Aliud quippe vólumus quia sumus in Christo, et áliud vólumus quia sumus adhuc in hoc sáculo. De mansióné namque hujus sáculi nobis aliquándo subrépit, ut hoc petámus, quod nobis non expedíre nescímus. Sed absit ut fiat nobis, si manémus in Christo, qui non facit, quando pétimus, nisi quod éxpedit nobis. Te Deum.

Commune Confessoris Pontificis

IN I VESPERIS

Ant. 1 Ecce sacérdos magnus, * qui in diébus suis plácuit Deo, et invéntus est justus. (T. P. Allelúja.)

Psalmi ut in I Vesperis de Communi Apostolorum. [4]

2 Non est invéntus * símilis illi, qui conserváret legem Excélsi. (T. P. Allelúja.)

3 Ideo jurejurándo * fecit illum Dóminus créscere in plebem suam. (T. P. Allelúja.)

4 Sacerdótes Dei, * benedicite Dóminum : servi Dómini, hymnum dicite Deo. (T. P. Allelúja.)

5 Serve bone * et fidélis, intra in gáudium Dómini tui. (T. P. Allelúja.)

In II Vesperis

Psalmus 131

Memento, Dómine, David, * et omnis mansuetúdinis ejus :

Sicut jurávit Dómino, * votum vovit Deo Jacob :

Si introíero in tabernáculum domus meæ, * si ascéndero in lectum strati mei :

Si dédero somnum óculis meis, * et pálpebris meis dormitatióem :

Et réquiem tempóribus meis : donec invéniam locum Dómino, * tabernáculum Deo Jacob.

Ecce audívimus eam in Ephrata : * invénimus eam in campis silvæ.

Introíbimus in tabernáculum ejus : * adorábimus in loco, ubi stetérunt pedes ejus.

Surge, Dómine, in réquiem tuam, * tu et arca sanctificatióis tuæ.

Sacerdótes tui induántur justítiam : * et sancti tui exsúltent.

Propter David, servum tuum, * non avértas fáciem Christi tui.

Jurávit Dóminus David veritátem, et non frustrábitur eam : * De fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docébo eos :

Et filii eórum usque in sæculum, * sedébunt super sedem tuam.

Quóniam elégit Dóminus Sion : * elégit eam in habitatióem sibi.

Hæc réquies mea in sæculum sæculi : * hic habitábo quóniam elégi eam.

Víduam ejus benedicens benedícam : * páuperes ejus saturábo pánibus.

Sacerdótes ejus induam salutári : * et sancti ejus exsultatióne exsultábunt.

Illuc producam cornu David, * parávi lucérnam Christo meo.

Inimícos ejus induam confusióne : * super ipsum autem efflorébit sanctificatio mea.

Ant. Serve bone et fidélis, intra in gáudium Dómini tui. (T. P. Allelúja.)

Capit. Eccli. 44, 16-17

Ecce sacérdos magnus, qui in diébus suis plácuit Deo, et invéntus est justus : et in témpore iracúndiæ factus est reconciliatio.

Hymnus

Iste Confessor Dómini,
coléntes
Quem pie laudant pópuli
per orbem,
Hac die lætus mérui beá-
tas
Scándere sedes.

*Si non est dies obitus (quod
litteræ m. t. v. indicant in
Proprio), dicatur :*

Hac die lætus mérui su-
prémus
Laudis honóres.

Qui pius, prudens, húmi-
lis, pudícus,
Sóbriam duxit sine labe
vitam,
Donec humános animávit
auræ
Spíritus artus.

Cujus ob præstans méri-
tum fréquénter,
Ægra quæ passim jacuére
membra,
Víribus morbi dómitis, sa-
lúti
Restituúntur.

Noster hinc illi chorus ob-
sequéntem
Cónclinat laudem celebrés-
que palmas,
Ut piis ejus précibus juvé-
mur
Omne per ævum.

Sit salus illi, decus atque
virtus,
Qui, super cæli sólio corú-
scans,
Tótius mundi sériem gu-
bérrat
Trinus et unus. Amen.

V. Amávit eum Dómi-
nus, et ornávit eum. (T. P.
Allelúja.) **R.** Stolam gló-
riæ induit eum. (T. P.
Allelúja.)

Ad Magnif. Ant. Sacér-
dos et Póntifex, * et vir-
tútum ópifex, pastor bone
in pópulo ora pro nobis
Dóminum. (T. P. Allelúja.)

In II Vesperis

V. Justum dedúxit Dó-
minus per vias rectas.
(T. P. Allelúja.) **R.** Et
osténdit illi regnum Dei.
(T. P. Allelúja.)

Ad Magnif. Ant. Amávit
eum Dóminus, * et orná-
vit eum : stolam glóriæ
induit eum, et ad portas
paradísi coronávit eum.
(T. P. Allelúja.)

Pro Summis Pontificibus

Ant. Dum esset Summus
Póntifex, * terréna non
métuit, sed ad cæléstia
regna gloriósus migrávit.
(T. P. Allelúja.)

1 — Oratio

DA, quæsumus, omnípo-
tens Deus : ut beáti **N.**
Confessoris tui atque Pon-
tificis veneránda solémni-
tas, et devotióne nobis
áugeat et salútem. Per
Dóminum.

2 — Alia Oratio

EXáudi, quæsumus, Dó-
mine, preces nostras,
quas in beáti **N.** Confes-

sóris tui atque Pontificis solemnitáte deférimus : et, qui tibi digne mérui famulári, ejus intercedéntibus méritis, ab ómnibus nos absólve peccátis. Per Dóminum.

Pro Doctoribus

In utrisque Vesperis

Ad Magnif. Ant. O Doctor óptime, * Ecclesiæ sanctæ lumen, beáte **N.** divínæ legis amátor, deprecáre pro nobis Fílium Dei. (T. P. Allelúja.)

3 — Oratio

DEus, qui pópulo tuo ætérnæ salútis beátum **N.** mínistrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Completorium de Dominica.

AD MATUTINUM

Invitat. Regem Confessorum Dóminum, * Veníte, adorémus. (T. P. Allelúja.) **Ps. 94** Veníte, exsultémus.

Hymnus Iste Conféssor, ut supra. [86]

In I Nocturno

Ant. Beátus vir, * qui in lege Dómini meditátur : volúntas ejus pérmanet die ac nocte, et ómnia

quæcúmque fáciat, semper prosperabúntur. (T. P. Allelúja.)

Tempore Paschali, sub prima tantum Antiphona (cum Allelúja) in quolibet Nocturno dicuntur Psalmi.

Psalmus 1



Beátus vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non défluet : * et ómnia quæcúmque fáciat, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudício : * neque peccatóres in concílio justórum.

Quóniam novit Dóminus viam justórum : * et iter impiórum períbit.

Ant. Beátus vir, qui in lege Dómini meditátur : volúntas ejus pérmanet die ac nocte, et ómnia quæcúmque fáciat, semper prosperabúntur.

Ant. Beátus iste Sanctus, * qui confisus est in Dómino, prædicávit præceptum Dómini, constitútus est in monte sancto ejus.

Psalmus 2

Quare fremuérunt gentes, * et pópuli meditati sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possessiónem tuam términos terræ.

Réges eos in virga férrea, * et tamquam vas figuli confrínges eos.

Et nunc, reges, intelligite : * erudímini, qui judicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Beátus iste Sanctus, qui confisus est in Dómino, prædicávit præceptum Dómini, constitútus est in monte sancto ejus.

Ant. Tu es glória mea, * tu es suscéptor meus, Dómine : tu exáltans caput meum, et exaudísti me de monte sancto tuo.

Psalmus 3

Domine, quid multiplicati sunt qui tribulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu autem, Dómine, suscéptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo míllia pópuli circumdántis me : * ex-

súrge, Dómine, salvum me fac, Deus meus.

Quóniam tu percussísti omnes adversánte mihi sine causa : * dentes peccatórum contrivísti.

Dómini est salus : * et super pópulum tuum benedictio tua.

Ant. Tu es glória mea, tu es suscēptor meus, Dómine : tu exáltans caput meum, et exaudísti me de monte sancto tuo.

Tempore Paschali

Ant. Beátus vir, qui in lege Dómini meditátur : volúntas ejus pérmanet die ac nocte, et ómnia quaecúmque fáciat, semper prosperabúntur, allelúja.

Pro Conf. Pont. et non Pont.

℣. Amávit eum Dóminus, et ornávit eum. (T. P. Allelúja.) ℞. Stollam glóriæ induit eum. (T. P. Allelúja.)

Absolutio Exáudi, Dómine.

Benedictio Benedictióne.

De Epístola prima beáti Pauli Apóstoli ad Timótheum

Lectio i Cap. 3, 1-7



Idélis sermo : Si quis episcopátum desíderat, bonum opus desíderat. Opórtet ergo episcopum irreprehensíbilem esse, uníus uxóris virum, sóbrium, pru-

déntem, ornátum, pudícum, hospitálem, doctórem, non vinoléntum, non percussórem, sed modéstum; non litigiósum, non cúpidum, sed suæ dómui bene præpósitum, filios habéntem súbditos cum omni castitáte. Si quis autem dómui suæ præesse nescit, quómodo Ecclésiæ Dei diligéntiam habébit? Non neóphytum, ne, in supérbiam elátus, in iudícium incidat diáboli. Opórtet autem illum et testimoniúm habére bonum ab iis qui foris sunt, ut non in oppróbrium incidat, et in láqueum diáboli.

℞. Euge, serve bone et fidélis, quia in pauca fuísti fidélis, supra multa te constituam : * Intra in gáudium Dómini tui. (T. P. Allelúja.) ℣. Dómine, quinque talénta tradidísti mihi, ecce ália quinque superlucrátus sum. — Intra.

Benedictio Unigénitus Dei.

De Epístola ad Titum

Lectio ii Cap. 1, 7-11

Opórtet enim episcopum sine crimine esse, sicut Dei dispensatórem : non supérbum, non iracúndum, non vinoléntum, non percussórem, non turpis lucrí cúpidum; sed hospitálem, benígnum, sóbrium, justum, sanctum,

continéntem, amplecténtem eum, qui secúndum doctrínam est, fidélem sermónem : ut potens sit exhortári in doctrína sana, et eos, qui contradícunt, argúere. Sunt enim multi étiam inobediéntes, vaniloqui et seductóres : máxime qui de circumcisióne sunt : quos opórtet redárgui : qui univérsas domos subvértunt, docéntes quæ non opórtet, turpis luci grátia.

✠. Ecce sacérdos magnus, qui in diébus suis plácuít Deo : * Ideo jurejurándo fecit illum Dóminus créscere in plebem suam. (T. P. Allelúja.)

✠. Benedictiónem ómnium géntium dedit illi, et testaméntum suum confirmávit super caput ejus. — Ideo.

Benedictio Spíritus Sancti.

Lectio iii **Cap. 2, 1-8**

TU autem lóquere quæ decent sanam doctrínam : Senes ut sóbrii sint, pudíci, prudéntes, sani in fide, in dilectiόne, in patiéntia : Anus simíliter in hábitu sancto, non criminátrices, non multo vino serviéntes, bene docéntes : ut prudéntiam dóceant adolescéntulas, ut viros suos ament, filios suos diligant, prudéntes, castas, sóbrias, domus curam ha-

béntes, benígnas, súbditas viris suis, ut non blasphemétur verbum Dei. Júvenes simíliter hortáre ut sóbrii sint. In ómnibus teípsum præbe exémpulum bonórum óperum, in doctrína, in integritáte, in gravitáte, verbum sanum, irreprehensíbile : ut is, qui ex advérso est, vereátur, nihil habens malum dícere de nobis.

✠. Jurávit Dóminus, et non pænitébit eum : * Tu es sacérdos in ætérnum secúndum órđinem Melchisedech. (T. P. Allelúja.)

✠. Dixit Dóminus Dómino meo : Sede a dextris meis. — Tu. **Glória Patri.** Tu.

In II Nocturno

Ant. Invocántem * exaudivit Dóminus Sanctum suum; Dóminus exaudivit eum, et constituit eum in pace. (T. P. Allelúja.)

Psalmus 4

QUM invocárem exaudivit me Deus justítiae meæ : * in tribulatiόne dilatásti mihi.

Miserére mei, * et exáudi oratiόnem meam.

Fílii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáu-

diet me cum clamávero ad eum.

Irascimini, et nolíte peccáre : * quæ dicitis in córdibus vestris, in cubílibus vestris compungimini.

Sacrificáte sacrificium justítiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiam, et requiéscam;

Quóniam tu, Dómine, singuláriter in spe * constituísti me.

Ant. Invocántem exaudivit Dóminus Sanctum suum; Dóminus exaudivit eum, et constituit eum in pace.

Ant. Læténtur omnes, * qui sperant in te, Dómine : quóniam tu benedixísti justo, scuto bonæ voluntátis tuæ coronásti eum.

Psalmus 5

Verba mea áuribus percípe, Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multitúdine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimícos meos dírige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitúdinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen

tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Ant. Læténtur omnes, qui sperant in te, Dómine : quóniam tu benedixísti justo, scuto bonæ voluntátis tuæ coronásti eum.

Ant. Dómine, Dóminus noster, * quam admirábile est nomen tuum in univérſa terra! quia glória et honóre coronásti Sanctum tuum, et constituísti eum super ópera mánuum tuárum.

Psalmus 8

Domine, Dóminus noster, * quam admirábile est nomen tuum in univérſa terra!

Quóniam eleváta est magnificentia tua, * super cælos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cælos tuos, ópera digitorum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et

honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérſa terra!

Ant. Dómine, Dóminus noster, quam admirábile est nomen tuum in univérſa terra! quia glória et honóre coronásti Sanctum tuum, et constituísti eum super ópera mánuum tuárum.

Tempore Paschali

Ant. Invocántem exaudivit Dóminus Sanctum suum; Dóminus exaudivit eum, et constituit eum in pace, allelúja.

℟. Elégit eum Dóminus sacerdotem sibi. (T. P. Allelúja.) ℣. Ad sacrificándum ei hóstiam laudis. (T. P. Allelúja.)

Pro Conf. non Pont.

℟. Os justi meditábitur sapiéntiam. (T. P. Allelúja.) ℣. Et lingua ejus loquétur iudícium. (T. P. Allelúja.)

Absolutio Ipsíus píetas.

Benedictio Deus Pater.

Sermo sancti Máximi
Epíscopi

Homilia 59, quæ est 2
de S. Eusebio Vercellensi

Lectio iv



D sancti ac beatíssi-
mi Patris nostri **N.**,
cujus hódie festa
celebrámus, laudes addi-
disse áliquíd, decerpsísse
est; síquidem virtútum
ejus grátia non sermóni-
bus exponénda est, sed
opéribus comprobánda.
Cum enim dicat Scriptú-
ra : Glória patris est filius
sápiens; quantæ hujus
sunt glóriæ, qui tantórum
filiórum sapiéntia et devo-
tione lætátur? In Christo
enim Jesu per Evangélium
ipse nos génuit.

✠. Invéni David servum
meum, óleo sancto meo
unxi eum : * Manus enim
mea auxiliábitur ei. (**T. P.**
Allelúja.) ✠. Nihil proficiet
inimícus in eo, et filius ini-
quitátis non nocébit ei. —
Manus.

Bened. Christus perpétuæ.

Lectio v

Quidquid igitur in hac
sancta plebe potest
esse virtútis et grátiae, de
hoc, quasi quodam fonte
lucidíssimo, ómnium rivu-
lórum púritas emanávit.
Etenim, quia castitátis
pollébat vigóre, quia abs-
tinéntiæ gloriabátur an-

gústíis, quia blandimén-
tis erat præditus lenitátis,
ómnium civium in Deum
provocávit afféctum; quia
Pontíficis administratióne
fulgébat, plures e discipu-
lis relíquit sui sacerdotií
successóres.

✠. Pósuí adjutórium su-
per poténtem, et exaltávi
eléctum de plebe mea :
* Manus enim mea auxi-
liábitur ei. (**T. P.** Alle-
lúja.) ✠. Invéni David
servum meum, óleo san-
cto meo unxi eum. —
Manus.

Bened. Ignem sui amoris.

Lectio vi

Bene et cóngrue in hac
die, quam nobis beáti
Patris nostri **N.** ad para-
dísum tránsitus exsultá-
bilem reddit, præsentis
Psalmi versículum decan-
távimus : In memória
ætérna erit justus. Digne
enim in memóriam vérti-
tur hóminum, qui ad gáu-
dium tránsiit Angelórum.
Dicit sermo divínus : Ne
laudes hóminem in vita
sua; tamquam si diceret :
Lauda post vitam, magní-
fica post consummatión-
em. Dúplici enim ex cau-
sa útilius est hóminum
magis memóriæ laudem
dare, quam vitæ; ut illo
potíssimum témpore mé-
rita sanctitátis extóllas,
quando nec laudántem

adulatio movet, nec laudatum tentat elatio.

℟. Iste est, qui ante Deum magnas virtutes operatus est, et omnis terra doctrina ejus replata est : * Ipse intercedat pro peccatis omnium populorum. **(T. P. Allelúja.)** **℟.** Iste est, qui contempsit vitam mundi, et pervenit ad celestia regna. — Ipse. **Gloria Patri.** Ipse.

In III Nocturno

Ant. Domine, * iste Sanctus habitabit in tabernaculo tuo, operatus est justitiam, requiescet in monte sancto tuo. **(T. P. Allelúja.)**

Psalmus 14



Domine, quis habitabit in tabernaculo tuo? * aut quis requiescet in monte sancto tuo?

Qui ingreditur sine macula, * et operatur justitiam :

Qui loquitur veritatem in corde suo, * qui non egit dolum in lingua sua :

Nec fecit proximo suo malum, * et opprobrium non accepit adversus proximos suos.

Ad nihilum deductus est in conspectu ejus malignus : * timentes autem Dominum glorificat :

Qui jurat proximo suo, et non decipit, * qui pecuniam

suam non dedit ad usuram, et munera super innocentem non accepit.

Qui facit hæc, * non movebitur in æternum.

Ant. Domine, iste Sanctus habitabit in tabernaculo tuo, operatus est justitiam, requiescet in monte sancto tuo.

Ant. Vitam petiit * a te, et tribuisti ei, Domine : gloriam et magnum decorem imposuisti super eum : posuisti in capite ejus coronam de lapide pretioso.

Psalmus 20

Domine, in virtute tua lætabitur rex : * et super salutare tuum exsultabit vehementer.

Desiderium cordis ejus tribuisti ei : * et voluntate labiorum ejus non fraudasti eum.

Quoniam prævenisti eum in benedictionibus dulcedinis : * posuisti in capite ejus coronam de lapide pretioso.

Vitam petiit a te : * et tribuisti ei longitudinem dierum in sæculum, et in sæculum sæculi.

Magna est gloria ejus in salutare tuo : * gloriam et magnum decorem impones super eum.

Quoniam dabis eum in benedictionem in sæculum sæculi : * lætificabis eum in gaudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimícis tuis : * dextera tua invéniat omnes, qui te odérunt.

Pones eos ut clíbanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuerunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantábimus et psallémus virtútes tuas.

Ant. Vitam pétiit a te, et tribuísti ei, Dómine : glóriam et magnum decórem imposuísti super eum : posuísti in cápite ejus coronam de lápide pretióso.

Ant. Hic accípiet * benedictiónem a Dómino, et misericórdiam a Deo salutári suo : quia hæc est generátio quæréntium Dóminum.

Psalmus 23

Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo, salutári suo.

Hæc est generátio quæréntium eum, * quæréntium faciém Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Hic accípiet benedictiónem a Dómino, et misericórdiam a Deo salutári suo; quia hæc est generátio quæréntium Dóminum.

Tempore Paschali

Ant. Dómine, iste Sanctus habitábit in tabernáculo tuo, operátus est

Justítiam, requiescet in monte sancto tuo, allelúja.

℣. Tu es sacérdos in ætérnum. (T. P. Allelúja.)

℟. Secúndum órđinem Melchisedech. (T. P. Allelúja.)

Pro Conf. non Pont.

℣. Lex Dei ejus in corde ipsíus. (T. P. Allelúja.)

℟. Et non supplantabúntur gressus ejus. (T. P. Allelúja.)

Absolutio A v́nculis.

Bened. Evangélica léctio.

Léctio sancti Evangélli
secúndum Matthæum

Lectio vii Cap. 25, 14-23

IN illo témpore : Dixit Jesus discípulis suis parábolam hanc : Homo péregre proficiscens, vocávit servos suos, et trádedit illis bona sua. Et réliqua.

Homília sancti Gregórii
Papæ

Homilia 9 in Evang.



Ectio sancti Evangélli, fratres caríssimi, sollícite consideráre nos ádmonet, ne nos, qui plus céteris in hoc mundo accepísse áliquid cérnimur, ab Auctóre mundi grávius inde judicémur. Cum enim augéntur dona, ratiónes crescunt donórum. Tanto ergo esse humílior atque ad serviéndum Deo prómptior quis-

que debet ex múnere, quanto se obligatiórem esse cónspicit in reddénda ratióne. Ecce homo, qui péregre proficiscitur, servos suos vocat eisque ad negótium talénta partítur. Post multum vero témporis positúrus ratiónem revértitur. Bene operántes pro apportáto lucro remunerat, servum vero a bono ópere torpéntem damnat.

℟. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. (T. P. Allelúja.)

℣. Induit eum Dóminus lorícam fidei, et ornávit eum. — Et.

Benedictio Cujus festum.

Lectio viii

Quis itaque iste homo est, qui péregre proficiscitur, nisi Redémptor noster, qui in ea carne, quam assúmpserat, ábiit in cælum? Carnis enim locus próprius terra est; quæ quasi ad peregrína dúcitur, dum per Redemptórem nostrum in cælo collocátur. Sed homo iste, péregre proficiscens, servis suis bona sua trádedit, quia fidélibus suis spirituália dona concéssit. Et uni quidem quinque talénta, álii duo, álii vero commísit unum. Quinque étenim sunt cörperis sensus, vidélicet : vi-

sus, auditus, gustus, odoratus et tactus. Quinque ergo talentis donum quinque sensuum, id est, exteriorum scientia exprimitur. Duobus vero intellectus et operatio designatur. Unius autem talenti nomine intellectus tantummodo designatur.

R. Sint lumbi vestri praecincti, et lucernae ardentes in manibus vestris : * Et vos similes hominibus expectantibus dominum suum, quando revertatur a nuptiis. (T. P. Allelúja.)

V. Vigilate ergo, quia nescitis qua hora Dominus vester venturus sit. — Et. Glória Patri. Et.

Benedictio Ad societatem.

Lectio ix

SED is, qui quinque talenta accepérat, alia quinque lucratus est : quia sunt nonnulli, qui, etsi interna ac mystica penetrare nesciunt, pro intentione tamen supernae patriae docent recta quos possunt; de ipsis exterioribus, quae accepérunt, duplum talentum portant; dumque se a carnis petulantia et a terrenarum rerum ambitu atque a visibilium voluptate custodiunt, ab his etiam alios admonendo compescunt. Et sunt nonnulli, qui, quasi duobus talentis ditati, intellectum atque

operationem percipiunt, subtilia de internis intelligunt, mira in exterioribus operantur. Cumque et intelligendo et operando aliis praedicant, quasi duplicatum de negotio lucrum reportant. Te Deum.

AD LAUDES

et per Horas, Añae

1 Ecce sacerdos magnus, * qui in diebus suis placuit Deo, et inventus est justus. (T. P. Allelúja.)

Psalmi de Dominica 1 loco.

2 Non est inventus * similis illi, qui conservaret legem Excelsi. (T. P. Allelúja.)

3 Ideo jurejurando * fecit illum Dominus crescere in plebem suam. (T. P. Allelúja.)

4 Sacerdotes Dei, * benedicite Dominum : servi Domini, hymnum dicite Deo. (T. P. Allelúja.)

5 Serve bone * et fidelis, intra in gaudium Domini tui. (T. P. Allelúja.)

Capit. Eccli. 44, 16-17

ECCE sacerdos magnus, * qui in diebus suis placuit Deo, et inventus est justus : et in tempore iracundiae factus est reconciliatio.

Hymnus

Jesu, Redemptor omnium,
Perpes corona Praesulum,

In hac die cleméntius
Indúlgeas precántibus,

Tui sacri qua nóminis
Conféssor almus cláruit :
Hujus célebrat ánnua
Devóta plebs solémnia

Qui rite mundi gáudia
Hujus cadúca réspuens,
Æternitátis præmio
Potítur inter Angelos.

Hujus benígnus ánnue
Nobis sequi vestígia :
Hujus precátu, sérvulis
Dimítte noxam críminis.

* **S**it, Christe, Rex piíssi-
me,
Tibi, Patrique glória,
Cum Spíritu Paráclito,
Nunc et per omne sæcu-
lum. Amen.

V. Justum dedúxit Dómi-
nus per vias rectas. (T. P.
Allelúja.) **R.** Et osténdit
illi regnum Dei. (T. P.
Allelúja.)

Ad Bened. Ant. Euge,
serve bone * et fidélis,
quia in pauca fuísti fidélis,
supra multa te consti-
tuam, dicit Dóminus.
(T. P. Allelúja.)

1 — Oratio

DA, quæsumus, omnípo-
tens Deus : ut beáti **N.**
Confessóris tui atque Pon-
tificis veneránda solémni-
tas, et devotióne nobis
áugeat et salútem. Per
Dóminum.

2 — Alia Oratio

EXáudi, quæsumus, Dó-
mine, preces nostras,
quas in beáti **N.** Confes-
sóris tui atque Pontificis
solemnitáte deférimus : et,
qui tibi digne méruit fa-
mulári, ejus intercedénti-
bus méritis, ab ómnibus
nos absólve peccátis. Per
Dóminum.

3 — Pro Doctore Oratio

Deus, qui pópulo tuo
ætérnæ salútis beá-
tum **N.** mínistrum tribuí-
sti : præsta, quæsumus;
ut, quem Doctórem vitæ
habúimus in terris, inter-
cessórem habére mereámur
in cælis. Per Dóminum.

**Ad Horas Psalmi de Domí-
nica, ad Primam tamen ut in
Festis.**

AD TERTIAM

Capit. Eccli. 44, 16-17

ECce sacérdos magnus,
qui in diébus suis plá-
cuit Deo, et invéntus est
justus : et in témpore ira-
cúndiæ factus est recon-
ciliátio.

R. br. Amávit eum Dó-
minus, * Et ornávit eum.
Amávit. **V.** Stolam glóriæ
induit eum. Et. Glória Pa-
tri. Amávit. **V.** Elégit
eum Dóminus sacerdotem
sibi. **R.** Ad sacrificándum
ei hóstiam laudis.

Tempore Paschali

R. br. Amávit eum Dó-
minus, et ornávit eum,

* Allelúja, allelúja. Amávit. *℣.* Stolum glóriæ induit eum. Allelúja, allelúja. Glória Patri. Amávit. *℣.* Elégit eum Dóminus sacerdotem sibi, allelúja. *℟.* Ad sacrificándum ei hóstiám laudis, allelúja.

AD SEXTAM

Capit. Eccli. 44, 20 et 22

NON est invéntus similis illi, qui conserváret legem Excélsi : ideo jurejurádo fecit illum Dóminus créscere in plebem suam.

℟. br. Elégit eum Dóminus * Sacerdotem sibi. Elégit. *℣.* Ad sacrificándum ei hóstiám laudis. Sacerdotem. Glória Patri. Elégit. *℣.* Tu es sacerdos in ætérnum. *℟.* Secúndum órđinem Melchisedech.

Tempore Paschali

℟. br. Elégit eum Dóminus sacerdotem sibi, * Allelúja, allelúja. Elégit. *℣.* Ad sacrificándum ei hóstiám laudis. Allelúja, allelúja. Glória Patri. Elégit. *℣.* Tu es sacerdos in ætérnum, allelúja. *℟.* Secúndum órđinem Melchisedech, allelúja.

AD NONAM

Capit. Eccli. 45, 19-20

FUngi sacerdotio, et habere laudem in nómine ipsíus, et offérre illi incén-

sum dignum in odórem suavitátis.

℟. br. Tu es sacerdos * In ætérnum. Tu. *℣.* Secúndum órđinem Melchisedech. In. Glória Patri. Tu. *℣.* Justum dedúxit Dóminus per vias rectas. *℟.* Et osténdit illi regnum Dei.

Tempore Paschali

℟. br. Tu es sacerdos in ætérnum, * Allelúja, allelúja. Tu. *℣.* Secúndum órđinem Melchisedech. Allelúja, allelúja. Glória Patri. Tu. *℣.* Justum dedúxit Dóminus per vias rectas, allelúja. *℟.* Et osténdit illi regnum Dei, allelúja.

IN II VESPERIS

Omnia ut in I Vesperis [84], sed loco ultimí dicitur Psalmus 131 Meménto, ut ibidem pro II Vesperis notatur.

℣. Justum dedúxit Dóminus per vias rectas. (T. P. Allelúja.) *℟.* Et osténdit illi regnum Dei. (T. P. Allelúja.)

Ad Magnif. Ant. Amávit eum Dóminus, * et ornávit eum : stolum glóriæ induit eum, et ad portas paradísi coronávit eum. (T. P. Allelúja.)

Sequens Antiphona dicitur ad Magnificat in II Vesperis pro solis Summis Pontificibus. Si vero agenda sit Commemoratio alterius Summi Pontificis, sumitur Antiphona Amávit, ut supra.


Ant. Dum esset Summus Póntifex, * terréna non méruit, sed ad cæléstia regna gloriósus migrávit. (T. P. Allelúja.)

Completorium de Domínica.

Si occurrat celebrari Festum plurium Pontificum et Confessorum, Officium fit ut supra : sed in Oratione et Sermone ea, quæ habentur in singulari dicantur in plurali; et in I Nocturno legantur sequentes Lectiones de Scriptura.

De libro Ecclesiástici

Lectio i Cap. 44, 1-15

 Audémus viros gloriósos et paréntes nostros in generatióne sua. Multam glóriam fecit Dóminus magnificéntia sua a sæculo. Dominántes in potestátibus suis hómines magni virtúte, et prudéntia sua præditi, nuntiántes in prophétis dignitátem prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum.

Pro Conf. Pont. et non Pont.

℟. Euge, serve bone et fidélis, quia in pauca fuísti fidélis, supra multa te constítuam : * Intra in gáudium Dómini tui. (T. P. Allelúja.) ℣. Dó-

mine, quinque talénta tradidísti mihi, ecce ália quinque superlucrátus sum. — Intra.

Lectio ii

H Omnes dívites in virtúte, pulchritúdinis stúdiu habéntes, pacificántes in dómibus suis. Omnes isti in generatiónebus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérunt nomen narrándi laudes eórum : et sunt quorum non est memória : perierunt quasi qui non fúerint : et nati sunt, quasi non nati, et filii ipsórum cum ipsis.

Pro Confessore Pontifice

℟. Ecce sacérdos magnus, qui in diébus suis plácuít Deo : * Ideo jurejurádo fecit illum Dóminus créscere in plebem suam. (T. P. Allelúja.) ℣. Benedictiónem ómnium gén-tium dedit illi, et testaméntum suum confirmávit super caput ejus. — Ideo.

Pro Confessore non Pont.

℟. Justus germinábit sicut lílium : * Et florébit in ætérnum ante Dóminu. (T. P. Allelúja.) ℣. Plantátus in domo Dómini, in átriis domus Dei nostri. — Et.

Lectio iii

SED illi viri misericórdiæ sunt, quorum pietátes non defuérunt : cum sémine eórum pérmanent bona, heréditas sancta nepótes eórum, et in testaméntis stetit semen eórum. Et filii eórum propter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatió-nem et generatió-nem. Sapientiam ipsórum narrent pópuli, et laudem eórum núntiet Ecclésia.

Pro Confessore Pontifice

℟. Jurávit Dóminus, et non pænitébit eum : * Tu es sacerdos in ætérnum secúndum ór-dinem Melchisedech. (T. P. Allelúja.)
 ✠. Dixit Dóminus Dómino meo, Sede a dextris meis. — Tu. Glória Patri. Tu.

Pro Confessore non Pont.

℟. Iste cognóvit justitiam, et vidit mirabília magna, et exorávit Altíssimum : * Et invéntus est in número Sanctórum. (T. P. Allelúja.) ✠. Iste est, qui contémpsit vitam mundi, et pervénit ad cæléstia regna. — Et. Glória Patri. Et.

II ALIÆ LECTIONES
pro Confessore Pont.

In II Noeturno

Sermo sancti Máximi
Epíscopi

Homilia 59, de S. Eusebio 2

Lectio iv

EÁti Patris N. mérita, jam in tuto pósita, secúri magnificémus; qui, gubernáculum fidei viríliter tenens, áncoram spei tranquilla jam in statió-ne compósuit, et plenam cæléstibus divítiis et ætérnis mércibus navem optáto in líttore collocávit; qui contra omnes adversários scutum timóris Dei tándiu infatigabíliter ténuít, donec ad victóriam perveníret. Quid enim fuit totus vitæ illius cursus, nisi uníus cum vígili hoste confliktus?

℟. Invéni David servum meum, óleo sancto meo unxi eum : * Manus enim mea auxiliábitur ei. (T. P. Allelúja.) ✠. Nihil proficiet inimícus in eo, et filius iniquitátis non nocébit ei. — Manus.

Lectio v

Quantis hic cæcis, a via veritátis errántibus et de summa jam in profúndum rupe pendéntibus, amíssum réddidit visum; et illum, quo Christus vi-

derétur, reparávit intúitum? Quantórum áuribus surdis et infidelitátis obturatíone damnátis, ad percipiéndam vocem cæléstium mandatórum, pretiósus infúdit auditum; ut vocánti Deo ad misericórdiam respondérent per obediéntiam? Quantos intrínsecus vulnerátos, angélicis oris arte et oratiónum, ab infirmitáte curávit?

✠. Pósuí adjutórium super poténtem, et exaltávi eléctum de plebe mea :

* Manus enim mea auxiliábitur ei. (T. P. Allelúja.)

✠. Invéni David servum meum, óleo sancto meo unxi eum. — Manus.

Lectio vi

Quantos, per longam incuriam peccáti labe resolutos et quadam lepræ contagióne perfúsos, castigatióibus et exhortatióibus expiándo, Deo in se operánte, mundávit? Quantórum ánimas, vivéntes in córpore jam defúctas et delictórum mole óbrutas ac sepúltas, ad emendatióem tamquam ad lucem vocándo, Deo resuscitávit; ut, Dómini sui admirándus imitátor, jam mórtuas Deo, e contrário mortíficet, vitáli morte, peccáto?

✠. Iste est, qui ante Deum magnas virtútes

operátus est, et omnis terra doctrína ejus repléta est :

* Ipse intercédát pro peccátis ómnium populórum.

(T. P. Allelúja.) ✠. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

In III Noeturno

Lectio sancti Evangélii
secúndum Matthæum

Lectio vii Cap. 24, 42-47

IN illo témpore : Dixit Jesus discipulis suis : Vigilate, quia nescitis quahora Dóminus vester ventúrus sit. Et reliqua.

Homília sancti Hilárii
Epíscopi

Comment. in Matth. can. 26
in fine



Ignorántiam illam diéi ómnibus tácti non sine útilis siléntii ratióne esse scirémus, vigiláre nos Dóminus propter advéntum furis admónuit, et, oratiónum assiduitáte deténtos, ómnibus præceptórum suórum opéribus inhærere. Furem enim esse osténdit zábulum, ad detrahénda ex nobis spólia pervigilem et córporum nostrórum dómibus insidiántem; ut ea, incuriósus nobis et somno déditis, consiliórum suórum atque illecebrárum jáculis perfódiat. Parátos

igitur esse nos cónvenit, quia diéi ignorátio intén-
tam sollicitúdinem sus-
pénsæ expectatiónis ex-
ágitet.

℟. Amávit eum Dómi-
nus, et ornávit eum : sto-
lam glóriæ induit eum,
* Et ad portas paradísi co-
ronávit eum. (T. P. Alle-
lúja.) ℣. Induit eum Dó-
minus lorícam fídei, et
ornávit eum. — Et.

Lectio viii

Can. 27

Quisnam est fidélis ser-
vus et prudens, quem
constítuit Dóminus super
famíliam suam? Quam-
quam in commúne nos ad
indeféssam vigilántiæ cu-
ram adhortétur, speciálem
tamen pópuli princípibus,
id est, epíscopis, in exspe-
ctatióne adventúque suo
sollicitúdinem mandat.
Hunc enim servum fidélem
atque prudéntem, præpó-
situm famíliæ significat,
cómoda atque utilitatés
commissi sibi pópuli cu-
rántem. Qui, si dicto áu-
diens et præcéptis obédiens
erit, id est, si doctrínæ op-
portunitáte et veritáte in-
fírma confírmet, disrúpta
consólidet, depraváta con-
vértat et verbum vitæ in
æternitátis cibum aléndæ
famíliæ dispéndat, atque
hæc agens hisque immo-
rans deprehendátur; gló-
riam a Dómino tamquam

dispensátor fidélis et villi-
cus útilis consequétur, et
super ómnia bona consti-
tuétur, id est, in Dei glória
collocábitur, quia nihil sit
ultra, quod mélius sit.

℟. Sint lumbi vestri præ-
cincti, et lucernæ ardéntes
in má nibus vestris : * Et
vos símiles homínibus
exspectántibus dóminum
suum, quando revertátur
a núptiis. (T. P. Allelúja.)

℣. Vigiláte ergo, quia ne-
scítis qua hora Dóminus
vester ventúrus sit. — Et.
Glória Patri. Et.

Lectio ix

Quod si cóntuens longam
Dei patiéntiam, quæ
in proféctum humánæ sa-
lútis exténditur, advérsus
consérvos insoléscet, et
sæculi malis vitíisque se
tradet, præsentium tan-
tum curam in cultu ventris
exércens; desperáta die
Dóminus advéniet, eúm-
que a bonis quæ spopón-
derat dívidet, portioném-
que ejus cum hypócritis in
pœnæ æternitáte consti-
tuet : quia advéntum de-
speráverit, quia mandátis
non obtemperáverit, quia
præsentibus studúerit,
quia vita géntium vixerit,
quia desperatióne judícii
commissam sibi famíliam
fame, siti, cæde vexáverit.
Te Deum laudámus.

Commune Doctorum

Omnia de Communi Confessoris aut Pontificis [84] aut non Pontificis [111], juxta qualitatem Festi, præter sequentia :

Ad Magnif. in utrisque Vesp. Ant. O Doctor óptime, * Ecclesiæ sanctæ lumen, beáte N., divinæ legis amátor, deprecáre pro nobis Fílium Dei. (T. P. Allelúja.)

Oratio

DEus, qui pópulo tuo æternæ salutis beátum N. místrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Si vero agenda sit Commemoratio alterius Doctoris, Antiphona in utrisque Vesperis et Oratio sumuntur de respectivo Communi Confessoris aut Pontificis aut non Pontificis, pro qualitate Festi.

In I Noeturno

De libro Ecclesiástici

Lectio i Cap. 39, 1-14

Sapiéntiam ómnium antiquórum exquireret sápiens, et in prophétis vacábit. Narratióem virórum nominatórum conservábit, et in

versútias parabolárum simul introíbit. Occúlta pro-verbiórum exquireret, et in absconditis parabolárum conversábitur. In médio magnatórum ministrábit, et in conspéctu præsidis apparébit. In terram alienigenárum géntium pertransiet; bona enim et mala in homínibus tentábit.

℟. Euge, serve bone et fidélis, quia in pauca fuísti fidélis, supra multa te constitúam : * Intra in gáudium Dómini tui. (T. P. Allelúja.) ℣. Dómine, quinque talénta tradidísti mihi, ecce ália quinque superlucrátus sum. — Intra.

Lectio ii

COR suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spírítu intelligéntiæ replébit illum : et ipse tamquam imbres mittet elóquia sapiéntiæ suæ, et in oratióne confitébitur Dómino : et ipse diriget consílium ejus, et disciplinam, et in absconditis suis consiliábitur.

Pro Doctore Pontifice

℟. Ecce sacerdos magnus, qui in diebus suis placuit Deo : * Ideo iurando fecit illum Dominus crescere in plebem suam. (T. P. Allelúja.)

℣. Benedictionem omnium gentium dedit illi, et testamentum suum confirmavit super caput ejus. — Ideo.

Pro Doctore non Pontifice

℟. Justus germinabit sicut lilium : * Et florebit in æternum ante Dominum. (T. P. Allelúja.) ℣. Plantatus in domo Domini, in atriis domus Dei nostri. — Et.

Lectio iii

IPse palam faciet disciplinam doctrinae suae, et in lege testamenti Domini gloriabitur. Collaudabunt multi sapientiam ejus, et usque in sæculum non delebitur. Non recedet memoria ejus, et nomen ejus requiratur a generatione in generationem. Sapientiam ejus enarrabunt gentes, et laudem ejus enuntiabit Ecclesia.

Pro Doctore Pontifice

℟. Juravit Dominus, et non pœnitabit eum : * Tu es sacerdos in æternum secundum ordinem Melchisedech. (T. P. Allelúja.)

℣. Dixit Dominus Domino

meo, Sede a dextris meis. — Tu. Glória Patri. Tu.

Pro Doctore non Pontifice

℟. Iste cognovit justitiam, et vidit mirabilia magna, et exoravit Altissimum : * Et inventus est in número Sanctorum. (T. P. Allelúja.) ℣. Iste est, qui contempsit vitam mundi, et pervenit ad cælestia regna. — Et. Glória Patri. Et.

In II Nocturno

Ex libro Moraliū sancti Gregórii Papæ

Lib. 9, cap. 6

Lectio iv

QUI post Orionas, Hyadum nomine, nisi Doctores sanctæ Ecclesiæ designantur? Qui, subductis Martyribus, eo jam tempore ad mundi notitiam venerunt, quo fides clarius elucet et, repressa infidelitatis hie-me, altius per corda fidelium sol veritatis calet. Qui, remota tempestate persecutionis, explētis longis noctibus infidelitatis, tunc sanctæ Ecclesiæ orti sunt, cum ei jam per credulitatis vernum lucidior annus aperitur.

Pro Doctore Pontifice

℟. Inveni David servum meum, oleo sancto meo

unxi eum : * Manus enim mea auxiliabitur ei. (T. P. Allelúja.) *℟*. Nihil proficiet inimicus in eo, et filius iniquitatis non nocébit ei. — Manus.

Pro Doctore non Pontifice

℟. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. (T. P. Allelúja.) *℟*. Justum dedúxit Dóminus per vias rectas, et osténdit illi regnum Dei. — Et.

Lectio v

NEC immérito Doctóres sancti Hýadum nuncupatióne signántur. Græco quippe elóquio hýetos plúvia vocátur, et Hýades nomen a plúviis accepérunt, quia ortæ procul dúbio imbres ferunt. Bene ergo Hýadum appellatióne expréssi sunt, qui, ad statum universális Ecclesiæ, quasi in cæli fáciem dedúcti, super aréntem terram húmáni pectoris sanctæ prædicatiónis imbres fuderunt. Si enim prædicatiónis sermo plúvia non esset, Móyses mínime dixisset : Exspectétur sicut plúvia elóquium meum; et nequáquam per Isaíam Véritas díceret : Mandábo núbibus meis, ne pluant super eam imbrem; atque hoc, quod

paulo ante protúlimus : Quam ob rem prohibita sunt stellæ pluviárum.

Pro Doctore Pontifice

℟. Pósui adjutórium super poténtem, et exaltávi eléctum de plebe mea : * Manus enim mea auxiliabitur ei. (T. P. Allelúja.) *℟*. Invéni David servum meum, óleo sancto meo unxi eum. — Manus.

Pro Doctore non Pontifice

℟. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. (T. P. Allelúja.) *℟*. Induit eum Dóminus lorícam fidei, et ornávit eum. — Et.

Lectio vi

DUM ergo Hýades cum plúviis véniunt, ad cæli spátia altióra sol dúcitur : quia, apparénte Doctórum sciéntia, dum mens nostra imbre prædicatiónis infúnditur, fidei calor augétur. Et perfúsa terra ad fructum próficit, cum lumen ætheris ignéscit : quia ubérius frugem boni óperis réddimus, dum per sacræ eruditiónis flammam in corde clárius ardémus. Dumque per eos diébus síngulis magis magisque sciéntia cæléstis osténditur, quasi intérni nobis lúminis vernum tempus ape-

ritur; ut novus sol nostris
mentibus rúilet, et, eó-
rum verbis nobis cógnitus,
seipso quotidie clárior
micet. Urgénte étenim
mundi fine, supérna scién-
tia próficit, et lárgius cum
tépore excreúcit.

Pro Doctore Pontifice

℟. Iste est, qui ante
Deum magnas virtútes
operátus est, et omnis ter-
ra doctrína ejus repléta
est : * Ipse intercédát pro
peccátis ómnium populó-
rum. (T. P. Allelúja.)
℣. Iste est, qui contémpsit
vitam mundi, et pervénit
ad cæléstia regna. — Ipse.
Glória Patri. Ipse.

Pro Doctore non Pontifice

℟. Iste homo perfécit
ómnia quæ locútus est ei
Deus, et dixit ad eum : In-
grédere in réquiem meam :
* Quia te vidi justum co-
ram me ex ómnibus génti-
bus. (T. P. Allelúja.)
℣. Iste est, qui contémpsit
vitam mundi, et pervénit
ad cæléstia regna. —
Quia. Glória Patri. Quia.

In III Nocturno

Lectio sancti Evangélii
secúndum Matthæum

Lectio vii Cap. 5, 13-19

IN illo tépore : Dixit
Jesus discipulis suis :
Vos estis sal terræ. Quod

si sal evanúerit, in quo
saliétur? Et réliqua.

Homília sancti Augustíni
Epíscopi

Liber 1 de Sermone Domini
in monte, cap. 6



Sténdit Dóminus fá-
tuos esse judicán-
dos, qui, temporá-
lium bonórum vel cópiam
sectántes vel inópiam me-
tuéntes, amíttunt æténa,
quæ nec dari possunt ab
homínibus nec auférri. Ita-
que, si sal infatuátum fúe-
rit, in quo saliétur? Id est,
si vos, per quos condiéndo
sunt quodámmodo pópuli,
metu persecutiónum tem-
porálium amisératis regna
cælórum; qui erunt hómí-
nes, per quos a vobis error
auferátur, cum vos elége-
rit Deus, per quos errórem
áuferat ceterórum?

Pro Doctore Pontifice

℟. Amávit eum Dóminus,
et ornávit eum : stolam
glóriæ induit eum, * Et ad
portas paradísi coronávit
eum. (T. P. Allelúja.) ℣. In-
duit eum Dóminus lorí-
cam fidei, et ornávit eum.
— Et.

Pro Doctore non Pontifice

℟. Iste est, qui ante
Deum magnas virtútes
operátus est, et de omni
corde suo laudávit Dómi-
num : * Ipse intercédát
pro peccátis ómnium popu-

lórum. (T. P. Allelúja.)
 ✠. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse intercédát pro peccátis ómnium populórum.

Lectio viii

ERgo ad níhilum valet sal infatuátum, nisi ut mittátur foras et calcétur ab homínibus. Non ítaque calcátur ab homínibus, qui pátitur persecutióem; sed qui, persecutióem timén-do, infatuátur. Calcári enim non potest nisi inférior; sed inférior non est, qui, quamvis córpore multa in terra sustíneat, corde tamen fixus in cælo est.

✠. In médio Ecclésiæ apéruit os ejus, * Et implévit eum Dóminus spíritu sapiéntiæ et intelléctus. (T. P. Allelúja.) ✠. Jucunditátem et exsultatióem thesaurizávit super eum. — Et. Glória Patri. Et.

Lectio ix

VOS estis lumen mundi. Quómodo dixit supérius sal terræ, sic nunc dicit lumen mundi. Nam neque supérius ista terra accipiéndá est, quam pédibus corpóreis calcámus; sed hómines, qui in terra hábitant, vel étiam peccatóres, quorum condiéndis et exstinguéndis putóribus

apostólicum salem Dóminus misit. Et hic mundum non cælum et terram, sed hómines, qui sunt in mundo, vel díligunt mundum, opórtet intélligi; quibus illuminándis Apóstoli missi sunt. Non potest civitas abscondi super montem pósita; id est, fundáta super insígnem magnámque justítiam, quam significat étiam ipse mons, in quo dísputat Dóminus.

Te Deum laudámus.

II ALIA HOMILIA

Léctio sancti Evangélíi
 secúndum Matthæum

Lectio vii Cap. 5, 13-19

IN illo témpore : Dixit Jesus discípulis suis : Vos estis sal terræ. Quod si sal evanúerit, in quo salietur? Et reliqua.

Homilía sancti Hilárii
 Epíscopi

Comment. in Matth., can. 4



VOS estis sal terræ. Quod si sal infatuátum fúerit, ad níhilum valet id quod salietur. Sal, ut árbitror, terræ nullo est. Quómodo ergo Apóstolos sal terræ nuncupávit? Sed proprietas est quærénda dictórum, quam et Apostolórum offíci-um et ipsíus salis natúra monstrábit. Sal est in se

uno cóntinens aquæ et ignis eleméntum, et hoc ex duóbus est unum.

Pro Doctore Pontifice

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. (T. P. Allelúja.)

✠. Induit eum Dóminus lorícam fidei, et ornávit eum. — Et ad portas.

Pro Doctore non Pontifice

✠. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. (T. P. Allelúja.)

✠. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

HIC igitur in omnem usum humáni géneris efféctus; incorruptiónem corpóribus, quibus fúerit aspérsus, impértit, et ad omnem sensum condíti sapóris aptíssimus est. Apóstoli autem sunt rerum cæléstium prædicatóres et æternitátis velut satóres, immortalitátem ómnibus corpóribus, quibus eórum sermo aspérsus fúerit, conferéntes. Mérito igitur sal terræ nuncupáti sunt,

per doctrínæ virtútem, saliéndi modo, æternitáti corpóra reservántes.

✠. In médio Ecclésiæ apéruit os ejus, * Et implévit eum Dóminus spíritu sapiéntiæ et intelléctus. (T. P. Allelúja.) ✠. Jucunditátem et exsultatiómem thesaurizávit super eum. — Et. Glória Patri. Et.

Lectio ix

SED natúra salis semper éadem est, nec immutári umquam potest. Verum quia conversióni homo súbjacet, et solus beátus, qui usque ad finem in ómnibus Dei opéribus permánserit; ideo eos, sal terræ nuncupátos, monet in tráditæ sibi potestátis virtúte persístere, ne infatuáti nihil sáliant, et ipsi, sensu accépti sapóris amísso, vivificáre corrúpta non possint, et projecti de Ecclésiæ promptuáriis, cum his quos salierint, pédibus incedéntium proterántur.

Te Deum laudámus.

III ALIA HOMILIA

Léctio sancti Evangélii
secúndum Matthæum

Lectio vii Cap. 5, 13-19

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Joánnis
Chrysóstomi

Homilia 15 in Matth.,
sub medium



Atténdite, quid díxe-
rit : Vos estis sal
terræ; per quod
osténdit, quam necessarió
ista præcípiat. Non enim
de vestra, inquit, tantúm-
modo vita, sed de unívérso
orbe vobis rátio reddénda
est. Non ad duas quippe
urbes aut decem aut
vigínti, neque ad unam
gentem vos mitto, sicut
mittébam Prophétas; sed
ad omnem terram prorsus
ac mare totúmque mun-
dum, et hunc váriis crimí-
nibus oppréssum.

Pro Doctore Pontifice

R. Amávit eum Dómi-
nus, et ornávit eum : sto-
lam glóriæ induit eum, * Et
ad portas paradísi coroná-
vit eum. (T. P. Allelúja.)

V. Induit eum Dóminus
loricam fidei, et ornávit
eum. — Et ad portas.

Pro Doctore non Pontifice

R. Iste est, qui ante
Deum magnas virtútes
operátus est, et de omni
corde suo laudávit Dómi-
num : * Ipse intercédát pro
peccátis ómnium populó-
rum. (T. P. Allelúja.)

V. Ecce homo sine queré-
la, verus Dei cultor, ábsti-
nens se ab omni ópere

malo, et pérmanens in
innocéntia sua. — Ipse.

Lectio viii

Dicéndo enim, Vos estis
sal terræ, osténdit uni-
vérsam hóminum infatuá-
tam esse natúram et pec-
catórum vi corrúptam; et
idcírco illas ab eis virtútes
requírit, quæ máxime ad
multórum salútem procu-
rándam necessariæ sunt
atque útiles. Nam, qui
mansuétus est ac modé-
stus et miséricors et justus,
non intra se tantúmmodo
hæc recte facta conclúdit,
verum in aliórum quoque
utilitátem præcláros hos
fáciét efflúere fontes. Igitur
qui corde mundo est atque
pacíficus, et persecutiónem
pro veritaté pátitur, nihil-
óminus in commúne cóm-
modum vitam instítuit.

R. In médio Ecclésiæ
apérui os ejus, * Et implé-
vit eum Dóminus spíritu
sapiéntiæ et intelléctus.
(T. P. Allelúja.) **V.** Jucun-
ditátem et exsultatiónem
thesaurizávit super eum.
— Et. Glória Patri. Et.

Lectio ix

Ne igitur putétis, inquit,
ad lévía vos ducén-
dos esse certámina, neque
exiguárum rerum vobis
ineúndam esse ratióem,
Vos estis sal terræ. Quid
igitur? Ipsine putrefácta

medicati sunt? Nequāquam : neque enim fieri potest, ut ea, quæ jam corrupta sunt, salis perfricatione reparentur. Non ergo hoc fecerunt; sed ante renovata sibi que tradita atque ab illa jam putredine liberata aspergebant sale

et in ea novitate conservabant, quam a Domino suscepérant. Liberare quippe a putredine peccatorum, Christi virtutis est; ut autem ad illa iterum non revertantur, Apostolorum curæ est ac laboris.

Te Deum laudamus.

Commune Confessoris non Pont.

IN I VESPERIS

Ant. 1 Dómine, quinque talénta * tradidísti mihi, ecce ália quinque superlucrátus sum. (T. P. Allelúja.)

Psalmi ut in I Vesperis de Communi Apostolorum. [4]

2 Euge, serve bone, * in módico fidélis, intra in gáudium Dómini tui. (T. P. Allelúja.)

3 Fidélis servus * et prudens, quem constituit Dóminus super famíliam suam. (T. P. Allelúja.)

4 Beátus ille servus, * quem, cum vénerit Dóminus ejus et pulsáverit jánuam, invénerit vigilántem. (T. P. Allelúja.)

5 Serve bone * et fidélis, intra in gáudium Dómini tui. (T. P. Allelúja.)

Capitulum Eccli. 31, 8-9

BEátus vir, qui invéntus est sine mácula, et qui post aurum non ábiit, nec

sperávit in pecúnia et thesáuris. Quis est hic, et laudábimus eum? fecit enim mirábilia in vita sua.

Hymnus

Iste Conféssor Dómini, coléntes

Quem pie laudant pópuli per orbem,

Hac die lætus méruit beátas

Scándere sedes.

Si non est dies obitus (quod indicant in Proprio litteræ m. t. v.) dicatur :

Hac die lætus méruit supremos

Laudis honóres

Qui pius, prudens, húmilis, pudicus,

Sóbriam duxit sine labe vitam,

Donec húmanos animávit auræ

Spiritus artus.

Cujus ob præstans méritum frequénter,

Ægra quæ passim jacuere membra,

Víribus morbi dómitis,
salúti

Restituúntur.

Noster hinc illi chorus
obsequéntem

Cóncinit laudem celebrés-
que palmas,

Ut piis ejus précibus juvé-
mur

Omne per ævum.

Sit salus illi, decus atque
virtus,

Qui, super cæli sólio corú-
scans,

Tótius mundi sériem gu-
bérrat

Trinus et unus. Amen.

✠. Amávit eum Dóminus,
et ornávit eum. (T. P. Alle-
lúja.)

✠. Stulam glóriæ ín-
duit eum. (T. P. Allelúja.)

Ad Magnif. Ant. Simi-
lábo eum * viro sapiénti,

qui ædificávit domum
suam supra petram.

(T. P. Allelúja.)

In II Vesperis

✠. Justum dedúxit Dó-
minus per vias rectas.

(T. P. Allelúja.) ✠. Et
osténdit illi regnum Dei.

(T. P. Allelúja.)

Ad Magnif. Ant. Hic vir
despiciens mundum * et

terréna, triúmphans, diví-
tias cælo cóndidit ore,

manu. (T. P. Allelúja.)

1 — Oratio

D Eus, qui nos beáti N.
Confessoris tui ánnua
solemnitáte lætíficas : con-

cède propítius; ut, cujus
natalítia cólimus, étiam
actiónes imitémur. Per
Dóminum.

2 — Alia Oratio

A Desto, Dómine, sup-
plicationibus nostris,
quas in beáti N. Confessó-
ris tui solemnitate deféri-
mus : ut, qui nostræ justí-
tiæ fidúciam non habé-
mus, ejus, qui tibi plácuít,
précibus adjuvémur. Per
Dóminum.

Pro Doctoribus

In utrisque Vesperis :

Ad Magnif. Ant. O Doctor
óptime, * Ecclesiæ sanctæ
lumen, beáte N., divínæ
legis amátor, deprecáre
pro nobis Fílium Dei.
(T. P. Allelúja.)

3 — Oratio

D Eus, qui pópulo tuo
æternæ salútis beátum
N. mínistrum tribuísti :
præsta, quæsumus; ut,
quem Doctórem vitæ ha-
búimus in terris, interces-
sórem habére mereámur in
cælis. Per Dóminum.

Si fuerit Abbas

4 — Oratio

I Ntercessio nos, quæsu-
mus, Dómine, beáti N.
Abbátis comméndet : ut,
quod nostris méritis non
valémus, ejus patrocínio

assequámur. Per Dóminum.

Completorium de Domínica.

AD MATUTINUM

Invitat. Regem Confessorum Dóminum, * Veníte, adorémus. (T. P. Allelúja.)
Ps. 94 Veníte, exsultémus.

Hymnus Iste Confessor, ut supra. [111]

Añæ et Psalmi trium Nocturnorum dicuntur ut in Communi Conf. Pont. [87]; Versus ut (ibidem et) infra.

In I Nocturno

℟. Amávite eum Dóminus, et ornávit eum. (T. P. Allelúja.)
℞. Stolum glóriæ induit eum. (T. P. Allelúja.)

Absolutio Exáudi, Dómine.

Benedictio Benedictióne.

De libro Ecclesiástici

Lectio i Cap. 31, 8-11



Eátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirábilia in vita sua. Qui probátus est in illo et perféctus est, erit illi glória æténa. Qui pótuit tránsgrredi, et non est tránsgréssus; fácere mala, et non fecit : ideo

stabilíta sunt bona illius in Dómino, et eleemósynas illius enarrábit omnis ecclésia sanctórum.

℟. Euge, serve bone et fidélis, quia in pauca fuísti fidélis, supra multa te constitúam : * Intra in gáudium Dómini tui. (T. P. Allelúja.)
℞. Dómine, quinque talénta tradidísti mihi, ecce ália quinque superlucrátus sum. — Intra in gáudium.

Benedictio Unigénitus Dei.

Lectio ii

Cap. 32, 18-20, 28; 33, 1-3

QUI timet Dóminum, excípiet doctrínam ejus : et qui vigiláverint ad illum, invénient benedictiónem. Qui quærit legem, replébitur ab ea : et qui insidióse agit, scandalizábitur in ea. Qui timent Dóminum, invénient júdicium justum, et justítias quasi lumen accéndent. Qui credit Deo, atténdit mandátis : et qui confidit in illo, non minorábitur. Timénti Dóminum non occúrrent mala; sed in tentatióne Deus illum conservábit, et liberábit a malis. Sápiens non odit mandáta et justítias, et non illidétur quasi in pro-célla navis. Homo sensátus credit legi Dei, et lex illi fidélis.

✠. Justus germinábit sicut lílium : * Et florébit in ætérnum ante Dóminum. (T. P. Allelúja.) ✠. Plantátus in domo Dómini, in átriis domus Dei nostri. — Et.

Benedictio Spíritus Sancti.

Lectio iii Cap. 34, 14-20

Spíritus timéntium Deum quæritur, et in respectu illius benedicétur. Spes enim illórum in salvántem illos, et óculi Dei in diligéntes se. Qui timet Dóminum, nihil trepidábit, et non pavébit : quóniam ipse est spes ejus. Timéntis Dóminum beáta est ánima ejus. Ad quem réspicit, et quis est fortitúdo ejus? Óculi Dómini super timéntes eum : protéctor poténtiæ, firmaméntum virtútis, tégimen ardóris, et umbráculum meridiáni, deprecátio offensiónis et adjutórium casus, exáltans ánimam et illúminans óculos, dans sanitátem et vitam et benedictiónem.

✠. Iste cognóvit justítiam, et vidit mirabília magna, et exorávit Altíssimum : * Et invéntus est in número Sanctórum. (T. P. Allelúja.) ✠. Iste est, qui contémpsit vitam mundi, et pervénit ad cæléstia regna. — Et invéntus. Glória Patri. Et invéntus.

In II Nocturno

✠. Os justi meditábitur sapiéntiam. (T. P. Allelúja.) ✠. Et lingua ejus loquétur judícium. (T. P. Allelúja.)

Absol. Ipsíus píetas.

Benedictio Deus Pater.

Sermo sancti Joánnis
Chrysóstomi

Oratio de S. Philogonio

Lectio iv



Eáti **N.** dies, cujus festivitátem celebrámus, ad ipsíus recte factórum enarratió-nem linguam nostram evocávit. Siquidem hódie Beátus iste ad tranquillam omnisque perturbatiónis expértem vitam tránsiit; eoque navígium áppulit, ubi deinceps non póterit metúere naufrágium, nec ullam ánimi perturbatió-nem aut dolórem. Et quid mirum est, si locus ille purus est ab omni moléstia ánimi, cum Paulus, homínibus adhuc in hac vita degéntibus loquens, dicat : Semper gaudéte, sine intermissiône oráte?

✠. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. (T. P. Allelúja.) ✠. Justum dedúxit Dóminus per vias rectas, et

osténdit illi regnum Dei.

— Et.

Bened. Christus perpétuæ.

Lectio v

Quod si hic, ubi morbi, ubi insectatiónes, ubi præmatúræ mortes, ubi calúmnia, ubi invidiæ, ubi perturbatiónes, ubi iræ, ubi cupiditátes, ubi innumerábiles insidiæ, ubi quotidianæ sollicitúdines, ubi perpétua sibique succedéntia mala sunt, innúmeros ex omni parte dolóres afferéntia, Paulus dixit fieri posse, ut semper gaudeámus, si quis páululum ex rerum mundanarum flúctibus eréxerit caput vitámque suam recte composúerit; multo magis, postquam hinc demigráverimus, fáciie cómpotes érimus ejus boni, cum hæc ómnia subláta fúerint, advérsa valetúdo, morbi, peccáandi matéria; ubi non est meum ac tuum, frigidum illud verbum, et quidquid est malórum in vitam nostram ínvehens, innúmeraque gignens bella.

✠. Amávit eum Dóminus, et ornávit eum : stolam glóriæ induit eum,

* Et ad portas paradísi coronávit eum. (T. P. Allelúja.) ✠. Induit eum Dóminus lorícam fidei, et ornávit eum. — Et.

Bened. Ignem sui amóris.

Lectio vi

Quam ob rem maximóperè grátulor hujus Sancti felicitáti, quod, quamquam translátus est atque hanc, quæ apud nos est, civitátem relíquit, tamen in álteram adscriptus est civitátem, nempe Dei. Et, digréssus ab hac Ecclesiá, ad illam pervénit, quæ est primogenitórum descriptórum in cælis; ac, relíctis hisce festis, tránsiit ad celebritátem Angelórum. Etenim, quod et civitas sursum sit, et Ecclesiá, et célébritas, audi Paulum dicéntem : Accessístis ad civitátem Dei vivéntis, Jerúsalem cælestem, et Ecclesiám primitivórum, qui conscripti sunt in cælis, et ad multórum míllium Angelórum frequentiam.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus géntibus. (T. P. Allelúja.) ✠. Iste est, qui contémpsit vitam mundi, et pervénit ad cælestia regna. — Quia. Glória Patri. Quia.

In III Noeturno

✠. Lex Dei ejus in corde ipsíus. (T. P. Allelúja.)

✠. Et non supplantabún-

tur gressus ejus. (T. P. Allelúja.)

Absolutio A vñculis.

Bened. Evangélica léctio.

Léctio sancti Evangélii
secúndum Lucam

Lectio vii Cap. 12, 35-40

IN illo témpore : Dixit
Jesus discipulis suis :
Sint lumbi vestri præcín-
cti, et lucérnæ ardéntes in
mánibus vestris. Et réli-
qua.

Homília sancti Gregórii
Papæ

Homilia 13 in Evangelia



Sancti Evangélii, fra-
tres caríssimi, apér-
ta vobis est léctio
recitáta. Sed, ne alíquibus
ipsa ejus planíties alta for-
tásse videátur, eam sub
brevitáte transcúrrimus,
quátenus ejus expositio ita
nesciéntibus fiat cógnita,
ut tamen sciéntibus non
sit onerósa. Dóminus di-
cit : Sint lumbi vestri præ-
cíncti. Lumbos enim præ-
cínghimus, cum carnis lu-
xúriam per continéntiam
coarctámus. Sed, quia mi-
nus est mala non ágere, nisi
étiam quisque stúdeat et
bonis opéribus insudáre,
prótinus ádditur : Et lucér-
næ ardéntes in mánibus
vestris. Lucérnas quippe
ardéntes in mánibus tené-
mus, cum per bona ópera

próximis nostris lucis ex-
émpla monstrámus. De
quibus profécto opéribus
Dóminus dicit : Lúceat lux
vestra coram homínibus,
ut vídeant ópera vestra
bona et gloríficent Patrem
vestrum, qui in cælis est.

Pro Confessore non Pont.

℟. Iste est, qui ante
Deum magnas virtútes
operátus est, et de omni
corde suo laudávit Dómi-
num : * Ipse intercédát pro
peccátis ómnium populó-
rum. (T. P. Allelúja.)

℣. Ecce homo sine queré-
la, verus Dei cultor, ábsti-
nens se ab omni ópere
malo, et pérmanens in
innocéntia sua. — Ipse.

Pro Confessore Pontifice

℟. Amávit eum Dómi-
nus, et ornávit eum : sto-
lam glóriæ induit eum,
* Et ad portas paradísi co-
ronávit eum. (T. P. Alle-
lúja.) **℣.** Induit eum Dómi-
nus lorícam fidei, et orná-
vit eum. — Et ad portas.

Benedictio Cujus festum.

Lectio viii

DUO autem sunt, quæ
jubéntur : et lumbos
restringere, et lucérnas te-
nére; ut et mundítia sit
castitátis in córpore, et lu-
men veritátis in operatió-
ne. Redemptóri etenim no-
stro unum sine áltero pla-

cére nequáquam potest; si, aut is qui bona agit, adhuc luxúriæ inquinaménta non déserit, aut is qui castitáte præéminet, necdum se per bona ópera exércet. Nec cástitas ergo magna est sine bono ópere, nec opus bonum est áliquod sine castitáte. Sed, et si utrúmque ágitur, restat, ut, quisquis ille est, spe ad supérnam pátriam tendat, et nequáquam se a vítiis pro mundi hujus honestáte contíneat.

Pro Conf. Pont. et non Pont.

℟. Sint lumbi vestri præcincti, et lucérnæ ardéntes in mánibus vestris : * Et vos símiles homínibus exspectántibus dómimum suum, quando revertátur a núptiis. (T. P. Allelúja.)

℣. Vigiláte ergo, quia nescítis qua hora Dóminus vester ventúrus sit. — Et vos símiles. Glória Patri. Et vos símiles.

Benedictio Ad societátem.

Lectio ix

ET vos símiles homínibus exspectántibus dómimum suum, quando revertátur a núptiis; ut, cum vénerit et pulsáverit, conféstim apériant ei. Venit quippe Dóminus, cum ad júdicium próperat; pulsat vero, cum jam per ægritudinis moléstias esse mor-

tem vicínam désignat. Cui conféstim aperímus, si hunc cum amóre suscípimus. Aperíre enim júdici pulsánti non vult, qui exíre de córpore trépídat, et vidére eum, quem contempsísse se méminit, júdicem formídat. Qui autem de sua spe et operatióne secúrus est, pulsánti conféstim áperit, quia lætus júdicem sústinet; et, cum tempus propínquæ mortis advénerit, de glória retributiónis hilaréscit.

Te Deum laudámus.

AD LAUDES

et per Horas, Añæ

1 Dómine, quinque talénta * tradidisti mihi, ecce ália quinque superlucrátus sum. (T. P. Allelúja.)

Psalmi de Dominica 1 loco.

2 Euge, serve bone, * in módico fidélis, intra in gáudium Dómini tui. (T. P. Allelúja.)

3 Fidélis servus * et prudens, quem constituit Dóminus super famíliam suam. (T. P. Allelúja.)

4 Beátus ille servus, * quem, cum vénerit Dóminus ejus et pulsáverit jánuam, invénerit vigilántem. (T. P. Allelúja.)

5 Serve bone * et fidélis, intra in gáudium Dómini tui. (T. P. Allelúja.)

Capitulum Eccli. 31, 8-9

BEátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua.

Hymnus

Jesu, coróna célsior,
Et véritas sublimior,
Qui confiténti sérvulo
Reddis perénne præmium :

Da supplicánti cœtui,
Hujus rogátu, nóxii
Remissionem críminis,
Rumpéndo nexum vínculi.

Anni revérso témpore,
Dies refúlsit lúmine,
Quo Sanctus hic de cór-
pore
Migrávit inter sídera.

Hic, vana terræ gáudia
Et luculénta prædia
Pollúta sorde députans,
Ovans tenet cæléstia.

Te, Christe, Rex piíssime,
Hic confiténdó júgiter,
Calcávit artes dæmonum
Sævúmque avérni prínci-
pem.

Virtúte clarus et fide,
Confessione sédulus,
Jejúna membra déferens,
Dapes supérnas óbtinet.

Proinde te, piíssime,
Precámur oranes súpplīces,
Nobis ut hujus grátia
Pœnas remíttas débītas.

* Patri perénnis glória,
Natóque Patris único,
Sanctóque sit Paráclito,
Per omne semper sáeculum.
Amen.

℟. Justum dedúxit Dómi-
nus per vias rectas. (T. P.
Allelúja.) ℟. Et osténdit
illi regnum Dei. (T. P.
Allelúja.)

Ad Bened. Ant. Euge,
serve bone * et fidélis,
quia in pauca fuísti fidélis,
supra multa te constituam,
intra in gáudium Dómini
tui. (T. P. Allelúja.)

1 — Oratio

Deus, qui nos beáti **N.**
Confessoris tui ánnua
solemnitáte lætíficas : con-
céde propítius; ut, cujus
natalítia cólimus, étiam
actiónes imitémur. Per
Dóminum.

2 — Alia Oratio

ADesto, Dómine, sup-
plicationibus nostris,
quas in beáti **N.** Confessó-
ris tui solemnitáte deféri-
mus : ut, qui nostræ justí-
tiæ fidúciā non habémus,
ejus, qui tibi plácuit, pré-
cibus adjuvémur. Per Dó-
minum.

Pro Doctore non Pontifice

3 — Oratio

Deus, qui pópulo tuo
æternæ salútis beá-
tum **N.** minístrum tribuí-

sti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Si fuerit Abbas

4 — Oratio

Intercéssio nos, quæsumus, Dómine, beáti **N.** Abbátis comméndet : ut, quod nostris méritis non valémus, ejus patrocínio assequámur. Per Dóminum.

Ad Horas Psalmi de Dominica, ad Primam tamen ut in Festis.

AD TERTIAM

Capitulum Beátus vir. [118]

℟. br. Amávit eum Dóminus, * Et ornávit eum. Amávit. **℣.** Stolum glóriæ induit eum. Et. **Glória** Patri. Amávit. **℣.** Os justi meditábitur sapiéntiam. **℟.** Et lingua ejus loquétur judícium.

Tempore Paschali

℟. br. Amávit eum Dóminus, et ornávit eum, * Allelúja, allelúja. Amávit. **℣.** Stolum glóriæ induit eum. Allelúja, allelúja. **Glória** Patri. Amávit. **℣.** Os justi meditábitur sapiéntiam, allelúja. **℟.** Et lingua ejus loquétur judícium, allelúja.

AD SEXTAM

Capitulum Eccli. 39, 6

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

℟. br. Os justi * Meditábitur sapiéntiam. Os. **℣.** Et lingua ejus loquétur judícium. Meditábitur. **Glória** Patri. Os. **℣.** Lex Dei ejus in corde ipsíus. **℟.** Et non supplantabúntur gressus ejus.

Tempore Paschali

℟. br. Os justi meditábitur sapiéntiam, * Allelúja, allelúja. Os. **℣.** Et lingua ejus loquétur judícium. Allelúja, allelúja. **Glória** Patri. Os. **℣.** Lex Dei ejus in corde ipsíus, allelúja. **℟.** Et non supplantabúntur gressus ejus, allelúja.

AD NONAM

Capitulum Sap. 10, 10

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum; honestávit illum in labóribus, et complévit labóres illíus.

℟. br. Lex Dei ejus * In corde ipsíus. Lex. **℣.** Et non supplantabúntur gressus ejus. In. **Glória** Patri. Lex. **℣.** Iustum dedúxit Dóminus per vias rectas. **℟.** Et osténdit illi regnum Dei.

Tempore Paschali

℟. br. Lex Dei ejus in corde ipsius, * Allelúja, allelúja. Lex. ℣. Et non supplantabúntur gressus ejus. Allelúja, allelúja. Glória Patri. Lex. ℣. Justum dedúxit Dóminus per vias rectas, allelúja. ℟. Et osténdit illi regnum Dei, allelúja.

IN II VESPERIS

Omnia ut in I Vesperis [111], præter

℣. Justum dedúxit Dóminus per vias rectas. (T. P. Allelúja.) ℟. Et osténdit illi regnum Dei. (T. P. Allelúja.)

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu. (T. P. Allelúja.)

Completorium de Dominica.

Si celebrari occurrat Festum plurium Confessorum non Pontificum, Officium fit ut supra : sed in Oratione et Sermone, ea quæ habentur in singulari, dicantur in plurali; et in I Nocturno sumantur Lectiones Laudémus viros gloriósos, quæ in Communi Confessoris Pontificis 2 loco pluribus Pontificibus sunt assignatæ [100], cum Responsoriis tamen de Communi Confessoris non Pontificis, ut ibidem.

II ALIÆ LECTIONES
pro Conf. non Pontifice

In I Nocturno

De libro Sapiéntiæ

Cap. 4, 7-20; 5, 1-5

Lectio i



Ustus si morte præoccupátus fúerit, in refrigerio erit. Senéctus enim venerábilis est non diutúrna, neque annórum número computáta; cani autem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est, ne malítia mutáret intelléctum ejus aut ne fictio decíperet ánimam illíus. Fascinátio enim nugacitátis obscurat bona, et inconstántia concupiscéntiæ transvértit sensum sine malítia. Consummátus in brevi explévit témpora multa; plácita enim erat Deo ánimá illíus, propter hoc properávit edúcere illum de médio iniquitátum.

℟. Euge, serve bone et fidélis, quia in pauca fuísti fidélis, supra multa te constítuam : * Intra in gáudium Dómini tui. (T. P. Allelúja.) ℣. Dómine, quinque talénta tradidísti mihi, ecce ália quinque superlucrátus sum. — Intra.

Lectio ii

Populi autem vidéntes, et non intelligéntes, nec ponéntes in præcórdiis tália : quóniam grátia Dei et misericórdia est in sanctos ejus, et respéctus in eléctos illius. Condémnat autem justus mórtuus vivos ímpios, et juvéntus celérius consummáta longam vitam injústi. Vidébunt enim finem sapiéntis et non intélligent, quid cogitáverit de illo Deus et quare munierit illum Dóminus. Vidébunt et contémnent eum; illos autem Dóminus irridébit. Et erunt post hæc decidéntes sine honóre, et in contumélia inter mórtuos in perpétuum : quóniam disrúmpet illos inflátos sine voce, et commovébit illos a fundamentis, et usque ad supréum desolabúntur.

✠. Justus germinábit sicut lílium : * Et florébit in ætérnum ante Dóminum.

(T. P. Allelúja.) ✠. Plantátus in domo Dómini, in átriis domus Dei nostri. — Et.

Lectio iii

ET erunt geméntes, et memória illórum peribit. Vénient in cogitatióne peccatórum suórum tímidí, et tradúcent illos ex advérso iniquitátes ipsórum. Tunc stabunt justí in ma-

gna constántia advérsus eos, qui se angustiavérunt et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis; dicéntes intra se, pæniténtiam agéntes, et præ angústia spíritus geméntes : Hi sunt, quos habúimus aliquándo in derísu et in similitúdinem impropérii. Nos insensáti vitam illórum æstimabámus insániam et finem illórum sine honóre : ecce, quómodo computáti sunt inter filios Dei, et inter sanctos sors illórum est.

✠. Iste cognóvit justítiam, et vidit mirabilia magna, et exorávit Altíssimum : * Et invéntus est in número Sanctórum. (T. P. Allelúja.) ✠. Iste est, qui contémpsit vitam mundi, et pervénit ad cæléstia regna. — Et invéntus. Glória Patri. Et invéntus.

In II Noeturno

Ex libro Morálium
sancti Gregórii Papæ

Liber 10, cap. 16, in c. 12 Job

Lectio iv



Eridétur justí simplicitas. Hujus mundi sapiéntia est : cor machinatió nibus tégere, sensum verbis veláre :

quæ falsa sunt, vera ostendere; quæ vera sunt, falsa demonstrare. Hæc nimium prudentia usu a juvenibus scitur, hæc a pueris pretio discitur: hanc qui sciunt, ceteros despiciendo superbiunt: hanc qui nesciunt, subiecti et timidi in aliis mirantur; quia ab eis hæc eadem duplicitatis iniquitas, nomine palliata, diligitur, dum mentis perversitas urbanitas vocatur. Hæc sibi obsequentibus præcipit honorum culmina querere; adæpta temporalis gloriæ vanitate gaudere; irrogata ab aliis mala multiplicius reddere: cum vires suppetunt, nullis resistentibus cedere; cum virtutis possibilitas deest, quidquid explere per malitiam non valent, hoc in pacifica bonitate simulare.

℟. Honestum fecit illum Dominus, et custodivit eum ab inimicis, et a seductoribus tutavit illum:

* Et dedit illi claritatem æternam. (T. P. Allelúja.)

℣. Justum deduxit Dominus per vias rectas, et ostendit illi regnum Dei. — Et dedit.

Lectio v

AT contra, sapientia justorum est: nil per ostensionem fingere, sensum verbis aperire, vera

ut sunt diligere, falsa devitare; bona gratis exhibere, mala libentius tolerare quam facere; nullam injuriæ ultionem querere, pro veritate contumeliam lucrum putare. Sed hæc justorum simplicitas deridetur; quia ab hujus mundi sapientibus puritatis virtus fatuitas creditur. Omne enim, quod innocenter agitur, ab eis proculdubio stultum putatur; et quidquid in opere veritas approbat, carnali sapientiæ fatuum sonat. Quid namque stultius videtur mundo quam mentem verbis ostendere, nil callida machinatione simulare, nullas injuriis contumelias reddere, pro maledicentibus orare, paupertatem querere, possessa relinquere, rapienti non resistere, percutienti alteram maxillam præbere?

℟. Amavit eum Dominus, et ornavit eum: stolam gloriæ induit eum,

* Et ad portas paradisi coronavit eum. (T. P. Allelúja.)

℣. Induit eum Dominus lorica fidei, et ornavit eum. — Et ad portas.

Lectio vi

Cap. 17, post initium

Lampas contempta apud cogitationes divitum. Sæpe contingit, ut electus

quisque, qui ad ætérnam felicitátem dúcitur, continúa hic adversitaté deprimátur; non hunc rerum abundántia fúlciat, non dignitatúm glória honorábilem osténdat, nulla ei obsequéntium frequéntia súppetat, nulla hunc humanís óculis véstium pompa compónat. A cunctis vero despicábilis cérnitur, et hujus mundi grátia indignus æstimátur; sed tamen ante occúlti júdicis óculos virtútibus émicat, vitæ méritis corúscat : honorári méuit, déspici non réfugit : corpus continéntia áfficit, sola in ánimo dilectióne pinguéscit : mentem semper ad patiéntiam præparat, et, eréctus pro justítia, de percéptis contuméliis exsúltat : afflicti ex corde compátitur, de bonórum prosperitatibus quasi de própriis lætátur, sacri verbi pábula in mente sollicitus rúminat, et, inquisítus, quódlibet éloqui dupliciter ignórat.

℟. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus génitibus. (T. P. Allelúja.)

℣. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

In III Nocturno

Léctio sancti Evangélíi
secúndum Lucam

Lectio vii Cap. 12, 32-34

IN illo témpore : Dixit Jesus discipulis suis : Nolíte timére, pusíllus grex, quia complácuit Patri vestro dare vobis regnum. Et réliqua.

Homília sancti Bedæ
Venerábilis Presbýteri

Liber 4 cap. 54 in Luc. 12



Usíllum gregem electórum, vel ob comparatióem majóris númeri reprobórum, vel pótius ob humilitátis devotióem nóminat; quia vidélicet Ecclésiám suam, quantálibet numerositaté jam dilatátam, tamen usque ad finem mundi humilitáte vult créscere, et ad promíssum regnum humilitáte perveníre. Ideóque ejus labóres blande consolátus, quam regnum Dei tantum quærere præcipit, eidem regnum a Patre dandum complácita benignitaté promíttit.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. (T. P. Allelúja.)

℣. Ecce homo sine queréla, verus Dei cultor, ábsti-

nens se ab omni ópere malo, et pérmanens in innocéntia sua. — Ipse intercédât pro peccátis ómnium populórum.

Lectio viii

VEndite quæ possidétiſ, et date eleemóſynam. Nolíte, inquit, timére, ne propter regnum Dei militántibus, hujus vitæ neceſſária deſint; quin étiam poſſéſſa propter eleemóſynam véndite. Quod tunc digne fit, quando quiſ, ſemel pro Dómino ſuis ómnibus ſpretis, nihilóminus poſt hæc labóre mánuum, unde et victum transígere et eleemóſynam dare queat, operátur. Unde gloriátur Apóſtolus, dicens : Argéntum aut aurum aut veſtem nullius concupívi; ipſi ſcitiſ quóniam ad ea quæ mihi opus erant, et hiſ qui mecum ſunt, miniſtravérunt manus iſtæ. Omnia oſténdi vobiſ, quóniam ſic laborántes opórtet ſuſcípere infirmoſ.

℟. Sint lumbi veſtri præcíncti, et lucérnæ ardéntes

in mániſ veſtriſ : * Et voſ ſímileſ homínibuſ exſpectántibuſ dóminum ſuum, quando revertátur a núptiſ. (T. P. Allelúja.)

℣. Vigiláte ergo, quia neſcitiſ qua hora Dóminus veſter ventúruſ ſit. — Et voſ ſímileſ. Glória Patri. Et.

Lectio ix

FAcite vobiſ ſácculoſ, qui non veteráſcunt; eleemóſynas vidélicet operádo, quarum merceſ in ætérnum máneat. Ubi non hoc præcéptum eſſe putándum eſt, ut nil pecúniæ reſervétur a ſanctiſ, vel ſuiſ ſclicet vel páuperum úſibuſ ſuggeréndæ; cum et ipſe Dóminus, cui miniſtrábant Angeli, tamen ad informándam Eccléſiam ſuam lóculoſ habuíſſe legátur, et a fidélibuſ obláta conſervans, et ſuórum neceſſitátibuſ aliíſque indigéntibuſ tríbuens; ſed, ne Deo propter iſta ſerviátur, et ob inópiæ timórem juſtítia deſerátur.

Te Deum laudámuſ.

Commune Abbatum

Omnia de Communi Confessoris non Pontificis [111], præter Orationem et Lectiones III Nocturni, ut infra.

Oratio

Intercéssio nos, quæsumus, Dómine, beáti N. Abbátis comméndet : ut, quod nostris méritis non valémus, ejus patrocínio assequámur. Per Dóminum.

In III Nocturno

Léctio sancti Evangélii
secúndum Matthæum

Lectio vii Cap. 19, 27-29

IN illo témpore : Dixit Petrus ad Jesum : Ecce nos reliquimus ómnia, et secuti sumus te : quid ergo erit nobis? Et réliqua.

Homília sancti Hierónymi
Presbýteri

Liber 3 in Matth. cap. 19



Prandis fidúcia! Petrus piscátor erat, dives non fúerat, cibos manu et arte quærébat; et tamen lóquitur confidénter : Reliquimus ómnia. Et quia non súfficit tantum relínquere, jungit quod perféctum est : Et secúti sumus te. Fécimus quod jussísti : quid ígitur nobis dabis præmii? Jesus autem dixit illis : Amen

dico vobis quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. Non dixit : Qui reliquistis ómnia; hoc enim et Crates fecit philósophus, et multi álii divítias contempsérunt : sed, Qui secúti estis me; quod próprie Apostolorum est atque credéntium.

✠. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. (T. P. Allelúja.)

✠. Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. — Ipse intercédát.

Lectio viii

IN regeneratióne, cum séderit Fílius hóminis in sede majestátis suæ (quando et mórtui de corruptiÓne resúrgent incorrupti), sedébitis et vos in sóliis judicántium, condemnántes duódecim tribus Israël; quia, vobis credéntibus,

illi credere noluérunt. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, et vitam æternam possidebit. Locus iste cum illa sententia congruit, in qua Salvator loquitur : Non veni pacem mittere, sed gladium. Veni enim separare hominem a patre suo, et matrem a filia, et nurum a socru : et inimici hominis domestici ejus. Qui ergo, propter fidem Christi et prædicationem Evangelii, omnes affectus contempserint atque divitias et sæculi voluptates : isti centuplum recipient, et vitam æternam possidebunt.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. (T. P. Allelúja.)

℣. Vigilate ergo, quia nescitis qua hora Dominus vester venturus sit. — Et. Glória Patri. Et.

Lectio ix

EX occasione hujus sententiæ quidam introducunt mille annos post resurrectionem, dicentes, tunc nobis centuplum om-

nium rerum quas dimisimus, et vitam æternam esse reddendam; non intelligentes, quod, si in ceteris digna sit repromissio, in uxoribus appareat turpitudine, ut, qui unam pro Domino dimiserit, centum recipiat in futuro. Sensus ergo iste est : Qui carnalia pro Salvatore dimiserit, spiritalia recipiet; quæ comparatione et merito sui ita erunt, quasi si parvo numero centenarius numerus comparatur.

Te Deum laudamus.

II ALIA HOMILIA

Lectio sancti Evangelii
secundum Matthæum

Lectio vii Cap. 11, 25-30

IN illo tempore : Respondens Jesus dixit : Confiteor tibi, Pater, Domine cæli et terræ, quia abscondisti hæc a sapientibus et prudentibus, et revelasti ea parvulis. Et reliqua.

Homilia sancti Augustini
Episcopi

Sermo 10 de verbis Domini



Enite ad me, omnes qui laboratis. Quare enim omnes laboramus, nisi quia sumus homines mortales, fragiles, infirmi, lutea vasa portantes, quæ faciunt invicem angustias? Sed, si

angustiántur vasa carnis, dilaténtur spátia caritátis. Quid ergo dicit, Veníte ad me, omnes qui laborátis, nisi ut non laborétis? Dénique promissio ejus in promptu est; quóniam laborántes vocávit, quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibília et invisibília creáre, non in ipso mundo mirabília fácere et mórtuos suscitáre; sed, Quóniam mitis sum et húmilis corde.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. (T. P. Allelúja.)

℣. Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. — Ipse.

Lectio viii

Magnus esse vis? a mínimo incipe. Cógitas magnam fábricam constrúere celsitúdinis? de fundaménto prius cógita humilitátis. Et quantam quisque vult et dispónit superimpónere molem ædificii, quanto erit majus ædificium, tanto áltius fo-

dit fundaméntum. Et fábrica quidem cum constrúitur, in supérna consúrgit; qui autem fodit fundaméntum, ad ima deprímitur. Ergo et fábrica ante celsitúdinem humiliá-tur, et fastígium post humiliatióinem erigitur.

℟. Sint lumbi vestri præcincti, et lucérnæ ardéntes in mánibus vestris : * Et vos símiles homínibus exspectántibus dóminum suum, quando revertátur a núptiis. (T. P. Allelúja.)

℣. Vigiláte ergo, quia nescitis qua hora Dóminus vester ventúrus sit. — Et. Glória Patri. Et.

Lectio ix

Quod est fastígium construéndæ fábricæ, quam molímur? quo per-ventúrum est cacúmen ædificii? Cito dico, usque ad conspéctum Dei. Vidétis, quam excélsus est, quanta res est conspícere Deum. Qui desíderat, et quod dico et quod audit intélligit. Promíttitur nobis conspéctus Dei, veri Dei, summi Dei. Hoc enim bonum est, Vidéntem vidére. Nam, qui colunt falsos deos, fácite illos vident; sed eos vident, qui óculos habent et non vident. Nobis autem promíttitur visio Dei vivéntis et vidéntis.

Te Deum laudámus.

III ALIA HOMILIA

Lectio sancti Evangelii
secundum Matthæum

Lectio vii Cap. 19, 27-29

IN illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis? Et reliqua.

Homilia sancti Bedæ
Venerabilis Presbyteri

Homilia in Natali
S. Benedicti Ep.

QUO sunt ordines electorum in iudicio futuri : unus iudicantium cum Domino, de quibus hoc loco memorat, qui reliquerunt omnia et secuti sunt illum. Alius iudicandorum a Domino, qui non quidem omnia sua pariter reliquerunt, sed de his tamen, quæ habebant, quotidianas dare elemosynas Christi pauperibus curabant; unde et audituri sunt in iudicio : Venite, benedicti Patris mei, possidete præparatum vobis regnum a constitutione mundi; esurivi enim, et dedistis mihi manducare; sitivi, et dedistis mihi bibere.

✠. Iste est, qui ante Deum magnas virtutes operatus est, et de omni corde suo laudavit Domi-

num : * Ipse intercédât pro peccatis omnium populorum. (T. P. Allelúja.)

✠. Ecce homo sine querela, verus Dei cultor, abstinens se ab omni opere malo, et permanens in innocentia sua. — Ipse.

Lectio viii

SED et reproborum duos ibi futuros ordines, Domino narrante, compertimus : unum eorum, qui, fidei christianæ mysteriis initiati, opera fidei exercere contemnunt; quibus in iudicio testatur : Discédite a me, maledicti, in ignem æternum, qui præparatus est diabolo et angelis ejus; esurivi enim, et non dedistis mihi manducare. Alterum eorum, qui fidem et mysteria Christi vel numquam suscepere, vel susceptam per apostasiam deseruere; de quibus dicit : Qui autem non credit, jam iudicatus est, quia non credit in nomine unigeniti Filii Dei.

✠. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. (T. P. Allelúja.)

✠. Vigilate ergo, quia nescitis qua hora Dominus vester venturus sit. — Et. Glória Patri. Et.

Lectio ix

Verum, his cum timóre et pavóre débito paulisper commemorátis, ad lætíssima pótius Dómini et Salvatóris nostri promissa convertámus audítum. Videámus quæ tantæ grátia pietátis : non æternæ tantúmmodo vitæ præmia suis sequácibus, sed et præsentis múnera pollicétur exímia. Et omnis, inquit, qui reliquerit domum, vel fratres, aut soróres,

aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit. Qui enim terrénis afféctibus sive possessionibus pro Christi discipulátu renuntiáverit; quo plus in ejus amórem profecerit, eo plures invéniet, qui se intérno suscipere afféctu et suis gáudeant sustentáre substántiis.

Te Deum laudámus.

Commune Virginum

IN I VESPERIS

Ant. 1 Hæc est Virgo sapiens, * et una de número prudentum. (T. P. Allelúja.)

Psalmi ut in Communi Festorum B. Mariæ Virg.

2 Hæc est Virgo sapiens, * quam Dóminus vigilántem invénit. (T. P. Allelúja.)

3 Hæc est quæ nescívit * torum in delícto : habébit fructum in respectióne animárum sanctárum. (T. P. Allelúja.)

4 Veni, elécta mea, * et ponam in te thronum meum, allelúja. (T. P. Allelúja.)

5 Ista est speciósa * inter filias Jerúsalem. (T. P. Allelúja.)

Capit. 2 Cor. 10, 17-18

Fratres : Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat.

Hymnus

Jesu, coróna Virginum, Quem Mater illa cóncipit,
Quæ sola Virgo párturit,
Hæc vota clemens áccipe :
Qui pergis inter lília,
Septus choréis Virginum,
Sponsus decórus glória
Sponsisque reddens præmia.

Quocúmque tendis, Vírgines
Sequúntur, atque láudibus
Post te canéntes cúrsitant,
Hymnósque dulces péro-
nant.

Te deprecámur súpplīces,
Nostris ut addas sénsibus
Nescīre prorsus ómnia
Corruptiónis vúlnera.

* **V**irtus, honor, laus, glória
Deo Patri cum Fílio,
Sancto simul Paráclito,
In sæculórum sæcula.

Amen.

V. Spécie tua et pulchri-
túdine tua. (T. P. Alle-
lúja.) **R.** Inténde, pró-
spere procéde, et regna.
(T. P. Allelúja.)

In II Vesperis

V. Diffúsa est grátia in
lábiis tuis. (T. P. Allelúja.)

R. Proptérea benedíxit te
Deus in ætérnum. (T. P.
Allelúja.)

In utrisque Vesperis

Ad Magnif. Ant. Veni,
Sponsa Christi, * áccipe
corónam, quam tibi Dó-
minus præparávit in
ætérnum. (T. P. Allelúja.)

Pro Virgine Martyre

1 — Oratio

Deus, qui inter cétera
poténtiæ tuæ mirácula
étiam in sexu frágili victó-
riam martýrii contulísti :
concéde propítius; ut, qui

beátæ **N.** Vírginis et Már-
tyris tuæ natalítia cóli-
mus, per ejus ad te exem-
pla gradiámur. Per Dó-
minum.

2 — Alia Oratio

Indulgéntiam nobis,
quæsumus, Dómine,
beáta **N.** Virgo et Martyr
implóret : quæ tibi grata
semper éxstitit, et mérito
castitátis et tuæ profes-
sióne virtútis. Per Dómi-
num.

Pro Virgine non Martyre

3 — Oratio

Exáudi nos, Deus, salu-
táris noster : ut, sicut
de beátæ **N.** Vírginis tuæ
festivitáte gaudémus; ita
piæ devotiónis erudiámur
afféctu. Per Dóminum.

**Si fuerint plures Virgines
Martyres, in utrisque Ve-
speris Versus, Antiphona ad
Magnificat et Oratio, ut se-
quitur :**

V. Adducéntur Regi Vir-
gines post eam. (T. P.
Allelúja.) **R.** Próximæ
ejus afferéntur tibi. (T. P.
Allelúja.)

Ad Magnif. Ant. Prudén-
tes Vírgines, * aptáte ve-
stras lámpades : ecce
Sponsus venit, exíte ób-
viam ei. (T. P. Allelúja.)

4 — Oratio

DA nobis, quæsumus,
Dómine, Deus noster,
sanctárum Virginum et

Mártýrum tuárum **N.** et **N.** palmas incessábili devotíone venerári : ut, quas digna mente non pössumus celebráre; humílibus saltem frequentémus obsequiis. Per Dóminum.

Completorium de Dominica.

AD MATUTINUM

Invitat. Regem Vírginum Dóminum, * Veníte, adorémus. (**T. P.** Allelúja.)
Ps. 94 Veníte, exsultémus.

Hymnus

Pro Virgine Martyre

Virginis Proles Opiféx-
que Matris,
Virgo quem gessit, peperitque Virgo;
Víriginis partos cánimus decóra
Morte triúmphos.

Hæc enim palmæ dúplicis beáta
Sorte, dum gestit frágitilem domáre
Córporis sexum, dómuit cruéntum
Cæde tyránnum.

Unde nec mortem, nec amíca mortis
Mille pœnárum génera expavéscens,
Sánguine effúso méruit sérénium
Scándere cælum.

Hujus orátu Deus alme, nobis
Débitas pœnas scélerum remítte;

Ut tibi puro resonémus alnum

Péctore carmen.

Sit decus Patri, genitæque Proli,

Et tibi, compar utriúsque virtus,

Spíritus semper, Deus unus, omni

Témporis ævo.

Amen.

Pro Virgine non Martyre

Virginis Proles Opiféx-
que Matris,

Virgo quem gessit, peperitque Virgo;

Víriginis festum cánimus beátæ,

Accipe votum.

Hujus orátu, Deus alme, nobis

Débitas pœnas scélerum remítte;

Ut tibi puro resonémus alnum

Péctore carmen.

Sit decus Patri, genitæque Proli,

Et tibi, compar utriúsque virtus,

Spíritus semper, Deus unus, omni

Témporis ævo. Amen.

In I Nocturno

Ant. O quam pulchra * est casta generátio cum claritáte! (**T. P.** Allelúja.)

Tempore Paschali Psalmi dicuntur in quolibet Nocturno sub prima Antiphona.

Psalmus 8



Domine, Dóminus noster, * quam admirabile est nomen tuum in univérſa terra!

Quóniam eleváta est magnificentia tua, * super cælos.

Ex ore infántium et lacténtium perfecísti laudem propter inimícos tuos, * ut déstruas inimicum et ultórem.

Quóniam vidébo cælos tuos, ópera digitorum tuorum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirabile est nomen tuum in univérſa terra!

Ant. O quam pulchra est casta generátio cum claritáte!

Ant. Ante torum * huius Vírginis frequentáte

nobis dúlcia cántica drámatís.

Pro non Virgine

Ant. Læva ejus * sub capite meo, et dextera illius amplexábitur me.

Psalmus 18

Cæli enarrant glóriam Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans parvulis.

Justitiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sáeculum sæ-

culi : * iudicia Dómini vera, justificáta in semetípsa.

Desiderabilia super aurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redemptor meus.

Ant. Ante torum hujus Vírginis frequentáte nobis dúlcia cántica drámatis.

Pro non Virgine

Ant. Læva ejus sub cápite meo, et dextera illius amplexábitur me.

Ant. Revértere, * revértere, Sunamítis; revértere, revértere, ut intueámur te.

Psalmus 23

Domini est terra, et plenitúdo ejus : * orbis terrárum, et univérsi qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem

Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo, salutári suo.

Hæc est generátio quæréntium eum, * quæréntium faciém Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Revértere, revértere, Sunamítis; revértere, revértere, ut intueámur te.

Tempore Paschali

Ant. O quam pulchra est casta generátio cum claritáte! allelúja.

℟. Spécie tua et pulchritúde tua. (T. P. Allelúja.) ℞. Inténde, prospere procéde, et regna. (T. P. Allelúja.)

Absolutio Exáudi, Dómine. **Benedictio** Benedictiône.

De Epístola prima beáti
Pauli Apóstoli ad Corín-
thios

Lectio i **Cap. 7, 25-40**

E virgínibus præcé-
ptum Dómini non
hábeo : consílium
autem do, tamquam mise-
ricórdiam consecútus a
Dómino, ut sim fidélis.
Existimo ergo hoc bonum
esse propter instántem ne-
cessitátem, quóniam bo-
num est hómini sic esse.
Alligátus es uxóri? noli
quærere solutiónem. Solú-
tus es ab uxóre? noli quæ-
rere uxórem. Si autem
accéperis uxórem, non pec-
cásti. Et si núpserit virgo,
non peccávit. Tribulatió-
nem tamen carnis habé-
bunt hujúsmodi. Ego au-
tem vobis parco. Hoc ita-
que dico, fratres : Tempus
breve est : réliquum est,
ut et qui habent uxóres,
tamquam non habéntes
sint; et qui flent, tam-
quam non flentes; et qui
gaudent, tamquam non
gaudéntes; et qui emunt,
tamquam non possidéntes;
et qui utúntur hoc mundo,
tamquam non utántur;
præterit enim figúra hujus
mundi.

Pro Virgine Martyre

℟. Veni, Sponsa Christi,
accipe corónam, quam tibi
Dóminus præparávit in
ætérum; pro cujus amóre

sánguinem tuum fudísti,
* Et cum Angelis in para-
dísu introísti. (T. P. Alle-
lúja.) ℣. Veni, elécta mea,
et ponam in te thronum
meum; quia concupívit
Rex spéciem tuam. — Et.

Pro Virgine non Martyre

℟. Veni, elécta mea, et
ponam in te thronum
meum : * Quia concupí-
vit Rex spéciem tuam.
(T. P. Allelúja.) ℣. Spécie
tua et pulchritúdine tua
inténde, prospere procéde,
et regna. — Quia.

Bened. Unigénitus Dei.

Lectio ii

Volo autem vos sine
sollicitúdine esse. Qui
sine uxóre est, sollicitus est
quæ Dómini sunt, quómo-
do pláceat Deo. Qui autem
cum uxóre est, sollicitus
est quæ sunt mundi, quómo-
do pláceat uxóri, et di-
vísus est. Et múlter innú-
pta, et virgo cógitat quæ
Dómini sunt, ut sit sancta
córpo et spíritu. Quæ au-
tem nupta est, cógitat quæ
sunt mundi, quómo plá-
ceat viro. Porro hoc ad uti-
litátem vestram dico, non
ut láqueum vobis injíciam,
sed ad id, quod honéstum
est, et quod facultátem
præbeat sine impediménto
Dóminum obsecrándi.

℟. Diffúsa est grátia in
lábiis tuis, * Proptérea be-

nedíxit te Deus in ætérnum. (T. P. Allelúja.)

℣. Spécie tua et pulchritúdine tua inténde, prospere procéde, et regna. — Proptérea.

Bened. Spíritus Sancti.

Lectio iii

SI quis autem turpem se vidéri exístimat super vírgine sua, quod sit superadúlta, et ita opórtet fieri; quod vult fáciat : non peccat, si nubat. Nam qui státuit in corde suo firmus, non habens necessitátem, potestátem autem habens suæ voluntátis, et hoc iudicávit in corde suo, serváre vírginem suam, bene facit. Igitur et qui matrimónio jungit vírginem suam, bene facit; et qui non jungit, mélius facit. Múlier alligáta est legi quanto témpore vir ejus vivit. Quod si dormierit vir ejus, liberáta est : cui vult nubat, tantum in Dómino. Beátior autem erit, si sic permánserit, secúndum meum consílium; puto autem quod et ego Spíritum Dei hábeam.

℣. Spécie tua et pulchritúdine tua * Inténde, prospere procéde, et regna. (T. P. Allelúja.) ℣. Diffúsa est grátia in lábiis tuis, proptérea benedíxit te Deus in ætérnum. — Inténde. Glória Inténde.

In II Nocturno

Ant. Spécie tua * et pulchritúdine tua inténde, prospere procéde, et regna. (T. P. Allelúja.)

Psalmus 44

Ructávit cor meum
verbum bonum : *
dico ego ópera mea
Regi.

Língua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam : * et dedúcet te mirábiliter délixtera tua.

Sagíttæ tuæ acútæ, pópuli sub te cadent, * in corda inimicórum Regis.

Sedes tua, Deus, in sáeculum sáeculi : * virga directiónis virga regni tui.

Dilexísti justítiam, et odísti iniquitátem : * proptérea unxit te Deus, Deus tuus, óleo lætítiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex

quibus delectavérunt te
filiæ regum in honóre
tuo.

Astitit regína a dextris
tuis in vestítu deauráto : *
circúmdata varietáte.

Audi, filia, et vide, et in-
clína aurem tuam : * et
oblivíscere pópulum tuum,
et domum patris tui.

Et concupíscet Rex decó-
rem tuum : * quóniam ipse
est Dóminus, Deus tuus,
et adorábunt eum.

Et filiæ Tyri in munéri-
bus * vultum tuum depre-
cabúntur : omnes dívites
plebis.

Omnis glória ejus filiæ
Regis ab intus, * in fím-
briis áureis circumamícta
varietátibus.

Adducéntur Regi vírgi-
nes post eam : * próximæ
ejus afferéntur tibi.

Afferéntur in lætítia et
exsultatióne : * adducén-
tur in templum Regis.

Pro pátribus tuis nati
sunt tibi filii : * constitues
eos príncipes super om-
nem terram.

Mémores erunt nóminis
tui : * in omni generatióne
et generatiónem.

Proptérea pópuli confite-
búntur tibi in ætérnum : *
et in sáculum sáculi.

Ant. Spécie tua et pul-
chritúdine tua inténde,
próspereprocéde, et regna.

Ant. Adjuvábít eam *
Deus vultu suo : Deus in

médio ejus, non commo-
vébitur.

Psalmus 45

Deus noster refúgium,
et virtus : * adjútor in
tribulatió nibus, quæ inve-
nérunt nos nimis.

Proptérea non timébimus
dum turbábitur terra : * et
transferéntur montes in
cor maris.

Sonuérunt, et turbátæ
sunt aquæ eórum : * con-
turbáti sunt montes in
fortitúdine ejus.

Flúminis ímpetus lætí-
ficat civitátem Dei : *
sanctificávit tabernácu-
lum suum Altíssimus.

Deus in médio ejus, non
commovébitur : * adju-
vábít eam Deus mane
dilúculo.

Conturbátæ sunt gentes,
et inclináta sunt regna : *
dedit vocem suam, mota
est terra.

Dóminus virtútum no-
biscum : * suscéptor no-
ster Deus Jacob.

Veníte, et vidéte ópera
Dómini, quæ pósuit pro-
dígia super terram : *
áuferens bella usque ad
finem terræ.

Arcum cónteret, et con-
frínget arma : * et scuta
combúret igni.

Vacáte, et vidéte quó-
niam ego sum Deus : *
exaltábor in géntibus, et
exaltábor in terra.

Dóminus virtútum nobiscum : * suscēptor noster Deus Jacob.

Ant. Adjuvabit eam Deus vultu suo : Deus in médio ejus, non commovēbitur.

Ant. Aquæ multæ * non potuerunt exstinguere caritatem.

Psalmus 47

Magnus Dóminus, et laudábilis nimis * in civitate Dei nostri, in monte sancto ejus.

Fundátur exsultatione univérse terræ mons Sion, * látera Aquilónis, civitas Regis magni.

Deus in dómibus ejus cognoscétur, * cum suscīpiet eam.

Quóniam ecce reges terræ congregáti sunt : * convenerunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis : * in spíritu veheménti cónteres naves Tharsis.

Sicut audívimus, sic vídimus in civitate Dómini virtútum, in civitate Dei nostri : * Deus fundávit eam in ætérnum.

Suscépimus, Deus, misericórdiam tuam, * in médio templi tui.

Secúndum nomen tuum, Deus, sic et laus tua in

fines terræ : * justítia plena est dēxtera tua.

Lætétur mons Sion, et exsúltent filiæ Juda, * propter judícia tua, Dómine.

Circúmdate Sion, et complectímmini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarretis in progénie áltera.

Quóniam hic est Deus, Deus noster in ætérnum, et in sáculum sáculi : * ipse reget nos in sácula.

Ant. Aquæ multæ non potuerunt exstinguere caritatem.

Tempore Paschali

Ant. Spécie tua et pulchritúdine tua inténde, prospere procéde, et regna, allelúja.

✠. Adjuvabit eam Deus vultu suo. (T. P. Allelúja.) ✠. Deus in médio ejus, non commovēbitur. (T. P. Allelúja.)

Absolutio Ipsíus píetas.

Benedictio Deus Pater.

Sermo sancti Ambrósii
Epíscopi

Liber 1 de Virg., circa init.

Lectio iv



Uóniam hódie natális est Vírginis, invitat nunc integritátis amor, ut áliquíd de virginitáte dicámus; ne véluti tránsitu quodam

præstrîcta videátur, quæ principális est virtus. Non enim ideo laudábilis virginitas, quia in Martýribus reperítur; sed quia ipsa Mártýres fáciat. Quis autem humáno eam possit ingénio comprehendere, quam nec natúra suis inclúsit légibus? aut quis naturáli voce complécti, quod supra usum natúræ sit? E cælo accersívit, quod imitarétur in terris. Nec immérito vivéndi sibi usum quæsívit e cælo, quæ Sponsum sibi invénit in cælo.

℟. Propter veritátem, et mansuetúdinem, et justítiam : * Et dedúcet te mirábiliter délixtera tua. (T. P. Allelúja.) ℣. Spécie tua et pulchritúdine tua inténde, prósperè procéde, et regna. — Et.

Bened. Christus perpétuæ.

Lectio v

HÆC nubes, áëra, Angelos, sidéraque transgrédiens, Verbum Dei in ipso sinu Patris invénit, et toto hausit pectore. Nam quis tantum, cum invenerit, relínquat boni? Unguentum enim exinanítum est nomen tuum : propterea adolescentulæ dilexérunt te et attraxérunt te. Postrémo, non meum est illud quóniam, Quæ non nubunt neque nubéntur,

erunt sicut Angeli Dei in cælo. Nemo ergo mirétur, si Angelis comparéntur, quæ Angelórum Dómino copulántur.

℟. Dilexisti justítiam, et odisti iniquitátem : * Propterea unxit te Deus, Deus tuus, óleo lætítiæ. (T. P. Allelúja.) ℣. Propter veritátem, et mansuetúdinem, et justítiam. — Propterea.

Bened. Ignem sui amóris.

Lectio vi

Q Uis ígitur neget hanc vitam fluxísse de cælo, quam non fáciie invenímus in terris, nisi postquam Deus in hæc terréni corpóris membra descéndit? Tunc in útero Virgo concépit, et Verbum caro factum est, ut caro fieret Deus. Dicit aliquis : Sed étiam Elías nullíus corpórei cóitus fuisse permíxtus cupiditátibus invenítur. Ideo ergo curru raptus ad cælum; ideo cum Dómino appáret in glória; ideo Domínici ventúrus est præcúrsor advéntus.

℟. Afferéntur Regi vírgines post eam, próximæ ejus * Afferéntur tibi in lætítia et exsultatíone. (T. P. Allelúja.) ℣. Spécie tua et pulchritúdine tua inténde, prósperè procéde, et regna. — Afferéntur tibi. Glória Patri. Afferéntur tibi.

In III Nocturno

Ant. Nigra sum, * sed formósa, filia Jerúsalem; ideo diléxit me Rex, et introduxit me in cubículum suum. (T. P. Allelúja.)

Psalmus 95



Antáte Dómino cánticum novum : * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirábilia ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dícite in géntibus quia Dóminus regnávít.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commoveáture mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Nigra sum, sed formósa, filia Jerúsalem; ideo diléxit me Rex, et introduxit me in cubículum suum.

Ant. Trahe me post te, * in odórem currémus unguentórum tuórum : óleum effúsum nomen tuum.

Psalmus 96

Dominus regnávít, exsúltet terra : * læténtur ínsulæ multæ.

Nubes, et caligo in circúitu ejus : * justítia, et júdicium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justitiam ejus : * et vidérunt omnes pópuli glóriam ejus.

Confundántur omnes, qui adoránt sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiae Judæ, * propter judícia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctorum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Ant. Trahe me post te, in odórem currémus unguentórum tuórum : óleum effúsum nomen tuum.

Ant. Veni, Sponsa Christi, * áccipe corónam, quam tibi Dóminus præparávit in ætérnum.

Psalmus 97

CAntáte Dómino cánticum novum : * quia mirábília fecit.

Salvávít sibi délixtera ejus : * et bráchium sanctum ejus.

Notum fecit Dóminus salutare suum : * in conspéctu géntium revelávit justitiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutare Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Veni, Sponsa Christi, áccipe corónam, quam tibi Dóminus præparávit in ætérnum.

Tempore Paschali

Ant. Nigra sum, sed formósa, fíliæ Jerúsalem; ideo diléxit me Rex, et introduxit me in cubículum suum, allelúja.

℣. Elégit eam Deus, et præelégit eam. (T. P. Allelúja.) ℞. In tabernáculo suo habitare facit eam. (T. P. Allelúja.)

Absolutio A vinctulis.

Bened. Evangélica léctio.

Léctio sancti Evangélii
secúndum Matthæum

Lectio vii Cap. 25, 1-13

IN illo témpore : Dixit Jesus discípulis suis parabolam hanc : Símile erit regnum cælórum decem virgínibus, quæ accipiéntes lámpades suas, exiérunt óbviám sponso et sponsæ. Et réliqua.

Homília sancti Gregórii
Papæ

Homilia 12 in Evang.



Æpe vos, fratres caríssimi, admóneo prava ópera fúgere, mundi hujus inquinaménta devitáre, sed hodiérna sancti Evangélii lectione compéllor dicere, ut et bona, quæ ágitis, cum magna cautéla teneátis; ne per hoc, quod a vobis rectum géritur, favor aut grátia humana requirátur; ne appetítus laudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes sunt

recéptæ; quia eárum quædam, dum de virginitáte sua glóriam foris éxpectunt, in vasis suis óleum habére noluérunt.

℞. Hæc est Virgo sápiens, quam Dóminus vigilántem invénit, quæ accéptis lámpádibus sumpsit secum óleum : * Et veniénte Dómino, introívit cum eo ad núptias. (T. P. Allelúja.) ℣. Média nocte clamor factus est : Ecce sponsus venit, exíte óbviám ei. — Et veniénte.

Benedictio Cujus **vel** Quorum festum cólimus.

Lectio viii

SED prius quæréndum nobis est, quid sit regnum cælórum, aut cur decem virgínibus comparétur, quæ étiam vírgines prudéntes et fátuæ dicántur. Dum enim cælórum regnum constat, quia reproborum nullus ingréditur, étiam fátuís virgínibus cur símile esse perhibétur? Sed sciéndum nobis est, quod sæpe in sacro elóquio regnum cælórum præsentis témporis Ecclesia díctur. De quo álio in loco Dóminus dicit : Mittet Fílius hóminis Angelos suos, et cólligent de regno ejus ómnia scándala. Neque enim in illo regno beatitúdinis, in quo pax summa est, inveníri scán-

dala póterunt, quæ colligántur.

℟. Média nocte clamor factus est : * Ecce sponsus venit, exíte óbviám ei. (T. P. Allelúja.) ℣. Prudentes vírgines, aptáte vestras lámpades. — Ecce. Glória Patri. Ecce.

Benedictio Ad societátem.

Lectio ix

IN quinque autem córporis sénsibus unusquisque subsístit; geminátus autem quinárius denárium pèrficit. Et quia ex utròque sexu fidélium multitúdo colligitur, sancta Ecclésia decem virgínibus similis esse denuntiátur. In qua quia mali cum bonis et réprobi cum eléctis admíxti sunt, recte similis virgínibus prudentibus et fátuís esse perhibétur. Sunt namque plerique continétes, qui ab appetítu se exterióri custódiunt et spe ad interióra rapiúntur, carnem mácerant, et toto desidério ad supérnam pátriam anhélant, æténa præmia éxpetunt, pro labóribus suis recípere laudes humanas nolunt. Hi nímirum glóriam suam non in ore hóminum ponunt, sed intra consciéntiam cóntegunt. Et sunt plerique, qui corpus per abstinéntiam affligunt, sed de ipsa sua abstinéntia

humános favóres éxpetunt.

Te Deum laudámus.

AD LAUDES

et per Horas, Añæ

1 Hæc est Virgo sapiens, * et una de número prudentum. (T. P. Allelúja.)

Psalmi de Dominica 1 loco.

2 Hæc est Virgo sapiens, * quam Dóminus vigilántem invénit. (T. P. Allelúja.)

3 Hæc est quæ nescívit * torum in delícto : habébit fructum in respectióne animárum sanctárum. (T. P. Allelúja.)

4 Veni, elécta mea, * et ponam in te thronum meum. (T. P. Allelúja.)

5 Ista est speciósa * inter filias Jerúsalem. (T. P. Allelúja.)

Capit. 2 Cor. 10, 17-18

FRatres : Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat.

Hymnus

Iesu, coróna Vírginum, Quem Mater illa concipit,

Quæ sola Virgo párturit, Hæc vota clemens áccipe :

Qui pergis inter lília, Septus choréis Vírginum,

Sponsus decórus glória
Sponsisque reddens præ-
mia.

Quocúmque tendis, Vírgi-
nes

Sequúntur, atque láudibus
Post te canéntes cúrsitant,
Hymnósque dulces péro-
nant;

Te deprecámur súpplīces,
Nostris ut addas sénsibus
Nescīre prorsus ómnia
Corruptiónis vúlnera.

* **V**irtus, honor, laus,
glória

Deo Patri cum Fílio,
Sancto simul Paráclito,
In sæculórum sæcula.

Amen.

V. Diffúsa est grátia in
lábiis tuis. (**T. P. Alle-
lúja.**) **R.** Proptérea bene-
dixit te Deus in ætérnum.
(**T. P. Allelúja.**)

Ad Bened. Ant. Símile
est regnum cælórum *
hómini negotiátóri quæ-
rénti bonas margarítas :
invénta una pretiósa, de-
dit ómnia sua, et compa-
rávit eam. (**T. P. Allelúja.**)

Pro Virgine Martyre

1 — Oratio

Deus, qui inter cétera
poténtiæ tuæ mirácula
étiam in sexu frágili victó-
riam martýrii contulísti :
concéde propítius; ut, qui
beátæ **N.** Vírginis et Már-
tyris tuæ natalítia cóli-

mus, per ejus ad te exem-
pla gradiámur. Per Dó-
minum.

2 — **Alia Oratio**

Indulgéntiam nobis,
I quæsumus, Dómine,
beáta **N.** Virgo et Martyr
implóret : quæ tibi grata
semper éxstitit, et mérito
castitátis et tuæ profes-
sióne virtútis. Per Dó-
minum.

Pro Virgine non Martyre

3 — Oratio

Exáudi nos, Deus, salu-
táris noster : ut, sicut
de beátæ **N.** Vírginis tuæ
festivitáte gaudémus; ita
piæ devotiónis erudiámur
afféctu. Per Dóminum.

**Si fuerint plures Virgines
Martyres :**

V. Adducéntur Regi Vír-
gines post eam. (**T. P.
Allelúja.**) **R.** Próximæ ejus
afferéntur tibi. (**T. P. Al-
lelúja.**)

Ad Bened. Ant. Prudén-
tes Vírgines, * aptáte ve-
stras lámpades : ecce
Sponsus venit, exíte ób-
viam ei. (**T. P. Allelúja.**)

4 — Oratio

DA nobis, quæsumus,
Dómine, Deus noster,
sanctárum Vírginum et
Mártýrum tuárum **N.** et **N.**
palmas incessábili devo-
tióne venerári : ut, quas
digna mente non póssu-

mus celebráre; humílibus saltem frequentémus obsequiis. Per Dóminum.

Ad Horas Psalmi de Dominica, ad Primam tamen ut in Festis.

AD TERTIAM

Capit. 2 Cor. 10, 17-18

FRatres : Qui gloriátur, in Dómino gloriétur. Non enim qui seípsum comméndat, ille probátus est; sed quem Deus coméndat.

℟. br. Spécie tua * Et pulchritúdine tua. Spécie. ℣. Inténde, prospere procede, et regna. Et. Glória Patri. Spécie. ℣. Adjuvábít eam Deus vultu suo. ℟. Deus in médio ejus, non commovébitur.

Tempore Paschali

℟. br. Spécie tua et pulchritúdine tua, * Allelúja, allelúja. Spécie. ℣. Inténde, prospere procéde, et regna. Allelúja, allelúja. Glória Patri. Spécie.

℣. Adjuvábít eam Deus vultu suo, allelúja. ℟. Deus in médio ejus, non commovébitur, allelúja.

AD SEXTAM

Capitulum 2 Cor. 11, 2

ÆMulor enim vos Dei æmulatióne. Despón-di enim vos uni viro virginem castam exhibére Christo.

℟. br. Adjuvábít eam * Deus vultu suo. Adjuvábít. ℣. Deus in médio ejus, non commovébitur. Deus vultu suo. Glória Patri. Adjuvábít. ℣. Elégít eam Deus, et præelégít eam. ℟. In tabernáculo suo habitáre facit eam.

Tempore Paschali

℟. br. Adjuvábít eam Deus vultu suo, * Allelúja, allelúja. Adjuvábít. ℣. Deus in médio ejus, non commovébitur. Allelúja, allelúja. Glória Patri. Adjuvábít. ℣. Elégít eam Deus, et præelégít eam, allelúja. ℟. In tabernáculo suo habitáre facit eam, allelúja.

AD NONAM

Pro Virgine Martyre

Capit. Eccli. 51, 13-14

Domine, Deus meus, exaltásti super terram habitatióne meam, et pro morte defluente deprecáta sum. Invocávi Dóminum, Patrem Dómini mei, ut non derelinquat me in die tribulatiónis meæ, et in tēpore superbórum sine adjutório.

Pro Virgine non Martyre

Capitulum Sap. 4, 1

O Quam pulchra est casta generatio cum claritate! immortalis est enim memoria illius : quóniam

apud Deum nota est, et apud homines.

℟. br. Elégit eam Deus * Et præelégit eam. Elégit. ℣. In tabernáculo suo habitare facit eam. Et. Glória Patri. Elégit.

℣. Diffusa est grátia in lábiis tuis. ℟. Propterea benedixit te Deus in ætérnum.

Tempore Paschali

℟. br. Elégit eam Deus, et præelégit eam, * Allelúja, allelúja. Elégit. ℣. In tabernáculo suo habitare facit eam. Allelúja, allelúja. Glória Patri. Elégit.

℣. Diffusa est grátia in lábiis tuis, allelúja. ℟. Propterea benedixit te Deus in ætérnum, allelúja.

IN II VESPERIS

Omnia ut in I Vesperis [129], præter

℣. Diffusa est grátia in lábiis tuis. (T. P. Allelúja.)

℟. Propterea benedixit te Deus in ætérnum. (T. P. Allelúja.)

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum. (T. P. Allelúja.)

Si fuerint plures Virgines Martyres, Versus, Antiphona ad Magnificat et Oratio ut supra. [130] vel [143]

Completorium de Dominica.

II ALIÆ LECTIONES pro Virginibus

Pro Virgine Martyre, Lectiones I Nocturni dicuntur etiam ut infra :

De libro Ecclesiástici

Lectio i Cap. 51, 1-17



Onfitébor tibi, Dómine, Rex, et collaudábo te Deum, Salvatórem meum. Confitébor nómini tuo : quóniam adjutor et protector factus es mihi, et liberásti corpus meum a perditíone, a láqueo linguæ iniquæ et a lábiis operántium mendácium, et in conspéctu astántium factus es mihi adjutor. Et liberásti me secúndum multitudinem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de portis tribulatiónum, quæ circumdedérunt me : a pressúra flammæ, quæ circumdedit me, et in médio ignis non sum æstuáta : de altitúdine ventris inferi, et a lingua coinquináta, et a verbo mendácii, a rege iniquo, et a lingua injústa.

℟. Veni, Sponsa Christi, áccipe corónam, quam tibi Dóminus præparávit in ætérnum ; pro cujus amóre ságuinem tuum fudísti,

* Et cum Angelis in paradísu introísti. (T. P. Allelúja.) *℟*. Veni, elécta mea, et ponam in te thronum meum; quia concupívit Rex spéciem tuam. — Et cum Angelis.

Lectio ii

Laudábit usque ad mortem ánima mea Dóminum, et vita mea appropínquans erat in inférno deórsum. Circumdedérunt me úndique, et non erat qui adjuváret. Respiciens eram ad adiutórium hóminum, et non erat. Memoráta sum misericórdiæ tuæ, Dómine, et operatiónis tuæ, quæ a sáculo sunt: quóniam éruis sustinéntes te, Dómine, et liberas eos de mánibus géntium.

℟. Diffúsa est grátia in lábiis tuis, * Proptérea benedíxit te Deus in ætérnum. (T. P. Allelúja.)

℟. Spécie tua et pulchritúdine tua inténde, prospere procéde, et regna. — Proptérea.

Lectio iii

Exaltásti super terram habitatiónem meam, et pro morte defluente deprecáta sum. Invocávi Dóminum, Patrem Dómini mei, ut non derelínquat me in die tribulatiónis meæ, et in témpore superbórum sine adiutório. Laudábo

nomen tuum assidue, et collaudábo illud in confessiône, et exaudíta est orátio mea. Et liberásti me de perditiónē, et eripuísti me de témpore iníquo. Proptérea confitébor, et laudem dicam tibi, et benedícam nómini Dómini.

℟. Spécie tua et pulchritúdine tua * Inténde, prospere procéde, et regna. (T. P. Allelúja.) *℟*. Diffúsa est grátia in lábiis tuis, proptérea benedíxit te Deus in ætérnum. — Inténde. Glória Patri. Inténde.

Pro Virgine Martyre et non Martyre leguntur etiam sequentes :

In II Nocturno

Ex libro sancti Cypriáni, Epíscopi et Mártiris, de disciplína et hábitu Virginum Num. 3-5

Lectio iv



Unc nobis ad vírgines sermo est; quarum quo sublimior glória est, major et cura est. Flos est ille ecclesiástici gérmis, decus atque ornaméntum grátiae spiritalis, læta índoles, laudis et honóris opus íntegrum atque incorruptum, Dei imágo respóndens ad sanctimóniam Dómini, illústrior pórtio gregis

Christi. Gaudet per illas atque in illis lárgiter floret Ecclésiæ matris gloriósa fecúnditas; quantóque plus copiósa virgíntas número suo addit, tanto plus gáudium matris augéscit. Ad has lóquimur, has adhortámur affectióne pótius quam potestáte; non quod extrémí et mínimi, et humilitátis nostræ ádmódu[m] cónscii, áliquid ad censúram licéntiæ vindicémus, sed quod ad sollicitúdinem magis cauti, plus de diáboli infestatióne timeámus.

℟. Propter veritatem, et mansuetudinem, et justitiam : * Et dedúcet te mirabíliter délixtera tua. (T. P. Allelúja.) ℣. Spécie tua et pulchritúdi[n]e tua inténde, prósper[e] procéde, et regna. — Et.

Lectio v

Nequ[e] inánis hæc cáutio est et vana formído, quæ ad salutis viam cónsulit, quæ Domínica et vitália præcépta custódit, ut, quæ se Christo dicáverint, et a carnáli concupiscéntia recedéntes, tam carne quam mente se Deo vóverint, consúmment opus suum magno præmio destinátum; nec ornári jam aut placére cuiquam, nisi Dómino suo, stúdeant, a quo et mercédem virginitátis expéctant, dicente

ipso : Non omnes cápiunt verbum, sed illi quibus datum est. Sunt enim spadónes, qui ex útero matris sic nati sunt; et sunt spadónes, qui coácti sunt ab homínibus; et sunt spadónes, qui seípsos castravérunt propter regnum cælórum.

℟. Dilexísti justítiam, et odísti iniquitatem : * Proptérea unxit te Deus, Deus tuus, óleo lætítiæ. (T. P. Allelúja.) ℣. Propter veritatem, et mansuetudinem, et justítiam. — Proptérea.

Lectio vi

DEnuo quoque per hanc Angeli vocem continéntiæ munus osténditur, virgíntas prædicátur : Hi sunt, qui cum muliéribus se non coinquinavérunt; vírgines enim permansérunt : hi sunt qui sequúntur Agnum quocúmque ierit. Neque enim tantum másculis continéntiæ grátiam Dóminus repromittit, et féminas præterit; sed, quóniam fémina viri pórtio est et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémina. Quod si Christum continéntia séquitur, et regno Dei virgíntas destinátur; quid est

illis cum terréno cultu et cum ornámentis, quibus, dum homínibus placére géstiunt, Deum offéndunt?

℟. Afferéntur Regi vírgines post eam, próximæ ejus * Afferéntur tibi in lætítia et exsultatíone. (T. P. Allelúja.) ℣. Spécie tua et pulchritúdine tua inténde, prospere procéde, et regna. — Afferéntur. Glória Patri. Afferéntur.

In III Nocturno Homilia in Evangelium Símile est regnum cælórum thesáuro, ut infra in Comuni non Virginum [154], cum Responsorii pro Virgine ibi notatis.

III ALIA HOMILIA

Léctio sancti Evangélii
secúndum Matthæum

Lectio vii Cap. 19, 3-12

IN illo témpore : Accessérunt ad Jesum pharisæi, tentántes eum et dicéntes : Si licet hómini dimíttre uxórem suam quacúmque ex causa? Et réliqua.

Homilia sancti Joánnis
Chrysóstomi

Homilia 63 in Matth.,
sub medium

Dominus noster, quia ad virginitátem hortári grave esse videbátur, a necessitaté legis de non solvéndo ma-

trimónio, eos ad cupiditátem illíus tráhere studet. Deínde, ut eam esse possíbilem osténdat, sic inquit : Sunt eunúchi qui ex ventre matris ita nati sunt, et sunt qui ab homínibus eunúchi facti sunt, et sunt qui seípsos castravérunt propter regnum cælórum. Quibus verbis laténter eos ad eligéndam virginitátem indúcit, dum eam virtútem esse possíbilem ástruit.

℟. Hæc est Virgo sapiens, quam Dóminus vigilántem invénit, quæ accéptis lampádibus sumpsit secum óleum : * Et veniénte Dómino, introívit cum eo ad núptias. (T. P. Allelúja.) ℣. Média nocte clamor factus est : Ecce sponsus venit, exíte óbviám ei. — Et.

Lectio viii

ID autem hoc fere modo confirmat : Cógita tecum, si aut a natúra talis esses, aut ab homínibus eam injúriam passus, quid fáceres, cum et ejúsmodi voluptáte caréres, et nullam, caréndo, mercédem consequeréris? Grátias igitur nunc Deo agas, quod cum mercéde atque corónis idem sústines, quod illi sine corónis ac præmio tólerant. Immo vero non idem, sed multo lévius; tum quia

spe erigeris et consciéntia recte facti, tum quia non ita ingéntibus concupiscéntiæ flúctibus jactáris.

℟. Média nocte clamor factus est : * Ecce sponsus venit, exíte óbviám ei. (T. P. Allelúja.) ℣. Prudentes vírgines, aptáte vestras lámpades. — Ecce. Glória Patri. Ecce.

Lectio ix

CUM ergo de illis eunúchis díxerit, qui, nisi étiam ipsi mente se conti-

neant, frustra et inutiliter tales sunt, ac de illis, qui, ut regnum cælórum consequántur, secóntinent; subjúnxit rursus, dicens : Qui potest cápere, cápiat; ut alacrióres efficiat eo ipso, quod grave esse opus osténdit, et ineffábili benignitáte sua nóluit eam rem intra necessitátem legis conclúdere. Idque dicéndo, adhuc magis possíbilem esse demónstrat, ut voluntátis stúdiúm plus augeátur. Te Deum.

Commune non Virginum

IN I VESPERIS

Ant. 1 Dum esset Rex * in accúbitu suo, nardus mea dedit odórem suavitátis. (T. P. Allelúja.)

Psalmi ut in Communi Festorum B. Mariæ Virg.

2 In odórem * unguentórum tuórum cúrrimus : adolescéntulæ dilexérunt te nimis. (T. P. Allelúja.)

3 Jam hiems tránsiit, * imber ábiit et recéssit : surge, amíca mea, et veni. (T. P. Allelúja.)

4 Veni, elécta mea, * et ponam in te thronum meum. (T. P. Allelúja.)

5 Ista est speciósa * inter fílias Jerúsalem. (T. P. Allelúja.)

Pro Martyre tantum

Capitulum Eccli. 51, 1-3

CONFITEBOR tibi, Dómine, Rex, et collaudábo te Deum, Salvatórem meum. Confitebor nómini tuo : quóniam adjútor et protéctor factus es mihi, et liberásti corpus meum a perditíone.

Pro nec Virg. nec Martyre Capit. Prov. 31, 10-11

MULIEREM fortem quis invéniet? Procul et de últimis finibus prétium

ejus. Confidit in ea cor viri sui, et spóliis non indigébit.

Hymnus

Fortem virili pectore
Laudémus omnes fé-
minam,
Quæ sanctitátis glória
Ubique fulget inclita.

Hæc sancto amóre sáucia,
Dum mundi amórem nó-
xium

Horréscit, ad cæléstia
Iter perégit árduum.

Carnem domans jejúniis,
Dulcíque mentem pábulo
Oratiónis nútriens,
Cæli potítur gáudiis.

Rex Christe, virtus fór-
tium,

Qui magna solus éfficis,
Hujus precátu, quæsumus,
Audi benígnus súplices.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

℣. Spécie tua et pulchri-
túdine tua. (T. P. Alle-
lúja.) ℟. Inténde, prospere
procéde, et regna. (T. P.
Allelúja.)

Ad Magnif. Ant. Símile
est regnum cælorum * hó-
mini negotiátóri quærénti
bonas margarítas : invénta
una pretiósá, dedit ómnia
sua, et comparávit eam.
(T. P. Allelúja.)

In II Vesperis

℣. Diffúsa est grátia in
lábiis tuis. (T. P. Allelúja.)

℟. Proptérea benedíxit te
Deus in ætérnum. (T. P.
Allelúja.)

Ad Magnif. Ant. Manum
suam * apéruiť inopi, et
palmas suas exténdit ad
páuperem, et panem otíósá
non comédit. (T. P. Alle-
lúja.)

Pro Martyre tantum

1 — Oratio

Deus, qui inter cétera
poténtiæ tuæ mirá-
cula étiam in sexu frágili
victóriam martýrii contu-
listi : concéde propítius;
ut, qui beátæ **N.** Mátyris
tuæ natalítia cólimus, per
ejus ad te exémpa gradiámur.
Per Dóminum.

Pro nec Virgine nec Mart.

2 — Oratio

Exáudi nos, Deus, salu-
táris noster : ut, sicut
de beátæ **N.** festivitáte
gaudémus; ita piæ devo-
tiónis erudiámur afféctu.
Per Dóminum.

**Si fuerint plures Martyres
non Virgines, in utrisque
Vesperis Versus, Ant. ad
Magnificat et Oratio, ut se-
quitur :**

℣. Glória et honóre coro-
násti eas, Dómine. (T. P.
Allelúja.) ℟. Et constituí-
sti eas super ópera má-

num tuarum. (T. P. Allelúja.)

Ad Magnif. Ant. Istarum est enim * regnum celorum, quæ contempsérunt vitam mundi, et pervenerunt ad præmia regni, et laverunt stolas suas in sanguine Agni. (T. P. Allelúja.)

3 — Oratio

DA nobis, quæsumus, Dómine, Deus noster, sanctarum Mátyrum tuarum N. et N. palmas incessabili devotíone venerári : ut, quas digna mente non possumus celebráre; humilibus saltem frequentemus obséquiiis. Per Dóminum.

Completorium de Dominica.

AD MATUTINUM

Invitat. Laudemus Deum nostrum * In confessióne beatæ N. (T. P. Allelúja.)

Si fuerint plures non Virg. :

Invitat. Laudemus Deum nostrum * In confessióne beatarum N. et N. (T. P. Allelúja.) **Ps. 94** Veníte, exsultemus.

Hymnus

Hujus orátu, Deus alme, nobis
Débitas pœnas scelerum remitte;
Ut tibi puro resonemus alnum
Pectore carmen.

Sit decus Patri, genitæque Proli,

Et tibi, compar utriusque virtus,

Spiritus semper, Deus unus, omni

Témporis ævo. Amen.

Añæ, Psalmi et Versus trium Nocturnorum dicuntur ut in Communi Virginum [131] excepta secunda Ant. I Nocturni cujus loco dicitur Ant. Læva ejus, ut ibi notatur.

In I Nocturno

Pro Martyre tantum Lectio- nes Confitebor, ut in Communi Virginum 2 loco cum suis Responsoriis. [145]

Pro nec Virgine nec Mart. ut sequuntur :

De Parábolis Salomónis

Lectio i Cap. 31, 10-31



Mulierem fortem quis invéniet? Procul et de últimis fínibus prætium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surrexit, deditque prædam domésticis suis, et cibária ancillis suis. Considerávit agrum, et emit eum; de fructu mánuum suárum plantávit véneam. Accínxit fortitú-

dine lumbos suos, et roborávit bráchium suum.

℟. Veni, elécta mea, et ponam in te thronum meum; * Quia concupívit Rex spéciem tuam. (T. P. Allelúja.) ℣. Spécie tua et pulchritúdine tua inténde, prospere procéde, et regna. — Quia.

Benedictio Unigenitus Dei.

Lectio ii

Gustávit, et vidit quia bona est negotiatio ejus : non exstinguétur in nocte lucérna ejus. Manum suam misit ad fórtia, et dígiti ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suæ a frigóribus nivis : omnes enim doméstici ejus vestíti sunt duplicibus. Stragulátam vestem fecit sibi : byssus et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit et véndidit, et cingulum trádidit Chananéó.

℟. Diffúsa est grátia in lábiis tuis : * Proptérea benedíxit te Deus in ætérnum. (T. P. Allelúja.) ℣. Spécie tua et pulchritúdine tua inténde, prospere procéde, et regna. — Proptérea.

Benedictio Spíritus Sancti.

Lectio iii

Fortitúdo et decor indumentum ejus, et ridébit in die novíssimo. Os suum apéruit sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt : vir ejus, et laudávit eam. Multæ filiæ congregavérunt divítias : tu supergréssa es univérsas. Fallax grátia, et vana est pulchritúdo : múlter timens Dóminum, ipsa laudábitur. Date ei de fructu mánuum suárum, et laudent eam in portis ópera ejus.

℟. Spécie tua et pulchritúdine tua * Inténde, prospere procéde, et regna. (T. P. Allelúja.) ℣. Diffúsa est grátia in lábiis tuis, proptérea benedíxit te Deus in ætérnum. — Inténde. Glória Patri. Inténde.

In II Nocturno

Ex libro sancti Ambrósii
Epíscopi de Víduis

Prope finem

Lectio iv



Grum hunc Ecclésiæ fértilem cerno, nunc integritátis flore vernántem, nunc vidualitátis gravitate polléntem, nunc étiam conjúgii

fructibus redundantem. Nam etsi diversi, unius tamen agri fructus sunt : nec tanta hortorum lilia, quantæ aristæ segetum, messium spicæ; compluriumque spatia camporum recipiendis aptantur seminibus, quam redditis novales fructibus feriuntur. Bona ergo viduitas, quæ toties apostolico iudicio prædicatur. Hæc enim magistra fidei, magistra est castitatis.

R. Propter veritatem, et mansuetudinem, et justitiam : * Et deducet te mirabiliter dextera tua. (T. P. Allelúja.) **V.** Spécie tua et pulchritudine tua intende, prospere procede, et regna. — Et.

Bened. Christus perpétuæ.

Lectio v

UNde et illi, qui deorum suorum adultéria et probra venerantur, cælibatus et viduitatis statuere pœnas, ut æmuli criminum mulctarent studia virtutum, specie quidem, qua fecunditatem quærerent, sed studio, quo propositum castitatis abolerent. Nam confectis et miles stipendiis arma depõnit, et relicto officio quod gerèbat, ad propria veteranus rura dimittitur, ut et ipse exercitæ laboribus vitæ requiem consequatur et

alios spes futuræ quietis subeundis faciat operibus promptiores. Agricola quoque maturior torquendam aliis stivam committit, et, juvenili gravatus opere, providentiam curæ senilis explorat : vitem facilius tondere quam premere, ut juvenescentem luxuriam reprimat, et adolescentem lasciviam falce succidat; parcorum quamdam partium castitatem docens etiam in vitibus expetendam.

R. Dilexisti justitiam, et odisti iniquitatem : * Propterea unxit te Deus, Deus tuus, oleo lætitiæ. (T. P. Allelúja.) **V.** Propter veritatem, et mansuetudinem, et justitiam. — Propterea.

Bened. Ignem sui amoris.

Lectio vi

SIMILIS huic vidua, velut emeritis veterana stipendiis castitatis, et si conjugii arma depõnat, domus tamen totius pacem gubernat; et si vehendis oneribus otiosa, maritandis tamen junioribus provida, ubi cultus utilior, ubi fructus uberior sit, quarum copulam aptiorem senili gravitate disponit. Itaque si maturioribus quam junioribus committitur ager, cur putes utiliorem nuptam esse quam

viduam? Quod si persecutores fidei persecutores fuerunt etiam viduitatis, utique fidem sequentibus viduitas non pro supplicio fugienda est, sed tenenda pro praemio.

R. Fallax gratia, et vana est pulchritudo : * Mulier timens Deum, ipsa laudabitur. (T. P. Allelúja.)

V. Date ei de fructu manuum suarum et laudent eam in portis opera ejus. — Mulier. Glória Patri. Mulier.

In III Nocturno

Absolutio A vinculis.

Bened. Evangélica lectio.

Lectio sancti Evangelii secundum Matthaeum

Lectio vii Cap. 13, 44-52

IN illo tempore : Dixit Jesus discipulis suis parabolam hanc : Simile est regnum caelorum thesauro abscondito in agro. Et reliqua.

Homilia sancti Gregorii
Papae

Homilia 11 in Evang.



Caelorum regnum, fratres carissimi, idcirco terrenis rebus simile dicitur, ut ex his, quae animus novit, surgat ad incognita, quae non novit : quatenus exemplo visibilium se ad invisibilia rapiat, et per ea, quae usu

didicit, quasi confrictus incalcescat; ut per hoc, quod scit notum diligere, discat et incognita amare. Ecce enim caelorum regnum thesauro abscondito in agro comparatur; quem, qui invenit homo, abscondit, et pro gaudio illius vadit, et vendit universa quae habet, et emit agrum illum.

Pro non Virgine

R. Os suum aperuit sapientiae, et lex clementiae in lingua ejus : consideravit semitas domus suae, * Et panem otiosa non comedit. (T. P. Allelúja.)

V. Gustavit et vidit quia bona est negotiatio ejus : non exstinguetur in nocte lucerna ejus. — Et.

Pro Virgine

R. Haec est Virgo sapiens, quam Dominus vigilantem invenit, quae acceptis lampadibus sumpsit secum oleum : * Et veniente Domino, introivit cum eo ad nuptias. (T. P. Allelúja.) **V.** Media nocte clamor factus est : Ecce sponsus venit, exite obviam ei. — Et.

Bened. Cujus vel Quarum festum colimus.

Lectio viii

QUA in re hoc quoque notandum est, quod inventus thesaurus abs-

cónditur, ut servétur : quia stúdiu[m] cæléstis desidérii a malignis spirítibus custodíre non sùfficit, qui hoc ab humánis láudibus non abscondit. In præsénti étenim vita quasi in via sumus, qua ad pátriam pérgimus. Maligni autem spíritus iter nostrum quasi quidam latrúnculi óbsident. Deprædári ergo desiderat, qui thesáurum públice portat in via. Hoc autem dico, non ut próximi ópera nostra bona non vídeant, cum scriptum sit : Vídeant ópera vestra bona, et gloríficent Patrem vestrum, qui in cælis est; sed ut per hoc, quod ágimus, laudes extérius non quæramus. Sic autem sit opus in público, quátenus inténtio máneat in occúlto : ut et de bono ópere próximis præbeámus exéplum, et tamen per intentió[n]em, qua Deo soli placére quærimus, semper optémus secrétum.

Pro non Virgine

℟. Regnum mundi et omnem ornátum sáculi contémpsi, propter amórem Dómini mei Jesu Christi : * Quem vidi, quem amávi, in quem crédidi, quem diléxi. (T. P. Allelúja.) ✠. Eructávit cor meum verbum bonum : dico ego ópera mea Regi.

— Quem. Glória Patri. Quem.

Pro Virgine

℟. Média nocte clamor factus est : * Ecce sponsus venit, exíte óbviám ei. (T. P. Allelúja.) ✠. Prudentes vírgines, aptáte vestras lámpades. — Ecce. Glória Patri. Ecce.

Bened. Ad societátem.

Lectio ix

Thesáurus autem cæléste est desidérium; ager vero, in quo thesáurus absconditur, disciplína stúdií cæléstis. Quem profecto agrum, vénditis ómnibus, cómparat, qui, voluptátibus carnis renúntians, cuncta sua terréna desidéria per disciplínæ cæléstis custódiám calcat : ut nihil jam, quod caro blanditur, líbeat; nihil, quod carnálem vitam trucidat, spíritus perhorréscat. Te Deum laudámus.

AD LAUDES

Añæ 1 Dum esset Rex * in accúbitu suo, nardus mea dedit odórem suavitátis. (T. P. Allelúja.)

Psalmi de Dominica 1 loco.

2 In odórem * unguentórum tuórum cúrrimus : adolescentulæ dilexérunt te nimis. (T. P. Allelúja.)

3 Jam hiems tránsiit, * imber ábiit et recéssit :

surge, amíca mea, et veni.

(T. P. Allelúja.)

4 Veni, elécta mea, * et ponam in te thronum meum. (T. P. Allelúja.)

5 Ista est speciósá * inter filias Jerúsalem. (T. P. Allelúja.)

Pro Martyre tantum

Capitulum Eccli. 51, 1-3

Confitébor tibi, Dómine, Rex, et collaudábo te Deum, Salvatórem meum. Confitébor nómini tuo : quóniam adjutor et protector factus es mihi, et liberásti corpus meum a perditíone.

Pro nec Virgine nec Mart.

Capit. Prov. 31, 10-11

Mulierem fortem quis invéniet? Procul et de últimis finibus pretium ejus. Confidit in ea cor viri sui, et spóliis non indigébit.

Hymnus

Fortem viríli pectore Laudémus omnes féminam,

Quæ sanctitátis glória Ubíque fulget inclita.

Hæc sancto amóre sáucia, Dum mundi amórem nóxium

Horréscit, ad cæléstia Iter perégit árduum.

Carnem domans jejúniis, Dulcíque mentem pábulo

Oratiónis nútriens, Cæli potitur gáudiis.

Rex Christe, virtus fórtium,

Qui magna solus éfficis, Hujus precátu, quæsumus,

Audi benígnus súpplíces.

* Deo Patri sit glória,

Ejúsque soli Fílio, Cum Spíritu Paráclito, Nunc et per omne sæculum. Amen.

℣. Diffúsa est grátia in lábiis tuis. (T. P. Allelúja.)

℟. Proptérea benedíxit te Deus in ætérnum. (T. P. Allelúja.)

Ad Bened. Ant. Date ei * de fructu mánuum suárum, et laudent eam in portis ópera ejus. (T. P. Allelúja.)

Pro Martyre tantum

1 — Oratio

Deus, qui inter cétera poténtiæ tuæ mirácula étiam in sexu frágili victóriam martýrii contulísti : concéde propítius; ut, qui beátæ N. Mártiris tuæ natalítia cólimus, per ejus ad te exémpla gradiámur. Per Dóminum.

Pro nec Virgine nec Mart.

2 — Oratio

Exáudi nos, Deus, salutaris noster : ut, sicut de beátæ N. festivitáte gaudémus; ita piæ devo-

tionis erudiámur afféctu.
Per Dóminum.

*Si fuerint plures Martyres
non Virgines :*

✠. Glória et honóre coronásti eas, Dómine. (T. P. Allelúja.) ✠. Et constituísti eas super ópera mánuum tuárum. (T. P. Allelúja.)

Ad Bened. Ant. Istárum est enim * regnum cælórum, quæ contempsérunt vitam mundi, et pervenerunt ad præmia regni, et lavérunt stolas suas in ságuine Agni. (T. P. Allelúja.)

3 — Oratio

DA nobis, quæsumus, Dómine, Deus noster, sanctárum Mártyrum tuárum *N. et N.* palmas incessábili devotióne venerári : ut, quas digna mente non pòssumus celebráre; humilibus saltem frequentémus obséquiiis. Per Dóminum.

Ad Horas Psalmi de Dominica, ad Primam tamen ut in Festis.

AD TERTIAM

Pro Martyre tantum

Capit. Confitébor. [156]

Pro nec Virgine nec Mart.

Capit. Mulierem. [156]

✠. br. Spécie tua * Et pulchritúdine tua. Spécie. ✠. Inténde, prospere pro-

céde, et regna. Et. Glória Patri. Spécie. ✠. Adjuvábít eam Deus vultu suo. ✠. Deus in médio ejus, non commovébitur.

Tempore Paschali

✠. br. Spécie tua et pulchritúdine tua, * Allelúja, allelúja. Spécie. ✠. Inténde, prospere procéde, et regna. Allelúja, allelúja. Glória Patri. Spécie. ✠. Adjuvábít eam Deus vultu suo, allelúja. ✠. Deus in médio ejus, non commovébitur, allelúja.

AD SEXTAM

Pro Martyre tantum

Capitulum Eccli. 51, 4-5

Liberásti me secúndum multitudínem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de multis tribulatióibus quæ circumdedérunt me.

Pro nec Virgine nec Mart.

Capit. Prov. 31, 20-21

Manum suam apéruit ínopi, et palmas suas exténdit ad páuperem. Non timébit dómui suæ a frigóribus nivis.

✠. br. Adjuvábít eam * Deus vultu suo. Adjuvábít. ✠. Deus in médio ejus, non commovébitur. Deus vultu suo. Glória Patri. Adjuvábít. ✠. Elégit eam

Deus, et præelégit eam.

℟. In tabernáculo suo habitare facit eam.

Tempore Paschali

℟. br. Adjuvabit eam Deus vultu suo, * Allelúja, allelúja. Adjuvabit. ℣. Deus in médio ejus, non commovébitur. Allelúja, allelúja. Glória Patri. Adjuvabit. ℣. Elégit eam Deus, et præelégit eam, allelúja. ℟. In tabernáculo suo habitare facit eam, allelúja.

AD NONAM

Pro Martyre tantum

Capit. Eccli. 51, 8 et 12

Laudabit usque ad mortem ánima mea Dóminum, quóniam éruis sustinéntes te, et líberas eos de manu angústiae, Dómine, Deus noster.

Pro nec Virgine nec Mart.

Capit. Prov. 31, 29-30

Multæ filiae congregaverunt divítias : tu supergréssa es univérsas. Fallax grátia, et vana est pulchritúdo : múlter timens Dóminum, ipsa laudábitur.

℟. br. Elégit eam Deus, * Et præelégit eam. Elégit.

℣. In tabernáculo suo habitare facit eam. Et. Glória Patri. Elégit. ℣. Diffúsa est grátia in lábiis tuis.

℟. Proptérea benedíxit te Deus in ætérnum.

Tempore Paschali

℟. br. Elégit eam Deus, et præelégit eam, * Allelúja, allelúja. Elégit. ℣. In tabernáculo suo habitare facit eam. Allelúja, allelúja. Glória Patri. Elégit. ℣. Diffúsa est grátia in lábiis tuis, allelúja. ℟. Proptérea benedíxit te Deus in ætérnum, allelúja.

IN II VESPERIS

Omnia ut in I Vesperis [149], præter

℣. Diffúsa est grátia in lábiis tuis. (T. P. Allelúja.)

℟. Proptérea benedíxit te Deus in ætérnum. (T. P. Allelúja.)

Ad Magnif. Ant. Manum suam * apérui inopi, et palmas suas exténdit ad páuperem, et panem otíosa non comédit. (T. P. Allelúja.)

Si fuerint plures Martyres non Virgines, Versus, Antiphona ad Magnificat et Oratio ut supra. [150] vel [157]

Completorium de Dominica.

II ALIÆ LECTIONES pro Martyre tantum

In II Nocturno

Sermo sancti Joánnis
Chrysóstomi

Sermo 67 de diversis
novi Testamenti locis

Lectio iv



GO máxime commemorationes diligo Mátyrum, diligo et ampléctor; atque omnes quidem, sed tum præcipue, cum mulierum certamina proponuntur. Quanto enim infirmius est vas, tanto major est grátia, tanto illústrius est trophæum, tanto insígnior est victória, non ob imbecillitatem sexus athletarum, sed quod per ea, quibus vícerat inimícus, nunc étiam vincátur.

℟. Propter veritatem, et mansuetudinem, et justitiam : * Et dedúcet te mirabíliter dextera tua. (T. P. Allelúja.) ℣. Spécie tua et pulchritúdine tua inténde, prospere procéde, et regna. — Et.

Lectio v

PER mulierem vicit, per mulierem superátus est. Hoc illíus ántea telum erat, hoc illíus nunc cædis factum est instruméntum, hoc vas appáruit insuperábile. Peccávit illa prior, et mórtua est : ista mórtua est, ne peccáret. Illa, tum fútilis promíssi spe infláta, Dei leges violávit : hæc vitam præsentem contempnit, ne fidem in suum benefactórem ejuráret. Quam igitur deinceps speráre póterunt excusatióne viri,

si molles sint et ignávi; quam vero véniam, cum fórtiter ac viríliter se gerant mulieres, cum ádeo se generóse ad certamina pietátis accíngant?

℟. Dilexísti justítiam, et odísti iniquitatem : * Propterea unxit te Deus, Deus tuus, óleo lætítiæ. (T. P. Allelúja.) ℣. Propter veritatem, et mansuetudinem, et justítiam. — Propterea.

Lectio vi

FUIT illi corpus imbecillum, et obnoxius sexus injúriæ; verúmtamen ómnium horum imbecillitatem advéniens grátia occultávit. Nihil enim est, nihil plane poténtius est eo, qui magno cum stúdio Dei timórem hábeat in mente defíxum; sed quamvis ignes, quamvis ferum, quamvis béstias, quamvis áliud quidvis minéntur hostes, ómnia nullo negótio contémnit; quod útique Beáta ista étiam fecit.

℟. Fallax grátia, et vana est pulchritúdo : * Múlier timens Deum, ipsa laudábitur. (T. P. Allelúja.) ℣. Date ei de fructu mánuum suárum, et laudent eam in portis ópera ejus. — Múlier. Glória Patri. Múlier timens Deum, ipsa laudábitur.

Commune **D**edicationis **E**cclésiæ

IN I VESPERIS

Ant. Domum tuam, Dómine, * decet sanctitúdo in longitudínem diérum.
(T. P. Allelúja.)

Psalmus 109

Ixit Dóminus Dómino meo : * Sede a dextris meis :

Donec ponam inimicos tuos, * scabéllum pedum tuórum.

Virgam virtútis tuæ emittet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante lucíferum genui te.

Jurávit Dóminus, et non pænitébit eum : * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas : * conquassábit cápita in terra multórum.

De torrénite in via bibet : * proptérea exaltábit caput.

Ant. Domum tuam, Dómine, decet sanctitúdo in longitudínem diérum.
(T. P. Allelúja.)

Ant. Domus mea * domus oratiónis vocábitur.
(T. P. Allelúja.)

Psalmus 110

Confitebor tibi, Dómine, in toto corde meo : * in consilio justórum, et congregatióne.

Magna ópera Dómini : * exquisíta in omnes voluntates ejus.

Conféssio et magnificéntia opus ejus : * et justítia ejus manet in sáeculum sáeculi.

Memóriam fecit mirábiliū suórum, miséricors et miserátor Dóminus : * escam dedit timéntibus se.

Memor erit in sáeculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et judícium.

Fidélia ómnia mandáta ejus : confirmáta in sáeculum sáeculi, * facta in veritáte et æquitáte.

Redemptiónem misit pópulo suo : * mandávit in ætérnum testaméntum suum.

Sanctum, et terríbile nomen ejus : * iníitium sapiéntiæ timor Dómini.

Intelléctus bonus ómnibus faciéntibus eum : *

laudatio ejus manet in sæculum sæculi.

Ant. Domus mea domus orationis vocabitur. (T. P. Allelúja.)

Ant. Hæc est domus Dómini * firmiter ædificata, bene fundata est supra firmam petram. (T. P. Allelúja.)

Psalmus 111

BEatus vir, qui timet Dóminum : * in mandatis ejus volet nimis.

Potens in terra erit semen ejus : * generatio rectórum benedicetur.

Glória, et divitiæ in domo ejus : * et justitia ejus manet in sæculum sæculi.

Exortum est in tenebris lumen rectis : * miséricors, et miserátor, et justus.

Jucundus homo qui miseretur et commodat, dispónet sermones suos in judicio : * quia in ætérnum non commovébitur.

In memoria æterna erit justus : * ab auditióne mala non timébit.

Paratum cor ejus sperare in Dómino, confirmatum est cor ejus : * non commovébitur donec despiciat inimicos suos.

Dispérsit, dedit pauperibus : justitia ejus manet in sæculum sæculi, * cornu ejus exaltábitur in glória.

Peccátor vidébit, et irascetur, dentibus suis fre-

met et tabescet : * desiderium peccatórum peribit.

Ant. Hæc est domus Dómini firmiter ædificata, bene fundata est supra firmam petram. (T. P. Allelúja.)

Ant. Bene fundata est * domus Dómini supra firmam petram. (T. P. Allelúja.)

Psalmus 112

LAudate, púeri, Dóminum : * laudate nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad occasum, * laudabile nomen Dómini.

Excelsus super omnes gentes Dóminus, * et super cælos glória ejus.

Quis sicut Dóminus, Deus noster, qui in altis hábitat, * et humília respicit in cælo et in terra?

Súscitans a terra inopem, * et de stercore érigens páuperem :

Ut collocet eum cum principibus, * cum principibus pópuli sui.

Qui habitare facit stérilem in domo, * matrem filiórum lætántem.

Ant. Bene fundata est domus Dómini supra firmam petram. (T. P. Allelúja.)

Ant. Lápides pretiósí * omnes muri tui, et turre

Jerúsalem gemmis ædificabúntur. (T. P. Allelúja.)

Psalmus 147

LAuda, Jerúsalem, Dóminum : * lauda Deum tuum, Sion.

Quóniam confortávit seras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébit?

Emíttet verbum suum, et liquefaciet ea : * flabit spíritus ejus, et fluent aquæ.

Qui annúntiat verbum suum Jacob : * justítias, et judícia sua Israël.

Non fecit táliter omni nátióni : * et judícia sua non manifestávit eis.

Ant. Lápides pretiósí omnes muri tui, et tures Jerúsalem gemmis ædificabúntur. (T. P. Allelúja.)

Capitulum Apoc. 21, 2

VIdi civitátem sanctam, Jerúsalem novam, descendéntem de cælo a Deo, parátam sicut sponsam ornátam viro suo.

Hymnus

CÆléstis urbs Jerúsalem, Beáta pacis vítio, Quæ celsa de vivéntibus Saxís ad astra tólleris, Sponsæque ritu cingeris Mille Angelórum millibus.

O sorte nupta próspera, Dotáta Patris glória, Respérse Sponsi grátia, Regína formosíssima, Christo jugáta Principi, Cæli corúsca civitas.

Hic margarítis émicant Paténtque cunctis óstia; Virtúte namque prævia Mortális illuc dúcitur, Amóre Christi pércitus Torménta quisquis sústinet.

Scalpri salúbris ictibus Et tunsióné plúrima, Fabri políta málleo Hanc saxa molem cónstruunt,

Aptísque juncta nexibus Locántur in fastígio.

Decus Parénti débitum Sit usquequaque Altíssimo,

Natóque Patris único, Et ínclito Paráclito, Cui laus, potéstas, glória ÆtéRNA sit per sácula.

Amen.

℟. Hæc est domus Dómini firmiter ædificáta. (T. P. Allelúja.) **℟.** Bene fundáta est supra firmam petram. (T. P. Allelúja.)

Ad Magnif. Ant. Sanctificávit Dóminus * taber-

naculum suum : quia hæc est domus Dei, in qua invocabitur nomen ejus, de quo scriptum est : Et erit nomen meum ibi, dicit Dóminus. (T. P. Allelúja.)

In II Vesperis

℣. Domum tuam, Dómine, decet sanctitúdo. (T. P. Allelúja.) ℞. In longitudinem diérum. (T. P. Allelúja.)

Ad Magnif. Ant. O quam metuendus est * locus iste : vere non est hic áliud, nisi domus Dei et porta cæli. (T. P. Allelúja.)

In Anniversario Dedicationis Ecclesiæ :

Oratio

DEus, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta; ut, quisquis hoc templum beneficia petiturus ingréditur, cuncta se impetrásse lætétur. Per Dóminum.

In ipso die Dedicationis Ecclesiæ et per Octavam, et quando varianda est Oratio, dicitur sequens

Oratio

DEus, qui invisibíliter ómnia cóntines, et tamen pro salúte géneris humani signa tuæ poténtiæ visibíliter osténdis : tem-

plum hoc poténtia tuæ inhabitatiónis illústra, et concéde; ut omnes, qui huc deprecáturi convéniunt, ex quacúmque tribulatióne ad te clamáverint, consolatiónis tuæ beneficia consequántur. Per Dóminum.

Completerium de Dominica.

AD MATUTINUM

Invitat. Domum Dei decet sanctitúdo : * Sponsus ejus Christum adorémus in ea. (T. P. Allelúja.) Ps. 94 Veníte, exsultémus.

Hymnus Cæléstis urbs, ut supra. [162]

In I Nocturno

Ant. Tóllite portas, * príncipes, vestras, et elevámini, portæ æternáles. (T. P. Allelúja.)

Tempore Paschali Psalmi dicuntur in quolibet Nocturno sub prima Antiphona.

Psalmus 23

Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non

accepit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo, salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Tóllite portas, príncipes, vestras, et elevámini, portæ æternáles.

Ant. Erit mihi Dóminus * in Deum, et lapis iste vocábitur domus Dei.

Psalmus 45

Deus noster refúgium, et virtus : * adjútor in tribulatió nibus, quæ invénérunt nos nimis.

Propterea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * con-

turbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobíscum : * suscéptor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobíscum : * suscéptor noster Deus Jacob.

Ant. Erit mihi Dóminus in Deum, et lapis iste vocábitur domus Dei.

Ant. Ædificávit * Móyses altáre Dómino Deo.

Psalmus 47

Magnus Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne
univérsæ terræ mons
Sion, * látera Aquilónis,
cívitas Regis magni.

Deus in dómibus ejus co-
gnoscétur, * cum suscípiet
eam.

Quóniam ecce reges terræ
congregáti sunt : * conve-
nérunt in unum.

Ipsi vidéntes sic admi-
ráti sunt, conturbáti sunt,
commóti sunt : * tremor
apprehéndit eos.

Ibi dolóres ut parturién-
tis : * in spíritu veheménti
cónteres naves Tharsis.

Sicut audívimus, sic ví-
dimus in civitaté Dómini
virtútum, in civitaté Dei
nostri : * Deus fundávit
eam in ætérnum.

Suscépmus, Deus, mise-
ricórdiam tuam, * in mé-
dio templi tui.

Secúndum nomen tuum,
Deus, sic et laus tua in
fines terræ : * justítia
plena est délixtera tua.

Lætétur mons Sion, et
exsúltent filíæ Judæ * pro-
pter judícia tua, Dómine.

Circúmdate Sion, et com-
plectímmini eam : * narráte
in túrribus ejus.

Pónite corda vestra in
virtúte ejus : * et distri-
búite domos ejus, ut enar-
rétis in progénie áltera.

Quóniam hic est Deus,
Deus noster in ætérnum,
et in sáculum sáculi : *
ipse reget nos in sácula.

Ant. Ædificávit Móyses
altáre Dómino Deo.

Tempore Paschali

Ant. Tóllite portas. prín-
cipes, vestras, et elevámi-
ni, portæ æternáles, alle-
lúja.

V. Domum tuam, Dómi-
ne, decet sanctitúdo. **(T. P.**
Allelúja.) **R.** In longitú-
dinem diérum. **(T. P. Alle-**
lúja.)

Absolutio Exáudi, Dómine.

Benedictio Benedictiône.

De libro secúndo
Paralipómenon

Lectio i **Cap. 7, 1-16**



CUM compléset Sá-
lomon fundens pre-
ces, ignis descéndit
de cælo, et devorávit holo-
cáusta et víctimas : et
majéstas Dómini implévit
domum. Nec póterant sa-
cerdótes ingredi templum
Dómini, eo quod impléset
majéstas Dómini templum
Dómini. Sed et omnes filii
Israël vidébant descendén-
tem ignem, et glóriam
Dómini super domum : et
corruéntes proni in terram
super paviméntum stratum
lápide, adoravérunt
et laudavérunt Dóminum :
Quóniam bonus, quóniam
in sáculum misericórdia
ejus. Rex autem et omnis
pópulus immolábant ví-
ctimas coram Dómino.
Mactávit ígitur rex Sáló-

mon hóstias, boum vigínti duo míllia, arietum centum vigínti míllia : et dedicávit domum Dei rex et univérsus pópulus.

℟. In dedicatióne templi decantábat pópulus laudem : * Et in ore eórum dulcis resonábat sonus. (T. P. Allelúja.) ℣. Fundáta est domus Dómini supra vérticem móntium, et vénient ad eam omnes gentes. — Et.

Benedictio Unigénitus Dei.

Lectio ii

Sacerdótes autem stabant in officiis suis, et Levítæ in órganis cárminum Dómini, quæ fecit David rex ad laudándum Dóminum : Quóniam in ætérnum misericórdia ejus; hymnos David canéntes per manus suas : porro sacerdótes canébant tubis ante eos, cunctúsque Israël stabat. Sanctificávit quoque Sálomon médium átrii ante templum Dómini; obtúlerat enim ibi holocáusta, et ádipes pacificórum : quia altáre æneum, quod fécerat, non póterat sustinére holocáusta et sacrificia et ádipes. Fecit ergo Sálomon solemnitátem in témpore illo septem diébus, et omnis Israël cum eo, ecclésia magna valde ab intróitu Emath usque ad Torrén-

tem Ægýpti. Fecítque die octávo colléctam, eo quod dedicáset altáre septem diébus, et solemnitátem celebráset diébus septem.

℟. Fundáta est domus Dómini supra vérticem móntium, et exaltáta est super omnes colles : * Et vénient ad eam omnes gentes, et dicent : Glória tibi, Dómine. (T. P. Allelúja.) ℣. Veniéntes autem vénient cum exsultatióne, portántes manípulos suos. — Et.

Benedictio Spíritus Sancti.

Lectio iii

Complevítque Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini et in domo sua, et prospératus est. Appáruit autem ei Dóminus nocte, et ait : Audívi oratiónem tuam, et elégi locum istum mihi in domum sacrificii. Si cláusero cælum, et plúvia non flúxerit, et mandávero et præcépero locústæ, ut devoret terram, et misero pestiléntiam in pópulum meum : convérsus autem pópulus meus, super quos invocátum est nomen meum, deprecátus me fúerit, et exquisierit faciém meam, et égerit pæniténtiam a viis suis péssimis : et ego exáudiam de cælo,

et propítius ero peccátis eórum, et sanábo terram eórum. Oculi quoque mei erunt apérti, et aures meae eréctae ad oratióem ejus qui in loco isto oráverit. Elégi enim et sanctificávi locum istum, ut sit nomen meum ibi in sempitérnum, et permáneant óculi mei et cor meum ibi cunctis diébus.

R. Bénedic, Dómine, domum istam, quam aedificávi nómini tuo : veniéntium in loco isto, * Exáudi preces in excélso sólio glóriæ tuæ. **(T. P. Allelúja.)** **R.** Dómine, si convérsus fúerit pópulus tuus, et oráverit ad sanctuárium tuum. — Exáudi. **G**loria Patri. Exáudi.

In II Noeturno

Ant. Non est hic áliud, * nisi domus Dei et porta cæli. **(T. P. Allelúja.)**

Psalmus 83



Uam dilécta tabernácula tua, Dómine virtútum : * concupiscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua, Dómine vir-

tútum : * Rex meus, et Deus meus.

Beáti, qui hábitant in domo tua, Dómine : * in sæcula sæculórum laudábunt te.

Beátus vir, cujus est auxílium abs te : * ascensiones in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, ibunt de virtúte in virtútem : * vidébitur Deus deórum in Sion.

Dómine, Deus virtútum, exáudi oratióem meam : * áuribus pécipe, Deus Jacob.

Protéctor noster, aspice, Deus : * et respice in fáciem Christi tui :

Quia mélior est dies una in átriis tuis, * super millia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem diligit Deus : * grátiam et glóriam dabit Dóminus.

Non privábit bonis eos, qui ámbulant in innocéntia : * Dómine virtútum, beátus homo, qui sperat in te.

Ant. Non est hic áliud, nisi domus Dei et porta cæli.

Ant. Vidit Jacob scalam, * súmmitas ejus cælos

tangébat, et descendéntes Angelos, et dixit : Vere locus iste sanctus est.

Psalmus 86

Fundaménta ejus in móntibus sanctis : * díligit Dóminus portas Sion super ómnia tabernácula Jacob.

Gloríosa dicta sunt de te, * cívitas Dei.

Memor ero Rahab, et Babilónis * sciéntium me.

Ecce alienígenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et príncipum : * horum, qui fuérunt in ea.

Sicut lætántium ómnium * habitátio est in te.

Ant. Vidit Jacob scalam, súmmitas ejus cælos tangébat, et descendéntes Angelos, et dixit : Vere locus iste sanctus est.

Ant. Eréxit Jacob * lápidem in títulum, fundens óleum désuper.

Psalmus 87

Domine, Deus salútis meæ : * in die clamávi, et nocte coram te.

Intret in conspéctu tuo orátio mea : * inclína aurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióne sibi.

Tráditus sum, et non egrediébar : * óculi mei languérunt præ inópia.

Clamávi ad te, Dómine, tota die : * expándi ad te manus meas.

Numquid mórtuis fácies mirabília : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónē?

Numquid cognoscéntur in ténebris mirabília tua, * et justítia tua in terra obliviónis?

Et ego ad te, Dómine, clamávi : * et mane orátio mea præveniet te.

Ut quid, Dómine, repéllis oratióem meam : * avértis fáciem tuam a me?

Pauper sum ego, et in labóribus a juventúte mea : * exaltátus autem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdederunt me sicut aqua tota die : * circumdederunt me simul.

Elongásti a me amicum et próximum : * et notos meos a miséria.

Ant. Eréxit Jacob lápidem in títulum, fundens óleum désuper.

Tempore Paschali

Ant. Non est hic áliud, nisi domus Dei et porta cæli, allelúja.

V. Domus mea. (T. P. Allelúja.) **R.** Domus oratiónis vocábitur. (T. P. Allelúja.)

Absolutio Ipsíus píetas.

Benedictio Deus Pater.

Sermo sancti Augustíni
Epíscopi

Sermo 252 de Tempore

Lectio iv



Uotiescúmque, fratres caríssimi, altáris vel templi festivitátem cólimus, si fidéliter ac diligénter atténdimus et sancte ac juste vivimus, quidquid in templis manufactis ágitur, to-

tum in nobis spiritáli ædificatióne complétur. Non enim mentítus est ille, qui dixit : Templum enim Dei sanctum est, quod estis vos; et íterum : Nescitis, quia córpora vestra templum sunt Spíritus Sancti, qui in vobis est? Et ideo, fratres caríssimi, quia, nullis præcedéntibus méritis, per grátiam Dei merúimus fieri templum Dei, quantum póssumus, cum ipsíus adjutório laborémus, ne Dóminus noster in templo suo, hoc est, in nobis ipsis, invéniat quod óculos suæ majestátis offéndat.

R. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. (T. P. Allelúja.) **V.** Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Bened. Christus perpétuæ.

Lectio v

SED habitáculum cordis nostri evacuétur vítiis, et virtútibus repleátur; claudátur diabólo, et aperiátur Christo. Et ita laborémus, ut nobis bonórum óperum clávibus jánuam regni cæléstis aperíre possimus. Sicut enim malis opéribus, quasi quibúsdam

seris ac vécitibus, vitæ nobis jánuā cláuditur : ita, absque dúbio, bonis opéribus aperitur. Et ideo, fratres caríssimi, unusquisque consideret consciéntiam suam, et, quando se áliquo crimine vulnerátum esse cognóverit, prius oratióibus, jejúniis vel eleemósynis stúdeat mundáre consciéntiam suam; et sic Eucharístiam præsumat accipere.

℟. O quam metuendus est locus iste : * Vere non est hic áliud, nisi domus Dei et porta cæli. (T. P. Allelúja.) ℣. Hæc est domus Dómini firmiter ædificáta, bene fundáta est supra firmam petram. — Vere.

Bened. Ignem sui amóris.

Lectio vi

SI enim, agnóscens réatum suum, ipse se a divíno altári subtráxerit, cito ad indulgéntiam divínæ misericórdiæ pervéniet. Quia sicut, qui se exáltat, humiliábitur : ita, e contrário, qui se humiliat, exaltábitur. Qui enim, sicut dixi, agnóscens réatum suum, ipse se humíliter ab altári Ecclesiæ pro emendatióne vitæ removére volúerit, ab ætérno illo et cælésti convívio excommunicári pénitus non timébit.

℟. Mane surgens Jacob erigébat lápidem in titulum, fundens óleum désuper; votum vovit Dómino : * Vere locus iste sanctus est, et ego nesciébam. (T. P. Allelúja.) ℣. Cumque evigiláset Jacob de somno, ait. — Vere. Glória Patri. Vere.

In III Nocturno

Ant. Qui hábitat * in adjutório Altíssimi, in protectiόne Dei cæli commorábitur. (T. P. Allelúja.)

Quando hæc Antiphona dicitur integra, et illi in fine non additur Allelúja, tunc incipitur Psalmus idem a secundo Versu : Dicet Dómino.

Psalmus 90

DUI hábitat in adjutório Altíssimi, * in protectiόne Dei cæli commorábitur.

Dicet Dómino : Susceptor meus es tu, et refúgium meum : * Deus meus, sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi : * et sub pennis ejus sperábis.

Scuto circúmdabit te véritas ejus : * non timébis a timóre noctúrno.

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille,
et decem millia a dextris
tuis : * ad te autem non
appropinquábit.

Verúmtamen óculis tuis
considerábis : * et retribu-
tiónem peccatórum vidé-
bis.

Quóniam tu es, Dómi-
ne, spes mea : * Altíssi-
mum posuisti refúgium
tuum.

Non accédet ad te ma-
lum : * et flagéllum non
appropinquábit taberná-
culo tuo.

Quóniam Angelis suis
mandávit de te : * ut
custódiant te in ómnibus
viis tuis.

In mánibus portábunt
te : * ne forte offéndas ad
lápídem pedem tuum.

Super áspídem, et basi-
líscum ambulábis : * et
conculcábis leónem et dra-
cónem.

Quóniam in me sperávit
liberábo eum : * prótegam
eum, quóniam cognóvit
nomen meum.

Clamábit ad me, et ego
exáudiam eum : * cum
ipso sum in tribulatióne :
erípiam eum et glorificábo
eum.

Longitúdine diérum re-
plébo eum : * et osténdam
illi salutáre meum.

Ant. Qui hábitat in adju-
tório Altíssimi, in prote-
ctiόne Dei cæli commorá-
bitur.

Ant. Templum Dómini *
sanctum est, Dei structúra
est, Dei ædificatio est.

Psalmus 95

CAntáte Dómino cánti-
cum novum : * cantáte
Dómino, omnis terra.

Cantáte Dómino, et bene-
dicíte nómini ejus : * an-
nuntiáte de die in diem
salutáre ejus.

Annuntiáte inter gentes
glóriam ejus, * in ómnibus
pópulis mirabilia ejus.

Quóniam magnus Dómi-
nus, et laudábilis nimis : *
terribilis est super omnes
deos.

Quóniam omnes dii gén-
tium dæmónia : * Dómi-
nus autem cælos fecit.

Conféssio, et pulchritúdo
in conspéctu ejus : * san-
ctimónia et magnificéntia
in sanctificatióne ejus.

Afférte Dómino, pátriæ
géntium, afférte Dómino
glóriam et honórem : *
afférte Dómino glóriam
nómini ejus.

Tóllite hóstias, et introíte
in átria ejus : * adoráte
Dóminum in átrio sancto
ejus.

Commovéatur a fácie
ejus univérsa terra : * dí-
cite in géntribus quia Dó-
minus regnávit.

Etenim corréxit orbem
terræ qui non commové-
bitur : * judicábit pópulos
in æquitáte.

Læténtur cæli, et exsultet terra : commoveátur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Templum Dómini sanctum est, Dei structúra est, Dei ædificátio est.

Ant. Benedícta * glória Dómini, de loco sancto suo.

Psalmus 98

Dominus regnávít, irascántur pópuli : * qui sedet super Chérubim, moveátur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terríbile, et sanctum est : * et honor regis judícium díligit.

Tu parásti directiões : * judícium et justítiam in Jacob tu fecísti.

Exaltáte Dóminum, Deum nostrum, et adoráte scabéllum pedum ejus : * quóniam sanctum est.

Móyses et Aaron in sacerdotíbus ejus : * et Sámuel inter eos, qui invocant nomen ejus :

Invocábant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulcísceus in omnes adinventiões eórum.

Exaltáte Dóminum, Deum nostrum, et adoráte in monte sancto ejus : * quóniam sanctus Dóminus, Deus noster.

Ant. Benedícta glória Dómini, de loco sancto suo.

Tempore Paschali

Ant. Qui hábitat in adjutório Altíssimi, in protectiõe Dei cæli commorábitur, allelúja.

✠. Hæc est domus Dómini firmiter ædificáta. (T. P. Allelúja.) ✠. Bene fundáta est supra firmam petram. (T. P. Allelúja.)

Absolutio A vñculis.

Bened. Evangélica léctio.

Léctio sancti Evangélii
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

Homilia sancti Ambrósii
Episcopi

Liber 8 in Luc., prope finem



Achæus, statúra pusillus, hoc est, nulla nobilitátis ingénitæ dignitáte sublimis, exiguus méritis sicut pópulus natiónum, audito Dómini Salvatóris advéntu, quem sui non recéperant, vidére cupiébat. Sed nemo fácte Jesum videt; nemo potest Jesum vidére constitútus in terra. Et, quia non Prophétas, non Legem habébat, tamquam formæ grátiam naturális, ascéndit in sycómorum, vanitátem scilicet Judæórum vestígio suo próterens, erráta quoque córrigens superiórís ætátis. Et ideo Jesum in interiórís domus recépit hospítio.

✠. Domus mea domus oratiónis vocábitur, dicit Dóminus : in ea omnis qui petit, áccipit; et qui quærit, ínvenit; * Et pulsánti aperiétur. (T. P. Allelúja.)

✠. Pétite, et accipiétis; quærite, et inveniétis. — Et.

Bened. Divínium auxílium.

Lectio viii

ET bene ascéndit in árborem, ut arbor bona bonos fructus fáceret, ac, naturáli excísus oleástro et contra natúram insértus

in bonam olívam, fructum posset Legis afférre. Radix enim sancta, etsi rami inútiles. Quorum infructuósam glóriam plebs génitium, fide resurrectiós, quasi quadam córporis elevatióne, transcéndit. Zachæus ergo in sycómoro, cæcus in via : quorum álterum Dóminus miseratúrus exspéctat, álterum mansiós, suæ claritáte nobilitat; álterum sanatúrus intérogat, apud álterum se, non invitátus, invitát. Sciébat enim úberem hospítii sui esse mercedem. Sed tamen, etsi nondum vocem invitántis audierat, jam víderat afféctum.

✠. Lápides pretiós, omnes muri tui, * Et turres Jerúsalem gemmis ædificabúntur. (T. P. Allelúja.)

✠. Portæ Jerúsalem ex sapphíro et smarágdo ædificabúntur, et ex lápide pretiós, omnis circúitus muri ejus. — Et. Glória Patri. Et.

Benedictio Ad societátem.

Lectio ix

VERum, ne cæcum illum, tamquam fastidiós, páuperum, cito reliquisse videámur et transísse ad dívitem, exspectémus eum, quia exspectávit et Dóminus; interrogémus eum, quia interrogávit et

Christus. Nos interrogemus, quia nescimus : ille, quia nóverat. Nos interrogemus, ut sciámus unde iste curátus sit : ille interrogávit, ut in uno plures discerémus unde Dóminum vidére mereámur. Interrogávit enim, ut crederémus, néminem, nisi confiténtem, posse salvári. Te Deum laudámus.

AD LAUDES

et per Horas, Añæ

1 Domum tuam, Dómine, * decet sanctitúdo in longitudínem diérum. (T. P. Allelúja.)

Psalmi de Dominica 1 loco.

2 Domus mea * domus oratiónis vocábitur. (T. P. Allelúja.)

3 Hæc est domus Dómini * fírmiter ædificáta, bene fundáta est supra firmam petram. (T. P. Allelúja.)

4 Bene fundáta est * domus Dómini supra firmam petram. (T. P. Allelúja.)

5 Lápides pretiósí * omnes muri tui, et turres Jerúsalem gemmis ædificabúntur. (T. P. Allelúja.)

Capitulum Apoc. 21, 2

VIdi civitátem sanctam, Jerúsalem novam, descendéntem de cælo a Deo, parátam sicut sponsam ornátam viro suo.

Hymnus

ALto ex Olýmpi vértice
Summi Paréntis Fílius,
Ceum monte deséctus lapis
Terras in imas decídens,
Domus supérnæ et ínfimæ
Utrúmque junxit ángulum.

Sed illa sedes cælitum
Semper resúltat láudibus,
Deúmque trinum et únicum

Jugi canóre prædicat :
Illi canéntes júngimur
Almæ Siónis æmuli.

Hæc templa, Rex cæléstium,

Imple benígno lúmine :
Huc, o rogátus, ádveni,
Plebísque vota súscipe,
Et nostra corda júgiter
Perfúnde cæli grátia.

Hic ímpetrent fidélium
Voces precésque súpplicum

Domus beátæ múnera,
Partísque donis gáudeant :
Donec, solúti corpore,
Sedes beátas ímpleant.

Decus Parénti débitum
Sit usquequáque Altís-

simo,
Natóque Patris único,
Et ínclyto Paráclito,
Cui laus, potéstas, glória
Ætérna sit per sácula.

Amen.

✠. Hæc est domus Dómini fírmiter ædificáta.

(T. P. Allelúja.) **℟.** Bene fundáta est supra firmam petram. (T. P. Allelúja.)

Ad Bened. Ant. Zachæe, * festínans descénde, quia hódie in domo tua opórtet me manére. At ille festínans descéndit, et suscepit illum gaudens in domum suam. Hódie huic dómui salus a Deo facta est. (T. P. Allelúja.)

In Anniversario Dedicationis Ecclesiæ :

Oratio

DEus, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta; ut, quisquis hoc templum beneficia petiturus ingréditur, cuncta se impetrásse lætétur. Per Dóminum.

In ipso die Dedicationis Ecclesiæ et per Octavam, et quando varianda est Oratio, dicitur sequens

Oratio

DEus, qui invisibíliter ómnia cóntines, et tamen pro salute géneris humani signa tuæ poténtiæ visibíliter osténdis : templum hoc poténtia tuæ inhabitatiónis illústra, et concéde; ut omnes, qui huc deprecáturi convé-

niunt, ex quacúmque tribulatióne ad te clamáverint, consolatiónis tuæ beneficia consequántur. Per Dóminum.

Ad Horas Psalmi de Dominica, ad Primam tamen ut in Festis.

AD TERTIAM

Capit. Vidi civitátem. [174]

℟. br. Domum tuam, Dómine, * Decet sanctitúdo. Domum. **℣.** In longitudínem diérum. Decet. **Glória Patri.** Domum. **℣.** Locus iste sanctus est, in quo orat sacérdos. **℟.** Pro delíctis et peccátis pópuli.

Tempore Paschali

℟. br. Domum tuam, Dómine, decet sanctitúdo, * Allelúja, allelúja. Domum. **℣.** In longitudínem diérum. Allelúja, allelúja. **Glória Patri.** Domum. **℣.** Locus iste sanctus est, in quo orat sacérdos, allelúja. **℟.** Pro delíctis et peccátis pópuli, allelúja.

AD SEXTAM

Capitulum Apoc. 21, 3

ET audívi vocem magnam de throno dicentem : Ecce tabernáculum Dei cum homínibus, et habitábit cum eis; et ipsi pópulus ejus erunt, et ipse Deus cum eis erit eórum Deus.

℟. br. Locus iste sanctus est, * In quo orat sacerdos. Locus. ℣. Pro delictis et peccatis populi. In. Glória Patri. Locus. ℣. Hæc est domus Dómini firmiter ædificáta. ℟. Bene fundáta est supra firmam petram.

Tempore Paschali

℟. br. Locus iste sanctus est, in quo orat sacerdos, * Allelúja, allelúja. Locus. ℣. Pro delictis et peccatis populi. Allelúja, allelúja. Glória Patri. Locus. ℣. Hæc est domus Dómini firmiter ædificáta, allelúja. ℟. Bene fundáta est supra firmam petram, allelúja.

AD NONAM

Ant. Lápides pretiosi * omnes muri tui, et turres Jerúsalem gemmis ædificabúntur. (T. P. Allelúja.)

Capitulum Apoc. 21, 4-5

ET abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

℟. br. Hæc est domus Dómini * Fírmiter ædificáta. Hæc. ℣. Bene fundáta est supra firmam petram. Fírmiter. Glória Patri. Hæc. ℣. Bene fun-

dáta est domus Dómini. ℟. Supra firmam petram.

Tempore Paschali

℟. br. Hæc est domus Dómini firmiter ædificáta, * Allelúja, allelúja. Hæc. ℣. Bene fundáta est supra firmam petram. Allelúja, allelúja. Glória Patri. Hæc. ℣. Bene fundáta est domus Dómini, allelúja. ℟. Supra firmam petram, allelúja.

IN II VESPERIS

Omnia ut in I Vesperis [160], præter

℣. Domum tuam, Dómine, decet sanctitúdo. (T. P. Allelúja.) ℟. In longitúdinem diérum. (T. P. Allelúja.)

Ad Magnif. Ant. O quam metuéndus est * locus iste : vere non est hic áliud, nisi domus Dei et porta cæli. (T. P. Allelúja.)

Completorium de Dominica. Infra Octavam et in die Octava Antiphonæ et Psalmi ad omnes Horas et Versus Nocturnorum de occurrenti hebdomadæ die, ut in Psalterio; reliqua ut in Festo præter Lectiones, quæ in I Nocturno dicuntur de Scriptura occurrenti cum suis Responsoriis de Tempore, in II et III pro singulis diebus assignantur propriæ.

DIE II INFRA OCTAVAM

Semiduplex

In II Nocturno

Ex Tractátu sancti Augustíni Epíscopi super Psalmos. *In Psalm. 121*

Lectio iv

Erusalem, quæ ædificátur ut civitas. Fratres, quando dicebat ista David, perfectá erat illa civitas, non ædificabátur. Nescio quam ergo civitátem dicit, quæ modo ædificátur, ad quam currunt in fide lápides vivi; de quibus dicit Petrus : Et vos tamquam lápides vivi coædificámini in domum spiritálem, id est, templum Dei sanctum. Quid est, Lápides vivi coædificámini? Vivis, si credis : si autem credis, efficiéris templum Dei; quia dicit Apóstolus Paulus : Templum enim Dei sanctum est, quod estis vos.

℟. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. (*T. P. Allelúja.*) *℣.* Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

Ipsa ergo modo civitas ædificátur. Præcidúntur de móntibus lápides per manus prædicántium veritátem, conquadrántur, ut intrent in structúram sempitérnam. Adhuc multi lápides in mánibus artificis sunt : non cadant de mánibus artificis, ut possint perfecti coædificári in structúram templi. Est ergo ista Jerúsalem, quæ ædificátur ut civitas; fundaméntum ipsíus Christus est. Dicit Apóstolus Paulus : Fundaméntum áliud nemo potest pónere præter id quod pósitum est, quod est Christus Jesus.

℟. O quam metuéndus est locus iste : * Vere non est hic áliud, nisi domus Dei et porta cæli. (*T. P. Allelúja.*) *℣.* Hæc est domus Dómini firmiter ædificáta, bene fundáta est supra firmam petram. — Vere.

Lectio vi

Fundaméntum quando pónitur in terra, désuper ædificántur parietes; et pondus parietum ad ima tendit, quia in imo pósitum est fundaméntum. Si autem fundaméntum nostrum in cælo est, ad cælum ædificémur. Córpora ædificavérunt istam structúram, quam vidétis am-

plam surrexisse hujus basilicæ; et quia cōrpora ædificaverunt, fundamētum in imo posuerunt. Quia vero spiritaliter ædificāmur, fundamētum nostrum in summo pōsitum est. Illuc ergo currāmus, ibi ædificēmur, quia de ipsa Jerúsalem dictum est: Stantes erant pedes nostri in atriiis tuis, Jerúsalem.

℟. Mane surgens Jacob erigēbat lapidem in titulum, fundens oleum desuper; votum vovit Dōmino: * Vere locus iste sanctus est, et ego nesciēbam. (T. P. Allelúja.) ℣. Cumque evigilasset Jacob de somno, ait. — Vere. Glória Patri. Vere.

In III Noeturno

Lectio sancti Evangēlii
secūndum Lucam

Lectio vii Cap. 19, 1-10

IN illo tēpore: Ingressus Jesus perambulābat Jéricho. Et ecce vir nōmine Zachæus: et hic princeps erat publicanōrum, et ipse dives. Et reliqua.

De Homilia
sancti Ambrósii Episcopi
Liber 8 in Lucam, in fine



ST confestim, inquit, vidit, et sequebatur illum, magnificans Dōminum. Aliter

enim non vidēret, nisi sequeretur Christum, nisi Dōminum prædicāret, nisi sēculum præterīret. Cum divitibus quoque in grātiam revertāmur. Nōlumus enim offēdere divites, qui vōlumus, si fieri potest, sanāre omnes; ne in caméli comparatiōne præstrīcti et in Zachæo citius quam opórtuit, derelīcti, justæ hábeant commotiōnis offēnsam.

℟. Domus mea domus oratiōnis vocābitur, dicit Dōminus: in ea omnis qui petit, accipit; et qui quærit, invenit; * Et pulsānti aperiētur. (T. P. Allelúja.)

℣. Pétite, et accipiētis; quærite, et inveniētis. — Et.

Lectio viii

DIscent divites non in facultatibus crimen hærere, sed in iis, qui uti nesciant facultatibus. Nam divitiæ ut impedimēta improbis, ita bonis sunt adjumēta virtutis. Dives certe Zachæus, et electus a Christo; sed dimīdium bonōrum suōrum paupēribus largiēdo, reddēdo etiā in quādruplum, quæ fraude sustulerat (alterum enim non sat est nec habet grātiam liberalitas, si injūria perseverat; quia non spolia, sed bona quæruntur), uberiōrem mercēdem

quam conferébat, accépit.

℟. Lápides pretiósi omnes muri tui, * Et turres Jerúsalem gemmis ædificabúntur. (T. P. Allelúja.)

℣. Portæ Jerúsalem ex sapphíro et smarágdo ædificabúntur, et ex lápide pretióso omnis circúitus muri ejus. — Et. Glória Patri. Et.

Lectio ix

ET bene princeps indúctur publicanórum. Quis jam de se despéret, quando et iste, cui census ex fraude, ad salútem pervénit? Et ipse, inquit, dives. Ut scias non omnes dívites, aváros. Quia statúra pusíllus erat. Quid sibi vult, quod nullíus altérius statúram Scriptúra, nisi hujus expréssit? Vide, ne forte malítia pusíllus, aut adhuc pusíllus fide. Nondum enim réddere promiserat, nondum víderat Christum; mérito adhuc pusíllus. Joánnes autem magnus, quia et Christum vidit, et Spíritum sicut colúmbam super Christum manéntem, sicut ipse ait: Vidi Spíritum descendéntem sicut colúmbam, et manéntem super eum.

Te Deum laudámus.

DIE III INFRA OCTAVAM


Semiduplex

In II Nocturno

Sermo sancti Augustíni
Epíscopi

Sermo 256 de Tempore

Lectio iv

 Elébritas hujus congregatiónis, dedicatio est domus oratiónis. Domus ergo nostrárum oratiónum ista, domus autem Dei nos ipsi. Si domus Dei nos ipsi, nos in hoc sáculo ædificámur, ut in fine sáculi dedicémur. Ædificium, immo ædificatio habet labórem; dedicatio exsultatiónem. Quod hic fiébat, quando ista surgébant; hoc fit modo, cum congregántur credéntes in Christum. Credéndo enim, quasi de silvis et móntibus ligna et lápides præcidúntur; cum vero catechizántur, baptizántur, formántur, tamquam inter manus fabrórum et opíficum dolántur, collineántur, complanántur. Verúmtamen domum Dómini non faciunt, nisi quando caritáte compaginántur.

℟. Orántibus in loco isto,
* Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. (T. P. Alle-

lúja.) **℟.** Qui regis Israël, inténde, qui dedúcis velut ovem Joseph, qui sedes super Chérubim. — Dímítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. **(T. P. Allelúja.)**

Lectio v

Ligna ista et lápidés si non sibi certo órdine cohærérent, si non se pacífice innécterent, si non se ínvicem, cohæréndo sibi, quodámmodo amárent, nemo huc intráret. Dénique quando vides in áliqua fábrica lápidés et ligna bene sibi cohærére, secúrus intras, ruínam non times. Volens ergo Dóminus Christus intráre, et in nobis habitáre, tamquam ædificándo dicébat : Mandátum novum do vobis, ut vos ínvicem diligátis. Mandátum, inquit, novum do vobis. Véteres enim erátis, domum mihi nondum faciebátis, in vestra ruína jacebátis. Ergo, ut eruámini a vestræ ruínæ vetustáte, vos ínvicem amáte.

℟. O quam metuéndus est locus iste : * Vere non est hic áliud, nisi domus Dei et porta cæli. **(T. P. Allelúja.)** **℟.** Hæc est domus Dómini firmiter ædificáta, bene fundáta est supra firmam petram. — Vere.

Lectio vi

Consíderet ergo cáritas vestra, ædificári adhuc istam domum toto, sicut prædictum est et promissum, orbe terrárum. Cum enim ædificátur domus post captivitátem, sicut habet álius Psálmus, díci-tur : Cantáte Dómino cánticum novum : cantáte Dómino, omnis terra. Quod ibi dixit, Cánticum novum; hoc Dóminus dixit, Mandátum novum. Quid enim habet cánticum novum, nisi amórem novum? Cantáre amántis est. Vox hujus cantóris, fervor est sancti amóris. Amémus, gratis amémus; Dóminum enim amámus, quo nihil mélius invenímus : ipsum amémus propter ipsum, et nos in ipso, tamen propter ipsum.

℟. Mane surgens Jacob erigébat lápidem in título, fundens óleum désuper; votum vovit Dómino : * Vere locus iste sanctus est, et ego nesciébam. **(T. P. Allelúja.)** **℟.** Cumque evigilásset Jacob de somno, ait. — Vere. **Glória. Vere.**

In III Nocturno

Léctio sancti Evangélii
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jéricho. Et ecce vir nómine

Zachæus : et hic princeps erat publicanorum, et ipse dives. Et reliqua.

De Homilia
sancti Ambrósii Episcopi
Liber 8 in Luc., prope finem



EUÆ autem turba, nisi imperitæ confusio multitudinis, quæ vèrticem nequit videre sapiéntiæ? Ergo Zachæus quàmdu in turba est, non videt Christum; supra turbam ascéndit, et vidit : hoc est, plebis jam transgressus inscítiam, mérui quem desiderábat, aspícere. Pulchre autem áddidit : Quia illa parte erat transitúrus Dóminus : vel ubi sycómorus, vel ubi creditúrus; ut et mystérium serváret, et grátiam semináret. Sic enim vénerat, ut per Judæos transíret ad gentes.

℟. Domus mea domus oratiónis vocábitur, dicit Dóminus : in ea omnis qui petit, áccipit; et qui quærit, invenit : * Et pulsánti aperiétur. (T. P. Allelúja.)

℣. Pétite, et accipiétis; quærite, et inveniétis. — Et.

Lectio viii

Vidit itaque Zachæum sursum. Jam enim sublimitate fidei inter fructus novorum operum, velut fecundæ altitudine arboris, eminébat. Et quó-

niam de typo ad moralia defléximus, inter tot credéntium voluptates Dóminica die relaxáre ánimum, festivitatem admiscére deléctat. Zachæus in sycómoro, novum videlicet novi témporis pomum, ut in hoc quoque complerétur illud : Arbor fici prodúxit grossos suos.

℟. Lápides pretiósí omnes muri tui, * Et turres Jerúsalem gemmis ædificabúntur. (T. P. Allelúja.)

℣. Portæ Jerúsalem ex sapphíro et smarágdo ædificabúntur, et ex lápide pretióso omnis circúitus muri ejus. — Et. Glória Patri. Et.

Lectio ix

AD hoc enim Christus advénit, ut ex lignis non poma, sed homines nasceréntur. Légimus álibi : Cum esses sub árbore fici, vidi te. Ergo Nathánaël sub árbore, hoc est, supra radícem, quia justus; radix enim sancta. Sub árbore tamen Nathánaël, quia sub lege : Zachæus supra árborem, quia supra légem. Ille Dómini occúltus defénsor, hic públicus prædicátor. Ille adhuc Christum ex lege quærébat : iste jam supra legem relinquébat sua et Dóminum sequebátur.

Te Deum laudámus.

DIE IV INFRA OCTAVAM

Semiduplex

In II Nocturno

De Sermóne

sancti Augustíni Epíscopi

Sermo 256 de Tempore

Lectio iv



Atténdite in psalmo dedicatiónis, quem modo cantávimus, ex ruína ædificiórum. Conscidísti saccum meum : hoc pértinet ad ruínam. Quid ergo ad ædificium? Et accinxísti me lætítia. Vox dedicatiónis : Ut can-tet tibi glória mea, et non compúngar. Quis est, qui lóquitur? In verbis ejus agnóscite. Si expóno, ob-scúrum est. Ergo verba ejus dicam, contínuo agno-scétis loquéntem, ut amé-tis alloquéntem. Quis est, qui dícere pótuit : Eruísti, Dómine, ab ínferis áni-mam meam?

℟. Orántibus in loco isto,
* Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. (T. P. Alle-lúja.) ℣. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

Cujus ánima jam ab ín-feris éruta est, nisi de qua dictum est álio loco :

Non derelínques ánimam meam in inférno? Propóni-tur dedicátio, et cantátur liberátio, cánticum dedica-tiónis domus, et dicitur : Exaltábo te, Dómine, quóniam suscepísti me : et non jucundásti inimícos meos super me. Atténdite Judæos inimícos, qui se putábant occidísse Chri-stum, vicísse tamquam inimícum, perdidísse quasi hóminem céteris símilem atque mortálem.

℟. O quam metuéndus est locus iste : * Vere non est hic áliud, nisi domus Dei et porta cæli. (T. P. Allelúja.) ℣. Hæc est do-mus Dómini firmiter ædi-ficáta, bene fundáta est supra firmam petram. — Vere non est.

Lectio vi

Resurréxit tértia die, et ejus vox est : Exaltá-bo te, Dómine, quóniam suscepísti me. Atténdite Apóstolum dicéntem : Pro-pter quod eum exaltávit. Et non jucundásti inimícos meos super me. Ipsi qui-dem in Christi morte ju-cundabántur, sed in ejus resurrectione, ascensione, prædicatióne áliqui compungebántur. In ejus ergo prædicatiónem, et per Apo-stolórú constántiæ diffamatió-nem áliqui compungebántur et convertebán-

tur; áliqui obdurabántur et confundebántur; nulli tamen jucundabántur.

℟. Mane surgens Jacob erigébat lápidem in títulum, fundens óleum désuper; votum vovit Dómino : * Vere locus iste sanctus est, et ego nesciébam. (T. P. Allelúja.)

℣. Cumque evigilásset Jacob de somno, ait. — Vere. Glória Patri. Vere.

In III Nocturno

Léctio sancti Evangélii
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

Homília sancti Máximi
Epíscopi

Sermo 100, de Zachæo 1



Péruit Zachæus divítibus quibúsque cæléstem jánuam, dum eos dócuit hoc ipso perveníre ad regnum, quo arcebátur a regno; scílicet ut substántia, quæ eis exprobrabátur ad perníciam, proficeret ad salútem. Multum ergo Zachæus divítibus cóntulit, ut eos fáceret in ætérnum suas divítias possidére, ut qui hic num-

quam páuperes fuérunt, nec essent in futúro mendíci, sed quadam lucratíva commutatíone recíperent pro parvis magna, pro terrénis cæléstia, pro temporálibus sempitérna. Lucratíva plane commutatíó est nolle habére quod pósides, ut possis obtinére quod non habes, et jactúram fácere quamdam relinquéndæ pecúniæ, ut quæstum cápias semper grátia possidéndæ.

℟. Domus mea domus oratíonis vocábitur, dicit Dóminus : in ea omnis qui petit, áccipit; et qui quærit, ínvenit; * Et pulsánti aperiétur. (T. P. Allelúja.)
℣. Péтите, et accipiétis; quærite, et inveniétis. — Et.

Lectio viii

ZAchæus ergo, cum esset publicánuS, et pecúnias fænerádo magnas divítias usurárum fraude quæsisset, súbito videns Christum, ita convérsus est, ut majóri concupiscéntia grátiam spirituálem quæreret, quam quæsierat pecúniám sæculárem. Ita, inquam, convérsus est, ut anteácta sua respiciens, fraudes suas ipse damnáret, et emúndans concupiscéntiam, emundáret et prímítus consciéntiam. Ait enim : Ecce dimídium bo-

nórum meórum do paupéribus, et si cui quid tuli, quádruplum reddo.

℟. Lápides pretiósí omnes muri tui, * Et turres Jerúsalem gemmis ædificabúntur. (T. P. Allelúja.)

℣. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. — Et. Glória Patri. Et.

Lectio ix

Dicet fortásse áliquis, cur vir sanctus et Salvatórem præsentem videns, non totum paupéribus, sed dimídium sit largítus; quia scriptum est : Si vis perféctus esse, vende ómnia tua, et da paupéribus, et veni, séquere me. Verum, si diligénter atténdas, iste persecútus est, quia non dimídium, sed totum dedit. Nam tolle aliéna de médio, et Zachæo nihil rémanet. Dénique vir justus, ut accépta esset ejus liberálitas, scivit juste dispónere, scilicet aliéna restituéndo. Hæc est enim apud Dóminum grata elemósyna, quæ ex vernácula exhibétur substántia, non quæ fraudulénta præda tribúitur.

Te Deum laudámus.

DIE V INFRA OCTAVAM

Semiduplex

In II Nocturno

De Sermóne

sancti Augustíni Epíscopi

Sermo 256 de Tempore

Lectio iv

MOdo, quando impléntur ecclésiæ, putámus jucundári Judæos? Ecclésiæ ædificántur, dedicántur, impléntur; quómodo illi jucundántur? Non solum non jucundántur, sed étiam confundúntur, et implétur vox exsultántis : Exaltábo te, Dómine, quóniam suscepísti me : et non jucundásti inimícos meos super me. Non jucundásti super me : si mihi credant, jucundábis in me. Ne multa dicámus, ad illa, quæ cantávimus, aliquándo veniámus. Quómodo dicit Christus : Conscidísti saccum meum, et accinxísti me lætítia? Saccus ejus erat similitúdo carnis peccáti.

℟. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. (T. P. Allelúja.) ℣. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

NON tibi viléscat, quod ait, Saccum meum : ibi erat inclúsum prétium tuum. Conscidísti saccum meum. Evásimus ad saccum istum. Conscidísti saccum meum. In passióne conscíssus est. Quómodo ergo Deo Patri dicitur : Conscidísti saccum meum? Quómodo Patri dicátur, vis audíre : Concidísti saccum meum? Quia próprio Fílio non pepércit, sed pro nobis ómnibus trádidit illum. Fecit enim per Judæos nesciéntes, unde redimeréntur sciéntes et confunderéntur negántes. Nésciunt enim quid boni nobis operáti sunt malo suo. Suspénsus est saccus, et quasi lætátus est impius. Conscidit saccum lancea persecútor, et fudit prétium nostrum Redemptor.

✠. O quam metuéndus est locus iste : * Vere non est hic áliud, nisi domus Dei et porta cæli. (T. P. Allelúja.) ✠. Hæc est domus Dómini firmiter ædificáta, bene fundáta est supra firmam petram. — Vere.

Lectio vi

Antet Christus Redemptor, gemat Judas venditor, erubéscat Judæus emptor. Ecce Judas vendi-

dit, Judæus emit; malum negótium egerunt, ambo damnáti sunt, seipsos perdidérunt venditor et emptor. Dicat ergo caput nostrum, dicat pro corpore occiso, pro corpore dedicáto. Dicat, audiámus : Conscidísti saccum meum, et accinxísti me lætítia : id est, conscidísti mortalitátem meam, et accinxísti me immortalitáte et incorruptióne. Ut cantet tibi glória mea, et non compúngar. Quid est, Non compúngar? Jam contra me non ferat lanceam persecútor, Ut non compúngar. Christus enim surgens a mórtuis, jam non móritur, et mors illi ultra non dominábitur.

✠. Mane surgens Jacob erigébat lápidem in titulum, fundens óleum désuper; votum vovit Dómino : * Vere locus iste sanctus est, et ego nesciébam. (T. P. Allelúja.)

✠. Cumque evigilásset Jacob de somno, ait. — Vere. Glória Patri. Vere.

In III Noeturno

Léctio sancti Evangélíi
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps

erat publicanórum, et ipse dives. Et réliqua.

Homilia sancti Bedæ
Venerábilis Presbýteri

Liber 5, cap. 77 in Luc. 19



EUÆ impossibília sunt apud hómines, possibília sunt apud Deum. Ecce enim camélus, depósita gibbi sárcina, per forámen acus transit, hoc est, dives et publicánus, relícto ónere divitiárum, contémpito censu fraudum, angústam portam arctámque viam, quæ ad vitam ducit, ascéndit. Qui, mira devotióne fidei, ad vidéndum Salvatórem, quod natúra minus habúerat, ascénsu supplet árboris; atque ideo juste, quamvis ipse rogáre non áudeat, benedictiónem Dóminicæ susceptiόνis, quam desiderábat, accépit.

✠. Domus mea domus oratiónis vocábitur, dicit Dóminus : in ea omnis qui petit, áccipit; et qui quærit, ínvenit; * Et pulsánti aperiétur. (T. P. Allelúja.)

✠. Pétite, et accipiétis; quærite, et inveniétis. — Et pulsánti.

Lectio viii

Mystice autem Zachæus, qui interpretátur justificátus, credéntem ex géntibus pópulum significat. Qui, quanto cu-

ris sæculáribus occupátior, tanto flagítiis depriméntibus erat factus humílior. Sed ablútus est, sed sanctificátus, sed justificátus in nómine Dómini nostri Jesu Christi et in Spíritu Dei nostri. Qui intrántem Jéricho Salvatórem vidére quærébat, sed præ turba non póterat; quia grátia fidei, quam mundo Salvátor áttulit, participáre cupiébat, sed inólita vitiórum consuetúdo, ne ad votum perveníret, obstíterat.

✠. Lápides pretiósí omnes muri tui, * Et turres Jerúsalem gemmis ædificabúntur. (T. P. Allelúja.)

✠. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. — Et. Glória Patri. Et.

Lectio ix

EAdem namque turba nóxiæ consuetúdinis, quæ supra cæcum clamántem, ne lumen péteret, increpábat; étiam suspiciéntem publicánum, ne Jesum vídeat, tardat. Sed sicut cæcus turbárum voces magis ac magis clamándo devícit : ita pusíllus necesse est turbæ nocéntis obstáculum altióra peténdó transcendat, terréna relínquat, árborem crucis

ascéndat. Sycómorus namque (quæ est arbor fóliis moro símilis, sed altitúdine præstans, unde et a Latínis celsa nuncupátur), ficus fátua dicitur. Et éadem Domínica Crux, quæ credéntes alit ut ficus, ab incrédulis irridétur ut fátua.

Te Deum laudámus.

DIE VI INFRA OCTAVAM

Semiduplex

In II Nocturno

De Sermóne

sancti Augustíni Epíscopi

Sermo 256 de Tempore

Lectio iv



Rgo, dum novam constructionem sanctæ hujus ecclesiæ libénter atténdimus, quam divíno nómini hódie dedicámus, invenímus a nobis debéri et Deo nostro máximam laudem, et sanctitáti vestræ cóngruum de divínæ domus ædificatióne sermónem. Tunc autem sermo noster cóngruus erit, si in se áliquid ædificatiónis hábeat, quod utilitáti animárum vestrárum, Deo vos intérius ædificánte, proficiat. Quod hic factum corporáliter vidémus in parietibus, spiritaliter fiat in méntibus;

et, quod hic perféctum cernimus in lapídibus et lignis, hoc, ædificánte grátia Dei, perficiátur in corpóribus vestris.

℟. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. (T. P. Allelúja.) ℟. Qui regis Israél, inténde, qui dedúcis velut ovem Joseph, qui sedes super Chérubim. — Dimítte.

Lectio v

P Rincipáliter ergo grátias agámus Dómino, Deo nostro, a quo est omne datum óptimum et omne donum perféctum : et ejus bonitátem tota cordis alacritáte laudémus, quóniam ad construéndam istam domum oratiónis, fidélium suórum visitávit ánimum, excitávit afféctum, surrogávit auxílium, inspirávit necdum voléntibus ut velent, adjúvit bonæ voluntátis conátus ut fácerent. Ac per hoc Deus, qui operátur in suis et velle et perfícere pro bona voluntáte, hæc ómnia ipse cœpit, ipse perfécit.

℟. O quam metuéndus est locus iste : * Vere non est hic áliud, nisi domus Dei et porta cæli. (T. P. Allelúja.) ℟. Hæc

est domus Dómini firmiter ædificáta, bene fundáta est supra firmam petram. — Vere non est hic áliud, nisi domus Dei et porta cæli. (T. P. Allelúja.)

Lectio vi

ET quia ópera bona in conspéctu suo nunquam esse permittit inánia, fidélibus suis, quibus operántibus præbuit virtútis suæ favórem, tribuet condígnam pro tanta operatióne mercédem. Adhuc ámplius agéndæ sunt grátiæ Deo nostro; hanc enim ecclésiám, quam fecit nómini suo cónstrui, fecit étiam sanctórum Mártyrum reliquiis ámplius honorári.

℟. Mane surgens Jacob erigébat lápidem in titulum, fundens óleum désuper; votum vovit Dómino : * Vere locus iste sanctus est, et ego nesciébam. (T. P. Allelúja.) ℣. Cumque evigilásset Jacob de somno, ait. — Vere. Glória Patri. Vere.

In III Nocturno

Lectio sancti Evangélíi
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps

erat publicanórum, et ipse dives. Et réliqua.

De Homilía sancti Bedæ
Venerábilis Presbýteri
Liber 5, cap. 77 in Luc. 19



ST cum venisset ad locum, suspiciens Jesus vidit illum. Perámbulans Jéricho Salvátor, venit ad locum, ubi præcúrrens Zachæus scómorum conscénderat : quia, missis per mundum sui verbi præcónibus, in quibus ipse nimírum et loquebátur et ibat, venit ad pópulum natiónum, qui passiónis ejus fide jam sublímis exsístens, étiam divinitátis ejus ardébat ágnita fácie beári. Suspiciens vidit illum, quia per grátiám fidei a terrénis cupiditatibus elevátum, turbisque infidélibus præeminéntem elégit. Vidére enim Dei, eligere vel amáre est; unde est illud : Oculi Dómini super justos. Nam et nos quæ amámus, vidére; ab his, quæ exsecrámur, intúitum festinámus avértere.

℟. Domus mea domus oratiónis vocábitur, dicit Dóminus : in ea omnis qui petit, áccipit; et qui quærit, invenit; * Et pulsánti aperiétur. (T. P. Allelúja.) ℣. Péтите, et accipiétis; quærite, et inveniétis. — Et.

Lectio viii

Vidit ergo Jesus videntem se, quia elegit eligentem se, et amavit amantem. Hunc sane ordinem proficiendi, hoc est, per fidem Domínicæ incarnationis ad cognitionem divinitatis perveniendi, quasi per sycómorum Jesu faciém speculari, Doctor egregius ostendit, cum ait : Non enim judicavi scire me aliquid inter vos, nisi Christum Jesum, et hunc crucifixum. Itémque aliis exprobrans : Facti estis, inquit, quibus lacte opus sit, non sólido cibo; lac infirma temporariæ dispensationis, sólidum cibum árdua perpétuæ majestatis appellans.

✠. Lápides pretiosi omnes muri tui, * Et turres Jerúsalem gemmis ædificabúntur. (T. P. Allelúja.)

✠. Portæ Jerúsalem ex sapphíro et smarágdo ædificabúntur, et ex lápide pretioso omnis circúitus muri ejus. — Et. Glória Patri. Et.

Lectio ix

ET dixit ad eum : Zachæe, festinans descende, quia hódie in domo tua opórtet me manere. Et festinans descendit, et excepit illum gaudens. Manebat aliquándo Dóminus in domo princípis phari-

sæórum, hoc est, in Judæórum synagóga docébat. Sed quia non baptizátum ante prándium, sábbato curántem, publicános et peccatóres recipiéntem, contra avarítiam disputántem, et cétera digna Deo geréntem, lingua venenáta carpébant; pertæsus eórum facínora, discessit et aufúgit, dicens : Relinquétur vobis domus vestra desérta. Hódie autem in domo pusílli Zachæi opórtet illum manere : hoc est, novæ lucis grátia coruscánte, in húmili credéntium natiónum corde quiescere.

Te Deum laudámus.

DIE VII INFRA OCTAVAM

Semiduplex

In II Nocturno

Sermo sancti Joánnis
Chrysóstomi

Homilia 33 in cap. 9 Matth.

Lectio iv



Ommúnis ómnium domus est ecclésia, in quam, vobis prius ingressis, nos intrámus, discipulórum formam retinéntes. Ideóque comúniter ómnibus statim atque ingressi fuérimus, ut illis datam legem sequámur, pacem offérimus. Nemo igitur socórdia tór-

peat, nemo sæculáribus rebus suspensum ánimum hábeat, cum jam ad prædicándum sacerdótes intráverint; non enim parva huic rei imminet pœna. Equidem míllies pótius malim in domum alicújus vestrum ingrèssus destitui, quam hic prædicans non audíri. Hoc mihi moléstius esset quam illud, quandóquidem magis própria hæc est quam illa.

✠. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. (T. P. Allelúja.) ✠. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

NAM hic magnæ illæ nostræ opes pósitæ sunt, hic spes nostra omnis. Quid enim hoc loco non magnum est et admirándum? Nam hæc mensa longe pretiósior est atque jucúndior, et lucérna hæc quam illa; ut norunt qui, cum fide óleo perúnti, a morbis liberáti sunt. Arca étiam hæc multo mélior magisque necessária; non enim vestes, sed misericórdiam inclúsam cóntinet: quamvis pauci sint, qui

eam possídeant. Hic et léctulus est valde illo præstántior; divinárum enim Scripturárum réquies quovis lecto suávior est.

✠. O quam metuéndus est locus iste: * Vere non est hic áliud, nisi domus Dei et porta cæli. (T. P. Allelúja.) ✠. Hæc est domus Dómini firmiter ædificáta, bene fundáta est supra firmam petram. — Vere.

Lectio vi

ET quidem si concórdia perfécte servarétur a nobis, nullam áliam domum præter hanc haberémus. Hoc autem quod dixi, non esse durum, testántur illa tria míllia et quinque míllia hóminum, quibus et domus una, et mensa una, et ánima una erat. Multitúdinis enim credéntium, inquit, unum erat cor, et ánima una. Sed quia longe ab illórum virtúte ábsumus et per domos disjúncti sumus, saltem, quando huc convenímus, id omni stúdio faciámus. Nam etsi in áliis rebus páuperes et ínopes sumus, hoc loco saltem, cum huc ad vos intrámus, cum caritáte nos suscípite; cumque, Pax vobis, dico, Et cum spíritu tuo, non voce solum, sed ánimo quoque respondéte.

℟. Mane surgens Jacob erigebat lapidem in titulum, fundens oleum desuper; votum vovit Domino : * Vere locus iste sanctus est, et ego nesciebam. (T. P. Allelúja.) ℣. Cumque evigilasset Jacob de somno, ait. — Vere. Glória Patri. Vere.

In III Nocturno

Lectio sancti Evangelii
secundum Lucam

Lectio vii Cap. 19, 1-10

IN illo tempore : Ingressus Jesus perambulabat Jéricho. Et ecce vir nomine Zachæus : et hic princeps erat publicanorum, et ipse dives. Et reliqua.

De Homilia sancti Bedæ
Venerabilis Presbyteri

Paulo post prædicta

ET cum viderent omnes, murmurabant, dicentes, quod ad hominem peccatorem divertisset. Manifestum est, Judæos semper gentium odisse salutem. Scriptum est enim : Sequenti vero Sabbato pene universa civitas convenit audire verbum Dei; videntes autem turbas Judæi, replenti sunt zelo, et contradicebant iis, quæ a Paulo dicebantur. Et alibi, fideles etiam fratres adversus Apostolorum Principem disceptabant, dicentes : Quare

introisti ad viros præputium habentes, et manducasti cum illis?

℟. Domus mea domus orationis vocabitur, dicit Dominus : in ea omnis qui petit, accipit; et qui querit, invenit; * Et pulsanti aperiatur. (T. P. Allelúja.)

℣. Pétite, et accipiétis; quærite, et inveniétis. — Et.

Lectio viii

STans autem Zachæus, dixit ad Dominum : Ecce dimidium bonorum meorum, Domine, do pauperibus; et si quid aliquem defraudavi, reddo quadruplum. Aliis calumniantibus hominem peccatorem, ipse Zachæus stans, id est, in ea quam cœperat fidei veritate persistens, non solum se ex peccatore conversum, sed etiam inter perfectos probat esse conversatum. Dicente enim Domino : Si vis perfectus esse, vade, vende omnia quæ habes, et da pauperibus; quisquis ante conversionem innocenter vixit, omnia conversus potest dare pauperibus.

℟. Lápides pretiosi omnes muri tui, * Et turres Jerúsalem gemmis ædificabuntur. (T. P. Allelúja.)

℣. Portæ Jerúsalem ex sapphíro et smarágdo ædificabuntur, et ex lapide pretioso omnis circúitus

muri ejus. — Et tures Jerúsalem gemmis ædificabúntur. **G**lória Patri. Et.

Lectio ix

AT qui áliqua fraude sustulit, primo hæc juxta legem réddere, deínde quod sibi remánserit, debet dare paupéribus. Ac sic et ipse, quia sibi nil rétinet, ómnia sua dispérgit, dat paupéribus, justitia ejus manet in sáeculum sáeculi. Et hæc est sápiens illa stultítia, quam de sycómoro publicánuS quasi fructum vitæ légerat; rapta vidélicet réddere, própria relínquere, visibília contémnere, pro invisibílibus étiam mori desideráre, seípsum abnegáre, et ejus, qui necdum videátur, Dómini vestigia sequi concupiscere. Te Deum.

Vesperæ de sequenti die Octava.

IN OCTAVA DEDICATIONIS ECCLESIAE

Duplex majus

In II Nocturno

Ex Epístola prima sancti Felícis Papæ quarti

De Consecr. dist. 1 cap. 2

Lectio iv

Abernáculum Móysen, Dómino præcipiente, fecisse et sacrásse, cum mensa et

altári ejus, et céteris vasis et utensilibus ad divínium cultum expléndum, légitimus; et non solum divínis précibus ea sacrásse, sed étiam sancti ólei unctióne, Dómino jubénte, perlinísse nóvimus. Quáliter autem hæc facta sint, et quómodo ipsa sacra non álii quam sacerdótes, sacra unctióne delibúti Dominóque cum véstibus sanctis sacráti, et Levítæ tractábant, ferébant, erigébant et deponebant; in ipsis institutionibus, quæ, jubénte Dómino, conscriptæ sunt per Móysen, in lege Dómini reperítur.

R. Orántibus in loco isto, * **D**imítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. **(T. P. Allelúja.)** **R.** Qui regis Israël, inténde, qui dedúcis velut ovem Joseph, qui sedes super Chérubim. — **D**imítte.

Lectio v

Quáliter ergo David, regum piíssimus, amplificáverit cultum Dei, et templum Dómino ædificáre volúerit, sed propter multum sánguinem quem effúderat prohibitus est, et ipse collégerat expénsas; Sálomon quoque, filius ejus, idípsum, quod ipse

fácere optáverat, jubénte et auxiliánte Deo, perfécit, et templum cum altári, et réliqua ad divínium cultum peragéndum consecrávit; in libro Regum légitur : Fecit ergo Sálomon in témpore illo festivitátem célebrem et omnis Israël cum eo, multitúdo magna ab intróitu Emath usque ad rivum Ægýpti, coram Dómino, Deo nostro, septem diébus et septem diébus, id est, quatuórdecim diébus, et in die octáva dimísit pópulos.

✠. O quam metuéndus est locus iste : * Vere non est hic áliud, nisi domus Dei et porta cæli. (T. P. Allelúja.) ✠. Hæc est domus Dómini fírmiter ædificáta, bene fundáta est supra firmam petram. — Vere.

Lectio vi

De Consecr. dist. 1 cap. 17

Solemnitátes dedicatiónum ecclesiárum et sacerdotum, per singulos annos solémniter sunt celebrándæ, ipso Dómino exémplum dante, qui ad festum dedicatiónis templi, ómnibus id faciéndi dans formam, cum réliquis pópulis, eámdem festivitátem celebráturus, venit; sicut scriptum est : Facta sunt encænia in Jerosólymis, et hiems erat,

et ambulábat Jesus in templo in pórticu Salomónis. Quod autem octo diébus encænia sint celebránda, in libro Regum, perácta dedicatióne templi, reperiétis.

✠. Mane surgens Jacob erigébat lápidem in títulum, fundens óleum désuper; votum vovit Dómino : * Vere locus iste sanctus est, et ego nesciébam. (T. P. Allelúja.) ✠. Cumque evigilásset Jacob de somno, ait. — Vere. Glória Patri. Vere.

In III Noeturno

Lectio sancti Evangélíi
secúndum Lucam

Lectio vii Cap. 19, 1-10

In illo témpore : Ingréssus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

Homília sancti Gregórii
Papæ

Liber 27 Moraliū, cap. 27,
post medium



SI veráciter sapiéntes esse atque ipsam sapiéntiam contemplári appétimus, stultos nos humíliter cognoscámus. Relinquámus nóxiam sapiéntiam, discámus laudábilem fatuitátem. Hinc quippe scriptum est : Stulta mundi elégit Deus, ut

confúndat sapiéntes. Hinc rursum dicitur : Si quis vidétur inter vos sápiens esse in hoc sǎculo, stultus fiat, ut sit sápiens. Hinc evangélicæ históriæ verba testántur, quia Zachæus, cum vidére præ turba nihil posset, sycómori árborem ascéndit, ut transeúntem Dóminum cérneret. Sycómorus quippe ficus fátua dicitur.

℟. Domus mea domus oratiónis vocábitur, dicit Dóminus : in ea omnis qui petit, áccipit; et qui quærit, invenit; * Et pulsánti aperiétur. (T. P. Allelúja.)

℣. Pétite, et accipiétis; quærite, et inveniétis. — Et.

Lectio viii

Pusillus itaque Zachæus sycómorum súbiit et Dóminum vidit : quia, qui mundi stultítiam humíliter éligunt, ipsi Dei sapiéntiam subtiliter contemplántur. Pusillitátem namque nostram ad vidéndum Dóminum turba præpedit; quia infirmitátem humánæ mentis, ne lucem veritátis inténdat, curárum sæculárium tumúltus premit. Sed prudénter sycómorum ascéndimus, si próvide eam quæ divínitus præcipitur stultítiam mente tenémus. Quid enim in hoc mundo stúltius quam

amíssa non quærere, posséssa rapiéntibus relaxáre, nullam pro accéptis injúriis injúriam réddere, immo adjúntis áliis patiéntiam præbére?

℟. Lápides pretiósí omnes muri tui, * Et turres Jerúsalem gemmis ædificabúntur. (T. P. Allelúja.)

℣. Portæ Jerúsalem ex sapphíro et smarágdo ædificabúntur, et ex lápide pretióso omnis circúitus muri ejus. — Et. Glória Patri. Et.

Lectio ix

Quasi enim sycómorum nos ascéndere Dóminus præcipit, cum dicit : Qui aufert quæ tua sunt, ne répetas; et rursum : Si quis te percússerit in dexteram maxíllam, præbe illi et álteram. Per sycómorum Dóminus tránsiens cérniture : quia per hanc sapiéntem stultítiam, etsi necdum, ut est, sólíde, jam tamen per contemplatiónis lumen Dei sapiéntia quasi in tránsitu vidétur, quam vidére néqueunt qui sibi sapiéntes esse vidéntur; quia ad conspiciéndum Dóminum, in eláta cogitatiónum suárum turba deprehénsi, adhuc sycómori árborem non invenérunt.

Te Deum laudámus.

Commune Festorum B. Mariæ Virg.

IN I VESPERIS

Ant. Dum esset Rex * in accúbitu suo, nardus mea dedit odórem suavitátis. (T. P. Allelúja.)

Psalmus 109



Ixit Dóminus Dómino meo : * Sede a dextris meis :

Donec ponam inimícos tuos, * scabéllum pedum tuórum.

Virgam virtútis tuæ emíttet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante lucíferum génui te.

Jurávit Dóminus, et non pænitébit eum : * Tu es sacerdos in ætérnum secundum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas : * conquassábit cápita in terra multórum.

De torrénite in via bibet : * proptérea exaltábit caput.

Ant. Dum esset Rex in accúbitu suo, nardus mea

dedit odórem suavitátis. (T. P. Allelúja.)

Ant. Læva ejus * sub cápite meo, et dextera illius amplexábitur me. (T. P. Allelúja.)

Psalmus 112

L Audáte, púeri, Dóminus : * laudáte nomen Dómini.

Sit nomen Dómini benedíctum, * ex hoc nunc, et usque in sáculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus, Deus noster, qui in altis hábitat, * et humília respicit in cælo et in terra?

Súscitans a terra ínopem, * et de stércore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Læva ejus sub cápite meo, et dextera illius amplexábitur me. (T. P. Allelúja.)

Ant. Nigra sum, * sed formósa, filiæ Jerúsalem;

ideo diléxit me Rex, et introduxit me in cubiculum suum. (T. P. Allelúja.)

Psalmus 121

Lætátus sum in his, quæ dicta sunt mihi : * In domum Dómini íbimus.

Stantes erant pedes nostri, * in átriis tuis, Jerúsalem.

Jerúsalem, quæ ædificá-tur ut cívitas : * cujus participátio ejus in idípsum.

Illuc enim ascendérunt tribus, tribus Dómini : * testimónium Israël ad confiténdum nómini Dómini.

Quia illic sedérunt sedes in judício, * sedes super domum David.

Rogáte quæ ad pacem sunt Jerúsalem : * et abundantia diligéntibus te :

Fiat pax in virtúte tua : * et abundantia in túrribus tuis.

Propter fratres meos, et próximos meos, * loquē-bar pacem de te :

Propter domum Dómini, Dei nostri, * quæsívi bona tibi.

Ant. Nigra sum, sed formósa, filiæ Jerúsalem; ideo diléxit me Rex, et introduxit me in cubiculum suum. (T. P. Allelúja.)

Ant. Jam hiems tránsiit, * imber ábiit et recéssit : surge, amíca mea, et veni. (T. P. Allelúja.)

Psalmus 126

Nisi Dóminus ædificáve-rit domum, * in vanum laboravérunt qui ædificánt eam.

Nisi Dóminus custodíerit civitátem, * frustra vígilat qui custódit eam.

Vanum est vobis ante lucem súrgere : * súrgite postquam sedéritis, qui manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagíttæ in manu poténtis : * ita filii excus-sórum.

Beátus vir qui implévit desidérium suum ex ipsis : * non confundétur cum loquétur inimícis suis in porta.

Ant. Jam hiems tránsiit, imber ábiit et recéssit : surge, amíca mea, et veni. (T. P. Allelúja.)

Ant. Speciósá * facta es et suávis in delíciis tuis, sancta Dei Génitrix. (T. P. Allelúja.)

Psalmus 147

Lauda, Jerúsalem, Dó-minum : * lauda Deum tuum, Sion.

Quóniam confortávit se-ras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit elóquium
suum terræ : * velóciter
currit sermo ejus.

Qui dat nivem sicut lan-
nam : * nébulam sicut
cinerem spargit.

Mittit crystállum suam
sicut buccéllas : * ante
fáciem frígoris ejus quis
sustinébit?

Emittet verbum suum, et
liquefáciet ea : * flabit spí-
ritus ejus, et fluent aquæ.

Qui annúntiat verbum
suum Jacob : * justítias,
et judícia sua Israël.

Non fecit táliter omni na-
tióni : * et judícia sua non
manifestávit eis.

Ant. Speciósá facta es
et suávis in delíciis tuis,
sancta Dei Génitrix. (T. P.
Allelúja.)

Capitulum Eccli. 24, 14

AB inítkio et ante sácula
creáta sum, et usque
ad futúrum sáculum non
désinam, et in habitatióne
sancta coram ipso mini-
strávi.

**Prima strophá sequentis
Hymni dicitur flexis genibus.**

Hymnus

AVE, maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus
Tulit esse tuus.

Virgo singuláris,
Inter omnes mitis,
Nos, culpis solútos,
Mites fac et castos.

Vitam præsta puram,
Iter para tutum,
Ut, vidéntes Jesum,
Semper collætémur.

Sit laus Deo Patri,
Summo Christo decus,
Spíritui Sancto,
Tribus honor unus. Amen.

℟. Dignáre me laudáre
te, Virgo sacráta. (T. P.
Allelúja.) **℣.** Da mihi vir-
tútem contra hostes tuos.
(T. P. Allelúja.)

Ad Magnif. Ant. Sancta
María, * succúrre míseris,
juva pusillánimes, réfove
flébiles, ora pro pópulo,
intérveni pro clero, inter-
céde pro devóto femíneo
sexu : séntiant omnes
tuum juvámen, quicúm-
que célebrant tuam san-
ctam festivitátem. (T. P.
Allelúja.)

In II Vesperis

Ad Magnif. Ant. Beátam
me dicent * omnes gene-
ratiónes, quia ancíllam

húmilem respéxit Deus.
(T. P. Allelúja.)

Oratio

Concède nos fámulos
tuos, quæsumus, Dó-
mine Deus, perpétua men-
tis et córporis sanitáte
gaudére : et, gloriósa
beátæ Mariæ semper Vir-
ginis intercessióne, a præ-
sénti liberári tristítia et
ætéRNA pérfrui lætítia. Per
Dóminum.

Completorium de Dominica.

**Conclusio Hymnorum ad
omnes Horas, etiam per Octa-
vas communes, erit sequens :**

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitéRNA sácula.
Amen.

AD MATUTINUM

Invitat. Sancta María,
Dei Génitrix Virgo, * In-
tercéde pro nobis. (T. P.
Allelúja.)

In Annuntiatione B. M. V.

Invitat. Ave, María, grá-
tia plena; * Dóminus te-
cum. (T. P. Allelúja.)

Ps. 94 Veníte, exsulté-
mus.

Hymnus

Quem terra, pontus, sí-
dera
Colunt, adórant, prædi-
cant,

Trinam regéntem máchi-
nam,
Clastrum Mariæ bájulat.

Cui luna, sol et ómnia
Deserviunt per témpora,
Perfúsa cæli grátia,
Gestant puéllæ víscera.

Beáta Mater múnere,
Cujus, supérnus Artifex
Mundum pugíllo cónti-
nens,
Ventris sub arca clausus
est.

Beáta cæli núntio,
Fecúnda Sancto Spíritu,
Desiderátus géntibus
Cujus per alvum fusus est.

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitéRNA sácula.
Amen.

In I Nocturno

Ant. Benedícta tu * in
mulieribus, et benedíctus
fructus ventris tui. (T. P.
Allelúja.)

**Sub hac una Antiphona cum
Allelúja Tempore Paschali
dicuntur tres Psalmi hujus
Nocturni, et similiter in II et
III Nocturno.**

Psalmus 8

Domine, Dóminus no-
ster, * quam admi-
rábile est nomen
tuum in univérSA terra!

Quóniam eleváta est ma-
gnificéntia tua, * super
cælos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Ant. Benedícta tu in muliéribus, et benedíctus fructus ventris tui.

Ant. Sicut myrrha * elécta odórem dedísti suavitátis, sancta Dei Génitrix.

Psalmus 18

CÆli enarrant glóriam Dei, * et ópera mánuum ejus annúntiat firmaméntum.

Dies diéi erúctat ver-

bum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam : * a summo cælo egressio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sáculum sáculi : * judícia Dómini vera, justificáta in semetípsa.

Desiderabília super aurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delícta quis intélligit? ab occúltis meis munda me : * et ab aliénis parce servo tuo.

Si mei non fuerint domi-
nati, tunc immaculatus
ero : * et emundabor a
delicto máximo.

Et erunt ut complacent
elóquia oris mei : * et
meditatio cordis mei in
conspéctu tuo semper.

Dómine, adjutor meus, *
et redemptor meus.

Ant. Sicut myrrha elécta
odórem dedisti suavitátis,
sancta Dei Génitrix.

Ant. Ante torum * hu-
jus Virginis frequentáte
nobis dúlcia cántica drá-
matis.

Psalmus 23

Domini est terra, et ple-
nitúdo ejus : * orbis
terrarum, et univérsti qui
hábitant in eo.

Quia ipse super mária
fundávit eum : * et super
flúmina præparávit eum.

Quis ascéndet in montem
Dómini? * aut quis stabit
in loco sancto ejus?

Innocens mánibus et
mundo corde, * qui non
accépit in vano ánimam
suam, nec jurávit in dolo
próximo suo.

Hic accípiet benedicti-
onem a Dómino : * et mise-
ricórdiam a Deo, salutári
suo.

Hæc est generatio quæ-
réntium eum, * quæren-
tium fáciem Dei Jacob.

Attóllite, portas, prínci-
pes, vestras, et elevámini,

portæ æternáles : * et
introíbit Rex glóriæ.

Quis est iste Rex gló-
riæ? * Dóminus fortis et
potens : Dóminus potens
in prælio.

Attóllite portas, prínci-
pes, vestras, et elevámini,
portæ æternáles : * et
introíbit Rex glóriæ.

Quis est iste Rex gló-
riæ? * Dóminus virtutum
ipse est Rex glóriæ.

Ant. Ante torum hujus
Virginis frequentáte nobis
dúlcia cántica drámatís.

Tempore Paschali

Ant. Benedícta tu in mu-
liéribus, et benedíctus fru-
ctus ventris tui, allelúja.

℟. Spécie tua et pulchri-
túdine tua. **(T. P. Alle-
lúja.)** **℟.** Inténde, prospere
procéde, et regna. **(T. P.
Allelúja.)**

Absolutio Exáudi, Dómine.

Benedictio Benedictiône.

De Parábolis Salomónis

Lectio i Cap. 8, 12-25



SGO sapiéntia hábito
in consílio, et eru-
dítis intérsu cogi-
tationibus. Timor Dómini
odit malum : arrogántiam,
et supérbiam, et viam pra-
vam, et os bilíngue deté-
stor. Meum est consílium
et æquitas, mea est pru-
déntia, mea est fortitúdo.
Per me reges regnant, et
legum conditóres justa de-

cérnunt; per me principes imperant, et poténtes decérnunt justítiam. Ego diligéntes me diligo; et qui mane vígilant ad me, invénient me.

℟. Sancta et immaculáta virgíntas, quibus te láudibus éfferam, néschio :

* Quia quem cæli cápere non póterant, tuo grémio contulísti. (T. P. Allelúja.)

℣. Benedícta tu in muliéribus, et benedíctus fructus ventris tui. — Quia.

Benedictio Unigénitus Dei.

Lectio ii

Mecum sunt divítiae et glória, opes supérbae et justítia. Mélior est enim fructus meus auro et lápide pretióso, et genímína mea argénto elécto. In viis justítiae ámbulo, in médio semitárum judícii, ut ditem diligéntes me, et thesáuros eórum répleam. Dóminus possédit me in inítio viárum suárum, ántequam quidquam fáceret a principio. Ab ætérno ordináta sum et ex antíquis, ántequam terra fieret. Nondum erant abyssi, et ego jam concépta eram; necdum fontes aquárum erúperant; necdum montes gravi mole constíterant; ante colles ego parturiébar.

℟. Congratulámini mihi, omnes, qui dilígitis Dóminum : quia, cum essem

párvula, plácuí Altíssimo,

* Et de meis viscéribus génui Deum et hóminem.

(T. P. Allelúja.) ℣. Beátam me dicent omnes generatiónes, quia ancíllam húmílem respéxit Deus. — Et.

Benedictio Spíritus Sancti.

Lectio iii

Cap. 8, 34-36 et 9, 1-5

Beátus homo qui audit me, et qui vígilat ad fores meas quotidie, et observat ad postes óstii mei. Qui me invénerit, invéniet vitam, et háuriet salútem a Dómino; qui autem in me peccáverit, lædet ánimam suam. Omnes, qui me odérunt, dilígunt mortem. Sapiéntia ædificávit sibi domum, excídit colúmnas septem. Immolávit víctimas suas, míscuit vinum et propósuit mensam suam. Misit ancíllas suas, ut vocárent ad arcem et ad móenia civitátis : Si quis est párvulus, véniat ad me. Et insipiéntibus locúta est : Veníte, comédite panem meum, et bíbite vinum quod míscui vobis.

℟. Beáta es, Virgo María, quæ Dóminum portásti, Creatórem mundi : * Genuísti qui te fecit, et in ætérnum pérmanes Virgo. (T. P. Allelúja.) ℣. Ave, María, grátia plena; Dó-

minus tecum. — Genuísti qui te fecit, et in ætérnum pérmanes virgo. (T. P. Allelúja.) Glória. Genuísti.

In II Nocturno

Ant. Spécie tua * et pulchritúdine tua inténde, prospere procéde, et regna. (T. P. Allelúja.)

Psalmus 44



Ructávit cor meum
verbum bonum : *
dico ego ópera mea

Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * potentíssime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam : * et dedúcet te mirábiliter délixtera tua.

Sagíttæ tuæ acútæ, pópuli sub te cadent, * in corda inimicórum Regis.

Sedes tua, Deus, in sáculum sáculi : * virga directiónis virga regni tui.

Dilexísti justítiam, et odísti iniquitátem : * proptérea unxit te Deus,

Deus tuus, óleo lætítiæ præ consórtibus tuis.

Myrrha, et gutta, et cássia a vestiméntis tuis, a dómibus ebúrneis : * ex quibus delectavérunt te filíæ regum in honóre tuo.

Astitit regína a dextris tuis in vestítu deauráto : * circúmdata varietáte.

Audi, filia, et vide, et inclína aurem tuam : * et oblivíscere pópulum tuum, et domum patris tui.

Et concupíscet Rex decórem tuum : * quóniam ipse est Dóminus, Deus tuus, et adorábunt eum.

Et filíæ Tyri in munéribus * vultum tuum deprecabúntur : omnes dívites plebis.

Omnis glória ejus filíæ Regis ab intus, * in fímbris áureis circumamícta varietátibus.

Adducéntur Regi vírgines post eam : * próximæ ejus afferéntur tibi.

Afferéntur in lætítia et exsultatíone : * adducéntur in templum Regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis tui : * in omni generatióne et generatióne.

Proptérea pópuli confitebúntur tibi in ætérnum : * et in sáculum sáculi.

Ant. Spécie tua et pulchritudine tua inténde, prospere procéde, et regna.

Ant. Adjuvabit eam * Deus vultu suo : Deus in médio ejus, non commovébitur.

Psalmus 45

Deus noster refúgium, et virtus : * adjutor in tribulationibus, quæ invenerunt nos nimis.

Propterea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætificat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvabit eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscceptor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscceptor noster Deus Jacob.

Ant. Adjuvabit eam Deus vultu suo : Deus in médio ejus, non commovébitur.

Ant. Sicut lætántium * ómnium nostrum habitatio est in te, sancta Dei Génitrix.

Psalmus 86

Fundaménta ejus in móntibus sanctis : * diligit Dóminus portas Sion super ómnia tabernacula Jacob.

Gloríosa dicta sunt de te, * civitas Dei.

Memor ero Rahab, et Babilónis * sciéntium me.

Ecce alienígenæ, et Tyrus, et pópulus Æthiopum, * hí fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et príncipum : * horum, qui fuérunt in ea.

Sicut lætántium ómnium * habitatio est in te.

Ant. Sicut lætántium ómnium nostrum habitatio est in te, sancta Dei Génitrix.

Tempore Paschali

Ant. Spécie tua et pulchritúdine tua inténde, prospere procéde, et regna, allelúja.

✠. Adjuvábít eam Deus vultu suo. (T. P. Allelúja.) ✠. Deus in médio ejus, non commovébitur. (T. P. Allelúja.)

Absolutio Ipsíus píetas.

Benedictio Deus Pater.

Sermo sancti Joánnis
Chrysóstomi

Apud Metaphrasten

Lectio iv

EI Fílius non dívitē aut locuplétem áliquam féminam sibi matrem elégit, sed beátam Vírginem illam, cujus ánima virtútibus ornáta erat. Cum enim beáta María supra omnem humánam natúram castitátem serváret, proptérea Christum Dóminum in ventre concépit. Ad hanc igitur sanctíssimam Vírginem et Dei Matrem accurrétes, ejus patrocínii utilitátem assequámur. Itaque, quæcúmque estis vírgines, ad Matrem Dómini confúgite; illa enim pulchérissimam, pretiosíssimam et incorruptibilem possessionem, patrocínio suo, vobis conservábit.

✠. Sicut cedrus exaltáta sum in Líbano, et sicut

cypréssus in monte Sion : quasi myrrha elécta, * Dedisti suavitátem odóris. (T. P. Allelúja.) ✠. Et sicut cinnamómum et balsamum aromatizans. — Dedi.

Bened. Christus perpétuæ.

Lectio v

MAgnum revéra miraculum, fratres dilectíssimi, fuit beáta semper Virgo María. Quid namque illa majus aut illústrius ullo umquam témpore inventum est, seu aliquándo inveníri póterit? Hæc sola cælum ac terram amplitúdine superávit. Quidnam illa sánctius? Non Prophætæ, non Apóstoli, non Mártýres, non Patriárchæ, non Angeli, non Throni, non Dominationes, non Séraphim, non Chérubim; non dénique áliud quídpian inter créatas res visibiles aut invisibiles majus aut excellentius inveníri potest. Eadem ancilla Dei est et mater; éadem Virgo et Génitrix.

✠. Quæ est ista, quæ processit sicut sol, et formósa tamquam Jerúsalem? * Vidérunt eam filiae Sion, et beátam dixerunt, et reginæ laudavérunt eam. (T. P. Allelúja.)

✠. Et sicut dies verni circúmdabant eam flores

rosárum et lília convál-
lium. — Vidérunt.

Bened. Ignem sui amoris.

Lectio vi

HÆC ejus mater est, qui
a Patre ante omne
princípium génitus fuit,
quem Angeli et hómines
agnóscunt Dóminum re-
rum ómnium. Visne cognó-
scere, quanto Virgo hæc
præstántior sit cæléstibus
Poténtiis? Illæ cum timóre
et tremóre assístunt, fá-
ciem velántes suam : hæc
humánum genus illi offert,
quem genuit. Per hanc et
peccatórum véniam consé-
quimur. Ave igitur, ma-
ter, cælum, puélla, virgo,
thronus, Ecclesiæ nostræ
decus, glória et firmamén-
tum : assidue pro nobis
precáre Jesum, Fílium
tuum et Dóminum no-
strum, ut per te misericór-
diam inveníre in die judí-
cii, et quæ repósita sunt
iis, qui díligunt Deum,
bona cónsequi possimus,
grátia et benignitáte Dó-
mini nostri Jesu Christi :
cum quo Patri simul et
Sancto Spíritui glória, et
honor, et impérium, nunc
et semper in sæcula sæcu-
lórum. Amen.

℟. Ornátam monílibus
filiam Jerúsalem Dóminus
concupívit : * Et vidéntes
eam filiæ Sion, beatíssi-
mam prædicavérunt, di-

céntes : * Unguéntum
effúsum nomen tuum.
(**T. P.** Allelúja.) **℣.** Astitit
regína a dextris tuis in
vestítu deauráto, circúm-
data varietáte. — Et. Gló-
ria Patri. Unguéntum.

In III Nocturno

Ant. Gaude, María Vir-
go : * cunctas hæreses
sola interemísti in uni-
vérso mundo. (**T. P.** Alle-
lúja.)

In Annuntiatione T. P. :

Ant. Angelus Dómini *
nuntiávit Mariæ, et con-
cépit de Spíritu Sancto,
allelúja.

Psalmus 95



Antáte Dómino cán-
ticum novum : *
cantáte Dómino,
omnis terra.

Cantáte Dómino, et be-
nedícite nómini ejus : *
annuntiáte de die in diem
salutáre ejus.

Annuntiáte inter gentes
glóriam ejus, * in ómnibus
pópulis mirábília ejus.

Quóniam magnus Dómi-
nus, et laudábilis nimis : *
terribilis est super omnes
deos.

Quóniam omnes dii gén-
tium dæmónia : * Dómi-
nus autem cælos fecit.

Conféssio, et pulchritúdo
in conspéctu ejus : * san-
ctimónia et magnificéntia
in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dícite in géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Gaude, María Virgo : cunctas háereses sola interemísti in univérso mundo.

Ant. Dignáre me * laudáre te, Virgo sacráta : da mihi virtútem contra hostes tuos.

Psalmus 96

Dominus regnávit, exsúltet terra : * læténtur ínsulæ multæ.

Nubes, et calígo in circúitu ejus : * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiæ Judæ, * propter judícia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámmini, justí, in Dómino : * et confitémini memóriæ sanctificatiónis ejus.

Ant. Dignáre me laudáre te, Virgo sacráta : da mihi virtútem contra hostes tuos.

Ant. Post partum, * Virgo, inviolâta permansisti : Dei Génitrix, intercède pro nobis.

In Annuntiatione :

Ant. Angelus Dómini * nuntiávit Mariæ, et concépit de Spíritu Sancto.

Psalmus 97

CAntáte Dómino cánticum novum : * quia mirabilia fecit.

Salvavit sibi dextera ejus : * et bráchium sanctum ejus.

Notum fecit Dóminus salutare suum : * in conspectu géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Viderunt omnes términi terræ * salutare Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspectu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspectu Dómini : * quóniam venit judicare terram.

Judicábit orbem terrá-

rum in justítia, * et pópulos in æquitáte.

Ant. Post partum, Virgo, inviolâta permansisti : Dei Génitrix, intercède pro nobis.

In Annuntiatione :

Ant. Angelus Dómini nuntiávit Mariæ, et concépit de Spíritu Sancto. (T. P. Allelúja.)

Tempore Paschali

Ant. Gaude, María Virgo : cunctas háereses sola interemísti in univérso mundo, allelúja.

✠. Elégit eam Deus, et præelégit eam. (T. P. Allelúja.) ✠. In tabernáculo suo habitare facit eam. (T. P. Allelúja.)

Absolutio A vînculis.

Benedictio Evangélica lécio.

Lécio sancti Evangélii
secúndum Lucam

Lectio vii Cap. 11, 27-28

IN illo témpore : Loquente Jesu ad turbas, extóllens vocem quædam mûlier de turba dixit illi : Beátus venter qui te portávit. Et réliqua.

Homília sancti Bedæ
Venerábilis Presbýteri

Liber 4, cap. 49 in Luc. 11



Agnæ devotiónis et fidei hæc mûlier osténditur, quæ, scribis et pharisæis Dóminum tentántibus simul

et blasphemántibus, tanta ejus incarnationem præ ómnibus sinceritáte cognóscit, tanta fidúcia confitétur, ut et præsentium prócerum calúmniam, et futurórum confúndat hæreticórum perfídiam. Nam, sicut tunc Judæi, Sancti Spíritus ópera blasphemándo, verum consubstantialémque Patri Dei Fílium negábant : sic hæretici póstea, negándo Mariám semper Vírginem, Sancti Spíritus operánte virtúte, nascitúro cum humánis membris Unigénito Dei, carnis suæ matériam ministrásse, verum consubstantialémque matri Fílium hóminis fatéri non debére dixerunt.

R. Felix namque es, sacra Virgo María, et omni laude digníssima : * Quia ex te ortus est sol justitiæ, Christus, Deus noster. **(T. P. Allelúja.)** **V.** Ora pro pópulo, intérvieni pro clero, intercède pro devóto femíneo sexu : séntiant omnes tuum juvámen, quicúmque célebrant tuam sanctam festivitátem. — Quia.

Bened. Cujus festum cólimus, ipsa Virgo víginum.

Lectio viii

SED, si caro Verbi Dei secúndum carnem nascéntis a carne Vírginis matris pronuntiátur ex-

tránea, sine causa venter qui eam portásset, úbera quæ lactásset, beatificántur. Dicit autem Apóstolus : Quia misit Deus Fílium suum factum ex muliere, factum sub lege. Neque audiéndi sunt, qui legéndum putant : Natum ex muliere, factum sub lege, sed, Factum ex muliere : quia concéptus ex útero virgináli, carnem non de níhilo, non aliúnde, sed materna traxit ex carne. Alióquin nec vere Fílius hóminis dicerétur, qui oríginem non habéret ex hómine. Et nos ígitur, his contra Eutychen dictis, extollámus vocem cum Ecclésia cathólica, cujus hæc múlrier typum gessit, extollámus et mentem de médio turbárum, dicamúsque Salvatóri : Beátus venter qui te portávit, et úbera quæ suxísti. Vere enim beáta parens, quæ, sicut quidam ait, Eníxa est puérpera Regem, qui cælum terrámque tenet per sácula.

R. Beátam me dicent omnes generatiónes : * Quia fecit mihi Dóminus magna qui potens est, et sanctum nomen ejus. **(T. P. Allelúja.)** **V.** Et misericórdia ejus a progénie in progénies timéntibus eum. — Quia. Glória Patri. Quia.

Benedictio Ad societátem.

Lectio ix

Quinimmo beāti qui audiunt verbum Dei et custodiunt. Pulchre Salvátor attestatiōni mulieris annuit, non eam tantummodo quæ Verbum Dei corporáliter generáre merúerat, sed et omnes qui idem Verbum spiritáliter auditu fidei concipere, et boni óperis custódia vel in suo vel in proximórum corde párrere et quasi álere studúerint, assevérans esse beátos; quia, et eadem Dei Génitrix, et inde quidem beáta, quia Verbi incarnándi mínistra facta est temporális; sed inde multo beátior, quia ejúsdem semper amándi custos manébat æténa.

Te Deum laudámus.

AD LAUDES

et per Horas, Añæ

1 Dum esset Rex * in accúbitu suo, nardus mea dedit odórem suavitátis. (T. P. Allelúja.)

Psalmi de Dominica 1 loco.

2 Læva ejus * sub cápite meo, et délixtera illíus amplexábitur me. (T. P. Allelúja.)

3 Nigra sum, * sed formósa, filiæ Jerúsalem; ideo diléxit me Rex, et introduxit me in cubículum suum. (T. P. Allelúja.)

4 Jam hiems tránsiit, * imber ábiit et recéssit : surge, amíca mea, et veni. (T. P. Allelúja.)

5 Speciósá * facta es et suávis in delíciis tuis, sancta Dei Génitrix. (T. P. Allelúja.)

Capitulum Eccli. 24, 14

AB iníitio et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

Hymnus

O Gloriósá vírginum, Sublímis inter sídera, Qui te creávit, párvulum Lacténte nutris úbere.

Quod Heva tristis ábstulit, Tu reddis almo gérmine : Intrent ut astra flébiles, Cæli reclúdis cárdines.

Tu Regis alti jánuá Et aula lucis fúlgida : Vitam datam per Vírginem, Gentes redémtæ, pláudite.

Jesu, tibi sit glória, Qui natus es de Vírgine, Cum Patre, et almo Spírítu, In sempitérna sácula.

Amen.

℟. Diffúsa est grátia in lábiis tuis. (T. P. Allelúja.) ℞. Proptérea benedíxit te Deus in ætérnum. (T. P. Allelúja.)

Ad Bened. Ant. Beáta es, * Mariá, quæ credidisti : perficiéntur in te, quæ dicta sunt tibi a Dómino, allelúja.

Oratio

Concède nos fámulos tuos, quæsumus, Dómine Deus, perpétua mentis et córporis sanitate gaudere : et, gloriósa beátæ Mariæ semper Virginis intercessióne, a præsénti liberári tristítia et æténa pérfrui lætítia. Per Dóminum.

Ad Horas Psalmi de Dominica, ad Primam tamen ut in Festis.

AD PRIMAM

Ant. Dum esset Rex * in accúbitu suo, nardus mea dedit odórem suavitátis. (T. P. Allelúja.)

In **℟.** br., etiam per Octavas communes, dicitur **℟.** Qui natus es de Mariá Virgine.

AD TERTIAM

Ant. Læva ejus * sub cápite meo, et délixtera illíus amplexábitur me. (T. P. Allelúja.)

Capitulum Eccli. 24, 14

AB inítio et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

℟. br. Spécie tua * Et pulchritúdine tua. Spécie.

℣. Inténde, próspere procéde, et regna. Et. **Glória Patri. Spécie.**

℣. Adjuvábít eam Deus vultu suo. **℟.** Deus in médio ejus, non commovébitur.

Tempore Paschali

℟. br. Spécie tua et pulchritúdine tua, * Allelúja, allelúja. Spécie. **℣.** Inténde, próspere procéde, et regna. Allelúja, allelúja. **Glória Patri. Spécie.**

℣. Adjuvábít eam Deus vultu suo, allelúja. **℟.** Deus in médio ejus, non commovébitur, allelúja.

AD SEXTAM

Ant. Nigra sum, * sed formósa, fíliæ Jerúsalem; ideo diléxit me Rex, et introdúxit me in cubículum suum. (T. P. Allelúja.)

Capit. Eccli. 24, 15-16

ET sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

℟. br. Adjuvábít eam * Deus vultu suo. Adjuvábít. **℣.** Deus in médio ejus, non commovébitur. Deus vultu suo. **Glória Patri. Adjuvábít.**

℣. Elégit eam Deus, et præelégit eam. ℞. In tabernáculo suo habitare facit eam.

Tempore Paschali

℞. br. Adjuvabit eam Deus vultu suo, * Allelúja, allelúja. Adjuvabit. ℣. Deus in médio ejus, non commovébitur. Allelúja, allelúja. Glória Patri. Adjuvabit.

℣. Elégit eam Deus, et præelégit eam, allelúja. ℞. In tabernáculo suo habitare facit eam, allelúja.

AD NONAM

Ant. Speciósá * facta es et suávis in delíciis tuis, sancta Dei Génitrix. (T. P. Allelúja.)

Capit. Eccli. 24, 19-20

IN platéis sicut cinnamómum et bálsamum aromatizans odórem dedi: quasi myrrha elécta dedi suavitátem odóris.

℞. br. Elégit eam Deus, * Et præelégit eam. Elégit. ℣. In tabernáculo suo

habitare facit eam. Et. Glória Patri. Elégit.

℣. Diffúsa est grátia in lábiis tuis. ℞. Propterea benedíxit te Deus in ætérnum.

Tempore Paschali

℞. br. Elégit eam Deus, et præelégit eam, * Allelúja, allelúja. Elégit. ℣. In tabernáculo suo habitare facit eam. Allelúja, allelúja. Glória Patri. Elégit. ℣. Diffúsa est grátia in lábiis tuis, allelúja. ℞. Propterea benedíxit te Deus in ætérnum, allelúja.

IN II VESPERIS

Omnia ut in I Vesperis [195], præter

℣. Dignare me laudare te, Virgo sacrata. (T. P. Allelúja.) ℞. Da mihi virtutem contra hostes tuos. (T. P. Allelúja.)

Ad Magnif. Ant. Beátam me dicent * omnes generatiónes, quia ancillam húmitem respéxit Deus. (T. P. Allelúja.)

Completorium de Dominica.

OFFICIUM SANCTÆ MARIÆ IN SABBATO

Simplex

Omibus Sabbatis, extra Tempus Quadragesimæ et Passionis, nisi agendum fuerit de aliquo Festo duplici, etiam translato, aut semidu-

plici, vel de Octava aut Vigilia occurrenti, fit Officium de sancta Maria, in quo, sumptis Antiphonis et Psalmis de Feria VI et Sabbato occur-

rentibus, reliqua dicuntur ut
infra.

IN VESPERIS

Añæ et Psalmi ut supra. 287

Capitulum Eccli. 24, 14

AB inítkio et ante sácula
creáta sum, et usque
ad futúrum sáculum non
désinam, et in habitatióne
sancta coram ipso mini-
strávi.

*Prima strophá sequentis
Hymni dicitur flexis genibus.*

Hymnus

AVE, maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus
Tulit esse tuus.

Virgo singuláris,
Inter omnes mitis,
Nos, culpís solútos,
Mites fac et castos.

Vitam præsta puram,
Iter para tutum,
Ut, vidéntes Jesum,
Semper collætémur.

Sit laus Deo Patri,
Summo Christo decus,

Spirítui Sancto,
Tribus honor unus. Amen.

℟. Diffúsa est grátia in
lábiis tuis. (T. P. Allelúja.)

℞. Proptérea benedíxit te
Deus in ætérnum. (T. P.
Allelúja.)

*¶ Si tamen præcedens Ver-
sus dictus jam fuerit in Offi-
cio de Communi Virginum
vel non Virginum, tunc dica-
tur sequens*

℟. Benedícta tu in mu-
liéribus. (T. P. Allelúja.)

℞. Et benedíctus fructus
ventristui. (T. P. Allelúja.)

Ad Magnif. Ant. Regína
cæli, * lætáre, allelúja;
quia quem meruísti por-
táre, allelúja, resurréxit,
sicut dixit, allelúja : ora
pro nobis Deum, allelúja.

Oratio

Concède nos fámulos
tuos, quæsumus, Dó-
mine Deus, perpétua men-
tis et córporis sanitáte
gaudére : et, gloriósa
beátæ Mariæ semper Vir-
ginis intercessióne, a præ-
sénti liberári tristítia et
ætérna pérfrui lætítia. Per
Dóminum.

*Commemoratio de Cruce, ut
infra ad Laudes. [214]*

*Ad Completorium et ad
omnes Horas usque ad No-
nam inclusive, in fine Hym-
norum dicitur :*

Jesu, tibi sit glória,
Qui natus es de Vírgine,

Cum Patre, et almo Spí-
ritu,
In sempitérna sácula.
Amen.

AD MATUTINUM

Invit. Ave, Mariá, grátia
plena; * Dóminus tecum,
allelúja. **Ps. 94** Veníte,
exsultémus.

Hymnus

Quem terra, pontus, sí-
dera
Colunt, adórant, prædi-
cant,
Trinam regéntem máchi-
nam,
Clastrum Mariæ bájulat.

Cui luna, sol et ómnia
Deserviunt per témpora,
Perfúsa cæli grátia,
Gestant puéllæ víscera.

Beáta Mater múnere,
Cujus, supérnus Artifex
Mundum pugillo cónti-
nens,
Ventris sub arca clausus
est.

Beáta cæli núntio,
Fecúnda Sancto Spíritu,
Desiderátus géntibus
Cujus per alvum fusus est.

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sácula.
Amen.

In Nocturno Antiphonæ,
Psalmi et Versus de Sab-
bato, 297

Deinde Pater noster se-
creto usque ad **℣**. Et ne
nos indúcas in tentatió-
nem. **℟**. Sed líbera nos a
malo.

Absolutio

PRécibus et méritis beá-
tæ Mariæ semper Vír-
ginis et ómnium Sanctó-
rum, perdúcat nos Dómi-
nus ad regna cælórum.

℟. Amen.

℣. Jube, domne.

Pro I Lect. Bened. Nos
cum prole pia benedícat
Virgo Mariá. **℟**. Amen.

Lectio I et II dicuntur de
Scriptura occurrenti, cum
suis Responsoriis de Tem-
pore; **Lectio** vero III erit una
ex inferius [215]-[216] positis,
juxta ordinem mensium.

Pro II Lect. Bened. Ipsa
Virgo vírginum intercédát
pro nobis ad Dóminum.
℟. Amen.

Per III Lect. Bened. Per
Vírginem matrem concé-
dat nobis Dóminus salú-
tem et pacem. **℟**. Amen.

Post III Lectionem dicitur
Hymnus Te Deum.

AD LAUDES

Antiphonæ cum Psalmis de
Sabbato 1 loco. 305

Capitulum Eccli. 24, 14

AB infítio et ante sácula
creáta sum, et usque
ad futúrum sáculum non
désinam, et in habitatióne
sancta coram ipso mini-
strávi.

Hymnus

O Gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine :
Intrent ut astra flébiles,
Cæli reclúdis cárdines.

Tu Regis alti jánuā
Et aula lucis fúlgida :
Vitam datam per Vírgi-
nem,
Gentes redéptæ, pláu-
dite.

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sácula.

Amen.

℣. Benedícta tu in mu-
liéribus. (T. P. Allelúja.)

℟. Et benedíctus fructus
ventris tui. (T. P. Alle-
lúja.)

Ad Bened. Ant. Regína
cæli, * lætáre, allelúja;
quia quem meruísti por-
táre, allelúja, resurréxit,
sicut dixit, allelúja : ora
pro nobis Deum, allelúja.

Oratio

Concède nos fámulos
tuos, quæsumus, Dó-
mine Deus, perpétua men-
tis et córporis sanitáte
gaudére : et, gloriósa
beátæ Mariæ semper Vír-
ginis intercessióne, a præ-
sénti liberári tristítia et

ætérna pérfrui lætítia. Per
Dóminum.

Commemoratio
de Cruce

Ant. Crucifíxus surréxit
a mórtuis, et redémit nos,
allelúja, allelúja.

℣. Dícite in natió nibus,
allelúja. ℟. Quia Dóminus
regnávit a ligno, allelúja.

Orémus.

Oratio

Deus, qui pro nobis Fí-
lium tuum Crucis pa-
tíbulum subíre voluísti, ut
inimíci a nobis expélleres
potestátem : concéde no-
bis, fámulis tuis; ut resur-
recti ónis grátiam conse-
quámur. Per eúmdem Dó-
minum. ℟. Amen.

Ad Primam in ℟. br. ℣. Qui
natus es de María Vírgine,
et ad absolutionem Capituli
Lectio brevis In platéis, ut
infra ad Nonam.

AD TERTIAM

Capitulum Eccli. 24, 14

AB iníitio et ante sácula
creáta sum, et usque
ad futúrum sáculum non
désinam, et in habitatióne
sancta coram ipso mini-
strávi.

℟. br. Spécie tua et pul-
chritúdine tua, * Allelúja,
allelúja. Spécie. ℣. Intén-
de, prospere procéde, et
regna. Allelúja, allelúja.

Glória Patri. Spécie.

℣. Adjuvábít eam Deus
vultu suo, allelúja. ℟. Deus

in médio ejus, non commovébitur, allelúja.

Oratio Concéde. [214]

AD SEXTAM

Capit. Eccli. 24, 15-16

ET sic in Sion firmáta sum, et in civitaté sanctificáta simfliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

℟. br. Adjuvábít eam Deus vultu suo, * Allelúja, allelúja. Adjuvábít.

℣. Deus in médio ejus, non commovébitur. Allelúja, allelúja. **Glória Patri.** Adjuvábít.

℣. Elégit eam Deus, et præelégit eam, allelúja.

℟. In tabernáculo suo habitáre facit eam, allelúja.

AD NONAM

Capit. Eccli. 24, 19-20

IN platéis sicut cinnamómum et bálsamum aromatízans odórem dedi : quasi myrrha elécta dedi suavitátem odóris.

℟. br. Elégit eam Deus, et præelégit eam, * Allelúja, allelúja. Elégit. **℣.** In tabernáculo suo habitáre facit eam. Allelúja, allelúja. **Glória Patri.** Elégit.

℣. Diffúsa est grátia in lábiis tuis, allelúja. **℟.** Pro-

ptérea benedíxit te Deus in ætérnum, allelúja.

Post Nonam terminatur Officium sanctæ Mariæ in Sabbato.

Lectiones sequentes dicuntur singulis mensibus in Officio sanctæ Mariæ in Sabbato, ordine subscripto.

Mense Aprilis

De Expositióne sancti Hierónymi Presbýteri in Ezechiélem Prophétam

Liber 13, in cap. 44

Lectio iii

PORTA hæc clausa erit, et non aperiétur. Pulchre quidam portam clausam, per quam solus Dóminus, Deus Israël, ingréditur, et dux cui porta clausa est, Mariam Vírginem intélligunt, quæ et ante partum et post partum virgo permánsit. Etenim témpore, quo Angelus loquebátur : Spíritus Sanctus véniet super te, et virtus Altíssimi obumbrábit te : quod autem nascétur ex te Sanctum, vocábitur Fílius Dei; et quando natus est, virgo permánsit ætérna; ad confundéndo eos, qui arbitrántur eam post natiuitátem Salvatóris habuisse de Joseph fílios, ex occasióne fratrum ejus, qui vocántur in Evangélio. Te Deum laudámus.

Mense Majo

Ex Tractátu sancti Augustini Epíscopi de Sým-bolo ad Catechúmenos

Liber 3, cap. 4, in fine

Lectio iii

PER féminam mors, per féminam vita : per Hevam intéritus, per Mariám salus. Illa, corrúpta, secúta est seductórem : hæc, íntegra, péperit Salvató-

rem. Illa póculum a serpente propinátum libénter accépit et viro trádidit, ex quo simul mereréntur occídi : hæc, grátia cælésti désuper infúsa, vitam prótulit, per quam caro mórtua possit resuscitári. Quis est qui hæc operátus est, nisi Vírginis Fílius et vírginum Sponsus, qui áttulit Matri fecunditátem, sed non ábstulit integritátem? Te Deum.

OFFICIUM PARVUM B. MARIÆ VIRGINIS

I Extra Temp. Pasch.

Quod dicitur extra Festum Annuntiationis a Matutino Dominicæ I Quadragesimæ usque ad Nonam Sabbati sancti inclusive.

IN VESPERIS

Ave María secreto, quod dicitur semper in principio omnium Horarum.

℣. Deus, in adjutórium meum inténde. ℞. Dómine, ad adjuvándum me festína.

Glória Patri. Sicut erat.

Laus tibi, Dómine, Rex æternæ glóriæ.

Antiphonæ, quæ in toto Officio parvo non duplicantur, Psalmi, Capitulum et Hymnus, ut supra in Comuni Festorum B. Mariæ Virginis. [195]

℣. Diffúsa est grátia in lábiis tuis. ℞. Proptérea benedíxit te Deus in ætérnum.

Ad Magnif. Ant. Beáta Mater * et intácta Virgo, gloriósa Regína mundi, intercède pro nobis ad Dóminum.

Kýrie, eléison. Christe, eléison. Kýrie, eléison.

℣. Dóminus vobíscum.

℞. Et cum spíritu tuo.

Oratio

Concède nos fámulos tuos, quæsumus, Dómine Deus, perpétua mentis et córporis sanitate gaudére : et, gloriósa beátæ Mariæ semper Vírginis intercessióne, a præsénti liberári tristítia et æterna pérfrui lætítia. Per Dóminum.

Et fit Commemoratio de Sanctis :

Ant. Sancti Dei omnes, intercédere dignémini pro nostra omniúmque salúte.

℣. Lætámini in Dómino et exsultáte, justí. ℟. Et gloriámini, omnes recti corde.

Oratio

PRótege, Dómine, pópulum tuum, et, Apostolórum tuórum Petri et Pauli et aliórum Apostolórum patrocínio confidéntem, perpétua defensióne consérva.

OMnes Sancti tui, quæsumus, Dómine, nos ubique ádjuvent : ut, dum eórum mérita recólimus, patrocínia sentiámus : et pacem tuam nostris concéde tempóribus, et ab Ecclésia tua cunctam repélle nequítiam; iter, actus et voluntátes nostras, et ómnium famulórum tuórum, in salútis tuæ prosperitáte dispóne, benefactóribus nostris sempitérna bona retríbe, et ómnibus fidélibus defúntis réquiem ætérmam concéde. Per Dóminum.

AD COMPLETORIUM

Ave María, **ut supra.**

℣. Convérte nos, Deus, salutáris noster. ℟. Et avérte iram tuam a nobis.

℣. Deus, in adjutórium.

Ps. 128 Sæpe expugnávérunt, Ps. 129 De profundis, **et Ps. 130** Dómine, non est exaltátum, **ut in Vesperis Feriæ IV. 202**

Hymnus

MEménto, rerum Cón-ditor,
Nostri quod olim córporis,
Sacráta ab alvo Vírginis
Nascéndo, formam sumpseris.

María, Mater grátiae,
Dulcis Parens cleméntiae,
Tu nos ab hoste prótege
Et mortis hora súscipe.

Jesu, tibi sit glória,
Qui natus es de Vírgine,
Cum Patre, et almo Spí-ritu,

In sempitérna sæcula.

Amen.

Capitulum Eccli. 24, 24

EGO mater pulchræ dilectiónis, et timóris, et agnitiónis, et sanctæ spei.

℟. Deo grátias.

℣. Ora pro nobis, sancta Dei Génitrix. ℟. Ut digni efficiámur promissionibus Christi.

Ad Nunc dimittis Ant.
Sub tuum præsidium *
confúgimus, sancta Dei
Génitrix : nostras depre-
cationes ne despicias in
necessitátibus, sed a perí-
culis cunctis libera nos
semper, Virgo gloriósa et
benedícta.

Kýrie, eléison. Christe,
eléison. Kýrie, eléison.

℣. Dóminus vobíscum.

℟. Et cum spíritu tuo.

Oratio

BEátæ et gloriósæ semper Vírginis Mariæ, quæsumus, Dómine, intercessio gloriósa nos protégat : et ad vitam perdúcat ætérnam. Per Dóminum.

AD MATUTINUM

Ave María, *ut supra*.

℣. Dómine, lábia mea apéries. ℟. Et os meum annuntiábit laudem tuam.

℣. Deus, in adjutórium.

Invitat. Ave, María, grátia plena; * Dóminus tecum. **Ps. 94** Veníte, exsultémus.

Hymn. Quem terra. [213]

In Nocturno

Antiphonæ et Psalmi ut in Communi Festorum beatæ Mariæ Virginis, scilicet :

Dominica, Feria II et V : De I Nocturno. [198]

Feria III et VI : De II Nocturno. [202]

Feria IV et Sabbato : De III Nocturno. [205]

℣. Diffúsa est grátia in lábiis tuis. ℟. Proptérea benedíxit te Deus in ætérnum.

Pater noster **secreto usque ad** ℣. Et ne nos indú-

cas in tentatiónem. ℟. Sed libera nos a malo.

Absolutio

PRécibus et méritis beatæ Mariæ semper Vírginis et ómnium Sanctórum, perdúcat nos Dóminus ad regna cælórum.

℟. Amen.

℣. Jube, domne, benedícere. **Bened.** Nos cum prole pia benedícat Virgo María. ℟. Amen.

Lectio i Eccli. 24, 11-13

IN ómnibus réquiem quæsi vi, et in hereditáte Dómini morábor. Tunc præcépit et dixit mihi Creátor ómnium, et, qui creávit me, requiévít in tabernáculo meo, et dixit mihi : In Jacob inhábita, et in Israël hereditáre, et in eléctis meis mitte raíces. Tu autem, Dómine, miserére nobis.

℟. Deo grátias.

℟. Sancta et immaculáta virgíntas, quibus te láudibus éfferam, nésco : * Quia quem cæli cápere non póterant, tuo grémio contulísti. ℣. Benedícta tu in muliéribus, et benedíctus fructus ventris tui. — Quia.

℣. Jube, domne, benedícere. **Bened.** Ipsa Virgo vírginum intercédát pro nobis ad Dóminum.

℟. Amen.

Lectio ii Eccli. 24, 15-20

ET sic in Sion firmáta sum, et in civitatē sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea. Tu autem.

℟. Beáta es, Virgo María, quæ Dóminum portásti, Creatórem mundi : * Genuísti qui te fecit, et in ætérnum pérmanes virgo. ℣. Ave, María, grátia plena; Dóminus tecum. — Genuísti qui te fecit, et in ætérnum.

Tempore Paschali et in Festis B. Mariæ Virg. : Glória Patri. Genuísti.

℣. Jube, domne, benedícere. Bened. Per Vírginem Matrem concédát nobis Dóminus salútem et pacem. ℟. Amen.

Lectio iii

QUasi cedrus exaltáta sum in Líbano, et quasi cypréssus in monte Sion : quasi palma exaltáta sum in Cades, et quasi plantátio rosæ in Jéricho : quasi olíva speciósá in campis, et quasi plátanus exaltáta sum juxta aquam in platéis. Sicut cinnamómum et bálsamum aromatízans odórem dedi; quasi

myrrha elécta dedi suavitátem odóris. Tu autem.

Tempore Paschali et in Festis B. M. V. sequens ℟. omittitur et dicitur Te Deum.

℟. Felix namque es, sacra Virgo María, et omni laude digníssima : * Quia ex te ortus est sol justitiæ, * Christus, Deus noster. ℣. Ora pro pópulo, intérvēni pro clero, intercéde pro devóto femíneo sexu : séntiant omnes tuum juvámē, quicúmque célebrant tuam sanctam commemoratióem. — Quia. Glória Patri. Christus.

AD LAUDES

℣. Deus, in adjutórium.

Ant. 1 Assúpta est María in cælum : * gaudent Angeli, laudántes benedícunt Dóminum.

Psalmi de Dominica 1 loco

2 María Virgo assúpta est * ad æthéreum thálammum, in quo Rex regum stelláto sedet sólio.

3 In odórem * unguentórum tuórum cúrrimus : adolescéntulæ dilexérunt te nimis.

4 Benedícta * filia tu a Dómino : quia per te fructum vitæ comunicávimus.

5 Pulchra es * et decóra, filia Jerúsalem, terríbilis

ut castrorum ácies ordináta.

Capitulum Cant. 6, 8

VIdérunt eam filiae Sion, et beatíssimam prædicavérunt, et reginæ laudavérunt eam. **℟.** Deo grátias.

Hymnus O gloriósa. [214]

℟. Benedícta tu in mulieribus. **℟.** Et benedíctus fructus ventris tui.

Ad Bened. Ant. Beáta Dei Génitrix, María, * Virgo perpétua, templum Dómini, sacrárium Spíritus Sancti, sola sine exémplo placuísti Dómino nostro Jesu Christo : ora pro pópulo, intérvieni pro clero, intercède pro devóto femíneo sexu.

Kýrie, eléison. Christe, eléison. Kýrie, eléison.

℟. Dóminus vobíscum.

℟. Et cum spíritu tuo.

Oratio

DEus, qui de beátæ Mariæ Virgínis útero Verbum tuum, Angelo nuntiánte, carnem suscipere voluísti : præsta supplicibus tuis; ut, qui vere eam Genitricem Dei crédimus, ejus apud te intercessiónibus adjuvémur. Per eúndem Dóminum.

Et fit Commemoratio de Sanctis, ut supra ad Vesperas. [217]

AD PRIMAM

Ave María, **ut supra.**

℟. Deus, in adjutórium.

Hymnus

MEménto, rerum Cónditor,
Nostri quod olim córporis,
Sacráta ab alvo Virgínis
Nascéndo, formam sumpseris.

María, Mater grátiae,
Dulcis Parens cleméntiae,
Tu nos ab hoste prótege
Et mortis hora súscipe.

Jesu, tibi sit glória,
Qui natus es de Virgine,
Cum Patre, et almo Spíritu,
In sempitérna sæcula.
Amen.

Ant. Assúpta est María in cælum.

Ps. 53 Deus in nómine tuo 193; **Ps. 84** Benedixísti 264; **Ps. 116** Laudáte Dóminum, omnes gentes. 92

Ant. Assúpta est María in cælum : gaudent Angeli, laudántes benedícunt Dóminum.

Capitulum Cant. 6, 9

QUÆ est ista, quæ progréditur quasi auróra consúrgens, pulchra ut luna, elécta ut sol, terríbilis ut castrorum ácies ordináta? **℟.** Deo grátias.

✠. Dignâre me laudâre te, Virgo sacrâta. ✠. Da mihi virtutem contra hostes tuos.

Kýrie, eléison. Christe, eléison. Kýrie, eléison.

✠. Dóminus vobíscum.

✠. Et cum spírítu tuo.

Oratio

DEus, qui virginálem aulam beátæ Mariæ, in qua habitâres, eligere dignátus es : da, quæsumus; ut, sua nos defensione munitos, jucúndos fácias suæ interesse commemoratióni : Qui vivis.

AD TERTIAM

Ave María, **ut supra.**

✠. Deus, in adjutórium.

Hymnus Meménto, **ut supra.**

Ant. María Virgo assúpta est.

Ps. 119 Ad Dóminum cum tribulárer **119; Ps. 120** Levávi óculos meos et **Ps. 121** Lætátus sum **ibid.**

Ant. María Virgo assúpta est ad æthæreum thálamum, in quo Rex regum stelláto sedet sólio.

Capitulum Eccli. 24, 15

ET sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. ✠. Deo grátias.

✠. Diffúsa est grátia in lábiis tuis. ✠. Proptérea benedíxit te Deus in ætérnum.

Kýrie, eléison. Christe, eléison. Kýrie, eléison.

✠. Dóminus vobíscum.

✠. Et cum spírítu tuo.

Oratio

DEus, qui salútis æternæ, beátæ Mariæ virginitaté fecúnda, humano géneri præmia præstitisti : tríbue quæsumus; ut ipsam pro nobis intercédere sentiámus, per quam merúimus auctórem vitæ suscípere, Dóminum nostrum Jesum Christum, Fílium tuum : Qui tecum vivit.

AD SEXTAM

Ave María, **ut supra.**

✠. Deus, in adjutórium.

Hymnus Meménto. [220]

Ant. In odórem.

Ps. 122 Ad te levávi **157, Ps. 123** Nisi quia Dóminus **158; Ps. 124** Qui confidunt in Dómino **ibid.**

Ant. In odórem unguentórum tuórum cúrrimus : adolescéntulæ dilexérunt te nimis.

Capitulum Eccli. 24, 16

ET radicávi in pópulo honorificáto, et in parte Dei mei heréditas illíus,

et in plenitudine sanctórum deténtio mea.

℟. Deo grátias.

℣. Benedícta tu in muliéribus. ℟. Et benedíctus fructus ventris tui.

Kýrie, eléison. Christe, eléison. Kýrie, eléison.

℣. Dóminus vobíscum.

℟. Et cum spíritu tuo.

Oratio

Concède, miséricors Deus, fragilitáti nostræ præsidium : ut, qui sanctæ Dei Genitrícis memóriam ágimus; intercessiónis ejus auxílio, a nostris iniquitatibus resurgámus. Per eúmdem Dóminum.

AD NONAM

Ave María, *ut supra*.

℣. Deus, in adjutórium.

Hymnus Meménto. [220]

Ant. Pulchra es.

Ps. 125 In convertendo 158; **Ps. 126** Nisi Dóminus 159; **Ps. 127** Beáti omnes. 202

Ant. Pulchra es et decóra, filia Jerúsalem, terríbilis ut castrórum ácies ordináta.

Capit. **Eccli. 24, 19-20**

IN platéis sicut cinnamómum et bálsamum aromatízans odórem dedi :

quasi myrrha elécta dedi suavitátem odóris.

℟. Deo grátias.

℣. Post partum, Virgo, invioláta permansísti. ℟. Dei Génitrix, intercède pro nobis.

Kýrie, eléison. Christe, eléison. Kýrie, eléison.

℣. Dóminus vobíscum.

℟. Et cum spíritu tuo.

Oratio

FAmulórum tuórum, quæsumus, Dómine, delíctis ignósce : ut, qui tibi placére de áctibus nostris non valémus; Genitrícis Fílii tui, Dómini nostri, intercessióne salvémur : Qui tecum vivit.

II

In Festo Annuntiationis

Omnia dicuntur ut supra [216] notatur, præter sequentia :

IN VESPERIS

Antiphonæ et Capitulum de Laudibus. [224]

Ad Magnif. Ant. Spíritus Sanctus * in te descéndet, María : ne tíneas, habébis in útero Fílium Dei. (**T. P.** Allelúja.)

Kýrie, eléison. Christe, eléison. Kýrie, eléison.

℣. Dóminus vobíscum.

℟. Et cum spíritu tuo.

Oratio

DEus, qui de beátæ Mariæ Virginitis útero Verbum tuum, Angelo nuntiánte, carnem suscipere voluisti : præsta supplicibus tuis; ut, qui vere eam Genitricem Dei credimus, ejus apud te intercessionibus adjuvémur. Per eúmdem Dóminum.

Quæ Oratio dicitur ad omnes Horas.

Et fit Commemoratio de Sanctis, ut supra. [217]

AD COMPLETORIUM

Capitulum Is. 7, 14-15

ECce Virgo concipiet et páriet filium, et vocábitur nomen ejus Emmánuel. Butýrum et mel cómedet, ut sciat reprobáre malum, et eligere bonum.

℟. Deo grátias.

℣. Angelus Dómini nuntiávit Mariæ. ℟. Et concépit de Spíritu Sancto.

Ad Nunc dimittis Ant. Spíritus Sanctus * in te descéndet, María : ne tímeas, habébis in útero Filium Dei. (T. P. Allelúja.)

AD MATUTINUM

Feria IV et Sabbato, loco 3. Antiphonæ Post partum dicitur sequens

Ant. Angelus Dómini * nuntiávit Mariæ, et con-

cépit de Spíritu Sancto. (T. P. Allelúja.)

Absolutio

PRécibus et méritis beátæ Mariæ semper Virginitis et ómnium Sanctórum, perdúcat nos Dóminus ad regna cælórum. ℟. Amen.

℣. Jube, domne, benedícere. Bened. Nos cum prole pia benedícat Virgo María. ℟. Amen.

Lectio i Luc. 1, 26-38

Missus est Angelus Gábriel a Deo in civitátem Galilææ, cui nomen Názaeth, ad Virginem desponsátam viro, cui nomen erat Joseph, de domo David, et nomen Virginitis María. Et, ingressus Angelus ad eam, dixit : Ave, grátia plena; Dóminus tecum : benedicta tu in muliéribus. Tu autem, Dómine.

℟. Missus est Gábriel Angelus ad Mariám Virginem desponsátam Joseph, nuntians ei verbum; et expavéscit Virgo de lúmine : ne tímeas, María, invenísti grátiam apud Dóminum : * Ecce concípies et páries, et vocábitur Altíssimi Fílius. ℣. Dabit ei Dóminus Deus sedem David, patris ejus; et regnábit in domo Jacob in ætérnum. — Ecce.

℟. Jube, domne, benedicere. **Bened.** Ipsa Virgo virginum intercédât pro nobis ad Dóminum.

℟. Amen.

Lectio ii

QUÆ cum audisset, turbata est in sermone ejus, et cogitabat qualis esset ista salutatio. Et ait Angelus ei : Ne timeas, María; invenisti enim gratiam apud Deum : ecce concipies in útero et paries filium, et vocabis nomen ejus Jesum. Hic erit magnus, et Filius Altissimi vocabitur; et dabit illi Dóminus Deus sedem David, patris ejus; et regnabit in domo Jacob in ætérnum, et regni ejus non erit finis. Tu autem.

℟. Ave, María, grátia plena; Dóminus tecum :

* Spíritus Sanctus superveniet in te, et virtus Altissimi obumbrabit tibi : quod enim ex te nascetur Sanctum, vocabitur Filius Dei. ℟. Quómodo fiet istud, quóniam virum non cognosco? Et respondens Angelus, dixit ei. — Spíritus. **Glória Patri.** Spíritus.

℟. Jube, domne, benedicere. **Bened.** Per Vírginem Matrem concédât nobis Dóminus salútem et pacem. ℟. Amen.

Lectio iii

Dixit autem María ad Angelum : Quómodo fiet istud, quóniam virum non cognosco? Et respondens Angelus dixit ei : Spíritus Sanctus superveniet in te, et virtus Altissimi obumbrabit tibi. Ideoque et quod nascetur ex te Sanctum, vocabitur Filius Dei. Et ecce Elisabeth, cognata tua, et ipsa concipit filium in senectute sua, et hic mensis sextus est illi, quæ vocatur stérilis; quia non erit impossibile apud Deum omne verbum. Dixit autem María : Ecce ancilla Dómini : fiat mihi secundum verbum tuum. Tu autem.

Te Deum laudamus.

AD LAUDES

Añæ 1 Missus est * Gábríel Angelus ad Mariám Vírginem desponsátam Joseph.

2 Ave, María, * grátia plena; Dóminus tecum : benedicta tu in mulieribus. (**T. P. Allelúja.**)

3 Ne timeas, María, * invenisti grátiam apud Dóminum : ecce concipies et paries filium. (**T. P. Allelúja.**)

4 Dabit ei Dóminus * sedem David, patris ejus; et regnabit in ætérnum.

5 Ecce ancilla Dómini : *
fiat mihi secúndum ver-
bum tuum.

Capitulum Is. 11, 1-2

E Grediétur virga de ra-
dice Jesse, et flos de
radice ejus ascéndet. Et
requiescet super eum Spí-
ritus Dómini. *℟.* Deo grá-
tias.

Ad Bened. Ant. Spíritus
Sanctus * in te descéndet,
María : ne tímeas, habébis
in útero Fílium Dei. (T. P.
Allelúja.)

*Oratio et Commemoratio de
Sanctis, ut notatur supra ad
Vesperas. [217]*

AD PRIMAM

Ant. Missus est.

Capitulum Is. 7, 14-15

Ecce Virgo concípíet et
páriet filium, et vocá-
bitur nomen ejus Emmá-
nuel. Butýrum et mel có-
medet, ut sciat reprobáre
malum, et eligere bonum.

℟. Deo gráτίας.

℣. Dignáre me laudáre
te, Virgo sacráta. *℟.* Da
mihi virtútem contra ho-
stes tuos.

AD TERTIAM

Ant. Ave María.

Capit. Egrediétur, ut
supra.

℣. Diffúsa est grátia in
lábiis tuis. *℟.* Proptérea
benedíxit te Deus in ætér-
num.

AD SEXTAM

Ant. Ne tímeas, María.

Capitulum Luc. 1, 32-33

Dabit illi Dóminus Deus
sedem David, patris
ejus; et regnábít in domo
Jacob in ætérnum, et regni
ejus non erit finis.

℟. Deo gráτίας.

℣. Benedícta tu in mulié-
ribus. *℟.* Et benedíctus
fructus ventris tui.

AD NONAM

Ant. Ecce ancilla Dómini.

Capit. Ecce Virgo concí-
piet, ut ad Primam.

℣. Angelus Dómini nun-
tiávit Mariæ. *℟.* Et con-
cépit de Spíritu Sancto.


III Tempore Paschali

*Quod dicitur a Vesperis
Sabbati sancti usque ad No-
nam Sabbati Quatuor Tem-
porum Pentecostes inclusive.*

*Omnia dicuntur ut supra I
Extra Tempus Paschale [216],
sed loco Laus tibi, Dómine,
dicitur Allelúja. et ad Bene-
dictus, Magnificat et Nunc
dimittis dicitur sequens*

Ant. Regína cæli, * læ-
táre, allelúja; quia quem
meruísti portáre, allelúja,
resurréxit, sicut dixit,
allelúja : ora pro nobis
Deum, allelúja.

*Aliis autem Antiphonis, In-
vitorio, Versibus et Re-
sponsoriis non additur Alle-
lúja.*



Sancta... et salubris est cogitatio pro defunctis exorare, ut a peccatis solvantur, II Mach XII 46.

Officium Defunctorum

Dicitur in Choro in die depositionis et aliis diebus pro temporis opportunitate et ecclesiarum consuetudine : Vesperæ post Vesperas diei; Matutinum cum Laudibus post Laudes diei, immediate post ✠. Benedicamus Dómino et Deo grátias. Et non duplicantur Antiphonæ præterquam in die depositionis, in die post acceptum mortis nuntium, et tertio, septimo, trigesimo, et anniversario, etiam late sumpto; et quoties solemner celebratur Officium. In fine vero omnium Psalmorum semper dicitur : Réquiem ætérnam * dona eis, Dómine. Et lux perpétua * lúceat eis etiam si pro uno tantum fiat Officium.

AD VESPERAS

Quoties Vesperæ vel delationem cadaveris ad ecclesiam ac Responsorium Subveníte vel Officium diei currentis immediate non sequantur, dicitur secreto Pater noster et Ave María; secus absolute incipitur ab

Ant. Placébo Dómino * in regione vivórum.

Psalmus 114

Diléxi, quóniam exáudiet Dóminus * vocem oratiónis meæ.

Quia inclinávit aurem suam mihi : * et in diébus meis invocábo.

Circumdedérunt me dolóres mortis : * et perícula inférni invenérunt me.

Tribulatiónem et dolórem invéni : * et nomen Dómini invocávi.

O Dómine, libera ánimam meam : * miséricors Dóminus, et justus, et Deus noster miserétur.

Custódiens párvulos Dóminus : * humiliátus sum, et liberávit me.

Convértere, ánima mea,
in réquiem tuam : * quia
Dóminus benefécit tibi.

Quia erípuit ánimam
meam de morte : * óculos
meos a lácrimis, pedes
meos a lapsu.

Placébo Dómino : * in re-
gióne vivórum.

Réquiem ætérnam.

Ant. Placébo Dómino in
regióne vivórum.

Ant. Hei mihi, Dómine, *
quia incolátus meus pro-
longátus est.

Psalmus 119

AD Dóminum cum tribu-
lárer clamávi : * et
exaúdivit me.

Dómine, libera ánimam
meam a lábiis iníquis, * et
a lingua dolósa.

Quid detur tibi, aut quid
apponátur tibi * ad lin-
guam dolósam?

Sagíttæ poténtis acútæ, *
cum carbónibus desolató-
riis.

Heu mihi, quia incolátus
meus prolongátus est : ha-
bitávi cum habitántibus
Cedar : * multum íncola
fuit ánima mea.

Cum his, qui odérunt pa-
cem, eram pacíficus : *
cum loquébar illis, impu-
gnábant me gratis.

Réquiem ætérnam.

Ant. Hei mihi, Dómine,
quia incolátus meus pro-
longátus est.

Ant. Dóminus custódit
te * ab omni malo : custó-
diat ánimam tuam Dómi-
nus.

Psalmus 120

LEvávi óculos meos in
montes, * unde véniet
auxílium mihi.

Auxílium meum a Dómi-
no, * qui fecit cælum et
terram.

Non det in commotióem
pedem tuum : * neque
dormítet qui custódit te.

Ecce non dormitábit ne-
que dórmiet, * qui custó-
dit Israël.

Dóminus custódit te, Dó-
minus protéctio tua, * su-
per manum dexteram
tuam.

Per diem sol non uret te : *
neque luna per noctem.

Dóminus custódit te ab
omni malo : * custódiat
ánimam tuam Dóminus.

Dóminus custódiat in-
tróitum tuum, et éxitum
tuum : * ex hoc nunc, et
usque in sæculum.

Réquiem ætérnam.

Ant. Dóminus custódit
te ab omni malo : custó-
diat ánimam tuam Dó-
minus.

Ant. Si iniquitátes * ob-
serváveris, Dómine : Dó-
mine, quis sustinébit?

Psalmus 129

DE profúndis clamávi ad
te, Dómine : * Dómi-
ne, exáudi vocem meam :

Fiant aures tuæ intendentes, * in vocem deprecationis meæ.

Si iniquitates observaveris, Dómine : * Dómine, quis sustinebit?

Quia apud te propitiatio est : * et propter legem tuam sustinui te, Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex ómnibus iniquitatibus ejus.

Réquiem ætérnam.

Ant. Si iniquitates observaveris, Dómine : Dómine, quis sustinebit?

Ant. Opera * mánuum tuárum, Dómine, ne despicias.

Psalmus 137

Confitebor tibi, Dómine, in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitebor nómini tuo.

Super misericórdia tua, et veritate tua : * quóniam magnificásti super omne, nomen sanctum tuum.

In quacúmque die invo-

cávero te, exáudi me : * multiplicábis in ánima mea virtútem.

Confiteántur tibi, Dómine, omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília respicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit dextera tua.

Dóminus retríbuet pro me : * Dómine, misericórdia tua in sáeculum : ópera mánuum tuárum ne despicias.

Réquiem ætérnam.

Ant. Opera mánuum tuárum, Dómine, ne despicias.

℟. Audívi vocem de cælo dicéntem mihi. ℞. Beáti mórtui qui in Dómino moriúntur.

Ad Magnif. Ant. Omne * quod dat mihi Pater, ad me véniet; et eum qui venit ad me, non ejiciam foras.

Canticum B. Mariæ V.

Luc. 1, 46-55

Magnificat * ánima mea Dóminum :

Et exsultávit spíritus meus * in Deo, salutári meo.

Quia respéxit humilitátem ancillæ suæ : * ecce enim, ex hoc beátam me dicent omnes generatiónes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo : * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis : * et dívites dimísit inánes.

Suscépit Israël, púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sǎcula.

Réquiem ætérnam.

Ant. Omne quod dat mihi Pater, ad me véniet; et eum qui venit ad me, non ejiciam foras.

Preces infrascriptæ dicuntur flexis genibus; similiter et ad Laudes.

Pater noster **secreto usque ad V.** Et ne nos indúcas in tentatióem. **V.** Sed libera nos a malo.

¶ **Sequens Ps.** Lauda, ánima mea, non dicitur in die obitus seu depositionis defuncti, neque quandocumque Officium recitatur ritu duplici.

Psalmus 145

Lauda, ánima mea, Dóminum, laudábo Dóminum in vita mea : * psallam Deo meo quámdiu fúero.

Nolíte confídere in princípibus : * in filiis hóminum, in quibus non est salus.

Exíbit spíritus ejus, et revertétur in terram suam : * in illa die períbunt omnes cogitatióes eórum.

Beátus, cujus Deus Jacob adjútor ejus, spes ejus in Dómino, Deo ipsíus : * qui fecit cælum et terram, mare, et ómnia, quæ in eis sunt.

Qui custódit veritátem in sǎculum, facit judícium injúriam patiéntibus : * dat escam esuriéntibus.

Dóminus solvit compeditos : * Dóminus illúminat cæcos.

Dóminus érigit elisos, * Dóminus diligit justos.

Dóminus custódit ádvenas, pupíllum et víduam suscípiet : * et vias peccatórum dispérdet.

Regnábit Dóminus in sǎcula, Deus tuus, Sion, * in generatióem et generatióem.

Réquiem ætérnam.

Deinde : V. A porta ínferi. **V.** Erue, Dómine, ánimam ejus (ánimas eórum).

℟. Requiésca(n)t in pace.

℟. Amen.

℟. Dómine, exáudi orationem meam. ℟. Et clamor meus ad te véniat.

℟. Dóminus vobiscum.

℟. Et cum spíritu tuo.

Orémus.

Dicitur Oratio conveniens ex iis, quæ sequuntur; deinde

℟. Réquiem ætérnam, cum reliquis, ut infra. [232]

In die depositionis defuncti

Oratio

Absólve, quæsumus, Dómine, ánimam fámuli tui **N.** (fámulæ tuæ **N.**), ut defúctus (-a) sáeculo tibi vivat : et, quæ per fragilitatem carnis humana conversatióne commísit, tu vénia misericordíssimæ pietátis abstérge. Per Dóminum nostrum Jesum Christum, Fílium tuum : qui tecum vivit et regnat in unitáte Spíritus Sancti Deus, per ómnia sáecula sæculórum.

℟. Amen.

Vel alia Oratio

Deus, cui próprium est miseréri semper et párcere, te súpplīces exorámus pro ánima fámuli tui **N.** (fámulæ tuæ **N.**), quam hódie de hoc sáeculo migráre jussísti : ut non tradas eam in manus inimíci, neque obliviscáris in finem, sed júbeas eam a

sanctis Angelis súscipi, et ad pátriam paradísi Perúci; ut, quia in te sperávit et crédidit, non pœnas inférni sustíneat, sed gáudia ætérna possídeat. Per Dóminum.

In die tertio, septimo et trigesimo depositionis defuncti

Oratio

QUæsumus, Dómine, ut ánimæ fámuli tui **N.** (fámulæ tuæ **N.**), cujus depositiόνis diem tértium (vel séptimum, vel trigésimum) commemorámus, Sanctórum atque electórum tuórum largíri dignéris consórtium; et rorem misericórdiæ tuæ perénnem infúndas. Per Dóminum.

In Anniversario

Oratio

Deus, indulgentiárum Dómine : da ánimæ fámuli tui **N.** (fámulæ tuæ **N.**, vel animábus famulórum famularúmque tuárum), cujus (quorum) anniversárium depositiόνis diem commemorámus, refrigerii sedem, quiétis beatitúdinem, et lúminis claritátem. Per Dóminum.

Pro defuncto Summo Pontifice

Oratio

Deus, qui inter summos sacerdótes fámulum tuum **N.** ineffábili tua dis-

positiōne connumerāri voluisti : præsta, quæsumus; ut, qui unigéniti Fílii tui vices in terris gerébat, sanctórum tuórum Pontíficum consórtio perpétuo aggregétur. Per eúmdem Dóminum.

Pro defuncto Episcopo

Oratio

DEus, qui inter apostólicos sacerdótes fámulum tuum **N.** (fámulos tuos **N.** et **N.**) pontificáli fecisti dignitatē vigére : præsta, quæsumus; ut eórum quoque perpétuo aggregé(n)tur consórtio. Per Dóminum.

Pro Episcopo Cardinali defuncto dicatur fámulum tuum N. Episcopum Cardinalem pontificáli fecisti dignitatē.

Pro Presbytero Cardinali (Episcopo) defuncto : fámulum tuum **N.** Presbyterum Cardinalem pontificáli fecisti.

Pro Presbytero (vel Diacono) Cardinali (Sacerdote) defuncto : fámulum tuum **N.** Presbyterum (Diáconum) Cardinalem sacerdotáli fecisti.

Pro Diacono autem Cardinali, qui in ordine Presbyteratus non fuerit constitutus, dicatur Oratio Inclína, Dómine, quæ habetur paulo infra, hoc modo : ut animam fámuli tui **N.** Diáconi Cardinális, quam de hoc sæculo etc.

Pro defuncto Sacerdote

Oratio

DEus, qui inter apostólicos sacerdótes fámulum tuum **N.** (fámulos tuos **N.** et **N.**) sacerdotáli fecisti dignitatē vigére : præsta, quæsumus; ut eórum quoque perpétuo aggregé(n)tur consórtio. Per Dóminum.

Alia Oratio

PRæsta, quæsumus, Dómine : ut ánima fámuli tui **N.** Sacerdotis, quem, in hoc sæculo commorántem, sacris munéribus decorásti, in cælesti sede gloriósa semper exsúltet. Per Dóminum.

Pro uno defuncto

Oratio

INclína, Dómine, aurem tuam ad preces nostras, quibus misericórdiam tuam súplices deprecámur : ut animam fámuli tui **N.**, quam de hoc sæculo migráre jussisti, in pacis ac lucis regiōne constitúas, et Sanctórum tuórum júbeas esse consórtiem. Per Dóminum.

Pro una defuncta

Oratio

QUæsumus, Dómine, pro tua pietatē miserére animæ fámulæ tuæ **N.** : et a contágiis mortalitátis exútam, in æternæ salutiónis partem restitue. Per Dóminum.

Pro defunctis fratribus, propinquis et benefactoribus

Oratio

DEus, véniæ largitor et humanæ salutis amator : quæsumus cleméntiam tuam; ut nostræ congregatiónis fratres, propinquos et benefactóres, qui ex hoc sæculo transiérunt, beáta María semper Vírgine intercedente cum ómnibus Sanctis tuis, ad perpétuæ beatitúdinis consórtium pervenire concédas. Per Dóminum.

Pro patre et matre

Oratio

DEus, qui nos patrem et matrem honoráre præcepísti : miserere cleménter animábus patris et matris meæ, eorúmque peccáta dimítte; meque eos in æternæ claritátis gáudio fac vidére. Per Dóminum.

Si fit pro pluribus, dicatur : animábus paréntum nostrórum, **et, ubi dicitur** meque, **dicatur** nosque.

Si pro patre tantum, dicatur animæ patris mei, **vel** nostri.

Si pro matre tantum, dicatur animæ matris meæ, **vel** nostræ.

In Officio Defunctorum
per Annum

Oratio

DEus, qui inter apostólicos sacerdótes fámulos tuos pontificáli seu

sacerdotáli fecísti dignitáte vigére : præsta, quæsumus; ut eórum quoque perpétuo aggregéntur consórtio.

DEus, véniæ largitor et humanæ salutis amator : quæsumus cleméntiam tuam; ut nostræ congregatiónis fratres, propinquos et benefactóres, qui ex hoc sæculo transiérunt, beáta María semper Vírgine intercedente cum ómnibus Sanctis tuis, ad perpétuæ beatitúdinis consórtium pervenire concédas.

FIdélium, Deus, ómnium Cónditor et Redemptor, animábus famulórum famularúmque tuárum remissionem cunctórum tribue peccatórum : ut indulgéntiam, quam semper optavérunt, piis supplicatióibus consequántur : Qui vivis et regnas cum Deo Patre in unitáte Spíritus Sancti Deus, per ómnia sæcula sæculórum. **℟.** Amen.

Post Orationem dicitur (semper plurali numero) :

℣. Réquiem ætérnam dona eis, Dómine. **℟.** Et lux perpétua lúceat eis.

℣. Requiéscant in pace.

℟. Amen.

AD MATUTINUM

Quoties Matutinum vel de-
lationem cadaveris ad eccle-
siam ac Responsorium Sub-
veníte, vel Matutinum et
Laudes diei currentis imme-
diate non sequatur, dicitur
secreto Pater noster, Ave
María et Credo; secus abso-
lute incipitur ab Invitatorio,
vel ab Antiphona Nocturni.

Sequens Invitatorium dici-
tur semper in Officio Defun-
ctorum, quando persolvitur
cum tribus Nocturnis, etiam
sub ritu semiduplici, aut cum
unico quidem Nocturno, sed
sub ritu duplici. In reliquis
vero casibus omittitur.

Nocturni enim inferius po-
siti omnes dici possunt vel
etiam unus tantum, ita tamen,
ut extra diem depositionis,
in qua semper dicitur primus
Nocturnus, Dominica, Fe-
ria II et V dicatur primus,
Feria III et VI secundus, et
Feria IV et Sabbato tertius
Nocturnus.

Invitat. Regem, cui óm-
nia vivunt, * Veníte, ado-
rémus.

Repet. Regem, cui óm-
nia vivunt, veníte, ado-
rémus.

Psalmus 94



Eníte, exsultémus
Dómino, jubilémus
Deo, salutári no-
stro : præoccupémus fá-
ciem ejus in confessióne,
et in psalmis jubilémus ei.

Regem, cui ómnia vi-
vunt, veníte, adorémus.

Quóniam Deus magnus
Dóminus, et Rex magnus
super omnes deos : quó-
niam non repéllet Dómi-
nus plebem suam : quia in
manu ejus sunt omnes
fines terræ, et altitúdines
móntium ipse cónspicit.

Veníte, adorémus.

Quóniam ipsíus est mare,
et ipse fecit illud, et ári-
dam fundavérunt manus
ejus : veníte, adorémus, et
procidámus ante Deum :
plorémus coram Dómino,
qui fecit nos, quia ipse est
Dóminus, Deus noster;
nos autem pópulus ejus, et
oves páscuæ ejus.

Regem, cui ómnia vi-
vunt, veníte, adorémus.

Hódie, si vocem ejus au-
diéritis, nolíte obduráre
corda vestra, sicut in exa-
cerbatióne secúndum diem
tentatiónis in desérto : ubi
tentavérunt me patres ve-
stri, probavérunt et vidé-
runt ópera mea.

Veníte, adorémus.

Quadraginta annis próxi-
mus fui generatióni huic,
et dixi : Semper hi errant
corde; ipsi vero non cogno-
vérunt vias meas : quibus
jurávi in ira mea : Si introí-
bunt in réquiem meam.

Regem, cui ómnia vi-
vunt, veníte, adorémus.

Réquiem ætérnam dona
eis, Dómine : et lux perpé-
tua lúceat eis.

Veníte, adorémus.

Regem, cui ómnia vivunt, veníte, adorémus.

In I Nocturno

Pro Dominica, Feria II et V

Ant. Dírige, * Dómine, Deus meus, in conspéctu tuo viam meam.

Psalmus 5



Erba mea áuribus pécipe, Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multitúdine misericórdiæ tuæ,

Introíbo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimí-

cos meos dírige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitúdinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Réquiem ætérnam.

Ant. Dírige, Dómine, Deus meus, in conspéctu tuo viam meam.

Ant. Convértere, * Dómine, et éripe ánimam meam : quóniam non est in morte, qui memor sit tui.

Psalmus 6

Domine, ne in furóre tuo árguas me, * neque in ira tua corrípias me.

Miserére mei, Dómine, quóniam infirmus sum : * sana me, Dómine, quóniam conturbáta sunt ossa mea.

Et ánima mea turbáta est valde : * sed tu, Dómine, úsquequo?

Convértere, Dómine, et éripe ánimam meam : * salvum me fac propter misericórdiam tuam.

Quóniam non est in morte qui memor sit tui : * in inférno autem quis confitébitur tibi?

Laborávi in gémitu meo, lavábo per síngulas noctes lectum meum : * lácrimis meis stratum meum rigábo.

Turbátus est a furóre óculus meus : * inveterávi inter omnes inimícos meos.

Discédite a me, omnes, qui operámini iniquitatem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimíci mei : * convertántur et erubéscant valde velóciter.

Réquiem ætérnam.

Ant. Convértere, Dómine, et éripe ánimam meam : quóniam non est in morte, qui memor sit tui.

Ant. Nequándo rápiat * ut leo ánimam meam, dum

non est qui rédimat, neque qui salvum fáciat.

Psalmus 7

Domine, Deus meus, in te sperávi : * salvum me fac ex ómnibus persequéntibus me, et libera me.

Nequándo rápiat ut leo ánimam meam, * dum non est qui rédimat, neque qui salvum fáciat.

Dómine, Deus meus, si feci istud, * si est iníquitas in mánibus meis :

Si réddidi retribuéntibus mihi mala, * decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge, Dómine, in ira tua : * et exaltáre in finibus inimicórum meórum.

Et exsúrge, Dómine, Deus meus, in præcepto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me, Dómine, secúndum justítiam meam, * et secúndum innocéntiam meam super me.

Consumétur nequítia peccatórum, et diriges ju-

stum, * scrutans corda et renes, Deus.

Justum adiutorium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi conversi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis : * sagittas suas ardéntibus effécit.

Ecce partúriit injustítiam : * concépit dolórem, et péperit iniquitátem.

Lacum apérui, et effódit eum : * et incidit in fóveam quam fecit.

Convertétur dolor ejus in caput ejus : * et in vérticem ipsíus iniquitas ejus descéndet.

Confitébor Dómino secúndum justítiam ejus : * et psallam nómini Dómini altíssimi.

Requiem ætérnam.

Ant. Nequándo rápiat ut leo ánimam meam, dum non est qui rédimat, neque qui salvum fáciat.

℣. A porta inferi. ℟. Erue, Dómine, ánimas eórum.

Pater noster, **totum secreto.**

Lectiones leguntur sine Absolutione, Benedictionibus et Titulo.

Lectio i Job 7, 16-21



Arce mihi, Dómine; nihil enim sunt dies mei. Quid est homo, quia magnificas eum? aut quid appónis erga eum cor tuum? Vísitas eum dilúculo, et súbito probas illum. Usquequo non parcis mihi, nec dimíttis me, ut glútiam salívam meam? Peccávi, quid fáciam tibi, o custos hóminum? quare posuísti me contrárium tibi, et factus sum mihimetipsi gravis? Cur non tollis peccátum meum, et quare non aufers iniquitátem meam? Ecce nunc in púlvere dórmiam : et si mane me quæsíseris, non subsístam.

Lectiones terminantur sine Tu autem, **vel alia conclusione.**

℟. Credo quod Redemptor meus vivit, et in novíssimo die de terra surrectúrus sum, * Et in carne mea vidébo Deum, Salvatórem meum. ℣. Quem visúrus sum ego ipse, et non álius; et óculi mei conspectúri sunt. — Et.

Lectio ii Job 10, 1-12

Tædet ánimam meam vitæ meæ, dimíttam advérsus me elóquium meum, loquar in amaritúdine ánimæ meæ. Dicam Deo : Noli me condemnáre : indica mihi, cur me ita

júdice. Numquid bonum tibi videtur, si calumniéris me, et ópprimas me, opus mánuum tuárum, et consílium impiórum ádjuves? Numquid óculi cárnei tibi sunt; aut, sicut videt homo, et tu vidébis? Numquid sicut dies hóminis dies tui, et anni tui sicut húmana sunt témpora, ut quæras iniquitátem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit erúere.

℟. Qui Lázarum resuscitásti a monuménto fétidum, * Tu eis, Dómine, dona réquiem, et locum indulgéntiæ. ℣. Qui ventúrus es judicáre vivos et mórtuos, et sáeculum per ignem. — Tu.

Lectio iii

Manus tuæ fecerunt me, et plasmavérunt me totum in circúitu : et sic repénite præcípitas me? Meménto, quæso, quod sicut lutum féceris me, et in púlverem redúces me. Nonne sicut lac mulsísti me, et sicut cáseum me coagulásti? Pelle et cáribus vestísti me, óssibus et nervis compegísti me. Vitam et misericórdiam tribuísti mihi, et visitatio tua custodívit spíritum meum.

℟. Dómine, quando véneris judicáre terram, ubi me abscondam a vultu iræ tuæ? * Quia peccávi nimis in vita mea. ℣. Commíssa mea pavésco, et ante te erubésco : dum véneris judicáre, noli me condemnáre. — Quia. Réquiem ætérnam dona eis, Dómine : et lux perpétua lúceat eis. Quia.

Postea ad Laudes, ut infra [246], quando dicitur unum tantum Nocturnum.

Quando tamen in die depositionis defuncti Laudes non dicuntur, post III Responsorium dicuntur Pater noster, et Preces, ut supra ad Vesperas. [229]

In II Nocturno

Pro Feria III et VI

Ant. In loco páscae * ibi me collocávit.

Psalmus 22



Ominus regit me, et nihil mihi déerit : * in loco páscae ibi me collocávit.

Super aquam refectionis educávit me : * ánimam meam convértit.

Dedúxit me super sémitas justítiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculo tuus : * ipsa me consolata sunt.

Parasti in conspectu meo mensam, * adversus eos, qui tribulant me.

Impinguasti in oleo caput meum : * et calix meus inebrians quam praeclarus est!

Et misericordia tua subsequetur me * omnibus diebus vitae meae :

Et ut inhabitem in domo Domini, * in longitudinem dierum.

Requiem aeternam.

Ant. In loco pascuae ibi me collocavit.

Ant. Delicta * juventutis meae, et ignorantias meas ne memineris, Domine.

Psalmus 24

AD te, Domine, levavi animam meam : * Deus meus, in te confido, non erubescam.

Neque irideant me inimici mei : * etenim universi, qui sustinent te, non confundentur.

Confundantur omnes iniqua agentes * supervacue.

Vias tuas, Domine, demonstra mihi : * et semitas tuas edoce me.

Dirige me in veritate tua, et doce me : * quia tu es, Deus, salvator meus, et te sustinui tota die.

Reminiscere miserationum tuarum, Domine, *

et misericordiarum tuarum, quae a saeculo sunt.

Delicta juventutis meae, * et ignorantias meas ne memineris.

Secundum misericordiam tuam memento mei tu : * propter bonitatem tuam, Domine.

Dulcis et rectus Dominus : * propter hoc legem dabit delinquentibus in via.

Diriget mansuetos in iudicio : * docebit mites vias suas.

Universae viae Domini, misericordia et veritas, * requiruntibus testamentum ejus et testimonia ejus.

Propter nomen tuum, Domine, propitiaberis peccato meo : * multum est enim.

Quis est homo qui timet Dominum? * legem statuit ei in via, quam elegit.

Anima ejus in bonis demorabitur : * et semen ejus hereditabit terram.

Firmamentum est Dominus timentibus eum : * et testamentum ipsius ut manifestetur illis.

Oculi mei semper ad Dominum : * quoniam ipse evellet de laqueo pedes meos.

Respice in me, et miserere mei : * quia unicus et pauper sum ego.

Tribulationes cordis mei multiplicatae sunt : * de

necessitatibus meis erue me.

Vide humilitatem meam, et laborem meum : * et dimitte universa delicta mea.

Réspice inimicos meos quóniam multiplicati sunt, * et odio iniquo odérunt me.

Custódi ánimam meam, et érue me : * non erubescam quóniam sperávi in te.

Innocéntes et recti adhæsérunt mihi : * quia sustinui te.

Líbera, Deus, Israël, * ex ómnibus tribulatióibus suis.

Réquiem ætérnam.

Ant. Delicta juventutis meæ, et ignorántias meas ne memíneris, Dómine.

Ant. Credo vidére * bona Dómini in terra vivéntium.

Psalmus 26

Dominus illuminatio mea, et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes, * ut edant carnes meas :

Qui tríbulant me inimici mei, * ipsi infirmáti sunt, et cecidérunt.

Si consístant advérsus me castra, * non timébit cor meum.

Si exsúrgat advérsus me próelium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ :

Ut vídeam voluptátem Dómini, * et vísitem templum ejus.

Quóniam abscondit me in tabernáculo suo : * in die malórum protéxit me in abscondito tabernáculi sui.

In petra exaltávit me : * et nunc exaltávit caput meum super inimicos meos.

Circuíví, et immolávi in tabernáculo ejus hóstiam vociferatiónis : * cantábo, et psalmum dicam Dómino.

Exáudi, Dómine, vocem meam, qua clamávi ad te : * miserére mei, et exáudi me.

Tibi dixit cor meum, exquisívit te fácies mea : * faciém tuam, Dómine, requíram.

Ne avértas faciém tuam a me : * ne declínes in ira a servo tuo.

Adjútor meus esto : * ne derelinquas me, neque despicias me, Deus, salutaris meus.

Quóniam pater meus, et mater mea dereliquerunt me : * Dóminus autem assúmpsit me.

Legem pone mihi, Dómine, in via tua : * et dirige me in sémitam rectam propter inimicos meos.

Ne tradideris me in animas tribulántium me : * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Exspécta Dóminum, viriliter age : * et confortétur cor tuum, et sústine Dóminum.

Réquiem ætérnam.

Ant. Credo vidére bona Dómini in terra vivéntium.

℟. Cóllocet eos Dóminus cum princípibus. ℟. Cum princípibus pópuli sui.

Pater noster, **totum secreto.**

Lectio iv Job 13, 22-28

Respónde mihi : Quantas hábeo iniquitátes et peccáta, scélera mea et delícta osténde mihi. Cur fáciem tuam abscondis, et arbitráris me inimicum tuum? Contra fólium, quod vento rápitur, osténdis poténtiam tuam, et stípulam siccam perséqueris. Scribis enim contra me amaritúdes, et consúmere me vis peccátis adolescéntiæ meæ. Posuisti in nervo pedem meum, et observásti omnes sémitas meas, et

vestigia pedum meórum considerásti; qui quasi putrédo consuméndus sum, et quasi vestiméntum, quod coméditur a tínea.

℟. Meménto mei, Deus, quia ventus est vita mea, * Nec aspíciat me visus hóminis. ℟. De profúndis clamávi ad te, Dómine : Dómine, exáudi vocem meam. — Nec.

Lectio v Job 14, 1-6

Homo natus de muliere, brevi vivens témpore, replétur multis misériis. Qui quasi flos egréditur et contéritur, et fugit velut umbra, et numquam in eódem statu pérmanet. Et dignum ducis super hujuscémodi aperíre óculos tuos, et addúcere eum tecum in iudícium? Qui potest fácere mundum de immúndo concéptum sémine? Nonne tu qui solus es? Breves dies hóminis sunt, númerus ménsium ejus apud te est : constituísti términos ejus, qui præteríri non póterunt. Recéde páululum ab eo, ut quiéscat, donec optáta véniat, sicut mercenárii, dies ejus.

℟. Hei mihi, Dómine, quia peccávi nimis in vita mea : Quid fáciam, miser? ubi fúgiam, nisi ad te, Deus meus? * Miserére mei, dum véneris in novíssimo die. ℟. Anima mea turbáta est

valde, sed tu, Dómine, succúrre ei. — Miserére mei, dum véneris in novíssimo die.

Lectio vi **Job 14, 13-16**

Quis mihi hoc tríbuat, ut in inférno prótegas me et abscondas me, donec pertránseat furor tuus, et constituas mihi tempus in quo recordéris mei? Putásne mórtuus homo rursum vivat? Cunctis diébus quibus nunc mílito, exspécto donec véniat immutátio mea. Vocábis me, et ego respondébo tibi; óperi mánuum tuárum pórriges dexteram. Tu quidem gressus meos dinumerásti, sed parce peccátis meis.

✠. Ne recordéris peccáta mea, Dómine, * Dum véneris judicáre sáeculum per ignem. ✠. Dírige, Dómine, Deus meus, in conspéctu tuo viam meam. — Dum.

Réquiem ætérnam dona eis, Dómine : et lux perpétua lúceat eis. Dum.

Postea ad Laudes, ut infra [246], quando dicitur unum tantum Nocturnum.

In III Nocturno

Pro Feria IV et Sabbato

Ant. Compláceat * tibi, Dómine, ut erípias me : Dómine, ad adjuvándum me réspice.

Psalmus 39



Xspéctans exspectávi Dóminum, * et inténdit mihi.

Et exaudivit preces meas : * et edúxit me de lacu misériæ, et de luto fæcis.

Et státuit super petram pedes meos : * et diréxit gressus meos.

Et immísit in os meum cánticum novum, * carmen Deo nostro.

Vidébunt multi, et timébunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecisti tu, Dómine, Deus meus, mirabília tua : * et cogitatiónibus tuis non est qui símilis sit tibi.

Annuntiávi et locútus sum : * multiplicáti sunt super númerum.

Sacrificium et oblatiónem noluísti : * aures autem perfecísti mihi.

Holocáustum et pro peccáto non postulásti : * tunc dixi : Ecce, vénio.

In cápite libri scriptum est de me ut fácerem voluntátem tuam : * Deus meus, vólui, et legem tuam in médio cordis mei.

Annuntiávi justítiam tuam in ecclésia magna, *

ecce lábia mea non prohibébo : Dómine, tu scisti.

Justítiam tuam non abscondi in corde meo : * veritátem tuam et salutáre tuum dixi.

Non abscondi misericórdiam tuam et veritátem tuam * a concílio multo.

Tu autem, Dómine, ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est númerus : * comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : * et cor meum derelíquit me.

Compláceat tibi, Dómine, ut éruas me : * Dómine, ad adjuvándum me réspice.

Confundántur et reve-reántur simul, qui quæ-runt ánimam meam, * ut áuferant eam.

Convertántur retrórsum, et revereántur, * qui volunt mihi mala.

Ferant conféstim confusiónem suam, * qui dicunt mihi : Euge, euge.

Exsúltent et læténtur super te omnes quæréntes te : * et dicant semper : Magnificétur Dóminus : qui díligunt salutáre tuum.

Ego autem mendícus sum, et pauper : * Dóminus sollicitus est mei.

Adjútor meus, et protéctor meus tu es : * Deus meus, ne tardáveris.

Réquiem ætérnam.

Ant. Compláceat tibi, Dómine, ut erípias me : Dómine, ad adjuvándum me réspice.

Ant. Sana, Dómine, * ánimam meam, quia peccávi tibi.

Psalmus 40

BEátus qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine, misere-re mei : * sana ánimam meam, quia peccávi tibi.

Inimíci mei dixerunt mala mihi : * Quando moriétur, et persbít nomen ejus?

Et si ingrediebátur ut vidéret, vana loquebátur : * cor ejus congregávit iniquitátem sibi.

Egrediebátur foras, * et loquebátur in idípsum.

Advérsum me susurrábant omnes inimíci mei : * advérsum me cogitábant mala mihi.

Verbum iníquum consti-
tuérunt advérsus me : *
Numquid qui dormit non
adjíciet ut resúrgat?

Etenim homo pacis meæ,
in quo sperávi : * qui edé-
bat panes meos, magnifi-
cávit super me supplantá-
tiónem.

Tu autem, Dómine, mi-
serére mei, et resúscita
me : * et retríbuam eis.

In hoc cognóvi quóniam
voluísti me : * quóniam
non gaudébit inimícus
meus super me.

Me autem propter inno-
céntiam suscepísti : * et
confirmásti me in conspé-
ctu tuo in ætérnum.

Benedíctus Dóminus, Deus
Israël, a sáculo et usque
in sáculum : * fiat, fiat.

Réquiem ætérnam.

Ant. Sana, Dómine, áni-
mam meam, quia peccávi
tibi.

Ant. Sitívit * ánima mea
ad Deum vivum : quando
véniam, et apparébo ante
fáciem Dómini?

Psalmus 41

Quemádmodum desíde-
rat cervus ad fontes
aquárum : * ita desíderat
ánima mea ad te, Deus.

Sitívit ánima mea ad
Deum fortem vivum : *
quando véniam, et appa-
rébo ante fáciem Dei?

Fuérunt mihi lácrimæ
meæ panes die ac nocte : *

dum díctur mihi quotí-
die : Ubi est Deus tuus?

Hæc recordátus sum,
et effúdi in me ánimam
meam : * quóniam trans-
íbo in locum tabernáculi
admirábilis, usque ad do-
mum Dei.

In voce exsultatiónis, et
confessiόνis : * sonus epu-
lántis.

Quare tristis es, ánima
mea? * et quare contúrbas
me?

Spera in Deo, quóniam
adhuc confitébor illi : * sa-
lutáre vultus mei, et Deus
meus.

Ad meípsum ánima mea
conturbáta est : * proptér-
ea memor ero tui de terra
Jordánis, et Hermóniim a
monte módico.

Abýssus abýssum invo-
cat, * in voce cataractá-
rum tuárum.

Omnia excélsa tua, et flu-
ctus tui * super me trans-
iérunt.

In die mandávit Dómi-
nus misericórdiam suam : *
et nocte cánticum ejus.

Apud me orátio Deo vitæ
meæ, * dicam Deo : Suscé-
ptor meus es.

Quare oblítus es mei? *
et quare contristátus in-
cédo, dum affligit me ini-
mícus?

Dum confringúntur ossa
mea, * exprobravérunt
mihi qui tríbulant me ini-
míci mei.

Dum dicunt mihi per singulos dies : Ubi est Deus tuus? * quare tristis es, ánima mea? et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Réquiem ætérnam.

Ant. Sitívit ánima mea ad Deum vivum : quando véniam, et apparébo ante faciém Dómini?

V. Ne tradas béstiis ánimas confiténtes tibi. **R.** Et ánimas páuperum tuórum ne obliviscáris in finem.

Pater noster, **totum secreto.**

Lectio vii

Job 17, 1-3; 11-15

Spiritus meus attenuábitur, dies mei breviabúntur, et solum mihi súperest sepúlcrum. Non peccávi, et in amaritudínibus morátur óculus meus. Libera me, Dómine, et pone me juxta te, et cújúsvis manus pugnet contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi : Pater meus es; mater

mea et soror mea, vérmi-bus. Ubi est ergo nunc præstolátio mea, et patiéntiam meam quis consíderat?

R. Peccántem me quotidie, et non me pæniténtem, timor mortis contúrbat me : * Quia in inférno nulla est redemptio, miserére mei, Deus, et salva me.

V. Deus, in nómine tuo salvum me fac, et in virtúte tua libera me.— Quia.

Lectio viii Job 19, 20-27

Pelli meæ, consúptis cárnibus, adhæsit os meum, et derelicta sunt tantúmmodo lábia circa dentes meos. Miserémini mei, miserémini mei, saltem vos, amíci mei, quia manus Dómini tétigit me. Quare persequímini me sicut Deus, et cárnibus meis saturámini? Quis mihi tribuat, ut scribántur sermónes mei? quis mihi det, ut exaréntur in libro, stilo férreo et plumbi lámina, vel celte sculpántur in sílice? Scio enim quod redemptor meus vivit, et in novíssimo die de terra surrectúrus sum : et rursum circúmdabor pelle mea, et in carne mea vidébo Deum meum. Quem visúrus sum ego ipse, et óculi mei conspectúri sunt, et non álius : repósita est hæc spes mea in sinu meo.

℟. Dómine, secúndum actum meum noli me iudicáre : nihil dignum in conspéctu tuo egi; ideo déprecor majestátem tuam, * Ut tu, Deus, déleas iniquitátem meam. ℣. Amplius lava me, Dómine, ab injustítia mea, et a delícto meo munda me. — Ut.

Lectio ix Job 10, 18-22

QUare de vulva eduxísti me? qui útinam cónsumptus essem ne óculus me vidéret. Fuíssem quasi non essem, de útero translátus ad túmulum. Numquid non páucitas diérum meórum finiétur brevi? Dimítte ergo me, ut plan-gam páululum dolórem meum, ántequam vadam, et non revértar, ad terram tenebrósam et opértam mortis caligine; terram misériæ et tenebrárum, ubi umbra mortis et nullus ordo, sed sempitérnus horror inhábitat.

Sequens Responsorium tunc ponitur, quando dictus fuerit tertius tantum Nocturnus pro Defunctis.

℟. Líbera me, Dómine, de viis inférni, qui portas aéreas confregísti, et visitásti inférnum, et dedísti eis lumen, ut vidérent te * Qui erant in pœnis tenebrárum. ℣. Clamántes et dicéntes : Advenísti, Redémptor noster. — Qui. Ré-

quiem ætéram dona eis, Dómine : et lux perpétua lúceat eis. Qui.

Sequens Responsorium ponitur loco præcedentis, quando tres Nocturni dicti fuerint pro Defunctis.

℟. Líbera me, Dómine, de morte ætéram in die illa treménda, * Quando cæli movéndi sunt et terra, * Dum véneris iudicáre sáeculum per ignem. ℣. Tremens factus sum ego et tímeo, dum discússio vénerit atque ventúra ira. Quando. ℣. Dies illa, dies iræ, calamitátis et misériæ, dies magna et amára valde. — Dum. Réquiem ætéram dona eis, Dómine : et lux perpétua lúceat eis. Líbera me, **usque ad primum** ℣. Tremens **exclusive**.

Si Matutinum, cum unico vel tribus Nocturnis, in privata recitatione a Laudibus separetur, post ultimum Responsorium subjungitur :

℣. Dóminus vobíscum.

℟. Et cum spíritu tuo.

Deinde dicitur Oratio (seu dicuntur Orationes), ut supra in Vesperis [230], additis sequentibus :

℣. Réquiem ætéram dona eis, Dómine. ℟. Et lux perpétua lúceat eis.

℣. Requíescant in pace.

℟. Amen.

Laudes vero, dictis secreto Pater noster et Ave María,

absolute inchoantur ab Antiphona Exsultábunt Dómino.

Sed in recitatione publica vel privata, si Laudes omnino omittantur, post ultimum Responsorium dicuntur Preces, ut infra ad Laudes. [250]

AD LAUDES

Absolute incipitur ab

Ant. Exsultábunt Dómino * ossa humiliáta.

Psalmus 50



Iserére mei, Deus, * secúndum magnam misericórdiam tuam.

Et secúndum multitudinem miseratiónum tuarum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim in iniquitátibus concéptus sum : * et in peccátis concépit me mater mea.

Ecce enim veritátem dilexisti : * incérta et occulta sapiéntiæ tuæ manifestásti mihi.

Aspérges me hyssópo, et mundábor : * lavábis me,

et super nivem dealbábor.

Auditui meo dabis gáudium et lætítiam : * et exsultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a faciē tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et impíi ad te converténtur.

Líbera me de sanguínibus, Deus, Deus salútis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísset sacrificium, dedíssem útiq̃ue : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justitiæ, oblatiões, et holocáusta : * tunc im-

pónent super altáre tuum vítulos.

Réquiem ætérnam.

Ant. Exsultábunt Dómino ossa humiliáta.

Ant. Exáudi, Dómine, * oratióem meam : ad te omnis caro véniet.

Psalmus 64

TE decet hymnus, Deus, in Sion : * et tibi redédetur votum in Jerúsalem.

Exáudi oratióem meam : * ad te omnis caro véniet.

Verba iniquórum prævaluerunt super nos : * et impietátibus nostris tu propitiáberis.

Beátus, quem elegísti, et assumpsísti : * inhabitábit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos, Deus, salutaris noster, * spes ómnium fínium terræ, et in mari longe.

Præparans montes in virtúte tua, accíntus poténtia : * qui contúrbas profúndum maris sonum flúctuum ejus.

Turbabúntur gentes, et timébunt qui hábitant téminos a signis tuis : * éxitus matutíni, et vespere delectábis.

Visitásti terram, et ine-

briásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, múltiplica genímína ejus : * in stillicídiis ejus lætábitur gérmíans.

Benedíces corónæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatióne colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Réquiem ætérnam.

Ant. Exáudi, Dómine, oratióem meam : ad te omnis caro véniet.

Ant. Me suscepit * dextera tua, Dómine.

Psalmus 62

DEus, Deus meus, * ad te de luce vígilo.

Sitívit in te ánima mea, * quam múltipliciter tibi caro mea.

In terra déserta, et ínvía, et inaquósa : * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedicam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutinis meditábor in te : * quia fuísti adjútor meus.

Et in velaménto alárum tuárum exsultábo, adhæsit ánima mea post te : * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ : * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iniqua.

Réquiem ætérnam.

Ant. Me suscepit dextera tua, Dómine.

Ant. A porta inferi * érue, Dómine, ánimam meam.

Canticum Ezechiae

Is. 38, 10-20

EGO dixi : In dimídio diérum meórum * vadam ad portas inferi.

Quæsiúi resíduum annórum meórum. * Dixi : Non vidébo Dóminum Deum in terra vivéntium.

Non aspiciam hóminem ultra, * et habitatórem quiétis.

Generátio mea abláta est, et convolúta est a me, * quasi tabernáculum pastórum.

Præcisa est velut a texén-te vita mea : dum adhuc ordírer, succídit me : * de mane usque ad vésperam fínies me.

Sperábam usque ad mane, * quasi leo sic contrívit ómnia ossa mea :

De mane usque ad vésperam fínies me : * sicut pul-lus hirúndinis sic clamábo, meditábor ut colúmba :

Attenuáti sunt óculi mei, * suspiciéntes in excélsu :

Dómine, vim pátiar, respónde pro me. * Quid dicam, aut quid respondébit mihi, cum ipse fécerit?

Recogitábo tibi omnes annos meos * in amaritú-dine ánimæ meæ.

Dómine, si sic vívitur, et in tálibus vita spíritus mei, corrípies me, et vivificábis me. * Ecce in pace amaritúdo mea amarís-sima :

Tu autem eruísti ánimam meam ut non períret : * projecísti post tergum tuum ómnia peccáta mea.

Quia non inférnus confitébitur tibi, neque mors laudábit te : * non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie : * pater fíliis notam faciet veritátem tuam.

Dómine, salvum me fac, * et psalmos nostros cantá-
bimus cunctis diébus vitæ
nostræ in domo Dómini.

Réquiem ætérnam.

Ant. A porta inferi érué,
Dómine, ánimam meam.

Ant. Omnis spíritus *
laudet Dóminum.

Psalmus 150

Laudáte Dóminum in
sanctis ejus : * laudáte
eum in firmaménto virtú-
tis ejus.

Laudáte eum in virtúti-
bus ejus : * laudáte eum
secúndum multitudínem
magnitúdinis ejus.

Laudáte eum in sono tu-
bæ : * laudáte eum in
psaltério, et cíthara.

Laudáte eum in týmpa-
no, et choro : * laudáte
eum in chordis, et órgano.

Laudáte eum in cýmbalis
benesonántibus : laudáte
eum in cýmbalis jubilatió-
nis : * omnis spíritus lau-
det Dóminum.

Réquiem ætérnam.

Ant. Omnis spíritus lau-
det Dóminum.

℟. Audívi vocem de cælo
dicéntem mihi. ℟. Beáti
mórtui qui in Dómino mo-
riúntur.

Ad Bened. Ant. Ego
sum * resurréctio et vita :

qui credit in me, étiam si
mórtuus fúerit, vivet; et
omnis qui vivit et credit
in me, non moriétur in
ætérnum.

Canticum Zachariæ

Luc. 1, 68-79

Benedíctus Dóminus,
Deus Israél, * quia vi-
sitávit, et fecit redempti-
onem plebis suæ :

Et eréxit cornu salútis
nobis : * in domo David,
púeri sui.

Sicut locútus est per os
sanctórum, * qui a sáculo
sunt, Prophetárum ejus :

Salútem ex inimícis no-
stris, * et de manu óm-
nium, qui odérunt nos :

Ad faciéndam misericór-
diam cum pátribus no-
stris : * et memorári testa-
ménti sui sancti.

Jusjurándum, quod jurá-
vit ad Abraham, patrem
nostrum, * datúrum se
nobis :

Ut sine timóre, de manu
inimicórum nostrórum li-
beráti, * serviámus illi.

In sanctitáte, et justítia
coram ipso, * ómnibus dié-
bus nostris.

Et tu, puer, Prophéta Al-
tíssimi vocáberis : * præí-
bis enim ante faciém Dó-
mini paráre vias ejus :

Ad dandam sciéntiam sa-
lútis plebi ejus : * in re-
missiõem peccatórum eo-
rum :

Per viscera misericórdiæ Dei nostri : * in quibus visitávit nos, óriens ex alto :

Illumináre his, qui in ténebris, et in umbra mortis sedent : * ad dirigéndos pedes nostros in viam pacis.

Réquiem ætérnam.

Ant. Ego sum resurréctio et vita : qui credit in me, étiam si mórtuus fúerit, vivet; et omnis qui vivit et credit in me, non moriétur in ætérnum.

Deinde flexis genibus :

Pater noster **secreto usque ad V.** Et ne nos indúcas in tentatióem. **R.** Sed líbera nos a malo.

Psalmus 129

Qui non dicitur in die obitus seu depositionis defuncti, nec quandocumque Officium recitatur sub ritu duplici.

DE profúndis clamávi ad te, Dómine : * Dómine, exáudi vocem meam : Fiant aures tuæ intendétes, * in vocem deprecatiónis meæ.

Si iniquitátes observáveris, Dómine : * Dómine, quis sustinébit?

Quia apud te propitiátio est : * et propter legem

tuam sustínui te, Dómine.

Sustínuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósá apud eum redéptio.

Et ipse rédimet Israël, * ex ómnibus iniquitátibus ejus.

Réquiem ætérnam.

Deinde : **V.** A porta inferi. **R.** Erue, Dómine, ánimam ejus (ánimas eórum).

V. Requíesca(n)t in pace.

R. Amen.

V. Dómine, exáudi oratióem meam. **R.** Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Dicitur Oratio conveniens ut supra in Vesperis. [230]

Post Orationem dicitur (semper plurali numero) :

V. Réquiem ætérnam dona eis, Dómine. **R.** Et lux perpétua lúceat eis.

V. Requíescant in pace.

R. Amen.

PSALMI GRADUALES

Sicubi recitentur in Choro, congrue dicuntur ante Matutinum diei; extra Chorum vero pro temporis opportunitate.

Primi quinque Psalmi dicuntur sine Glória Patri; sed in fine ultimi dicitur Réquiem ætérnam.

Incipiuntur absolute sine Antiphona.

Ps. 119 Ad Dóminum cum tribulárer, 116;

Ps. 120 Levávi, *ibid.*;

Ps. 121 Lætátus sum, *ibid.*;

Ps. 122 Ad te levávi, 157;

Ps. 123 Nisi quia, 158.

Réquiem ætérnam * dona eis, Dómine.

Et lux perpétua * lúceat eis.

Deinde dicitur flexis genibus :

Pater noster *secreto usque ad* ✠. Et ne nos indúcas in tentatióem. ✠. Sed líbera nos a malo.

✠. A porta ínferi. ✠. Erue, Dómine, ánimas eórum.

✠. Requiéscant in pace. ✠. Amen.

✠. Dómine, exáudi oratióem meam. ✠. Et clamor meus ad te véniat.

✠. Dóminus vobíscum.

✠. Et cum spíritu tuo.

Orémus.

Oratio

Absólve, quæsumus, Dómine, ánimas famulorum famularúmque tuarum et ómnium fidélium defunctorum, ab omni vínculo delictórum : ut in resurrectionis glória inter Sanctos et Eléctos tuos resuscitáti respírent. Per Christum Dóminum nostrum. ✠. Amen.

Post Orationem statim dicuntur alii Psalmi Graduales qui sequuntur; et in fine cujuslibet Psalmi dicitur Glória Patri.

Psalmus 124 Qui confidunt, 158;

Ps. 125 In converténdo, *ibid.*;

Ps. 126 Nisi Dóminus, 159;

Ps. 127 Beáti omnes, 202.

Ps. 128 Sæpe expugnáverunt, *ibid.*

Postea dicitur flexis genibus :

Kýrie, eléison. Christe, eléison. Kýrie, eléison.

Pater noster *secreto usque ad* ✠. Et ne nos indúcas in tentatióem. ✠. Sed líbera nos a malo.

✠. Meménto Congregationis tuæ. ✠. Quam possedísti ab ínítio.

℣. Dómine, exáudi oratió-
nem meam. ℟. Et cla-
mor meus ad te véniat.

℣. Dóminus vobíscum.

℟. Et cum spírítu tuo.

Orémus.

Oratio

DEus, cui próprium est
miseréri semper et pár-
cere : súscipe deprecatió-
nem nostram; ut nos, et
omnes fámulos tuos, quos
delictórum caténa con-
stríngit, miserátio tuæ
pietátis cleménter absól-
vat. Per Christum Dómi-
num nostrum. ℟. Amen.

Post Orationem statim di-
cuntur alii Psalmi Graduales
qui sequuntur; et in fine
cujuslibet Psalmi dicitur Gló-
ria Patri.

Psalmus 129 De profún-
dis, 203;

Ps. 130 Dómine, non est
exaltátum, *ibid.*;

Ps. 131 Meménto, Dómi-
ne, *ibid.*;

Ps. 132 Ecce quam bo-
num, 245;

Ps. 133 Ecce nunc bene-
dicite. 77

Deinde dicitur flexis geni-
bus :

Kýrie, eléison. Christe,
eléison. Kýrie, eléison.

Pater noster **secreto us-
que ad** ℣. Et ne nos indú-
cas in tentatióem. ℟. Sed
libera nos a malo.

℣. Salvos fac servos
tuos. ℟. Deus meus, spe-
rantes in te.

℣. Dómine, exáudi ora-
tióem meam. ℟. Et cla-
mor meus ad te véniat.

℣. Dóminus vobíscum.

℟. Et cum spírítu tuo.

Orémus.

Oratio

PRæténde, Dómine, fá-
mulis et famulábus
tuis dexteram cæléstis au-
xílii : ut te toto corde per-
quírant, et, quæ digne pó-
stulant, cónsequi mereán-
tur. Per Christum Dómi-
num nostrum.

℟. Amen.

SEPTEM PSALMI PÆNITENTIALES

CUM LITANIIS

Sicubi recitentur in Choro,
congrue dicuntur post Matu-
tinum et Laudes diei flexis
genibus, dicto Benedicámus
Dómino et Deo grátias; extra
Chorum pro temporis oppor-
tunitate.

Litaniæ similiter, quando
dicendæ sunt sine Psalmis
Pænentialibus, dicuntur, ex-
tra Processionem, flexis ge-
nibus in Choro post Matuti-
num et Laudes diei, dicto
Benedicámus Dómino et Deo

grátias; extra Chorum vero pro temporis opportunitate. Sed neque in Choro neque extra Chorum anticipari possunt de sero.

Ant. Ne reminiscáris.

Psalmus 6



Domine, ne in furóre tuo árguas me, * neque in ira tua corripias me.

Miserére mei, Dómine, quóniam infirmus sum : * sana me, Dómine, quóniam conturbáta sunt ossa mea.

Et ánima mea turbáta est valde : * sed tu, Dómine, úsquequo?

Convértere, Dómine, et éripe ánimam meam : * salvum me fac propter misericórdiam tuam.

Quóniam non est in morte qui memor sit tui : * in inférno autem quis confitébitur tibi?

Laborávi in gémitu meo, lavábo per síngulas noctes lectum meum : * lácrimis meis stratum meum rigábo.

Turbátus est a furóre óculus meus : * inveterávi inter omnes inimícos meos.

Discédite a me, omnes qui operámini iniquitatem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimíci mei : * convertántur et erubéscant valde velóciter.

Glória Patri.

Psalmus 31

Beáti quorum remíssæ sunt iniquitátes : * et quorum tecta sunt peccáta.

Beátus vir, cui non imputávit Dóminus peccátum, * nec est in spíritu ejus dolus.

Quóniam tácui, inveteravérunt ossa mea, * dum clamárem tota die.

Quóniam die ac nocte graváta est super me manus tua : * convérsus sum in ærúmna mea, dum configitur spina.

Delíctum meum cógnitum tibi feci : * et injustítiam meam non abscondi.

Dixi : Confitébor advérsus me injustítiam meam Dómino : * et tu remisisti impietátem peccáti mei.

Pro hac orábit ad te omnis sanctus, * in témpore opportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatione, quæ circúmdedit me : * exsultatio mea, érué me a circumdántibus me.

Intelléctum tibi dabo, et instruam te in via hac, qua gradiéris : * firmábo super te óculos meos.

Nolíte fieri sicut equus et mulus, * quibus non est intelléctus.

In camo et freno maxíllas eórum constrínge, * qui non appróximant ad te.

Multa flagélla peccatóris, * sperántem autem in Dómino misericórdia circúmdabit.

Lætámini in Dómino et exsultáte, iusti, * et gloriámini, omnes recti corde.

Glória Patri.

Psalmus 37

Domine, ne in furóre tuo árguas me, * neque in ira tua corrípias me.

Quóniam sagíttæ tuæ infíxæ sunt mihi : * et confirmásti super me manum tuam.

Non est sánitas in carne mea a fácie iræ tuæ : * non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : * et sicut onus grave gravátæ sunt super me.

Putruérunt et corrúptæ sunt cicatríces meæ, * a fácie insipiéntiæ meæ.

Miser factus sum, et curvátus sum usque in finem : * tota die contrístatus ingrediébar.

Quóniam lumbi mei impléti sunt illusió nibus : * et non est sánitas in carne mea.

Afflíctus sum, et humiliátus sum nimis : * rugiébam a gémitu cordis mei.

Dómine, ante te omne desidérium meum : * et gémitus meus a te non est absconditus.

Cor meum conturbátum est, derelíquit me virtus mea : * et lumen oculórum meórum, et ipsum non est mecum.

Amíci mei, et próximi mei * advérsus me appropinquavérunt, et steterunt.

Et qui juxta me erant, de longe steterunt : * et vim faciébant qui quærébant ánimam meam.

Et qui inquirébant mala mihi, locúti sunt vanitátes : * et dolos tota die meditabántur.

Ego autem tamquam surdus non audiébam : * et sicut mutus non apériens os suum.

Et factus sum sicut homo non áudiens : * et non habens in ore suo redargutiónes.

Quóniam in te, Dómine, sperávi : * tu exáudies me, Dómine, Deus meus.

Quia dixi : Nequándo supergáudeant mihi inimíci mei : * et dum commovén-

tur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo.

Inimíci autem mei vivunt, et confirmáti sunt super me : * et multiplicáti sunt qui odérunt me inique.

Qui retríbuunt mala pro bonis, detrahébant mihi : * quóniam sequébar bonitátem.

Ne derelínquas me, Dómine, Deus meus : * ne discésseris a me.

Inténde in adjutórium meum, * Dómine, Deus salútis meæ.

Glória Patri.

Psalmus 50

Miserére mei, Deus, * secúndum magnam misericórdiam tuam.

Et secúndum multitudinem miserationum tuarum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et peccátum meum contra me est semper.

Tibi soli peccávi, et malum coram te feci : * ut

justificéris in sermónibus tuis, et vincas cum iudicáris.

Ecce enim in iniquitátibus concéptus sum : * et in peccátis concépit me mater mea.

Ecce enim veritátem dilexísti : * incérta et occúlta sapiéntiæ tuæ manifestásti mihi.

Aspérge me hyssópo, et mundábor : * lavábis me, et super nivem dealbábor.

Audítui meo dabis gáudium et lætítiam : * et exsultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et impíi ad te converténtur.

Líbera me de sanguínibus, Deus, Deus salútis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísses sacrificium, dedíssem úti-

que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiões, et holocáusta : * tunc impónent super altáre tuum vítulos.

Glória Patri.

Psalmus 101

Domine, exáudi oratió-nem meam : * et clamor meus ad te véniat.

Non avértas fáciem tuam a me : * in quacúmque die tribulor, inclína ad me aurem tuam.

In quacúmque die invocávero te, * velóriter exáudi me.

Quia defecérunt sicut fumus dies mei : * et ossa mea sicut crémium arué-runt.

Percússus sum ut fœnum, et áruit cor meum : * quia oblítus sum comédere panem meum.

A voce gémitus mei * adhæsit os meum carni meæ.

Símilis factus sum pelli-cáno solitúdinis : * factus sum sicut nyctícorax in domicílio.

Vigilávi, * et factus sum

sicut passer solitárius in tecto.

Tota die exprobrábant mihi inimíci mei : * et qui laudábant me, advérsus me jurábant.

Quia cínere tamquam panem manducábam, * et potum meum cum fletu miscébam.

A fácie iræ et indignatió-nis tuæ : * quia élevans allisísti me.

Dies mei sicut umbra declinavérunt : * et ego sicut fœnum árui.

Tu autem Dómine, in ætérnum pérmanes : * et memoriále tuum in generatió-nem et generatió-nem.

Tu exsúrgens miseréberis Sion : * quia tempus miseréndi ejus, quia venit tempus.

Quóniam placuérunt servis tuis lápidés ejus : * et terræ ejus miserebúntur.

Et timébunt gentes nomen tuum, Dómine, * et omnes reges terræ glóriam tuam.

Quia ædificávit Dóminus Sion : * et vidébitur in glória sua.

Respéxit in oratió-nem humílium : * et non spre-vit precem eórum.

Scribántur hæc in generatió-ne áltera : * et pópu-lus, qui creábitur, laudá-bit Dóminum :

Quia prospéxit de excé-lso sancto suo : * Dóminus

de cælo in terram aspexit :

Ut audiret gemitus compeditorum : * ut solveret filios interemptorum :

Ut annuntiet in Sion nomen Dómini : * et laudem ejus in Jerúsalem.

In conveniéndo pópulos in unum, * et reges ut serviant Dómino.

Respondit ei in via virtutis suæ : * Paucitatem dierum meorum nuntia mihi.

Ne révoques me in dimidio dierum meorum : * in generationem et generationem anni tui.

Initio tu, Dómine, terram fundasti : * et ópera manuum tuarum sunt cæli.

Ipsi peribunt, tu autem permanes : * et omnes sicut vestimentum veterascent.

Et sicut opertorium mutabiseos, et mutabuntur : * tu autem idem ipse es, et anni tui non deficient.

Filii servorum tuorum habitabunt : * et semen eorum in sæculum dirigetur.

Glória Patri.

Psalmus 129

DE profúndis clamávi ad te, Dómine : * Dómine, exáudi vocem meam :

Fiant aures tuæ intendentes, * in vocem deprecationis meæ.

Si iniquitates observáveris, Dómine : * Dómine, quis sustinébit?

Quia apud te propitiatio est : * et propter legem tuam sustinui te, Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse redimet Israël, * ex ómnibus iniquitatibus ejus.

Glória Patri.

Psalmus 142

Domine, exáudi orationem meam : áuribus percipe obsecrationem meam in veritate tua : * exáudi me in tua justitia.

Et non intres in iudicium cum servo tuo : * quia non justificabitur in conspectu tuo omnis vivens.

Quia persecutus est inimicus animam meam : * humiliávit in terra vitam meam.

Collocávit me in obscuris sicut mórtuos sæculi : * et anxiátus est super me spíritus meus, in me turbátum est cor meum.

Memor fui dierum antiquorum, meditátus sum in ómnibus opéribus tuis : * in factis manuum tuarum meditábar.

Expándi manus meas ad te : * ánima mea sicut terra sine aqua tibi.

Velóciter exáudi me, Dómine : * defécit spíritus meus.

Non avértas fáciem tuam a me : * et símilis ero descendéntibus in lacum.

Audítam fac mihi mane misericórdiam tuam : * quia in te sperávi.

Notam fac mihi viam, in qua ámbulem : * quia ad te levávi ánimam meam.

Eripe me de inimícis meis, Dómine, ad te confúgi : * doce me fácere voluntátem tuam, quia Deus meus es tu.

Spíritus tuus bonus de-

dúcet me in terram rectam : * propter nomen tuum, Dómine, vivificábis me, in æquitáte tua.

Edúces de tribulatióne ánimam meam : * et in misericórdia tua dispérdes inimícos meos.

Et perdes omnes, qui tribulant ánimam meam : * quóniam ego servus tuus sum.

Glória Patri.

Ant. Ne reminiscáris, Dómine, delícta nostra vel paréntum nostrórum, neque vindíctam sumas de peccátis nostris.

LITANIÆ



Yrie, eléison.

Christe, eléison.

Kýrie, eléison.

Christe, audi nos.

Christe, exáudi nos.

Pater de cælis Deus,

miserére nobis.

Fili, Redémptor mundi,

Deus, miserére nobis.

Spíritus Sancte, Deus,

miserére nobis.

Sancta Trínitas, unus

Deus, miserére nobis.

Sancta María, ora pro nobis.

Sancta Dei Génitrix, ora.

Sancta Virgo vírginum, ora pro nobis.

Sancte Míchaël, ora.

Sancte Gábriel, ora.

Sancte Ráphaël, ora.

Omnes sancti Angeli et

Archángeli, oráte.

Omnes sancti beatórum

Spírituum órdenes, oráte.

Sancte Joánnes Baptísta, ora pro nobis.

Sancte Joseph, ora.

Omnes sancti Patriárchæ

et Prophétæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora.

Sancte Jacóbe, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora pro nobis.	Omnes sancti Mónachi et Eremítæ, oráte.
Sancte Matthía, ora.	Sancta María Magdaléna, ora.
Sancte Bárnaba, ora.	Sancta Agatha, ora.
Sancte Luca, ora.	Sancta Lúcia, ora.
Sancte Marce, ora.	Sancta Agnes, ora.
Omnes sancti Apóstoli et Evangelístæ, oráte.	Sancta Cæcília, ora.
Omnes sancti Discípuli Dómini, oráte.	Sancta Catharína, ora.
Omnes sancti Innocéntes, oráte.	Sancta Anastásia, ora.
Sancte Stéphane, ora.	Omnes sanctæ Virgines et Víduæ, oráte.
Sancte Lauréti, ora.	Omnes Sancti et Sanctæ Dei, intercédite pro nobis.
Sancte Vincéti, ora.	Propítius esto, parce nobis, Dómine.
Sancti Fabiáne et Sebastíane, oráte.	Propítius esto, exáudi nos, Dómine.
Sancti Joánnes et Paule, oráte.	Ab omni malo, libera nos, Dómine.
Sancti Cosma et Damiáne, oráte.	Ab omni peccáto, libera.
Sancti Gervási et Protási, oráte.	Ab ira tua, libera.
Omnes sancti Mártyres, oráte.	A subitánea et improvísá morte, libera.
Sancte Silvéster, ora.	Ab insídiis diaboli, libera.
Sancte Gregóri, ora.	Ab ira, et ódio, et omni mala voluntáte, libera.
Sancte Ambrósi, ora.	A spíritu fornicatiónis, libera.
Sancte Augustíne, ora.	A fúlgure et tempestáte, libera.
Sancte Hierónyme, ora.	A flagélló terræmótus, libera.
Sancte Martíne, ora.	A peste, fame et bello, libera.
Sancte Nicolæ, ora.	A morte perpétua, libera.
Omnes sancti Pontífices et Confessóres, oráte.	Per mystérium sanctæ Incarnatiónis tuæ, libera.
Omnes sancti Doctóres, oráte.	Per advéntum tuum, libera.
Sancte Antóni, ora.	Per nativitátem tuam, libera nos, Dómine.
Sancte Benedíte, ora.	
Sancte Bernárde, ora.	
Sancte Domínice, ora.	
Sancte Francísce, ora.	
Omnes sancti Sacerdótes et Levítæ, oráte.	

Per baptîsmum et sanctum
jejûnium tuum, libera
nos, Dómine.

Per crucem et passiônem
tuam, libera.

Per mortem et sepultúram
tuam, libera.

Per sanctam resurrectiô-
nem tuam, libera.

Per admirábilem ascensiô-
nem tuam, libera.

Per advéntum Spíritus
Sancti Parácliti, libera.

In die judícii, libera.
Peccatóres,

te rogámus, audi nos.

Ut nobis parcas,
te rogámus.

Ut nobis indúlgeas,
te rogámus.

Ut ad veram pæniténtiam
nos perdúcere dignéris,
te rogámus.

Ut Ecclesiám tuam san-
ctam régere et conser-
váre dignéris,
te rogámus.

Ut domnum Apostólicum
et omnes ecclesiásticos
órdines in sancta reli-
gióne conserváre digné-
ris, te rogámus.

Ut inimícos sanctæ Ecclé-
siæ humiliáre dignéris,
te rogámus.

Ut régibus et princípibus
christiánis pacem et ve-
ram concórdiam donáre
dignéris, te rogámus.

Ut cuncto pópulo christiá-
no pacem et unitátem
largíri dignéris,
te rogámus.

Ut omnes errántes ad uni-
tátem Ecclesiæ revocá-
re, et infidéles univérso
ad Evangélii lumen per-
dúcere dignéris,
te rogámus.

Ut nosmetípsos in tuo
sancto servítio confor-
táre et conserváre di-
gnéris, te rogámus.

Ut mentes nostras ad cæ-
léstia desidéria érigas,
te rogámus.

Ut ómnibus benefactóri-
bus nostris sempitérna
bona retríbuas, te rogá-
mus, audi nos.

Ut ánimas nostras, fra-
trum, propinquórum et
benefactorum nostró-
rum ab ætérra damna-
tióne erípias, te rogá-
mus, audi nos.

Ut fructus terræ dare et
conserváre dignéris,
te rogámus.

Ut ómnibus fidélibus de-
fúntis réquiem ætér-
nam donáre dignéris, te
rogámus, audi nos.

Ut nos exaudíre dignéris,
te rogámus.

Fili Dei, te rogámus.

Agnus Dei, qui tollis pec-
cáta mundi, parce no-
bis, Dómine.

Agnus Dei, qui tollis pec-
cáta mundi, exáudi nos,
Dómine.

Agnus Dei, qui tollis pec-
cáta mundi, miserére
nobis.

Christe, audi nos.

Christe, exaudi nos.

Kýrie, eléison. Christe, eléison. Kýrie, eléison.

Pater noster **secreto usque ad V.** Et ne nos inducas in tentationem. **R.** Sed libera nos a malo.

Psalmus 69



Deus, in adiutorium meum intende : * Dómine, ad adiuvandum me festína.

Confundántur et reve-reántur, * qui quærunt ánimam meam.

Avertántur retrórsum, et erubéscant, * qui volunt mihi mala.

Avertántur statim erube-scéntes, * qui dicunt mihi : Euge, euge.

Exsúltent et læténtur in te omnes qui quærunt te, * et dicant semper : Magnificétur Dóminus : qui díligunt salutáre tuum.

Ego vero egénus, et pauper sum : * Deus, ádjuva me.

Adjútor meus, et liberá-tor meus es tu : * Dómine, ne moréris.

Glória Patri. Sicut erat.

V. Salvos fac servos tuos. **R.** Deus meus, sperántes in te.

V. Esto nobis, Dómine, turris fortitúdinis. **R.** A fácie inimíci.

V. Nihil proficiat inimí-cus in nobis. **R.** Et filius iniquitátis non appónat nocére nobis.

V. Dómine, non secún-dum peccáta nostra fácias nobis. **R.** Neque secún-dum iniquitátes nostras retribuas nobis.

V. Orémus pro Pontífice nostro **N.** **R.** Dóminus consérvet eum, et viví-ficet eum, et beátum fá-ciat eum in terra, et non tradat eum in ánimam ini-micórum ejus.

V. Orémus pro benefa-ctóribus nostris. **R.** Retri-búere dignáre, Dómine, ómnibus, nobis bona fa-ciéntibus propter nomen tuum, vitám ætérmam. Amen.

V. Orémus pro fidélibus defúntis. **R.** Réquiem ætérmam dona eis, Dómi-ne, et lux perpétua lúceat eis.

V. Requiéscant in pace.

R. Amen.

V. Pro frátribus nostris abséntibus. **R.** Salvos fac servos tuos, Deus meus, sperántes in te.

V. Mitte eis, Dómine, au-xílium de sancto. **R.** Et de Sion tuére eos.

V. Dómine, exáudi ora-tiónem meam. **R.** Et cla-mor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio

DEus, cui proprium est misereri semper et parcere : súscipe deprecationem nostram, ut nos, et omnes famulos tuos, quos delictorum caténa constringit, miseratio tuæ pietátis cleménter absolvat.

EXáudi, quæsumus, Dómine, súpplicum preces, et confitentium tibi parce peccátis : ut páriter nobis indulgéntiam tríbuas benígnus et pacem.

Ineffábilem nobis, Dómine, misericórdiam tuam cleménter osténde : ut simul nos et a peccátis ómnibus éxuas, et a pœnis, quas pro his merémur, erípias.

DEus, qui culpa offénderris, pœniténtia placáris : preces pópuli tui supplicántis propítius réspice; et flagélla tuæ iracúndiæ, quæ pro peccátis nostris merémur, avérte.

OMnípotens sempitérne Deus, miserére famulo tuo Pontífici nostro **N.**, et dirige eum secúndum tuam cleméntiam in viam salutis æternæ : ut, te donánte, tibi plácita cúpiat, et tota virtúte perficiat.

DEus, a quo sancta desideria, recta consília et justa sunt ópera : da servis tuis illam, quam mundus dare non potest, pacem; ut et corda nostra mandátis tuis dédita, et, hóstium sublata formidine, témpora sint, tua protectióne, tranqúilla.

URE igne Sancti Spíritus renes nostros et cor nostrum, Dómine : ut tibi casto corpore serviámus, et mundo corde placeámus.

Fidélium, Deus, ómnium Cónditor et Redemptor, animábus famulorum famularúmque tuárum remissionem cunctórum tríbue peccatórum : ut indulgéntiam, quam semper optavérunt, piis supplicatió nibus consequántur.

Actiões nostras, quæsumus, Dómine, aspirádo præveni et adjuvándo proséquere : ut cuncta nostra orátio et operátio a te semper incípiat, et per te cœpta finiátur.

OMnípotens sempitérne Deus, qui vivórum domináris simul et mortuórum, omniúmque miseréris quos tuos fide et ópere futúros esse prænóscis : te súpplices exorámus; ut, pro quibus effúndere preces decrévimus, quosque vel præsens sáeculum ad-

huc in carne rétinet vel futúrum jam exútos corpore suscepit, intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum nostrum.

℣. Dóminus vobíscum.
 ℟. Et cum spíritu tuo.
 ℣. Exáudiat nos omnipotens et miséricors Dóminus. ℟. Amen.
 ℣. Et fidélium animæ per misericórdiam Dei requiescant in pace.
 ℟. Amen.

ORDO COMMENDATIONIS ANIMÆ

Primum dicuntur Litaníæ breves in hunc modum :



Yrie, eléison.
 Christe, eléison.
 Kýrie, eléison.

Sancta María, ora pro eo (ea).

Omnes sancti Angeli et Archángeli, oráte pro eo (ea).

Sancte Abel, ora.

Omnis chorus Justórum, ora.

Sancte Abraham, ora.

Sancte Joánnes Baptísta, ora.

Sancte Joseph, ora.

Omnes sancti Patriárchæ et Prophétæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Joánnes, ora.

Omnes sancti Apóstoli et Evangelistæ, oráte.

Omnes sancti Discípuli Dómini, oráte.

Omnes sancti Innocéntes, oráte.

Sancte Stéphane, ora.

Sancte Laurénti, ora.

Omnes sancti Mártires, oráte.

Sancte Silvéster, ora.

Sancte Gregóri, ora.

Sancte Augustíne, ora.

Omnes sancti Pontífices et Confessóres, oráte.

Sancte Benedícte, ora.

Sancte Francísce, ora.

Sancte Camille, ora.

Sancte Joánnes de Deo, ora.

Omnes sancti Mónachi et Eremitæ, oráte.

Sancta María Magdaléna, ora.

Sancta Lúcia, ora.

Omnes sanctæ Vírgines et Víduæ, oráte.

Omnes Sancti et Sanctæ Dei, intercédite pro eo (ea).

Propítius esto, parce ei, Dómine.

Propítius esto, libera eum (eam), Dómine.

Propítius esto, libera.

Ab ira tua, libera.
 A periculo mortis, libera.
 A mala morte, libera.
 A pœnis inférni, libera.
 Ab omni malo, libera.
 A potestáte diaboli, libera.
 Per nativitátem tuam, libera.
 Per crucem et passiõnem
 tuam, libera.
 Per mortem et sepultúram
 tuam, libera.
 Per gloriósam resurrectiõ-
 nem tuam, libera.
 Per admirábilem ascensiõ-
 nem tuam, libera.
 Per grátiam Spíritus San-
 cti Parácliti, libera.
 In die iudicii, libera.
 Peccatóres, te rogámus,
 audi nos.
 Ut ei parcas, te rogámus.
 Kýrie, eléison. Christe,
 eléison. Kýrie, eléison.

*Deinde, cum in agone sui
 exitus anima anxietur, dican-
 tur sequentes Orationes :*

Oratio



Roficiscere, ánima
 christiána, de hoc
 mundo, in nómine
 Dei Patris omnipoténtis,
 qui te creávit; in nómine
 Jesu Christi Fílli Dei vivi,
 qui pro te passus est; in nó-
 mine Spíritus Sancti, qui
 in te effúsus est; in nómine
 gloriósæ et sanctæ Dei Ge-
 nitrícis Vírginis Mariæ; in
 nómine beáti Joseph, ínclý-
 ti ejúsdem Vírginis Spon-
 si; in nómine Angelórum

et Archangelórum; in nó-
 mine Thronórum et Domi-
 nationum; in nómine Prin-
 cipátuum et Potestátum;
 in nómine Virtútum, Ché-
 rubim et Séraphim; in
 nómine Patriarchárum et
 Prophetárum; in nómine
 sanctórum Apostolórum
 et Evangelistárum; in nó-
 mine sanctórum Mártý-
 rum et Confessórum; in
 nómine sanctórum Mona-
 chórum et Eremitárum; in
 nómine sanctárum Vírgi-
 num, et ómnium Sanctó-
 rum et Sanctárum Dei;
 hódie sit in pace locus
 tuus, et habitatio tua in
 sancta Sion. Per eúmdem
 Christum, Dóminum no-
 strum. *℟.* Amen.

Oratio

Deus miséricors, Deus
 clemens, Deus, qui se-
 cúndum multitudinem mi-
 serationum tuárum peccá-
 ta pœniténtium deles, et
 præteritórum criminum
 culpas vénia remissionis
 evácuas : réspice propítius
 super hunc fámulum tuum
N. (hanc fámulam tuam
N.), et remissionem óm-
 nium peccatórum suórum
 tota cordis confessiõne po-
 scéntem deprecátus ex-
 áudi. Rénova in eo (ea),
 piíssime Pater, quidquid
 terréna fragilitáte corrú-
 ptum, vel quidquid dia-
 bólica fraude violátum est;

et unitati corporis Ecclesiæ membrum redemptionis annecte. Miserere, Domine, gemitum, miserere lacrimarum ejus; et non habentem fiduciam, nisi in tua misericordia, ad tuæ Sacramentum reconciliationis admitte. Per Christum Dominum nostrum.

✠. Amen.

Oratio

Commendo te omnipotenti Deo, carissime frater (carissima soror), et ei, cujus es creatura, committo; ut, cum humanitatis debitum morte interveniente persolveris, ad auctorem tuum, qui te de limo terræ formaverat, revertaris. Egrediēti itaque animæ tuæ de corpore splendidus Angelorum cœtus occurrat: judex Apostolorum tibi senatus advēniat: candidatorum tibi Martyrum triumphator exercitus obviet: liliata rutilantium te Confessorum turma circumdet: jubilantium te Virginum chorus excipiat: et beatæ quiētis in sinu Patriarcharum te complexus astringat: sanctus Joseph, morientium Patronus dulcissimus, in magnam spem te erigat: sancta Dei Genitrix Virgo Maria suos benigna oculos ad te convertat: mitis atque festivus

Christi Jesu tibi aspectus appareat, qui te inter assistentes sibi jūgiter interesse decernat. Ignōres omne quod horret in tenebris, quod stridet in flammis, quod cruciat in tormentis. Cedat tibi teterrimus sathanas cum satellitibus suis: in adventu tuo, te comitantibus Angelis, contremiscat, atque in æternæ noctis chaos immane diffugiat. Exsurgat Deus, et dissipentur inimici ejus, et fugiant qui odērunt eum, a facie ejus. Sicut deficit fumus, deficient: sicut fluit cera a facie ignis, sic pereant peccatores a facie Dei. Et justi epulentur, et exsultent in conspectu Dei. Confundantur igitur et erubescant omnes tartaræ legiones, et ministri sathanæ iter tuum impedire non audeant. Liberet te a cruciatu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus, Filius Dei vivi, intra paradisi sui semper amœna virētia, et inter oves suas te verus ille Pastor agnoscat. Ille ab omnibus peccatis tuis te absolvat, atque ad dexteram suam in electorum suorum te sorte constituat. Redemptorem tuum facie ad faciem videas, et præsens

semper assistens, manifestissimam beátis óculis aspicias veritátem. Constitútus (-a) ígitur inter ágmina Beatórum, contemplatiónis divínæ dulcédine potiáris in sæcula sæculórum. *℟. Amen.*

Oratio

Suscipe, Dómine, servum tuum (ancillam tuam) in locum sperándæ sibi salvatiónis a misericórdia tua. *℟. Amen.*

Líbera, Dómine, ánimam servi tui (ancillæ tuæ) ex ómnibus perículis inférni, et de láqueis poenárum, et ex ómnibus tribulatióibus. *℟. Amen.*

Líbera, Dómine, ánimam servi tui (ancillæ tuæ), sicut liberásti Henoch et Elíam de commúni morte mundi. *℟. Amen.*

Líbera, Dómine, ánimam servi tui (ancillæ tuæ), sicut liberásti Noë de dilúvio. *℟. Amen.*

Líbera, Dómine, ánimam servi tui (ancillæ tuæ), sicut liberásti Abraham de Ur Chaldæórum. *℟. Amen.*

Líbera, Dómine, ánimam servi tui (ancillæ tuæ), sicut liberásti Job de passióibus suis. *℟. Amen.*

Líbera, Dómine, ánimam servi tui (ancillæ tuæ), sicut liberásti Isaac de hóstia, et de manu patris sui Abrahæ. *℟. Amen.*

Líbera, Dómine, ánimam servi tui (ancillæ tuæ), sicut liberásti Lot de Sódomis, et de flamma ignis. *℟. Amen.*

Líbera, Dómine, ánimam servi tui (ancillæ tuæ), sicut liberásti Móysen de manu Pharaónis regis Ægyptiórum. *℟. Amen.*

Líbera, Dómine, ánimam servi tui (ancillæ tuæ), sicut liberásti Daniélem de lacu leónum. *℟. Amen.*

Líbera, Dómine, ánimam servi tui (ancillæ tuæ), sicut liberásti tres púeros de camíno ignis ardéntis, et de manu regis iníqui. *℟. Amen.*

Líbera, Dómine, ánimam servi tui (ancillæ tuæ), sicut liberásti Susánnam de falso crimine. *℟. Amen.*

Líbera, Dómine, ánimam servi tui (ancillæ tuæ), sicut liberásti David de manu regis Saul, et de manu Golíæ. *℟. Amen.*

Líbera, Dómine, ánimam servi tui (ancillæ tuæ), sicut liberásti Petrum et Paulum de carcéribus. *℟. Amen.*

Et sicut beatíssimam Theclam Vírginem et Mártirem tuam de tribus atrocíssimis torméntis liberásti, sic liberáre dignéris ánimam hujus servi tui (ancillæ tuæ), et tecum fácias in bonis congaudére cæléstibus. *℟. Amen.*

Oratio

Commendamus tibi, Dómine, ánimam fámuli tui **N.** (fámulæ tuæ **N.**) precamúrque te, Dómine Jesu Christe, Salvátor mundi : ut, propter quam ad terram misericórditer descendisti, Patriarchárum tuórum sínibus insinuáre non rénuas. Agnósce, Dómine, creatúram tuam, non a diis aliénis creatam, sed a te, solo Deo vivo et vero; quia non est álius Deus præter te, et non est secúndum ópera tua. Lætifica, Dómine, ánimam ejus in conspéctu tuo; et ne memíneris iniquitátum ejus antiquárum et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Fílium, et Spíritum Sanctum non negávit, sed crédidit; et zelum Dei in se hábuit, et Deum, qui fecit ómnia, fidéliter adorávit.

Oratio

Delícta juventútis et ignorántias ejus, quæsumus, ne memíneris, Dómine; sed secúndum magnam misericórdiam tuam memor esto illíus in glória claritátis tuæ. Aperíantur ei cæli, collæténtur illi Angeli. In regnum tuum, Dómine, servum tuum (ancíllam tuam) súscipe. Suscí-

piat eum (eam) sanctus Míchaël Archángelus Dei, qui militiæ cæléstis méruit principátum. Véniant illi óbviám sancti Angeli Dei, et perdúcant eum (eam) in civitátem cæléstem Jerúsalem. Suscípiat eum (eam) beátus Petrus Apóstolus, cui a Deo claves regni cæléstis tráditæ sunt. Adjuvet eum (eam) sanctus Paulus Apóstolus, qui dignus fuit esse vas electiόνis. Intercédant pro eo (ea) sanctus Joánnes, eléctus Dei Apóstolus, cui reveláta sunt secréta cæléstia. Orent pro eo (ea) omnes sancti Apóstoli, quibus a Dómino data est potéstas ligándi atque solvéndi. Intercédant pro eo (ea) omnes Sancti et Elécti Dei, qui pro Christi nómine torménta in hoc sáculo sustinuérunt; ut v́nculis carnis exútus (-a) pervenire mereátur ad glóriam regni cæléstis, præstánte Dómino nostro Jesu Christo : Qui cum Patre et Spíritu Sancto vivit et regnat in sácula sæculórum. **A.** Amen.

Oratio

Clementíssima Virgo Dei Génitrix María, mæréntium piíssima consolátrix, fámuli (fámulæ) **N.** spíritum Fílio suo coméndet : ut, hoc matérno

intervéntu, terróres mortis non tímeat; sed desiderátam cæléstis pátriæ mansiónem, ea cómite, lætus (-a) ádeat. *℟.* Amen.

Oratio

AD te confúgio, sancte Joseph, Patróne moriéntium, tibi que, in cujus beáto tránsitu vígiles astitérunt Jesus et María, per hoc utrúmque caríssimum pignus, ánimam hujus fámuli *N.* (fámulæ *N.*) in extrémó agóne laborántem eníxe comméndo, ut ab insídiis diáboli, et a morte perpétua, te protegénte, liberétur, et ad gáudia æténa perveníre mereátur. Per eúmdem Christum Dóminum nostrum.

℟. Amen.

Si anxietur adhuc anima, dicuntur hi Psalmi, videlicet Ps. 117 Confitémini 58, et totus Ps. 118 Beáti immaculáti, per Horas Dominicæ distributus. 59-72

IN EXSPIRATIONE

Moriens, si potest, dicat; vel si non potest, assistens sive Sacerdos pro eo clara voce pronuntiet: Jesu, Jesu, Jesu. Quod et ea quæ sèquuntur, ad illius aures, si videbitur, etiam sæpius repetat:

In manus tuas, Dómine, comméndo spíritum meum. Dómine Jesu Christe, súscipe spíritum meum.

Sancta María, ora pro me.

María, mater grátiae, mater misericórdiae, tu me ab hoste prótege, et hora mortis súscipe.

Sancte Joseph, ora pro me. Sancte Joseph, cum beáta Vírgine Sponsa tua, áperi mihi divínæ misericórdiae sinum.

Jesu, María, Joseph, vobis cor et ánimam meam dono.

Jesu, María, Joseph, astáte mihi in extrémó agóne.

Jesu, María, Joseph, in pace vobiscum dórmiam et requiéscam.

Egressa autem anima, dicitur hoc

℟. Subveníte, Sancti Dei, occúrrite, Angeli Dómini,

* Suscipiéntes ánimam ejus, * Offeréntes eam in conspéctu Altíssimi.

℣. Suscípiat te Christus, qui vocávit te, et in sinum Abrahæ Angeli dedúcant te.

℟. Suscipiéntes ánimam ejus, * Offeréntes eam in conspéctu Altíssimi.

℣. Réquiem æténam dona ei, Dómine: et lux perpétua lúceat ei. —

Offeréntes.

Deinde Kýrie, eléison, Christe, eléison. Kýrie, eléison.

Postea Pater noster secreto usque ad *℣.* Et ne nos indúcas in tentatió-nem. *℟.* Sed libera nos a malo.

ab omni mácula ablúta, transíre ad vitam mereátur perpétuam. Per eúmdem Christum Dóminum nostrum. *R.* Amen.

Tunc, dicto ab uno e Clericis astantibus Confíteor, Sacerdos dicat Misereátur et Indulgéntiam, ac deinde :

Dominus noster Jesus Christus, Fílius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam recípiat confesiónem tuam, et restítuat tibi stolam primam, quam in baptísmate recepísti. Et ego, facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo. In nómine Patris, et Fílii, *✠* et Spíritus Sancti. *R.* Amen.

Per sacrosáncta humanæ reparatiónis mystéria, remíttat tibi omnípotens Deus omnes præséntis et futúre vitæ pœnas, paradísi portas apériat et ad gáudia sempitérna perdúcat. *R.* Amen.

Benedícat te omnípotens Deus Pater, et Fílius, *✠*

et Spíritus Sanctus. *R.* Amen.

Si vero Infirmus sit adeo morti proximus, ut neque confessionis generalis faciendæ, neque præmissarum precum recitandarum suppetat tempus, statim sacerdos benedictionem ei impertiatur, dicendo :

Ego, facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo. In nómine Patris, et Fílii, *✠* et Spíritus Sancti.

R. Amen.

Per sacrosáncta... etc., *ut supra.*

Benedícat te... *ut supra.*

In casu vero necessitatis sufficit dicere :

Ego facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo, et benedico te. In nómine Patris et Fílii, *✠* et Spíritus Sancti. *R.* Amen.

Quando hujusmodi Benedictio Apostolica pluribus simul infirmis impertitur, omnia dicantur semel ut supra, singulari tantum numero in pluralem immutato.

BENEDICTIO MENSÆ

ANTE PRANDIUM

Sacerdos benedicturus mensam incipit : Benedícite, et alii repetunt : Benedícite.

Deinde Sacerdos incipit Versum :

OCuli ómnium, et alii **prosequuntur** : In te sperant, Dómine, et tu das escam illórum in témpore opportúno. Aperis tu manum tuam, et imples omne ánimam benedictióne.

Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

Postea Sacerdos dicit :

Orémus.

Benedic, Dómine, nos, et hæc tua dona, quæ de tua largitate sumus sumptúri. Per Christum Dóminum nostrum.

R. Amen.

Deinde Lector : Jube, domne, benedícere.

Bened. Mensæ cæléstis partícipes fáciat nos Rex æternæ glóriæ. **R.** Amen.

POST PRANDIUM

aguntur gratiæ hoc modo :

Dicto a Lectore Tu autem, Dómine, miserére no-

bis. **R.** Deo grátias, omnes surgunt.

Sacerdos incipit : **V.** Confiteántur tibi, Dómine, ómnia ópera tua. **R.** Et Sancti tui benedícant tibi. Glória Patri. Sicut erat.

Postea Sacerdos absolute dicit :

AGimus tibi grátias, ómnipotens Deus, pro univérsis beneficiis tuis : Qui vivis et regnas in sæcula sæculórum. **R.** Amen.

Deinde alternatim dicitur Ps. 50 Miserére mei, Deus 53 vel [255].

Vel Psalmus 116

LAudáte Dóminum, omnes gentes : * laudáte eum, omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Glória Patri. Sicut erat.

Kýrie, eléison. Christe, eléison. Kýrie, eléison.

Sacerdos dicit Pater noster, quod cum aliis secreto prosequitur usque ad

V. Et ne nos indúcas in tentatióem. **R.** Sed libera nos a malo.

V. Dispérsit, dedit paupéribus. **R.** Justítia ejus manet in sæculum sæculi.

℣. Benedicam Dóminum in omni témpore. ℞. Semper laus ejus in ore meo.

℣. In Dómino laudábitur ánima mea. ℞. Audiant mansuéti, et læténtur.

℣. Magnificáte Dóminum mecum. ℞. Et exaltémus nomen ejus in idípsum.

℣. Sit nomen Dómini benedíctum. ℞. Ex hoc nunc et usque in sáeculum.

Deinde Sacerdos absolute dicat :

Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. ℞. Amen.

℣. Benedicámus Dómino.

℞. Deo grátias.

℣. Fidélium ánimæ per misericórdiam Dei requiéscant in pace. ℞. Amen.

Pater noster, totum secreto.

Quo finito, Sacerdos dicit :

℣. Deus det nobis suam pacem. ℞. Amen.

ANTE CŒNAM

Sacerdos benedicturus mensam incipit : Benedícite, et alii repetunt : Benedícite.

Deinde Sacerdos incipit Versum :

EDent páuperes, et alii **prosequuntur** : Et saturabúntur, et laudábunt Dóminum, qui requírun

eum : vivent corda eórum in sáeculum sáeculi.

Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad** ℣. Et ne nos indúcas in tentatiónem. ℞. Sed libera nos a malo.

Orémus.

Benedic, Dómine, nos, et hæc tua dona, quæ de tua largitáte sumus sumptúri. Per Christum Dóminum nostrum.

℞. Amen.

℣. Jube, domne, benedícere.

Bened. Ad cœnam vitæ ætérnæ perdúcat nos Rex ætérnæ glóriæ.

℞. Amen.

POST CŒNAM

aguntur gratiæ ut post Prandium, sed dicitur :

℣. Memóriam fecit mirábilium suórum miséricors et miserátor Dóminus.

℞. Escam dedit timéntibus se.

Glória Patri. Sicut erat.

Benedíctus Deus in donis suis, et sanctus in ómnibus opéribus suis : Qui vivit et regnat in sáecula sáeculórum. ℞. Amen.

Deinde alternatim dicitur Ps. 116 Laudáte Dóminum, omnes gentes, **et reliqua ut supra.** [271]

Quando semel comeditur, omnia dicuntur ut in Cœna.

Prædictus modus benedicensi mensam, et agendi gratias, servatur omni tempore hujus Partis vernæ, præterquam diebus infrascriptis, quibus Versus et Psalmi tantum variantur.

Feria V

in Cœna Domini

Dicitur absolute et sine cantu

℟. Christus factus est pro nobis obédiens usque ad mortem.

Deinde Pater noster, totum secreto :

Quo dicto, sine pronuntiatione aliqua Sacerdos signo crucis benedicit mensam : nec dicitur Jube, domne nec Tu autem.

In fine repetitur :

℟. Christus factus est pro nobis obédiens usque ad mortem.

Postea Ps. 50 Miserere mei, Deus. 53

Quo finito, sine Versu Glória Patri, secreto dicitur Pater noster.

Deinde Sacerdos dicit absolute Orationem.

Oratio

Respice, quæsumus, Dómine, super hanc familiam tuam, pro qua Dóminus noster Jesus Christus non dubitávit máribus tradi nocéntium, et crucis subíre torméntum.

Et non pronuntiatur Qui tecum nec Fidélium ánimæ; sed secreto dicitur Pater noster, nec additur Deus det nobis suam pacem.

In Parasceve

Eodem modo fit sicut in Cœna Domini, sed Versus dicitur ut infra :

℟. Christus factus est pro nobis obédiens usque ad mortem, mortem autem crucis.

Sabbato sancto

Ad benedicendam mensam dicitur :

Benedícite. ℟. Benedícite.

℟. Véspere autem sábbati, quæ lucéscit in prima sábbati, allelúja. ℟. Venit María Magdaléne, et áltera María, vidére sepúlcrum, allelúja.

Glória Patri. Sicut erat.

In fine repetitur : ℟. Véspere autem, ut supra, cum Glória Patri. Sicut erat.

Ps. 116 Laudáte Dóminum, omnes gentes cum Glória Patri. [271]

Kýrie, eléison. Christe, eléison. Kýrie, eléison, et alia, ut supra in prima Benedictione. [271]

In die Paschæ

et deinceps usque ad Cœnam sequentis Sabbati exclusive,

ad benedicendam mensam
dicitur :

℣. Hæc dies, quam fecit
Dóminus, allelúja. ℟. Ex-
sultémus, et lætémur in
ea, allelúja.

Glória Patri. Sicut erat.

In fine repetitur : Hæc
dies cum Glória Patri.

Ps. 117 Confitémini Dómino
quóniam bonus. 58

In Ascensione Domini

usque ad Vigiliam Pente-
costes exclusive

℣. Ascéndit Deus in ju-
bilatióne, allelúja. ℟. Et
Dóminus in voce tubæ,
allelúja.

Glória Patri. Sicut erat.

In fine dicitur :

℣. Ascéndens Christus in
altum, allelúja. ℟. Capti-

vam duxit captivitátem,
allelúja.

Glória Patri. Sicut erat.

Ps. 46 Omnes gentes, pláu-
dite mánibus 101, vel Ps. 116
Laudáte Dóminum. [271]

In Pentecoste

A Vigilia ejusdem inclusive,
usque ad Cœnam sequentis
Sabbati exclusive :

℣. Spíritus Dómini re-
plévit orbem terrárum,
allelúja. ℟. Et hoc quod
cóntinet ómnia, sciéntiam
habet vocis, allelúja.

Glória Patri. Sicut erat.

In fine dicitur :

℣. Repléti sunt omnes
Spíritu Sancto, allelúja.
℟. Et cœpérunt loqui,
allelúja.

Glória Patri. Sicut erat.

Ps. 47 Magnus Dóminus 170
vel Ps. 116 Laudáte. [271]

ITINERARIUM

Clericus in ipso itineris in-
gressu, si solus fuerit, dicat
quæ sequuntur in singulari;
si cum sociis, in plurali.

Ant. In viam pacis.

Canticum Zachariæ Be-
nedíctus Dóminus, Deus
Israël. [249]

Ant. In viam pacis et
prosperitátis dírigat nos
omnípotens et miséricors
Dóminus, et Angelus Rá-
phaël comitétur nobíscum
in via; ut cum pace, salúte

et gáudio revertámur ad
 própria.

Kýrie, eléison. Christe,
eléison. Kýrie, eléison.

Pater noster secreto us-
que ad ℣. Et ne nos indú-
cas in tentatiónem. ℟. Sed
libera nos a malo.

℣. Salvos fac servos tuos.
℟. Deus meus, sperántes
in te.

℣. Mitte nobis, Dómine,
auxílium de sancto. ℟. Et
de Sion tuére nos.

℣. Esto nobis, Dómine, turris fortitudinis. ℟. A fácie inimíci.

℣. Nihil proficiat inimícus in nobis. ℟. Et fílius iniquitátis non appónat nocére nobis.

℣. Benedíctus Dóminus die quotidie. ℟. Prósperum iter fáciat nobis Deus salutárium nostrórum.

℣. Vias tuas, Dómine, demónstra nobis. ℟. Et sémitas tuas édoce nos.

℣. Utinam dirigántur viæ nostræ. ℟. Ad custodiéndas justificatiónes tuas.

℣. Erunt prava in directa. ℟. Et áspera in vias planas.

℣. Angelis suis Deus mandávit de te. ℟. Ut custódiant te in ómnibus viis tuis.

℣. Dómine, exáudi oratiómem meam. ℟. Et clamor meus ad te véniat.

℣. Dóminus vobíscum.

℟. Et cum spíritu tuo.

Orémus.

Oratio

DEus, qui filios Israël per maris médium sicco vestígio ire fecísti, quique tribus Magis iter ad te stella duce pandísti : tribue nobis, quæsumus, iter prósperum tempúsque tranquillum; ut, Angelo tuo sancto cómite, ad eum quo pérgimus locum, ac demum ad ætérnæ salutis portum pervenire feliciter valeámus.

DEus, qui Abraham puerum tuum, de Ur Chaldæórum edúctum, per omnes suæ peregrinatiónis vias illæsum custodísti; quæsumus, ut nos famulos tuos custodire dignéris : esto nobis, Dómine, in procíntu suffrágium, in via solátium, in æstu umbráculum, in plúvia et frígore teguméntum, in lassitúdine vehículum, in adversitaté præsidium, in lúbrico báculus, in naufrágio portus; ut, te duce, quo téndimus, prósperè perveniámus, et demum incólumes ad própria redeámus.

ADesto, quæsumus, Dómine, supplicatiónebus nostris : et viam famulórum tuórum in salutis tuæ prosperitaté dispóne; ut inter omnes viæ et vitæ hujus varietátes tuo semper protegámur auxílio.

PRæsta, quæsumus, omnípotens Deus : ut familia tua per viam salutis incédât; et, beáti Joánnis Præcursóris hortaménta sectándo, ad eum, quem prædíxit, secúra perveniat, Dóminum nostrum Jesum Christum, Fílium tuum : Qui tecum vivit et regnat in unitáte Spíritus Sancti Deus, per ómnia sæcula sæculórum. ℟. Amen.

℣. Procedámus in pace.

℟. In nómine Dómini. Amen.



Preces ante et post Missam

PRÆPARATIO AD MISSAM

PRO OPPORTUNITATE SACERDOTIS FACIENDA

Quilibet Sacerdos, ex concessione Pii Pp. XI, sub die 3 Octobris 1936, lucrari potest : Indulgentiam quinque annorum si, ante Missæ celebrationem, recitet Psalmos 83, 84, 85, 115 et 129 cum adnexa antiphona, versiculis et Orémus ut infra; plenariam, si per integrum mensem prædictas preces quotidie recitaverit, additis confessione sacramentali et oratione ad Summi Pontificis mentem.

Ant. Ne reminiscáris, *
Dómine, delicta nostra vel
paréntum nostrórum, ne-
que vindictam sumas de
peccátis nostris. (T. P.
Allelúja.)

**Quæ Antiphona in Duplici-
bus tantum duplicatur.**

Psalmus 83

Suam dilécta taber-
nacula tua, Dó-
mine virtútum : *
concupiscit, et déficit áni-
ma mea in átria Dómini.

Cor meum, et caro mea *
exsultavérunt in Deum vi-
vum.

Etenim passer invénit si-
bi domum : * et turtur ni-
dum sibi, ubi ponat pullos
suos.

Altária tua, Dómine vir-
tutum : * Rex meus, et
Deus meus.

Beáti, qui hábitant in
domo tua, Dómine : * in
sæcula sæculórum laudá-
bunt te.

Beátus vir, cujus est au-
xilium abs te : * ascensió-
nes in corde suo dispósuit,
in valle lacrimárum in
loco, quem pósuit.

Etenim benedictiónem
dabit legislátor, ibunt de

virtúte in virtútem : *
vidébitur Deus deórum in
Sion.

Dómine, Deus virtútum,
exáudi orationem meam : *
áuribus pèrcipe, Deus
Jacob.

Protéctor noster, áspice,
Deus : * et réspice in fá-
ciem Christi tui :

Quia mélior est dies una
in átriis tuis, * super
millia.

Elégi abjéctus esse in do-
mo Dei mei : * magis quam
habitáre in tabernáculis
peccatórum.

Quia misericórdiam, et
veritátem diligit Deus : *
grátiam et glóriam dabit
Dóminus.

Non privábit bonis eos,
qui ámbulant in innocén-
tia : * Dómine virtútum,
beátus homo, qui sperat
in te.

Glória Patri.

Psalmus 84

Benedixísti, Dómine,
terram tuam : * aver-
tísti captivitátem Jacob.

Remisísti iniquitátem
plebis tuæ : * operuísti
ómnia peccáta eórum.

Mitigásti omnem iram
tuam : * avertísti ab ira
indignatiónis tuæ.

Convérte nos, Deus, sa-
lutáris noster : * et avérte
iram tuam a nobis.

Numquid in ætérnum
irascéris nobis? * aut ex-

téndes iram tuam a gene-
ratione in generatióem?

Deus, tu convérsus vivi-
ficábis nos : * et plebs tua
lætábitur in te.

Osténde nobis, Dómine,
misericórdiam tuam : *
et salutáre tuum da no-
bis.

Audiam quid loquátur in
me Dóminus Deus : * quó-
niam loquétur pacem in
plebem suam.

Et super sanctos suos : *
et in eos, qui convertúntur
ad cor.

Verúmtamen prope ti-
méntes eum salutáre
ipsíus : * ut inhábitet gló-
ria in terra nostra.

Misericórdia, et véritas
obviavérunt sibi : * justí-
tia, et pax osculátæ sunt.

Véritas de terra orta
est : * et justítia de cælo
prospéxit.

Etenim Dóminus dabit
benignitátem : * et terra
nostra dabit fructum
suum.

Justítia ante eum ambu-
lábit : * et ponet in via
gressus suos.

Glória Patri.

Psalmus 85

Inclína, Dómine, aurem
tuam, et exáudi me : *
quóniam inops, et pauper
sum ego.

Custódi ánimam meam,
quóniam sanctus sum : *
salvum fac servum tuum,

Deus meus, sperántem in te.

Miserére mei, Dómine, quóniam ad te clamávi tota die : * lætífica ánimam servi tui, quóniam ad te, Dómine, ánimam meam levávi.

Quóniam tu, Dómine, suávis, et mitis : * et multæ misericórdiæ ómnibus invocántibus te.

Auribus pércipe, Dómine, oratióem meam : * et inténde voci deprecatiónis meæ.

In die tribulatiónis meæ clamávi ad te : * quia exaudísti me.

Non est similis tui in diis, Dómine : * et non est secúndum ópera tua.

Omnes gentes quascúmque fecísti, vénient, et adorábunt coram te, Dómine : * et glorificábunt nomen tuum.

Quóniam magnus es tu, et fáciens mirabília : * tu es Deus solus.

Deduc me, Dómine, in via tua, et ingrédiar in veritáte tua : * lætétur cor meum ut tímeat nomen tuum.

Confitébor tibi, Dómine, Deus meus, in toto corde meo, * et glorificábo nomen tuum in ætérnum :

Quia misericórdia tua magna est super me : * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam : * et non proposuérunt te in conspéctu suo.

Et tu, Dómine, Deus miserátor et miséricors, * pátiens, et multæ misericórdiæ, et verax.

Réspice in me, et miserére mei, * da impérium tuum púero tuo : et saluum fac fílium ancillæ tuæ.

Fac mecum signum in bonum, ut vídeant qui odérunt me, et confundántur : * quóniam tu, Dómine, adjuvísti me, et consolátus es me.

Glória Patri.

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuam Dómino, * pro ómnibus, quæ retríbuít mihi?

Cálicem salutáris accípíam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctórum ejus :

O Dómine, quia ego servus tuus : * ego servus tuus, et fílius ancillæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem.

Glória Patri.

Psalmus 129

DE profúndis clamávi ad te, Dómine : * Dómine, exáudi vocem meam : Fiant aures tuæ intendéntes, * in vocem deprecationis meæ.

Si iniquitátes observáveris, Dómine : * Dómine, quis sustinébit?

Quia apud te propitiátio est : * et propter legem tuam sustínui te, Dómine.

Sustínuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex ómnibus iniquitátibus ejus.

Glória Patri.

Deinde repetitur :

Ant. Ne reminiscáris, Dómine, delícta nostra vel párentum nostrórum, neque

vindíctam sumas de peccátis nostris. (T. P. Allelúja.)

Postea Sacerdos dicit :

Kýrie, eléison. Christe, eléison. Kýrie, eléison.

Pater noster.

℣. Et ne nos indúcas in tentatiónem. ℟. Sed libera nos a malo.

℣. Ego dixi : Dómine, miserére mei. ℟. Sana ánimam meam, quia peccávi tibi.

℣. Convértere, Dómine, aliquántulum. ℟. Et deprecáre super servos tuos.

℣. Fiat misericórdia tua, Dómine, super nos.

℟. Quemádmódum sperávimus in te.

℣. Sacerdótes tui induántur justítiam. ℟. Et Sancti tui exsúltent.

℣. Ab occúltis meis munda me, Dómine. ℟. Et ab aliénis parce servo tuo.

℣. Dómine, exáudi oratiónem meam. ℟. Et clamor meus ad te véniat.

℣. Dóminus vobíscum.

℟. Et cum spíritu tuo.

Orémus.

Aures tuæ pietátis, mitíssime Deus, inclína précibus nostris, et grátia Sancti Spíritus illúmina cor nostrum : ut tuis mystériis digne ministráre, teque æténa caritáte dilígere mereámur.

DEus, cui omne cor patet et omnis voluntas loquitur, et quem nullum latet secretum : purifica per infusionem Sancti Spiritus cogitationes cordis nostri; ut te perfecte diligere, et digne laudare mereamur.

URE igne Sancti Spiritus renes nostros et cor nostrum, Domine : ut tibi casto corpore serviamus, et mundo corde placeamus.

Mentes nostras, quaesumus, Domine, Patraclitus, qui a te procedit, illuminet : et inducat in omnem, sicut tuus promisit Filius, veritatem.

ADsit nobis, quaesumus, Domine, virtus Spiritus Sancti : quæ et corda nostra clementer expurget et ab omnibus tueatur adversis.

DEus, qui corda fidelium Sancti Spiritus illustratione docuisti : da nobis in eodem Spiritu recta sapere; et de ejus semper consolatione gaudere.

Conscientias nostras, quaesumus, Domine, visitando purifica : ut veniens Dominus noster Jesus Christus, Filius tuus, paratam sibi in nobis inveniat mansionem : Qui tecum vivit et regnat in unitate Spiritus Sancti Deus,

per omnia sæcula sæculorum. Amen.

Oratio

S. Ambrosii Episcopi

Indulgentia trium annorum pro qualibet ex sequentibus orationibus S. Ambrosii si in die assignata recitetur. Pius Pp. XI, 3 Octobris 1936.

DIE DOMINICA

SUMME Sacerdos et vere Póntifex, Jesu Christe, qui te obtulisti Deo Patri hostiam puram et immaculatam in ara Crucis pro nobis miseris et peccatoribus, et qui dedisti nobis Carnem tuam ad manducandum et Sanguinem tuum ad bibendum, et posuisti mysterium istud in virtute Spiritus Sancti tui, dicens : Hæc quotiescúmque feceritis, in mei memoriam faciétis : rogo per eúndem Sanguinem tuum, magnum salutis nostræ pretium, rogo per hanc mirram et ineffabilem caritatem, qua nos miseros et indignos sic amare dignatus es, ut laváres nos a peccátis nostris in Sanguine tuo. Doce me servum tuum indignum, quem inter cetera dona tua étiam ad officium sacerdotale vocare dignatus es, nullis meis méritis, sed sola dignatione misericórdiæ tuæ; doce me, quæ-

so, per Spíritum Sanctum tuum, tantum tractáre mystérium ea reveréntia et honóre, ea devotióne et timóre, quibus opórtet et decet. Fac me per grátiam tuam semper illud de tanto mystério crédere et intelligere, sentíre et fírmiter tenére, dícere et cogitáre, quod tibi placet et éxpedit ánimæ meæ. Intret Spíritus tuus bonus in cor meum, qui sonet ibi sine sono, et sine strépitu verborum loquátur omnem veritátem. Profúnda quippe sunt nimis, et sacro tecta velámine. Propter magnam cleméntiam tuam concéde mihi Missarum solémnia mundo corde et pura mente celebráre. Libera cor meum ab immúndis et nefándis, vanis et nóxiis cogitatióibus. Muni me beatórum Angelórum pia et fida custódia ac tutéla fortíssima, ut hostes ómnium bonórum confúsi discédant. Per virtutem tanti mystérii et per manum sancti Angeli tui, repélle a me et a cunctis servis tuis duríssimum spíritum supérbiæ et cenodoxiæ, invídiæ et blasphemíæ, fornicatiónis et immundítíæ, dubietátis et diffidéntiæ. Confundántur, qui nos persecuúntur; pér-eant illi, qui nos pérdere festínant.

FERIA SECUNDA

REX vírginum et amator castitátis et integritátis, cælésti rore benedictiόνis tuæ exstingue in corpore meo fómitem ardéntis libídinis, ut máneat in me tenor castitátis corporis et ánimæ. Mortífica in membris meis carnis stimulos omnésque libidinósas commotiónes, et da mihi veram et perpétuam castitátem cum céteris donis tuis, quæ tibi placent in veritáte : ut sacrificium laudis casto corpore et mundo corde váleam tibi offerre. Quanta enim cordis contritióne et lacrimárum fonte, quanta reveréntia et timóre, quanta corporis castitáte et ánimæ puritáte istud divinum et cæléste sacrificium est celebrándum, ubi Caro tua in veritáte súmitur, ubi Sanguis tuus in veritáte bíbitur, ubi ima summis, terréna divinis jungúntur, ubi adest sanctorum Angelórum præséntia, ubi tu es sacrificium et sacérdos mirabíliter et ineffabíliter constitútus!

FERIA TERTIA

Quis digne hoc sacrificium celebráre póterit, nisi tu, Deus omnípotens, offeréntem féceris dignum? Scio, Dómine, et vere scio,

et idípsum pietáti tuæ confíteor, quia non sum dignus accédere ad tantum mystérium propter nímia peccáta mea et infinitas negligéntias meas. Sed scio, et veráciter ex toto corde meo credo et ore confíteor, quia tu potes me fácere dignum, qui solus potes fácere mundum de immúndo concéptum sémine, et de peccatóribus justos et sanctos. Per hanc omnipoténtiam tuam te rogo, Deus meus, ut concédas mihi peccatóri hoc sacrificium celebráre cum timóre et tremóre, cum cordis puritáte et lacrimárum fonte, cum lætítia spiritali et cælésti gáudio. Séntiat mens mea dulcedinem beatíssimæ præsentíæ tuæ, et excúbias sanctorum Angelórum tuórum in circúitu meo.

FERIA QUARTA

EGO enim, Dómine, memor venerándæ passionis tuæ, accédo ad altáre tuum, licet peccátor, ut offeram tibi sacrificium, quod tu instituísti et offerri præcepísti in commemoratióne tui, pro salúte nostra. Súscipe illud, quæso, summe Deus, pro Ecclesia sancta tua et pro pópulo, quem acquisivísti Sáanguine tuo. Et quóniam me peccátorem inter te et

eúndem pópulum tuum médium esse voluísti, licet in me áliquod boni óperis testimónium non agnóscas, officium saltem dispensatiónis créditæ non recúses; nec per me indignum eórum salútis pér-eat prétium, pro quibus víctima salutáris dignátus es esse et redemptio. Prófero étiam, Dómine (si dignéris propítius intuéri), tribulatiónes plébium, pérícula populórum, captivórum gémitus, misérias orphanórum, necessitátes peregrinórum, inópiam debílium, desperatiónes languéntium, deféctus senum, suspíria júvenum, vota vírginum, láménta viduárum.

FERIA QUINTA

TU enim miseréris ómnium, Dómine, et nihil odísti eórum quæ fecísti. Memoráre, quæ sit nostra substántia; quia tu Pater noster es, quia tu Deus noster es, ne irascáris satis, neque multitudinem víscerum tuórum super nos contíneas. Non enim in justificatióne nostris prostérnimus preces ante fáciem tuam, sed in miserationibus tuis multis. Aufer a nobis iniquitátes nostras, et ignem Sancti Spíritus in nobis cleménter accénde. Aufer cor lapí-

deum de carne nostra et da nobis cor cárneum, quod te amet, te díligat, te delectétur, te sequátur, te perfruátur. Orámus, Dómine, cleméntiam tuam, ut seréno vultu famíliam tuam, sacri tui nóminis officia præstolántem, aspícere dignéris; et, ut nullíus sit írritum votum, nullíus vácuca postulátio, tu nobis preces súggere, quas ipse propítius audíre et exaudíre delectéris.

FERIA SEXTA

Rogámus étiam te, Dómine, sancte Pater, et pro spirítibus fidélium defunctórum, ut sit illis salus, sánitas, gáudium et refrigeríum, hoc magnum pietátis sacraméntum. Dómine, Deus meus, sit illis hódie magnum et plenum convívium de te pane vivo, qui de cælo descendísti et das vitam mundo, de tua carne sancta et benedícta, Agni vidélicet immaculáti, qui tollis peccáta mundi, quæ de sancto et glorióso beátæ Vírginis Mariæ útero est assúpta et de Spíritu Sancto concépta; ac de illo pietátis fonte, qui per lanceam militis ex tuo sacratíssimo látere emanávit : ut, exínde refécti et satiáti, refrigeráti et consoláti, exsúltent in laude de

glória tua. Peto cleméntiam tuam, Dómine, ut descendat super panem tibi sacrificándum plenitúdo tuæ benedictiónis, et sanctificátio tuæ divinitátis. Descendat étiam, Dómine, illa Sancti Spíritus tui invisíbilis incomprehensibilisque majéstas, sicut quondam in patrum hóstias descendébat; qui et oblatiónes nostras Corpus et Sánguinem tuum efficiat, et me indígnum sacerdotem dóceat tantum tractáre mystérium cum cordis puritáte et lacrimárum devotíone, cum reveréntia et tremóre, ita ut plácide ac benígne suscipias sacrificium de mánibus meis, ad salútem ómnium tam vivórum quam defunctórum.

SABBATO

ROgo étiam te, Dómine, per ipsum sacrosáctum mystérium Córporis et Sánguinis tui, quo quotidie in Ecclésia tua páscimur et potámur, ablúimur et sanctificámur, atque uníus summæ divinitátis partícipes effícimur. Da mihi virtútes tuas sanctas, quibus replétus bona consciéntia ad altáre tuum accédam, ita ut hæc cælestia sacraménta efficiántur mihi salus et vita. Tu enim dixísti ore tuo sancto et

benedicto : Panis, quem ego dabo, caro mea est pro mundi vita. Ego sum panis vivus, qui de cælo descendendi. Si quis manducaverit ex hoc pane, vivet in ætérnum. Panis dulcissime, sana palátum cordis mei, ut sentiam suavitatem amoris tui. Sana illud ab omni languóre, ut nullam præter te sentiam dulcedinem. Panis candidissime, habens omne delectaméntum et omnem sapórem, qui nos semper reficis et numquam in te deficis; cómedat te cor meum, et dulcedine sapóris tui repleántur víscera ánimæ meæ. Mandúcat te Angelus ore pleno : mandúcet te peregrínus homo pro módulo suo, ne deficere possit in via, tali recreátus viático. Panis sancte, panis vive, panis munde, qui descendísti de cælo et das vitam mundo, veni in cor meum, et munda me ab omni inquinaménto carnis et spíritus. Intra in ánimam meam, sana et munda me intérius et extérius. Esto tutámen et continúa salus ánimæ et córporis mei. Repélle a me insidiántes mihi hostes : recédant procul a præsentia poténtiæ tuæ, ut, foris et intus per te múnitus, recto trámite ad tuum regnum pervéniam; ubi non in

mystériis, sicut in hoc témpore ágitur, sed fácie ad fáciem te vidébimus, cum tradíderis regnum Deo et Patri, et eris Deus ómnia in ómnibus. Tunc enim me de te satiábis satietáte mirífica, ita ut nec esúriam nec sítiám in ætérnum : Qui cum eódem Deo Patre et Spíritu Sancto vivis et regnas per ómnia sæcula sæculórum. Amen.

Alia Oratio S. Ambrosii ante Missam

*Indulgentia trium annorum.
Pius Pp. XI, 3 Octobris 1936*

AD mensam dulcissimi convivii tui, pie Dómine Jesu Christe, ego peccátor de própriis meis méritis nihil præsumens, sed de tua confídens misericórdia et bonitáte, accédere véreor et contremísco. Nam cor et corpus hábeo multis crimínibus maculátum, mentem et linguam non caute custodítam. Ergo, o pia Déitas, o treménda majéstas, ego miser, inter angústias deprehénsus, ad te fontem misericórdiæ recúrro, ad te festíno sanándus, sub tuam protectiónem fúgio; et, quem Júdicem sustinére néqueo, Salvatórem habére suspíro. Tibi, Dómine, plagas meas osténdo, tibi verecúndiam meam détego. Scio peccá-

ta mea multa et magna, pro quibus timeo : spero in misericórdias tuas, quarum non est númerus. Réspice ergo in me óculis misericórdiæ tuæ, Dómine Jesu Christe, Rex ætérne, Deus et homo, crucifixus propter hóminem. Exáudi me sperántem in te : miserere mei pleni misériis et peccátis, tu qui fontem miseratiónis numquam manáre cessábis. Salve, salutaris víctima, pro me et omni humáno génere in patíbulo Crucis obláta. Salve, nóbilis et pretióse Sanguis, de vulnéribus crucifixi Dómini mei Jesu Christi prófluens, et peccáta totíus mundi ábluens. Recordáre, Dómine, creatúræ tuæ, quam tuo Sanguine redemísti. Pénitet me peccásse, cúpio emendáre quod feci. Aufer ergo a me, clementíssime Pater, omnes iniquitátes et peccáta mea; ut, purificátus mente et corpore, digne degustáre mérear Sancta sanctorum. Et concéde, ut hæc sancta prælibátio Córporis et Sanguinis tui, quam ego indignus súmere inténdo, sit peccatorum meórum remíssio, sit delictórum perfécta purgátio, sit túrpius cogitátionum effugátio ac bonórum sénsuum regenerátio, operúmque tibi placéntium

salúbris effícícia, ánimæ quoque et cörperis contra inimicórum meórum insídias firmíssima tuftio. Amen.

Oratio

S. Thomæ Aquinatis

Indulgentia trium annorum; plenaria, dummodo quotidiana orationis recitatio in integrum mensem producta fuerit et præterea sacramentalis confessio, alicujus ecclesiæ vel publici oratorii visitatio et ad mentem Summi Pontificis preces additæ fuerint. Pius Pp. XI, 10 Decembris 1936.

O Mnípotens sempitérne Deus, ecce accédo ad sacraméntum unigéniti Fílii tui, Dómini nostri Jesu Christi; accédo tamquam infirmus ad médicum vitæ, immúndus ad fontem misericórdiæ, cæcus ad lumen claritátis ætérnæ, pauper et egénus ad Dóminum cæli et terræ. Rogo ergo imménsæ largitátis tuæ abundántiam, quátenus meam curáre dignéris infirmitátem, laváre fœditátem, illumináre cæcitaté, ditáre paupertátem, vestíre nuditaté : ut panem Angelórum, Regem regum et Dóminum dominántium, tanta suscipiam reveréntia et humilitáte, tanta contritióne et devotióne, tanta puritáte

et fide, tali propósito et intentione, sicut expedit salutí animæ meæ. Da mihi, quæso, Domínici Córporis et Sánguini non solum suscipere sacramentum, sed étiam rem et virtutem sacraménti. O mitíssime Deus, da mihi Corpus unigéniti Fílii tui, Dómini nostri Jesu Christi, quod traxit de Virgine María, sic suscipere, ut córpori suo mýstico merear incorporári, et inter ejus membra connumerári. O amantíssime Pater, concede mihi diléctum Fílium tuum, quem nunc velátum in via suscipere propóno, reveláta tandem fácie perpétuo contemplári : Qui tecum vivit et regnat in unitáte Spíritus Sancti Deus, per ómnia sæcula sæculórum. Amen.

Oratio ad B. Mariam V. ante Missam

*Indulgentia trium annorum.
Pius Pp. XI, 3 Octobris 1936*

O Mater pietátis et misericórdiæ, beatíssima Virgo María, ego miser et indignus peccátor ad te confúgio toto corde et afféctu; et precor pietátem tuam, ut, sicut dulcíssimo Filio tuo in Cruce pendénti astitísti, ita et mihi, mísero peccatóri, et sacerdótibus ómnibus, hic et in

tota sancta Ecclésia hódie offeréntibus, cleménter assistere dignéris, ut, tua grátia adjúti, dignam et acceptábilem hóstiam in conspéctu summæ et individuæ Trinitátis offerre valeámus. Amen.

Oratio ad S. Joseph

*Indulgentia trium annorum.
Pius Pp. XI, 3 Octobris 1936*

O Felicem virum, beátum Joseph, cui datum est, Deum, quem multi reges voluérunt vidére et non viderunt, audíre et non audierunt, non solum vidére et audíre, sed portáre, deosculári, vestíre et custodíre!

✠. Ora pro nobis, beáte Joseph. ✠. Ut digni efficiámur promissionibus Christi.

Orémus.

Deus, qui dedísti nobis regále sacerdotium : præsta, quæsumus; ut, sicut beátus Joseph unigénitum Fílium tuum, natum ex María Virgine, suis mánibus reverénter tractáre mérui et portáre, ita nos fácias cum cordis mundítia et óperis innocéntia tuis sanctis altáribus deservíre, ut sacrosáctum Fílii tui Corpus et Sánguinem hódie digne sumámus, et in futúro sæculo præmium habére mereámur

æternum. Per eúmdem Christum, Dóminum nostrum. Amen.

Oratio ad omnes Angelos et Sanctos

*Indulgentia trium annorum.
Pius Pp. XI, 3 Octobris 1936*

Angeli, Archángeli, Throni, Dominationes, Principatus, Potestates, Virtutes cælorum, Chérubim atque Séraphim, omnes Sancti et Sanctæ Dei, præsertim Patróni mei, intercédere dignémini pro me, ut hoc sacrificium Deo omnipoténti digne váleam offerre, ad laudem et glóriam nóminis sui et ad utilitatem meam totiúsque Ecclesiæ suæ sanctæ. Amen.

Oratio ad Sanctum in cuius honorem Missa celebratur

*Indulgentia trium annorum.
Pius Pp. XI, 3 Octobris 1936*

O Sancte **N.**, ecce ego miser peccátor, de tuis méritis confisus, offero nunc sacratíssimum sacraméntum Córporis et Sáanguinis Dómini nostri Jesu Christi pro tuo honóre et glória. Precor te humíliter et devóte, ut pro me hódie intercédere di-

gnéris, ut tantum sacrificium digne et acceptabíliter offerre váleam, ut eum tecum et cum ómnibus eléctis ejus æternáliter laudáre, atque cum eo regnáre váleam : Qui vivit et regnat in sæcula sæculórum. Amen.

Declaratio intentionis ante Missam

*Indulgentia quingentorum
dierum. Pius Pp. XI, 12 Julii 1935*

EGO volo celebráre Missam, et conficere Corpus et Sáanguinem Dómini nostri Jesu Christi, juxta ritum sanctæ Románæ Ecclesiæ, ad laudem omnipoténtis Dei totiúsque Cúriæ triumphántis, ad utilitatem meam totiúsque Cúriæ militántis, pro ómnibus, qui se commendavérunt oratióibus meis in génere et in spécie, et pro felici statu sanctæ Románæ Ecclesiæ. Amen.

Gaudium cum pace, emendatióem vitæ, spátium veræ pæniténtiæ, grátiam et consolatióem Sancti Spíritus, perseverántiam in bonis opéribus, tríbuat nobis omnípotens et miséricors Dóminus. Amen.

GRATIARUM ACTIO POST MISSAM

Quilibet Sacerdos, ex concessione Pii XI sub die 3 Octobris 1936, lucrari potest : Indulgentiam quinque annorum, si post Missam celebratam recitet Canticum Trium puerorum et Psalmum 150 cum adnexa antiphona, versiculis et Orémus ut infra; plenariam, si per integrum mensem prædictas preces recitaverit, accedente sacramentali confessione et oratione ad mentem Summi Pontificis.

Ant. Trium puerórum * cantémus hymnum, quem cantábant Sancti in camínno ignis, benedicéntes Dóminum. (T. P. Allelúja.)

Quæ Antiphona in Duplicibus tantum duplicatur.

**Canticum
trium Puerorum
Dan. 3, 57-88 et 56**



Benedícite, ómnia ópera Dómini, Dómino : * laudáte et superexaltáte eum in sæcula.

Benedícite, Angeli Dómini, Dómino : * benedicite, cæli, Dómino.

Benedícite, aquæ omnes, quæ super cælos sunt, Dómino : * benedicite, omnes virtútes Dómini, Dómino.

Benedícite, sol et luna, Dómino : * benedicite, stellæ cæli, Dómino.

Benedícite, omnis imber et ros, Dómino : * benedicite, omnes spíritus Dei, Dómino.

Benedícite, ignis et æstus, Dómino : * benedicite, frigus et æstus, Dómino.

Benedícite, rores et pruina, Dómino : * benedicite, gelu et frigus, Dómino.

Benedícite, glácies et nives, Dómino : * benedicite, noctes et dies, Dómino.

Benedícite, lux et ténebræ, Dómino : * benedicite, fúlgura et nubes, Dómino.

Benedícat terra Dóminum : * laudet et superexáltet eum in sæcula.

Benedícite, montes et colles, Dómino : * benedicite, univérsa germinántia in terra, Dómino.

Benedícite, fontes, Dómino : * benedicite, mária et flúmina, Dómino.

Benedícite, cete, et ómnia, quæ movéntur in aquis, Dómino : * benedicite, omnes vólucres cæli, Dómino.

Benedícite, omnes béstiae et pécora, Dómino : * benedicite, filii hóminum, Dómino.

Benedícat Israël Dóminum : * laudet et superexáltet eum in sæcula.

Benedícite, sacerdótes Dómini, Dómino : * benedícite, servi Dómini, Dómino.

Benedícite, spíritus, et ánimæ justórum, Dómino : * benedícite, sancti, et húmiles corde, Dómino.

Benedícite, Ananía, Azaría, Misaël, Dómino : * laudáte et superexaltáte eum in sæcula.

Benedicámus Patrem et Fílium cum Sancto Spíritu : * laudémus et superexaltémus eum in sæcula.

Benedíctus es, Dómine, in firmaménto cæli : * et laudábilis, et gloriósus, et superexaltátus in sæcula.

¶ **Hic non dicitur** Glória Patri, **neque** Amen.

Psalmus 150

Laudáte Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secúndum multitudínem magnitúdinis ejus.

Laudáte eum in sono tubæ : * laudáte eum in psaltério, et cíthara.

Laudáte eum in týmpano, et choro : * laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : * omnis spíritus laudet Dóminum.

Glória Patri.

Ant. Trium puerórum cantémus hymnum, quem cantábant Sancti in camínio ignis, benedicétes Dóminum. (T. P. Allelúja.)

Postea Sacerdos dicit :

Kýrie, eléison. Christe, eléison. Kýrie, eléison.

Pater noster.

✠. Et ne nos indúcas in tentatiónem. ✠. Sed libera nos a malo.

✠. Confiteántur tibi, Dómine, ómnia ópera tua.

✠. Et Sancti tui benedícant tibi.

✠. Exsultábunt Sancti in glória. ✠. Lætabúntur in cubílibus suis.

✠. Non nobis, Dómine, non nobis. ✠. Sed nómini tuo da glóriam.

✠. Dómine, exáudi oratiónem meam. ✠. Et clamor meus ad te véniat.

✠. Dóminus vobíscum.

✠. Et cum spíritu tuo.

Orémus.

Deus, qui tribus púeris mitigásti flammās ignium : concéde propítius ; ut nos fámulos tuos non exúrat flamma vitiórum.

Actiões nostras, quæsumus, Dómine, aspirándo præveni et adjuvándo proséquere : ut cuncta nostra orátio et operátio a te semper incípiat, et per te cœpta finiátur.

DA nobis, quæsumus, Dómine, vitiórum nostrórum flammæ exstinguere : qui beáto Lauréntio tribuísti tormentórum suórum incéndia superáre. Per Christum, Dóminum nostrum. *℟.* Amen.

ORATIONES

PRO OPPORTUNITATE SACERDOTIS DICENDÆ

Oratio S. Thomæ Aquinatis

Indulgentia trium annorum; plenaria, oratione quotidie in integrum mensem pie reiterata et additis sacramentali confessione, alicujus ecclesiæ vel publici oratorii visitatione et precibus ad Summi Pontificis mentem. Pius Pp. XI, 22 Novembris 1934.

GRátias tibi ago, Dómine sancte, Pater omnípotens, ætérne Deus, qui me peccatórem, indignum fámulum tuum, nullis meis méritis, sed sola dignatióne misericórdiæ tuæ satiáre dignátus es pretiósó Córpo et Sáanguine Filii tui, Dómini nostri Jesu Christi. Et precor, ut hæc sancta commúnio non sit mihi reátus ad pœnam, sed intercéssio salutáris ad véniam. Sit mihi armatúra fidei et scutum bonæ voluntátis. Sit vitiórum meórum evacuátio, concupiscéntiæ et libídinis exterminátio, caritátis et patiéntiæ, humilitátis et obediéntiæ, omniúmque vir-

tútum augmentátio; contra insídias inimicórum ómnium, tam visibílium quam invisibílium, firma defénsio; mótuum meórum, tam carnálium quam spirituálium, perfécta quietátio; in te uno ac vero Deo firma adhæsió; atque finis mei felix consummátio. Et precor te, ut ad illud ineffábile convívium me peccatórem perdúcere dignéris, ubi tu cum Filio tuo et Spíritu Sancto Sanctis tuis es lux vera, satiétas plena, gáudium sempitérnum, jucúnditas consummáta et felicitas perfécta. Per eúmdem Christum, Dóminum nostrum. Amen.

Oratio S. Bonaventuræ

Indulgentia trium annorum. Pius Pp. XI, 3 Octobris 1936

TRansfíge, dulcíssime Dómine Jesu, medúllas et víscera ánimæ meæ suavíssimo ac salubérrimo amóris tui vúlnerē, vera serenáque et apostólica

sanctíssima caritáte, ut lángueat et liquefiat ánima mea solo semper amóre et desidério tui; te concupíscat et deficiat in átria tua, cúpiat dissólvi et esse tecum. Da, ut ánima mea te esúriat, panem Angelórum, refectiónem animárum sanctárum, panem nostrum quotidiánum, supersubstantiálem, habéntem omnem dulcédinem et sapórem et omne delectaméntum suavitátis. Te, in quem desidérant Angeli prospícere, semper esúriat et cómedat cor meum, et dulcédine sapóris tui repleántur víscera ánimæ meæ; te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátem domus Dei. Te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in laudem et glóriam nóminis tui, cum humilitáte et discretiónem, cum dilectiónem et delectatióem, cum facilitáte et afféctu, cum perseverántia usque in finem; ut tu sis solus semper spes mea, tota fidúcia mea, divítiæ meæ, delectátio mea, jucúnditas mea, gáudium meum, quies et tranquíllitas mea, pax mea, suávitatis mea,

odor meus, dulcédine mea, cibus meus, refectio mea, refúgium meum, auxílium meum, sapiéntia mea, pór-tio mea, posséssio mea, thesáurus meus, in quo fixa et firma et immobiliter semper sit radicáta mens mea et cor meum. Amen.

Rhythmus S. Thomæ Aquinatis

Indulgentia quinque annorum; plenaria suctis conditionibus, quotidiana rhythmī recitatione in integrum mensem producta. Pius Pp. XI, 12 Martii 1936.

ADóro te devóte, latens Déitas,
Quæ sub his figúris vere látitas :

Tibi se cor meum totum súbjicit,

Quia, te contémplans, totum déficit.

Visus, tactus, gustus in te fállitur,

Sed audítu solo tuto créditur :

Credo quidquid dixit Dei Fílius,

Nil hoc verbo Veritátis vérius.

In Cruce latébat sola Déitas,

At hic latet simul et humanitas;

Ambo tamen credens atque cónfitens,

Peto quod petívit latro pænítens.

Plagas, sicut Thomas, non
intúeor,
Deum tamen meum te
confíteor :

Fac me tibi semper magis
crédere,
In te spem habére, te dili-
gere.

O memoriále mortis Dó-
mini,
Panis vivus, vitam præ-
stans hómini,
Præsta meæ menti de te
vivere,
Et te illi semper dulce sá-
pere.

Pie pellicáne, Jesu Dó-
mine,
Me immúndum munda tuo
Sáanguine,
Cujus una stilla salvum fá-
cere
Totum mundum quit ab
omni scélere.

Jesu, quem velátum nunc
aspício,
Oro, fiat illud quod tam
sítio :
Ut, te reveláta cernens
fácie,
Visu sim beátus tuæ gló-
riæ. Amen.

Aspirationes S. Ignatii ad Sanctissimum Redemptorem

**Indulgentia septem anno-
rum, si Sacerdos post Mis-
sam invocationes pie recita-
verit; trecentorum dierum
toties quoties; plenaria sue-
tis conditionibus, dummodo**

**quotidie per integrum men-
sem invocationum recitatio
devote peracta fuerit. Pius
Pp. IX, 9 Januarii 1854.**

Anima Christi, sanctífica
me. Corpus Christi,
salva me. Sanguis Chri-
sti, inébria me. Aqua láte-
ris Christi, lava me. Pás-
sio Christi, confórta me.
O bone Jesu, exáudi me.
Intra tua vúlnera abscón-
de me. Ne permíttas me
separári a te. Ab hoste
maligno defénde me. In
hora mortis meæ voca me.
Et jube me veníre ad te,
ut cum Sanctis tuis lau-
dem te in sácula sæculó-
rum. Amen.


Oblatio sui

**Indulgentia trium annorum;
plenaria suetis conditionibus,
si quotidie per integrum men-
sem actus oblationis devote
recitatus fuerit. Pius Pp. XI,
4 Decembris 1932.**

Suscipe, Dómine, uni-
vérsam meam libertá-
tem. Accipe memóriam,
intelléctum atque voluntá-
tem omnem. Quidquid há-
beo vel possídeo, mihi
largítus es : id tibi totum
restítuo, ac tuæ prorsus
voluntáti trado gubernán-
dum. Amórem tui solum
cum grátia tua mihi do-
nes, et dives sum satis,
nec áliud quidquam ultra
posco.

Oratio ad D. N. J. C. Crucifixum

Indulgentia decem annorum; plenaria recitantibus post Missam et orantibus ad mentem Summi Pontificis. Pius Pp. XI, 2 Februarii 1934.



EN ego, o bone et dulcissime Jesu, ante conspéctum tuum génibus me provólvo ac máximo ánimi ardóre te oro atque obtéstor, ut meum in cor vívidos fidei, spei et caritátis sensus, atque veram peccatórum meórum pæniténtiam, éaque emendándi firmíssimam voluntátem velis imprimere; dum magno ánimi afféctu et dolóre tua quinque vúlnera mecum ipse consídero ac mente contémplo, illud præ óculis habens, quod jam in

ore ponébat tuo David Prophéta de te, o bone Jesu : Foderunt manus meas et pedes meos; dinumeravérunt ómnia ossa mea. **Ps. 21, 17-18**

Alia Oratio

Indulgentia trium annorum. Pius Pp. IX, 11 Decembris 1846. Insuper hanc orationem recitanti flexis genibus, nisi impediatur, conceditur remissio defectuum et culparum in celebratione Missæ ex humana fragilitate contractarum. Pius Pp. X, 29 Augusti 1912.

Obsecro te, dulcissime Dómine Jesu Christe, ut pássio tua sit mihi virtus, qua múnier, prótegar atque deféndar; vúlnera tua sint mihi cibus potúsque, quibus pascar, inébrier atque delécter; aspér-sio Sánguinis tui sit mihi

ablútio ómnium delictórum meórum; mors tua sit mihi vita indeficiens, Crux tua sit mihi glória sempitérna. In his sit mihi refectio, exsultatio, sánitas et dulcédo cordis mei : Qui vivis et regnas in sácula sæculórum. Amen.

Oratio ad B. Mariam V.

Indulgentia trium annorum. Pius Pp. XI, 3 Octobris 1936

O María, Virgo et Mater sanctíssima, ecce suscepí dilectíssimum Fílium tuum, quem immaculáto útero tuo concepísti, genuísti, lactásti, atque sua-

víssimis ampléxibus strinxisti. Ecce cujus aspéctu lætabáris et ómnibus delíciis replebáris, illum ipsum tibi humíliter et amánte repræsentó et óffero tuis bráchiis constringéndum, tuo corde amándum, sanctíssimæque Trinitáti in suprénum latríæ cultum, pro tui ipsíus honóre et glória et pro meis totiúsque mundi necessitatibus, offeréndum. Rogo ergo te, piíssima Mater, impetra mihi véniam ómnium peccatórum meórum, uberémque grátiam ipsi deinceps fidélius serviéndo, ac déni- que grátiam finálem, ut eum tecum laudáre possim per ómnia sácula sæculórum. Amen.

Oratio ad S. Joseph

Indulgentia trium annorum; plenaria suetis conditionibus, oratione quotidie per integrum mensem pia mente iterata. Pius Pp. XI, 18 Maji 1936.

Virginum custos et pater, sancte Joseph, cujus fidéli custodiæ ipsa In-


nocéntia Christus Jesus et Virgo vírginum María commissa fuit : te per hoc utrúmque caríssimum pignus Jesum et Mariám óbsecro et obtéstor, ut me, ab omni immundítia præservátum, mente incontamináta, puro corde et casto córpore Jesu et Mariæ semper fácias castíssime famulári. Amen.

Oratio ad Sanctum

in cujus honorem Missa celebrata est

Indulgentia trium annorum.
Pius Pp. XI, 3 Octobris 1936

SAncte **N.**, in cujus honórem incruéntum Córpore et Ságuinis Christi sacrificium obtuli, fac tua poténti apud Deum intercessióne, ut, usu hujus mystérii, passiónis et mortis ejúsdem Christi Salvatóris nostri mérita consequar, ac cum illíus frequentatióne continuo crescat meæ salútis efféctus. Amen.



Litaniæ de sanctissimo Nomine Jesu

Indulgentia 7 annorum; plenaria, si per integrum mensem,
suetis conditionibus, S. P. A. 2 Jan. 1933



Yrie, eléison.

Christe, eléison.

Kýrie, eléison.

Jesu, audi nos.

Jesu, exáudi nos.

Pater de cælis, Deus,
miserére nobis.

Fili, Redemptor mundi,
Deus, miserére nobis.

Spíritus Sancte, Deus,
miserére nobis.

Sancta Trínitas, unus
Deus, miserére nobis.

Jesu, Fili Dei vivi, mis.

Jesu, splendor Patris, mis.

Jesu, candor lucis æternæ,
miserére nobis.

Jesu, rex glóriæ, mis.

Jesu, sol justitiæ, mis.

Jesu, Fili Mariæ Vírginis,
miserére nobis.

Jesu amábilis, mis.

Jesu admirábilis, mis.

Jesu, Deus fortis, mis.

Jesu, pater futúri sæculi,
miserére nobis.

Jesu, magniconsílii ángele,
miserére nobis.

Jesu potentíssime, mis.

Jesu patientíssime, mis.

Jesu obedientíssime, mis.

Jesu, mitis et húmilis cor-
de, miserére nobis.

Jesu, amátor castitátis,
miserére nobis.

Jesu, amátor noster, mis.

Jesu, Deus pacis, mis.

Jesu, auctor vitæ, mis.

Jesu, exémp lar virtútum,
miserére nobis.

Jesu, zelátor animárum,
miserére nobis.

Jesu, Deus noster, mis.

Jesu, refúgium nostrum,
miserére nobis.

Jesu, pater páuperum,
miserére nobis.

Jesu, thesáure fidélium,
miserére nobis.

Jesu, bone pastor, mis.

Jesu, lux vera, mis.

Jesu, sapiéntia æténa,
miserére nobis.

Jesu, bónitas infiníta, mis.

Jesu, via et vita nostra,
miserére nobis.

Jesu, gáudium Angeló-
rum, miserére nobis.

Jesu, rex Patriarchárum,
miserére nobis.

Jesu, magíster Apostoló-
rum, miserére nobis.

Jesu, doctor Evangelistá-
rum, miserére nobis.

Jesu, fortitúdo Mártýrum,
miserére nobis.

Jesu, lumen Confessórum,
miserére nobis.

Jesu, púritas Vírginum,
miserére nobis.

Jesu, coróna Sanctórum
ómnium, mis. nobis.

Propítius esto,
parce nobis, Jesu.

Propítius esto,
exáudi nos, Jesu.
Ab omni malo,
libera nos, Jesu.
Ab omni peccáto, libera.
Ab ira tua, libera.
Ab insídiis diáboli, libera.
A spíritu fornicatiónis,
libera.
A morte perpétua, libera.
A negléctu inspiratiónum
tuárum, libera.
Per mystérium sanctæ in-
carnatiónis tuæ, libera.
Per nativitátem tuam,
libera.
Per infántiam tuam,
libera.
Per diviníssimam vitam
tuam, libera.
Per labóres tuos, libera.
Per agóniam et passióem
tuam, libera.
Per crucem et derelicti-
onem tuam, libera.
Per languóres tuos, libera.
Per mortem et sepultúram
tuam, libera.
Per resurrectióem tuam,
libera.
Per ascensióem tuam,
libera.
Per sanctíssimæ Eucharí-
stiæ institutióem tuam,
libera.
Per gáudia tua, libera.

Per glóriam tuam, libera.
Agnus Dei, qui tollis pec-
cáta mundi,
parce nobis, Jesu.
Agnus Dei, qui tollis pec-
cáta mundi,
exáudi nos, Jesu.
Agnus Dei, qui tollis pec-
cáta mundi,
miserére nobis, Jesu.
Jesu, audi nos.
Jesu, exáudi nos.

Orémus.

Oratio

Domine Jesu Christe,
qui dixísti : Pétite, et
accipiétis; quærite, et in-
veniétis; pulsáte, et ape-
riétur vobis : quæsumus,
da nobis peténtibus divi-
nissimi tui amoris affé-
ctum, ut te toto corde, ore
et ópere diligámus, et a
tua numquam laude ces-
sémus.

Sancti Nóminis tui, Dó-
mine, timórem páriter
et amórem fac nos habére
perpétuum : quia num-
quam tua gubernatióne
destítuis, quos in solidi-
tate tuæ dilectiós in-
stítuis : Qui vivis et regnas
in sácula sæculórum.

℟. Amen.



Litaniæ de sacratissimo Corde Jesu

Indulgentia 7 annorum; plenaria, si per integrum mensem,
suetis conditionibus, S. P. A. 10 Mart. 1933

Kýrie, eléison.
Christe, eléison.
Kýrie, eléison.
Christe, audi nos.
Christe, exáudi nos.
Pater de cælis, Deus,
miserére nobis.
Fili, Redemptor mundi,
Deus, miserére.
Spíritus Sancte, Deus, mi-
serére nobis.
Sancta Trínitas, unus
Deus, miserére.
Cor Jesu, Fílii Patris ætér-
ni, miserére.
Cor Jesu, in sinu Vírginis
Matris a Spíritu Sancto
formátum, miserére.
Cor Jesu, Verbo Dei sub-
stantiáliter unítum,
miserére nobis.
Cor Jesu, majestátis infi-
nítæ, miserére.
Cor Jesu, templum Dei
sanctum, miserére.
Cor Jesu, tabernáculum
Altíssimi, miserére.
Cor Jesu, domus Dei et
porta cæli, miserére.
Cor Jesu, fornax ardens
caritátis, miserére.
Cor Jesu, justitiæ et amó-
ris receptáculum,
miserére.
Cor Jesu, bonitáte et amó-
re plenum, miserére.
Cor Jesu, virtútum óm-
nium abyýsus, mis.

Cor Jesu, omni laude di-
gníssimum, miserére.
Cor Jesu, rex et centrum
ómnium córdium, mis.
Cor Jesu, in quo sunt om-
nes thesáuri sapiéntiæ
et sciéntiæ, miserére.
Cor Jesu, in quo hábitat
omnis plenitúdo divini-
tátis, miserére.
Cor Jesu, in quo Pater sibi
bene complácuit, mis.
Cor Jesu, de cujus plenitú-
dine omnes nos accépi-
mus, miserére.
Cor Jesu, desidérium cól-
lium æternórum, mis.
Cor Jesu, pátiens et multæ
misericórdiæ, mis.
Cor Jesu, dives in omnes
qui invocant te, mis.
Cor Jesu, fons vitæ et san-
ctitátis, miserére.
Cor Jesu, propitiatio pro
peccátis nostris, mis.
Cor Jesu, saturátum op-
próbris, miserére.
Cor Jesu, attrítum propter
scélera nostra, mis.
Cor Jesu, usque ad mor-
tem obédiens factum,
miserére nobis.
Cor Jesu, láncea perforá-
tum, miserére.
Cor Jesu, fons totíus con-
solatiónis, miserére.
Cor Jesu, vita et resurre-
ctio nostra, miserére.

Cor Jesu, pax et reconciliatio nostra, miserere.
 Cor Jesu, victima peccatorum, miserere.
 Cor Jesu, salus in te sperantium, miserere.
 Cor Jesu, spes in te morientium, miserere.
 Cor Jesu, deliciæ Sanctorum omnium, miserere.
 Agnus Dei, qui tollis peccata mundi,
 parce nobis, Dómine.
 Agnus Dei, qui tollis peccata mundi,
 exáudi nos, Dómine.
 Agnus Dei, qui tollis peccata mundi, mis. nobis.

℣. Jesu, mitis et húmilis Corde. ℟. Fac cor nostrum secundum Cor tuum.

Orémus.

Oratio

OMnipotens sempitérne Deus, réspice in Cor dilectíssimi Fílii tui, et in laudes et satisfactiões, quas in nómine peccatorum tibi persólvit, íisque misericórdiam tuam peténtibus tu véniam concéde placátus, in nómine ejúsdem Fílii tui Jesu Christi : Qui tecum vivit et regnat in sǎcula sæculórum.
 ℟. Amen.

Litaniæ Lauretanæ B. Mariæ Virg.

Indulgentia 7 annorum. Ind. plenaria, si per integrum mensem, suetis conditionibus, S. P. A. 28 Mart. 1933

Kýrie, eléison.
 Christe, eléison.
 Kýrie, eléison.
 Christe, audi nos.
 Christe, exáudi nos.
 Pater de cælis, Deus,
 miserere nobis.
 Fili, Redemptor mundi,
 Deus, miserere.
 Spíritus Sancte, Deus,
 miserere nobis.
 Sancta Trínitas, unus
 Deus, miserere.
 Sancta María,
 ora pro nobis.
 Sancta Dei Génitrix, ora.
 Sancta Virgo vírginum,
 ora pro nobis.
 Mater Christi, ora.

Mater divínæ grátiae, ora.
 Mater puríssima, ora.
 Mater castíssima, ora.
 Mater invioláta, ora.
 Mater intemeráta, ora.
 Mater amábilis, ora.
 Mater admirábilis, ora.
 Mater boni Consílii, ora.
 Mater Creatóris, ora.
 Mater Salvatóris, ora.
 Virgo prudentíssima, ora.
 Virgo veneránda, ora.
 Virgo prædicánda, ora.
 Virgo potens, ora.
 Virgo clemens, ora.
 Virgo fidélis, ora.
 Spéculum justítiæ, ora.
 Sedes sapiéntiæ, ora.
 Causa nostræ lætítiæ, ora.

Vas spirituále,	ora.	Regína sacratíssimi Ro-	
Vas honorábile,	ora.	sárii,	ora.
Vas insigne devotiónis,		Regína pacis,	ora.
	ora pro nobis.	Agnus Dei, qui tollis pec-	
Rosa mýstica,	ora.	cáta mundi,	
Turris Davídica,	ora.	parce nobis, Dómine.	
Turris ebúrnea,	ora.	Agnus Dei, qui tollis pec-	
Domus áurea,	ora.	cáta mundi,	
Féderis arca,	ora.	exáudi nos, Dómine.	
Jánua cæli,	ora.	Agnus Dei, qui tollis pec-	
Stella matutína,	ora.	cáta mundi,	
Salus infirmórum,	ora.	miserére nobis.	
Refúgium peccatórum,		✠. Ora pro nobis, sancta	
	ora pro nobis.	Dei Génitrix. ✠. Ut digni	
Consolátrix afflictórum,		efficiámur promissiúnibus	
	ora pro nobis.	Christi.	
Auxílium Christianórum,		Orémus.	Oratio
	ora pro nobis.		
Regína Angelórum,	ora.	C	ONCÉDE nos fámulos
Regína Patriarchárum,		tuos, quæsumus, Dó-	
	ora pro nobis.	mine Deus, perpétua men-	
Regína Prophetárum,	ora.	tis et córporis sanitáte	
Regína Apostolórum,	ora.	gaudére : et, gloriósa beá-	
Regína Mártýrum,	ora.	tæ Mariæ semper Vírginis	
Regína Confessórum,	ora.	intercessiône, a præsentí	
Regína Vírginum,	ora.	liberári tristítia, et æténa	
Regína Sanctórum óm-		pérfrui lætítia. Per Chri-	
nium,	ora.	stum, Dóminum nostrum.	
Regína sine labe origináli		✠. Amen.	
concépta,	ora.		

Litaniæ de S. Joseph

Indulgentia 5 annorum. Ind. plenaria, si per integrum mensem, suetis conditionibus, S. P. A. 21 Mart. 1935

K Yrie, eléison.	Fili, Redémptor mundi,
Christe, eléison.	Deus, miserére.
Kýrie, eléison.	Spíritus Sancte, Deus,
Christe, audi nos.	miserére nobis.
Christe, exáudi nos.	Sancta Trínitas, unus
Pater de cælis, Deus,	Deus, miserére.
miserére nobis.	Sancta María, ora pro nobis.

Sancte Joseph,	ora.	Patrónē moriéntium,	ora.
Proles David ínclýta,	ora.	Terror dáemonum,	ora.
Lumen Patriarchárum,		Protéctor sanctæ Ecclé-	
	ora pro nobis.	siaë,	ora pro nobis.
Dei Genitrícis sponse,		Agnus Dei, qui tollis pec-	
	ora pro nobis.	cáta mundi,	
Custos pudíce Vírginis,		parce nobis, Dómine.	
	ora pro nobis.	Agnus Dei, qui tollis pec-	
Fílii Dei nutritie,	ora.	cáta mundi,	
Christi defénsor sédule,		exáudi nos, Dómine.	
	ora pro nobis.	Agnus Dei, qui tollis pec-	
Almæ Famíliæ præses,		cáta mundi, mis. nobis.	
	ora pro nobis.	✠. Constituit eum dómi-	
Joseph justíssime,	ora.	num domus suæ. ✠. Et	
Joseph castíssime,	ora.	príncipem omnis posses-	
Joseph prudentíssime,	ora.	siónis suæ.	
Joseph fortíssime,	ora.		
Joseph obedientíssime,		Orémus.	Oratio
	ora pro nobis.		
Joseph fidelíssime,	ora.	D Eus, qui ineffábili pro-	
Spéculum patiéntiæ,	ora.	vidéntia beátum Jo-	
Amátor paupertátis,	ora.	seph sanctíssimæ Genitrí-	
Exémplar opíficum,	ora.	cis tuæ sponsum elígere	
Domésticæ vitæ decus,		dignátus es : præsta,	
	ora pro nobis.	quæsumus; ut, quem pro-	
Custos vírginum,	ora.	tectórem venerámur in	
Familiárum cólumen,	ora.	terris, intercessórem ha-	
Solátium miserórum,	ora.	bére mereámur in cælis :	
Spes ægrotántium,	ora.	Qui vivis et regnas in sæ-	
		cula sæculórum. ✠. Amen.	

FORMULA CONSECRATIONIS SACRATISSIMO CORDI JESU

Indulgentia trium annorum; 7 annorum die quo menstruus
Secessus habetur; plenaria, suetis conditionibus, in fine
cursus exercitiorum spiritualium

S. P. A. 24 Oct. 1935

Domine Jesu, Redém-
ptor noster amanti-
sime et Sacérdos in ætér-
num, nos súpplices tuos, quos appelláre amícos et
sacerdótii tui partícipes fá-
cere dignátus es, propítius
réspecte. Tui sumus, tui per-

pétuo esse vólumus, ideo sacratíssimo Cordi tuo, quod tamquam únicum salútis perfúgium laboránti húmáno géneri ostendísti, dedicámus nos hódie totos et addícimus. Tu, qui sacerdotíbus, Cordis tui cultóribus, úberes divíni ministérii fructus promisísti, fac nos, quæsumus, idóneos in vínea tua operários, vere húmiles et mites, spírítu devotiónis et paciéntiæ plenos, ita flagrántes amóre tui, ut eúmdem caritátis ignem in ánimis fidélium excitáre et fovére non cessémus. Nostra igitur corda incéndio tui Cordis innova, ut jam nihil áliud studeámus, quam tuam promovére glóriam et ánimas tibi lucrári, quas pretiósó sáanguine redemísti. Miserére, Pastor bone, præsértim sacerdotum, fratrum nostrórum, si qui

ambulántes in vanitáte sensus sui te et diléctam Sponsam tuam, Ecclésiám, lacrimábili defectiône contristárunt. Concéde nobis ad tuum compléxum eos redúcere, aut certe ipsórum expiáre delícta, resarcíre damna et dolórem, quo te afficiunt, amóris nostri consolatióne minúere. Sine dénique, te quisque nostrum exóret his Augustíni verbis : O dulcis Jesu, vivas tu in me et concaléscat spírítu meo vivus carbo amóris tui, et excandéscat in ignem perfectum; árdeat júgiter in ara cordis mei, férveat in medúllis meis, flagret in absconditis ánimæ meæ; in die consummationis meæ consummátus invéníar apud te, qui cum Patre et Spírítu Sancto vivis et regnas in sácula sæculórum. Amen.

BENEDICTIONES VARIÆ

Benedictio imaginum

**Jesu Christi Domini nostri,
beatæ Mariæ Virginis et
aliorum Sanctorum**

℣. Adjutórium nostrum in nómine Dómini. ℟. Qui fecit cælum et terram.

℣. Dóminus vobíscum.

℟. Et cum spírítu tuo.

Orémus.

Oratio

OMnípotens sempitérne Deus, qui Sanctorum tuórum imáginés (sive effigies) sculpi aut pingi non réprobas, ut, quóties illas óculis córporis intuémur, tóties eórum actus et sanctitátem ad imitándum memóriæ óculis medité-

mur : hanc, quæsumus, imaginem (seu sculpturam) in honorem et memoriam unigéniti Filii tui, Dómini nostri Jesu Christi (vel beatíssimæ Vírginis Mariæ, Matris Dómini nostri Jesu Christi, vel beáti N. Apóstoli tui, vel Mártiris, vel Pontíficis, vel Confessóris, vel beátæ N. Vírginis, vel Mártiris) adaptátam bene ✠ dicere et sanctifi ✠ cáre dignéris : et præsta; ut, quicumque coram illa unigénitum Fílium tuum (vel beatíssimam Vírginem, vel gloriósum Apóstolum, sive Mártirem, sive Pontíficem, vel Confessórem, vel gloriósam Vírginem, vel Mártirem) suppliciter cólere et honoráre studúerit, illíus méritis et obténtu a te grátiam in præsentí, et ætérrnam glóriam obtíneat in futúrum. Per (eúmdem) Christum, Dóminum nostrum. ℟. Amen.

Ultimo aspergat aqua benedicta.

Benedictio domorum extra Sabbatum Sanctum

Parochus seu alii Sacerdotes volentes aliquam particularem domum, vel generaliter domos fidelium infra annum aspergere aqua benedicta, ingredienti domum dicant :

Pax huic dómui et ómnibus habitántibus in ea.

Deinde, loca aspergendo, dicat :

Ant. Aspérge me, Dómine, hyssópo, et mundabor : lavábis me, et super nivem dealbábor.

Ps. 50 Miserére mei, Deus, secúndum magnam misericórdiam tuam.

℟. Glória Patri, etc.

Et repetitur Antiphona Aspérge me, etc.

℟. Dómine, exáudi orationem meam. ℟. Et clamor meus ad te véniat.

℟. Dóminus vobíscum.

℟. Et cum spíritu tuo.

Orémus.

Oratio

EXáudi nos, Dómine sancte, Pater omnipotens, ætérrne Deus : et mittere dignéris sanctum Angelum tuum de cælis, qui custódiat, fóveat, protégat, vísitet atque deféndat omnes habitántes in hoc habitáculo. Per Christum Dóminum nostrum. ℟. Amen.

Deinde aspergat aqua benedicta.

Benedictio Rosario rum B. Mariæ V.

Formula brevior
(approbata a S. R. C.
die 23 Nov. 1918)

AD laudem et glóriam Deíparæ Vírginis Mariæ, in memoriam mysteriorum vitæ, mortis et re-

surrectiõnis ejusdem Dómini nostri Jesu Christi, bene ✠ dicá(n)tur et sancti ✠ ficé(n)tur hæc (hæ) sacratíssimi Rosárii coronæ (æ) : in nómine Patris, et Filii, ✠ et Spíritus Sancti. Amen.

Stola et aqua benedicta adhiberi possunt ad libitum.

Si fuerint plures coronæ dicatur in plurali.

Benedictio ad quodcumque comestibile

℣. Adjutórium nostrum in nómine Dómini. ℟. Qui fecit cælum et terram.

℣. Dóminus vobíscum.

℟. Et cum spíritu tuo.

Orémus.

Oratio

Benedic, ✠ Dómine, creatúram istam **N.**, ut sit remédium salutáre géneri humano : et præsta per invocatióem sancti nóminis tui; ut, quicúmque ex ea sumpserint, cõporis sanitátem et ánimæ tutelám percípiant. Per Christum Dóminum nostrum. ℟. Amen.

Aspergat aqua benedicta.

Benedictio ad omnia

Hæc benedictionis formula adhiberi potest a quovis Sacerdote pro omnibus rebus, de quibus specialis benedictio non habetur in Rituali Romano.

℣. Adjutórium nostrum in nómine Dómini. ℟. Qui fecit cælum et terram.

℣. Dóminus vobíscum.

℟. Et cum spíritu tuo.


Orémus.

Oratio

Deus, cujus verbo sanctificántur ómnia, bene ✠ dictiõnem tuam effúnde super creatúram istam (vel creatúras istas) : et præsta; ut, quisquis ea (vel eis) secúndum legem et voluntátem tuam cum gratiárum actiõne usus fúerit, per invocatiõem sanctíssimi Nóminis tui, cõporis sanitátem et ánimæ tutelám, te auctóre, percípiat. Per Christum Dóminum nostrum.

℟. Amen.

Deinde illam (vel illas) Sacerdos aspergit aqua benedicta.



FORMULÆ BREVISSIMÆ

Formula Baptismi

Si non habeatur aqua baptismalis, et periculum impendeat, Sacerdos utatur aqua simplici, ter vel etiam semel infundens aquam super caput baptizandi in modum crucis, dicens :

N. Ego te baptizo in nómine Patris, ✠ et Fílii, ✠ et Spíritus ✠ Sancti.

Quodsi dubitet an vivat adhuc, dicat :

Si vivis, ego te baptizo in nómine Patris, ✠ et Fílii, ✠ et Spíritus ✠ Sancti.

Formula administrandi Viatici

Accipe, frater (vel soror), Viáticum córporis Dómini nostri Jesu Christi, qui te custódiat ab hoste maligno, et perdúcat in vitam ætérnam. Amen.

Formula Absolutionis sacramentalis

Ego te absolvo ab ómnibus censúris et peccátis, in nómine Patris, ✠ et Fílii, et Spíritus Sancti. Amen.

Formula Extremæ Unctionis

Per istam sanctam Unctiónem ✠ indúlgeat tibi Dóminus quidquid deliquísti. Amen.

Quodsi dubitet an vivat adhuc, dicat :

Si vivis, per istam sanctam Unctiónem ✠ indúlgeat tibi Dóminus quidquid deliquísti. Amen.

Formula Benedictionis Apostolicæ in articulo mortis

Si mors proxime urgeat, dicat :

Ego, facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo. In nómine Patris, ✠ et Fílii, et Spíritus Sancti. Amen.

Per sacrosáncta humánæ reparatiónis mystéria, remíttat tibi omnípotens Deus omnes præsentis et

futuræ vitæ pœnas, paradísi portas apériat et ad gáudia sempitérna perdúcat. *℟.* Amen.

Benedícat te omnípotens Deus Pater, *✠* et Fílius, et Spíritus Sanctus. *℟.* Amen.

In casu vero necessitatis sufficit dicere :

Ego, facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo, et benedíco te. In nómine Patris, *✠* et Fílii, et Spíritus Sancti. Amen.

Formula Absolutionis generalis

impertiendæ Tertiariis sæcularibus in confessionali

Auctoritate a Summis Pontíficibus mihi concéssa, plenáriam ómnium peccatórum tuórum indulgéntiam tibi impértior. In nómine Patris, et Fílii, *✠* et Spíritus Sancti. Amen.

Formula ad impertiendam populo benedictionem

*cum indulgentiæ plenariæ favore
in fine concionum (Missionum, Exercitiorum)*

Hæc benedictio fit per unicum signum crucis cum Crucifixo, adhibita formula :

Benedíctio Dei omnípoténtis, Patris, *✠* et Fílii, et Spíritus Sancti descéndat super vos, et máneat semper. *℟.* Amen.

Decreta authentica S. R. C. 4265 ad III.



INDICES

I. — Index Psalmorum numericus

PSALMUS	PAG.	PSALMUS	PAG.
1	Beatus vir 44	25	Judica me 186
2	Quare fremuerunt . 44	26, i	Dñs illuminatio . . 106
3	Domine, quid . . . 45	26, ii	Exaudi, Domine . . 106
4	Cum invocarem . . 76	27	Ad te, Domine . . 107
5	Verba mea 91	28	Afferte Domino . . 92
6	Dñe, ne in furore . 120	29	Exaltabo te 89
7, i	Dñe, Deus meus . . 120	30, i	In te, Domine . . 109
7, ii	Justum adjutorium. 121	30, ii	Miserere mei, Dñe . 109
8	Dñe, Dñs noster . . 45	30, iii	Quam magna 110
9, i	Confitebor tibi . . . 46	31	Beati quorum . . . 112
9, ii	Psallite Domino . . 46	32, i	Exsultate, justi . . 112
9, iii	Ut quid, Domine . . 47	32, ii	Beata gens 113
9, iv	Exsurge, Domine . . 48	33, i	Benedicam Dñm . . 207
10	In Domino confido . 48	33, ii	Venite, filii 208
11	Salvum me fac . . . 162	34, i	Judica, Domine . . 125
12	Usquequo 163	34, ii	Surgentes testes . . 126
13	Dixit insipiens . . . 82	34, iii	Confitebor 126
14	Dñe, quis habitabit. 83	35	Dixit injustus . . . 221
15	Conserva me 163	36, i	Noli æmulari . . . 127
16	Exaudi Domine . . . 83	36, ii	Melius est 128
17, i	Diligam te 84	36, iii	Os justi 129
17, ii	Misit de summo . . 85	37, i	Dñe, ne in furore . 130
17, iii	Et dedisti 86	37, ii	Amici mei 130
18, i	Cæli enarrant . . . 100	38	Dixi : Custodiam . . 131
18, ii	Lex Domini 100	39, i	Exspectans 149
19	Exaudiat te 87	39, ii	Annuntiavi 150
20	Domine, in virtute . 88	39, iii	Confundantur . . . 150
21, i	Deus, Deus meus . . 273	40	Beatus qui 152
21, ii	Circumdederunt . . 273	41, i	Quemadmodum . . 152
21, iii	Qui timetis 274	41, ii	Ad meipsum 153
22	Dominus regit me . . 231	42	Judica me 133
23	Domini est terra . . 99	43, i	Deus, auribus . . . 155
24, i	Ad te, Dñe, levavi . 143	43, ii	Nunc autem 155
24, ii	Dulcis et rectus . . 143	43, iii	Si obliti sumus . . 156
24, iii	Oculi mei 143	44, i	Eructavit 168

44, ii	Audi, filia	168	72, ii	Ideo convertetur . .	238
45	Deus noster	169	72, iii	Verumtamen	238
46	Omnes gentes	90	73, i	Ut quid, Deus	240
47	Magnus Dominus . . .	170	73, ii	Usquequo	240
48, i	Audite hæc	170	73, iii	Memor esto	241
48, ii	Hæc via	171	74	Confitebimur	243
49, i*	Deus deorum	172	75, i	Notus in Judæa . . .	243
49, ii	Peccatori	172	75, ii	Tu terribilis es . . .	243
49, i**	Deus deorum	175	76, i	Voce mea	292
49, ii	Audi, populus	175	76, ii	Deus, in sancto . . .	292
49, iii	Peccatori	175	77, i	Attendite	255
50	Miserere mei	53	77, ii	Filii Ephrem	255
51	Quid gloriaris	186	77, iii	Et apposuerunt . . .	256
52	Dixit insipiens	187	77, iv	In omnibus his . . .	257
53	Deus, in nomine . . .	59	77, v	Non sunt recordati .	257
54, i	Exaudi, Deus	193	77, vi	Audivit Deus	258
54, ii	Ego autem	194	78	Deus, venerunt . . .	259
55	Miserere mei	196	79, i	Qui regis Israel . . .	279
56	Miserere mei	196	79, ii	Vineam de	280
57	Si vere	197	80	Exsultate Deo	260
58, i	Eripe me	199	81	Deus stetit in	280
58, ii	Deus ostendet	200	82	Deus, quis	261
59	Deus, repulisti	200	83, i	Quam dilecta	282
60	Exaudi, Deus	208	83, ii	Domine, Deus	282
61	Nonne Deo	213	84	Benedixisti	264
62	Deus, Deus meus . . .	50	85	Inclina	293
63	Exaudi, Deus	306	86	Fundamenta	282
64	Te decet	177	87	Dñe, Deus salutis . .	335
65, i	Jubilare Deo	213	88, i	Misericordias	284
65, ii	Introibo	214	88, ii	Tunc locutus	285
66	Deus misereatur . . .	134	88, iii	Tu vero	286
67, i	Exsurgat Deus	215	89	Domine, refugium . .	220
67, ii	Dominus dabit	215	90	Qui habitat	77
67, iii	Viderunt	216	91	Bonum est	306
68, i	Salvum me	217	92	Dominus regnavit . .	49
68, ii	In multitudine	218	93, i	Deus ultionum	317
68, iii	Ego sum pauper	218	93, ii	Beatus homo	318
69	Deus, in adjutorium	250	94	Venite, exsultemus . .	3
70, i	In te, Dñe, speravi . .	250	95	Cantate Domino . . .	132
70, ii	Confundantur	251	96	Dominus regnavit . .	176
71, i	Deus, judicium	231	97	Cantate Domino . . .	220
71, ii	Coram illo	232	98	Dominus regnavit . .	262
72, i	Quam bonus	237	99	Jubilare Deo	50

100	Misericordiam . . .	177	118, x	Clamavi . . .	71
101, i	Domine, exaudi . . .	324	118, xi	Principes . . .	72
101, ii	Tu exurgens . . .	324	119	Ad Dominum . . .	116
101, iii	Respondit ei . . .	325	120	Levavi oculos . . .	116
102, i	Benedic, anima . . .	335	121	Lætatus sum . . .	116
102, ii	Quomodo . . .	336	122	Ad te levavi . . .	157
103, i	Benedic, anima . . .	326	123	Nisi quia . . .	158
103, ii	Rigans montes . . .	327	124	Qui confidunt . . .	158
103, iii	Quam magnificata . . .	327	125	In convertendo . . .	158
104, i	Confitemini . . .	297	126	Nisi Dominus . . .	159
104, ii	Et vocavit . . .	298	127	Beati omnes . . .	202
104, iii	Misit tenebras . . .	298	128	Sæpe expugnâv. . .	202
105, i	Confitemini Dño . . .	299	129	De profundis . . .	203
105, ii	Et irritaverunt . . .	300	130	Domine, non est . . .	203
105, iii	Et irritaverunt . . .	301	131	Memento, Dñe . . .	203
106, i	Confitemini Dño . . .	302	132	Ecce quam . . .	245
106, ii	Confiteantur Dño . . .	303	133	Ecce nunc . . .	77
106, iii	Confiteantur Dño . . .	304	134	Laudate nomen . . .	134
107	Paratum . . .	318	135, i	Confitemini . . .	245
108, i	Deus, laudem . . .	329	135, ii	Qui percussit . . .	245
108, ii	In memoriam . . .	330	136	Super flumina . . .	246
108, iii	Libera me . . .	330	137	Confitebor tibi . . .	247
109	Dixit Dominus . . .	73	138, i	Dñe, probasti me . . .	287
110	Confitebor . . .	73	138, ii	Confitebor tibi . . .	288
111	Beatus vir . . .	73	139	Eripe me . . .	288
112	Laudate, pueri . . .	74	140	Domine, clamavi . . .	289
113	In exitu Israel . . .	74	141	Voce mea . . .	290
114	Dilexi, quoniam . . .	115	142	Domine, exaudi . . .	263
115	Credidi . . .	115	143, i	Benedictus Dñs . . .	332
116	Laudate Dñm . . .	92	143, ii	Deus, canticum . . .	332
117	Confitemini Dño . . .	54	144, i	Exaltabo te . . .	333
118, i	Beati immaculati . . .	59	144, ii	Miserator . . .	333
118, ii	Retribue . . .	60	144, iii	Fidelis . . .	334
118, iii	Legem pone . . .	66	145	Lauda, anima . . .	178
118, iv	Memor esto . . .	66	146	Laudate Dñm . . .	222
118, v	Bonitatem . . .	67	147	Lauda, Jerusalem . . .	265
118, vi	Defecit . . .	68	148	Laudate Dñm . . .	51
118, vii	Quomodo dilexi . . .	69	149	Cantate Domino . . .	305
118, viii	Iniquos . . .	69	150	Laudate Dñm . . .	308
118, ix	Mirabilia . . .	70			

II. — Index Psalmorum alphabeticus

119	Ad Dominum . . .	116	9, i	Confitebor tibi . .	46
41, ii	Ad meipsum . . .	153	34, iii	Confitebor tibi . .	126
27	Ad te, Domine . .	107	110	Confitebor tibi . .	73
24, i	Ad te, Dñe, levavi .	143	137	Confitebor tibi . .	247
122	Ad te levavi . . .	157	138, ii	Confitebor tibi . .	288
28	Afferte Domino . .	92	104, i	Confitemini Dño . .	297
37, ii	Amici mei . . .	130	105, i	Confitemini Dño . .	299
39, ii	Annuntiavi . . .	150	106, i	Confitemini Dño . .	302
77, i	Attendite . . .	255	117	Confitemini Dño . .	54
44, ii	Audi, filia . . .	168	135, i	Confitemini Dño . .	245
49, ii	Audi, populus . .	175	39, iii	Confundantur . . .	150
48, i	Audite hæc . . .	170	70, ii	Confundantur . . .	251
77, vi	Audivit Deus . . .	258	15	Conserva me . . .	163
			71, ii	Coram illo . . .	232
32, ii	Beata gens . . .	113	115	Credidi . . .	115
118, i	Beati immaculati .	59	4	Cum invocarem . .	76
127	Beati omnes . . .	202			
31	Beati quorum . . .	112	118, vi	Defecit . . .	68
93, ii	Beatus homo . . .	318	129	De profundis . . .	203
40	Beatus qui . . .	152	43, i	Deus, auribus . . .	155
1	Beatus vir . . .	44	143, ii	Deus, canticum . .	332
111	Beatus vir . . .	73	49, i*	Deus deorum . . .	172
33, i	Benedicam Dñm . .	207	49, i**	Deus deorum . . .	175
102, i	Benedic, anima . .	335	21, i	Deus, Deus meus . .	273
103, i	Benedic, anima . .	326	62	Deus, Deus meus . .	50
143, i	Benedictus Dñs . .	332	69	Deus, in adjutorium	250
84	Benedixisti . . .	264	53	Deus, in nomine . .	59
118, v	Bonitatem . . .	67	76, ii	Deus, in sancto . .	292
91	Bonum est . . .	306	71, i	Deus, iudicium . .	231
			108, i	Deus, laudem . . .	329
18, i	Cæli enarrant . . .	100	66	Deus misereatur . .	134
95	Cantate Domino . .	132	45	Deus noster . . .	169
97	Cantate Domino . .	220	58, ii	Deus ostendet . . .	200
149	Cantate Domino . .	303	82	Deus, quis . . .	261
21, ii	Circumdederunt . .	273	59	Deus, repulisti . . .	200
118, x	Clamavi . . .	71	81	Deus stetit . . .	280
106, ii	Confiteantur . . .	303	93, i	Deus ultionum . . .	317
106, iii	Confiteantur . . .	304	78	Deus, venerunt . .	253
74	Confitebimur . . .	243	114	Dilexi, quoniam . .	115

17, i	Diligam te . . .	84	29	Exaltabo te, Dñe .	89
38	Dixi : Custodiam .	131	19	Exaudiat te Dñs .	87
109	Dixit Dominus . .	73	54, i	Exaudi, Deus . .	193
35	Dixit injustus . .	221	60	Exaudi, Deus . .	203
13	Dixit insipiens . .	82	63	Exaudi, Deus . .	306
52	Dixit insipiens . .	187	16	Exaudi, Domine .	83
140	Domine clamavi .	289	26, ii	Exaudi, Domine .	106
7, i	Dñe, Deus meus .	120	39, i	Exspectans . . .	149
87	Dñe, Deus salutis .	335	80	Exsultate Deo . .	260
83, ii	Domine Deus . .	282	32, i	Exsultate, justi .	112
8	Dñe, Dñs noster .	45	67, i	Exsurgat Deus .	215
101, i	Domine, exaudi .	324	9, iv	Exsurge, Domine .	48
142	Domine, exaudi .	263	144, iii	Fidelis	333
20	Dñe, in virtute . .	88	77, ii	Filii Ephrem . .	255
6	Dñe, ne in furore .	120	86	Fundamenta . .	282
37, i	Dñe, ne in furore .	130	48, ii	Hæc via	171
130	Domine, non est .	203	72, ii	Ideo convertetur .	238
138, i	Domine, probasti .	287	85	Inclina, Domine .	293
3	Domine, quid . . .	45	125	In convertendo .	158
14	Domine, quis . . .	83	10	In Dño confido . .	48
89	Dñe, refugium . .	220	113	In exitu Israel .	74
23	Domini est terra .	99	118, viii	Iniquos	69
67, ii	Dominus dabit . .	215	108, ii	In memoriam . .	330
26, i	Dñs illuminatio .	106	68, ii	In multitudine .	218
22	Dñs regit me . . .	231	77, iv	In omnibus . . .	257
92	Dñs regnavit . . .	49	30, i	In te, Domine . .	109
96	Dñs regnavit . . .	176	70, i	In te, Domine . .	250
98	Dñs regnavit . . .	262	65, ii	Introibo	214
24, ii	Dulcis et rectus .	143	65, i	Jubilare Deo . .	213
133	Ecce nunc	77	99	Jubilare Deo . .	50
132	Ecce quam	245	34, i	Judica, Domine .	125
54, ii	Ego autem	194	42	Judica me	133
68, iii	Ego sum pauper .	218	25	Judica me, Dñe .	186
58, i	Eripe me	199	7, ii	Justum adjutorium	121
139	Eripe me, Dñe . .	288	121	Lætatus sum . . .	116
44, i	Eructavit	168	145	Lauda, anima . .	178
77, iii	Et apposuerunt .	256	147	Lauda, Jerusalem .	265
17, iii	Et dedisti	86	116	Laudate Dñm . . .	92
105, ii	Et irritaverunt .	300	146	Laudate Dñm . . .	222
105, iii	Et irritaverunt .	301	148	Laudate Dñm . . .	51
104, ii	Et vocavit	298			
144, i	Exaltabo te, Deus .	333			

150	Laudate Dñm . . .	308	30, iii	Quam magna . . .	110
134	Laudate nomen . . .	134	103, iii	Quam magnificata .	327
112	Laudate pueri . . .	74	2	Quare fremuerunt .	44
118, iii	Legem pone . . .	66	41, i	Quemadmodum . . .	152
120	Levavi oculos . . .	116	124	Qui confidunt . . .	158
18, ii	Lex Domini . . .	100	51	Quid gloriaris . . .	186
108, iii	Libera me . . .	330	90	Qui habitat . . .	77
47	Magnus Dominus . . .	170	135, ii	Qui percussit . . .	245
36, ii	Melius est . . .	128	79, i	Qui regis . . .	279
131	Memento, Dñe . . .	203	21, iii	Qui timetis . . .	274
73, iii	Memor esto . . .	241	118, vii	Quomodo dilexi . . .	69
118, iv	Memor esto verbi . .	66	102, ii	Quomodo . . .	334
118, ix	Mirabilia . . .	70	101, iii	Respondit . . .	325
144, ii	Miserator . . .	333	118, ii	Retribue . . .	60
30, ii	Miserere mei . . .	109	103, ii	Rigans montes . . .	327
50	Miserere mei . . .	53	128	Sæpe expugnav . . .	202
55	Miserere mei . . .	196	68, i	Salvum me fac . . .	217
56	Miserere mei . . .	196	11	Salvum me fac . . .	162
100	Misericordiam . . .	177	43, iii	Si oblitum sumus . .	156
88, i	Misericordias . . .	284	57	Si vere utique . . .	197
17, ii	Misit de . . .	85	136	Super flumina . . .	246
104, iii	Misit tenebras . . .	298	34, ii	Surgentes testes . .	126
126	Nisi Dominus . . .	159	64	Te decet hymnus . . .	177
123	Nisi quia Dñs . . .	158	101, ii	Tu exsurgens . . .	324
36, i	Noli æmulari . . .	127	88, ii	Tunc locutus es . . .	285
61	Nonne Deo . . .	213	75, ii	Tu terribilis es . . .	243
77, v	Non sunt . . .	257	88, iii	Tu vero . . .	286
75, i	Notus in Judæa . . .	243	73, ii	Usquequo, Deus . . .	240
43, ii	Nunc autem . . .	155	12	Usquequo, Dñe . . .	163
24, iii	Oculi mei . . .	143	73, i	Ut quid, Deus . . .	240
46	Omnes gentes . . .	90	9, iii	Ut quid, Dñe . . .	47
36, iii	Os justi . . .	129	94	Venite, exsultemus . .	3
107	Paratum cor . . .	318	33, ii	Venite, filii . . .	208
49, ii	Peccatori . . .	172	5	Verba mea . . .	91
49, iii	Peccatori . . .	175	72, iii	Verumtamen . . .	238
118, xi	Principes . . .	72	67, iii	Viderunt . . .	216
9, ii	Psallite Domino . . .	46	79, ii	Vineam . . .	280
72, i	Quam bonus . . .	237	76, i	Voce mea . . .	292
83, i	Quam dilecta . . .	282	141	Voce mea . . .	290

III. — Index Canticorum

Audite, cæli	311	Domine, audivi	269
Audite verbum	222	Ego dixi	138
Benedicite	50	Exsultavit cor meum . . .	182
Benedictus Dominus	13	Hymnum cantemus	178
Benedictus es, Domine, Deus Israel	92	Magnificat	31
Benedictus es, Domine, Deus patrum nostrorum.	55	Magnus es, Domine	134
Cantemus Domino	226	Miserere nostri	307
Confitebor tibi	96	Nunc dimittis	37
		Vere tu es Deus	264

IV. — Index Hymnorum

Ad regias Agni dapes . . .	31	Iste Confessor Domini . . .	[86]
Æterna Christi munera . . .	[7]	Iste quem læti colimus . . .	758
Æterne Rex altissime . . .	601	Jam Christus astra	657
Alto ex Olympi vertice . . .	[174]	Jam lucis orto sidere . . .	16
Athleta Christi nobilis . . .	985	Jesu, corona celsior	[118]
Audi, benigne Conditor . . .	29	Jesu, corona Virginum . . .	[129]
Aurora cælum purpurat . . .	12	Jesu, Redemptor omnium. . .	[97]
Aurora soli prævia	696	Lustra sex qui jam peregit .	12
Ave, maris stella	[197]	Martyr Dei Venantius . . .	984
Beata nobis gaudia	664	Matris sub almæ numine . .	704
Beate Pastor, Petre	710	Memento, rerum Conditor. .	[217]
Bella dum late	699	Nullis te genitor	833
Cælestis urbs Jerusalem . . .	[162]	Nunc, Sancte, nobis	23
Cælitum, Joseph, decus . . .	748	O gloriosa virginum	[209]
Christe, sanctorum decus . . .	764	Omnis expertem	698
Christo profusum	[55]	O sol salutis, intimis	11
Deus, tuorum militum	[34]	Pange, lingua, gloriosi . . .	5
Dum, nocte pulsa	988	Paschale mundo gaudium . .	[20]
Ex more docti mystico	4	Placare, Christe, servulis . .	777
Exsultet orbis gaudiis	[2]	Quem terra, pontus	[198]
Fortem virili pectore	[150]	Quodcumque in orbe	705
Hujus oratu	[151]	Rector potens	25
Invicte Martyr, unicum	[46]		

Regali solio fortis Iberiæ	829	Te dicimus præconio	690
Rerum, Deus, tenax	27	Te, Joseph, celebrent	747
Rex gloriose Martyrum . . [67]		Te lucis ante terminum	36
Rex sempiternæ Cælitum	5	Te, splendor et virtus	943
Salutis humanæ Sator	600	Tristes erant Apostoli	[6]
Sancta Mater, istud agas	799	Veni, Creator Spiritus	656
Sanctorum meritis	[54]	Vexilla Regis prodeunt	30
Sic patres vitam	702	Virginis Proles... Hæc	[131]
Stabat Mater dolorosa	798	Virginis Proles... Hujus	[131]
Te Deum laudamus	9	Virgo virginum præclara	810

V. — Index Festorum

Achillei et Sociorum Mm.	12 Maji	963
Alexandri I Papæ, Eventii et Theoduli Mm., ac Juvenalis Ep. et Conf. Com.	3 Maji	925
Angelæ Mericiæ Virg.	31 Maji	1016
Aniceti Papæ et Mart.	17 April.	842
Annuntiatio B. Mariæ Virg.	25 Mart.	779
Anselmi Ep., Conf. et Eccl. Doct.	21 April.	842
Antonii de Padua Conf. Com.	13 Junii	1041
Antonini Ep. et Conf.	10 Maji	959
Apolloniæ Virg. et Mart. Com.	9 Febr.	684
Apparitio B. Mariæ Virg. immaculatæ	11 Febr.	689
Apparitio S. Michaelis Archangeli	8 Maji	942
Ascensio Domini		600
Athanasii Ep., Conf. et Eccl. Doct.	2 Maji	908
Augustini Ep. et Conf.	28 Maji	1010
Barnabæ Apostoli	11 Junii	1035
Basilidis, Cyrini, Naboris et Nazarii Mm. Com.	12 Junii	1040
Basilii Magni Ep., Conf. et Eccl. Doct. Com.	14 Junii	1041
Bedæ Venerabilis Conf. et Eccl. Doct.	27 Maji	1004
Benedicti Abbatis	21 Mart.	761
Bernardini Senensis Conf.	20 Maii	993
Bonifatii Ep. et Mart.	5 Junii	1024
Bonifatii Mart.	14 Maji	973
Caji et Soteris Pp. et Mm.	22 April.	846
Casimiri Conf.	4 Mart.	721
Catharinæ Senensis Virg.	30 April.	868
Cathedra S. Petri Ap. Antiochiæ.	22 Febr.	705
Cleti et Marcellini Pp. et Mm.	26 April.	854
Crescentiæ et Soc. Mm. Com.	15 Junii	1042

Crucis Inventio	3 Maji	913
Cyrilli Ep. Alexandrini, Conf. et Eccl. Doct.	9 Febr.	684
Cyrilli Ep. Hierosolymitani, Conf. et Eccl. Doct.	18 Mart.	743
Cyrini et Soc. Mm. Com.	12 Junii	1040
Dolorum septem B. M. V. Fer. VI p. Dom. Passionis		795
Domitillæ Virg. et Soc. Mm.	12 Maji	963
Eleutherii Papæ et Mart. Com.	26 Maji	1001
Ephræm Syri Diaconi, Conf. et Eccl. Doct. Com.	18 Junii	1042
Epimachi et Gordiani Mm. Com.	10 Maji	960
Erasmi Ep. et Soc. Mm. Com.	2 Junii	1020
Eventii et Soc. Mm.	3 Maji	925
Faustini et Jovitæ Mm. Com.	15 Febr.	705
Feliciani et Primi Mm.	9 Junii	1031
Felicis I Papæ et Mart.	30 Maji	1015
Felicitatis et Perpetuæ Mm.	6 Mart.	723
Fidelis a Sigmaringa Mart.	24 April.	848
Franciscæ Romanæ Viduæ	9 Mart.	732
Francisci Caracciolo Conf.	4 Junii	1021
Francisci de Paula Conf.	2 April.	812
Fundatorum septem Ordinis Servorum B. M. V., Cc.	12 Febr.	699
Gabrielis Archangeli	24 Mart.	763
Gabrielis a Virg. Perdolente Conf.	27 vel 28 Febr.	717
Georgii Mart.	23 April.	848
Gervasii et Protasii Mm. Com.	19 Junii	1044
Gordiani et Epimachi Mm. Com.	10 Maji	960
Gregorii Nazianzeni Ep., Conf. et Eccl. Doct.	9 Maji	957
Gregorii I Papæ, Conf. et Eccl. Doct.	12 Mart.	737
Gregorii VII Papæ et Conf.	25 Maji	996
Hermenegildi Mart.	13 April.	828
Inventio S. Crucis	3 Maji	913
Isidori Ep., Conf. et Eccl. Doct.	4 April.	815
Jacobi et Philippi Apostolorum	1 Maji	901
Joannis a Capistrano Conf.	28 Mart.	791
Joannis Ap. et Ev. ante portam Latinam	6 Maji	934
Joannis a S. Facundo Conf. Com.	12 Junii	1040
Joannis Baptistæ de la Salle Conf.	15 Maji	974
Joannis Damasceni Conf. et Eccl. Doct.	27 Mart.	786
Joannis de Deo Conf.	8 Mart.	728
Joannis de Matha Conf. Com.	8 Febr.	683
Joannis I Papæ et Mart. Com.	27 Maji	1004
Joseph, Sponsi B. M. V., Conf.	19 Mart.	747

Joseph, Sponsi B. M. V., Conf. Solemnitas FERIA IV	
infra Hebd. II post Oct. Paschæ	872
— Octava. FERIA IV infra Hebd. III post. Oct. Paschæ	898
Jovitæ et Faustini Mm. Com.	15 Febr. 705
Julianæ de Falconeriis Virg. Com.	19 Junii 1043
Justini Mart.	14 April. 834
Juvenalis Ep. et Conf. ac Soc. Mm.	3 Maji 925
Leonis I Papæ, Conf. et Eccl. Doct.	11 April. 822
Lucii I Papæ et Mart. Com.	4 Mart. 721
Marcelliani et Marci Mm. Com.	18 Junii 1043
Marcellini et Cleti Pp. et Mm.	26 April. 854
Marcellini, Petri atque Erasmi Ep., Mm. Com.	2 Junii 1020
Marci Evangelistæ	25 April. 852
Marci et Marcelliani Mm. Com.	18 Junii 1043
Margaritæ Reginæ, Viduæ	10 Junii 1033
Mariæ Magdalenæ de Pazzis Virg.	29 Maji 1013
Mariæ B. V. Annuntiatio	25 Mart. 779
— — Apparitio	11 Febr. 689
— — septem Dolorum. FERIA VI post Dom. Passionis	795
Martyrum Quadraginta	10 Mart. 735
Matthiæ Apostoli	24 vel 25 Febr. 714
Maximi et Soc. Mm. Com.	14 April. 834
Michaelis Archangeli Apparitio	8 Maji 942
Modesti et Soc. Mm. Com.	15 Junii 1042
Monicæ Viduæ	4 Maji 927
Naboris et Soc. Mm. Com.	12 Junii 1040
Nazarii et Soc. Mm. Com.	12 Junii 1040
Nerei, Achillei et Domitillæ Virg. atque Pancratii	
Mm.	12 Maji 963
Norberti Ep. et Conf.	6 Junii 1029
Pancratii et Soc. Mm.	12 Maji 963
Paschalis Baylon Conf.	17 Maji 981
Patricii Ep. et Conf.	17 Mart. 741
Pauli a Cruce Conf.	28 April. 862
Pauli Apostoli Com.	22 Febr. 706
Pentecostes	656
Perpetuæ et Felicitatis Mm.	6 Mart. 723
Petri Ap. Cathedra Antiochiæ	22 Febr. 705
Petri Cælestini Papæ et Conf.	19 Maji 989
Petri Canisii Conf. et Eccl. Doct.	27 April. 856
Petri Damiani Ep., Conf. et Eccl. Doct.	23 Febr. 711

Petri et Soc. Mm. Com.	2 Junii	1020
Petri Mart.	29 April.	866
Petronillæ Virg. Com.	31 Maji	1016
Philippi et Jacobi App.	1 Maji	901
Philippi Nerii Conf.	26 Maji	1000
Pii V Papæ et Conf.	5 Maji	931
Primi et Feliciani Mm.	9 Junii	1031
Protasii et Gervasii Mm. Com.	19 Junii	1044
Pudentianæ Virg. Com.	19 Maji	989
Quadraginta Martyrum	10 Mart.	735
Resurrectio Domini		500
Roberti Bellarmino Ep., Conf. et Eccl. Doct.	13 Maji	967
Romualdi Abbatis Com.	7 Febr.	683
Scholasticæ Virg.	10 Febr.	687
Septem Dolorum B. M. V. FERIA VI post Dom. Passionis		795
Septem Fundatorum Ordinis Servorum B. M. V., Cc.	12 Febr.	699
Simeonis Ep. et Mart. Com.	18 Febr.	705
Soteris et Caji Pp. et Mm.	22 April.	846
Stanislai Ep. et Mart.	7 Maji	939
Theoduli et Soc. Mm.	3 Maji	925
Thomæ de Aquino Conf. et Eccl. Doct.	7 Mart.	725
Tiburtii, Valeriani et Maximi Mm. Com.	14 April.	834
Ubaldi Ep. et Conf.	16 Maji	978
Urbani I Papæ et Mart. Com.	25 Maji	996
Valentini Presb. et Mart. Com.	14 Febr.	704
Valeriani et Soc. Mm. Com.	14 April.	834
Venantii Mart.	18 Maji	984
Vincentii Ferrerii Conf.	5 April.	820
Vitalis Mart. Com.	28 April.	862
Viti, Modesti atque Crescentiæ Mm. Com.	15 Junii	1042

VI. — Index generalis

Approbatio Ordinarii	ij
Summa Bullarum Summorum Pontificum	iiij
De anno et ejus partibus	v
Tabulæ Paschales	vij
Kalendarium	xij
Duæ Tabellæ ex Rubricis excerptæ	xxiv

Ordinarium divini Officii	1
Psalterium Breviarii Romani	41
Proprium de Tempore	339
Proprium Sanctorum	682
Commune Sanctorum et partes subsequentes	[1] — [305]

VII. — Index Communis Sanctorum et partium subsequentium

Commune Apostolorum extra Tempus Paschale. [2]	Commune Virginum . . [129]
Commune Apostolorum Tempore Paschali . . [4]	Commune non Virginum . [149]
Commune Evangelistarum Tempore Paschali . . [28]	Commune Dedicationis Ecclesiæ [160]
Commune unius aut plu- rium Summorum Pontif. [33]	Commune Festorum Bea- tæ Mariæ Virg. . . . [195]
Commune unius Martyris extra Tempus Paschale. [33 ⁴]	Officium sanctæ Mariæ in Sabbato [211]
Commune plurimorum Martyrum extra T. P. . [53]	Officium parvum B. M. V. [216]
Commune unius aut pluri- morum Martyrum Tem- pore Paschali [74]	Officium Defunctorum . . [226]
Commune Conf. Pontificis [84]	Psalmi Graduales . . . [251]
Commune Doctorum . . [104]	Septem Psalmi Pæniten- tiales [252]
Commune Confessoris non Pontificis [111]	Litaniæ Sanctorum . . . [258]
Commune Abbatum . . [125]	Ordo Commendationis ani- mæ [263]
	Formula ad impertiendam Indulgentiam plenariam in articulo mortis . . [269]
	Benedictio Mensæ . . . [271]
	Itinerarium [274]

VIII. — Appendix

Præparatio ad Missam	[276]
Gratiarum actio post Missam	[288]
Orationes pro opportunitate sacerdotis dicendæ	[290]

LITANIÆ

Litaniæ de sanctissimo Nomine Jesu	[295]
Litaniæ de sacratissimo Corde Jesu	[297]
Litaniæ Lauretanæ B. Mariæ Virg.	[298]

Litaniæ de S. Joseph	[299]
FORMULA CONSECRATIONIS Sacratissimo Cordi Jesu reci- tanda	[300]

BENEDICTIONES

Benedictio imaginum	[301]
Benedictio domorum	[302]
Benedictio Rosariorum B. Mariæ Virg.	[302]
Benedictio ad quodcumque comestibile	[303]
Benedictio ad omnia	[303]
FORMULÆ BREVISSIMÆ	[304]

